





100

One

100

15.5.424

15.5.5.




XXVII

92

17

17



R. P. F.

BENJAMIN
ELBEL
THEOLOGIA
MORALIS.

MINAMOTO
JINRO
AIDORI
21111010

**THEOLOGIA
MORALIS
SACRAMENTALIS
TRIPARTITA.**

PER MODUM CONFERENTIARUM

*Casibus Practicis applicata, & illustrata ad usum tum Curatorum,
tum præsertim pro animarum cura Examinandorum.*

ACCEDUNT

**CONFERENTIÆ THEOLOGICO-MORALES
SEU CASUS CONSCIENTIÆ**

DE RESTITUTIONE

*Tum in Genere, tum etiam in specie secundum generalia morum
principia ex probatis Doctoribus practicè resoluti,*

AUCTORE

R. P. F. BENJAMIN ELBEL

*Ordinis FF. Minorum Recollectorum Almæ Provinciæ Argentinæ,
seu Superioris Germaniæ, SS. Theologiæ Lectore Actuali.*

Ex Libris sig. 10:



Doni: Bernocchi

VENETIIS, MDCCXXXIII.

SUMPTIBUS SOCIETATIS.

SUPERIORUM PERMISSU, AC PRIVILEGIO.

ALDOUS HUXLEY

1894-1963

CLARENCE D. BROWN

1894-1963

ALDOUS HUXLEY

1894-1963

1894-1963

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY

ALDOUS HUXLEY



P R Æ F A T I O

A D L E C T O R E M.



Uam priori anno jam promiseram, partem primam, ad complendam Theologiam Sacramentalem, ecce tibi exhibeo, benevole Lector: Nec mireris, hanc, quæ aliis ordine prima est, in executione ultimam prodire; non enim cogitavimus initio materiam de singulis Sacramentis typis evulgare, quippe quam ab aliis doctissimis, & in praxi versatissimis Viris toties jam pridem evulgatam reperi. Verum, ut aliorum voluntati ac desiderio me accommodarem, universam materiam de Sacramentis in tres partes distribui, quarum hæc prima complectitur ea, quæ de Sacramentis in genere, nec non de Baptismo, Confirmatione, extrema Unctione, Eucharistia, & Ordine in specie, pro praxi frequentius occurrere solent: alteram de Pœnitentiâ, & tertiam de Matrimonii Sacramentis, utpote amplioris praxeos adornavi; hanc enim divisionem magis commodam existimavi, tum ad servandam partium æqualitatem; tum etiam ad majorem legentium commoditatem. Questionibus speculativis vel omnino prætermisiss, vel obiter

duntaxat insinuat, practica quæsitæ, quorum notitiam Curatis, vel etiam Curandis necessariam duxi, perscrutari studui, eademque succinctè non tam meo, quàm aliorum probatissimorum Virorum iudicio & assensu resolvè conatus fui. Quibus hæc angustis non contentus, fusio rem moralium notitiam ambit, Authores citatos consulat & inquirat; in hunc enim finem passim inveniunt citatos. Porro seriè Conferentiarum in cuiusvis opusculi frontispiciò posui, ut ea, quæ in corpore continentur, vel ex fronte paterent. Rursus cuilibet Conferentiæ præmissi summariùm, in quo singulæ quasi resolutiones velut in compendio expressæ cernerentur; nec dubito, quin earum recapitulatiõne, & attentæ Lectiõne, ii, qui Examen proximè subire cogitant, totius materiæ in corpore contentæ species facillè sint recollecturi. Opto jam tibi animatùs benèvole Lector, ut hæc omnia tam ad animæ propriæ, quàm ad aliorum etiam salutem, & vel maxime ad maiorem Dei gloriam cedant, ut sic in Serviliis suis laudetur, & ab omni bus glorificetur Deus ter Optimus Maximus.



E L E N C H U S

C O N F E R E N T I A R U M

P A R T I S P R I M Æ.

Conferentia I.	Conferentia XIII.
D e Natura, numero, effectu & necessitate Sacramentorum in Genere. p. 1.	De Ministro Sacramenti Eucharistiae. 88
Conferentia II.	Conferentia XIV.
De Ministro Sacramentorum N. L. 8	De Subiecto Eucharistiae, ejusdemque dispositione. 87
Conferentia III.	Conferentia XV.
De Sacramentorum Subiecto. 16	De Necessitate, & Obligatione sumendi SS. Eucharistiam. 96
Conferentia IV.	Conferentia XVI.
De Baptismi Natura, ejusdemque institutione, & Materia. 23	De Sacrificio Missae: & quinam illud offerre, vel pro quibus offerri possit, ac debeat. 104
Conferentia V.	Conferentia XVII.
De Forma, & Ministro Baptismi. 29	De Valore Sacrificii, ejusdemque fructibus, & applicatione. 114
Conferentia VI.	Conferentia XVIII.
De Subiecto Baptismi. 36	De Obligatione celebrandi Missas, & de Missarum stipendio. 124
Conferentia VII.	Conferentia XIX.
De Baptismi necessitate, effectu, ac Ceremoniis. 41	De tempore, & loco sacrificandi. 134
Conferentia VIII.	Conferentia XX.
De Sacramento Confirmationis. 47	De Altari, Paramentis, aliisque ad celebrandum necessariis. 142
Conferentia IX.	Conferentia XXI.
De institutione, Materia, Forma, & Effectibus extremæ Unctionis. 53	De Sacramento Ordinis in Genere, nec non de singulis Ordinibus in specie. 155
Conferentia X.	Conferentia XXII.
De Ministro, & Subiecto extremæ Unctionis. 59	De Ministro sacrorum Ordinum, eorumque Subiecto, & de Obligationibus inde resultantibus. 165
Conferentia XI.	
De institutione SS. Sacramenti Eucharistiae, ejusdemque materia. 65	
Conferentia XII.	
De Conditionibus ad materiae consecrationem requisitis, & de ipsa forma consecrationis. 72	

VI
E L E N C H U S
C O N F E R E N T I A R U M
P A R T I S S E C U N D Æ.

Conferentia I.
DE Natura, necessitate, & materia
Sacramenti Pœnitentiæ. 175

Conferentia II.
De Forma absolutionis, seu Sacra-
menti Pœnitentiæ. 196

Conferentia III.
De Contritione seu dolore, seu parte
materiali ad hoc Sacramentum. neces-
saria. 205

Conferentia IV.
De Proposito ad Sacramentum pœni-
tentiæ requisito, ubi etiam de constitutis
in occasione proxima. 217

Conferentia V.
De Confessione Sacramentali, ejusdem-
que obligatione. 230

Conferentia VI.
De Integritate Confessionis, & Exa-
mine conscientie, confessioni præmit-
tendo. 239

Conferentia VII.
De peccatis dubiis, nec non de cir-
cumstantiis, & numero peccatorum con-
fitendis. 246

Conferentia VIII.
De Integritate Confessionis in Mori-
bundo requisito. 257

Conferentia IX.
De Satisfactione Sacramentali. 264

Conferentia X.
De Confessione invalida repeten-
da. 274

Conferentia XI.
De Ministro pœnitentiæ, Ejusdemque
approbatione. 281

Conferentia XII.
De Jurisdictione necessaria Confes-
sario. 290

Conferentia XIII.
De potestate reservandi, & de Casibus
reservatis. 299

Conferentia XIV.
De potestate absolvendi à Casibus re-
servatis. 308

Conferentia XV.
De probitate, & scientia in Confessario
requisita. 318

Conferentia XVI.
De Prudentia Confessarii. 322

Conferentia XVII.
De Modo examinandi pœnitentem, &
de defectibus emendandis in confessionali
fortè admissis aut commissis. 330

Conferentia XVIII.
De Obligationibus, & Officio Confes-
sarii. 338

Conferentia XIX.
De Sigillo Sacramentalis confessionis,
ejusdemque materia. 346

Conferentia XX.
De iis, qui tenentur ad sigillum con-
fessionis, & quomodo liceat vel non li-
ceat uti notitia ex sola confessione com-
parata. 355

E L E N C H U S C O N F E R E N T I A R U M P A R T I S T E R T I Æ.

Conferentia I.

De Natura, & obligatione Sponsalium. pag. 365

Conferentia II.

De Sponsalium dissolutione, & causis ea dissolvendi. 372

Conferentia III.

De Impedimentis Matrimonii in Generale, & de impediendis tantum in Specie. 379

Conferentia IV.

De Impedimento Erroris, & Conditionis. 387

Conferentia V.

De Impedimento Voti, & Ordinis. 393

Conferentia VI.

De Impedimento Cognationis. 398

Conferentia VII.

De Impedimento Criminis. 406

Conferentia VIII.

De Impedimento disparis Cultus, & Vis, seu Metus. 412

Conferentia IX.

De Impedimento Ligaminis, & publicæ Honestatis. 417

Conferentia X.

De Impedimento Affinitatis. 424

Conferentia XI.

De Impedimento Impotentiae, & Etatis. 430

Conferentia XII.

De Impedimento Clandestinitatis, & Raptus. 437

Conferentia XIII.

De Natura, & Essentia Matrimonii, ejusdemque solemnitatibus. 445

Conferentia XIV.

De Matrimonio invalido revalidando. 453

Conferentia XV.

De Divortio, seu solubilitate, & indissolubilitate Matrimonii. 460

Conferentia XVI.

De Matrimonii Usu licito, & debito. 467

Conferentia XVII.

De Matrimonii Usu illicito, seu peccatis Conjugum. 474

Conferentia XVIII.

De Adulterio, & obligatione restituendi inde contracta. 482

Conferentia XIX.

De Abortu, ejusdemque poenis. 490

Conferentia XX.

De impetrandis, vel non impetrandis Dispensationibus super impedimentis Matrimonii. 499

E L E N C H U S C O N F E R E N T I A R U M ;

& Casuum in opusculo de Restitutione resolutorum.

Conferentia I.

DE Restitutione in genere, ejusdemque radicibus. 509

C A S U S

I. De quodam vini negotiatore, inducente præfectum Gabellarum ad dissimulandam exactionem illarum. 512

II. Cujusdam seripete, qui jaculando feras intulit magnum damnum &c. 513

III. De eo, qui mutuum à se postulatū negavit alteri, unde is magnam incidit jacturam & pusillanimitatem. 515

Conferentia II.

De mensura restitutionis in genere, nec non de restitutione debita à possessore bonæ fidei. 517

C A S U S

I. De quodam Cive Augustano, tempore belli Bavarici comparante & emente suppellectilem à militibus raptam. 522

II. De quodam Aurifabro, qui ex massa argenti subtracta cuidam Monasterio calicem confectum, eidem Monasterio vendidit bona fide. 523

III. De eo, qui triennio bona fide possederat fundum alienum. 524

Conferentia III.

De restitutione debita ex delicto formalis injustæ acceptionis à possessore malæ fidei. 528

C A S U S

I. Cujusdam Officialis, qui suo Principali ultra salarium sibi constitutum annuatim notabilem summam subtraxerat. 532

II. Cujusdam poenitentis, qui jam ante tres annos equum furto abstuierat. 534

III. Cujusdam famulæ, quæ speciali industria assueverat victualia minori pretio comparare, residuum verò pretii non Domino suo, sed sibi applicare. 536

Conferentia IV.

De restitutione debita ex delicto formalis injustæ damnificationis. 539

C A S U S

I. De quodam Caupone, qui, ut plures sibi attraheret hospites cerevisiam & alia victualia minori pretio vendidit, non sine aliorum præjudicio. 542

II. De quodam Advocato, non satis defendente causam sui clientis. 543

III. De quodam filio-Familias, subdole impediēte suum Parentem, ne quid legaret ad pias causas. 544

Conferentia V.

De obligatione restituendi debita, ex cooperatione ad injustam damnificationem. 547

C A S U S

I. De quibusdam latrunculis, deprædantibus, & male tractantibus, vel potius torquentibus misellum Rusticum. 552

II. Cujusdam studiosi, qui de alterius consilio pecunias æenopolæ debitas in vacantiis dilapidaverat. 553

III. De quodam Caupone fures recipientem ad hospitium. 554

Conferentia VI.

De obligatione restituendi debita ex Contractu. 557

C A

C A S U S

I. De vendente equum cœcum providente. 561

II. Cujusdam Oenopœ, vendentis vinum lymphatum cariùs, quàm purum. 562

III. Cujusdam Professoris Hungarici Augusta perentis imaginis cupro incisâs prothesibus, seu publica disputatione. 564

Conferentia VII.

De restitutione debita ex læsione proximi in bonis spiritualibus animæ. 567

C A S U S

I. Viduæ, quæ pauperi studioso subministraverat media necessaria ad prosecutionem studiorum, sub spe jungendum illo manus in matrimonium. 571

II. De quadam Vetula, quæ puellam sinistrè informando decepit ut imprægnaretur. 572

III. De quodam juvene sollicitante puellam ad carnalia, & fraudulenter eandem inducente ad copulium. 573

Conferentia VIII.

De restitutione debita ex læsione proximi in bonis Corporis. 576

C A S U S

I. De Rustico, qui alium ligone percutiendo occidit. 579

II. De quodam Nobili provocato ad duellum, qui & provocantem occidit. *Erroneè iterum.* 571

III. Cujusdam puellæ ab alio nobili stemmate nato violenter oppressæ. 572

Conferentia IX.

De restitutione debita ex injusta læsione famæ. 575

C A S U S

I. Cujusdam juvenis in terminis nimis generalibus sese accusantis de detractio-
nibus hinc inde factis. 579

II. Cujusdam famulæ, suam coactionem graviter objurgantis, & ob furtum commissum hinc inde diffamantis & denigrantis. 580

III. De quadam saga, quæ aliam mulierem innocentem apud judicem diffamavit velut complicem malorum, & expertem in eadem arte. 581

Conferentia X.

De restitutione debita ex injusta læsione proximi in bonis fortunæ. 586

C A S U S

I. Cujusdam Uxoratæ, quæ marito ignorantem non pauca subtrahere, & proli-
bus ex priori matrimonio à se susceptis im-
pendere assueverat. 589

II. Cujusdam puellæ, quæ de bonis parentum suorum notabilem summam subtraxerat. 590

III. De quodam mendico, qui, cum ex communi cassa pauperum non obtinisset sustentationem necessariam, coepit hinc inde furari etiam in Ecclesiis. 592

Conferentia XI.

De circumstantiis restitutionis. 595

C A S U S

I. De quodam juvene, qui puellam im-
prægnaverat, & postea sparsit, eam ab
alio fuisse imprægnatam. 599

II. Cujusdam ancillæ, quæ everrendo domum invenit tres ducatos. 601

III. Cujusdam possessoris iniqui, qui de consilio Confessarii centum voluit restituere per textum quendam, cuius tamen infidelitate non pervenerat ad manus Domini. 602

Conferentia XII.

De causis excusantibus à restitutione. 605

C A S U S

I. Cujusdam Viduæ illustis, quæ à creditoribus conventa fuit, ut solveret debita à marito contracta. 610

II. De quodam juvene nimis prodigo, qui ob negatum sibi à Curatore subsidium pecuniarium incidit magnas miseras. 611

III. Cujusdam studiosi, qui non obstantibus multis debitis in sæculo contractis, voluit ingredi Religionem. 612

NOI

NOI RIFORMATORI DELLO STUDIO DI PADOVA.

A Vendo veduto per la Fede di Revisione , ed Approvazione del P. F. *Tommaso Maria Gennari Inquisitore*, nel Libro intitolato: *Theologia Moralis, Sacramentalis, Tripartita, Auctore R. P. F. Benjamin Elbel Ordinis F. Minorum Recollectorum &c.* non v'esser cos' alcuna contro la Santa Fede Cattolica , e parimente per Attestato del Segretario Nostro niente contro Principi, e buoni costumi, concediamo Licenza a *Sebastiano Coletti Stampatore*, che possa esser stampato, osservando gli ordini in materia di stampe , e presentando le solite copie alle Pubbliche Librerie di Venezia , e di Padova.

Dat. 29. Aprile 1732.

(
(*Alvise Pisani* Kav. Proc. Rif.
(*Z. Piero Pasqualigo* Rif.

Agostino Gadaldini Segr.

1732 19 Maggio
Registrato nel Magistrato Eccellentissimo contro la Bestemmia.

Angelo Legrenzi Segr.

THEO-



THEOLOGIAE MORALIS SACRAMENTALIS TRIPARTITAE CONFERENTIA PRIMA.

De Natura, Numero, Effectu, & Necessitate
Sacramentorum in genere.

SUMMARIUM.

- 1 Sacramentum est signum visibile invisibilis gratiae.
- 2 Sacramenta N. L. dantur septem.
- 3 Tam in statu Legis Naturae, quam Moysae fuit à DEO institutum remedium quoddam expiativum peccati originalis; quod habuit rationem Sacramenti propriè talis.
- 4 Satisfit cuidam instantiae ex SS. Patribus desumptae.
- 5 Omnia Sacramenta N. L. tribus perficiuntur, scilicet materia, forma, & Persona Ministris &c.
- 6 Omnium Sacramentorum materia & forma, saltem quoad substantiam fuit à Christo Domino determinata;
- 7 Hinc mutatio substantialis obstat valori Sacramentorum, non item accidentalis.
- 8 Quenam censeatur mutatio substantialis, & quanam accidentalis tantum.
- 9 Inter applicationem materiae & formae necessaria est quaedam similitudo moralis.
- 10 Effectus Sacramentorum est duplex. Primarius est gratia sanctificans: Secundarius character.
- 11 Sacramenta ejusdem speciei conferunt aequalem gratiam aequaliter dispositis; Inaequalem verò inaequaliter dispositis.
- 12 Quomodo Sacramenta N. L. sint necessaria.
- 13 Resolvitur Casus I. de Confessario, qui formam absolutionis interrupt.
- 14 Resolvitur Casus II. de Sacerdote scrupuloso, repetente verba Consecrationis.
- 15 An bestiani maculatam licitè consecraverit.
- 16 Resolvitur Casus III. de Obstetrice, mutante formulam Baptismi.
- 17 Quid si habuisset intentionem faciendi, quod facit Ecclesia, & tamen errasset?
- 18 Cur Martyrium, Sacrificium Missae, & Lotio pedum non sint Sacramenta.
- 19 Nec Pontifex, nec Ecclesia competit potestas

Elbel Theol. P. I.

A

testis

ressas mutandi Sacramenta quoad substantiam.

20. & 21. Solvuntur duæ instantiæ contra hoc.

21. Qui scienter suscipit Sacramentum vi-
vorum in statu disgratiæ, per se lo-
quendo peccat mortaliter.

§. I.

Præmittuntur, & breviter resolvuntur
quæsitæ, scitu necessaria ad debitè re-
solvendos Casus de Materia, &
Forma Sacramentorum.



Uæres primò, quid sit Sa-
cramentum propriè dictum?

1. R. Sacramentum propriè acceptum est signum vi-
sibile invisibilis gratiæ, ad
sanctificandum hominem divinitus insti-
tutum. Paulò aliter illud describit Sco-
tus 4. *Dist. 1. q. 2. §. de tertio principali*,
nempe, quòd sit signum sensibile, gratiam
DEI, vel effectum ejus gratuitum ex insti-
tutione divina efficaciter significans, ordi-
natum ad salutem hominis Viatoris. Ex
quibus patet, quòd Sacramentum propriè
dictum debeat esse 1. signum visibile, seu
sensibile, id est aliquo sensu v. g. visu,
auditu &c. perceptibile. 2. Debet significare
gratiam DEI, id est, qualitatem illam su-
pernaturalem, qua homo justus, sanctus,
& Deo gratus efficitur. Vel 3. Effectum e-
jus gratuitum; quod addit Doctor subtilis
propter venerabile Sacramentum Eucharis-
tiæ; hoc enim, utpote consistens *in facto*
esse, primariò & immediatè significat ver-
um Corpus & Sanguinem Christi, reali-
ter sub speciebus consecratis contentum,
quamvis postea dignè sumentibus conferat
gratiam sanctificantem ex opere operato.
Et quoniam Christus sub dictis speciebus
ex gratuita voluntate Dei existit; hinc be-
ne dicitur effectus DEI gratuitus. 3. De-
bet Sacramentum gratiam significare effi-
caciter, id est, ita, ut significando infal-
libiliter causet gratiam. Et quidem ex in-
stitutione divina, seu stabili, firma, &
perpetuò valitura constitutione Dei; Qui,
sicut solus potest infallibiliter causare gra-
tiam; ita solus etiam potest instituere Sa-

cramenta, seu signa collativa gratiæ. Et
cùm omnium Sacramentorum finis sit,
Sanctificatio Corporis Ecclesiastici ex fide-
libus constituti; hinc additur: *ordinatum*
ad salutem hominis Viatoris.

Quæres secundo. Quot sint Sacramenta
N. Legis?

2. R. Sunt septem. Ita tanquam de fide
decidit Concilium Trid. *de Sacram. sess. 7. can. 1. ibi: si quis dixerit Sacramenta N. Legis non fuisse omnia à Jesu Christo Domino nostro instituta, aut esse plura, vel pauciora, quàm septem, videlicet Baptis-
mum, Confirmationem, Eucharistiam, Pœ-
nitentiam, extremam Unctionem, Ordinem, & Matrimonium, aut etiam aliquod horum non esse verè & propriè Sacramentum; anathema sit*. Ratio hujus septena-
rii numeri alia dari nequit, quàm benepla-
citu Divinæ voluntatis. Congruentiam
tamen ejusdem Doctores colligunt ex ana-
logia, seu proportionem vitæ spiritualis cum
corporali; quemadmodum enim ad vitam
corporalem septem requiruntur, scilicet
1. Generari. 2. Crescere. 3. Nutrirì.
4. A morbo curari, si contingat in ipsum
incidere. 5. Curari à morbi reliquiis.
6. Per ordinem ad Communitatem habere
potestatem, & officia Rempublicam gu-
bernandi; 7. Pro conservatione generis
humani prolem propagare; ita in vita spi-
rituali requiritur 1. Generatio per Baptis-
mum. 2. Augmentatio, & roboratio per
Confirmationem. 3. Nutritio per Eucha-
ristiam. 4. Remedium contra morbum
peccati, per Pœnitentiam. 5. Remedium
contra peccatorum reliquias, per extre-
mam Unctionem. 6. Potestas regendi, &
gubernandi homines, quæ confertur per
sacrum Ordinem. 7. Ex parte Rempubli-
cæ propagatio hominum ad cultum DEI per
Matrimonium.

Quæres tertio, Utrùm etiam in statu
Legis Naturæ, & Legis Mosaicæ fuerit
Sacramentum propriè dictum?

3. R. Cum Scoto 4. *dist. 1. q. 6. Mastr. Herincz, & aliis SS. communiter affirmativè*. In statu enim Legis naturæ. (qui du-
ravit ab Adamo usque ad Moysen) fuit ali-
quod signum externum, saltem implicite
protestativum fidei in Messiam venturum.
In statu autem Legis Mosaicæ (qui duravit
usque

usque ad promulgationem Evangelii per Apostolos factam) pro sæmellis idem actus fidei adhibebatur, ad delendum peccatum originale: pro Masculis verò instituta fuit Circumcisio. Quod autem habuerint rationem Sacramenti propriæ talis, inde suaderi potest; quia, ut testatur D. Augustinus *lib. 2. de Nupt. & Concupisc. c. 11.* item *l. 5. contra Julian. cap. 11.* tam Circumcisio, quam actus ille protestativus Fidei habebant vim delendi peccatum originale: ergo conferebant gratiam sanctificantem; nam sine hujus infusione, saltem de lege ordinaria, non dimittitur peccatum: atqui non ex opere operantis, puta parvuli circumcisi: ergo ex opere operato; consequenter fuit verum Sacramentum.

Dices: Sancti Patres subinde negarunt, per Sacramenta V. Legis, vel etiam per Circumcisionem collatam fuisse gratiam.

4 R. SS. Patres esse intelligendos de Sacramentis V. Legis improprie talibus cujusmodi erant 1. Esus Agni paschalis, & panum propositionis. 2. Certæ purificationes legales, factæ v. g. per asperersionem sanguinis hircorum, aut vitulorum &c. 3. Item quædam consecrationes Sacerdotum & Levitarum &c. Hæc enim non conferebant gratiam ex opere operato, sed solum ex opere operantis, si fuerunt facta in charitate; aut ad summum conferebant quandam sanctitatem legalem & externam, non item internam. Dum verò SS. Patres subinde negarunt, per Circumcisionem fuisse collatam gratiam, loquuntur comparative ad Baptismum, & innuunt, quod Circumcisio non contulerit gratiam immediate dispositivam ad Cælum, qualem confert Baptismus, prout declaravit Innocent. III. c. *Majores. de Baptis. vid. Reifensuel. Theol. mor. tr. 14. dist. 1. à nu. 12.* Sporer. *Theol. Sacram. part. 1. cap. 1. n. 10.*

Quæres quartò, Utrum Sacramenta N. Legis consent materia, & forma? Et quomodo hæc à Christo D. fuerit determinata?

5 R. Ad primum. Juxta Concil. Florent. in *Decret. Un.* Omnia Sacramenta N. Legis perficiuntur tribus, scilicet *rebus tanquam materia, verbis tanquam forma, & Persona Ministri conferentis Sacramentum cum intentione faciendi, quod facit Ecclesia.*

Sic v. g. in Sacramento Baptismi ablutio dicitur res, & materia Sacramenti; quia per verba: *Ego te baptizo &c.* seu formam, determinatur ad significandam ablationem spiritualem animæ.

6 R. Ad secundum. Omnium Sacramentorum materia & forma fuit à Christo Domino determinata quoad substantiam: non tamen in omnibus æqualiter. Ita cum communi DD. Bosco. *part. 1. disp. 1. sect. 3. num. 25.* Ratio est: quia ut *suprà num. 2.* vidimus, ex Concilio Trid. omnia Sacramenta sunt per Christum instituta: atqui Sacramenta non sunt aliud, quam res & verba: ergo & hæc quoad substantiam à Christo fuisse determinata, necessum est. Cæterum, quod non æqualiter sit determinata, inde colligere licet: quia Christus materiam & formam baptismi determinavit in individuo, scilicet aquam naturalem, cum sequentibus verbis: *Ego te baptizo in nomine Patris &c.* prout habetur *Joann. 3. & Matth. ult.* Pro Sacramento extremæ Unctionis determinavit oleum Olivarum, ut habetur *Jacob. 5. c. & docet praxis Ecclesiæ.* Pro Sacramento Eucharistiæ determinavit panem triticeum, & vinum in specie subalterna (supposito quod sint plures species tritici, & vini) Pro materia Sacramenti Pœnitentiæ remota, peccatum vel mortale, vel veniale, pro proxima Confessionem, vel attritionem, vel contritionem dolorosam. Pro Sacramento Matrimonii contractum legitimum fidelium. Pro Sacramento Ordinis determinavit in genere signum aliquod visibile, utrius determinandum ab Ecclesia cum certa verborum formula, quibus exprimeretur potestas spiritualis conferenda Ordinando. Quæ omnia partim ex Scriptura, partim etiam ex Conciliis, Traditionibus, & communi Theologorum consensu constant.

Quæ. quintò. Quænam mutatio formæ aut materiæ obstat valori Sacramentorum, & quænam non?

7 R. Mutatio substantialis obstat, non item mutatio accidentalis; quamvis etiam hæc, per se loquendo, reddat Sacramenti confessionem illicitam. Ita cum communi Scot. 4. d. 3. q. 2. *Frassen tom. 4. disp. proæm. art. 1. q. 2. n. 14.* Ratio est: quia,

A 2 ut

ut proxime dictum, tota substantia Sacramentorum à Christo Domino fuit instituta, ita, ut eorum tota virtus & efficacia tam in significando, quam in operando inde dependeat: ergo si non adhibeatur res per Christum determinata, non conficitur Sacramentum, bene autem, si adhibeatur. Atqui, ubi fit mutatio accidentalis tantum, adhuc adhibetur res per Christum determinata, non item, si fiat mutatio substantialis: ergo hæc obstat valori, non item illa. Nihilominus quod & mutatio accidentalis reddat Sacramenti consecrationem illicitam, facile suadet ex eo: quia unusquisque Minister tenetur se gerere juxta praxim, & usum communem in Ecclesia receptum: atqui mutat materiam, vel formam Sacramenti, non ita se gerit: ergo peccat. A fortiori, per se loquendo, peccabit mortaliter, qui scienter variat materiam aut formam substantialiter; vel qui sine justa causa utitur materia, aut forma dubia, ubi posset uti certa; quia talis vel administrat Sacramentum sacrilegè, vel certè se exponit periculo sacrilegè administrandi, utique non sine gravissima injuria in Christum Auctorem Sacramentorum, & periculo animarum. Subinde tamen vel ob ignorantiam, vel ob casum necessitatis tales excusari possunt, prout dicitur in tract. de Consec. & Act. hum.

Dices: Sed quænam mutatio censetur substantialis, & quænam accidentalis tantum?

8 R. Cum P. Sporet *cit. p. 1. c. 2. à n. 86. & communi aliorum*. Mutatio substantialis materiæ fieri censetur, quando in consecratione Sacramentorum adhibetur aliqua res, quæ nomine, & ratione, vel saltem usu hominum differt ab illa, quam Christus instituit, aut Ecclesia usurpat. Mutatio vero accidentalis tantum dicitur, quando res, etsi variata vel alterata, retinet tamen nomen, & rationem illius, quam Christus instituit, aut Ecclesia usurpat. Similiter, tunc censetur fieri mutatio substantialis formæ, quando verba non amplius retinent eundem substantialiter sensum, quem Christus voluit exprimi: è contra si eundem adhuc retineant, etsi variata, dicitur fieri mutatio accidentalis tantum.

Quæres sextò. An, vel qualis requiratur similtas materiæ & formæ in consecratione Sacramentorum?

9 R. Requiritur similtas saltem moralis. Ratio est: quia Sacramenta sunt quædam composita moralia: ergo requirunt partium suarum, materiæ scilicet & formæ similitatem saltem moralem. Et quidem in consecratione Eucharistiæ requiritur physica coexistentia & præsentia materiæ consecrabilis pro tempore consecrationis, propter pronomen demonstrativum *hoc*, vel *hic* &c. quod designat materiam permanentem, loco & tempore præsentem Ministro. In reliquis tamen Sacramentis ad valorem non est necessaria physica præsentia vel coexistentia, sed sufficit moralis, prudentum judicio existimanda & mensuranda, juxta significationem formæ, & qualitatem actionis aut materiæ, quam forma afficit. Monent tamen omnes, ut, quantum fieri potest, materia simul cum forma applicetur. Quin immò Scot. 4. *diff. 6. q. 3.* Sporer, Babenstüb. & alii plures meritò peccati mortalis condemnant illum, qui baptizando integram materiam seu ablutionem perficeret, prius quam inciperet pronuntiare formam; eò quod Sacramentum reddat dubium, aut certè illud exponat periculo frustrationis, & prolem periculo æternæ damnationis. *Vid. DD. cit.*

Quæres septimò. Quisnam sit effectus Sacramentorum?

10 R. Effectus est duplex, scilicet gratia, & character, quem nonnulla Sacramenta secundariò conferunt; nam gratia est effectus primarius. Ratio hujus facile eruitur ex dictis: omnia enim Sacramenta principaliter sunt instituta ad hominem sanctificandum: at, homo formaliter sanctificatur per gratiam: ergo necessum est, ut Sacramenta homini primariò, seu per modum effectus primarii conferant gratiam sanctificantem; vel primam, prout faciunt Sacramenta mortuorum, Baptismus scilicet, & Pœnitentia; vel secundam, id est augmentum gratiæ sanctificantis, prout per se loquendo faciunt reliqua quinque Sacramenta, Confirmatio, Eucharistia, extrema Unctio, Ordo, & Matrimonium: quæ propterea appellantur Sacramen-

menta Vivorum, eò quòd supponant hominem spiritualiter viventem, id est, constitutum in gratia, quæ est vita spiritualis animæ: quamvis non raro conferant gratiam primam per accidens, dum bona fide suscipiuntur cum sola attritione. Insuper omnia Sacramenta præter gratiam habitualement (quæ, nisi ponatur obex, statim insinditur in reali susceptione Sacramenti) conferunt quoddam jus ad percipiendas suo tempore gratias actuales, id est, pias quasdam illustrationes intellectus, & commotiones, seu inflammationes voluntatis ad bonum inclinantes. Sic Sacramentum Ordinis confert jus ad percipienda cum tempore gratiæ auxilia, quibus Ordinatus digne obeat functiones sacras. Sacramentum Matrimonii confert jus ad percipienda gratiæ auxilia, quibus Conjuges facilius portent matrimonii onera, & prolem debitè educant.

Porro secundarius nonnullorum (ut diximus) Sacramentorum effectus est character, id est, signum quoddam spirituale, indelebile, in susceptione Sacramenti initerabilis animæ impressum, significans potestatem spiritualem eo Sacramento acquisitam. Tria autem dantur Sacramenta characterem imprimunt, videlicet 1. Baptismus; cujus character est signum ovium Christi. 2. Confirmatio; cujus character est signum Militum Christi. 3. Ordo, cujus character est signum Ministrorum Christi ad cultum DEI specialiter consecratorum. Et quoniam hæc tria solum Sacramenta indelebilem imprimunt characterem, hinc etiam sola hæc tria sunt initerabilia, prout tum ex traditione perpetua, & communi Catholicorum consensu, tum etiam ex Concilio Trid. *suprà cit. Can. 6. 8. & 9. constat. Vide cit. Sporer part. 1. c. 1. n. 34. & seqq.*

Dices: Conferuntne omnia Sacramenta gratiam æqualem?

1. R. Sacramenta ejusdem speciei semper conferunt gratiam æqualem æqualiter dispositis; inæqualem verò inæqualiter dispositis. Ita omnes. Ratio desumitur ex Trident. *sess. 6. c. 7.* ubi de justificatione, quæ fit per Baptismum, agendo ait, *unumquemque recipere gratiam sive iustitiam secundum propriam dispositionem, & cooperationem*; ergo qui magis dispositus acce-

dit, majorem recipit gratiam. Et certè hoc videtur exigere ordo gratiæ, ut, qui diligentius sese præparare satagit ad susceptionem Sacramenti, majorem inde reportet fructum, quatenus homines hoc modo allicerentur ad majorem erga Sacramenta reverentiam.

Dixi tamen: Sacramenta ejusdem speciei &c. Quòd enim Sacramenta diversæ speciei inter se comparata non conferant æqualem gratiam, DD. communiter supponunt, quamvis certò determinari nequeat, quænam excedant. Videtur tamen, cæteris paribus (ait Hericx *disp. 4. n. 31.*) Sacramenta non iterabilia plus gratiæ conferre, ob suam non iterabilitatem, nisi quòd nonnulli excipiant venerabile Sacramentum Eucharistiæ, etsi iterabile; idque ob conjecturam desumptam ex supereminenti illius Sacramenti præ cæteris dignitate.

Quæres tandem octavò, quomodo Sacramenta sint ad salutem necessaria?

1. R. Cum Mastr. *4. disp. 1. n. 36.* Sporer, Sannig, & alii, 1. Sacramenta Baptismi & Pœnitentiæ esse necessaria necessitate mediæ, ita quidem, ut Baptismus vel in re, vel in voto susceptus sit necessarius omnibus omnino hominibus, juxta illud *Joan. 3. nisi quis renatus fuerit denuo, non potest videre Regnum Dei*. Pœnitentia autem iis duntaxat, qui post Baptismum sunt relapsi in peccatum mortale, prout rursus innuitur *Luc. 13. Nisi pœnitentiam habueritis, omnes similiter peribitis*. 2. Sacramenta Ordinis, & Matrimonii pariter sunt simpliciter necessaria toti Communitati Ecclesiæ vagè acceptæ, non tamen cuiquam in particulari, seu determinatè sumpto. Ratio est: quia homines nequeunt salutem consequi, nisi aliqua Sacramenta recipiant, quæ non possunt confici vel ministrari sine Sacerdotibus: acqui Sacerdotes N. L. non habentur, nisi ex Ordinatione, & propagatione humani generis, facienda in matrimonio: ergo. 3. Sacramenta Confirmationis & extremæ Unctionis non sunt necessaria necessitate mediæ, immò nec præcepti, cùm de hoc nullibi constet: solum ergo obligamur ea non contemnere. Tandem Eucharistia necessaria est necessitate præcepti, probabilissimè divini, ut dicemus. *Confer. 13. n. 106.*

§. II.

Proponuntur, & breviter resolvuntur Casus practici, de mutatione Formæ, & Materiz Sacramentorum.

CASUS PRIMUS.

Talius Sacerdos pœnitentem risè (ut crediderat) dispositum absolvit. Verùm, ubi post prolata jam verba absolutionis: ego te absolvo subitè respexit, animadvertit, cum jam discessisse e sacro tribunalì; quapropter eundem revocavit dicendo: quid est hoc? cur non expectastis? revertere, & flecte usque dum te absolverim: quo reverso protulit reliqua verba, scilicet: à peccatis tuis &c. Jam verò dubitat, an bene & validè absolverit, an verò totam debuisse repetere formulam absolutionis? Quid respondendum?

13 R. Si Pœnitens fuit tam propinquus Confessario, ut illum statim potuerit revocare, procul dubio fuit moraliter præsens: proindeque minimè fuisset necessarium illum revocare, sed debuisset reliqua verba absolutionis continuò proseguì. Nihilominus, quamvis supponatur nonnulla verba interlocutus revocandus, quia tamen interruptio & verborum interpositio non fuit tanta, quin verba subsequentià: à peccatis tuis in morali hominum æxistimatione cum præmissis: ego te absolvo apud audientes potuerint facere unam moraliter orationem; hinc dicendum, absolutionem valuisse. Ratio est: quia sicut Sacramentum totum, ita & forma Sacramenti est compositum quoddam morale, integrans unam orationem totalem: ergo illa solum interruptio verborum obstat valori, quæ facit, ut in morali hominum existimatione verba non ampliùs reddant unam orationem & sensum, quem quoad substantiam Christus voluit exprimi: atqui in nostro casu non fuit tanta verborum interruptio, prout à pari colligere licet; nam si quis baptizando diceret: ego te baptizo, & post horum prolationem advertat, aquam esse nimis frigidam, aut infantem mindis accommodè dispositum ad baptizandum, proindeque interponeret: *Infundite parum aquæ calidæ, vel appro-*

plate magis infantem &c. postea prosegueretur reliqua verba: *in nomine Patris, & Filii, & Spiritus sancti*, baptismus procul dubio valeret, prout tenent Tambur. Laym. Diana, Clericatus de Sacram. in Gen. decis. 10. n. 6. Gobat. Theolog. experim. tr. 2. n. 97. Marchant. resolut. pastor. de Sacram. tr. 1. c. 2. n. 2. ad tertium: ergo à pari, ob interpositionem illorum verborum impertinentium minimè impediatur sensus substantialis formæ absolutionis. Unde quemadmodum in tali Casu non esset baptismus necessariò repetendus, ita nec absolutio. Si tamen verba absolutionis repetisset sub conditione, ex pia quadam cautela, vel potiùs scrupulositate, non condemnarem illum gravius peccatì. At cur sub conditione? ais. R. Ne formam repetat super eandem materiam: multi enim Doctores probabiliter tenent, sola hæc verba: *absolvo te*, esse de essentia.

CASUS SECUNDUS.

Semper præsbyter vehementer exagitatur scrupulis, videturque sibi nunquam satis exprimere verba consecrationis. Unde facietur, se nuper consecrasse sequenti modo: hoc, hoc, hoc, est, est, est, corpus, corpus, corpus, meum, meum, meum. Dubitat jam 1. An consecraverit validè? 2. An etiam licitè? ed quod sub actu consecrationis animadvertit, hostiam esse maculatam quadam particula pruna cindem impacta. Quid iudicii?

14 R. ad primum. Sempronius validè consecravit. Ita Clericat. cit. decis. 8. n. 8. Ratio est: quia illa repetitio singularum vocum non auferebat sensum substantialem formæ, prout bene ponderanti facile apparebit. Rectè tamen existimat Gobat cit. tr. 3. n. 94. huiusmodi Repetitores committere peccatum ex genere suo mortale; quia inducunt novum ritum circa actionem omnium gravissimam; mutant formulam sacramentalem; & representant Christum ridiculè loquentem. Credo tamen (subdit idem Doctor) tales coram Deo non peccare graviter; quia scrupuli eos adigunt ad hanc parvam stulticiam.

15 R. Ad secundum. Quod, si macula non fuit enormis, ita, ut forè cum scandalo

dalo potuisset à populo notari, licite omnino consecraverit Ratio est: quia hostiam leviter solum maculatam (vel etiam fractam, aut non integram) sine causa consecrare, non excedit veniale, per se loquendo; eò quòd non videatur gravis irreverentia irrogari Sacramento: ergo talem consecrare cum rationabili causa, qualis est, si hostia jam fuit oblata, vel Sacerdos ad actum consecrationis jamjam pervenerit, prout casus supponit, omni culpa vacat. Quòd si tamen Sacerdos defectum advertisset in Sacristia, vel etiam ante oblationem, & Sacristia alia fuisset petenda, ut tradit Quarti in Rubric. Miss. p. 3. d. 10. n. 19. dub. 1. quem refert, & sequitur La Croix l. 6. p. 1. n. 432. vide etiam Gobat. tr. 3. n. 832.

CASUS TERTIUS.

Caja obsterrix infantem recens natum, & jamjam cum morte luctantem baptizaverat sequens formula: ego te baptizo in nomine Patris, Filii, & Spiritus sancti, & B. Virginis Mariæ, amen. *Querit proin Patrem hujus prolis, qui modum baptizandi gnauiter adverte, an baptismus valeat; tum quia Caja emiserat ly & cum etiam, quia addit nomen B. Virginis Mariæ. Quid respondendum?*

16 R. Valuisse Baptismum. Ratio est: quia licet omiserit particulam &, procul dubio tamen voluit baptizare in nomine Filii æquè, ac Patris. Esto etiam addiderit nomen B. Virginis, minimè tamen dubitandum videtur, quin illud solum voluerit addere causa intercessionis, ad implorandum B. Virginis patrocinium pro conservanda gratia baptismali, prout bene advertit Marchantius noster apud Gobat Theol. exper. tr. 2. n. 94. Secus dicendum foret, si obsterrix in nomine B. Virginis æquè, ac in nomine Trinitatis voluisset baptizare; quia sensus substantialis formæ exigit, ablationem fieri in auctoritate solius Trinitatis, non Quaternitatis, ait Herinx cit. disp. 2. n. 19.

Dices: Sed quid, si obsterrix præfata erroneè existimasset, esse baptizandum in nomine B. Virginis æquè, ac SS. Trinitatis, cæteroquin tamen habuisset intentio-

nem baptizandi eò modò, quo Christus instituit, seu etiam faciendi id, quod facit Ecclesia?

17 R. Si supponatur habuisse hanc intentionem (prout regulariter supponi debet) non est dubitandum, quin valeat baptismus; quia tunc per hanc suam intentionem generalem corripit errorem privatum, quo credidit, Baptismum etiam in nomine B. Virginis esse administrandum. Hinc bene notat Herinx cit. n. 20. quòd, si verba de se sint æquivoca, seu indifferencia ad varios sensus, tunc ex mera intentione proferentis possint determinari ad certum sensum, vel legitimum & validum, vel illegitimum & invalidum. Quare, qui baptizando diceret: *ego te baptizo in nomine Patris*, intelligens non Patrem Divinum, sed proprium prolis; vel, qui consecrando diceret: *hoc est corpus meum*, intelligens non Corpus Christi, sed proprium, nullum conficeret Sacramentum; quia cum hæc verba hic & nunc nihil aliud significant, quàm quod loquens intendit, isque supponatur non intendere corpus Christi, vel Patrem Divinum, variatur sensus substantialis, consequenter nullum conficitur Sacramentum. Vid. DD. cit.

§. III.

Corollaria ex dictis inferenda.

18 **C**olliges ex dictis, nec 1. Martyrium; nec 2. Sacrificium Missæ qua tale; nec 3. Lotionem pedum esse, vel fuisse Sacramentum. Ratio primi est: quia Martyrium non est à DEO institutum, sed potius prohibitum. Ratio secundi: quia Sacrificium qua tale est institutum ad DEUM colendum, non ad hominem sanctificandum, uti Sacramenta. Ratio tertiæ est: quia lotio pedum pariter non fuit instituta ad hominem sanctificandum, sed partim ad præbendum Discipulis & Christi sectatoribus humilitatis exemplum, partim etiam ad docendum, quanta cum animi puritate oporteat accedere ad hoc Sacramentum.

19 Collig. 2. Pontifical & Ecclesiæ non competere potestatem immutandi materias, aut formas Sacramentorum quoad substan-

tiam : Ratio est : quia secundum dicta , omnium Sacramentorum forma & materia , quoad substantiam saltem , fuit à Christo Domino determinata : Ecclesia autem & Pontifex , sine speciali potestate & concessione (de qua hic non constat) nihil valent contra voluntatem Christi Domini : quia lex Superioris per inferiorem tolli non potest . *Clem. Ne Romani . de elect.* Ergo .

Dices . Olim in primitiva Ecclesia conferebatur Diaconatus & Presbyteratus per solam manuum impositionem : sed hoc mutavit Ecclesia Latina : ergo . Confirmatur . Olim valebat contractus matrimonii clandestinus inter fideles , habuitque rationem Sacramenti : at , hoc fuit immutatum per Concilium Tridentinum : ergo .

20 R. Dist. maj. conferebantur per manuum impositionem , ita , ut hæc in individuo fuerit à Christo determinata , neg. ita ut fuerit determinata ab Ecclesia & Apostolis , con. maj. & con. min. neg. conf. Christus enim solum determinavit pro ordinibus conferendis aliquod sensibile , de cætero relinquendo Ecclesiæ , quodnam in individuo vellet adhibere , ad designandam potestatem spiritualem : quare cum Ecclesia etiamnum utatur signo sensibili in collatione ordinum , dici non potest , mutasse materiam quoad substantiam .

21 Ad Confir. R. rursus disting. Maj. valebat contractus matrimonii clandestinus , & hoc idem , quia in Ecclesia habebatur legitimus , con. si non fuisset legitimus , neg. & con. min. neg. conf. Non enim quilibet , sed solum contractum legitimum matrimonii inter fideles celebratum Christus Dominus elevavit ad rationem Sacramenti ; hinc Ecclesia annullando contractum clandestinum , non mutavit Sacramentum directe , sed solum declaravit tale contractum tanquam illegitimum : contractui autem illegitimo nunquam fuit à Christo connexa ratio Sacramenti . Vide Kugler de Matrim. num. 863. Sporer de Matrim. nu. 32.

22 Collig. tertio , Eum , qui in statu disgratiæ scienter suscipit Sacramentum vivorum , peccare mortaliter . Ratio est : quia talis indigne suscipit , & ponit obicem gratiæ sacramentali , utique non sine gravi injuria in Christum Dominum , Aucto-

rem Sacramentorum , prout dicitur inferioris , nu. 60.

CONFERENTIA

SECUNDA.

De Ministro Sacramentorum N. L.

SUMMARIUM.

- 23 *Soli homines Viatores sunt ordinarii Ministri Sacramentorum : extraordinarii possunt esse Angeli .*
- 24 *Ad validam Sacramenti consecutionem nec fides Ministri est necessaria , nec probitas ; bene verò ad licitam ; Unde*
- 25 *Minister specialiter consecratus peccat mortaliter conficiendo Sacramentum in statu disgratiæ ;*
- 26 *Non item Minister non consecratus specialiter .*
- 27 *Explicatur trifaria intentio , actualis , virtualis , & habitualis .*
- 28 *Actualis est omnium optima , non tamen necessaria ; sed*
- 29 *Sufficit virtualis , etiam implicita , faciendi quod facit Ecclesia , seu , quod Christus instituit .*
- 30 *Non tamen sufficit in Ministro intentio habitualis ;*
- 31 *Nisi in solo Matrimonio .*
- 32 *Solvitur quedam instantia de applicatione fructus Sacrificii .*
- 33 *Ministri intentio debet esse absoluta , nec sufficit conditionata de futuro , nisi in solo Matrimonio .*
- 34 *Insuper debet esse determinata ad certam materiam & Personam .*
- 35 *Quomodo regulariter sit formanda intentio ?*
- 36 *Minister per se loquendo peccat mortaliter , administrando Sacramentum indigno .*
- 37 *Peccatori publico neganda est Eucharistia , si publicè petat , si occultè .*
- 38 *Si verò peccator sit occultus , & publicè petat , debet ipsi tribui .*
- 39 *Satisfit eisdem instantiæ in contrarium .*

- 40 *Resolvitur Casus I. de Sacerdote, qui hostiæ minoris, quam secum portaverat ad altare, sub oblatione, & consecratione immemor, nihilominus illam valide consecravit.*
- 41 *Quid si in Sacristia cogitasset: faciam intentionem in Altari?*
- 42 *Resolvitur Casus II. de Clerico, negligente infirmum ex timore infectionis; qui, sicut Parochus proprius, multipliciter peccavit.*
- 43 *Et quid, si non fuisset Parochus proprius, sed Regularis?*
- 44 *Resolvitur Casus III. de duobus Sponsis, quorum unus fatebatur peccatum, alter non: & quid Confessario agendum in tali casu?*
- 45 *An licuerit utrique ministrare Sacramentum Eucharistiæ?*
- 46 *Quisnam censendus sit publicus peccator?*
- 47 *Neque talis fas est dare hostiam non consecratam loco consecratæ.*
- 48 *Sacerdos in statu disgratiæ absolvens, baptizans &c. peccat.*
- 49 *Utrum teneatur præmittere Confessionem?*
- 50 *Excipiendo præcisè Confessionem in statu disgratiæ, vel ministrando aliis Eucharistiam, non peccat graviter.*
- 51 *Absolutio quandoque danda est sub conditione de præterito vel præsentis.*
- 52 *Ministro incumbit graviter attendere ad dispositionem suscipientis Sacramentum.*
- 53 *In confessione Sacramentorum relicta sententia tutiori, minus tutam sequi, nefas est.*
- 54 *Afferuntur tres Regule ex Scoto, in Sacramentorum administratione observandæ.*

§. I.

Præmittuntur, & breviter resolvuntur Quæstæ, scitu necessaria ad debite resolvendos Casus practicos de Ministro Sacramentorum.

QUæres primò, quisnam sit legitimus Minister Sacramentorum N. Legis?

23 R. Soli homines viatores sunt ordi-

narii Ministri, prout contra Seditarios docet Scotus 4. d. 6. q. 1. r. generaliter etiam Herinex p. 4. tr. 2. disp. 3. num. 2. & alii communiter. Ratio est: quia hominibus, & non Angelis Christus Dominus legitur contulisse hanc potestatem. Luc. 22. & Joann. 20. Unde & Apostolus Hebr. 5. ait: omnis namque Pontifex ex hominibus assumptus, pro hominibus constituitur in his, quæ sunt ad Deum: atqui Sacramenta sunt ad Deum: ergo &c. Nihilominus cum & Angeli sancti subinde legantur administrasse Sacramenta, latendum est, quòd & hi possint agere ministros extraordinarios Sacramentorum. Vid. Bosco disp. 1. sect. 7. nu. 9. Est tamen inter ipsa Sacramenta nonnulla differentia, quòd aliqua, scilicet Confirmatio, Ordo, Pœnitentia, Eucharistia, & extrema Unctio requirant Ministrum consecratum, non verò matrimonium, nec Baptismus, qui in casu necessitatis à quolibet homine rationis usu prædito, sive mas sit, sive femina, ministrari potest, prout praxis Ecclesiæ docet.

Quæres secundò, sitne in Ministro necessaria probitas & fides?

24 R. I. Ad valorem nec probitas ministri, nec fides est necessaria. Ita enim expresse decidit Conc. Tr. ss. 7. Can. 12. contra VViclef. & alios hæreticos, oppositum asserentes. Ratio etiam suffragatur: potest enim Minister in statu disgratiæ & infidelitatis constitutus applicare omnia essentialia Sacramentorum, ut puta materiam ac formam cum debita intentione: at, valor Sacramentorum solum dependet ab his tribus, quibus positis certò subsistit: ergo.

25 R. secundò. Probitas tamen est necessaria ad licitam confessionem Sacramentorum, ita, ut Minister specialiter consecratus, in statu disgratiæ conficiendo, seu etiam administrando Sacramentum, per se loquendo (nam per accidens subinde ob ignorantiam vel casum necessitatis excusatur, secundum omnes) peccet mortaliter. Ratio desumitur tum ex Rituali Rom. Pauli V. tit. de iis, quæ in Sacramentorum administratione specialiter observanda sunt. Ubi de Sacerdotibus ex officio ministrantibus Sacramenta dicitur: *Impurè, & in-*

di-

dignè ea ministrantes, in æterna mortis reatum incurrunt. Tum etiam ex eo, quia, ut SS. Patres & DD. communiter fatentur, ipsa ratio naturalis dicitur, graviter adversari reverentiæ, Deo, ac rebus sacris debita, quod hostis Dei & Christi, permanens voluntarius in statu tam indigno, tractet res tam sacras, quibus sanguis Christi, sive ejus merita communicantur, per actionem, ad quam ritè obendam est consecratus, & specialem potestatem ac sanctitatem accepit: atqui agens, quod graviter adversatur reverentiæ Deo debita, peccat mortaliter: ergo.

26 Dicitur tamen est, quod *Minister specialiter consecratus etc. peccet*; etenim plerique Doctores (contra Vasquez & alios, satis probabiliter oppositum tenentes) existimant, ad peccandum mortaliter non sufficere præcisè, quod Minister Sacramentum, seu rem sacram indigne tractet, nisi sit specialiter consecratus ad dignè tractandum; eò quia hoc non videtur tam graviter adversari rectæ rationi, ut gravitatem peccati mortalis conscendat. Ex quo inferunt, Laicum baptizando, & Sponsos præcisè contrahendo, seu conficiendo Sacramentum non peccare graviter.

Quæres tertio, an, & quænam intentio sit necessaria in Ministro ad consecrationem validam Sacramenti?

27 Ante responsionem, suppono cum *Communè DD.* nomine intentionis hic intelligi actum voluntatis, quo aliquid volumus, seu intendimus facere, aut fieri ab alio. Communiter etiam triplex solet distinguì, videlicet 1. actualis. 2. virtualis, & 3. habitualis. Actualis tunc habetur, quando quis v.g. actu consecrans, cogitat seu vult consecrare, & conficere Sacramentum. Virtualis ea dicitur, quæ, licet j. m. actu præterierit, adhuc tamen manet in virtute sua: & talis tunc censetur haberi, quando operans virtute intentionis prius habitæ, facit omnia, quæ operatur: v.g. habet quis intentionem actualem celebrandi Missam, atque ex hac voluntate induit se sacris vestibus, vadit ad altare &c. dum verò celebrat, fit distractus, & ex distractione non advertit, nec considerat actualiter actum, quem exequitur: iste celebrans sic distractus dicitur celebrare cum intentio-

ne virtuali; quia virtute intentionis prius habitæ facit illos omnes actus concernentes Missæ celebrationem. Tandem intentio habitualis aliud non est, quam intentio merè præterita, & non retractata, quæ tamen non ampliùs influit in effectum. Hoc notato.

28 R. Ad quæsitum. Ad validam Sacramenti consecrationem in Ministro 1. optima quidem, non tamen necessaria est intentio actualis; sed 2. sufficit virtualis etiam implicita, faciendi quod facit Ecclesia, seu quod Christus instituit. 3. Non tamen sufficit intentio merè habitualis excepto solo Matrimonio. Scotus 4. d. 6. q. 6. Gobat Sporer, & alii plures.

Ratio primi est: quia non est præsumendum, quod Christus ad valorem Sacramentorum voluerit desiderare aliquid moraliter impossibile: atqui intentio actualis est moraliter impossibilis; quandoquidem spectata hominis fragilitate fieri nequeat, ut Minister nunquam distrahatur, & semper actu adverat, quid agat: ergo intentio actualis non est necessaria.

29 Ratio secundi est: quia intentio virtualis sufficit ad operandum modo humano, & activè influit in opus, facitque, ut actio sit Sacramentalis potius, quam profana: ergo quemadmodum hæc sufficit ad vota, contractus, eorumque valorem & meritum; ita etiam ad consecrationem Sacramentorum. Necessum tamen est, ut Minister saltem implicitè intendat facere Sacramentum, id est, ut intendat facere, quod facit vera Ecclesia, seu (quod idem est) facere, quod Christus instituit, & fieri voluit. Unde non sufficit sola intentio ponendi materiam, & formam Sacramenti; secus enim is, qui joci causa persunderet infantem aqua, dicendo simul: *ego te baptizo etc.* vel qui sub mensam ex Scriptura legeret: *hec est corpus meum*; aut jocando diceret: *ego te absolvo etc.* verè conficeret Sacramentum: quod tamen falsum, immò damnatum est, tum à Leone X. tum etiam ab Alexandro VIII. Vide La Croix l. 6. p. 1. à n. 54.

30 Ratio tertii est: quia intentio Ministri debet esse causa actionis, qua ponitur Sacramentum, ita, ut virtute illius Minister agat

agat in Persona Christi, & modò humano: atqui vi solius intentionis habitualis Minister non est causa actionis sacramentalis modo humano, prout vel inde colligere licet, quòd hujusmodi intentio habitualis sæpe sapius reperitur in homine ebrio, dormiente, aut rationis impote, qui non raro multa operantur ex habitu: ergo hæc non sufficit.

31 Dixi: *Excepto solo Matrimonio*; hujus enim specialis occurrit ratio, prout bene advertunt Lugo, Gobat. *tr. 1. nu. 76. Sporer cit. n. 118.* alique: quia hoc Sacramentum fundatur in natura contractus, quam Christus non immutavit: ergo quem admodum alii contractus perfici possunt, voluntate contrahentium habitualiter perseverante; ita & contractus Matrimonii: quod præcipue contingit, ubi matrimonium contrahitur per Procuratorem, vel etiam sub conditione de futuro; qua adimpleta probabilis absque novo consensu subsistit, licet sponsus aut sponsa supponantur actu dormientes. Vid. DD. *citt. Quibus adde Dicastillo de Sacram. in Gen disp. 3. dubit. 6. n. 137.*

Dices. Intentio habitualis sufficit ad applicandum fructum Sacrificii; nam si Sacerdos alicui dicat: *ego eras pro te offeram Sacrificium*, & hanc suam intentionem non amplius revocet, alter participabit fructum Sacrificii: ergo talis intentio etiam sufficit ad sacrificandum.

32 R. *Nep. Conf. Disparitas in eo sita est, quòd talis oblatio fructus habeat se per modum donationis conditionatæ, si scilicet eras sit celebraturus*: talis autem donatio conditione adimpleta subsistit. Neque intentio applicandi fructum debet esse confectiva fructus, sicut intentio sacrificandi debet esse confectiva Sacrificii, & Eucharistiæ Sacramenti.

Quæres quartò, Utrum Ministri intentio debeat esse absoluta, an verò sufficiat conditionata.

33 R. Debet esse absoluta, vel saltem conditionata de præterito aut præsentem, nec sufficit conditionata sub conditione de futuro, nisi in solo Matrimonio. Ita omnes. Ratio est: quia actio Ministri mediante intentione debet esse efficax: at sola intentio absoluta, & conditionata de

præterito vel præsentem, quippe quæ subsistente conditione statim transit in absolutam, est efficax, non item conditionata de futuro. Et licet hæc aliquando, adimpleta scilicet conditione, supponatur transitura in absolutam, quia tamen tunc non amplius erit materia & forma Sacramenti; hinc nullum conficietur Sacramentum: ergo hæc non sufficit. Excipitur rursus Matrimonium, ob rationem datam n. 31.

Quæres quintò, An intentio Ministri debeat esse determinata ad certam materiam, & Personam?

34 R. *Cum Spor. cit. n. 132. Babenstuber tr. 8. disp. 2. art. 3. n. 16.* affirmative. Ratio est; quia intentio Ministri debet in id, quod per formas Sacramentorum significatur: sed per has significatur materia & Persona determinata, prout patet ex modo loquendi demonstrativo: *ego te baptizo, te absolvo à peccatis, tibi indulgeat Deus &c.* Hinc, qui ex pluribus hostiis vellet unam indeterminatam consecrare, vel ex pluribus confectis unum indeterminatum absolvere, nihil efficeret.

35 Regulariter tamen loquendo, ut rectè advertit Herincx noster *disp. 3. n. 40.* intentio Ministri debet dirigi in præsentem Personam v. g. hic & nunc confectam, quæcumque illa sit, sive Petrus, sive Paulus, Mas vel Fœmina &c. quia tunc Sacramentum erit validum, etsi Confessarius putet esse aliam Personam. Secus dicendum in Matrimonio, ubi Persona solet eligi de industria, ejusdemque error censetur redundare in substantiam contractus.

Quæres sextò, Utrum peccet, qui Sacramentum administrat indigno, seu incapaci gratiæ sacramentalis.

36 Per se loquendo peccat mortaliter, nisi ipsum excuset ignorantia, vel necessitas &c. Ratio autem est: quia Minister ex natura rei obligatur Sacramenta reverenter tractare & fideliter administrare: at, qui scienter ministrat indigno seu immundo, nec reverenter tractat, nec fideliter ministrat: ergo. Et nunquid gravissimè peccatum judicares illum, qui Sacramentum projiceret in cloacam, vel alium locum immundum? atqui t. lis est conscientia peccatoris. Accedit, quòd talis Sacerdos committeretur peccato alterius. Loquimur tamen de

de scienter administrante indigno; enim-
verò ubi indignitas certò non constat, vel
de ea omnino dubitatur, potiùs est præsu-
mendum de dignitate; *quisque enim natu-
raliter præsumitur bonus. cap. dudum. de præ-
sumpt.* Idem dicendum, casu quo indigni-
tas non constat, nisi ex sola confessione
sacramentali; cujus notitia, cùm in foro
fori uti neutiquam liceat, Sacerdos dici
non potest scienter administrare indigno
Sacramentum. Unde

37 R. Jam secundò. Peccatori publico,
seu publicè indigno Sacramentum v. g. Eu-
charistiæ debet denegari; occulto autem,
seu occultè indigno, denegari non debet,
nec potest, si publicè petat, bene verò si
petat privatim. Ita communis DD. *Herincx. disp. 3. n. 58. Bosco disp. 1. Sect. 7.
n. 202. La Croix ubi supra à n. 138.* Et sanè
clarissimis omnino verbis docetur in Ritual.
Rom. tit. de SS. Eucharistiæ Sacramento,
ubi dicitur: *Fideles omnes ad Sacramen-
tionem admittendi sunt, exceptis illis,
qui iusta ratione prohibentur. Arcendi au-
tem sunt publicè indignti, quales sunt ex-
communicati, interdicti, manifestè in-
james, ut meretricii, concubinarij, for-
nicatores, magi, sortilegi, blasphemj, &
alii ejus generis publici peccatores; nisi de
eorum penitentia, & emendatione constet,
& publico scandalo priùs satisfecerint. Oc-
cultos verò peccatores, si occultè petant, &
non eos emendatos agnoverit, repellat: non
autem, si publicè petant, & sine scandalo ip-
sos præterire nequeat.* Hactenus Rituale.
Ex quo faciliè eruitur ratio, cur peccatori
publico publicè, vel etiam occulto, sed
privatim petenti sit negandum hoc Sa-
cramentum; secus enim communitas scan-
dalizaretur, & sine causa sanctum daretur
canibus, contra expressam prohibitionem
Christi Domini *Matth. 7.* quippe solum
periculum talem diffamandi posset excusa-
re Ministrum, ut videbimus; atqui nec
publicus peccator diffamatur; nec pecca-
tor occultus, si huic privatim tantùm po-
stulanti negetur: ergo &c.

38 Cæterùm, quòd peccatori occulto pu-
blicè petenti possit, immò debeat dari Sa-
cramentum Eucharistiæ (contra Clerica-
tum & nonnullos alios) probatur hac ratio-
ne. Tum quia hoc docet Ritual. Rom. cit.

immò verò Christus ipse suo nos docuit
exemplo, dum Judam, quem probè nove-
rat improbum & indignum, communica-
vit; tum etiam quia licitum est alterius pec-
cato cooperari per actionem de se indiffe-
rentem, vel omnino bonam (qualis est ad-
ministratio Eucharistiæ) quando peccatum
illud sine gravissimis incommodis impediri
nequit: atqui in tali casu Minister nequit
impedire peccatum; tum quia aliàs illum
diffamaret publicè; tum etiam quia aliàs
sæpe contingere posset, ut innocentes re-
pellerentur, sive ex odio, sive etiam ex
imprudencia Ministrorum, sicque plures
absterrerentur; adstantes pariter perturba-
rentur; & Ministris gravissimum, immò
importabile onus imponeretur probandi;
talem esse justè repulsum: ergo licet ad-
ministrare &c.

Dices. Potiùs videtur consulendum ho-
nori Christi & Sacramenti, quàm famæ
occulti peccatoris; qui, cùm non vereatur
accedere, debet suæ potiùs, quàm Mini-
stri culpæ imputare, si diffametur: ergo
non licet tali administrare &c.

39 R. Disting. & explicando ant. con-
sulendum potiùs videtur honori Christi,
ita, ut Minister non possit se irreverenter
gerere erga Sacramentum, ut famam pro-
ximi servet, con. ita, ut liceat positivè
alteri auferre famam, ut ab altero etiam
servetur honor debitus Sacramento, neg.
Non enim sunt facienda mala, ut eveniant
bona.

§. II.

Proponuntur, & breviter resolvuntur
Casus practici de Ministro Sacra-
mentorum.

C A S U S P R I M U S.

TItio Sacerdoti jamjam accincto ad ce-
lebrandum, quidam Laicus obtulit
parvam bestiam, petens, ut se sub Sacri-
ficio Missæ communicaret: annuit Titius,
bestiamque minorem supposuit majori super
patenam. Contigit autem, ut ex distra-
ctione, vel etiam oblivione naturali, nec in
actuali oblatione, nec in consecratione am-
plius recordaretur bestia minoris. At verò,
ubi pervenit ad Pater noster, subito illa n-
atret-

advertens jacentem super corporale, obstruit, hestitavitque, an consecrata, proindeque Laico esset administranda, nec ne? Quid iudicii?

40 R. Non est dubitandum, quin consecrata, ideoque Laico fuerit porrigenda. Ratio eruitur facile ex dictis n. 28. quia ad conficiendum quodlibet Sacramentum sufficit intentio virtualis: atqui talem Titius habuit, dum hostiam illam minorem super patenam collocavit, & secum ad altare portavit: ad quid enim, nisi ut illam consecraret? Et nunquid interrogatus, cur illam deportet? quanto: yds vi prioris intentionis (quam exercitè habuit, dum hostiam ad petitionem Laici super patenam posuit) respondisset: *quia volo Laicum communicare, ideoque consecrare illam?* At, qui taliter est dispositus animo, ut statim vi prioris intentionis responderet: *volo hoc vel illud facere &c.* censetur habere, & operari vi intentionis virtualis, prout bene observat pro praxi practicus noster P. Sporer *Theol. Sacram. part. 1. c. 2. n. 108.* ergo &c.

Dices. At quid, si Titius imponendo hostiam patenæ cogitasset intra se: *faciam intentionem consecrandi, dum pervenero ad Altare, & in Altari fuisset oblitus?*

41 R. Minimè tamen dubitandum est, quin esset consecrata, ideoque Laico porrigenda. Ratio eruitur ex dictis: quia non requiritur intentio formalis explicita, sed sufficit implicita, sen etiam in actu exercito: at talem habuit, dum ad petitionem Laici hostiam secum portavit ad Altare: immò juxta Layman *lib. 5. tr. 4. c. 2. n. 14. fin.* Gobat *tr. 3. n. 85.* Sporer *Theolog. Sacram. part. 2. c. 3. n. 169.* talem habere censendus est Sacerdos, hoc ipso, quòd sciat, seu rationali modo adverteat, hostias à se consecrandas ad Altare afferri ab alio: ergo à fortiori, si ipsemet scienter deferat.

CASUS SECUNDUS.

Sempronius Clericus ad infirmum vocatus dissiulit illum invisere duplici de causa; 1. quia audiverat eum laborare morbo pestifero quasi, & infectivo. 2. Quia sciebat se esse in statu disgratiæ. Contigit proin ut infirmus moreretur sine consuetis Ecclesiæ

Sacramentis. Queritur jam, an, vel quomodo Sempronius peccaverit?

42 R. Cum distinctione. Vel enim Sempronius supponitur fuisse Parochus proprius infirmi, vel alius Clericus Regularis aut Sæcularis? Si primum, dicendum; quòd peccaverit mortaliter ex genere suo, & quidem dupliciter, scilicet contra charitatem & iustitiam: quid ni & peccato scandalali? Ratio est: quia secundum omnes, Parochus ratione beneficii non solum titulo charitatis, sed etiam iustitiæ, tenetur succurrere, immò & vitam exponere nedum in extrema, sed & in gravi necessitate spirituali alicujus sibi subiectæ oviculæ, easdemque (juxta Trid. *sess. 23. c. 1. de reform.*) Sacramentorum administratione pascere: ergo si negligat, proptereaque infirmus necessarij subsidio Sacramentorum destituatur, peccat gravissimè, saltem per se loquendo; nam per accidens, ut puta si non advertisset periculum, aut huic ab alio Clerico subventum iri prudenter existimasset, vel, si non diu moram traxisset, vel denique si rationabiliter credidisset, infirmum illum non esse in statu disgratiæ &c. Forsitan excusandus foret, prout volunt Caramuel, Chapeaville, alique apud Gobat. *tr. 1. n. 136.* Quamvis Verius in *Pastor. Mission. tr. 14. art. 2.* apud La Croix *l. 3. p. 1. n. 757.* probabilius dicat, etiam tali, si petat, negari non posse Sacramentum Eucharistiæ, & multò minus Pœnitentiæ; quia infirmus habet jus petendi: ergo Parocho incumbit obligatio ministrandi; præsertim cùm nullus infallibiliter scire queat, si in statu gratiæ, nec ne? juxta estatum *Ecclesiæ. 9. nescit homo, utrum amore dignus sit, aut odio.*

43 Quòd si Sempronius noster supponatur fuisse Clericus Regularis, vel Sæcularis quidem, non tamen Parochus seu Pastor infirmi, rursus discernendum est, & attendendum, utrum infirmus moraliter loquendo potuerit habere alium Confessarium, vel non? si potuit, non peccavit: sin minus, lethalter deliquisse censendus est. Ratio est: quia generali lege charitatis quivis Sacerdos, tam Sæcularis, quàm Regularis tenetur succurrere proximo in gravi necessitate, & periculo animæ (quod semper timendum in mortis articulo) constituto:

stituto: at, si infirmus non potuit habere alium Confessarium, fuit verè constitutus in necessitate gravi: ergo tenebatur etiam Regularis succurrere, non obstante periculo propriæ infectionis. Vide de hoc Sanchez l. 6. mor. c. 2. n. 55. & seqq. Escobar. Theol. mor. lib. 4. p. 104. Laym. l. 2. tr. 3. c. 3.

CASUS TERTIUS.

Quidam sponsus fatebatur, se nocte proximè dilapsa turpiter egisse cum sua sponsa: & quia Cajus Confessarius noverat, illum jam sepiùs relapsum, nec vitasse occasionem proximam, hinc eundem sine absolutione dimisit. Huic proximè successit sponsa, Confessario optimè nota, quæ tamen (forſitan timens negationem absolutionis) nec verbum movit de peccatis laſciviæ cum ſponſo commiſſis; quapropter Cajus dubitat 1. an peſſit, vel debeat illam abſolvere? 2. an ſi uterque petat ſacram Synaxin, tuta conſcientia poſſit illam adminiſtrare? Quid judicet?

44 R. Ad primum. Cajus Confessarius, tenebatur sponsam à longè seu remotè examinare, v. g. interrogando, utrùm nunquam cogitationibus impuris peccaverit, vel quidquam caſtitati contrarium admiserit? Non tamen debet dicere: nunquid jam peccaſti cum tuo ſponſo? quid viſ negare? hoc enim modo ageret contra ſigillum. Quod ſi ſponſa neget, ſe aliquid contra caſtitaſtem deliquiſſe, tenetur illam abſolvere; tum quia pœnitenti, cen Reo ſimul & Aſtori tenetur adhibere fidem tam pro ſe, quàm contra ſe loquenti; tum etiam, quia poteſt præſumere, quod habeat forſitan juſtam cauſam hic & nunc peccatum negandi. Judico tamen oportere, ut illi abſolutionem impertiatur non abſolutè, ſed conditionatè, ſub conditione, ſaltem in mente retenta, dicendo: ſi es diſpoſita, ego te abſolvo &c. Ratio eſt: tum quia Confessarius in his circumſtantibus rationabiliter ſuſpicari, ac timere debet, ne pœnitens ſit indiſpoſita, ſicque Sacramentum reddatur ſacrilegium; tum etiam, quia Confessarii eſt, non ſolùm intendere ſaluti pœnitentis, ſed etiam reverentiæ Sacramenti: atqui

per hujusmodi abſolutionem conditionatam, ſatis conſulitur ſaluti pœnitentis, modò is ſupponatur diſpoſitus, neque per hujusmodi tacitam conditionem ſrangitur ſigillum, ſimulque cavetur reverentiæ Sacramenti, & vitatur ſacrilegium: ergo &c.

45 R. Ad ſecundum. Sacram Synaxin tenetur utrique impertiri. Ratio conſtat ex dictis n. 36. quia ſponſi indignitatem non cognovit, niſi ex ſola confeſſione, ut ſupponitur; hujus autem notiſia uti in foro ſori neutiquam licet; tum etiam, quia poteſt Cajus ſupponere, ſponſum interim vel alteri fuiſſe confeſſum, vel certè contritum. Secus dicendum, ſi Cajus aliunde noſſet, ſponſum eſſe indignum, vel eſſe peccatorem publicum & concubinarium.

Dices. Sed quis cenſendus eſt publicus peccator?

46 R. Cum P. Boſco. diſp. 1. ſect. 7. n. 212. Ille cenſendus eſt, cujus delictum eſt publicum vel evidentiâ juris, id eſt, per ſententiâ Judicis; vel evidentiâ facti, id eſt, quando ita multis & talibus notum eſt, ut nulla tergiverſatione poſſit celari; quia talis abſolutè amiſit juſ ad iſtam: ergo etiam ad Sacramentum, quamdiu non emendaverit ſe. Extendunt autem id Suarez, Rodriquez & alii etiam ad caſum, quod peccatore eſt publica, eaque vehemens, ſeu violenta ſuſpicio, quæ ſcilicet probabili ratione deponi non poteſt, ſive quæ nullam in contrarium admittit probationem; nam & hæc generat moralem certitudinem.

47 Dices iterum. At nunquid in caſu, ubi peccator occultus publicè petit communicari, Sacerdos meliùs faceret, ſi loco hoſtiæ conſecratæ eidem daret non conſecratam?

47 R. Nequaquam faceret meliùs, quin potiùs peccaret mortaliter, partim quia talis ſimulatio videtur mendoſa & pernicioſa; partim etiam, quia vel ſumentis, vel aliis circumſtantibus præberet occaſionem idololatriæ. Hinc Innocentius III. c. de Homine celebrat. Miſſ. in ſimili caſu Interrogatus, reſponſiſſe legitur: *faſa ſunt abſcilienda remedia, quæ veri ſunt periculis graviora.* Et Innocent. XI. damnavit ſequen-

sequentem propositionem n. 29. *urgens metus gravis est causa iusta Sacramentorum administrationem simulandi*. Vide de hoc Carden. *Cris. Theol. dissert. 20. num. 24. Matthæucci in Cautel. Confess. lib. 3. cap. 28. num. 5.*

§. III.

Corollaria ex dictis inferenda.

48 **C**olliges 1. Sacerdotem in statu disgratiæ consecrantem, absolventem, inungentem infirmum &c. Item Episcopum ordinantem, vel confirmantem in statu disgratiæ, peccare mortaliter. Idem dic de Sacerdote vel Diacono in tali statu baptizantibus, licet non solemniter; quia, ut dictum n. 25. tales Sancta non tractant sancte, simulque ut sancte tractarent, specialiter ex officio fuere consecrati, & obligati. Ob eandem rationem probabile est, mortaliter peccare Sacerdotem aut Diaconum, qui ministrat alteri Sacramentum Eucharistiæ, ab alio Sacerdote prius confectum, quamvis Vasquez, alique non minus probabiliter hoc negent. Videatur Laym. l. 3. tr. 1. c. 5. à n. 7. Illung. tr. 6. disp. 1. art. 4. n. 41. Dices: sufficitne, ut Minister priusquam Sacramentum conficit aut ministrat, se in statum gratiæ reponat mediante contritione perfecta, an verò tenetur præmittere confessionem?

49 **R.** Cum communi DD. sufficit si contritionem perfectam eliciat; quia huic competit vis iustificandi; ideoque dignè ministrabit. Confessio verò nullo jure præcipitur, quamvis ob majorem, de statu gratiæ, securitatem oporteat confiteri. Si tamen velit celebrare, tenetur præmittere Confessionem, ubi suppetit copia Confessarii; idque non ratione confessionis Sacramenti, sed ratione sumptionis Eucharistiæ, quam etiam in Laicis debet præcedere confessio, ut monet Apostolus 1. Cor. 11. *probet autem se ipsum homo &c.* & expresse declarat Concilium Trid. ss. 13. de Euchar. cap. 7. Herincx num. 43.

50 Collig. 2. Sacerdotem probabilius non peccare mortaliter præcisè excipiendo confessionem, dummodo ante absolu-

tionem conetur elicere contritionem; quia audiendo præcisè non conficit, nec ministrat Sacramentum, sed potius permissivè, & passivè se habet. Similiter nec peccat mortaliter Sacerdos in statu disgratiæ sacram hostiam præcisè elevando, aut de loco in locum transferendo, cum eadem populum benedicendo &c. Nec Episcopus in tali statu corporalia, calices, oleum pro infirmis benedicendo, vel chrisma conficiendo &c. Neque Diaconus in sacro solemniter sacerdoti ministrando, Evangelium cantando &c. Ratio patet ex dictis: quia talia perageudo non conficiunt Sacramentum, sed solum exercent quædam (ut vocamus) Sacramentalia, seu ritus sacros. Et licet per hoc, quod in malo statu ministrent, inferant Deo, rebusque sacris quandam injuriam, non tamen censetur gravis: secus enim dicendum foret, etiam Ostiarios vel Acolythos in statu disgratiæ sua munia obeuntes peccare mortaliter, eò quod & isti sint specialiter consecrati; quod tamen, sicut à communi DD. iudicio; ita & à veritate alienum meritò reputatur. Vid. Lugo de Sacram. in gen. disp. 8. num. 156. Herincx ubi suprà disp. 3. n. 51. & seqq.

51 Collig. 3. quod, licet absolutio nunquam sit danda sub conditione de futuro v. g. hoc modo: *absolve te, si cras restitues, si concubinam domo ejicies* &c. esset enim invalida ob rationem datam nu. 33. nonnunquam tamen expediat, immò necessarii sit, ut Sacramentum administretur sub conditione de præterito vel præsentis; idque toties, quoties prudenter dubitatur de sufficienti dispositione suscipientis, vel aliis conditionibus ad valorem requisitis. Ratio est: quia per huiusmodi conditionem consulitur & reverentia Sacramenti, & saluti ipsius suscipientis. Hinc Confessarius, qui non potest habere majorem certitudinem de dispositione moribundi, debet, illum absolvere sub conditione hac: *si es actu dispositus*. Attamen citra justam & gravem causam non licet conditionatè tantum absolvere; quia ut advertit cum aliis Sporer tr. 1. n. 129. non licet Sacramentum conferre, vel formam proferre cum dubio, vel incerto eventui aut effectui, absque gravi causa neces-

cessitatis vel utilitatis : si tamen talis sub-
sit , excusatur Minister ab omni culpa .

52 Collig. quarto, Ministro Sacramen-
torum incumbere , ut quantum moraliter
loquendo fieri potest , attendat ad disposi-
tionem subjecti ; quia juxta Apostolum
1. Cor. 4. debet Sacramenta fideliter mini-
strare . Hinc oportet , ut Confessarius ceu
Judeus spiritualis advertat diligenter dispo-
sitionem pœnitentis , utputa an sit verè
contritus , an habeat propositum emen-
dandi &c. Similiter Parochum oportet dis-
quirere , an sponsi volentes contrahere ,
non laborent aliquo impedimento ; item
an intelligant rudimenta fidei . Idipsum
diligenter examinari oportet circa parvu-
los , volentes primò communicare aut con-
fiteri , utrùm scilicet satis intelligant ea ,
quæ sunt necessaria ad susceptionem istor-
um . In Sacramentis tamen Eucharistiæ ,
Confirmationis & extremæ unctionis , tan-
ta non est opus cautela ; cùm quisque præ-
sumendus sit bonus , ideòque ad hæc dis-
positus , nisi contrarium constet . Vid. Bos-
co *cit. num.* 203. vel Clericat. *de Euchar.*
decif. 40.

53 Collig. tandem quinto . Ministrum
peccare mortaliter , si relicta sententia
probabiliori , & tutiori , in confessione Sa-
cramentorum sequatur minùs tutam v. g.
relicta aqua naturali baptizando in aqua
rosacea &c. Ratio est : quia talis exponit
Sacramentum periculo nullitatis ; quando-
quidem valor Sacramenti non dependeat
ex judicio practico , sicut honestas actio-
nis , sed ex materia , & forma a Christo
determinata . Accedit , quòd talis sine cau-
sa exponat infantem periculo damnatio-
nis , ideòque graviter impingit in præce-
ptum charitatis ; immò & justitiæ , si sit
Minister specialiter obligatus ad Sacra-
mentorum administrationem , uti sunt
Parochi , alique beneficia curata possi-
dentes . Hinc justè ab Innocentio XI.
proscripta fuit sequens propositio . n. pri-
ma . *Non est illicitum in Sacramentis con-*
ferendis sequi opinionem probabilem de va-
lore Sacramenti , relicta tutiore , nisi id ve-
teris , conventio , aut periculum gravis
domni incurrendi : hinc sententia probabi-
li tantùm , utendum non est in collatione
Baptismi , Ordinis Sacerdotalis , aut E-

piscopalis . Vide de hoc Matthæucci ubi
suprà l. 2. c. 1. La Croix *lib.* 6. *pag.* 1.
num. 104.

54 Tandem pro praxi observa sequen-
tes tres Maximas seu Regulas , quas , suo
more , sapienter tradit Doctor noster Sub-
tilis 4. d. 3. q. 2. §. *tertiò de fin.* prima est
ista : *si possibilitas adest , via tutissima est*
eligenda . Secunda . *Si non adest possibilitas ,*
via tutissime proxima est tenenda . Tertia
est ista : *cessante impossibilitate cautè est*
supplendum , quod impossibilitas probi-
bebat .

CONFERENTIA

TERTIA.

De Sacramentorum Subjecto.

SUMMARIUM.

- 55 Subjectum capax Sacramenti est solus
homo viator .
- 56 Ad validam susceptionem necessaria est
intentio propria suscipientis in a-
dulto ;
- 57 Non item in Parvulo .
- 58 Sufficit tamen virtualis , vel etiam ba-
bitalis .
- 59 Satisfit cuidam instantiæ in contra-
rium .
- 60 Ut quis licitè suscipiat Sacramentum
mortuorum , non prærequiritur neces-
sariò status gratiæ ;
- 61 Bene verò ut licitè suscipiat Sacramen-
tum vivorum
- 62 Quisnam censeatur Minister indignus ?
- 63 Sine gravi causa non licet à tali petere
Sacramentum ; bene autem subsistente
tali causa .
- 64 Solvitur ; quedam objectio in contra-
rium .
- 65 Ob hujusmodi gravem causam licitum
est , petere & recipere Sacramentum
ab excommunicato tolerato .
- 66 A Ministro autem non tolerato non ita ,
præterquàm in mortis articulo ;
- 67 In quo verosimiliter licet à tali petere
Eu-

Eucharistiam, aut extremam Unctionem.

- 68 *Quinam sint Ministri non tolerati ab Ecclesia?*
- 69 *Resolvitur Casus I. de Moribundo, qui proreftabatur, se quidem venerari Sacramentum extreme Unctionis, volebat tamen illud recipere, quia erroneè existimavit, se non decumbere ad mortem: fuit tamen inunctus.*
- 70 *Unde colligendum, an, vel quando tales habeant intentionem sufficientem?*
- 71 *Resolvitur Casus II. de sponso, qui in statu peccati mortalis matrimonium contraxit, & ad mensam Domini accessit, Confessione non præmissa, eo quòd ad Confessarium non habuerit confidentiam.*
- 72 *Hinc probabilius commisit duplex Sacrilgium.*
- 73 *Et cur talis dici nequeat accessisse perfectè contritus?*
- 74 *Resolvitur Casus III. de Persona, quæ, ne cogereetur sese diffamare, noluit confiteri, alteri, quàm suo Complici, licet indigno;*
- 75 *Videtur tamen probabilius fuisse obligata ut alium accederet.*
- 76 *Et cur hoc periculum infamiae non excuset?*
- 77 *Enumerantur Casus, in quibus à Ministro indigno licitè petitur, & recipitur Sacramentum;*
- 78 *Quod tamen illicitè feret, si possit haberi Minister bonus dignus.*
- 79 *Excipitur probabiliter Casus, ubi Moribundus non habet confidentiam ad Ministrum bonum.*
- 80 *Nunquam licet petere Sacramentum à Ministro in iis circumstantiis, in quibus illud licitè ministrare nequit.*

§ I.

Præmittuntur, & breviter resolvuntur Quæstia, scitu necessaria ad debite resolvendos Casus practicos de subiecto Sacramentorum N. L.

Quæres primò, quinam sint subiectum capax Sacramentorum N. L.?

55 R. Soli homines viatores. Ita om-
Elbel Theol. P. I.

nes. Ratio inde desumitur: quia Sacramenta sunt instituta ad gratiam vel primò dandam, vel augendam: soli verò homines viatores sunt capaces gratiæ dandæ, vel augendæ: ergo soli homines viatores sunt subiectum capax; baptisimū quidem omnes & singuli, modò ipsi velint: reliquorum verò non ita; neque enim omnes sunt capaces Matrimonii, Ordinis &c. ut suis locis videbimus.

Quæres secundò, utrùm ad valide suscipiendum Sacramentum sit necessaria intentio, & quænam?

56 R. Ut Sacramentum validè recipiatur, requiritur in Adultis positiva intentio illud suscipiendi, eaque, si non est formalis, debet esse virtualis, vel interpretativa, vel habitualis. Ita rursus Communis DD: Ratio est, quia sicut Deus non justificat Adultum sine proprio illius consensu; ita congruum est, ut eum per Sacramenta non confeceret, & sanctificet sine ejusdem consensu. Hac de causa Rituale Rom. Pauli V. de baptis. Adult. prohibet illum baptizari, qui aliquando habuit usum rationis, nullam tamen offendit voluntatem suscipiendi baptismum, antequam in amentiam incideret.

57 Dictum tamen fuit: *in adultis &c.* quia Parvuli (ad quos etiam reducuntur perpetuè amentes) non sunt capaces propriæ intentionis; ideoque sufficit in illis intentio Christi, & Ecclesiæ.

58 Dictum est secundò, requiri *intentionem positivam*; quia non sufficit mera carentia intentionis contrariæ. Et additur: eaque *vel virtualis &c.* Non enim necessarium est, ut semper interveniat intentio formalis & expressa, sed in nonnullis Sacramentis sufficit intentio implicita & interpretativa. Hinc vita christianè transacta (ait Herincx. cit. disp. 3. n. 92.) videtur sufficiens, & interpretativa petitio Confirmationis, & extremæ Unctionis ceu mediorum salutis omnibus Christianis valde utiliam; qua ratione Rituale Rom. de extrem. Unct. expressè præscribit, hoc Sacramentum esse præbendum sensibus destitutis, qui antea illud petierunt, seu verosimiliter petiissent, vel dederunt signa contritionis. Idem dicemus furo loco de Sacramento Pœnitentiæ. Baptismus ta-
men,

men, Ordo, & Matrimonium magis expressam requirunt voluntatem saltem habitualiter manentem; eò quòd inducant notabilem status mutationem, cum gravibus oneribus sibi annexis, ut notant communiter DD.

Dices. Suscipiens Sacramentum passivè tantùm se habere debet: atqui passivè se habere potest sine ulla intentione: ergo.

59 R. Dist. Maj. passivè se debet habere, per modum patientis naturalis & necessarij, neg. per modum patientis moralis & voluntarij, con. hoc autem modò se habere nequit sine omni intentione etiam habituali: ergo &c.

Quæres tertio, qualis dispositio requiratur ad licitè suscipienda Sacramenta?

60 R. 1. Ut licitè, & cum fructu recipiantur Sacramenta mortuorum (Baptismus scilicet, & Pœnitentia) 1. non requiritur status gratiæ, bene verò 2. (præter intentionem) actus fidei, & spei: & in eo, qui sibi est conscius peccati mortalis à se commissi, attritio supernaturalis. Conink, Bonacin. de Sacram. in Gen. disp. 1. q. 6. punct. 2. n. 12. & alij communiter. Ratio primi est: quia hæc Sacramenta instituta sunt, ut conferant gratiam primam, & vitam spirituales: ergo hanc non præxiungunt aut supponunt in suscipiente. Ratio autem secundi est: quia teste Apostolo Hebr. 11. *accedentem ad Deum oportet credere quia est, & inquirentibus se remunerator sit*. Cùm verò de facto nullum peccatum dimittatur sine pœnitentia, juxta illud Luc. 13. *nisi pœnitentiam habueritis, omnes similiter peribitis*; hinc necessaria est saltem attritio supernaturalis de peccato personalis; nam originale non est objectum pœnitentiæ, prout alibi dicitur.

61 R. secundò. Ut licitè & fructuosè recipiatur Sacramentum vivorum (præter intentionem) requiritur, ut suscipiens sit in statu gratiæ. Ita cum communi Bonacin. cit. Castropal. 1707. 18. punct. 13. num. 2. Ratio est: quia secundùm dicta n. 10. Sacramenta vivorum per se sunt instituta ad conferendam gratiam non primam, sed secundam: ergo primam supponunt.

Quæres quartò, Utrùm peccet, qui Sacramentum petit, vel etiam recipit a Ministro indigno?

62 Ante responsionem suppono, nomine indigni hic intelligi illum, qui certò nescitur mortaliter peccaturus ministrandò; etenim si de indignitate Ministri non certò constat, unusquisque Clericus (præsertim à Laicis, quorum non est, in vitam & honestatem Clericorum inquirere) præsumi debet bonus, juxta utriusque juris Regulas. Ex quo Doctores inferunt, quòd, si quis sciret Sacerdotem paulò antè peccasse mortaliter, nihilominus licitè ab eo reciperet, & peteret Sacramentum: deberet enim præsumere, illum jam esse perfectè contritum, ideoque dispositum ad ritè subeundum suum officium, nisi palam constaret, eum in diuturna peccandi consuetudine esse inveteratum, aut sòvere occasionem proximam. Hoc not.

63 R. Ad quæsitum. Sine justa & gravi causa non licet Sacramentum recipere, aut petere à Ministro indigno, bene verò si justa subsit causa necessitatis vel utilitatis. Ita cum communi Scot. 4. d. 5. q. 2. §. *quantùm autem Bosco. disp. 1. sect. 8. nu. 62*. Ratio est: quia non licet cooperari alterius peccato, vel ad id præbere occasionem sine gravi causa: bene verò licitum est per actionem de se indifferentem, vel omnino bonam (ut est petitio vel administratio Sacramentorum) occasionem præbere alterius peccato. Hinc DD. communissimè fatentur, ob magnum commodum vel utilitatem licitè ab usurario peti mutuum, tametsi prævideatur non daturus sine usura; item licitè puellam ornari honestè, etsi prævideat, alium oculis captum iri, & lapsurum &c. Etratio à priori est: quia jus meum, seu facultas agendi, non debet impediri per nequitiam alterius; secus enim non liceret mihi rem meam à fure repetere, casu quo præviderem, eum graviter offensum iri, aut blasphematurum &c. quod certò falsum est: ergo ob gravem causam licitè petitur Sacramentum à Ministro indigno, nec petens censeretur debet cooperari peccato alterius, sed potiùs illud permittere.

Dices. Non licet mihi petere medicinam à Medico, quem scio, me sanaturum

rum incantationibus magicis seu superstitionis, licet mediis naturalibus meo mederi posset morbo: ergo nec licitum est petere Sacramentum à Sacerdote seu Medico spirituali, si absque peccato non sit administraturus.

64 R. 1. cum Ledesma, Sanchez. de Matr. l. 7. d. 95. nu. 12. Lessio l. 2. de just. c. 44. dubit. 6. n. 46. negando antecedens: quia mea petitio non videtur causa moralis illius veneficii, quod per accidens, & præter meam intentionem contingit; quandoquidem huius permittendi habeam rationabilem causam. R. 2. Transf. ant. neg. conf. Non enim idem prohibuitur est à tali Medico petere ut me sanet, quia scio eum peccaturum (ipsum enim peccatum obgravem causam recuperandæ sanitatis non teneor impedire) sed idcirco, quia iure naturali & divino est prohibitum, habere quamcunque communicationem, aut commercium cum Dæmone, seu iurato Divinitatis hoste: qui autem admittit talem medicinam, quam scit ex sua natura nullam habere vim, sed solum ex assistentia Dæmonis, censetur habere commercium impliciter cum Dæmone; non item, qui à Sacerdote malo petit Sacramentum.

Quæres quintò, sitne aliquando licitum petere vel recipere Sacramenta à Ministro excommunicato?

65 R. 1. Ob justam causam necessitatis vel utilitatis licet recipere, immò & petere Sacramenta ab excommunicato tolerato. Ita omnes. Ratio est: quia post constitutionem Concilii Constant. *Ad evitanda scandala &c.* Excommunicatus toleratus etiam in divinis non est magis vitandus, quam alii peccatores: ergo ab excommunicato tolerato licet postulare Sacramentum ob causam justam, æque ac ab alio Ministro indigno.

66 R. secundò. Ab excommunicato, vel quocunque alio Ministro non tolerato non licet recipere, multò minus petere Sacramenta; attamen in mortis articulo etiam ab his peti potest Baptismus & Pœnitentia, & verosimiliter Eucharistia, atque extrema Unctio. Ita DD. satis communiter Bosco *sect. 8. n. 79.* & Herinx *cit. n. 109.* Ratio est: quia Ecclesia severissimè prohibet fidelibus communicatio-

neu, præsertim in Divinis, cum excommunicatis non toleratis seu vitandis. Nilominus cum sit benigna Mater, nolens aliquem defectu Sacramentorum perire, permittit fidelibus in mortis articulo constitutis, ut Sacramentum Baptismi & Pœnitentiæ etiam à tali Ministro valeant recipere, prout clarè colligitur ex constitutione Tridentina *sess. 14. de pœnit. cap. 70* ubi sine exceptione dicitur, *in articulo mortis omnes Sacerdotes, quoslibet pœnitentes, à quibusvis peccatis & censuris posse absolvere.*

67 Dixi etiam: & verosimiliter Eucharistia atque extrema Unctio; quia valde probabile est ex multorum sententia, extremam Unctionem posse suscipi à Ministro non tolerato, casu quo non possent infirmo conferri alia Sacramenta, puta pœnitentiæ &c. tunc enim posset esse extrema huius Sacramenti necessitas, ut per hoc conferatur gratia prima per accidens. Idem ob eandem rationem verosimiliter asseritur de Viatico, in defectu aliorum Sacramentorum.

Dices. Quinam ergo sunt Ministri tolerati, & quinam non?

68 R. Cum P. Herinx *cit. disp. 3. n. 108.* & La Croix *l. 6. p. 1. n. 210.* Illi dicuntur non tolerati, qui sunt nominatim excommunicati & publicè denunciati: item notorius percussor Clerici, id est, talis, cujus delictum nulla tergiversatione celari potest: deinde publicè in perpetuum degradati, nominatim suspensi, & publicè irregulares per sententiam. Reliqui omnes censentur tolerati. Vid. Suarez *de censuris. disp. 9. sect. 2.*

§. II.

Proponuntur, & breviter resolvuntur Casus practici, de Subjecto Sacramentorum.

CASUS PRIMUS.

Tlittus extremè decumbens, à suo D. Parocho admonitus, ut reciperet consueta Ecclesiæ Sacramenta, Eucharistiam lubens quidem sumpsit, extremam vero Unctionem recusavit dicens: veneror hoc Sa-

cramentum, sed quia est Sacramentum periculose decumbentium, & apud me nulum est periculum, hinc nolo illud suscipere. Quid enim homines cogitarent? nunquid stultum me proclamarent? Id ipsum bis, terzè admonitus semper respondit (nimis vis morbi rationis usum perturbaverat, ut periculum non agnosceret.) At verò, ubi D. Parochus animadvertit, Titium jamjam cum morte luctari, cepit sacro oleo eundem delibare; qui dum ad narium inunctionem oleum sensit, oculisque apertis cernebat, quid circa se ageretur, capitis agitatione (nam voce non amplius potuit) dispendentiam & dissensum in extremam Unctionem offendit. Queritur jam, an D. Parochus bene fecerit, & valde inunxerit reliquos sensus?

69 R. D. Parochus laudabiliter & valide egit. Laudabiliter quidem, quia quod boni erat Pastoris præstitit, dum oviculam periclitantem sacro Viatico, & extrema Unctione, meliori quo poterat modo, munivit contra lupum infernalem. Valide etiam, quia in Titio consensus non deficit; quod ex eosuaderi facile potest. Enim verò non contempsit Sacramentum, nec absolute respuit, quin potius voluntatem illud suscipiendi satis ostendit per hoc, quod dixerit, se illud venerari, & Eucharistiam statim sumperit, proindeque Christiano more voluerit mori: nec dubitandum, quin, si periculum mortis agnovisset, extremam Unctionem æquè ac Eucharistiam postulasset: atqui juxta præscriptum Ritualis Rom. suprà n. 38. allegati, Sacramentum extremæ Unctionis est præbendum etiam illis, qui verosimiliter postulassent: ergo minime est dubitandum, quin Titius noster habuerit intentionem saltem implicitam & habitualem; & per voluntatem generalem Christianè moriendi correxerit errorem particularem, vel potius voluntatem contrariam ex errore proveniente. Vide Gobat. tr. 1. n. 248.

Dices. Sed unde colligendum, quod per voluntatem generalem Christianè moriendi correxerit hanc voluntatem: nolo suscipere extremam Unctionem, quia non sum periculose infirmus?

70 R. Id colligi debet ex comparatione

animi. Nam si suscipiens Sacramentum (idem dic de Ministrante) habet duas intentiones contrarias, quarum una ex errore provenit, uti sunt istæ: volo Christianè mori, idèque consueta Ecclesiæ Sacramenta recipere; & nolo recipere extremam Unctionem, quia non sum periculose infirmus, tunc est attendendum, qualiter suscipiens sit animo comparatus, seu etiam, quamnam ex istis duabus intentionibus deponeret, si agnosceret veritatem; & illa erit inefficax: atqui moraliter certum est, quod, si Titius noster veritatem agnovisset (se scilicet periculose decumbere) hanc secundam intentionem deposuisset, & extremam Unctionem postulasset: ergo &c. Vid. de hoc Babenshuber tr. 8. p. 1. disp. 2. n. 21.

CASUS SECUNDUS.

SEmpronius non raro sumpsit sacram Synaxin multis peccatis venialibus inquinatus. Quin etiam nuper sibi conscius peccati moralis, contraxit matrimonium, accessitque ad mensam Domini cum sola contritione. Et licet copia Confessarii, Parochi scilicet proprii, non defuisset, neglexit tamen confiteri; tum quia apud hunc noluit se diffamare; tum etiam quia erga illum nullam habuit confidentiam. Queritur jam, an, vel quomodo peccaverit?

71 R. 1. Non peccavit ex eo, quod peccatis venialibus inquinatus sumperit sacram Synaxin; quia peccatum veniale non obstat effectui primario hujus Sacramenti, scilicet gratiæ, nec impedit simpliciter nutritionem spiritualem animæ, quin potius ordinatur quodammodo etiam ad delenda venialia commissa, ut notat Mastr. 4. disp. 3. nu. 404. Si tamen actu inter communicandum peccasset venialiter, ut puta cum vana gloria, voluntariis distractionibus &c. accedendo, probabilis commisisset novum peccatum veniale contra virtutem Religionis; quemadmodum contra hanc virtutem peccat, qui cum voluntariis distractionibus orat. Et certè hoc Venerabile Sacramentum suapte natura sanctè & reverenter suscipi postulat; cui tamen reverentiæ op-

ponitur peccatum veniale in actuali summatione commissum.

72 R. 2. Sempronius in statu disgratiæ accedendo ad mensam Domini, commisit duplex sacrilegium; quandoquidem indigne suscepit duo Sacramenta, scilicet Matrimonii, & Eucharistiæ. Etenim secundum dicta nu. 49. Communioni necessarium est præmittenda Confessio, ubi suppetit copia Confessarii: atqui Titio hæc non desuit: ergo. Neque excusandus est ex eo, quod erga suum D. Parochum non habuerit confidentiam, & noluerit se diffamare apud illum; si enim talis infamia excusaret, nullus teneretur peccatum diffamatorum aperire Confessario, cui notus esset. Secus dicendum foret, si ex revelatione sui peccati rationabiliter potuisset timere grave malum corporis aut animæ sibi imminens, ut puta injustam persecutionem, officii sui, vel sustentationis privationem, aut sigilli fractionem &c. quæ tamen, ut rarissime contingunt; ita minimè præsumi possunt vel debent de prudenti & discreto Confessario quocunque.

Dices. Sempronius accessit contritus ad mensam Domini: ergo fuit satis dispositus; contritio enim perfecta habet vim justificandi.

73 R. Negando suppositum, quod in tali casu potuerit habere contritionem perfectam: si enim scivit, S. Communioni necessario esse præmittendam, confessionem, dum suppetit copia Confessarii, & tamen communicavit non confessus, hoc ipso voluit peccare mortaliter: atqui voluntas peccandi mortaliter stare nequit in eo, qui est verè contritus: ergo. Esto etiam contritio perfecta hominem iustificet, atque adeo jure naturæ sufficeret: ex jure tamen non solum Ecclesiastico, sed etiam præcepto divino (ut fert communior sententia) est insufficiens, & debet præmitti Sacramentalis Confessio peccatorum mortalium; quia talis peccator non tantum debet reconciliari Deo, sed Ecclesiæ ad hoc, quod digne recipiat Sacramentum Ecclesiasticæ unitatis, ait Scotus 4. distin. 9. question. un. §. de tertio dico. Vide etiam Reinssuet. tr. 14. dist. 2. num. 39.

Elbel Theol. P. I.

CASUS TERTIUS.

Caja moraliter certò scit, illum Confessarium, à quo hactenus consueverat recipere Sacramenta, esse indignum, seu in malo statu; tum quia actu foret occasionem peccandi proximam; tum etiam quia ipsamet Caja eidem nuper aliquoties fecerat potestatem sui corporis: hinc dubitat, an non teneatur alium Confessarium accedere, an verò liceat sibi confiteri suo Ordinario; quod quidem libentius faceret, partim ne se vel complicem teneatur apud alium diffamare, partim etiam, quia novit, Confessarium illum ordinarium ægrè ferre, immò aliquoties sibi jam exprobrasse, & interdixisse, ne alteri confiteretur. Quid iudicii? vel quid consilii?

74 R. 1. Probabiliter licitum est Cajæ in tali casu confiteri suo Confessario ordinario; tum quia Confessio facta apud Confessarium criminis complicem, per se loquendo est valida; quandoquidem nulla lege prohibetur, aut irritetur, modò supponatur poenitens verè dispositus, prout Herinx noster de Sac. Penit. disp. 5. nu. 67. La Croix l. 6. p. 2. n. 1204. Gobat, & alii plures docent. Tum etiam quia secundum dicta nu. 63. ex gravi causa licetè petitur Sacramentum à Ministro indigno, qui illud digne posset ministrare, etsi prævideatur non facturus: atqui Caja videtur habere gravem causam, scilicet ne se, vel complicem cogatur diffamare: ergo. Adde, minùs requiri ad licitè petendum Sacramentum à Ministro indigno, parato tamen ad illicitè ministrandum, quàm ab alio non parato: atqui Confessarius ordinarius Cajæ est paratus; quia supponitur ægrè ferre, si alium accedat, immò id exprobrasse, & interdixisse: ergo Cajæ videtur licitum tali confiteri, modò sit aliàs ritè disposita.

75 R. Tamen secundò. Videtur longè probabilius, quòd Caja in hoc casu teneatur accedere alium Confessarium. Ratio est: quia illicitè Sacramentum petitur à Ministro indigno etsi parato, quando absque notabili incommodo potest recipi ab alio Ministro bono: atqui Caja hoc potuit: ergo &c. Neque fati videtur

B 3 ex-

excusata propter infamiam; tum quia juxta opinionem Dianæ, Navarri, & quorundam aliorum, poterit peccatum, quod sine infamia complicitis explicare nequit, differre in aliam confessionem, faciendam apud illum, qui complice non novit; tum quia certum, aut certo probabilius habetur ab omnibus nec infamiam propriam, nec infamiam complicitis præcisè apud Confessarium incurrendam, quæpiam eximere ab onere, vel etiam integritate Confessionis; siquidem Deus confessionem præceperit, non obstante confusione illa, quæ naturaliter & intrinsicè consequitur manifestationem peccati apud Confessarium. Et certè poenitens majus habet jus ad conservandam propriam famam, quàm complicitis: ergo si infamia propria non excuset ab onere, vel etiam integritate Confessionis, minùs excusabit periculum infamandi complice apud Confessarium præcisè, prout bene arguunt Herincx *cit. disp. 3. nu. 59.* & Babenstuber. *tr. 8. p. 6. d. 5. ar. 2. nu. 46.* Accedit insuper, hujusmodi Confessionem, Confessario, complici faciendam, non vacare periculo, præsertim in nostro casu; vel quia Complex faciliè dabit novum consensum in delectationem, ex peccato præterito captatam; vel quia non satis bene consulat salutem poenitentis, inculcando obligationem vitandi occasionem, aut præscribendo remedia ad hujus evitacionem necessaria, prout bene notarunt S. Thomas, Pontius, Verjys & alii apud La Croix *l. cit.* qua ratione (teste La Croix *cit.*) in Diocesi Leodiensi, Mediolanensi, & Colonienfi, sub pœna suspensionis ipso facto incurrendæ est prohibitum, ut Confessarius (extra casum extremæ necessitatis) excipiat Confessionem mulieris, cum qua in materia carnis peccavit. Atque hinc consulendum omnimodis, & Cajæ inculcandum censeo, ut non complici, sed alteri confiteatur.

Dices. Si Caja confiteatur suo complici, licet indigno, magnum sentiet commodum; quia declinabit utriusque infamiam: ergo &c.

76 R. Atqui si confiteatur alteri, sentiet majus commodum animæ; tum quia alter meliùs consulat; tum etiam quia

peccatum Ministri impedit. Cùm igitur commodum, seu etiam bonum animæ sit præferendum bono famæ; hinc obliganda, aut certè, quo meliori modo fieri potest, persuadenda est, ut alium accedat.

§. III.

Corollaria ex dictis inferenda.

77 Colliges ex dictis primò, à Ministro malo (saltem ubi non suppetit bonus) licitè peti & recipi Sacramentum in sequentibus casibus. 1. Si alioquin aliquis esset moriturus sine baptismo, vel absolutione. 2. Vel si aliàs sentiret periculum succumbendi tentationi. 3. Si urgeat præceptum annuæ Confessionis aut Communionis. 4. Item si occurrant indulgentiæ, consuetudo laudabilis non diutius differendi, pius affectus erga S. Synaxin &c. Videatur Herincx *de Sacram. in com. disp. 3. num. 101.*

78 Collig. secundò, illicitè peti ac recipi Sacramenta à Ministro malo, præsertim excommunicato non tolerato, si addit alius Sacerdos bonus & toleratus, qui possit & velit administrare. Ratio patet ex dictis; tum quia in tali casu sine causa proximo præbetur occasio peccandi, & spiritualis ruinæ; tum etiam, quia Ecclesia solum indulget fidelibus communicationem cum excommunicato non tolerato propter necessitatem, & ne fideles defectu Sacramentorum subeant periculum animarum: at, si alius sit Sacerdos bonus, volens, & potens administrare Sacramentum, nulla est necessitas, aut periculum: ergo &c.

79 Excipiunt tamen multi Doctores casum, quo moribundus ex rationabili causa nullam habet confidentiam ad Sacerdotem bonum & toleratum; tum quia Concilium Trid. indistinctè ait, *in articulo mortis nullam esse reservationem*, item, *omnes Sacerdotes quoslibet poenitentes posse absolvere*; tum etiam quia in hoc casu non videtur cessare periculum sacrilegæ Confessionis, atque æternæ damnationis; ideoque Ecclesia, ceu pia Mater præsumitur condescendere ac permittere, ut mo-

ribundus valeat confiteri excommunicato non tolerato. Ita tenet Barbosa, Tannerus, Tambur. *de Sacram. l. 5. c. 12. §. 1.* Herincx, Sporer, *Theol. Sacr. part. 3. nu. 725.*

80 Collig. tandem tertiò, nunquam esse licitum, postulare Sacramentum ab eo, qui illud licitè non potest ministrare, v. g. ob censuram Ecclesiasticam, vel aliam prohibitionem particularem. Ratio est: quia talis postulatio esset provocatio & cooperatio ad illicitam administrationem, ideoque ad peccandum. Bosco *cit. disp. 1. sect. 8. numer. 95.* Herincx ubi suprà nu. 99.

CONFERENTIA

QUARTA.

De Baptismi natura, ejusdemque institutione, & materia.

SUMMARIUM.

- 1 Quid sit Sacramentum Baptismi?
- 2 Quo tempore à Christo institutum?
- 3 Baptismus, habens rationem Sacramenti, est unicus, scilicet fluminis; ultra hunc tamen assignantur duo alii.
- 4 Quid sit Baptismus Fluminis?
- 5 Et quid Baptismus sanguinis?
- 6 Ad verum Martyrium requiruntur sex conditiones, & quæ?
- 7 Materia remota Baptismi fluminis est aqua elementaris: proxima verò est ablutio corporis.
- 8 Recensetur Materia certò valida & sufficiens.
- 9 Item materia certò invalida;
- 10 Et materia dubia pro Baptismo fluminis.
- 11 Proponitur Casus I. de infante, qui delatus ad Ecclesiam, capiti agonizare, & refertur responsio inepta cujusdam.
- 12 Quid in tali Casu agendum, resolvitur.

- 13 Non licuisset infantem certò submergendum projicere in flumen aut puteum, animo baptizandi.
- 14 Satisfi cuidam infantiæ in contrarium.
- 15 Resolvitur Casus II. de Parocho, qui tempore hyemali consueverat baptizare in aqua calida, & semel baptizavit infantem cujusdam Nobilis in aqua valde modica.
- 16 Quantum aquæ sit affundendum in Baptismo?
- 17 In Casu necessitatis potest adhiberi modicum aquæ.
- 18 Resolvitur Casus III. de quadam Puera, quæ proprium infantem baptizaverat in pede protenso;
- 19 Quo non obstante potuit ab alia muliere rebaptizari sub conditione: postea verò natus à D. Parocho debuit hoc modo rebaptizari.
- 20 Qui relicta aqua naturali utitur alia, peccat graviter.
- 21 Deficiente tamen aqua elementari, usurpanda est materia probabilis, vel dubia.
- 22 Subinde est baptizandus infans, quamvis nondum sit egressus claustra ventris.
- 23 Ad valorem baptismi necessum est, ut aqua immediatè tangat infantem; & in qua parte?
- 24 Perinde tamen est quoad valorem, si ve fiat per immersionem, si ve per infusionem, aut asperersionem: & quid in praxi circa hoc observandum?

§. I.

Præmittuntur, & breviter resolvuntur quæsitæ, scitu necessaria ad debite resolvendos Casus de Materia Baptismi.

QUæres primò, quid sit Baptismus, & quo tempore institutus?

I Ad primum. Baptismus est Sacramentum ablutionis animæ à peccato, consistens in ablutione hominis aliquo modo consentientis, facta in aqua ab alio ablutente, & in verbis certis, simul ab eodem ablutente cum intentione debita prolatis. Ita Doctor subtilis. 4. d. 3. q. 1. Hæc descriptio fa-

tis exactè naturam hujus Sacramenti exprimit. Si tamen nimis longa tibi videatur, dic brevius ex Catechismo Rom. §. *quod ad rei. de Baptis.* Baptismus est Sacramentum regenerationis per aquam in verbo.

2 R. Ad secundum. Circa tempus, quod Baptismus fuit institutus, dissident DD. Thomistæ communiter asserunt cum Angelico, Christum instituisse Baptismum tunc, quando in Jordane fuit baptizatus à Joanne. E contra Scotistæ cum D. Bonaventura 4. d. 3. p. 2. a. 1. q. 1. fin. & Scot. eadem. d. q. 4. §. *ista quaestio* tenent, non esse assignabile certum tempus institutionis, quamvis certum videatur, quod à Christo fuerit institutus ante passionem, paulò post quàm ipse à Joanne fuit baptizatus. Rationem inde colligunt: quia Discipuli Christi jam ante mortem Christi leguntur Joan. 3. baptizasse, utique Baptismate sui Magistri. Tum etiam, quia Christus in ultima Cœna Apostolis contulit Sacramentum Ordinis, & Eucharistiæ: ergo probabiliùs jam priùs erant baptizati; cùm Baptismus sit janua ad reliqua Sacramenta, ut dicitur c. *veniens. de Presbyt. non baptizato*. Vide, si placet, Bosco. p. 1. disp. 2. sect. 1. à n. 6. Quæres secundò Quotuplex sit Baptismus?

3 R. Baptismus à Christo institutus, habens annexam rationem Sacramenti, est unicus. Ita omnes. Ratio desumitur ex illo Ephef. 4. *unus Dominus, una fides, unum baptisma*. Verumtamen præter hunc Baptismum solent adhuc recenseri duo alii. Hinc ad quæstionem illam generaliter intellectam, *quotuplex sit Baptismus?* communiter etiam à Catechizantibus respondetur: Baptismus est triplex, videlicet fluminis (de quo hætenus) fluminis, & sanguinis. Hi duo tamen solum per quandam analogiam appellantur baptismi, quatenus suppleant vices veri baptismi, faciuntque, ut is, qui baptismum fluminis suscipere nequit, à peccatis abluatur per cordis contritionem, aut sanguinis pro Deo effusionem. Unde

Quæres tertio. Quid sit Baptismus fluminis?

4 R. Est desiderium seu votum, suscipiendi in re Sacramentum; idque vel formale, quo quis expressè cupit & desiderat

baptizari; vel virtuale, quale censetur habere is, qui invincibiliter ignorans necessitatem Baptismi, elicit actum supernaturalem amoris Dei super omnia, vel contritionis perierit; quia talis censetur velle adimplere omnia præcepta, ideoque & præceptum de suscipiendo baptismo. Quod autem præfati actus habeant vim justificandi, communissimè tradunt DD. ut videri potest apud Mastr. 4. disp. 2. n. 170. Laym. Gobat. Clericatum. de Baptis. decis. 26.

Quæres quartò. Quid sit Baptismus sanguinis, & quænam ad hunc conditiones requirantur?

5 R. Ad primum. Baptismus sanguinis est Martyrium propter DEUM perpassum. Quod enim huic competat privilegium, & vis conferendi gratiam ex opere operato, docet cum communissima Catholicorum D. Bonavent. 4. d. 4. p. 2. ar. 1. q. 2. & Scotus ead. d. 4. q. 6. Confirmatque praxis Ecclesiæ honorantis SS. Martyres. Hinc Cyprianus in exhortat. ad Martyr. ait: *Martyrium est baptisma in gratia majus, in potestate sublimius, in honore pretiosius, quod nos de Mundo recedens, statim Deo copulat.*

6 R. Ad secundum. Ad verum Martyrium requiruntur sequentes sex conditiones. 1. Ut Martyr habeat veram fidem; quia sine fide impossibile est placere Deo. 2. Ut velit mori pro vera fide aut virtute aliqua: perinde enim est, an quis suo sanguine defendat, quæ sunt credenda, vel quæ ex præcepto divino sunt operanda. 3. Ut mors inferatur à Tyranno vel alio Persecutore; quia nulli licet se ipsum interficere. 4. Ut Martyr volens acceptet & subeat Martyrium, nec recalcitret; secus enim non occumberet ut verus Martyr, sed ut miles victus in bello. 5. Ut sit constans in tormentis usque in finem, juxta illud Apocal. 4. *esto fidelis usque ad mortem, & dabo tibi coronam vitæ*. 6. Tandem præcipue necessum est, ut Martyr non sit obnoxius culpæ mortali, aut certè, si se reum agnoscat, confiteatur priùs, vel si id fieri nequeat, eliciat actum amoris Dei super omnia, aut contritionis. Censent tamen Suarez. Gobat. 1. 2. n. 617. Mastr. Hetincx, Cardinalis de Lauræa alique plures apud Clericat. l. c. n. 13. etiam attritionem sufficere

cere cum martyrio ad obtinendam justificationis gratiam; quia, ut jam diximus, martyrio competit vis conferendi gratiam, non minùs quàm Baptismo: sicut ergo ad hunc sufficit attritio, ita & ad illud. Quin immò, in casu, quo Martyr vel immemor suorum peccatorum, vel memor quidem, ob vim tamen tormentorum non posset concipere dolorem & detestationem, probabile existimat Scot. 4. d. 14. q. 1. §. *Ex his, ad solut.* alique multi, sufficere cum martyrio solam voluntatem moriendi pro Christo; tum quia talis voluntas & sufficientia martyrii est actus charitatis valde heroicus; tum etiam, quia nullus excluditur à Regno Cælorum, qui facit, quantum est simpliciter necessarium, & sibi possibile; tum denique, quia Ecclesia jam per sexdecim sæcula veneratur indifferenter SS. Martyres pro fide interfectos, & tamen vix dubitandum videretur, quin inter tot myriades nonnulli decefferint cum sola attritione, vel etiam cum sola hac voluntate pro Christo, vel virtutis defensione moriendi: ergo hoc sufficit.

Quæres quintò. Quænam sit materia Baptismi?

Y R. Materia remota est aqua naturalis, proxima verò est ablutio corporis in aqua. Ita *unanimes Catholicorum*. Utraque pars constat, tum ex praxi Ecclesiæ; tum etiam ex perpetua traditione. Ratio à prioria assignari nequit, quàm voluntas divina, nobis utique satis intimata per Scripturam Joann. 3. *Nisi quis renatus fuerit ex aqua &c.* Item Act. 8. *Ecce aqua, quid prohibet me baptizari?* Nec non per Concilia, præsertim Trid. sess. 7. Can. 2. ubi habetur: *si quis dixerit, aquam veram & naturalem non esse de necessitate Baptismi &c. anathema sit.* Et sapienter omnino disposuit Sapia, ut pro hoc Sacramento, utpote maximè necessario, adhiberetur aqua naturalis; quippe quæ passim obvia, & obtentu facillima, nunquam, aut certè admodum rarò deficeret, simulque internam illam animæ abluionem à peccatorum sordibus aptè significaret. Vid. Castrop. 17. 19. disp. un. punct. 3.

Quæres sextò. Quænam sit materia certò valida, quænam invalida, & quænam dubia vel probabilis?

8 R. 1. Materia certò valida, & apta ad baptizandum, est 1. aqua naturalis seu elementaris, tam frigida, quàm calida, sive sit fluminis, sive putei, maris, fontis, paludis. Item 2. aqua pluvialis, vel resoluta ex nive, aut glacie vel grandine. Item 3. aqua transfusa per venas metallicas, acetosæ, salis. 4. Aqua cadens ex parietibus, lapidibus defudantibus, aut arborum foliis. 5. Denique aqua mixta cum modico vino, aut alio liquore, vel in qua sunt leviter decoctæ carnes vel pisces, ita, ut liquor plus habeat de natura aquæ, quàm de substantia corporum lixatorum in ea. Ratio horum est: quia omnia mox recensita sunt substantialiter aqua: ergo sufficiunt pro valore baptismi, quamvis ita alterata usurpari non debeant extra casum necessitatis.

9 R. 2. Materia certò invalida & inepta ad Baptismum censetur 1. sanguis, lac, lacrymæ, saliva, urina, pituita. Item 2. aqua supernatans cruori, seu sanguini extracto, sicut & illa, quæ fluit ex corpore hydropici. 3. Succus pomorum, pyrorum, cerasum. 4. Item à potissimis DD. materia certò inepta censetur, atramentum, cerevisia valde decocta, sicut & lixivium valde decoctum. Ratio desumitur à contrario, quia omnia & singula mox enumerata, nomine, usu, & re differunt ab aqua elementari: ergo sunt substantialiter diversa, ac per consequens inepta ad baptizandum.

10 R. 3. Materia dubia baptismi habetur 1. aqua rosacea, alique consimiles liquores, per alchimiam educti ex floribus seu plantis; quia aliqui probabile censent, vi caloris aquam naturalem separari, & extrahi posse ex mixtis, seu plantis. 2. Aqua turbida, expressa ex luto. 3. Cerevisia tenuis, & lixivium mediocriter decoctum seu bullitum. 4. Atramentum Gobat existimat, esse materiam validam; sed Illung & Babenstuber meliùs videntur dicere, esse materiam dubiam; quia, ut bene docet Herincx noster disp. 5. num. 16. ad materiam dubiam illa meritò revocatur, de cujus valore sunt dissentientes Doctorum opiniones: atqui de atramento dissentiunt, sicut etiam de succo seu humore, tempore vernali stillante ex vitibus, &

alii

aliis arboribus, itemque de aqua resoluta ex sale: ergo. De his videri possunt Bonacin. tom. 1. de Sacram. bapt. q. 2. punct. 3. n. 2. Gobat. Theol. exper. tr. 2. Sect. 1. per totam. Cleric. de Sacram. in Gen. decis. 6. Kazenberger in suppl. Theol. Sac. P. Sporer c. 1. à n. 8.

§. II.

Proponuntur, & breviter resolvuntur Casus practici de Materia Baptismi.

CASUS PRIMUS.

Tertio Parocho oblatus fuit infans baptizandus; qui, ut suo satisfaceret muner, recta gradiebatur cum mulieribus ad Ecclesiam, mediæ circiter horæ spatio distans à domo parochiali. Sed ecce! dimidio itineris nondum emenso, subito contra omnium expectationem advertunt, infantem jamjam agonizare; hinc mulieres in lamenta, ploratum, & ululatum prorumpunt, petuntque, ut D. Parochus (qui recitandis intendat horis canonicis) succurrat trepidantibus in tanto periculo. Quid consilii?

II Casus hic non fictus, sed factus est haud procul Passavio; & quoniam non procul ab itinerantibus rivulus quidam dilabebatur, hinc bonus ille Pastor properavit ad illum, indeque vola manuum suarum hausit aquam, infantem baptizavit, baptizatumque astris Cælitum transmisit, utique sapienter & laudabilissimè.

At quid, si itinerantes (prout de facili contingere posset) aqua omnino fuissent destituti, quid, inquam, in tali rerum articulo agendum, vel quid mediis capefendum?

Mihi olim studiosus quidam Moralium hac super re interrogatus respondit, mulieri præcipiendum fuisse, ut lacrymaretur super caput infantis, simulque à D. Parocho fuisse proferendam formulam Baptismi; Cui ego: sed quid, si mulier, utpote valde duræ cervicis & cordis nequeat lacrymari? Respondit ille: percutienda erit, quousque fuderit lacrymas; oportet enim, ut pro salute animulæ innocentis hanc sustineat corporis afflictionem. Ratio hæc

haud fuisset spernenda, si lacrymæ non essent materia certò inepta, nec forma necessariò proferenda ab eo, qui adhibet materiam. Sed instabam ulterius. Nunquid melius faceret D. Parochus exspuendo in faciem infantis, & mox formam proferendo?

Respondit ille: optimum consilium, & omnimodis amplectendum. Verùm ex dictis hastenus facile quisque concludet, ridendum potius esse hoc consilium, quàm amplectendum; quandoquidem saliva, ceu materia prorsus inepta, nihil omnino ad valorem Sacramenti, ac per consequens nec ad salutem infantis conducatur. Hinc.

12 R. Nec in saliva, neque in lacrymis fuit baptizandum, ne quidem sub conditione. Ratio est: quia formula Sacramenti nec conditionatè est proferenda, ubi desinit materia, nec apparet probabilis spes valoris vel fructus inde percipiendi, prout cum communi DD. tenet La Croix l. 6. p. 1. n. 266. quem enim in finem id fieret? atqui nec lacrymæ, nec saliva sunt aqua naturalis, prout fatentur omnes, & habetur c. penult. de Baptis. item c. in quadam. de celebrat. Missarum. ergo quemadmodum ne quidem sub conditione absolvendus est is, de quo constat, quòd non debeat, quicumque demum de causa id contingat; ita nec baptizandus est infans in saliva vel lacrymis. Quærenda tamen fuit aqua elementaris ex quacunque demum palude; vel si pluviz cecidissent, nonnullæ saltem guttulæ fuissent à Ministro ducendæ super caput infantis cum debita prolotione formæ; quia hoc probabiliter sufficit ad valorem Baptismi. Monet etiam sapienter Gobat. cit. n. 264 ut, si Parochus advertat, mortem imminere infanti, si deferretur ad templum, non autem sic imminere, si non efferatur domo, curet illum non deferri ad Ecclesiam, sed domi baptizando referat illum ad beatissimam classem Christi fidelium.

Dices. Quid si autem properantes ad Ecclesiam transiissent puteum aut fuvium, nec potuissent inde haurire aquam, licuissetne infantem certò submergendum projicere in puteum cum prolotione formæ, & hoc modo baptizare?

13 R. Non licuisset. Quamvis enim Tho-

Thomistæ & Recentiores plurimi existimant (contra Scotum & communionem SS.) talem baptismum valere; communisfimum tamen fatentur (prout videre licet apud Babenstuber *tr.* 8. p. 2. d. 1. a. 2. n. 20.) hujusmodi projectionem infantis esse mortaliter illicitam in omni casu; cum videatur directa occisio innocentis, ideoque interinfecē mala; atqui non sunt ullatenus faciēda mala, ut eveniant bona, & quilibet tenetur magis vitare peccatum mortale in se ipso, quam quærere salutem proximi, ait rectē Doctor subtilis 4. d. 5. q. 3. ergo non licuit. Si tamen strophio, vel alio quocunque instrumento, v. g. arundine, vel pertica &c. aliquot saltem guttulas inde haurire potuissent, iis mediantibus attendendus fuisset Baptismus.

Dices. Multi DD. quos refert La Croix *cit.* n. 264. tenent: talem projectionem esse probabiliter licitam; quibuscum etiam sentit Bosco p. 1. *disp.* 2. *sect.* 1. *concl.* 7. ergo Parochus in tali casu tenetur projicere puerum; quippe cui in tanto animæ periculo obligatur succurrere omni medicatio.

14 R. Doctores illos, quos refert La Croix *cit.* non loqui de submersione per se occisiva, sed solum asserunt, infantem esse baptizandum (per actionem utique de se licitam) tamen mors aliquo modo acceleraretur. Bosco quidem existimat, ex ratione difficulter probari posse, hujusmodi projectionem esse illicitam, fatetur tamen ipsemet n. 93. hoc à Theologis communiter negari. Quapropter & ego cum P. Gobat. *tr.* 2. n. 262. & aliis, huic non subscribo, utpote gnarus, esse valde periculosum, in re tanti momenti recedere à communi. Hinc constanter nego, hoc medium esse licitum in illo casu.

CASUS SECUNDUS.

Semprontus tempore hyemali consuevit baptizare infantes aqua nonnihil calefacta, seu tepida. Quin etiam nuper, cum eodem oblatus fuit baptizandus infans ejusdem magni Domini, sacro fonti commiscuit aquam rosaceam, & ne tenellum quoquo modo affligeret, modicissimam aquam affudit super caput illius. An peccati condemnandus est Semprontus.

15 R. Semprontius non peccavit ex eo, quod hyemali tempore baptizaverit in aqua nonnihil calefacta. Ita Illung *tr.* 6. d. 2. a. 3. n. 13. Babenst. *ubi supra* d. 2. n. 5. alii-que plures. Ratio est: quia Sacramentum non debet obesse vitæ hominis, quod ad vitæ, peccato Adami amissæ, restaurationem institutum fuit. Immo, teste Illung *l. c.* quædam Ritualia expressè movent, expedire, dum frigus est acrius, ut Minister aquæ baptismali aliam calidam in pelvi misceat, atque inde infantes baptizet. Minus est excusandus Semprontius, quod S. fonti misceverit aquam rosaceam, utpote nullatenus necessariam. Nihilominus hæc contra communem Ecclesiæ morem deordinatio politica non apparet adeo gravis; hinc non videtur culpam venialem excedere. Certò autem peccati mortalis condemnandus foret, si (quod tamen vix credendum) aquam tam modicam affudisset, ut verè non fluxisset super caput infantis, vel etiam sola aqua rosacea illud humectasset; quia hoc modo absque sufficienti causa Baptismus reddidisset dubium, ideoque & Sacramentum periculo irreverentiæ sacrilegæ, & prolem periculo æternæ damnationis exposuisset, magis sollicitus pro vita corporis, quam animæ; quod non decet Pastorem animarum.

Dices. Quantum igitur aquæ affundendum est, ut valeat Baptismus?

16 R. Tantum est affundendum, ut successivè fluat super infantem, & is in morali hominum æstimatione censetur verè ablatus; hoc etenim vult & significat verbum baptizo. Quare sententiam Vasquez, Dianæ & quorundam aliorum, asserentium, valere baptismum collatum in una solum vel altera guttula (esto speculativè probabilibus videatur) extra casum necessitatis neutiquam praticare licet, utpote non verè tutam; nam moraliter loquendo non dicimus verè ablutum, qui unica tantum, vel altera guttula est aspersus, prout observant Valentia, Mezzer, Bonacin. Laym. *l. 5. tr.* 2. c. 3. n. 1. Kazenberger ubi *suprà* c. 1. n. 17.

17 Dixi tamen: extra casum necessitatis &c. Enimverò, si infans esset tam debilis, ut absque periculo mortis ablui non posset, oporteret saltem nonnullis guttulis è manu,

aut

aut digito fluentibus delinire caput, aut scapulas infantis; quia in hoc nullum apparet periculum. Immo si quod minimum interveniret, utique postponendum foret periculo æternæ damnationis, quam certò incurreret non baptizatus. Vid. Gobat. n. 253. & 263. Herincx. *disp.* 5. n. 22.

CASUS TERTIUS.

CAja ex illicito, immò damnato coitu prægnans (conceperat enim à Con-fanguineo in primo gradu) intempeſta nocte obruebatur doloribus partus, & quia ad-verterat, infantem jamjam progredere ali-quod membrum, licet ignara cuodnam ef-ſet, apprehenſa in tenebris aqua luſtrali, conabatur illud ablueri cum prolatione for-mæ baptiſmalis, ne delictum hæcenus in-cognitum, teneretur aliis manifeſtare. Tan-dem verò lamentis & ſuſpiriis Cajæ ex-citata quedam alia mulier, accurrit, & re-cepta affudit rursus aquam ſupra eun-dem pedem infantis, ſimulque protulit for-mam baptiſmi. Queritur jam 1. an Caja potuerit licitè hoc modo baptizare, an ve-rò fuerit obligata implorare aliarum mulie-rum opem? 2. Utrum altera mulier ſuper-veniens benè baptizavit infantem nondum na-tum, in eodem membro ſeu pede? 3. Utrum D. Parochus infantem illum poſteà natum debuerit rebaptizare?

18 R. Ad primum. Procul dubio ſicut Cajæ in tali periculo baptizare præſato modo: nihilominus graviter obligabatur ad implorandam aliarum ſæminarum opem. Ratio eſt: quia ſecundùm communiffimam DD. opinionem, quam tenent etiam Laym. Sporer, La Croix l. 3. p. 1. n. 776. quivis homo, ideoque & quælibet Mater tenetur pro conſervatione tum propriæ, tum etiam proliſ vitæ, adhibere media ſaltem ordinarioria: atqui, implorare aliarum mulie-rum expertarum opem ad ſalvandam, vel etiam facilitandam partum, non eſt extra-ordinarium, ſed vel maximè ordinarium, medium: ergo. Eſto etiam Caja ex tali in-vocatione timuerit periculum infamiæ, forſitan & capitis, meritò tamen poſtponi debuit periculo perdendæ utriuſque, Ma-triſ ſcilicet, & proliſ vitæ, immò & æter-næ damnationis, cui prolem expoſuiſſet;

cùm ſit incertum ſatis, an baptiſmus tali-ter collatus valeat. Adde, illam mulie-rum invocationem valde remotè ſe habuiſſe in ordine ad pœnam capitis; præſertim cùm potuerit hanc declinare, non quidem mentiendo, ſed diſſimulando Patrem pro-prium, & cum quadam reſtrictione menta-li diſtando quemdam incognitum, prout jam ſæpiùs factum fuit, & licitè fieri ob graviffimam cauſam, docet Gobat. in ap-pendice ad tr. 2. n. 9. & 2. 1.

19 R. Ad ſecundum & tertium, Mu-lierem ſupervenientem licitè baptizaviſſe, ſaltem ſub conditione: & ſi infans ſuppo-natur poſteà fuiſſe natus, denuo à D. Pa-rocho ſub conditione rebaptizari potuit, immò debuit. Ratio eſt: quia quoriefcun-que prudenter dubitatur, an baptiſmus ſit validè collatus, toties eſt repetendus, ſi niſi abſolutè, ſaltem ſub conditione: at-qui mulier in noſtro caſu ſuperveniens huic ſpectaculo, prudenter dubitare potuit, utrum mater, ſcilicet Caja, in tanta per-plexitate, conſuſione & periculo conſtitu-ta, fuerit ſibi ſatis præſens, & validè ba-ptizaverit: Et quandoquidem multi DD. exiſtunt, Baptiſmum in ſola manu aut brachio collatum infanti nondum integrè effuſo eſſe nullum; hinc etiam D. Parochus potuit prudenter dubitare de valore collati priùs Baptiſmi: ergo debuit ſub conditione rebaptizare. Vid. Gobat. n. 252.

§. III.

Corollaria ex diſſis inferenda.

20 **C**olliges primò, eum peccare mor-taliter, qui, cùm poſſet adhibe-re materiam certam, aquam ſcilicet natu-raleſem ſeu elementarem, adhibet dubiam. Ita omnes. Ratio eſt: quia abſque urgenti cauſa exponit ſalutem infantis diſcrimini, ſimulque Sacramentum periculo irreveren-tiæ ſacrilegæ; quod ſine peccato graviſſi-mo fieri nequit. Idem tenent Doctores communiter de eo, qui ſine neceſſitate uti-tur aqua turbida, ſæculenta &c.; eò quòd huic Sacramento gravem irreverentiam ir-roget. Babenſtub. ubi ſuprà. *diſp.* 1. a. 2. n. 13. Caſtrop. & alii.

21 Collig. 2. In caſu quo deſicit aqua ele-

elementaris, adhibendum esse talem liquorem, qui propius accedit, & magis videtur aqua elementaris. Quodsi etiam talis desit, adhibenda erit materia dubia, seu talis, quæ ab uno vel altero saltem censeatur materia sufficiens. Hinc idem Gobat *l. proximè cit.* ait, in tali casu adhiberi posse aquam distillatam & rosas, herbis, fluentem ex arboribus, resolutam ex sale, lixivium, jusculum, cerevisiam, & glaciem non resolutam: ob rationem mox dandam.

22 Collig. 3. Baptizandum subinde esse infantem, etsi nondum sit egressus claustra ventris. Quod autem communiter dicitur, renasci non posse, qui non est natus, ideo solum contingit, quia regulariter loquendo infans ablui non potest, prius, quam nascatur. Hinc sapienter ait Gobat *cit. n. 253.* quod, si sit dubium, an parturiens sit editura prolem vivam, Confessarius vel Parochus ad illam vocatus debeat monere Obstetricem, ut, quamprimum infans manum aut pedem protenderit, eundem aqua aspergat, ac baptizet: vel, si credat, infantem moriturum intra Matrem suadeat, ut conetur extrahere aliquam ejus partem; vel denique, si possibile sit, intra ventris abdita latentem, conetur manu, digito, vel alio instrumento humectare, & cum debita formula baptizare; quia cum hoc Sacramentum sit summè necessarium, administrandum est, quotiescumque apparet saltem probabilis spes valoris: at, in tali casu apparet: ergo &c. *La Croix n. 292. & 293.*

23 Collig. 4. Ad valorem Baptismi necessum esse, ut aqua tangat corpus infantis immediatè; secus enim non diceretur ablutus. Hinc non valeret baptismus, si solum vestes, aut fascia, aut uterus prægnantis, in quolater infans, ablueretur. Cæterum monent DD. communiter, & cum illis Herincx *p. 4. tr. 2. disp. 5. n. 22.* infantem semper esse abluendum in capite; tum quia hoc est præcipuum hominis membrum; tum etiam quia hoc fert antiqua Ecclesiæ consuetudo. Quod si in pectore aut scapulis ablueretur, videtur satis certum, non ampliùs esse repetendum Baptismum: si verò in alia parte minùs principali, utputa manu, pede, umbilico, vel capillis tantùm fuisset

ablutus, Baptismus velut dubius foret repetendus. Clericatus, Babenstuber, Katzenberger ubi supra *c. 1. n. 17.*

24 Collig. tandem 5. Ad valorem Baptismi perinde esse, si corpus aquæ immergatur, si ea aspergatur, aut superfundatur. Ita communiter Theologi, & habetur in Rituali Rom. Quamvis hoc præferat: immersionem capitis in aquam, vel infusionem aquæ in caput baptizandi. Similiter indifferens est ad valorem Baptismi, utrum fiat una, vel etiam trina immersio, aut infusio. Ratio est: quia tam per unam, quàm per trinam infusionem vel immersionem fieri potest ablutio verè utilis. In praxi tamen observare oportet consuetudinem receptam cujuscunque Ecclesiæ, quæ ob diversas rationes occurrentes subinde unicam immersionem aut infusionem, subinde verò trinam adhibuit, & etiamnum adhibere consuevit, prout habetur *c. de trina. dist. 4. de consecr.* Quocirca videri potest & debet Rituale cujuslibet Diocæseos, nec sine urgenti causa ab eo est recedendum, Reinssesuel *Theol. mor. tr. 14. dist. 3. n. 16. & 17.*

CONFERENTIA QUINTA.

De Forma, & Ministro Baptismi.

SUMMARIUM.

- 25 *Legitima forma Baptismi est hæc: ego te baptizo in nomine Patris, & Filii, & Spiritus sancti.*
- 26 *In hac necessariò necessitate Sacramenti sunt exprimenda, quatuor scilicet 1. a. Hæc Baptizationis. 2. Persona baptizanda. 3. Unitas Essentiæ D. & 4. Trinitas Personarum.*
- 27 *Cur potius Persona baptizanda, quàm baptizantis sit exprimenda?*
- 28 *Ordinarius & legitimus Minister Baptismi est Sacerdos &c. In casu tamen necessitatis quivis homo validè baptizare potest.*

- 29 *Potestas baptizandi solemniter ex rationabili causa potest etiam Diacono committi.*
- 30 *Non repugnat, quin unus Minister saltem validè simul plures baptizet;*
- 31 *Et è contrario plures simul eundem*
- 32 *Nullus tamen seipsum baptizare valet.*
- 33 *Resolvitur Casus I. de infante baptizato cum hac formula: ego te baptizo in nomine Patris, in nomine Filii, & in nomine Spiritus sancti*
- 34 *Et quid, si baptizatus fuisset collatus hoc modo: ego te baptizo in nomine Dei Patris, Dei Filii, & Dei Spiritus sancti?*
- 35 *Resolvitur Casus II. de Obstetrice, quæ defectu intentionis debite plures infantes invalidè baptizaverat.*
- 36 *Quid Confessario hoc audienti facendum?*
- 37 *Et quid, si Obstetrix fuisset Saga, nec sine periculo vitæ perouisset suum delictum manifestare?*
- 38 *Suggestur aliud Consilium in tali casu amplectendum.*
- 39 *Resolvitur Casus III. de alia Obstetrice, quæ infantem nondum integrè egressum tentavit baptizare, postea verò natum rebaptizavit;*
- 40 *Quo non obstante D. Parochus licitè eundem rebaptizavit sub conditione.*
- 41 *Quandonam Infantes ab Obstetricibus baptizati sint rebaptizandi?*
- 42 *Explicatur Canon 11. Ritualis Pastoralis de iterando tali baptismate.*
- 43 *Valeat Baptismus, si dicatur: ego te abluo, mundo &c. vel si loco te dicatur: suam Dominationem &c. Non tamen valet, si conferatur in nomine Sanctissimæ Trinitatis, aut in nomine Christi.*
- 44 *Satisfit cuidam infantile in contrarium facta.*
- 45 *Etiã in casu necessitatis inter ministros Baptismi per se loquendi servandus est Ordo, ita, ut Sacerdos Laico, vir semine &c. sit præferendus.*
- 46 *Nec nobis Fratribus minoribus vi Regule 5. est prohibitum baptizare.*
- 47 *Nullus tamen Minister Diacono infe-*

rior potest baptizare solemniter; & quas pœnas incurrat, qui hoc attentare præsumit?

§. I.

Præmittuntur, & breviter resolvuntur Quæsitæ, scitu necessaria ad debitè resolvendos Casus de forma, & Ministro Baptismi.

Quæres primò, quænam sit legitima forma Baptismi?

25 R. Est sequens: *ego te baptizo in nomine Patris, & Filii, & Spiritus sancti amen.* Ita decum habetur in Concilio Lateran. c. *firmiter. de summa Trinit.* Item in Florent. & Trident. Sess. 7. de Bapt. can. 4. Ratio desumitur ex illo Matth. 28. ubi Christus legitur mandasse suis Apostolis, ut baptizarent in nomine Patris &c. Et quamvis non legatur præcepisse, ut baptizando exprimerent Trinitatem Personarum explicitè, constat tamen ex perpetua Ecclesiæ traditione, & Conciliorum definitionibus, Christum hoc intendisse & voluisse. Sed

Quæres secundò, Utrùm omnia illa allegata verba, vel quænam sint necessariò necessitate Sacramenti exprimenda?

26 R. Necessariò exprimi debent quatuor, videlicet 1. actus baptismationis; quod fit per *ly baptizo*. 2. Persona baptizanda; quod fit per *ly te*. 3. Unitas Essentiæ D. quod fit per *ly in nomine*. & 4. tandem Trinitas Personarum; quod fit per *ly Patris & Filii &c.* Ita communissimè Theologi. D. Thomas. Scot. 4. d. 3. q. 2. Constat etiam, tum ex perpetuo usu & praxi Ecclesiæ, tum etiam ex *c. si quis de Baptis.* Ratio à priori alia dari non potest, quàm voluntas Dei. Cùm enim Baptismus sit Sacramentum fidei, quò ingredimur Ecclesiam; hinc voluit Christus, ut in hujus susceptione fieret explicita invocatio SS. Trinitatis, consistentis in unitate Naturæ Divinæ, & Trinitate Personarum in eadem Natura subsistentium, ceu principalissimi & primarii objecti nostræ fidei: & quia Forma debet versari circa certam materiam, & materia proxima, scilicet ablutio, circa certam personam; hinc necessum est, ut per formam expri-

exprimatur & actus baptismationis, & persona baptizanda; secus enim foret nimis imperfecta & confusa significatio formæ.

Dices. De essentia formæ non est, ut explicitè exprimat Personam Ministri, prout constat ex hac forma Græcorum: *baptizatur Servus Christi in nomine Patris & Filii & Spiritus sancti*, quæ à Concilio Florentino fuit agnita tanquam valida, & tamen in hac non exprimitur explicitè Persona Ministri: ergo nec est de essentia, ut Persona baptizanda, vel Trinitas Personarum exprimat.

27 R. Negando Conseq. Quamvis enim spectando præcisè rationem videatur esse paritas inter utrumque; quia tamen hoc unice dependet ex Dei arbitrio, hinc non tam rationi, quam auctoritati, vel potius voluntati divinæ nobis per Ecclesiam intimatæ inniti debemus: atqui, tam Græca, quam Latina Ecclesia semper expressit, & exprimendam censuit unitatem Essentia, & Trinitatem Personarum, nec non personam baptizandam, non item Personam Ministri baptizantis: ergo.

Quæres tertio. Quisnam sit Minister Baptismi?

28 R. Minister ordinarius Baptismi solemniter, aut privatim extra casum necessitatis conferendi, 1. est solus Episcopus, vel Sacerdos curatus. 2. in casu tamen necessitatis baptizare potest quilibet homo ratione utens, & potens abluere, simulque proferre debitam Baptismi formulam. Ita communis. Constat ex *c. firmiter. cit. & c. à quodam Judeo. de consecr. dist. 4.* item *c. constat. ead. dist.* Et habetur expressè decisio facta in Concil. Florent. decret. de Armen. ibi: *Minister hujus Sacramenti est Sacerdos, cui ex officio competit baptizare: in casu autem necessitatis non solum Sacerdos, vel Diaconus, sed etiam Laicus & Mulier, immò etiam Paganus & Hæreticus baptizare potest, dummodo formam servet Ecclesie, & facere intendat, quod facit Ecclesia.* Ratio prioris est: quia per Baptismum recipitur Baptizatus in Collegium Ecclesiæ militantis: recipere autem in Ecclesiam, pertinet ad Præsidentem, & habentem auctoritatem in Collegio, qualem habet Episcopus, & Sacerdos curatus, ait Doctor subtilis. 4.

d. 6. q. 1. Ratio autem posterioris est: quia Sacramentum Baptismi est omnibus ac singulis ad salutem simpliciter necessarium: ergo omnino congruum fuit, ut in casu necessitatis assumeretur quivis Minister, ne hujus defectu periclitarentur animæ: sicut ob eandem rationem placuit Deo assumere materiam passim obviam, scilicet aquam naturalem.

29 Dixi tamen: *Minister ordinarius est Episcopus &c.* Extraordinarius enim ex commissione vel Sacerdotis curati potest esse Diaconus; huic quippe in ordinatione Episcopus dicit: *Diaconum oportet baptizare.* Et *c. Diaconus. dist. 93.* dicitur: *Diaconi absque Episcopo, vel Presbytero* (id est, ait Glossa, absque eorum consensu aut commissione) *baptizare non audeant*: ergo supponitur, quòd Diaconus saltem committi possit potestas solemniter baptizandi, id est, cum Ritibus & Ceremoniis in hunc finem ab Ecclesia in Rituali præscriptis. Nec ad licitam commissionem requiritur extrema necessitas, sed sufficit quævis alia rationabilis causa; ut si Minister ordinarius esset infirmus, vel componendis concionibus, aut excipiendis Confessionibus occupatus. Sic enim ait Herinck *disp. 6. n. 9.* Apostoli, ut prædicationi vacarent, videntur Baptismum commississe Diaconis.

Quæres quarto, possintne unus simul baptizare plures?

30 R. Potest saltem validè (non tamen licitè extra casum necessitatis) si simul plures perfundendo aqua dicat: *ego vos baptizo in nomine Patris &c.* Ita cum communi Scot. 4. d. 4. q. 2. Ratio desumitur à pari: quia potest unus simul plures consecrare hostias, vel etiam plures simul confectos v. g. in casu naufragii, aut tempore pestis absolvere, dicendo: *ego vos absolvo &c.* ergo similiter plures baptizare. Et in tali casu fierent plura Sacramenta; fieri namque posset, ut respectu unius valeret Baptismus, non item respectu alterius nolentis baptizari: quemadmodum in simili casu absolutio respectu dispositi esset valida, respectu indispositi autem invalida & nulla.

Quæres quintò, Utrum plures simul possint baptizare eundem?

31 R. Cum distinctione. Vel enim supponuntur baptizare ita, ut unus affundat aquam, alter verò proferat formam; vel sic, ut quisvis baptizandum abluat, simulque proferendo formam, independentem ab alio baptizare-intendat? Si primum, Baptismus erit nullus; tum quia Ecclesia semper tenuit, Christum voluisse ut idem Minister simul abluat, & proferat formam; tum etiam, quia videtur forma falsificari, si Minister dicat: ego te baptizo, seu abluo, & tamen non abluo. Si secundum, rursus distinguendum est, & dicendum, quod, si unus abluentium prius proferat & absolvat formam, quam alter, tunc ille alter nihil amplius efficiet; quia homo jam fuit baptizatus, ideoque incapax secundi Baptismi. Si verò uterque ex abluentibus formam simul in eodem instanti absolvat, tunc uterque simul validè baptizabit: ferè quemadmodum si plures Sacerdotes simul proferendo absolvant formam consecrationis super eundem panem, omnes simul consecrabunt; cum non sit major ratio, cur unus potius, quam alter consecret. Vide Herincx *cit. disp. 6. quæstion. 2. Babenstüb. tract. 8. pag. 2. dist. 1. art. 5. à num. 13.*

Quæres sextò. Possitne idem homo, v. g. Catechumenus in fide satis instructus, se ipsum validè baptizare?

32 R. Cum communi DD. Negativè. Ratio est: quia in Baptismo (ait Doctor subt. 4. *distinction. 6. quæst. 2.*) celebratur illa spiritualis generatio, de qua veritas ait Joann. 3. *oportet vos nasci denuo.* Si- cut ergo in carnali generatione alius est qui gignit; & alius qui gignitur: ita & in Sacramentali generatione; alius debet esse, qui spiritualiter generat, & alius, qui spiritualiter generatur. Et ita claris verbis ab Innocentio III. decisum legitur *c. debitum. 4. de Baptis. Vid. Fraßen. T. 4. tr. 1. disp. 1. ar. 2. num. 11.*

§. II.

Præmittuntur, & breviter resolvuntur Casus practici de Forma, & Ministro Baptismi.

CASUS PRIMUS.

Talius prolem ab Uxore sua inopinato effusam baptizavit sequenti formula: ego te baptizo in nomine Patris, in nomine Filii, & in nomine Spiritus sancti, amen. Vocatus dein D. Parochus, cum narrante puerpera (que modum baptizandi graviter animadvertit) rem intellexisset, Puerum rursus rebaptizavit sub conditione. An bene?

33 R. Omnino bene. Licet enim Reinsestuel, Castrop. Laym. Salmantic. Babenstuber, & alii plures existiment, præfatam formulam esse validam (quod & probabilius videtur) Multi tamen, nominatim Busemb. Herincx. *disp. 5. n. 44. Illung. tr. 6. disp. 2. num. 18. Kazenberger. c. 1. sect. 1. num. 30.* censent eam esse saltem dubiam. Quare sicut secundum dicta superius n. 10. materia, de cuius valore sunt dissentientes, Doctorum opiniones censeri debet dubia; ita ob eandem rationem dubia censeri debet hæc formula: atqui Baptismus dubius est certò iterandus sub conditione, prout omnes sententur: ergo.

Dices. Quid si autem baptizasset hoc modo: ego te baptizo in nomine Dei Patris, & Dei Filii, & Dei Spiritus sancti, prout quædam Obstetrix acatholica ex instructione sui Prædicantis consuevisse legitur apud Gobat?

34 R. Videtur satis certum, quod Baptismus hoc modo collatus valeat; quandoquidem & Trinitas Personarum satis exprimitur, & unitas Essentiæ D. per voculam in nomine. Hinc idem Gobat *tr. 2. n. 721.* ait: ego non juberem rursus tingi, qui esset sic ablutus; quia nec auctoritas, nec ratio permittit vocare in dubium. Fatentur tamen omnes, hunc modum baptizandi esse graviter illicitum; cum sit contra praxin & præscriptum Ecclesiæ.

CASUS SECUNDUS.

Sempronia Obstetrix vetula morti proxima inter alia Confessario aperit, se per viginti annos obstetricasse, & ob necessitatem quamplures baptizasse infantes, circa nullum tamen habuisse intentionem legitimam, quin potius baptismo oppositam. Et licet fuerit usa consueti Baptismi formula, ego te baptizo &c. non tamen intendit baptizare in nomine Patris Divini, sed in nomine Patris illius, qui genuerat prolem. Queritur jam 1. quid censendum de valore hujus Baptismi? 2. Quid Confessario agendum?

35 R. Ad primum. Baptismus est nullus. Ratio desumi debet ex dictis de Sacram. in gen. n. 29. quia ad validam consecrationem Sacramenti necessaria est intentio legitima Ministri, scilicet faciendi Sacramentum, vel saltem faciendi quod facit Ecclesia, aut Christus instituit: talem verò supponitur non habuisse Sempronia; ergo. Et licet fuerit usa legitima forma baptismi; quia tamen non est usa illis verbis in sensu legitimo, sed alieno; hinc nihil efficit, quemadmodum nihil efficeret Sacerdos, qui sine intentione consecraret, vel proferens hæc verba: hoc est corpus meum &c. intelligeret non Corpus Christi, sed suum, sibi proprium.

36 R. Ad secundum. Sempronia fuit à Confessario adigenda, ut vel ipsamet hunc suum defectum propalaret uni aut alteri, præsertim Parocho, vel certè sibi (Confessario scilicet) daret licentiam propalandi, & deferendi, & ad Dominum Parochum; in cuius Parochia exercuerat officium Obstetricis, quatenus hoc modo invalide baptizati investigarentur, & de nullitate sui baptismi admoniti (saltem privatim & in occulto) denuo baptizarentur. Si hoc recuset vetula, neganda erit absolutio velut indispositæ, & nolenti satisfacere suæ obligationi in re gravissima, ex qua pendet animarum salus.

Dices. At quid, si Obstetrix nequeat hoc suum delictum manifestare sine gravissima infamia, vel etiam periculo vitæ, utputa si esset saga, & infantes baptizasset in nomine Diaboli, vel (ut de quadam

Elbel Theol. P. I.

refert Layman. l. 2. tr. 3. c. 3. n. 3.) in nomine Zabuli, quid Confessario, vel Obstetrici confessæ agendum in casu tam lugubri?

37 Respondet Laym. l. cit. à Confessario in primis fuisse tali mulieri explicandam gravitatem tot scelerum, & damnorum inde emergentium, & absolvendam, postea quam sua exhortatione excitarit in ipsa firmum propositum desistendi à maleficiis, ac faciendi ea, quæ Confessarius judicaverit esse necessaria ejus salutis. Secundò. Nomiatim inducendam (si queat) ad libenter subeundam mortem, pro sua, aliorumque à se deceptorum salute. Tertiò. Si vero non sit spes impetrandi ab illa tam heroicam resignationem, dissimulandam obligationem se sistendi Judici; quandoquidem hanc obligationem ipsa probabiliter ignorat, ejus autem manifestatio paritura sit plus mali, quàm boni. Hanc responsionem meritò approbat Gobat cit. tr. 2. n. 220. mox subiungens: Et quid, si in casu Laymanni Confessarius diceret tali mulieri si per te liceat, accedam Judicem seu Principem, dicamque me aliquod secretum, ex quo pendeat salus multarum, animarum, ipsi aperiturum, si sanctè promittat impunitatem? Fortè denique ipsa consentiret in revelatione sigilli, & sine dubio teneretur Princeps stare promissis. Ita Gobat; & bene.

38 Neque ego dubito, quin talis mulier consentiret, aut certè consentire deberet in tantum, ut Confessarius cum cautela jamjam memorata Principem accedat, dicatque cum debita restrictione mentali, mulierem illam baptizando errasse, serioque fateri, se non baptizasse cum debita intentione, quam modò ex instructione Confessarii audivit, esse necessariam. Cæterùm, quòd sit saga, vel quòd in nomine Diaboli, aut Zabuli tinxerit infantes, omnino reticeat, & dissimulet Confessarius: nec dubitet, quin & Princeps sit dissimulaturus strictius examen, & pro sua prudentia provisurus, ut suppleto (quantùm fieri potest) baptismate, huic tant ingenti malo succurratur. Et certè ad hoc videretur obligatus Juxta vel Princeps Ecclesiasticus, ne scilicet ex severiori animadversione hujusmodi homines delinquentes omaino abster-

C

titi,

riti, delicta sua ne Confessario quidem de-
tegere amplius audeant, sicque defectu ma-
nifestationis multi pereant, aut certe mul-
torum æterna salus periclitetur. Quæ autem
de Obstetrice diximus, prudens Confessa-
rius facile noverit applicare, casu quo Pa-
rochus ipse fatetur, se multis baptismum
invalidè administrasse, prout de quodam
narrat Quintanadvennas *singular. 17. 1. sing.*
19. quem, si placet, vide.

CASUS TERTIUS.

Caja Obstetrix vocata ad puerperam, In-
venit eam cum partu luctantem: cer-
nens autem, quòd infans brachium proten-
dat, eo validè utraque manu apprehenso,
imploravit cujusdam mulieris assistantis opem,
jussitque, ut aquam affunderet; quo facto
Caja protulit formam Baptismi. Sed quia
de hujus valore ipsamet dubitaverat, hinc
eundem infantem paulò post in lucem editum,
denuo aqua benedicta perfundens, rebaptiza-
vit. Quæritur jam 1. quid de valore prioris
Baptismi? 2. An infans possit à D. Parocho
posuerit, vel 3. omnino debuerit rebaptizari,
an verò solum suppleri Ceremoniæ Bap-
tismi?

39 R. Ad primum. Si Caja non abluit
brachium protensum, sed merè protulit for-
mam, altera muliere aquam affundente,
Baptismus fuit nullus, ob rationes datas n.
31. Et ita communissime tenent DD. S.
Thomas. Scot. 4. d. 6. q. 2. Mastr. Cleric.
hic decis. 31. Debuisse ergo vel ipsamet
Caja abluerè brachium, aquam altera sal-
tem manu super illud deducendo; vel alte-
ra Coadjutrix, quæ supponitur affudisse
aquam, simul etiam proferre consuetam
Baptismi formulam; & tunc probabiliter
valuisse Baptismus. Quia tamen & hic
Baptismus à multis vocatur in dubium, pro-
ut visum est n. 23. hinc instante periculo Ca-
ja bene fecit, si sub conditione eundem in-
fantem paulò post in lucem editum rebapti-
zavit. Ex quibus facile colliget quisque pru-
dens, quàm sapienter Celsiss. Princeps JO-
SEPHUS DOMINICUS Episcopus Passaviensis in Epistola sua pastor. *Ad suscipi-
enda. §. I.* nuper ordinaverit, immò & man-
daverit omnibus Parochis & Vicariis &c. ut
Obstetrices omnes, cæterasque sæminas in

absentia Obstetricum ordinariorum puerpe-
ris assistere solentes rigorosè examinent,
num materiam & formam Baptismi ab eis
in casu necessitatis conferendi debite cal-
leant? &c.

40 R. Ad Secundum. Dominus Paro-
chus licitè potuit eundem infantem rebapti-
zare. Ratio est: quia unusquisque licitè se-
quitur statuta suæ Dioceseos: at, in Dio-
cesi Passaviensi *Can. 12. de Baptis.* aliisque
multis statuitur, ut infantes ab Obstetrici-
bus vel laicis baptizati, denuo rebaptizen-
tur: ergo &c. Idipsum, teste Gobat. *17. 2.*
n. 171. statutum est in Diocesi Melchlini-
ensi, Iprensi, Augustana, Curienti; &
merito. Cùm enim infantes à Laicis bap-
tizari non debeant, nisi in casu necessitatis:
in tali autem casu plerumque soleant pertur-
bari, vel propter instans periculum, vel pro-
pter lamente parturientis, vel ob vigilas aut
labores, quibus non rarò defatigantur mu-
lieres, vel denique propter abundantiorè
potum, quò hujusmodi vetulæ sæpe sese
animare tentant ad faciliùs lucrandum sæ-
tum; hinc a potiori prudenter dubitare li-
cet, an non baptizandò commiserit aliquem
defectum substantialem, prout velex no-
stro casu facile colligi potest, ubi narratur
Obstetrix pronunxiasse formam, & man-
dasse alteri, ut affunderet aquam.

41 R. Tamen ad tertium. Si Caja cæ-
teroquin fuit integræ sæmæ, modumque
baptizandi bene edocta, testeturque, se in-
fantem, posteaquam natus est, debite bap-
tizasse, ita, ut re bene examinata nullus de-
prehendi valeat error, & præsertim si etiam
alii idem attestentur, infans non amplius
debuìt rebaptizari, ne quidem sub condi-
tione, sed tantùm suppleri ceremoniæ: Ita
satis communiter DD. Herincx *disp. 6. n.*
45. Conink, Præpositus, Quintanad., Go-
bat. *cit. n. 183.* La Croix. *n. 321.* & alii.
Ratio autem est: quia ubi non occurrit pru-
dens dubium de valore Baptismi semel col-
lati, nec sub conditione repetendus est: at,
in suppositione quòd nullus possit error de-
prehendi &c. nullum occurrit dubium de
valore &c. ergo.

42 Nec refert, quòd in Passaviensi aliis-
que suprà mox enumeratis Diocesebus vige-
at consuetudo, immò speciali constitutione
cautum sit, ut infantes ab Obstetricibus
Bapti-

Baptizati denuo rebaptizentur: licet enim non raro compertum sit, hujusmodi mulierculas baptizando errasse, proptereaque & Episcopus sapienter statuerit, ut in tali casu Baptismus repetatur, & Parochus licite hoc statutum Diocesenum exequatur; quia tamen jure divino cautum est (cui non praevalat humana consuetudo vel constitutio) ne Baptismus semel valide collatus reiteretur, profecto nequaquam praesumendum est, Episcopum voluisse, ut etiam in iis circumstantiis, in quibus nullum exstat prudens dubium de valore, iterato conferatur Baptismus sub conditione. Vide de hoc Gobat *cit. n. 333*. La Croix *l. c.* Kazenberger *c. 1. à n. 41*. Schmaltzgruber *l. 3. Tit. 42. n. 36*.

§. III.

Corollaria ex dictis inferenda.

43 **C**olliges ex dictis primò, validum esse Baptismum, si Minister proly baptizo diceret: ego te *abluo, mundo, &c.* vel si loco te diceret *suam Dominationem*, aut *Petrum &c.* vel denique si idioma latinum mutaret in vernaculum: quia hæc non est, nisi mutatio accidentalis, atque ideo quamvis per se loquendo illicita, non tamen invalidat Baptismum. Quin immò, si Obstetrix vel laicus latini idiomatis ignarus baptizet, oportet, ut vernacula lingua utatur; quia ex hoc minus periculi est timendum. Secus dicendum foret, si Minister diceret: *ego te baptizo in nominibus Patris, & Filii, & Spiritus sancti*, vel in nomine SS. Trinitatis, sanctæ Crucis, vel etiam in nomine Christi; quia talis committeret errorem substantialem, prout ex dictis facile colligitur, & communiter fatentur DD. Vide etiam, si placet, quæ diximus de *Sacram. in gen. n. 8. 16. & 17.*

Dices. Olim in primitiva Ecclesia baptizabantur fideles in nomine Christi, prout constat ex *Actibus Apostol. c. 2. 10. & 19.* ergo etiamnum valeret Baptismus in nomine Christi collatus.

44 **R.** Trans. ant. neg. conf. Esto enim D. Thom. D. Fonaventura, Scot. 4. d. 3. q. 3. alique magni nominis Doctores probabile censeat, Deum in hac lege pro tem-

pore primitivæ Ecclesiæ dispensasse; eò quod fuerit ratio dispensandi, nempe ut venerabile nomen Christi, quod tunc temporis multis erat valde invisum & exosum, redderetur hominibus magis amabile & commendabile; cum tamen ratio hæc jam cessarit, non est, cur Deus pro moderno tempore dispense in illa lege. Dixi etiam *Trans. ant.* Enimverò multi etiam graves Doctores, Bellarm. Vasq. Cornelius à Lap. & alii plures, videnti apud Clericat. *decis. 30. n. 3.* absolute negant, Apostolos nunquam in solo nomine Jesu Christi baptizasse: per allegatos autem S. Scripturæ textus (ajunt) solum innui, baptismum ab Apostolis fuisse administratum in nomine, id est, virtute, & auctoritate Jesu, ut nosceretur esse distinctus à Baptismate Joannis; vel (quod verosimilius est) Apostolos ad expressionem SS. Trinitatis, secundæ Personæ addidisse nomen Jesu, hoc modo: *ego te baptizo in nomine Patris, & Jesu Christi ejus Filii, & Spiritus sancti.*

45 Collig. secundò. Etiam in casu necessitatis servandum esse ordinem inter Ministros, saltem per se loquendo, ita, ut Parochus proprius alteri Sacerdoti, Sacerdos Diacono, & hic aliis Clericis, ac Laicis sit præferendus, sicut & vir præferri debet sæminæ, & non excommunicatus excommunicato. Per accidens tamen aliquando oportet non servari ordinem prædictum, ut scilicet sæmina edocta modum baptizandi, baptizet potius quàm vir, immò potius quàm Sacerdos, in iis saltem circumstantiis, in quibus pudoris gratia non decet virum accedere, ut puta si infans nondum effusus, esset baptizandus solum in prorenso brachio, manu, vel alla parte; quia Sacerdos vel quicumque alius, etsi de se superioris ordinis foret, dum congruè præquit accedere, censetur moraliter absens, ait Herincx *n. 12*. Vide de hoc Rituale Rom. de *Minist. Bapt.*

Dices. Sed nunquid oportet laicum vel etiam sæminam præferri Fratribus minoribus, quibus specialiter vi sacræ Regulæ *c. 11.* prohibitum est, ne fiant Compadres virorum aut mulierum?

46 **R.** Non oportet; quia per illa verba S. Regulæ: *& non fiant compadres virorum vel mulierum*, solum prohibetur nobis,

ne agamus Patrinum in Baptismate, prout teste Sannig. *Tom. 3. disp. 2. q. 13. n. 11.* declaratum fuit in Capitulo generali anno 1499. Melchlinii celebrato. Nos tamen Franciscani baptizare nunquam debemus, nisi urgeat necessitas, vel D. Parochus id indulgeat aut velit, vel à nostris Parochia administretur.

47 Collig. tertio, Nulli Clerico, Diacono inferiori, multò minùs Laico, competere potestatem baptizandi solemniter. Ratio est: quia his non permittitur plus, quàm exigit necessitas: atqui necessitas solum exigit substantiam, non item ceremonias Baptismi: ergo &c. Hinc *c. un. de Cleric. non ord. ministr.* Clericus Diacono inferiori solemniter baptizans, punitur poena irregularitatis ipso facto incurrenda. Hanc tamen pœnam probabilis non incurrit laicus solemniter baptizans: quia irregularitas non incurritur, nisi in casibus jure expressis: atqui in jure non legitur satis expressa irregularitas lata in laicum solemniter baptizantem: ergo &c. Vide Castropal. *tr. 29. disp. 6. punct. 18. n. 11.* Schmalzgrueber *b. 2. n. 23.*

C O N F E R E N T I A

S E X T A.

De Subjecto Baptismi.

S U M M A R I U M.

- 48 Subjectum capax Baptismi est omnis homo vivens nondum baptizatus, etiam *perverfus*.
- 49 Præcluditur quædam obiectio Hæreticorum.
- 50 Etiam infans in utero Matris latens, si possit abluì, probabilissimè validè baptizatur.
- 51 Satis fit cuidam infantie contra hoc.
- 52 Proles infidelium in quatuor casibus licitè baptizantur.
- 53 Extra hos casus licitè baptizari, negant Thomistæ & RR. affirmant vero Scotistæ, quamvis fateantur, non ex-

pedire, ut baptizentur sine consensu Parentum.

- 54 Monstrum, de quo dubitatur, an sit homo? an baptizandum.
- 55 Et quid agendum, si dubitetur, an sit unus, an verò plures homines?
- 56 Quenam dispositiones requirantur in baptizando?
- 57 Resolvitur casus I. à quo baptizandus sit infans, quem Maier in alieno territorio peregrina effudit.
- 58 Non peccaret talis Pater, tamen infansem natum non Parochus loci illius, sed alieno offerret baptizandum in suo territorio.
- 59 Contra Parochus puerpera, in territorio peregrino illicitè baptizaret hunc infansem, non consentiente Parochus loci.
- 60 Resolvitur Casus II. de muliere prægnante, quæ, cum non potuit factum eniti, suadente Confessario dissecta est à Chirurgo circa umbilicum, & statim obiit.
- 61 Talis Confessarius videtur malè consuluissè, non tamen incurrisse irregularitatem.
- 62 Si contingat, prægnantem mori antè partum editum, vel sectionem, os demortuæ aperiendum est, ne infans in utero latens defectu respirationis pereat, priùs, quàm eximatur.
- 63 Resolvitur Casus III. de quadam puella, quæ in infantia à Parentibus derelicta, prorsus ignorat, an unquam fuerit baptizata; proptereaque baptizanda est sub conditione.
- 64 Idem faciendum videtur circa infantes expositos, & inventos, nisi aliunde certis indicis constet, eos validè fuisse baptizatos.
- 65 Sacerdos, immò & Episcopus extra suam Diœcesin illicitè administrat baptismum solemnem, sine licentia aliorum Episcoporum, vel Parochi localis.
- 66 Similiter Parentes graviter delinquant, offerendo prolem suam alieno Parochus baptizandam.
- 67 Amentis an, vel quando sint baptizandi.

§. I.

Præmittuntur, & breviter resolvuntur quæstia, scitu necessaria ad debitè resolvendos Casus practicos de Subjecto Baptismi.

Quæres primò, quinam homines sint Subjectum capax Baptismi?

48 R. Subjectum capax est omnis homo vivens, & nondum baptizatus, etiam parvulus. Ita Catholici omnes contra Anabaptistas & Pelagium. Estque velut dogma fidei decisum in Concilio Milevit. II. Nec non in Trident. *sess. 7. can. 12. & 13. de Bapt.* Constat insuper ex perpetua traditione & praxi Ecclesiæ, baptizantis parvulus. Ratio autem est: quia omnes homines, etiam parvuli nascuntur capaces Regni Cælorum, quod propter peccatum originale nequeunt adipisci, nisi renascantur spiritualiter per lavacrum regenerationis; ergo & parvuli hujus sunt capaces.

49 Nec obstat, quòd parvuli sint incapaces intentionis; hanc etenim Ecclesia & Christus supplet; Qui sapienter voluit, ut, quemadmodum per voluntatem alienam, Adæ scilicet, constituti sunt peccatores; & per voluntatem alienam, suam scilicet aut Ecclesiæ, ad vitam spiritualem regenerentur D. Bonavent. 4. d. 4. in *expof. text.* Scot. 4. d. 4. q. 1. Bosco. p. 1. *disp. 2. sect. 4. concl. 1.*

Quæres secundò, possitne baptizari infans etiamnum latens in utero Matris?

50 R. Regulariter loquendo baptizari nequit; eo quòd ita latens nequeat ablui, prout etiam supponit *c. si quidquid. 35. de consecr. dist. 4.* Si tamen Obstetrix vel Chyrurgus supponatur tam peritus, ut manu, vel alio instrumento (scilicet metrenchyte ut vocant) in uterum inserto norit infantem ita latentem abluere, Baptismus probabilissimè valebit: quia sicut in tali casu vera fieret ablutio, ita & verus Baptismus. Bosco. l. cit. Herincx. *disp. 6. n. 23.*

Dices. Qui secundum Adam nondum est natus, nequit renasci secundum Christum. *c. si ad Matris. 44. de consecr. dist. 4.* Atqui Elbel Theol. P. I.

talis infans nondum est natus secundum Adam: ergo &c.

51 R. Disting. & explicando textum cit. cap. Qui nondum est natus, nequit renasci, regulariter loquendo; & hoc idèd solum, quia nequit ablui, con. Dato, quòd verè abluatur, ut supponimus, neg. Certè enim infans èd latere Matris excusari potest, immò debet baptizari secundum omnes, licet non sit natus. Cæterum gratis fatemur, talem baptismum à multis revocari in dubium, ideoque esse sub conditione repetendum, si infans postea egrediatur claustra ventris. Vid. Babenstüb. *tr. 8. p. 2. disp. 1. art. 2. n. 23. fin.*

Quæres tertio, Utrùm liceat baptizare proles Infidelium id est, non baptizatorum, invitis eorum Parentibus?

52 R. Certè licet in quatuor sequentibus casibus. 1. Si prævideatur infans statim moriturus; tunc enim ex charitate quisvis tenetur mediante lavacro regenerationis spiritualis succurrere periclitanti de salute animæ. 2. Si Parentes supponantur despotice, seu serviliter subjecti Principi Christiano; vel 3. si à Parentibus etiam non subjectis Christiano Principi supponatur infans jam abstractus (sive per fas, sive per nefas) nec amplius reversurus ad eos cum periculo subversionis. 4. Denique, si alteruter ex Parentibus Baptismum suscipiat, & consentiat etiam in Baptismum suæ prolis.

53 Extra hos quatuor casus Thomistæ & R. R. communiter negant, licitum esse baptizare proles Infidelium repugnantibus, seu etiam non consentientibus eorum Genitoribus: Econtra Scotus 4. d. 4. q. 9. Mastrius, Bosco, Herincx & alii Scotistæ communiter non minùs probabiliter affirmant, per se loquendo licite baptizari hujusmodi proles, saltem auctoritate publica, & de consensu Principis; eò quòd Parentes injustè resistent, & abutantur patria potestate. Quia tamen ex tali Baptismo plerumque timenda sunt graviora mala, utputa, quòd Parentes infideles sint rursus subvertendi proles, vel omnino occidendi, aut certè magis averfaturi Christianam Religionem; hinc etiam Scotistæ communiter fatentur, non oportere, ut contra voluntatem Parentum infidelium

delium proles baptizentur. Vide Mastr. 4. disp. 2. a. n. 87. vel Bosco. cit. disp. 2. sect. 4. n. 65. & seqq.

Quæres quartò, Utrùm etiam Monstra sint baptizanda?

Ante responsum breviter adverto cum P. Layman. l. 5. tr. 2. c. 6. n. 12. reperiri monstra in duplici genere, de quibus baptizandis difficultas oritur. Primò etenim reperire est monstra ex peccato bestialitatis nata (prout fusissimè ostendit Clericatus de Baptis. decis. 46. & seqq.) de quibus dubitatur, an sint homines, an verò bestię? Secundò. Reperiuntur subinde monstra, tde quibus dubitatur, sintne unus, vel verò plures homines. Hoc notato

54 R. 1. In monstro, de quo dubitatur, sintne homo an bestia, inspicere debent membra principalia, videlicet caput & pectus, quæ, si humanam præferant formam, baptizandum est monstrum saltem sub conditione: secus, si præferant formam bestialem. Quodsi caput appareat ferinum, reliqua verò constituto corporis humana, Baptismus foret aliquamdiu differendus, donec ex aliis indiciis certius cognoscatur, sintne homo, nec ne. Si tamen videatur sub esse periculum mortis, baptizandum esset sub conditione.

55 R. secundò. Quando occurrit dubium, sintne monstrum unus homo vel duo, vel maxime attendendum erit ad diversitatem operationum humanarum, intellectus scilicet & voluntatis, ut monet Doctor subtilis 4. d. 6. q. 2. §. de quarto membro. Unde si appareant duo capita cum uno corpore, vel vicissim duo corpore cum uno capite, & unus velit, alter autem nolit, prout aliquando contigisse narrat Scot. l. cit. deberet quodlibet caput aut corpus seorsim baptizari. Quodsi omnibus pensatis rursus maneat dubium, sintne duo, vel unus homo, Baptismus aliquamdiu differre oportebit, usque dum magis constiterit de rei veritate. In casu tamen necessitatis posset hujusmodi monstrum baptizari cum unica ablutione & hac forma: ego vos baptizo in nomine Patris &c. Vid. DD. cit. vel Frasen. ubi supr. disp. 1. art. 2. n. 18. vel Rituale Passav. de Bapt. can. 11.

Quæres quartò, an, vel quænam dispositio sit necessaria ex parte baptizandi?

56 R. In parvulis, & perpetuò amenib; velut incapacibus, nulla requiritur dispositio.

In adultis tamen (præter intentionem saltem habitualementem, quam superius jam n. 56. diximus esse necessariam) requiritur 1. quædam fides actualis de præcipuis saltem fidei mysteriis; item 2. si supponatur adultus inquinatus peccatis personalibus (peccatum quippe originale non est obiectum penitentię) dolor supernaturalis, non quidem contritio perfecta, sed attritio saltem. Ita communiter Catholici. Ratio prioris desumitur ex illo Añ. 8. ubi Philippus Emucho baptismum postulanti respondisse fertur: *si credis ex toto corde: licet &c.* Idipsum satis clarè docet Trident. Sess. 6. de justis. c. 6. & 8. Ratio posterioris pariter colligitur ex illo Añ. 2. ubi D. Petrus ait: *pœnitentiam agite, & baptizetur unusquisque vestrum.* Unde in Concilio Trid. Sess. 14. de pœnit. c. 1. ait: *fuit quidem pœnitentia universis hominibus, qui se mortali peccato inquinassent, quovis tempore ad gratiam & justitiam assequendam necessaria, illis etiam, qui Baptismi Sacramento abluere petivissent &c.* Cæterum, quòd attritio sufficiat, inde patet: quia Baptismus est Sacramentum mortuorum, ideoque non præsupponit necessariò statum gratiæ in suscipiente, consequenter nec contritionem perfectam, sed sufficit attritio, modò sit supernaturalis; secus enim foret improporcionata formæ, gratiæ scilicet sanctificanti, ad quam disponit.

§. II.

Proponuntur, & breviter resolvuntur Casus practici de Subjecto Baptismi.

CASUS PRIMUS.

Titia partui propinqua suscepit peregrinationem ad Beatissimam Virginem Passaviensem, miraculis clarissimam, quatenus huius patrocinio, & potenti intercessione impetraret facilem sui partus expeditionem: quod & factum; nam in eodem loco feliciter (præter suam expeditionem) peperit. Dubitat jam, cuinam offerre debeat infantem suum baptizandum? Quid respondendum?

57 R. Cum distinctione. Velenim Titia multum distat à sua domo & Parochia, vel non? Si non distet ab ea, nisi duabus aut tribus horis, & absit periculum, infans deferri debet ad proprium Parochum. Ratio est: quia actus baptizandi solemniter est actus jurisdictionis parochialis, ideoque illi competit, qui gaudet jurisdictione in baptizandum, vel potius in Parentes baptizandi: at: proprius Parochus Titia gaudet hac jurisdictione, non verò ille, in cuius Parochia Titia peregrina peperit, ut habet *c. de his. de sepulturis* & *c. 1. & 2. eodem tit. 6.* ergo Titia per se loquendo, offerre debet suum infantem proprio Parocho baptizandum, si ab hoc non multum distet. Verum, si supponatur distare tantum, ut huic sine magno incommodo, vel evidenti periculo deferri nequeat, tuta conscientia potest eum offerre Parocho loci, in quo peperit: quia in tali casu Parochus proprius nequit esse invitatus rationabiliter.

Dices. Quidsi autem nec hujus loci Parochus, sed omnino alieno offerret infantem suum baptizandum, peccaretne?

58 R. Non peccaret: tum quia Parochus loci non habet jurisdictionem in infantem, qui nondum est Christianus: neque in genitricem, utpote peregrinam & viatricem. Tum etiam, quia glossa in *cap. Nec numerus. 10. q. 3.* expressè dicit: *transcentes, & qui non habent domicilium, posse, ubi voluerint, eligere locum Baptismi.* Barbosa *de offic. & potest. Paroch. p. 2. c. 18. n. 7.* Tamb. Sanchez, quos refert, & sequitur Clericatus *decis. 43. n. 4.*

Dices iterum. At quid, si Titiam peregrinantem comitatus fuisset proprius Parochus, nunquid licet baptizasset infantem?

59 R. Cum P. Gobat. *Theol. exper. tr. 2. num. 135.* Negativè. Ratio est: quia non supponitur existere in propria, sed in aliena Parochia. Et quamvis actus jurisdictionis voluntariae in alieno territorio plerumque licet exerceatur, etiam irrequisito Ordinario loci, ut bene docet Layman. *l. 1. tr. 4. c. 5. n. 4.* Quia tamen Baptismus est actus sollemnis, & requirens materiam, in quam accipiendam jus non competit alieno Parocho; hinc Pa-

rochus Titia absque licentia Ordinarii, vel Parochi localis, illicitè baptizaret.

CASUS SECUNDUS.

S Empronia periclitabatur in partu: jamque res eò devenerat, ut Medici desperarent de salute Matris simul & prolis. Sed cum Chyrurgus quidam satis peritus & famosus promississet, se secaturum Sempronia in umbilico, prolemque sine periculo exempturum, hortante simul Confessario, Sempronia sectionem admisit; sed prole exempta quatuordecim obiit. Occasione hujus casus queritur. 1. Utrum Sempronia fuerit obligata ad ferendam sectionem? 2. Utrum Confessarius bene fecerit, sectionem suadendo, an verò incurrerit irregularitatem?

60 R. Ad primum cum distinctione. Vel enim affulsit vera, aut saltem verè probabilis spes conservandi vitam Matris simul & prolis, vel non? si non; Sempronia non fuit obligata, nec obliganda ad ferendam sectionem. Immo talis sectio in his circumstantiis, velut per se tendens ad mortem Matris innocentis fuisset illicita, ideoque nullatenus attendenda; cum non sint facienda mala, ut eveniant bona. Et in hac hypothefi omnino vera est sententia Laymanni, Grahfi, Viêt. Franc. Lugo, Herincx & aliorum plurium absolutè negantium esse licitam sectionem prægnantis.

Si autem apparuisset certa, aut certò probabilis spes, servandi Matrem simul & prolem Sempronia probabilis fuisset obligata ad ferendam hanc laniationem; tum quia in tali supposito sectio fuisset honesta ac licita; tum etiam quia Mater pro salute spiritali prolis tenetur sufferre corporis incommoda, esto: videantur duriora, modò de se licita.

Cæterum, quòd saltem subindè Mater prægnans secari queat sine periculo vitæ, diffusè ostendunt Raynaudus *tom. 14. de Ortu infantium per sectionem Cæsaream c. 5. num. 2. & seqq.* Boudevv. *p. 2. q. 20.* Gobat. *in Append. ad tr. 2. n. (mih) 21. & seqq.* alique plures, pluribus experièntiis remonstrantes, hujusmodi sectiones fuisse sæpiùs attentatas, eventu

felicissimo. Testaturque idem Gobat, nobilem Matronam fide dignissimam sibi narrasse, se in difficultibus suis puerperii usam fuisse opera certæ Obstetricis, quæ bis secuerat in duplici parturitione unam, eandemque Matrem, ac felicissimè ex ejus utero eduxerat duas proles; cùm ob corporis constitutionem eniti nequireret modo naturali ullum sætum. Et nihilominus dicta Mater bis sæta vivebat, & iterum erat prægnans. Ut tamen talis sectio licite fiat, sapienter monet Zacchias in suis *Q. Q. Medico legal.* tom. 2. l. 9. tit. 2. q. un. n. 28. observandas esse sequentes conditiones, videlicet. 1. Quod Mater habeat vires subsistentes pro tolerenda sectione. 2. Quod non sit minor anno vigesimo, neque major quadragesimo. 3. Quod non sit valetudinaria, & uterinis morbis obnoxia. 4. Quod Chyrurgus sit valde peritus. Vid. de hoc Clericatum de *Baptis. decis.* 41. à n. 3.

61 R. Ad secundum. Videtur Confessarius non adeo bene fecisse suadendo sectionem; eò quod procul dubio respectu Sempronie sectio illa fuerit periculosissima, prout eventus, & mors quantocyùs subsequuta monstravit. Si tamen Medici, aliivè prudentes judicassent, nullum subesse periculum, reprehendi non debuisset Confessarius, quod ob salutem spiritualement infantis suaserit incisionem: quamvis in similibus casibus periculosus, ubi de vita agitur, Confessarium deceat tacere potius, quàm multa loqui, aut suadere remedium tam periculosum.

Irregularitatem tamen probabilius non incurrit; non enim ex defectu lenitatis; cùm non concurrerit ad homicidium tantquam Minister justitiæ: neque ex delicto; quia hæc, cùm sit pœna gravis, supponit culpam gravem: Confessarius autem delictum grave non commisit: ergo &c. Vide Layn. l. 3. tract. 3. p. 3. c. 10. num. 4. Reinffestuel. *Theol. mor.* tr. 13. dist. 3. num. 55.

62 Opportunè hic insinuandum cenfeo, quod Gobat, *La Croix* num. 293. Clericatus, alique plures monet, videlicet, ut si contingat prægnantem mori, antequam sætum enixa est, ejusdem os aperiat, ne infans in utero latens defectu

respirationis necessariæ pereat priùs, quàm eximatur: quod si alii præsentès, vel ex ignorantia, vel etiam ex oblivione negligant, Confessarius feri curet, & moveat.

CASUS TERTIUS.

CAja adhuc parvula à suis Parentibus derelicta, venit ad quendam pagum, ubi velut ignota ex misericordia suscepta est, & educata ab aliquo, qui eidem nomen *Cajæ* imposuerat. Cæterùm an unquam fuerit baptizata, vel à quibus progenita Parentibus, prorsus ignorat, proptereaquæ dum nuper posulavit inscribi Albo Archi-Confraternitatis Cordigerorum S. P. N. Francisci, suum cognomen edicere non potuit. Queritur, an *Cajæ* sit baptizanda?

63 R. Est baptizanda sub conditione. Ratio est: quia *Rituale Rom.* tit. de parvulis baptizand. præcipit, ut infantes expositi & inventi, si re diligenter investigata de eorum Baptismo non constet, baptizentur sub conditione: atqui non constat de Baptismo *Cajæ*; ergo est baptizanda: præsertim cùm hoc Sacramentum sit summè necessarium ad salutem, & ad alia Sacramenta recipienda. Vide *Herincx. p. 4. disp. 7. num. 46. La Croix l. 6. pag. 2. num. 318.*

Dices. Sed quid de infantibus expositis, seu etiam inventis cum schedula collo alligata, vel etiam appensa, testante de Baptismo & nomine infanti imposito?

64 R. Secundùm probabiliorè DD. opinionem etiam tales baptizandi sunt sub conditione, nisi aliunde certioribus iudiciis constet, eos fuisse validè baptizatos. Ita præter DD. proximè cit. tenent *Scot. 4. d. 4. q. 8. Gobat. n. 397. noster Kazenberger in supplem. P. Spoter c. 1. sect. 2. n. 72.* Ratio est: quia ut superius n. 40. visum est, Baptismus ab Obstetrice collatus vocatur in dubium, & plerumque saltem, si non fensper, est sub conditione reiterandus; ergo multò magis Baptismus talis infantis expositi revocari potest in dubium, eò præsertim, quod hujusmodi infantes plerumque baptizentur ab ipsa Matre, quæ subin est vel juvenula, baptizandi modum minimè gna-

gnara, aut certe vel nictu infamiae, vel doloribus partus angustata, & perplexa in tantum, ut nesciat, quid in talibus circumstantiis agat, vel egerit. Et quid, si infans fuisset expositus à Judæo, vel alio Baptismum prorsus execrante, schedulaque apposita solum ad declinandam suspensionem à Parente?

§. III.

Corollaria ex dictis inferenda.

65 **C**olliges primò, tam Diaconum, quam Sacerdotem, immò & Episcopum in aliena Diœcesi illicitè baptizare, sine licentia Episcopi, vel Parochi proprii. Estque hoc peccatum ex genere suo mortale. Ratio est: quia tali modo injustè usurpatur, & invaditur jus alienum, & quidem in puncto valde notabili contra constit. *Caus. 13. q. 1. can. 1.* ubi Papa Dionysius ait: *unicuique jus proprium habere statutus, ita videlicet, ut nullus alterius Parochiae terminos, aut jus invadat.* Excusari tamen potest Sacerdos 1. ob licentiam rationabiliter præsumptam Parochi. Item 2. ob parvitatem materiae, si nempe id faciat semel vel iterum, Parochi non contradicente, nec multùm de hujusmodi baptismatione curante, prout bene docent Gobat, Herincx, Babenstuber *ir. 8. p. 2. d. 1. a. 5. n. 10.*

66 Collig. secundò, Etiam Parentes graviter peccare, si prolem suam alieno Parocho absque licentia proprii baptizandam offerant. Ratio est: tum quia violant legem charitatis, cooperando alterius peccato; tum etiam quia contra iustitiam adversantur juri proprii Parochi, immò & Ecclesiae ordinationem transgrediuntur. *Laym. l. 5. tr. 2. c. 7. n. 2.*

67 Collig. tertio, Etiam à nativitate amentes sine lucidis intervallis, esse baptizandos; tum quia tales æquiparantur infantibus; tum etiam quia his æquè ac illis Baptismus est necessarius ad salutem. Quòd si à nativitate amentes, sed aliquando sui compotes existerint, attendi debet, an in eo statu ostenderit voluntatem suscipiendi Baptismum, vel non? si prius; baptizandi sunt. Si posterius; non sunt baptizandi

ob defectum intentionis. Tandem, si dubitetur, an aliquando intenderint baptizari, baptizandi erunt sub hac conditione: *si Baptismum aliquando desiderasti, ego te baptizo &c. &c.* modò non constat, talem actu existere in statu disgratiæ, & Baptismus differri nequeat in aliud commodius tempus. Bonac. *de Baptis. disp. 2. q. 2. punct. 6. n. 21.* Mastrius *Theol. mor. disp. 17. n. 43.*

CONFERENTIA

S E P T I M A.

De Baptismi necessitate, effectu, ac ceremoniis.

S U M M A R I U M.

- 68 *Extra casum Martyrii Baptismus summi est omnibus hominibus simpliciter necessarius.*
- 69 *Solvitur quedam instantia.*
- 70 *Nec sufficit in adulto quodcumque verum baptismi.*
- 71 *Hujus effectus primarius est remissio omnis culpæ, & pænæ propriæ diæ: secundarius est character &c.*
- 72 *In Baptismo solemniter necessario adhibendæ sunt ceremoniæ, ab Ecclesia in Rituali respectivè proprio præscriptæ, quæ tamen*
- 73 *In casu necessitatis licitè omittuntur.*
- 74 *Baptismus regulariter est conferendus in Ecclesia, exceptis prolibus Regum ac Principum.*
- 75 *Estque in Baptismo solemniter adhibendus Patrinus.*
- 76 *Quinam sint excludendi ab officio Patrini?*
- 77 *Quid agendum, ubi infans est rebaptizandus;*
- 78 *Et quid, si Baptismus adulti sit veliterandus?*
- 79 *Resolvitur Casus I. de Parocho, qui omittendo ceremonias Baptismi graviter peccavit.*
- 80 *Et quid, si unum solum, vel alteram omiserit.*

- 81 *Infantem sibi oblatum in Ecclesia filiali, ubi non habetur baptisterium, an licite baptizaret, animo supplendi cum tempore ceremonias in Ecclesia matrice?*
- 82 *Resolvitur Casus II. de quodam Barone, qui petiit prolem suam domi baptizari, & quidem sine assensu Patris, quem absentem expectavit.*
- 83 *Si non fuit periculum in mora, differendus erat Baptismus, vel alius substituentus, qui nomine absentis prolem levaret.*
- 84 *Neque proles Nobilium baptizandi sunt extra Ecclesiam, nisi alicubi vigeat consuetudo.*
- 85 *Resolvitur Casus III. de Baptismo, in quo plures volebant agere munus Patris, & quid Parocho in tali casu agendum?*
- 86 *Adultus in principiis fidei satis instructus peccat, sine causa differendo susceptionem Baptismi;*
- 87 *Sicut & Parentes graviter peccant, si proli suæ de Baptismo non provideant.*
- 88 *Parocho graviter incumbit, diligentem gerere curam libri Baptismalis*
- 89 *Et quid agendum, vel in eodem libro scribendum, Casu quo Mater illegitimæ proli nominat Patrem, ipse autem denominatus negat, se esse talem?*

§. I.

Præmittuntur, & breviter resolvuntur Quæsitæ, scitu necessaria ad debite resolvendos Casus de Ritu & Ceremoniis in Baptismo adhibendis.

Quæres primò, an, vel quibus Baptismus sit necessarius ad salutem?

68 R. Extra casum Martyrii (de quo suprâ n. 5.) Baptismus est simpliciter necessarius necessitate mediæ, omnibus hominibus ab Adamo descendentibus, parvulis quidem in re, adultis autem in re, vel saltem in voto. Ita velut de fide decisum legitur in Concil. Milevit. Carthag. & Trid. sess. 7. de Baptis. can. 5 ibi: *si quis dixerit, Baptismum liberum esse, hoc est, non necessarium ad salutem, anathema sit.* Ratio autem est: quia illud dicitur necessarium ne-

cessitate mediæ, sine quo (non obstante quacunque ignorantia, vel etiam impotentia) finis, scilicet salus æterna, obtineri non potest: atqui, stante moderna DEI ordinatione, sine Baptismo in re vel saltem in voto, obtineri nequit salus æterna; cùm Christus Joannis 3. absolute protestetur: *nisi quis renatus fuerit ex aqua & Spiritu sancto, non potest introire in regnum Dei:* ergo. Scot. 4. d. 4. q. 6. cum communissima DD.

Dices. Idem Christus Dominus Joann. 6. pari modo dixit: *nisi manducaveritis carnem Filii hominis, non habebitis vitam in vobis:* & tamen ex his verbis nequaquam licet inferre, summptionem Eucharistiae esse necessariam necessitate mediæ: ergo similiter ex allegatis Christi verbis non probatur, Baptismum esse simpliciter necessarium.

69 R. Neg. conf. Disparitas petenda est ex diversitate utriusque Sacramenti; cùm enim Eucharistia sit Sacramentum vivorum, supponens in homine gratiam sanctificantem primam, eo ipso supponit jus ad hæreditatem æternam: sed hoc ipso sumptio hujus nequit esse simpliciter ad salutem necessaria, sicut Baptismus, qui est Sacramentum mortuorum, non supponens gratiam primam in subiecto, consequenter nec jus ad gloriam. Deinde non omnes sunt capaces refectionis seu nutritionis spiritalis, ad quam Eucharistia per se ordinatur; consequenter præceptum Christi de summptione hujus nequit intelligi universaliter, & sine ulla limitatione: è contra omnes homines sunt capaces regenerationis spiritalis, immò vult Deus omnes homines salvos fieri, & spiritaliter regenerari: ergo omnes ad Baptismum obligat. Adde, Ecclesiam, semper hoc præceptum intellexisse velut illimitatum; seu pro omnibus datum, non item illud de summptione Eucharistiae.

70 Dicitum tamen fuit, Baptismum fluminis saltem in voto esse simpliciter necessarium adultis; in hujus enim defectu sufficit Baptismus fluminis, prout pulchrè explicat Doctor Seraph. 4. d. 4. a. 4. q. 1. Quocirca tamen bene animadvertit Herinckx. cit. disp. 7. n. 9. non sufficere quodcunque votum: qui enim Baptismum simpliciter consideraret, non idcirco justificaretur: sed requirir votum conjunctum, seu contenten-

tentum in actu amoris Dei super omnia, vel in contritione charitate perfecta, cui competit vis infallibiliter iustificandi, ut Theologi communiter docent in *Tracl. de grat.*

Quæres secundò, quinam sint effectus Baptismi?

71 R. Effectus primarius, quem per se confert, nisi ponatur obex, est remissio omnis culpæ, tam originalis, quam actualis ante Baptismum commissæ, itemque omnis pœnæ propriæ dictæ. Ita rursus velut de fide decusum habetur in Concil. Florent. itemque Trid. *Sess. 5. in decr. de peccat. origin. Can. 5.* ubi de baptizatis ait: *innocentes, immaculati, puri, innoxii, ac Deo dilecti effecti sunt, heredes quidem Dei, coheredes autem Christi, ita, ut nihil prorsus eos ab ingressu Cœli remoretur: at, si quæ culpa, vel pœnæ obligatio post Baptismum remaneret, procul dubio eos remoraretur ab ingressu Cœli: ergo. Præter hunc autem effectum primarium, secundariò quasi confert etiam characterem cuius signum Orium Christi, simulque conjungit hominem cum Christo seu capite, subicit jurisdictioni Ecclesiæ, ac tandem aperit januam Cœli. Vid. S. Bonavent. *cir. d. 4. a. 1. q. 1. & 2.* Filliuc. *tr. 2. n. 101.**

Quæres tertio, an, vel quænam ceremoniæ sint adhibendæ in administratione Baptismi?

72 R. In Baptismo solemnî sunt omnino adhibendæ ceremoniæ in Rituali præscriptæ. Ita omnes. Et constat ex Trid. *Sess. 7. de Sacram. in gen. Can. 13.* ubi sic habet: *si quis dixerit, receptos & approbatos Ecclesiæ Catholicæ ritus, in solemnî Sacramentorum administratione adhiberi consuetos, aut contemni, aut sine peccato à ministris pro libitu omitti, aut in novos alios per quemcunque Ecclesiarum pastorem mutari posse; anathema sit.* Et certè ratio naturalis dictat, iusto Ecclesiæ mandato esse obtemperandum: atqui iussu præcipit adhiberi ceremonias; tum ut Sacramenta cum majori solemnitate pro sua dignitate administrarentur; tum etiam, ut cum majori reverentia, dispositione & attentione suscipiantur: ergo. Quænam autem sint illæ ceremoniæ, dabunt & docebunt Ritualia cuius Diocesis propria.

73 Rursus tamen dictum fuit: in *Baptismo solemnî &c.* quia cum necessitas non habeat legem (ut commune fert adagium) hinc instante periculo, ne v. g. infans decedat sine Baptismo, administrari potest ac debet ommissis ceremoniis, prout cavetur in Rituali Passav. *de Baptif. can. 7.*

Quæres quarto, quo loco administrandus sit Baptismus?

74 R. Est administrandus in Ecclesiâ. Ita cum commun. Gobat. *tr. 2. n. 491.* La Croix *n. 334.* Kazenberger in *supplem. 2. P. Sporer. c. 1. sess. 3. à n. 97.* Qui unanimiter Ministrum baptizantem extra Ecclesiâ sine necessitate, condemnant peccati mortalis; eò quòd Ecclesiâ hoc severè prohibeat, *Clement. un. de Baptif. & res ipsa sit magni momenti, quippe ex cuius neglectu variis abusus de facili possent irrepere, prout experientia docuit. Excipiuntur tamen in eadem constitutione proles Regum atque Principum, quæ in Aula licitè baptizantur. Vid. Clericat. *decif. 30. n. 9.**

Quæres quinto, si nê etiam adhibendus Patrinus in Baptismo?

75 R. Est adhibendus in Baptismo solemnî. Ita statuitur variis iuribus, præsertim in Trid. *Sess. 24. c. 2.* Rationem congruentiæ subministrat Doctor Angelicus S. Thom. *q. 67. art. 7.* dicens: quemadmodum in generatione naturali parvulus datur nutrix; ita oportet, ut in spiritali detur aliquis, qui fungatur vice nutricis, scilicet in rebus animæ salutem concernentibus imbuendo parvulum. Munus itaque Patrini est, ut in defectu Parentum clientem suum instruat in rudimentis fidei, & moribus Christianis; quod si culpabiliter negligat, peccabit graviter: quamquam hoc raro contingat; eò quòd communiter à Parentibus, Ludimagistris, vel aliis Pedagogis satis instruantur, prout rectè advertunt Suarez, Herincx *cir. n. 26.* alique plures.

Quæres sexto, quinam ab officio Patrini sint arcendi, seu non admittendi?

76 R. Non sunt admittendi sequentes. 1. Monachi, ut habetur *c. Monachi de consec. dist. 4.* Nobis quoque Patribus Minoribus vi Regulæ *s. c. 11.* specialiter interdictur munus Patrini. 2. Arcendi sunt non baptizati; item 3. Hæretici, utpote de qui-

quibus supponi nequit, quòd unquam sint in se suscepturi curam spirituale infantis.

4. Ob eandem rationem admitti non debent publicè excommunicati aut interdicti, nec publice criminosi aut infames, neque infani, vel ignorantes rudimenta fidei, prout cavetur in Rituali Rom. *tit. de Patrinis*. Hinc specialiter constat (ait Herincx *cit. p. 4. tr. 2. disp. 7. n. 28.*) excludi pueros ante usum rationis, veluti qui nec spondere, nec instruere possunt; id, quod etiam cavetur in Concilio Parisiensis *lib. 1. c. 43.* teste Illung. *tr. 6. disp. 2. a. 6. n. 24. 5.* Tandem permitti non debet, ut Parens suscipiat prolem propriam *c. pervenit ad Nos. 30. q. 1.* quia Patrinus ordinatur in defectum & subsidium Parentum: ergo ab his debet esse distinctus. Vid. *Rituale Passav. de Baptis. can. 5.* vel Clericat. *decis. 4. n. 2. & seqq.*

Quæres septimò, quænam sint observanda, dum Baptismus iteratur?

77 R. 1. Si rebaptizandus est infans jam semel dubiè v. g. in casu necessitatis baptizatus, tunc cessante periculo deferendus est ad Ecclesiam, adhibendæ ceremoniæ, & Baptismus repetendus sub conditione; ut jam suprâ dictum. Si autem de Baptismo nullum exstet prudens dubium, solæ ceremoniæ in Ecclesiâ erunt supplendæ, juxta præscriptum Catechis. Rom. Pauli V. *de Baptis. p. 2. c. 2. n. 43.* & Ritual. Pass. *can. 12.*

78 R. 2. Si verò rebaptizandus sit adultus, sibi conscius peccati mortalis personalis, debet 1. elicere con-vel attritionem supernaturalem. 2. Debèt peccata post dubium Baptismum commissa subicere clavibus, & ab illis absolvi sub conditione, ut, si fortè Baptismus fuit validus, satisfaciatur præcepto confessionis sacramentalis. 3. Potest talis adultus rebaptizari privatim à quolibet perito, sine Patrino, & aliis ceremoniis Ecclesiæ. Ita Tambur. Metzger, quos citat & sequitur Babenstuber *tr. 8. p. 2. d. 1. a. 6. n. 34.*

§. II.

Proponuntur, & breviter resolvuntur
Casus practici de Ritu, seu Cere-
moniis Baptismi.

CASUS PRIMUS.

Titius Sacerdos hactenus plures baptizavit infantes, sed quia Ceremoniarum series in Rituali præscripta eidem videbatur longa nimis, præsertim verò illa adjuratio: Ergo maledicte Diabole &c. sæpius repetenda; hinc non nisi semel insufflavit; semel infantem cruce signavit, & unicam tantum orationem recitavit, subjuncta illa adjuratione: Ergo maledicte Diabole &c. reliquas verò insufflationes, crucis signationes, orationes & adjurationes omisit. Jam verò dubitat, an, vel qualiter peccaverit?

79 R. Probabilius peccavit mortaliter, toties quoties præfatas ceremonias omisit sine necessitate. Ratio est: quia Titius merito præsumitur contemnere Ecclesiæ ceremonias pro Baptismi administratione præscriptas, dum illas, vel saltem plures ex illis sine necessitate omittit: at hoc graviter repugnat virtuti Religionis, proptereaque Tridentinum *cit. n. 72.* anathemate ferit eos, qui dicunt, Ecclesiæ Catholice ritus contemni posse: ergo. Ex quo Nugnus, Gobat *n. 469.* & La-Croix *n. 339.* inferunt, etiam illum mortaliter delinquere, qui sine necessitate unam solum notabilem ceremoniam Baptismi negligit.

80 Dixi: *Notabilem Ceremoniam*; qualis est v. g. unctio Chrismatis &c. Nam qui unam solum vel alteram non notabilem omittit, venialiter solum peccat, ut rectè observat Gobat *l. cit.* innox subiungens, quemlibet sub gravi veniali peccato teneri observare ceremonias seu ritus receptos in Diocesi, in qua administrat hoc Sacramentum: secus enim in Ecclesiam inveheretur confusio.

Dices. Quid si autem Parocho vel Capellano in Ecclesia filiali, ubi non habetur Chrisma, nec Baptisterium, offeratur infans baptizandus, an licitè illum baptizabit animo supplendi suo tempore ceremo-

nias

nias in Ecclesia matrice, dum infans ad eandem fuerit deportatus?

81 R. Si infans facile posset deportari ad Ecclesiam matricem, peccabit graviter baptizando in filiali omisissis ceremoniis: si verò supponatur, tam facile deportari non posse, vel quia Ecclesia filialis à Matrice multum distat, vel quia Cælum pluvium seu nimbosum, aut tempore hyemali rigidum, nec subsistit periculum scandali, vel inducendi morem contrarium *Clementinæ citat.* arbitror (ait Gobat. n. 304.) fore nimis rigidum Theologum, qui hoc opus charitatis damnares noxæ lethalis: si quis ne venialis quidem, haberet me ad stipulatorem. Quia verò inter præcipuas ceremonias Baptismi est Chrismatio & Unctio, existimo, utramque meritò esse postea suppleendam. Ita Doct. cit. cui lubens adstipulor.

CASUS SECUNDUS.

Sempronius L. Baro nova prole beatus à Superis, in patrinum posularit alium quendam Virum illustrem, & magni nominis, sed absentem; & quia hic ante unam alteramve hebdomadam venturus non speratur, hinc Sempronius petit à suo D. Parocho, vellet interim domi baptizare prolem non solemniter, & sine assistentia Patrini, tum verò primum, cum hic adveniret, in Ecclesia supplere ceremonias. An licitè hoc faciet D. Parochus?

82 R. Si subsistit periculum ne infans moriatur, aut ne ex delatione ad Ecclesiam infirmitatem contrahat, utique licitè baptizabitur domi, etiam prætermisissis solemnitatibus, ut communiter sentitur DD. & constare debet ex dictis n. 74. At verò si nullum subsistit periculum, non oportet baptizare intermissis solemnitatibus, sed expectare, donec cum decente solemnitate Baptismus administrari valeat, tamen si unum aut sesqui-mensem expectandum foret, ait Laymann. l. 5. tr. 2. c. 6. num. 9. ubi tamen invigilandum, ne ex ingruente infirmitate infans sine baptismo decedat.

Dices. At quid, si subesset aliquale, non tamen grande periculum, dabitne hoc causam sufficientem privatim bapti-

zandi, & solemnitates differendi usque ad adventum Patrini illustris?

83 R. Non desunt, qui id affirmant. Verùm Pax Jord. Hurtadus, Toletus, Suarez tom. 5. in 3. p. d. 33. sect. 1. n. 2. Palao tr. 19. pu. 8. n. 4. meliùs negant, extra verè gravem necessitatem, aut periculum mortis id esse licitum; quandoquidem Ecclesia severè præcipit, & inculcat adhibendas ceremonias. Nec apparet, quare propter expectationem Patrini differantur solæ ceremoniæ: quia revera talis non ampliùs poterit agere compatrem, secundum communem DD. opinionem, quam tenent etiam Armilla, Angelus, Navarrus c. 22. n. 40. cum infans jam fuerit baptizatus, & spiritualiter regeneratus. Quare videtur magis expediens, ut vir ille illustris moneatur, quatenus velit aliquem denominare, qui suo nomine levet infantem solemniter baptizandum.

Dices. Permulti Doctores tenent, constitutionem Clement. qua permittitur ut proles Regni ac Principum baptizentur in Aula, extendi posse etiam ad proles Comitum, Baronum, immò omnium obtinentium jurisdictionem temporalem; eò quòd sit favorabilis, proptereaque latè interpretanda, argum. l. Beneficium. ff. de Constit. Princip. ergo etiam extra casum necessitatis infans Sempronius nostri licitè baptizaretur domi absque solemnitatibus.

84 R. Esto multi hoc doceant, plures tamen contradicunt: quia præfata constitutio non est extendenda ultra proprietatem verborum: atqui nomine Regum ac Principum propriè loquendo non veniunt quivis jurisdictionem temporalem obtinentes: ergo &c. Hinc communiter monent DD. in praxi standum esse consuetudini receptæ in qualibet Diocesi: atqui in nostra hac inclyta Diocesi Passaviensi non videtur consuetudine receptum, ut proles Nobilium baptizentur domi suæ, præsertim sine solemnitatibus. Quin immò, constat mihi certò, Celsissimum nostrum JOSEPHUM DOMINICUM quadriennio abhinc non permisisse, ut quædam Baronissa domi baptizaretur, sed iussisse, eandem more aliorum deferri ad Ecclesiam: ergo. Testatur etiam La Croix.

l. 6. p. 1. n. 337. in Archi-Diœcesi Coloniensi id non permitti. In Constantiensi autem (teste Gobat. *tr. 2. n. 492.*) permittitur quidem Nobilibus, ut eorum filii baptizentur extra Ecclesiam, sed non, nisi in Sacello vel Oratorio. Ex quibus prudens Minister facile concludet, sibi in hoc puncto cautè procedendum; præsertim cum permulti doceant, esse peccatum mortale, baptizare extra Ecclesiam sine necessitate, vel consuetudine legitime præscripta, vel etiam sine dispensatione. Videatur *Illung. tr. 6. disp. 2. art. 6. n. 29.*

C A S U S T E R T I U S.

Cuidam D. Parocho haud nuper delatus fuit infans Caji baptizandus, quem præter Obstetricem comitabantur vir unus, & duæ aliæ mulieres, volentes singuli levare infantem. Vir dicebat, sibi hoc competere, eò quòd hactenus semper egerit Patrinum prolium Caji: è contra una mulier asserbat, se à Patre, altera distabat, se à Matre fuisse rogatam, ut prolem levaret. Quid jam agendum in hoc casu?

85 R. Non debet D. Parochus admittere omnes, neque utramque sceminam, sed vel solum virum, vel præter virum unam tantum mulierem. Ita enim statuitur c. *Non plures dist. 4. de consecr.* item in *Trid. sess. 24. c. 2. de reform. mari.* ubi dicitur: unus tantum, sive vir, sive femina, vel ad summum unus & una debent baptizatum suscipere; quocirca Laym. alique rectè dicunt, oportere, ut in Baptismo masculi vir, in Baptismo autem femellæ femina munus Patrini obeat. Cæterùm, si Parentes assignent unum vel plures Patrilios inepatos, vel etiam si dignosci nequeat, quem, vel quos designaverint, relinquatur arbitrio D. Parochi, ut ipse designet, prout statuitur in *Rituali Passav. de Baptis. can. 6.* sequentibus verbis: quòd si plures duobus sese tanquam patrilios sistere velint, nec possit Parochus à Parente baptizandæ prolis, aut ab Obstetrice, aut ab alio quopiam certò cognoscere duos illos, qui libro sint inscribendi, & spirituales cognationem contrahuri, liberum sit Parocho, ex pluribus duos ad hoc munus

maximè idoneos deligere, & eos patrilios declarare. Quænam autem conditiones requirantur, ut Patrilios contrahat cognationem spirituales, diximus de *matrim. n. 137.* potestque de hoc videri *Laym. cit. c. 9.* Clericatus de *matrim. decis. 23. à num. 10.* Schmalzgr. b. tit. n. 34. & seqq.

§. III.

Corollaria ex dictis inferenda.

86 **C**olliges primò, Adultum, qui semel est satis instructus in fide, vel qui potest brevi sufficienter instrui, diu absque peccato non posse disserre, sen negligere Baptismum. Ita omnes. Ratio est: quia quivis, dum commodè potest, tenetur intrare Ecclesiam, & fieri membrum mystici Corporis Christi: neque enim sufficit in Ecclesia tantum mori, sed necessum est in ea vivere; nam idcirco Christus instituit Ecclesiæ Rectores & Pastores: atqui Ecclesiam intrare, aut membrum mystici Corporis Christi evadere nemo potest, nisi per viam Baptismi: ergo &c. Fatendum tamen est, eum, qui parum differt Baptismum, non statim graviter delinquere. Quando autem dilatio censenda sit notabilis, debet prudenter judicari, spectatis causis occurrentibus; quæ, si rationabiles sint, nullum erit peccatum, aliquantò diutius disserre Baptismum juxta earum exigentiam: qua ratione S. Ambrosius, Nazianzenus, alique nonnulli graves & SS. Viri, licet satis instructi, leguntur Baptismum per sat longum tempus distulisse. Vid. *Herincx*, ubi supra *disp. 7. n. 12.*

87 Collig. secundò, Parentes sub mortali obligari, ut suis prolihus tempestivè provideant de Baptismo. Ratio est. Tum quia ita fert communis consuetudo, ne citra legitimam causam diu differatur Baptismus infantium; tum etiam, quia valde repugnat pietati & charitati Parentum, permittere, ut sui liberi diu maneant membra Diaboli, quando facili negotio procurare possent, ut fierent membra Christi. Quòd si Parentum, aut etiam Tutorum negligentia vel incuria id contingat, Parochi ceu Pastores Ecclesiæ erit corrigere, & supplere hujusmodi defectum, prout cavetur in

in Rit. Rom. Pauli V. Babenstuber *tr.* 8. p. 2. d. 1. a. 6. n. 6. aliique plures.

88 Collig. tandem tertiò, Parocho incumbere, ut gerat diligentem curam libri baptismalis. Res quippe est gravissimi momenti; quandoquidem ex illo libro petitur testimonium ætatis pro Ordinibus, Professione, Matrimonio, jejunii inchoatione necessaria, liberatione à Tutela, Minoritate; item testimonium de cognatione spirituali, deque Parentibus. Quantæ verò ex hujus defectu non rarò natæ sint difficultates, & incommoditates, multiplex sanè docuit experientia. Unde Posssev. *Quintanadv. singul. tr.* 2. *singulari* 2. aliique plures peccati mortalis damnant Parochum, qui scienter & ex negligentia frequenter, seu plures baptizatos non scribit. Et Concilium Trid. *sess.* 24. *cap.* 2. *de reformatione matrim.* vult, arbitrio Ordinarii puniri negligentes. Idcirco oportet, non solum annum, mensem, ac diem, unà cum nomine & cognomine Patris vel Patrino- rum, Parentum, & ipsius etiam baptizati; sed insuper ipsam horam, in qua natus fuit infans, accuratè describere, prout nuper in nostra hac Diocesi sapientissimè ordinatum & mandatum fuisse, audivi à quodam R. D. Parocho, mihi per quàm noto, qui idipsum hæcenus accuratè observavit.

Dices adhuc. Sed quid aget Parochus, casu quo Mater prolis illegitimæ nominat Patrem, ipse verò denominatus negat se esse Parentem?

89 R. Cum P. Gobat, *tr.* 2. n. 392. in tali casu non esse absolutè scribendum nomen illius denominati Parentis, sed cum quadam cautela & clausula in libro baptizatorum scribendum erit hoc modo: *Pater ejus (scilicet prolis) est v. g. Petrus, ut dicit Mater.* Nec improbandum censeo, quod nuperrime in simili casu à quodam Domino Parocho factum esse intellexi, qui prolis baptizatæ cognomen, unà cum nomine, & cognomine Patris, à Matre suspecta dictitati, libro baptismali inferre noluit, donec causa maturiùs discussa, à Judice legitimo certus Parens declararetur.

CONFERENTIA

OCTAVA.

De Sacramento Confirmationis.

SUMMARIUM.

- 1 *Confirmatio est verum, & propriè dictum Sacramentum N. L.*
- 2 *Fuit à Christo Domino instituta in ultima Cæna.*
- 3 *Materia remota hujus est Chrismus &c.*
- 4 *Forma est hæc: signo te signo crucis, & confirmo te &c.*
- 5 *Minister ordinarius est Episcopus.*
- 6 *Extraordinarius ex commissione Papæ, potest esse simplex Sacerdos.*
- 7 *Ad validam hujus Sacramenti susceptionem ex parte subjecti requiritur. 1. Intentio. 2. Baptismus. Ad licitam verò 3. etiam status gratia.*
- 8 *Nullum tamen exstat præceptum graviter obligans ad hujus Sacramenti perceptionem.*
- 9 *Ceremoniæ circa hoc observandæ enumerantur sex.*
- 10 *Resolvitur Casus I. de quadam muliere, quæ filium suum quinquennem obitulis confirmandum, propriisque sustentabat manibus.*
- 11 *Confirmatio talis pueri, facta ab Episcopo in maxilla, & non in fronte, probabilis fuit nulla.*
- 12 *Resolvitur Casus II. de studioso, qui vult suscipere Ordines, dubitat tamen, an sit confirmatus.*
- 13 *Talis probabiliter non peccat graviter, esso confirmationem petere dissimulat.*
- 14 *Resolvitur Casus III. de illo, qui non confirmatus tenuit puerum cujusdam Viduæ, quam modò vult ducere in uxorem.*
- 15 *Curtalis non exponat Sacramentum matrimonii periculo nullitatis?*
- 16 *An plures simul eundem tenentes cognationem spirituales contrahant, disputant Doctores utrinque probabiliter.*
- 17 *Confirmatio vel solo oleo simplici, vel solo*

solò balsamo, vel Chrismate quidem, sed non benedictio facta, est nulla.

- 18 *Non est differenda confirmatio pueri, postquam adeptus est usum rationis.*
- 19 *Etiā parvulis, & aliis morituris, immò & amentibus, per se loquendo debet, vel saltem potest utiliter administrari.*
- 20 *Adultus contemnendo hoc Sacramentum, peccat mortaliter.*
- 21 *Item peccant graviter, qui hoc Sacramentum sæpius suscipiunt.*

§ I.

Præmittuntur, & breviter resolvuntur quæsitæ, scitu necessaria ad debite resolvendos Casus practicos de Sacramento Confirmationis.

QUæres primò, quid sit Confirmatio?

1 R. Est Sacramentum, quo homo viator baptizatus inungitur in fronte ab Episcopo cum Chrismate, & præscripta verborum forma ad fidei robur consequendum. Ita Concil. Florent. in decret. Eugen. Ex quo patet, Confirmationem esse verum, & proprie dictum Sacramentum novæ legis; cum sit signum sensibile, collativum gratiæ sanctificantis ex opere operato &c. Merito proin Hæretici oppositum asserentes anathematizantur à Concilio Trid. Sess. 7. can. 1. de Confr. Vide D. Bonav. 4. d. 7. a. 2. q. 1. n. 21.

Dices. Nullibi clarè constat ex S. Scriptura de institutione hujus Sacramenti: ergo à Catholicis malè asseritur.

2 R. Etiā nullibi clarè constat ex S. Scriptura, esse duo tantum, aut tria Sacramenta, ut afferunt hæretici. Sufficit proin, institutionem hujus Sacramenti constare ex traditione, usuque perpetuo jam inde à Christo D. & Apostolis derivato, esto non constaret clarè ex S. Scriptura. Quin immò in Scriptura S. clarè habetur *Act. 8. & 19. c.* Apostolos Fidelibus imposuisse manus, ut reciperent Spiritum sanctum: at, quod Apostoli tunc fecerunt per manus impositionem, Idem facit hodie Ecclesia per Chrismatis unctionem, seu Confirmationem, prout docent Innocent. III.

c. un. de Sac. unct. §. fin. Et Innocent. IV. epist. ad Episc. Tusculanum.

Dicendum igitur est, & cum Ecclesia firmiter tenendum, hoc Sacramentum fuisse à Christo Domino institutum in ultima cœna, quia (teste Fabiano Papa in *epist. 2. c. 1.*) tunc designavit ejus materiam & formam, docuitque Apostolos consicere Chrismam, quamvis etiam fatendum, illud consummativè & completè fuisse institutum post resurrectionem, quando Christus *Jo. ann. 20.* Apostolis tradidit potestatem, hoc Sacramentum aliis administrandi. Herincx. *p. 4. tr. 2. disp. 9. n. 10.* Babenstuber. *tr. 8. p. 2. d. 2. a. 1. n. 6.*

Quæres secundò, quænam sit hujus Sacramenti Materia?

3 R. Materia Confirmationis remota est Chrisma, consecutum ex oleo olivarum & balsamo, atque ab Episcopo benedictum, ut habetur. *c. cum venisset. de Sac. Unct.* Proxima autem materia est Unctio cum Chrismate facta ab Episcopo in fronte hominis baptizati ad modum crucis. Ita Catholici omnes cum Scot. 4. d. 7. q. 1. Et habetur decisum tum in Concilio Florent. tum etiam in Trid. Sess. 7. can. 2. de Confr. Vide Clericatum *deci. 54.* ubi pulcherrimas asserit rationes mysticas, ob quas Christus voluit adhiberi Chrismam consecutum ex oleo & balsamo.

Quæres tertio, quænam sit forma hujus Sacramenti.

4 R. Forma, qua Ecclesia latina utitur, est hæc: *signo te signo crucis, & confirmo te chrismate salutis, in nomine Patris, & Filii, & Spiritus sancti, amen.* Ita rursus *eum communi* Scot. 1. c. Laym. Cleric. & alii. Cæterum, an omnia hæc verba sint de essentia & necessitate Sacramenti, multum disputant, & inter se dissident DD. quibusdam affirmantibus, aliis verò negantibus. Mastrius, Bosco, Herincx, alique Scotistæ satis probabile existimant, hæc sola verba: *signo te in nomine Patris &c. vel: confirmo te in nomine Patris & Filii &c.* sufficere ad valorem. Fatentur tamen omnes, omnia præmemorata verba, esse de necessitate præcepti, ita, ut Episcopus ea, vel eorum aliqua omitrendo peccet mortaliter. Ratio est: quia exponeret Sacramentum periculo nullitatis, sequendo

ten-

sententiam minùs tutam relicta tutiore, & quidem sine necessitate, quod certè non vacat culpa gravi. *Mastrius 4. disp. 2. n. 236. & seqq. Kazenberger in supplem. Theol. Sacram. P. Sporer c. 2. sess. 1. n. 18. Suarez, La Croix, Caspensis & alii.*

Quæres quartò, quisnam sit Minister hujus Sacramenti?

5 R. Minister ordinarius est solus Episcopus. Ita rursus Catholici omnes. Et habetur decisum nedum in Concil. Florent. sed etiam in Trid. *Sess. 7. can. 3. de confirm. Item Sess. 23. can. 7. Quamvis autem ratio à priori alia dari nequeat, quàm beneplacitum divinæ voluntatis; congruum tamen videtur ex eo, quia, ut ait Doctor Seraph. S. Bonavent. cit. d. 7. a. 1. q. 3. num. (mihi) 16. Apostoli, eorumque Successores, Episcopi, sunt Prælati in Ecclesia principales: Prælati autem duplex est officium, scilicet inferiores in gradu suo statuere, & collocare in ordine, & murum opponere se, sive gregem suum defendere, idè ipsi soli (Episcopi) ordines faciunt, & corroborant. Ita Sanctus Doctor.*

6 Dixi: Minister ordinarius est Episcopus; nam extraordinarius ex speciali commissione S. Pontificis potest esse simplex Sacerdos; qua ratione *c. pervenit. disp. 95.* legitur Gregorius Magnus Sacerdotibus Sardinie potestatem confirmandi delegasse. Eandem potestatem Adrianus VI. concessit Fratribus minoribus in India degentibus, teste Herincx *cit. disp. 9. n. 43.* Hinc Concil. Florent. in Decreto de Armenis ait: *legitur tamen aliquando per Apostolicæ Sedis dispensationem ex rationabili, & urgente admodum causa, simplicem Sacerdotem chrismate per Episcopum confecto, hoc administrasse confirmationis Sacramentum.*

Quæres quintò, quænam dispositio requiratur ex parte Subjecti?

7 R. Ad validam hujus Sacramenti susceptionem, præter intentionem saltem habitualem, insuper requiritur Baptismus, velut janua ad reliqua Sacramenta, ut constat ex *c. 1. & 2. de Presbyt. non baptizato.* Ad licitam verò susceptionem est etiam necessarius status gratiæ. Ita communis. Ratio est: quia confirmatio est Sacramentum vivorum; ergo supponit hominem spiritaliter viventem, seu præditum gratia

Elbel Theol. P. I.

sanctificante. Vid. *Catechism. Rom. de confirm. §. 14.*

Quæres sextò, deturnè obligatio, vel præceptum aliquod hoc Sacramentum suscipiendi?

8 R. Non exstat præceptum; quia nulli constat de hoc: proindeque per se loquendo nullus fidelium obligatur ad hujus susceptionem, prout communissimè fatentur DD. Nihilominus supposita institutione divina ipsa ratio naturalis dicitur, hoc Sacramentum non esse contemnendum, aut vilipendendum. Cumque magna utilitas & fructus multiplex inde proveniat, ut puta 1. Gratia sanctificans. 2. Character militum Christi, & 3. jus ad percipiendas gratias actuales, quibus veram fidem invictè & intrepide propugnemus; idcirco à DD. Parochis, aliisque animarum Pastoribus excitandi, & cohortandi sunt fideles, ut hoc Sacramentum non negligant, sed potius debita cum reverentia, ac dispositione illud suscipere conentur. *Scot. 4. d. 7. q. 2. D. Bonavent. ead. disp. 4. disp. 1. n. 369. Cleric. decis. 60. n. 10.*

Quæres septimò, quibus cum ceremoniis hoc Sacramentum sit administrandum, & recipiendum?

9 R. Breviter cum P. Herincx *cit. n. 64.* Kazenberg. aliisque Doctoribus, observandas esse sex sequentes ceremonias. 1. Episcopus ob reverentiam Sacramenti debet indui habitu pontificali. 2. Frons confirmati obliganda est fascia, seu vitta lineæ, cruce notata, & quidem ad aliquot dies gestanda, ne sacrum Chrisma irreverenter aliis rebus inhæreat, aut illiniatur: nec frons interim lavari debet. Potest tamen, si ratio subsit (ait post Præposit. Busenbaum hic *dub. 3. Resp. 2. n. 3.*) fascia statim auferri, & sors ablui (id, quod etiam in hac nostra Diocesi praticari hinc meis oculis perspexi) vitta tamen debet comburi, vel honestè assertari, nec ad profanos usus adhiberi, propter contactum Chrismatum: neque solvens illam contrahit cognitionem. 3. Episcopus confirmato infligit alapam, dicens *pax tecum*, partim ut confirmatus recorderetur, se hoc Sacramento armari ad ferendas pro Christo injurias; partim etiam, ut recorderetur ipsius Sacramenti suscepti, quo adscriptus est militiæ spirituali.

D

tuali. 4. Observanda est circumstantia loci, qui, si commodè fieri potest, debet esse Ecclesia; & 5. circumstantia temporis sacri, quod deberet esse tempus Paschæ aut Pentecostes. Quia tamen defacto plerumque maxime fit concursus hominum, & ob distantiam locorum non omnes confluere possunt ad sedem Episcopalem; hinc Celsissimus noster laudabiliter solet hoc Sacramentum administrare tempore visitationis, subinde etiam in domo parochiali, vel alio loco decenti & accommodo, licet extra Ecclesiam. Sexta tandem ceremonia est, ut adhibeatur Patrinus, & quidem juxta antiquam Ecclesiæ consuetudinem distinctus à Patrino Baptismi, qui confirmatum teneat, humeris, aut certe humero dextro ipsius imponendo manum; cui etiam post patrinum Baptismi incumbit cura spirituum, in defectu Parentum. Cæterum, quinam ad hoc munus Patrini sint admittendi vel non, diximus supra de Baptismo n. 76. Est enim quantum ad Patrinum Baptismi & confirmationis par ratio.

§. II.

Proponuntur, & breviter resolvuntur
Casus practici de Sacramento
Confirmationis.

CASUS PRIMUS.

Titia pia, ac devota Mater filiolum suum quinquennem detulit ad locum Confirmationis, eundemque velut parvulum & frustum hominis, propriis sustentabat manibus. Quia vero Episcopus ob populi tumultum retrò se excitatum inopinatò respexerat, contigit, ut loco frontis maxillam præfati parvuli inungeret sacro Chrismate. Qua ratione jam dubitat Titia, & querit 1. An benefecerit, offerendo, & propriis manibus sustentando suum filiolum? 2. Quid de tali Confirmatione sibi tenendum?

10 R. Ad primum. Si Titia rationabiliter timuit, ne defectu occasionis vel Ministri filiolus suus longo tempore, vel omnino in perpetuum deberet catere beneficio hujus Sacramenti, haud quaquam foret redarguenda ex eo, quòd tam parvulum obtulerit confirmandum. Licet enim

(ut constat ex praxi) Ecclesia laudabiliter exigit in confirmando usum rationis, tum ut hoc Sacramentum majori cum reverentia suscipiatur, tum etiam ut evitetur periculum iteratæ suscepcionis, tum denique ut ipse confirmatus possit aliquo modo fidem suam profiteri; hæc tamen praxis & consuetudo Ecclesiæ non obligat, præsertim in illis locis, ubi hoc Sacramentum raro administratur, prout passim sentiunt DD. & supponere videtur Catechismus Rom. loc. proxime cit. Verum, in hac nostra Diocesi, ubi Celsissimus noster, ac Celsissimus Princeps JOSEPHUS DOMINICUS singulis annis qua domi, in Civitate scilicet Passaviensi, qua ruri etiam in visitationibus, incredibili, & nunquam satis deprecanda vigilantia pastoralis & solertia contentione hoc Sacramentum administrat, Titiam minùs laudabiliter egisse judico, dum ante adeptum rationis usum filiolum suum admovit Sacramento huic, contra Ecclesiæ praxin & consuetudinem. Magis adhuc culpanda videtur ex eo, quòd propriis manibus illum sustentando egerit quasi patriam; quia cùm Patrinus ab Ecclesia substituitur in defectum Parentum, ab his omnino diversus sit, oportet, prout jam supra de Baptismo n. 76. dictum fuit.

11 R. Ad secundum, Confirmationem factam in maxilla, probabilius esse nullam. Ita Diana, quam citat, & sequitur Clericatus de Confirm. decis. 66. Et enim quòd Unctio in fronte sit de essentia hujus Sacramenti, omnino verosimilius est, si non certum. Immo opinionem contrariam Diana Coord. tom. 1. tr. 2. Resol. 6. n. a. non veretur appellare falsam & erroneam, eò præsertim ex capite, quòd omnes Sancti Patres, Pontifices, & Canones de hac S. Unctione loquentes semper afferant, esse faciendam in fronte. Et licet Ecclesia nonnumquam definit Unctionem frontis esse de essentia hujus Sacramenti, id tamen docet praxis, & nunquam interrupta antiquissima observantia Ecclesiæ. Adde eodem jure præscribi, Unctionem esse faciendam in figura crucis, & in fronte: ergo utramque censet essentialem. Vide Clericatum, in praxi Ecclesiæ veratissimum l. cit. n. 2. ubi pro

pro eadem opinione allegat S. Thomam, Suarez, Sylvest. Layman, & alios.

CASUS SECUNDUS.

Sempronius cogitat proximè suscipere Ordines minores, cum verò dubitet, an unquam fuerit confirmatus, hinc querit, an teneatur, prius quàm ordines præfatos suscipiat, petere Sacramentum Confirmationis? Quid respondendum?

12 R. Si Sempronius merè negativè dubitet, ita, ut non suppetat rationabile fundamentum suspicandi, se esse confirmatum, potest, immò debet absolute petere prius Confirmationem; partim quia Ecclesia vult Confirmationem præmitti Ordinibus; partim etiam, quia in dubio factum non præsumitur: ergo nec Confirmatio. Si verò Sempronius dubitet positivè, eò quòd occurrat una, alteravè ratio judicandi, se fuisse confirmatum, & tale dubium vinci nequeat, debet petere, ut ab Episcopo confirmetur, non quidem absolute, ne Sacramentum forsitan iteratò suscipiat, sed sub conditione, *si nondum sit confirmatus*. Ratio est: quia Tridentinum *Sess. 23. de reform. matr. c. 4.* vult, ac præscribit, ut prima Tonsura non initientur, qui Sacramentum Confirmationis non susceperint. Et merito; quippe indecens foret, ad dignitatem, & altiores gradus Ecclesiæ, seu etiam in Ministrum aut Præconem fidei promoveri talem, qui mediante Sacramento Confirmationis in vera Fide nunquam fuit corroboratus. Quia tamen Confirmatio non est ita necessaria sicut Baptismus; hinc, ut licet petatur, vel administretur sub conditione, requiritur majus dubium, quàm pro repetitione Baptismi, prout rectè advertunt Nugnus, Bardi, Gobat. *cit. tr. 2. n. 763.* & La Croix *l. 6. p. 1. n. 393.*

Dices. Sed quid, si Sempronius non noster susciperet Ordines minores, non petita prius Confirmatione, peccaretne graviter?

13 R. Non peccaret graviter; quia non potest offendi præceptum graviter obligans ad susceptionem Confirmationis. Concilium enim Trident. mox allegatum (ut notat Barbosa in hunc locum) potius monere videtur, quàm præcipere, ut non initien-

tur prima tonsura, qui Sacramentum Confirmationis non susceperint: ergo cum aliunde supponatur dubium, an Sempronius non fuerit jam confirmatus, dicendum, quòd suscipiendo minores Ordines dissimulata confirmationis petitione, graviter saltem non peccaverit. Castrop. Salmatic. Suarez, Navarrus Babenstüb. ubi suprà *a. 3. n. 9.* Reinffestuel. *Theol. mor. tr. 14. diff. 3. n. 49.*

CASUS TERTIUS.

Cajus non confirmatus tenuit ad confirmationem puerum, cujus Matrem Viduam modò vult in uxorem ducere. Dubitat tamen, & querit, an propterea non contraxerit cum præfata Vidua cognationem spirituales matrimonio repugnantem?

14 R. Probabilissimè non contraxit cognationem, ideòque tutò potest ducere Viduam illam. Ita Sanchez de *Matrim. l. 7. d. 60. n. 20* Lugo *lib. 3. de Confirm. c. 5. q. 1.* Clericat. *decis. 59. n. 5.* quem sequitur Matthæucc. in *Cautel. Confess. l. 4. c. 3. fin.* Ratio potissima desumitur tum ex *cap. in Baptismate de Consecr. diff. 4.* tum etiam ex Pontificali *Rom. tit. de Confirm. ubi dicitur: nullus, qui non sit confirmatus, potest esse in Confirmatione patrinus.* Et quòd ly non potest, habeat vim irritandi actum, tenent plurimum Canonistæ, tum etiam Theologi amplissimi nominis, videntur apud Clericatum, *l. cit.* Quibus accedit Em. Card. de Laurea de *imped. Matr. disp. 28. n. 102. & seqq.* Idcirco, cum tantæ prudentiæ, scientiæ, & experienciæ in Romana Curia Auctorem habeamus, docentem, à Patrino non Confirmato nullam contrahi cognationem spirituales, absque hæsitatioe dicendum, quòd Cajus noster sine scrupulo possit ducere præfatam Viduam; eò præsertim, quòd juxta Regulas Juris odiosa sint restringenda, & contra eum, qui potuit clariùs dicere legem, faciendi interpretatio.

Dices. Multi Doctores tenent, à Patrino etiam non confirmato contrahi impedimentum cognationis spiritualis: ergo Cajus ducendo Viduam hanc, exponet Sacramentum Matrimonii periculo nullitatis, utique non absque sacrilegio.

15. R. Neg. Conseq. Esto enim multi

D 2

hoc

hoc teneant, quia tamen plures id negant, hoc ipso manet quodammodo dubium speculative, utrum Cajus contraxerit impedimentum? atqui in dubio, an impedimentum præsertim juris humani fuerit contrarium, manet melior conditio possidentis suam libertatem cum qualibet contrahendi, & Ecclesia velut pia Mater tale matrimonium, subiectum suæ potestati, tacite approbat, sicut approbat matrimonium contractum coram Parocho existimato; & jurisdictionem certò tribuit, quando Minister cum jurisdictione probabili & titulo colorato absolvit: ergo Sacramentum nullatenus exponitur periculo. Vide Carden. *Crisib. olog. diss. 2. n. 529. Kugler de Matr. n. 233. Viva ad 1. propos. ab Innocent. dam. n. 29.*

Dices adhuc. At quid, si plures, licet contra præscriptum Tridentini, simul teneant eundem infantem ad confirmationem?

16 R. Utrum in tali casu omnes designati cognationem contrahant, multum disputant, & inter se dissident DD. prout videre licet apud Sanchez, Cleric. cit. *decis. 60.* & alios. Ego utramque sententiam judico probabilem, probabiliorem tamen affirmativam, quod scilicet singuli contrahant. Non tamen dubito, quin in casu mox dato singuli possent ducere Viduam, ob rationes numero præcedenti datas.

§. III.

Corollaria ex dictis inferenda.

17 **C**olliges primò, Confirmationem esse nullam, si fiat vel solo balsamo, vel solo oleo simplici, vel chrismate quidem, sed non benedicto. Ratio patet ex præmissis: quia materia essentialis hujus Sacramenti est Chrisma ab Episcopo benedictum: ergo hoc deficiente, deficit pars essentialis, & per consequens ipsum Sacramentum. Valet tamen Confirmatio collata in chrismate veteri, seu priori jam anno benedicto; quia adhuc manet chrisma benedictum ab Episcopo, ideoque materia essentialis, quamvis Episcopus graviter peccaret utendo veteri chrismate, ut communiter tenent DD. & cum illis Sco-

tus ubi suprâ, Bosco *part. 1. disp. 3. sect. 1. à n. 40.*

18 Collig. secundò, concedens esse, ut dum puer explevit septimum annum ætatis, vel ante illum quoque putatur affectus usum rationis, confirmatio ejusdem non diu differatur; tum quia dignius eam suscipiet adhuc innocens, seu gratiam baptismalem servans illæsam; tum etiam, quia hoc Sacramentum est institutum in remedium, quo homo à gravioribus lapsibus præservetur.

19 Collig. tertio, hoc Sacramentum per se loquendo esse administrandum etiam parvulis, aliisque in mortis articulo constitutis, idque ob gratiæ ampliacionem inde participandam, vi cujus homo ad consuetum spirituales armatur. Esto etiam tales supponantur nunquam pugnaturi, quia tamen hæc arma sunt præmunientia, & melius est, hominem muniri ante læsionem, quam post; hinc nec parvuli, nec morituri sunt fraudandi hoc Sacramento: id ipsum concedendum est amentibus, modò non constet, tales in amentiam incidisse in statu peccati mortalis, vel ante amentiam contra hoc Sacramentum excepisse. D. Thom. S. Bonavent. ubi suprâ. *disp. 7. a. 3. q. 2. nu. 31. Laym. l. 5. tr. 3. c. 5. Filliue. tr. 3. c. 2. n. 34. & seqq.*

20 Collig. quarto, Adultum, qui hoc Sacramentum contemnit, seu ex contemptu non recipit, peccare mortaliter. Ita cum *commun. Castropal. tr. 20. pu. 8. nu. 6. Herincx disp. 9. n. 55. Babenstüb. cit. a. 3. n. 8.* Ratio est: quia gravem injuriam infert Sacramento, ejusdemque institutori Christo. Quocirca tamen notandum, illum reputari contemnere, qui ideo non recipit, quia Confirmationem nihili facit, vel reputat aliquid vile, puerile, & sua persona indignum. Qui verò dissimulat suscipere Confirmationem solùm ex tepiditate, & torpore spiritus, quia hic & nunc non placet, licet haberet occasionem optimam suscipiendi, non idcirco dicitur contemnere; multa etenim animæ lucra prætermittimus, ut puta audire Missam die feriali, vel percipere S. Communionem die festivo &c. quin reputemur ea contemnere. Quamvis cum Suarez, Conink, Palao cit. & alijs fatendum videatur, hujusmodi torporem ac negli-

negligentiam circa Confirmationem raro vacare omni culpa, etiam veniali.

21 Collig. quintò, peccati mortalis condemnandos, & arguendos esse illos, qui hoc Sacramentum sæpius suscipere non verentur: quod, utinam non nimis frequenter fieret ex damnabili cupiditate aliquid recipiendi à Patrino. Ratio autem hujus corollarii patet: quia cum hoc Sacramentum sit initerabile ob characterem indelebilem, animæ semel impressum, necessum est, ut, quoties iteratur, toties frustreretur, non sine gravissimo sacrilegio. Quapropter vehementius objurgandi, immò & puniendi sunt stolidissimi illi Mercatores, qui ob modicum, sæpe etiam inaniter speratum lucrum temporale, non verentur & Dei gratiam, & animam suam perdere. Nihilominus iterantes Confirmationem, etiam scienter, non incurrunt irregularitatem; cum hæc non incurratur, nisi sit in jure expressa: nullibi autem legitur in jure expressa irregularitas in iterantes Confirmationem: ergo cum aliunde constet, odiosa esse restringenda, dicendum, quod non incurratur. Scotus 4. d. 7. q. 5. Reineffuel ubi supra n. 53. cum communiori DD.

CONFIDENTIA

N O N A.

De institutione, materia, forma, & effectibus extremæ Unctionis.

S U M M A R I U M.

- 22 Extrema Unctio est verum, & propriè dictum Sacramentum N. L.
- 23 Immediate à Christo D. institutum, sed post resurrectionem primùm.
- 24 Materia remota hujus est oleum olivarum, ab Episcopo benedictum: proxima verò consistit in Unctione infirmi.
- 25 Quæ in quinque saltem sensibus fieri debet.

Elbel Theol. P. I.

- 26 Legitima forma, in Ecclesia latina usurpanda, sita est in sequentibus verbis: per istam sanctam Unctionem &c. &c.
- 27 Non omnia verba totius formæ sunt de essentia Sacramenti.
- 28 Probabiliter tamen est de essentia hujus, ut forma proferatur modo deprecatorio.
- 29 Effectus specialis primarius consistit in remissione peccatorum venialium, specialiter resistentium in aegrotis. Insuper
- 30 Ad singulas Unctiones confertur gratia.
- 31 Resolvitur Casus I. de infirmo delirante ex morbo, quem D. Parochus relictus unxit, licet resistit in tantum, ut etiam oleum s. excussit manibus Ministris.
- 32 Quid circa oleum ita dispersum agendum?
- 33 Si residuum oleum benedictum non amplius sufficeret pro reliquis infirmis, licet hic affundere aliud non consecratum: & quomodo?
- 34 Resolvitur Casus II. de Capellano, qui per errorem cuidam D. Parochio loco olei infirmorum, transmisit oleum catechumenorum, propterea que tenebatur errorem suum corrigere.
- 35 An, vel quando reperenda sit Unctio, facta oleo catechumenorum.
- 36 Resolvitur Casus III. de Ministro, qui cujusdam sensus unctionem intermisit, simulque in forma erravit.
- 37 Qui extra casum necessitatis unicum tantum sensum inungit peccat mortaliter.
- 38 Non item, si in casu necessitatis id. agat.
- 39 Quando infirmus caret aliquo sensu, pars illi sensui proprius est ungenda.
- 40 Valet extrema unctio, tametsi minister non ungit in modum Crucis, nec ordinem servet inter sensus: per se loquendo tamen peccat.
- 41 Unctio extrema collata cum hac formula: indulgeat tibi Deus, quidquid dereliquisti, est nulla; ideoque repetenda.

§. I.

Præmittuntur, & breviter resolvuntur
Quæstia, scitu necessaria ad debitè re-
solvendos Casus practicos de materia,
& forma extremæ Unctionis.

Quæres primò, quid sit extrema Unctio?

22 R. Est verum, & propriè dictum Sacramentum N. L. quo aliquæ partes corporis infirmi inunguntur oleo benedictio sub præscripta verborum forma, ad salutem animæ & corporis. Ita Mastr. 4. *disp.* 6. n. 18. alique communiter. Quod autem extrema Unctio sit Sacramentum, habetur (contra VValdenses, Calvinistas, Lutheranos, aliosque hæreticos) tanquam de fide decisum, tam in Concilio Florent. quàm Tridentino *sess.* 14. *can.* 1. ubi oppositum asserentes anathematizantur. Ratio autem hujus decisionis sumitur, tum ex epistola S. Jacobi Apost. c. 6. ubi ait: *infirmatur quis ex vobis, inducat Presbyteros Ecclesiæ, & orent super eum ungentes eum oleo, & oratio fidei salvabit infirmum, & alleviabit eum Dominus, & si in peccatis sit remittentur ei.* Tum etiam ex communi omnium Catholicorum DD. & SS. Patrum consensu, nec non ex perpetua, jam inde ab Apostolis derivata praxi & consuetudine Ecclesiæ; cui se opponere, errare est.

Quæres secundò, quandònam hoc Sacramentum sit institutum, & à quo?

23 R. Est immediatè à Christo D. institutum, & quidem 2. probabilis primùm post resurrectionem, etsi fortè (inquit Herinx) modus benedictionis servandæ citra oleum, uti circa chrisma, sit à Christo in ultima cœna traditus. Ratio prioris est: quia secundùm dicta de *Sacram. in Gen. num.* 6. omnia Sacramenta sunt immediatè instituta à Christo: ergo & hoc, Hinc Tridentinum *cir. can.* 1. ait: *si quis dixerit, extremam unctionem non esse verum, & propriè dictum Sacramentum, à Christo D. institutum, & à B. Jacobo pronulgatum &c. anathema sit.* Ratio autem posterioris inde desumitur: quia Sacramentum extremæ unctionis supponit potestatem Episcopalem, aut certè Sacerdotalem,

tum benedicendi oleum, tum etiam remittendi peccata; cùm sit quodammodo completivum, & consummativum Sacramenti Pœnitentiæ ad peccatorum reliquias ultimatò extirpandas: atqui Apostoli non acceperunt potestatem Episcopalem ante ultimam cœnam: potestatem autem absolventi primùm obtinuerunt post resurrectionem *Joann.* 20. ergo dicendum, quod hoc Sacramentum prius non fuerit institutum, saltem completè. Scot. 4. *diff.* 23. Frassen. *tom.* 4. *tr.* 1. *disp.* 3. q. 1. n. 13.

Quæres tertio, quænam sit hujus Sacramenti materia?

24 R. Materia remota est oleum olivarum, ab Episcopo benedictum: proxima autem est Unctio infirmi. Ita omnes. Ratio desumitur partim ex perpetua Ecclesiæ praxi; partim etiam ex eo, quod tam Florent. quàm Tridentinum pro materia necessaria hujus Sacramenti expressè, & absolute assignent oleum ab Episcopo benedictum. Idipsum asserunt Innocent. Papa I. in *epist.* ad Decentium. Itemque Innocent. III. c. *cum venisset de Sac. Unct.* Quo modo loquendi innuunt, benedictionem Episcopalem olei nedium esse de necessitate præcepti, sed etiam de necessitate Sacramenti. Ita etiam sentiunt Scot. Aretinus, Poncius, alique plures, quos refert & sequitur Mastrus *cir. disp.* 6. n. 27. Quamvis communiter fateantur, potestatem benedicendi oleum infirmorum à summo Pontifice committi posse Sacerdoti simpliciter, prout constat ex *constitut.* 34. *Clement. VIII. Sanctissimus.* edita 31. Aug. 1595.

Quæres quartò, quot, vel quænam Unctiones sint de necessitate hujus Sacramenti?

25 R. Est probabile (saltem speculativè loquendo) ad valorem sufficere unicam Unctionem, cum hac formula experiente omnes quique sensus: *per istam sanctam Unctionem indulgeat tibi Dominus, quidquid per visum, auditum, odoratum, gustum, & tactum deliquisti.* Nihilominus extra casum necessitatis, dum videlicet tempus & occasio suppetit, necessariò debent fieri saltem quinque Unctiones, scilicet quinque sensuum, puta oculorum, aurium, labiorum, narium & manuum. Ratio primi est: quia nec Scriptura S. nec Con-

cilia plus requirunt pro valore, quam Unctionem infirmi, sicut, in Baptismo ablutionem: ergo quemadmodum ad valorem Baptismi sufficit unica ablutio, ita probabiliter ad valorem hujus Sacramenti sufficit unica Unctio. Hac de causa nostrum Rituale Passaviense de *Sacr. extr. Unct. can. 11. ait: in morbis contagiosis, & peste grassante, ut periculum vitæ sit sufficit inungi sensus organum, magis ad unctionem expositum ac defectum, dicendo: per istam sanctam unctionem, & suam piissimam misericordiam indulgeat tibi Deus, quidquid deliquisti per visum &c.* Idem statuitur in Pastoralis Frising. pag. 135. & Mechliniensi teste Frassen & Herincx n. 22. Hoc autem male præscriberetur, si ne probabiliter quidem ad valorem sufficeret unica Unctio: ergo &c. Ratio secundi datur hæc: quia extrema Unctio instituta est ad tollenda finaliter peccata venialia, & peccatorum reliquias; proindeque convenienter applicatur illis partibus corporis, in quibus peccatorum radix residet: atqui hæc residet in prædictis quinque sensibus, à quibus omnis malitia transit ad cor; nihil enim est in intellectu, quod non prius fuit in aliquo sensu: ergo necessarii, necessitate præcepti graviter obligantis debet fieri Unctio saltem in quinque sensibus. Et licet Florentinum Concilium dicat, unctionem esse faciendam etiam in renibus ac pedibus, hanc tamen non esse essentialem, satis colligitur ex Catechismo Rom. jussu Pauli V. edito, quum monet, unctionem renum decentius omitti in sæminis: immò & in viris juxta receptissimam praxin loco renum solet inungi pectus. Hinc Rituale Passaviense nullam prorsus facit mentionem de unguendis renibus, & can. 8. docet mulierem puerperam, aut fluxu laborantem in pedibus ungendam non esse: sicut ob eandem causam honestatis unctio pectoris in mulieribus intermittenda est. Vid. Illsung. tr. 6. d. 7. n. 4. Gobat. tr. 8. n. 792. Clericat. decis. 66. n. 7. & seqq.

Quæres quintò, quænam sit legitima forma hujus Sacramenti?

26 R. Forma legitima in Ecclesia latina (Græca enim utitur alia, licet non substantialiter diversa) sub gravi culpa per se loquendo usurpanda est hæc: *per istam san-*

ctam Unctionem, & suam piissimam misericordiam, indulgeat tibi Dominus, quidquid per visum (audium &c.) deliquisti, in nomine Patris, & Filii, & Spiritus sancti &c. Ita omnes. Ratio alia à priori dari nequit, quàm beneplacitum divinæ voluntatis, nobis satis manifestatum, dum & Concilium Florent. & Tridentinum, itemque Rituale Romanum eandem formam præscribunt. Circa hanc tamen duo restant dubia breviter resolvenda. 1. Utrùm omnia allegata verba sint de essentia? 2. utrùm forma hæc debeat necessariò esse deprecatoria? ad quorum primum

27 R. Non omnia verba sunt de essentia, sed probabiliter sufficiunt hæc: *per unctionem indulgeat tibi Dominus, quidquid deliquisti.* Ita satis communiter Doctores Mastr. ubi suprà n. 41. Kazenberger c. 2. scilicet. 3. n. 72. Illsung, Babenst. & alii. Ratio est: quia illa sola verba sunt essentialia, si ve de necessitate formæ, quibus præcisè positis obtinetur, & sine quibus non sufficerent obtineretur essentialis significatio. Atqui prædictis præcisè verbis obtinetur significatio à Christo intenta (puta effectus primarii) non item, si aliqua eorum omittantur: ergo reliqua non sunt de necessitate Sacramenti, esto sint de necessitate præcepti.

28 R. Jam ad secundum. Probabilius est de essentia Sacramenti, ut hæc formula proferatur modò deprecatorio, & non auctoritativo, seu indicativo. Ita contra multos tenent S. Bonavent. 4. d. 23. a. 1. q. 4. Mastr. Frassen. Illsung. cit. disp. 7. n. 8. Clericat. decis. 68. n. 7. & alii satis communiter. Ducuntur hæc potissimùm ratione. Quia S. Jacobus vult, ut Presbyteri *orent* super infirmum. Tum etiam quia hoc Sacramentum principaliter fuit institutum pro infirmis, quicùm propriis viribus, & præsertim vigore ad præstanda pietatis exercitia regulariter loquendo sint destituti, vel maximè indigent sublevari orationibus Sacerdotum. Plures rationes congruentiæ videri possunt apud DD. cit.

Quæres sextò. Quosnam effectus confert extrema Unctio?

29 R. Effectus primarius communis omnibus aliis Sacramentis est gratia sanctificans: specialis autem, quem confert, est

remissio peccatorum venialium, finaliter testantium in ægroto; hic etenim effectus specialiter exprimitur in forma proximè recensita. Unde dicit D. Jacobus: *& si in peccatis sit, remittuntur ei*: quod DD. etiam intelligunt de remissione pœnarum peccatis debitæ, quamvis non semper omnium. Secundò. Alleviat infirmum, & abstergit peccatorum reliquias, id est, tollit animi languorem, torporem mœrorem, tristitiam, fastidium, & anxietates, aliasque consimiles pravæ affectiones, quæ ex peccatis commissis, eorumque recordatione oriri natæ sunt, & peccatorem in barathrum desperationis abducere. Tertiò tandem secundariò conducit extrema Unctio ad recuperandam corporis sanitatem, non quidem absolute & semper seu infallibiliter, sed quasi conditionatè, si animæ saluti expediat, ut loquitur Apostolus; nec mirandum: Sacramenta enim non conferunt suos effectus, nisi in ordine ad spiritualem animæ profectum. Vid. Reinfest. Theol. mor. tr. 14. dist. 17. à n. 17.

Quæres septimò, utrùm ad singulas unctiões conferatur gratia, vel vetò primum in ultima Unctiõe?

30 R. Probabiliùs confertur ad singulas Unctiões; quia quælibet Unctiõ habet essentialiter completam significatiõnem sui effectus: ergo quævis confert peccatorum remissionem: atqui Sacramenta non aliter remittunt peccata, quàm causando gratiam remissivam peccatorum: ergo dicendum, ad quamlibet Unctiõnem conferri gratiam, vi cuius remittuntur peccata commissæ per sensum taliter inunctum. Fatendum tamen est, quòd, si subinde vi hujus Sacramenti dimittatur peccatum mortale per accidens, illud ad primam statim Unctiõnem remitti debeat; quandoquidem juxta modernam Dei ordinationem nullum peccatum mortale cum gratia sanctificante sit compatibile in eodem subjecto, ne quidem per momentum. Scot. 4. d. 23. Frassen. tom. 4. disp. 3. q. 2. 1776. 19.

§. II.

Proponuntur, & breviter resolvuntur Casus practici de materia, & forma extremæ Unctiõnis.

CASUS PRIMUS.

Titius Parochus vocatus ad infirmum maligna febre correptum, invenit eundem mirum in modum delirantem, quare cum nec Sacramentum Eucharistiæ, multò minus Pœnitentiæ potuisset eidem ministrare, voluit saltem impertiri extremam Unctiõnem. Verùm, ubi propius accessit, infirmus vasculum, in quo Sacrum oleum continebatur, manibus D. Parochi excussit, horribiliterque ejulavit; crediderat enim se interfectum iri. Dubitatur jam 1. An D. Parochus bene fecerit? 2. quid circa oleum sacrum fuerit agendum?

31 R. ad primum. Titius Parochus bene fecit: quia cum juxta communem Doctorum opinionem suprà de Sacram. in gen. n. 10. infinitam, hoc Sacramentum habeat vim, saltem per acciden. conferendi gratiam primam, non solum potuit, sed etiam debuit in tanto periculo, & defectu aliorum Sacramentorum administrari, quatenus infirmus, fortè in statu disgratiæ constitutus, & solum attritus, hoc mediante recuperaret gratiam primam, & vitam æternam, qui sine Sacramento incurrisset æternam damnationem. Nec obstat, quòd supponatur repugnasse, immò & S. oleum excussisse: id enim ex insaniam & delirio fecisse piè præsumendum est, nec dubitandum, quin habitualiter saltem fuerit ita dispositus, ut si nosset periculum, procul dubio lubens voluisset amplecti hoc quasi unicum aut certè saluberrimum salutis æternæ remedium: atqui juxta constitutionem Ritualis Rom. & Passaviensis can. 5. extrema Unctiõ administranda est etiam illis, qui petierunt, vel verosimiliter petissent: ergo &c. Oportuisset tamen Titium cautius procedere, & siquidem prævidisset periculum, curare, ut infirmus ab aliis, vel teneretur, vel etiam ligaretur interim, dum Sacramentum administraret, ne oleo sacro tanta fieret irreverentia. Hinc

32 R. Ad secundum. Oleum sacrum fuit quàm diligentissimè colligendum, & mediante lana bombycina, aut lino mundo in sacrum vasculum reponendum, partes verò, seu loca illa, quibus erat aspersum, solenter debent vel radi, vel lavari; idque ob reverentiam olei sacri, quod quidem lumen naturaliter congenitum, & prudentia faciliè dictabunt cuivis fidei Ministro.

Dices. Sed quid agendum, si oleum residuum non ampliùs sufficeret pro reliquis infirmis per annum ungendis?

33 R. Si aliunde non possit obtineri oleum infirmorum, potest, ac debet residuo affundi & commisceri aliud, licet non consecratum, sed hoc *in modica quantitate* (ut loquitur Rituale Rom.) sic, ut quantitas residua olei consecrati semper sit major, & superet quantitatè olei non consecrati, quod affunditur (esto etiam oleum affusum successivè, tandem superaret oleum consecratum, quod erat residuum) Ratio autem est: quia per plures additiones successivas minores non amittitur benedictio; quin potiùs, cùm sit prima additio minor, hæc participat benedictionem, & totum illud mixtum manet undequaque benedictum: quo fit, ut dum advenit secunda additio rursus in minori quantitate, hæc denuo participet benedictionem à quantitate olei benedicti præ-existentis. Quòd autem hoc licitè fiat, existat declaratum à S. Congregatione Cardinalium 23. Septemb. 1682. ut videre est apud Carden. *Crisf. Theol. dissert. 2. n. 486.* Unde hæc opinio non subjacet damnationi; cùm sit verè tuta, prout bene docent Card. l. cit. *Viva ad propof. 1. ab Innocent. XI. proscriptam. n. 26. Clericatus decif. 65. La Croix l. 6. p. 2. n. 2090.* Secus dicendum de opinione, asserente, etiam una commixtione fieri posse additionem olei non consecrati in majori quantitate, quàm fuerit residuum consecratum: hæc enim non est verè probabilis, multò minùs tuta, proptereaque damnationi obnoxia. Vide *DD. cit.*

CASUS SECUNDUS.

Sempronius Capellanus à suo R. D. Decano jussus tempore paschali distribuere olea sacra singulis D. D. Parochis, per errorem vasculum signatum O. I. (id est, Oleum Infirmorum) implevit oleo Catechumenorum, proindeque eidem D. Parocho transmissit duo vascula, impleta oleo Catechumenorum, addito tertio vasculo Chrismatis, sine oleo infirmorum? jam verò erroris à se commissi conscius & certus, angitur, petitque scire, an teneatur hunc errorem corrigere, etiam cum aliquali confusione propria, an verò possit D. Parochum relinquare in bona fide? Quid respondendum?

34 R. Sempronius graviter obligatur hunc suum errorem corrigere, monendo D. Parochum, eidemque, si habeat, submitiendo oleum infirmorum, non obstante aliquali confusione propria inde forsitan emersura. Ratio est hæc: quia juxta probabiliorum Doctorum opinionem nec oleum Catechumenorum, nec Chrisma sufficit ad valorem hujus Sacramenti. Quamvis enim hæc sint olea ab Episcopo benedicta, quia tamen cum aliis longè diversis ceremoniis ac benedictionibus consecrantur, hinc probabilius specie morali differunt ab oleo infirmorum, quod est materia extremæ Unctionis: qua de causa Cardenas *mox cit. dissert. 2. n. 494.* existimat, opinionem quæ tenet, unctionem extremam extra casum necessitatis licitè ministrari cum Chrismate, subjacere damnationi, eò quòd per talem praxin Sacramentum reddatur dubium, cum periculo sacrilegii, & infirmi detrimento spirituali haud exiguo: atqui certum est, famam propriam, præsertim ubi confusio tam est exigua, postponendam esse reverentiæ Sacramenti, & salutis spirituali proximi, qui ex tali errore graviter damnificaretur: ergo Sempronius tenetur &c.

Dices. Sed quid, si præfatus D. Parochus jam aliquos unxisset oleo Catechumenorum?

35 R. Non est necessum ut unctio repetatur; tum quia probabile est, jam valuisse priorem; tum etiam, quia hoc Sacramentum non est usque adeò necessarium; tum deni-

denique quia talis Unctio fieri non potest sine aliquali scandalo aut marmure in Populo. Ita Laym. l. 5. tr. 8. c. 2. n. 3. Babenstuber. tr. 8. p. 6. d. 7. a. 2. n. 3. Corotius, Diana, & alii plures. Censet tamen Unctionem repetendam, casu quo infirmus aliud Sacramentum non potuisset suscipere; eò quia in talibus circumstantiis sin minus absolute necessaria, certò tamen utilissima evadit, propterea quæ apud prudentes non est timendum periculum scandali.

CASUS TERTIUS.

Cajus Presbyter dum nuper infirmum oleo sacro perlinxit, ex quadam perplexitate, seu etiam mentis distractione, intermisit unctionem manuum, & dum pervenit ad pedum unctionem, usus est, hac formula: per istam sanctam Unctionem indulgeat tibi Dominus, quidquid per tactum deliquisti: qua ratione non nihil anxius querit quid sibi tenendum de tali Unctione?

36 R. Probabiliter valet, ideoque per se loquendo, non est necessariò repetenda, tum quia juxta probabilissimam opinionem Scoti & aliorum, Unctio singulorum sensuum non est de necessitate Sacramenti; tum etiam, quia hoc non est usque adeò necessarium. Nihilominus si Minister talem defectum advertat vel sub ipsa Unctione, vel immediatè post, dum adhuc præsens est infirmo, tenetur sub gravi culpa supplere defectum ungendo sensum prius præteritum seu intermissum; quia juxta omnes, dum fieri facile potest, Sacramenta debent ritè, completè, & integrè administrari: ergo quemadmodum in aliis Sacramentis debent suppliri defectus, ita & in hoc. Si tamen supponatur Minister jam-jam discessisse ab infirmo, & ad eundem tam facile reverti non posse, oportebit rem committere Deo: nec videtur obligatus cum notabili difficultate ad redeundum, nisi aliud suadeat necessitas aut periculum infirmi in casu, quo is alterius Sacramenti non est capax.

§. III.

Corollaria ex dictis inferenda.

37 **C**olliges ex dictis primò, ministrum graviter peccare, qui extra casum necessitatis vel unica solùm uteretur formula, vel unicum solùm inungeret sensum, vel denique Unctionem unius ex quinque sensibus deliberatè intermitteret. Ratio patet: quia talis ageret contra præscriptum Concilii Florentini, & Ritualis Romani, quod secundum opinionem Clericali cit. decis. 66. n. 19. & aliorum, in hoc puncto habet vim legis graviter obligantis. Adde, quòd talis exponat Sacramentum periculo nullitatis.

38 Dixi tamen: *extracatum necessitatis*. Etenim in casu ubi Sacerdos rationabiliter timet, ne infirmus planè decedat priùs, quàm singulas Unctiones perfecit, præsertim si nullum aliud Sacramentum percepit, potest ac debet uti unica unctione vel solius Capitis, vel plurium quidem sensuum cum unica formula dicendo: *per istam sanctam Unctionem -- indulgeat tibi Dominus, quidquid per visum, auditum, gustum, &c. &c. deliquisti*: melius quippe est, in tanto periculo ministrari Sacramentum quodammodo dubium, quàm omnino nullum. Mastr. cit. disp. 6. n. 49. Frassen. disp. 3. q. 2. n. 9. Ilfing. disp. 7. n. 4.

Dices. Sed quid agendum, si infirmus careat aliquo sensu v. g. visu, aut manibus &c.?

39 R. Juxta præscriptum Ritualis Rom. & Passav. can. 9. ungenda est pars corporis hujusmodi sensui proxima, puta, palpebræ, aut brachium. Nec refert, quòd v. g. Cæcus à nativitate nunquam potuerit peccare visu, propterea quæ forma videatur quodammodo falsificanda &c. Esto enim non potuerit peccare visu exteriori corporis, certè tamen potuit peccare visu mentis, vel potius inordinato desiderio videndi, prout post D. Thomam notant Gobat. Laym. Clericus cit. decis. 67. n. 10. alique plures.

40 Collig. secundò, Unctionem extremam valere, tametsi minister non ungeret in modum crucis; item tametsi ungendo

non

non servaret ordinem inter sensus præscriptum. Ratio primi est: quia nec S. Jacobus, nec Concilium Florent. aut Trident. ullam faciunt mentionem de efformanda cruce, licet cæteroque exacte materiam ac formam hujus Sacramenti descripserint, citra veniale peccatum tamen efformationem crucis intermitteri non posse absque necessitate, colligitur ex cap. Nunquid de Consecr. disp. 5. Ratio autem secundi est hæc: quia per inversionem Ordinis inter Unctiones sensuum ab Ecclesia præscriptas non tollitur perfecta & integra significatio Sacramenti. Graviter tamen delinquere talem ministrum censent Bonacin. disp. 7. q. un. puncti. 3. n. 20. Castropal. tr. 26. disp. un. puncti. 3. n. 11. alique plures; eo quod in materia gravi agat contra consuetudinem Ecclesiæ.

41 Collig. tertio, invalidam, ideoque repetendam fuisse Unctionem illam: quam Sacerdos ministraverat cuidam mulieri cum hac formula: indulgeat tibi Deus, quidquid dereliquisti. Ita Gobat. tr. 8. num. 811. Clericat. decif. 69. num. 19. Kazenberger cit. num. 73. Ratio est: quia vocabulum *dereliquisti* sive grammaticaliter sive moraliter spectetur, reddit sensum substantialiter diversum à vocabulo *dereliquisti*: ubi autem fit mutatio substantialis, Sacramentum evadit nullum, prout constare debet ex dictis de Sacram. in Gen. n. 7. ergo &c.

CONFERENTIA

DECIMA.

De Ministro, & Subiecto extremæ Unctionis.

SUMMARIUM.

- 42 *Minister extremæ Unctionis est solus Sacerdos.*
- 43 *Quilibet Sacerdos eam validè, solus tamen Pastor seu Parochus suis subditis licitè administrat;*
- 44 *Qui etiam sub gravi culpa subditis posulantibus tenetur illam administrare.*

- 45 *Quibus cum ceremoniis sit ministranda; Et*
- 46 *Quomodo peccet, qui preces vel alias ceremonias negligit?*
- 47 *Plures Ministri simul validè eam administrant:*
- 48 *Non tamen licitè extra casum necessitatis.*
- 49 *Hoc Sacramentum solis adultis; graviter decumbentibus, & aliquando personaliter lapsis est administrandum*
- 50 *Nec sæpius durante eodem periculo, bene tamen si novum superveniat periculum mortis.*
- 51 *Per se loquendo nullus tenetur extremam Unctionem suscipere;*
- 52 *Bene tamen per accidens subinde oritur obligatio suscipiendi.*
- 53 *Resolvitur Casus I. de Paroco, qui simul vocatus ad baptizandum infantem, & infirmum providendum, bene fecit, prius properando ad infantem, si is supponatur fuisse in æquali periculo mortis.*
- 54 *Non tamen bene fecisset, si apud infantem nullum, aut minus periculi fuisset timendum.*
- 55 *Per se loquendo Parochus non tenetur ministrare extremam Unctionem cum periculo vite.*
- 56 *Resolvitur Casus II. de cooperatore, qui, ne sæpius cogeretur adire Vetulam, eidem ministravit extremam Unctionem simul cum viatico, tametsi nullum deprehenderis in ea periculum mortis.*
- 57 *Esse non necessarium, congruum tamen est, ut Pastor sæpius inviset ac consoleretur oviculum infirmantem.*
- 58 *Resolvitur Casus III. de infirmo, qui malè recusavit extremam Unctionem, eò quod putaret, sibi certè moriendum, si eam admitteret. Unde*
- 59 *Non erant audiendi Parentes, posulantes ut D. Parochus hunc infirmum sacro oleo perliniret, dum actu gravi sopore erat sepultus.*
- 60 *Extrema Unctio non est ministranda infantibus, nec perpetuo amentibus.*
- 61 *Neque sanis.*
- 62 *Neque eidem infirmo sæpius in una die.*

63 Respondetur cuidam instantiæ ex more Græcorum petitiæ.

64 Agentes curam infirmis, seu infirmarii per se loquendo non peccant graviter, tamen negligenti eidem procurare extremam Unctionem.

§. I.

Præmittuntur, & breviter resolvuntur quæsitæ, scitu necessaria ad ritè decidendos Casus practicos de Ministro, & Subiecto extremæ Unctionis.

Quæres primò, quisnam sit Minister extremæ Unctionis?

42 R. Est solus Sacerdos. Ita omnes Catholicæ. Et patet ex Concilio Trid. sess. 14. cap. 6. can. 4. de extr. Unct. ubi oppositi afferentes anathemate seruntur. Ratio autem congruentiæ inde desumitur: quia extrema Unctio quodammodo substituitur Sacramento Pœnitentiæ ad obtinendam plenam remissionem peccatorum: ergo convenienter ordinatum fuit à Christo Domino, ut is solum valeret orare: *Indulgeat tibi Dominus*, qui potest dicere: *absolve te*, ait Herincx disp. 9. n. 27. atqui solus Sacerdos potest dicere: *absolve te*: ergo etiam &c. Hac de causa B. Jacobus voluit, ut inducantur Presbyteri, qui orent super infirmum, ungentes eum oleo.

Quæres secundò, An quilibet Sacerdos possit hoc Sacramentum administrare?

43 R. Valide quivis potest; quia hæc potestas fundatur in charactere sacerdotali, jurisdictio autem non est de substantia hujus ministerii. Nihilominus solus Pastor animarum, aut alius, habens ab illo licentiam expressam, vel tacitam vel rationabiliter præsumptam, licitè illud administrat suis Oribus. Ratio est: quia hoc ministerium spectat ad officium Pastoris: ergo ut licitè fiat requiritur jurisdictio, sicut in aliis Sacramentis: solus autem Pastor habet jurisditionem: ergo &c. Dato tamen, quòd Parochus vel non posset, vel etiam nollet administrare, nec alteri dare licentiam, quivis Sacerdos, etiam Religiosus absque peccato aut periculo cen-

sura hoc ministerium assumeret; quia in tali casu Ecclesia censetur dare licentiam; quippe quæ non vult patrocinari malitiæ Pastoris, aut filios suos tam salubri remedio destitui. Herincx est. n. 30.

Quæres tertio, utrum Parochus teneatur suis subditis hoc Sacramentum administrare?

44 R. Si petant, tenetur vel per se, vel saltem per alium ministrare: quia suis Oribus non solum de simpliciter necessariis, sed etiam de valde utilibus, & communiter ministrari solitis mediis ad salutem tenetur providere; ob hujusmodi enim officia præbentur beneficia & stipendia Beneficiatis: atqui extrema Unctio est utilissimum remedium salutis, & hujus administratio reputatur inter communia obsequia Parochianis debita, ergo Navarrus. Man. c. 24. nu. 131. Suarez. disp. 24. sect. 2. num. 1.

Quæres quarto, quibus cum Ceremoniis sit administranda extrema Unctio?

45 R. Ministrari debet cum Ceremoniis in Rituali Diocæsano præscriptis, nec ab his sine necessitate recedendum est. 1. Itaque Sacerdos debet esse indutus stola & superpelliceo. 2. Debet adhibere vel alium Clericum, vel saltem (juxta consuetudinem jam receptam) Edictum, aut alium Sæcularem (nunquam tamen sæminam) qui sibi ministret & respondeat: quo deficiente potest, ac debet sibi met respondere. 3. Debet vel solus, vel cum aliis infirmo adstantibus dicere Psalmos pœnitentiales cum Lytaniis, vel si mora non suppetat, Psalmum *miserere*, ut habet Rituale Passaviense. 4. Debet præstare Unctiones secundum ordinem in Rubricis præscriptum, idque pollice dextro propriis intincto, & madente oleo sacro, modo tamen hominibus accommodato, ita, ut non ungat ipsam pupillam oculi, aut linguam, sed palpebras, labia &c. Manus etiam Sacerdotum sunt ungendæ exterius; quia interiùs jam semel fuerunt unctæ & consecratæ ab Episcopo in Ordinatione. Postest tamen tempore pestis, vel alterius contagiosæ infirmitatis, unctio perfici mediante virgula argentea, vel alio consimili instrumento. 5. Denique peracta qualibet Unctione debet Minister sensum inunctum, vel

vel potius oleum sacrum abstergere lana bombycina, vel alia simili materia munda, hanc verò postmodum comburere, & cineres projicere in Sacrum, ut habet Rituale Rom. & communiter monent DD. Saa, Laym. ubi *suprà* c. 8. num. 3. Castropol. *tr.* 26. *puncti.* 8. à num. 11. Kazenberger in *supplement.* P. Sporer. *cit.* c. 2. *sect.* 4. num. 118.

Dices. Sed quomodo peccat, qui præfatas Ceremonias omittit?

46 R. 1. Qui sine sacris vestibus eam ministrat, peccat mortaliter, juxta Suarez, Naldum, Bonacm. Palaum & alios communiter. In casu tamen necessitatis, ubi ægrotus aliud Sacramentum non suscepisset, nec Sacerdos ad manus habet vestes sacras, ego cum P. Gobat. *Theol. exper. tr.* 8. nu. 928. non dubitarem, esse ministrandam sine vestibus sacris. 2. Similiter peccati mortalis reatum incurrit Sacerdos quomnes preces in Rituali præscriptas, tam præcedentes, quam etiam subsequentes unctionem sine necessitate ommitteret. Ita Tambur. l. 6. c. 1. §. 4. Bonacin. *disp.* 7. q. un. *pun. ult.* n. 7. Palao *cit.* & alii. At verò solos Psalmos poenitentiales vel Litanias, etiam extra casum necessitatis omittere, non est, nisi veniale peccatum, secundum opinionem Gobat. *cit.* n. 924. & aliorum. 3. Nec gravius videtur delinquere, qui alium ministrum non adhibet. Quomodo autem peccet, qui intermittit unctionem unius, vel etiam plurium sensum; diximus mox superius num. 37.

Quæres quintò, An hoc Sacramentum valeat ministrari à pluribus simul, ita, ut unus hunc, alius alium sensum ungat?

47 R. Probabiliter quidem valeret, extra casum tamen necessitatis mortaliter peccarent simul ministrando. Ita omnes. Ratio primi est: quia hoc Sacramentum non est quid unum indivisibile, sed potius aggregatum ex pluribus unctionibus, ita, ut singulis sua correspondeat forma: ergo quemadmodum Eucharistia sub utraque specie potest consecrari à diversis ministris, quorum unus panem, alter consecret calicem; ita & Sacramentum extremæ unctionis à diversis simul confici valet

&c. Ratio autem secundi est: quia juxta Trident. *de Sacram. can.* 13. non est licitum in administratione Sacramentorum recedere à Ritu ab Ecclesia approbato: Ritus autem Ecclesiæ fert, ut hoc Sacramentum ab uno solo Ministro, non verò à pluribus simul ministretur. Adde, à multis dubitari, an valeat ministratum à pluribus simul: ergo hoc modo Sacramentum exponeretur periculo nullitatis: atqui hoc extra casum necessitatis semper est mortaliter illicitum: ergo &c. Herincx *disp.* 9. nu. 34. Bosco *part.* 4. *disp.* 9. *sect.* 3. n. 59.

48 Dixi: extra casum necessitatis. Duos etenim Casus DD. communiter excipiunt, ut videre licet apud Mastr. Clericat. *decis.* 70. & alios passim. Primus est: si Sacerdos post unctionem unius vel alterius sensus subito moreretur, tunc alius ob integritatem Sacramenti deberet supplere reliquias, non tamen repetere jam factas: secundus casus est; si infirmus credatur prius moriturus, quam unus Minister compleat omnes unctiones. Censent tamen Diana, Gobat *cit.* n. 877. aliique multi, consultius esse, ut in hoc casu unus idemque Sacerdos velocius perliniat singulos sensus cum hac formula: *per istas sanctas unctiones--indulgeat tibi Dominus, quidquid per visum, auditum &c. deliquisti &c.* Quod vel maxime observandum, & practicandum erit; cū quo non, nisi unicus Sacerdos infirmo assistit, prout regulariter fieri assolet in Ecclesia Latina.

Quæres sextò, quibusnam hoc Sacramentum sit administrandum?

49 R. Est administrandum solis adultis, graviter decumbentibus, vel aliquando personaliter peccarunt, vel saltem creduntur peccasse. Ita cum communis DD. Scot. 4. *disp.* 23. §. *de secunda.* Bosc. *cit.* Frassen, Herincx, Babenst & alii. Constat etiam tum ex Conciliis tum etiam ex Ritualibus, & perpetua Ecclesiæ praxi. Rationem congruentiæ insinuvimus *suprà* nu. 23. quia videlicet extrema Unctio est quodammodo supplementum Sacramenti Poenitentiae, & per se instituta ad remittenda finaliter peccata venialia, & tollendas peccatorum reliquias: ergo illis solum

solum debet administrari, qui prudenter creduntur aliquando peccasse personaliter. Hac de causa Doctores probabilius existimant, hoc Sacramentum nunquam fuisse ministratum B. Virgini, ut videri potest apud Clericat. *decis.* 78. *Illung. tr.* 6. *disp.* 7. n. 13. & *altos*.

Quæres septimò, possitne hoc Sacramentum sæpius administrari eidem infirmo?

50 R. Durante eodem periculo mortis illicitè administraretur: superveniente tamen novo periculo, sive ex eadem, sive ex alia infirmitate, licitè iteratur, & toties quidem, quoties novum, moraliter interruptum, supervenit periculum. Ita Doctores *satis communiter*. D. Bonavent. 4. d. 23. p. 2. q. 4. Mast. Gobat &c. Et habetur clarè decisum in Concil. Florent. & Trid. de ext. *Unctione cap.* 13. item in Catechism. Rom. §. 11. Disposuit autem sapienter Christus, ut durante eodem periculo semel tantum ministraretur hoc Sacramentum, ut scilicet infirmus hoc inaudienti, majori cum devotione & spiritus fervore ad hujus susceptionem sese præpararet: similiter congruè videtur dispositum, ut superveniente novo periculo posset iterari; quia hoc Sacramentum non tam respicit infirmitatem, quàm infirmitatis periculum sublevandum: ergo si novum instet periculum, infirmus de novo est armandus ad luctam. Necessum tamen minime est, prout sapienter advertit noster Herincx *cit. nu.* 31. ut infirmus plenè recuperet sanitatem, & denuo incidat in simile periculum, sed satis est, jam de novo instare periculum; quin immò tametsi antiquum periculum, non tamen ita urgens, cum antiqua ægitudine perseveret (ut frequenter accidit in Astmaticis, Hydropicis, Phthisicis, in quibus perseverante radice ægitudinis, sæpe notabiliter variatur status morbi, ut modò extra periculum videantur, mox iterum in periculo mortis) accedente novo periculo possunt denuo inungi absque scrupulo, idque ob rationem proximè datam. Vide *Rituale Passav. can.* 6.

Quæres octavò, utrùm Fideles teneantur suscipere extremam Unctionem?

51 R. Per se loquendo nullus tenetur;

cùm nullibi ostendi queat præceptum graviter obligans. Deinde hoc Sacramentum non tam est necessarium, quàm utile: at hoc ipso non videtur graviter delinquere, qui illud negligit, tametsi haberet occasionem commodam, modò id non faciat ex contemptu: ergo. Meritò tamen Doctores talem condemnant peccati saltem venialis contra charitatem erga se ipsum, eò quòd videatur quodammodo incurius, aut certè minùs sollicitus de sua salute.

52 Dictum fuit: *per se loquendo nullus tenetur &c.* Per accidens enim potest oriri obligatio in duobus præcipuè casibus. 1. Si ex tali neglectu magnum oriretur scandalum in populo, prout facile contingere posset, si Parochus ipse, vel alia persona sacra hoc recusaret. 2. Si infirmus constitutus in statu peccati mortalis, non posset ampliùs confiteri, nec sacram Synaxin suscipere. Ita cum aliis pluribus Clericatus *decis.* 81. *num.* 23. & 24. Quamvis hic ultimus Casus vix unquam possit contingere in praxi, prout bene notant Suarez, & Bosco *cit. disp.* 9. *sect.* 3. *nu.* 155.

6. II.

Proponuntur, & breviter resolvuntur Casus practici de Ministro, & Subjecto extremæ Unctionis.

C A S U S P R I M U S.

TITUS animarum Pastor eodem tempore postulabat ad infirmum extremè decumbentem, & ad baptizandum infantem, ad quem etiam mox properavit, postposito infirmo; tum quia is erat pauperculus, nec potens premere pollicem; tum etiam quia longius distabat; tum denique quia apud hunc timendum erat periculum infectionis. Unde contigit, ut infirmus planè decederet sine consuetis Ecclesiæ Sacramentis. Queritur jam, an Titius bene fecerit?

53 R. 1. Si infans supponatur fuisse in æquali periculo, nec ab alio baptizari potuit, ita, ut fuerit timendum, ne moretur sine Baptismate, Titius bene fecit, properando priùs ad infantem: siquidem, of-

ordinata charitas postulet, ut cæteris paribus prius succurramus magis indigenti: atqui ope Pastoris magis indiguit infans, quippe qui se ipsum nullo modo juvare potuit, fortè nec ab alio juvari: è contra infirmus potuit se ipsum juvare, per actum contritionis, vel amoris Dei super omnia: ergo &c.

54 R. Tamen secundò. Supposito, quòd apud infantem non fuerit timendum periculum, salutis, Titius malè fecit, & per se loquendo peccavit mortaliter negligendo infirmum. Neque ipsum excusat periculum infectionis, multò minùs inopia infirmi, vi cuius non erat solvendo; certum quippe & exploratum videtur, Pastores animarum etiam cum periculo vitæ propriæ teneri, ad ministranda suis subditis Sacramenta necessaria, uti est Sacramentum Pœnitentiæ præsertim in articulo mortis: in hunc sanè finem conducuntur, & ob hujusmodi officia ipsis conferuntur beneficia, prout communissimè tenent DD. La Croix ubi suprà n. 2112. Gabriel, Nugnus, Sylv. quos refert, & sequitur Clericatus decis. 71. num. 17. ergo non obstante periculo infectionis Titius tenebatur &c.

55 Dixi tamen: *Sacramenta necessaria* &c. satis etenim probabile est, Parochus, aliosque animarum Pastores nec ex iustitia, nec ex charitate teneri cum certo, aut certè rationabiliter præsumpto periculo vitæ, subditis suis administrare Sacramenta non necessaria ad salutem; quare cum extrema Unctio non sit Sacramentum necessitatis, dicendum, quòd ob hanc solam ministrandam Titius stante tali periculo non fuerit graviter obligatus properare ad infirmum modò is supponatur jam fuisse confessus, & sacro Viatico refectus, nec aliunde constet, quòd de novo incidit in peccatum mortale. Amicus, Palao, Gobat à num. 902. Cleric. numer. 20. Mastrius 4. disp. 6. num. 144. & 145.

CASUS SECUNDUS.

Sempronius Cooperator vocatus ad vetulam quandam, annorum pondere potius, quam infirmitate gravatam ac decum-

bentem, cum absolutione unà simul SS. Eucharistiam eidem impertivit. Quia verò sat longo itinere dislabat ab Ecclesia; hinc ne easdem sæpius cogeretur metiri vias, etiam extremam unctionem administravit, quamvis nullum prorsus indicium mortis potuerit deprehendere in illa. Jam verò dubitat, an bene fecerit?

56 R. Esto etiam Sempronius nullum in Vetula mortis indicium deprehenderit, nihilominus extremam Unctionem licitè eidem administrare potuit, tum quia juxta commune adagium senectus ipsa est morbus, proptereaque nimio annorum pondere gravati in continuo mortis periculo versantur. Profectò multiplici experientia constat, multos solo senio confectos exspirasse; tum etiam, quia ut hoc Sacramentum licitè administretur, sufficit adesse probabile mortis periculum, nec requiritur omnino certum: multò minùs differendum est usque ad extremum quasi halitum infirmi, eò præsertim, quòd hoc Sacramentum sit secundariò saltem institutum, ut alleviet infirmum. Hinc non solum Rituale Rom. sed & Concilium Mediolanense IV. expressè præscribit, ut senio confectis præbeatur hoc Sacramentum, licet non sint agroti: ergo cum aliunde supponatur Vetulam hanc longiùs ab Ecclesia disitam fuisse, Sempronius minime culpandus videtur ex suo facto. Vid. Herincx cit. num. 41. Gobat. nu. 852. Kazenberg. c. 2. n. 99.

57 Cæterùm, quamvis per se loquendo nulla sit obligatio sæpius invifendi infirmum, posteaquam is SS. Ecclesiæ Sacramentis semel ritè fuit munitus; concedens tamen, & pastoralis sollicitudini valdè congruum esse, nemo est, qui ambigat, vel non videat. Hinc Rubricæ Ritualis Passav. monent, ut meminerint Pastores, infirmos suos post administrationem hujus Sacramenti (scilicet extremæ Unctionis) subinde visitare, & consolari in Domino, in eo enim vel maxime temporis articulo partes boni Pastoris, zelosique animarum Curatoris exigunt, ut sit charitate inflammatus, firmatus constantia, in fervore circumspèctus, invictus in labore, ait Celissimus noster *JPSEPHUS DOMINICUS* Princeps & Episcopus Passav.

fav. in sua, auro, cedroque dignissima Epistola pastoralis §. 5. de Proviss. infirm.

§. III.

CASUS TERTIUS.

Corollaria ex dictis inferenda.

Cajus graviter decumbens, renuit suscipere extremam Unionem, quia certo credit, sibi moriendum fore, si hanc admitteret. Cum verò evidenter constet, hanc Cajus resistentiam solum oriri ex sinistra persuatione; hinc Parentes instantissime petunt, & rogant D. Parochum, quatenus filio suo Cajo dignaretur administrare extremam Unionem, dum gravi sopore sepultus quodamodo teneretur. Queritur ergo 1. Utrum Cajus peccet, recusando hoc Sacramentum? 2. An Parentes sint audiendi.

58 R. ad primum. Cajus peccat graviter, non quidem contra præceptum de suscipienda extrema Unctione; cum nulum exstet, secundum dicta n. 51. sed potius contra fidei veritatem, credendo sinistrae, hoc Sacramentum vergere in mortem. Non tamen peccaret graviter respuendo hoc Sacramentum ideo, quod crederet, post hujus susceptionem sibi non amplius fore licitum ducere choreas, vel pedibus nudis terram contingere, aut induere calceos &c. prout teste Gobat. cit. n. 818. nonnulli ineptè fecerunt; quia talis error non est tam perniciosus, nec reverentiae sacramenti, aut veræ fidei contrarius, ut prior. La Croix ubi supra num. 2118. Clericatus decis. 81. num. 31. rectè monens, Parochis, vel etiam Confessariis incumbere, ut ponderosos sermonibus hujusmodi aniles fabulas, & sinistras, vel omnino perversas existimationes infirmis eximant, eosdemque ad fructuosam susceptionem disponere satagent.

59 R. Ad secundum, non fuisse audientes Parentes, sed potius conandum Parochi, ut suaviter disponderet Cajum ad voluntariam susceptionem hujus; quod quidem, meo judicio, haud difficulter obtinebit, si Cajus sit homo bonæ voluntatis: sin autem supponatur homo perversus, & suæ salutis incurius, qui nec Dei monita, nec salutaria D. Parochi consilia audire vult, profecto exiguum perciperet fructum, tametsi eidem gravi sopore obruto administraretur hoc Sacramentum. Vid. DD. *mox cit.*

60 **C**olliges primò, hoc Sacramentum non esse administrandum infantibus, usum rationis nunquam adeptis, nec perpetuo amentibus; quia de talibus supponi nequit, quod unquam peccaverint personaliter. Et licet nonnulli probabile censeant. Sacramentum valere etiam infantibus ministratum; eò quod saltem augmentum gratiæ inde capere queant, id tamen practicanum nunquam est; tum quia praxis seu consuetudo Ecclesiæ repugnat; tum etiam quia hoc in Rituali Passaviensi *can. 5. de extr. Unctio.* expressè interdictitur. Quo non obstante ministrari potest ac debet temporaliter tantum amentibus, sicut & Puellis, aut Pueris, qui aliquando usi sunt ratione, esto nunquam. Sumperint sacram Synaxin. Vid. *Rituale l. cit.*

61 Collig. secundò, extremam Unctionem non esse administrandam sanis. Ratio desumitur tum ex fine primario hujus Sacramenti, qui est remissio peccatorum venialium finaliter resistentium, & alleviatio infirmi, tum etiam quia B. Jacobus Apostolus id satis innuit, dum ait, *infirmatur quis ex vobis &c. &c.* Nec sufficit quæcunque infirmitas, sed debet esse gravis, ita, ut infirmo timeatur de morte, prout expressè docent Concil. Florent. ac Trident. *hic c. 3.* Hinc juxta præscriptum Rit. Passav. *can. 2. & communem DD.* sententiam, sacro oleo liniendi non sunt militis prælium mox ingressuri, nec malefactores ad furcam vel Rotam &c.; damna enim quia tales revera infirmi non sunt. Posset tamen illis ministrari, si jam fuissent lethali-ter vulnerati; quia ratione potest inungi, qui sumpto veneno mortem expectat; item Puerpera, e qua sævus est extrahendus, vel cui ob specialem rationem timetur mors in partu. Ita cum aliis pluribus La Croix *cit. num. 2108.*

62 Collig. tertio, hoc Sacramentum non esse sæpius ministrandum in una, eademque die eidem infirmo, sed interponendam esse notabilem temporis moram, quatenus constet, periculum mortis in infirmo

mo verè renovatum fuisse. Et certè eundem infirmum sæpiùs in una eademque die inungere, foret contra receptam Ecclesiæ praxin. Utràm autem sufficiat intervallum unius hebdomadæ, disputant DD. putatque Barbosa *de officio & pot. Paroch. c. 22. n. 38.* apud Gobat. *n. 889.* sufficere, eò quia intra tantum temporis spatium iudicio Medicorum constare potest, infirmum incidisse in novum periculum, qui ante octiduum videbatur evasisse. Nec ego de hoc dubito, præsertim si novum, à priori distinctum periculum superveniat, utputa dum v. g. Hydriopius vel Phthisicus subitaneo lapsu, aut alio simili casu lethaliter vulneratur. Vid. Kazenberger. *cit. c. 2. n. 111. & 112.*

Dices. Græci sæpiùs ungunt suos infirmos, tamen in novum non incident periculum: ergo necessum non est, ut novum periculum expectetur.

63 R. Neg. conf. Nam illas Græcorum unctiones (si tamen supponantur adhiberi velut sacramentales) Herinex *cit. nu. 50.* meritò nominat abusus. Pigaatelli tamen, Clericatus *decis. 79. n. 15.* alique multi existimant, Græcos hisce unctionibus non semper uti veluti habentibus vim Sacramenti, sed velut quibusdam ritibus, habentibus virtutem expiandi peccata venialia, sicut nos utimur aqua lustrali; quod vel inde patet, quia etiam sanos inungere consueverunt.

64 Collig. quartò, eos, qui curam infirmorum gerunt, non peccare mortaliter, licet absque rationabili causa extremam unctionem illis procurare intermittant, dummodo abutì contentiptus, vel grave scandalum, vel casus extraordinarius necessitatis, ubi nimirum infirmus huius Sacramenti capax, aliud ante vitæ suæ finem non potest suscipere. Ita Laym. *l. 5. tr. 8. c. 7. n. 2.* Babenstuber *tr. 8. p. 6. d. 7. a. 1. n. 5.* Ratio est: quia sicut infirmus ipse hoc Sacramentum sine peccato mortali potest non suscipere; ita curam ejus gerentes possunt sine mortali peccato id illi non procurare; quod tamen nequaquam intelligendum est de Parocho negligente infirmum: huic enim non est liberum, ministrare Sacramenta, vel non ministrare subditis rationabiliter petentibus, sed tenetur sub gravi

Elbel Theol. P. I.

peccato illis succurrere, si petant; idque ob rationem suprà *n. 44.* datam.

CONFERENTIA

UNDECIMA.

De Institutione SS. Sacramenti Eucharistiæ, ejusdemque materia.

SUMMARIUM.

- 1 Eucharistia Sacramentum, quid sit?
- 2 Est institutum à Christo Domino in ultima Cæna.
- 3 Est etiam unum unitate integritatis, non simplicitatis.
- 4 Materia, ex qua conficitur, est panis triticeus usualis, & vinum de vite.
- 5 Quisnam censetur panis verè triticeus in nostra Patria.
- 6 Et quid de pane filigineo tenendum.
- 7 Panis usualis debet esse confectus ex aqua naturali, & igne tostus, atque azymus in Ecclesia latina.
- 8 Ad validam consecrationem calicis sufficit quodcunque vinum de vite, non item ad licitam.
- 9 Sufficit etiam vinum miraculosè productum ex aqua.
- 10 Vino consecrando in ipso Sacrificio ex præcepto Ecclesiæ commiscenda est modica aqua naturalis;
- 11 Quæ probabiliter, mediâte solum convertitur in sanguinem Christi vi consecrationis.
- 12 Resolvitur Casus I. de Sacerdote, qui hostias fieri curavit partim ex tritico, partim etiam ex filigine, propterea minus laudandus.
- 13 Idipsum etiam à fortiori tenendum de hostiis ex mero filigine confectis.
- 14 Et quid, si cum tritico pauca solum grana filiginea sint commolita.
- 15 In casu necessitatis, an fas sit consecrare hostiam minorem, vel panem fermentatum.

E 16. Re-

- 16 Resolvitur Casus II. de Sacerdote, qui perveniens ad consecrationem, advenit vinum adfescere, & in congelationem vergere.
- 17 Modica congelatio non est multum curanda.
- 18 Et quid si vinum invenitur ita alteratum, ut dubitare liceat, finē ad hoc vinum, vel verū acetum.
- 19 Resolvitur Casus III. de Sacerdote, qui semel consecravit vinum nimis lymphatum, id est, aqua nimia permixtum.
- 20 Alia vice consecravit vinum, dubitans an guttula aquæ calici immissa verē fuerit eidem commixta.
- 21 Quantum aquæ sit affundendum vino, ut censeatur modicum.
- 22 Ad dignoscendum panem verē consecrabilem vel maximē attendendus est usus Regionis & Populi, an scilicet, vel qualem panem habeat pro triticeo atque usuali.
- 23 Referuntur aliquot panes non usuales, ceu materiæ certō ineptæ ad consecrandum corpus Domini.
- 24 Item aliæ certō ineptæ ad consecrandum Sanguinem.
- 25 Succus ex uvis immaturis expressus, seu mustum, sicut & vinum congelatum sunt materia valida, non item licita consecrationis.
- 26 Satis sit cuidam infantie in contrarium.

§. I.

Præmittuntur, & breviter resolvuntur nonnulla quæsitā scitu necessaria, ad resolvendos Casus practicos de Materia Eucharistiæ.

Quæres primò, quid sit Sacramentum Eucharistiæ?

1 R. Est Sacramentum Corporis & Sanguinis Christi veraciter contenti sub speciebus panis & vini consecratis, ad spirituales animæ refectionem. Ita communissimè DD. Idipsum docet Scotus 4. d. 8. q. 1. etsi paulò aliis verbis.

Dicitur autem hoc Sacramentum *Eucharistia* (quod græco vocabulo idem signifi-

cat, ac *bona gratia*, vel *gratiarum actio*) quia hoc Sacramentum est signum sensibile Christi Domini, qui ceu fons & origo totius gratiæ sub ipso realiter continetur: quam ob causam etiam omnium aliorum Sacramentorum dignissimum meritò reputatur ab universali Ecclesia, veluti tradit Concilium Tridentinum Ss. 3. de *Eucharistia*. c. 3.

Quæres secundò, quandonam hoc Sacramentum fuerit institutum, & à quo?

2 R. Fuit ab ipso Christo Domino immediate institutum in ultima Cœna; nam ibi Christus consecravit corpus & sanguinem suum, consecratumque sub speciebus panis & vini distribuit Apostolis, mandans, ut idem facerent in sui commemorationem, prout habetur Matth. cap. 26. Marci 14. Luc. 22. 1. Cor. 11. itemque ex Concil. Trid. l. cit. c. 2.

Quæres tertio sitnè Sacramentum Eucharistiæ unum vel plura?

3 R. Est unum, non quidem unitate simplicitatis & indivisibilitatis, sed unitate integritatis, atque perfectionis; quo non obstante dici potest ac debet multiplex numero, juxta multiplicationem ac pluralitatem numericam specierum consecratarum. Ita Doctor subt. 4. d. 8. q. 1. quem sequitur Mastrius 4. Disp. 3. à n. 65. alique Scotistæ communiter contra nonnullos alios. Ratio prioris est hæc: quia, si non esset unum, sed plura Sacramenta, necessariò fatendum foret, dari plura, quàm septem Sacramenta N. L. quod repugnat fidei, & definitioni Concilii Trid. Ss. 7. can. 1. Quod autem sit unum unitate integritatis tantum, & non indivisibilitatis, inde patet: quia Eucharistiæ Sacramentum constat pluribus partibus, speciebus scilicet panis ac vini à se utique divisibilibus, atque separabilibus: quia tamen utraque species per modum convivii ordinatur ad unam totalem refectionem spirituales animæ; hinc bene dicitur esse unum unitate integritatis. Ratio autem posterioris est hæc: quia Sacramentum Eucharistiæ non est solum corpus & sanguis Christi (quod utique est unum numero duntaxat) sed ipsæ species consecratæ, quatenus sunt signum sensibile corporis & sanguinis Christi realiter sub eisdem contenti, constituunt Sacramentum

tum Eucharistiæ: atqui species panis ac vini multiplicantur numero: ergo etiam numero multiplicatur Sacramentum hoc. Verum plura de his discutienda relinquimus Scholasticis, nobis enim moralia duntaxat sectari præfixum est.

Quæres quarto. Quænam sit materia hujus Sacramenti?

4 R. Materia ex qua fit & consecratur Sacramentum Eucharistiæ, est panis triticeus usualis, & vinum de vite. Ita communiter omnes Catholici, & habetur expressum in Concilio Florentino *de creta unionis*. Ratio congruentiæ inde desumitur: quia hæc duo sunt aptissima ad significandam integram refectionem animæ, simulque solus panis triticeus ab omnibus habetur pro vero pane, & propterea communiter solet adhiberi ad reficiendas corporis vires.

5 Dictum fuit: *panis triticeus usualis*: qualis in hac nostra patria indubitanter habeturis, qui conficitur ex illa specie frumenti, quam germanico idiomate communiter appellare solemus.... Ratio est: quia hæc species frumenti verè dicitur triticum, ex quo optimus & usitatissimus panis conficitur: ergo.

Dices: Etiam ex siligine, id est, ... uti appellant Germani, conficitur panis usualis: ergo etiam hic sufficit ad consecrationem.

6 R. Disting. illatum. Ergo hic sufficit ad consecrationem validam, trans. ad consecrationem etiam licitam, neg. Conf. Etsi enim hic panis in Germania nostra satis sit usualis, etiam inter homines melioris conditionis; nihilominus multi existimant hunc panem, ex siligine scilicet confectum, non esse triticum, ideòque nec simpliciter usualem, sed solum usurpari ab hominibus in defectum tritici ac verè usualis, sicut subinde pauperiores ob eundem defectum usurpant panem ex hordeo vel aliis leguminibus confectum; hinc res manet quodammodo dubia, aut saltem controversa atqui reverentia hujus augustissimi Sacramenti postulat, ut nunquam conficiatur, nisi ex materia certa, seu certò sufficiente ad valorem: ergo solus panis ex tritico vulgo.... non item ex siligine, seu.... confectus adhiberi debet ac po-

test licite! Videatur Tannerus *tom. 4. Disp. 5. dub. 3. n. 102.* Gobat *theolog. experim. tr. 3. n. 29.* Layman. *l. 5. tr. 4. c. 2.* Sporer *Theolog. Sacram. p. 2. c. 3. à n. 137.*

7 Porro, ut panis triticeus validè ac licitè consecratur, necessariò debet esse confectus ex aqua naturali, & igne tostus, atque substantialiter incorruptus, nec non a. azymus in Ecclesia saltem latina. Ita DD. *citt. alique communissimè*. Ratio prioris est: quia sola farina non dicitur panis, nisi sit aqua naturali confecto, & igne tosta: enim verò massa farinacea confecta ex aqua rosacea, oleo, butyro, vino, aut alio liquore &c. jam non ampliùs censetur panis, sed potius placenta, vel aliud quid simile: consequenter talis materia invalidè simul & illicitè consecraretur. Ratio autem secundi desumitur ex Concilio Florentino, in quo statuitur, ut Sacerdotes latini in azymo tantum consecrent, Græci verò in fermentato; uterque enim panis sufficit ad valorem. Quo non obstante græci peregrinantes inter latinos, ubi non habent propriam Ecclesiam, licitè se conformant Ecclesiæ latinæ, consecrando in azymo, esto ad hoc non sint obligati absolute: idemmet vicissim dicendum de Sacerdotibus latinis foris peregrinantibus inter græcos. Ratio hujus, inter theologos satis receptæ opinionis est: quia quilibet peregrinus licitè se accommodat particularibus instantis ejusque Ecclesiæ probatæ, licet per se loquendo (secluso scilicet contemptu & scandalo) ad hoc non teneatur. Reinssius *el. dist. 4. n. 17.*

Quæres quintò, quale vinum sit materia consecrationis?

8 R. Ad validam consecrationem sufficit omne vinum de vite, vis scilicet maturis expressum, & substantialiter incorruptum, cujuscunque demum speciei sit aut coloris: ut tamen licitè consecratur, debet vinum esse simplex, purum, & perfectum. Ratio prioris est: quia omne & solum vinum de vite habet (juxta communissimam hominum opinionem) veram rationem & substantiam vini, nec ullibi constat, Christum D. unam potius speciem præ alia instituisse aut demandasse: ergo ad valorem sufficit omne & solum

vinum de vite, modò supponatur substantialiter incorruptum, Ratio autem posterioris est: quia cùm hoc Sacramentum sit omnium dignissimum, utpote continens Deum ipsum velut Auctorem & fontem omnis puritatis, omnino concedens est, ut ex materia, quantum fieri potest, purissima, aut certè defsecata conficiatur. Unde Herinex noster *part. 4. tr. 3. disp. 2. n. 27.* rectè ait, graviter peccari posse consecrando uti in pane, ita & in vino minùs puro, proptereaque culpandos esse quosdam Sacerdotes hac in re incurios, dum hostias à vermiculis turpiter corrasas aut sedatas, vinum fœcibus infectum &c. adhibent. Videtur de hoc Gobat. *trad. 3. n. 24. & seqq.*

Dices: Vinum miraculosè productum ex aqua, quale fuit illud in nuptiis Chana-næis à Christo productum, juxta communem DD. reputatur pro materia valida consecrationis: atqui non est vinum de vite: ergo.

9 R. Conc. Maj. dist. min. non est vinum de vite quoad modum producendi, id est, non est eodem modo productum, quo producit vinum de vite, con. non est vinum de vite quoad substantiam, id est, habens veram substantiam vini, æque ac illud à vite productum, neg. min. cum conseq.

Quæres sextò, an, vel qua necessitate vino consecrando commiscenda sit aqua in sacrificio Missæ?

10 R. Est necessariò admiscenda aqua modica naturalis, non quidem necessitate Sacramenti, quippe quod validè saltem conficeretur sine admixtione aquæ, sed necessitate præcepti Ecclesiastici. Ita cum communissima DD. Scotus. Constat etiam satis tum ex concilio Florent. in Decreto de Armenis; tum etiam ex Tridentino *ss. 22. c. 7.* ubi dicitur, præceptum esse ab Ecclesia Sacerdotibus, ut aquam vino in calice offerendo miscerent; ubi idem Concilium hujus constitutionis mox subdit triplicem rationem congruentiæ, tum 1. quòd Christum Dominum ita fecisse credatur; tum quòd de latere ejus aqua simul cum sanguine exierit, quod Sacramentum seu mysterium hic recolitur. Et 3. cùm Aqua in Apocalypsi B. Joannis populi dicantur, ipsius populi fidelis cum capite Christo unio representatur.

Quæres adhuc septimò, Utrùm aqua immediatè, vel verò mediatè duntaxat vi consecrationis convertatur in sanguinem Christi?

11 R. Ad hanc quæstionem speculativam cum communi SS. & TT. contra Recentiores, probabilius quam vino mixtam mediatè tantum, quatenus scilicet priùs conversa in vinum, & non immediatè converti in sanguinem vi consecrationis. Ratio potissima hujus opinionis videtur esse hæc: quia sola materia calicis convertitur in sanguinem: atqui materia calicis est vinum, non verò aqua; secus enim ambæ species essent seorsim consecrabiles, ergo aqua probabilius non est immediatè, sed mediatè duntaxat consecrabilis. Et certè juxta Trident. *ss. 13. can. 2.* facta conversione panis in corpus & vini in sanguinem remanent duntaxat species panis & vini: ergo juxta concilium *et.* sanguis Christi non continetur sub speciebus aquæ nedum conversæ in vinum; secus enim non remanerent solæ species panis & vini.

§. II.

Proponuntur, & breviter resolvuntur Casus practici de Materia Eucharistiæ.

C A S U S P R I M U S.

T Iltus Sacerdos, uspotè provisos valde tenui beneficio, molendari curavit grana partim ex tritico, partim verò ex fligine, & ex istdem jussit fieri panem pro se suaque tenui familia, simulque confici hostias, quibus in sacrificio Missæ uteretur ad consecrandum Corpus Domini. Jam verò dubitat, an propterea graviter peccaverit? Quid respondendum?

12 R. Non videtur condemnandus alicujus gravis noxæ, etsi propterea pariter nec in minimo sit laudandus. Ratio est: quia panis confectus ex granis partim triticeis partim verò fligineis in hac nostra Patria Germania scilicet, indubitanter habetur pro pane usuali, & à multis etiam Nobilibus usurpatur. Certè Doctores Germani, uti Dicastilo, Tannerus, Gobat, Sporen, Reinsestul & alii probabilissimum censent,

ex solò filigine, id est, ... In nostra Germania confici verum panem usuales: quidni ergo à fortiori talis conficiatur ex filigine, cui media pars de tritico fuit commixta? atqui panis verè usualis indubitanter est materia consecrationis, ergo. Nihilominus quia iidem Doctores Germani, ut videre est apud Gobat. *tr. 3. à n. 29.* communiter tenent, nunquam esse consecrandum in pane filigineo, nisi urgeat; necessitas; hinc & ego censeo, Titium nostrum minds laudabiliter fecisse iubendo hostias ex farina partim triticea, partim verò filiginea confici, easdemque consecrando: neque enim verosimile videtur, eum tanta premi potuisse necessitate, ut sine permagno incommodo non potuerit procurare hostias merè triticeas.

13 Cæterum quod modò diximus de hostiis ex farina partim filiginea, partim verò triticea confectis, id ipsum à fortiori intelligendum est de hostiis ex puro filigine confectis, etsi supponantur confectæ ex nucleo quasi, seu (utl vocant) extracto, quia tales sine vera & gravi necessitate adhiberi nunquam debent in sacrificio Missæ, idque saltem propter reverentiam Sacramenti, sin minus propter evitandum periculum nullitatis: atqui in his nostris partibus nunquam occurreret tanta necessitas, siquidem passim in abundantia obtineri potest triticum optimum: ergo illicitè saltem ageret, quisquis hostias ex mero filigine confectas consecraret. Videatur Layman. *lib. 5. tr. 4. c. 2. n. 2.*

Dices: At quid, si constet farinæ triticeæ commolita fuisse grana alterius frumenti, v. g. hordei, aut avenæ &c. an ex tali farina confectæ hostiæ licitè consecrarentur?

14 R. Si paucula duntaxat grana sint commolita tritico, ego cum P. Gobat. *cit. Sporer, Laym. & aliis* communiter censeo, nullum fore Theologum tam rigidum, ut huiusmodi Sacerdotem damnet noxæ lethalis: nam ad usum sacramentalem communiter assumitur talis materia, quæ communius apud homines in talem usum venit, ait D. Thomas *ars. 3. in Corpore*. communissimè autem homines utuntur ac vescuntur pane pisco ex farina non prorsus sincera: ergo. Ita Gobat *cit. tr. 3. n. 37.* Tannerus & alii.

Eibel Theol. P. I.

Dices adhuc. Quidsi autem urgeat necessitas celebrandi, utputa vel quia dies est festivus, vel quia dandum est Viaticum sacrum moribundo, nec haberi possit hostia ex azymo pane confecta, aut certè non possit haberi hic & nunc hostia major, sed minor duntaxat, licetumne foret ob huiusmodi necessitatem consecrare panem fermentatum, aut hostiam minorem ex azymo confectam?

15 R. In tali casu licitè consecrari hostiam ex azymo, etsi sit minor, qualis solet dari Læicis, non ambigo: quia nullum exstat præceptum, nulla etiam consuetudo sub gravi culpa obligans ad consecrandas hostias majores tantum: qua ratione Tamburinus de sacrificio Missæ rite peragendo l. 2. c. 8. §. 8. n. 16. eumque secutus Gobat existimant licitum, consecrare hostiam minorem etiam sine necessitate, & ex sola devotione, modò absit scandalum in populo, quod quidem haud difficulter præcaveri poterit, præmonendo assistentes sacrificio, & docendo, quòd nullum exstat præceptum graviter obligans ad consecrandas hostias duntaxat majores: tum etiam quòd hic & nunc nulla major valeat obtineri. At verò consecrare panem fermentatum in nostra Ecclesia Latina, nefas esse censent Sotus, Suarez, Ledesma, Dicastillo, & alii. Nihilominus, casu quo a besset omne periculum (quod tamen in hoc casu magis, quàm in priori de hostia minore timendum iudico) cum Tannero & Gobato non auderem oppositam sententiam Majoris dammare noxæ lethalis, saltem pro casu, ubi urgeat vera necessitas consecrandi, aut Viatici administrandi. Et certè præceptum consecrandi in azymo tantum non videtur usque adèd urgere, ut propterea potius permittendum sit aliquem corpore & anima daminari, prout voluit Thomas Tamburinus apud Gobat *cit. tr. 3. n. 41. & 42.* quem vide, si placet.

CASUS SECUNDUS.

SEmpromptus Sacerdos rigidissima hyeme celebraverat Missam in quadam Ecclesia filiali, quæ dum pervenit ad aequallem consecrationem calicis, naribus non nihil propius admotis calici videbatur

E 3

batur sibi olfacere acetum, quam ob rem nonnihil perterritus, paulò accuratius consideraverat materiam calici infusam, moxque deprehendit, vinum illud fœculentum esse, multumque acescere, insuper & frigoris rigore nonnihil contractum, & quasi glaciatam quadam membranula hinc inde obductum; nihilominus perrexit in consecratione, eò præsertim, quòd aliud vinum sine permagna difficultate, fortè etiam scandalo in populo obtinere non potuisset. Unde jam dubitat, an bene fecerit, vel quid deinceps agendum foret in simili contingentia facti.

16 R. Sempronius nedum validè, sed & licitè consecravit, etsi supponatur vinum calici infusum multùm inclinasse in acetum. Et quidem de valida consecratione nemo facile ambiget; quandoquidem adhuc fuerit vera substantia vini in calice, prout supponitur. Quod autem insuper licitè consecraverit, facile suadetur hac ratione: quia in casu verè & gravissimæ necessitatis licitè consecratur materia minùs pura, seu fœculenta, veluti communiter fatentur DD. & clarè deducitur ex *cap. cum omne crimen de Consecr. dist. 2.* atqui Sempronius noster urgebatur vera necessitate; tum quia ob integritatem sacrificii ex jure D. tenebatur consecrare utramque speciem; tum etiam quia supponitur, sine permagna difficultate & periculo scandali non potuisse obtinere aliud vinum. Vide Tambur. de sacrific. l. 2. c. 8. §. 5. Unde

17 Nec refert, quòd idem vinum jam cœperit congelare; quippe levis quædam & inchoata congelatio non est multùm curanda, ait Herinex *cit. n. 29.* præsertim cùm facile possit tolli, admoda ad cupam manui: ergo ob hanc causam sacrificium minime fuit relinquendum mutilum.

Dices. At quid, si Sempronius invenisset vinum ita alteratum, ut non potuisset discernere, sitnè adhuc verum vinum, vel verò merum acetum?

18 R. Si invenisset vinum ita alteratum, & quidem jam ante sacrum inchoatum, debuisse omnino abstinere à sacro celebrando: nec licuisset citra gravissimam sacrilegii culpam in eo celebrare, ne quidem ut populus audiret sacrum die festivo. Ratio est: quia plus urget reverentia huic Sacramento de-

bita, quæ certam materiam postulat, quàm præceptum audiendi sacrum, quo populus tenetur. Nihilominus in casu nostro, ubi Sempronius supponitur primùm advertisse hunc defectum in actuali sacrificio post unam speciem (panis scilicet) jam consecratam, simulque aliud vinum moraliter loquendo non potuisse obtinere, judico eum etiam licitè (sub conditione tamen) consecrasse illam materiam dubiam. Ratio est: quia præstat conficere sacrificium saltem dubiè integrum, seu cum integritate dubia, quàm certò mancum. Fateri tamen cogimur, tantò majorem requiri necessitatem ad licitè celebrandum in tali casu, quantò magis dubia apparet materia consecranda; idque ob reverentiam huic Sacramento debitam, uti jam dictum fuit. Videatur Gobat *cit. n. 400.* vel la Croix l. 6. p. 2. n. 535. & 536.

CASUS TERTIUS.

Cajus celebrando Missam, voluit juxta præscriptum Rubricarum vino consecrando modicam admiscere aquam, verum præter intentionem suam tantum affudit, ut dubitare licuerit, an non superaret vinum in calice contentum: quapropter altera vice cautius volens procedere, unicam duntaxat guttulam aquæ cocleariolo haustam ex urceolo immisit calici, sed ita, ut rursus dubitavit, an guttula illa vera vinum attigerit, an verò potiùs in cupa calicis hærendo permanserit, nullatenus commixta vino. Jam dubitatur, an, vel quomodo Cajus peccaverit in his casibus?

19 R. primò. Cajus consecrando vinum, cui tantum aquæ admiscuerat, ut dubitare licuerit, an non superaret quantitatem vini, peccavit graviter. Ratio est: quia vinum usque adeò lymphatum, erat materia dubia saltem, sin minùs certò invalida: atqui citra grave peccatum non licet consecrare materiam dubiam, nisi fortè in casu gravis necessitatis, de quo mox egimus *n. præced.* ergo. Debuisse ergo in praxi materiam illam vel omnino effundere in urceolum aquæ, & aliud infundere vinum, vel certè eidem materiæ jam contentæ in calice adhuc super affundere tantum de vino,

ut

ut potuerit se resolvere, jam contineri in eodem calice materiam certò validam pro consecratione. Vid. Sporer *Theol. Sacram.* p. 2. n. 163.

20 R. secundò. Etiam in altero casu, ubi supponitur dubitasse, utrùm guttula aquæ verè fuerit admixta vino, videtur graviter peccasse. Ratio est: quia sine causa sese exposuit periculo transgrediendi præceptum Ecclesiæ in materia graviter obligante: jubemur enim sub gravi culpa aquam admiscere vino consecrando: jam verò hoc ipso, quòd Cajus dubitet, an aquæ guttula attigerit vinum, pariter dubitare debet, an aquam miscuerit vino: at, qui sine verè gravi causa vel necessitate se exponit periculo transgrediendi præceptum Ecclesiæ graviter obligans, peccat graviter: ergo &c. Itaque si hoc advertit jam ante consecrationem, tenebatur superinfundere unam saltem guttulam, eandemque veraciter admiscere vino consecrando. Secus dicendum foret, si hoc primò advertisset post consecrationem calicis; etenim juxta communem doctrinam Ecclesiæ latine aqua modica admiscenda solum est vino consecrando: consecrato autem calici nihil non consecratum est admiscendum. Bonac. Bufenbaum. La Croix l. 6. num. 450. Sporer *cit. num.* 161.

Dices. Quantum igitur aquæ licet asfundere, ut censetur modicum?

21 R. Id universaliter determinari non posse, sed prudentum judicio esse relinquendum, attentam quantitate, tùm etiam generositate vini; enim verò ubi plus vini præfertim generosi infunditur, ibi minus subest periculi de corruptenda substantia vini, & de Sacramento invalidando. Ego cum D. Gobat, La Croix, Sporer, & aliis existimo, vino etiam medioiori in hisce nostris partibus sine scrupulo admisceri posse v. g. quintam partem aquæ; cùm non appareat verosimile, per tam modicam aquæ quantitatem substantiam vini posse corrumpi. Vid. La Croix l. cit. n. 449.

§. III.

Corollaria ex dictis inferenda.

22 **C**olliges ex dictis primò, ad discernendum panem usualement, & licitè consecrabilem, vel maximè attendendum esse, an frumentum illud, ex quo confectus fuit, in tali loco vel Regione habeatur pro vero tritico, vel non; Etenim juxta satis receptam Doctorum regulam universalem quasi, materia certò apta & valida consecrationis conficitur ex illo solo frumento, quod in quavis Regione à peritis certò judicatur esse triticum: e contra omnis panis confectus ex alio frumento, quod non est triticum reputatur materia inepta; quemadmodum etiam panis confectus ex frumento, de quo dubitatur à peritis, an sit triticum, habendus est pro materia dubia vel incerta, & hoc ipso nunquam assumendus in sacrificium, idque propter reverentiam summam huic Sacramento debitam, uti jam superius notatum fuit. Sporer *cit. n.* 137. Babenstuber *tr. 8. p. 3. disp. 2. n. 8.*

23 Colliges secundò Materiam certò ineptam pro consecratione esse panem confectum ex oriza, avena, hordeo, milio, pis, aut fabis. Ratio est: quia hæc frumenta secundum communem usum & estimationem etiam peritorum non habentur pro tritico: e contra panem ex sarre, sive spelta, itemque ex mero siligine confectum, esse materiam dubiam, & hoc ipso non adhibendam in sacrificio. Ratio est: quia sapientes dubitant, an spelta, & siligo sint verè triticum: quinimmo multi existimant, ea specie differre à tritico, etsi alii putent differre solum accidentaliter, immò Doctores Germani, nominatim Layman, Gobat, Sporer, Reinfsenstuel, Babenstuber &c. certum existimant, ex siligine suevico confici verum panem usualement, & materiam saltem validam pro consecrando corpore dominico Vid. Layman. *cit. c. 2. n. 3.* Babenstuber l. cit. n. 6.

24 Colliges tertio, neque agrestam, neque vinum adustum, neque loram, neque acetum esse materiam validam pro consecrandocalice: id ipsum tenendum est de vino

sive physice, sive etiam moraliter corrupto: censetur autem moraliter corrupti quoad substantiam, quando eidem admiscuntur alie materie vel condimenta in tanta copia, ut non amplius reputetur, aut simpliciter nominetur vinum. Ratio hujus illationis est, quia in primis agresta est succus antecedens; acetum verò est liquor subsequens formam vini: vinum autem adustum in diversam à vino substantiam decoquitur: Lora est solum aqua temperata, esto retineat aliquod accedens vini: ergo nihil horum est verè & substantialiter vinum: quemadmodum etiam vinum substantialiter etiam in sensu morali jam præmissò, corruptum, non amplius reputatur pro vino: consequenter hæc ne pro valida quidem consecratione possunt deservire. Vid. Babenstuber cit. n. 17. & seqq.

25 Colliges quartò, Succum ex uvis maturis expressum, seu mustum, nec non vinum congelatum esse materiam validam consecrationis, etsi pro tali statu non sint materia licite consecrabilis. Ratio est: quia mustum seu etiam succus expressus ex uvis maturis est substantialiter vinum, & est quid potabile, esto nondum sit accidentaliter perfectum, eò quod includat adhuc multas fæces, & humorem aqueum, proptereaque illicitè consecraretur. Similiter vinum in statu congelationis retinet substantiam vini simpliciter, & est aliquid per se potabile, esto per accedens potari nequeat: quemadmodum panis triticeus, etsi durissimus, ita, ut comedi non possit, nisi emollitus, adhuc manet verè panis usualis, & materia de se comestibilis. Aliud est tenendum de vino pani imbibito, item de succo uvis adhuc incluso; quia ita inclusa non habentur pro potu vel materia potabili, sed potius pro materia comestibili; unde nec mirandum, quòd pro hoc statu, communi hominum existimatione, non habeantur pro materia consecrabili. Reiffenruef, Herincx, Henno.

Dices. Aqua congelata non est materia valida baptismi: ergo nec vinum congelatum potest esse materia valida Eucharistiæ.

26 R. Neg. Conf. Disparitas est hæc: quia baptismus est Sacramentum in usu & actione aliqua transeunte consistens, id est,

in ablutione, facta, cum debita prolatione formæ &c. atqui ablutio fieri nequit in aqua congelata quamdiu manet congelata: contra Eucharistiæ Sacramentum non consistit in usu, vel actuali sumptione, aut potatione, sed in re permanente & ordinata ad comedendum, aut bibendum: ergo cum vinum congelatum adhuc maneat res potabilis, esto per accedens pro hoc statu potari nequeat, adhuc potest deservire pro materia valida Eucharistiæ, veluti satis communiter tradunt DD.

C O N F E R E N T I A

D U O D E C I M A.

De conditionibus ad materie consecrationem requisitis, & de ipsa forma consecrationis.

S U M M A R I U M.

- 27 Ad validam consecrationem materia duæ conditiones requiruntur.
- 28 Rursus alie duæ ad licitam.
- 29 Forma consecrandi consistit in certis verbis, præscriptis in canone Missæ scilicet: hoc est corpus meum &c.
- 30 Omnia verba consecrationis sunt necessaria, saltem necessitate præcepti graviter obligantis exprimenda.
- 31 Excipitur tamen communiter particula Enim.
- 32 Quænam verba consecrationis necessitate Sacramenti exprimenda sint in consecratione.
- 33 Quid sit verba proferre recitative, & quid significativè.
- 34 Verba consecrationis quo modo sint proferenda.
- 35 Resolvitur Casus I. de Sacerdote, qui volens consecrare duas hostias minores pro duobus sponsis communicandis, postea præter intentionem deprehendit, se assumpsisse tres.
- 36 Et quid practicè agendum fuerit in hoc casu cum illis hostiis.
- 37 An licitum sit consecrare hostias minores

res ad Aram Sacerdoti delatas primum post oblationem factam.

38 Et utrum fas sit hostias immediatè post consecrationem auferre ab altari.

39 Quid tenendum sit de guttulis, calici sive exteriori, sive etiam interiori adhaerentibus.

40 Et quid circa illas in praxi sit observandum.

41 Resolvitur Casus II. de Sacerdote, qui propter distractionem non poterat se reflectere, an verba consecrationis protulerit, proptereaque eadem repetit.

42 Et quid, si habuisset prudens motivum dubitandi de consecratione facta vel non.

43 Resolvitur Casus III. de hño quodam Sacerdote scrupuloso, assueto consecrare alta & clamorosa voce &c. &c.

44 Quid de tali modo consecrandi tenendum sit.

45 Unum etiam verbum aut Syllabam in consecratione repetere sine causa; non vacat culpa veniali.

46 Vinum in calice cooperto contentum validè consecratur;

47 Non item repositum post parietem, vel in tabernaculo clauso.

48 Neque consecratur materia inscio Sacerdote posita super altare tempore Sacrificii.

49 Sacerdos consecrando hostias in ciborio cooperto, illicitè agit.

50 Firma consecrationis quando censetur mutata substantialiter, & quando non.

51 Qualem Sensem genuinum reddant verba consecrationis.

§. I.

Præmittuntur, & breviter resolvuntur

Quæsitæ scitu necessaria, ad debite resolvendos Casus de conditionibus materiæ consecrabilis, & ipsa forma consecrationis.

Quæres primò, quænam conditiones requirantur ad hoc, ut materia Eucharistiae validè consecratur?

27 Ad hoc requiruntur duæ conditiones, quarum prima est, ut materia con-

secranda Sacerdoti sit moraliter & sensibilibiter præsens 1. ut eadem materia sit certa, & per intentionem consecrantis determinata. Ita cum aliis Bonacina *disp. 4. qu. 2. punct. 6.* Layman *lib. 5. tr. 4. c. 2. n. 10. & 12.* Ratio utriusque partis dsumitur ex institutione Christi, & ex ipsis pronominiibus demonstrativis formæ, scilicet. *hoc est: hic est &c.* quæ debent necessariò verificari, ut consecratio validè fiat: at nunquam verificabuntur hæc verba demonstrativa, nisi materia sit certa, moraliter præsens, & determinata in individuo: ergo &c. Confirmatur hoc ex perpetua praxi Ecclesiæ, quæ nunquam consecrare consuevit, aut benedicere res absentes. Et certè sacrificium ex sua natura requirit hostiam moraliter præsentem, & in individuo determinatam; quandoquidem actiones sunt singularium, quæ debent esse certa, & determinata.

Quæres secundò, quænam conditiones requirantur ad hoc, ut materia Eucharistiae etiam licitè consecratur?

28 R. Rursus desiderantur duæ conditiones 1. ut non consecratur major quantitas, quàm quæ tempore opportuno possit absumi 2. ut in consecrando materiam non recedatur ab usu Ecclesiæ in Missali præscripto. Ita Bonacina & Layman. *cir. n. 11.* Ratio prioris hæc est: quia consecrans quantitatem nimiam, tantam scilicet, quæ tempore opportuno non possit, aut certè nunquam absumetur, exponit Species periculo putredinis, & Sacramentum irreverentiæ: quod utique culpa non vacat. Ratio autem posterioris est: quia Rubricæ Missalis saltem à potiori sunt præceptivæ, & non merè directivæ, illæ præsertim, quæ versantur circa consecrationem &c. ergo qui ab istis recedit, peccat pro gravitate ipsius rei.

Quin etiam, sine causa non observare Rubricas directivas, esse peccatum veniale, probabiliter tenent Quarti & La Croix *l. 6. p. 2. n. 410.* eo quòd sit neglectus temerarius rei meritò observandæ, & deordinatio à communi sine rationabili causa; quod videtur esse saltem venialiter malum, etsi hoc negent Tamburinus & Gobat: sed de hoc vide dicenda inferius *Confer. 20. nu. 168.*

Quæ-

Quæres tertio, quænam sit forma consecrationis Eucharistiæ?

29 R. Sunt verba illa in Canone Missæ præscripta, atque in Ecclesia latina semper observata, pro consecrando scilicet corpore hæc: *Hoc est enim corpus meum*, pro consecrando autem calice sequentia: *Hic est Calix Sanguinis mei, novi & æterni testamenti, mysterium fidei, qui pro vobis, & pro multis effundetur in remissionem peccatorum*. Ita omnes Catholici. Ratio desumitur tum à paritate de aliis Sacramentis, quorum forma consistit in prolatione certorum verborum, secundum dicta *Confer. 1. n. 5.* Tum etiam quia velut certum habetur, quod ipse Christus Dominus fuerit usus iisdem, aut certè similibus verbis, quando in ultimi Cœna consecravit, prout diffusius tum auctoritate, tum etiam ratione probat noster Henno *de Eucharisti. disp. 3. q. 1.*

Quæres quarto, sintne omnia mox relata verba necessariè exprimenda in consecratione?

30 R. Sunt omnia exprimenda necessariè necessitate præcepti, non tamen necessitate Sacramenti. Ita DD. *communissimè*. Et ratio posterioris redditur hæc: quia tametsi unum aut alterum verbum omittatur, nihilominus probabilissimè valida est consecratio, prout de particula *enim* omnes omnino fatentur: ergo non omnia verba relata sunt de necessitate Sacramenti. Ratio autem prioris est: quia omnia & singula verba consecrationis mox relata ab Ecclesia Romana in Canone Missæ studiosè præscribuntur & observantur, eademque à Christo, etsi forsitan non eodem ordine, dicta fuisse & usurpata, partim ex traditione, partim ex scriptura habetur. Tum etiam quia illa verba: *novi & æterni Testamenti, qui pro vobis &c.* faciunt unam integram, perfectamque orationem cum aliis præcedentibus, ita, ut multi dubitent, an non etiam pertineant ad sensum substantialem: ergo quæ, vel unum eorum omitteret studiosè, peccaret mortaliter secundum omnes.

31 Nihilominus multi DD. uti Reinssæ, Henno, Herincx *disp. 2. n. 80.* Suarez & alii censent, non esse peccatum grave, ex parva duntaxat negligentia, vel

alia similia causa, excluso contemptu, omittere particulam *enim*; idque tum ob parvitatem materiæ; tum etiam quia juxta *communem DD.* hæc particula non est de essentia consecrationis. Secus dicendum foret, si omitteretur ex contemptu formali, qualis facillè posset intervenire in omnino voluntariè omittente; cum nulla possit esse ratio omittendi, inquit Herincx *l. cit.*

Quæres quinto, quænam igitur verba sint de essentia consecrationis?

32 R. Ad consecrationem corporis essentialiter necessaria sunt hæc quatuor verba: *Hoc est corpus meum*. Ad consecrationem autem calicis sequentia: *Hic est calix Sanguinis mei*. Ita D. Bonavent. Scotus, & potior Theologorum pars, quibuscum etiam sentit Bæhenstuber, quamvis Gonet aliique multi Thomistæ putent, omnia verba consecrationis in canone præscripta (excepta duntaxat particula *Enim*) esse de essentia consecrationis calicis. Ratio autem nostræ resolutionis est: quia si omnia illa verba utputa: *novi & æterni testamenti &c.* essent de essentia consecrationis, procul dubio Sancti Apostoli & Evangelistæ id tradidissent vel præscripsissent; non enim est verosimile, quod aliquid essentialiter requisitum ad hoc mysterium omisissent, quando modum & verba consecrandi præscripserunt, atqui hoc non fecerunt: ergo. Et certè in opinione AA. fatendum foret, neque S. Marcum, neque Jacobum fratrem Domini, neque alios Apostolos unquam validè consecrasse, aut docuisse modum validè consecrandi; quia nec sunt usi omnibus illis verbis, nec illis utendum esse, alijs præscripserunt, veluti constat ex illorum liturgiis apud Lugo *Disp. 11. Sect. 4.* & Bæhenstuber *cit. Disp. 3. n. 18.* Consequens autem est absurdum: ergo &c.

Quæres sexto, quo sensu verba consecrationis sint proferenda?

33 Ante responsionem suppono & adverte, verba posse proferri 1. vel *recitativè tantum & historicè*, seu, ut alii loquuntur, *materialiter*; vel 2. *significativè tantum & assertivè*; vel denique 3. *recitativè & significativè simul*. Primo modo, recitativè scilicet proferuntur, quando proferens præcisè refert verba alterius, absque ulla intentione asserendi id, quod significant: & ita loquitur.

loquitur David *Psal.* 13. dum ait: *Dixit insipiens in corde suo: non est Deus.* Secundo modo, significativè scilicet proferuntur, quando proferens intendit suis verbis aliquid asserere vel enunciare, sine respectu ad dicta alterius, quo sensu idem Propheta dixit *Psal.* 107. *Paratum cor meum Deus, paratum cor meum.* Tertio denique modo, scilicet recitativè & simul significativè proferuntur, quando quis utitur verbis ab alio prolatis, simulque vult illis mediantibus idem asserere; quo sensu rursus idem *Psal.* Regius *Psal.* 109. ait: *Dixit Dominus Domino meo, sede à dextris meis.* His præsuppositis.

34 R. Verba consecrationis proferenda sunt recitativè, & significativè simul. Ratio est: quia Sacerdos consecrans refert ea, quæ Christus dixit, simulque loquitur in Eiusdem Persona & auctoritate; atque hinc recitativè profert illa verba, quando de Christo Domino dicit: *qui pridè quàm pateretur, accepit panem &c.* & dixit: *Hoc est enim corpus meum:* significativè autem, quia iisdem verbis in Persona Christi loquens Sacerdos assertivè dicit: *hec est corpus meum: hic est calix sanguinis mei &c.* Quocirca restè advertit Sporer *theolog. Sacram. part. 2. n. 197.* non esse cuiuspiam scrupulizandum de prolatione verborum in utroque sensu mox relato: nam quivis Sacerdos præsumitur habere intentionem, faciendi id, quod Christus fecit, & instituit, vel quod facit Ecclesia; atqui hoc ipso sufficientissimè intendit proferre verba consecrationis in utroque sensu mox dicto: ergo.

§. II.

Proponuntur, & breviter resolvuntur Casus practici de conditionibus materiæ consecrandæ, & ipsa forma consecrationis.

CASUS PRIMUS.

Titius Sacerdos sub suo sacrificio voluit communicare duos sponsores, & in hunc finem duas hostias minores secum deferre ad Altare: at ecce, ubi ad actualem communionem pervenit, animadvertit, se præter intentionem suam tres hostias minores

assumpsisse, quia verò duas duntaxat intendens consecrare; hinc stupefactus dubitare cæpit 1. an vel nulla, vel due tantum vel denique omnes tres consecrasset? 2. Quid in praxi sibi esset agendum?

35 R. Ad primum. Videtur probabilissimum, & quasi certum, omnes tres hostias fuisse consecratas. Ratio est: quia regulariter loquendo intentio consecrantis solet, immò (juxta præscriptum Missalis de defect. intent. tit. 7. n. 1.) debet esse hæc, quòd scilicet velit consecrare totam materiam, quam sibi habet moraliter præsentem & licite consecrabilem: certè in nostro casu practico hanc habuerit intentionem, quòd scilicet velit præter suam hostiam majorem etiam consecrare illas minores, quas quidem duas duntaxat putaverat, errore speculativo, reipsa autem erant tres: at verò error speculativus non obstat intentioni practicæ consecrandi materiam præsentem, quam, velut conformem consuetudini & menti Ecclesiæ quivis Sacerdos censetur habere saltem implicitè: ergo. Secus tamen resolvendum foret, si supponeretur Titius habuisse expressam intentionem non consecrandi plures, quàm duas hostias minores: quo supposito probabilissimè nulla omnino fuisset consecrata; cùm non sit major ratio, de una potius, quàm de altera: quamvis aliqui putent, in simili casu, quo plures hostiæ quasi compactæ sunt, & ita unitæ, ut credantur esse duntaxat una, eam solum consecrari, quæ est in conspectu Sacerdotis. Id, quod & in nostro hoc casu verificatum credo, si Titius expressè intendisset consecrare illas hostias, quas ante se vidit in corporali positas.

36 R. Jam ad secundum. Supposito, quòd Titius habuerit saltem implicitam intentionem consecrandi hostias sibi præsentem, & in corporali propositas (quæ intentio semper præsumitur, nisi constet de contrario, uti jam diximus) tuta conscientia potuit illas distribuere sponso, tertiam verò residuum debuisset ipse sumere ante ablationem. Similiter si habuisset intentionem consecrandi duas duntaxat hostias minores, quas sub actu consecrationis vidit, eandem ita visam tuta conscientia potuit tribuere sponso, tertiam verò non visam debuisset ipsemet sumere post communionem, seu ante

te ablutionem. Denique si omnibus bene ponderatis adhuc existimavit sibi dubitandum de sufficientia suæ intentionis, an scilicet hostiæ illæ minores sint revera consecratæ, vel non, ipse solus debuisset omnes illas tres hostias sumere ante ablutionem, sponso vero aliosve præsentem & advertentes, quantum tunc fieri potuit, admonere de commisso errore, & de dubio inde orto; quod, si debito modo fiat, facilis omne scandalum in populo, & omnis admiratio insolita avertetur. Vide Sporer *cit. n. 171.*

Dices: at quid, si Editus vel alius post factam jam oblationem mihi ad Aram deferat aliam, vel alias hostias minores consecrandas?

37 R. Juxta præscriptum Missalis, hostiæ pro communicantibus consecrandæ, debent poni super corporale vel Arulam, idque ante offertorium. Nihilominus etsi paulò post offertorium afferantur, facta prius oblatione mentali adhuc licitè eas consecrari aasserunt Diana p. 2. *trakt. 14. resol. 71.* Gavantus apud ipsum & Busenbaum *trakt. 3. c. 1. dub. 5. in fine.* Quin etiam licitè consecrari putant Tamburinus *lib. 2. c. 5. §. 8.* & Gobat *trakt. 3. n. 86.* modò adfint ante consecrationem. Ubi tamen idem Gobat mox subdit dicens: *Si unus tantum esset dimittendus sine comunione, non consecrarem pro illo novam hostiam, sed secutus arbitrium Gavanti & aliorum, diffingerem particulam è mca grandiore, ipsique porrigerem.*

At ecce! vixdum peracta consecratione, alius Sacerdos vult illas hostias minores auferre ab Altari, ut communicet populum avidè exspectantem: an sine peccato?

38 R. Cum Gobat *l. cit. Sporer n. 170.* & alius. Fiet hoc sine peccato mortali; quia non agit contra præceptum graviter obligans; at, nisi sit aliqua vera necessitas tam maturè ministrandi illis panem super substantialem, certò non fiet sine peccato veniali; est quippe aliqua inordinatio, si super illis non tormentur signa crucis, & alæ ceremoniæ in Missali præscriptæ.

Dices rursus: sed quid tenendum de guttulis calici adhærentibus, suntne habendæ pro consecratis, vel non?

39 R. Guttulas exterius calici adhæren-

tes (etsi absolutè loquendo validè consecrari possent) à nullo tamen Sacerdote unquam consecrari; ita DD. *communissimè.* Ratio est: quia tales guttulæ sine periculo irreverentiæ gravis, & eo ipso licitè nunquam consecrantur: at nullus Sacerdos præsumitur, aut præsumi debet, velle consecrare materiam, quam licitè & sine periculo irreverentiæ nunquam consecrare posset: ergo. At verò guttulas interius calici adhærentes, etsi separatas à vino in fundo congregato, validè consecrari, Tannerus, Dicastillo & alii probabile tenent; de quo quidem dubitari neutiquam liceret, si supponatur Sacerdos habere intentionem, consecrandi, quiddid validè consecrabile continetur in calice. Quia tamen quivis Sacerdos præsumitur habere intentionem Ecclesiæ conformem: intentio autem communis & optima Ecclesiæ teste Laymanno *l. 5. tract. 4. c. 2. n. 15.* videtur esse hæc: *consecrare omnem liquorem consecrabilem, qui per modum unius in calice continetur;* hinc mihi cum Laym. *cit.* Gobat, Sporer & aliis probabilius videtur, ne illas quidem guttulas ad intra calici adhærentes consecrari validè.

40 Idcirco ad tollendum & præcavendum omnem scrupulum Sacerdos optimè faciet, si semel & pro semper intendat, illas guttulas, sicut & micæ hostiæ adhærentes nunquam consecrare. Practicè verò, dum in aquali infusione, vel statim post hujusmodi guttulas adhærentes advertit, eas statim abstergat purificatorio; vel si illas primò advertat jam consecraturus, circumagendo vinum quod est in fundo calicis, uniat cum eodem, veluti rectè consultit Gavanti apud Gobat *n. 64.* Quamvis Tamburinus *opuscul. de Sacrif. l. 2. c. 1. §. 3. n. 29.* apud Gobat *cit.* meritò dicat, non peccare Sacerdotem non abstergentem, immò nec expedire ut abstergat, si primò illas advertat janijam consecraturus ad finem modo. Post consecrationem autem nullo modo sunt abstergendæ; tum quia sine periculo irreverentiæ fieri vix poterit; tum quia fortè consecratæ sunt: quare ad motus speciebz consecratis iisdem uniendæ sunt ante sumptionem, aut saltem in prima ablutione. Sporer *n. 172.*

CASUS SECUNDUS.

Sempronius sub sacrificio suo, & ipso actu consecrationis ita distractus fuit, ut jamjam consecraturus calicem, plane ignoraverit, an verba consecrationis super panem debite protulerit, etiam si probe meminisset, se hostiam jamjam elevari & monstrasse Populo adorandam. In tantis igitur angustiis constitutus, ut omnem scrupulum, quem de integritate sacrificii conceperat, evitaret manibus tenendo calicem, & sese inclinando, prius protulit verba consecrationis super hostiam in corporali adjacentem, & postea primum perrexit consecrare calicem. Queritur jam, an recte, & licite.

41 R. Non recte egit Sempronius. Ratio est: quia verba consecrationis non sunt repetenda, nisi in casu, ubi occurrit prudens dubium de valore peractae consecrationis: immo verò temerarie eadem repetens, peccat mortaliter secundum omnes: atqui Sempronius non habuit prudens & iudicatum dubium, quin potius prudenter debuit praesumere, se jam consecrasset hostiam; tum quia ex communiter contingentibus sic prudens praesumptio: communiter autem nullus Sacerdos solet (certè nec Sempronius assueverit) elevare hostiam, nisi prius rite consecratam; tum etiam quia Sempronius supponitur alias actiones & ceremonias observasse: quidni ergo & hanc? tum denique, quia distractio non obstat valori consecrationis, quippe qua stante possumus habere intentionem virtualem sufficientissimam consecrandi. Unde etiam Rubricæ Missalis tit. 5. de defect. formæ. nu. 2. expressè ordinant, ut, si celebrans non recorderur, se dixisse ea, quæ in consecratione communiter dicuntur, non debeat propterea turbari: ergo multo minus debet aliquid repetere, ex eo præcisè, quod non recorderetur se dixisse verba consecrationis. Et pejus adhuc fecisse videtur, eò quod verba consecrationis super illam hostiam protulerit absolute, & sine conditione; nam per hoc se exposuit manifesto periculo irrogandi Sacramento irreverentiam gravem.

Dices: Sed quid, si Sempronius verè habuisset rationes positivas dubitandi de consecratione facta, vel non?

42 R. Hoc supposito debuisset iterare formam consecrationis, sed sub conditione duntaxat, prout expressè præscribunt Rubricæ Missalis loc. proxime cit. sequentibus omnino verbis: (*si ramen corè ei*) (Sacerdoti scilicet consecranti) confiter, se omisisse aliquid eorum, quæ sunt de necessitate Sacramenti, id est, formam consecrationis, seu partem, resumat ipsam formam, & cetera prosequatur per ordinem: si verò valde probabiliter dubitet, se aliquid essentialè omisisse, iteret formam saltem sub tacita conditione. Si autem non sunt de necessitate Sacramenti, non resumat, sed procedat ulterius. Hactenus Rubricæ. Quocirca rectè monent omnes cum Aversa qu. 11. Sect. 16. apud La Croix lib. 6. p. 2. nu. 534. non esse facile admittenda ejusmodi dubia; cum ordinariè sint meri scrupuli.

CASUS TERTIUS.

Cajus multum anxius circa debitam pronunciationem verborum consecrationis; assuevit ea alta & elata voce proficere: & ne ab aliis audiretur clamare, rogavit aliquoties Organistam (dum scilicet Missam cantavit) quatenus is sub actuali consecratione pleniori organo faceret majorem strepitum. Nuper etiam consecrando panem videbatur sibi dixisse: *oc est corpus meum*, prima scilicet, & ultima syllaba non satis expressis; unde finita hac forma sub actuali elevatione aliquoties submissa voce dixit: hoc meum: hoc meum &c. Quid jam judicet de Cajo & ipso facto? Et quid de valore hujus consecrationis?

43 R. Ad primum. Ex specie hujus facti satis apparet, Cajum non esse mediocriter scrupulis subiectum, immò verò scrupulosum usque ad insaniam: ad quid enim tanta elevatio vocis? quasi verò sine hac verba consecrationis non possent satis pronunciari, cum tamen Ecclesia in Rubricis de Rit. celebr. Missam sub tit. de Canone. expressè præscribat, ut verba consecrationis distinctè, reverenter, ac secretè proferantur. Et ad quid rursus illud: hoc meum;

hoc

hoc meum? Profecto hæc duo verba, quemadmodum non reddunt sensum perfectum; ita etiam nihil ampliùs conferre possunt ad valorem consecrationis. Unde

44 R. Jam ad secundum. Consecratio valida quidem fuit, nihilominus venialiter saltem mala. Ratio prioris est: quia vix dubitare licet prudenter de debita pronuntiatione formulæ quoad substantiam; eò præfertim, quòd vix ullus sentiat aliquam difficultatem circa pronuntiationem præfatarum illarum syllabarum; tum etiam quia si demus eum dixisse: *ecce est corpus meum*, nihilominus cùm hæc verba apud audientes adhuc ingerant, & faciant eundem sensum substantialiter invariari, uti rectè notant Gobat, Sporer *cit. n. 201. in fine*. Laym. l. 5. tr. 1. c. 4. aliique plures; hinc de valore hujus consecrationis nullatenus cuiquam ambigendum videtur. Ratio autem posterioris inde colligitur: quia tam altè clamando agit contra præscriptum Ecclesiæ, non sine magna absurditate, admiratione in populo, & aliis inconvenientiis. Quin immò Gobat *tr. 3. n. 69*. Sacerdotem consecrando ita clamantem, ut ad quadraginta passus percipi possit, peccati mortalis condemnat; eò quòd valde notabiliter agat contra ritum communissimum, in actione omnium gravissima, detque occasionem obmurmurationum, scandalorum & offensionum. Verùm Illsung. *tr. 6. disp. 4. nu. 82*. talem à mortali excusat; tum quia non agit contra legem graviter obligantem; tum etiam, quia per talem clamorem nihil ad essentiam aut integritatem Sacramenti spectans immutatur: scandalum autem fortè datum aliis non erit perniciosum, nec murmuratio inde consequens gravem malitiam refundet in suum auctorem. Ita Illsung. omnino probabiliter.

Dices, At quid, si Cajus ultimum duntaxat verbum, *meum* scilicet repetiisset?

45 R. Etiam unum duntaxat verbum, immò & unam syllabam formæ sacramentalis sine causa repetere, non vacat culpa veniali; cùm hoc repugnet usui Ecclesiæ, & institutioni Christi &c. uti cum *communio* DD. tenet La Croix. l. 6. n. 29. quare cùm Cajus non habuerit sufficientem causam repetendi etiam ultimum solum verbum, sed

potiùs debuisset supponere, se omnia verba consecrationis modò debito jamjam pronuntiasse; hinc per se loquendo saltem venialiter videtur deliquisse, per hanc repetitionem. Cæterùm quo modo practice deliquerit, colligendum erit ex dictamine conscientiæ, quod tempore consecrationis habuit; sæpe enim ea, quæ de se etiam gravi culpa non vacant, à scrupulosi sine omni, vel saltem sine gravi culpa fiunt; eò quòd ad hujusmodi ineptias plerumque impellantur potiùs ex timore ne Deum offendant, quàm ex motivo offendendi Deum, uti rectè notarunt Gobat. *tr. 7. nu. 173*. Sporer, La Croix *cit. n. 130*. Vide etiam dicta p. 1. Conf. 1. n. 14.

§. III.

Corollaria ex dictis inferenda.

46 Colliges primò, validè consecrari vinum in calice cooperto, vel hostias in ciborio clauso, aut latentes in cumulo sub aliis etiam in fundo; aut aliter testas v. g. corporali complicato &c. Item validè consecrarentur hostiæ præsentès à sacerdote cæco, vel alio in tenebris. Ratio horum est: quia ad validam consecrationem aut præsentiam vel sensibilitatem necessum non est, ut à sacerdote consecrante materia videatur, vel tangatur, multò minùs ut habitus aut verborum sono quodamodò quasi seriatur, prout nonnulli ineptè faciunt, praxi haud quaquam laudabili; sed sufficit, ut materia sit consecranti moraliter præsens, ita, ut videri aut sentiri possit sive in se, sive in alio v. g. in fuototo, vel continente, vel vase ad illam continentem destinato; uti cùm aliis tenent Layman, Boncin. *disp. 4. q. 2. p. 5*.

47 Colliges secundò, invalidè consecrari materiam positam post parietem, vel à tergo sacerdotis, vel reclusam in tabernaculo. Ratio est: quia cùm non possit demonstrari per ly. *hec*, vel *hic* censetur moraliter abesse. Ob eandem rationem DD. communiter censent, consecrari non posse materiam valde procul, v. g. centum passibus distantem, quippe quæ non censetur esse moraliter præsens: quænam autem moralis præsentia, vel quanta propinquitas sufficiat ad

valorem consecrationis, controvertunt Henríquez l. 8. c. 34. putat censerí satis præsentem, quando non distat ultra 20. aut 30. passus; quod tamen Bonacina l. cit. & alii putant, non esse satis certum, sed prudentum iudicio esse relinquendum: suadet igitur prudentia, ut in tali, tamque notabili puncto, Sacramentum non exponamus periculo, ideoque nunquam consecremus materiam ita distitam, ut dubitari posset, an sit nobis moraliter præsens, vel non?

48 Colliges tertio, non consecrari hostias, inscio Sacerdote sive in corporali, sive etiam infra illud posita. Ratio est: quia tales hostiæ non sunt materia determinata in mente sacerdotis, quippe cuius voluntas non fertur, nec ferri potest in incognitum: aliter dicendum foret, si vel ipse Sacerdos hostias ad altare secum portasset, vel rationabili modo advertisset, eas fuisse allatas ab alio in hunc finem ut à se consecrarentur, vel etiam si ante sacrificium fuisset admonitus de consecrandis in altari jam positis loco decenti, ita, ut licet consecrari potuerint; tunc enim omnes consecrarentur, & pro consecratis essent habendæ. Ratio est: quia intentio illa præcedens virtualiter perseverat, etsi Sacerdos in actu consecrationis earum non meminerit. Ita Reginaldus, Bonacina, Layman cit. Busembaum ubi supra dub. 5. R. 1. num. 3. dicens, hanc sententiam esse tutam in praxi. Vide etiam dicta superius Conf. 2. n. 40.

49 Colliges quarto, illicitè agere sacerdotem qui vas, in quo hostiæ consecrandæ continentur, non aperit: item 2. qui consecrat materiam positam extra corporale, vel in alio loco indecenti, etsi adhuc super altare, utputa in vase ligneo, vel pyxide non consecrata &c. Quia agit contra præscriptum & ordinationem Ecclesiæ non sine irreverentia Sacramenti. Busembaum, Sporer ubi supra num. 173. alique communiter.

50 Colliges quinto, validam, etsi illicitam fore consecrationem, si consecrans diceret: *Hic cibus: hic potus; hæc res contenta sub his speciebus est corpus meum.* 4. si diceret: *hic calix est novum testamentum in meo sanguine*, uti habet S. Lucas

c. 22. 3. Si dicat: *Hoc est corpus meum de virgine assumptum*; vel: *Hic est sanguis meus infiniti valoris*; vel denique 4. si diceret: *Hoc est meum corpus: hic est meus sanguis &c.* Ratio est: quia in his omnibus servatur idem sensus substantialis, etsi accidentaliter variatus, quo fit, ut consecratio quidem reddatur illicita, non tamen invalida. Secus dicendum foret, si Sacerdos consecrando diceret: *Hic* (adverbialiter) *est corpus meum*: vel 2. si diceret: *Hoc corpus est meum; hic sanguis est meus*: item 3. si diceret: *Hoc sit, aut hoc fiat meum corpus*: vel, si 4. diceret: *illud est corpus meum; ille est sanguis meus*; vel denique 5. *Hæc est substantia mea: Hoc est corpus Christi &c.* Ita Bonacina q. 3. punct. 3. & alii plures. Ratio autem horum est: quia in his fit mutatio substantialis formæ, prout bene ponderanti facile constabit: mutatio autem substantialis obstat valori: ergo &c.

51 Colliges denique sexto, Tò, *hoc*, & Tò *hic* explicari posse dupliciter, primo sic, ut pronomina illa referantur ad prædicatum, ita, ut faciant hunc sensum: *Hoc corpus est corpus meum: hic calix est calix sanguinis mei*; sicut si quis dicat: *Hæc est mater mea*, sensus est: *Hæc mater est mater mea*; & ita intelligunt Vasquez, Dicastillo & alii non pauci. 2. Possunt dicta pronomina intelligi sic, ut faciant hunc sensum: *Hæc res, vel hæc substantia, hoc edulium, est corpus meum: hic potus est sanguis meus*: atque in hac posteriori acceptione ea intelligunt Scotus 4. dist. 8. q. 2. n. 17. Henno, Bosco, Herincx disp. 2. nu. 79. alique Doctores communius: & certè sine incommodo ita intelligi & explicari possunt. Absolutè tamen per Tò *hoc* intelligi non debet *hic panis*; saltem quippe est, quod panis sit Corpus Christi, aut quod maneat cum corpore Christi: similiter per Tò *hic* intelligi non debet *hoc loco*; uti jam diximus. Vide La Croix l. 6. n. 463.

CONFERENTIA

DECIMATERTIA.

De Ministro Sacramenti Eucharistiæ.

SUMMARIUM.

- 52 *Minister legitimus Eucharistiæ est solus sacerdos ritè ordinatus.*
- 53 *Validè eam conficit omnis sacerdos; Unde*
- 54 *Ordinaria potestas eam administrandi convenit pariter solis sacerdotibus, non item aliis inferioribus Ministris.*
- 55 *Potest nihilominus hoc ministerium aliquando committi Diacono.*
- 56 *Ad licitam hujus Sacramenti administrationem in Sacerdote necessaria est jurisdictio ordinaria, vel delegata.*
- 57 *Et quidam Religiosi circa hoc possint.*
- 58 *An liceat Sacerdoti extra sacrificium Missæ se ipsum communicare.*
- 59 *Et quandomodo liceat partem Hostiæ majoris dare Laico.*
- 60 *Ad licitam administrationem hujus Sacramenti præter jurisdictionem insuper necessum est, ut Minister sit in statu gratiæ, & ut eam non administraret scienter indigno.*
- 61 *Parochus tenetur Eucharistiæ administrare suis subditis, quoties banc rationabiliter possulant.*
- 62 *Secus, si pensatis prudenter circumstantiis postularent irrationabiliter.*
- 63 *Resolvitur Casus I. de Sacerdote, qui, ne Moribundus decederet sine Viatico, hæc ipsum absque lumine & vestibus sacris festinanter eidem obrulit.*
- 64 *Religiosi an liceat deponere Eucharistiæ sine lumine vel alla pompa exteriori.*
- 65 *Respondetur cuidam instantiæ in contrarium.*
- 66 *Resolvitur Casus II. de Sacerdote, cui inter communicandum decidit aliqua hostia, mox elevata à Laico.*
- 67 *Et quid in praxi agendum, casu quo Hostia consecrata decidit in sinum, aut intra vestes mulieris.*
- 68 *Resolvitur Casus III. de alio quodam*

Sacerdote, reprehendente quandam mulierem, eò quod post perceptam sacram communionem illico se inclinaverit, libro vii admoto &c.

- 69 *Et quid, si penitens fateatur, se unam, vel plures etiam Hostias consecratas sibi reservasse, aut in aliquo loco occultasse &c.*
- 70 *Quid insuper agendum, si dicat, se Hostiam consecratam carnem inter & cutem quasi insutam & incorporatam portare.*
- 71 *Non peccat Sacerdos quempiam communicando de voluntate Pastoris rationabiliter præsumpta.*
- 72 *Religiosi, an, vel quando tempore Paschali, vel in moris articulo Eucharistiæ licetè ministrent.*
- 73 *In defectu cujuscunque Sacerdotis permittitur Diacono sacrum Viaticum deportare, & communicare Moribundum.*
- 74 *Non peccat Sacerdos, Eucharistiæ ad infirmos longius distantes deferendo in equo mansueti.*
- 75 *Potest tamen graviter delinquere, si eam non administraret eo ritu, quem Ecclesia præscribit & probat.*
- 76 *Ad officium Ministri pariter attinet, divinissimum hoc Sacramentum diligenter custodire in loco honesto.*
- 77 *Et Ciborium aliquoties saltem per annum renovare.*
- 78 *Quidnam agendum, si bestia aliqua commederit species consecratas.*

§ I.

Præmittuntur, & breviter resolvuntur quæsitæ, scitu necessaria ad debitè resolvendos Casus de Ministro Eucharistiæ.

QUæres primò, quisnam sit legitimus Minister Eucharistiæ conficiendæ?

52 R. Est solus Sacerdos ritè ordinatus. Ita tenet fides Catholica contra nonnullos Hæreticos: estque hæc veritas in multis Conciliis definita, uti in Nicæno I. Can. 14. Lateran. cap. firmiter de summa Trinit. Florent. & Trident. Sess. 22. cap. 1. & Can. Ratio autem est: quia potestas consecran-

di, utpote à voluntate Christi dependens, nulli alteri competit, præterquam illis, quibus eam delegare voluit Christus ceu summus Sacerdos: at, is nullibi legitur eam dedisse aliis, præterquam sacerdotibus, quibus solis *Luc. 22.* dixit: *Hoc facite in meam commemorationem*: ergo soli sacerdotes sunt legitimi Ministri Eucharistiæ.

Quæres secundò, utrum omnis sacerdos, etiam Hæreticus, Schismaticus, excommunicatus, degradatus, irregularis, vel alio impedimento Canonico irretitus, possit validè conficere Eucharistiam?

53 R. Affirmativè. Ratio est: quia potestas celebrandi validè residet fundamentaliter in solo charactere sacerdotali: ergo tamdiu manet, quamdiu perseverat character: atqui character utpote signum indelebile perseverat semper: ergo. Quivis sacerdos potest validè conficere Eucharistiam, etsi per se loquendo graviter peccet, qui in statu disgratiæ constitutus, aut alio Canonico impedimento irretitus, consecrare præsumit, veluti constabit ex dicendis: *Communis DD.*

Quæres terciò, quisnam sit Minister legitimus Eucharistiæ dispensandæ?

54 R. Ordinaria potestas & auctoritas dispensandi conveniunt solis sacerdotibus, non verò aliis Ministris inferioribus. Ita communiter DD. Ratio est: quia Christus Dominus *Luc. 22.* potestatem dispensandi iisdem concessit, quibus dedit potestatem consecrandi, quando consecrans ac distribuens Eucharistiam Apostolis, dixit: *Hoc facite in meam commemorationem*: Atqui potestatem ordinariam consecrandi concessit solis Apostolis, ceu sacerdotibus neo-ordinatis: ergo his solis competit potestas ordinaria dispensandi. Unde Ecclesia pie admodum canit in hymno suo: *Sic (Christus) sacrificium istud instituit, cujus officium committi voluit, solis Presbyteris, quibus sic congruit, ut sumant, & dent cæteris.*

55 Dixi: *Jure Ordinario*; Etenim hæc potestas dispensandi Eucharistiam jure divino non est ita connexa sacerdotio, quin possit delegari aliis non sacerdotibus, scilicet Diaconis. Patet hoc ex antiquissima praxi Ecclesiæ, vi cujus olim Diaconi, non quidem propria auctoritate, sed ex commissione

Elbel Theol. P. I.

Episcoporum aut Presbyterorum dispensabant Eucharistiam, veluti habetur ex Clemente Romano *lib. 8. constitut. c. 28.* Et luculenter colligitur ex verbis S. Laurentii Martyris ad S. Xystum Pontificem dicentis: *Experire, utrum idoneum Ministrum elegeris; cui commisi dominici sanguinis dispensationem.* Attamen aliis Clericis Diacono inferioribus nullo modo debet committi hæc dispensatio: multò minus Laicis, uti docent omnes Theologi, & constat ex communi usu ac sensu Ecclesiæ: id, quod etiam pridem statuit Concilium Rhemense, uti refertur *cap. Pervenit de consecrat. D. 2.*

Quæres quartò, An hæc potestas & auctoritas dispensandi Eucharistiam competat omni sacerdoti?

56 R. Negativè. Nam ad hoc, ut sacerdos licitè eam dispenset, necessum est, ut habeat jurisdictionem ordinariam, vel delegatam, aut saltem rationabiliter præsumptam, vel privilegium. Ita communiter DD. Ratio autem est: quia hoc munus propriè pertinet ad Pastores, quorum munus est oves sibi concreditas tum verbi divini, tum etiam Sacramentorum, & præcipuè SS. Eucharistiæ pabulo reficere: ergo hisudtaxat competit ex officio suis respectivè subditis administrare Eucharistiam. Unde Bonacin. *disp. 4. q. 5. pu. 2.* aliisque DD. communiter peccati mortalis condemnatione sacerdotem, qui sine omni jurisdictione etiam præsumpta hoc Sacramentum administraret; quia violaret jurisdictionem Pastoris in materia gravi: Secus dicendum foret, casu quo infirmus sacro Viatico esset muniendus, siquidem proprius Pastor abesset, vel præsens quidem, non posset hoc Sacramentum administrare propter infirmitatem, aliudvè impedimentum; tunc enim quivis sacerdos, sive secularis, sive etiam regularis, & in horum defectu etiam Diaconus licitè deferret sacrum Viaticum ad moribundum; quia rationabiliter præsumitur id velle proprius Pastor, vel Episcopus, vel Papa aut Ecclesia, quippe quæ nullum vult demigrare ex hac vita, nisi sacro Viatico refectum Bonacin. *cit. n. 10.* Suarez. Laym. *l. 5. tr. 4. c. 7. n. 3.*

Dices: Ergone Religiosis non est licitum administrare hoc Sacramentum?

F

17 R.

57 R. Religiosis Mendicantibus, & qui horum privilegiis communicant, licitum, & specialibus privilegiis diversorum SS. Pontificum, nominatim Pauli III. & IV. Bulla. *cum sicut 3. in Bullario Rodriguez indultum & concessum est*, ut in suis Ecclesiis vel per se, vel per alios sacerdotes illic celebrantes communicare possint quoscunque Christi fideles, præterquam in mortis articulo, & in communione Paschali, Lugo *disp. 18. Sect. 2. n. 38. & 49. Herincx disp. 5. à n. 16. Barbosa de offic. & potest. Paroch. part. 2. c. 20. n. 8.* Per mortis articulum autem intelligitur tempus, quo vel mors proximè instat, & hæc moraliter certa atque inevitabilis est; vel quo ex mortis periculum, id est, probabile dubium de conservatione seu prorogatione vitæ, eò quòd in tali casu valde frequenter mors soleat accidere. Ita Suarez. *t. 4. de Relig. l. 2. c. 3.*

Quæres quintò, utrùm sacerdoti aliquando liceat, etiam extra missam seipsum communicare?

58 R. Licet in necessitatis casu, ubi non adest alius Sacerdos, à quo sacram communionem posset percipere. Ita cum communi DD. Herincx *de Euchar. disp. 5. n. 10.* Ratio est: quia Sacerdos est Minister ordinarius hujus Sacramenti, quod nec ex sua natura, neque ex institutione Christi requirit Ministrum distinctum à communicante seu sumente, præsertim pro casu necessitatis. Quin immò plurimi DD. censent, id fieri posse ex sola devotione, vel etiam in magno aliquo festo, ubi sacerdos est infirmus, ita, ut commode celebrare nequeat, nec habere copiam alterius sacerdotis, à quo communionem sacram recipiat.

Quæres sextò, sitnè aliquando licitum sacerdoti, partem hostiæ suæ, majoris scilicet, dare Laico desideranti S. Communionem?

59 R. Juxta superiùs n. 37. dicta id esse licitum ex multùm rationabili causa, qualis censeretur esse, si moribundus esset communicandus, vel si urgeat præceptum communionis, aut certè magna devotio petentis, siquique alia parva hostia commodè haberi nequeat. Ita Antoninus, Sylvester, Bonacin. Herincx *cit. n. 12.* Ratio autem

hujus est: quia hoc minimè obstat integritati sacrificii; quandoquidem in qualibet parte specierum tantundem contineatur. Nihilominus sine causa nefas foret recedere à moderno ritu Ecclesiæ, vi cuius sacerdos pro Laicis communicandis distinctas hostias consecrare debet: etsi multi DD. probabile putent, non esse mortale huic consuetudini contravenire, modò absit scandalum & contemptus &c.

Quæres septimò, quænam ex parte Ministri requirantur ad hoc, ut sacram Eucharistiam licitè distribuat, alios communicando?

60 R. Præter jurisdictionem, de qua jam superiùs n. 56. insuper requiritur, 1. ut sit ipse in statu gratiæ. 2. ut eam non administret alicui scienter indigno. Ratio est: quia sacerdoti incumbit nedum dignè, sed etiam fideliter administrare Sacramenta, veluti dictum fuit *Confer. 2. à n. 25.* at, nisi sit in statu gratiæ, non ministraret eam dignè; & si alicui scienter indigno ministraret, non erit minister fidelis: ergo per se loquendo peccabit graviter. Videantur dicta conferent: mox citata.

Quæres octavò, Utrùm vel quando Parochus teneatur hoc Sacramentum administrare suis subditis?

61 R. Tenetur ad hoc (sive dein per se, sive per alium saltem) non solum, quando Parochiani seu subditi tenentur ad S. Communionem percipiendam, sed etiam quoties hanc rationabiliter postulant. Ita Communissimè DD. uti videre est apud Barbosa *proximè cit. n. 25.* Ratio est: quia Pastori incumbit oves suas pascere nedum per ea, quæ sunt simpliciter necessaria, sed etiam quæ sunt valde utilia ad salutem, saltem quando hoc postulatur, idque non solum in extrema necessitate, quippe pro qua sola non sunt conducti stipendio.

62 Diximus tamen: quoties rationabiliter postulant: Secus enim dicendum foret, si consideratis circumstantiis status, temporis &c. vel nimium frequenter, vel saltem nimis importunè postularent; vel si Parochus ob infirmitatem, aliasve occupationes necessariis impediendus sit: tunc enim communionem merè voluntariè facien-

ciendam licite denegaret, aut differret in aliud tempus commodius: est tamen & in hoc cautè agendum, quia ex huiusmodi denegatione facile possent scandalizari homines, amissa confidentia debita in Pastorem, prout sæpius, quàm par est, contigisse, exempla satis tragica existant & probant.

§. II.

Proponuntur, & breviter resolvuntur Casus practici de Ministro Eucharistiæ.

CASUS PRIMUS.

Titulus *Sacerdos postulatur, ut Moribundo porrigeret S. Viaticum, voluit illico sacris facere, iussu petitioni, sed quia Editus nimis longam videbatur trahere moram; hinc ne moribundus decederet sine consuetis Ecclesiæ Sacramentis, Titulus assumpta sacra hostia sine stola, superpelliceo, immo etiam sine lumine ecurrit ad infirmum, eundemque sacro Viatico refecit. Quæritur an bene?*

63 R. Non est culpandus, sed potius laudandus, & commendandus Tituli Zelus: esto enim per se loquendo gravior sit illicitum SS. Eucharistiæ Sacramentum administrare sine stola, S. vestibus, & sine lumine, nihilominus cum Sacramenta sint specialiter instituta ad animarum salutem; hinc omnino rationabiliter præsumitur, nec Christum, neque Ecclesiam ceu piam Matrem, quæ vult, ut omnes fideles SS. Sacramentis ceu firmissimo quodam præsidio muniti decedant, voluisse obligare ad observantiam dictarum Cæremoniarum pro tali casu, ubi urget gravissima necessitas, & rationabiliter timetur periculum animæ. Vid. Gobat tr. 4. n. 417. La Croix l. 6. n. 614.

Dices: At quid in hoc casu: quidam R. D. Parochus in quadam civitate merè Catholica libenter quidem videt, immò vult, ut Religiosi ibidem degentes suis Parochianis deferant augustissimum hoc Sacramentum, non solum, quando illud postulant per modum Viatici, sed etiam, quando illud exigunt ad solatium animæ tempore diutinae infirmitatis, qua nequeunt accedere Ecclesiæ; ne tamen dicti Religiosi

viderentur mittere falcem in alienam messem, aut iuribus Parochialibus aliquatenus derogare, hinc jubet, ut hoc Sacramentum deferant sine lumine ad ægrotos, & sine campanula vel superpelliceo, merum scilicet occultè, etsi non sit contrarius, ut in domo infirmi luminaria accendantur, & Religiosus superpelliceo ac stola induatur: an licite hoc fiet?

64 R. Licite. Quamvis enim diversi Pontifices mox supra n. 57. relati nobis induxerint potestatem ministrandi Eucharistiæ sæcularibus etiam extra conventum, non ideo tamen censentur concessisse, ut illam deferamus cum pompa per plateas, tum quia hoc esset contra consuetudinem & usum respectu Religiosorum; tum etiam quia communis usus & consuetudo receptissima satis declarat, hunc modum (cum pompa scilicet per plateas deferendi venerabile) esse solis Parochis proprium, quibus quoad hoc præjudicare noluerunt SS. Pontifices. Quapropter cum modus iste deferendi in occulto, hætenus à Religiosis observatus, nemini præjudicet, simulque animarum saluti sit valde proficiuus, nec Sacramenti reverentiæ positivè indecens, non videtur ullatenus culpandus aut improbandus. Certè legitur in vita Sancti Francisci Salesii, quod assueverit per urbes hæreticas deferre Sacram hostiam sub vestes abditam, sine ulla alia exteriori cerimonia, nisi quoddam majore quàm aliàs gravitate ac modestia incesserit. Et utique laudandi sunt illi Parochi (ait Gobat cit. n. 418.) quos scio e pagis catholicis in urbes prorsus hæreticas detulisse ad periculosè ægrotantes mercatores aut famulos divitissimam hostiam cum summa dissimulatione & silentio. Vide etiam Suarez tom. 4. de Relig. l. 9. c. 3. §. dices ergo. Portel. respons. moral. tom. 2. cap. 12. n. 10.

Dices contra hanc resolutionem. Cap. sanè de celebr. Miss. præcipitur Sacerdotibus, ut Sacramentum Eucharistiæ ad infirmos ferant manifestè & honorificè ante pectus cum omni reverentia & timore, semper lumine præcedente, & transgressores huius mandati jubentur graviter puniri à Prælati: ergo non est licita, sed potius graviter peccaminosa talis delatio occulta sine lumine &c.

65 R. Citatum capitulum commodè intelligi posse, ac debere de illis Sacerdotibus, quibus administratio hujus Sacramenti ex officio incumbit, qui, cum possint solemniter illud deferre, negligendo hujusmodi ceremonias, utique graviter delinquant, veluti rectè advertunt Engel in *manuali Paroch. part. 3. c. 3. nu. 4.* Barbosa de *offic. & potest. Paroch. p. 2. c. 20. n. 32.* At non est intelligendum de Religiosis, quibus hæc potestas indulta ex privilegiis competit sine præjudicio Parochorum, uti jam dictum fuit; nam isti censentur moraliter non posse adhibere ceremonias illas, & pompam exteriorem.

CASUS SECUNDUS.

Sempronius sub suo Sacrificio plures communicaturus, assumpsit pro singulis communicandis singulas hostias, quas etiam in hunc finem consecravit. At verò ubi ad communionem perventum est, contigit, ut inter distribuendum de patena una illarum decideret in terram, quam communicandus ille laicus illiè apprehensam digitis, elevavit, & sublevatam Sacerdoti restituit sibi porrigendam. Stetit propterea Sempronius totus quantus perturbatus & deliberans, quidnam in his circumstantiis agendum sibi foret. Quid respondendum?

66 R. Sempronius potuit ac debuit hostiam hanc tribuere laico, cum nihil omnino obstitit in contrarium. Digni tamen ejusdem laici, quibus supponitur apprehendisse sacram hostiam, erant abluendi, & ablutio mittenda in piscinam. Insuper & locus, in quem incidit sacra hostia, non strophiole vel alio cooperto mundo erat notandus atque tegendus, si forte erat periculum, ne ab aliis tangeretur, aut pollueretur, & postea aut radendus, aut abluendus, rasura vel ablutione pariter missis in piscinam. Gobat, Tambur. Pellizarius, Lohner apud La Croix *lib. 6. n. 494.* Ubi is etiam notat, quodsi contingat hostiam decidere in vestem aut barbam &c. ordinariè non sit præcipienda ablutio eorum, eo quod sit melius vitari turbationem vel offensam populi, quam rubricam illam servari.

Dices: At quid agendum, casu quo

hostia decidit in sinum, vel intra vestes mulieris, uti non semel contigit, minus, quam oportuisset, honestè testis aut vestitis?

67 R. Cum Lohner *part. 2. sr. 26. n. 7.* Pasqualiquo, La Croix *mor. cit. n. 495.* in hoc casu permittendum & præcipiendum esse, ut vel ipsamet, vel alia mulier manu sua sacram hostiam extrahat, & sumat, aut reponat in ciborium; indecens quippe foret, & plerumque scandalosum, si Sacerdos ipse eximeret. Quodsi in loco communionis administratæ, utputa in Ecclesia publica, nequeat commodè eximi, jubeatur mulier seorsim secedere, v. g. in aliquam Capellam, vel in thurrim campanariam, vel etiam ad aliam domum vicinam, ibique eximere, ac referre hostiam, aut exemptam sumere: digiti verò abluantur, & ablutio mittatur in piscinam. Videantur DD. *cit.*

CASUS TERTIUS.

Cajus Sacerdos inter communicandum aliquoties notaverat aliquam personam, quæ post S. communionem perceptam assueverat subito sese inclinare usque in terram, libro suo precario uti semper ad-moto: & quia aliunde noverat, hujusmodi personas sacris hostiis vix denuo ereptis ad alios nefandos fines fuisse ab-usas; hinc dictam personam proximè redeuntem, & more solito communicantem, publicè redarguit, jubens ut se erigeret, & aliorum more se haberet. Quæritur an bene?

68 R. Non bene. Ratio est: quia talis reprehensio publica sine offensa & infamia personæ fieri nunquam potest: cum etiam, quia talis inclinatio fortè facta est, immò (nisi de contrario aliunde constet) præsumi debet facta fuisse ex mera humilitate, devotione, aut alio bono fine. Unde hic Zelus Cajii revera indiscretus fuit, & non juxta normam justitiæ. Quin Immo, Burghaber *Cent. 1. cap. 33.* cumque secutus La Croix *cit. n. 504.* dicunt, Sacerdotem non teneri publicè arguere, vel statim reprehendere personam communicatam, esto etiam videret, quod hostiam deponat in strophio-

phiolum; tum quia per hoc persona communiter infamaretur, foretque etiam Sacerdoti nimis incommodum & periculosum; tum etiam, quia fortè idè tantùm exemit sacras species, quia præfensit vomitum, vel quia recordatur alicujus peccati, proptereaque putat, melius esse sic ex ore deponere, quàm deglutire sacras species. Debebit tamen Sacerdos observare, quænam persona sit, & quò recedat, & postea ab illa sacram hostiam repetere, si scilicet fieri id possit moraliter.

Dices: At quid agendum, si pœnitens fateatur, se unam vel plures etiam hostias consecratas ad aliquem finem malum, ut puta superstitiosum aut magicum &c. sibi reservasse, aut in tali vel tali loco abscondisse &c. &c?

69 R. Si hujusmodi hostias abscondas Sacerdos ipse possit inde tollere sine scanno, diffamatione Rei, aut fractione sigilli &c. tollat eas reverenter: & si hoc fieri nequeat; jubeat ut pœnitens easdem sibi restituat, quippe qui ad hoc sub gravissima culpa obligatur, velut de se clarum est: quod si facere recuset, tanquam indispositus repelli debet. Attamen hostias ita recuperatas non tenetur Sacerdos sumere, multo minùs reponere in ciborium, aliis communicaturis postea distribuendas, tum quia non satis certò constat, eas esse consecratas; tum quia posset subesse alia fraus, ut puta quòd pœnitens solùm intenderit Confessarium decipere, veluti jam sæpiùs contigit; vel etiam quòd easdem infecerit veneno &c. Idcirco cum hujusmodi hostiis idemmet observandum esse arbitror, quod præcibitur in Missali *tit. 10. de defectibus in ministerio ipso occurrentibus* n. 7. de hostiis post consecrationem veneno infectis, vel alia ratione nauseam provocantibus, scilicet eas esse reponendas in tabernaculo, loco separato, donec species corrumpantur: corruptæ deinde mittantur in sacrarium.

70 Idipsum pariter practicandum, & observandum censeo; si pœnitens fateatur, se hostiam aliquam consecratam portare carnem inter & cutem quasi insutam & quodammodo sibi incorporatam; nam si talis hostia adhuc possit eximi cutis incisione, eximenda est per se loquendo: exempta

autem reponenda in tabernaculum, vel alium locum decentem, donec corrumpatur: quia verò talis excisio dederet Sacerdotem, præsertim si hostia portetur in aliqua parte corporis minùs honesta (uti fieri amat a Sagis, & Magis) hinc relinquenda est ipsi pœnitenti, qui, si novit carnem suam aut cutem incidere in ordine ad incorporandam, pariter noverit eandem incidere ad eximendam hostiam consecratam: judico tamen hujusmodi hostiam diu portari non posse, quin corrumpatur; tum per calorem naturalem; tum etiam per abundantiam humorum, & aliorum accidentium, seu qualitatum contrariarum in corpore humano repertarum.

§. III.

Corollaria ex dictis inferenda.

71 **C**olliges ex dictis primò, non pec- care Sacerdotem (qualicumque demum sit) qui de voluntate Pastoris rationabiliter præsumpta Eucharistiam administrat, ita scilicet, ut prudenter credere possit, Pastorem hoc factum suum approbatum. Ita DD. *communissimè*. Et ratio est: quia ad evitandum peccatum, sufficit, hoc Sacramentum administrari cum tali subordinatione, ut non fiat, aut certè prudenter credatur hic & nunc non fieri invito Pastore ordinario. Quandoque autem vel quantum de voluntate Pastoris ordinarii rationabiliter præsumi possit, colligendum erit vel maxime ex circumstantiis Personæ, loci, temporis, vel etiam necessitatis &c. etenim quantò major ex parte petentis occurrit necessitas, vel ex parte administrantis dignitas &c. tanto rationabiliùs licet præsumere de consensu boni Pastoris. Censet etiam Henricus noster *Disp. 3. de Euchar. n. 15*. Pastorem dare licentiam communicandi aliquem vel aliquos illi Sacerdoti, quem communiter admittit ad celebrandum in sua Ecclesia. Faciliùs adhuc præsumitur licentia ad communicandum aliquem ex mera devotione postulantem communicari sub Missa privata, veluti passim practitari videmus, nemine (quantùm scio) contradicente aut improbante.

72 Colliges secundò, à Religiosis licitè dispensari hoc Sacramentum etiam in articulo mortis, vel in paschate, sequentibus Personis 1. Domesticis suis, famulis scilicet, aliisque contubernalibus; quia ad hoc habent privilegium 2. Peregrinis & Advenis, juxta opinionem Lugo, Dianæ; Fagundez, Sanchez de Matrim. l. 3. d. 37. & aliorum multorum 3. Item aliis personis in sequentibus duntaxat casibus 1. in Casu extremæ, vel etiam gravis necessitatis, ubi est probabile periculum mortis, & Parochus non vult, aut non potest dare Viaticum. 2. Quando pœnitens in Paschate nequit communicare in sua Parochia, neque à Parocho ob loci distantiam, aut aliam infirmitatem potest petere veniam. 3. Quando communionem paschalem in sua Parochia jamjam suscepit, aut postea currente adhuc tempore Paschali suscepturus creditur. 4. Si Parochus ipse consentiat & velit, ut sui parochiani apud alios v.g. Religiosos communicent, sibi que deferant schedam, seu testimonium perceptæ communionis paschalis, prout hodie in multis locis fieri videmus. Quintò denique, quando ægrotus de manibus proprii sui Pastoris Viaticum jam sumpsit, cum intentione huic præcepto & obligationi suæ satisfaciendi; quia Regularibus administratio Eucharistiæ solum prohibetur, quando fideles eam tenentur suscipere de manibus Pastoris proprii: atque hinc etiam sextò Religiosi licitè eam (servatis tamen servandis jam supra n. 64. insinuat) administrarent ægroto, quando is nondum pervenit ad eum statum, in quo ex præcepto Ecclesiæ tenetur ad communionem. Videatur Herincx *cit. disp. 5. q. 3. n. 14. & seqq.* Busembaum *hic c. 2. a. 1.*

73 Colliges tertio, in absentia omnis Sacerdotis etiam Diaconum posse viaticum præbere moribundo. Ratio est: quia in tali casu prudenter præsumitur id voluisse Pastor proprius, aut certè Episcopus & Ecclesia. Quin etiam in absentia omnis Sacerdotis & Ministri pro mortis articulo etiam Laicum posse accipere, & deferre ciborum, sibi que vel alteri ministrare Eucharistiam, probabile censent Filiuc. Castropal. Lessius, la Croix ubi supra n. 482. Herincx *disp. 5. n. 11.* Bosco & alii (contra

Lugo, Dicastillo, Saa & alios nonnullos) tum quia præceptum humanum *cap. pervenit. 29. de consecrat. disp. 2.* prohibens à Laico deferri Eucharistiam, non loquitur de casu extremæ necessitatis, utpote in quo præceptum humanum cedere debet divino de summando viatico, præsertim cum Eucharistia per accidens conferre valeat gratiam primam; tum etiam, quia in agone quivis multum indiget spiritali robore, cujus conferendi gratia Eucharistiæ Sacramentum fuit institutum.

74 Colliges quarto, non esse contra reverentiam huic Sacramento debitam, illud ad infirmos longius distantes deferre in equo mansueti. Ita Gobat *tr. 4. n. 415.* ubi ait, quòd quidem per se loquendo esset deferendum à Sacerdote pedite, si tamen ratio tempestatis, vel distantiae, vel periculum in mora aliud suadeat, Sacerdotem tutò uti posse beneficio Gaballi, idque permitti vi constitutionum synodaliū Diœcesis Constantiensis. Quocirca etiam sapienter monent Possevin. & Barbosa ubi supra, non esse licitum pyxidem, in qua Venerabile deportari solet, dare laico ad portandum, quantumvis Pastor sit fatigatus, sed potius è collo Sacerdotis suspendendam esse bursam. Et quando hoc Sacramentum pietatis desertur per urbem, semper assumendæ sunt duæ particule, ne redeunte Sacerdote obvii adorent continens pro contento. Secus fieri potest, si foras egrediendum sit, vel quando hoc Venerabile niere in occulto sine advertentia aliorum deportatur à Ministro. Videatur Barbosa *de offic. & potest. Paroch. p. 2. c. 20. à n. 27.*

75 Colliges quinto, peccare Ministrum, qui non administrat Eucharistiam ritu Ecclesiæ consueto. Ratio est: quia legitimus Ecclesiæ Ordo, præsertim in hoc ministerio, concernente mysterium omnium divinissimum, obligat sub peccato. Atque hinc graviter delinquit 1. qui Eucharistiam sub utraque specie dat personis, quibus id non est concessum à Summo Pontifice. Item 2. qui extra casum necessitatis dat laico hostiam majorem, vel species vini &c. vel 3. qui sine lumine aut sacris vestibus (extra casum summæ necessitatis) eandem desert per plateas &c. 4. item, qui,

qui scienter indigno eandem ministrat. Ita cum communi DD. Bonacin. Diana *part. 8. rr. 1. Resol. 24.*

76 Colligesexto, ad officium Sacerdotis pertinere, ut divinissimum hoc Sacramentum semper asseret in loco honesto (qualis communiter, & ordinariè est tabernaculum Ecclesiæ) idque cum lumine semper ardente. Insuper attinet Sacerdotem, illud custodire diligenter, clave tabernaculi non Edituo, alterivè laico data, sed sibi soli reservata. Porro ad eandem curam Sacerdotis spectat, aliquoties saltem per annum renovare ciborium, ne scilicet species consecratæ corrumpantur, aut ex iisdem vermes nascantur; quod utique gravissimè injuriosum esset; & contrarium foret reverentiæ tanto Sacramento debitæ. Communis DD.

Ast, inquires, quo modo renovandum est Ciborium?

77 R. Renovatio ciborii facienda est sub Sacrificio Missæ, in quo Sacerdos antiquas hostias, etsi fortè sint numero plures, v. g. 20. vel 30. &c. post sumptum SS. Sanguinem potest ac debet sumere: particularis autem minutiones in ciborio reperiæ, vel coniciat in calicem sacrum, easque superinfuso vino sumat; vel easdem colligat super patenam, aut in fundum ciborii, sicque collectas digito paululùm humectato attrahat acumat, uti suadent Lohner *part. 2. tit. 25. & La Croix cit. n. 502.* ubi is etiam ait, quodsi Sacerdos ex inadvertentia sumpisset prius ablutionem, adhuc posset post eam purificare ciborium, & sumere reliquias; eò quod pro moraliter una consumptione sacrificii reputetur. Ita etiam Fagundez, & Tamburinus de *Communione c. 2. n. 34.*

Dices adhuc. Sed quid agendum, casu quo bestia v. g. mus, aut aliud animal sacras species absumpsit?

78 R. Si bestia talis sit exiguum & vile animal, oportet illud occidere & comburere: si autem supponatur esse animal magnum, quod tam facile non possit comburi aut occidi, puto ego cum La Croix *cit. n. 505.* permitti posse, ut species in stomacho bestię consumantur; quia non videtur major irreverentia sive per ignem absumantur, sive per calorem stomachi animalis.

CONFERENTIA

DECIMAQUARTA.

De subiecto Eucharistiæ, ejusdemque dispositione.

SUMMARIUM.

- 79 Subiectum capax Eucharistiæ est omnis homo baptizatus, rationis compos;
- 80 Non item perpetuo amentes, neque infantes nunquam adhuc adepti usum rationis.
- 81 Semifatus saltem in mortis articulo, aut etiam in Paschate hoc Sacramentum potest administrari.
- 82 Ad debitam dispositionem corporis requiritur jejunium naturale:
- 83 Quod incipiendum est à media nocte.
- 84 Ad debitam verò dispositionem animæ necessarius est status gratiæ; unde
- 85 Quisquis sibi conscius est peccati mortalis, tenetur prius quàm communicet, confiteri;
- 86 Idque probabilius ex precepto divino.
- 87 Insuper ad congruam susceptionem hujus Sacramenti, requiritur aliqua devotio interna animi &c.
- 88 Resolvitur Casus I. de quodam Religioso ordinando, qui pridie ante Ordinationem præcone duodecimam noctis proclamante adhuc commederat & biberat.
- 89 An talis fractio etiam jejunio licitè accessisset ad sacram Ordinationem & communionem.
- 90 Resolvitur Casus II. de quodam seniculo infirmario, qui communicaturus nunquam poterat jejunus accedere Ecclesiæ; tum ob naturæ debilitatem; tum etiam ob loci distantiam.
- 91 Fumigatio Tabachi non frangit jejunium, nec impedit S. Communionem;
- 92 Immo nec sumptio Tabachi pulverizati, facta per naves &c.
- 93 Resolvitur Casus III. de quodam Confessario, qui peccato mortali inquinatus

accessit aram sine Confessione, eò quòd insisterit hora celebrandi.

- 94 Huc non sicut accedere, nisi supponatur fuisse compulsus vera necessitate, simulque destitutus copia Confessarii.
- 95 Quandonam censeatur adesse vera necessitas celebrandi;
- 96 Et quando abesse copia Confessarii.
- 97 Dubius de statu gratiæ, an sine Confessione prævalentè accedat mensam Domini?
- 98 Energumeni, & Epileptici, an, vel quando sint communicandi?
- 99 Sanguis aut alius humor ex capite vel gingivæ defluens, & in stomachum trajectus, non obstat sacre Communioni.
- 100 Bene verò obstat id, quod per modum cibi vel potus ab extra sumitur, quantumvis minimum.
- 101 Dubitans, an non frugerit jejunium naturale, probabilius licitè communicat.
- 102 Qui præter casum reservatum non habet aliud mortale, non tenetur S. Communioni præmittere Confessionem, nisi habeat copiam Confessarii potentis absolvere à reservato.
- 103 In statu disgratiæ communicans, peccat gravissimè, non item qui cum meritis venialibus accumbit &c.
- 104 Qui in statu disgratiæ, & simul non jejunus communicat, unum duntaxat sacrilegium, committit, etsi gravius.
- 105 Præceptum Tridentini obligans ad quamprimum confitendum, quomodo sit intelligendum.

§ I.

Præmittuntur, & breviter resolvuntur quæsitæ, scitu necessaria ad debitè resolvendos Casus de Subjecto Eucharistiæ, ejusdemque dispositione.

QUæres primò, quinam sint Subjectum capax Eucharistiæ recipiendæ?

79 R. Subjectum capax Eucharistiæ recipiendæ est omnis homo baptizatus & rationis compos. Ita cum Communi Henno disp. 8. quæst. 1. Conclus. 1. Ratio est: quia Eucharistia fuit instituta ad conferen-

dum gratiæ augmentum: ergo omnis homo baptizatus, utpote capax gratiæ sibi augmentandæ, modò velit, etiam est subjectum capax Eucharistiæ. Secus discurrendum est de non baptizatis, quippe qui per baptismum non ingressi Ecclesiam, eo ipso manent exclusi à participatione aliorum Sacramentorum.

80 Dicitur etiam fuit: *Homo rationis compos*; etsi enim pueri & amentes baptizati, nunquam tamen adepti usum rationis, absolute loquendo capaces sint augmenti gratiæ, proptereaque possent utiliter frui hoc Sacramento; nihilominus communi Ecclesiæ consuetudine vim legis obtinente introductum jam fuit, ut talibus nunquam administraretur Eucharistia. Quæ ratione Catechismus Romanus docet, pueros (ante usum rationis scilicet) non esse Eucharistiæ recipiendæ idoneos: & certè non videtur conveniens, hoc augustissimum, & omnium prorsus dignissimum Sacramentum talibus utpote omni prorsus devotione destitutis, conferre; quia recta ratio dicat, reverentiam huic Sacramento debitam præferendam esse utilitati, quæ hujuscemodi hominibus inde provenire posset.

Dices: Sed quid de semisatis, seu debilem rationis usum habentibus, tenendum & observandum in administratione?

81 R. Talibus potest, ac debet Eucharistia porrigi in articulo mortis, si nullum aliud inconveniens (utputa irreverentia positiva) inde sit timenda: immò & in Paschate iisdem administrari potest, modò aliquo saltem pietatis ac reverentiæ sensu erga illud afficiantur. Ratio est: quia, licet non habeant æqualem devotionem, ant certè non tantam, quantam requirit hujus Sacramenti majestas, proptereaque non sint frequenter communicandi; non tamen sunt actualiter indifpositi, præsertim cum illa devotio non sit absolute necessaria, uti proximè dicitur.

QUæres secundò, quænam dispositio corporis sit necessaria ad licitè sumendam Eucharistiam?

82 R. Dispositio corporis ex dispositione Ecclesiæ requisita, consistit in jejunio naturali: aliæ autem dispositiones corporis non sunt absolute necessariæ. Ita

communissimè DD. Herincx, Henno, Diana, La Croix. Illung. tr. 6. disp. 4. num. 116. Ratio prioris desumitur ex perpetua Ecclesiæ praxi, quæ verosimiliter ab ipsis Apostolis traxit originem. Unde Concilium Constantiense Sess. 13. ait: *Sacrorum Canonum auctoritas, & Ecclesiæ consuetudo servavit, quod hujusmodi Sacramentum nec post carnem conficiatur, nec sumatur à non jejuno*. Ratio autem secundæ partis inde colligitur: quia nullo jure ostendi potest, præter & ultra jejunium alias corporis dispositiones necessarias esse, uti rectè advertit Herincx disp. 6. n. 67. Esto etiam (juxta opinionem Vasquez) olim præceptum fuisse, ut polluti, & sæminæ tempore menstruorum, & qui habuissent copulam conjugalem, abstinerent certo tempore à S. Communione, hoc tamen præceptum defacto non amplius vigere, communiter observant DD. etsi omnes fateantur, valde consonum esse rectæ rationi, ut ob reverentiam tanti Sacramenti conjuges abstineant à commercio carnali eo die, quo sacram Communionem perceperunt, vel percipere intendunt.

Dices. In quo ergo consistit jejunium naturale?

83 R. Consistit in eo, quodd à media nocte usque ad S. Communionem nihil sit sumptum, quod aliqua ratione censeatur se habere & sumi per modum cibi, aut potus, vel etiam per modum medicinæ. Ita *communissimè* DD. Filiuc. Laym. Sporer, Herincx cit. disp. 6. num. 52. Dicitur autem: à media nocte: quia, etsi pro diversitate nationum, vel etiam negotiorum dies variè censeatur inchoari, communi tamen Ecclesiæ sensu in hac materia censetur inchoari à media nocte. Unde, si paulò ante mediam noctem aliquid sumpsi, poteris statim post mediam noctem communicare, ita, ut non sit opus te priùs dormiisse, aut cibum digessisse: etsi reverentia huic Sacramento debita, exigit, ut sacer ille cibis profano non misceatur, proptereaque aliquantisper, utputa ad quadrantem aut medium horæ ab aliis quibuscvis escis abstinendum sit, nisi urgeat aliqua necessitas, aut certè multùm rationabilis causa. Herincx loc. cit. Gobat. La Croix

num. 559. Laym. l. 5. trad. 4. cap. 6. num. 23.

Quæres tertio, qualis dispositio requiratur ex parte animæ?

84 R. Ad licitam sumpcionem hujus augustissimi Sacramenti requiritur status gratiæ. Ita contra Lutheranos tradunt omnes Catholici, & clarissimè Concilium Tridentinum Sess. 13. cap. 7. & Can. 11. Idque probat ex illo Apostoli 1. Cor. 11. *Probet autem seipsum homo, & sc de pane illo edat: & de calice bibat &c.* Ratio fundamentalis & ultimata hujus responsionis est: quia Eucharistia est Sacramentum vivorum: ergo supponit hominem spiritaliter viventem, ideoque constitutum in gratia sanctificante, quæ est vita spiritalis animæ. Vide quæ diximus suprâ Confer. 1. nu. 22. & Confer. 3. n. 61.

Dices: quid ergo agendum illi, qui sibi conscius peccati mortalis communicare desiderat, aut debet?

85 R. Tenetur præmittere confessionem sacramentalem, si habeat copiam Confessarii, ita, ut non satisfaceret præcisè eliciendo contritionem etiam perfectam. Ita rursus unanimiter DD. & constat ex Trident. Sess. 13. de Euchar. c. 13. ubi ait: *Communicare volenti revocandum est in memoriam ejus præceptum; probet seipsum homo. Ecclesiastica autem consuetudo declarat, eam probationem necessariam esse, ut nullus sibi conscius peccati mortalis, quantumvis sibi contritus videatur, absque præmissa sacramentali confessione ad sacram Eucharistiam accedere debeat*; quocirca bene notandum est, Concilium non loqui tantùm de sacerdotibus: sed universaliter de quibusvis fidelibus; ait enim: *Nullus sibi conscius peccati mortalis --- accedere debet &c.* consequenter declarat, omnes esse obligatos ad præmittendam Confessionem mortaliùm &c.

86 Cæterùm, utrùm ad hoc teneantur fideles præcepto divino, an verò Ecclesiastico tantùm, vel potius Apostolico, controvertitur inter Doctores. Major pars DD. (quibuscum etiam Scotus) existimat esse divinum, illudque ab Ecclesia tantùm declarari: quam ob causam etiam nunquam legitur dispensasse in hoc præcepto de præmittenda scilicet Confessione, in illis saltem cir-

circumstantiis, in quibus obligabat hoc præceptum. Et certe Apostolus *1. cor.* non tam præceptum statuisse, quam à Christo statutum declarasse videtur: Siquidem universaliter præmiserat dicens: *Ego enim accepi à Domino, quod & tradidi vobis.* Nihilominus Cessius *qu. 80. art. 4. dub. 1.* Navarrus *de penit. diss. 5. in princip.* Medina & alii multi probabile censent, hoc præceptum esse duntaxat Apostolicum, sicut & præceptum de Eucharistia à jejuniis sumenda. Verùm ad praxim parum, vel nihil omnino facit quidquid dicatur; quandoquidem certum est, eum, qui conscientius peccati mortalis, non constitetur ante S. Communionem, etsi moraliter loquendo posset, peccare mortaliter. Vide quæ dicta sunt *Confer. 2. n. 49.*

Quæres quartò, utrum præter statum gratiæ nulla alia dispositio animæ requiratur?

87 R. Insuper requiri aliquam devotionem internam, etsi hæc non sit simpliciter necessaria ad recipiendum augmentum gratiæ sanctificantis. Ita Herincx *cit. num. 32.* Babenstuber *rr. 8. par. 3. disp. 6. a. 2. nu. 2.* Ratio prioris desumitur tum ex communi consensu Patrum, qui nunquam non desiderarunt devotionem animi in communicantibus, & tepidè communicantes redarguerunt; tum etiam ex communi sensu fidelium, & vel ex ipso remorsu conscientiæ, quem quilibet sentit ex tepida & distracta communionem. Perfecto ipsa dignitas, & admiranda dignatio, qua Deus ipse dignatur sese nobis communicare, quemlibet prudentum animare debet ad internam devotionem, quæ, si requiritur ad quamlibet orationem, multò magis ad familiarissimam hanc conjunctionem & communicationem cum Deo, convenientissimè & merito desideratur. Quòd autem non sit simpliciter necessaria, suadet ex eo: quia in aliis Sacramentis ad percipiendum augmentum gratiæ non est necessaria devotio actualis: ergo neque in hoc est simpliciter necessaria: Secus enim qui sint actuali devotione, etsi in statu gratiæ accederet ad mensam Domini, peccaret mortaliter, utpotè voluntariè ponens obicem gratiæ Sacramentali: hoc autem est con-

tra communioem opinionem & persuasionem omnium: ergo interna hæc devotio non est simpliciter necessaria.

§. II.

Proponuntur, & breviter resolvuntur Casus practici de Subiecto Eucharistiæ, & Dispositionibus ad hujus susceptionem requisitis.

CASUS PRIMUS.

Titius Religiosus à Reverendissimo suo missus fuerat ad ordinem Presbyteratus suscipiendum, sed cum pridie, ante diem ordinationis scilicet, familiari colloquio cum aliis sibi similibus cenam solito diutius protraxisset, contra omnem suam expectationem auditit vigilem more suo horam noctis duodecimam præconizantem; quare illicò soluta cena noctem reliquam egit insomnem, summo autem mane circuevit, querens quem consuleret, an scilicet adhuc licite posset accedere ad ordinem Presbyteratus, & consequenter ad sacram Communionem, non obstante, quòd adhuc actu aliquid deglutierit, dum vocem præfati Præconis seu vigillis auditit. Quid respondendum?

88 R. Ad hunc casum, in primis certum esse, quòd, si in illo loco seu civitate plura existerent horologia regulata, quorum unum alterumve nondum indicasset, seu etiam sonasset duodecimam noctis, etsi hæc jam fuisset audita ex horologio principali, nihilominus Titius tuta conscientia potuerit accedere ad sacram Communionem. Ratio est: quia hujusmodi horologia regulata (uti supponimus) habent se velut plurimum Doctorum opiniones probabiles, & quibus quilibet sit probabilis, esto nulla sit omnino certa: ergo quemadmodum inter duas, vel plures opiniones verè probabiles quamlibet licet amplecti, ubi non agitur de valore, sed de sola honestate actionis; ita & in proposito ex hac suppositione, Titio licuisset quodlibet horologium sequi, modò supponantur esse horologia regulata, quæ communiter saltem regulatè ambulant; Secus enim dicendum foret, si

de

de aliquo certò constaret, quòd hic & nunc fallat &c. Ita Sporer, Illung. ubi *suprà* n. 122. Gobat *ir.* 4. num. 274. & alii communiter.

89 R. secundò. Esto etiam certò constaret, Titium non ampliùs esse jejunum naturaliter; ideoque per se loquendo illicitè accederet ad sacram Communionem; nihilominus si supponatur non posse ampliùs declinare susceptionem Ordinis & S. Communionis, sine scandalo gravi, id est (ut intelligit Gobat *ir.* 4. num. 330.) sine gravi indignatione, oblocutione, districtiis, lædentibus famam atque honorem, fortè etiam redundantibus in totum Ordinem vel Monasterium &c. judicio probabile, eum tuta conscientia potuisse accedere etiam non jejunum ad sacram Synaxin. Et certè, si absque hujusmodi gravamine sacerdos gravi peccato obnoxius simulque copia Confessarii destitutus declinare nequeat celebrationem Missæ, licitè celebraret, etiam non præmissa Confessione, etsi juxta probabiliorem DD. opinionem ex præcepto divino teneretur (saltem per se loquendo) præmittere Confessionem Sacramentalem: ergo cum ad jejuniū naturale solum teneatur lege humana, à fortiori licitè communicat non jejunus, ad evitanda hujusmodi mala & gravamina, à putra gravissimam Prælati sui, aliorumque Confratrum indignationem, oblocutiones, offensas, scandala, fortè etiam diuturnam suspensionem à susceptione ejusdem Ordinis, vel malæ tractationis, quæ meritò timere debet Religiosus, casu quo non ordinatus revertetur ad suum Monasterium: ergo non obstante defectu jam memorato licitè accederet ad S. Ordinem Presbyteratus, & etiam ad sacram Communionem, nisi hanc bello modo declinare valeat. Videatur Gobat *loc. prox. citat.* La Croix *lib.* 6. num. 588.

CASUS SECUNDUS.

Sempronius ob senium adversa semper valetudine molestatus, tum ob stomachi debilitatem, tum etiam ob distantiam loci nunquam potuit Ecclesiam adire jejunus, quin deficeret in via: quam ob cau-

sam semper assueverat parum quid confortativum stomachi per modum medicine sumere; id quod etiam in die Communionis fecerat: unde post Confessionem jamjam peractam nonnihil dubius, quæsit ex Confessario, an ad sacram Communionem sibi liceat accedere, non obstante confortativo illo, quod per modum medicine sumpserat. Quid respondebit Confessarius?

90 R. Dicendum, quòd his stantibus Sempronio liceat accedere sacram Synaxin. Ratio est: quia non est verosimile, quòd Ecclesia seu pia Mater, hoc suo præcepto (scilicet de Communionem cum jejuniō naturali sumenda) voluerit comprehendere tales infirmos, qui vel nunquam, vel certè rarò admodum, possent communicare non jejuni, veluti rectè observant & tenent Bonacina, Diana, Busembaum de *Eucharist. dub.* 2. a. 2. & alii. Atqui Sempronius noster vel nunquam ampliùs, vel certè non nisi rarissimè, & post longum temporis intervallum communicare posset jejunus, uti fert species facti: ergo licitè accedit non jejunus ad sacram Communionem.

Dices rursus: Sed quid tenendum de Rusticis, aliisque tabacho fumigando ita assuetis, ut ne quidem ante Communionem abstineant?

91 R. Monendi equidem sunt, ut ob reverentiam Sacramenti abstineant à tali fumigatione ante S. Communionem; dato autem quòd post factum primùm petant Consilium à Confessario, nondebent propterea arceri à sacra Communionem. Ratio est: quia sumptio tabachi non frangit jejuniū naturale, quippe ad quod frangendum necessariò debent concurrere hæc tria. 1. ut id, quod sumitur, habeat rationem cibi aut potus. 2. Ut sumatur per modum comestionis vel potationis, & 3. ut sumatur ab extrinseco: At, fumus tabachi non est aliquid comestibile, aut potabile, sed potiùs respirabile: ergo non obstat jejuniō naturali, tametsi fumus descendisset in stomachum: Secus enim pariter admittendum foret, etiam illum non ampliùs esse jejunum, & per consequens arcendum à facta Communionem, qui alium fumum aut nebulam de-

deglutisset. Castropalao, Lugo, Dicastillo & alii apud La Croix n. 561.

Dices adhuc. At quid, si de foliis tabachi pulverizati per nares sumpti aliquid erajiciatur in stomachum, oberitné S. Communioni?

92 R. Multi quidem Doctores censent per hoc lædi jejunium naturale, & hoc ipso poni impedimentum Eucharistiæ sumendæ; nihilominus negativa opinio (quam tenent Diana in summa vers. Communionis dispositio. nu. 33. Fagundez part. 3. l. 3. c. 5. n. 14. & alii plures) mihi videtur verosimilior, idque hac ratione: quia jejunium naturale non frangitur, nisi cibus aut potus sumatur per os, & transmittatur in stomachum vitali actione comestiva vel potativa: Atqui Tabachus supponitur hic sumptus per nares, per quas, ait Suarez in 3. part. tom. 3. disp. 68. Sect. 4. §. quæres rursus. Qui aliquantulum aquæ reciperet, non frangeret jejunium: ergo &c. Unde Tannerus, Gobat n. 260. La Croix cit. n. 564. rectè dicunt, tunc aliquid sumi per modum comestionis vel potationis, si hoc, quod trajicitur, & modus trajiciendi sufficiat in morali æstimatione seu opinione hominum, ut quis censeatur comedisse, aut bibisse: ergo cum id non censeatur facere, qui reliquias tabachi per nares sumpti in stomachum trajicit, probabilius potest adhuc licitè communionem sacram percipere.

CASUS TERTIUS.

Cajus Sacerdos in confessionali expositus, cujusdam gravis peccati reatum incurrit; Et quia tempus recurrendi ad confessionem non suppetebat (hora enim ad celebrandum præfixa iniecit) hinc è confessionali surgens, illicò sacris vestibus sese induit, sicque perrexit, non sine gravi remorsu conscientie ad celebrandum hoc tremendum Sacrificium. Queritur jam 1. an ex eo præcisè, quòd hora celebrandi jamjam insisterit, fuerit deobligatus ab onere præmittendi confessionem? 2. quid Cajo ante, vel etiam in Sacrificio Missæ fuerit agendum?

93 R. Ad primùm membrum hujus casus, ex eo præcisè, quòd hora celebrandi

jamjam insisterit, Cajum non fuisse deobligatum ab onere præmittendi confessionem sacramentalem. Ratio est: quia ad hanc secundùm dicta n. 86. probabilius tenebatur præcepto divino, quam certè ecclesiastico: atqui præceptum Dei & Ecclesiæ præferendum est præcepto Superioris; quia inter duo vel plura præcepta semper prævalet, id, quod est majus: ergo Cajus tenebatur, dilato nonnihil Sacrificio Missæ, mediante confessione sacramentali priùs sese reconciliare cum Deo, modò id potuerit sine scandalo, vel alio periculo diffamæ gravis; quæ ob hanc præcisè causam, quòd ante lacrum confiteatur, tam facile timenda non est, cum plures alii soleant confiteri, de quibus nemo prudentum suspicabitur, quòd sint magni peccatores &c. Idcirco bene notandum venit, ad licitè celebrandum absque confessione præmissa, non sufficere quemcunque prætextum, aut quamcunque rationem, sed necessum omnino esse, ut interveniant hæc duo simul, scilicet 1. vera aliqua necessitas celebrandi seu communicandi, & 2. simul moralis impossibilitas priùs confitendi, prout facile colligitur ex Tridentino mox suprà num. 85. relato. Vide etiam Babenstuber tr. 8. p. 3. d. 6. a. 2. n. 11. item n. 19.

94 R. Ad secundum. Cajus quantumcunque angustiis temporis compulsus tenebatur ante Sacrificium, vel saltem ante consecrationem & summptionem elicere contritionem perfectam; secus enim indignè celebrando, utpotè constitutus in statu disgratiæ, graviter peccasset. Quin etiam ille, qui antea legitime confessus & absolutus, sub aquali Sacrificio ante summptionem recordatur alicujus peccati mortalis inculpabiliter oblitus, tenetur desuper conteri, priùs quàm sumat S. Eucharistiam; & si v. g. laicus antequam communice, recordaretur talis peccati, teneretur per se loquendo reverti ad confessarium, & mediante confessione sacramentali illud expiare. Ratio est: quia non solum exstat præceptum divinum, confitendi peccata mortalia ante communionem, sed etiam præceptum confitendi omnia mortalia: uti fert praxis & sensus omnium fidelium, teste La Croix lib. 6. n. 539. & oppositum non

non est satistutum. Secus tamen dicendum foret, si talis pœnitens jamjam esset accinctus ad communionem ut sine scandalo non amplius posset retrocedere; ut si jam fleat in scamno communicantium, vel si Sacerdos vestibus, sacris, etiam ipsa casula jamjam indutus, nequeat amplius confiteri sine nota gravis infamiae. Ita Scotus 4. disp. 9. Herincx disp. 6. nu. 75. Gobat. tract. 4. n. 246.

Dices: At quandonam censetur intervenire necessitas vera, & simul impossibilitas præmittendi confessionem?

95 R. Ad primum. Vera necessitas celebrandi reputari adeste 1. quando quis alioquin esset moriturus sine S. Viaticò: 2. quando Sacerdos tenetur celebrare ex officio, nec potest hoc facere per alium. 3. item quando laicus ex præscripto suæ Regulæ vel Ordinis tenetur communicare. 4. quando alioquin interrompendum esset Sacrificium, 5. denique si Sacrificium aut communio Sacra intermittere nequeant sine scandalo, vel gravi infamia: Ultra hos casus necessitatis procul dubio alii adhuc emergere possunt, quorum gravitas prudentis judicio determinari debet.

96 R. Jam ad secundum. Impossibilitas confitendi ob defectum confessarii censetur adeste in sequentibus casibus 1. quando absolute deest, qui posset excipere confessionem. 2. quando nullus adest; cui pœnitens sine interprete confiteri queat. 3. quando adest quidem Confessarius, sed huic confessio fieri non valet vel ob defectum jurisdictionis, vel ob periculum gravius damni, infamiae, pertrahitionis ad peccatum, revelationis peccati confessi. Ita cum communi Herincx Disp. 6. n. 78. La Croix l. 6. à n. 535. Babenhuber. cit. disp. 6. a. 2.

Dices adhuc. Quisli autem Sacerdos vel Laicus solum dubitet, an peccaverit graviter vel non, ideoque sine in statu gratiæ, nec ne? poteritne tuto conscientia accedere S. communionem, etiam neglecta confessione prævia?

97 R. Juxta communioem DD. opinionem (quæ citra omnem controversiam tutior, ab auctoritate probabilior, & reverentiae tanti Sacramenti magis est con-

formis) tenetur prius confiteri, quisquis dubitat, sine in statu gratiæ vel non? quia de hoc debet esse moraliter certus, ne forsitan reipsa indignè accedens, judicium sibi manducet & bibat, & velut invisus hospes sine nuptiali veste comparens, ejiciatur in tenebras exteriores. Nihilominus Henriquez lib. 8. c. 45. n. 2. litt. P. Emmanuel Saà V. Eucharistia num. 23. Tannerus hic n. 30. Caramuel in Theolog. fundam. num. 1321. Marchinus, & alii apud Gobat. tr. 4. nu. 223. probabile existimant, talem non necessariò adstringi ad præviā confessionem. Rationem dant hanc: quia Concilium Tridentinum, ubi declarat hanc obligationem præmittendi confessionem, solum loquitur de illis, qui sibi confessi sunt peccati mortalis, uti videre licet ex verbis ejusdem Concilii supra mox n. 85. relatis: at, qui solum dubitat, an commiserit peccatum mortale, non est sibi confessus: profectò, qui solum dubitat, an non quempiam occiderit, non rectè se se accusaret apud Confessarium dicendo: sum mihi confessus, me pertrasse homicidium: idque fateri, & huic opinioni subscribere coguntur meo judicio, quicunque admittunt, peccata dubia non esse materiam necessariam confessionis, de quo diximus part. 2. Confer. 7. a. nu. 164. Placet circa hoc judicium sapientissimi P. Gobat. cit. n. 225. ubi ait, hanc opinionem de non necessariò præmittenda confessione peccati merè dubii consulendam esse scrupulosis, oppositam verò aliis non scrupulosis: etsi probabile censeam, nihil ob stare, quominus aliquis ex jam dictis practice dubium deponere, & se resolvere possit, quòd non sit obligatio certa confitendi peccata merè dubia ante communionem sacram. Et certè rationes pro opposita opinione adductæ pariter probarent, quòd pœnitens teneatur ante communionem, confiteri peccata etiam positive dubia, ne scilicet fortè indignus accedendo judicium sibi manducet.

§. III.

Corollaria ex dictis inferenda.

98 **C**olliges ex dictis primò, SS. Eucharistiæ Sacramento privandos non esse Energumenos: tum quia infessio dæmonis per se loquendo non impedit S. communionem; tum etiam, quia per hanc obsessi multum juvantur & sublevantur; quandoquidem ea mediante recipiunt novas gratias, & dæmon coercetur. Cavendum nihilominus est, ne in administratione huic Sacramento irreverentia irrogetur à maligno dæmone: quod ipsum pariter observandum venit in communicandis Epilepticis, quibus propterea, quamdiu in actuali paroxysmo versantur, hoc Sacramentum nequaquam debet administrari. Castropal. Gobat num. 157. Babenstuber cit. num. 13. & 14. Laym. ubi supra c. 4. num. 6.

99 Colliges secundò, non violari jejunium naturale per hoc quòd sanguis, vel alius humor ex cerebro aut gingiva attractus deglutiatur, & trahatur in stomachum. Ratio est: quia hoc modo nihil ab extrinseco per modum cibi aut potus sumitur. Idipsum ob eandem rationem dicendum de reliquiis ex præterita comestione intra dentes retentis, etsi condecens sit eas expuere, quàm deicere in stomachum. Similiter si ex torione oris, aut gustatione jusculi aliquid modicissimum salivæ comixtum trahatur in stomachum, non impedit Sacram communionem. Ratio est: quia hoc modicum non censetur in hominum existimatione sumi per modum cibi vel potus, sed potius per modum salivæ, cui inseparabiliter adhæret & conjungitur: atqui per sumpcionem salivæ non violatur jejunium naturale: ergo &c. Henno disp. 8. qu. 2. conclus. 2. Resol. 3. & 4. La Croix num. 366. Herinx, Babenstuber cum communi.

100 Colliges tertio, è contrario jejunium naturale solvi, quotiescunque aliquid, quantumvis modicum per modum cibi aut potus, vel etiam per modum medicinæ ab extrinseco sumitur; ut si quis potaret propriam s. v. urinam, aut mulier lactem è suis uberibus; item si

Saccharum ori insertum & successivè liquidatum deglutiatur; item si quis in aquam delapsus contra suam voluntatem & intentionem aquam deglutiatur. Ratio est: quia talis in morali hominum æstimatione revera censetur & dicitur potasse, a quam scilicet: ergo non ampliùs est jejunus jejunio naturali. Videantur DD. citi.

Dices: sed quid consulendum aut respondendum, quando poenitens dubitat, an non eluendoos, aliquid deglutiatur, vel etiam quandoquidem scit, se tempore nocturno aliquid sumpsisse, dubitat tamen, utrùm hoc ante, vel post medium noctis contigerit, an permittendus est accedere mensam Domini?

101 R. Etsi multi DD. hoc negent, longè tamen probabilior mihi videtur sententia affirmativa, quam tenent Sporer, Herinx disp. 6. n. 59. Laym. Cardenas in 1. crisi disp. 26. n. 87. & alii plures apud La Croix lib. 6. num. 577. Illung. ubi supra num. 122. Gobat. n. 280. Ratio fundamentalis hæc est: quia quamvis præceptum jejunii certum sit ex una parte, ex altera verò dubium, an hoc sit observatum, ideoque præceptum videatur in possessione; nihilominus cum hoc præceptum sit negativum, scilicet *de non comedendo aut bibendo ante communionem*, & aliunde cuius sit liberum accedere, vel non, ad mensam domini; hinc communicaturus manet in possessione suæ libertatis, scilicet *Accedendi &c.* quamdiu eidem non potest ostendi certum obstaculum, quo retardetur; serè quemadmodum dubius an incurrit vel non incurrit irregularitatem, potest accedere ad ordinem, & in suscepto ministrare, quamdiu ipsi non demonstratur contraxisse hujuscemodi obstaculum &c. Accedit, quòd, ut rectè observant Gobat, & Illung. II. citi. hoc præceptum scilicet *non, nisi jejunè communicandi*, non sit impositum dubitanti, sed certò scienti, se non esse jejunum: at, qui dubitat in nostro casu, non certò scit: ergo tutà conscientia potest permitti accedere.

102 Colliges quartò, cum, qui præter peccatum mortale reservatum nullum aliud habet, simulque urgetur necessitate celebrandi aut communicandi, non teneri ad præmittendam Confessionem, nisi supponatur

tur habere copiam Confessarii, potens absolvere à reservato. Ratio jam fuit insignuata: quia sacerdos præfens quidem, sed jurisdictione destitutus, reputatur pro non præfente in ordine ad absolvendum, & in tali casu poenitens censetur destitutus Copia Confessarii. At verò, si poenitens sit obstrictus aliis peccatis mortalibus non reservatis, à quibus hic & nunc absolvi potest, mihi probabilius videtur esse obligatus ad Confessionem horum saltem, scilicet non reservatorum: quia juxta declarationem Concilii Tridentini jam superius allegati, quisquis peccati mortalis sibi conscius est, tenetur S. Communioni præmittere Confessionem, modò non ei desit Copia Confessarii: Atqui talis poenitens supponitur esse sibi conscius peccati mortalis non reservati, nec eidem deficit copia Confessarii potens absolvere à peccato non reservato: ergo hoc saltem tenetur confiteri, esto non obligetur confiteri aliud reservatum. Ita Lugo, Reдинг, Castropalao apud Babenstuber cit. disp. 6. a. 2. n. 21.

103 Colliges quintò, committere sacrilegium oppidò grave, qui in statu disgratiæ hoc augustissimum Sacramentum accipit. Ita omnes. Ratio est: quia gravissimam irreverentiam huic Sacramento irrogat, ponendo obstaculum hujus effectui primario, scilicet gratiæ Sacramentali: & tantò quidem majus erit sacrilegium, quantò graviora & plura sunt peccata, quibus communicans est actualiter obstrictus; quia tanto gravior est irreverentia Sacramento illata. Quin etiam accedens cum peccato veniali inter actualem Communionem admissio, utpote particulariter opposito hujus Sacramenti reverentiæ, & repugnante fini hujus Sacramenti, probabilius committit novum peccatum veniale, esto tale non committat, qui cum peccato veniali duntaxat habituali accedit. Filliuc. tr. 4. c. 8. num. 206. Suarez disp. 66. sent. 1. Gobat tr. 4. num. 217. Babenstuber cit. a. 2. num. 6. & seqq. Vide etiam dicta superius Confer. 3. num. 71. & 72.

104 Colliges sextò, non committere duo distincta, sed unum duntaxat sacrilegium, etsi gravius, qui præsumit ac-

cedere mensam Domini in peccato mortali, & simul non jejunus. Ita Vasquez disp. 207. c. 11. n. 6. Gobat nu. 212. Lugo, Babenstuber aliiq. plures. Ratio est: quia peccans contra duo vel plura præcepta, sed ex eodem motivo ac fine data, non committit plura peccata; nam hujusmodi præcepta non sunt formaliter, sed materialiter duntaxat distincta: Atqui utrinque præcepti de sumenda scilicet Eucharistia in statu gratiæ, & jejunè simul, idem est finis ac motivum, puta, cultus & reverentia Sacramento debita: ergo talis non committit plura peccata: proindeque satisfaciet in confessionali sese accusando & dicendo: *Communicavi semel sacrilegè*.

Dices adhuc: At quid, si Laicus necessitate compulsus sine Confessione prævia communicavit; tenebiturnè quamprimùm confiteri?

105 R. Negative. Ita communiter DD. Castropal. hic punct. 12. num. 9. Mezger a. 3. §. 1. num. 2. Babenstuber cit. disp. 6. art. 2. num. 22. Illung. cit. tract. 6. d. 4. num. 15. Ratio est, quia hoc præceptum cum sit odiosum, non debet extendi ultra, quam verba sonant: atqui verba Tridentini sonant, & expressè comprehendunt solos Sacerdotes, ita enim sonant: *Quodsi necessitate urgente Sacerdos absque prævia Confessione celebraverit, quamprimùm confiteatur*. Quocirca tamen rectè observat Illung loc. cit. hæc verba Tridentini non comprehendere merum Consilium; nam oppositum constat ex propositione sequenti: *Mandatum Tridentini factum Sacerdoti sacrificanti ex necessitate cum peccato mortali consistendi quamprimùm, est Consilium, non præceptum*; quam Alexander VII. damnavit. Teneatur itaque sub gravi culpa talis Sacerdos quamprimùm confiteri, id est, *tertio saltem die*, uti declaravit S. Congregatio, teste La Croix num. 545. quem vide, si placet.

CONFERENCE

DECIMAQUINTA.

De necessitate & obligatione sumendi SS.
Eucharistiam, & Viaticum.

SUMMARIUM.

- 106 Sumptio Eucharistiæ ad salutem obtinendam est necessaria, non necessitate medii, sed præcepti;
- 107 Idque probabilius nedum in articulo mortis, sed etiam sæpius per vitam.
- 108 Vi præcepti Ecclesiastici omnes fideles usum rationis adepti tenentur saltem semel in anno, tempore scilicet paschali eam sumere, & quidem à proprio Pastore, per se loquendo.
- 109 Quinam censentur esse adepti usum rationis, & quid per tempus paschale intelligatur.
- 110 Quibus paupis afficiantur negligentes Communionem Paschalem &c.
- 111 Laici fideles non tenentur ad sumendam Eucharistiam sub utraque specie.
- 112 Nec permittitur, ut quis eadem die sæpius communicet &c.
- 113 An expediat Laicis permittere quotidianam communionem.
- 114 Omnes fideles usum rationis adepti tenentur præcepto Ecclesiastico ad sumendum S. Viaticum in mortis articulo.
- 115 Quidnam per mortis articulum hic intelligatur.
- 116 Resolvitur Casus I. de quodam Nobili ægrotante, qui admonitionem boni Pastoris de sumendo S. Viatico ægrè tulit.
- 117 An talis peccaverit recusando S. Eucharistiam.
- 118 Et quid, si Medici iudicassent, non subesse periculum proximum mortis.
- 119 Quando infirmus non adeo pridem sum-

- psit SS. Eucharistiam, non tenetur ad sumendum S. Viaticum.
- 120 Resolvitur Casus II. de quodam plene ebrio, qui tametsi fatali lapsu pervenerit ad portas mortis, non potuit in tali statu absolvi;
 - 121 Quo non obstante potuit, immò probabilius debuit eidem administrari sacrum Viaticum, vel saltem extrema Unctio.
 - 122 Idque etiam in dubio, an illa ebrietas fuerit mortaliter culpabilis.
 - 123 Resolvitur Casus III. de quadam muliere graviter infirma, & quasi continuo vomitibus obnoxia.
 - 124 In dubio, an eger sit revomiturus sacras species, inclinandum potius est in favorem infirmi, & porrigendum sacrum Viaticum.
 - 125 Et quid agendum, casu, quo infirmus sacras species revomit.
 - 126 Fideles non satisfaciunt præcepto de sumenda Sacram Communionem in paschate, nisi eandem sumant de manibus proprii sacerdotis, vel ab hoc licentiam habeant alibi communicandi.
 - 127 An teneatur supplere Sacram Communionem, qui toto anno eam neglexit, vel aliam ob causam non sumpsit.
 - 128 Præcepto de sumenda Communionem Paschali & S. Viatico non satisfisse per Communionem sacrilegam.
 - 129 Infirmus sacro Viatico jam munitus, non tenetur amplius illud sumere, tamen bene & laudabiliter faciat illud sæpius sumendo, si eadem infirmitas diutius porrahatur.
 - 130 Parochus, & quivis Pastor animarum diligenter curare debet, ut maturè suis ovis infirmis provideat de consuetis Ecclesiæ Sacramentis.
 - 131 Recensentur breviter illi, quibus sacrum Viaticum, administrari debet.

§. I.

Præmittuntur, & breviter resolvuntur quæstia, scitu necessaria de obligatione sumendi sacram Communionem, & S. Viaticum.

QUÆRES primò, an, vel quomodo sumptio Eucharistiæ sit necessaria ad salutem?

106 R. Sumptio Eucharistiæ est fidelibus adultis, & usum rationis adeptis ad salutem necessaria, non quidem necessitate mediæ, sed necessitate præcepti divini, obligantis nedom in articulo mortis, sed etiam sæpiùs in vita. Ita post S. Thomam Layman *tr. 4. c. 5. n. 1.* Reinfectuel, & alii DD. communiter. Et de præcepto quidem divino satis constat ex illo *Joan. 6. Nisi manducaveritis carnem Filii hominis &c. non habebitis vitam in vobis.* Quòd autem non sit necessaria simpliciter, seu, ut alii loquuntur, necessitate mediæ, ex eo convincitur: quia sumptio hujus Sacramenti non est medium simpliciter & absolute necessarium ad justificationem, quippe quæ sine illa potest obtineri mediante Sacramento baptismi, & poenitentiae: ergo nec est simpliciter necessaria ad salutem. Quin immò, eo ipso, quod velut Sacramentum vivorum supponat gratiam primam, supponit etiam jus ad gloriam: ergo nequit ampliùs esse medium simpliciter necessarium ad salutem.

107 Cæterùm, quòd nedom in mortis articulo, sed etiam in vita aliquoties saltem teneamur sumere sacram Synaxin, suadet ex eo quia Eucharistia à Christo fuit instituta, ut hominem spiritualiter nutriat, roboret, & augeat gratiam: unde cùm homo nedom in mortis articulo, sed etiam extra illum sæpiùs indigeat tali robore, omnino congruenter arguitur, Deum voluisse nos obligare ad hanc sumendam, nedom in mortis articulo, sed etiam sæpiùs per vitæ cursum; sicut sæpius obligamur aliis præceptis affirmativis v. g. ad eliciendum actum fidei, spei, & charitatis &c. Adde etiam hunc esse communem sensum fidelium & Doctorum, qui in re morali multum habet ponderis, *Elbel Theol. P. I.*

ut rectè advertunt La Croix, Herincx *disp. 6. n. 18.* & alii plures.

QUÆRES secundò, utrùm etiam vi præcepti Ecclesiastici teneamur ad S. Communionem?

108 R. Omnes fideles, posteaquam ad annos discretionis pervenerunt, vi præcepti Ecclesiastici per se tenentur ad sumendam S. Communionem, & quidem à proprio suo Pastore, idque ad minùs semel in anno, scilicet tempore Paschali. Ita habetur ex *Concilio Lateran. sub Innocentio III. cap. Omnis utriusque sexus. de penit. & remiss.* Idipsum confirmavit Concilium Tridentinum *ss. 13. de Euchar. can. 9.* Quocirca tamen breviter

109 Notandum primò, hoc præcepto fideles primùm obligari, posteaquam ad annos discretionis pervenerunt: quoniam autem usum rationis adepti, & per consequens capaces, vel etiam obligati sint ad hoc Sacramentum, discernendum relinquuntur prudenti judicio D. Parochi, aut Confessarii &c. quorum est pueros aut puellas post discretum examen vel admittere, vel etiam excludere à mensa Domini. 2. Notandum, per tempus Paschale illud intelligi, quod currit à Dominica Palmarum usque ad Dominicam in Albis inclusivè, veluti habet praxis Ecclesiæ, licet hoc tempus in quibusdam locis & Ecclesiis durè, immò in aliis per totam quadragesimam extendatur, juxta exigentiam subditorum.

QUÆRES tertio, quasnam pœnas incurrant, qui negligunt S. Communionem in paschate?

110 R. Viventes adhuc arcendi sunt ab ingressu Ecclesiæ, mortui verò sunt privandi sepultura Ecclesiastica. Ita statuitur *cit. cap. Omnis utriusque sexus.* Quocirca tamen notandum, has pœnas non esse latæ, sed ferendæ primùm sententiæ. Quapropter Parochi, cùm jurisdictione in foro externo careant, non facile eam pœnam alicui inferre debent (inquit Laym. *5. tr. 4. c. 5. n. 10.*) nisi priùs monito, atque jubente Ordinario; præsertim si intermissio sacræ Confessionis, aut Communionis aliqua causa excusari posse videatur. Inspiciendæ etiam in hoc re sunt speciales Diocesani constitutiones,

G

& con-

& consuetudines. Ita Laym. *cit.* Suarez *disp.* 70. *sect.* 3.

Quæres quartò, utrùm etiam Laici jure divino teneantur ad sumendam Eucharistiam sub utraque specie?

112 R. Negativè. Ita habetur expressum in Concilio Tridentino *Sess.* 21. *cap.* 1. & *can.* 1. & in Constantiensi *Sess.* 13. Idipsum jam ante utrumque Concilium docuerant Alexander Alenfis, Albertus Magnus, S. Thomas, S. Bonavent. Scotus, & alii, hæresibus nondum exortis: & deinceps, teste Herincx *cit. num.* 26. Docuere omnes Theologi. Ratio autem hujus veritatis, & doctrinæ Catholicæ inde desumitur: quia Ecclesia (à qua ceu columna veritatis verus S. Scripturæ sensus, & divinorum præceptorum declaratio petenda est,) nunquam intellexit, tale præceptum fuisse in sacra Scriptura expressum, aut fidelibus traditum, quin potius oppositum declaravit. Deinde in primitiva Ecclesia fideles frequenter communicabant sub una duntaxat specie, scilicet panis, quam secum ad domos proprias asportabant: ergo satis liquet, Ecclesiam & Apostolos nunquam existimasse aut credidisse, sumptionem utriusque speciei jure divino esse necessariam. Argumenta hæreticorum in contrarium, qui nosse cupit, consulat nostrum P. Herincx *cit. num.* 31. & *segg.* Henno *disp.* 9. *quest.* 4. *concl.* 1. vel P. Layman. *cit. num.* 11. §. *ad primum*, ubi eadem dissoluta inveniet.

Quæres quintò, an licitum sit sæpius eadem die communicare?

112 R. Quòd non. Hoc quippe jure ecclesiastico saltem consuetudinario est prohibitum, veluti constat tum ex communi sensu Doctorum, immò & fidelium; tum etiam ex generali usu Ecclesiæ, quæ extra casum necessitatis & diem nativitatæ, nequidem Sacerdotibus permittit sæpius in eadem die celebrare vel communicare: ergo à fortiori Laico interdista censeretur debet communicatio eadem die repetenda. Excipitur tamen casus, quo aliquo Sacramento Eucharistiæ veniret in manus hæreticorum vel infidelium, indigne tractandum ab hisdem; quia tunc posset sumi à quovis fidei,

etiam eodem die, quo jam communicasset de mensa Domini; posset etiam sumi à non jejuno, immò etiam à non constituto in statu gratiæ; quia cùm in tali casu solum sumatur ad præcavendam majorem irreverentiam ab hæreticis aliàs inferendam, nequaquam censendum est, irrogari huic Augustissimo Sacramento irreverentiam: conandum nihilominus foret in hoc casu ad contritionem perfectam, vel saltem ad actualem aversionem ab omni peccato mortali concipiendam, uti rectè advertunt La Croix *lib.* 6. n. 673. & alii DD.

Quæres sextò, Utrùm expediat etiam Laicis permittere quotidianam communionem?

113 R. Cum S. Bonaventura 4. *dist.* 12. p. 2. *art.* 2. *quest.* 2. *in corpore*, etiam laico sumptionem hujus Sacramenti semper esse utilem, & ad animæ salutem proficuum, modò cum debita cordis munditia & devotione recipiatur; nihilominus cùm familiaritas nimia contemptum quandoque parere soleat, simulque quotidianæ hujus vitæ occupationes & distractiones plerisque, præsertim in sæculo degentibus, non permittant præparationem, seu dispositionem huic Sacramento condignam; hinc plerisque non videtur permitendum, ut quotidie communicent. Quoties autem sacrum hoc sæculum pernitendum & administrandum sit sæcularibus personis, universaliter determinari nequit, sed relinquitur prudentiæ Confessarii, qui ex puritate conscientiæ, vel devotione erga hoc augustissimum Sacramentum deprehensa in suo Cliente, tum etiam ex dispositione corporis ac animæ, nec non ex conditione status, vel occupationum temporalium, haud difficulter discernat, an expediat permittere communionem frequentiore, vel omnino quotidianam; quæ hisce temporibus rara est respectu sæcularium personarum. Quocirca tamen idem Doctor Seraphicus *cit.* 4. d. 12. *quest.* 3. *art.* 1. sapienter monet, melius esse, ex devotione Sacram Eucharistiam sumere, quàm ob humilitatem & reverentiam abstinere; quia prior actus amoris est, alter timoris: amor autem timori prævalet. Ita Sanctus

Ætus sanctè; haud dubiè propria experientia confirmatus, & ad hoc scribendum impulsus, quippe, qui dum ob humilitatem & reverentiam sese indignum reputans, abstinit à S. Communione, Sacro reverenter atque humiliter assistens, meruit angelicis manibus de hostia ab alio oblata refici; ut legitur in ipsius vita.

Quæres septimò, quo jure fideles stringantur ad sumendum sacrum Viaticum?

114 R. Certum est, quòd ad hoc in mortis articulo teneantur jure saltem ecclesiastico (quidquid sit de jure divino, de quo diximus. *nam. 106.*) Ita enim statutum fuit in antiquissimis Conciliis, Nicæno *Can. 3.* Carthagin. *IV. Can. 77.* ubi præcipitur animarum Pastoribus, ut summo opere caveant, ne morientes discedant sine Viatico: id ipsum (sacrum scilicet Viaticum) in Ecclesiis conservari, & morem omnino salutarem ac necessarium, illud ad infirmos deportandi, retinendum, statuit Concilium Tridentinum de *Euchar. Sess. 7. cap. 6.* Inde hæc consuetudo, Viaticum infirmis administrandi, consuevit invaluit, ut sine gravi scandalo nequeat violari: at, hoc ipsum est signum gravis obligationis: ergo &c.

115 Notandum etiam occurrit, per mortis articulum hic non intelligi præcisè extremam vitæ periodum, quasi verò sacrum hoc Viaticum non deberet sumi, nisi paulò, vel immediate ante mortem; sic enim executio hujus præcepti sæpius foret impossibilis: Sed intelligitur etiam gravis morbus, in quo de morte instante rationabiliter timetur, eò quòd in his circumstantiis quasi communiter sequatur. Unde si infirmus in tali morbo Eucharistiam sumat, etsi pluribus diebus ante mortem, quantumvis ex mera devotione, etiam nihil cogitans de morte, aut de intentione sumendi Sacrum Viaticum, nihilominus satisfecisse censetur huic præcepto. *Herincx cit. num. 48.*

§. II.

Proponuntur, & breviter resolvuntur Casus practici de sumenda S. Communione & Viatico.

CASUS PRIMUS.

Talius nobilis incidit gravem morbum, ad quem curandum Medici oleum & operam perdidisse videbantur: hunc propterea D. Parochus de salute infirmi sollicitus inviserat; unde etiam à Domina, seu uxore ad egrotum admissus fuit, etsi egrè admodum, & cum expressa protestatione, ne ullam faceret mentionem de morte apud infirmum, ne cum magis affligeret, aut quocunque demum modo contristaret. Quo non obstantè bonus ille animarum Pastor studuit infirmum disponere ad sacramentalem confessionem, quam felicissimo eventu ac sine deposuit egrotus: at verò cum ulterius de sumendo Sacro Viatico monuisset infirmum, ædum hunc, sed etiam uxorem ipsius graviter offendit, proptereaque velut invisus hospes illico domum redire jussus fuit. Unde contigit, ut idem nobilis eadem nocte sine Viatico decederet. Quid jam de hoc facto censendum?

116 R. Probandum minimè est. Ratio in promptu est: quia cum corpus propter animam sit à Deo creatum, & non vicissim anima propter corpus; hinc oportet semper majorem gerere curam pro salute animæ, quàm corporis; quod tamen in hoc casu factum minimè est, nec ab illo Nobili, neque ab Uxore illius. Et sanè non minus admirandum, quàm dolendum est, etiam inter Catholicos hodie reperiri multos, qui (sine dubio diabolica fraude circumventi) dum graviter decumbunt, de mortis periculo nihil prorsus audire volunt, ne forte in maiorem tristitiam, vel melancholiam incidant, & interim, prohi dolor! sæpius, quàm par est, neglectis omnibus salutis remediis, utpote confessione sacramentali, Eucharistia, aliisque Sacramentis, *sine crux & sine lux*, uti dicere solemus, hinc demigrant, non sine scandalo aliorum fidelium; qui, qua ratione excusari valeant,

leant, non video. Mihi omnino persuasum teneo, nullum ex his omnibus inventum iri, qui, si sciret, quo medio corporis salutem recuperare valeret, illud, etiam non rogatus, quantocyus amplecteretur: & nihilominus salutis æternæ remedia, scilicet SS. Ecclesiæ Sacramenta etiam rogati negligunt, nec volunt admittere. Quanta cœcis in homine rationis usu prædico, præsertim lumine veræ fidei illustrato!

Dices: Ergone peccati gravis condemnabimus Titium nostrum, ipsiusque Uxorem?

117 R. Si præximo etiam periculo propinquo mortis, nihilominus obstitisset Communioni Sacræ, seu S. Viatico sumendo, minimè dubitandum, quin graviter deliquisset; quandoquidem certum est, iuxta communissimum Doctorum, omnes fideles ad sumendum S. Viaticum obligari sub gravi culpa. At verò, quia paucos reperimus, qui dum prævident, & agnoscunt se versari in periculo mortis, non velint muniri Sacro Viatico, ad felicius aggredendum iter æternitatis; hinc pariter credo, paucos esse, qui ex neglectu Viatici Sacri mortaliiter peccent. Eapropter Titius noster, ipsiusque Conjux à gravi peccato excusari forsitan possunt; quia si periculum prævidissent, simulque obligationem sumendi S. Viaticum agnovissent, procul dubio nunquam id recassent.

Dices: At quid, si Medici ipsimet iudicassent, non subesse ex parte Titii periculum mortis, saltem propinquum?

118 R. Ex hac suppositione & iudicio Medicorum, non tenebatur Titius noster, ad illud sumendum S. Viaticum, propterea quod potuisset D. Parochus dissimulare admonitionem de illo sumendo, præsertim si prævidit, se admonendo incursum offensam. Ratio est, quia ubi nondum est periculum propinquum mortis, adhuc restat ægroti tempus & mora satisfaciendi suæ obligationi: quemadmodum ergo Clericus non tenetur absolute ad dicendum suum brevium, quamdiu prævidet sibi suppetiturum tempus commodum illud dicendi; ita etiam ægrotus non adstringitur ad S. Viaticum, quamdiu prævidet tempus commodum illud adhuc sumendi. Cavendum nihilominus est ne dum ægrotis, sed

ipsis etiam Dominis Medicis, ne vano timore, vel alio respectu humano ducti, rem dissimulent, & dicant, nondum subesse periculum, ubi revera illud advertunt, sicque non moneant nec inducant ægrotos, quatenus advocare velint Medicos animarum; vel (quod adhuc peius foret) omnino resistant, aut dissuadeant, ne etiam sponte accurrentes animarum Curatores admittantur ad infirmum; quos propterea Innocentius III. *Cap. cum Infirmus de pœnit. Et venisset*, redarguit, & tamdiu ab ingressu Ecclesiæ arceri jubet, donec protransfessione huiusmodi satisfecerint competenter.

At quid (ais) ubi constat infirmum non adeo pridem sumpsisse SS. Eucharistiam?

119 R. Si Constat, eam sumpsisse primum ante paucos dies v. g. 6. vel 8. immò etiam (juxta alios) antedecem vel quindecim dies, facilius dissimulari potest sumptio Sacri Viatici. Ratio est: quia talis infirmus probabiliter non amplius obligatur ad sumendum S. Viaticum; etsi oppositum sit tutius & probabilius. Idipsum à sortidiori dicendum de illo, qui manet ex devotione communicavit, & postea eadem die incidit in periculum mortis: etsi enim talis probabiliter possit, immò verò (secundum aliquorum opinionem) adhuc debeat sumere Sacrum Viaticum, quippe quod nondum sumpsit; nihilominus juxta probabilissimam, & quasi communem opinionem, non amplius tenetur ad illud sumendum. Ratio est: quia talis infirmus moraliter loquendo censetur verè communicasse in articulo, seu propinquitate mortis, etsi ignoraverit, se morti tam esse propinquum; hæc enim ignorantia non obstat impletioni præcepti, veluti patet in eo, qui ignorans esse diem festum, sacrum audit, & certò satisfacit suæ obligationi, non obstante ignorantia. Adde etiam, quod talis infirmus jam satisfecerit fini huius præcepti, qui est; per Communionem se disponere ad mortem vicinam *Henricus disp. num. 94. Laym. tr. 4. c. 5. num. 4. Lugo disp. 16. à num. 36. Illius ubi supra à num. 129.*

CASUS SECUNDUS.

Sempronius mendicis per aliquot septimanas mendicando collegerat quindecim circiter crucigeros, quibus intendit sibi adornare diem aureum (ut dicitur solemus) & (veluti is antea dixerat sepius dixisse audiebatur) bibere usque ad satietatem. Contigit proin, ut non solum usque ad satietatem, sed planè usque ad plenam ebrietatem bibere vinum adustum: in tali verò statu per scalas decidendo caput gravissimè illiserat, jamque usque ad portas mortis appropinquasse videbatur. Vocatur propterea D. Parochus, & rogatur, ut infirmo velit administrare SS. Ecclesiæ sacramenta. Queritur jam, an vel quænam sacramenta eidem potuerit, vel etiam debuerit ministrare?

120 R. primò. Sempronius in statu plenæ ebrietatis nec potuit, nec debuit absolvi, etsi supponatur fuisse constitutus in evidenti periculo mortis. Ratio est: quia ad validam absolutionem ex parte poenitentis essentialiter præsupponitur aliquis actus humanus, scilicet Confessio dolorosa, seu etiam dolor supernaturalis: at, Sempronius in statu plenæ ebrietatis non fuit capax alicujus actus humani, ut de se clarum est: neque præsumi potest, quòd ante ebrietatem sese disposuerit ad Confessionem, quippe de qua nihil prorsus copitavit: multò minùs præsumere licet, eundem miraculoso modo, & contra communem naturæ ordinem hic & nunc, in statu scilicet plenæ ebrietatis, adjuvari à Deo, & disponi ad perfectam contritionem; quia sine certo fundamento non debemus recurrere ad miracula: ergo pro hoc statu neque est capax absolutionis.

121 R. secundò. Esto Sempronius supponatur esse plenè ebrius, quia tamen non constat, eum ex mera voluptate bibendo, sese voluntariè inebriasse cum peccato mortali (quo supposito utique foret indignus omnibus sacramentis) hinc eidem probabiliter potest, immò verò debet administrari sacramentum Eucharistiæ, vel si hoc sumere non possit amplius, saltem sacramentum extremæ unctionis.

Elbel Theol. P. I.

Ratio est: quia ad validam, immò & fructuosam perceptionem istorum sacramentorum ex parte subjecti (præter voluntatem saltem habitualement) nulla alia dispositio præsupponitur, neque alius aliquis actus humanus. Neque etiam obstat, quòd Sempronius noster supponatur non esse jejuns; quia in tali discrimine nulla habetur ratio jejunii, velut patet in aliis moribundis. Nec refert aut obstat, quòd sit plenè ebrius; partim quia ebrius comparatur furioso per *cap. Venter. diff. 35.* furioso autem in tali discrimine possunt ministrari hæc sacramenta; partim etiam quia, ut supponitur, hæc ebrietas, vel erat penitus inculpabilis, vel saltem non graviter culpabilis; etenim quantum constat ex specie facti, Sempronius non intenderat bibere usque ad ebrietatem, sed tantum usque ad satietatem: ergo.

Dices. At quid, si dubitetur, an talis infirmus se voluntariè, & cùm peccato mortali inebriaverit, vel non?

122 R. Cum distinctione. Vel enim assuevit talis infirmus in sua vita se sæpius inebriare; vel rarò admodum, vel vix unquam, aut prorsus nunquam? Si prius; præsumendum foret, etiam hac vice voluntariè sese ingurgitasse: nam ex vita præterita præsumitur de præsentem. *c. mandata. & c. cum in juventute; de præsumpt.* Si posterius; præsumitur ebrietas fuisse involuntaria. Ratio est: quia de nullo debemus faciliè præsumere delictum. *ex L. merito ff. pro Socio.* Ita Babenstuber ubi supra n. 14. Gobat *rr. 4. n. 195.* ubi etiam addit, in alio dubio, utrum talis moribundus incurreret perfectam ebrietatem, vel imperfectam seu crapulam tantum? judicandum esse id, quod est mitius, scilicet pro crapula duntaxat. Denique an in plena ebrietate extinctus, sepeliendus sit sepultura asini? Est alia quæstio: quocirca observanda cujuslibet Dioceseos consuetudo: & in dubio de consuetudine sequenda sunt mitiora; nam in his in quibus non invenitur jus expressum, declinandum est in humaniorem partem, *cap. fin. de Trans.* & vel maximè in hoc casu, quippe in quo ex contrario subinde magnæ agnationis offensæ merito possunt tineri. Vide DD. citr. quibus addet la Croix l. 6. n. 609.

CASUS TERTIUS.

Cajus deportavit S. Viaticum ad aliquam personam periculossimè decumbentem, quæ ex eo tempore, quo primò conceperat, semper quasi erat obnoxia vomitui, unde etiam Cajus dubitavit, an expediret eidem S. Viaticum administrare, an verò potius illud denuo secum reportare ad Ecclesiam. Quid censendum?

123 R. Advertendum, & præpmissis Cajò interrogandum fuit, an infirma quilibet cibum statim, seu absque mora, & semper quidem soleat revomere; quo supposito sacrum Viaticum eidem neutiquam fuisset exporrigendum: quemadmodum nec illis præbendum est, qui per secessum illico emittunt omnem cibum prorsus immutatum; quia in tali casu Sacramentum certò exponeretur gravissimæ irreverentiæ. At verò si infirma non assuevit immediatè revomere id quod sumit vel per modum cibi, vel per modum medicinæ, sed primùm post unam circiter, vel etiam mediam horam, debet eidem administrari sacrum Viaticum: quia intra unius horæ spatium certò consumuntur species Sacramentales, & fortè etiam intra spacium medietæ horæ, vel adhuc citius, juxta diversas affectiones & constitutiones stomachorum recipientium, etsi de hoc regula universalis dari nequeat, ut ipsimet Medici fatentur. Tannerus de Euchar. q. 8. n. 67. Joannes Sanchez disp. 38. n. 2. Pax Jordanus l. 4. tit. 2. n. 53. & alii plures.

Dices. At quid, si omnibus perpensis maneat dubium, sitnè persona ægrotata post S. Viaticum illico passura vomitum, vel non?

124 R. Si omnibus consideratis meritò dubitetur, sitnè intra horam rejectura hostiam, vel non, oportebit illud probare, præbendo interim hostiam non consecratam, quam, si per horam servet, porrigi potest & consecrata; nam in dubio hoc præstat Sacramentum hoc exponere incerto periculo irreverentiæ merè materialis, quàm certo fructu privare ægrotantes, ad quorum faultem æternam Christum hoc Sacramentum per modum Viatici dandum de-

servire voluit. Ita Tannerus, Diana, Reiffus quos citat & sequitur Gobat sr. 4. n. 163. & 164. Ubi similiter notat cum Suarezio disp. 71. sect. 3. in similibus circumstantiis nequaquam opus esse, ut infirmo præbeatur integra hostia, sed sufficit præberi minimam particulam hostiæ consecratæ, & quidem in liquore, si absque hoc deglutire nequeat, esto sit moraliter certum, liquorem prius esse descendurum; quandoquidem in tali casu necessitatis nulla sit habenda ratio jejunii, uti mox supra dictum fuit.

Dices adhuc. Quid denique agendum, casu quo talis ægrotus præter, vel etiam contra omnem expectationem revomit species consecratas?

125 R. Si contingat species consecratas, vel hostiam integram revomi, nec sacerdoti tantum sit animi aut reverentiæ erga Sacramentum hoc, ut eam sumat (esto ad hoc neutiquam sit obligatus) deferenda erit in sacrarium, ac purgata poterit ab alio sumi tempore sacrificii, aut, si nemo vincere possit horrorem, relinquenda erit in sacrario, donec consumatur, sicut in simili jam superius dictum fuit de hostia veneno infecta. Comburare autem nunquam liceret; quia hoc foret immane sacrilegium, inquit Silvester, loquens de sacro sanguine. V. Eucharistia q. 9. §. 2. apud Gobat. l. cit. n. 166.

§. III.

Corollaria ex diâis inferenda.

126 **C**olliges primò, non satisfacere præcepto Ecclesiæ, qui in paschate sine consensu proprii Pastoris extra propriam Ecclesiam, vel ab alio sumit S. Communionem. Ita Navarrus, Azorius, & alii communiter. Ratio est: quia Ecclesia non solum præcipit Communionem, sed etiam vult eam sumi à proprio Pastore, quatenus is suis ovibus possit magis invigilare, & observare, an, vel quomodo servant præcepta Ecclesiæ &c. Nihilominus extra Ecclesiam suam, vel ab alio sumentes Communionem Paschalem satisfaciunt, si id faciant cum consensu summi Pontificis, vel Episcopi seu Ordinarii, aut ejus Vicarii Genera-

lis,

lis, vel proprii Parochi (hi enim omnes intelliguntur nomine proprii Pastoris) nam hoc innuit clarè præceptum Ecclesiæ, idque confirmat recepta praxis, & communis DD. consensus; qui etiam f. tis communiter fatentur, sufficere consensum interpretativum Pastoris, qualem censetur dare, si talem morem approbet, vel aliunde constet, eum libenter videre, suos subditos ab aliis petere S. Communionem Paschalem. Vid. Bussembaum a. 2. R. 2. n. 4. Tambur. de exp. Commun. c. 4. §. 4. Diana p. 2. tract. 14. Ref. 73.

Dices. Si quis autem toto anni tempore non communicavit, tenebiturne postea quamprimum potest commode tempore communicare?

127 R. Affirmativè. Ita Henno disp. 9. quæst. 2. concl. 1. Resol. Kaenenberger In Supplemento 1. Conferent. P. Sagar Confer. 153. & alij satis communiter. Ratio est: quia terminus annuus scilicet non est præscriptus ad finiendam, sed potius ad sollicitandam obligationem: ergo quemadmodum in contractibus, ubi terminus solum fuit præfixus ad sollicitandam solutionem, eo elapso non extinguitur obligatio satisfaciendi, sed magis urget; ita & in proposito. Ex quo rectè infert Henno l. cit. peccatum tantò augeri, quanto diutius ex culpabili negligentia executio hujus obligationis differat. Unde etiam is, qui prævidet initio temporis Paschalis, se non habiturum deinceps tempus, vel occasionem sumendi S. Communionem, tenetur illam statim sumere, sicut is, qui manè prævidet impedimentum audiendi postea Missam, tenetur illam audire manè. Vide DD. cit.

128 Colliges secundò, Præcepto Ecclesiæ de sumenda Communione Paschali, aut de sumendo S. Viatico, neutiquam satisfieri per Communionem sacrilegam. Ita hodie communiter DD. & satis liquet ex decreto Innocentii XI. damnantis sequentem propositionem num. 55. velut scandalosam, & in praxi perniciosam: Præcepto Communionis annue satisfacere per sacrilegam Domini manducationem. Ratio autem ultimata est: quia præceptum Ecclesiæ non est novum quoad substantiam,

sed est duntaxat determinativum præcepti divini, quod nullum certum tempus determinaverat: Atqui certum est, per Communionem sacrilegam non satisfieri præcepto divino: ergo nec satisfacit præcepto Ecclesiastico, quippe quod est idem quoad substantiam cum divino. Et certè tam jure Ecclesiastico, quam naturali & divino jubetur SS. Eucharistiam reverenter sumere: at, qui suscipit in statu disgratiæ & indignus, eo ipso non suscipit reverenter: ergo &c. Henno disp. 9. q. 3. Concl. 2. La Croix l. 6. num. 621. & 682.

129 Colliges tertio, quodd, licet infirmus sacro Viatico jam semel resectus, non ampliùs obligetur ad illud sumendum, cùm jam satisfecerit suæ obligationi: Nihilominus si diutius decumbat, illudque ad animæ suæ salutem ac solatium postulet, debet illud sæpius administrari: idque verum est, tametsi nequeat illud sumere ut jejunos. Ita Communit DD. quod & praxis Ecclesiæ confirmat. Ratio hujus est: quia hoc Sacramentum infirmis non eo præcisè ex fine datur, ut satisfaciant præcepto, sed etiam ut inde recipiant præsidium contra tentationes, & in spiritu magis ac magis roborentur: quare cùm infirmi tali robore sæpius egeant, planè debet ipis hoc Sacramentum sæpius administrari, modò rationabiliter id postulent. Quantum autem temporis spatium seu intervallum sit servandum ab una Communionem ad aliam, non conveniunt DD. neque universaliter determinari potest, sed potius relinquendum videtur & zelo Pastoris, & devotionis decumbentium. Layman. l. 5. tr. 4. c. 6. n. 20. existimat, ex justa causa, ut si quis assuetus ex devotione sæpius communicare, difficulter abstinere, posse statim altero die communicare non jejunum, dummodo mortis periculum instare videatur; id quod etiam cum uno ex nostris prædicatum scio, qui cùm ampliùs celebrare non potuisset ob gravissimam infirmitatem, per octo continuos dies quotidie sacro hoc pabulo refici, & ad extremam luctum muniri postulavit, donec tandem ipso Sabbato sancto eodem sacratissimo Viatico præmunitus, placidissimè

simul & sanctissime hinc demigravit ad meliorem vitam. Vid. *summam Diane V. Communione dispositio n. 41.*

130 Colliges quartò, Parochis, aliisque animarum curatoribus incumbere, ut suis subditis administrent sacram Eucharistiam quoties (considerato eorum statu, conditione, aliisque circumstantiis,) rationabiliter eam postulant. Ratio est clara: quia Parochis incumbit onus pascendi oves suas; quod maxime fit verbo & Sacramentis: nec par est, ut parvuli petant panem, & non sit, qui euni illis frangat. Unde etiam Layman *cit. cap. 5. num. 6.* docet, Parochis incumbere obligationem, ut intelligere curent, an sint aliqui infirmi, constituti in periculo mortis, quos invisere, & spiritualiter pascere oporteat, prout colligitur *ex cap. 1. de Celibr. Miss. Videri de hoc potest Laym. l. cit. Navarrus in cap. placuli de penit. dist. 6. num. 152. Barbosa de Officio & potest. Parochi part. 2. cap. 20. n. 15.*

131 Colliges tandem quintò, ad sumendam sacram Communionem teneri sequentes. 1. Milites, inituri periculosum confictum (nisi desit occasio, item, 2. Inituri periculosam navigationem. 3. Idipsum dicendum de faminis primò parturientibus, vel aliàs difficiles partus communiter expertis. Item 4. lethaliter vulnerati, nec non 5. damnati ad mortem; quibus propterea Iudex tenetur indulgere tempus disponendi se ad S. Communionem, uti statuit Pius V. in suo *Motu proprio*, & colligitur *ex c. &c. c. super eo de Hæreticis in 6. item c. Quæstio 13. quæst. 2.* Ratio autem horum omnium facillè colligitur ex dictis: quia nimirum omnes enumerati censentur moraliter expositi periculo mortis: at, in periculo & articulo mortis obligat præceptum de sumenda Communione, secundum dicta n. 107. ergo &c.

CONFERENTIA

DECIMASEXTA.

De sacrificio Missæ: & quinam illud offerre, vel pro quibus offerri possit ac debeat.

SUMMARIUM.

- 132 Sacrificium in communi est oblatio externa, legitime instituta &c.
- 133 Missa quid sit.
- 134 Missæ sunt verum & propriè dictum N. L. sacrificium.
- 135 & 136. Solvuntur due objectiones in contrarium.
- 137 Sacrificium Missæ, quomodo sit unum, & quomodo multiplex.
- 138 Probabilius in sola consecratione essentialiter consistit.
- 139 Consecratio tamen utriusque speciei est de essentia sacrificii completi.
- 140 Offerens principalis est Christus: minus principalis Sacerdos: & secundariò etiam fideles dicti possunt offerentes in certo sensu.
- 141 Missæ sacrificium per se loquendo offerri potest tam pro vivis, quàm pro defunctis.
- 142 Pro Infidelibus tamen, & pro Excommunicatis non toleratis illud directè offerre, nefas foret;
- 143 Etsi pro his offerri possit indirectè.
- 144 Pro damnatis illud offerre non licet: & quomodo pro Reais offerri valeat?
- 145 Resolvitur Casus I. de quodam D. Parocho, qui passus deliquitum sub ipsum SS. Missæ sacrificium graviter infringari cepit.
- 146 Si post peractam jam consecrationem dubitetur, an ob huiusmodi debilitatem proseguere valeat sacrificium, conari debet modo humanitùs possibilis ad illud complendum.
- 147 Si verò Sacerdos infirmetur ante consecrationem, Missa intermittitur.
- 148 Resolvitur Casus II. cujusdam Sacerdotis,

dotis, qui primum in actuali sumptione advertit, se loco vini consecrasse aquam.

149 An in tali casu necessarium sit, etiam aliam hostiam consecrare.

150 Et quid, si talis defectus primum agnosceatur in sacristia.

151 Sacerdos jam in ipso altari dubitans, an consecraverit verum vinum? probabilius tenetur aliud certum vinum consecrare.

152 Resolvitur Casus III. de quadam fœmina Lutherana, postulante sacrum fieri in honorem S. Antonii Paduani.

153 Huic potuit Sacerdos Catholicus licite deferre, & cur?

154 Sacrificium Missæ, an, vel quomodo offerri possit v. g. pro animalibus, & aliis necessariis.

155 Quanam sint differentiæ inter sacrificium & Sacramentum.

156 In sacrificio Missæ tria veniunt distinguenda, scilicet 1. Ratio Sacramenti. 2. Ratio sacrificii, & 3. Ratio Missæ.

157 Multæ actiones in sacrificio Missæ sine gravi peccato omitti nequeunt, esto non sint essentielles.

158 Hostia principalis hujus sacrificii est ipse Christus, ut contentus sub speciebus Eucharisticis.

159 Substantia panis & vini suo modo dicti possunt hostia minus principalis.

160 Per se loquendo semper illecebrum est, consecrare unam dumtaxat speciem.

161 Sacrificium Missæ utiliter offertur 1. pro infantibus fidelibus. 2. pro Energumenis, & 3. pro peccatoribus quantumvis gravibus: & quomodo his possit prodesse.

162 Graviter delinqueret Sacerdos, qui aliquem fideliem vellet excludere a fructu generali sui sacrificii.

163 licet graviter peccaret, qui sacrificium Missæ offerret pro aliquo damnato.

§. I.

Præmittuntur, & breviter resolvuntur quæsitæ, scitu necessaria ad debitè resolvendos Casus de Ministro sacrificante &c.

Quæres primò, quid sit sacrificium in communi, seu in genere?

132 R. Sacrificium est oblatio externa legitime instituta, qua res aliqua sensibilis immutatur per Ministrum legitimum in protestationem supremi Dei dominii. Ita cum communissima DD. Sporer Theol. Sacram. part. 2. c. 2. num. 43. Explico brevissimè. Dicitur 1. Oblatio externa legitime instituta; quia, cum sit signum publicum, quo tota communitas vult demonstrare cultum Deo debitum, hinc debet esse legitime instituta: & quia hunc cultum nedum coram Deo, sed etiam coram hominibus demonstrare intendit; hinc 2. res illa quæ offertur, debet esse sensibilis, & quidem 3. cum immutatione hostiæ; quia per sacrificium contestamur, Deum habere supremum dominium in vitam & mortem; sic, ut pro libitu possit omnia immutare, quemadmodum Sacerdos hostiam immutat. Dicitur 4. per Ministrum legitimum; nam sicut quælibet actio naturalis exigit suam proportionatam causam; ita & actio moralis, qualis est sacrificatio, quæ, hoc ipso, quod nomine totius communitatis fiat, convenienter fieri nequit, nisi per Ministrum legitimum, seu publicè ad hoc institutum ac deputatum. Additur tandem 5. in protestationem supremi dominii Dei; quia si talis oblatio fieret ex alio fine & motivo formali, deficeret finis intrinsecus, & ratio specifica sacrificii. Unde etiam evidenter liquet, sacrificium esse actum religionis, & quidem supremum, scilicet cultus latræ, qui est soli Deo debitus, ut alibi docetur.

Quæres secundo, quid sit Missa?

133 R. Missa est verum, & unicum novæ Legis sacrificium, quo à Sacerdote ritè ordinato Corpus & Sanguis Domini nostri Jesu Christi sub speciebus panis & vini ex ejus institutione certo ritu pro salute vivorum & mortuorum Deo offertur, immolatur, & su-

& sumitur. Ita rursus cum *communissima* DD. Sporer *cir. num. 62*. Ratio autem & intellectus hujus descriptionis facile colligetur ex proximè dictis, & ampliùs patebit ex dicendis hac conferentia.

Dices: ergone in Missa fit verum sacrificium?

134 R. Fit verissimum. Unde Concilium Trident. *sess. 22. can. 1.* definit: *Si quis dixerit, in Missa non offerri verum, & proprium sacrificium, aut, quòd offerri non sit aliud, quàm, Christum nobis ad manducandum dari, anathema sit.* Ratio etiam est: quia in Missa fit oblatio externa rei sensibilis, per ministrum legitimum, in contestationem supremi domini Deo competentis supra omnes creaturas: ergo fit verissimum sacrificium. Verùm contra.

Dices. In omni sacrificio vero debet fieri vera immutatio hostiæ, & quidem sensibilis: At, non apparet, quo modo in Missa fiat vera & sensibilis immutatio hostiæ: ergo &c.

135 R. Neg. min. Nam in sacrificio Missæ dici potest, fieri destructionem triplicem hostiæ, scilicet r. mysticam. 2. moralem, & 3. suo modorealem. 1. Mystica contingit: quia vi consecrationis, vel potiùs vi verborum per se sub speciebus panis ponitur solum corpus, quasi sequestratum à sanguine, & sub speciebus vini vi verborum per se solum ponitur sanguis, quasi à corpore sequestratus, (et si propter conjunctionem, quam de facto habet sanguis cum corpore, quasi concomitanter & per accidens sub speciebus panis contineatur sanguis, & sub speciebus vini Corpus Christi) separato autem totaliter sanguine à corpore, necessum est sequi mortem naturaliter, seu destrui hominem: ergo hoc modo mysticè significatur destructio Christi, qui est hostia &c.: 2. item moralis destructio hostiæ ibi fit: quia Christus Dominus vi consecrationis ponitur modo quasi mortuo quoad esse usuale, & in statu omnino inepto ad operationes, & functiones naturales vitæ humanæ, ita, ut non sit positus ad alium usum, quàm ad cibari & potari. 3. denique suo modo realis immutatio hostiæ ibi fit, quantum ad esse sacramentale, qua-

tenus vi consecrationis accipit novum esse sacramentale, vi cuius ponitur in proximo statu, & via destructionis, quia scilicet destructis speciebus mox & ipse Christus destruetur, ita quidem, ut si per impossibile non haberet aliud esse, præter illud sacramentale, destructis speciebus illis omnino destrueretur & ipse Christus quoad esse simpliciter, ut non ampliùs existeret: hoc autem sufficit ad rationem sacrificii: sicut in veteri Testamento ad verum Sacrificium sufficiebat substantiarum thuris, aliorumvè thymiamatum, poni in proximo statu corruptionis, ut inde fumus odoriferus consurgeret.

Dices iterum. Juxta superius mox dicta Sacrificium Missæ debet deferri in protestationem supremi domini, quod Deus habet in nos: atqui sæpe sæpiùs non fit in hunc, sed in alios fines, v. g. ad impetrandam sanitatem &c. item sæpe offerri solet in honorem B. Virginis, & aliorum Sanctorum, quem, in finem ab Ecclesia speciales Missæ votivæ sunt præscriptæ in Missali: ergo &c.

136 R. Neg. iterum min. Esto enim Sacrificium Missæ etiam ex mente Ecclesiæ sæpè sæpius offeratur in honorem Sanctorum &c. vel ad impetrandam sanitatem, aliavè beneficia &c. non tamen offertur propterea ipsis sanctis, sed Deo, veluti perspicuè, docet Concilium Tridentinum. *Sess. 22. cap. 3. hisce verbis: quamvis in honorem & memoriam Sanctorum nonnullas interdum Missas Ecclesia celebrare consueverit; non tamen illis sacrificium offert. docet, sed soli Deo, qui illos coronavit: unde nec Sacerdos dicere solet: offero tibi Sacrificium Petre, vel Paule; sed Deo de illorum victoris gratias: agens, eorum patrocinia implorat, ut ipsi pro nobis intercedere dignentur in cælis, quorum memoriam facimus in terris.* Plura argumenta Hæreticorum soluta videri possunt apud nostrum Herinck *disp. 8. num. 22. & seqq.* Babenstuber *trakt. 8. pag. 4. disp. 1. art. 5. la Croix, Henno, & alios passim.*

Quæres tertio, quotuplex sit Sacrificium?

137 R. Sacrificium secundum diversos respectus dici potest unum & multiplex; nam

nam 1. unum est ratione rei oblatæ . 2. ratione modi quo offertur , est duplex . 3. ratione finis in quem offertur , est quadruplex , & 4. similiter quadruplex dici potest ratione effectus . Explico singula breviter 1. Unum est ratione rei oblatæ ; quia res oblata est ipse Christus , qui est ubique unus & idem . 2. duplex est ratione modi quo offertur ; nam in Cruce Christus fuit oblatum modo cruento , cum reali effusione sanguinis &c. in Sacrificio autem Missæ defacto offertur modo incruento . 3. quadruplex est ratione finis in quem offertur ; vel enim offertur ad Deum colendum & contestandum summum Ejusdem in nos dominum , & tunc appellatur *laureuticum* ; vel offertur in gratiarum actionem pro acceptis beneficiis , & dicitur *Eucharisticum* ; vel offertur in satisfactionem pro peccatis , diciturque *satisfactorium* ; vel denique offertur pro impetrandis novis beneficiis & gratiis , & appellatur *impetratorium* . 4. Rursus quadruplex est ratione fructus , seu effectus ; etenim 1. conducit suo modo ad impetrandam remissionem peccatorum mortalium , in quantum virtute ejus Deus movetur ad deponendam justam suam indignationem , vi cujus nobis poterat negare auxilia gratiæ in ordine ad respiciendum , & redendum in gratiam efficacia : & propterea appellatur *Propitiatorium* . 2. Conducit ad delenda peccata venialia , & dicitur *Expiatorium* . 3. Remittit etiam poenas pro peccatis jam dimissis debitas tum in hac , tum in altera vita luendas , idque ex opere operato ; quam ob causam vocatur *satisfactorium* , 4. Tandem vi hujus impetramus nova beneficia à Deo , ad animæ salutem conducentia , unde etiam dicitur *Impetratorium* . Ita communissime DD. Sporer l. cit. n. 72. & 73. Reinffestuel diff. 5. n. 42. & seqq. Idipsum satis clarè colligitur ex Concilio Trident. sess. 22. Can. 3. ubi dicitur sic : Si quis dixerit , Missæ sacrificium tantum esse laudis , & gratiarum actionis , aut nudam commemorationem sacrificii in cruce peracti , non autem propitiatorium , neque pro vivis , & defunctis , pro peccatis , poenis , satisfactionibus , & aliis necessitatibus offerri debere ; anathema sit .

Quæres quartò , in quam actione sacrificium Missæ essentialiter consistat an scilicet in oblatione , vel in consecratione , vel demum in sumptione ?

138 R. Probabilius essentialiter consistit in sola consecratione , etsi 2. sumptio dici possit ac debeat pars integralis . Ita hodie communiter DD. Sporer , Reinffest. Henno , Herincx diff. 8. nu. 42. la Croix l. 6. p. 2. nu. 13. Babenstuber tr. 8. p. 4. d. 3. a. 2. n. 2. & 7. Ratio prioris est : quia sacrificium conficitur in persona Christi , seu principalis offerentis , uti statim videbitur : atqui consecratio , eaque sola in persona Christi conficitur à Sacerdote , veluti patebit perpendenti verba ac modum consecrandi : ergo probabilius in sola consecratione consistit essentia sacrificii : unde etiam Sacerdotum per se primò respicit , & confertur in ordine ad consecrationem . Ratio autem posterioris est : quia sacrificium Missæ est simul convivium spirituale : atqui ad consumandum convivium pertinet sumptio ciborum &c. qua ratione Cap. Relatum de Consecr. diff. 2. dicitur : *quale erit illud sacrificium , cui nec ipse Sacrificans particeps esse noscitur ?*

Dices : ergone consecratio utriusque speciei est de essentia sacrificii Missæ ?

139 R. Est de essentia sacrificii completi . Ratio est : quia Christus Dominus voluit , in sacrificio Missæ offerri Corpus & Sanguinem suum , & quidem sub distinctis speciebus , panis scilicet & vini , veluti docet Concilium Trid. sess. 22. c. 1. ergo de essentia sacrificii completi est consecratio utriusque speciei ; tamen videatur , haudquaquam negari posse , etiam in consecratione unius duntaxat speciei v. g. panis salvari & reperiri essentiam sacrificii saltem incompleti ; quandoquidem vi hujus solius consecrationis fiat vera oblatio rei externæ sensibilis , & quidem à legitimo Ministro , in contestationem supremi in nos domini : ergo salvatur vera ratio sacrificii , etsi adhuc incompleti & non totalis . Ita communissime SS. Mastrius , Sporer , Reinffest. Henno , Herincx diff. 8. num. 45.

Quæres quintò , quanam sint offerentes respectu hujus sacrificii ?

140 R. 1. Principalis offerens est Christus .

flus. 2. minus principalis, etſi adhuc propriè & per ſe offerens, eſt Sacerdos legitime ordinatus 3. denique minus principaliter & improprie offerentes dici poſſunt etiam reliqui fideles, præſertim ſacrificio aſſiſtentes. Ita communiffimè omnes Catholici. Ratio primi deſumitur ex Concilio Florent. ac Trid. quod ſeſſ. 22. c. 2. ait: *Una eſt, eademque hoſtia, idem nunc offerens ſacerdotum miniſterio, qui ſe ipſum tunc in cruce obtulit, ſola offerendi ratione diverſa &c.* Quod quidem vel ex ipſo modo conſecrandi haud obſcurè colligere licet, quando ſacerdos non in propria, ſed in perſona Chriſti loquens ait: *Hoc eſt corpus meum &c.* Quare multi DD. nominatim La Croix cit. l. 6. p. 2. nu. 17. Babenſtner tr. 8. p. 4. d. 3. a. 1. n. 5. exiſtimant, Chriſtum etiam immediate & propriè per actum quandam elicitum offerre ſingula ſacrificia, dum ſunt actu à ſacerdotibus. Ratio ſecundi colligitur ex eo: quia ſacerdos eſt publicus Miniſter Eccleſiæ, ad hoc miniſterium conſciendum ſpecialiter conſecratus, juxta illud Chriſti Domini apud S. Lucam 22. cap. v. 19. *Hoc facite in meam commemorationem &c.* Idipſum liquet ex forma ordinationis, in qua Episcopos Neo-Myſtæ dicit: *Accipe poteſtatem offerendi ſacrificium Deo, Miſſasquæ celebrandi tam pro vivis, quàm pro deſunctis in nomine Domini &c.* Ratio autem tertii inde colligi poteſt: nam ante conſecrationem poſt Memento dicit ſacerdos: *Et omnium circumſtantium, pro quibus tibi offerimus, vel qui tibi offerunt &c.* Et rursus poſt conſecrationem idem ſacerdos ait, *banc igitur oblationem ſervitutis noſtræ, ſed & cunctæ familiæ tuæ &c.* Fatendum tamen eſt, quod fideles non, niſi improprie & mediatè offerant, vel quia curant aut petunt, illud pro ſe offerri, vel quia ad ejusdem oblationem alio modo concurrunt, utputa vel miniſtrando, vel eidem aſſiſtendo, vel ſaltem affectu ſeſe conjungendo ſacerdoti offerenti, ceu miniſtro per ſe ordinato ad hoc miniſterium, uti explicat Reinſſeſſel Theol. moral. tract. 14. diſt. 5. num. 32. Herinex ubi ſuprà diſtinct. 8. num. 50.

Quæres tandem ſextò, pro quibus hoc ſacrificium offerri valeat?

141 R. Sacrificium Miſſæ per ſe loquendo, & niſi aliud obſtet, poteſt offerri tam pro vivis, quàm etiam pro deſunctis. Ita rursus omnes Catholici. Ratio patet ex ipſis verbis in ordinatione ſacerdotis ab Episcopo prolatis, & mox relatis, quibus clare conceditur poteſtas offerendi ſacrificium tam pro vivis, quàm pro deſunctis. Accedit ratio: nam per alia ſuffragia juvare poſſumus tum vivos, tum etiam deſunctos: ergo vel maxime idemmet poterimus per illud Deo tam acceptabile ſacrificium Miſſæ.

142 Dixi tamen: *Per ſe loquendo, & niſi aliud obſtet &c.* Nam reſpectu vivorum obſtare poteſt. 1. Excommunicatio, & 2. infidelitas, ſeu defectus baptiſmi: etenim pro excommunicatis non toleratis (de toleratis patebit ex proximè dicendis in caſu tertio:) ſacrificium Miſſæ haudquam licitè offerretur. Ratio eſt: quia hoc nedom in perſona Chriſti, ſed etiam nomine Eccleſiæ offertur: Atqui Eccleſia prohibet, ne ſuo nomine & publico miniſterio Eccleſiæ oretur pro excommunicatis, ſaltem non toleratis, aut pro iſdem ſacrificium Miſſæ offeratur; uti habetur cap. à nobis. 28. & cap. Sacris. 38. de ſent. excomm. ergo &c. Similiter infideles nondum baptizati non ſunt membra Chriſti: Atqui ſacrificium Miſſæ non poteſt directè applicari niſi pro membris Chriſti; quia, ut inquit D. Auguſtinus lib. 1. de anima & ejus orig. c. 9. *quis offerat corpus Chriſti, niſi pro his, qui ſunt membra Chriſti?* Idem confirmat uſus & praxis S. Matris Eccleſiæ, quæ, quantumvis velut pia Mater, omnium etiam paganorum conversionem & ſalutem ſummopere affectet, nullam tamen pro ipſis Miſſam ordinavit, neque preces aliquas pro iſdem inſtituit niſi in ſola die Paraſceves, quapropter ſpeciale myſterium, & adimitandum Chriſti ſponſi ſui exemplum; qui in cruce pro ſuis etiam inimicis oravit, ſimiliter pro Hæreticis, Schiſmaticis, Judæis atque paganis precatur.

143 Dictum etiam fuit: *Directè applicari nequit &c.* Nullibi enim prohibetur ſacerdos in ſua Miſſa privata ſub Memento pro excommunicatis etiam non toleratis, itemque pro Paganis & aliis infide-

hinc orare, quatenus Deus ipse velit enlargiri veræ fidei lumen. Quin immò, hoc ipso, quod Ecclesia sancta velit sacrificium Deo offerri pro sua exaltatione, & veræ fidei dilatatione, item pro tollendo Schismate, vel etiam pro extirpatione hæresum, censetur velle, ut offeratur saltem indirectè pro paganis &c. quippe quorum conversione veræ fidei dilatatio solum obtineri valet.

144 Porro, quod attinet defunctos, respectu horum obflare potest vel beatitudo jamjam adepta ab ipsis, vel damnatio jamjam incurfa. Ratio est: quia damnatorum redemptio jam est penitus desperata, & hoc ipso etiam, quod damnati sint, sunt & manent perpetuo exclusi ab Ecclesiæ suffragiis: ergo inutiliter sacrificium Missæ offerretur pro ipsis. Beati autem, hoc ipso, quod tales sint, orationibus nostris non amplius egent: qua ratione cap. cum *Martha*. §. tertio loco. de *Celebrat. Missæ*. dicitur: *Injuriam facit Martyri, qui orat pro Martyre*: ergo nec pro his sacrificium Missæ debet offerri; esto laudabilissimè offeratur Deo in honorem Sanctorum, tum pro gratis ac beneficiis ipsis à Deo collatis, tum etiam pro illis, quæ Deus pro sua infinita clementia per Sanctorum suorum merita & intercessionem nobis contulit &c. Reinsestuellet. *dist. 5. art. nu. 61*. Herincx, *Sporer* ubi suprâ cit. 4. num. 272. & alii DD. communiter.

§. II.

Proponuntur, & breviter resolvuntur Casus practici de sacrificio Missæ offerendo &c.

CASUS PRIMUS.

Tertius Parochus plenus dierum & mentorum sub SS. Missæ sacrificium post peractam jam utriusque speciei consecrationem passus erat deliquitum: concurrere propterea adstantes, & inter hos etiam D. Cooperator, qui certos quosdam liquores spirituosos partim ori ipsius infundendo, partim etiam exterius capiti & temporibus illiniendo, tandem bonum illum

seniculum restauravit, & quasi resuscitavit ad vitam: at verò viribus vixidum recuperatis utcumque, illicò ceptum est dubitare, an Dominus Parochus, etsi non amplius jejuniis naturaliter, an verò potius Cooperator, utpote jejuniis adhuc, deberet proseguere sacrificium. Quid huic dubio respondendum?

145 R. Tenebatur ipse Dominus Parochus proseguere suum sacrificium. Ratio est: quia quisquis hoc tremendum sacrificium incipit (præsertim ubi jam ultra consecrationem pervenit) tenetur illud complere, & quidem ex præcepto divino: unde non obstat, quod supponatur non amplius esse jejuniis; quia hoc præceptum de jejuniis naturali servando à celebrante vel communicante, duntaxat humanum est; Atqui præceptum humanum debet cedere divino, ceu fortiori, casu quo utrumque servari impossibile est, veluti evenit in hoc casu: ergo &c. Gobat *Theol. exper. tract. 3. num. 806*. Clericatus de sacrificio Missæ. *decisione. 33. num. 40*.

Dices. Quidsi autem sacerdos celebrans ita infirmetur, ut meritò dubitetur, an reliquum sacrificii complere valeat, vel non?

146 R. Adhuc tentandum & conandum est ad complementum sacrificii. Et ratio est: quia cum hoc præceptum divinum sit de re gravissimi momenti, tam facile præteriri non debet: & certe negotia humana gravioris momenti homines communiter non tam facile relinquunt incompleta, ut non omni conatu moraliter possibili nitantur ea complere & in effectum deducere: ergo similiter, & quidem à fortiori, sacerdos conari debet omni modo moraliter possibili, ad divinissimum hoc mysterium complendum. Secus dicendum foret, casu quo sacerdos inopinato infirmatus, sine gravissimo salutis dispendio, vel periculo gravioris infirmitatis, non amplius posset illud proseguere: vel etiam, si non posset, illud prosegui nisi post notabilem temporis lapsum, utpote primum post prandium, vel altera, aut tertia primùm die; quia interveniente tanto temporis tractu non amplius censetur compleri idem moraliter sacrificium cum

pro-

priori. Quam ob rem in tali casu deberet alius sacerdos, etiam non jejunos, complere sacrificium veluti expressè præscribit Missale in Rubricis. tit. de defectibus, in celebrat. Missæ. §. 10. num. 4. Ubi etiam præcipitur, ut, si talis sacerdos infirmatus adhuc communicari valeat, eidem ab alio sacerdote suppletente defectum, vel alia hostia minor, vel, ubi talis deficit, pars aliqua de hostia majori consecrata administraretur. Videantur hoc Rubricæ allegatæ, quas in gratiam tyronum Missalibus destitutorum inferius n. 287. in terminis formalibus referemus.

Dices adhuc: At, quid agendum, si contingat, sacerdotem graviter infirmari jam ante consecrationem, vel etiam post consecrationem corporis, nondum inchoata, vel, inchoata quidem, sed nondum completa substantialiter forma calicis?

147 R. Si sacerdos ante consecrationem graviter infirmetur, vel in syncopen incidat, aut ornino moriatur, præmittitur Missa: idemque faciendum, si post semiprolatam formam corporis obeat; quia cum consecratio nondum sit facta, non est necesse, ut Missa per alium suppleatur. At verò, si consecrata jam una specie corporis scilicet, primum infirmetur, aut moriatur ante consecrationem alterius speciei forma calicis, vel omnino non, vel semiplenè tantum prolata, tunc alius, etiam non jejunos debet Missam proseguere, & super eundem calicem repetere integram formam. Vide Rubricas l. cit. in fine.

C A S U S. S E C U N D U S.

S Empronius sacerdos dum sumit calicem, videtur sibi bibere aquam: queris proinde ex ministro, an non erraverit in porrigendo debito urceolo? aspiciit hic urceolum, negatque se errasse. At Sempronius rursus admoveus ori calicem, judicat, non esse in eo vinum, sed frigidum; idcirco mandat ministro, ut ex urceolo fundat aliquid in volam manus, exploretque quid in eo contineatur; quo facto deprehendit, non esse, nisi meram aquam. Quid jam agat Sempronius?

148 R. Practicè procedat in hunc mo-

dum. 1. Si id, quod ore jamjam exceperat, nondum deglutivit, deglutiat: inconveniens quippe foret illud denuo revomere, præsertim si jamjam hauserat particulam consecratam hostiæ (de qua oportet sacerdotem esse vel maxime sollicitum & circumspexit in hoc casu) Neque obstat, quòd hoc modo fracturus sit jejunium naturale, quandoquidem in istis circumstantiis servatu moraliter impossibile sit. 2. At verò si particula consecrata hostiæ adhuc innatet aquæ, tunc effundat aquam in pelvim terfam, aut aliud vasculum mundum, si quod habeat ad manus (retenta tamen particula hostiæ consecratæ in calice, aut inde extracta, & mox reverenter signpta) aquam verò ita effusam vel sumat post ablutioem, vel postea mittat in piscinam. 3. Quod si paucillum aquæ duntaxat in calice remansisset, sive cum, sive etiam sine particula hostiæ consecratæ, huic superinfundat vinum, illudque sine formatione crucis aut altarum Ceremoniarum, præmissa tamen oblatione saltem mentali, (quæ fieri solet per illa verba: *Offerimus tibi Domine calicem salutaris &c.*) proferat verba consecrationis super eundem calicem, incipiendo ab illis verbis; *Simili modo &c.* veluti præscribunt Rubricæ, omni saque elevatione, ac cæteris omnibus, eibat, id quod consecravit. Scotus 4. dist. 8. quæst. 3. Gavanti pag. 3. tit. 4. num. 9. Laym. tract. 5. cap. 7. num. 3. Gobat. tract. 3. num. 769. la Croix. lib. 6. pag. 2. num. 544.

At, nunquid necessum erit, ut etiam consecret novam hostiam?

149 R. Necessarium existimat S. Thomas: multi tamen insignes DD. & viri timorati (ait Gobat num. 771.) sequuntur opinionem Scoti, absolute negantis, esse repetendam consecrationem alterius hostiæ; quippe per quam non videtur compleri illud prius sacrificium, sed potius inchoari novum. Verum in praxi standum & insistendum est Rubricis, quæ de defect. Missæ. tit. 4. num. 5. præscribunt, ut, siquidem sine scandalo fieri possit, consecratur etiam nova hostia, si verò Missa celebratur in loco publico, ubi plures adsunt, sufficit consecrare solum-

vinum modo jam prædicto. Vide etiam la Croix cit. num. 545.

Dices: At quid, si Sempronius noster primùm in sacristia indagando, deprehendisset, se loco vini aquam consecrasset?

150 R. Si supponatur in sacristia constructum altare seu locus competens consecrationi, adhucdum supplendus foret defectus; quia juxta communem DD. apud Tannerum q. 10. nu. 110. quando defectus substantiales corrigi possunt tempore moraliter contiguo, debent necessariò corrigi: at, tempus, quo Sacerdos ab altari revertitur ad sacristiam, censetur moraliter continuum cum sacrificio, simulque supponitur in sacristia haberi locus competens: ergo probabilius debet hic defectus suppleri, modò id fieri possit absque scandalo. Equidem haud ignoro, Suarezium, Conink, Tambur. l. 2. c. 8. §. 5. n. 3. Gobat cit. n. 773. aliosque, non paucos negare, quòd talis defectus in sacristia adhuc sit supplendus, eò quòd talis actio videatur omnino distincta à priori, nihilominus censeo, priorem opinionem Rubricis, mentrique Ecclesiæ esse magis conformem, ideoque & in praxi sequendam, modò supponatur abesse scandalum, & in sacristia dari locum competentem consecrationi.

Dices adhuc. At quid, si Sacerdos jam in ipso altari omnibus pensatis maneat dubius, si tene materia quam consecravit, vinum, vel potius aqua, tenebitur in tali dubio aliud vinum consecrare, vel non?

151 R. Si prudenter dubitet, ita ut omnibus tentatis & pensatis non possit dubium vincere, probabilius tenetur consecrare aliud vinum certum, modò hoc fieri queat sine scandalo. Ita cum Aversa, & Pasqual. q. 301. la Croix l. 6. p. 2. n. 335. Contra Tambur. Gobat, & alios nonnullos. Ratio est: quia aliàs Sacerdos sese exponet certo periculo relinquendi sacrificium mutilum & mancum: at, hoc nunquam est faciendum, ubi certa integritas de facili procurari potest: ergo. Etcertè major irreverentia videtur irrogari Sacramento ex eo, quòd relinquatur mutilum, aut certo periculo mutilationis expositum, quàm ex eo, quòd eadem species sanguinis bis consecratur.

CASUS TERTIUS.

Caja femina Lutherana rem quandam non minus sibi charam, quàm presbiterum perdidit: & quia audierat, S. Antonium Paduanum rerum deperditorum singularem Patronum haberi, & colli à Catholicis; hinc volens fortunæ suæ tentare aleam, postulavit ab aliquo Sacerdote Catholico, ut in honorem ejusdem Sancti Antonii celebraret Missam, pro recuperanda re deperdita. Queritur proin, an Sacerdos tuta conscientia id facere, & pro sacro oblatum sibi stipendium à Caja Lutherana acceptare poterit?

152 R. Potuit utrumque tuta conscientia saltem in hisce partibus nostris, ubi Lutherani sunt tolerati. Ita Navarrus, Dicastillo, Sanchez, Lugo disp. 19. n. 187. la Croix l. 6. p. 2. n. 34. Ratio est: quia in Extravag. Concilii Constant. Ad evitanda. Martinus V. concessit fidelibus potestatem communicandi etiam in sacris & divinis cum excommunicatis toleratis: atqui Lutherani, esto sint excommunicati, sunt tamen tolerati in hisce partibus nostris septentrionalibus, qua ratione etiam licet admittuntur ad Missam publicam, ad funeralia, & alia officia divina: ergo non est, cur Sacerdos Catholicus deberet recusare stipendium, vel non satisfacere tam pie intentioni feminae Lutheranae.

Dices tamen: illa facultas communicandi cum excommunicatis ab Ecclesia solum permittitur ob bonum fidelium, scilicet ad evitanda scandala, & alios animarum remorsus, minimè verò in bonum, aut favorem Lutheranorum, aliorumque excommunicatorum: atqui talis communicatio per applicationem sacrificii in ordine ad recuperandam rem deperditam, præcisè fieret in favorem Cajæ Lutheranae: ergo illicitè.

153 R. Neg. min. Etenim per tale sacrificium honoratur Deus, colitur Sanctus, fides Catholica magnificatur, Sacerdos fructum specialissimum participat, simulque congruum stipendium promeretur: ergo hæc communicatio non fit præcisè in favorem & revelationem personæ excommunicatæ. Et licet ipsi Excommunicatis etiam toleratis pro-

pro-

prohibitum sit communicare cum fidelibus, proptereaque nec deberent petere Missam, aut communia suffragia Ecclesiæ; supposito tamen quod petant, Sacerdos licite ipsis communicandis, & acceptat congruum stipendium; quia huic sicutum est cum ipsis communicare. La Croix l. c. Razenberger de Censuris cap. 3. nu. 73. Kresslinger in addit. ad tr. 14. dist. 5. post num. 65. theol. moral. P. Reinfest.

At verò, inquires, veniunt subinde Rustici & alii simpliciores & fidelibus, petentes sacrum fieri pro suis pecoribus, v. g. vaccis, Equis, Oribus &c. an ad talem intentionem licite applicatur & offertur?

154 R. Ne dubites illud offerre Deo ad hanc intentionem; Etenim licet sacrificium sit per se institutum ad colendum Deum, simul tamen est imperatorium (& quidem immediate ex opere operato) plurium bonorum, nedum, spiritualium, sed etiam, saltem secundariò, temporalium, veluti expressè definit Concilium Tridentinum sess. 22. cap. 2. ubi ait: *quare non solum pro fidelium vivorum peccatis, panis, satisfactionibus, & aliis necessitatibus, sed & pro defunctis in Christo, non dum ad plenum purgatis, ritè juxta Apostolorum traditionem offertur.* Et ratio ultimata hæc est: quia similia beneficia impetrari possunt per orationem: atqui sacrificium est præstantissimum genus orationis, quippe habens suam efficaciam ex meritis Christi, qui simul est principalis offerens, & res oblata: ergo &c. Id ipsum confirmatur ex quotidiano usu & praxi Ecclesiæ, quæ pro pluribus fidelium necessitatibus singulares Missas ordinavit, ut puta pro imperandâ serenitate aeris, vel pro pluvia &c. item pro felici fine, pro infirmo &c. &c.

§. III.

Corollaria ex dictis inferenda.

155 **C**olliges ex hæcenus dictis primò quæ sit differentia inter Sacramentum & sacrificium; nam Sacramentum per se primò ordinatur ad hominem sanctificandum mediante gratia, quam per se loquendo confert immediate: e contra sacri-

ficiu per se primò ordinatur ad Deum colendum, & ad contestandum ipsius supremum in nos dominium. Quare sacrificium qua tale non causat gratiam sanctificantem, neque augmentum gratiæ immediate confert; quia hæc non acquiritur, nisi vel per proprium meritum, vel per dignam susceptionem Sacramenti. Rursus differunt in eo, quod Sacramenti essentia salvetur perfecte etiam in consecratione unius dumtaxat speciei v. g. panis: è contra essentia sacrificii, saltem completè, non salvatur, nisi in consecratione utriusque speciei, veluti constat ex dictis n. 139. Vid. Reiffensl. cit. n. 44. vel la Croix l. 6. n. 63.

156 Colliges secundò, in sacrificio Missæ tria esse distinguenda, scilicet 1. ratio Sacramenti. 2. ratio Sacrificii, & 3. ratio Missæ. Ratio Sacramenti consistit in eo, quod Eucharistia sit signum sensibile Corporis & Sanguinis Christi realiter contenti sub speciebus consecratis. Ratio Sacrificii in eo sita est, quod Christus in Missa modo incruento immoletur, Patrique suo Cœlesti offeratur. 3. Ratio tandem Missæ completur tum consecrationem Eucharistiæ, seu consecrationem, tum reliqua omnia, sive antecedentia, sive consequentia; ac pro inde consistit in collectione eorum omnium, quæ à principio ipsius, usque ad finem peraguntur, etsi alia (substantialia scilicet) à Christo; alia verò accidentalialia (ut puta certæ ceremoniæ, orationes & collectæ &c.) ab Ecclesia sint instituta. Vid. Reinfestuel. proxime cit. n. 16.

157 Colliges tertio, reliquas actiones, excepta consecratione, non esse essentielles, tametsi plures concurrere debeant ad integritatem Missæ, scilicet 1. oblatio panis & vini, quæ sit sub offertorio. 2. oblatio Corporis Christi post consecrationem, quando Sacerdos dicit: *unde & memores Domine* &c. 3. Fractio specierum, earumque mixtio in calice. 4. sumptio, & 5. non raro etiam distributio respectu aliorum sacro interessentium. Ratio autem facile colligitur ex dictis num. 138. quia scilicet omnes actiones mox enumeratæ non sunt immutativæ hostiæ, sed sola consecratio. Unde Christus D. etsi consecrerit sacrificium in ultima Cœna, non tamen usus fuit omnibus illis actionibus, sicut nec legitur elevasse

vasse Corpus & Sanguinem consecratum, ut nos defacto assuevimus facere in sacrificio. Fatendum tamen est, Sacerdotem graviter peccatum, qui huiusmodi actiones sine causa gravi omitteret; quia cum ab Ecclesia sint præscriptæ, tum ad repræsentanda mysteria dominicæ passionis, tum etiam ad sacrificium debita cum reverentia celebrandum, hinc sine gravi irreverentia omitti non possunt, saltem per se loquendo. Vide Henno *disp.* 11. q. 3. la Croix *l.* 6. p. 2. n. 12. & *seqq.*

158 Colliges quartò, hostiam principale huius sacrificii esse Corpus, & Sanguinem Christi, seu ipsum Christum, ut existentem sub speciebus panis & vini vi consecrationis. Ita Concilium Trident. *ss.* 23. *can.* 2. ubi definit, Christum per hæc verba: *hoc facite in meam commemorationem* &c. instituisse Apostolos Sacerdotes, & ordinasse, ut ipsi, aliique Sacerdotes offerrent Corpus & Sanguinem suum; oppositumque asferentes anathemate ferit. Et ratio est clara: quia defacto idem offerimus in sacrificio, etsi modo incruento, quod Christus Dominus obtulit pro nobis in cruce: at, in cruce obtulit semetipsum Patri: ergo idem nec dici debet hostia nostri sacrificii, non quidem secundum se præcisè spectatus, (sic enim defacto non esset sensibilis hostia) sed ut positus sub speciebus vi consecrationis.

159 Dixi: *hostia principalis* &c. fatendum quippe est, etiam substantiam panis ac vini, utpote destruendam vi consecrationis, esse hostiam minùs principalem. Ratio est: quia etiam ipsa substantia panis & vini immutantur reali destructione, facta à legitimo ministro, in honorem Dei, & protestationem supremi ejus dominii, etsi non tam eorum destructione intendamus honorare Deum, quàm novæ, & sanctioris hostiæ productione: ergo rectè dici possunt res oblata per modum hostiæ saltem minùs principalis in eodem sacrificio.

160 Colliges quintò, per se loquendo semper esse illicitum, & graviter peccaminosum, unam duntaxat speciem consecrare, utputa solum panem, aut solum vinum. Ratio est, quia præceptum divinum est saltem virtualiter negativum, ut scilicet nunquam

Elbel Theol. P. I.

fiat sacrificium in una specie tantum, ait Suarez in 3. p. tom. 3. *disp.* 43. *sect.* 4. & Reginaldus *l.* 29. n. 15. Unde nunquam liceret, nequidem ad communicandum moribundum unam solam speciem, panis scilicet, consecrare; etsi subinde possit contingere, ut una tantum consecreretur sine peccato, utputa in casu, quo inchoato jam sacrificio, & consecrata una specie, primum advertitur defectus, quòd scilicet altera ob defectum materiæ consecrari non valeat, veluti ex hæcenus dictis facile colligetur. Vide etiam Clericatum de *Sacrificio Missæ decess.* 32. n. 30. & *seqq.*

161 Colliges sextò, sacrificium offerri posse pro quibusvis fidelibus non excommunicatis, utputa 1. pro infantibus. 2. pro Energumenis. 3. item pro existentibus in peccato mortali &c. Et licet peccatori non prosit quoad effectum satisfactorium, potest tamen eidem etiam prodesse, quatenus est propitiatorium, seu quatenus habet virtutem movendi Deum ad deponendam justissimam iram suam, & ad dandam gratiam reconciliationis. Item potest sacrificium peccatori prodesse, quatenus est impetratorium diversorum beneficiorum, & gratiarum actualium, in ordine ad veram penitentiam agendam, & ad respiciendum efficaciter. Ita communiter DD. Babenstuber *tr.* 8. p. 4. d. 3. a. 2. n. 6. Reinssuetel *ubi supra* *disp.* 5. n. 63.

162 Colliges septimò, graviter peccatum sacerdotem, qui aliquem fidelium à fructu generali sui sacrificii vellet excludere. Ratio est: quia licet ex præcepto charitatis non teneamur pro singulis orare, eos tamen à communibus orationibus licet non possumus excludere vel sine scandalo gravi, si publice fiat, vel saltem sine odio formali aut virtuali, etsi private tantum fieret. Adde, quòd talis sacerdos ageret contra institutionem, & intentionem Ecclesiæ, cujus est Minister, & Legatus, utl notat S. Thomas 2.2. q. 25. d. 8. ad 9. quem refert, & sequitur Babenstuber *mox cit.* n. 4.

163 Colliges tandem octavò, etiam illum graviter peccatum qui offerret sacrificium Missæ pro aliquo damnato. Ratio est: quia talis excederet terminos sui officii,

H age-

ageretque nedum contra institutionem Christi, sed etiam contra gravem prohibitionem Ecclesiæ. c. *pro obeuntibus* 13. q. 2. Idemque censent Dicastillo & la Croix cit. n. 37. si offeratur pro infante defuncto sine baptisma, quippe qui nec est, nec amplius esse potest membrum Christi. Rectè tamen Reinssius *tr. 14. dist. 5. n. 61.* advertit, hoc esse intelligendum de casu, quo moraliter evidens est, aliquem decessisse in peccato mortali, utputa dum quis se ipsum ex desperatione suspendit, præcipitavit ab alto, vel alio modo occidit. *arg. c. placuit. 23. q. 5.* Nam secus est dicendum, si de hoc sit dubium; quia tunc oportet meliora de proximo sperare.

CONFERENTIA

DECIMASEPTIMA.

De Valore Sacrificii, ejusdemque fructibus, & applicatione.

SUMMARIUM.

- 164 *Valor Sacrificii quid sit, & quid fructus illius.*
- 165 *Fructus sacrificii tripliciter dividuntur, & quidem 1. ex parte causalitatis in fructum ex opere operato, & ex opere operantis.*
- 166 *Ex parte rei dividitur in meritum, satisfactorium, & impetratorium, qui sub se etiam comprehendit propitiatorium, & expiatorium.*
- 167 *Ex parte participantium dividitur in generalem, specialem, & specialissimam.*
- 168 *Valor sacrificii est infinitus extensivè, saltem in actu primo; & quoad sufficientiam, est in actu secundo modo finito tantum nobis applicetur.*
- 169 *Sacrificium Missæ ex opere operato est propitiatorium, sed mediata duntaxat; vi cuius.*
- 170 *Auxilia gratiæ in ordine ad poenitentiam & resurgendum probabilius conferuntur infallibiliter.*

- 171 *Et insuper ex opere operato satisfactorium, tam pro vivis, quam pro defunctis.*
- 172 *Sacrificium Missæ porro est ex opere operato impetratorium diversorum bonorum &c.*
- 173 *Quenam in hunc finem dispositio sit necessaria ex parte participantium.*
- 174 *Ex parte sacrificantis necessaria est intentio applicandi fructum ministerialem illi, pro quo sacrificat.*
- 175 *Sufficit tamen intentio habitualis;*
- 176 *Immo ad hoc ut fructus generalis Ecclesiæ, & specialissimus sacerdoti, vel etiam specialis assistentibus adveniat, nulla applicatione specialis opus est.*
- 177 *Intentio applicandi fructum ministerialem à sacerdote fieri debet ante sacrificium, vel saltem ante consecrationem.*
- 178 *Resolvitur Casus I. de quodam Religioso, qui in Altari S. Antonii Missam celebravit ad intentionem sui Superioris, ignorans, quid interea idem Superior suam intentionem mutaverit.*
- 179 *Et quid, si idem Religiosus celebrando voluisset legere ad intentionem illam, ad quam à suo Superiore hinc & nunc, durante scilicet sacrificio positus erat?*
- 180 *Religiosus subditus contra voluntatem sui Superioris validè applicat sacrificium, etsi illicite.*
- 181 *Resolvitur Casus II. cujusdam sacerdoti, qui ex sinistra persuasione decem sacra petita pro defuncto, applicavit pro defuncta.*
- 182 *Et quid, si talis sacerdos primò noluisse legere ad intentionem posulantis, postea tamen contra, vel præter intentionem illius sacra legisset.*
- 183 *Resolvitur Casus III. de alio quodam Religioso, qui semel jussus legere in altari sancti Joannis Nepomuceni in gratiarum actionem, fructus sui sacrificii divisi &c.*
- 184 *Quod quidem non bene factum, si Missam celebrare debuit titulo justitiæ.*

- 185 Rursus alia vice iussus legere pro defunctis, intentionem applicandi fecit primum post consecrationem, & ideo non satisfecit sue obligationi.
- 186 Satisfecisset tamen, si ante consecrationem habuisset intentionem saltem implicitam legendi pro defunctis.
- 187 Sacrificium quia tale non est immediate collatum gratia sanctificationis.
- 188 Casu quo Sacerdos nullam prorsus facit intentionem applicandi, fructus ministerialis cadit in thesaurum Ecclesie;
- 189 Hoc tamen defectu applicationis videtur raro contingere.
- 190 Applicatio sub conditione de futuro contingenti est nulla.
- 191 Applicatio verò hoc modo facta, ut sacrificium prosit illi, quem Deus videt primo daturum stipendium, etsi valida, meritò tamen reprobat à DD.
- 192 Ut fructus tui sacrificii alienus v. g. Petro obtingat, satis est, te semel habuisse intentionem hoc sacrificium offerendi pro Petro, eandemque nunquam revocasse.
- 193 Unde non est necessum, ut in tuo sacrificio de illo cogites, multò minùs ut illum explicitè nomines.
- 194 An, vel quando expediat, ut Sacerdos celebrans primariè suæ intentioni adjungat aliam quasi sub conditione.

§ 1.

Præmittuntur, & breviter resolvuntur quæstia, scitu necessaria ad debitè resolvendos Casus de fructibus, & applicatione fructuum sacrificii.

Quæres primò, quid sit valor? & quid fructus sacrificii?

164 R. 1. Valor sacrificii est moralis dignitas & æstimabilitas, vel potius efficacia illa, quam sacrificium habet ex dignitate tum offerentis, tum etiam ipsius rei oblatæ in ordine ad conferenda bona aliqua offerenti, & iis, pro quibus offertur. 2. Fructus autem sacrificii sunt illa ipsa bona, quæ

sacrificium oblatum, vel potius ipse Deus confert intuitu sacrificii oblatis. Ex quibus patet, valorem à fructu sacrificii differre veluti causam à suo effectu. Vide Sporer à num. 222.

Quæres secundò, quotuplex sit fructus sacrificii?

165 R. Est multiplex: Majoris tamen claritatis gratia haud incongruè dividitur ex triplici capite. 1. *Ex parte causalitatis*. 2. *Ex parte rei*, & 3. *ex parte participantium*. Explico brevissimè. Primò itaque ex parte causalitatis dividitur in fructum *ex opere operato*, & *ex opere operantis*. Fructus ex opere operato est ille, quem sacrificium confert, quatenus est opus operatum, & institutum à Christo, quemque confert intuitu meritum, & satisfactionis Christi, in cuius persona offertur. Fructus verò ex opere operantis appellatur ille, quem sacrificium confert intuitu meriti & devotionis repetæ in illo, qui offert sacrificium, scilicet in sacerdote. Et quoniam non omnes sacerdotes sunt æqualis meriti & sanctitatis apud Deum; hinc fit, ut sacrificium Missæ ex opere operantis sit tantò majoris valoris apud Deum, quantò dignior & sanctior est persona sacerdotis offerentis, ut proin non omnia sacrificia sint æqualia quoad valorem & fructum *ex opere operantis*, licet omnia sint æqualia quantum ad valorem & fructum *ex opere operato*, veluti post S. Thomam & Bonaventuram alii DD. communissimè tradunt.

166 Secundò. Fructus ex parte rei dividitur in *meritorium*, *satisfactorium*, & *impetratorium*. Meritorium est augmentum gratiæ & gloriæ, correspondens merito offerentis. Satisfactorius est remissio peccatorum temporalis, quæ pro peccatis jam remissis est debita. Impetratorium est impetratio beneficiorum tum spiritualium, tum etiam temporalium, quæ intuitu sacrificii secundariò, & in quantum conducunt ad salutem animarum, conferuntur. Quocirca tamen advertendum, quòd fructus meritorium sit totus ex opere operantis: contra fructus impetratorius & satisfactorius tam ex opere operato, quam ex opere operantis esse possunt. Insuper advertendum, quòd fructus impetratorius sub se comprehendat *propitiatorium*, & *expiatorium*;

sortum; quo nomine remissio peccatorum intelligitur, veluti constabit ampliùs ex proximè dicendis.

167 Tertiò. Fructus ex pàrte participantium rursus est triplex, scilicet 1. *Generalis*, qui obtingit toti Ecclesiæ. 2. *Specialis*, quem illi participant, qui sacrificio Missæ assistunt, vel ad illud specialiter concurrunt, ut puta ministrando paramenta, luminaria præbendo &c. Item fructum specialem nonnulli appellant illum, qui participatur ab eo, pro quo sacrificium offertur. Scotus tamen, & alii multi hunc fructum vocant *medium* (scilicet inter generalem & specialissimum) ab aliis verò, præsertim Recentioribus appellatur *ministerialis*: eò quod à solo sacerdote, & hujus ministerio conferri possit. Denique *specialissimus* meritò dicitur ille, qui soli sacerdoti est proprius. Ratio autem hujus divisionis inde desumitur; quia hoc sacrificium debet prodesse tum iis, qui offerunt, tum aliis etiam, pro quibus offertur: atqui sacerdos est (post Christum) offerens principalis: ergo debet pro se participare fructum specialissimum: & quoniam non præcisè suo nomine illud offert, velut persona privata, sed potiùs velut Minister publicus nomine totius Ecclesiæ; hinc etiam toti Ecclesiæ debet correspondere fructus generalis. Denique quia illud regulariter loquendo semper solemus applicare pro aliquo vel aliquibus in particulari, idcirco etiam his debet obtingere fructus, quem alii *medium*, alii *ministerialem* appellant, ut visum est. Videatur Sporer n. 243. vel Bannstuber tr. 8. p. 4. d. 4. a. 2.

Quæres tertio, sitne valor sacrificii Missæ finitus, vel verò infinitus?

168 R. 1. Valor in quantum provenit ex opere operantis, id est, ipsius sacerdotis, vel Ecclesiæ, vel aliorum assistentium seu etiam cooperantium, est duntaxat finitus & limitatus; quia horum omnium sanctitas & dignitas tantùm est finita & limitata. At verò 2. Valor ex opere operato est infinitus extensivè, scilicet in actu primo, & quoad sufficientiam; quia in eo offertur Christus, qui fuit infinitæ dignitatis, repræsentaturque passio & merita Christi, quæ pro infinitis hominum peccatis delendis erant abundanter sufficientia. Nihilominus

3. idem valor sacrificii in actu secundo, seu quoad actuaalem applicationem fructuum est duntaxat finitus, & limitatus. Ratio hujus est: quia talis fuit dispositio divinæ sapientię, qua Christus, utpote desiderans hoc sacrificium sæpiùs offerri à suis Ministris, voluit, ut sua merita & satisfactiones infinitæ huic sacrificio incruento annexæ, non nisi modo finito & limitato nobis obtingerent, veluti ex mente D. Bonaventuræ & Scoti docet Mastrius *Theolog. moralis disp. 19. à n. 35*. S. Thomas, Bellarminus, Reginaldus, Layman & alii, quos refert & sequitur Clericatus *de sacrificio Missæ decr. 33. nu. 36*. Et licet fructus per respectum ad offerentes sive primarios, ut Sacerdotes, sive secundarios: ut assistentes possit dici syncategorematicè infinitus, id est, major semper & tanto major, quanto plures fuerint offerentes, quia hic fructus specialis proportionatur offerentium concursui, & per consequens sicut multiplicato concursu offerentium seu assistentium multiplicatur oblatio, ita & fructus iste; nihilominus fructus mediùs seu ministerialis per respectum ad eos, pro quibus offertur, nec categorematicè nec syncategorematicè est infinitus, sed simpliciter finitus & determinatus, ita, ut tantò magis minuatur in singulis, quantò sunt plures, pro quibus offertur, idque ob voluntatem Christi, de qua nobis per praxin Ecclesiæ satis constat. Scot. *quodl. 20. n. 20*. Durandus, Bellarminus, Bonacin. Suarez, Lugo, Herincx *disp. 8. nu. 88*. Henno *disp. 11. q. 7. concl. 1. & 2*.

Quæres quarto, quomodo sacrificium Missæ sit propitiatorium, seu quomodo conferat ad delenda peccata?

169 R. 1. Est propitiatorium ex opere operato, seu confert ad remissionem peccatorum tum mortalium, tum etiam venialium, sed 2. mediâtè tantùm, quatenus scilicet Deus hujusmodi iustitiis, pro quibus offertur, clementissimè inspicitur auxilia gratiæ; mediantibus quibus peccata sua efficaciter retrahantur, & amissam gratiam recuperare valeant. Ratiō prioris desumitur ex communi sensu Patrum, item ex variis liturgiis, nec non ex Concilio Trident. *sess. 22. de sacrific. Miss. c. 2* ubi ait: *hujus quippe oblatione placatur Dominus; gratiam*

tiā & donum pœnitentiæ concedens, criminā, & peccata etiā ingentia dimittit. Ratio autem posterior inde colligitur: quia si sacrificium Missæ immediatè deleteret mortalia, tunc ad justificationem obtinendam sufficeret attritio cum sacrificio: deinde attritus, pro quo celebraretur Missa, aut ipse etiā Sacerdos per consecrationem solam justificaretur: utrumque autem est contra sanā Theologiam, & contra communem persuasionem: ergo &c.

At nunquid hæc auxilia gratiæ in ordine ad pœnitendum &c. intuitu sacrificii à Deo nobis infallibiliter conferuntur?

170 R. Probabilius conferuntur infallibiliter. Ita Herinex *cit. n. 67. Sporer n. 241.* contra Suarezium & nonnullos alios. Ratio est: quia Christus huic Sacrificio absolute tribuit virtutem remissivā peccatorum, veluti satis clarè innuit Tridentinum *loc. cit.* ubi ait: *docet Sacra Synodus, Sacrificium illud verè propitiatorium esse, per ipsumque fieri, ut — ad Deum accedamus, & gratiam inveniamus in auxilio oportuno*, &c. Unde quamvis experientia attestante non semper huius intuitu conferantur gratiæ efficaces, dicendum tamen est, quòd saltem conferantur novæ gratiæ prævenientes, & sufficienter excitantes &c. Quòd autem eadem gratiæ non semper sentiantur, procul dubio contingit vel ideo, quia dantur tempore Deo placito, proptereaque vocantur à Tridentino *l. cit. auxilium oportuno*; vel etiā ideo, quia peccator illis ponit obicem.

Quæres quintò, quomodo Sacrificium Missæ sit satisfactorium?

171 R. Est pariter ex opere operato satisfactorium, tam pro vivis, quàm pro defunctis in purgatorio existentibus, in quantum virtute ipsius aliqua pœna, peccatis quoad culpam jam deletis correspondens, remittitur illis, pro quibus hoc Sacrificium applicatur. Id, quod clarè docet Tridentinum *loc. prox. cit.* inquires: *quare non solum pro delictum vrborum peccatis, pœnis, satisfactionibus, & aliis necessitatibus, sed & pro defunctis in Christo, nondum ad plenum purgatis, ritè juxta Apostolicam traditionem offertur.* Rursus ff. 25. in decreto de purgatorio docet, *animas in purgatorio detentas fide-*
Elbel Theol. P. I.

lium suffragiis, potissimum verò acceptabili altaris Sacrificio juvari. Porro hunc effectum infallibiliter conferri, modò is, pro quo Missa offertur, sit capax ejusdem, & indigeat aliqua satisfactione, constans est Doctorum opinio, Vide Reinssuessel *theol. mor. d. 5. n. 47.*

Quæres sextò, quo modo Sacrificium sit impetratorium?

172 R. Est impetratorium, in quantum habet vim impetrandi à Deo diversa bona tam spiritualia, tum etiā temporalia, quatenus hæc ad spiritualia conducunt. Ita omnes Catholici. Ratio desumitur rursus tam ex Tridentino mox relato, tum etiā ex perpetuo sensu & traditione Ecclesiæ, quæ in hunc finem assuevit sacrificium nunquam non offerre. Cæterum, quòd bona temporalia secundariò tantum, quatenus scilicet ad spiritualia conducunt, conferat, inde arguitur: quia effectus & tota vis sacrificii nostri incrementi innititur meritis sacrificii cruenti à Christo in cruce pro nobis oblato: atqui Christus in cruce nobis non promeruit bona temporalia, nisi quatenus ad salutem æternam conducunt; nam secundum se præcisè spectata, non sunt bona, quin potius sæpe sæpius nostræ salutis (quam Salvator noster unice intendit) nociva. Inde etiam oritur, quòd (teste experientia) hæc bona temporalia non semper & infallibiliter à Deo conferantur, etsi credibilissimum sit, nunquam offerri hoc sacrificium, quin Deus vel eadem, vel alia saltem bona temporalia nobis magis expedientia ad salutem, misericorditer concedat. Sed

Quæres septimò, qualis dispositio, vel conditiones ex parte nostra sint necessariæ ad hoc, ut præfata bona nobis vi sacrificii conferantur?

173 R. Breviter cum P. Kresslinger in addit. post num. 47. ad theol. mor. tr 14. dist. 3. P. Reinssuessel, requiri sequentes. Primò, ut celebrans intendat applicare, seu etiam impetrare hos effectus. Secundò. Ad participandum effectum propitiatorium non est necessarius status gratiæ ex parte illius, pro quo offertur; quia gratiæ prævenientes & excitantes dari solent etiam gravibus peccatoribus. Similiter terciò, ob eandem rationem non est necessarius status gratiæ

ad obtinendum fructum impetratorium, etsi procul dubio facilius exaudiantur à Deo illi, qui in statu amicitiae conversantur, propter eaque majores gratias impetrare possint intuitu hujus sacrificii. Quartò denique ad obtinendum fructum satisfactorium necessarius est status gratiae ex parte illius, pro quo offertur sacrificium; quia secundum dicta virtute hujus solùm remittuntur poenae pro peccatis quoad culpam jam condonatis debitae: ergo necessario praesupponi debet status gratiae, & condonatio culpae mortalium.

Quæres octavò, qualis intentio, seu applicatio ex parte Sacerdotis necessaria sit ad hoc, ut fructus sacrificii obveniat illi, qui Missam postulavit, aut pro se offerri curavit?

174 R. Non sufficit præcisè intentio sacrificandi, sed insuper necessaria est intentio applicandi fructum illum medium seu ministerialem illi, pro quo celebrat, etsi 2. hæc intentio non debeat necessario esse actualis, sed sufficiat etiam habitualis. Ita communissime DD. Sporer Reinfestuel, la Croix, Babenstuber ubi supra disp. 4. a. 4. n. 2. & 16. Clericatus deef. 36. n. Ratio prioris datur hæc: quia Sacerdos vi suæ ordinationis constitutus est Minister, & dispensator mysteriorum, ac donorum Dei, inque eadem ordinatione accepit potestatem offerendi sacrificium, & consequenter applicandi ejus fructum: ergo ut hic alicui obveniat, necessum est, ut Sacerdos velit hunc eidem applicare. Ratio verò posterioris hæc est: quia voluntas, quatenus applicativa fructus, non est simul causativa ejusdem: proin non est necessum, ut respectu hujus se activè habeat &c. sed sufficit, ut habeat se per modum donantis, ita scilicet, ut revera velit alteri jus quoddam morale advenire respectu hujus fructus: atqui ad validam donationem, & ad transferendum hoc jus sufficit voluntas habitualis, veluti constat ex contractu matrimonii, vel aliis donationibus: ergo etiam ad applicandum hunc fructum.

176 Dictum tamen fuit, necessariam esse hanc intentionem habitualement applicandi fructum medium seu ministerialem &c. Ad hoc enim, ut fructus generalis Ecclesiae proveniat, atque in fideles derivetur, non est

necessum, ut Sacerdos pro his specialiter intendat sacrificium suum applicare; nam hoc ipso, quòd sacrificet, operatur ut publicus Minister Ecclesiae, adeoque ex intentione Eiusdem: ergo cùm Ecclesia velit, ut fructus generalis redundet in omnes fideles, dicendum, quòd ad hoc non sit necessaria specialis intentio. Adde, quòd idem Minister ex præscripto Ecclesiae in Offertorio satis superque *hostiam immaculatam Deo Patri offerat tum pro se, tum pro circumstantibus, tum etiam pro omnibus fidelibus Christianis, vivis, atque defunctis*: ergo etiam ad participandum pro se fructum specialissimum non est opus alia intentione, vel applicatione singulari. Suarez, Conink, Oberascher, Babenstuber cit. n. 3. & 4.

177 At quo tempore, vel quando facienda est intentio illa applicandi fructum ministerialem.

R. Necesario facienda est applicatio vel ante, vel saltem in ipsa consecratione. Ita Laym. l. 5. tr. 5. c. 2. n. 12. Suarez disp. 57. sect. 5. §. Dices Herincx n. 83. Babenstuber, Castropalao, & alii communissime. Ratio est: quia fructus sacrificii jam dispensatur tunc, quando sacerdos in persona Christi substantialiter conficit & offert sacrificium: At, hoc facit in actuali consecratione secundum dicta superius n. 138. ergo tunc jam dispensatur fructus; consequenter necessum est, ut sacerdos seu Minister legitimus tunc habeat intentionem, cuiusnam potius hunc fructum applicatum velit. Scio equidem Clericatum deef. 36. n. 9. cum aliis nonnullis existimasse, quòd in Missis defunctorum sufficiat, intentionem applicandi fructum fieri post consecrationem, ad *Memento mortuorum*; verùm hæc opinio ob nimiam incertitudinem, immò probabilissimam falsitatem, & inde consequens certum periculum defraudandi fideles sacrificium postulantes, meritò pro praxi reprobatur à P. Herincx: & aliis DD. communiter; nam verissimè persequitur essentia intrinseca sacrificii in sola consecratione, qua peccata non apparet, cur effectus illius suspendatur usque ad *Memento mortuorum*, vel omnino usque ad summptionem. *Memento* etiam defunctorum solùm habet vim Orationis cuiusdam, quam ha-

habent etiam alie Orationes à sacerdote factæ pro se, aliisque fidelibus, tum ante, tum post summionem etiam, & tamen certum est, intentionem applicandi, primum post peractam summionem factam, non sufficere ad applicandum fructum ministerialem: ergo &c.

§. II.

Proponuntur, & breviter resolvuntur Casus practici, de modo applicandi fructus sacrificii.

CASUS PRIMUS.

Titius Religiosus in tabula missali (quam nos appellamus illam, in qua designatur ordo, & intentio sacrorum à singulis celebrandorum) positus fuit, ut altera die Missam diceret ad intentionem in altari sancti Antonii: interea tamen ad instantiam alterius petentis sacrum, ab eodem superiore intentio mutata, & Titius positus fuit, pro defuncto in altari privilegiato, quale non erat illud sancti Antonii. Altera die bonus Titius huius mutationis prorsus ignarus optima fide processit ad Altare sancti Antonii, ibique celebravit ad intentionem sui Superioris?

Queritur jam, quid de tali applicatione censendum, aut cuiusnam ex petentibus satisfactum fuisse, præsumendum sit?

178 R. Haudquaquam dubitandum videtur, quin fuerit satisfactum intentioni illius, qui sacrum pro se in Altari sancti Antonii legendum postulaverat, ideoque non hæc, sed alia illa Missa in Altari privilegiato pro defuncto fuit supplenda. Ratio huius responsionis est: quia Missa (saltem per se loquendo) prodest illi, pro quo à sacerdote, cen Ministro legitime offerretur: at, Titius voluit suum sacrificium offerre pro eo, qui sacrum postulaverat in Altari sancti Antonii: in hunc enim finem fieri à Superiore suo se positum vidit, & etiamnum dum celebravit, positum se existimavit: in hunc finem Altare sancti Antonii accessit celebraturus: nec dubitandum, quin interrogatus, cur hoc Altare accedat, mox respondisset: ideo, quia vidit me positum ut in hoc Altari legam, &

legendo satisficiam piæ intentioni illius, qui in hoc Altari sacrum pro se fieri postulavit: ergo huic satisfactum fuisse, omnino præsumere licet. Neque obstat, quod Superior interea intentionem mutasse supponatur; non enim est verosimile, quod voluerit ita mutare, & revocare intentionem hesternam, ut si Titius hodie etiam bona fide in Altari sancti Antonii ad intentionem heri designatam celebraret, hanc applicationem voluerit esse nullam; quin potius præsumendum, quod voluerit (saltem habitualiter) eam prodesse illi, cui hesternam die illud destinaverat, sicut & Titius hanc voluntatem habitualiter saltem habuit: atqui voluntas habitualis sufficit ad validam applicationem: ergo &c.

Dices: quid si autem Titius in præfato Altari sancti Antonii celebrando intendisset suum sacrificium offerre ad eam intentionem, ad quam defuncto, durante scilicet sacrificio positus erat à Superiore?

179 R. Ex hac suppositione fructus procul dubio obvenisset defuncto. Ratio est clara: quia supponitur voluisse celebrare ad eam intentionem, ad quam hic & nunc erat positus; atqui erat positus pro defuncto: ergo huic profuisset sacrificium. Nec obstat, quod Superior voluerit hanc Missam legi in Altari privilegiato; nam hæc intentio Superioris erat saltem virtualiter duplex, scilicet 1. ut Titius legeret pro defuncto. 2. ut legeret in Altari privilegiato: ergo licet Titius in Altari S. Antonii, utpote non privilegiato, non satisfecerit huic posteriori intentioni Superioris, satisfecit tamen priori. Cæterum an in hoc casu intentioni illius, qui Missam postulavit in Altari privilegiato, jam sit satisfactum vel quidnam insuper agendum, commodius dicemus conferentia proximè subsequutura n. 220.

Dices adhuc. At quid, si Subditus Religiosus scienter & ex proposito sacrificium suum applicet contra voluntatem sui Superioris ad alium finem v.g. pro felici partu &c. cuiusnam intentio in hoc casu prævalebit, an Superioris, an verò Titii subditi?

180 R. Prævalebit intentio subditi celebrantis. Ita contra paucos alios hodie communissimè tenent DD. Babenstuber, La Croix, Gobat, Layman ubi supra tr. 5. c. 2.

n. 11. Herinex cit. n. 80. Reinsestuel dist. 5. n. 72. Clericatus decif. 36. n. 2. Mastrius Theol. mor. disp. 19. n. 71. Ratio est: quia applicatio Missæ est actus potestatis Ordinis: Atqui hæc non dependet ex potestate Superioris Regularis: ergo. Esto proin talis subditus peccet, agendo contra obedientiam suo Prælato debitam, ejus tamen applicatio irritari nequit per Superiorem, quemadmodum is nec potest irritare intentionem consecrandi, vel alia Sacramenta, è potestate Ordinis præcisè dependentia, consociendi.

CASUS SECUNDUS.

Sempronius scripto petit à quodam sacerdote pro Ordinario stipendio decem sacra, legenda pro defuncto, cui, ut sacerdos satisfaceret, optima fide legit decem sacra, sed pro defuncto, & quidem de Requiem, cum Ordinaria illa collecta: quæsumus Domine, pro tua pietate miserere famulæ tuæ &c. quibus persolutis scripsit Sempronius, se jam legisse decem sacra pro defuncto, proptereaquæ expectare promissum stipendium; cui illico respondit Sempronius, se nunquam postulasse sacra pro defuncto, sed pro defuncto legenda, ideoque nunquam redditurum stipendium: nisi alia decem legeret pro defuncto. Superfactus desuper sacerdos inspicit denuo litteras à Sempronio nuper obtentas, moxque reperit, sacra illa revera postulata fuisse pro defuncto. Dubitat proin ipsemet, an pro jam persolutis justè possit prætereendere stipendium, an verò teneatur alia decem legere? Quid respondendum?

181. R. Potest sacerdos justè prætereendere stipendium pro decem sacris jam persolutis, & Sempronius tenetur hoc solvere in conscientia. Ratio est: quia sacerdos legendo illa decem sacra voluit satisfacere intentioni petentis: Atqui ad validam applicationem sufficit voluntas satisfaciendi intentioni petentis; ob hanc enim rationem DD. communissimè tenent, Religiosum subditum satisfacere applicando suum sacrificium ad intentionem petentis, vel (quod idem est) applicando ad intentionem sui Superioris, etsi ignoret, quænam sit illa intentio: immodò verò etsi sinistrè sibi per-

suaserit, Superiorem habuisse hanc intentionem v.g. pro defuncto, quàm revera non habuit: ergo minimè dubitandum, quin hæc sacra re ipsa obvenerint defuncto; quod quidem à pari facillè suaderi posse videtur: nam si Sponsus habeat hanc mentem: *Contraho cum hac persona, quam puro esse Titiam, vel divitem, vel nobilem &c.* etsi revera talis non sit, nihilominus matrimonium valet; quia intervenit consensus in substantiam personæ, & error solidum versatur circa qualitatem non redundantem in substantiam: ergo similiter quando sacerdos facit hanc intentionem: *Applico hoc meum sacrificium pro anima defunctæ* (præsertim si addat: *juxta intentionem petentis*) error iste merè accidentaliter censeri debet; nam mens sacerdotis regulariter loquendo fertur in animam, quatenus supponitur indiga suffragiorum, non autem, quatenus anima est defunctæ, seu personæ alterius sexus: ergo applicatio & fructus sacrificii indubitanter cessit ad salutem animæ illius defuncti, pro quo Sempronius postulavit decem sacra fieri.

Dices adhuc: At quid, si ego Sempronius ad primas suas litteras illicò rescripsissem, me non velle, aut non posse legere illa decem sacra, postea tamen mutando mentem meam, ignorante etiam Sempronio, legissem illa decem sacra pro defuncto, an mea hæc sacra profuissent illi animæ? aut possemus propterea prætereendere stipendium?

182. R. Ne dubites, quin hæc tua sacra profuissent defuncto: quia sacrificium prodest illi (saltem per se loquendo) cui applicatur: At, tu dicis, aut supponis te applicare pro defuncto: ergo &c. Unde nihil refert, quod Sempronius, utpote ignarus tuæ mentis eadem sacra non applicarit; non enim illius, sed tuum est, applicare fructum tui sacrificii. Certum nihilominus est, Sempronium nihil tibi debere ex contractu, quippe quem reculas, & illo inscio tu solus renovare non valuisti: nisi ex post facto factum tuum ratificasset, tanquam rem sibi utiliter gestam. Ita Pelizarius Man. Regular. tr. 5. c. 9. sect. 3. nu. 59. eumque secutus Sporer Theolog. Sacram. p. 2. c. 4. n. 286.

CASUS TERTIUS.

Cajus Religiosus à suo Superiore iussus fuit legere sacrum in Altari S. Joannis Nepomuceni in gratiarum actionem; quod & fecit, ita tamen, ut fructum impetratorum sibi, satisfactorium verò suis parentibus defunctis voluerit applicatum. Rursus alia vice iussus legere sacrum pro defunctis, intentionem applicandi fructum primum fecit post elevationem, ad Memento scilicet mortuorum. Jam queritur, an bene?

183 R. Ad primum. Si Missa illa ad intentionem Superioris fuit legenda iustitiæ, utpote conductæ stipendio, Cajus non bene fecit separando fructus. Ratio est: quia offerentes stipendium sine dubio omnem effectum impetratorum, & satisfactorium ex opere operato, vel saltem ordinarium ex opere operantis provenientem, sibi, aut illis, pro quibus conducunt, volunt applicari, etsi de hoc nullam faciant mentionem, dum stipendium expendunt: profecto interrogati de hoc, an scilicet desiderent? Illico responderent quoddam sic, oppositumque fieri, ægerime ferrent: Atqui nedom fructus satisfactorius, sed etiam impetratorum applicari potest & vivis, & defunctis, uti bene explicant Gobat, Sporer, & alii DD. ergo in Missis titulo iustitiæ debitis, seu stipendio conductis totus fructus, quantum potest, applicari debet postulanti.

184 Dixi tamen: Si Missa fuit legenda titulo iustitiæ. Secus enim resolvendum esset, ubi Missa fuisset solum debita titulo Religionis, aut meræ fidelitatis, seu gratuitæ promissionis &c. Unde, si voto te obligasti, quod velis litare Deo in honorem v. g. Sanctæ Apolloniæ, cuius patrocinio à dentium dolore liberatum te sentis, nihil prorsus obstat, quod minus idem tuum sacrificium offerre valeas v. g. pro defunctis tuis Parentibus quoad fructum satisfactorium &c. Item quando duobus seorsum sacrum liberaliter promissisti, poteris utrique satisfacere uno sacro, saltem si finis, ob quem promissisti uni, differat à fine, propter quem alteri; ut si v. g. uni

ad obtinendum aliquod beneficium, alteri verò promissisti in gratiarum actionem pro jam obtento, aut pro salute uxoris defunctæ &c. poteris enim in hoc casu separare fructum impetratorum, Eucharisticum, & satisfactorium. Ratio est: quia liberalis promissio est ita interpretanda, ut sit promitteanti quàm minimè onerosa. I. quidquid adstringenda. ff. de Verb. oblig. Quocirca tamen caveas velim, ne alicui alteri, habenti plura sacrificia onerosa, titulo scilicet foundationis vel iustitiæ legenda, tu liberaliter promittas tot vel tot in te suscipere, & postea ea legendo fructus modo jam præfatto dividas: quia hoc modo fraudaretur is, cui sacra illa debentur. Immo verò, hoc ipso, quod liberaliter hujuscemodi sacrificia in te susceperis, onus iustitiæ in te transulisse convinceris, cui proin non satisfaceres dividendo fructus, veluti jam constare potest ex dictis. Videatur de hoc Tamburinus l. 3. c. 1. §. 3. num. 47. Menochius de præsumpt. l. 6. præsumpt. 9. Gobat. tr. 3. n. 154. & seqq.

185 R. Jam ad secundum. Cajus neque in secundo casu satisfecit suæ obligationi, si ante actualem consecrationem supponatur nullam prorsus, ne quidam implicitam intentionem applicandi habuisse, simulque Sacrificium titulo iustitiæ offerendum fuit: unde in tali suppositione Cajus teneat pro defunctis. Ratio est: quia obligationi certæ non satisfecit per solutionem dubiam: neque probabile est, quoddam incerta applicatio Missæ extinguat obligationem certam: atqui applicatio primum facta post consecrationem est nimis incerta, & probabilis. Simèonino nulla, secundum dicta superius n. 177. simulque obligatio applicandi ex parte Caji supponitur fuisse certa, utpote contracta titulo iustitiæ: ergo per hanc suam solutionem dubiam, & satis incertam applicationem fructus non liberatur ab onere aliud sacrificium offerendi. Videatur Pasqualigo q. 184. la Croix l. 6. p. 2. n. 218.

186 Dixi rursus: Si Cajus ante actualem consecrationem supponatur nullam prorsus intentionem habuisse &c. Etenim si accessit ad Altare cum intentione celebrandi, suæque obedientiæ, vel voluntati sui Superioris satis.

facisfaciendi (& quot erunt Religiosi, qui hoc non intendunt, saltem in actu exercito, dum se ad Altare accingunt ?) eo ipso habuisset intentionem implicitam applicandi suum sacrificium pro defunctis, ut facile patebit consideranti : atqui ad validam applicationem sufficit hæc intentio implicita, uti rectè docent Gavane, Diana, Gobat n. 162. la Croix n. 205. alique communiter. Quin immò Laymin ubi supra c. 2. n. 13. la Croix n. 206. & alii plures existimant, sufficere intentionem interpretativam, id est, talem, ad quam velles sacrificare, si de intentione facienda cogitares. Atque ob hanc causam firmiter mihi persuasum teneo, admodum raro vel omnino nunquam contingere, ut Religiosus subditus defectu sufficientis intentionis non facisfaciat suæ obligationi.

§. III.

Corollaria ex dictis inferenda.

187 **C**olliges ex dictis primò, Sacrificium Missæ qua tale, non conferre immediatè augmentum gratiæ ex opere operato; quia de tali collatione vel efficacia immediatè conferendi gratiam nihil nobis constat, neque ex revelatione, neque etiam ex traditione, vel aliunde: immò potiùs de opposito, nemo enim recipit augmentum gratiæ habitualis absque proprio merito, vel susceptione Sacramenti. Et certè ex hoc sequeretur, quòd dives justus etiam dormiens, aut de sua salute nihil cogitans, eò magis iustificaretur, quo plura pro se offerri curaret, vel etiam ipso omnino ignorante ab alio offerrentur sacrificia; quod tamen à communì doctrina Theologorum omnino alienum est: etsi negare non possumus, quin sacrificium Missæ mediatè conferat ad gratiæ augmentum, in quantum Deus hujus intuitu illi, pro quo offertur, confert gratias actuales, quibus ad majus meritum excitetur. Inimò verò Sacerdos celebrans, & ritè dispositus, immediatè acquirit augmentum gratiæ quatenus hostiam immolatam ceu verum Sacramentum suscipit. Herincx disp. 8. n. 68.

188 Colliges secundò, casu quo Sacerdos nullam prorsus haberet intentionem, applicandi fructum sacrificii vel pro se, vel pro alio, fructum medium seu ministerialem ita remansurum in thesauro Ecclesiæ, ut ne quidem ipsi Sacerdoti sacrificanti ohveniret. Ita communiter DD. Ratio hujus est: quia Christus ita tradidit Sacerdoti potestatem offerendi sacrificium, ut ejus fructum nemo consequatur, nisi dependenter à voluntate ipsius: atqui in posito casu deesset voluntas Sacerdotis in ordine ad applicandum fructum ministerialem: ergo hic totus cedit in Theaurum Ecclesiæ.

189 Dictum fuit rursus: casu quo nullam prorsus haberet intentionem &c. quia, ut advertunt Lugo disp. 19. Sect. 10. & Babenstuber d. 4. a. 4. n. 12. Semper videtur habere intentionem generalem, ut prosit, quantum potest, sacrificium ipsi, & aliis omnibus; hanc quippe intentionem satis explicant illa verba: *offero tibi pro innumerabilibus peccatis meis &c. & pro omnibus fidelibus Christianis, vivis, atque defunctis, ut mihi & illis proficiat ad salutem &c.* Ex quo colligitur, Sacerdotem velle, ut, dum Sacrificii fructum specialiter non applicat, is accrescat omnibus, pro quibus offert: itaque credibile est (inquit Babenstuber l. c.) fructum Sacrificii semper obtinere vel ipsimet Sacerdoti, vel aliis; adeoque non remanere in Thesauro Ecclesiæ.

190 Colliges tertio, non posse validè applicari fructum Sacrificii sub conditione contingenti de futuro, vi cujus ad libitum Sacrificii fructus ille quodammodo suspenderetur in futurum. Ita communissimè DD. Gavane, Tamburinus, Lym. l. 5. tr. 5. c. 2. n. 14. Sporer cit. n. 281. Babenstuber n. 13. Ratio est hæc: quia Sacerdos habet potestatem applicandi fructum Sacrificii tunc solum, quando sacrificat, dum scilicet agit ut Minister Christi, in cujus persona fructum applicat: at, si sub conditione de futuro contingenti applicet, revera non applicatum vult pro tunc, quando sacrificat: & certè ex hoc sequeretur, posse Sacerdotem sibi, vel alteri in peccato mortali existenti applicare fructum sub conditione de futuro, si a pre-

cato fuerit iustificatus &c. quod tamen falsum est: dicendum proin, quod, quemadmodum in potestate ipsius non est, suspendere effectum Sacramenti in futurum, ita nec suspendere effectum Sacrificii. Ex quo rectè infert Herinex noster ubi suprà *disp. 8. n. 84.* reprobendam esse praxin illorum, qui, cum non habeant stipendium pro Sacro faciendo, celebrant sine applicatione, applicaturi ei, qui dato stipendio primò Sacrum ad suam intentionem fieri postulabit.

191 Colliges quartò, etiam illorum praxin esse reprobendam, qui dum non habent Missas pro stipendio legendas, quasi per modum anticipatæ solutionis applicant suum Sacrificium in hunc modum: *volo ut fructus Sacrificii mei illi obveniat, quem Deus scit proximè à me postulaturum, aut mihi daturum stipendium, vel ex hac vita discessurum &c. &c.* Tametsi enim talis applicatio probabiliter valeat, quippe absolutè & independentè à conditione de futuro facta (Deus enim jam actù & de præsentì infallibiliter scit, quisnam proximè sit daturus stipendium &c.) nihilominus in tali applicatione semper occurrit periculum, ne intentioni postea petentis Missam & stipendium præbentis nunquam satisfiat; vel quia pro hic & nunc non habet debitum pœnæ solvendæ; vel quia est incapax fructus satisfactorii, utpote constitutus in statu disgratiæ; vel quia adhuc vivit ille, pro quo postea defuncto petetur Sacrum. Idcirco hæc praxis tanquam periculosa, scandalosa, & contraria vetustissimo Ecclesiæ mori jure merito reprobata fuit à S. Collegio Cardinalium Anno 1605. ut refert Barbosa *in remissione Concilii Trident. sess. 22. in principio*. Castropalao Herinex *l. cit.* Sporer, Babenstuber *disp. 4. art. 4. n. 14.* Reinssstuel *n. 76.*

192 Colliges tamen quintò, ad hoc, ut fructus tui Sacrificii alicui obtingat, satis esse, te aliquando habuisse intentionem, hoc tuum Sacrificium pro eo applicandi, & hanc intentionem nunquam revocasse. Unde, si v. g. Petro promissisti, te crastina pro illo celebraturum, vel etiam per integram septimanam aut mensem pro illo sacrificaturum, etsi dum actù sacrifi-

cas, nihil amplius de eo cogites, nihilominus fructus tui sacrificii Petro obtinget. Ratio petenda est ex dictis *n. 175.* quia ad validam applicationem sufficit te habere intentionem habitualement: atqui talent censeris habere eo ipso, quod semel pro illo volueris offerre hoc tuum Sacrificium, & hanc tuam intentionem nunquam revocaveris; ergo. Ex quo patet, quàm bene faciant illi, qui se Sacerdoti in sua SS. Missæ Sacrificia recommendant, quamque bene & salubriter faciat ipse Sacerdos, qui Sacrificando intendit applicare (semper tamen, quantum potest sine præjudicio illius, cui debetur fructus ministerialis) pro omnibus illis, qui se unquam suis recommendarunt precibus & SS. Missæ Sacrificiis: neque enim intentio hæc tam sancta, tamque charitativa, sua carebit mercede, quin potius à Deo Eucharistico innumeris gratiis ac beneficiis centuplum recompensabitur. Vide Babenstuber *cit. num. 18.*

193 Colliges sextò, ad validam applicationem Sacrificii non esse necessarium, ut persona, pro qua illud offertur, nominatim exprimat v. g. dicendo: *offerro tibi Domine hoc Sacrificium pro Petro &c.* Sed satis est, eam implicitè, vel generali quodam termino tangi, v. g. hoc modo, quem Doctor subtilis quodd. 20. n. 19. suggerit: *digneris Domine oblationem istam specialiter acceptare pro illis (vel pro illo) pro quibus nosse me teneri specialiter offerre.* Ex quo similiter patet Superiores Regulares, aliosque Prælatos Ecclesiasticos, habentes plura Sacra, diversis titulis, etiam onerosis dicenda, satisfacere suæ obligationi, formando hanc, vel similem intentionem, *Digneris Domine Missas ad intentionem meam legendas acceptare, pro illis, quibus debentur, &c. et ordine & modo, quo ipsis debentur.* Patet insuper, subditum Religiosum satisfacere suæ obligationi faciendo hanc intentionem: *Volo celebrare ad intentionem mei Superioris; vel: Volo celebrare ad intentionem potentis &c.* Patet ulterius, Dominos Parochos, aliosque Beneficiarios, qui per annum tenentur singulis mensibus, Septimanis, aut certis diebus celebrare certas Missas v. g. pro defunctis

Fun-

Fundatoribus &c. satisfacere, si celebrando intendat applicare Missam pro ea anima, vel pro illius animabus, quibus ea die debetur. Tambur. lib. 2. c. 2. §. 9. n. 17. apud Sporer num. 279. Herincx cit. num. 86.

194 Colliges tandem septimò, expedire vel maximè, ut sacerdos celebrans primariæ suæ intentioni adjunctam aliam quasi sub conditione dicendo v. g. *Offero hoc sacrificium pro Petro: si verò is non sit capax, vel non indigeat, volo illud oblatum pro Paulo, aut si is non indigeat, pro meis Parentibus &c. pro Fratribus &c.* idque omnino prudenter facimus in Missis, quaslibet, non obligati aut conducti titulo iustitiæ &c. Deo litamus. In Missis tamen obligatoriis secunda intentio conditionata non debet fieri pro nostro arbitrio, sed hoc, vel simili modo: *Domine Deus; offero hoc sacrificium debitum pro NN. si huic non possit prodesse, offero pro illis, quibus nos ipsi debemus.* Et ratio est: quia omnium fundantium, aut stipendio soluto conducentium Missas videtur hæc esse intentio, ut, si ipsi non proficiant, proficiat aliis sibi conjunctis &c. Nihil tamen obstat, quo minùs sacerdos in quibusvis suis sacrificiis possit facere hanc intentionem: *Domine; quantum possum sine præjudicio illius, aut illorum, pro quibus sacrificare teneor, offero tibi hoc meum sacrificium pro me, deinde pro meis Parentibus, amicis &c. &c.* Vide Marchant. Tribun. 17. 2. p. 2. tit. 4. q. 2. dub. 2. Sporer n. 234.

CONFERENTIA

DECIMA OCTAVA.

De Obligatione celebrandi Missas, & de Missarum stipendio.

SUMMARIUM.

195 Simplex sacerdos aliquoties saltem per annum tenetur celebrare vi sui Ordinis.

- 196 Beneficiatus toties, quoties fundator præscripsit.
- 197 Parochus autem vel per se ipsum, vel saltem per alium tenetur celebrare toties, quoties Parochiani sibi subiecti ex præcepto Ecclesiæ obligantur audire sacrum.
- 198 An verò idem sacrificium teneatur pro iisdem suis subditis offerre? disputant DD. & multi negant. At verò
- 199 Certum jam videtur, quòd diebus Dominicis & Festivis teneatur illud applicare pro suis Parochianis.
- 200 Sacerdos intuitu sui sacrificii licitè accipit stipendium: & quo titulo?
- 201 Quantitas stipendii universaliter determinari nequit.
- 202 Probabilius tamen videtur, pro Missa ordinaria, seu (ut vocant) non stata, pretendi non posse vicium integrè diei.
- 203 Non licet sacerdoti Missam alteri legendam committere, retenta sibi parte stipendii manualis.
- 204 Secus dicendum, si ille alter omnino liberè & sponte consentiat.
- 205 Resolvitur Casus I. cujusdam D. Parochi, dubitantis an sibi liceret Missas ex fundatione debitas alteri sacerdoti concedere, legendas pro minori stipendio, quàm ex fundatione percipit.
- 206 Parochus Missam annuatim legendam ex fundatione licitè legit, esto hæc incidat in diem Festivum aut Dominicum.
- 207 Paupertas sola non præbet sacerdoti jus detrahendi aliquid de stipendio manuali pro sacrificio accepti.
- 208 Et quid, quantum ad hoc, nostratibus censeatur licitum.
- 209 Resolvitur Casus II. de Sacerdote, qui sacrum pro defuncto, & alterum, pro defunctis, in Altari privilegiato petiit, legit in Altari non privilegiato, ne illa nimium differre cogeretur.
- 210 An propterea teneatur pro defuncto aliud sacrificium offerre in Altari privilegiato?
- 211 Resolvitur Casus III. de quodam Beneficiario, qui quidem obligationis suæ

sue de quotidiano sacro dicendo *baud ignarus*, ob amissas tamen litteras foundationis dubitavit, an teneretur illud quotidie applicare ad intentionem fundatoris?

112 Is, si omnibus pensatis dubitet, si mulque pingues redditus accipiat vi sui beneficii, tenetur illud applicare ad intentionem fundatoris.

113 An etiam tenetur supplere sacra *ba-denus* intermissa.

114 Beneficiatus ob infirmitatem impeditus à quotidiano sacro, an tenetur illud supplere per alium.

115 Et quid, si aliquoties per annum sponte negligat celebrare sacrum.

116 Quid denique, si non celebret in illo Altari, vel in illa Ecclesia, in qua debuisset celebrare.

117 Qui sacrum titulo iustitiæ debitum celebrare negligit, per se loquendo peccat mortaliter.

118 Non item ille, qui negligit sacrum, titulo solius fidelitatis debitum.

119 Et ille, qui sacra nimium differt, potest graviter peccare.

120 Quanta dilatio reputetur nimia.

121 Pro eodem sacrificio non licet recipere plura stipendia.

122 Nec satisfaciunt, qui propterea uni fructum ministerialem, & alteri fructum specialissimum vult applicare.

123 Neque in hoc excusat paupertas sacerdotis: & quò huiusmodi paupericulis recurrendum, quando pro sacrificiis non recipiunt congruum stipendium.

124 Multò minus Editus, aliterve secularibus permissum est, partem stipendii pinguioris sibi retinere & alteram dare sacerdoti pro sacrificio celebrando.

§. I.

Præmittuntur, & breviter resolvuntur quæsitæ, scitu necessaria ad debite resolvendos Casus practicos de obligatione sacrum celebrandi.

QUæres primò, an vel quoties sacerdos etiam simplex teneatur per annum celebrare?

195 R. Probabilius tenetur per se loquendo saltem aliquoties celebrare, utputa ter, aut quater in anno, in principalioribus scilicet festivitibus v.g. Paschæ, Pentecostes &c. Ita Reinssuetuel tr. 14. d. 19. n. 82. Gobat Theol. exper. tr. 3: n. 482. Scotus, & alii. Ratio huius desumitur partim ex Concil. Trid. sess. 23. c. 4. de reform. ubi ait: Curet Episcopus, ut sacerdotes saltem diebus Dominicis, & Festis solemnibus: si autem curam habeant animarum, tam frequenter, ut suo muneri satisfaciunt, Missas celebrent; partim etiam ex eo, quod ita sentiant, si non omnes, saltem plerique DD. immò & plebei, qui (ut ait Gobat l. cit.) malè sentire solent de Sacerdotibus hoc tam pretiosum talentum desodientibus. Quà ratione Innocentius III. cap. dolentes de Celebr. Missar. graviter reprehendit eos, qui Missarum solemniam vix quater in anno celebrant. Certè Doctores satis communiter Sacerdotem per intergrum annum nunquam celebrantem, peccati mortalis condemnant, saltem per se loquendo, nisi ob iustam causam, qualis esse posset maior sui ipsius humilitatio, vel infirmitas, vel etiam nimia in celebrando perplexitas, seu etiam scrupulositas &c. à celebrando abstineret. Vid. Gobat l. cit. à num. 484.

Quæres secundò, an, vel quoties teneantur celebrare, qui possident Capellaniam, vel beneficium fundatum?

196 R. Capellanus seu Beneficiarius ex iustitia sub mortali culpa tenetur ad illum Missarum numerum, quem expriment litteræ foundationis beneficii, ad cuius onera illud acceptando sese obligavit. Ita Layman. l. 5. tr. 5. c. 3. n. 6. Gobat num. 488.

488. Reinffestuel *cit.* num. 87. & alii communissimè. Ratio est clara: quia hæc obligatio de se est gravis, & in æquitate naturalis fundata, cui contraveniendo injustè reciperet stipendia Missarum: ergo &c.

Quæres tertio, an, vel quoties Sacerdos curatus teneatur ad celebrandum?

197 R. Tenetur toties (sive per se, sive per alium) quoties plebs sibi subiecta ex præcepto Ecclesiæ obligatur ad audiendum sacrum. Ita omnes. Ratio desumitur ex verbis Trident. Concil. mox relatis: quia curatus tam frequenter debet celebrare, ut suo muneri satisfaciatur: at: si non celebret illis diebus, quibus plebs sibi subiecta sacrum audire obligatur, non satisfaciatur suo muneri; quia tunc plebs non posset audire sacrum (ut supponimus) nec satisfacere præcepto Ecclesiæ: ergo tenetur ad celebrandum, sin minus per se, saltem per alium.

Dices. At nunquid etiam hisce saltem diebus tenebitur suum sacrificium applicare pro suis Parochianis?

198 R. Multi DD. hoc negant, nominatim Laym. l. 5. tr. 5. c. 3. n. 3. Herincx *disp.* 8. nu. 95. Engel in *Manual. Paroch.* part. 2. c. 6. n. 8. Babenstuber *tr.* 8. p. 4. d. 5. a. 1. nu. 11. Suarez, Lugo, Sannig, & alii; hac ratione ducti, quod pro tali & tanta obligatione non possit afferri solidum fundamentum, sive ex ratione, sive etiam ex auctoritate: sine solido autem fundamento nemini imponi debet obligatio, præsertim tam gravis, ergo &c. Hanc opinionem censet probabilem Gobat *tr.* 3. n. 492. La Croix *verò lib.* 3. part. 1. num. 762. ut probabilior; quibus ego libens subscriberem, nisi me absterrent tot authenticæ declarationes Cardinalium, etiam auctoritate pontificia confirmatæ pro opinione contraria.

199 Unde R. jam ad quæsitum: defuncto DD. Parochi tenentur diebus saltem Festivis & Dominicis sacrificium suum applicare pro suis Parochianis. Ita jam tenet communior Theologorum, ac Jurist. Barbosa *de Officio Parochi* part. 1. c. 11. num. 20. Reinffestuel *lib.* 3. decret. tit. 42. n. 22. Item *lib.* 5. tit. 3. num. 209. & seqq. Schmalzgrueber *lib.* 3. tit. 41. nu. 106. Fagnanus in *cap. Fraternitatem* a num. 93.

Clericat. de Sacrific. Missæ. decis. 35. num. 4. Illung. *tr.* 6. *disp.* 5. num. 168. Henno *disp.* 11. quæst. 10. Concl. 1. Kazenberger *Supplem. decalog.* P. Sporer. *cap.* 2. *sess.* 1. n. 61. Kreflinger. *addit. post* n. 85. Theol. Mor. P. Reinffest. *disp.* 5. & novissimè D. Nicollis in *praxi Canonica* Tom. 1. lit. C. §. 1. de Celebrat. Missæ. num. 131. Ratio autem, & fundamentum, meo iudicio, sufficiens huius, quantumvis rigide opinionis, desumitur (ut dixi) ex declaratione Cardinalium sæpius emanata, & repetita ad præsens dubium, utrum scilicet Parochus Missam celebret & teneatur, & sacrificium applicare pro Parochianis in diebus Dominicis & Festivis, sive habeant congruam, sive non? Ad quod sub die 20. Maji 1692. Sacra Congregatio juxta alias declarationes censuit, teneri, nec posse iisdem diebus aliam elemosinam recipere. Hocque decretum postea, die 24. April. 1699. Innocent. XII. Bulla. Nuper à Congregatione auctoritate sua Apostolica approbavit, & confirmavit, voluitque infallibiliter servari. Testatur etiam Reinffestuel *cit.* l. 5. decret. tit. 3. num. 218. hoc idem decretum in plena forma authentica à sacra Congregatione transmissum, sicque Reverendissimo, & Illustrissimo Domino Vicario Generali Frisingensi debita cum reverentia exhibitum, & ab eodem ut authenticum recognitum fuisse. Quare opposita Sententia, esto multis Doctoribus olim probabilis fuerit visa, defuncto tamen post tot declarationes authenticas, post confirmationem etiam & ratificationem Pontificiam, mihi (salvo tamen meliori iudicio) non ampliùs videtur satis tuta & practicabilis, nisi forsan quis prætereundè possit, huiusmodi declarationes non esse in sua Diocesi promulgatas aut receptas; quod ipsum tamen asserere difficultate sua non caret; eo quod declarationes toties circa hanc quætionem emanatæ se fundent in æquitate naturali, & jure divino, quod procul dubio utique acceptandum est.

Quæres quarto, possitne Sacerdos absque labe Simoniacæ pro suo sacrificio recipere stipendium?

200 R. Pro ipso fructu Sacrificii, vel pro labore intrinseco, id est, inseparabili à Sa-

à Sacrificio, uti est consecrare, dicere collectas &c. nequit Sacerdos prætereundum vel acceptare stipendium absque nota simoniz; bene tamen pro sua sustentatione, vel etiam pro labore extrinseco, id est, non necessario connexo tum Sacrificio, utputa quod debeat legere sacrum tali hora, tali die, in hoc vel illo templo, aut altari, fortè etiam longius distante &c. Ita communissimè DD. Sporer ubi *suprà* nu. 356. Henno *disp.* 11. q. 16. *Concl.* 1. & 2. Bahenstaber *cit. disp.* 5. a. 1. nu. 7. Ratio prioris inde patet: quia simoniacum est, accipere pretium temporale (uti est stipendium) pro re spirituali: atqui fructus Sacrificii, sicut & labor intrinsecus sunt quid spirituale: ergo pro his non licet accipere, multò minus, prætereundum stipendium; sicut nec pro Eucharistia, vel pro alio Sacramento. Ratio autem posterioris est: quia juxta effectum Christi *Matt.* 10. *Dignus est operarius cibo suo.* Et certè recta ratio postulat, ut qui pro alio occupatur ministrando eidem spiritualia, ab eo sustentetur, temporalia recipiendo, juxta illud *Apost.* 1. *Cor.* 9. *Qui altari deseruiunt, cum altari participant.* Quemadmodum ergo sine omni labe simoniz etiam ex iustitia præstandi potest panis, & vinum, item cera, tamquam alimentum ignis in Sacrificio requiristi; ita pari ratione jure meritò exigi potest cibis necessarius ad alimentum Sacerdotis, quippe qui est summè, immò magis necessarius ad celebrandum, quàm ignis ille &c. Idque non solum de Sacerdote paupere, sed etiam de divite, vel aliunde habente suam sustentationem &c. procedit; Cujus ratio est: quia uterque celebrando exercet suum ministerium in gratiam alterius (pro quo scilicet celebrat) ergo unus æquè ac alter potest ab illo prætereundum necessaria ad celebrandum; inter quæ meritò veniunt media pro sustentatione Sacerdotis necessaria.

Quæres quintò, quodnam censetur justum stipendium intuitu sacrificii administrandum Sacerdoti?

201 R. Quantitas stipendii justæ universaliter determinari non potest, idque ob diversitatem locorum, & valoris tum monetarum, tum etiam alimentorum &c.

Nihilominus DD. in eo satis conveniunt, illud scilicet existimandum esse justum stipendium, quod vel Episcopali lege, vel consuetudine loci taxatum est, vel etiam communi piorum ac prudentum virorum usudari, aut recipi solet. Ita Henno *loc. cit. concl.* 4. la Croix *l. 6. p. 2. n. 126.* Sporer *n. 357.* Bahenstaber *cit. disp.* 2. a. 2.

At (inquires) nunquid justè pro uno sacrificio exigere licet tantum, quantum mihi ceu honesto viro pro communi & frugali mensa uniusdiei sufficit?

202 R. Ita censuere Cajetanus & Navarrus: idque verum esse existimat P. Sporer, loquendo de beneficiato, qui quotidie sacrificium suum offerre, & pro fundatore, vel certè ad hujus intentionem applicare tenetur; quia consuetudo, & recta ratio suadere videntur, ut Sacerdoti toto anno celebranti pro certa persona, ab eadem retribuatur sustentatio annua. At verò loquendo de stipendio manuali, seu pro Missis non statis, omnino dicendum, non posse propterea à Sacerdote justè exigi integrum victum unius diei pro uno sacro. Ita hodie communissimè tenent DD. Vasquez, Suarez, Castropalao, Illung, la Croix, Bahenstaber. *cit. n. 7.* Lyman *lib. 5. tr. 5. c. 1. 13.* Gobat *num. 563.* Ratio est: quia communis usus Ecclesiæ & fidelium persuasio huic repugnat. Neque etiam æquitati consonum videtur, ut pro labore unius horæ, vel Semihorulæ exigatur victus unius diei, præsertim cum Sacerdos aliis actionibus tum sacris, tum etiam civilibus honestis possit reliqua sibi necessaria promereri. Itaque ubi tale stipendium lege, vel consuetudine taxatum non est, debet sufficere illud, quod à prudentibus ac Deum timentibus dari ac peti solet. Minus tamen dimidia parte sustentationis communiter non permittit consuetudo in Germania nostra. In Italia pro Missa privata ordinarium stipendium est unus Julius: in Hispania unus Regalis: apud Germanos autem, majori victu indigentes ordinariè solent dari 5. circiter bacilli. Ita Gobat, Layman, Sporer *cit. n. 357.*

Quæres adhuc sextò, an Sacerdos, qui pinguius stipendium accepit pro Missa, v. g. dimidium florenum, salva conscientia possit eam alteri committere legendam,

dam, dato eidem minori stipendio v. g. quinque bacciis?

203 R. Non licet hoc, nisi alter omnino sponte & liberè consentiat, velitque esse contentus. Ita constat ex Bulla Urbani VIII. *cum sæpe contingat*. edita 1625. ubi hoc severè fuit prohibitum. Idipsum docuit Alexander VII. damnando sequentem, n. 9. propositionem: *post decretum Urbani potest Sacerdos, cui Missæ celebrandæ traduntur per alium satisfacere, collato illi minori stipendio, alia parte stipendii sibi retenta*. Et certè si hoc esset licitum, posset aliquis etiam non celebrando distulcere; quod sine periculo turpis lucri, & infamæ negotiationis haudquaquam praticari potest.

204 Dixi tamen: *nisi alter liberè & sponte consentiat &c.* Nam quemadmodum ille alius omnino gratis posset in se suscipere onus talium Missarum; ita etiam potest sponte ac liberè relinquere partem stipendii, & esse contentus reliqua v. g. 5. bacciis, seu 20. crucigeris, veluti communissimè notant DD.

§. II.

Proponuntur, & breviter resolvuntur Casus practici de Obligatione Missarum dicendarum pro stipendio.

CASUS PRIMUS.

TITIO Parocho vi fundationis incumbunt multa sacra annuatim legenda, pro quibus solito pinguius stipendium, scilicet pro singulis unum florenum, percipit: verum quia non raro contingit, ut vel infirmitate, vel aliis etiam functionibus parochialibus, v. g. exequiis celebrandis præpeditur, non possit per se ipsum satisfacere hujuscemodi anniversariis, hinc eadem committere debet alteri Sacerdoti legenda, dubitat tamen, an illi alteri teneatur dare totum stipendium, integrum scilicet florenum, an verò satisfaciatur sue conscientie dando minus v. g. quinque baccios? Item dubitat 2. an hujuscemodi anniversaria possit legere pro stipendio, quando ea incidunt in diem Festivum, vel in

diem Dominicam? Quid Titio respondendum?

205 R. Ad primùm. Titius Parochus non tenetur dare integrum florenum, sed satisfacit dando partem congruam v. g. 20. Crucigeros. Ratio est: tum quia tale stipendium adhuc est iustum; tum etiam quia prohibitio Alexandri VII. & Urbani VIII. mox relata, non venit intelligenda de Beneficiatis, veluti satis communiter tenent DD. & teste Lugo de *Euchar. disp.* 21. n. 30. Sacra Congregatio idemmet declaravit; tum denique, quia si Beneficiatus vel Parochus substituit alium (ubi Fundator non requisivit specialiter, ut per seipsum satisfaciatur) talis substitutio non adversatur menti fundatoris, neque etiam sapit periculum turpis lucri; præsertim cum id fiat necessitatis causa, & aliunde prudenter præsumere liceat, fundatorem tantum stipendium non legasse præcisè pro Sacrificio, sed vel maxime etiam pro ipso onere perpetuo Beneficio annexo &c. &c. Et ita tenent præter alios plures Sporer *nu.* 366. *Illung. tract.* 6. *diff.* 5. *num.* 169. *Bambstuber tr.* 8. *p.* 4. *diff.* 5. *art.* 2. *nu.* 11. *La Croix l.* 4. *num.* 820. *Item l.* 6. *pag.* 2. *num.* 131. Ubi ait, idipsum licet fieri à Capellano amovibili, si scilicet habeat Missas perpetuò legendas, pro quibus recipit pinguius stipendium.

206 R. Jam ad secundum. Titium tuta conscientia posse legere hujuscemodi Missam annuam, si hæc incidat in diem Festum, vel in Dominicam. Ratio est: quia, tametsi S. Congregatio declaraverit, Parochos, qui redditus pingues habent, singulis diebus teneri ad applicandum Sacrificium pro suis Parochianis, hæc tamen declaratio (inquit P. Kreslinger in *addit. post n.* 86 *ad diff.* 5. *Theol. mor.* P. Reinsestuel) intelligenda est discretè cum grano salis, excipiendo scilicet anniversaria, exequias, & similes obligationes Parocho ex officio incumbentes; non enim est verosimile, quod eadem S. Congregatio vi declarationis mox allegatæ voluerit quidpiam præjudicare functionibus, & obligationibus jam aliunde vi Officii incumbentibus Parocho, quas inter urique recensenda est persolutio Missarum, annuatim ex fundatione legendarum.

Dices

Dices adhuc: Ego sum Sacerdos simplex & pauperculus, obtinuique nuper à bono quodam amico 200. Sacra legenda pro 100. Florenis: ergone illicite agam deferendo medietatem illorum, 100. scilicet alteri legenda, & dando illi 30. duntaxat Florenos?

107 R. Quantumvis pauperem te dicas, nequitiam tamen licite hoc practicabis, nisi hæc Sacra cum tanto stipendio ab eo qui stipendium præbuit, intuitu paupertatis tuæ sublevandæ tibi sint concedita, vel nisi alter sponte & voluntariè velit tibi relinquere reliquam partem stipendii. Ratio hujus est: quia regulariter loquendo (inquit Layman. cit. n. 24.) censetur esse voluntas stipendium dantis, ut vel ipse Sacerdos, cui præbet stipendium, sacrificet, vel si hoc alteri commendare velit, totum ei stipendium largiatur. Nec refert, si dicas, alterum libenter acceptare hoc onus pro 30. Florenis; nam si id faciat ex eo duntaxat, quia hic & nunc non potest obtinere Sacra pro pinguiori stipendio, tuque eidem majus dare non vis, vel quia ignorat, te accepisse pinguius stipendium pro iisdem sacris, nequaquam tutus eris in conscientia, quemadmodum à vitio usuræ immanis non esses, si alius quispiam vi mutui tibi aliquid daret idè tantum, quia timeret, ne aliquo in mutuum à te non accipiat, nunquam daturus, si constaret, se à te, vel ab alio sine tali onere posse obtinere mutuum. Merito proin Gobat Sporer, Babenstuber, & alii dicunt, rem hanc non vacare periculo gravis peccati.

At, inquires forsitan, novi idipsum praticatum fuisse à Religiosis, quod scilicet unus Superior alteri alterius Conventus transmissit Sacra legenda, retenta sibi parte stipendii.

208 R. De hoc mihi non constat; bene verò de eo, quod etiam nostri Superiores locales, Guardiani scilicet, Sacra pro defunctis nostris Confratribus legenda (pro quibus utique nullum recipiunt stipendium) committant aliis, sibi verò & suo Conventui retineant Sacra à Benefactoribus stipendio conductà, in quo nullum prorsus inconveniens apparet. Dato tamen etiam casu tuo, Respondeo cum nostro P.

Elbel Theol. P. I.

Sporer cit. n. 371. id nulla alia ratione fieri, vel excusari posse, quàm tacito saltem Consensu Ministri, aut Capituli Provincialis, cujus est, de eleemosynis Conventuum transferendis vel non transferendis disporre, quod viderit magis expedire in Domino, partim etiam ob Consensum saltem tacitum tantum stipendium; qui vel idè etiam facilius consentire merito præsumuntur, quod ipsimet noverint, Fratrum bona debere esse communia, ait Sporer l. cit.

CASUS SECUNDUS.

Sempronius competens stipendium accepit pro duobus sacris, quorum unum petebatur pro defuncto, alterum verò pro defunctis, utrumque tamen in altari privilegiato celebrandum. Verùm quia altare illud non nisi semel per Septimanam gaudebat privilegio, hinc ne ob alia jam pridem in se suscepta hæc duo cogeretur Sempronius nimis diu differre, utrumque legit in altari non privilegiato. Nihilominus conscientia stimulis nonnihil agitata jam dubitat, an suæ obligationi satisfecerit. Quid respondendum?

209 R. Legendo Missam pro defunctis petitam, satisfecit quidem suæ obligationi, non item legendo Missam pro defuncto in altari non privilegiato. Ratio disparitatis est hæc: quia celebrando in altari privilegiato poterat animæ illius defuncti impetrare privilegium indulgentiæ plenariæ, quod non poterat, legendo pro pluribus defunctis; quia hoc privilegium duntaxat concedi solet pro uno vel una defuncta: ergo legendo in altari non privilegiato pro defuncto, defraudavit animam hujus indulgentia illa, cujus intuitu fideles plerumque solent petere Missas in Altaribus privilegiatis legendas, consequenter huic intentioni & obligationi in se susceptæ non satisfecit, esto satisfecerit alteri intentioni, scilicet pro defunctis, ob rationem jam datam.

Dices. Si Sempronius in alio altari non privilegiato celebrando non satisfecit suæ obligationi, tunc teneretur vel restituere stipendium, vel certè aliud Sacrificium pro eodem defuncto in altari privilegiato

I cele-

celebrare: utrumque autem videtur non minus difficile, quam absurdum; quandoquidem fructum ministerialem sui Sacrificii jam applicaverit pro illo defuncto: ergo &c.

210 R. Multis Doctoribus id nequam videri absurdum; unde Gobat *ir. 3. n. 576.* cum Castropal. & Azorio censet, talem Sacerdotem obligari ad aliud Sacrificium pro defuncto offerendum. Fateor tamen, ob rationem jamjam allatam, & mihi difficile videri condemnare illum ad aliud Sacrificium offerendum; quemadmodum enim dans stipendium non petit duo Sacrificia, neque duplicis Sacrificii fructum; ita nec Sacerdos acceptando illud præsumi debet, se voluisse ad hoc obligare: quare, cum præter Sacrificium jamjam oblatum pro defuncto nihil aliud prætendi valeat, quam privilegium Altaris, seu indulgentiæ plenariæ, hinc ego cum nostro P. Kazenberger in *Supplem. Theol. Sacram. P. Sporer in c. 3. n. 137.* & Kreslinger in *addit. post n. 49. dist. 5.* P. Reinfschuel judico probabile, quod Sempronius noster ad nihil ampliùs teneatur, quam, ut in complementum suæ obligationis conetur devotè lucrificare indulgentias plenarias, concessas intuitu communionis generalis, vel etiam obeuntibus viam Crucis, eademque pro eodem defuncto applicare. Vide etiam de hoc, si placet, P. Babenstuber *cit. disp. 5. a. 3. n. 16. & 17.* vel Sporer *num. 355.*

CASUS TERTIUS.

Cajus simplex Beneficiatus percipit è suo beneficio valde pingues redditus, sed ob amissas fundationis litteras, jam ignorat obligationem suam claram, effusetat confusam, dicendi scilicet Missam perpetuam; unde querit & scire cupit, an ad quotidianam, vel ad quot in hebdomada, mense, aut anno Missas obligetur? 2. an teneatur facere compensationem sacrorum habitenus neglectorum? Casum hunc vix non iisdem terminis proponit P. Gobat *ir. 3. num. 473.* & quia hic est valde practicus, magnique momenti; hinc placuit eundem referre. Jam verò cum eodem Doctore *l. cit.*

211 R. Esse graviter indagandum, unde constet Cajus, quod sit obligatus ad Missam perpetuam, utrùm scilicet exemplo suorum Antecessorum, vel ex relatione antiquorum, vel ex aliqua Scriptura, vel denique ex consuetudine locorum? Et si quidem Antecessores semper existimaverunt, se obligatos ad quotidianum Sacram, vel si hoc asserant Antiquiores, aut ex Scriptura aliqua, vel consuetudine loci constaret de hoc, eos scilicet, quod alii Beneficiati habentes consimiles pingues redditus ad hoc sint obligati, etiam Cajus se obligatum credere debet, veluti bene probat Gobat, *l. cit. n. 476. & 477.* nam factum præsumitur ab eo, qui erat obligatus sacre. Maschard. *de Probat. Conclus. 734.* & juxta *l. semper 34. ff. de R. I. id sequamur* (oportet) quod in regione, in qua aliquid actum est, frequentatur. Secus dicendum si aliunde de contrario constaret.

At quid, si omnibus pensatis maneat dubium, an Cajus sit obligatus ad quotidianum Sacram vel non?

212 R. Cum eodem Doctore, in eodubio esse obligandum; tum quia inspicimus in obscuris, quod plerumque fieri solet, *cap. in obscuris de R. I. in 6.* Et omnes sumunt argumentum à consuetis, juxta Menoch. *de præsumpt. l. 1. q. 18. num. 5.* atqui plerumque in particularibus Ecclesiis totius Orbis fieri solet, ut pingues Capellanæ habeant annexum hujusmodi onus: ergo &c. tum etiam quia per Missam perpetuam, non possumus intelligere illam, quæ fiat singulis annis, vel etiam singulis septimanis semel duntaxat; foret enim nimia inæqualitas inter datum & acceptum, quam tamen maximè averfatur iustitia, ait Gobat *l. cit. num. 479.* ubi etiam citat pro hac opinione S. Thomam 2. 2. q. 62. a. 11. Vide etiam Kreslinger *cit. addit. 1. & 2. post n. 103.*

213 R. Jam ad secundam quæsitam partem. Cajus per se loquendo tenetur facere aliquam compensationem ob Sacra neglecta, & quidem per alia Sacra. Ratio est: quia acceptum ob causam, causa non secuta, obnoxium est restitutioni. Quare si mala fide omisit, tenetur tot sacra, sive per se, sive per alium legenda, supplere, quot omisit; quia nemo de sua negligentia commodum

modum reportare debet, *cap. intelleximus de judic.* at verò si bona fide omisit, utpote inculpabiliter ignorans obligationem suam, tunc non tenetur ad compensanda quotidiana sacrificia, sed duntaxat ad restituendum tantum, quantum per illas decimas vel redditus factus est ditior, juxta communissimam doctrinam & Regulam restituendi, tradi solitam de possessore bonæ fidei: adeoque pro illo quanto tenebitur vel ipse legere sacrificia, vel curare ut ab alio legantur. Ita in re Suarez *tom. 2. de Relig. lib. 4. de orat. c. 39. n. 11.* Tamburinus *lib. 3. de sacrif. c. 1. §. 3. n. 21. & seqq.* Navarrus, Bonacin. & alii plures, quos citat, & sequitur Gobat *cir. n. 480. Ubi n. 481. in fine* mox subdit, in ejusmodi dubiis pro majori securitate consulendum esse Ordinarium.

Dices: At quid, si talis Beneficiatus per annum infirmetur, tenebiturne quotidianum sacrificium per alium supplere?

214 R. Probabiliter non tenetur, si ad breve tempus duntaxat v. g. ad unam vel alteram septimanam, immò (juxta opinionem Lugonis & Laymanni) ad unum etiam mensem infirmetur. Rat o colligitur à pari; nam etiam temporalis Herus, tametsi jure detrahere possit à mercede famuli propter ejus æritudinem, ut multi deducunt ex *l. fuso. §. item, cum ff. locati*; si tamen pius & benignus est, non facile detrahere solet, quando ægritudo brevi tempore dura vit; ergo idem meritò præsumere licet de voluntate pii fundatoris respectu beneficiati ad breve tempus ægrotantis. Reinssstuel *cir. disp. 5. n. 88.* Layman *l. 5. tr. 5. c. 3. n. 7.*

Dices iterum. Quid si autem talis Beneficiatus anna duntaxat vel altera vice sacrum sponte intermixtat seu negligat? Et quid si illud in alio altari, vel pro alio quodam offerat?

215 R. primò. Beneficiatus obligatus ad quotidianum sacrum, potest aliquoties pro se vel etiam pro suis propinquis & Benefactoribus defunctis illud applicare. Quoties autem id liceat, non ita concordant Doctores. Gobat, eumque secutus la Croix *l. 4. n. 830.* tenent, posse id fieri per annum quinquies aut sexies, vel omnino sæpius. Quia etiam, ubi hæc obligatio

non est imposita à fundatore specialiter ratione alicujus loci sacri, vel ob commoditatem populi, sed potius intuitu Personæ, seu Beneficiati, putant Navarrus, Diana *p. 2. tr. 14. Resolut. 28.* Reinssstuel *cir. nu. 89.* posse Beneficiarium quandoque etiam semel in septimana abstinere à celebratione. Rationem hujus desumunt, tum ex mente fundatoris, qui rationabiliter creditur, non voluisse tam strictè obligare, ut Beneficiario nunquam prorsus voluerit esse liberum, vel abstinere à sacro, vel illud pro se aut suis offerre &c. tum etiam ex *cap. significatum de præbend.* ubi de obligato ad quotidie celebrandum dicitur, *eum teneri quotidie extra casum infirmitatis celebrare, salva honestate sua & debita devotione*; quæ cum ob mundanos casus nonnunquam impediri soleat, videtur præbere causam justam abstinendi à sacrificio. Rectè tamen inferunt DD. hujusmodi Beneficiatum (supposito quòd celebret) non posse suum sacrificium pro stipendio ab alio acceptato applicare; prudenter enim præsumere non licet, hanc fuisse mentem fundatoris. Reinssstuel *cir. nu. 90.* Gobat *trad. 3. num. 584.* Pasqual. *de sacrif. q. 1194.*

216 R. Jam secundo. Is, qui titulo fundationis, vel ex alia conventionē, ratione scilicet recepti stipendii tenetur in certa aliqua Ecclesia, vel in certo altari celebrare, per se loquendo peccat ad minus venialiter, alibi celebrando. Ratio est: quia rationabilis, piaque voluntas fundatoris, vel dantis elemosynam pro celebratione Missæ est adimplenda: hoc autem non facit, qui alibi celebrat &c. Nihilominus si ex gravi & rationabili causa id fiat, ut puta quia Ecclesia vel altare, in quo sacrificandum esset, est profanatum, vel quia d' sacrificia egressus invenit altare jam ab alio præoccupatum &c. in tali casu nullum omnino committit peccatum alibi celebrando. Facilius etiam excusari potest à gravi peccato Beneficiatus, si admodum raro, ut puta bis vel ter in anno, vel semel aut bis in mense mutet Ecclesiam; & adhuc facilius, si in Ecclesia præscripta celebrando, solum mutet altare, etsi illud alterum, in quod abisset celebrare, fuisset privilegiatum. Lugo *de Euchar. disp. 21. num. 36.*

I 2 He-

Herincx d. 8. nu. 185. Babenstuber part. 4. disp. 5. art. 3. a. n. 11.

§. III.

Corollaria ex dictis inferenda.

217 **C**olliges ex dictis primò, Sacerdotem, qui Sacrum alteri titulo iustitiæ debitum negligit celebrare, per se loquendo peccare mortaliter. Ita omnes, teste Layman *cit. tr. 5. c. 3. n. 6.* & Sporer *nu. 353.* Ratio est: quia negligit satisfacere obligationi iustitiæ in materia gravi: at hoc fieri nequit sine gravi delicto: ergo &c. Quo tamen non obstante existimat idem Sporer cum Gobat, Fagundez & Dicastillo, eum, qui pro sacro parvum duntaxat stipendium accepit v. g. tres baccios &c. non delinquere, nisi venialiter; quia gravitas culpæ in hoc casu dimetienda venit à gravitate stipendii: idque faciliè credo, si is, qui præbuit stipendium, fuit saltem mediocriter dives. Nihilominus certum esse debet, quòd talis Sacerdos tuta conscientia non possit sibi retinere stipendium acceptum, sed teneatur illud vel Domino restituere, vel certè sacrum pro eo legere: secus enim nunquam satisfaceret iustitiæ.

Dixi etiam: *qui sacrum titulo iustitiæ debitum negligi &c.*

218 Nam qui sacrum alteri ex sola fidelitate debitum & promissum negligit, venialiter duntaxat peccat, nisi expressè nte didisset se graviter obligare. Et ratio est: quia promissio liberalis, etsi de re gravi, non parit obligationem gravem per se loquendo. Nec refert, quòd sacrificium Missæ à parte rei sit res magni momenti; quia à fidelibus non solet ad eòd magni fieri, ait Sanchez apud Sporer *l. cit. maxime* quando ipsis nihili constat. Vide tamen & observa, quæ diximus mox suprà *confer. 17. n. 184.*

219 Colliges secundò, etiam illum Sacerdotem graviter posse delinquere, qui sacrificium ex iustitia debitum nimis diu differt. Ita cum *commun.* Bonacin. Henno, Gobat, la Croix & Herincx *n. 181.* Ratio est: quia potest contingere, ut is, qui stipendium dedit, omnino fraudetur fructu

sacrificii, ut si illam petat pro impetranda sanitate, vel pro felici partu, aut pro evadendo præsentis periculo &c. Missa autem primùm legatur, posteaquam æger, vel etiam mulier in partu jam occubuit &c. Quin etiam in tali casu teneatur Sacerdos ad restitutionem; quandoquidem suæ obligationi non satisfecerit. Ex quo liquet, Urbanum VIII. in suo decreto de Celebratione Missarum §. 8. Sapienter resolvissè, quòd *elemosynas manuales & quotidianas ita demum Sacerdotes accipere possint, si oneribus antea impositis ita satisfecerint, ut nova quoque onera suscipere valeant; alioquin omnino abstineant ab huiusmodi elemosynis, etiam sponte oblati, in futurum recipiendis.* Ita Urbanus *l. cit.* Secus tamen dicendum foret, si tribuens elemosynam pro celebratione Missarum sciat & consentiat, ut illæ tunc primùm celebrentur, cum susceptis oneribus satisfactum fuerit, veluti declaravit Congregatio Cardinalium, videnda apud Rein-festuel, Gobat, La Croix & alios.

Dices. At quanta dilatio nimia censeri debet?

220 R. Non conveniunt DD. in hoc; aliqui enim putant dilationem unius; alii verò duorum mensium dilationem non esse nimiam existimant. Verumtamen cum P. Gobat, Sporer, Dicastillo aliisque multis puto, in hac re spectandam potissimum esse voluntatem rationabilem illius, qui stipendium obtulit. Etenim ratio sana dicit, sacrum pro instanti necessitate v. g. pro felici partu, aut pro felici fine, vel etiam pro impetranda sanitate &c. tamdiu differrì nec posse, nec debere, quamdiu differrì potest sacrum petatum in honorem alicujus sancti v. g. Antonii pro gratiarum actione. Ratio faciliè colligitur ex mox dictis: quia præbens stipendium in priori casu tam faciliè non ferret dilationem, quàm faciliè in posteriori; quandoquidem in priori urgeat necessitas, non item in posteriori. De quo videri possunt Gobat *l. cit. 3. nu. 197.* Sporer *nu. 354.* Babenstuber *art. 3. nu. 21.*

221 Colliges tertio, haudquaquam licitum esse, pro uno eodemque Sacrificio plura acceptare stipendia. Ita hodie communissima, & certa sententia DD. Ratio funda-

da.

damentalis hæc est: quia cum valor Sacrificii sit finitus duntaxat & limitatus, sequitur necessarium, quod in plures divisus nequeat esse tantus, quantus est, si uni soli applicetur: ergo cum quivis ex offerentibus stipendium velit obtinere totum fructum, unum, idemque Sacrificium pro pluribus stipendium integrum præsentibus nunquam satisficiet singulis, sed alteruter, immò uterque necessarium fructum optato, vel certe quantitate fructus desiderati defraudabitur. Ex quo rursus liquet, quam iuste S. Pontifex Alexander VII. a. 1665. sequentem n. 10. propositionem damnaverit: *Non est contra iustitiam pro pluribus Sacrificiis stipendium accipere, & Sacrificium unicum offerre: neque etiam est contra fidelitatem, etiam si promittam, promissione etiam juramento firmata danti stipendium, quod pro nullo alio offeram.* Sporer n. 361.

222 Neque etiam excusaberis ex eo, quod intendas alteri fructum tuum specialissimum applicare; etenim ille alter præbendo tibi stipendium non postulavit fructum specialissimum, sed ministerialem, seu medium, & quidem totum. Et certe multi DD. merito dubitant, an Sacerdos fructum suum specialissimum, hoc ipso, quod talis sit (Sacerdoti scilicet proprius) alteri valeat applicare: ergo vi huius intentionis te non liberabis ab onere suscepto. Hac de causa idem Alexander VII. damnando rejecit sequentem inter alias n. 8. propositionem: *Duplicatum stipendium potest Sacerdos pro eadem Missa licite accipere, applicando potenti partem etiam specialissimum fructus, ipsius Sacerdoti correspondentem, idque post Decretum Urbani VIII. Vido de hoc Clericatum de Sacrificio. decis. 35. n. 133.*

Dices forsitan: At sum aliunde pauperculus, & habeo multa sacra ex fundatione annuatim legenda, pro quibus recipio valde exiguum stipendium (ut puta 21. aut 15. crucigeros) hisce temporibus in nostra Patria inusitatum: eryone non satisfaciam legendo & applicando unum Sacrificium pro duobus tam exiguis stipendiis?

223 R. Non satisfacies, aut certe nunquam eris securus in tua conscientia hoc praticando, prout facile colliges ex sequenti

Eibel Theol. P. I.

Decreto Cardinalium, emanato 1632. & ab Urbano VIII. confirmato: *Ubi pro pluribus Missis, etiam ejusdem qualitatis celebrandis plura stipendia, quantumcunque incensura, exigua, sive ab uno, sive a pluribus personis collata fuerint, aut conferantur in futurum, sacerdotibus, Ecclesiis &c. sacra Congregatio sub oblatione divini iudicii mandat, ac præcipit, ut absolute tot Missæ celebrentur, quot ad rationem attributæ elemosynæ præscriptæ fuerint, ita, ut alioquin, si ad quos pertinent, suæ obligationi non satisfaciant, quin immò graviter peccent, & ad restitutionem teneantur &c.* Quia tamen negari non potest, quin tale onus sæpe sæpius pauperculis sacerdotibus (sive Sæcularibus, sive etiam Regularibus) nedum grave accideret, sed etiam in laqueum animarum vertere natum sit: hinc modernis sanctiss. Pontifex Benedictus XIII. in Concilio Romano a. 1725. celebrato tit. 15. cap. 8. Clementer concessit Episcopis, qui vel per se, seu personaliter, vel legitime impediti per alium Procuratorem eidem Concilio interfuerint: ut huiusmodi Sacra possent reducere ad numerum correspondentem elemosynæ, seu etiam stipendio in tali Provincia dari consueto. Idcirco tibi consulo, ut pro majori animæ tuæ quiete ad Reverendissimum tuum Ordinarium causam hanc deferas, qui pro sua pastoralis sollicitudine huiusmodi reductionem procul dubio faciet, aut, si forte hac facultate non gaudeat, eam de facili Roma impetrabit, prout ego factum fuisse certo novi: Vide de hoc Concil. Rom. l. cit. cui, si placet, adijunge P. Kreslinger in addit. Theol. Moral. P. Reinfestuel post num. 91. tract. 14. dist. 5. Gobat tract. 3. num. 567. & seqq. Sporer num. 362.

Colliges ex hæcenus dictis quartò, à fortiori Editus, aliisve Sæcularibus illicitum esse, retenta parte stipendii alteram tantam dare Sacerdoti pro Sacrificio celebrando. Nefas itidem est, si hæres de stipendio à defuncto pro sacris relictis partem sibi retineat. Ratio est clara: quia hoc nimium adversatur voluntati eorum, qui præbuere stipendium: & quoad hæredem obstat illa clarissima decisio juris c. ultimi

ma 13. q. 2. ultima defuncti voluntas omnibus modis servari debet. Ita Sporer Theolog. Sacram. p. 2. c. 5. Sect. 4. n. 371. fin. ubi etiam citat Tambur. Opusculo de Sacrific. lib. 3. & Gobat alphas. Sacrific. Cas. 16. & 17.

CONFERENTIA

DECIMANONA,

De Tempore, & loco Sacrificandi.

SUMMARIUM.

- 225 Tempus Ordinarium celebrandi incipit ab aurora, & finitur in meridie.
- 226 Nomine Auroræ intelligitur prima irradiatio lucis;
- 227 Quæ non Mathematicè, sed moraliter sumenda est.
- 228 Cuilibet Sacerdoti ritè disposito permissum est quotidie celebrare: & quid de triduo ultimo hebdomadæ sanctæ.
- 229 Defacto tamen nemini licet pluries eadem die sacrificare, nisi in Natali Domini, & in casu veræ necessitatis.
- 230 Prohibitum etiam est, omnes tres Missas media nocte natalitia dicere, aut in eis communicare alios.
- 231 Sacrificium de jure Ordinario offerendum est in templo vel alio loco sacro.
- 232 Excipitur tamen ab hac regula Casus necessitatis.
- 233 Item Casus, quo Sacerdos, quantum ad hoc, dispensatur ab Episcopo.
- 234 Idem Privilegium super Altare portatile in loco non sacro celebrandi olim à diversis Pontificibus fuit concessum diversis Religiosis:
- 235 Huc tamen Privilegia hodie per Concilium Tridentinum, & Clementem XI. probabiliter derogatum fuit.
- 236 In Ecclesia polluta celebrare, nefas est.
- 237 Ecclesia quinque modis pollui potest: & quid ad hoc requiratur.
- 238 Celebrans ante dictum Matutinum & Laudes, probabiliter peccat venia-

liter: si tamen rationabili de causa hoc faciat, non peccat.

- 239 Resolvitur Casus I. cujusdam Capellani aulici, qui ordinariè cogitur celebrare hora 12. & frequenter etiam hora prima, vel medio secundæ.
- 240 Hoc secundum per se loquendo non est licitum, nisi in quibusdam casibus jure exceptis.
- 241 Resolvitur Casus II. de quodam Religioso, qui, no die Festivo integra Communitas desisteretur Sacrificio Missæ, ad instantiam Domini Paroeci binavit, etsi non amplius jejunos.
- 242 Recensentur breviter nonnulli Casus. in quibus Ecclesia permittit, duas, vel adhuc plures Missas ab uno Sacerdote celebrari.
- 243 Utrum etiam diebus festalibus licitum sit binare, id est, bis ad altare litare.
- 244 Resolvitur Casu III. de quodam Juvene, qui, quid in Ecclesia procuraverit pollutionem, ab alto viro honesto graviter percursum fuit, non sine multa sanguinis effusione.
- 245 Si pollutio illa occultè duntaxat fuisset procurata, propterea Ecclesia non fuisset polluta.
- 246 Et quid Sacerdoti agendum, si inter celebrandum audiat, Ecclesiam fuisse pollutam per actionem injuriosam.
- 247 Polluta Ecclesia simul censetur pollutum cæmeterium eidem contiguum.
- 248 Quo modo talis Ecclesia sit reconci-lianda.
- 249 Neutiquam tutum, aut consulendum est, ut Religiosus vi privilegiorum hodie præsumat celebrare in loco non sacro &c. nisi Episcopus id expressè concedat.
- 250 Nihilominus si Religiosus infirmitate detentus nequeat egredi cellam, licet in eadem celebraret &c.
- 251 A fortiori possunt Religiosi in suis infirmariis extruere altare portatile in ordine ad celebrandum, vel communicandum &c.
- 252 Quin etiam in aliis locis sibi propriis cri-

erigi posse à Religiosis oratoria, multum probabiliter tenent.

253 Neutiquam tamen id possunt in locis sibi non subjectis.

254 An, vel quomodo Romæ impetrari possit privilegium, seu licentia pro secularibus, in domibus illorum erigendi Oratorium.

§ I.

Præmittuntur, & breviter resolvuntur quæsitæ, scitu necessaria ad debite resolvendos Casus de Tempore, & loco Sacrificandi.

Quæres primò, quo tempore SS. Missæ Sacrificium offerre liceat?

225 R. Tempus ordinarium celebrandi Missam incipit ab Aurora, & terminatur in meridie, id est, hora diei (juxta computationem horologii nostri germanici) duodecima. Ita communissimè DD. & patet ex Rubricis, Missalis, *tit. de Defectibus in Ministerio ipso concurrentibus*, ubi num. 1. dicitur, quòd Tempus debitum celebrandi sit ab aurora usque ad meridiem communiter. Quocirca tamen

226 Notandum venit 1. nomine *Auroræ* non intelligi ipsum ortum solis, sed primam solis irradiationem, quando scilicet aliquid lucis apparet. Esto autem hoc crepusculum non sit æquale in omnibus locis, ordinariè tamen solet incipere vel hora integra, vel quadrante, vel omnino sesqui hora ante ortum solis.

227 Notandum secundò hoc tempus *auroræ* non mathematicè, sed potius moraliter considerandum, & computandum esse, propterea què Doctores satis communiter inferunt, posse Missam inchoari duabus horis ante ortum solis, ita, ut circa initium auroræ finiatur. Quin immò tempore hyberno recepta consuetudo in partibus nostris septentrionalibus obtinuit, quòd Missa tribus, aut omnino quatuor horis ante solis ortum celebraretur; eò præsertim, quòd valde conveniens videatur, ut homines, priùs, quàm laboribus suis manualibus sese dedant, Sacrosancto Missæ Sacrificio assistant, à Deo Eucharistico peccati & impetraturi, ut is benedicat ope-

ribus manuum suarum. Layman l. 5. d. 4. n. 3. Reinfestuel diff. 5. n. 106.

Quæres secundò, sinè cuilibet Sacerdoti permissum quotidie ad aram Deo litare?

228 R. Cuilibet ritè disposito permissum est, exceptis duntaxat tribus diebus postremis hebdomadæ Sanctæ. Ita rursus DD. satis communiter. Et prior quidem pars hujus responsionis est certa, atque decisa cap. consuluisti de celebrat. Missar. confirmaturque receptissima praxi universalis Ecclesiæ. Posterior verò pars desumitur, ac probatur ex recepta Ecclesiæ consuetudine, inquit Reinfestuel. Et quòd in die Parasceves non sit licitum celebrare, fatentur omnes. Major tamen controversia movetur de feria quinta Cænæ Domini, & Sabbato Sancto: quocirca Layman, Suarez, Barbosa, eosque secutus Gobat. *tr. 13. n. 219. & segg.* censent, non esse prohibitum etiam hisce duobus diebus privatim celebrare, modò id feria quinta fiat ante, & Sabbato S. post officium solemne: id ipsum tenet la Croix l. 6. p. 2. n. 231. & mordicus defendit Babenstuber. *tr. 8. p. 4. d. 8. a. 1. n. 6.* At verò P. Kreslinger in suo supplemento, addit. post. n. 210. ad *tr. 14. d. 5. P.* Reinfestuel existimat, huic opinioni moderno tempore non amplius esse locum in praxi, eò quòd à S. R. C. & à Clemente XI. 23. Martii 1701. item 20. Aprilis 1707. interdictum fuerit, die Jovis, aut Sabbato Sancto, in una, eademque Ecclesia, præter Missam solemnem dicere aliam privatam: id ipsum de Sabbato Sancto jam ante declaraverat S. Congregatio die 12. Febr. & iterum die 12. Martii 1690. etiam non obstante contraria consuetudine. Quare, si Festum S. Josephi, vel Annuntiationis incideret in illum diem Jovis hebdomadæ sacræ, possunt celebrari aliquæ Missæ privatæ ante solemnem, ut populus adimplere valeat commodius præceptum audiendi Missam. Quando autem simile festum, occurreret Sabbato Sancto, vel die Parasceves, transfertur etiam in foro, & quoad præceptum audiendi Missam, post pascha usque, ex decreto congregat. 12. Martii 1690. ita vix non in terminis P. Kreslinger, Censeo tamen quoad hoc attendendas esse locorum

consuetudines; quia memorata decreta non ubivis fatis promulgata, vel certe non uniformiter sunt recepta, veluti praxis nos docet.

Quæres tertio, sitne aliquando licitum ab uno Sacerdote plures Missas eadem die celebrari?

229 R. Defacto id non ampliùs, licet, præterquam in die Nativitatis Domini, & in casu veræ necessitatis: Ita statutum legitur *c. consulisti, & c. te referente. de celebrat. Missar. juncto c. sufficit. de consecrat. dist. 1.* ubi redditur hæc ratio: *non modica res est, unam Missam facere, & valde felix est, qui unam dignè celebrare potest.* Quodd autem in die Nativitatis Domini cuivis Sacerdoti liceat tres Missas dicere; patet, tum ex ordinatione Missalis, tum etiam ex praxi Ecclesiæ; etsi nullus per se loquendo sit obligatus tres missas dicere, sed cuilibet liberum est ex tribus dicere unam, quam maluerit: melius tamen facit, qui volens unam duntaxat Missam celebrare, legit tertiam, utpote cujus oratio concordat cum officio diei.

230 Id solum hic breviter annotare placuit; scilicet, defacto non ampliùs esselicitum, dicere omnes tres Missas media nocte, aut in eis communicare alios, veluti liquet ex decreto S. R. Congregationis, emanato 8. decembris 1702. sequentibus omnino verbis: *non licet in media nocte Nativitatis dominicæ celebrare successivè alias duas missas, & in eis communionem sacram exhibere, sed utrumque omnino prohibetur &c.* Et hoc decretum in hac Archiepiscopi Salisburgensi ubique promulgari & observari voluit Celsissimus, noster LEOPOLDUS ANTONIUS &c. &c. Cæterum, quandonam censeatur urgere necessitas ad binandum seu duas, vel plures omnino Missas eadem die dicendas, patebit ex dicendis n. 242.

Quæres quarto, quo loco SS. Missæ Sacrificium sit offerendum?

231 R. De jure ordinario offerendum est in templo, ab Episcopo consecrato aut benedicto, vel saltem in Oratorio ad Deum consecrato, & per Episcopum ad hoc designato. Reinssuel *cit. Herinex disp. 8. n. 109. & seqq.* Et ita statuitur *c. Nul-*

lus. de consecr. dist. 1. item in Concil. Trident. sess. 22. cap. de observand. in celebrat. Missar. Idque meritò; quia Ecclesiæ visum fuit id expedire, tum ad debitam reverentiam hujus Sacrificii & Sacramenti; tum etiam ad majorem devotionem fidelium. Ex quo Doctores communiter inferunt, transgressores hujus saluberrimi statuti, peccare mortaliter, et quòd in re gravi violent præceptum Ecclesiæ.

232 Dictum tamen fuit: de jure ordinario offerendum esse in Ecclesia &c. &c. Ab hac enim regula excipiendus est primò Casus necessitatis, qualis censetur intervenire. 1. si Sacerdos longa peregrinatione in partibus infidelium vel hæreticorum constitutus, non habeat copiam loci facti, in quo Deo litare valeat. 2. si Ecclesiæ sunt dirutæ 3. si locus sacer sit ita parvus & exiguus, ut propterea multi fidelium die festi non possent interesse Sacro. 4. Si Militas in castris constitutus, vel in mari navigantes diebus festis deberent carere Sacro &c. in his ac similibus casibus licet sacrificaretur in loco non Sacro, de se tamen honesto atque decenti, modò id fiat supra altari portatili. Ita communissimè tenent DD. Suarez, Layman, Castropalao, Gobat, Reinssuel & Babenstuber *cit. disp. 9. a. 1. n. 3. & seqq.*

233 Excipiendus est secundò Casus, quo Episcopus dispensat; etenim quod ex diversis juriis *c. Missarum. de consecrat. dist. 1. item c. ult. de privileg. in 6.* (non obstante etiam decreto Concilii Trid. de observand. & evitand. in celebrat. Missæ) Episcopi ex rationabili causa possint concedere facultatem super altare portatile in loco etiam non Sacro celebrandi, meritò tenent Babenstuber, Illsung. *tr. 6. disp. 5. n. 151.* alique multi: id quod etiam confirmatur ex praxi, vi cujus novimus, Episcopos Germaniæ hanc facultatem concedere; & efficacissimè confirmatur ex decreto à moderno Summo Pontifice Benedicto XIII. anno 1725. in Concilio Lateranensi facto, ubi confirmavit constitutionem Innocentii XIII. *Apostolici Ministerii &c.* in qua declaratur, quòd *prohibito facta Episcopis de non erigendis altaribus in domibus laicis. &c.* intelligenda non sè de domibus etiam laicis, in quibus ipse Episc-

Episcopi forte -- excipiuntur &c. Videatur de hoc Concil. *cit. in Appendice §. 16. n. 22.* vel P. Hreslinger *addit. 6. post n. 146. dist. 5. P. Reinffestuel.*

Dices: Sed quid hodie tenendum de privilegio Fratibus Prædicatoribus & Minoribus olim concessio *cap. in his 30. de privilegiis. Vi.* cuius ipsis permittebatur, ut super altare portatile etiam extra Ecclesiam, vel oratoria, in loco tamen honesto, litare possent &c?

234 R. Juxta opinionem P. Babenstuber *l. cit. n. 10.* neque huic privilegio vi Tridentinæ constitutionis derogatum est; tum quia privilegio inferto corpori juris communis (quale est hoc) non censetur derogatum, nisi clare constet de revocatione ejusdem, uti hic non constat; tum etiam, quia juxta Regulam traditam ab Alexandro VI. 1501. *quando oritur dubium in intellectu privilegiorum Regularium semper per Jurisperitos, & alios Judices in favorem Regularium facienda est interpretatio.* Ita Babenstuber.

235 Nihilominus quoad hoc adscriptor P. Reinffestuel in suo *jure can. lib. 3. tit. 41. de celebrat. Miss. n. 5. & seqq.* ubi is ostendit per decretum Clementis XI. *Quoniam Sancta editum. 1703. 15. Decembr.* huic privilegio fuisse derogatum, ut nobis extra Casus veræ necessitatis jam specificatos, & sine speciali licentia Episcopi, jam non amplius liceat celebrare in domibus sæcularium, vel in loco non sacro; quandoquidem Pontifex in suo decreto mox allegato satis clare & expressè id prohibeat omnibus Religiosis, & expressè annulet licentias seu privilegia concessa nonnullis Regularibus *cap. in his de privileg. Vid. Doct. l. cit.*

Dices iterum. At quid, si Ecclesia polluta?

236 R. In Ecclesia polluta celebrare, nefas est. Ita DD. *communissimè.* Et constat ex toto *tit. de consecr. Eccles.* Ratio etiam patet: quia juxta Suarezium, pollutio Ecclesiæ nihil est aliud, quam censura quædam; seu prohibitio ecclesiastica, vi cuius interdicitur, ne in tali Ecclesia, quamdiu polluta manet, sacrum, aut aliæ officia divina celebrentur: Sed hic ulterius

237 R. Ecclesia quinque modis violari

seu pollui potest 1. per homicidium injuriosum ac notorium in Ecclesia factum, sive iusto, sive etiam injusto modo, cum, vel sine effusione Sanguinis. Unde pollueretur Ecclesia, si quis à Judice iuste condemnatus in ea suspenderetur, vel etiam ex desperatione se ipsum suspenderet &c. 2. polluitur per mortaliter peccaminosam, & notoriam (sive notorietate juris, sive facti) humani Sanguinis effusionem in ipsa Ecclesia factam. 3. Polluitur per mortaliter peccaminosam & notoriam effusionem humani Seminis, sive extra concubitum, sive etiam intra concubitum fornicarium, immò etiam (probabiliter) conjugalem, sine necessitate factum in Ecclesia, non tamen in campanali aut cæmeterio, vel etiam sub testeo Ecclesiæ. 4. Polluitur Ecclesia, si in illa sepeliatur aliquis excommunicatus non toleratus. Item 5. si in ea sepeliatur aliquis paganus seu infidelis, veluti dicitur *c. infidelis de Consecrat. dist. 2.* De his omnibus fusiùs tractant Reinffestuel *Theolog. mor. 14. dist. 5. à nu. 122.* Babenstuber *cit. disp. 9. n. 13. & seqq.* La Croix *ubi supr. à n. 256.*

Quæres denique sexto, an Sacerdos peccet, celebrando priùs, quam dixerit matutinum & Laudes?

238 R. Probabiliter peccat venialiter. Ratio desumitur ex *Rubricis §. 10. ubi hoc numeratur inter defectus peccaminosos.* Nihilominus si hoc fiat ex causa rationabili, esto non omnino ponderante & gravi, utputa quia Sacerdos propterea commodius prosequatur sua studia, suum iter, aliove labores, aut post sacrum majori cum devotione solet orare, omni omnino culpa vacabit, veluti rectè docent Sanchez, Fagundez, Lessius, Castropal. Illung. *tr. 5. disp. 1. n. 36.* La Croix *cit. n. 230.* Neque audiendi sunt nonnulli Rigidistæ antiquiores, qui peccati mortalis condemnarunt sacerdotem, sine causa celebrantem ante dictum matutinum; quia nemo condemnandus est ad penas æternas, neque ad obligationem gravem, nisi constet de certa lege obligante: At, nullibi constat in hoc casu de certa lege graviter obligante, nec aliunde videtur specialis connexio, aut dependentia Missæ ab illis precibus: ergo &c.

§. II.

Proponuntur, & breviter resolvuntur
Casus practici de Tempore, & loco
Sacrificandi.

CASUS PRIMUS.

Titus Capellanus aulicus regulariter loquendo cogitur suum Sacrificium inchoare hora duodecima, scilicet in meridie, illudque quadrante post dexteram absolvere: aliquoties verò, & forsitan sepius, quam par est, jubetur expectare, usque dum Princeps à venatione redeat, quod subinde hora prima, subinde etiam hora secunda, vel medio secundæ primū sit: postulat proin scire, an tuta conscientia in hoc Principi suo deferre possit. Quid judicet?

339 R. Ad hunc Casum, illud prius licet fieri, non item hoc posterius. Ratio prior est: quia non est illicitum ante auroram inchoare Sacrificium, ita, ut in aurora absolvatur: ergo neque videtur illicitum illud inchoare in meridie, ita, ut post meridiem absolvatur. Et certe, juxta communissimam DD. paulò post meridiem celebrare, reputatur parvitas materiæ respectu hujus præcepti, ita, ut si fiat ex rationabili causa, omni prorsus culpa vacare credatur: At, Titus id facit ex rationabili causa, scilicet obsequendi suo Principi: ergo. Ratio autem posterioris inde facile colligitur: quia secundum dicta, tempus ab Ecclesia ad celebrandum præscriptum est illud, quod currit ab aurora usque ad meridiem, & non ultra. Tum etiam, quia Pius V. *Bulla Sanctissimus in Christo Pater*. Prohibuit sub pœna suspensionis ferendæ, Missam inchoari post meridiem. Profecto etiam sola prolongatio venationis non videtur sufficiens causa differendi Sacrificium usque ad horam primam vel medium secundæ; cumque aliunde Princeps diebus illis ferialibus non sit obligatus ad audiendum Sacrum; hinc fortè meliùs omnino faceret illud omittere, quam contra Ecclesiæ prohibitiones & sanctiones nimidum differendo.

At verò si Titus noster sine gravi offensa, fortè etiam sine majori fortunæ suæ

periculo nequeat recusare obsequium, non auiam illum gravis peccati condemnare, cū id faciat necessitate compulsus. Suaderem tamen, ut pro majori securitate ab Episcopo petat dispensationem, quam intuitu sui Principis haud difficulter impetrabit.

340 Dixi etiam, hoc secundum non licet fieri, saltem per se loquendo; per accidens enim, in quibusdam veræ necessitatis casibus, licet celebrare post meridiem hora prima, vel secunda, vel etiam tertia. Casus autem à Salmanticensibus annotantur sequentes 1. Si ob solemnitatem alicujus Festi Officium aut Concio sit nimis protracta; 2. Si Sacerdos in itinere constitutus, die festivo præsertim, ante meridiem celebrare non potuit. 3. Si urgeat necessitas communicandi moribundum, ne is sine S. Viatico decedat. 4. Si curandum sit funus alicujus Principis. 5. Si Episcopus ob justam causam dispensavit, aut Privilegium id prædicandi à summo Pontifice sit obtentum; quale post Concilium Tridentinum Gregorius XIII. concessit Congregationi S. Justini de Padua, teste Clericò de *Sacrificio Missæ decis.* 39. n. 40. Vide etiam Babenhuber de *sacrific. Miss. disp.* 8. a. 2. n. 8.

CASUS SECUNDUS.

Sempronius Religiosus in itinere constitutus die Dominica circa nonam Matutinam divergit apud aliquem D. Parochum, qui, cum ab insperato graviter fuisset infirmatus, rogavit Sempronium, ut suo nomine pro populo letaret ad Aram. At, quia Religiosus illo die jam semel fecit ad aram, hinc humiliter se excusare nitebatur, denique tamen ad iteratam instantiam D. Parochi, ne tota communitas sacro audiendo distineretur, denuo, etsi non amplius naturaliter jejuniis accinxit se ad aram, Deoque literis altera vice. Quæritur, an licet?

341 R. Sempronius probabilis illicitè egit: licet enim in casu necessitatis permittatur, ut unus idemque Sacerdos possit binare, id tamen denuo permittitur sacerdoti naturaliter adhuc jejuniis, prout vel inde colligere fas est, quòd Ecclesia in Natali Domini fumentum primam abstulit.

tionem, non amplius permittat legere secundum, vel tertium Sacrum: Atqui Sempronius supponit non amplius fuisse jejuniis: ergo illicitè egit, altera vice litando ad aram. Secus dicendum foret, casu quo in populo grave scandalum fuisset timendum, ex eo, quòd illa die nullus celebrasset; tunc enim per Epikëjam, & rationabiliter præsumptam voluntatem Ecclesiæ, etiam non jejuniis licitè celebraret; præsertim cum præceptum de non præbendo scandalo, utpote fundatum in jure naturali, fortius obliget, quàm illud merè Ecclesiasticum, de jejuniè celebranda Missa. Credo tamen in hoc nostro casu scandalum de facili evitari potuisse, erudiendo scilicet populum, eidemque intimando, quòd Parochus ob infirmitatem derepente supervenientem celebrare nequeat, alius verò Sacerdos naturaliter jejuniis non addit defecto, proindeque in tali casu Populus ob moralem impotentiam deobligatus sit ab audiendo sacro illo die. Vide La Croix l. 6. p. 2. n. 235. & seqq. vel Babenstuber ubi supra a. 2. n. 6.

Dices. Quibusnam ergo in Casibus Ecclesia eidem Sacerdoti permittit binare, seu duas, aut plures Missas offerre eadem die?

242 R. Casus à Doctoribus mox citati referuntur sequentes. 1. Si infirmus aliàs deberet mori sine Viatico; quod tamen rarò contingere notum est. 2. Si aliàs populus die festivo aut Dominica deberet carere Sacrificio Missæ defectu sacerdotis, ut sæpe contingit in partibus Infidelium, præsertim in Anglia. 3. Conceditur Parocho habenti duas Parochias vel Beneficia disita, ut in utroque loco possit eadem die celebrare, nisi habeat cooperatorem, qui in alterutra celebret. 4. Si in die Festo superveniat inopinatò magna multitudo peregrinorum; vel Episcopus, aut magnus Princeps; quod ultimum tamen Henno & alii multi negant; eò quòd hic non videatur urgere vera necessitas; idque omnino verum existimo, si Sacerdos non amplius sit jejuniis: universaliter enim quisque eadem die vult legere Missam alteram, debet in prima abstinere à sumptione ablutionis. Rectè etiam monet Reinfeustel, hodie circa hoc punctum standum esse consuetudini locorum; cum ob multiplicatio-

nem sacerdotum aliqui ex recensitis casibus rarò amplius locum habere videantur. Vide La Croix mox cit. n. 236.

Dices adhuc: At, quid, si idem Sacerdos habeat duo beneficia, licebitne eidem etiam diebus ferialibus in utroque celebrare?

R. Si in utroque loco sit sufficiens multitudo fidelium, quotidie Missam audientium, licitum est tali Beneficiato aut Parocho in utroque celebrare, etiam, diebus ferialibus. Ita Suarez, Castropalao, Salmanticenses, quos refert, & sequitur Babenstuber cit. art. 2. n. 6. Ratio est: quia hæc videtur verè gravis, & satis urgens causa binandi, ne scilicet populus priveretur suo Sacrificio, & opportunitate audiendi Missam. Optimè tamen faciet, si in hoc se accomodet receptæ consuetudini, quippe quæ in his rebus magnam habet vim.

CASUS TERTIUS.

Cajus juvenis procurandis pollutionibus proprii corporis usque adeò assueverat, ut nequidem in Ecclesia ab illo scelere continere se posset, aut cerè non vellent: unde contigit, ut dum semel turpissimo hujus operi vacaret, alius quidam vir gravis & honestus id animadvertens, eidem gravissimam alapam infligeret in Ecclesia, non sine copiosa sanguinis effusione e naribus; quo facto ingens in Ecclesia subortus est tumultus, & Sacerdos inter sacrificandum non modicè perturbatus, proptereaque dubitare cepit, essetne Ecclesia polluta, nec ne? Quid respondendum?

243 R. Si perditus ille juvenis vi procurationis verè effudit semen, Ecclesia procul dubio fuisset polluta; quia secundum dicta n. 237. hæc polluitur per voluntariam, mortaliter malam, & notoriam humani Seminis effusionem c. ult. de consecrat. Eccles. & c. Ecclesiis dist. 1. de consecrat. Atqui in nostro casu hæc omnia intervenissent: ergo &c. Ad verò si supponatur nondum pervenisse ad effusionem seminis, tamen si intenderit & tentaverit illam, vi hujus Ecclesia nequaquam censeri debet polluta: quia (universim) crimen non intelligitur, nisi

*nisi sit consummatum c. hæc autem juncta glossa diff. 1. de pœnit. At, neque polluta fuit propter illam sanguinis effusionem: quippe quæ non fuit mortaliter peccaminosa, neque facta suadente diabolo, sed potius impellente zelo honoris divini: hanc ob causam DD. communissimè tenent, Ecclesiam non pollui, si pueri se invicem ex veniali colera fortè percutiant in Ecclesia, etsi non sine effusione Sanguinis è naribus. Vid. Reinssæfue *cit. diff. 5. n. 122. Layman lib. 6. tr. 5. c. 5. n. 7. & seqq.**

Dices: At qui, si juvenis ille se polluisset in Ecclesia, nemine præter illum virum honestum, animadvertente?

245 R. Propterea non fuisset polluta Ecclesia, idque defectu notoreitatis facti & juris: quia secundum superius dicta, quamdiu de tali delicto publicè (notoreitate scilicet facti, vel juris) non constat, ita ut nemo, aut non, nisi pauci illud sciant, Ecclesia judicio hominum permanet in suo honore & bona fama, ideoque non polluitur, juxta Glossam communiter receptam *c. 1. vers. pollui. de Consecr. Eccles. in sexto*. Censebitur tamen Ecclesia polluta, si ex post facto innotescat delictum, & palam fiat; quia tunc apud homines bonam famam atque existimationem quodam modo deperdit, ait Reinssæfue *cit. n. 130. Herincx disp. 8. n. 121. Suarez disp. 81. sect. 4.*

Dices iterum: quid igitur agendum fuisset Sacerdoti in nostro casu, si is ad aram æstulitando intellexisset, Ecclesiam fuisse verè pollutam effusione Seminis, aut Sanguinis humani?

246 R. breviter cum Suarezio, Laymanno *c. 5. n. 13. Babenstuber cit. disp. 9. a. 1. n. 14.* quod si talis violatio fiat, vel saltem à sacerdote intelligatur facta primùm post Canonem inceptum, is debeat absolvere & complere Missam: si autem id contingat ante canonem inchoatum, debet à sacrificio cessare. Ratio disparitatis hæc est: quia in priori casu SS. Missæ sacrificium censetur jam quasi substantialiter inchoatum, idèdque & proseguendum; non item in posteriori casu. Videatur de hoc Clericatus de Sacrific. *decis. 46. per totam.*

§. III.

Corollaria ex dictis inferenda.

247 **C**olliges ex dictis primò, polluta Ecclesia simul cœmeterium eidem contiguum habendum esse pro polluto: non tamen econtra polluto cœmeterio censetur polluta Ecclesia. Ratio est: quia accessorium sequitur principale: Atqui cœmeterium est quid accessorium Ecclesiæ, & non econtra: ergo &c. si tamen cœmeterium sit ab Ecclesia remotum, ea polluta non polluitur, veluti expressè deciditur *c. un. de Consecr. Eccles. in 6. V. Herincx disp. 8. n. 121.*

Dices. Quo igitur modo Cœmeterium, aut Ecclesia polluta sunt reconcilianda?

248 R. cum distinctione. Nam si Ecclesia fuit duntaxat benedicta & non consecrata, potest per Sacerdotem cum aqua ab ipso benedicta reconciliari, veluti DD. satis communiter tenent, & deducunt *ex cap. si Ecclesia, de Consecr. Ecclesie*. Idem est de reconciliatione cœmeterii, quando hoc vulgari modo solitarie, non autem cum Ecclesia consecrata fuit benedictum. Si verò Ecclesia fuit aliquando consecrata, debet per Episcopum reconciliari aqua per aliquem Episcopum benedicta, cum vino & cinere. Prælati tamen Regulares ex Privilegio à Leone X. concessio *Bulla sexta in Bullario Rodriguez* possunt suas Ecclesias consecratas, quando pollute sunt, reconciliare: sed aqua ab Episcopo benedicta cum cinere & vino: Quin etiam, si Episcopus distet ultra duas dietas, id est, ultra 14. Leucas, possunt ipsimet aquam benedicere, & ea mediante Ecclesiam reconciliare. Vide Rodriguez *Tom. 1. qq. Regul. 9. 19. a. 6. Portel vers. Ecclesia in addit. n. 10. Herincx cit. num. 122. Laym. l. cit. c. 5. n. 12.* ubi etiam addunt, vi ejusdem Privilegii ipsos Prælatos Regularibus concessum fuisse, ut possint solemniter benedicere suas Ecclesias & Cœniteria, si Episcopi nolint, aut negligant.

249 Colliges secundò, Nequaquam consultum esse, ut hodie Religiosi vi Privilegiorum suorum (extra Casus verè necessitatis) præsumant celebrare in locis profanis

sanis seu non sacris, seu etiam in domibus Laicorum. Ratio desumenda est ex dictis n. 235. quia Clemens XI. id severè prohibuit, revocatis etiam quibuscunque Privilegiis antehac concessis. Unde nullatenus dubitandum, quin Ordinarii contrariam praxin audientes gravissimè offenderentur, & fortè etiam pœnis Canonicis in huiusmodi transgressores animadverterent. Secus tamen dicendum foret, si id cum approbatione vel etiam dispensatione Episcopi fiat v. g. ob infirmitatem cuiuspiam, vel etiam ob mortem nobilium, prout aliquoties factum esse novimus experientia. Vide Kreslinger *cit. ad diss. 5. Appendix 1. addit. 2.*

250 Colliges tamen tertio, non obstante Constitutione Clementis XI. à Religiosis privilegiatis in suis Cameris seu Cellis privatis, dum eas gravi infirmitate detenti egredi nequeant, erigi posse altare portatile in ordine ad celebrandum & Communicandum. Ita Salvaticenses aliique plures ab ipsis relati. Ratio est: quia Clemens XI. in sua Constitutione se refert ad Concilium Trid. ss. 22. per Concilium verò Tridentinum solum injungitur Episcopis, ne permittant celebrari Missas in domibus privatis, quæ non sunt dicatæ cultui divino, atque adeo extra Ecclesiam omnino: Atqui Cellæ & cubicula privata Religiosorum non veniunt nomine domus privatæ, nec sunt omnino extra Ecclesiam; quia sunt partes Monasterii, quod totum venit nomine Ecclesiæ. Accedit, quòd Pius IV. an. 1565. ideoque post Concilium Trident. hoc Privilegium concesserit Canonicis Regularibus Lateranens. quo privilegio via communicationis etiam alii Religiosi participant, ergo vi hujus Constitutionis Tridentinæ nihil potest esse derogatum memorato privilegio. Videatur Babenstuber n. 11. Sporer *part. 2. n. 44. fin.* Kreslinger *addit. 6. post n. 146. Theol. Mor. tr. 14. diss. 5. P. Reinffestuel, Lezana tom. 3. Summæ V. Altare.*

251 Colliges à fortiori quartò, à Religiosis in propriis infirmariis ad inferiendum infirmis erigi posse Capellas, seu etiam Oratoria. Ita enim diversi Pontifices indulserunt, veluti videre licet apud D.D. *mox cit.* Neque etiam à Tridenti-

no hæc privilegia sunt revocata: quippe quod solum mandavit, ne Episcopi patiantur etiam à Regularibus Missas celebrari in domibus privatis, aut extra Ecclesiam &c. Ex quo P. Babenstuber rectè inferit, etiam Sæculares Sacerdotes in tali Capella celebrare posse; eò quòd in privilegiis concessis nulla fiat restrictio: idque totum confirmatur ex recepta praxi.

252. Quin etiam in aliis locis extra septa Monasterii, sibi tamen, Religiosis scilicet propriis erigi posse Oratoria aut Capellas in ordine ad celebrandum, docet idem Babenstuber ob rationem mox datam: quia possunt erigere in quocunque loco proprio Religionis; at supponitur talis locus esse proprius Religioni: ergo &c.

253 Dixi tamen: in loco Religioni proprio; etenim quòd in aliis locis profanis vi privilegiorum suorum amplius celebrare nequeant, multò minùs erigere Capellas vel Oratoria, hodie videtur certum, & satis colligi potest ex jam dictis; quia vel illa Privilegia nunquam se extenderunt ad illa loca aliena, jurisdictioni Religiosorum non subiecta, vel si quocunque demum modo se extenderunt, per Clementem XI. jamjam fuerunt restricta.

Petis adhuc, an vel quomodo pro Sæcularibus Romæ impetrari possit facultas erigendi Oratorium, missamque celebrandi vel audiendi in propriis ipsorum domibus?

254 R. breviter, hanc facultatem quadrupliciter concedi, & Romæ impetrari posse, scilicet 1. Pro Rure tantùm. 2. Pro Civitate. 3. Pro infirmis Nobilibus, & 4. pro itinerantibus. Et quidem primò, pro Rure tantùm (id est, pro locis seu habitationibus extra Urbem aut oppidum sitis) datur hoc privilegium pro personis etiam non nobilibus, & nulla jurisdictione temporali aut dominio præditis. 2. Pro Civitate verò, & omnibus omnino locis, sive ea sint oppida, sive Villæ, sive dominia, conceditur tantùm personis nobilibus, exercentibus jurisdictionem altam, vel bassam in aliquo loco, qui in supplica exprimi debet. 3. Pro infirmis nobilibus hæc licentia impetrari potest, tametsi nullam exercent jurisdictionem. 4. Denique pro itinerantibus conceditur eadem licentia, at cum sequentibus Clausulis 1. ut persona sit nobilis, sive

sive jurisdictionem exerceat, sive non. 2. Ut hæc licentia valeat, & se extendat ad certum duntaxat districtum, v.g. per Germaniam, vel per Italiam &c. 3. Ut valeat tantum in actuali itinere, & quidem, ubi Missarum commoditas deest. Taxa verò pro hujusmodi licentia ad 12. circiter scuta ascendet. Videantur de hoc P. La Croix *lib. 6. part. 3. n. 391. §. de Oratoriis*. Vel P. Kreslinger in sua *Appendice I. addit. 7. & seq. ad tr. 14. dist. 5. Theol. Mor. P. Reinfiestuel*.

CONFERENTIA VIGESIMA,

De Altari, Paramentis, aliisque ad ritè
Sacrificandum necessariis.

SUMMARIUM.

- 255 Quid intelligatur nomine altaris?
- 256 Quomodo debeat esse instructum, ut in illo licitè celebretur?
- 257 Quot modis altare semel consecratum suam perdat consecrationem.
- 258 Quid sit Sigillum, & quid sepulchrum Altaris.
- 259 Ob fractionem sigilli, aut sepulchri præcisè, probabilius non execratur altare.
- 260 Quibus vestimentis Sacerdos celebrans debeat esse indutus.
- 261 Vestes sacerdotales debent esse benedictæ ab Episcopo, vel alio privilegiato.
- 262 Calix cum patena debet esse deauratus saltem.
- 263 Insuper debet esse consecratus; & quomodo instructus?
- 264 Minister altaris debet esse mas, & collens suum ministerium ac preces.
- 265 Ordinariè legenda est Missa, officio seu Breviario diei correspondens.
- 266 Quandoque Ecclesia permittat Missas votivas, vel etiam de Requiem privatim legendas.
- 267 Et quando permittat Missas votivas

- vel de Requiem publicas, seu publicè legendas.
- 268 Rubricæ Missalis aliæ sunt directivæ tantum, aliæ etiam præceptivæ.
 - 269 Qui voluntariè non observat Rubricas præceptivas circa valorem, aut integritatem, vel etiam circa partes accidentales ordinarias, per se loquendo graviter delinquit;
 - 270 Non item is qui negligit Rubricas circa aliquid accidentarium non ordinarium.
 - 271 Resolvitur Casus I. de Sacerdote, cui Sacrificaturo Angeli Sancti mirabiliter asportarunt crucem.
 - 272 Ad licitè celebrandum probabiliter sufficit crux sola, sine imagine crucifixi.
 - 273 Quid agendum, casu quo ventorum impetu sub sacrificio luminaria extinguuntur.
 - 274 Resolvitur Casus II. de Sacerdote, qui inculpabiliter oblitus stolæ, ab alio fuit sub sacrificium correctus; sed non bene.
 - 275 Est tamen corrigendus ille Sacerdos, qui deprehenditur errare circa aliquid substantiale sacrificii; uti est consecratio &c.
 - 276 Non tenebatur præfatus Sacerdos acceptare stolam sibi sub sacrificium ab alio missam, nulla minus eam postulare, si propterea debuisset incurere infamiam &c.
 - 277 Resolvitur Casus III. de alio quodam, qui ex respectu humano multas Rubricas non observavit celebrando; ideoque bonus poltricus, non tamen bonus Sacerdos merito arguitur.
 - 278 Tametsi tales Rubricæ non fuerint, nisi de accidentalibus, potuit tamen peccare mortaliter saltem per accidentem.
 - 279 Qui advertit, se accidentaliter errasse, v. g. omitendo Credo &c. non tenetur talem defectum supplere, si jam aliquantulum sit progressus in suo Sacrificio.
 - 280 Qui in altari, vel etiam calice non consecrato celebrare præsumit, graviter peccat.

- 281 *Calix noviter deauratus probabiliter non indiget nova consecratione.*
 282 *Vestes, aliaque paramenta ecclesiastica, quandonam suam consecrationem perdere censentur.*
 283 *Qui scienter omittit totam Epistolam cum graduali &c. graviter delinquit;*
 284 *Non item is, qui duntaxat omittit Gloria, vel lauda Sion &c.*
 285 *Et quid Sacerdoti agendum, casu quo prævidet, se in sacrificio celebrando unam alteramve ceremoniam aut actionem non posse observare.*
 286 *Qui ob infirmitatem nequit elevare hostiam licite celebrat, saltem privatim.*
 287 *Recensentur Rubricæ Missalis de defectibus corrigendis.*

§. I.

Præmittuntur, & breviter resolvuntur quæstia, scitu necessaria ad debite resolvendos Casus practicos de Altaribus, Paramentis, aliisque ad ritè celebrandum necessariis.

Quæres primò, quidnam intelligatur nomine Altaris?

255 R. Intelligitur illa mensa, suprà quam peragitur incruentum Missæ Sacrificium. Porro aliud est altare fixum, aliud portatile. Fixum vocatur, quod alicui basi immobiliter est affixum, uti communiter sunt altaria in Ecclesiis erecta. Portatile vero appellatur, quod de facili amoveri, & de loco in locum portari potest; unde & portatile nuncupari solet.

Quæres secundò, quomodo altare debeat esse instructum, ut in eo ritè ac licite res divina peragatur?

256 R. Altare, sive fixum sive portatile sit, debet inprimis esse lapideum; quia repræsentat Christi sepulchrum, quod fuit in Petra excisum, vel etiam ipsum Christum, qui in Scriptura dicitur Petra, lapis &c. 2. Debet esse consecratum *argum. can. 30. & 31. de consecrat.* 3. Debet

insuper esse coopertum tribus tobaliis benedictis, aut certè juxta receptam aliquorum consuetudinem duabus, quarum una sit duplicata, aut cooperta corporali. 4. Debet altare esse ornatum antipendium; quod etiam potest confici ex asseribus, aut marmore polito. 5. Debet insuper supra altare stare candelà accensa ex cera, eaque duplex: etsi in casu necessitatis etiam sufficeret una, etiam ex sebo, vel alia lucerna, aut lampas. 6. Denique debet in altari esse exposita imago crucifixi, aut saltem crux, uti patebit ex dicendis *In resolutione Casus I. n. 271. & 272.*

Quæres tertio, quot modis altare semel consecratum deperdat suam consecrationem?

257 R. Duobus modis potest illam deperdere. I. ex eo, quòd in altari fixo pars superior seu mensa consecrata removeatur ab altera parte inferiori & fixa, cui erat compaginata ut habetur *c. 1. de consecrat. Eccles.* II. Eam deperdit, si ita enormiter frangatur illa mensa, ut ob fractionem vel potius separationem illam (sola enim scissio lapidis nihil officit) lapidis non ampliùs remaneat tantum, quantum sufficeret ad decenter in eo collocandum calicem cum patena, & hostia consecrata; veluti subinde contingit cum altaribus portatilibus.

Dices At quid, si frangatur solum sigillum Altaris, & sepulchrum illius cum Reliquiis auferatur?

258 Ante Responsum suppono, nomine sepulchri intelligi loculum illum, seu capsulam, in qua sacræ Reliquiæ reconduntur: nomine verò sigilli intelligi parvulum illum lapidem, quod sepulchrum clauditur, & tegitur; quo supposito.

259 R. Per talem fractionem probabilis non execrari Altare. Ita Reiffenstuel *l. 3. decret. tit. 40. n. 39. & 40.* Ratio inde desumitur, quia nullo claro textu juris ostendi potest, reliquias sanctorum esse necessarias ad consecrationem altaris, esto in consecratione ob laudabilissimam praxin Ecclesiæ non debeant prætermitti. Id ipsum efficaciter confirmari potest ex eo, quòd tempore belli Suecici ab hæreticis in sola Diœcesi Augustana aliquot millia altarium fuerint spoliata sacris reliquiis, & Sacra Rituum Congregatio desuper consultata quid

ta quidnam scilicet de hujusmodi altaribus tenendum aut agendum? teste P. Francisco Schmier *lib. 3. de Jurisprud. tr. 2. p. 2. Sect. 3. n. 146.* respondit, reliquias denuo esse recondendas in altaribus, sed absque nova altarum consecratione: ergo censuit, altaria illa mansisse consecrata, tametsi sepulchra fuerint fracta.

Quæres quartò, quibus vestimentis Sacerdos debeat esse indutus, ut licite celebret?

160 R. Debet esse indutus sequentibus 1. humerali seu amictò. 2. Alba cum cingulo. 3. Manipulo, stola, & Casula, seu planeta. Color autem Casulæ, stolæ ac manipuli, sicut & velum calicis, debent correspondere temporì, præscriptoque Rubricarum. Ita omnes. Id unum hic adnotandum duxi, quòd juxta DD. *communiter*, Rubrica de servando colore sit duntaxat directiva, vel saltem non graviter præceptiva; contra Rubrica de ipsis vestibus Sacerdotalibus graviter obligat; quia juxta *can. 42. diff. 1. de consecrat.* contrarium facientibus *gravis ultio imminet*: si quis tamen necessitate compulsus celebret sine stola vel manipulo, excusari potest à culpa, præsertim gravi, veluti docent Filliucius *tr. 5. c. 5. n. 15.* Layman *l. 5. tr. 5. c. 6. n. 17.* Rodriguez & alii plures, quos citat & sequitur Sporer *n. 409.*

161 Porro vestes sacerdotales mox recensitæ, debent esse benedictæ ab Episcopo, vel alio, habente speciale privilegium; quales habent superiores Regulares in ordine ad benedicenda illa paramenta Ecclesiastica, vel etiam vasa, quæ non indigent unctione crismatis, veluti fusius demonstrat Reinshæus *lib. 3. decret. tit. 40. n. 50. & seqq.* Suarez *tom. 4. de Relig. l. 2. c. 30.* Rodriguez *Q. Q. Regul. tom. 1. q. 19. a. 2.*

Quæres quintò, qualis calix ad ritè sacrificandum sit necessarius, & quomodo is debeat esse instructus?

162 R. Juxta præscriptum *can. 44. & 45. diff. 1. de consecrat.* Calix cum patena, si non ex auro, omnino ex argento debet esse confectus. Pauper Ecclesia saltem stanneum calicem habeat. De ære autem vel auri chalto non debet confici calix; quia ob vini virtutem æruginem causat, quæ vomitum provocat. Quin etiam juxta

præscriptum Missalis, *de defectibus Missæ tit. 10.* sufficit, si cuppa calicis sit aurea, argentea, vel in Ecclesiis pauperculis stannea, etsi pes ejusdem de alia materia sit confectus. Nec videtur, quò minus in Ecclesiis pauperculis usurpari queat calix ex alio metallo, modo talis cuppa intus deauratur; quia tunc non ampliùs provocabit vomitum; quod unicè sacri canones volvere remotum.

163 R. Secundò. Calix, in quo Sacerdos vult celebrare debet esse instructus 1. purificatorio lineo. 2. palla lineæ, ac benedicta. 3. Corporali similiter benedicta & mundo. 4. Velo, atque bursa corporalis; quæ tamen ultima ubi de facili haberi nequeunt, sine culpa prætermittuntur in missa, etiam ex mera devotione celebranda; eò quòd hæc non ita proximè accedant ad ministerium hujus sacrificii, sicut illa prius recensita.

Quæres sextò, qualis Minister adhibendus sit ad hoc divinissimum ministerium?

164 R. Minister debet esse Mas, & insuper callere suum ministerium in tantum, ut possit respondere Sacerdoti: Ita *communissimè* DD. Barbosa *de offic. & potest. Parochi part. 1. c. 11. n. 40.* Sporer *num. 390. & seqq.* Layman, Gobat alique. Ratio est: quia Ecclesia sapienter voluit *famulus ab altaris ministerio remotus c. inhibendum de cohabit. Cleric. & Mulier.* idque ob periculum alicujus motus incontinentiæ in altaris ministerio, ait Sporer. Ex quo DD. communiter inferunt, ne quidem in Casu necessitatis ad hoc ministerium admittendam esse sceminam, nec monialem, sed præstare, ut deficiente alio ministro Sacerdos sibi met respondeat, & celebret sine omni alio ministro potius, quam cum scemina.

Quæres septimò, qualis Missa singulis diebus sit legenda?

165 R. Legenda est Missa conformis Officio, seu Breviario illius diei; ita enim præscribunt Rubricæ. Excipiendus tamen ab hac regula est Casus, quo quis legit in aliena Ecclesia, ubi celebratur solemnitas, vel Festum duplex; tunc enim omnino oportet nos conformare tali Ecclesiæ, præsertim in colore, tametsi aliud Officium recitassentus illo die, veluti decidit Sacra

R. Con-

R. Congregatio 1668. 9. Junii. Excipiendum itidem est : nisi quis rationabili de causa velit dicere *Missam votivam*, aut de *Requiem*, illis diebus, quibus ab Ecclesia permittitur.

Dices : quandonam ergo Ecclesia permittit, legi *Missam votivam*, vel de *Requiem* ?

266 R. *Missam votivam privatam*, sicut & *Missam privatam de Requiem* legi permittit, quodocunque non est Festum duplex, aut Dominica, aut talis dies, in quo prohibetur fieri Festum de duplici. Specialiter tamen prohibentur fieri hujusmodi *Missæ* infra Octavas Epiphaniæ, Paschatis, & Pentecostes, Corporis Christi, & Nativitatis Domini; item in Vigiliis Nativitatis, Epiphaniæ, Pentecostes, nec non Feria quarta Cinerum, atque in tota hebdomada majori. Totum hoc asserunt esse commune inter DD. & continetur in *Rubricis Missali*, part. 1. Titul. 4. n. 3. & seqq.

267 Dixi tamen : *Missam votivam privatam*; etenim *Missas votivas solennes* pro publica necessitate, v. g. avertenda peste, fame, aut bello &c. itemque *Missam solennem de Requiem*, præsentem tamen corpore defuncti, permittit Ecclesia in omnibus duplicibus, quæ non sunt primæ Classis, itemque in Dominicis non æquivalentibus Festis primæ Classis, uti æquivalent Dominica I. Adventus, Quadragesimæ, Palmarum, aliæque plures. Verùm ad hæc plenius addiscenda remittimus Lectorem ad *Rubricas Missalis*, nec non ad alios *Rubricistas*, quorum est similia docere esse profectum. Si quis tamen desuper velit consulere *Moralistas*, adeat P. La Croix l. 6. p. 2. d. n. 407. item d. n. 497. Mattheucci in *officiali. curiæ Ecclesiæ* c. 10. §. 2. n. 67. Kresslingger cit. in *Appendice*. 3. add. 6. & seqq.

Quæres denique octavò, an, vel quomodo Sacerdos peccet, qui deliberatè non observat *Rubricas Missalis* ?

268 Ante Responsonem rursus supponendum, cum *communis DD.* alias esse *Rubricas directivas tantum*, alias etiam esse *præceptivas*. *Directivæ* tantum dicuntur, quæ solum consulunt, quid agendum ad celebrandum cum majori decentia vel devotione &c. veluti consuluntur quædam præ-

ces ante, & post *Missam* à Sacerdote diceudæ : & istæ *Rubricæ* non obligant sub peccato, eo ipso, quòd sint duntaxat consultivæ. *Præceptivæ* autem appellantur, quæ vel expressè aliquid mandant sub peccato, vel saltem præscribunt & designant talem materiam, quæ aliunde, ex jure scilicet, vel consuetudine observanda est; idque vel circa partes essentielles *Missæ*, uti est consecratio; vel circa integrales, uti est sumptio; vel denique circa partes duntaxat accidentales; è quibus rursus aliæ dicuntur accidentales Ordinariæ, eo quòd ordinariè, ad omne Sacrificium concurrere soleant ac debeant, veluti sunt *Introitus*, *Oratio primaria*, *Epistola*, *Evangelium*, *Canon* &c. aliæ extraordinariæ appellantur, uti *Gloria*, *Credo*, *Orationes secundariæ*, *Præfatio extraordinaria*, vel *communicantes speciale*, quæ utique ordinariè non concurrunt in omni sacrificio *Missæ*. h. n.

269 R. 1. Qui voluntariè non observat *Rubricas præceptivas* circa ea, vel aliquid eorum, quæ concernunt valorem, vel solum integritatem sacrificii, graviter peccat : idem tenendum est de eo, qui non observat *Rubricas* circa partes accidentales ordinarias, nisi parvitas materiæ, vel inadvertentia excuset. E ratio est : quia talis agit contra præceptum Ecclesiæ in re gravi; omnes enim istæ partes continentur absolute sub *rubricis præceptivis*, quæ per Bullam *Quo primum Tempore* à Pio V. editam, & præfixam *Missali Romano*, jubentur observari in *virtute sanctæ obedientiæ*, uti observant *La Croix cit. n. 417. & 418. Gobat n. 746.*

270 R. secundò. Qui non observat *Rubricam* circa aliquid accidentale extraordinarium, per se loquendo venialiter duntaxat delinquit. Ratio est : quia *communis DD.* iudicio (cui in his moralibus multum per omnem modum tribuendum, immò acquiescendum est) partes accidentales extraordinariæ non censentur materia adeò notabilis, ut Legislator sub gravi culpâ voluerit adstringere ad earum observantiam. Ita etiam tenent *La Croix cit. num. 420. Gobat, Filliucius, Quarti, Sporer n. 426. Pasqualig. q. 200.*

§. II.

Proponuntur, & breviter resolvuntur Casus practici circa Altaria, Paramenta, & alia in sacrificio Missæ observanda.

CASUS PRIMUS.

Titius Sacerdos à Kazizio Agarenorum Rege interrogatus, quam ipse artem calleret, respondit, se esse sacerdotem, & omnes artes, Regumque potentiam quamcunque superari suo ministerio. Rex, se inveniendi huiusmodi ministerium, & ut illud in suo conspectu celebraret, mandavit. Sacerdos è contra respondit, destitui se rebus necessariis ad Sacram rem peragendam. Quare Rex continuò jubet, ut è proximo Christianorum oppido peterentur, quæ ad hoc Mysterium celebrandum opportuna esse videbantur. Afferuntur ea: orsurus tamen Missam Sacerdos constitit. Causam cunctationis Regi seiscitant, crucem deesse dixit, quæ confluxisset his viribus, & præsertim illo die (erat festum inventionis S. crucis) adhiberi. Vix hæc erat effatus, cum fornice, qui altari imminabat, dehiscente magne splendor effulsit, & per illum hiatus duo Angeli de cælo illapsi, crucem ligneam bipalmeam deferentes, super altare paratum deposuerunt. Strupet Rex Agarenus cum suis Aulicis, tanto miraculo conspecto; fidem cum iisdem amplectitur, & sacello intra arcem constructo, angelicam illam crucem intra arcam pretiosam reponit. Ita factum hoc mirabile narrat P. Gobat tract. 3. num. 286. ex Ciacconio & Gretsero; cuius occasione hic meritò moveri posset dubium, an Titius licitè Regi obtemperasset celebrando sine cruce?

271 R. Si id fecisset ad instantiam Regis, & quidem sine contemptu aut scandalo, hand quamquam peccasset Titius. Ratio est: quia tamen si ex præscripto Rubricarum Sacerdos celebraturus debeat habere crucem super altari positam, idque etiam juxta novissimum decretum S. R. Congregationis, editum 14. Maji 1707. tunc, quando supra altare expositum prostat Venerabile; nihilominus qui præciso omni contemptu ac scandalo absque cruce expo-

sita celebrat, non nisi venialiter delinquit, immò ne venialiter quidem, ubi de facili crux haberi nequit; tunc enim, inquit Gobat cit. n. 295. satius est, facere sacrum etiam ex sola devotione, quam illud omittere ob defectum crucis: atqui Titius de facili non potuisset habere, propterea-que forsitan Angelorum ministerio illam obtinuit: ergo ad instantiam Regis omnino licitè celebrasset, præsertim si inde effectum tam felicem sperare licuit. Videatur de hoc Vasquez disp. 2. 33. num. 26. Fagundez de præcept. Eccles. præcept. 1. 13. c. 21. n. 31.

At, inquires, sufficitne habere solam crucem, an verò præterea debet esse expositus crucifixus supra altare?

272 R. Debet exponi imago crucifixi, ubi potest de facili haberi; ita enim præscribit ceremoniale Episcoporum, & ita docent Gavant, Layman, aliique: quod & usushodiernus, praxisque Ecclesiæ confirmat. Nihilominus cum Missale loquatur duntaxat de cruce, & Angeli Sancti in nostro casu solam crucem, non item imaginem crucifixi alportarint Sacerdoti; ideo facilius permitti potest, cum sola cruce depicta in tabernaculo aut cartha aliqua papyracea, quam sine omni cruce celebrari. Immo verò Tamburinus l. 1. c. 6. putat, sufficere crucem vel crucifixi imaginem depictam in pariete vel tabula ad latus; consentiant & Sporer num. 385. & Gobat cit. num. 199.

Dices adhuc: quid si autem sub Sacrificium Missæ ventorum impetu luminaria extinguantur?

273 R. Cum Lugone, Sporer n. 381. la Croix n. 393. & 394. Kresslinger cit. append. 2. addit. 3. quod, si Missa cum luminaribus inchoata, jam sit producta usque ad Canonem, vel etiam usque ad offertorium, ea possit continuari etiam sine lumine: si tamen sit spes reaccensionis, debet tantisper expectari v. g. per medium quadrantem horæ: post consecrationem autem jamjam peractam, non est opus, ut tandiu expectetur; quia tunc spectatis omnibus circumstantiis censetur talis reaccensio moraliter impossibilis.

CASUS SECUNDUS.

*S*emprontus in aliena Ecclesia rem divinam facit, sese induit sacris vestibus, oblitus tamen stole: incipiat proin Sacrum, nec memor, nec observans defectum stole: observavit tamen Parochus laici, propterea que sub tempore Evangelii edidit per suum sacristam submisit stolam. Mirabatur primum Sempronius, deinde dubitabat, an vel quomodo illam deberet inducere. Demum eam collo circumduxit, non sine notabili difficultate, mirantibus, qui aderant, factum, ejusque causam non satis essequentibus. Queritur jam, utrum Parochus prudenter egerit corrigendo Sempronium, eidemque stolam submitendo?

274 R. Quod non. Ratio est: quia generaliter loquendo imprudenter agimus, quando, inculpabiliter errantem in re nulli prorsus nociva corrigimus, cum non leviteridem, fortè & aliorum incommodo: atqui illa correctio seu admonitio fuit in primis admodum gravis Sempronio; tum propter publicam confusionem, tum etiam propter devotionem, haud dubiè non parùm inde impeditam: immò & ipsis assistentibus non parum incommoda fuit, ob admirationem, distractionem, fortè etiam risum &c. uti sapienter advertit Gobat *cit. n. 344. ergo &c.*

275 Dixi tamen: quando inculpabiliter errantem in re, nulli prorsus nociva corrigimus &c. Secusenim resolvendum existimo, ubi talis error redundaret in notabile damnum tertii, vel detrimentum honoris divini &c. præsertim si talis error fieret cum invaliditate aliquis Sacramenti; tunc enim amor Dei vel proximi jubent nos præferre honorem Dei nostræ confusioni, præsertim non adeò gravi. Hac de causa arbiroy, prudenter ac laudabiliter egisse illum Clericum, qui animadvertens alium quendam Sacerdotem ad aram litando super panem protulisse verba calicis: *hic est enim calix*: &c. illico eum desuper admonuit, etsi non sine aliqua confusione, quæ utique valori, honori ac reverentiæ augustissimi hujus Sacramenti postponenda fuit.

Dices: At, fuitnè Sempronius in nostro Casu obligatus acceptare stolam sibi à Parocho subministratam, vel illam è sacristia petere, si sub sacrum animadvertisset hunc defectum?

276 R. Si Sempronius multos habuit observatores, fortè etiam obmurmuratores, nequaquam fuit obligatus; idque ob præsens periculum gravis perturbationis, oblocutionum, vel etiam illusionum statui sacerdotali minimè convenientium. At verò, si non aderant, nisi pauci, qui illud notassent, aut certè non multum apprehendissent, ut proin non, nisi levis perturbatio aut obmurmuratio fuerit timenda, tenebatur eam acceptare, immo proprio motu postulare; tum quia juxta effectum S. Thomæ 3. p. q. 83. a. 6. *ad secundum*, ubi difficultas occurrit, semper accipiendum est illud, quod habet minus de periculo; tum etiam, quia ordinariè loquendo defectus sive in agendo, sive in orando seu recitando commissi, non sunt supplendi, nisi fuerint substantiales, aut, nisi commodè suppleri queant; secusenim committeretur major deordinatio in sacrificio, supplendo talem defectum v.g. gloria vel credo primum dicendo ante, vel omnino post elevationem, quàm omnino omitendo. Videatur Gobat ubi suprà n. 345. Henno *disp. 11. q. 15. conclus. 2.*

CASUS TERTIUS.

*C*ajus Sacerdos faretur se sapius ad aram accessisse sine præparatione prævia, id est, sine accessu disto, seu precibus ordinariè dicti solitis ab aliis, propterea que non rarò minori, quàm par erat, cum devotione celebrasse, ita, ut aliquoties non sumpsisset orationes debitas, vel certè sine ordine debito; aliquoties omiserit gloria vel credo; aliquoties eorum oblitus, postea primum incidere, quod debuisset sumere: subinde etiam omiserit secreta, id est, Secretas orationes de jure dicendas. Demum etiam subjungit, se assuevisse memento suum facere prius quàm ad aram se confert, ne videretur adstantes nimium detinere, vel, verius loquendo, ut ab aliis haberetur velut homo dexter, & expeditus in omnibus suis actionibus. Quid jam

de Cajo tenendum, vel quomodo peccasse judicandus est?

277 R. Cajus videtur bonus politicus, non tamen bonus sacerdos. Ratio est: quia bonus Sacerdos & fidelis Minister Christi debet potius attendere & curare Dei gloriam, quam hominum benevolentiam, aut vanam gloriam inde captandam, juxta illud Apost. *Galat. 1. c. si hominibus placerem*, id est (ut exponitur ab aliis) cum detrimento divinæ gloriæ placere quærerem, *Servus Christi non essem*: at Cajus potius respexit homines, quam Deum: ergo &c. Unde

278 R. Secundò. Tametsi omnes illæ negligentie in casu enarratæ per se loquendo (præsertim seorsim spectatæ) videantur non excedere culpam venialem; quia, ut ex dictis n. 268. *ac seqq.* facile patebit consideranti, omnes illi defectus vel sunt contra rubricas directivas duntaxat, vel contra præceptivas quidem, sed non in materia gravi; consequenter per se loquendo non excedunt culpam venientem. Nihilominus, si Cajus vel ordinariè, vel saltem à potiori omittat *Gloria*, vel *credo*, vel *orationes secretas*, profecto satis manifestat, res divinas parùm sibi cordi esse. Et certe cùm id faciat sine rationabili causa, convincitur quodammodo contemnere ministerium hoc omnium divinorum divinissimum; quod haud dubiè non vacat gravi culpa. Mirandum sanè nequaquam esset, si ex tali tantaque luriditate se sentiret expositum periculo gravioris lapsus: arbitror proin, Cajum, si minus reprehensione, certò tamen seriosa animadversione dignum, & adhortatione indigum esse. Vide Illust. *tr. 6. distr. 5. a. 6. n. 171. La Croix n. 419.*

Dices: at quid, si Sacerdos ex oblivione duntaxat (ut subinde fit) omittat *credo*, vel *communicantes extraordinarium*, & postea primùm hujus erroris commissi recordetur?

279 R. Si primùm recordetur, posteaquam in suo Sacrificio jam aliquantulum processit, nihil amplius tenetur repetere, nisi jam constare debet ex dictis paulò ante n. 276. (multò minus si primùm recordetur illius post Sacrificium jam absolutum) partim quia istiusmodi Defectus non sunt substantialia; par-

tim etiam quia similes Orationes ex præscripto Ecclesiæ ita inter se ordinatæ atque connexæ sunt, ut, si quid postea repetatur, Ordo Missæ potius pervertatur, quàm procuretur, veluti post S. Thomam rectè notatur *Castrapalao tr. 22. pu. 11. n. 6. Quarti*, aliique plures, quibus adstripluntur *La Croix l. 6. p. 2. n. 531. Henno de Eucharist. disp. 11. q. 15. concl. 2.*

§. III.

Corollaria ex dictis inferenda.

280 C. Colliges ex hæcenus dictis primò, sacerdotem peccare mortaliter, si celebret in Altari non consecrato, aut in calice non consecrato. Ratio est: quia agit contra præceptum Ecclesiæ in materia gravi, veluti ex communidocet Sporer n. 396. Non tamen peccat, qui in Altari celebrat, quod probabiliter est consecratum, utputa quia is, qui consecravit, probabiliter habuit ex Privilegio potestatem consecrandi. Et ratio hujus est: quia in dubio semper præsumitur pro valore actus: ergo à fortiori idem præsumi debet, ubi probabile est actum valuisse: ergo & in præsentī casu præsumi debet pro valore consecrationis, de cujus invaliditate, quandiu non certò constabit, semper manebit Altare quodammodo in possessione suæ consecrationis. Rectè etiam *La Croix l. cit. n. 309.* cum aliis docet, sacerdotem non teneri indagare, si nē Altare, vel calix, in quo celebrare intendit, consecratus vel non? prudenter enim præsumere licet, esse talem; secus non exponeretur pro usu ab illis, quorum interest gerere curam.

Dices. At quid, si patena vel calix semel consecratus postea de novo inauratur, indigebitne nova consecratione?

281 R. Quod non. Ratio colligitur à pari: quia etiam Ecclesia non reputatur execrata, vel indigens nova consecratione ex eo, quod in parietibus de novo dealbetur, aut novo cemento superinduat. Suaderent tamen, ut, ubi facile id fieri potest, fiat, vel peritur fieri nova consecratio; quia opposita Sententia suis non caret fundamentis, uti videre licet apud Reinfectuel

lib. 1. Decret. tit. 16. à n. 31. Certum tamen habetur ab omnibus, purificatoria, pallas, & corporalia vilioris non excrari. Oportet nihilominus ea, priusquam Personis Laicis quibuscunque demum, etiam Monialibus, lavanda extrahantur, ab aliquo in Ordinibus constituto lavari. Layman. l. 5. c. 6. n. 7. Sporer n. 395. Busenbaum apud La Croix n. 255.

282 Colliges secundò, Vestes, & alia Paramenta Ecclesiastica suam perdere benedictionem, quando ita immutantur, ut vel amittant pristinam formam, ut puta si ex stola fiat manipulus, vel ex casula detrita stola &c. Vel si cingulum ita frangatur, ut neutra pars sufficiat ad cingendum sacerdotem. Secus dicendum, si altera pars sufficiat ad cingendum utcumque dicto modo, tunc enim non censetur amisisse benedictionem, poteritque huic pars minor rursus conjungi velut accessorium principali. Vide Kresslinger cit. append. 3. addit. 1. R. 3. Sporer n. 413. Layman cit. c. 6. Gavant. in Rubric. p. 2. tit. 1. litt. R. Quocirca DD. cit. advertunt, mortaliter peccare sacristas, qui vestes & Paramenta valde immunda, ita, ut dedecant notabiliter majestatem tanti ministerii, non curant lavari prius, quam in iis denno sacrificetur.

283 Colliges tertio, Etiam illos graviter delinquere, qui scienter omittunt totam Epistolam cum gradualem & aliis strophis accommodatis. Item, qui omittunt Evangelium cum Offertorio, aut quamlibet periodum in Canone (qui, juxta communem DD. apud Herincx disp. 8. n. 163. incipit ab illis verbis: *Te igitur Clementissime Pater*, & finit ad *Pater noster*) Ratio est: quia hæ partes, etsi accidentales, sunt tamen Ordinariæ, & quidem notabiles, juxta DD. communiter. Secus dicendum, si quis omitteret solum *Kyrie eleison*, vel *Orationem ordinariam*, vel unam aut alteram benedictionem super oblata &c. vel unum duntaxat verbum in Canone, &c. quia hujusmodi partes, etsi ordinariæ, non tamen reputantur materia gravis; uti tenent multi DD. Vide Sporer n. 425. vel Kresslinger cit. Appendic. 3. addit. 11.

284 Colliges quartò, probabiliter non peccare graviter sacerdotem, qui in Sacrificio Missæ omitteret *Gloria*, aut *Credo*, vel *Elbel Theol. P. I.*

alium etiam Rhythmum extraordinarium e. gr. *Lauda Syon, vixime Paschali*, vel *veni Creator* &c. Ita Henno cit. La Croix n. 420. alique plures. Ratio est, quia hujusmodi partes sunt accidentariæ duntaxat, & quidem extraordinariæ, proptereaque communi DD. judicio non reputantur materia gravis. Fatendum tamen est, per accidens saltem de facili posse in his etiam incurrere gravem culpam, vel ratione scandali, vel ratione contemptus, qui quasi semper interveniet, ubi talis omisso præmeditate contingit; cum nulla prorsus causa rationabilis videatur, ob quam omitti deberent.

Dices adhuc. Sed quid agendum, casu quo Sacerdos certò prævidet, fore, ut in Sacrificio unam, alteramve Ceremoniam, aut actionem observare nequeat?

285 R. In eo casu attendendum atque ponderandum esse, ex una parte gravitatem Ceremoniarum intermittendarum, ex altera vero parte necessitatem celebrandi, quæ, si præponderet, consultius erit celebrare, quam abstinere: Secus, si præponderet gravitas Ceremoniarum, & non adeo gravis urgeat necessitas: quia tunc nulla suppeteret causa sufficiens contraveniendi institutionibus Ecclesiasticis. Major itaque necessitas requiritur ad non observandas Rubricas præceptivas, quam ad non observandas merè directivas, uti facile patebit ponderanti hæcenus dicta. Suarez, Tambur. Gobat n. 743. La Croix ubi supra num. 426. Kresslinger addit. 12. Ex his

286 Colliges tandem quintò, Infirmis, qui defectu virium nequeunt elevare hostiam, vel ob vertiginem nequeunt se ad populum vertere dicendo *Dominus vobiscum* &c. haudquaquam subtrahendum esse hoc solatium, sed potius permittendum tuta conscientia, ut saltem in loco privato v. g. in infirmaria, vel alia Capella, aut Oratorio celebrent. Ratio est: quia, ut sapienter advertit Gobat jam sæpius cit. tr. 3. n. 745. ex una parte modò significati defectus non videntur tales tantique momenti, ut propter eos Sacerdos infirmus fructu sacrificii, animæ solatio (quo præ cæteris indigent infirmi) & jure sacrificandi jam aquisito, privari deberet. Ex altera tamen parte

obviandum est, quoad commodè possimus, scandalo & admirationi plebis, propereaque in actibus tam publicis non debemus quasi jure nostro recedere à regulis communibus. Si tamen urgeat necessitas celebrandi v. gr. ob penuriam alterius vel aliorum sacerdotum, simulque plebs instruat & doceatur, hujusmodi omissiones fieri ob solam infirmitatem, de facili credo, obviabitur scandalo. Vide etiam *La Croix lib. 6. part. 2. n. 427*. Verùm pro pleniori notitia & confirmatione hæcenus dictorum operæ pretium duxi in fine hujus Tractationis de Sacrificio Missæ subnectere Rubricas Missalis de *Defectibus in Celebratione Missarum occurrentibus*, eo præsertim, quòd pauci Tyrones Missalia, aliumvel librum, unde sequentes Regulas sanè notabilissimas commodè addiscere valeant, habere noscantur. Præfatæ igitur Rubricæ de verbo ad verbum ita sonant.

De Defectibus in Celebratione Missarum occurrentibus. I.

287 **S**acerdos celebraturus, omnem adhibeat diligentiam, ne desit aliquid ex requisitis ad Sacramentum Eucharistiæ conficiendum. Potest autem defectus contingere ex parte materiæ consecrandæ, & ex parte formæ adhibendæ, & ex parte ministri conficientis. Quidquid enim horum deficit, scilicet materia debita, forma cum intentione, & ordo sacerdotalis in conficiente, non conficitur Sacramentum. Et his existentibus, quibuscumque aliis deficientibus, veritas adest Sacramenti. Alii verò sunt Defectus, qui in Missæ celebratione occurrentes, etsi veritatem Sacramenti non impediunt, possunt tamen aut cum peccato, aut cum scandalo contingere.

De Defectibus materiæ. II.

Defectus ex parte materiæ possunt contingere, si aliquid desit ex iis, quæ ad ipsam requiruntur. Requiritur enim ut sit panis triticeus, & vinum de vite, & ut hujusmodi materia consecranda, in actu Consecrationis sit coram sacerdote.

De Defectu panis. III.

1 **S**i panis non sit triticeus, vel si triticeus, admixtus sit granis alterius generis in tanta quantitate, ut non maneat panis triticeus, vel si alioqui corruptus, non conficitur Sacramentum.

2. Si sit confectus de aqua rosacea, vel alterius distillationis, dubium est an conficiatur.

3. Si cæperit corrumpi, sed non sit corruptus, similiter si non sit azymus, secundum morem Ecclesiæ latinæ; conficitur, sed conficiens graviter peccat.

4. Si celebrans ante consecrationem adverterit hostiam esse corruptam, aut non esse triticeam; remota illa hostia, aliam ponat, & facta oblatione saltem mente concepta, prosequatur ab eo loco, ubi desivit.

5. Si id adverterit post consecrationem, etiam post illius hostiæ sumptionem, posita alia, faciat oblationem ut suprà, & à consecratione incipiat, scilicet ab illis verbis; *qui pridie quam pateretur*, & illam priorem si non sumpsit,umat post sumptionem corporis, & sanguinis, vel alii sumendam tradat, vel alicubi reverenter conservet. Si autem sumpserat, nihilominusumat eam quam consecravat: quia præceptum de perfectione Sacramenti majoris est ponderis, quàm quòd à jeunoumat.

6. Quòd si hoc contingat, post sumptionem sanguinis, apponi debet rursus novus panis, & vinum cum aqua; & facta prius oblatione ut suprà, Sacerdos consecret, incipiendo ab illis verbis, *qui pridie*, ac statimumat utrumque, & prosequatur Missam: ne Sacramentum remaneat imperfectum, & ut debitum servetur ordo.

7. Si hostia consecrata dispareat, vel casu aliquo, ut vento, aut miraculo, vel ab aliquo animali accepta, & nequeat reperiri; tunc altera consecratur, ab eo loco incipièdo, *qui pridie quam pateretur*, facta ejus prius oblatione ut suprà.

De Defectu vini. IV.

1. Si vinum sit factum penitus acetum, vel penitus putridum, vel de uvis acerbis seu non maturis expressum, vel ei admixtum tantum aquæ, ut vinum sit corruptum; non conficitur Sacramentum.

2. Si vinum cøperit acefcere, vel corruptum, vel fuerit aliquantum acre, vel mustum de uvis tunc expressum, vel non fuerit admixta aqua, vel fuerit admixta aqua rosacea, seu alterius distillationis, conficitur Sacramentum, sed conficiens graviter peccat.

3. Si celebrans ante consecrationem sanguinis, quamvis post consecrationem corporis, advertat aut vinum, aut aquam, aut utrumque non esse in calice; debet statim apponere vinum cum aqua, & facta oblatione ut suprà, consecrare incipiendo ab illis verbis, *simili modo* &c.

4. Si post verba consecrationis advertat vinum non fuisse positum, sed aquam; deposta aqua in aliquod vas, iterum vinum cum aqua ponat in calice, & consecret, resumendo à verbis prædictis, *simili modo*.

5. Si hoc advertat post sumpcionem corporis, vel hujusmodi aquæ: apponat aliam hostiam iterum consecrandam, & vinum cum aqua in calice, offerat utrumque, & consecret, & sumat, quamvis non sit jejunus, vel, si Missa celebraret in loco publico, ubi plures adsint, ad evitandum scandalum poterit apponere vinum cum aqua, & facta oblatione ut suprà, consecrare, ac statim sumere, & prosequi cætera.

6. Si quis percipiat ante consecrationem, vel post consecrationem, totum vinum esse acetum, vel aliàs corruptum, idem servetur quod suprà, ac si deprehenderet non esse positum vinum, vel solam aquam fuisse appositam in calice.

7. Si autem celebrans ante consecrationem calicis advertat, non fuisse appositam aquam, statim ponat eam, & proferat verba consecrationis. Si id advertat post consecrationem calicis, nullo modo apponat, quia non est de necessitate Sacramenti.

8. Si materia quæ esset apponenda, ratione defectus vel panis vel vini non posset

nullo modo haberi; si id sit ante consecrationem corporis, ulterius procedi non debet. Si post consecrationem corporis aut etiam vini, deprehenditur defectus alterius speciei, altera jam consecrata, tunc si nullo modo haberi possit, procedendum erit, & Missa absolvenda; ita tamen ut prætermittantur verba & signa quæ pertinent ad speciem deficientem. Quod si expectando aliquam diu haberi possit, expectandum erit, ne sacrificium remaneat imperfectum.

De Defectibus formæ. V.

1. Defectus ex parte formæ possunt contingere, si aliquid deficiat ex illis, quæ ad integritatem verborum in ipsa consecratione requiruntur. Verba autem consecrationis, quæ sunt forma hujus Sacramenti, sunt hæc: *Hoc est enim corpus meum, & Hic est enim calix Sanguinis mei, novi & æterni testamenti, mysterium fidei, qui pro vobis & pro multis effundetur in remissionem peccatorum*. Si quis autem aliquid diminueret, vel immutaret de forma consecrationis Corporis & Sanguinis, & in ipsa verborum immutatione verba idem non significarent, non conficeret Sacramentum. Si verò aliquid adderet, quod significationem non mutaret, conficeret quidem, sed gravissimè peccaret.

2. Si celebrans non recordetur se dixisse ea, quæ in consecratione communiter dicuntur, non debet propterea turbari. Si tamen certò ei constet, se omisisse aliquid eorum quæ sunt de necessitate Sacramenti, id est, formam consecrationis, seu partem, resumat ipsam formam, & cætera prosequatur per ordinem. Si verò valde probabiliter dubitat se aliquid essentialè omisisse; iteret formam saltem sub tacita conditione. Si autem non sunt de necessitate Sacramenti, non resumat, sed procedat ulterius.

De Defectibus Ministri. VI.

1. Defectus ex parte Ministri possunt continere quoad ea, quæ in ipso requiruntur. Hæ autem sunt: in primis intentio, deinde dispositio animæ, dispositio

corporalis, dispositio vestimentorum, dispositio in ministerio ipso quoad ea, quæ in ipso possunt occurrere.

De Defectu intentionis. VII.

1. **S**I quis non intendit conficere, sed de-lusoriè aliquid agere. Item si aliquæ hostiæ ex oblivione remaneant in altari, vel aliqua pars vini, vel aliqua hostia lateat, cum non intendat consecrare, nisi quas videt. Item si quis habeat coram se undecim hostias, & intendat consecrare solum decem, non determinans quas decem intendit; in his casibus non consecrat, quia requiritur intentio. Secus si putans esse quidem decem, tamen omnes voluit consecrare quas coram se habebat: nam tunc omnes erunt consecratæ: atque ideo quilibet Sacerdos talem semper intentionem habere deberet, scilicet consecrandi eas omnes, quas ante se ad consecrandum positas habet.

2. Si Sacerdos putans se tenere unam hostiam, post consecrationem invenerit fuisse duas simul junctas, in sumptione sumat simul utramque. Quod si deprehendat post summptionem Corporis & Sanguinis, aut etiam post ablutionem, reliquias aliquas relictas consecratas, eas sumat, sive parvæ sint, sive magnæ, quia ad idem sacrificium spectant.

3. Si verò relictæ sit hostia integra consecrata, eam in tabernaculo cum aliis reponat: si hoc fieri nequit, sequenti Sacerdoti ibi celebraturo, in altari supra Corporale decenter operat, sumendam unâ cum altera, quam est consecraturus, relinquat: vel si neutrum horum fieri possit, in ipso calice seu patena decenter conservet, quousque vel in tabernaculum reponatur, vel ab altero sumatur: quod si non habeat quomodo honestè conservetur, potest eam ipse sumere.

4. Si intentio non sit actualis in ipsa consecratione propter evagationem mentis, sed virtualis, cum accedens ad altare intendat facere, quod facit Ecclesia, conficitur Sacramentum; etsi curare debet Sacerdos, ut etiam actualem intentionem adhibeat.

De Defectibus dispositionis animæ. VIII.

1. **S**I quis suspensus, excommunicatus, degradatus, irregularis, vel aliàs canonice impeditus celebret, conficit quidem Sacramentum, sed gravissimè peccat, tam propter communionem, quam indignè sumit, quam propter executionem ordinum, quæ sibi erat interdicta.

2. Si quis habens copiam confessoris celebret in peccato mortali, graviter peccat.

3. Si quis autem in casu necessitatis non habens copiam confessoris, in peccato mortali absque contritione celebret, graviter peccat. Secus si conteratur: debet tamen cum primùm poterit, confiteri.

4. Si in ipsa celebratione Missæ Sacerdos recordetur se esse in peccato mortali, conteratur cum proposito confitendi, & satisfaciendi.

5. Si recordetur se esse excommunicatum, vel suspensum, aut locum esse interdictum, similiter conteratur cum proposito petendi absolutionem. Ante consecrationem autem in supra dictis casibus, si non timetur scandalum, debet Missam inceptam deferere.

De Defectibus dispositionis corporis. IX.

1. **S**I quis non est jejunus post mediam noctem, etiam post summptionem solius aquæ vel alterius potus, aut cibi, per modum etiam medicinæ, & in quantumcumque parva quantitate, non potest communicare, nec celebrare.

2. Si autem ante mediam noctem cibum aut potum sumpserit, etiam si postmodum non dormierit, nec sit digestus, non peccat: sed ob perturbationem mentis, ex qua devotio tollitur, consilium aliquando abstinentium.

3. Si reliquæ cibi remanentes in ore transglutiantur, non impediunt communionem, cum non transglutiantur per modum cibi, sed per modum salivæ. Idem dicendum si lavando os, deglutiatur saliva aquæ præter intentionem.

4. Si

4 Si plures Missas in una die celebret, ut in Nativitate Domini, in unaquaque Missa abluat digitos in aliquo vase mundo, & in ultima tantum percipiat purificationem.

5 Si præcesserit pollutio nocturna, quæ causata fuerit ex præcedenti cogitatione, quæ sit peccatum mortale, vel evenit propter nimiam crapulam, abstinendum est à communione & celebratione, nisi aliud confessario videatur. Si dubium est, an in præcedenti cogitatione fuerit peccatum mortale, consultur abstinendum, extra tamen casum necessitatis. Si autem certum est, non fuisse in illa cogitatione peccatum mortale, vel nullam fuisse cogitationem, sed evenisse ex naturali causa, aut ex diabolica illusione, potest communicare & celebrare; nisi ex illa corporis commotione tanta evenit perturbatio mentis, ut abstinendum videatur.

De Defectibus in ministerio ipso occurrentibus. X.

1 POSSUNT etiam defectus occurrere in ministerio ipso, si aliquid ex requisitis ad illud desit: ut si celebretur in loco non sacro, vel non deputato ab Episcopo vel in Altari non consecrato, vel tribus mappis non cooperto: Si non adsint luminaria cerea: si non sit tempus debitum celebrandi, quod est ab aurora usque ad meridiem communiter: Si celebrans saltem Matutinum cum laudibus non dixerit: si omittat aliquid ex vestibus sacerdotalibus: si vestes sacerdotales & mappæ non sint ab Episcopo vel ab alio hanc habente potestatem benedictæ: si non adsit Clericus vel alius deserviens in Missa, vel adsit quid deservire non debet, ut mulier: si non adsit calix cum patena conveniens, cujus cuppa debet esse aurea, vel argentea, vel stannea; non ærea vel vitrea: si corporalia non sint munda, quæ debent esse ex lino, nec serico in medio ornata, & ab Episcopo vel alio hanc habente potestatem benedicta, ut etiam superius dictum est: si celebret capite cooperto sine dispensatione: si non adsit Missale, licet memoriter sciret Missam, quam intendit dicere.

2 Si sacerdote celebrante violetur Ec-

clesia ante Canonem, dimittatur Missa: Si post Canonem, non dimittatur. Si timeatur incursum hostium, vel alluvionis, vel ruina loci ubi celebratur, ante consecrationem dimittatur Missa, post consecrationem verò Sacerdos accelerare poterit summptionem Sacramenti, omisis omnibus aliis.

3 Si Sacerdos ante consecrationem graviter infirmetur, vel in syncopen incidat, aut moriatur, prætermittitur Missa: Si post consecrationem corporis tantum, ante consecrationem Sanguinis, vel utroque consecrato id accidit, Missa per alium sacerdotem expleatur ab eo loco, ubi ille desit, & in casu necessitatis etiam per non jejunum. Si autem non obierit, sed fuerit infirmus, adeo tamen ut possit communicare, & non adsit alia hostia consecrata, Sacerdos qui Missam supplet, dividat hostiam, & unam partem præbeat infirmo, aliam ipseumat. Si autem semiprolata forma corporis obiit Sacerdos, quia non est facta consecratio, non est necesse, ut Missa per alium suppleatur. Si verò obierit semiprolata forma Sanguinis, tunc alter prosequatur Missam, & super eundem calicem repetat integram formam, vel ab eo loco, *simili modo postquam cœnatum est*, vel posset super alium calicem præparatum integram formam proferre, & Hostiam primi sacerdotis, & sanguinem à se consecratum sumere, ac deinde calicem relictum semiconsecratum.

4 Si quis extra huiusmodi casus necessitatis, integra Sacramenta non sumplerit, gravissime peccat.

5 Si musca vel aranea, vel aliquid aliud ceciderit in calicem ante consecrationem, projiciat vinum in locum decentem, & aliud ponat in calice, misceat parum aquæ, offerat ut supra, & prosequatur Missam: Si post consecrationem ceciderit musca, aut aliquid ejusmodi, & fiat nausea Sacerdoti, extrahat eam, & lavet cum vino, finita Missa comburat, & combustio ac lotio huiusmodi in Sacramenti projiciatur. Si autem non fuerit ei nausea, nec ullum periculum timeat,umat cum sanguine.

6 Si aliquod venenosum ceciderit in calicem, vel quod provocaret vomitum, vinum consecratum reponendum est in alio calice, & aliud vinum cum aqua apponendum, denud

nuò consecrandum : & finita Missa sanguis repositus in panno lineo vel stuppa tamdiu seruetur, donec species vini fuerint desiccatae, & tunc stuppa comburatur, & combustio in Sacrarium projiciatur.

7 Si aliquod venenatum contigerit hostiam consecratam, tunc alteram consecret, & sumat modo quo dictum est, & illa seruetur in tabernaculo loco separato, donec species corrumpantur, & corrupta deinde mittantur in Sacrarium.

8 Si fumendo Sanguinem, particula remanserit in calice, digito ad labium calicis eam adducat, & sumat ante purificationem, vel infundat vinum, & sumat.

9 Si Hostia ante consecrationem inveniat fracta, nisi populo evidenter appareat, talis hostia consecratur : Si autem scandalum populo esse possit, alia accipiat, & offeratur : quod si illius hostiæ jam erat facta oblatio, eam post ablationem sumat. Quod si ante oblationem Hostia appareat confracta, accipiat altera integra, si citra scandalum, aut longam moram fieri poterit.

10 Si propter frigus, vel negligentiam, Hostia consecrata dilabatur in calicem, propterea nihil est reiterandum ; sed Sacerdos Missam proseguatur, faciendo cæremonias & signa consueta cum residua parte Hostiæ, quæ non est madefacta sanguine, si commodè potest. Si verò tota fuerit madefacta, non extrahat eam, sed omnia dicat, omittendo signa, & sumat pariter corpus & sanguinem, signans se euni calice, & dicens : *Corpus & Sanguis Domini nostri &c.*

11 Si hieme sanguis congeletur in calice, involvatur calix pannis calefactis : si id non proficeret, ponatur in ferventi aqua prope Altare ; dumodo in calicem non intret, donec liqueat.

12 Si per negligentiam aliquid de sanguine Christi ceciderit, si quidem super terram, seu super tabulam, lingua lambatur, & locus iste radatur quantum satis est, & abrasio comburatur, cinis verò in Sacrarium recondatur. Si verò super lapidem altaris ceciderit, sorbeat sacerdos stillam, & locus benè abluatur, &

ablutio in Sacrarium projiciatur. Si super linteam altaris, & ad aliud linteam stilla pervenerit ; si usque ad tertium : linteamina ter abluantur ubi stilla ceciderit, calice supposito & aqua abluionis in sacrarium projiciatur. Quod si in ipso solum corporali, aut si in vestibus ipsis sacerdotalibus ceciderit, debet similiter ablui, & ablutio in sacrarium projici. Si in substrato pedibus panno, vel tape-to, benè abluatur, ut suprà.

13 At si contingat totum sanguinem post consecrationem effundi, si quidem aliquid vel parum remansit, illud sumatur, & de effuso reliquo sanguine fiat ut dictum est. Si verò nihil omnino remansit, ponat iterum vinum & aquam, & consecret ab eo loco : *Simili modo postquam cœnatum est*, facta prius tamen calicis oblatione, ut suprà.

14 Si Sacerdos evomat Eucharistiam, si species integræ appareant, reverenter sumantur, nisi nausea fiat : tunc enim species consecratae cautè separentur, & in aliquo loco sacro reponantur, donec corrumpantur, & postea in sacrarium projiciantur. Quod si species non appareant, comburatur vomitus, & cineres in sacrarium mittantur.

15 Si Hostia consecrata, vel aliqua ejus particula dilabatur in terram, reverenter accipiat, & locus ubi cecidit, mundetur, & aliquantulum abradatur, & pulvis seu abrasio hujusmodi in Sacrarium mittatur. Si ceciderit extra corporale in mappam, seu alio quovis modo in aliquod linteam, mappa vel linteam hujusmodi diligenter lavetur, & lotio ipsa in sacrarium effundatur.

16 Possunt etiam Defectus in ministerio ipso occurrere, si Sacerdos ignoret ritus & cæremonias ipsas in eo servandas : de quibus omnibus in Superioribus Rubricis copiosè dictum est.

CONFERENTIA

VIGESIMAPRIMA.

De Sacramento Ordinis in genere, nec
non de singulis Ordinibus in specie.

SUMMARIUM.

- 1 Nomine Ordinis ut sic, intelligitur quidam gradus Clericorum.
- 2 Reipsa autem Ordo est verum Sacramentum N. Legis.
- 3 Ab ipsomet Christo in ultima Cœna institutum.
- 4 Septem dantur Ordines; è quibus
- 5 Tres dicuntur majores & sacri: quatuor autem appellantur minores, & non sacri.
- 6 Episcopatus est Ordo inadæquatè tantum distinctus à Presbyteratu, quippe quem includit essentialiter.
- 7 Probabilius omnes & singuli Ordines, etiam minores sunt Sacramentum.
- 8 Quo non obstante Ordo ut sic dicitur unum è reliquis septem Sacramentis.
- 9 Generatim loquendo materia remota Ordinis dicitur illa res, per cujus traditionem confertur potestas spiritualis: proxima est ipsa traditio: forma verò consistit in certis verbis ab Episcopo prolatis, quibus significatur potestatem illam &c.
- 10 & seqq. breviter recensentur materia, formæ, & officia singulorum Ordinum.
- 11 Ad validam Ordinationem probabilius requiritur contactus physicus materie, ita, ut non sufficiat moralis.
- 12 Prima Tonsura quid sit?
- 13 Et quinam sit hujus effectus.
- 14 Privilegium Canonis, quid importet.
- 15 Et quenam requirantur, ut tonsurati illo gaudeant.
- 16 Resolvitur Casus I. de quodam Clerico scrupulosissimo, qui sub actuali collatione Presbyteratus videbatur si-

- bi revocasse intentionem suscipiendi;
- 24 Quo non obstante videtur probabilissimum, intentionem non defuisse ex parte ipsius. Unde
- 25 Etsi in hoc casu Ordo Presbyteratus sub conditione fuerit iteratus, pro majori securitate; nihilominus
- 26 Titius potuisset se probabiliter practicè resolvere, & ministrare in ordine suscepto, etiam non repetita prius ordinatione.
- 27 Resolvitur Casus II. cujusdam Episcopi, qui conferendo Ordines, alicui subdiaconando calicem cum vino, & alteri Presbyterando calicem sine vino per errorem porrexit.
- 28 Talis error fuit corrigendus, & saltem Presbyter sub conditione reordinandus.
- 29 Quo modo defectus in collatione Ordinum commissi sint emendandi, & supplendi.
- 30 Resolvitur Casus III. cujusdam Subdiaconi, dubitantis de valore Subdiaconatus, eò quòd hunc susceperit animo non se obligandi ad castitatem ex voto servandam; qui
- 31 Etsi stante tali dubio susceperit reliquos Ordines, propterea tamen nullam incurrit suspensionem, vel irregularitatem.
- 32 Quidnam teneatur facere Episcopus, qui post exercitos jam actus suo Ordini propriis, primum incipit dubitare de valore sui Ordinis Episcopalis.
- 33 Et quid teneatur agere Presbyter in pari dubio fluctuans.
- 34 Datur inter Ordines quædam subordinatio, vi cujus inferior suscipi debet ante Superiorem.
- 35 Suscipiens Ordinem quemcumque tandem in statu disgratiæ, probabilius peccat mortaliter.
- 36 Quo modo Laici fungantur ministris Minorislarum.
- 37 Ordinatio Presbyteri, facta sine porrectione panis, probabilius est nulla.
- 38 Qui voluntarie negligit contactum physicum materie, peccat graviter.

§. 1.

Præmittuntur, & breviter resolvuntur quæsitæ, scitu necessaria ad resolvendos Casus practicos de validitate Ordinum.

QUæres primò, quid nomine Ordinis ut sic intelligatur?

R. Nominè Ordinis hic intelligitur certus quidam gradus Clericorum, ad specialia officia Ecclesiastica consecratorum. Dupliciter autem sumi potest Ordo 1. activè, pro ipsa scilicet ordinatione, seu institutione alicujus personæ in certo quodam gradu præminenti Ecclesiæ: & hoc modo sumptus Ordo, sortitur veram rationem Sacramenti, uti mox patebit. 2. Ordo sumi potest passivè, pro ipsa scilicet dignitate & potestate Ecclesiastica, vi Ordinationis alicui Personæ collata; quo sensu dicere solemus v. g. Petrum habere Ordinem Presbyteratus. Hoc autem posteriori modo sumptus Ordo non est Sacramentum; quia hoc consistit in aliqua actione transeunte: sed potius est effectus, ex præterita ordinatione relictus in eo, qui ordinem suscepit.

Quæres secundò, quid sit Ordo quoad rem ipsam?

R. Ordo re ipsa est Sacramentum N. Legis, quo confertur potestas spiritalis ad aliquod ministerium circa Eucharistiam dignè exhibendum. 1. Estque hoc Sacramentum à Christo Domino institutum in ultima Cæna. Ita DD. communissimè. Ratio prioris desumitur ex Tridentino sess. 23. cap. 1. & can. 3. ubi ait: *Si quis dixerit, Ordinem, sive sacramentum Ordinationem non esse verè & propriè Sacramentum, à Christo Domino institutum, anathema sit;* Cujus ulterior ratio inde patet: quia Ordinatio est actio sensibilis, stabilis, ac permanens, & ex divina institutione causativa gratiæ juxta illud Apostoli 1. ad Timoth. 1. *Admoneo te, ut resuscites gratiam Dei, quæ est in te per impositionem manuum mearum &c.* At, actio sensibilis &c. causativa gratiæ ex opere operato, est Sacramentum: ergo. 3. Ratio secundæ partis itidem habetur

decisa in eodem Tridentino cit. 3. sess. 22. cap. 1. & can. 1. Idque propterea: quia Christus in ultima cæna consecravit suos Apostolos, dicendo: *Hoc facite in meam commemorationem;* quod est idem ac dicere: *Sicut ego conficio Eucharistiam, eamque offero, ita vobis imperior potestatem conficiendi eandem, & offerendi in sacrificium Missæ;* sed hoc erat conferre Apostolis ordinem Presbyteratus: ergo &c. Ex quo DD. unanimiter inferunt, quòd Christus tunc utendo potestate excellentiæ, Apostolis contulerit simul omnes reliquos Ordines; quandoquidem omnes reliqui sub Presbyteratu seu principali comprehendantur, & omnes suo modo participant potestatem aliquam circa Eucharistiam, prout amplius constabit ex dicendis de singulis in individuo. Vid. Filliucium tract. 9. c. 1. num. 3. Babenstuber tract. 8. part. 5. disp. 11. art. 1. numer. 3.

Quæres tertio, Quot Ordines sint, seu dentur in Ecclesia?

R. Septem Ordines dantur in Ecclesia, scilicet Ostiarius, Lectoratus, Exorcistatus, Acolythatus, Subdiaconatus, Diaconatus, & Presbyteratus. Ita Concilium Trident. sess. 23. can. 2. ubi ait: *Si quis dixerit, præter sacerdotium non esse in Ecclesia Catholica alios Ordines & Majores, & Minores, per quos velut per gradus quosdam in sacerdotium tendatur; anathema sit.* Eadem verò Sessio cap. 2. expressis verbis docet, hanc Ordinum pluralitatem contineri Sequentibus septem Gradibus, nempe Ostiarii, Lectoris, Exorcistæ, Acolythi, Subdiaconi, Diaconi, & Presbyteri. Vid. Concilium loc. cit.

5 Illud tamen notatu dignum hic occurrit, quòd posteriores tres Ordines scilicet Subdiaconatus, Diaconatus & Presbyteratus appellari consueverint *Majores & Sacri*; tum quia in majori & altiori dignitatis gradu collocantur Ordinarum; tum etiam, quia habent sibi annexum votum castitatis, per quod ordinati Deo quodam modo consecrantur; tum etiam, quia propius accedunt ad Sacramenti Eucharistiæ consecrationem. Reliqui verò quatuor dicuntur Ordines *Minores, & non Sacri*, non ideo, quia non sunt Ceremonia

nia Sacra, sed quia remotius ad Consecrationem Eucharistiæ concurrunt, nec habent annexum votum castitatis, ordinatumque in gradulone inferiori constituunt, veluti communissime advertunt DD. Sporer *Theol. Sacram. part. 1. c. 5. n. 8.* Layman *lib. 5. tr. 9. c. 3. n. 2.*

Dices: Ergone Episcopatus non est Ordo?

6 R. Est Ordo, & quidem cæteris dignior; tum quia Episcopum constituit in gradu digniori Ecclesiæ; tum etiam, quia per eum confertur specialis potestas, conciliendi scilicet & administrandi Sacramenta confirmationis & Ordinis: quia tamen non continet potestatem specialem circa Eucharistiam, distinctam ab ea, quam habet Presbyter; nec potest valide conferri, nisi Sacerdoti; hinc non reputatur Ordo simpliciter & adæquatè distinctus à Presbyteratu, sed solum in adæquatè, velut totum à sua parte, & velut includens ab inclusio, scilicet sacerdotio. Videatur Cardinal. de Lauræa *disp. 4. de Sacram. Ord. nu. 57.* vel Clericat. *de Sacram. Ord. decis. 3. nu. 31.*

Quæres quartò, sintne prædicti ordines omnes, etiam minores Sacramentum?

7 R. Affirmativè. Ita satis communiter DD. Et quidem de Presbyteratu res velut de fide decisæ est: Quòd autem cæteri etiam ordines sint verum Sacramentum, colligitur partim ex Concilio Florentino in decreto Unionis, nec non ex Tridentino *sess. 22. c. 2. & Can. 3.* ubi absolute & absque ulla limitatione definitur, *ordinem, seu sacram ordinationem esse Sacramentum, simulque dicitur Ec. esse septem Ordines in Ecclesia Dei;* partim etiam ex eo, quòd omnes & singuli Ordines habeant suam determinatam materiam & formam, propriamque significationem. Insuper singuli Ordines imprimunt specialem ac diversum characterem, diversamque potestatem conferunt, quæ ratione etiam sunt initerabiles: atqui character est effectus proprius Sacramenti: ergo singuli sunt Sacramentum. Vid. D. Bonavent. *4. disp. 24. p. 2. art. 1. qu. 2.* Reinfectus *disp. 12. n. 15.*

Dices: si omnes & singuli Ordines sunt

Sacramentum, necessariò admittenda erunt plura, quam septem Sacramenta: hoc autem videtur repugnare orthodoxæ fidei: ergo.

8 R. Vel negando simpliciter, vel distinguendo majorem: admittenda erunt plura quam septem, si numerentur singuli Ordines in specie infima, conc. si Ordo ut sic numeretur pro una duntaxat specie subalterna, prout revera è reliquis Sacramentis est una species subalterna; id est, sub se continens & complexens plures ordines, specie infima inter se differentes, neg. maj. cum cons. Omnes igitur septem ordines dicuntur unum è reliquis Sacramentum; tum quia omnes conveniant in eo, quòd sint quoddam ceremonia Sacra; tum etiam, quòd omnestendant ad eundem finem, scilicet ad dignè administrandam, aut tractandam Eucharistiam.

Quæres quintò, quænam sit materia, & quænam forma Sacramenti Ordinis?

9 R. Generatim loquendo materia Ordinis censetur illa res, per cujus traditionem confertur potestas spiritualis, veluti docet Concil. Florentinum in decreto Unionis. Unde Theologi communiter distinguunt materiam cujuslibet Ordinis in remotam, & proximam. Remotam appellant illam rem, quæ ab Episcopo traditur Ordinando, ad significandam certam potestatem, uti est v. g. calix cum vino in Presbyteratu. Proxima autem consistit in ipsa traditione v. g. Calicis, quippe per quam significatur, quòd ordinando talis potestas tradatur. Porro forma Ordinis cujuscunque sunt illa verba, quibus Episcopus seu ordinans una cum traditione materiæ significat, quænam potestas ordinando tradatur; ut dum porrigendo calicem cum vino dicit ad Presbyterum: *accipe potestatem offerendi Sacrificium Deo, missæque celebrandi tam pro vivis, quam defunctis in nomine Domini.*

Quæres sextò, quænam sit materia, forma, & officia singulorum Ordinum in specie?

10 R. 1. Materia Oſtiariatus est traditio clavium Ecclesiæ per manus Episcopi. Forma sunt illa verba ab Episcopo prolata: *sic agite, quasi rationem reddituri Deo*

pro

pro iis rebus, quæ his clavibus recluduntur. Officium ostiarii est 1. claves templi custodire. 2. Ejus janua claudere. 3. Cymbalum & campanam pulsare. Ita Pontificale Romanum, & Catechismus Romanus.

11 R. 2. Materia Lectoratus est traditio libri Prophetiarum. Forma sunt hæc verba: *accipite, & essote verbi Dei relatores, habituri, si fideliter & utiliter impleveritis officium vestrum, partem cum iis, qui verbum Dei ab initio bene ministraverunt.* Officium Lectoris est 1. prophetias vel alias Scripturas Sacras in Ecclesia legere vel etiam cantare. 2. Catechumenos docere Rudimenta fidei.

12 R. 3. Exorcistatus materia est, traditio libri Exorcismorum, forma sunt hæc verba: *accipite, & commendate memoria, & habete potestatem imponendi manus super Energumenos, sive baptizatos, sive Catechumenos.* Officium Exorcistæ est 1. imponere manus super Energumenos (id est, obsessos à Dæmonibus) & 2. ad arcendos dæmones super eos invocare nomen Domini, legereque Exorcismos Ecclesiæ, 3. Eisdemque præparare ita, ut Sacris interesse possint.

13 R. 4. Materia Acolythatus est duplex: una traditio candelabri cum cereo extincto, cui correspondet hæc forma: *accipite candelabrum cum cereo, & sciatis, vos ad accendenda Ecclesiæ luminaria nuncipari.* Altera est traditio Urceoli vacui cum hac forma: *accipite urceolum ad suggerendum vinum & aquam in Eucharistiam Sanguinis Christi, in nomine Domini.* Utraque hæc materia scortim sumpta, dicitur materia inadæquata, simul autem sumptæ constituunt unam materiam adæquatam. Idipsum suo modo dicendum est de materiis Subdiaconatus, Diaconatus, & Presbyteratus. Porro officia Acolythorum sunt sequentia 1. luminaria Ecclesiæ accendere, ac præparare ad Sacrificium. 2. portare cereum accensum ad altare, præsertim tunc, quando Evangelium sub Missa canitur. 3. Ampullas vini & aquæ ad Missæ sacrificium præparare & ministrare.

14 R. 5. Materia Subdiaconatus pariter duplex est. Una consistit in traditione

calicis vacui cum patena vacua & hæc forma: *videte, cuius ministerium vobis traditur; ideo res admonéo, ut ita res exhibeatis, ut Deo placere possitis.* Altera consistit in traditione libri Epistolarum, cui correspondet sequens forma: *accipite librum Epistolarum, & habete potestatem legendi eas in Ecclesia Sancta Dei, tam pro vivis, quam pro defunctis &c.* Officia Subdiaconi sunt 1. Sacra vasa, calicem scilicet & patenam ad usum sacrificii præparare, & ad altare deferre. 2. Diacono in altaris ministerio inservire. 3. in Missa Epistolam solemniter (id est, cum insigni proprio Subdiaconatus, quod est Manipulus) cantare. 4. Pallas altaris, item corporalia, calices & patenas ablueri, ipsamque lotionis aquam in Sacrarium fundere.

15 R. 6. Materia Diaconatus etiam duplex est; una impositio manus dexteræ Episcopi cum hac formula: *accipe Spiritum Sanctum, ad rebus, & ad resistendum diabolo; & tentationibus ejus in nomine Domini.* Altera est traditio libri Evangeliorum cum hac forma: *accipe (si unus duntaxat ordinetur, vel si plures, uti fieri assolet) accipite potestatem legendi Evangelium in Ecclesia Dei, tam pro vivis, quam pro defunctis, in nomine Domini.* Officia Diaconi sunt sequentia. 1. Sacerdoti in Missæ Sacrificio immediatè assistere, ei ministrando panem & vinum ad conficiendam Eucharistiam. 2. Evangelium in Missa solemniter (hoc est, cum insigni suo ordini proprio, scilicet stola transversim ab humero sinistro ad latus dextrum ducta) cantare. 3. De Parochi licentia solemniter (id est cum debitis ceremoniis ab Ecclesia institutis) baptizare. 4. Ex facultate Episcopi verbum Dei populo prædicare.

16 R. septimò. Materia Presbyteratus itidem duplex est, prima, traditio calicis cum vino, & patenæ cum hostia superposita; cui correspondet hæc formula: *accipe potestatem offerendi Sacrificium Deo, Missæque celebrandi tam pro vivis, quam pro defunctis, in nomine Domini.* Secunda, est impositio manuum Episcopi super caput ordinandi, cum hac forma: *accipe Spiritum Sanctum, quorum remissionis peccata, remittuntur eis, & quorum retinueris, retenta sunt.*

sunt. Officia Sacerdotis sunt sequentia 1. consecrare Corpus & Sanguinem Christi. 2. absolvere fideles à peccatis. 3. reliqua Sacramenta (exceptis confirmatione & Ordine) dignis administrare 4. Benedicere, baptizare, ac populum Dei opere, doctrina, & exemplo pascere, aliisque pietatis operibus vacare.

17 R. Tandem octavo. Materia Episcopatus est impositio manuum Episcopali: forma verò sunt illa verba ex Pontificali: *accipe Spiritum Sanctum &c.* Officium autem Episcopi est 1. administrare Sacramenta, præsertim confirmationis, & ordinis. 2. Pascere gregem sibi concredendum verbo, tum etiam exemplo, juxta illud monitum Apostoli *Ad. 20. attendite vobis, & universo gregi, in quo vos Spiritus Sanctus posuit Episcopos, Regere Ecclesiam Dei.*

Quæres septimò, quo modo Ordinandus debeat materiam sibi ab Episcopo porrectam tangere, an scilicet physicè, vel moraliter duntaxat v.g. extendendo manum versus illam?

18 R. Probabiliùs requiritur necessariò etiam necessitate Sacramenti contactus physicus (etsi speculative loquendo aliqui putent sufficere contactum morale.) Ratio autem nostræ responsionis est hæc: quia traditio & acceptatio sunt correlativa: ergo quemadmodum requiritur traditio physica ex parte Episcopi ordinantis; & physica acceptatio seu tactus ex parte ordinati, sine quo non videtur practicè factis verificari ly *accipe*, inquit Babenstuber de *Sacram. Ordin. disp. 11. a. 3. n. 20.* Quod vel ex eo etiam confirmari potest: quia in aliis Sacramentis in usu consistentibus necessaria est physica applicatio materiæ: ergo & in hoc. Videatur de hoc Castropalao *tr. 27. disp. un. pu. 4. num. 22.* Bonacin. *disp. 8. q. un. puncto 2. n. 11.*

Quæres adhuc octavo, quid sit prima tonsura, & quinam sint hujus effectus?

19 R. ad primum. Prima Tonsura, prout defecto ex instituto Ecclesiæ confertur, apè describitur, quòd sit levis detonsio capillorum, ab Episcopo (vel alio Prælato) Ceremoniis Ecclesiasticis facta, quamasculus tyrocinio mysteriorum Dei initiatur. Ita Sporer ubi iuprà c. 6. n. 153. ex-

communi. Hæc igitur prima Tonsura non est Sacramentum, neque est verus ordo, sed potiùs quædam dispositio ad Ordines. Ratio est: quia non habet materiam & formam propriè dictam, nec per eam confertur gratia sanctificans, aut character, vel potestas spiritalis, sed disponitur homo duntaxat, & initiatur, velut quidam Tyro, in ordine ad alios gradus Ecclesiasticos cum tempore obtinendos.

20 R. ad secundum. Effectus primæ tonsuræ sunt præcipuè quatuor. 1. Vi hujus homo deputatur ad canendum in Ecclesia, qua ratione in antiquis Conciliis tonsurati appellantur *Psalmistæ*. 2. Vi hujus homo è statu Laicali quodammodo extrahitur, elevatur, & redditur proximè capax ad suscipiendos Ordines. 3. Homo fit capax beneficii, & jurisdictionis Ecclesiasticæ. 4. Tonsurati incipiunt gaudere Privilegiis Clericalibus, præsertim duobus, scilicet Privilegio *Fori*, & *Canonis*.

21 Privilegium Canonis in eo consistit, quòd Tonsuratus fiat quodammodo immunis ab omni violentia externa, seu violenta manuum iniectione, ita, ut is qui violentiam externam inferret (nisi in quibusdam Casibus jure expressis) ipso facto incurreret excommunicationem latæ sententiæ, veluti statuitur *can. si quis suadente. 17. q. 4.* Privilegium autem fori in eo situm est, quòd talis Clericus sit exemptus ab omni potestate, seu jurisdictione sæculari *can. si Imperator diff. 96.* proptereaque non amplius potest à Judici Sæculari in judicium trahi, incarcerationi, vel puniri, sed debet tradi Judici Ecclesiastico.

22 Quocirca tamen P. Reiffenstuel *Trad. 14. diff. 12. nu. 11.* Clericatus de *Ordin. decis. 3. nu. 14.* alique DD. communiter advertunt, ad hoc, ut Tonsuratus gaudere possit mox dictis privilegiis, desiderari sequentes conditiones. 1. Ut habeat beneficium Ecclesiasticum; vel. 2. Clericalem habitum & tonsuram portans, alicui Ecclesiæ ex mandato Episcopi inserviat; vel 3. in Seminario Clericorum, vel in aliqua Schola vel Universitate, de licentia Episcopi, quasi in via ad suscipiendos majores Ordines versetur,

tur, uti statuit Concilium Trident. ss. 23. de Reform. c. 6. Aliqui huic Privilegio adnumerant exemptionem à Gabellis & Tributis, Principibus Sæcularibus præstandis. Verùm huic Privilegio multùm hodie derogatum fuisse, docet quotidiana praxis. An bene? Viderint illi, quorum interest.

§. I I.

Proponuntur, & breviter resolvuntur Casus practici, de Validitate vel Invaliditate Ordinum.

CASUS PRIMUS.

Titio homini scrupulosissimo, ad sacrum Presbyteratus Ordinem accedenti, sub actuali ordinatione, & ultimamantum Episcopallum impositione venit in mentem hæc cogitatio (procul dubio à dæmone suggesta, quia omnino falsa) tu non es in statu gratiæ, & tamen aures suscipere hoc Sacramentum? Unde subitaneo timore velut quodam fulmine percussus, videtur sibi revocasse intentionem suscipiendi Presbyteratum, ne scilicet committeret Sacrilegium. Nihilominus existimat, inmodò verò certò sibi persuadet, se mox renovasse priorem suam intentionem suscipiendi, & prius quidem, quàm Episcopus compleverat illa verba formulæ: accipe Spiritum sanctum, quorum remisit peccata, remittuntur eis, & quorum retinueris, retenta sunt. Dubitat jam vehementer 1. quid de Valore Ordinis se suscepti sibi sit tenendum? & 2. an tanta conscientia pisset quempiam absolvere (jam enim est approbatus pro cura) aut saltem celebrare Sacram? Quid respondendum Titio interroganti?

2. R. ad hunc Casum primò. Si certò constaret de revocatione intentionis, ordinationo probabilis fuisse nulla, idque defectu voluntatis, seu etiam intentionis ex parte suscipientis necessariò requisitæ pro eo instanti, pro quo ordinatione fit. Quo supposito dicendum foret, Titium ne validè quidem, multò minùs licitè posse quempiam absolvere. Ratio est clara: quia absolutio à peccatis essentialiter supponit potestatem Ordinis in Corpus Christi mysti-

cum, quæ confertur in actuali tantum Episcopallum impositionem, cum illa formula: *Accipe Spiritum sanctum; quorum remisit peccata &c.* Atqui hanc potestatem Titius non obtinuit, si supponatur revocasse suam intentionem, & voluntatem recipiendi: ergo &c. Unde ex hac suppositione ulterius dicendum foret, Titium equidem validè consecraturum; quia potestas in Corpus Christi verum eidem fuit validè collata: cumque hæc non dependeat ab illa altera in corpus Christi mysticum; hinc planè nihil omnino obstat, quin validè celebraret, & per consequens stipendium pro tali Sacrificio sibi oblatum tuta conscientia retinere posset. Nihilominus in his circumstantiis celebrando peccaret mortaliter toties, quoties; idque hac ratione: quia saltem ex jure humano, quoad hoc graviter obligante, cap. Presbyter de Sacram. non iterand. Item cap. Pastoralis, eodem tit. tenetur procurare suppletionem talis defectus, utpote versantis circa aliquid substantiale, veluti teste Gobat Theolog. experim. tr. 8. n. 226. unanimiter tenent Canonistæ & Theologi, nominatim Scotus 4. dist. 24. q. 1. Sylvestr. f. Irregularitas, q. 12. Sanchez Confl. lib. 7. c. 1. La Croix l. 6. p. 2. n. 2201. & 2204. Clericus de Sacram. Ordin. decis. 33. n. 23. ergo.

Dixi tamen notanter: Si certò constaret de revocatione &c. Unde

24 R. secundò, Mihi probabilissimum, & prope certum videri, Titium nunquam revocasse suam Intentionem, ideoque & validè fuisse ordinatum; idque colligo ex eo, quòd voluntariè accesserit nedum examen, sed etiam Ordinationem, animo suscipiendi Presbyteratum: & licet videatur sibi revocasse suam intentionem, non tamen est verosimile, quòd seridò, efficaciter & deliberatè eam revocaverit, prout vel inde conjecturæ licet, quòd fateatur se statim iterum renovasse priorem intentionem. Unde quemadmodum verè scrupulosi sapissimè quidem putant, se confensisse in peccatum, ubi tamen consensum nunquam præbuerunt; ita procul dubio Titius noster, utpote Scrupulosissimus mortalium, videbitur sibi revocasse intentionem, esse reipsa illam nunquam revocave-

caverit. Et certè talis revocatio parùm conduxisset ad evitandum Sacrilegium. Accedit, quod certò asseveret, se pro illo instanti (extrinseco scilicet Sacramenti) quo potestas Spiritualis confertur, habuisse intentionem actualem suscipiendi. Et certè in scrupulosis raro oriri solet prudens motivum de Valore suscepti Ordinis, uti sapienter notarunt Bardi, Gobat, & La Croix cit. nu. 2159. Qua de causa Navarr. lib. 1. *Confil. Tit. de Sacram. non iterand. Confil. 5. & 6.* apud Gobat l. cit. n. 252. in simili casu rectè scribit de hujusmodi Scrupuloso, *eum propterea, quod habuerit Scrupulum, nolendi & volendi Ordines, & quasdam Trepidationis scrupulorum, non esse censendum, non accepisse Ordines, immò judicandum potius, quod acceperit eos, calcatis Scrupulis injectis à dæmone, transformante se in Angelum lucis.*

Dices: ergonè Titius noster non bene ageret, petendo iteratam manuum impositionem ab Episcopo, saltem sub conditione faciendam si prior non valuisset?

25 R. Equidem propterea minimè laudandum arbitror; sed neque vituperandum: immo verò hanc ei gratiam fuisse præstitam, certò novi, idque partim propter pericula animarum, ex invaliditate Presbyteratus (sicut & Episcopatus) oriri nata; partim etiam ad eum liberandum à perpetuo illo tyranno conscientie, scilicet stimulo, identidem eidem sine intermissione ingeminante hanc cantilenam: *tu non es legitime ordinatus, & tamen celebras; per consequens toties quoties committis Sacrilegium, hominibus causam idolatrandi præbes, irregularitatem, & excommunicationem incurris &c.* & alia hujusmodi sexcena, quibus scrupulosi etiam sine fundamento mirum in modum exagitari solent. Tamen pariter haud ignorem, hanc repetitionem Sacre Ordinationis Titio in hunc finem (ad eximendos scilicet scrupulos) minimè profuisse, quippe ex qua mox incidit in alios scrupulos sine fine; id, quod eidem ante prædixeram, probè gnarus, scrupulosos nequaquam corrigi ex eo, quod dictamina sua sequantur & expleant, sed ex eo potius, quod eidem dire-

Elbel Theol. P. I.

ctè sese opponant, & contraveniant. Dices iterum. Ergonè Titius non petita ordinis iteratione licitè exercuisset præfatum Ordinem, consecrando, absolvendo &c.

26 R. Probabiliter potuisset se practice resolvere, & consecrare tuta conscientia; nam quemadmodum is, qui post contractum matrimonium incipit dubitare de valore sui matrimonii, tuta conscientia se potest resolvere ad usum hujus, saltem in eo casu, quo non potest venire in certam notitiam invaliditatis, quippe in quo potius præsumitur pro valore, quam pro nullitate actus, suffragante actuali possessione matrimonii; ita sanè in nostro proposito Titius se posset tuta conscientia resolvere, præsertim in casu, quo iterationem Ordinis tam facile obtinere non posset. Idipsum docet Gobat cit. rr. 8. nu. 204. ubi de simili (sine sufficienti fundamento) scrupuloso dubitante ait: *unica ergo ratio (quod talis teneatur procurare repetitionem sui Ordinis) est charitas debita proximo. Unde consequenter infero (pergit idem) fas esse tali Sacerdoti sacrificare, quamdiu per ipsum non fiat, quo minus iterum ordinetur sub conditione, privatim pro se; Ita Gobat l. cit. vide etiam ea, quæ habet n. 197.*

CASUS SECUNDUS.

SEmpronto Episcopo (nescio quo facto, aut cujus incuria) contigit, ut cuidam Subdiaconando porrigeret calicem cum vino, & patena vacua: è contra alteri Presbyterando porrexisset calicem vacuum cum patena, & hostia superposita. At verò nondum finita ordinatione sacra, Ceremoniæ Magister animadvertit errorem, moxque dubitatum fuit 1. quid de valore præfatorum Ordinum esset tenendum, & 2. quid in his circumstantiis foret agendum? Quid respondendum huic Ceremoniæ Magistro?

27 Ad primum. Ordo Subdiaconatus, non obstante præfato errore, probabiliter fuit validus, non item ordo Presbyteratus. Ratio disparitatis est hæc: quia per traditionem Calicis Episcopus sufficienter significavit & expressit potestatem Subdiacono conferendam: quod autem in calice

L

simul

simul fuerit vinum, in hunc finem merè per accidens se habuit, unde hoc loco rectè applicatur illa notissima Regula 37. *Jur. in 6. utile per inutile non vitiatur*: atqui calix fuit utilis ad collationem Subdiaconatus: ergo &c. E contra per solum calicem sine vino juxta plurimorum DD. opinionem non sufficienter exprimitur potestas consecrandi Sanguinem Christi, quæ tamen in collatione Presbyteratus necessariò significanda est, & exprimenda: ergo ordo Presbyteratus hoc modo collatus merito vocatur in dubium. Et ita tenent Bosco *part. 4. disp. 10. nu. 111*. Babenstuber *disp. 9. a. 3. n. 15*. Tannerus *tom. 4. d. 7. q. 2. dub. 4. n. 98*. Gobat *n. 98*. ubi etiam mox subdit, talem Sacerdotem dubiè ordinatum (quoad potestatem hanc in Corpus Christi verum) peccatum contra justitiam, si accepto stipendio sacrificaret pro aliquo; nam generatim loquendo iniquè decipit homines, qui non habens moralem certitudinem de validitate sui Ordinis Presbyteralis, petit, accipitve stipendium ab ignaris deficientis hujus certitudinis.

28 R. Ad secundum. Talis error quantocumque fuit corrigendus, & Presbyter ille reordinandus per traditionem Calicis cum vino. Ratio petenda est ex communis Doctrina Theologorum, juxta quam, si constet vel ordinem aliquem fuisse nulliter collatum, vel certè omisam fuisse aliquam notabilem ceremoniam, debet, quamprimum est possibile, hujuscemodi defectus suppleri, & quidem ab eodem Episcopo, qui cæteros ritus adhibuit, idque, per se loquendo, eodem tempore, quo confertur talis ordo, nisi excuset ratio scandali, infamiae, aut alterius extrinseci gravis incommodi: at, in nostro casu fuit intermissum aliquid notabile, scilicet vinum in calice, scandalum verò ex tali suppletionem illicò facta vel nullum orietur, vel certè non adeò grave: ergo statim supplendus erat iste defectus. Videatur de hoc Clericatus *decis. 33. n. 6. 7. item n. 23*. Gobat *n. 32*. La Croix *n. 2200*. qui mox *n. 2204. & 2205*. rectè monet, in hoc casu etiam esse repetendam traditionem patenæ cum hostia, sicut & secundam manuum impositionem, quippe quæ essen-

tialiter præsupponit illam potestatem priorem in Corpus Christi verum: ergo cum de valore hujus potestatis in nostro casu dubitetur, immò verò multi negent, posse cuiquam conferri potestatem consecrandi Corpus, & non etiam Sanguinem Christi, hinc merito concluditur, repetendam esse ordinationem ex integro.

Dices adhuc. Quo modo autem corrigendi sunt defectus in ordinatione commissi?

29 R. Breviter cum Doctoribus mox *citt. 1*. quòd si supplendus sit aliquis actus ordinationis, necessariò debeant iterari formæ & orationes illi actui correspondentes: & si pars formæ sit omisita, debet repeti tota forma. 2. si defectus fuit oculus, occultè est supplendus, ad vitandum scandalum & turbationem aliorum. 3. Si ob solum dubium sub conditione iteretur ordo vel ceremonia aliqua, potest iterari à quovis Episcopo, quovis die, in privato sacello, & quidem uno eodemque die omnes simul, tam majores, quàm minores ordines eidem conferri possunt, nec adhibendæ sunt solemnitates ordinariæ, præter illas, quæ sunt probabiliter necessariæ ad valorem. Vide de hoc La Croix *citt. l. 6. p. 2. n. 2200*.

CASUS TERTIUS.

Cajus fragilitatis suæ sibi conscius, intendit quidem suscipere Subdiaconatum, non tamen sese obligare voto castitatis, ne postea votifragus gravius delinqueret: at, post exiguum tempus facti penitens, exercuit actum ordinis suscepti, solemniter ministrando. Postea ritè ordinatus fuit Diaconus & Presbyter. Modò autem dubius hæret, an debeat petere iterationem Subdiaconatus vel non. 2. an stante hoc dubio practico de validitate suscepti ordinis solemniter ministrando, non inciderit suspensionem, vel irregularitatem aliquam? Quid Cajo respondendum?

30 R. Ad primum quæsitum. Ordo Subdiaconatus certò valet. Ratio est: quia cum votum sit à valore Ordinis aliquid realiter distinctum & separabile; hinc potuit Cajus validissimè intendere unum, scilicet Ordinem, & non alterum, scilicet

scilicet votum. Consequenter nullatenus teneretur petere repetitionem hujus ordinis, licet vi præcepti ecclesiastici maneat obligatus ad sese obstringendum voto perpetuæ castitatis, veluti communiter tenent Doctores, nominatim Hurtadus, Tamberlinus *lib. 7. cap. 3. §. 3. n. 10.* & Sporer. *n. 182.* Quin immò, tametsi forsitan Subdiaconatum validè non suscepisset (de quo tamen minimè dubitandum) illum nihilominus suppleret Ordo Presbyteratus, quippe in quo eminenter includitur. Cùmque aliunde ex invaliditate Subdiaconatus non sint nata oriri alia animarum damna (sicuti solent oriri ex invaliditate Presbyteratus & Episcopatus, secundum dicta) hinc Cajus nequaquam tenetur sibi providere de repetitione Subdiaconatus. Secus discurrendum foret, casu quo certò constaret de invaliditate suscepti Ordinis. Ita in re S. Thomas 3. p. q. 33. a. 5. Bardi *de consent. discept. 6. c. 21. part. 6. §. 2.* Diana *part. 5. tr. 13. resol. 47.* Lugo, Oviedo, & alii plures, quos refert, & sequitur Gobat *tr. 8. n. 191.*

31 R. Jam ad secundum quæsitum. Causus nec suspensionem incurrit, nec irregularitatem, tametsi stante dubio practico solemniter ministraverit. Ratio est: quia hujusmodi pœnæ in dubio non contrahuntur, neque præsumuntur contractæ (excepto duntaxat dubio de homicidio) veluti ex communi DD. latè probat Sanchez *in decal. lib. 1. c. 10.* atqui in nostro casu nulla habetur certitudo de invaliditate Ordinis, sed potius de valore, de quo vix, aut ne vix quidem dubitare licet, & per consequens an irregularitatem aliquam incurrit: ergo dicendum, quòd nullam incidere. Vide la Croix *cir. n. 2203. fin.*

Dices adhuc: at quid agendum, casu quo Episcopus, vel etiam Sacerdos jam exercuit actus suo ordini proprios, utputa ordinando, consecrando, vel absolvendo &c. ex post facto autem fiunt certi de nullitate, vel saltem rationaliter dubii de valore ordinis à se suscepti?

32 R. 1. Si Episcopus fiat certus de nullitate sui ordinis, tenetur per se loquendo omnes à se ordinatos desuper admonere, ut sibi provideant de repetitione ordinis nulliter suscepti. Et idem dicendum

est, casu quo Episcopus sit certus, quòd aliquos (præsertim Presbyteros) malè & invalidè ordinaverit, ad averterenda alia innumera mala; tenetur procurare, ut tales reordinentur. Si verò advertat, se errasse circa sola accidentalialia parvi momenti, dissimulet; si circa ea, quæ sunt majoris momenti, & nequeat sine suo probro supplere publicè, suppleat privatim; etenim qui non potest facere aliquid eo modo, quo debet, debet saltem illud facere eo modo, quo potest. At verò, si solum dubitet, an non erraverit in quibusdam accidentalibus, non videtur mens Ecclesiæ, illum obligare ad ullam iterationem; quia cùm hæc nunquam fiat sine plurium perturbatione, non est hoc certum incommodum suscipiendum vel subeundum propter incertum, & nemini noxium defectum *c. ubi periculum, de elect. in sexto.* Vide etiam Quintannadvennam *singul. tr. 6. singul. 3. n. 6.* Gobat *tr. 8. n. 236.*

33 R. secundò. Sacerdos veniens in notitiam de invaliditate Presbyteratus à se suscepti, unde demum hæc proveniat, tenetur præ primis procurare ut reordinetur. Secundò. Quandoquidem hæc defectu Ordinis Sacrificium verum Deo offerre non poterit; hinc tenetur postea, sive per se, sive per alium, supplere omnia illa Sacra, ad quæ ex iustitia hæcenus fuit obligatus. 3. Similiter dicendum, quòd per se loquendo teneretur admonere pœnitentes invalidè absolutos, quatenus sua peccata gravia velint rursus confiteri alteri, in ordine ad obtinendam absolutionem directam ab illis, si eam hæcenus nunquam obtinuissent, qui tamen id valde grave accideret tum Sacerdoti, tum etiam pœnitentibus, hinc plerumque ab hoc onere excusandus est & absolvendus. Cæterùm reliquos actus à charactere sacerdotali non dependentes, uti est, v. g. assistere matrimonio &c. non tenetur supplere, si eos exercuit bona fide & cum Titulo colorato; quia hoc supposito fuerunt validi. Vide DD. *max citatos.*

§. III.

Corollaria ex dictis inferenda.

34 **C**olliges ex hactenus dictis primò, dari inter ordines aliquam subordinationem & connexionem, vi cuius Ordo inferior v. g. Subdiaconatus semper debet suscipi priùs, quàm suscipiatur Ordo Superior v. g. Diaconatus vel Presbyteratus, & sic loquendo de reliquis. Et licet talis validè adhuc susciperet Ordinem Superiorem ante susceptum inferiorem, certò tamen peccaret mortaliter, utpote transgrediens præceptum Ecclesiæ in materia gravi; & maneret suspensus, donec ab Episcopo dispensetur, ut Ordinem prætermisissum suscipere, & in suscepto ministrare possit, veluti statuitur. *cap. un. de Cleric. per saltum promot.* Ob eandem rationem Salmanticenses, Mezger, Babenstuber alique plures inferunt, mortaliter peccaturum, qui ante omnes alios Ordines non susciperet primam tonsuram.

35 Colliges secundò, graviter peccare eos, qui quemcunque demum ordinem scienter suscipiunt in statu disgratiæ. Ita La Croix *nu. 2224.* contra Gobat & Sporer aliosque nonnullos, tenentes contrarium de suscipiente Ordines minores in statu disgratiæ. Ratio autem hujus nostræ opinionis est: quia tamen non sit omnino certum, omnes Ordines, præsertim Minores, esse verum Sacramentum, certò tamen est probabilissimum, quòd sint, & hoc ipso sit certum, quòd talis se exponat certo periculo indignè recipiendi Sacramentum, ideoque ponendi obicem gratiæ Sacramentali: at, qui se exponit tali periculo, præsertim sine gravi & urgenti causa, graviter delinquit: ergo &c.

Dices. Ministeria Ordinum Minorum etiam à Laicis exhiberi possunt, & defacto communiter ita solet fieri: ergo hi Ordines defacto videntur omnino superflui, vel certè non tanti momenti, ut quis propterea damnari deberet æternaliter?

35 R. Distinguendo & explicando antecedens. Præfata Ministeria possunt exhiberi à Laicis, idque ex officio, id est, velut à Mi-

nistris ex institutione & Ordine Ecclesiastico ad hoc Officium deputatis, neg. non ex Officio, con. ant. & neg. conf. Nam à Ministris Ecclesiasticis longè decentius peraguntur hujuscemodi Ministeria: ergo non superfluum prædicti Ordines: quòd autem indignè suscipiens peccet, ideo sit, quòd se exponat periculo ponendi obicem gratiæ Sacramentali: unde si propter hujuscemodi peccatum damnaretur, id non Ordinibus Minoribus, sed damnablem suæ incuriæ, & indispositioni imputare deberet.

36 Colliges tertio, Tonsurandum non peccare, si primam Tonsuram suscipiat in statu disgratiæ. Ratio desumitur à contrario; quia cùm hæc secundum dicta superius *n. 19.* non sit Sacramentum, eo ipso non ponitur propterea obex gratiæ Sacramentali. Nihilominus, si talis velit simul communicari prout regulariter secundum modernam Ecclesiæ praxin fieri solet, tenebitur necessariò præmittere Confessionem Sacræ communioni, nec satisfaceret præcisè contritionem eliciendo, vel ad eam conando, uti jam diximus superius *Confer. 2. n. 49. & Confer. 3. num. 73.*

37 Colliges quartò, probabiliùs nullam & invalidam, atque hoc ipso repetendam fore Ordinationem Presbyteri, si alicui sola patena sine pane seu hostia superposita porrigeretur. Ratio colligitur à pari; etenim si alicui porrigeretur solus calix sine vino, probabiliùs Ordinatio foret nulla, uti visum est mox supra *num. 26.* idque propterea, quòd calix solus non videatur sufficiens ad significandam potestatem consecrandi Sanguinem: ergo similiter, cùm patena sola non satis exprimat potestatem consecrandi Corpus Christi (saltem juxta modernum usum Ecclesiæ) concludendum meritò est, hujuscemodi Ordinationem esse nullam aut certò dubiam, & hoc ipso repetendam. Et ita tenent Cardin. de Lugo *l. 1. Respons. moral. dub. 3.* Gobat, Diana, La Croix *n. 2151* Babenstuber *disp. 11. a. 3. n. 8.*

38 Colliges denique quintò, Ordinandum graviter peccare, si voluntariè negligat immediatum patenæ vel calicis contactum. Ita ex communi DD. Castropalao *tr. 27. disp.*

disp. un. pu. 4. n. 20. Ratio est: quia talis contactus præscribitur in Pontificali, jubeturque Episcopus illum diligenter observare: ergo signum est, per hujus neglectum Sacramentum exponi periculo nullitatis. Et certè multi Doctores existimant, talem contactum esse de substantia. Nihilominus, prudenter monent Doctores jam supra citati, & cum illis La Croix n. 2159. contemnendos esse nonnullorum scrupulos, qui, tametsi optima fide accesserint, ex post facto tamen timet, ne forte non bene, utpote vel nimis citò, vel etiam nimis serò attigerint Sacra vasa, eò quòd defecto non recordentur, nec possint se reflectere, aut sibi imaginari, an, quando, vel quo modo id fecerint &c. Enim verò hæc non sunt prudentia motiva dubitandi; quia nec tenemur, nec possumus recordari omnium quæ agimus, aut egimus, & hoc ipso, quòd sumus solliciti pro hoc vel illorite faciendo, minùs reflexè cogitamus de reliquis. Et certò cùm plures semper soleant attendere, an, vel quomodo ordinandi Sacra vasa contineant, procul dubio illicò monuissent, si quem defectum notassent: ergo cùm non monuerint, signum est, omnia ritè fuisse peracta.

CONFERENTIA

VIGESIMASECUNDA.

De Ministro Sacrorum Ordinum, eorumque Subiecto, & de Obligationibus inde resultantibus.

SUMMARIUM.

- 39 *Minister Ordinarius & legitimus Sacrorum Ordinum est solus Episcopus.*
- 40 *Extraordinarius tamen Minorum Ordinum potest esse simplex Sacerdos.*
- 41 *Abbatès nequeunt conferre Ordines Minores aliis sibi non subiectis.*
- 42 *Quenam conditiones requirantur ex parte Episcopi, ut is licitè conferat Ordines.*
- 43 *Subiectum capax Ordinum est omnis, & solus mas baptizatus.*
- 44 *In infantia ordinato datur optio post adeptum usum rationis, an velit in Ordine sic suscepto ministrare &c.*
- 45 *Quæ, & quot conditiones requirantur ex parte Subiecti ad validam susceptionem Ordinis. Item*
- 46 *Quæ, & quot requirantur ad licitatem.*
- 47 *Qui sint Effectus Sacrorum Ordinum.*
- 48 *Quanam denique obligationes Ordinatorum.*
- 49 *In Sacris constituti ex jure duntaxat Ecclesiastico adstringuntur ad servandam perpetuam continentiam.*
- 50 *Resolvitur Casus I. de quodam Clerico, qui cum suis dimissorialibus suscepit Ordinem Subdiaconatus:*
- 51 *Proptereaque graviter deliquit, & ipso facto incurrit suspensionem.*
- 52 *Cum dictis dimissorialibus suscipiendo Ordines etiam Minores tantum, graviter peccasset.*
- 53 *Resolvitur Casus II. cujusdam stultosi, qui, quòd petierit Ordines non ab Episcopo Originis, sed domicilii paterni, repulsam passus fuit.*
- 54 *A quonam Episcopo ordinari possint vel debeant Religiosi, qui modò in hac, modò in alia Diocesi commorantur.*
- 55 *Et an possint petere Ordines ab alio Episcopo, tametsi Ordinarius loci, ubi commorantur, Ordines velit conferre.*
- 56 *Resolvitur Casus III. de quibusdam Clericis Franciscanis, qui è Conventu Egrano Ratisbonam missi, pro Ordinibus decumbente tunc Reverendissimo Suffraganeo Ratisbonensis, petierunt Possavium.*
- 57 *An à Celsissimo Passaviensi plures Ordines dictis Fratribus rectè fuerint collati.*
- 58 *An iisdem uno, eodemque die plures Ordines potuissent conferri.*
- 59 *Tam in susceptione, quàm in collatione Ordinum sequendæ sunt Sententiæ tutiores.*
- 60 *Quanam Sententiæ circa hanc materiam*

riam defacto non sint practicè probabiles.

- 61 Ordinato facta ab Episcopo innodato aliqua censura, valida quidem est, sed illicita.
- 62 Hæretici validè ordinarentur, sed illicitè.
- 63 Mulieres ne prima quidem Tonsuræ sunt capaces.
- 64 Diaconissæ in primitiva Ecclesia non habuerunt verum Ordinem Diaconatus: & cur hoc nomine fuerint appellatæ.

§. I.

Præmittuntur, & breviter resolvuntur quæsitæ, scitu necessaria, ad debitè resolvendos Casus practicos de Ministro & Subjecto Ordinum.

Quæres primò, quisnam sit legitimus Minister Sacrorum Ordinum?

39 R. Solus Episcopus est Ordinarius & legitimus Minister. Ita fides Catholica: ita Concilium Florentinum *post Sess. ult. §. sextum Sacramentum*: ita & Tridentinum *sess. 23. c. can. 7.* Ratio congruentiæ est: quia Ministeria & Officia in populo distribuere, pertinet ad Principes, uti superius diximus ex S. Bonaventura: Atqui Episcopi sunt Principes Populi Christiani, sive Ecclesiæ: ergo ad hos pertinet distribuere Officia Ecclesiæ: hoc autem fit per Sacram Ordinationem: ergo &c.

40 Dixi: *Minister Ordinarius*; nam extraordinarius ex Commissione Papæ in Ordine ad conferendos Minores, potest esse quilibet Sacerdos, etsi non sit Episcopus. Hac ratione Abbates Presbyteri, usu Mirræ ac Baculi gaudentes, solent suis subditis conferre Ordines Minores, idque ex concessione S. Sedis Apostolicæ, prout liquet ex c. *quoniam videmus dist. 69. & c. cum contingat de Ætat. & Qualit. præficiend.*

Dices: Ergone Abbates Mitra fulgentes non possunt conferre primam Tonsuram, & quatuor Minores aliis, v.g. Sæcularibus, sibi non subiectis?

41 R. Non possunt. Ratio desumitur ex Tridentino, quod *sess. 23. c. 10. de Reformat. expressè statuit* hisce Formalibus:

Abbatibus ac aliis quibuscunque, quantumvis exemptis, in posterum non liceat cuiquam, qui Regularis Subditus sibi non sit, Tonsuram, vel Minores Ordines conferre. Quo non obstante plures DD. nominatim Salmaticenses tr. 8. c. 4. pu. 2. num. 38. Sporer c. 5. n. 43. & Babenstuber dist. 11. a. 4. n. 5. existimant, Abbates hodie id posse, modò Episcopis consentiat; eò præsertim, quòd consuetudo & praxis in Germania id ferat. Verùm an hæc praxis vigeat in nostra Patria, ego non scio: nec recordor me id unquam vidisse, vel etiam audivisse. Unde La Croix absolutè negat, hanc potestatem hodie competere Abbatibus, & in contrarium adducit aliquam decisionem Rotæ, confirmatam à Summo Pontifice 17. Januarii 1662. Vide cit. Doct. num. 2190.

Quæres secundò, quæ, & quot conditiones desiderantur ex parte Episcopi, ut is Ordines licitè conferat?

42 R. Breviter cum P. Babenstuber *cit. art. 4. n. 10.* desiderari sequentes. 1. ut sit in statu gratiæ. 2. ut sit jejunos, nullaque censura Ecclesiastica, vel irregularitate implicatus. 3. ut sit præditus omnibus ordinibus, etiam inferioribus. 4. Ut observet Ritus & Ceremonias ab Ecclesia præscriptas. 5. Ut Ordines Majores non conferat, nisi Sabbato quatuor temporum, & Sabbato ante Dominicam Passionis, & Resurrectionis Domini: Mendicantibus tamen intuitu Privilegiorum suorum istos Ordines extra præfata tempora licitè impertiret. 6. Requiritur, ne ordinet extra suam Diocæsim. 7. Ut non ordinet, nisi Subditum, aut habentem veras Dimissoriales, si non sit Subditus. Item non, nisi legitime natum, præditum debita ætate, probitate, scientia, dispositione, & Titulo mensæ.

Quæres tertio, quanam sint Subjectum validæ Ordinationis, seu, quanam Ordines validè suscipere possint?

43 R. Est omnis & solus Mas baptizatus, tametsi nondum attigerit usum rationis. Ita Scotus 4. *dist. 25. q. 2.* Omnesque Catholici. Quòd solus mas valide ordinetur, patet ex usu, praxi, & perpetua Traditione Ecclesiæ, quæ semper persuasum sibi habuit, Christum ita voluisse, & vel ex eo

haud

haud obscurè colligere fas est, quòd ne propriè quidem Matri, etsi cæteroquin digniori atque excellentiori universis Apostolis, aliquem Ordinem conferre voluerit. Quò collimavit Apostolus 1. *Corinib.* 14. scribens: *Mulieres in Ecclesia saccant, non enim pervertitur eis loqui, sed subditæ esse, sicut lex dicit: & mox infra ait idem Apostolus: Siquidem autem volunt discere, domi viros suos interrogent; turpe est enim mulieri loqui in Ecclesia.* Et ratio congruentiæ est: quia Ordines à Christo instituti sunt pro iis, qui in Ecclesia aliquam dignitatem, potestatem & eminentiam obtinere possunt: Atqui mulieres ob sexus infirmitatem non sunt dignæ, ut ad talem eminentiam evehantur: ergo &c. Quòd verò infans ante usum rationis adeptum validè (esto illicitè secundum omnes) ordinaretur, modò per baptismi januam supponatur esse ingressus Ecclesiam, constat ex cap. unico de Cleric. per saltum promoti. Et ratio fundamentalis hæc est: quia etiam Infantes sunt capaces illorum Sacramentorum, quæ non exigunt conditionem aliquam illorum statui repugnantem, veluti patet de Sacramento Baptismi, & confirmationis: atqui Ordo non exigit talem conditionem. Neque opus est, ut infans habeat propriam intentionem, sed sufficit eam suppleri ab Ecclesia, veluti à pari constat de Baptismo: ergo saltem validè ordinaretur infans.

44. Nihilominus Ecclesia hujuscemodi infantem ordinatum non vult simpliciter obligatum ad statum Clericalem, vel ad perpetuam continentiam, sed relinquit in ejus arbitrio, ut post adeptum rationis usum vel transeat ad statum conjugalem, vel in ordine suscepto ministret; quem si liberè eligere voluerit, & in eo ministrare, tunc primùm tenebitur in eodem perseverare, & onera illa, omnibus aliis communia portare, uti cum communi DD. tenent Reinssius, Clericatus, Sanchez lib. 7. de Matr. disp. 30. & Sporer cap. 5. num. 185.

Dices: quænam igitur conditiones ex parte Subjecti sunt necessariæ ad validam Ordinationem?

45. R. Tres Conditiones ad validam Ordinationem requiri, faciliè deduci potest ex

jam dictis. 1. Enim necessum est ut sit mas. 2. Ut sit baptizatus, & 3. ut habeat intentionem suscipiendi, si sit adultus. Ratio priorum conditionum mox num. præcedenti fuit data. Ratio autem tertie conditionis est ista: quia sicut Deus adultum non justificat sine aliqua cooperatione liberi arbitrii ipsius; ita nec per Sacramenta illum vult consecrari, nisi habeat aliquam positivam intentionem, & saltem habitualement voluntatem suscipiendi. Vide quæ diximus superius Confer. 3. n. 56.

Quæres quartò, quid præterea requiratur, ut aliquis licitè suscipiat Ordines?

46. R. Ad licitam susceptionem requiruntur sequentes sex Conditiones. 1. Ut sit in statu gratiæ. 2. Ut sit confirmatus. 3. Ut ordinatè, & non per saltum suscipiat Ordines. 4. Ut non sit irretitus aliquo impedimento, seu inhabilitate canonica. 5. Ut habeat reliqua de jure requisita, (ut sunt 1. ætas Canonica. 2. probitas morum. 3. Scientia competens. 4. Titulus mensæ & 5. Litteræ dimissoriales, si velit ab alio, non suo, ordinari. 6. Observatio interstitiorum, locus, & tempus debitum.) Denique sexto. Debet Ordinandus esse ab Episcopo approbatus. Declaro breviter singulas conditiones mox recensitas.

I. Itaque Ordinandus debet esse in statu gratiæ; quia cùm Ordo sit Sacramentum vivorum, supponit hominem spiritualiter viventem, seu in gratia sanctificante constitutum, juxta dicta Confer. 1. n. 61.

II. Debet esse confirmatus; quia Trident. Sess. 23. c. 4. de Reformat. statuit, ut prima tonsura non initiatur, qui Sacramentum confirmationis non susceperint. Quare qui secus facit, validè quidem ordinatur, peccat tamen, saltem venialiter, juxta dicta Confer. 8. n. 13.

III. Ordinatè debet suscipere, & non per saltum, id est, transfiliendo quasi unum Ordinem, & suscipiendo prius altiorem v. g. Diaconatum ante Subdiaconatum. Oppositum agens graviter peccat, & manet suspensus ab ordine sic suscepto in tantum, ut neque in illo ministrare, neque ad altiorem ascendere valeat, donec ab Episcopo (ordine omisso prius suppletio) dispensetur, uti statuitur in Tridentino c. 1. Sess. 23. cap. 2.

cap. 3. & cap. un. de Clerico per saltum ordinato. Navarr. Castropol. Gobat, Sporer cit. c. 5. n. 75.

IV. Necessum est, ut non sit irretitus aliquo impedimento Canonico, utpote irregularitate vel censura Ecclesiastica, scilicet excommunicatione, suspensione, vel interdicto. Ratio est: quia irregularitas est quædam inhabilitas Canonica ad suscipiendos Ordines, & in susceptis ministrandum. Similiter censura Ecclesiastica privat usum quorundam bonorum spiritualium externorum Ecclesiæ, uti sunt Ordines Sacri, qua ratione is, qui censura irretitus præsumit solenniter exercere actum Ordinis Majoris, (nisi necessitate compulsum id faciat) incurrit novam irregularitatem ex delicto abusus Sacri Ordinis dictam, veluti habetur toto Titulo de Cleric. excom. ministrante. Ita Tambur. Laym. Sporer & Gobat ubi supra num. 713. & 765.

V. Debet habere ætatem Canonica. Ita statuit Concilium Tridentinum ff. 23. c. 12. de Reform. sequentibus verbis: *Nullus impositus ad Subdiaconatus Ordinem ante vigesimum secundum: ad Diaconatus ante vigesimum tertium: ad Presbyteratus ante vigesimum quintum ætatis sue annum promoveatur.* Sufficit tamen, præfatos annos fuisse inchoatos, etiam unica hora, veluticum communi docet Layman lib. 5. tr. 9. c. 7. n. 1. Et Glossa in Clement. ult. de ætat. & qualitt. Ordinand. Pro prima verò Tonsura & Minoribus nulla ætas certa præscribitur, modò habeant usum rationis, qui hisce Ordinibus insigniri cupiunt. Pro Episcopatu de iure requiritur annus trigessimus completus cap. cum in eundis, de elect. Babenhuber art. 5. n. 11. fin.

VI. Probitas vitæ & morum desideratur in ordinando, quam is debet probare, vel Parochi, vel aliorum fide dignorum, v.g. Superiorum, Professorum &c. attestatone. Idque iure merito desideratur, juxta illud Apostoli 1. Timoth. 5. *Manus cito nemini imposueris.*

VII. Scientia competente ordinandus debet esse instructus, sed diversa, juxta diversitatem Ordinum, & munerum; nam prima Tonsura initiandus juxta Constitu-

tionem Concilii Trident. cit. c. 4. Scire debet rudimenta fidei, item legere & scribere. Diaconandus & Subdiaconandus debent scire necessaria ad functiones sui ministerii. Presbyterandus debet pollere eadem doctrina, ut possit Populum docere necessaria ad salutem, & ritè administrare Sacramenta; quod vel maximè desideratur in iis, qui cupiunt promoveri, & exponi ad curam animarum.

VIII. Titulum mensuræ habere debet maioribus Ordinibus initiandus, id est, congruam sustentationem, seu media sese honestè sustentandi, veluti statuitur cap. Neminem, & cap. Sanctorum, dist. 70. & in Trident. ff. 21. c. 2. de reform. Etenim valde incongruum, & statui Sacro indecorum foret, si Clericus cogeretur mendicare, vel intuitu congruæ sustentationis, sordidum quandam quæstum exercere. Porro triplex datur, & ab Ecclesia agnoscitur titulus. Primus est Beneficii Ecclesiastici, pacificè possessi. Secundus est titulus Patrimonii, vel pensionis, de cujus sufficientia, & veritate oportet Episcopum dijudicare, juxta Trident. loc. cit. Tertius est titulus paupertatis, seu professionis Religiosæ, cujus intuitu omnes Religiosi professi, utpote propter Christum omnia sua relinquentes, & nihil proprium possidentes, ordinari solent juxta Pontificale Romanum §. de ordinatione Subdiaconi. Videantur de hoc Engel in suo jure can. lib. 1. tit. 14. n. 14. & seqq. Clericat. de ordin. decif. 28. à nu. 3.

IX. Litteris dimissorialibus instructus esse debet, quisquis non à proprio, sed ab alieno Episcopo ordinari cupit. Itaque rursus expressè statuit Concil. Trident. sess. 23. c. 8. de reform. Quinam verò hujusmodi litteras dare valeant? quævis ob causam? aut quamdiu semel datæ durent, & quousque se extendant? longioris foret tractationis; quæ, cum à scopis nostris aliena sit, hinc in casu dubii emergentis lectorem remittimus ad Doctores mox citatos, vel ad P. Gobat tr. 8. à n. 600. La Croix l. 6. p. 2. à n. 2268. Sporer c. 5. n. 104. in quibus, procul dubio abundanter inveniet ea, quæ desiderat.

X. Interstitia pariter debet servasse ordinandus, id est (loquendo de Ordinibus majore

majoribus) expectasse ab ordine suscepto per integram annum Ecclesiasticum, priusquam alium ordinem altiore suscipiat. Veluti habetur in Tridentino *cita- to ff. 23. c. 14. de reformat.* Locus autem pro solemn collatione Ordinum est Ecclesie Cathedralis. Tempus ordinarium pro conferendis Ordinibus majoribus currit sex Sabbatis sequentibus, scilicet quatuor temporum; item Sabbato ante dominicam Passionis, & ante diem paschæ, uti statuitur *cap. de ec. de temp. Ordinand.* Potest tamen Summus Pontifex quoad hoc dispensare, ut aliis quoque temporibus præfati Ordines conferantur, veluti experientia & praxis monstrat.

XI. Tandem in eodem Trident. *ff. 23. c. 12. de reform.* requiritur, ut Ordinandus ab Episcopo (vel alio Ejus nomine deputato) sit examinatus de sufficientia doctrinæ, aliisque de jure requisitis, & hætenus recensitis, & ab Eodem approbatus, ita, ut furtivè sese ingerens, & sine approbatione ordinandis se admiscens, incurrat irregularitatem, juxta communem Doctorum, teste Suarez *de censur. disp. 42. sect. 3.* veluti statuitur *c. 1. 2. & 3. de eo, qui furtivè.*

Quæres quartò, quinam sint effectus Sacrorum Ordinum?

47 R. Sunt sequentes duo. 1. Cùm sit Sacramentum vivorum, non primam (saltem per se loquendo) sed secundam gratiam, seu augmentum gratiæ confert, & quidem cum jure ad alia auxilia gratiarum actualium percipienda in ordine ad functiones cujusque Ordinis ritè, ac religiosè exercendas. Secundus effectus est character, ita ut singuli septem ordinibus correspondeant singuli characteres, quibus Ordinatus intrinsecè perficitur ad actus sui ordinis validè exercendos. Ita ex communi Babenstuber *tr. 7. p. 5. d. 9. a. 5. n. 22.*

Quæres sextò, quænam sint obligationes ordinatorum?

48 R. Sunt sequentes quatuor. Primò. Omnes Clerici, tam majores, quam etiam minores, seu in minoribus constituti (si sint Beneficiati, & status clericalis privilegiis gaudere velint) tenentur portare habitum clericalem, & tonsuram,

sine armis incedere, vitamque honestam, ac clericalem ducere; etsi oppositum facientes, non peccent graviter nisi propterea aliis darent scandalum grave. Secundò. Clerici in Majoribus constituti, incipiendo scilicet à Subdiaconatu, duas obligationes speciales contrahunt. 1. tenentur recitare breviarium, idque per se loquendo sub peccato mortali 2. tenentur servare castitatem perpetuam, & cœlibem vitam ducere, ita, ut nec validè ampliùs possint contrahere matrimonium, juxta constitutionem Concilii Tridentini *ff. 24. can. 9.* Unde transgressores Castitatis semper committunt peccatum qualificatum contra virtutem Religionis; juxta omnes. Tertio obligantur Clerici ad dicendas preces, in actuali ordinatione ab Episcopo sibi impositas, etsi juxta probabiliorè sub culpa levi duntaxat ad hoc teneantur. Quarto denique tenentur omnes ad præstandam Episcopo reverentiam, & obedientiam in actuali ordinis susceptione promissam; de qua, quantæ sit obligationis, videri possunt P. Gobat *tr. 8. n. 773.* & Sporer *cit. c. 6. n. 171.*

Quæres septimò, quo jure Clerici in majoribus constituti teneantur ad servandam castitatem perpetuam?

49 R. Ex jure Ecclesiastico tantùm. Ita communiter DD. Ratio est: quia nulli constat, quòd ad hanc teneantur ex jure naturali, aut divino; restat proinde dicendum, eos solo jure ecclesiastico ad hoc adstringi; de quo quidem nullatenus ambigendum est, quandoquidem de hoc tum ex SS. Patrum testimoniis, tum etiam ex Summorum Pontificum constitutionibus, apud Bellarminum *de Clericis*, Laymannum *cit. c. 6. n. 3.* Clericatum *de cl. 27. num. 14.* & alios passim videndis, abundè constat. Controvertitur tamen inter Doctores, utrùm hæc obligatio ex solo præcepto & jure ecclesiastico, an verò potiùs ex voto, saltem implicite in susceptione Subdiaconatus emissio, proficiatur? Scotus alique multi graves Doctores existimant, eam proficiisci ex solo jure ecclesiastico: econtra D. Thomas D. Bonaventura, & alii plures volunt, eam oriri immediate ex voto. Utriusque sententiæ Patroni

troni asserunt pro se rationes minime spernendas, quibus utraque sententia redditur verè probabilis, uti videre licet apud Clericatum *l. cit. n. 61. & seqq.* Sporer. *cap. 6. n. 178.* Sanchez *lib. 7. de Matrim. disp. 27.* Herincx *hic disp. 10. §. 2. & alios passim.*

§. II.

Proponuntur, & breviter resolvuntur
Casus practici de Subiecto Sa-
crorum Ordinum.

CASUS PRIMUS.

Titius multo tempore Reverendissimum suum Ordinarium sollicitaverat pro dimissorialibus obtinendis; Quittamen nunquam voluit dare alias, quàm dimissorias in perpetuum. Quapropter ut Titius sine suo tandem aliquando possetur, & ad statum Ecclesiasticum, ad quem se vocatum existimavit, peringeret, imitatus fuit manum ac sigillum proprii sui Ordinaris, sibi que confinxit litteras dimissoriales usque ad Sacerdotium inclusivè, quibus causam suam eò perduxit, ut ab alto Ordinario, velut proximus omnibus de jure requisitis, fuerit admissus ad Ordinem Subdiaconatus. Verùm paulò post fraude deprehensa cœptum est dubium 1. utrum ordo validè fuerit collatus Titio? Secundò, quomodo si peccaverit confingendo sibi falsas dimissoriales, & quas propterea penas incurrerit? Quid respondendum?

30 R. ad primum. De valore ordinis collati vix dubitandum. Ratio est: quia si quid valori obtinisset, id potissimum fuisset defectus intentionis ex parte Episcopi, qui solus videtur non intervenisse; quandoquidem Episcopi semper ante ordinationem protestari soleant, se nolle ordinare eos, qui vel sint excommunicati, vel irregulares, vel alio requisito canonico (ut sunt litteræ dimissoriales) destituti: at, neque hoc obstat; quia per talem protestationem Episcopus censetur duntaxat vel le detertere hujusmodi impedimentis irritos, & significare, se nolle, id est, non optare, ut tales accedant ad ordi-

nationem, sed potius ut emaneant vel recedant. De cætero Idem Episcopus semper præsumitur habere practicam, & absolutam intentionem ordinandi, hominem præsentem, idque propterea vel maxime: ne ob defectum Ordinis, præsertim sacerdotalis, contingat postea plures damnificare, aut plurimum Innocentium salutem periclitari: quod procul dubio contingere natum est, ubi Sacerdos (vel Episcopus) invalide ordinatus, administrat Sacramenta. Vide Escobar in *Theol. Moral. lib. 23. Problem. 36. n. 199.* Navarr. in *Consi. l. 1. de Temp. Ordinat.* La Croix *n. 2231.*

31 R. Jam ad secundum. Titius fingendo sibi litteras dimissoriales, & cum iisdem accedendo ad Ordinem Subdiaconatus, peccavit mortaliter secundum omnes. Ratio est: quia in materia gravi fuit transgressus sapientissimam Ecclesiæ constitutionem. Qua de causâ in Pontificali Romano sub pœna excommunicationis præcipitur, ne ullus patiens defectum Canonicum, audeat suscipere Ordines. Porro Concilium Tridentinum *ss. 23. cap. 8. de Reformat.* statuit, ut taliter Ordinatus (scilicet sine licentia proprii Ordinaris) à susceptorem Ordinum executione, quamdiu proprio Ordinario videbitur expedire, sit suspensus. Similiter Pius II. in suo *Extravag. cum ex Sacrorum*. Statuit, ut 1. qui extra legitima tempora, vel 2. ante legitimam ætatem, vel 3. sine litteris dimissoriis Sacrum aliquem Ordinem accipere præsumperint, ab eodem suspensi maneant, donec ab Ordinario suo absolvantur: & si durante hac suspensione in Ordinibus celebrare præsumperint, irregularitatem (ex abusu S. Ordinis dictam) incurrant. Hancquæ suspensionem esse latæ sententiæ, post citatam Constitutionem Pii II. indubitanter tenendum existimat Layman *lib. 5. tr. 9. c. 10. n. 2.* Quo loco alios adhuc plures DD. allegat ejusdem opinionis.

Dices. At quid, si Titius noster cum suis litteris feticis Minores duntaxat Ordines suscepisset?

32 R. Nihilominus peccasset mortaliter. Et licet propterea non incurrisset mox dictam suspensionem Pii II. quippe quæ solum est

est lata in eos, quialiquem Ordinem Sacrum, uno ex illis tribus mox dictis illegitimis modis accipiunt, & per consequens exercendo actum Ordinis Minoris sic suscepti irregularis non fieret; nihilominus interdicendum ipsi esset ministerium talis Ordinis, uti statuitur *cap. quod translatus de Temp. Ordinatus*. Immo verò, etiam ante interdictum est inhabilis ad Ordinis ita suscepti exercitum, ita, ut ante obtentam dispensationem velut ex Officio ministrando peccet: quia, sicut Sententia lata à non Iudice, irrita est; ita & Ordinatio facta ab Episcopo non suo, seu non habente jus ordinandi, irrita censetur in ordine ad legitimam executionem seu usum per *cap. si quis ausus dist. 71*. Ita Layman *loc. cit. §. secundum*, & apud hunc Suarez, Avila &c.

CASUS SECUNDUS.

Sempronius natus in Diœcesi Ratisbonensi, ab alio quodam Reverendissimo Ordinario postulavit initiari Ordinis Sacris, partim quod in hujus Diœcesi, immo Metropoli, per multos annos studiis vacaverit; partim etiam, quod Parens suus in eodem loco & Diœcesi jam ante novennium fixerit domicilium, & quidem animo, perpetuò ibi habitandi; quibus non obstantibus bonus Sempronius repulsam fuit passus, eò quod esset ex aliena Diœcesi oriundus: *Queritur, an justè?*

33 R. Si Sempronius cæteris omnibus de jure requisitis fuit instructus, videtur injustè fuisse repulsam passus ex eo præcisè; quod ex alia Diœcesi fuerit oriundus. Ratio hujus est: quia non solum ratione originis, sed etiam ratione domicilii, beneficium, immò etiam ratione familiaritatis cum Episcopo potest aliquis fieri subditus Episcopi in tantum, ut ab eo justè possit prætere Ordines, veluti habetur ex *cap. cum nullus de Temp. Ordinandi. in 6.* & cum communi DD. fusiùs tradit Layman *l. 5. tr. 9. c. 9. num. 10*. Atqui Sempronius noster in hac Diœcesi, ubi Ordines postulavit, sortitus est domicilium, non quidem ex eo præcisè, quod per novennium studiorum causa in illa Metropoli fuerit commo-

ratus, sed quia Parens ipsius in eodem loco & Diœcesi fixit domicilium, & quidem conformiter ad Constitutionem Innocentii XII. *Speculatores Domus Israel &c.* supponitur enim in eodem loco nedum partem, sed totam etiam substantiam bonorum suorum habere, sibi que constituisse domum, animo perpetuò eam inhabitandi: jam verò Filius manens cum Patre, sortitur domicilium Patris, præsertim si adhuc sit impubes, uti habetur *l. placet ff. ad Municipalem*, & communissimè tradunt DD. nominatim Layman *cit. cap. 9. num. 10*. Sporer *c. 5. num. 53*. Gobat *num. 299*. & fusiùs Reinke *lib. 1. decret. tit. 11. num. 78*. & 94. ac seqq. Subdit tamen Layman *loc. cit. in fine*, aliquarum Diœcesium consuetudinem esse, ut tales in loco domicilii paterni non ordinentur sine dimissoriis datis ab Episcopo Originis: & hac forsitan de causa Sempronius noster repulsam fuit passus, etsi præscindendo à tali consuetudine haud quaquam repellendus fuisset.

Dices. A quonam igitur Episcopo ordinari debent Religiosi, qui modò in hac, modò in alia Diœcesi commorari solent, uti fieri amat apud nostros?

34 R. Cum P. Matthæucci in *offic. curiæ Ecclesiæ*. c. 35. n. 2. eos ordinandos esse ab Episcopo, in cujus Diœcesi actu degunt; nam iste censetur, quoad hoc, proprius eorum Episcopus. Si tamen Ordinarius loci absit, vel tempore ordinationis infirmitate, aliòve impedimento præpeditus, non conferat Ordines, possunt ordinari à quocunque alio Episcopo, habente communionem cum Ecclesia, modò Superior regularis id exprimat in dimissorialibus, quòd scilicet Episcopus loci absit, vel aliam ob causam v. g. infirmitatem &c. Ordines non conferat. Ita habet Decretum Sacræ Congregationis hac super re specialiter emanatum, & à Clemente VIII. confirmatum 15. Martii 1596.

Dices iterùm. Ergo ubi Episcopus loci confert, aut vult conferre Ordines hujusmodi Religiosis, Prælati Regulares non possunt suos Subditos mittere ad alium Episcopum, ut ab illo ordinentur?

35 R. Per se loquendo id non possunt, nisi id habeant ex speciali privilegio. Hoc tamen

tamen Privilegium Mendicantibus, immo & aliis Religiosis exemptis fuisse concessum à diversis Pontificibus, satis communiter tenent DD. *Piascius part. 1. prax. Episcop. c. 1. art. 2. nu. 5. Barbosa p. 2. de offic. & potest. Episcopi allegat. 4. num. 60. Pirhing lib. 1. decret. tit. 11. n. 61. Reinssuel cod. tit. nu. 136. Sporer nu. 123. Rodriguez Q. Q. RR. tom. 1. q. 18. a. 4. & rursus tom. 3. q. 24. art. 1. & 2. Layman c. 9. num. 9. Gobat tract. 8. num. 420. quo loco rectè resolvit, Superiores Regulares non peccare, etsi dedita opera mortem, vel absentiam sui Diocesani expectent in hunc finem, ut possint suos Subditos mittere ad alium Episcopum, fortè minùs rigidum, &c. ed quòd tales utantur suo jure, ideoque nihil prorsus agant in præjudicium constitutionis mox allegatæ, neque in præjudicium Ordinarii. Videantur DD. citati.*

CASUS TERTIUS.

Cajus Franciscanus SS. Theologiæ Studiosus cum aliis nonnullis suis Confratribus Egra à suo Superiore rigidissima hyeme missus fuit Ratisbonam, ibique Reverendissimo, ac Illustissimo Suffraganeo legitime præsentatus pro Ordinibus suscipiendis. Verùm, ubi primò Ratisbonam apulerunt prædicti Fratres, illicò audire cœgebantur, Reverendissimum Suffraganeum graviter decumbere, proptereaque nullam fore Ordinationem. Idcirco, ne vacui sine Ordinibus Egram reverti cogerentur, communi consilio per nives & glacies bene tincti ac debilitati, perrexere usque Passavium, ibique à Superiore legitimo Celsissimo Principi fuere præsentati cum humillima supplica, quatenus pro sua Clementia dignaretur eisdem desideratis Ordines conferre. Quæri jam potest, 1. Utrùm ab Altesato Clementissimo Principe potuerint ordinari. 2. Utrùm intuitu tanti, tamque rigidi itineris non meruerint, ut iisdem plures Ordines conferrentur?

36 R. Ad primum affirmativè, quòd scilicet ordinari potuerint, modò supponatur fuisse à suo legitimo Superiore debitè præsentati, cum expressione Causæ, quòd scilicet Episcopus Diocesanus ob infirmita-

tem non habuerit Ordinationem illo tempore. Ratio colligitur faciliè ex mox dictis num. præcedente: quia ex constitutione, vel potiùs declaratione S. Congregationis, confirmatæ à Clemente VIII. & videndæ apud Reinssuel cit. tit. 11. n. 133. Superiores Regulares possunt Subditos suos præsentare alteri Ordinario, Casu quo proprius ob infirmitatem (uti factum est in nostro Casu) vel aliam causam non confert Ordines Sacros: ergo ex hac suppositione legitimæ præsentationis &c. nihil prorsus obstitit, quò minùs à Celsissimo Episcopo Passaviensi potuerint Sacris Ordinibus insigniri. Vide etiam Clericatum *Eretemat. cap. 128. n. 36.*

57 R. Jam ad secundum. Videntur dicti Fratres sit minus de condigno, saltem de congruo promeruisse; partim quia quasi innumera viarum incommoda subiere intuitu prædictorum Ordinum, partim etiam, quia reliquos Ordines sine magnis difficultatibus, notabili absentia à Conventu &c. obtinere non potuissent. Ex altera verò parte poterat Celsissimus Passaviensis eisdem plures Ordines conferre, quia ab Alexandro VI. obtinuimus hoc Privilegium, ut etiam non servatis interstitiis annuis possimus ordinari tribus diebus Dominicis, vel Festis duplicibus successivè, veluti monstrat Rodriguez *Q. Q. RR. tom. 3. q. 23. a. 5.* ubi etiam cum multis aliis probat, huic Privilegio per Concilium Tridentinum nihil omnino fuisse derogatum; quippe quod de hoc Privilegio nullam prorsus facit mentionem: Lex autem generalis nihil derogat illis Privilegiis, quorum mentionem non facit: ergo &c. Tandem neque ex defectu sufficientis præsentationis eis negandi erant plures Ordines; quandoquidem de voluntate Superioris liquidò constiterit, quòd is Fratres suò tantò majori cum gaudio esset excepturus, quantò pluribus Ordinibus insigniti reverterentur ad propria. Atque his de causis Altesatus Clementissimus Princeps dictis Fratribus paucos intra dies plures contulit Ordines Sacros, prout mihi certò constat.

Dices. At nunquid iisdem Fratribus una eademque die plures potuissent conferri Ordines, ne ob viarum distantiam, & temporis inclementiam coperentur diu-

diutius, quam par erat, abesse è conventu suo?

58 R. Nequaquam id licuisset. Ratio est: quia *c. litteras*. item *c. dilectus. de Temp. ordinand.* expressè & severè prohibetur, ne eidem uno die duo Sacri Ordines conferantur. Idipsum pariter statutum legitur in Concilio Tridentino. *sess. 13. c. 23. de Reformat.* ubi cassantur omnia Privilegia in contrarium concessa. Quia tamen Canones citati non loquuntur, nisi de Ordinibus Sacris, quatuor autem Minores non veniunt nomine Ordinum Sacrorum, juxta dicta *Confer. Super. num. 5.* ex altera autem parte prohibitio circa Ordines Sacros facta veluti in materia odiosa extendi non debet ad non Sacros; hinc sine scrupulo eodem die uni eisdemque conferri possent Ordines Minores unà cum Subdiaconatu. Ita Gobat *tract. 8. num. 460.*

§. III.

Corollaria ex dictis inferenda.

59 **C**olliges ex dictis primò, in collatione & susceptione Sacrorum ordinum tam a Ministro conferente, quam à Subjecto recipiente sequendas esse sententias tutiores. Ratio est: quia hac via magis consulitur reverentiæ & certitudini Sacramentorum, uti aliàs semper fieri debet; tum etiam quia hoc modo præcluduntur innumera animarum pericula, quæ ex praxi contraria præsertim in collatione Presbyteratus & Episcopatus emergere nata sunt, uti jam sæpius innuimus; tum denique, quia etiam evitantur innumeri scrupuli, & conscientiarum remorsus, quibus mirandum in modum exagitari videmus eos, qui in hoc nimis tute, minusve, quam par erat, accuratè vel deliberatè processerunt: Unde

60 Colliges secundò, practice non esse probabiles sequentes opiniones. 1. Ad valorem Diaconatus non requiri Traditionem libri Evangeliorum. 2. Tacitum Moralem duntaxat necessarium esse ad Ordinationis valorem. 3. Satis esse, materiam tangi tunc, quando Episcopus

formam? jam protulit, aut vicissim. 4. Non esse necessarium, ut ipse Episcopus ordinans tradat materiam &c. Ratio hujus facillè colligetur ex dictis: quia sententiæ oppositæ sunt tutiores & certiores, sin minus omnino certæ: ergo praxis harum opinionum est certò illicita, & graviter peccaminosa. Aversa, Cardenas, La Croix *num. 2148.*

61 Colliges tertio, Ordinationem factam ab Episcopo interdicto, suspensio, vel excommunicato, præsertim excommunicatione majore & notoria (ut si foret Hæreticus, aut Schismaticus, vel notoriè Simoniacus) esse quidem validam, modò adhibuerit debitam materiam, formam, & intentionem; quia vi characteris Episcopalis, utpote indelebilis potestatem validè ordinandi semper retinet; nihilominus talis ordinatio foret illicita, & irrita quoad executionem: quia Ordinatus à tali Episcopo manet tamdiu suspensus, donec à Sede Apostolica fuerit dispensatus, uti docet P. Thefaurus *part. 2. Verb. Ordo cap. 24. Barbosa de potest. Episcopi part. 2. allegat. 3. num. 18. & seqq. Clericatus decif. 12. num. 26.* nbi etiam notat, quòd ignorantia taliter ordinatum non liberet à prædicta suspensione, esto conducatur ad facilius impetrandam dispensationem.

62 Colliges quartò, Hæreticos validè quidem ordinari posse (sicut & Hermaphroditum, in quo prævalet sexus masculinus validè ordinaretur) nihilominus tales illicitè Sacris Ordinibus Initiarentur; quia ab Ecclesia habentur pro irregulares. Ob eandem rationem servi propriè dicti, seu mancipia, quamdiu tales manent, illicitè ordinarentur, velut statuitur *in jure can. tit. de servis non ordinand.* esto Ordo ita collatus valeat, quippe ad quem concurrere possunt omnia essentialiter requisita, uti præter alios communiter rectè docent Castropal. *tract. 27. disp. un. punct. 6. numer. 3. Bonacina, & Babenstuber. tract. 8. pag. 5. dist. 11. art. 5. num. 6. 7. & 8.*

63 Colliges quintò, mulieres ne primæ quidem Tonsuræ capaces esse. Ratio est: quia prima Tonsura, tametsi Or-

Ordo non sit, est tamen quædam dispositio prævia ad Ordines suscipiendos, & ad jurisdictionem spirituales, vel alia beneficia Ecclesiastica obtinenda. Unde, quemadmodum Personæ incapaces alienjus Ordinis Religiosi neque in Novitiatum admitti possunt, aut debent; ita neque ad primam Tonсурam admitti possunt aut debent mulieres, velut incapaces ad Ordines & jurisdictionem Ecclesiasticam. Vid. Layman *lib. 5. tr. 9. cap. 6. n. 2.* Castropal. *tr. 27. disp. un. punct. 6. n. 2.*

Dices. Olim in primitiva Ecclesia dabantur Diaconissæ, quæ ordinabantur per manuum impositionem, & invocationem Spiritus Sancti, quemadmodum hodie dum ordinari solent Diaconi: ergo mulieres non sunt incapaces Sacrorum Ordinum, multò minùs primæ Tonсурæ.

64 R. Cum Cardinali de Lauræa de *Sacram. Ordin. disp. 9. num. 12.* Equidem in primitiva Ecclesia fuisse Diaconissas: Falsum tamen est, eas fuisse vero quodam ordine insignitas, sed erant

duntaxat consecratæ certis quibusdam Ceremoniis: & illa manuum impositio non erat consecrativa, sed tantùm deprecativa; idque in hunc præcipuè finem fiebat 1. ut Cathecumenas docerent Articulos fidei, & Orationem Dominicam. 2. Ut iisdem mulieribus Catechumenis jam adultis in actuali collatione baptismi assisterent, quo tempore cùm baptismus fuerit collatus non per asfusionem aquæ, veluti temporibus nostris fieri amat sed per immersionem totius corporis in aquam, hæc assistentia & ministerium decentius utique ab aliis mulieribus, quàm à Viris præstari potuit. Videatur de hoc Clericatus de Sacram. Ordinis. *declif. 32.* ubi hanc materiam ex professo fundatè examinat & dilucidat. Tyroni interim hæc pauca sufficient pro subeundo examine, qui si fusiorem notitiam haurire cupiet, eam comparare poterit ex Doctoribus hætenus citatis & allegatis. Unde hujus partis primæ esto finis, ut in omnibus.

Laudetur Jesus Christus. Amen.



THEOLOGIÆ

MORALIS

SACRAMENTALIS

PARS II.

De Sacramento Pœnitentiæ.

CONFERENTIA PRIMA:

De Natura, necessitate, & materia Sacramenti
Pœnitentiæ.

SUMMARIUM.

- 1 Pœnitentia generatim & etimologicè sumpta idem sonat, ac pœnæ tenentia. Item sumitur pro virtute.
- 2 Describitur Pœnitentia qua Sacramentum.
- 3 Hoc fuit præcipuè & completè à Christo Domino post resurrectionem institutum Joan. 20.
- 4 Essetque in re, vel saltem in voto necessarium necessitate mediæ, omnibus post baptismum graviter lapsis.
- 5 Et quomodo in voto?
- 6 Partes Sacramenti hujus sunt duæ, scilicet materia & forma.
- 7 Materia est duplex, nempe remota & proxima.
- 8 Remota sunt peccata post baptismum commissa: proxima sunt actus Pœnitentiæ.
- 9 Rursus alia est materia necessaria: peccata scilicet mortalia. Alia sufficiens tantum: scilicet peccata venialia &c.
- 10 & 11 Expeditur gemina instantia de peccatis jam semel legitimè dimissis.
- 12 Peccata dubia reipsa commissa sunt materia valida: nihilominus à peccatis merè dubiis per se loquendo non licet absolvere.
- 13 Resolvitur Casus I. de quodam Judeo, qui, licet peccatis pluribus obstrictus, non tamen tenetur, immò nec potest baptismo præmittere confessionem validam.
- 14 Et quid, si baptismus adulti dubius sit reiterandus? an talis teneatur prius confiteri.
- 15 Resolvitur Casus II. de quodam Rustico, qui ob labilitatem memoriæ nihil aliud confitetur, quàm quòd

M pcc.

Etbel Theol. P. II.

dicta de Baptismo *Confer. 7. n. 68.* ergo. Et ratio à priori est: quia illud medium rectè dicitur simpliciter necessarium ad salutem, cujus effectus est simpliciter necessarius: atque ex institutione Christi Domini effectus Sacramenti Poenitentiae (scilicet remissio peccati mortalis, & justificatio peccatoris) est simpliciter necessarius, prout idem Concilium *cit. cap. 5.* docet sequentibus verbis: *universa Ecclesia semper intellexit, institutam etiam esse à Domino integram peccatorum confessionem, & omnibus post baptismum lapsis jure divino necessariam existere.* Oppositum verò asserentes Hæreticos anathematizant *can. 6. & 7.* ergo.

5 Dixi: *saltem in voto*: quia contritio perfecta, & amor Dei super omnia pariter habent vim justificandi, esto nonificent sine voto saltem virtuali & implicito suscipiendi hoc Sacramentum; prout rursus perspicuè tradit Concilium *Trid. cit. ss. 14. de penit. c. 4.* ergo licet non in re, certè tamen in voto est simpliciter necessarium ad salutem, prout infra dicemus pluribus, ubi de confessione.

Quæres quartò quænam sint partes hujus Sacramenti?

6 R. Partes sunt materia & forma: sicut universim quodvis Sacramentum constat suo modo ex materia & forma seu partibus. Alia est questio: quænam sint partes poenitentiae? Ad quam communiter respondent DD. partes poenitentiae se tenentes ex parte poenitentis sunt tres, scilicet dolor, confessio, & satisfactio; ita tamen, ut dolor & confessio sint partes essentielles, satisfactio autem in re exhibitæ est pars duntaxat integralis, quippe qua etiam deficiente adhuc essentialiter subsistit Poenitentia. Major est controversia, utrùm actus poenitentis, dolor scilicet & confessio sint partes essentielles intrinsecè constitutivæ Sacramenti Poenitentiae vel non? Quocirca Thomistæ communiter, & satis verosimiliter tenent affirmativam; eò quòd secundùm ipsos tam actus poenitentis, quàm absolutio habeant vim conferendi gratiam sanctificantem ex opere operato. E contra Scotus, Bosco &c. alii SS. satis communiter cum multis RR. esto fateantur, actus poenitentis esse partes

Elbel Theol. P. II.

essenciales in hoc sensu, quatenus essentialiter & indispensabiliter prærequiruntur ad absolutionem, ita, ut sine illis Sacramentum poenitentiae nunquam valeat administrari; negant tamen esse partes intrinsecas, ex opere operato conferentes gratiam sanctificantem. Verè quidquid dicatur de hoc, ad praxin parum, vel nihil omnino confert. Sufficiat proin hanc controversiam merè speculativam paucis insinuas. Jam ut practica prosequamur.

Quæ. quintò, quæ sit materia hujus sacramenti, & quotuplex?

7 R. ad primum. Materia hujus Sacramenti duplex est scilicet remota & proxima. Remota sunt peccata post baptismum commissa; quæ dicuntur materia *circa quam*, quia circa illa ut destruenda & eliminanda versatur absolutio, seu forma hujus Sacramenti. Cùm verò peccata secundùm se non sint immediatè remissibilia, nisi per actus poenitentis proximè applicentur; hinc communiter appellantur materia *remota*: e contra actus Poenitentis, scilicet dolor & confessio dicuntur materia *proxima*, eoquòd per hos sacris clavibus proximè applicentur peccata, ut vi absolutionis remitti valeant: sicut universim in omnibus aliis Sacramentis materia proxima dicitur id, quo materia remota applicatur, prout docetur in *tract. de Sacram. in genere.*

8 Dixi etiam: *peccata post baptismum commissa* &c. Quia ad delenda peccata ante baptismum commissa, sicut & ad expiandum originale, institutus fuit baptismus, prout clarissimè docet *Trid. cit. ss. 14. c. 1.* Et certè Ecclesia nequaquam vult exercere judicium, nisi in subditos suæ jurisdictioni, juxta illud Pauli *1. Cor. 5. Quid mihi de his, qui foris sunt, judicare?* Atqui omnes nondum baptizati sunt foris, seu extra Ecclesiam: ergo in tales Ecclesia non exercet judicium Sacramentale.

Nihilominus peccatum fictionis, sicut & alia in susceptione baptismi commissa, reputa si talis Neophytus actu foveret intentionem transgrediendi præcepta Ecclesiae vel Decalogi v. g. fornicando &c. sunt materia capax absolu-

N

tio-

tiones, prout communissimè tenent S. Thom. S. Bonav. 4. d. 4. p. 1. a. 2. q. 3. Scot. Mastr. Bosco, Kazenberger in *Supplem. Theol. Sacram.* P. Sporer c. 1. *sect.* 2. nu. 66. Ratio est: quia hæc peccata, licet tempore simul, sunt tamen natura posteriora baptisimato: quemadmodum si Novitius in illo instanti, quo proficitur, soveret affectum castitati, vel etiam obedientiæ, aut paupertati contrarium, peccaret contra sua vota, ita, ut huiusmodi affectio peccaminosa reputetur, natura posterior religionis professione.

9 R. Jam ad secundum. Materia remota Sacramenti Pœnitentiæ rursus, est duplex: quippe alia dicitur *necessaria*, alia *sufficiens*. Necessaria sunt omnia peccata mortalia, vi clavium nunquam adhuc directè remissa. Sufficiens, verò, sunt omnia venialia, vel etiam mortalia jam semel legitimè dimissa & confessa. *Omnes*. Ratio, est: quia idèd aliquod peccatum dicitur materia necessaria Sacramenti, quod, peccator sub dispensio salutis, teneatur illud subicere clavibus: atqui sola peccata mortalia, sub dispensio salutis tenetur subicere clavibus, ita, ut directè remittantur, non item mortalia jam, semel legitimè dimissa, multò minus venialia, quippe quæ multis aliis modis & mediis expiari possunt, prout rursus perspicuè docet Tridentinum *cit. cap. 1. & seqq.* & nos, mox, infra num. 22. dicemus: ergo &c.

Dices: peccata venialia jam semel dimissa, sicut & mortalia semel legitimè expiata non ampliùs existunt moraliter, nec ligant hominem coram Deo: ergo repugnat, ut ab his sæpiùs absolvatur. Et certè ad novum Sacramentum indispensablem necessaria videtur nova materia: at, hic non supponitur afferri nova materia, seu novum peccatum: ergo &c.

10 Resp. Neg. Conf. Esto enim peccata jam, semel legitimè dimissa non ampliùs hominem ligent, nec existant velut quid necessariò punibile, sunt tamen adhuc velut quid condonabile: quemadmodum etiam inter homines eadem injuria ab injuriato sæpiùs condonari, & ex corde remitti potest. Neque est de ne-

cessitate hujus Sacramenti, ut semper actu peccatorem coram Deo solvat, sed solum ut conferat gratiam de se remissivam peccati. Quæ ratione Benedictus Papa XI. *Extr. Inter cunctas de Privilegiis. §. Cæterum*, docet reiterationem eorundem peccatorum in confessione esse salutarem.

11 Ad illud alterum R. Etiam in nostra hypothesi ad novum Sacramentum concurrere novam materiam proximam: quia intervenit nova accusatio, & novus processus judicialis: quod sufficit ad novam absolutionem sacramentalem, modò supponatur pariter concurrere novus dolor, etsi sine nova materia remota, novo scilicet peccato. Secus dicendum foret, si pœnitens, vel nullum omnino afferret peccatum, vel non, nisi peccata merum conficta: quemadmodum enim de talibus sese veraciter nec accusare potest, nec dolere: ita pariter nec condonari, nec virtute clavium veraciter eidem remitti valent, prout communissimè tenent DD. Mastrius, Sporer, Babenstuber, Illsung *tr. 6. d. 6. n. 23*.

Quares sextò, an, vel qua ratione peccata dubia sint materia hujus Sacramenti?

12 R. Peccatum dubium quodcumque, si re ipsa sit commissum, est materia valida & sufficiens (an etiam necessaria, dicitur inferiùs à num. 165.) 2. Nihilominus à peccatis merè dubiis per se loquendo non licet absolvere saltem absolute, *Communis*. Ratiò prioris est: quia de peccatis dubiis, si re ipsa supponantur commissa, potest pœnitens veraciter sese accusare, dolere, & proponere emendationem: ergo & validè ab iisdem absolvi. Econtra si re ipsa nullum commisit, tametsi de millenis sub dubio sese accusaret, absolutio foret nulla, ob rationem mox præcedenti numero datam. Ratio autem posterioris est hæc: quia per se loquendo (nisi urgeat necessitas) nunquam licet absolvere cum periculo irreverentiæ sacrilegæ, seu cum periculo frustandi Sacramentum: atqui dum pœnitens subijcit mera peccata dubia, subest periculum nullitatis; quia potest esse, quòd re ipsa nullum commiserit, quo.

quo casu Sacramentum defectu materiae foret nullum : ergo .

Secus dicendum foret , si poenitens certò sciat se venialiter deliquisse , & solum dubitet , an idem peccatum non fuerit mortiferum ; quia tunc potest , ac debet absolute absolvi , cum veniale se solo sit materia sufficiens . Idem ob eandem rationem dicendum , casu quo Confessarius ex circumstantiis certò agnoscit , poenitentem saltem venialiter peccasse , tamen si solum sub dubio se accusaret , prout bene docet Sporer *eti. n. 56.* eumque secutus La Croix ubi supra *n. 614.*

§. II.

Proponuntur , & breviter resolvuntur Casus practici de materia Poenitentiae .

CASUS PRIMUS.

Titius abjuratò judaismi rogatus proxime amplecti & profiteri fidem Catholicam : cum verò multis , & quidem gravissimis peccatis personalibus obstrictum sese agnoscat ; hinc dubitat , & querit scire , an teneatur baptismo praemittere confessionem .

13 R. Non tenetur ; immo nec potest absolvi . Ratio patet ex dictis *n. 8.* quia sola peccata post baptismum commissa sunt materia valida absolutionis : at , Titius nullum commisit post baptismum : ergo . Nihilominus tenetur ante susceptionem baptismi de peccatis suis gravibus elicere saltem attritionem supernaturalem , cum proposito emendandi , & si quempiam forsitan defraudasset (de quo singulariter instrui debet) restituendi & satisfaciendi ; ne ponat obicem gratiae baptismali , siquidem secundum legem Dei ordinariam nullum peccatum personale dimittatur sine retractione peccatoris : *nemo enim* (inquit Doctor Seraphicus mox citandus) *inchoare potest novam vitam , nisi cum poeniteat veteris vitae .* Qua ratione *Asor. 2.* Princeps Apostolorum monuit dicens : *poenitentiam agite , & baptizetur unusquisque vestrum .* Vid. D. Bonavent. *4. d. 16. p. 2. a. 1. q. 2.*

Dices : sed quid , si baptizatus adulti vocetur in dubium , proptereaue reba-

prizandus sit , tenebiturne prius confiteri peccata haecenus commissa ?

14 R. Juxta tutiorem (fortè etiam probabiliorē sententiam , quam tenent Petschacher , Mezger *tom. 4. tr. 16. a. 4. n. 11.* Babenstuber *tr. 8. p. 2. d. 1. a. 6. n. 34.*) tenetur , ut si forsitan baptismus valuit , satisfaciatur praecepto Confessionis . Idque praecipue verum existimo , si rebaptizandus haecenus semper inter fideles reputatus fuit ; eò quòd contra eum velut subditum Ecclesiae videatur stare praesumptio . Nihilominus ceuseo satis probabile , quòd nec iste teneatur praemittere confessionem . Ducor hac ratione : quia juxta probabilissimam , & satis tutam sententiam , peccata dubia non sunt materia necessaria confessionis : atqui haec peccata sunt dubia , esto non in ratione peccati , saltem in ratione materiae sufficientis pro valore Sacramenti ; cum sit dubium an sint post baptismum commissa : & talis merito dubitat , an haecenus fuerit subiectus jurisdictioni Ecclesiae : ergo cum aliunde nullus teneatur in foro conscientiae se subjicere alteri , de cujus jurisdictione dubitat , videtur quòd nec iste teneatur se , vel sua peccata subjicere potestati ecclesiasticae . Tamen omni modo persuadendus sit , ut viam incitat tutiorem , & praemissa enomologesi conscientiam suam expurgare satagat . Non tamen debet absolvi absolute , sed conditionate : quia dubitatur an haec peccata sint materia valida absolutionis .

CASUS SECUNDUS.

Sempronius homo ruri natus , immò rudissimus confitetur , se peccasse cogitationibus , verbis , & operibus , simulque conqueritur , quòd ob senium & labilitatem memoriae nullus prorsus peccati in specie , vel potius in individuo amplius recorderetur . Quare Confessarius dubitat , an Sempronium vi hujus confessionis teneatur , vel saltem possit absolvere ? Quid judicet ?

15 R. Potest , & tenetur illum absolvere : Licet enim per seloquendo quivis teneatur sua peccata quoad numerum & speciem exprimere : quia tamen Sem-

N 2 pro-

pronius noster supponitur esse adeo rudus & labilis memoriæ, ut nullum prorsus peccatum in specie possit explicare; hinc ob moralem impossibilitatem excusatur, æquè ac alii infirmi, qui ob defectum virium sua peccata specificè nequeunt exponere. Tenebatur tamen Confessarius supplere defectum pœnitentis, ob integritatem Sacramenti procurandam, non quidem petendo, ut ipse enarret unum vel alterum peccatum in specie quia hoc modo frustra & se, & pœnitentem vexaret, quippe qui supponitur ob labilitatem memoriæ nullum posse exprimere; sed proponendo eidem nonnulla peccata specificè, in quæ olim incidisse prudenter suspicari licet v. g. hoc, aut simili modo: nunquid bone vir doles de omnibus peccatis tuis unquam commissis vel confessis, utputa de negligentia in Dei servitio admissis, de ingratitude erga Deum, de iuramentis impræcatoriis, & mendaciis? &c. si pœnitens respondeat se dolere de omnibus, absolvatur in nomine Domini. Et si enim per se loquendo tam generalis & nimis confusa accusatio non sufficiat, ob impotentiam tamen moralem excusatur, ut jam dictum fuit. Nec ullatenus de valore Sacramenti dubitandum, quandoquidem moraliter certò præsumere liceat, Sempronium unum vel alterum ex peccatis iam specificatis olim incidisse.

Dices. At quid, si pœnitens certò sciat, se mortaliter deliquisse, ignoret tamen quale illud peccatum fuerit, teneturne de hoc se accusare?

16 R. Cum P. Gobat. *Theol. exper. tr. 6. n. 359.* Vasquez Laym. Dicastillo & aliis, affirmat. v. Quin etiam, si possit, tenetur exprimere genus proximum v. g. dicendo, pecca vi mortaliter contra iustitiam, at non memini, utrùm per detractionem, calumniam, aut furtum &c. vel, si ne hoc quidem sciat, dicat se perpetrasse aliquod mortale, prorsus tamen ignorare, in qua materia, vel contra quod præceptum. Ratio est: quia pro possibili tenemur omnia mortalia peccata, quoad numerum & speciem exprimere, idque iure divino, prout declarat Concilium Trid. *cl. cap. 5. & can. 7.* Hac tamen

absolutione non obstante manet pœnitens obligatus in proxima confessione speciem infimam peccati exprimere, ubi fuerit recordatus. Sporer de pœnit. n. 378. Stoz l. 2. n. 89. Lugo, Castropalao, & alii satis communiter.

C A S U S T E R T I U S.

Caja Montalis Deo devotissima sese accusat 1. Quod sub precibus non rarò fuerit distracta, sed involuntariè. 2. Quod per septimanam diebus serialibus aliquot sacra, quibus interesse licuisset, neglexerit. 3. Quod non sit conata lucrari omnes indulgentias lucratus possibilis. 4. Quod subinde naturam refecerit comedendo & bibendo abque præmissa bona intentione. Tandem verò confessionem suam finit sequenti clausula: De his & omnibus aliis peccatis meis unquam commissis, confessis, vel etiam oblitis doleo, peto amore Dei pœnitentiam salutarem, & propono &c. *Queritur, an Confessarius Confessam licitè absolvere possit.*

17 R. Vi huius præcisè confessionis Caja non videtur capax absolutionis, cum non ptoposuerit nisi meras imperfectiones, prout consideranti patebit: meræ autem imperfectiones, sicut non sunt peccata, ita nec materia valida absolutionis, secundum omnes. Nihilominus si per ultima illa verba intendit seriò sese accusare de omnibus suis peccatis unquam confessis aut commissis, nullus ambigo, quin vi huius confessionis & validè absolvatur, & licitè, quia nullatenus dubitandum, quin per totam suam vitam aliquoties saltem fuerit culpabiliter distracta, aut negligens in divino servitio, vel audiendis sacris &c. Accedit, quòd licet imperfectiones de se non sint materia sufficiens, ordinariè tamen habeant adjunctum peccatum, quod est materia sufficiens, prout sapienter advertit La Croix l. 6. p. 2. n. 586. Idq; præcipuè verificatur in personis religiosis, quippe strictiori vinculo suæ professionis ad sectanda perfectiora obligatis. Vide Gobat. *tr. 7. à n. 230.*

Dices. Peccata venialia genericè solum expressa, non sunt materia licita absolutionis, prout post S. Thomam satis communiter tenent DD. Laymann, Vasquez, Suarez, & alii plures: ergo vi huius confessionis Caja sin minus invalidè, certò tamen illicitè absolveretur.

18 R. Neg. Conf. & Suppositum. Etenim satis specificè sese accusavit de admissis unquam distractionibus & aliis negligentis in servitio divino: hoc autem sufficit, ut & valide absolvetur, & licitè. Neque enim necessum est, ut omnia venialia in specie infima exprimamus.

A fortiori, si Confessarius ex præteritis confessionibus sciat unum saltem aut alterum peccatum certum sui Clientis, eundem licitè absolvet, tametsi is à proxima confessione nullum aliud novum afferret, modò in genere sese accusaret de omnibus suis delictis unquam commissis aut confessis, & de his verè doleat; vel etiam post enarratas imperfectiones, aut peccata merè dubia (quod valdè frequens est in personis Deum sincerè diligentibus, & perfectionis semitas strenuè sectantibus) subjungeret solitam illam clausulam, quòd de omnibus peccatis suis unquam commissis aut confessis doleat; hoc ipso enim implicitè dicit, se dolere de peccatis Confessario jam notis: ergo sufficit ut licitè absolvetur: quemadmodum in casu, ubi repetenda est confessio invalida apud eundem Confessarium, secundùm communissimam DD. opinionem non est necessum, ut pœnitens explicitè repetat & enarret illa peccata, quorum Confessarius jam habet notitiam, sed sufficit, quòd accusando dicat se dolere de peccatis Confessario jam notis; quia si is recorderetur illorum, potest ferre competens iudicium, nec non pœnitenti consulere prout oportet. Videatur Lugo D. 15. n. 8. Dicastillo disp. 9. n. 761. Illung tr. 6. disp. 6. n. 63. Herincx disp. 3. num. 67.

§. III.

Corollaria ex dictis inferenda.

19 **C**olliges ex dictis facilitè, qualiter sit procedendum cum simplicioribus illis, qui vel ob labilitatem memoriæ, vel ob teneritudinem conscientie nullum peccatum in specie, aut certè non nisi mera peccata dubia afferunt (praxis sanè frequentissima, Mulierculis præsertim, & rusticis jam grandævus) dum germanico idiomate ajunt: Semper enim conandum tibi erit, ut tandem emungas aliquod saltem peccatum in specie, etsi jam pridem commis-

Elbel Theol. P. II.

sum, aut confessum. Verùm, ne in casum & pœnitentem, & te ipsum vexando labores, noli ab eo postulare, ut peccatum in specie exponat, mox enim respondebit: Domine nihil ampliùs scio: jam omnia olim commissa confessus sum &c. Sed secundùm dicta propone illi aliquot peccatorum species juxta conditionem status personæ, tum verò cum eodem conare dolorem supernaturalem cum proposito elicere (modum inferiùs docebimus num. 71.) denique absolutum in pace dimitte. Cultiores autem instrue, ut in posterum pro majori securitate, & certiori fructu ex hoc Sacramento percipiendo, præter peccata dubia, vel etiam levia quotidiana semper ex jam confessis subnectant aliud certum peccatum de quo vehementiùs dolent, & firmiùs propositum, nunquam ampliùs idem commitendi, concipere possint.

20 Colliges secundò, ad licitam absolutionem semper esse clavibus supponendam materiam certam; Secus enini Sacramentum exponitur periculo frustrationis & Sacrilegii. Minime tamen necessum est, ut recententur omnia venialia (quod scrupulosius valde notandum) cum aliis peccatis etiam mortalibus; tum quia secundùm dicta num. 9. non sunt materia necessaria; tum etiam quia unum veniale potest dimitti sine altero; modò pœnitens de tali verè doleat, cum proposito emendandi. Ita Omnes.

21 Colliges terciò, multò minus cùm reatu culpæ semper dimitti reatum pœnæ, seu penam peccatis sive mortalibus, sive etiam venialibus debitam. Ita sanè communissima & certa sententia, satis comprobata tum ex Scriptura Sacra, tum etiam ex Conciliis & praxi Ecclesiæ, quæ propterea precipit pœnitentibus injungi pœnitentias salutares, & concedit indulgentias, quibus mediantibus pro reatu pœnæ, sive in hac, sive in altera vita indispensablem expiando, satisfaciunt, prout ampliùs constabit ex dicendis infra à n. . .

22 Colliges tandem 4to, peccata venialia etiam extra Sacramentum posse expiari; siquidem non sint materia necessaria confessionis. Modos verò, quibus expiari valeant, quâplures subministrat Sporer. Etenim deleri possent vel ex opere operantis, vel etiam ex opere operato. Ex opere operantis delentur 1. Per actus venialibus oppositos, modò

N 3

exerc-

exerceantur in statu gratiæ, ut puta per actum contritionis perfectæ; immo & probabiliter per actum contritionis imperfectæ, seu per attritionem. 2. Per actum: amoris Dei super omnia. Item 3. per omne opus bonum & meritorium, in statu scilicet gratiæ & propter Deum exhibitum, ut puta per orationes, jejunia, eleemosynas, & similia, in quibus virtualis pœnitentia, & peccatorum displicentia involvitur, præsertim si hæc ex proposito fiant, ad obtinendam peccatorum remissionem, prout S. Augustinus, aliique plures SS. Patres perspicue docent. Ex opere autem operato delentur per Sacramenta, utpote specialiter in hunc finem instituta, ad hominem scilicet sanctificandum, & à peccatis expurgandum. 2. Etiam suo modo per Sacrificium Missæ, quod, etsi non immediate, est tamen mediata expiatorium, si in hunc finem curetur offerri. Denique etiam peccata venialia suo modo deleri possunt per Sacramentalia, ut puta per S. Benedictionis, crucis efformationes, aquæ Lustralis usurpationem cum quadam aversione & displicentia peccatorum; de quibus præter alios non minus egregie, quam sanctè scribit S. Thomas 3. p. q. 87. a. 3. eumque secutus noster Sporer cit. à num. 33. Clericatus de pœnit. decis. 33. per totam, quos vide, simulque qui tua velis expiare peccata, jamjam meditare.

C O N F E R E N T I A

S E C U N D A .

De Forma Absolutionis seu Sacramenti Pœnitentiæ.

S U M M A R I U M .

- 23 Traditur Forma Sacramenti Pœnitentiæ, & modus absolvendi.
- 24 Necessariò sub gravi culpa debent exprimi saltem hæc verba: Absolve te à peccatis:
- 25 Licet sit probabile, hæc sola verba: Absolve te, esse de essentia.

- 26 Qualem faciant sensum mox allegata verba?
- 27 Absolutio Sacramentalis necessariò debet esse vocalis, id est, ore prolata; & quidem
- 28 In pœnitentem moraliter præsentem.
- 29 Quandonam is censetur esse moraliter præsens?
- 30 Absolutio regulariter dari debet absolute.
- 31 Subinde tamen duntaxat conditionatè.
- 32 Sufficit conditionem mente exprimi,
- 33 Et quandonam forma absolutionis sit repetenda?
- 34 Resolvitur Casus I. de Confessario dubitante, an formam absolutionis protulerit super magnum peccatorem, proptereaque fuit repetenda.
- 35 Et quid, si post discessum pœnitentis primùm recordetur se non absolvisse valide?
- 36 Quid insuper agendum, casu quo idem pœnitens post aliquot dies vel hebdomadas denuò rediret?
- 37 Resolvitur Casus II. de Confessario, qui super pontem stans, casu vidit infra se naufragantes, & idcirco posuit ac debuit eisdem absolvere saltem conditionatè?
- 38 Et quid, si jam longiùs à ponte impetu fluminis fuissent delati?
- 39 Resolvitur Casus III. Confessarii absolventis suspectum de stultitia, seu mentis alienatione.
- 40 Quomodo talis fuerit examinandus?
- 41 Et quid, si omnibus perpensis manserit dubium, sine absolutionis capax, necne?
- 42 Verba absolutionem tum præcedentia, tum etiam subsequenda non sunt de substantia Sacramenti: proptereaque ex causationabili sine culpa possunt omitti.
- 43 Nec est necessum, ut pœnitens semper flectat dum actû conficitur, aut absolvitur.
- 44 Confessarius in eodem actû confessionis super eadem peccata sine causa gravi formulans absolutionis repetendo, graviter delinquit.
- 45 Et an sit sufficiens causa denuò absolvendi, quod post absolutionem percep-

piam

ptam pœnitens mœx: subiciat aliam materiam non necessariam, scilicet peccata venialia &c.

46 In quibus casibus sit conditionatè absolvendum?

47 Cum puellis & pueris, de quorum maturitate seu sufficienti rationis usu dubitatur, vix non eodem modo procedendum est, quo cum satuis.

§. I.

Præmittuntur, & breviter resolvuntur Quæstia, scitu necessaria ad debitè resolvendos Casus de forma Pœnitentiæ, seu absolutionis.

Quæres 1. Quænam sit forma Sacramenti Pœnitentiæ?

23 R. Forma in Ecclesia usitata & modus absolvendi in Rituali Romano præscribitur sequens. *Sacerdos cum pœnitentem absolvere voluerit, Injunctæ prius, & ab eo acceptata salutari pœnitentiâ; primò dicit: Misereatur tui omnipotens Deus, & dimissis peccatis tuis perducatur te ad vitam æternam. Deinde dextra adversus pœnitentem elevata dicit: Indulgentiam, absolutionem, & remissionem peccatorum tuorum tribuat tibi omnipotens & misericors Dominus. Amen. Dominus noster Jesus Christus te absolvat: & ego auctoritate ipsius te absolvo ab omni vinculo excommunicationis, suspensionis, & interdicti, in quantum possum, & tu indiges. Deinde ego te absolvo à peccatis tuis in nomine Patris, & Filii, & Spiritus Sancti. Amen. Si pœnitens sit Laicus, omittitur verbum suspensionis. Passio Domini nostri Jesu Christi, merita Beatæ Mariæ Virginis, & omnium Sanctorum: quidquid boni feceris & mali sustinueris, sint tibi in remissionem peccatorum, augmentum gratiæ, & præmium vitæ æternæ. Amen. Hactenus Rituale Rom. tit. de Sacram. Pœnitentiæ. Ubi mox subdit: In Confessionibus autem frequentioribus & brevioribus omitti potest. Misereatur &c. Satis erit dicere: Dominus noster Jesus Christus, ut supra usque ad illud: Passio Domini &c. Urgente verò aliqua gravi necessitate in periculo mortis, breviter dicere poterit:*

Ego te absolvo ab omnibus censuris & peccatis in nomine Patris &c. Quin immò, ut bene advertit Herincx p. 4. tr. 4. disp. 1. n. 22. non est necesse in confessionibus etiam ordinariis absente apparentia censuræ præmittere absolutionem ab eadem: ad quid enim, si nullus censuræ incurfæ prorsus occurrat vestigium vel suspicio?

Quæres 2. Quænam igitur ex enumeratis verbis sint necessariè exprimenda?

24 R. Sequentia: *Te absolvo à peccatis*. Ita Trident. sess. 14. c. 3. Et Florentinum in Decreto. Confirmatque communissima praxis & usus Ecclesiæ. Ratio est, quia per hæc præcisè verba sufficienter significatur effectus hujus Sacramenti, & exprimitur executio potestatis à Christo datæ Joan. 20. quorum remisistis peccata &c.

25 Dixi, hæc verba esse necessariè exprimenda &c. Esto enim speculative loquendo probabilissima sit sententia Scottistarum, & plurimorum R.R. assertentium, formam absolutionis in his præcisè aut æquivalentibus verbis: *Absolvo te essentialiter sitam esse*, ita, ut de necessitate Sacramenti plura non sint exprimenda: eò quod per allegata præcisè verba sufficienter exprimitur, & Persona Ministri cum auctoritate per ly *absolvo*; & Persona Rei per ly *te*; denique & genus vinculi, *peccatorum* scilicet saltem ex circumstantiis cum pœnitens postulet sacramentaliter absolvi, & sacerdos intendat sacramentaliter absolvere; ideoque à *peccatis*, à quibus duntaxat potest sacramentaliter absolvi; nihilominus cum defacto plurimi DD. videntur apud La Croix cit. n. 633. dubitent, immò negent, satis esse ad valorem Sacramenti quodd genus vinculi ex circumstantiis tantum exprimat, nisi addatur à *peccatis*, hinc manet dubium, an hoc modò Sacramentum non frustretur, nisi sacerdos superaddat à *peccatis*: atqui sine necessitate & valde urgenti causa nunquam licet Sacramentum exponere periculo nullitatis sacrilegæ: ergo concludendum, quodd de necessitate saltem præcepti, graviter & sub peccato mortali obligantis sint ad minus hæc verba exprimenda: *Absolvo te à peccatis*. Cæterum quodd ly *Ego* & ly *tui*, itemque invocatio SS. Trinitatis

possint citra gravem culpam omitti, hodie satis communiter fatentur DD. etsi nonnulli venialis saltem noxæ condemnent omittentes sine causa. Vide La Croix *cit. à num. 626*. Vel Herincx *suprà num. 23. & seqq.*

Quæres 3. Qualem sensum faciant præfata verba absolutionis: *Ego te absolvo à peccatis tuis?*

26 R. Ex institutione hominum & grammaticaliter accepta reddunt hunc sensum: *Quantum est ex me judicialiter libero te à peccatis; sive: Confero tibi remissionem peccatorum tuorum*: Hunc quippe sensum prædicta verba cuius vel parum in lingua latina versato ingerunt. Nihilominus ex institutione divina faciunt hunc sensum: *Quantum est ex me, confero tibi gratiam per se remissionem peccatorum post baptismum commissorum*. Ita Suerz *Disp. 19. Sect. 2.* Herincx, La Croix *n. 64.* Henno de *Pœnit. Disp. 2. q. 9. concl. 4.* Et communior DD. Ratio hujus interpretationis inde desumitur, quia singulæ formæ Sacramentorum sunt per se institutæ ad significandam & causandam gratiam: ergo & hæc forma: atqui non ad causandam gratiam de se remissionem peccati ante baptismum commissi: hanc enim confert ipse baptisumus: ergo ad causandam gratiam per se remissionem peccati post baptismum commissi. Dicendum proin, quod allegata verba absolutionis ex institutione divina reddant hunc sensum, esto grammaticaliter sumpta reddant alium. Et certè convenienter admodum creditur, Christum voluisse talem esse sensum hujus formæ, qui verificaretur etiam in casu, quo pœnitens jam ante vel per contritionem perfectam, vel per amorem Dei super omnia, vel denique per absolutionem jam semel legitimè perceptam ab iisdem peccatis, de nudò absolveretur: atqui in omnibus his casibus sensus à nobis datus verificatur; ergo.

Quæres 4. Quomodo verba absolutionis sint proferenda?

27 R. Debent necessariò proferri auctoritative & vocaliter, seu ore & quidem 2. in pœnitentem moraliter præsentem. Ita communissimè DD. Quod auctoritative sit proferenda, patet tum ex con-

tinua Ecclesiæ praxi: tum etiam ex institutione Christi, qui sacerdotes instituit velut Judices spirituales. Judex autem, dum suo fungitur officio non deprecatoriè, sed auctoritative se habere debet: ergo &c. Quòd etiam vocaliter proferendu sit, constat similiter ex perpetua praxi Ecclesiæ, nec non ex Conciliis, Florent. in *Decreto de Armen.* ubi generaliter docet, omnia Sacramenta perfici *verbis*, solumque excipit matrimonium, quod more aliorum contractuum vel verbis, vel nutibus, vel aliis signis consensum sufficienter exprimentibus confici potest. Idipsum Concilium allegatum expressiùs declarat, dum ait *l. c.* formam hujus Sacramenti esse *verba absolutionis*, quæ sacerdos proferat, dum dicit: *Ego te absolvo*. Consonat Tridentinum *ss. 4. c. 3.* docendo, Sacramenti pœnitentiæ formam in illis Ministri *verbis* positam esse: *Ego te absolvo &c.* Et licet in aliis judiciis possit, vel soleat, vel etiam interdum debeat sententia judicialis proferri in scriptis in hoc tamen idem fieri non posse, & contrarium voluisse Christum, satis constat ex Conciliis jamjam allegatis, & communissimo DD. consensu.

28 Ratio autem posterioris à priori alia dari nequit, quam volutas divina Christi, qui noluit hoc judicium aliter exerceri, nisi in præsentem: hæc autem voluntas Christi nobis innotescit ex usu & praxi Ecclesiæ, singulariter ex decreto Clementis VIII. edito anno 1602. 19. *Julii*, in quo velut falsà, temeraria & scandalosa damnatur propositio, asserens, *licere per litteras, seu internuntium, Confessario absenti peccata sacramentaliter confiteri, & ab eo absente absolutionem accipere*. Quæ ratione idem Pontifex simul prohibet, ne eadem propositio in ullo unquam casu tanquam probabilis defendatur, aut in praxin quovis modo deducatur. Ex quo Illust. *tr. 6. disp. 6. n. 22.* Babenkuber *tr. 8. p. 6. d. 3. a. 3. n. 2.* rectè inferunt, vi hujus damnationis præfatæ propositioni omnem proferus adeptam esse probabilitatem, ita, ut in *nullo unquam casu* licitum sit absenti impertiri absolutionem. Lugo *disp. 17. n. 64.* Sporer. *n. 609.*

Dices. Quænam igitur censetur præsentia

tia moralis, vel quandonam poenitens moraliter praesens?

29 R. Praesentia moralis merito reputatur illa, intra quam homines communi, licet etiam altiori voce invicem loqui possunt & solent; quia intra talem Sphaeram commodè potest exerceri actus judicialis, ut advertit Tamburinus l. 5. de Sacram. c. 2. num. 11. Talem autem praesentiam & modum invicem communicandi se posse extendere ad viginti circiter passus, multi autumant & merito, praesertim ubi poenitens nondum est egressus aspectum Confessarii. Vide Sporer num. 610. Stoz l. 2. num. 100. La Croix num. 1201. Ubi etiam notant, minimè necessarium esse, ut poenitens verba absolutionis audiat, multò minùs, ut eadem intelligat: valet quippe absolutio, etsi sacerdos tam submissè loquatur, ut à poenitente nequeat audiri, modò verba exterius verè proferat. Quin immò, oportere etiam, ut non alta, sed submissa voce proferantur, bene docet La Croix, ob rationem infra n. . . . allegandam.

Quæres quintò, sitnè forma absolutionis proferenda absolutè, vel verò conditionatè tantùm?

30 R. Regulariter loquendo proferenda est absolutè. Ratio est: quia absolutio regulariter non debet dari, nisi Poenitens agnoscat aut certè, aut saltem probabiliter esse dispositus: atqui dum certè aut probabiliter dispositus est, debet eidem impertiri absolutio, & quidem sub gravi obligatione, praesertim si supponatur obstrictus peccato mortali: ergo. Quin immò nonnulli Doctores existimant, etiam in casu, ubi dispositio Poenitentis videtur dubia, absolutionem esse absolutè impertiendam; tum quia in dubio favendum est Reo; tum etiam quia Poenitens vi confessionis jam acquisivit jus ad absolutionem, quo jure in dubio non est spoliandus, quandoquidem melior est conditio possidentis. Verùm his non obstantibus existimo in tali casu, ubi Confessarius prudenter dubitat de sufficientia dispositionis ex parte Poenitentis, absolutionem sub conditione duntaxat esse administrandam; quia per

hanc & salutem poenitentis satis prospicitur, & simul Reverentiae Sacramento debitæ cavetur prout oportet. Et certè plus non evincunt rationes in contrarium allatae. Vide dicta de Sacramento. in gen. num. 44. Quibus adde Stoz l. 2. n. 85. la Croix num. 1769.

31 Dictum tamen fuit, formam absolutionis regulariter esse dandam absolutè, Etenim non raro oportet, immò necessarium est ut detur sub conditione duntaxat, non quidem de futuro, quia talis absolutio foret nulla, ob rationem datam de Sacram. in gen. Confer. 2. num. 33. Sed sub conditione de praesenti vel praeterito; idque toties, quoties si non detur, est timendum animae periculum, vel si detur absolutè, timendum est periculum irreverentiae Sacramento irrogandae. Hanc velut Regulam universalem tradunt Dicastillo, Gobat, Sporer n. 612. la Croix n. 1770. Gormaz & alii plures. Dices. At non quid necessarium est, conditionem verbis exprimi, ita, ut non sufficeret, si Confessarius mentaliter solum eam exprimeret dum absolvit?

32 R. Non est necessarium ut exprima- tur verbis, sed sufficit quòd Confessarius intendat & velit, absolutionem non aliter valere quàm sub conditione v. g. hac: si Poenitens sit dispositus & capax &c. Ita Palao, Bardi, Diana p. 10. tract. 11. resol. 35. Gobat. tract. 7. num. 171. Sporer num. 622. Ratio est: quia actus non operantur ultra intentionem agentis: ergo si Confessarius non intendat aliter absolvere, quàm sub conditione praefata, hæc non valet, nisi conditione actu subsistente, tamen si verba ad extra absolutè proferat: ferè quemadmodum si Sacerdos intendret consecrare solam hostiam majorem, non item minores simul praesentes in altari, consecratio harum esset nulla, licet verba exterius fuissent absolquè prolata.

Quæres sextò, sitnè aliquando absolutio repetenda in eodem actu confessionis?

33 Resp. Est repetenda quoties Poenitens post absolutionem jam perceptam denuò subjicit novam materiam necessaria-

cessarium, quam prius debuisset subijcere clavibus, utputa 1. si afferat novum peccatum mortale, vel 2. novam circumstantiam speciem mutantem; probabiliter etiam 3. si afferat novam intra eandem speciem notabiliter aggravantem. Item 4. dum afferat numerum notabiliter excedentem, ut si prius confessus est, se decies plus minus turpia fuisse locutum cum gravi scandalo aliorum &c. mox verò post absolutionem perceptam fateatur, id quidem contigisse. Ratio est: quia in casibus mox enumeratis materia necessaria nondum erat subiecta clavibus: ergo etiamnum incumbat Pœnitenti obligatio eadem subijcendi, in ordine ad obtinendam ab iis directam absolutionem; & per consequens Confessario incumbit par obligatio, novam scilicet absolutionem impertiendi, prout rectè notant Sporer n. 627. & La Croix n. 644. Tandem etiam tenetur Confessarius absolutionem, non quidem absolute, sed conditionatè repetere, quando rationabiliter dubitat, an prius verba absolutionis ritè pronuntiaverit, prout mox audies in resolutione Casuum. An verò in similibus Casibus Pœnitens teneatur elicere novum dolorem, dicemus infra n. 75.

§. II.

Proponuntur, & breviter resolvuntur Casus practici de Formula absolutionis proferenda.

CASUS PRIMUS.

Titius peccator maximus suam exonerando conscientiam plurima quidem fateratur scelera, ast nec numerum satis explicuerat, nec speciem: quaratione Confessarius eundem exactius examinabit. At verò, ubi is injuncta prius salutari pœnitentia verba absolutionis proferre cepit, subito obrutus timore, simul cepit dubitare, an singulas peccatorum species satis examinaverit? item an pœnitentiam proportionatam injunxerit? Cumque eodem temporis momento inter muscorum malè antonantium concentus simul audivisset ca-

nes horribiliter ejulantes & latrantes, confusus, perplexus & perturbatus fuit in tantum, ut planè dubitaverit, an verba essentialia absolutionis ritè protulerit, eò præsertim, quòd subimet visus sit et id nimis pervenisse ad ultima illa verba: & quidquid mali patienter sustinueris, sit tibi &c. Quid Confessario in tali casu agendum?

34 R. Tenebatur repetere formulam absolutionis, non quidem absolute, sed conditionatè. Ratio desumi debet ex dictis n. 30. quia absolutio toties est repetenda sub conditione, quoties Confessarius rationabiliter dubitat, an protulerit verba essentialia, simulque timet periculum animæ, nisi repetat formam: atqui in hoc casu timendum erat animæ periculum, quia cùm Titius supponatur fuisse peccator maximus, meritò timeri potuit, ne in statu disgratiæ constitutus abiret DEI inimicus, & indignus sacra synaxi: ergo &c. Est etiam verba essentialia sint valde pauca, propterea regulariter loquendo de pronuntiatione eorum non videatur nimis anxie scrupulizandum; nihilominus certum mihi & indubitatum videtur, posse Confessarium ex præallegatis, & aliis consimilibus motivis distrahi & perturbari in tantum, ut ab una periodo absolutionis transiliat ad alteram, utputa ab illa: *Miserere tui* &c. ad hanc: *Dominus noster JESUS Christus* &c. prætermis- sis essentialibus verbis. Idcirco cùm hoc Sacramentum singulariter fuerit institutum ad restaurandam animarum sæpe sæpius periclitantium salutem, omnino oportet, immò necessum est, ut Confessarius repetat formulam absolutionis in tali casu. Nec est, cur timeat periculum irreverentiæ Sacramento irrogandæ: quia cùm repetitio fiat ex gravi causa, & quidem sub conditione duntaxat, omni prorsus culpa vacat, prout communissimè fatentur Doctores.

Dices. Sed quid agendum, casu quo Titius jam actu è sacro tribunali discessisset, & Confessarius certò sciret, se ob nimiam distractionem non protulisse verba essentialia?

35 R. Cum distinctione. Vel enim adhuc supponitur moraliter præfens, vel non?

non ? si sit præsens, ita, ut à Confessario ultra viginti passus non distet, & præsens si adhuc sensu aliquo v.g. visu à Confessario percipiatur, aut eundem alloquens intelligi possit, eundem tunc satis potest absolvere; tum quia adhuc est moraliter præsens; tum etiam quia habet ius ad absolutionem, & hanc saltem habitualiter adhuc affectare merito præsuntur. Quare Sporer cum Gobato *tr. 7. nu. 292.* merito approbant factum Sacerdotis, qui prius absolutionis oblitus, postea eidem Personæ ad Sacram Domini mensam accedenti prius impertivit absolutionem dicendo: *ego te absolvo* &c. ante quam sacram hostiam eidem porrexerat. At verò si supponatur Titius non fuisse amplius præsens, nec de facili absque periculo scandali, vel fractionis sigilli &c. revocabilis, res tota per Confessarium erit Deo committenda, prout sapienter monent Doctores *mox cit.* Gobat. *n. 290.* & Sporer *n. 616.*

Dices adhuc. Quidsi autem idem Pœnitens post unam alteramve septimanam rediret ad eundem Confessarium?

36 R. Si redeat absque animo confitendi denuo, utique per se loquendo esset monendus de defectu absolutionis nuper commissi, ideoque persuadendus ad novum dolorem & propositum &c. Verùm quia plerumque talis admonitio accidit perdifficilis huiusmodi hominibus, nec sine offensa, periculo scandali, aut saltem male sentiendi, vel loquendi de Confessario fieri potest, idcirco plerumque (non tamen universaliter, ubi huiusmodi inconvenientiae non sunt timendae) dissimulata admonitio res tota erit committenda Deo, qui suavi sua providentia procul dubio disponet, ut pœnitens in proxima confessione ab iisdem peccatis saltem indirectè absolva-
tur. Ita sanè suadent Suarez, Vasquez, Lugo, Gobat, Sporer, aliique plures. At verò, si Pœnitens redeat animo denuo confitendi, res tota facili expedietur negotio: quia cum Confessarius supponatur habere saltem confusam (sin minus distinctam) noticiam de statu Pœnitentis nuper explicato, satis erit, eundem suavi modo inducere ac disponere, ut de omnibus suis peccatis unquam confessis sine-

re doleat, tandemque absolutionis beneficio donatum dimittere in pace; quia ad validam (quidni etiam in tali casu, ubi timendum est periculum gravis offensae vel scandali ad licitam?) absolutionem sufficit, quòd Confessarius habeat confusam saltem noticiam de peccatis jam semel ritè confessis, vel de statu Pœnitentis, prout docent Suarez *disp. 22. se. 6. n. 3.* Paludanus, Medina, Sylvestre, alique plures, quoscitat, & sequitur Layman. *lib. 3. tr. 6. c. 9. n. 6.*

CASUS SECUNDUS.

Sempronius Sacerdos dum ponti innixus navim secundo decurrentem amne (curiositate dicam, an singulari DEI providentia? nescio) accuratius considerasset, subito præter omnem expectationem vidit, eandem navim ponti alissim crepuisse mediam, Nautas verò unacum reliquis in navi contentis naufragium passos, & aquis jamjam esse immersos: idcirco timore correptus hæsitavit, an teneretur, vel saltem posset naufragos absolvere. Quid iudicii?

37 R. Potuit, immò ex charitate debuit illos absolvere, etsi simplex duntaxat fuisset Sacerdos. Ratio est: quia ut inferiùs *n. 208.* ex professo dicemus, moribundis hoc Sacramentum saltem ex charitate debet administrari, quotiescunque apparet probabilis saltem spes valoris, & fructus inde percipiendi: atqui in nostro hoc casu apparet probabilis spes; tum quia naufragi fuerunt Sempronio moraliter præsentes: quippe passi naufragium sub ipso ponte, cui Sacerdos innitebatur, ut casus fert; tum etiam quia piè præsumere licet, unum saltem vel alterum fuisse dispositum ad hujus Sacramenti perceptionem. Sanè permultos reperire est, qui dum navim conscendunt, vel ponti appropinquare se advertunt, laudabilissimè actum contritionis in se excitare nituntur. Nilominus pro majori securitate & certitudine de valore Sacramenti oportebat eosdem (in quantum tempus & casus ferebat) adhortari ad pœnitendum, non tam postulando, ut ipsimet contritionem eliciant, quàm formulam, vel potiùs actum for-

formalem contritionis eisdem acclamando, & inculcando; eò præsertim, quod plerique in tali periculo constituti, nisi specialiter adhortentur ad poenitendum, potius de modo & via emergendi, quàm de contritione cogitare soleant, prout experientia docet, & ego non semel ab eisdemmet naufragio denuo ereptis audivi.

Dices. At quid, si Sacerdos post naufragium nullum ampliùsex submersis vidisset, aut certè vidisset jam longiori spatio impetu fluminis delapsos?

38 R. Tametsi nullum ampliùs vidisset, modò potuerit prudenter credere eos adhuc esse moraliter præsentés, ita videlicet, ut acclamantem licet altiori voce intelligant, aut certè intelligere possint, tutò & sanctè eos absolvit sub conditione: quia adhuc apparet spes valoris & fructus inde percipiendi, prout facillè colligiter ex jam dictis. Secus dicendum arbitror, casu quo fluminis impetu jam eò usquè fuissent delapsi, ut Sacerdotem sibi acclamantem percipere non ampliùs potuissent. Ratio desumitur à contrario; quia tales censentur moraliter absentes: atqui absentem in nullo casu licet absolvere, prout constare debet ex declaratione Clementis VIII. suprà n. 28. relata: ergo. Nec refert, quòd supponantur in magna necessitate & animæ periculo constituti; quandoquidem nec periculum nec animæ necessitas eos reddit absolutionis capaces, nisi sint moraliter præsentés; quòd tamen his stantibus supponi nullatenus potest: ergo &c. Vide Sporer. n. 611. Tambur. l. 1. c. 3. §. 1. n. 10. Gobat. tr. 7. num. 284.

CASUS TERTIUS.

Cajus Sacerdos pro excipiendis confessionibus Sacro tribunali expositus, inter alios coram adstantes notavit quendam poenitentem, mirabilissimos gestus, crucis signationes, genuflexiones, vultus & frontis immutationes &c. exercentem, ut meritis suspicari licuerit, eum esse à mente alienum. Hanc ipsam suspicionem auxit; confitendo, quòd aliorum vexationibus sæpius ad iracundiam concitatus blasphemaverit, & per omnia Sacramenta jura-

verit, aliosque vicissim graviter percussisset &c. Nihilominus Confessarius eundem absolvit, utpote existimans hæc peccata esse satis gravia. Jam verò dubitat, an bene fecerit? Quid judicet?

39 R. Bene fecit, & non bene. Non bene, si absque præmissis examine statim eundem absolvit; cùm tamen meritò de sufficienti dispositione ejusdem suspicari licuerit. Bene autem fecit, si præmissis debito examine & cautelis deprehendit, Poenitentem verè peccasse, modò autem eadem peccata cum dolore debito & proposito efficaci retractasse; quia ex hac suppositione fuit absolutionis capax & simul indigus.

Ast, quo modo, ais, Confessarius talem examinabit?

40 R. Oportet hujusmodi homines examinare 1. Cur venerint ad confessionem? 2. An igitur credant, Deum hujusmodi blasphemias & juramenti offendi, propterea peccatoribus gravissimas infligere pœnas? è contra illos, qui pie vivunt æternùm beare? 3. Insuper oportet eos examinare (nisi Confessarius aliunde, præsertim à domesticis & familiaribus eorum pleniorē habeat notitiā) an scient ad salutem necessaria, præsertim necessitate medi? item 4. an scient ea, quæ ad hoc Sacramentum sunt necessaria. utputa dolorem cum proposito efficaci? &c. Quibus tandem accuratius exploratis dabit, vel non dabit absolutionem.

Dices. Quidsi autem omnibus perpensis maneat dubium, an verè peccaverit, & sit capax absolutionis?

41 R. In hac suppositione danda foret absolutio, non quidem absolute, ne Sacramentum exponatur periculo irreverentiæ, sed conditionatè, hoc modo: si es capax, vel, si es dispositus &c. Ego te absolvo. Ratio patet ex dictis n. 30. quia in dubio savendum est potius reo, & inclinandum in partem benigniorem ac tutiorem: atqui favorabilius est & tutius, poenitentem absolvi, quàm non: ergo oportet, immò necessum est, ut absolvatur, præsertim cùm vi confessionis jam acquisiverit jus ad absolutionem. Quin immò, illos etiam, qui in certo quodam genere delirant, in aliis verò videntur sapere, aut

aut certè non delirare, utputa si noverint inter status hominum distinguere, reverentiam Clericis exhibere, varia mandata exigui momenti excipere, & integrè exequi &c. in casu saltem necessitatis esse absolvendos plurimi sanè tradunt Doctores. Unde Gobat *tr. 7. n. 463.* „ Sapien-
 „ ter ait: ego tali homini impertirer in
 „ extremo agone absolutionem, nisi ex
 „ iis, qui ipsum probè norunt discerem,
 „ ipsum non ex suo instituto, sed ex
 „ aliorum ridiculorum hominum insiga-
 „ tione narrasse, quæ narravit, etsi mi-
 „ nimè rens illorum. Vide *Doct. l. cit.*
 „ Vel La Croix *n. 1809.*

§. III.

Corollaria ex dictis inferenda.

42 **C**oliges ex dictis primò, verba ab-
 solutionem præcedentia: *misereatur tui &c.* item subsequencia illa: *Passio Domini nostri &c.* non esse de necessitate Sacramenti, immo & sine peccato posse omitti. Ratio desumitur ex Concilio Trid. *ss. 14. c. 3.* ubi docet, *quasdam preces* (scilicet memoratas) *de Ecclesiæ more laudabiliter quidem adjungi, ad ipsius tamen formæ essentiam nequaquam spectare &c.* quare cum Concilium solum dicat, præfatas preces laudabiliter adjungi, eo ipso videtur innuere, nullam esse obligationem. Idipsum nonnulli, videndi apud Babenstuber *cit. Disp. 3. art. 1. à nu. 6.* tenent de particula: *Ego &c.* item de verbis: *In nomine Patris, & Filii &c.* Omnes tamen monent, sine rationabili causa huic laudabili consuetudini Ecclesiæ nullatenus esse contraveniendum, eò præsertim, quòd secundum multos Doctores ultima illa verba: *& quidquid boni feceris &c.* habeant specialem vim elevandi opera Pœnitentis ad effectum singularem satisfactionis. Idcirco non oportet eadem verba de facili omittere. Certè nunquam sine causa. In casu autem necessitatis vel magni concursus suadeo tibi Confessario, ut post prolata verba essentialia absolutionis nutu vel inclinatione capitis des Pœnitenti tuo signum discedendi, interea enim usque dum alius fuerit ingressus, faciliè lucraberis tempus,

recitandi reliqua verba, scilicet: *passio Domini &c.*

43 Colliges secundò, non esse necessarium, ut Pœnitens, flectendo sententiam absolutionis excipiat, etsi hoc valdè convenienter fiat: ad majorem ejusdem humiliationem, nisi infirmitas, vel alia causa rationabilis aliud suadeat. Multò minus necessum est, ut Confessarius volens impertiri absolutionem manibus & oculis totoque corporis situ in pœnitentem actu flectentem & confesum intendat, prout alicubi non sine admiratione à quodam Scrupuloso Confessario praticari vidi hisce meis oculis, qui, ut cum debita intentione absolveret, singulis sensibus quasi in unum Pœnitentem collectis & directis, dicere assueverat: *Ego, Ego te, Ego Joannes &c. te hic confesum &c. absolvo &c.* Tandemque erga Pœnitentem, quasi medullum secare vellet, crucem manu efformavit. Ineptiæ sunt istæ, prorsus dedecentes statum Sacerdotis, actu repræsentantis Personam Christi, prout nemo sanæ mentis non videt. Et licet adigentibus scrupulis ad hujusmodi ineptias compulsi, à multis Doctoribus excusentur à peccato, eò quòd id faciant animo rectè potiùs fungendi suo ministerio, quàm Deum offendendi, oportet tamen eos dehortari à similibus absurditatibus, ne se ipsos aliorum ludibrio, risui, & admirationi exponant & prostituant, non sine præjudicio sui status.

44 Colliges tertio: graviter peccare Confessarium, qui absque gravi & urgenti causa in eodem actu confessionis formulam absolutionis repetit super eadem peccata. Ita cum communissima DD. sentiunt Bonacina *tom. 1. Disp. 5. q. 4. nu. 1.* Stoz. *lib. 2. nu. 86.* Ratio est: quia frustrat Sacramentum; quandoquidem secunda absolutio defectu novæ materiæ prorsus sit nulla. Si tamen id faciat ex scrupulositate, ut se à præsentī vexa redimat, dum putat (ex inani motivo) se priùs non ritè pronuntiasse formulam, videtur excusandus à gravi peccato, ob rationem mox numero præcedenti datam, qua ratione eundem excusant Tamburinus *lib. 1. c. 1. §. 3. n. 3.* Sporer *n. 631.* etsi non sit excusandus à nota imprudentiæ.

Dices.

Dices . Quid si autem Penitens post absolutionem perceptam immediatè subjiciat unum vel alterum peccatum , sed veniale duntaxat , prout sæpe fit ?

45 R. Nec in tali casu est repetenda absolutio ; quia cum nulla sit amplius necessitas , potius videtur Sacramento quædam irreverentia irrogari , ait Sporer *num. 628.* cumque secutus la Croix *num. 644.* Credo tamen hanc irreverentiam non esse tam graveni , ut peccatum mortale adæquet , præsertim cum absolutio certò valeat , modò Penitens verè doleat de talibus peccatis , nec talis repetitio nimis frequenter , cum scandalo vel temeritate fiat . Quin immò P. Kresling. in *Suppl. P. Reinfiestuel addit. 3. ad tract. 14. d. 6. q. 3.* ne imprudentiæ quidem arguendum existimat Confessarium , qui suo Penitenti post primam absolutionem novam certum peccatum veniale subjiciendi impertiret novam absolutionem ut novam & specialem gratiam conferat . consentit . Gobat *tr. 7. num. 220.* Sapienter tamen monet la Croix *l. cit.* ut si quandoque absolutio repeti debeat , id omnino tacitè , & sine formatione (saltem notoria) crucis fiat , ne fortè alii circumstantes , & repetitionem advertentes fumant ansam suspicandi , quòd vel penitens novam materiam necessariam attulerit , vel Confessarius imprudenter egerit . Utrùm autem ad novam absolutionem necessarius sit novus dolor , dicitur infra *num. 75.*

46 Colliges quartò , absolutionem sub conditione tantùm administrandam esse in sequentibus casibus . 1. Quando Confessarius prudenter dubitat , an Penitens sit dispositus . 2. Item si dubitet , an verè peccaverit , vel sufficienti rationis usu sit præditus , præsertim dum adfert peccata ex se mortalia . 3. Quando dubitat an adhuc vivat . Item 4. quando Confessarius ipsemet prudenter dubitat , an ritè pronuntiaverit verba essentialia absolutionis , præcipuè tunc , quando Penitentem peccatis mortalibus novit esse obstrictum . Ita Gobat ubi supra *nu. 267.* Sporer *num. 622.* la Croix *num. 1770.* Stoz *l. 2. num. 85.* & alii plures . Ratio paret ex dictis : quia post confessionem pœni-

tentis absolutio nedum ex charitate , sed etiam ex iustitia eidem debet administrari , quando sine periculo irreverentiæ potest , & prudenter creditur profutura : atqui in his casibus potest &c. ergo .

47 Colliges tandem quintò , ea , quæ diximus observanda esse in confessione & absolutione satutorum , pariter suo modo , servata scilicet proportionem , esse observanda in confessione Puerorum , de quibus dubitare licet , an sufficienti usu rationis polleant , vel , an unquam verè peccaverint ; utrobique enim est par ratio , & æquale periculum . Ut autem ea , quæ par est , dexteritate Confessarius & se , & hujusmodi pueros ac puellas expediat , juvabit eos examinare 1. cur ad confessionem venerint ? 2. an sciant , Deum peccatis hominum offendi , & eos , qui confiteri nolunt aut erubescunt &c. punire ? Quo circa sapienter etiam monent DD. Laym . Sporer , la Croix , Gobat *num. 447.* puerorum capacitatem non tam ex ætate , quàm ex ingenii , & educationis qualitate , nec non ex vultu & gestibus eorum esse dimetiendam . Unde , si digitis ludant in clathris , aut inter confitendum respiciant alios extra confessionale , & præsertim si nugentur cum rosario vel pileo suo &c. indicium esse exiguæ maturitatis ; consequenter tales (nisi afferant peccata de se gravia) potius esse dimittendos cum sola benedictione , quàm cum absolutione . Econtra si ad quæsitâ promptè respondeant , & cum debita modestia sua deponant peccata , itemque si sciant , quid denique eventurum sit tum bene , tum etiam male agentibus &c. signum est , eos jamjam concepisse timorem Dei , & affectum eidem serviendi , ait Lessius in *audiar. Verb. Confessarius c. 6.* propterea que absolviendi sunt saltem sub conditione . Vide Layman . *l. 5. tract. 6. c. 5. num. 7.*

CONFERENTIA

TERTIA.

De Contritione, seu dolore, seu parte materiali ad Sacramentum Pœnitentiæ requisito.

SUMMARIUM.

- 48 Contritio ut sic est dolor animi, & desectio de peccato &c.
- 49 Quæ potest esse duplex, scilicet perfecta, & imperfecta.
- 50 Perfecta concipitur ex motivo bonitatis Divinæ &c.
- 51 Talis in mortis articulo, ubi deficit copia Confessarii, tenemur per se elicere.
- 52 Solvitur quædam instantia, contra hoc.
- 53 Immo & extra mortis articulum in defectu Sacramenti pœnitentiæ aliquoties saltem tenemur per se ad contritionem perfectam.
- 54 Efficacius certum tempus fortè non sit assignabile.
- 55 Per accidens verò sæpius occurrit obligatio eliciendi talem contritionem.
- 56 Et cur per accidens tantum?
- 57 Contritio imperfecta est desectio peccati ex motivo inferiori charitate.
- 58 Enumerantur plura hujusmodi motiva.
- 59 An sufficiat dolor conceptus ex metu pœnarum temporalium?
- 60 Attritio ex timore pœnarum concepta, &c. est bona.
- 61 Et scq. Declaratur, quo modo dolor requisitus debeat esse 1. formalis. 2. supernaturalis. 3. universalis. 4. & efficax.
- 62 Est insuper ad confessionem referendus.
- 63 Et quidem ante, non post absolutionem jam perceptam.
- 64 Resolvitur Casus I. de quodam Malefactore ad mortis supplicium condemnato, qui pertinaciter detrectando pœnitentiam multipliciter peccavit.

- 69 Nec excusari potest ex eo, quod speraverit (utique solidissime) propter talem impœnitentiam vitam sibi condonatum iri.
- 70 Resolvitur Casus II. de Pœnitente, qui nec numerum suorum peccatorum expressit, nec ullam doloris fecit mentionem.
- 71 Cum hujusmodi casu procedendum est, nisi aliunde noscantur esse dispositi.
- 72 Et quomodo rudiores ad dolorem à Confessario fini excitandi, prædicte docetur.
- 73 Resolvitur Casus III. de eo, qui pridie quidem contritus, altera verò die fuit doloris oblitus.
- 74 Et quid, si more consueti formulam confessionis, seu contritionis supponatur præmississe peccatorum enarrationem?
- 75 An ille, qui post perceptam absolutionem, mox subicit aliud peccatum, absolvi possit sine novo dolore?
- 76 Contritio perfecta essentialiter distinguitur ab attritione.
- 77 Ad validam autem confessionem non est necessarius dolor corporis;
- 78 Nec mora temporis, aut certa intensio actus.
- 79 Neque opus est, ut Pœnitens de singulis peccatis singulariter doleat.
- 80 Non tamen sufficeret dolere prædictè idè, quod dolorem non sentiat.
- 81 Nec satis est, quod obstrictus pluribus mortalibus peccatis de uno duntaxat, non verò de omnibus saltem, in communi doleat.
- 82 Defectu doloris Sacramentum pœnitentiæ probabilius nequit esse validum, & simul informe.
- 83 Opposita tamen sententia est probabilis; Hinc
- 84 Qui bona fide cum dolore particulari duntaxat confessus fuit, non amplius tenetur eandem confessionem repetere.

§. I.

Præmittuntur, & breviter resolvuntur
Quæsitæ, scitu necessaria ad debi-
tè resolvendos Casus de dolore
Sacramentali.

QUæres primò, quid sit Contritio,
& quotuplex?

48 Resp. Contritio generatim sumpta
est animi dolor, ac detestatio de peccato
commisso, cum proposito non peccandi
de cætero. Ita in terminis Concilium
Trid. Sess. 14. de penit. c. 4. Dicitur autem
detestatio &c. quia, ut uberius declarat
eadem S. Synodus, vera contritio non so-
lùm cessationem à peccato, & ultæ novæ
propositum & inchoationem, sed veteris
etiam odium, seu detestationem continet;
quo fit, ut peccator incipiat mente quo-
dammodo consternari & contristari de
malè commissis, prout ampliùs patebit
ex dicendis. Cæterùm quæle propositum
sit necessarium ad Sacramentum peniten-
tiæ, commodiùs dicemus conferentia
proximè sequenti; eùm sit res magni
momenti, ut videbimus. Interim

49. R. ad secundam Quæsitæ partem.
Contritio ut sic duplex est, scilicet per-
fecta, quo ex perfectissimo amoris Di-
vini motivo concipitur; & imperfecta,
quæ ex alio motivo imperfectiori concip-
itur, ut infra mox nu. 57. videbitur.
Ita sanè unanimiter loquuntur omnes
DD. Cathol.

Quæres secundò, quid sit contritio
perfecta?

50 Est animi dolor, & detestatio pec-
cati, prout est offensa Dei summè boni
super omnia dilecti, cum proposito non
peccandi &c. Ita in re communis. Pro ple-
niori tamen intellectu hujus descriptionis
notandum, allum dici & esse amorem Dei
intensivè summum, quando scilicet Deus
intensiori, seu vehementiori actu diligitur,
quàm ulla alia creatura: & hoc modo pro
statu hujus vitæ non tenemur Deum sum-
mè diligere; hoc quippe esset moraliter
impossibile, & humanæ fragilitati impar.
Alius dicitur amor Dei appetitivè sum-
mus, quando scilicet Deus habetur in ma-
jo-

ri pretio & æstimatione, quàm omnes aliæ
creaturæ. Hoc autem modo defecto qui-
vis tenetur Deum summè, & super omnia
diligere, juxta illud Matth. 10. qui amat
Patrem, aut Matrem plus, quàm me, non
est me dignus. Quin immò omnis verè &
perfectè contritus hoc modo diligit Deum,
quia detestatur suæ peccata, quatenus sunt
offensa Dei summè boni, quem jam ante-
ponit omnibus aliis rebus, ita, ut nullius
Creaturæ amore vel timore velit ipsum
deinceps offendere, vel ab Ejus amore re-
cedere.

Quæres tertio, quandonam teneamur
veram & perfectam contritionem eli-
cere?

51 R. primò. Tenemur ad hanc, &
quidem per se, 1. in articulo, vel etiam
probabili periculo mortis, dum quis ha-
bet conscientiam certam, vel etiam dubi-
am de peccato gravi, simulque non ha-
bet copiam Confessarii. Ita satis communiter
DD. Lugo, Herincx D. 2. n. 8. Ba-
benstuber tr. 8. p. 6. d. 4. a. 2. num. 23. Spo-
rer nu. 135. Ratio desumitur tum ex Con-
cil. Trid. Sess. 14. c. 2. dicente: Fuit qui-
dem penitentia universis hominibus, qui
se mortali peccato inquinassent, quovis tem-
pore necessaria &c. Tum etiam ex eo: quia
lex naturalis justitiæ exiget & dicat, esse
satisfaciendum injuriato; simulque lege
charitatis quis tenetur se ipsum, quan-
tùm valet, eruere e maximis periculis &
miseriis, præsertim animæ: atqui Deus
per peccatum mortale graviter injuriatur,
nec possumus eidem secundùm modernam
providentiam aliorum satisfacere, nisi per
penitentiam, qua sine peccator infalli-
biliter incidit æternam damnationem,
juxta illud Luc. 13. si penitentiam non
habueritis, omnes similiter peribitis; ergo
peccator in statu disgratiæ constitutus,
nec habens copiam Confessarii,
per se tenetur in articulo, vel probabili
periculo mortis (quod mortis articulo
æquiparatur) ad contritionem perfectam,
qua æternam damnationem evadat.
Hac ratione Sporer cit. num. 135.
bene docet, contritionem perfectam esse
ad salutem necessariam nedum necessitate
præcepti Divini, sed & mediis; quan-
doquidem Deus nullum peccatorem vult

justificare sine poenitentia, seu etiam contritione perfecta, nisi suscipiatur ipsum Sacramentum Poenitentiae; quod notanter additur; quia cum Sacramento sufficit attritio ad justificationem, prout dicitur n. 60.

Dices. Amor Dei super omnia, sicut & Martyrium propter Deum perpeffum justificat peccatorem, juxta illud *Luc. 7. Dimittuntur ei peccata multa, quoniam dilexit multum*: ergo contritio perfecta non est ad salutem simpliciter, seu necessitate medii necessaria.

52 R. Negando suppositum, quod peccator in extremis positus, & memor peccatorum suorum, simulque obligationis agendi poenitentiam, possit verè Deum amare super omnia, vel etiam ex tali amore subire martyrium, nisi velit agere poenitentiam; quia hoc supposito nollet adimplere omnia Dei praecepta. At verò, si in, vel extra mortis articulum constitutus, & immemor peccatorum suorum, vel saltem immemor obligationis de agenda poenitentia, amet Deum super omnia, utique justificabitur, eo quia in amore perfecto virtutali saltem includitur aversio ab omni peccato, & contritio perfecta, aut certe votum implicitum suscipiendi Sacramentum Poenitentiae, prout dictum fuit de Sacramento in genere confer. 7. num. 70.

53 R. secundò, Praeceptum contritionis in defectu Sacramenti Poenitentiae etiam extra mortis articulum per se aliquoties saltem obligat. Ita rursus DD. *cltt.* Ratio desumitur à pari de praecepto charitatis, quod saepius in vita per se obligat: ergo & praeceptum contritionis seu poenitentiae. Et certè, ut sapienter advertit Herincx noster, rationi rectae valde dissonum videtur dicere, quod peccator impunè, & sine offensa Dei per totam vitam suam, aut certè tempore duntaxat quantumcumque possit in statu disgratiæ perseverare.

Dices. Nequit determinari certum tempus, quo extra mortis articulum praeceptum contritionis per se obliget: ergo gratis & sine causa talis obligatio hominibus imponitur. R. Neq. Conseq.

54 Esto enim determinari nequeat certum

Elbel Theol. P. II.

tempus, quemadmodum nec de praecepto charitatis; certum tamen videtur, quod unum aequè ac alterum aliquoties saltem, tempore non determinabili obliget; prout satis communiter sentiunt DD. licet non conveniant circa determinationem temporis; nam aliqui existimant, hoc praeceptum per se obligare statim post peccatum mortale commissum (quorum opinio, utpote non satis fundata, hodie communiter rejicitur) Nonnulli putant, illud per se obligare singulis saltem diebus dominicis aut festivis. Alii determinant tempus quinque aut sex annorum. Alii denique non improbabiler tempus biennii aut triennii. Verùm ex his facile colligitur, non satis constare de tempore determinato; quare melius asseritur, quod aliquoties duntaxat per vitam obliget. Et pro praxi Lngo, Herincx, Sporer, Henno, Babenstuber, aliique plures prudenter existimant, non esse periculum peccandi contra hanc obligationem, si quot annis confessio ab Ecclesia praescripta debite peragatur.

55 R. Jam tertio ad idem quaesitum. Praeceptum contritionis per accidens saepius obligat, toties scilicet, quoties aliquis virtutis actus sive liberè, sive ex praecepto exercendus, qui licet exerceri nequit, nisi in statu gratiae. Ita rursus DD. *cltt.* Ratio est clara: quia hoc ipso, quod actus licet exerceri nequeat, nisi in statu gratiae; quivis volens & intendens exercere hujusmodi actum v. g. administrare, vel suscipere Sacramentum &c. tenetur priùs sese reponere in talem statum: atqui deficiente copia Confessarii aliud medium non suppetit redeundi in gratiam, nisi contritio perfecta, vel amor DEI super omnia: ergo in tali casu peccator tenetur saltem per accidens elcere contritionem perfectam, aut certè amorem DEI super omnia.

56 Dixi, quod saltem *per accidens* teneatur &c. Non enim tenetur idè, quia praeceptum contritionis per se obligat, sed quia ex alio praecepto aut virtute v. g. Religionis, obligatur actum digne exercere, propterea quod tenetur amplecti

O media,

media, quibus se reponat in statum condignum; quod, si negligat, non idcirco peccabit contra præceptum contritionis, sed contra illam aliam virtutem v. g. Religionis, cujus motivo per se tenebatur dignè subire munus suum, prout rectè advertunt Sporer *nu.* 189. Stoz *l.* 1. *p.* 2. *n.* 64. Layman, Babenstuber, Bosco, alique.

Quæres quintò, quid sit contritio imperfecta, seu attritio?

57 R. Est detestatio de peccato commisso ex motivo inferiori quàm est motivum dilectionis DEI super omnia, cum proposito non peccandi &c. Ita rursus communis DD. Et habetur clarè in Concil. Trid. *cit. l. c.* 4.

58 Dicitur autem ex motivo inferiori &c. quia contritio imperfecta concipi potest vel ex turpitudinis peccati consideratione, vel ex gehennæ & pœnarum metu; siquidem & hæc sint vera motiva supernaturalia: non enim sololumine naturæ constât, sed ex divina revelatione credimus, animam per peccata coram Deo fœdari & deturpari, gravissimèque propterea subijci pœnis vel temporalibus, vel omnino æternis; ergo sufficiunt ad verum dolorem supernaturalem concipiendum.

Dices. Quidsi autem peccator doleat propter pœnas temporales, eritne dolor sufficiens?

59 R. si doleat propter hujusmodi pœnas merè lumine naturali notas & apprehensas, utputa, si puer propter virgas à Parentibus, aut fur propter infamiam publicam, vel pœnam suspensionis perpetuæ subeundam doleat, certum est, non sufficere, quia dolor non est supernaturalis. At verò si doleat propter hujusmodi pœnas ut ad Deum justum peccatorum vindicem relatas, vel potius si doleat, quia apprehendit & metuit Deum, qui peccata vindicare consuevit per hujusmodi pœnas temporales, omnino probabilissimè sufficet talis dolor. Et ita tenent communissimè DD. Suarez, ConinK, Arriaga, Lugo, Tambur. Reinfest. *trac.* 14. *disp.* 6. *num.* 42. Sporer *num.* 242. Illsung. *trac.* 6. *disp.* 6. *num.* 39. Viva *pari.* 3. *damnat.* *Thef.* ad pro-

pos. 15. *numer.* 12. Babenstuber. *trac.* 8. *pag.* 6. *disp.* 4. *art.* 3. *num.* 13. Nec refert, quòd tales pœnæ a DEO fortè non sint specialiter huic peccatori inflictæ in vindictam criminum; licet enim hoc supponatur, quia tamen peccator dolet non præcisè ob istas pœnas ut inflictas à Deo, sed propter timorem Dei, qui solet per hujusmodi pœnas vindicare peccata (quòd utique solo lumine fidei constat) hinc nullatenus dubitandum quin talis dolor sit verè supernaturalis. Quare hanc sententiam in sensu mox dato explicatam, ego cum P. Gobat iudico moraliter certam; nec video qua ratione ab aliis possit vocari in dubium, vel severioribus adhuc censuris taxari; fateor nihilominus, in praxi semper oportere, ut penitens à Confessario disponatur ad dolorem ex altiori motivo, v. g. bonitatis divinæ &c. concipiendum; tum quia talis dolor magis conducit ad peccatorum remissionem; tum etiam quia minus periculi tinendum, ne fortè penitens ducatur motivis merè naturalibus, seu pœnis istis lumine merùm naturali, & non altiori instinctu, & motu Spiritus Sancti apprehensis. Vid. DD. *citt.*

Quæres sextò, Sitne attritio ex motivis mox allegatis, scilicet ex timore damnationis, purgatorii, & pœnarum &c. concepta, honesta, & sufficiens cum Sacramento ad justificationem?

60 R. Affirmativè. Ratio est: quia honestè, immò sanctè cupimus assequi Deum seu ultimum finem nostrum; ergo etiam honestè fugimus & formidamus ea, quæ nos ab affectione ultimi finis & beatitudinis retardant, uti faciunt pœnæ jam nominatæ. Quòd autem talis attritio sufficiat cum Sacramento, videtur pariter certum; quia declaratum à Concilio Trid. *cit. l. c.* 4. sequentibus verbis: Quamvis contritio imperfecta, quæ attritio dicitur, si voluntatem peccandi excludat, sine Sacramento penitentiae per se ad justificationem perducere peccatorem nequeat; tamen cum ad DEI gratiam in Sacramenti penitentiae imperandam disponit; utique non remotè tantum: hoc enim præstat etiam sine Sacra-

cramento : ergo cum Sacramento proximè. Et ratio quasi à priori est : quia Sacramentum penitentiae est Sacramentum mortuorum spiritualiter, id est, à Christo Domino per se institutum ad conferendam gratiam sanctificantem primam, seu vitam spirituales animæ : atqui tale non ampliùs esset dicendum si semper deberet præsupponere contritionem, utpote per se justificativam; quia hoc ipso semper supponeret gratiam primam & hominem spiritualiter viventem : ergo dicendum, quod non necessariò præsupponat contritionem perfectam, sed sufficiat etiam imperfecta, seu attritio etiam cognita, prout defacto post Tridentinum comunissimè tradunt DD. prout videre licet apud Gonet tom. 3. tract. 5. Diss. 7. art. 3. la Croix l. 6. p. 2. n. 873.

Quæres septimò, qualis dolor requiratur, seu quomodo debeat esse constitutus & qualificatus, ut sit sufficiens ad Sacramentum Penitentiae?

R. Ut sit sufficiens, debet esse 1. formalis; 2. supernaturalis; 3. universalis respectu mortalium, & 4. efficax. Ita communis Scot. 4. d. 20. q. 1. Henno. de penit. d. 3. q. 2.

61 Ratio primi inde desumitur : quia tam Florentinum, quàm Trident. Concilium, designando partes hujus Sacramenti, docent, partem, vel quasi partem materialem hujus Sacramenti esse contritionem : atqui contritio semper importat dolorem formalem. Ex quo sequitur, ad valorem hujus Sacramenti non sufficere dolorem merè virtualem, inclusum in amore DEI super omnia. Etsi enim perfectus amor DEI super omnia se solo habeat vim justificandi etiam extra Sacramentum, ex hoc tamen minimè sequitur, quod possit esse pars Sacramenti Penitentiae : sicut nec propterea potest esse pars baptismi, tamen non dum baptizatum possit justificare. Attamen cum rarò sit natum contingere, ut perfectè, & super omnia Deum amans non simul moveatur ad detestanda peccata sua velut summè opposita amori perfectò; hinc Doctores communiter monent, ex post facto non esse

dubitandum vel multùm scrupulizandum, sed potiùs piè præsumendum, quod ille, qui recordatur, se confessioni actuali præmisisse actum amoris DEI super omnia, unà simul præmiserit actum veri doloris. Sporer n. 78.

62 Ratio secundi est hæc : quia dolor debet disponere ad gratiam seu formam supernaturalem : ergo ut huic formæ sit proportionatus, debet & ipse esse supernaturalis, tam ex parte motivi, ut jam explicatum fuit, quàm ex parte principii, gratiæ scilicet prævenientis & adjuvantis voluntatem; debet enim esse donum DEI, & Spiritus Sancti impulsus, ut loquitur Tridentinum citat.; quod can. 6. anathemate ferit. Si quis dixerit sine præveniente Spiritus Sancti inspiratione atque ejus adjutorio hominem... penitere posse sicut oportet, ut ei justificationis gratia conferatur. Merito proin Innocentius XI. damnavit sequentem propositionem num. 57. Probabile est, sufficere attritionem naturalem, modo honestam.

63 Ratio tertii est : quia secundùm modernam Dei ordinationem, communi DD. consensu, & judicio Ecclesiæ can. fratres nostros de Penit. Diss. 5. satis utique intimatam, nullum peccatum mortale dimittitur sine retractione peccatoris, neque unum sine altero : at, hoc ipso dolor debet esse universalis respectu mortalium : ergo.

64 Dixi respectu mortalium. Cum enim peccata venialia non excludant à gratia & amicitia DEI; hinc potest unum dimitti sine altero : & per consequens necessum non est, ut dolor se extendat ad omnia venialia etiam divisivè vitanda. Mastr. Bosco; Reinssuet cit. n. 51.

65 Ratio quarti inde desumitur : quia dolor sufficiens ad hoc Sacramentum debet excludere voluntatem peccandi, id est, non ampliùs committendi idem peccatum, de quo se accusat, & liberari postulat : atqui nisi sit efficax saltem affectivè, non satis excluderet voluntatem peccandi : ergo.

Quæres Tandem octavò, quomodo dolor sit referendus ad confessionem, & quandonam eliciendus?

66 R. Ad primum. Dolor est ita referendus ut confessionem reddat dolorosam, & cum ea faciat unum morale. Ratio clara est: quia pars materialis ad hoc iudicium reconciliativum necessaria, non est quæcunque narratio historica peccatorum, sed confessio dolorosa: at, si dolor nullatenus referretur ad confessionem, hæc nunquam foret dolorosa: ergo. Cæterum ut rectè advertit Sporer *num. 288.* tripliciter potest dolor ad confessionem referri, videlicet 1. antecedenter; 2. concomitanter; & 3. consequenter. Antecedenter refertur, dum quis v. g. hodie indagans in sua delicta, eadem sincerè detestatur, & idcirco proponit proximè v. g. post aliquot horas aut cras eadem confiteri. Concomitanter refertur, dum quis subito recogitans sua delicta simul moveatur ad eorum detestationem, proptereaque mox constituitur cum proposito &c. concomitanter refertur, dum quis hodie sua peccata apud Confessarium deponit idèò, quia reflectit se, quòd jam heri, vel ante paucas horas debite doluerit, tamen tunc de facienda confessione nihil proposuerit. Quanto autem tempore dolor possit confessionem præcedere ut tamen simul unum morale cum eo componat, non est omnium eadem opinio, immò difficillimum decidere pro praxi. Quocirca ne ad nimiam laxitatem declinemus, videtur via media incedendum, & cum Tamburino, Lupone, Diana, Stoz. *cit. num. 52.* Babenstuber *diff. 4. art. 3. num. 60.* dicendum, quòd per duas aut tres horas, immò & plures possit præcedere; nihil enim ob stare videtur, quominus dolor v. g. heri tempore vespertino conceptus, possit hodie verè pœnitentem movere ad consistenda cum vera aversione ac detestatione peccata, modò ille dolor formaliter hodie referatur ad hoc Sacramentum, prout fieri potest, si pœnitens dicat in animo suo: quandoquidem heri jam dolui de meis peccatis, nec retractavi illum dolorem, volo nunc confiteri. At verò consultum minimè est, ut nos patiamur redigi ad tantas angustias, sed

potius oportet, ut novum hodie dolorem conemur elicere: quæ enim in hoc appareat difficultas? Optimè proin haud dubiè facit, qui inter dolorem & confessionem non patitur intercedere moram, nisi quoad fieri potest, brevissimam.

67 R. Jam ad secundum. Dolor est necessariò eliciendus ante absolutionem, non tamen necessariò ante confessionem, etsi hoc consultissimè fiat. Ita DD. *communissimè* Laym. Ilfing. Bosco, Henno, Herincx. Ratio prioris est: quia in iudicio reconciliativo nemo absolvi potest, nisi sit debite dispositus: at, qui non dolet de suis peccatis, non est dispositus ad sententiam reconciliativam: ergo dolor debet necessariò præmitti absolutioni. Ratio autem posterioris redditur hæc: dolor quippe, sive præcedat, sive etiam immediate subsequatur confessionem, potest eandem reddere verè dolorosam: & hac ratione in praxi solemus aequilibrare pœnitenti, si post enarrata peccata protestetur se dolere; nec amplius inquirimus, utrùm etiam ante confessionem jamjam doluerit? ergo necessum non est, ut dolor præcedat confessionem. Cæterum quòd hoc consultissimè fiat, apud omnes in confesso est; eò vel maximè, quia regulariter loquendo post peractam confessionem, Confessarius solet mox proferre formulam absolutionis: proptereaque posset de facili contingere, ut vel pœnitens ex naturali distractione omnino oblivisceretur, vel certè tempus ad dolendum sufficiens non amplius capteret, priùs, quàm Confessarius proferat verba essentialia; casu quo absolutio foret sacrilega: ergo dolor consultissimè præmittitur confessioni inchoatæ, vel mox inchoandæ. Filliucius *tract. 7. cap. 6. num. 158.*

§. II.

Proponuntur, & breviter resolvuntur Casus practici de dolore ad Sacramentum Pœnitentiæ requisito.

CASUS PRIMUS.

Titius ob pluries repetita furtiva ad ultimum supplicium damnatus, pertinacissimè renuit agere pœnitentiam, ita, ut nulla auctoritate, ratione, aut eloquentia eò adduci potuerit, ut vel unicum christiani hominis aut doloris signum exhiberet, discitans, se injustè ad mortem fuisse damnatum; qua ratione etiam Judices ad tremendum DEI tribunal provocavit. Queritur jam an vel quomodo peccaverit per hanc suam impœnitentiam & obstinaciam?

68 R. Peccavit multipliciter. Primò quidem contra præceptum Confessionis; item secundò contra præceptum de sumendo Viatico, quibus omnes in mortis articulo constituti obligantur, ut habet communis DD. atqui omnes ad ultimum supplicium damnati censentur constituti in mortis articulo: ergo. Quin immò talis impœnitentia finalis expressè seu etiam interpretativè voluta, à P. Herincx pag. 4. tract. 4. dist. 2. num. 10. & aliis merito reputatur peccatum speciale, eò quia tum ex virtute pœnitentiæ, tum etiam ex charitate erga se ipsum vel maxime in mortis articulo tenemur providere nostræ salutis. Insuper evidens est, Titium nostrum injustam vindictam appetendo, & judices, à quibus justè ad mortem fuerat condemnatus, ad tremendum DEI tribunal provocando, 3. peccasse contra charitatem. 4. Necdubitandum, quin etiam spectatores suos scandalizaverit per hujusmodi obstinatam impœnitentiam. En! quàm multa & gravia delicta!

Dices. Quidsi autem Titius sperasset, sibi propter hujusmodi obstinaciam, & impœnitentiam vitam condonatum iri: nunquid fuisset ex hoc saltem capite excusandus à præcepto confessionis, ceu moraliter impossibili in his circumstan-

Elbel Theol. P. II.

tis, & satisfecisset solam contritione m internam eliciendo?

69 R. Minimè fuisset excusandus. Cum enim supponatur justè ad mortem condemnatus, obstinatio autem & impœnitentia non sint rationabile aut conveniens medium impetrandi condonationem vitæ, fieri sanè non potuit, quin per talem impœnitentiam sese exponeret periculo transgrediendi præcepta jam allegata, & cum scandalo totius orbis ex hac vita decedendi. Quare nego suppositum, quòd præceptum confessionis fuerit huic moraliter impossibile, vel quòd hoc neglecto potuerit elicere veram contritionem supernaturalem, ad justificationem sufficientem. Neque ignorantia aut simplicitas vel bona fides huic patrocinabitur; quia procul dubio à Confessario sibi deputato fuit admonitus suæ obligationis. Cæterum quo modo cum talibus obstinatis sit procedendum, non est hujus loci decidere vel docere: optimum sine dubio medium erit implorare Celites, & Deum, in cujus manibus sunt nostræ voluntates, qui faciliè novit emollire cor impœnitens, & ad quodcunque voluerit, inclinare. Juvabit etiam in simili casu monere Carnificem, ne nimis acceleret executionem sententiæ: fortasse enim Malefactorum viderit rem seriò agi, & sibi certò moriendum, saniora capeisset consilia, prout fecit ille ipse, de quo casus noster: Dum enim advertit dolores laquei, quo Carnifex fauces jamjam strinxerat, usumque loquelæ vix non jam interceperat, tandem fracta jam voce postulavit Confessarium, dicenda: ... Qua ratione à laqueo denuo solutus, confessus, & ab uno è nostris sibi assistentibus à peccatis absolutus, moxque à Carnifice non amplius strangulatus, sed capite minutus fuit hic Salisburgi anno 1726. diei 20. Martii.

CASUS SECUNDUS.

Sempronius Sacrum tribunal ingressus se accusat in hunc modum. Domine, inquit, subinde mentitus fui: nonnunquam turpia locutus; & alioquoties lascivis,

O 3 co-

cogitationibus occupatus. Nihil ampliùs scio. *Queritur jam, quid in bujusmodi casibus Confessario sit agendum, ubi Penitens nullam prorsus facit mentionem de dolore?*

70 R. In nostro hoc casu, ubi Penitens nec facit mentionem de dolore, nec exprimit certam speciem vel numerum peccatorum suorum, meritò dubitare licet, sitne satis dispositus, & intelligens ea, quæ sunt necessaria ad valorem Sacramenti. Idcirco Confessarius eundem debet 1. adhortari de numero & specie peccatorum exprimendis, quantum fieri potest quoad materiam necessariam. 2. Insuper oportebit eundem examinare (nisi aliunde noscatur, vel prudenter præsumi posset dispositus) an verè doleat de suis peccatis? & Cur? Ratio est: quia Confessarius pro possibili tenetur procurare integritatem & valorem hujus Sacramenti, supplendo etiam quantum potest defectus Penitentis: ergo quotiescunque rationabiliter dubitat de aliquo ad legitimam dispositionem requisito, uti est dolor supernaturalis, debet Penitentem adhortari & examinare. Et in hoc vel maxime oportet Confessarium esse sollicitum; certa quippe experientia compertum habemus, homines rudiores sanè non paucos ad hoc Sacramentum accedere absque vero aliquo dolore supernaturali, aut proposito emendandi: quos si interrogaveris, *an doleant?* promptè quidem respondebunt: *ita Domine*. Ulteriùs autem interrogati, *cur doleant?* vel candidè reponent: *nescio*; vel certè motivum non nisi merum naturale allegabunt, utputa quòd proximum, vel parentes suos offenderint &c. &c. Certè ego in praxi interrogando, quamplures reperi homines, triginta, & ampliùs annos habentes, qui prorsus ignorarunt, cur de peccatis dolendum; qua ratione mihi persuadeo pro certo, innumeras confessiones defectu veri doloris & proposito fieri sacrilegas. Cautè igitur Confessarie! cautè procedendum est cum rudioribus, itemque cum pueris ac puellis. Profectò non sine risu reminiscor pueri quondam mihi occurrentis, quem velut suspectum de sufficientia dispositionis,

& maturitate judicii (nam inter confitendum varias exercuerat nugas, præsertim ludendo in clathris, & digitis fricando &c.) interrogavi, an etiam de suis peccatis jam confessis doleat? Cùmque quid respondendum, igrorasset, subito conversus ad suam matrem proximè assistentem ejebat: *Mater! doleam de peccatis meis?* Cui illa; *ita! ita doles*. Nescio sanè, puerinè, an verò matris simplicitas fuerit magis admiranda.

71 Dixi tamen examinandum esse penitentem, nisi aliunde noscatur, aut prudenter præsumi possit esse dispositus. Subinde enim quosdam penitentes reperire est, qui revera optimè dispositi & contriti accedunt, tametsi (fortè brevitatibus studio) in actu confessionis nullam prorsus faciant mentionem de dolore & proposito concepto (an bene & laudabiliter? aliorum iudicio relinquo.) Quemadmodum ergo omnes ac singulos penitentes præsumere dispositos, regulis prudentiæ videtur dissonum; ita non minùs imprudenter ageret Confessarius, qui, quotquot de dolore ac proposito nihil dicunt, velut suspectos de sufficientia doloris vellet examinare, an, vel cur doleant? Itaque cultiores & politiores interrogari non debent an doleant, sed potiùs præsumi dolentes. Ego in praxi, ubi prudenter dubitandum censeo, ut me (præsertim in concursu Penitentium) breviter expediam, soleo penitenti breviter ingerere actum & motivum doloris dicendo: nunquid bone Vir! &c. jam sincerè & ex corde doles, quòd Dominum Deum tuum, infinitè bonum, omnique amore dignissimum tam ingratus offenderis? Quodsi penitens seriò, deliberatè, & ex corde respondeat: *ita*; vel: *doleo utique &c.* eundem inuncta priùs salutari penitentia sine scrupulo absolvo. Vade jam, & si placet, fac similiter.

Dices forsitan. Sed quomodo penitentes omnino rudes, immò rudissimi, qui non, nisi naturalibus & sensibilibus motivis duci solent, ad verum dolorem supernaturalem sunt disponendi?

72 R. Hoc ipso per motiva naturalia, velut magis sensibilia primò inducendi, sen-

CASUS TERTIUS.

sensumque magis disponendi, & quodammodo elevandi sunt ad apprehendenda celestia & supernaturalia, juxta illud Apostoli Rom. 1. c. v. 20. *Invisibilia ipsius (Dei) à creatura Mundi per ea, quæ facta sunt intellecta, conspiciuntur*. Oportet ergo hoc, vel simili modo uti. Dicit charissime! nunquid jam audisti, Peccatores post mortem gravissimè puniri in inferno, vel certè in purgatorio? Et quid ibi patiuntur? Nonne penam ignis? Tunc sufferre posses ignem, vel ardorem unius duntaxat candelæ? Certè non. Quanto minùs ergo poteris habitare cum illis ardoribus senipiternis? Nunquid ergo jam detestaris, & deinceps fugies peccata? &c. &c. Item poterit homo rudis, vel etiam Puer &c. ad dolorem induci hoc modo (eodem quippe vel consimili modo cum Rudibus & pueris esse procedendum, jam suprà monuimus) Dicit filii charissime! amasne tuos Parentes, vel tuos benefactores, à quibus multa bona recipis? Utique amabis? Verùm nunquid & Deum amabis, cum sit summus benefactor noster, qui fecit & creavit nos, vultque dare vitam & beatitudinem æternam diligentibus se? Si pœnitens respondeat (prout regulariter illicò respondere solent) utique amo Deum; jam ulteriùs instet Confessarius: atqui peccata tua repugnant amorì Divino: quomodo verè Deum amabis, si peccando eundem offendere non horreas? Nunquid ergo charissime fili, amodò jam peccata tua detestaris, quibus Dominum Deum summè bonum & amantissimum benefactorem nostrum hactenus offendisti? Nunquid jam efficaciter proponis eadem non ampliùs committere? Si respondeat: *Ita Domine*: porro instet Confessarius: itanè etiam sentis in corde? Dic ergo filii amantissime, & ex corde dicito: doleo, quodd dilectissimum Dominum Deum meum, summum bonum & Benefactorem meum offenderim, & propono &c. Plura cum tempore pro diversitate Pœnitentium suggeret usus, & præsertim Spiritus Sancti unctio, à Confessario nunquam non specialiter imploranda & exoranda.

CAjus in professo Assumptionis B. V. Mariæ debite contritus voluit confiteri, sed ob multitudinem concurrentium præpeditus, à Confessionali introitus tandem recessit. Altera verò die summo mane exoptatam nactus occasionem, omnia sua peccata Confessario rite explicuit; *ast sine novo dolore, quippe cujus totaliter fuit oblitus. Jam ergo dubitat, quid de valore hujus confessionis sibi tenendum, & an eadem peccata teneatur repetere?*

73 R. Cum distinctione. Vel enim supponitur fuisse totaliter oblitus doloris tam veteris seu hesterni, quàm etiam novi? si utriusque: indubitanter confessio fuit nulla & invalida; eo quia non fuit verè dolorosa, sed mera narratio historica peccatorum. At verò, si supponatur fuisse solum oblitus doloris novi, non item veteris, ita, ut vi hesternæ contritionis motus, hodie suam confessionem deposuerit, minimè dubitandum videtur de valore hujus, quippe quæ cum hesternio illo dolore moraliter (esto non physice) conjuncta, adhuc verè dolorosa existit. Quo supposito dicendum, quodd Cajus non ampliùs teneatur repetere eadem peccata; quotiescunque enim verè probabile est, Sacramentum valuisse, (licet maneat dubium speculativum) liberatur pœnitens ab onere sese denuo accusandi de hisdem peccatis; quandoquidem secundùm jura in dubio sit inclinandum in favorem rei, & potiùs pro valore, quàm pro nullitate actus præsumendum.

At quid, si Cajus fateatur, se more solito recitasse quidem *confiteor* &c. dubitare tamen, an cum vero dolore, aut vi contritionis pridiè conceptæ?

74 R. Rursus est distinguendum & gnaviger advertendum, an Cajus pœnitens sit homo juvenilis, & levis in suis actionibus, an verò gravis, & provectæ jamjam ætatis; Etenim juvenibus valde familiare est, formulam confessionis debilaterare ex mera consuetudine, sine ulla prorsus attentione ad sensum verborum: è contra viri graves, & maturi regulariter,

& communiter loquendo non solent formulam confessionis ex mera consuetudine recitare, nec tundere pectus, nisi cum quadam gravitate & animi attentione; quapropter cum ex communiter contingentibus fiat prudens præsumptio, resolvendum videtur, quod si Cajus penitens supponatur homo prudens, & in reliquis actionibus gravis, possit etiam in tali dubio prudenter præsumere pro valore suae confessionis: nec amplius urgendus foret ad repetitionem confessionis peractae. Secus tamen dicendum, si supponatur homo juvenilis & in suis actionibus valde inconsideratus ac levis. Vide Gobat. *tract. 6. num. 142. & seqq. Sporer. num. 291.*

Dices adhuc. Sed quid, si penitens post perceptam absolutionem mox subiciat aliud peccatum, teneturne etiam novum elicere dolorem?

75 R. Si subiciat novum peccatum mox, vel paulo post absolutionem perceptam, probabilissimè non solum validè, sed etiam licitè absolvetur absque novo dolore, modò supponatur priùs verè doluisse ex aliquo motivo generali, se extendente ad omnia, idèquè etiam ad hoc peccatum. Ita communissimè DD. Lugo, Dicastillo, Henriquez, Gobat *cit. num. 165. Storz l. 1. pag. 2. nu. 52. Illung. tract. 6. disp. 6. num. 43. Baubenst. tract. 8. pag. 6. dist. 4. art. 3. nu. 57. Reinssstuel Theol. mor. tract. 14. dist. 6. num. 62. Sporer num. 298. Bolco. Disp. 7. Sess. 4. num. 149. ubi ait, talem penitentem perseverantem in antiquo dolore, posse absolvi de novo absque ullo scrupulo. Ratio autem est hæc: quia cum prior dolor supponatur fuisse generalis, simulque adhuc perseveret saltem moraliter nihil prorsus obstat, quò minus novam hanc confessionem possit reddere verè dolorosam, ideoque deferre novæ absolutioni, eò præsertim, quòd censetur virtualiter multiplex. Quare nimis scrupulosè praxin hujus opinionis damnare videntur Cardenas, & La Croix *cit. num. 712. nam si prior dolor adhuc physicè perseveret saltem tenuiter, quanvis imperceptibiliter, secundum la Croix nu. 713. certò sufficeret, ergo etiam certò sufficit, si adhuc exi-**

stat moraliter, & in hanc novam confessionem influat; certum quippe est, inter confessionem & dolorem necessariam non esse coexistentiam physicam, sed moralem sufficere. Melius proin loquitur P. Viva ad propof. 1. ab Innocentio „ XI. damnatam, ubi n. 26. ait: quidquid „ sit autem, num universim possit iterari „ absolutio super iisdem peccatis, non „ iterato dolore, ut multi autumant cum „ Lugo, Ledesma, Dicastillo; cer- „ tum tamen videtur ex praxi Ecclesiæ & „ Confessariorum, non esse necesse „ quòd, qui post absolutionem statim „ reconciliatur, moneatur de novo dolo- „ re iterando. Et ratio hujus praxis vide- „ tur esse, quia est moraliter certum, „ quòd dolor præteritus non sit retracta- „ tus, & jungatur moraliter eum no- „ va absolutione, si paulò antè præcesse- „ rit. Secus verò, si reconciliatio non fiat „ statim. Hactenus Viva *loc. cit.* Fateor tamen, consultius esse, ut penitens de peccato noviter confesso novum eliciat dolorem; & idcirco oportet, ut Confessarius de hoc moneat, aut saltem interroget, utrum etiam de hoc peccato debeat &c. quod cum facile fieri possit, in praxi de facili non est intermittendum.

§. III.

Corollaria ex dictis inferenda.

76 Colliges ex dictis primò, contritionem perfectam essentialiter distingui ab attritione; tum quia essentialiter tendit in aliud motivum formale; nam perfectè contritus detestatur peccatum, eò quòd sit oppositum & contrarium Deo velut summo Bono; quod non facit attritus; ut patet ex dictis; tum etiam quia contritio perfecta habet vim justificandi peccatorem etiam sine Sacramento: è contra attritio solum justificat eum Sacramento. Quare dum Theologi subinde dicunt, quòd attritio cum Sacramento faciat ex attrito contritum, illud non est intelligendum in sensu formali, quasi verò attritio fieret formaliter contritio (actus enim essentialiter diversi semper manent tales) sed est intel-

legendum in sensu causali: quia attritio cum Sacramento causat eundem effectum (scilicet justificationis) quem contritio perfecta extra Sacramentum: ideoque virtualiter & æquivalenter præstat idem cum Sacramento, quod præstat contritio perfecta sine illo. Babenstuber *cit. d. 4. a. 2. num. 7. & 8.*

77 Colliges secundò. Ad valorem hujus Sacramenti non esse necessarium dolorem corporis, seu in corpus sensibilibiter redundantem. Ratio est: quia dolor solum requiritur ad hoc, ut peccator ad Deum suum verè ac seriò denuò revertatur: at, si in animo seriò detestetur sua peccata, & rursum ad Deum suum seriò revertitur. Unde quemadmodum ad hoc, ut verè peccet, minimè necessum est, ut interveniat voluptas corporis; ita pariter ut denuò reconcilietur Deo suo, neuiquam opus est, ut interveniat dolor corporis. Hac de causa contritio communiter describitur, quòd sit *dolor animi*, non *corporis*: tamen si subinde contingat, ut ob vehementiam doloris animo concepti, corpus quodammodo affligatur. Et hoc singulariter notandum, vel etiam inculcandum est scrupulosi, qui sibi nunquam videntur satis doluisse, nisi dolorem seu afflictionem & quandam corporis etiam consernationem sentiant.

Rectè proin docet Sporer *num. 131.* ei, qui piè, seriò, & ardentè profert hæc verba: *summè doleo*, quòd *te Dominum Deum meum toties tam graviter offenderim*; & maxime si addat epitheton *dilecti*, prout solent germanicè dicere.... nullatenus ambigendum esse de sufficientia veri doloris, immò perfectæ contritionis. „ Et tu Confessarie (subdit „ idem Doctor) si moribundum aui „ dies, piè ac fervidè ejusmodi verbis „ ad Deum suspirantem, maxime jam „ valde debilem, noli angere, vel illum magis angustiare de contritione „ perfecta.

78 Colliges tertio, ad veram contritionem non esse necessarium longum tempus, sed sufficere minimum, immò & unicum instans. Ratio est: quia ad hanc solum requiritur, ut peccator à suis peccatis averfus, denuò ad Deum suum

convertatur & respiciat: atqui hoc fieri potest in momento temporis, quemadmodum in unico momento potest à Deo suo averti, mortaliter peccando. Ob eandem rationem non requiritur certa intensio contritionis, sicut nec ad peccandum requiritur intensio certa voluntatis. Et certè de necessitate hujusmodi intensiois nec ex Scriptura, nec ex Patribus, nec ex ratione constat: ergo neque à nobis est expetenda, eò præsertim, quòd daret anam infinitis propemodum perplexitatibus. Fatendum tamen est, eò utiliore esse dolorem, quo est vehementior. Immo & cavendum, ne in puncto tam notabili laxiores, plus quàm oportet nobis blandiamur & confidamus. Qua ratione numero mox præcedenti non sine nota diximus, eum, qui piè, seriò, & ardentè profert hæc verba: *summè doleo &c.* posse tutò confidere de sufficientia veræ contritionis. Vid. Suarez *d. 4. Sect. 5. n. 4.* Filliuc. *tr. 6. c. 9. n. 130. & 235.* Stoz *cit. n. 15. & 16.*

79 Colliges 4to, ad validam confessionem non esse necessarium ut penitens de singulis peccatis eliciat singulos, speciales ac distinctos dolores, sed sufficere unicam simplicem contritionem, modò se extendat ad omnia peccata mortalia in communi. Ita Scotus *4. d. 15. q. 1. §. Ex hoc patet.* Herincx *d. 2. n. 30.* Mastr. & alii communiter. Ratio est: quia in unico instanti homo potest perfectissimè ad Deum converti: at, in unico instanti sæpè non posset de singulis peccatis elicere speciales dolores: ergo cum aliunde constet, sine urgenti fundamento hominibus non esse imponendum grave onus, dicendum, quòd non sit opus ut peccator de singulis suis peccatis speciales concipiat dolores, sed sufficere, quod omnia sua peccata licet indistinctè representata efficaciter detestetur. Quin immò, ut rectè advertunt DD. *cit.* non semper est consultum de singulis peccatis in particulari speciales facere reflexiones & detestationes v. g. dicendo: detestor hoc peccatum &c. mallem subire infernum, quàm illud denuò perpetrare &c. quia hujusmodi reflexiones & comparationes specitata fragilitate humana infirmioribus sunt

sunt periculosa, licet fatendum, quod, si rite fiant, sint actus valde heroici, & meritorii.

80 Colliges quintò, ad valorem hujus Sacramenti non satis esse, dolore idè præcisè, quod dolorem non sentias. Rationem colliges faciliè ex jam dictis: quia ad valorem requiritur dolor de peccatis: at, quod dolorem fortè non sentias, peccatum non est: immò potest contingere contrariam voluntatem: ergo. Nihilominus in praxi vix continget, ut tales non verè doleant de suis peccatis cum vera aversione ac detestatione illorum; quod ipsum sufficit ad valorem: neque enim opus est, ut dolor sensibiliter redundet in corpus. Quare scrupulosi anxi non debent, quod exterius nullum dolorem sentiant, nec gemitus aut copiosas fundant lacrymas; quia præscindendo ab his omnibus, voluntas ceu potentia spiritualis potest verissime & efficacissime detestari peccata admissa. Vide Laym. hic c. 4. num. 5. Heriucx cit. n. 5. Reinssuet. n. 56.

81 Colliges sextò, ad valorem hujus Sacramenti non esse satis, quod peccator pluribus mortalibus obstrictus de uno duntaxat vel altero, non verò de omnibus, ne quidem in communi, doleat, aut emendationem proponat; quia secundum dicta n. 61. dolor respectu mortalium debet esse universalis; cum defecto nullum peccatum mortale dimittatur sine altero: ergo qui non dolet de omnibus peccatis mortalibus, ponit obicem gratiæ Sacramentali, & hoc ipso peccat graviter. *Communis*.

Dices. Sed quid, si talis pœnitens de uno solum peccato v. g. fornicationis doleat ex motivo particulari, ut puta ob hujus speciale fœditate, angelicæ virtutis castitatis repugnantem; aliorum verò peccatorum suorum inculpabiliter obliviscatur; eritnè in tali Sacramentum validum?

82 R. Juxta opinionem probabiliorum Scoti & aliorum SS. quibuscumque etiam sentiunt Vasq. Laym. Sà, Castrop. Gormaz, Babenstuber cit. art. 3. num. 43. & alii multi: non valet Sacramentum; tum quia juxta Trident. Sess. 14. de pœnit. c. 3. & 4. nullus dolor sufficit ad valorem hujus Sacramenti, nisi disponat ad peccatorum re-

missionem, & voluntatem peccandi excludat: atqui dolor conceptus ex simili motivo particulari nec disponit ad remissionem peccatorum, nec efficaciter de se excludit voluntatem peccandi: immò stante tali dolore posset quis actuale gerere affectum ad aliud peccatum v. g. furti: ergo. Tum etiam, quia non videtur verosimile (ait Heriucx noster) quod Christus voluerit instituire, vel etiam assumere partem talem, quæ scienter nunquam posset adhiberi absque Sacrilegio & nullitate Sacramenti: at, dolor ex motivo particulari ab eo, qui pluribus mortalibus culpis est obnoxius, scienter nunquam adhiberi aut concipi potest &c. ergo. Denique vel pœnitens dolet ex vero aliquo motivo supernaturali, & animo quærendi reconciliationem cum Deo, ideoque peccatum detestatur quia est aversivum à Deo, & obstat reconciliationi divinæ &c. vel non? Si non: probabiliter nec erit dolor sufficiens. Si sic: tunc dolor virtualiter saltem erit universalis; quandoquidem motivum sit universale, & omnibus peccatis mortalibus commune; proptereaque Sacramentum evadet validum simul & formale.

83 Dixi: Dolor particularis probabiliter non erit sufficiens &c. Fatendum quippe est, opinionem contrariam, quam tenent Gobat, Illsung, Cardenas, la Croix cit. n. 672. alique sat multi & graves DD. sua non carere probabilitate. Ex qua controversia speculativa.

84 Colliges tandem septimò pro praxi, eum, qui cum tali dolore bona fide fuit confessus & absolutus, non amplius tenei eandem confessionem repetere. Ratio ex jam dictis num. 74. colligi potest: quoties enim probabile est, absolutionem valuisse, toties pœnitens liberatur ab onere eadem peccata denuo subiiciendi clavis: atqui probabile est, absolutionem valuisse, non obstante dolore particulari: ergo &c. Vid. Gobat. tr. 6. num. 179. la Croix num. 680.

CONFERENTIA

Q V A R T A.

De Proposito ad Sacramentum Poenitentiae necessario: ubi etiam de constitutis in occasione proxima.

SUMMARIUM.

- 85 Propositum aliud est formale, aliud virtuale.
- 86 Regulariter loquendo necessarium est formale & expressum.
- 87 Probabilissimum tamen ad valorem sufficit virtuale.
- 88 At, in praxi urgendum est propositum formale;
- 89 Quod debet esse absolutum, firmum, & efficax;
- 90 Non quidem semper effectivè, sed saltem affectivè.
- 91 Insuper debet esse universale respectu mortalium;
- 92 Non item respectu peccatorum venialium duntaxat.
- 93 Ulterius necessum est, ut propositum se extendat ad vitandas occasiones peccandi proximas;
- 94 Non item ad vitandas occasiones solum remotas.
- 95 Resolvitur Casus I. de Juvene, assue- to pollutionibus proprii corporis.
- 96 Et quid, si talis dicat, se non amplius posse abstinere &c.
- 97 Resolvitur Casus II. de Uxore in perpetuis discordiis vivente.
- 98 An talis possit absolvi, non obstante quod cerè praevideatur relapsura?
- 99 Et quid huic sit consulendum.
- 100 Resolvitur Casus III. de constituto in occasione proxima.
- 101 Quomodo tales sint examinandi?
- 102 Et quid, si dicat se non posse occasi- nem evitare.
- 103 Quomodo tunc ex occasione proxima faci- enda sit remota.
- 104 Quenam censeatur impossibilitas mora- lis relinquendi occasionem; &

- 105 Quam cautè Confessario cum talibus sit procedendum.
- 106 Quenam circa eos sint specialiter ob- servanda & praescribenda.
- 107 Qui renuit occasionem proximam dese- rere, tametsi posset, non est capax ab- solutionis.
- 108 Nec absolvendus est, qui jam semel & iterum iussus eam deserere, nunquam obtemperavit mandatis Confessarii.
- 109 Quid de eo, qui non vult abstinere à nocturno accessu ad fenestram (ut vo- cant) suae amasiae.
- 110 Quando poenitens nequit occasionem re- linquere, absolvi potest ac debet, esto saepius redeat parùm, vel non emendatus.
- 111 Et quid, si semper cum iisdem pecca- tis rediret?
- 112 An possit absolvi, qui cum iisdem pec- catis venialibus semper redire solet ad Confessionem?
- 113 Et quanam remedia talibus sint praescribenda?
- 114 Referuntur propositiones damnatae à Pontificibus circa concubinariorum, & constitutos in occasione proxima.

§. I.

Praemittuntur, & breviter resolvuntur quæ sita, scitu necessaria ad debitè resolvendos Casus practicos de pro- posito ad Sacramentum Poenitentiae necessariò.

QUæres primò, utrùm ad Sacramen- tum Poenitentiae necessarium sit propositum formale, an verò sufficiat vir- tuale?

Ante responzionem suppono cum com- muni DD. propositum formale tunc haberi, quando quis post conceptum verum do- lorem & detestationem suorum peccato- rum, per alium actum distinctum expresse secum statuit, & proponit, deinceps non amplius peccare; prout Cultiores regula- riter assueverunt, dum post enarrationem suorum peccatorum mox subjungunt: de his, & omnibus aliis peccatis meis doleo &c. & propono deinceps &c. Virtuale autem, & implicitum propositum includitur in ipso actu

actū veræ contritionis; & hoc idē: quia quicumque seriō & ex corde dicit, sibi sua peccata displicere, & verē eadem detestari, eo ipso saltem implicitē reputatur dicere, se nolle ampliū eadem committere, quippe quæ verē displicent, & à quibus animus tantopere refugit. Nec verō dubitandum, quin frequenter (& utinam in rudioribus non min⁹ frequenter!) contingat, non concipi formale & expressum propositum, idque vel ex ruditate, vel ex oblivione naturali. Illud omnino certum est, quōd in actū confessionis multi nullam prorsus faciant mentionem de proposito, immō verō nec de dolore; licet de Cultioribus supponi possit, eos utrumque jam præmississe, prout superius mox num. 70. notavimus. Hoc supposito.

86 R. Ad Sacramentum Pœnitentiæ regulariter loquendo necessarium est propositum formale & expressum; licet 2. probabilissimē ad hujus valorem sufficiat propositum virtuale. Ita communissimē DD. Filliucius tr. 7. c. 6. n. 159. & seqq. Bonacin. de pœnit. d. 5. q. 5. Sect. 1. pu. 3. n. 9. Ratio prioris desumitur ex Concil. Trident. quod Ss. 14. de pœnit. c. 4. definit contritionem ad hoc Sacramentum necessariam, esse dolorem *cum proposito non peccandi de cætero*. Ubi, licet non dicat, esse necessarium *propositum formale*, idipsum tamen satis clarē videtur innuere, faciēdo expressam mentionem *de dolore cum proposito*: si enim existimasset sufficere propositum virtuale, inclusum in dolore, superflue videretur addidisse *ly cum proposito*: satis quippe fuisset dicere ad Sacramentum hoc necessarium esse *contritionem*. Et certē, qui verē dolet de peccatis præteritis, semper ita erit dispositus, ut si cogitet de vita in futurum instituenda, eliciat actuale & formale propositum non peccandi de cætero; quandoquidem necessariō debeat apprehendere idē motivum, quō urgetur ad detestanda hæcenus commissā, pariter urgere ad non ampli⁹ committenda in futurum: atqui omnis verē penitens & dolens regulariter cogitat de vita in futurum instituenda: ergo regulariter loquendo debet el. cere propositum formale & expressum.

87 Ratio posterioris est hæc: quia propositum in nullum alium finem est necessarium, quā ut Peccatorem avertat à suis peccatis: atqui hoc facit etiam propositum virtuale, seu omnis vera contritio continens virtuale propositum: ergo Et, amabo! quem in finem Confessarius à moribundo verē contrito, mox ē vivis excessuro exigat, vel etiam hortetur ad propositum expressum, vitam suam deinceps sancti⁹ insinendi? ergo probabilissimē ad valorem hujus Sacramenti sufficit propositum virtuale. Et ita sentiunt DD. communissimē. Mastrius, Bosco, Herincx, Sporer. num. 319. Reiffenstuel num. 49. Gobat &c.

Dixi: probabilissimē ad valorem sufficit propositum virtuale &c. Utrū enim liceat hoc Sacramentum scienter suscipere cum solo hoc proposito virtuali, sine formali & expresso, est alia quæstio multā practica. Negat hoc La Croix l. 6. p. 2. n. 895. & alii nonnulli; tū ob rationes jam allegatas num. 86. tum præsertim, quia talis Sacramentum exponeret periculo nullitatis; at verō Stoz cit. nu. 90. cum aliis pluribus probatissimis & classicis Authoribus hanc sententiam etiam in praxi verē tantam existimat, nec per eam exponi Sacramentum periculo, ita, ut Cardenas in Crisi 2. Diss. 2. n. 80. non vereatur asserere, supra omnem probabilitatem omnino certum esse, quod hoc propositum virtuale sufficiat, proptereaque dici non posse hanc opinionem esse min⁹ tutam circa valorem Sacramenti, aut subjacere damnationi.

Nihilominus consultissimum est (ait rectē Stoz cit. n. 92.) ut quisvis expiaturus per confessionem sua peccata, expressum eliciat propositum, non quod altera sententia sit min⁹, aut non verē tuta in conscientia, sed quia longē efficacior motu tendimus in ea, quæ speciatim & seriō proponimus evitare, quā in ea, in quorum evitationem propositum nostrum tantū generatim fertur, ut experientia docet. Ita DD. cit. Suadeo proin Tibi Confessarie, ut si penitens nullam faciat mentionem de proposito, nec aliunde prudenter præsumi possit jam præmississe eundem blandē interrogando inducas ad formam-

nandum formale propositum; tum ob rationes jam tactas; tum præsertim, quòd facili negotio id fieri queat. Ex post facto tamen, si id neglexeris, præsertim ex inadvertentia, noli multum scrupulizare.

Quæres secundò, utrum propositum debeat necessariò esse absolutum, firmum, & efficax?

89 R. Affirmativè. Ratio est: quia juxta Trident. l.c. debet excludere voluntatem peccandi: at, nisi sit absolutum, efficax & firmum, non satis excludit voluntatem peccandi. Quapropter non sufficit ut peccator concipiat solum velle iratem inefficacem, ita scilicet animo comparatus, quòd si non sentiret difficultatem, lubens quidem nollet deinceps peccare, sed v. g. alienum restituere, concubinam relinquere &c. quia cùm tali simplici velleitate potest itare actualis affectus denuo peccandi. Quin immò opere ipso videtur dicere: lubens quidem vellem abstinere ab hoc vel illo vitio, nisi sentirem difficultatem &c. sed quia talem adverto, vel consuetudinem jam difficulter relinquo &c. hinc nolo abstinere &c. quod, ut de se patet, longè alienum est ab animo. verè contrito ac poenitente.

90 Quocirca tamen graviter notes velim, opus non esse, ut propositum semper sit firmum & efficax in effectu, ita scilicet, ut vi hujus poenitens nunquam amplius effectivè delinquat: hoc enim, quantum ad peccata venialia foret fragilitatis humanæ impossibile; quia quamdiu vivimus, sine peccato esse non possumus. Sufficit ergo, ut sit efficax affectivè, id est, ut poenitens ita sit animo comparatus & affectus, ut vi prædictæ constitutionis mallet quodcumque demùm fuisse malum, vel etiam quocumque bono delectabili carere & abstinere, quàm DEUM rursus offendere, præsertim crimine gravi. Cæterùm quòd non sit semper consultum poenitenti particulares proponere comparationes inter malum poenæ & culpæ denuo committendæ, jam superius n. 79. monuimus: meritòque reprehenditur à P. Gobat *elt. n. 6. n. 196*. Confessarius ille, qui ex viro illustri simul & militari, assueto, veris blasphemis, injuriis verbis, crudeli, & injusta verberatione uxoris ac famulorum.

offendere DEUM lethalter, seiscitabatur, malitè osculari pedes carnificis in publico foro, quàm quidquam ejusmodi in posterum facere?

Quæres tertio, Sitne ad confessionem necessarium propositum universale?

91 R. Est necessarium universale respectu omnium peccatorum mortalium. Ita omnes. Ratio facile colligitur ex dictis n. 63. quia defacto unum peccatorum mortale non dimittitur sine alio: profectò nec videtur conveniens, ut DEUS O.M. peccatori reconcilietur circa unum mortale, quamdiu is obstinatus perseverat in aliis, inimicus DEI: ergo quicunque intendit veraciter reconciliari, & redire in gratiam, ab omnibus peccatis mortalibus abstinere efficaciter proponat, necessum est.

92 Dixi rursus: *respectu omnium peccatorum mortalium* &c. Licet enim poenitens solis venialibus obstrictus, debeat veraciter & supernaturaliter dolere, atque efficaciter proponere illa venialia, à quibus cupit absolvi, deinceps evitare: quia tamen unum peccatum veniale potest remitti sine altero (nullum enim simpliciter privat gratia & amicitia DEI, prout facit quodvis mortale) hinc dicendum, quòd poenitens possit dolere de uno veniali, tamen si de altero v. g. verbo otioso aut mendoso, ob rationem particularem efficaciter non doleat. Quo casu illa duntaxat peccata remittuntur vi absolutionis, de quibus poenitens efficaciter dolet, & quæ clavibus subjicit. Vid. Cardin. de Lugo D. 14. de poenit. *sect. 9. n. 146. & 147*. Babenhuber *elt. d. 4. a. 1. n. 31*.

Quæres quintò, an propositum debeat se extendere ad vitandas occasiones peccatorum?

93 Resp. Cum distinctione. Debet enim se extendere ad vitandas occasiones proximas, non item 2. ad vitandas occasiones solum remotas. Ratio prioris est: quia certum & indubitatum videtur, quòd teneatur vitare in posterum, vel saltem efficaciter propositum vitandi peccata concipere, quisquis præteritorum remissionem & absolutionem efficaciter desiderat impetrare: ergo pariter certum esse debet, quòd eodem jure teneatur vitare illud,

ex

ex quo peccatum moraliter certò secutum prævidet: atqui ex occasione proxima peccatum prævidetur moraliter certò secuturum; nam occasio proxima à Navarro c. 3. n. 5. apud Laym. & Sporer n. 323. aliisque passim describitur esse illa, in qua creditur, vel certè rationabiliter credi deberet, perpenſis omnibus circumſtantis penitentem raro, vel nunquam manſurum sine peccato: ergo hanc per se loquendo per accidens enim aliquando excusari potest, prout mox infra videbimus) teneatur vitare, quicquid à suis peccatis cupit absolvi.

94 Ratio autem posterioris est hæc: quia nomine occasionis remotæ communiter à DD. intelligitur illa, quæ, licet per accidens possit inducere, aut etiam aliquando inducat in peccatum, frequentius tamen non inducit, prout faciunt nonnulla officia v. gr. Militum, Cauponum, Mercatorum: atqui huiusmodi occasiones omnes vitare foret nimis difficile, immò moraliter impossibile; siquidem in mundo vix aliquod officium reperire sit tam sanctum, tamque ex omni parte bonum, quod non sit interdum, aut certè possit aliquibus esse occasio peccandi: ergo occasiones remotas duntaxat non tenemur vitare, nisi dum commodè possumus. Fatendum nihilominus est, eò graviolem requiri causam, ut quis licetè perseveret, quò occasio propius ad lapsum inducere nata est, prout rectè ex communi docent Layman l. 5. tr. 6. c. 4. num. 9. Mezger tr. 18. d. 44. a. 3. num. 3. Sporer cit. num. 322.

. §. II.

Proponuntur, & breviter resolvuntur Casus practici de Proposito ad veram penitentiam necessario.

CASUS PRIMUS.

Titius adolescentulus ingenuus, pudicusque educatus à quodam perditissimo Juvene primum ad tactus impudicos, tum denique ad ipsam pollutionem penitus sibi incognitam inducitur fuit, & ita miserrabiliter huic assuevit, partim prius quam

noverat esse crimen lethale, partim etiam posteaquam probè à Confessario edoctus detestandam malitiam, ut etiam post plurimam firmissimam proposita desistendi, post adhibita varia media perſistendi in bonis propositis, nihilominus relabatur his, terribè per hebdomadam in idem scditatis lutum. An huic Confessarius neget absolutionem?

95 R. Nec potest, nec debet huic negare absolutionem, modò supponatur hic & nunc verè dolere, & Confessarius rationabiliter credere possit, eum concepisse firmum, & minime fucatum propositum sese emendandi cum divina gratia, quacum utique omnia possibilia sunt. Ita tenent Diana, Sanchez, Dicastillo apud Stoerch. n. 100. Ratio patet ex dictis: quicumque enim sufficienter & verè est dispositus, vel saltem probabiliter & rationabiliter credi potest esse dispositus, ut confessionis obtineat jus ad absolutionem, quo sine gravi injuria privari nec potest, nec debet: atqui non obstantibus frequentioribus relapsibus potest Titius noster concipere firmum propositum abstinendi, & viciosæ inclinationi, seu etiam consuetudini contractæ adjuvante divina gratia resistendi: ergo cum supponatur non constitutus in occasione aliqua extrinsecè alliciente, quam teneretur aut posset deserere, sed ex fragilitate humana toties relabi in idem lutum, beneficio absolutionis est mundandus à sordibus. Et de his præcipuè videtur intelligendum illud Christi Domini effatum apud Matth. 18. c. ubi Petro interroganti: quoties peccabit in me frater meus, & dimittam ei? usque septies? Dixit JESUS: non dico tibi usque septies, sed usque septuagies septies, id est (ait rectè Reiffenstuel cit. dist. 8. n. 48.) toties, quoties serò doluerit, veniamque roga verit. Vid. Doth. l. cit. Sporer n. 330. vel Sanchez l. 2. moral. c. 32. n. 45. & seqq.

Dices. Sed quid si Titius dicat, se non posse amplius abstinere ab hoc vitio?

96 R. Cum distinctione. Velenim per hoc solum intendit suam fragilitatem Confessario manifestare, & innuere, quòd hac præcisè attenda videatur sibi impossibili.

sibile abstinere ab assuetis; vel intendit innuere, se omnino despondere animum, nec ullatenus posse emendari defectu gratiæ etiam sufficientis? si prius, adhuc potest ac debet absolvi, modò proponat efficaciter adjuvante divina gratia superare, aut certè pro viribus contendere contra consuetudinem malam. Si posterius; eo ipso satis manifestat se esse indispotum, & efficaci proposito destitutum, ideoque indignum & incapacem absolutionis percipiendæ, prout faciliè constabit ex hætenus dictis; & fatebuntur omnes.

CASUS SECUNDUS

Sempronia uxorata fatetur se quotidie suis prolibus seu inobedientibus & valde obstinatis mortem sæpe sæpius fuisse imprecatur; Maritum pariter, utpote assuetum omnia dilapidare, diris devotissime frequentissime, propterea in perpetuis cum eo rixis vivere, quippe à quo crudeliter & tyrannicè trahi solet. Quin immò & suo Parenti eadem mala sæpius imprecata fuit, una simul in faciem exprobrando nonnulla graviora crimina, eisdemque denegando obsequia, quibus summo pere indignisset velut oppressus continuè infirmitatibus. Quid Confessorius de tali Persona judicabit? an absolutione dignam?

97 R. Judicabit eam per se loquendo graviter peccasse. Et licet hujusmodi iuramenta imprecatoria plerumque fieri contingat ex motu primo, aut secundo-primo, absque deliberatione & serio animo, vel voto ut eveniant aliis hæc mala; nihilominus si frequenter & quotidie fiant, ut propterea in continuis dissensionibus ac rixis vivere soleant, prout casus fert, excusari haudquaquam possunt à culpa mortali. Illud præsertim, quòd proprio Parenti crimina comissa in faciem exprobrasset Sempronia. Necesse proin erit, ut firmissimum concipiat propositum, sese in similibus emendandi cum divina gratia: quo concepto & supposito absolvi potest ac debet, tametsi sæpius in eadem peccata relapsa redeat.

Nec obstat, quòd videatur constituta

in occasione proxima, ita, ut rationabiliter credi debeat & supponi relapsura, quamdiu in hac occasione, scilicet cum prolibus, Marito, & Parente perseveraverit; perseverantibus enim causis iidem sequuntur effectus peccaminosi.

98 Non obstat (inquam) partim quia hanc occasionem moraliter loquendo relinquere nequit, proptereaque beneficio absolutionis privari nequitam debet; partim etiam quia, uti cum *communis DD.* rectè docent Marchant *tom. 1. trib. tr. 4. tit. 3. q. 3.* Laym. *tr. 6. c. 4. n. 8.* Sporer *n. 310.* Stoz *n. 102.* & Reiffenstuel *cit. n. 52.* ad legitimam dispositionem poenitentis vel absolutionem non requiritur credulitas, multò minùs probabilis persuasio, quòd poenitens nunquam ampliùs sit relapsurus, sed solum requiritur propositum firmum & efficax non quidem effectivè, sed affectivè, ut diximus *n. 90.* vi cujus poenitens hic & nunc efficaciter & pro viribus statuat, cum adiutorio gratiæ divinæ sua peccata evitare: atqui nihil prorsus obstat, quòd minùs Sempronia tale propositum concipere valeat, esto etiam rationabiliter timeri possit ex humana fragilitate relapsura; tum ob multiplices occasiones impatientiæ sibi subministrandæ; tum etiam ob expertam hætenus voluntatis suæ inconstantiam: ergo his non obstantibus potest, immò debet absolvi.

Dices. Quid igitur huic poenitenti in his circumstantiis est consulendum?

99 R. Cum pio compassionis affectu erigenda est in spem divinæ providentiæ, eidem inculcando 1. fines optimos, quos Deus immittendo hujusmodi adversitates solet intendere, 2. Breviter proponendo exempla Christi, B. Virginis, & aliorum Sanctorum, quos omnes novimus per varias tribulationes fuisse Cælo adaptatos. 3. Specialiter juvabit eam adhortari, quatenus post S. Communionem Deo suo Eucharistico suas velit proponere necessitates, qui procul dubio faciet cum tantis tentationibus preventum; & ut eam plenius consolatam dimittat, spondeat etiam in suis SS. Missæ Sacrificiis singularem hujus memoriam, & pro tantis periculis intercessionem. 4. Tandem doceat

dices morborum; ita sanè qui spiritualiter infirmus efficaciter cupit sanari, peccatorum radices & proximas occasiones seu etiam dispositiones tollere satagat, omnino necessum est. Verùm ad hoc pleniùs intelligendum, quo scilicet modo occasio proxima converti possit in remotam, non obstante cohabitatione &c. placeat hic annotare doctrinam planè pulcherrimam, quam tradit Cardenas *Crisp. Theol. Dissert.* 40. c. 1. à num. 8. ubi advertit, occasionem proximam constitui ex duobus; quorum primum est, aliqua circumstantia extrinseca, utputa cohabitatione, vel accessus ad domum mulieris, amasæ &c. & hoc est constitutum remotum occasionis proximæ; sola quippe cohabitatione vel accessus in domum mulieris non facit occasionem proximam peccandi, cùm multi homines & feminae ita cohabitent sine tali occasione. Alterum constitutum & quidem formale & proximum occasionis proximæ est, periculum formale peccandi, ortum ab intrinseco, id est, à propria fragilitate, voluntatis mutabilitate, vel etiam ab inclinatione & habitu vitioso jamjam contracto, peccandi scilicet in tali occasione, cum tali persona &c. quo fit, ut sin minus semper, saltem sæpiùs in tali occasione tentationibus succumbant & labantur. Quare si poenitens huic vitiosæ inclinationi aut consuetudini resistit (sicut semper potest cum adiutorio gratiæ, exercendo actus virtutis contrarias, utputa contritionis, amoris erga B. Virginem, monita, vel etiam præcepta Confessarii exequendo &c.) dicitur ex occasione proxima facere remotam. Et hoc satis est, si supponatur moraliter loquendo non posse vitare illam occasionem quantum ad accessum vel cohabitationem.

Dices adhuc. At verò, quandonam censendus est moraliter non posse occasionem deierere?

104 R. Tunc censetur non posse moraliter, quando eam vitare nequit sine scandalo, quod frequenter accidit in peccatis occultis) aut sine gravissima, vel saltem verè gravi (modica enim non foret causa sufficiens, prout constat ex pro-

Elbel Theol. P. II.

positionibus 61. 62. & 63. ab Innocentio XI. damnatis) corporis, famæ, vel fortunæ iactura. Ratio est: quia quæ sine tali detrimento vitare non possumus, communiter reputantur factu impossibilia: quapropter cùm aliunde constet, vi occasionis non tolli libertatem, quin adhuc peccato resistere, & efficaciter proponere, immò & contra pravam consuetudinem reniti valeat peccator; hinc merito concludunt DD. ob huiusmodi verè gravem necessitatem eum relinqui posse in occasione, suppositis tamen sequentibus conditionibus 1. ut seriò proponat, talem occasionem, quamprimum fuerit possibile moraliter (cessantibus scilicet præfatis detrimentis) relinquere, concubinam deferere &c. 2. ut de commissis peccatis seriò doleat, & 3. firmè proponat, ex occasione proxima facere remotam, declinando ea omnia quibus ad lapsum haereticus fuit inductus. Lugo de poenit. d. 13. Sect. 10. num. 152. Sporer num. 326. & 327. Gobat tr. 7. num. 532. & seqq. Babenhuber ubi suprà n. 22.

§. III.

Corollaria ex dictis inferenda.

105 **C**OLLIGES ex dictis primò, cum consuetudinariis & constitutis in occasione proxima quàm cautissimè esse procedendum; Res quippe maximi momenti est, circa quam oportet expendere omnem prudentiam & cautelam, ne vel per nimiam clementiam & dissimulationem Confessarii poenitens sumat ansam liberius peccandi; vel per rigorem nimium absterritus præcipitur in barathrum pusillanimitatis, vel obstinationis, vel omnigenæ desperationis; quorum utrumque periculosissimum accideret tum poenitenti, tum etiam ipsi Confessario, prout quis prudentum faciliè capiet, & plures historiæ, tragicaque exempla nos docuerunt. Videat ergo Confessarius quid agat, & quem potissimum timeat.

106 Colliges secundò, circa Recidivos, præsertim ex occasione proxima, à Confessario singulariter observanda esse

P

c-

sequentia 1. an à proxima confessione penitens minus frequenter, quàm antea fuerit relapsus (quod est iudicium efficacis propositi nuper concepti, saltem regulariter loquendo) 2. utrum occasiones extrinsecas peccandi, quas & removere debuerat, & remoturum promissit, pro possibili declinaverit ? 3. An mediis contra recidivum peccati sibi praescriptis fuerit usus vel non ? Talia autem media sunt 1. vitatio colloqui, quantum fieri potest, aut certe nimiae familiaritatis cum complice. 2. quotidiana & expressa renovatio propositi in ultima confessione concepti. 3. votum subeundi aliquam poenitentiam, vel mortificationem corporis, ut puta jejuniū, aut certe abstinentiam ab hoc vel illo cibo aut potu &c. 4. Jubeatur quamprimum à confessione redierit complici (praesertim si hæc talis sit, quæ non solet, nisi admodum difficile consentire) dicere: jam tandem firmissimè statui mutare vitam: volo ergo, jubeo, & rogo, ut si forte tentatione victus te rursus sollicitavero, resistas omni possibili modo, revocans mihi in mentem hæc mea verba: addita etiam promissione præmii alicujus, si impenderit, fecus, si confesserit. Ita suadent Gobat. num. 535. & Sporer numer. 329. Adde 5. illud, (quod mihi efficacissimum, & praesentissimum videtur remedium contra recidivum) obligare scilicet poenitentem, & per modum poenitentiae eidem imponere, ut sibi eligat (si tamen conditio Personæ, loci, & occasionis patiantur) aliquem Confessarium, & huic eidem subsequenter tres aut quatuor confessiones deponat, assignato certo tempore v. gr. post singulas septimanas &c. Tum enim Confessarius pro suo zelo ac discretionem noverit attendere, an penitens habeat serium emendandi propositum, simulque praescribere, quod pro animæ salute judicaverit magis expedire.

107 Colliges tertio, non esse absolvendum poenitentem, qui non vult relinquere occasionem proximam, quàm primum se verè sine gravi detrimento eandem deferere posset; tamen si asserat, se firmissimè statuisse, deinceps non amplius

peccare &c. immò tamen si promitteret eam deferre post aliquot tempus, v. gr. unum aut alterum mensem, aut post medium annum &c. Ita communissimè sentiunt DD. Viva ad propos. 41. inter damnatas ab Alexand. VII. num. 10. Sanchez, Navarrus, Lopez, Arriaga, & alii plures, quos sequitur Cardenas Dissert. 40. num. 76. & seqq. Ratio est: quia ipsum nolle relinquere occasionem proximam peccandi, ubi posset fieri, est peccatum grave: at; hoc ipso talis poenitens convincitur nec habere dolorem, nec propositum efficacis universale, quippe quod se non extendit ad relinquendam occasionem proximam, quàm & posset, & teneretur mox deferere, urgente præcepto negativo non perseverandi in tali occasione: ergo. Ob eandem rationem absolvi nec potest, nec debet, qui cum posset & deberet, non vult restituere alienum; item qui non vult ignorare inimico suo, sed potius injustam sumere vindictam &c.

108 Colliges quarto, nec illum esse absolvendum, qui jam semel & iterum iustus relinquere occasionem proximam peccandi, idque pollicitus, non obedit, nec stetit promissis, licet absque gravi detrimento potuisset. Lryman, Sporer, Babenshub. Illung tract. 6. D. 6. num. 37. Viva cit. num. 16. La Croix & alii. Et merito: quia contra talem urget praesumptio valde clara, quod in prioribus confessionibus caruerit firmo, & efficaci proposito emendandi. Hinc priusquàm concubinam dimiserit, non est absolvendus, tamen si denuo promittat, se obtemperaturum. Si tamen ex aliis iudiciis rationaliter credi posset hic & nunc efficax propositum concepisse, aut si juratus promittat, se quantocumque dimissurum concubinam, existimant Gobat, Viva, Stoz, Sporer, & alii non pauci, eum ista quoque vice absolvi posse, sed non iterum alia, si redierit perjurii reus.

109 Colliges quinto, neque illum audiendum, vel absolvendum fuisse, qui sponderat quidem deinceps cameram suæ amariæ non amplius ingredi, quacum per aliquot annos jam assueverat impudicissimè conversari; noluit tamen absti-

abstinere à nocturna visitatione & accessu ad illius fenestram (ut ajunt) Ratio est : quia per hujusmodi accessum moraliter certo & evidenti periculo se exponet denuo relabendi in eisdem spurcitiis, & sin minus opere, saltem verbis, immò & tactibus lascivis &c. prout multiplex experientia docuit . Ob eandem graviter delinquendi rationem neque ipsi amasiæ indulgendum est, ut tempore nocturno ad fenestream cum tali conversetur . Si dicat, se absque gravi periculo & detrimento non posse suo amasio corporis usum, vel saltem lascivos hujusmodi tactus denegare, repellenda est modestè, velut indisposita, quippe quæ deberet quodcumque corporis & fortunæ detrimentum subire potius, quam rursus commercio carnali cooperando, & mortaliter delinquendo, incurrere jacturam æternæ salutis . Vid. Cardenas *Disser.* 4. *nam.* 147. *Viva cit.* num. 9. & 10. La Croix *l. 5. num.* 271. item *l. 6. p. 2. n.* 1831. Kreflinger *in addit.* 2. *d. diff.* 8. *post. n.* 47.

110 Colliges sextò, Possè absolvi mulierem, habitantem in domo, in qua est proxima occasio peccandi, si non possit excedere sine jactura propriæ famæ, aut necessariæ sustentationis, præsertim si sit talis, quæ non nisi admodum ægrè solet conficere, & altera pars complex indigeat necessaria ope cujusdam famulæ . Idem dicendum de filio-familias, frequenter peccante cum procaci famula, quam tamen ipse expellere nequit . Ratio est : quia secundum dicta *num.* 103. periculum peccandi neque in se peccatum est, neque infert necessitatem, aut tollit libertatem, adeoque potest cum eo conficere verus dolor de peccato (casu quo moraliter relinqui nequit) & resolutum propositum sese emendandi ; his autem positis pœnitens est debitè dispositus : ergo potest, ac debet absolvi . Idque verum est, & per se loquendo fieri debet, tamen si constitutus in tali occasione, quam deserere nequit, frequenter relabatur, eademque specie peccata afferat, quoties conficetur, prout rectè docent Layman *l. 5. tr. 6. c. 4. nu.* 10. Gobat *tr. 7. num.* 521. & 523. Rafsler, Mez-

ger & alii plures, quos sequitur Babenstuber *cit. d. 4. a. 1. num.* 23. Ratio est : quia non est prior ratio, cur talis semel potuerit absolvi, & non sæpius ; quemadmodum enim prima vice confessus non obstante occasione, quam supponitur non potuisse deserere, potuit verè dolere cum firmo proposito ex occasione proxima faciendi remotam, & sese emendandi ; ita ob eandem rationem in aliis confessionibus potest : ergo &c.

111 Dictum tamen fuit : *per se loquendo talis debet absolvi* &c. subinde enim (& utinam non frequenter) justè suspicari licet, talem pœnitentem hic & nunc carere serio dolore ac proposito, ubi nempe post duas, tres, vel adhuc plures confessiones idem specie peccatum, cum eadem præsertim persona, numero nihil minuto, fortè etiam aucto afferat : quò casu utique tam facilè absolvendus non est, sed saltem ad tempus, usque dum redierit emendatus, differenda absolutio, nisi edat specialia signa doloris hæcenus nunquam edita, quibus præsumptionem tam validam de sinistra dispositione elidat . Vide *DD. cit.*

112 Colliges septimò, à fortiori absolvendum esse, qui sæpius, immò semper redire consuevit cum iisdem peccatis venialibus ; quia cùm occasiones venialiter delinquendi sint propè innumeræ, & frequentissimæ, & hoc ipso nec possumus, nec teneamur sub tanta obligatione vitare occasiones venialiter peccandi, qua teneamur vitare occasiones peccandi mortaliter ; hinc profecto ex eo, quòd sæpius & quasi continuò pœnitens recidat in eadem, regulariter loquendo argui non debet, quòd hæcenus invalide confessus fuerit, nec habuerit serium emendandi propositum .

Nihilominus cogimur fateri, inter alias causas quòd post toties repetitas, & quasi innumeras confessiones multi etiam Religiosi exiguum & penè nullum faciant profectum, haud postremam esse hanc, quòd dolorem & proposita concipiant nimis generalia atque confusa ; & hoc ipso quod generaliter duntaxat proponant omnia

nia vitare (quod tamen ipsimet credunt ac prævident impossibile) fit , ut ejusmodi proposita sint languida , torpida , & imbellia , proptereaque meritò timendum ne sæpissime ob debilitatem & inefficiam tum doloris , tum etiam propositi absolutio evadat nulla , & sacrilega .

113 Idcirco non minùs piè quàm prudenter talibus consultit noster P. Sporer num. 339. ut omiſſa anxia cura afferendi in confessionem omnia peccata venialia in specie & numero , ea duntaxat , quæ magis gravant , quæque potissimum extirpata cupiunt , cum serio dolore , & emendandi proposito clavis subſciant ; quin immò ex his ipsis venialibus ſeligant unum , aliquod majoris considerationis , in quod extirpandum præ cæteris ampliùs incumbant : ad quem finem plurimùm conducit eligere de cœlitibus , ac invocare certum Patronum ; instituere examen particulare ; ſibiſque ipſi pro ſingulis relapſibus aliquam pœnitentiam præſcribere .

Colliges tandem Oſtavò , à Summis Pontificibus meritò damnatas , proptereaque in praxi minimè tutas eſſe ſequentes propoſitiones : prima (inter damnatas ab Alexandro VII. num. 41.) Non eſt obligandus concubinarium ad ejiciendam concubinam , ſi hæc nimis utilis eſſet ad obſtamentum concubinarium , vulgò , Regalo , dum deſiciente illa nimis agrè vitam ageret , & aliæ epulæ tædio magno concubinarium afficerent , & alia ſemula nimis difficile inventretur : ſecunda (quæ eſt num. 61. inter damnatas ab Innocentio XI.) poteſt aliquando ſolvi , quò in proxima ocaſione peccandi verſatur , quam poteſt , & non vult omittere , quin immò directè , & ex propoſito quærit , aut ei ſe ingerit : tertia (num. 62.) Proxima ocaſio peccandi non eſt fugienda , quando cauſa aliqua utilis , aut boniſa non fugiendi occurrat : quarta (num. 63.) licitum eſt quærere directè ocaſionem proximam peccandi , pro bono ſpirituali , vel temporali , noſtro vel proximi . Ratio juſtæ damnationis facile eruetur ex hætenus dictis ; nulla enim cauſa , præter impotentiam phyſicam vel moralem , excu-

ſat ab onere fugiendi ocaſionem proximam : atqui omnes & ſingulæ propoſitiones mox enumeratæ admittunt aliquid ultra , prout conſideratè legenti patebit : ergo meritò velut laxæ & ſcandalofæ fuerunt à Pontificibus reprobatæ . Videantur de his Viva cit. ad propoſ. 41. n. 11. Felix Potestas tom. 1. p. 4. c. 5. n. 3651. Cardenas Crif. Diſſert. 40. per tot. Sbogar Theol. radic. 17. 32. Item 17. 125. Reiffenſuel ubi ſupra 17. 14. diſſ. 8. à n. 47.

CONFÉRENTIA QUINTA.

De Confessione Sacramentali , ejusdemque obligatione .

SUMMARIUM.

- 115 Confefſio Sacramentalis eſt accuſatio de peccatis &c. &c.
- 116 Eaque duplex , inchoata tantùm , & completa ſeu legitima ;
- 117 Hæc poſterior ruruſus poteſt eſſe vel formalis , vel virtualis duntaxat .
- 118 Confefſio Sacramentalis omnium peccatorum eſt jure divino neceſſaria ;
- 119 Itemque jure eccleſiaſtico .
- 120 Præceptum confeſſionis qua divinum , per ſe obligat in mortis articulo .
- 121 Qua Eccleſiaſticum verò ſingulis annis per ſe ſemel .
- 122 Per occidens autem ſæpiùs obligare poteſt .
- 123 Recenſentur conditiones ad fructuoſam confeſſionem communiter deſideratæ :
- 124 Quæ & breviter explicantur .
- 125 Reſolvitur Caſus I. de Muliere , obverecundiam ſæpiùs (etiani in ipſo mortis articulo) ſacrilegè confeſſa .
- 126 Proptereaſque non ſatisficit præcepto confeſſionis .
- 127 Eſſo non fueris obligata conſiteri quàm primùm contraiſit .
- 128 Reſolvitur Caſus II. de Religioſo , quò ut Confefſario maneret incognitus , fate-

facebatur quidem, se contra votum castitatis deliquisse &c. negabat tamen se esse Religiosum.

- 129 *An talis satisfecisset, casu quo fuisset constitutus in sacris.*
 130 *Et quid, si solis cogitationibus peccasset?*
 131 *Resolvitur Casus III. de quodam à nativitate surdo & muto, satis tamen astuto, propterea ad confessionem obligato.*
 132 *Præcluditur quædam instantia in contrarium.*
 133 *Quenam circa talem penitentem Confessario sint specialiter observanda.*
 134 *An mutus scribere doctus, teneatur sua peccata in carta exhibere Confessario.*
 135 *In actu confessionis universim vitanda est superfluitas verborum &c.*
 136 *Covenda etiam vel maxime impatientsia & indiscretio ex parte Confessarii.*
 137 *Qui circa materiam necessariam mentitur, peccat graviter &c.*
 138 *Per se loquendo nullus tenetur ad confessionem publicam, seu publicè faciendam Confessario.*
 139 *An per accidens subinde quis teneatur.*
 140 *Confessio regulariter facienda est ore tenus, seu propriis verbis.*
 141 *Quo modo cum Sordasitis procedendum.*

§. I.

Præmittuntur, & breviter resolvuntur Quæstia, scitu necessaria ad debite resolvendos Casus, de obligatione & necessitate Confessionis Sacramentalis?

QUÆRES PRIMÒ, quid sit confessio Sacramentalis?

115 R. Est accusatio de propriis peccatis, facta coram sacerdote vero, aut saltem existimato ad eorum veniam impetrandam virtute clavium. Ita cum communi Henno, Reiffenstuel, Sporer. Dicitur autem accusatio; quia non merùm histo-

Elbel Theol. P. II.

ricè, sed animo accusatorio debemus confiteri peccata, & quidem propria, quippe quæ sola nobis virtute clavium remitti possunt, non item aliena. Additur insuper Sacerdoti vero, vel saltem existimato; quia debet fieri in ordine ad obtinendam remissionem virtute clavium; at, nemo sanæ mentis in hunc finem confitebitur alteri, quàm sacerdoti vero, vel saltem existimato; siquidem nulli alteri competat potestas clavium: ergo.

QUÆRES SECUNDÒ. Quotplex sit Confessio Sacramentalis?

116 R. Confessio Sacramentalis generatim sumpta duplex est, una scilicet inchoata tantùm & illegitima: altera legitima, & completa. Legitima dicitur, quando ad eam concurrunt omnia ex lege seu jure divino requisita, utputa debitus dolor, propositum efficax, integritas &c. Illegitima verò appellatur, quando aliquid ex jure sui lege divina necessarium deficit, utputa propositum efficax, vel dolor &c. Ratio autem hujus divisionis inde desumitur: quia juxta communem DD. obligatio sigilli oritur ex omni, & sola confessione Sacramentali: atqui pariter certum est, hanc obligationem oriri etiam ex confessione inchoata, modò hæc (quod bene notandum) supponatur facta in ordine ad absolutionem obtinendam, vel eo animo, ut confessus curetur aut juvetur eo modo, quo Confessarius judicaverit: ergo etiam talis confessio Sacramentalis dicenda est. Et si talis non foret, si quis scienter confiteretur aut non Sacerdoti, vel Sacerdoti quidem, at sine intentione obtinendi absolutionem, sed præcise vel consilii, & vel solatii causa, vel omnino fictè. Ita Sporer *num. 340.* & 341. cum Filine. Suarez, ConincK, & Dicastillo.

117 R. secundò. Confessio Sacramentalis legitima & completa rursus subdividitur in formalem, & virtuales. *Omnes.* Formalis habetur, dum quis omnia & singula peccata sua hic & nunc memorizæ occurrentia velut confitenda, quoad numerum & speciem explicitè proponit vel verbis, vel signis æquivalentibus, uti sunt litteræ: & talis confes-

P 3 fessio

fessio per se loquendo semper est necessaria, saltem necessitate præcepti divini, ut mox patebit. Virtualis confessio fit, quando pœnitens morbo vel alia de causa omnino impeditus à confessione formali, signo aliquo sensibili, utputa tunctione pectoris, suspiriis &c. ostendit & manifestat dolorosam simul & promptam voluntatem sua peccata explicandi, prout mox infra à num. 203. amplius patebit.

Quæres tertio, quo jure confessio Sacramentalis sit necessaria?

118 R. 1. Confessio omnium & singulorum peccatorum mortalium post baptismum commissorum, est jure divino necessaria ad obtinendam remissionem eorundem in Sacramento pœnitentiæ. Ita fides orthodoxa contra Lutherum, Zvinglium & alios hæreticos recentiores, quorum aliqui impudenter asseruere, confessionem primò fuisse inventam & introductam ab Innocentio III. in Concilio Lateranensi; quibus propterea Concil. Trid. sess. 14. de pœnit. can. 6. 7. & 8. anathema dicit. Et meritò quidem. Hæc etenim veritas catholica, præterquam quòd ex continua traditione, & perpetuo usu ac sensu Ecclesiæ constat, ita, ut absque nota pertinacia à quopiam negari non valeat, satis patenter deducitur ex verbis Christi Joan. 20. *accipite Spiritum Sanctum, quorum remiseritis peccata, remittuntur eis, & quorum retinueritis, retenta sunt*: quibus Apostolus, eorumque successores Sacerdotes suos Vicarios instituit velut Judices non merùm arbitrarie & pro libitu, sed necessariò adennandos; secus enim frustra & prorsus inefficaciter contulisset potestatem retinendi Sacerdotibus, si Fidelibus reliquisset liberam potestatem aperiendi eisdem peccata vel non: ergo ex jure divino tenentur se subijcere Judicibus spiritualibus: arqui Sacerdotes hoc judicium congruè exercere non possunt, nisi cognita causa, nec causam cognoscere, aut congruam pro delictis pœnam, vel etiam vulneribus animæ medicinam præscribere, nisi peccata ceu animæ vulnera vi confessionis numericè & specificè detegantur: ergo ad hoc te-

nentur ex jure divino. Profectò nec ullo modo est credibile (ut sapienter notat Herincx noster hic *disp. 3. num. 3.*) quòd unquam homines, præsertim Reges ac Principes tam sæculares, quàm ecclesiastici adèd unanimiter permisissent sibi eam legem imponi, quàm sæpe apprehenderunt ut sibi difficilem, nisi supposuissent à Deo constitutam. Videatur Clericatus de pœnitent. decis. 17. ubi usum confessionis Sacramentalis & auricularis jam inde ab exordio nascentis Ecclesiæ per omnia subsequencia sexdecim sæcula receptum testimoniis tum S. Scripturæ, tum etiam SS. Patrum & Conciliorum, variisque exemplis ac historicis peregrinè & fundatè ostendit.

119 R. Jam secundò. Datur insuper præceptum ecclesiasticum de facienda confessione Sacramentali & auriculari, prout expressum legitur in Concilio Lateran. relato cap. *omnis utriusque sexus. De pœnitent. & remiss.* Sequentibus omnino verbis: *omnis utriusque sexus fidelis, postquam ad annos discretionis pervenerit; omnia sua peccata, saltem semel in anno fideliter confiteatur proprio Sacerdoti: & injunctam sibi pœnitentiam studeat propriis viribus adimplere.* Quibus è verbis patet, hoc præcepto non obligari infideles (de quibus ceu de foris seu extra constitutis, Ecclesia non judicat 1. Cor. 5.) sed fideles duntaxat, & quidem omnes, etiam pueros ac puellas, quàm primùm ad usum rationis pervenerint, & mortaliter se deliquisse meminerint: tenentur, inquam, ad deponendam singulis annis confessionem, & quidem Sacerdoti proprio, qualis censetur tum Parochus, tum etiam Episcopus, vel alii Sacerdotes ab Episcopo pro talibus approbati. Vide

Quæres quartò, quo tempore, vel quoties præceptum confessionis obliget fideles?

120 R. primò. Certum videtur & indubitatum, quòd præceptum divinum per se obliget in articulo mortis; tum quia in eo vel maxime articulo quære oportet reconciliationem cum Deo; tum etiam quia si in tali articulo non obli-

obligaret nec impleretur, nunquam amplius obligaret, aut impleri posset: quod certè absurdum est: ergo in mortis periculo per se obligat. Quin etiam extra mortis articulum per se aliquoties saltem obligare (contra non paucos probabilissimè tenet Reiffenstuel *tr. 10. dist. 3. num. 11. Henno de pœnit. Disp. 3. q. 2. conclus. 2.* aliique satis communiter. Ratio hujus opinionis inde desumitur: quia ut constat ex Trid. Ecclesia non instituit confessionem; immò verò, ut ait Doctor subtilis, nunquam attentasset fidelibus tam arduum præceptum imponere, nisi intellexisset à Christo impositum; proptereaquè solum determinavit tempus certum, ut scilicet singulis annis saltem semel fieret: ergo verosimillimum est, quòd nec determinasset confessionem singulis annis faciendam, nisi intellexisset hoc præceptum ex mente Christi sæpius adimplendum.

Illud autem indubitatum videtur, illos, qui singulis annis semel confitendo adimplent præceptum Ecclesiæ, hoc ipso pariter satisfaciunt huic præcepto Divino, prout omnes fatentur.

121 R. Jam secundò. Præceptum confessionis quatenus ecclesiasticum per se loquendo obligat singulis annis semel duntaxat, prout patet ex clarissimis verbis Concilii Lateran. mox num. 119. relatis. Cæterùm, à quo tempore annus sit computandus, non ita conveniunt DD. aliqui enim volunt, esse computandum ab ultima confessione; alii à tempore paschali; eò quòd Ecclesiæ praxis videatur hoc ferre. Alii denique existimant, annum hunc esse computandum à prima Januarii usque ad ultimam Decembris: quia verba legis debent intelligi in sensu proprio, ubi inde nihil aliud absurdum sequitur, prout fit in nostro proposito. Quare juxta hanc opinionem verè probabilem satisfaciit præcepto Ecclesiæ, qui v. g. prima Januarii anni 1728. proximè præteriti confessus est, esto non amplius confiteatur usque ad ultimam Decembris hujus anni currentis 1729. quia de tali verificatur, quòd singulis duobus annis semel fuerit confessus. Lugo, Diana Clericat, Bosco *p. 3. d. 7. Sect. 6. n. 132.*

122 Dicitum tamen fuit: *per se loquendo semel duntaxat in anno obligare hoc præceptum*; per accidens enim obligari quis potest sæpius; idque toties, quoties tenetur fumere Eucharistiam, & habet copiam Confessarii; item quoties judicat se non posse tentationibus resistere, nisi confiteatur: quod tamen rarissimè contingit. Ita Henno *l. cit. in fin.* Mastr. Reiffenstuel *n. 16. Sporer num. 321. Layman l. 3. tr. 6. c. 5. num. 6.*

Quæres quintò, quænam conditiones requirantur ad salutarem peccatorum confessionem?

123 R. S. Thomas *q. 9. Supplem. art. 4.* & post eum Theologi communiter, sexdecim requirunt conditiones, sequentibus versiculis comprehensas:

Sit simplex, humilis Confessio, pura, fidelis: Atque frequens, nuda, & discreta, libens, verecunda; Integra, Secreta, & lachrymabilis, accelerata, Fortis, & accusans, & sit parere parata.

Esto autem non omnes mox enumeratæ conditiones sint simpliciter necessariæ ad confessionem legitimam, prout satis liquet de illis præsertim duabus, ut sit *frequens, & accelerata*: quia, ut alibi docetur, non tenetur Peccator post perpetratum peccatum grave mox recurrere ad hoc Sacramentum, licet recurrendo optimè faciat: certum tamen esse debet, quòd omnes ac singulæ conditiones ad fructuosam hujus Sacramenti participationem, apprime conducant, prout faciliè quisque colliget ex mox dicendis. Hinc

Quæres sextò, quo sensu intelligendæ sint mox recensitæ conditiones?

124 R. In sequenti. 1. *Simplex* debet esse confessio, id est, non intermixta discursibus, aut sermonibus impertinentibus. 2. *Humilis*, ita, ut pœnitens cum humilitate cordis & corporis, genibus scilicet flexis (nisi excuset infirmitas) & nudato capite (dum Mas confiteretur) sua delicta deponat. 3. *Pura* sit oportet, id est, ob finem honestum facta, utputa ad recuperandum cum Deo amicitiam, vel gratiæ augmentum. 4. *Fidelis*, id est, sine mendacio, præ-

sertim in materia gravi & necessaria ad iudicium Sacramentale, quippe quod obstarat valori huius Sacramenti. 5. *Nuda* debet esse, id est, non fucata certis verborum ambagibus, quibus peccatorum gravitas aut species palliuntur, vel omnino excusentur. Ulterius 6. *Discreta* sit, oportet, tum quia poenitens debet uti honestis ac discretis verbis, maxime in explicandis peccatis carnalibus; tum etiam quia debet eligere Confessarium prudentem & eruditum, qui sciat, aut certe creditur scire inter lepram & lepram discernere. 7. Insuper debet esse *libens*, id est, voluntarie, & animo recipiendi Sacramentum facta. Item 8. *Verecunda*, ita, ut poenitens corde & ore proferat verecundiam, non autem per modum fabulæ vel nudæ historiæ sua imprudenter enarret peccata, prout nonnulli assuevere, de quorum dispositione merito dubitare licet, proinde serio admonendi sunt. Additur 9. *Secreta*; ne enim redderetur nimium difficilis, Christus sapientissimè instituit, ut confessio fieret secretò, ad aures scilicet (unde & auricularis appellatur) solius Sacerdotis; Cui etiam imposuit strictissimam obligationem sigilli, ut inferius videbimus. 10. *Lachrymabilis* debet esse, non quidem lachrymis corporis (quippe quæ non semper sunt in nostra potestate) sed mentis & cordis, id est, cum vera dispendentia & dolore de peccatis, firmoque emendandi proposito, prout jam declaratum fuit in superiori Conferentia. 11. *Fortis* insuper sit, necessum est, ne videlicet ob naturalem verecundiam aliquid ex necessariis reticeatur. 12. Item *accusans*; quia debet ita esse constituta, ut poenitens per eam sese reum fateatur & accuset, non verò culpam in alios, utputa malos socios, Maritum aut proles, vel in diabolum inaniter refundat; cum isti omnes voluntatem liberam ad peccandum cogere non potuerint. Additur tandem 13. *Et sit parere parata*; intellige, in illis, in quibus velut necessariis ad legitimam & fructuosam huius Sacramenti administrationem, poenitens tenetur obedire Confessario utputa in acceptanda poenitentia) de qua infra à nu.

127.) in vitandis occasionibus proximis in restitutione male ablatorum, quantum fieri potest; secus enim poenitens non haberet propositum efficax, nec esset ab solutione dignus. Hæc breviter insinuas se sufficiat. Qui fusioem explicationem nosse cupit, adeat P. Stoz l. 1. p. 3. à nu. 18. vel nostrum P. Henno de poenit. Disp. 5. q. 4. Qualiter autem confessio debeat esse integra ex professo dicemus Conferentia proximè sequenti; cum hæc sit conditio majoris momenti, & indagine digna. Jam sit

6. II.

Proponuntur, & breviter resolvuntur
Casus practici de obligatione &
necessitate Confessionis Sa-
cramentalis.

CASUS PRIMUS.

TITIA quoddam peccatum carnale admis-
sum, ex verecundia damnabili mul-
to tempore reticuerat, etiam tunc; quan-
do in partu extremè periclitata, consu-
ta moribundis Sacramenta & postulavit,
& actu suscepit. Tandem post aliquot
menses periculo jam pridem erepta,
partim internis inspirationibus, partim
etiam externa Concionatoris ejusdam,
in Sacrilegos silentarios detonantis, vo-
ce excitata, cum multis lachrymis in-
tergerime confessa fuit. Jam verò du-
bitatur 1. An Titia vi præcepti Divi-
ni fuerit obligata ad confessionem, dum
adveritit se appropinquare partui? 2. U-
trum huic præcepto satisfecerit per con-
fessionem sacrilegam? 3. An non commis-
sit novum peccatum ex eo, quòd pericu-
lo erepta confessionem dissulerit ad aliquot
menses?

125 R. Ad primum cum distinctio-
ne. Vel enim Titia prævidit ex instan-
te partu sibi imminere periculum vitæ,
vel non? si non prævidit, eò quòd
v. gr. in prioribus partibus semper se-
lex evaserit, dicendum, quod non fue-
rit obligata præcepto Divino, quippe
quod per se loquendo obligat solum in pe-
riculo vitæ, vel ad summum aliquoties per
vitam

vitam tempore indeterminato. Contra verò, si supponatur rationabiliter timuisse aut prævidisse imminere sibi ex partu periculum vitæ, vel quia aliis temporibus semper fuit exposita periculo, vel quia ex certis circumstantiis Medici iudicarunt non parturam absque discrimine vitæ, vel etiam quia prima vice gestabat uterum, dicendum foret, eam peccasse mortaliter negligendo confessionem: quia hoc præceptum divinum urget in articulo vel etiam probabili periculo vitæ: atqui Mulieres prima vice parturientes, item quæ nunquam sine periculo vitæ parere consueverunt, æquiparantur constitutis in articulo mortis: ergo tenebatur &c. Nec licet distulisset suam confessionem usque ad fatalem luctum cum partu, quia in tantis angustiis & pressuris corporis plerumque non sunt sibi satis præsentis, aut certe non satis dispositæ ad verum dolorem de peccatis.

126 R. Ad secundum. Si Titia mala fide peccatum reticuit, ita, ut agnoverit se mortaliter peccare omitendo, prout casus supponit, dicendum, quod neque præcepto ecclesiastico, neque præcepto Divino satisfecerit, prout satis liquet ex declaratione Alexandri VII. damnantis sequentem propositionem *numer. 14. qui facit confessionem voluntarie nullam, satisfaciit præcepto Ecclesiæ*. Secus dicendum foret, casu quo ex errore invincibili existimasset, se reticendo peccatum mortale non peccare, nisi venialiter; quia peccatum veniale non obstat valori huius Sacramenti, sicut nec obstat reconciliationi cum Deo.

127 R. Jam ad tertium. Titia differendo confessionem ad aliquot menses posteaquam convaluit, non commisit novum peccatum. Ita præter alios Stoz l. 1. pag. 3. num. 12. Ratio est: quia obligatio confitendi est alligata, tempori periculoso, quo elapso expirat, instar aliarum obligationum certo tempore affixarum: ergo non peccavit differendo confessionem, nisi interea novum incidisset periculum mortis; quia tunc de novo cœpisset obligare præceptum confessionis; aut nisi interim in-

cidisset tempus paschale, quo debuisset sumere sacram communionem, ideoque præmittere confessionem. Vide Gohat *Theol. experim. tract. 6. num. 247. & seqq.*

CASUS SECUNDUS.

Sempronius Religiosus Sacris ordinibus non dum initatus apud Confessarium ignotum sese humiliter accusavit de quibusdam cogitationibus impuris, immò & lascivis iactibus proprii corporis. Ne verò Religionem suam quoquo demum modo prostituere aut se manifestaret, Confessario interroganti, an esset Religiosus? Respondit: Religiosus non sum, bene verò voto castitatis jam pridem emissio obstrictus, sicque absolutus abiit. Jam verò dubitat, quid de valore hujus Confessionis sibi tenendum?

128 R. Confessio fuit valida: licet enim videatur mentitus, dicendo se non esse Religiosum, qualis revera fuit, ideoque pariter negaverit se voto solemniter castitatis obstrictum; quia tamen factus est se, contra votum castitatis deliquisse, satis expressit circumstantiam Sacrilegii: neque enim votum solemniter substantialiter differt à voto simplici, prout rectè docet Sanchez de Matr. l. 7. dist. 27. num. 40. Palao, la Croix, & alii satis communiter: ergo parùm refert, sitne sacrilegium illud admissum contra votum solemniter, aut contra votum simplex. Quin immò fieri potuit, ut Sempronius negando se esse Religiosum, ne venialiter quidem deliquerit, si cum restrictione mentali loquendo subintellexit, se non esse Religiosum, in quantum scilicet vitio carnis deductus erat & obstrictus: qua restrictione licet uti potuit, utpote rationabili motivo suam Religionem non prostituendi, inductus.

Dices. At quid, si Sempronius fuisset etiam Sacris Ordinibus insignitus, peccassetne dicendo præcisè, se contra votum castitatis deliquisse, non expressa circumstantia Sacrorum Ordinum?

129 R. Multi DD. nominatim Henriquez, Sanchez, Diana p. 1. tr. 7. resol. 3. & 4. aliique probabile putant, etiam talem satisfacturum, præcepto Confessionis.

At

At verò si Sempronius noster opere externo deliquit, procurando pollutionem &c. mihi longè probabilius videtur, non satisfecisse præcepto Confessionis; quia non expressit circumstantiam necessariò exprimendam, hanc scilicet, quòd corpus suum ceu rem sacram, vi Sacri Ordinis ad altaris ministerium specialiter consecratam, polluendo profanaverit, non sine speciali Sacrilegio; quale non commisset, dato, quòd voto duntaxat simpliciter fuisset obstrictus; siquidem vi hujus corpus non reddatur singulariter Sacrum, seu ad cultum divinum deputatum, prout bene advertunt Medina in *summ.* l. 1. cap. 14. §. 18. Arriaga, & Rodriguez, quas citans sequitur Layman l. 4. tr. 10. c. 7. num. 4.

130 Dixi: Si opere externo deliquit, polluendo corpus &c. Etenim si supponeretur solis cogitationibus lascivis, absque intentione aliquid opere externo, quo corpus suum pollueret attentandì &c. probabilissimè adhuc satisfecisset præcepto confessionis: quia per meras cogitationes internas non polluitur corpus, sed potius animus, esto contra votum; quòd, cùm penitens noster expresserit, satis explicuit hanc circumstantiam sacrilegii. Vid. Sanchez l. 3. mtr. cap. 1. num. 6. Filliuc. *tract.* 10. num. 116. Stoz l. 1. p. 1. num. 30.

CASUS TERTIUS.

CAja Filium suum à nativitate mutum simul & surdum, satis tamen astutum, à viliis, quibus assueverat, tum verbis, tum etiam verberibus retrahere sepius conabatur, tandemque secum ad Confessarium adducens, demissè cepit rogare, quatenus is velit filii sui confessionem excipere. Dubitatur jam 1. an memoratus puer surdus simul & mutus fuerit obligatus ad confessionem? 2. Quidnam circa talem penitentem in his circumstantiis singulariter fuerit observandum Confessario?

131 R. Ad primum cuni Scot. 4. d. 17. q. un. Mastr. 4. d. 5. nu. 447. Henno & aliis affirmativè. Ratio est: quia Christus præcipiendo confessionem, non

tam verba, quàm manifestationem dolorosam peccatorum intendit; cùm nihil aliud videatur necessarium ad hoc, ut Confessarius ceu Judex spiritualis debitam ferat sententiam absolutionis, prout constat ex recepta praxi Ecclesiæ circa Moribundos; de qua infra mox pluribus dicemus: atqui mutus simul & surdus potest suo modo signis aut nutibus manifestare sua peccata, vel saltem hoc, quòd sit peccatis obnoxius: ergo si supponatur esse doli capax, tenetur quantum humanitus potest, ad dolorosam peccatorum suorum manifestationem.

132 Nec refert, quòd Concilium Florentinum doceat, partem materialem hujus Sacramenti esse confessionem oris; per hanc enim particulam solùm intendit docere, peccata esse sensibilibus & intelligibilibus, quantum fieri potest, manifestanda, quod regulariter fieri assolet voce: minime verò per hoc intendit excludere confessionem aliis signis faciendam, ubi non potest fieri oretenus seu vocibus. Hac forsitan de causâ Concilium Trid. sess. 14. de pœnit. c. 3. ommissa particula oris, docet duntaxat, partem hujus Sacramenti penitentiae esse Confessionem.

133 Ad secundum R. In his circumstantiis à Matre præ primis fuisse indagandum, an memoratus puer hætenus nunquam sit confessus alteri, qui ipsius vitam, mores, gestus ac nutus melius haberet sibi perspectos; si enim talem sciret, ad eundem potius relegandus, foret & mittendus. At verò si nullum sciat, tunc ab ipsa muliere Confessarius debuit prius explorare mores, nutus, ac gestus, quidnam scilicet per hos vel illos velit significare, quatenus ex illis facilius posset colligere species peccatorum. Solent autem plerique muti sese acculare de iracundia, manum in modum pugni contrahendo, vultuque minaci concutendo &c. De gula se acculant, ad os digitos projiciendo; de ebrietate, manu ac pollice elevato quasi ciathum in idem os infundendo; de aedia, super vola manns caput reclinando &c. & sic de aliis. Explorato igitur mutuo in hunc modum, peccatisque quoad spe-

speciem & numerum, quoad fieri licuit, cognitis, Inducendus erit ad verum & supernaturalem dolorem, ostendendo eisdem Crucifixum, ac vulnera Christi, velut quasdam peccatorum nostrorum reliquias &c. pectusque tundendo cum pia oculorum in celum elevatione &c. Tandemque imposita salutari penitentia (quæ respectu talis à nativitate muti & surdi, vix poterit esse alia, quàm devota peccatoris tussio, vulnerum Christi è cruce pendentis exosculatione &c.) eundem absolvat, vel si de vero supernaturali dolore, aut sufficienti ejusdem dispositione etiamnum existimet dubitandum, absolvat eum sub conditione. Vide Gobat *tr. 7. n. 477.* vel Clericatum *de pœnit. decis. 22. n. 14.*

Dices. Quidsi autem mutus sciat scribere, tenebiturne sua peccata in cartham redacta scriptis exhibere?

134 R. Negant hoc Scotus, Sporer, Filliuc. Diana, alique multi insignes DD. eò quòd Scriptura de se sit aliquid publicum, ideoque scribendo peccata pœnitens sese exponeret periculo publicæ diffamationis, ad quam se non extendit præceptum confessionis: ob hanc enim rationem DD. communiter tenent, neminem obligari ad confessionem faciendam per interpretem.

Econtra Clericatus *cit. n. 13.* Reinssuet, Henno, la Croix *nu. 1194.* Babenstuber *diff. 5. art. 1. num. 23.* alique probabilius censent, mutum in eo casu teneri ad scribendum; tum quia facile scribere potest, uti supponitur; tum etiam quia non minus faciliter cavere poterit, ne cartha continens peccata, veniat ad manus alienas, eandem mox post peractam confessionem in minutissimas particulas dilacerando, vel etiam comburendo &c. prout multorum praxis fert: ergo non videtur subesse ratio sufficiens, quæ talem mutum ab onere scribendi excuset. Et hanc opinionem omnino veram, atque in praxi urgendam censeo, casu quo pœnitens mutus aliter sua peccata nequit competenter manifestare, nec aliunde eliciendæ contritioni perfectæ assuevit.

§. III.

Corollaria ex dictis inferenda.

135 **C**olliges primò, in actu confessionis narrationes superfluas & inutiles omnimodis esse vitandas, & quantum rationabiliter fieri fas est, à Confessario resecandas; tum quia secundum dicta confessio debet esse simplex; tum præsertim, quia sæpe non sunt absque injusta diffamatione proximi &c. & aliorum adstantium tædio. Peccant igitur (ait rectè Henno *cit. q. 4.*) qui ubi audiverunt novum pœnitentem, inquirunt de ejus nomine, domo, familia, vel hujus gubernatione &c. corporis sanitate, negotiorum successu &c. quia hæc & similia interrogando (ubi ad integritatem confessionis, vel ad salutem pœnitentis non sunt necessaria) irrogant Sacramento injuriam.

136 Colliges secundò, contra virtutem discretionis (qua in administratione hujus Sacramenti singulariter opus est) non parùm delinquere illos Confessarios, qui examinando pœnitentes, præsertim circa materiam lubricam, minus cautè, aut minus circumspectè procedunt (de quo infra à n. . . .) Item qui in correctionibus severitate non temperant lenitate, ita, ut vulneribus sauciati non infundant vinum discretionis, simulque oleum misericordiæ. Quo circa enormiter errant illi Confessarii, qui intellecto uno, alterovè peccato graviore, mox severiori inculpatione & durioribus verbis invehuntur in pœnitentes, quo fit, ut non raro miselli pœnitentes tanta indictione, aut potius asperitate perterriti reddantur nimium confusi ac pusillanimes, vel etiam reliqua peccata graviora mala fide reticeant, & loco gratiæ Sacramentalis remissionis conscientiæ de commissis sacrilegio reportent; quod, utinam non nimis frequenter contingeret! An bene? Judicent ipsimet: simulque perpendant hujus Sacramenti finem, qui est, *lucrari*, non *perdere* animas: meminerint etiam, qua mansuetudine & discretionem Christus fuerit usus erga pœnitentes verè contritos.

137 Colliges tertio, Pœnitentem peccare mortaliter, si mentitur circa rem seu materiam spectantem ad substantiam hujus Sacramenti, vel si graviter decipiat Confessarium, utputa negando aliquod peccatum mortale, vel circumstantiam speciem mutantem hic & nunc necessario exprimendam. Item fatendo aliquod peccatum mortale, quod re ipsa non commisit: Idem dicendum foret, si unum duntaxat veniale peccatum, sed re ipsa nunquam commissum adferat: quia in his casibus Sacramentum frustratur non sine gravi sacrilegio.

138 Contra tamen venialiter solum peccat, qui mentitur in materia solum levi, id est, non necessario pertinente ad iudicium sacramentale, utputa circa peccata venialia tantum, vel circa mortale quidem, sed jam semel legitime dimissum: quia cum hæc non amplius sint materia necessaria absolutionis, idcirco non irritatur Sacramentum, nec ponitur obex gratiæ, esto per huiusmodi mendacium levis saltem injuria irrogetur Sacramento. Sporer, Laym. Lugo *disp. 14. sect. 8. num. 123.* Gobat *ir. 6. num. 538. & seqq.* la Croix à nu. 1175. Colliges quarto, neminem teneri (perse loquendo) ad faciendam confessionem publicam; quia ut ex dictis constat, Christus Dominus instituit confessionem *secretò apud solum sacerdotem faciendam*, ut loquitur Concilium Trident. *sess. 14. c. 5. & can. 6.* ne scilicet confessio redderetur nimis odiosa; esto nunquam prohibuerit, nullo minus invaliditatem confessionem publicam, prout constat ex praxi Ecclesiæ, & communi DD. consensu, unanimiter asserentium, confessionem factam mediante interprete, esse validam, etsi ob rationem mox datam nullus per se loquendo teneatur confiteri per Interpretem. Scot. Bosco *cit. disp. 7. sect. 7. n. 22. & 35.* Stoz *l. 1. p. 3. n. 77.*

139 Dixi rursus: *per se loquendo nemo tenetur* &c. Enim verò in casu extremæ necessitatis v. g. naufragii vel tempore pestis &c. Peccator in articulo mortis constitutus, simulque dubius, vel non satis securus de contritione perfecta, secundum tutiorem sententiam tenetur ali-

quod saltem leve, & minus diffamatorium peccatum publicè, vel etiam per interpretem confiteri, quatenus median- te attritione & Sacramento pœnitentiæ gratiam sanctificantem & æternam salutem consequatur; at, hoc solum ex charitate erga seipsum & propriam salutem, ideoque ex præcepto confessionis non per se, sed per accidens. Vasq. Aversa, Amicus, Mastrius *cit. n. 452.* Reinffestuel *ubi supra n. 23.*

140 Colliges quintò, Confessionem regulariter loquendo oretenus, ac propriis verbis pœnitentis esse faciendam; id enim à Christo fuisse præceptum & institutum, Ecclesia nunquam non tenuit, prout partim ex Conciliis, partim etiam ex consensu DD. & praxi Ecclesiæ constat. Nihilominus in casu impotentiae physiciæ, vel etiam morali, excusatur pœnitens à confessione oretenus facienda, prout rursus constat ex praxi; hanc enim ob causam muti peccata sua vel scriptis, vel nutibus aut aliis signis exprimentes sacramentaliter solent, immò debent absolvi. Idem fieri amat in casu, ubi pœnitens ægrotans vel omnino non, vel certè non sine permagna difficultate valet loqui; aut ubi Surdaster nimis altè clamando peccata sua deponeret, ita, ut ab aliis fortè adstantibus intelligeretur: In his enim & similibus casibus satisfaceret, vel signis ac nutibus manifestando, vel etiam scriptotenus exhibendo sua delicta Confessario, moxque voce sensibili subjungendo: *de his peccatis commissis memet accuso, doleo, & propino* &c. &c. Idipsum Lugo, Layman, Bosco & alii plures admittunt, casu quo aliqua Puella ob nimiam verocundiam non auderet oretenus sua peccata exprimere; quod tamen raro, vel nunquam omnino permittendum esse rectius sentiunt Mastr. *cit. disp. 5. num. 475.* Reinffestuel *n. 27.* Clericat. *decis. 21. n. 21.*

141 Colliges tandem sextò, cum Surdaster eo serè modo in praxi esse procedendum, quo modo mox supra *n. 131. & seq.* diximus cum mutis procedendum, ita scilicet, ut si absque periculo diffamationis apud alios incurrendæ sua peccata

sata verbis exprimere non possint, illud meliori quo possunt modo faciant peritus vel alia signa. Sapienter tamen monet Lessius in *Conf. Verb. Confessarius*. cap. 11. hujusmodi surd-stros imperfectè solum confitentes, in magnis populorum concursibus non esse audendos (nisi forte in aliquo loco privato ab aliis sequestrato) nec absolvendos, sed potius in aliud tempus relegandos. Nihilominus si Confessarius aliunde novit, pœnitentem esse integerrimè, nec asuetum, nisi meris venialibus, possit in magna festivitate ob majorem fructum spiritualem ex participatione Sacramentorum percipiendum admitti, eideique aliqua pœnitentia digitis, vel rosario, vel etiam globulorum preciorum ostensione imponi, tametsi ab aliis fortè apprehenderetur; in hoc enim censetur saltem tacite consentire, eo ipso, quòd cum aliis commune confessionale accedant. Minimè verò approbandum, quin potius velut reverentiæ Sacramenti contrarium mihi semper videbatur si Confessarius in tali loco publico cum hujusmodi surd-streis multum & ultè elament interrogando, & examinando species peccatorum, præsertim gravium: relegandi enim sunt in alium locum privatum, aut certè, ubi hoc fieri, nequit, præstat eos imperfectè confessos & contentos, absolvere ac dimittere, quàm cum periculo diffamationis, non sine læsione fig. II. severius eximare; quòdquidem in hac suppositione interveniat vera impotentia moralis, quæ secundum omnes excusat ab integritate materiali confessionis, proit amplius conitabit, ex proximè dicendis. Vide Gobat cit. tract. 7. à num. 471. Sporer num. 488. & seqq.

CONFERENTIA

SEXTA.

De Integritate Confessionis, & examine conscientiæ confessioni præmittendo.

SUMMARIUM.

- 142 Confessio regulariter loquendo præmittendum est examini conscientie.
- 143 Quanta in eo diligentia sit adhibenda;
- 144 Et unde colligendam, an diligentia fuerit sufficiens?
- 145 Confessionis integritas duplex est, alia materialis, alia formalis.
- 146 Regulariter loquendo necessaria est integritas materialis.
- 147 Ad valorem tamen Sacramenti sufficit etiam formalis.
- 148 Tres dantur causæ excusantes ab integritate materiali, 1. Oblivio inculpata, 2. Impotentia physica, & 3. Impotentia moralis.
- 149 Quandoque censetur intervenire impotentia physica;
- 150 Et quanto impotentia moralis.
- 151 Resolvitur Casus I. de quodam Rustico, qui à primo ingressu ad Ecclesiam, mox properavit ad sacrum tribunal, de suis autem delictis nihil edicere potuit.
- 152 Confessarius eundem mox cum indignatione repellendo, non bene fecit.
- 153 Quid circa infirmos nolentes confiteri sub prætextu, quòd nondum sese examinavit, sit specialiter observandum.
- 154 Resolvitur Casus II. de muliere assue- ta proptio suo Pastori, leviora delicta confiteri, gravioribus reticentis.
- 155 Non est de facili credendum, quòd rationabiliter timere infamiam ex confessione: sed neque eorum famulioribus de peccatis confessi quidquam est narrandum.
- 156 Resolvitur Casus III. de Milite, dubitante an sit valitè nuper confessus, quòd plurimum peccatorum fuerit oblitus.

- 157 *Quo modo huic dubio occurrendum, & unde concipienda resolutio ejusdem.*
- 158 *Talis pœnitens non est obligandus ad anticipandam confessionem, nec ad scribenda peccata sua, tametsi praevideat, fore, ut aliquorum peccatorum oblitiscatur.*
- 159 *In confessione non licet plus reticere, quam necessitas possulet.*
- 160 *Nec quaecunque suscipio vel inanis timor alicujus diffamationis excusat ab integritate, sed debet esse rationalis & fundatus.*
- 161 *Diffamatio complicitis apud Confessarium præcisè incurrenda, probabilius non excusat ab integritate materiali.*
- 162 *Neque magnus penitentium concursus præbet justam causam dimidians confessionem.*
- 163 *Peccata prius omissa cessante impossibilitate, in Confessione proxima necessariò debent subijci clavibus.*

§. I.

Præmittuntur, & breviter resolvuntur quæstia, scitu necessaria ad debitè resolvendos Casus de examine Conscientiæ, & integritate Confessionis.

QUÆRES PRIMÒ, Sitne Confessione præmittendum examen conscientie?

142 R. Affirmativè cum *Commun. DD.* Ratio est: quia obligatus ad aliquem finem, pariter censetur obligatus ad media in hunc finem necessaria: at, quilibet fidelis tenetur ad confessionem integram suorum peccatorum; in hunc autem finem necessarium est examen conscientie, id est, diligens inquisitio in delicta, qua sine (saltem regulariter loquendo) nemo satis agnoscat sua delicta: ergo etiam quivis meritò censetur obligatus ad præmittendum examen conscientie, & *diligentem sui discussionem*, ut loquitur Concilium Trident. sess. 14. cap. 5.

QUÆRES SECUNDÒ, quanta diligentia

sit adhibenda in examine conscientie?

143 R. Tanta est adhibenda ab unoquoque, quantam quivis prudens in aliis negotiis magni momenti adhiberet, seu (ut loquitur Scotus 4. dist. 17. q. un. a. 2.) quam faceret circa negotium arduum, quod ipsi multùm cordi esset. Ratio est: quia confessio Sacramentalis, utpote ex qua salus animæ dependet, meritò connumeratur inter negotia majoris momenti: ergo si in aliis hujuscemodi negotiis gravioribus quisque prudentum existimat, sibi adhibendam esse diligentiam, gravitati causæ commensuram, quidni etiam in hoc animæ negotio requiratur diligentiam, gravitati hujus negotii animæ commensurata?

144 Cæterùm, ad dignoscendum, an quis sufficientem adhibuerit diligentiam, nec ne? universalis regula tradi non potest, prout bene advertunt Gobat, Mastrius, Sporer, Clericatus, & alii: sed ea vel maxime desumenda est, & commensuranda ex qualitate Personæ, negotiorum, occasionum, item à diuturnitate temporis ab ultima confessione præterlappi: suadet quippe prudentia & recta ratio, majori diligentia latebras conscientie esse discutendas ab eo, qui à longo tempore vel omnino nunquam, aut certè non, nisi invalidè confessus fuit, quàm ab alio, qui non adeò pridem sarcinam deposuit. Majorem item diligentiam insumere debent illi, qui vel pluribus occasionibus & periculis peccandi expositi, vel etiam licentiosiori vitæ assueti, in quælibet vitia prolabi assueverunt, quàm alii regulariter vitam morigeram, & Christiano homine dignam ducentes, vel etiam pluries intra annum confitentes &c. videatur Clericatus decis. 21. à num. 7. Laym. l. 5. trad. 6. c. 8. Sporer à num. 363. Stoz lib. 1. par. 1. num. 6.

QUÆRES TERTIÒ quotuplex sit integritas Confessionis?

145 R. Est duplex, materialis scilicet, & formalis. Materialis est, vi cuius omnia & singula peccata quoad numerum, speciem, & circumstantias speciem mutantem exponuntur; peccata enim secundùm superiùs n. 8. dicta, sunt

ma-

materia confessionis, quare ubi hæc exponuntur omnia, nullo profus prætermiſſo, rectè appellatur confessio materialiter integra, id est totalitatem seu integritatem totius materiæ complectens. Formalis integritas est, vi cujus exprimuntur omnia illa peccata, quoad numerum, speciem, & circumſtantias &c. quæ hic & nunc conscientia practicè dicat, eſſe conſtitenda, eſſi ſortè vel ex oblivione inculpabili, vel ſcienter quidem, ſed ob aliam juſtam, aut certè exiſtimatam rationabilem cauſam (quas proximè dabimus) unum aut alterum reticeatur. *Communis DD.*

Quæres quartò, qualis integritas ſit neceſſaria ad valorem hujus Sacramenti?

146 R. Regulariter loquendo, ſaltem ex præcepto divino, neceſſaria eſt integritas materialis. Ita Catholici omnes. Et habetur expreſſè dicium in Concilio Tridentino relato ſeſſ. 14. c. 5. his omnino formalibus: *univerſa Eccleſia ſemper intellexit, inſtitutum etiam eſſe à Domino integram peccatorum confeſſionem, & omnibus poſt baptiſmum lapſis jure divino neceſſariam: quia Dominus noſter Jeſus Chriſtus è terris aſcenſurus ad cælos, Sacerdotes ſui ipſius Vicarios reliquit, tanquam Præſides & Judic. s, ad quos omnia mortalia crimina deferantur &c.* Rationem aheadem Sacra Synodomox ſubjunctam l. c. jam ſuperius n. 118. inſinuavimus. Vide etiam Clericatum decif. 23 n. 4. & ſeqq.

147 Dixi, regulariter loquendo neceſſariam eſſe integritatem materiale ſaltem ex præcepto divino; Nam ad eſſentiam & valorem hujus Sacramenti ſufficit etiam integritas formalis. Ratio eſt: quia infinitæ bonitati & ſapientiæ Dei repugnare videtur, ad eſſentiam hujus tani neceſſarii Sacramenti requirere aliquid, quod tæp ſſime moraliter, & tæpe etiam phyſicè eſt impoſſibile, uti eſt integritas materialis: ergo ad hoc Sacramentum tain validè, quàm fructuoſè etiam ſuſcipiendum ſufficere debet etiam formalis integritas. Et ita ſemper tenoit, ac etiamnum tenet Eccleſia univerſalis.

Quæres quintò, quænam cauſæ excuſent ab integritate materiali confessionis?

148 R. Generatim loquendo tres reperiuntur, & à DD. communiter recenſentur cauſæ excuſantes ab integritate materiali, prima eſt inculpata oblivio, ſecunda impotentia phyſica, & tertia impotentia moralis. Ita cum *communi Maſtrius, Boſco p. 3. diſp. 7. ſeſſ. 9. n. 2. Herincx diſp. 3. num. 13.* Ratio jam ſuit inſinuata: quia ſcilicet Chriſtus Dominus voluit juzum ſuum eſſe ſuave, nec pœnitentes obligare ad aliquid impoſſibile, prout tum ex ſenſu & uſu receptiſſimo Eccleſiæ, tum etiam ex *communi DD.* calculo conſtat: at, ubi intervenit inculpata oblivio, vel impotentia phyſica, aut moralis, impoſſibilis eſt integritas materialis: ergo in his caſibus ſufficit integritas formalis.

Dices: Quandonom igitur cenſetur ad eſſe impotentia phyſica, vel etiam impotentia moralis?

149 R. 1. Impotentia phyſica cenſetur intervenire in ſequentibus Caſibus. 1. Si pœnitens eſt mutus, aut balbutientis linguæ, vel etiam ignoti idiomatis. 2. Si infirmus volens confiteri, priùs, quàm Confefſarius advenit, vel etiam poſteaquam unum aut alterum peccatum jam explicuit, ſubito deſtituatur loquela. 3. Si anguſtiæ temporis, loci, vel etiam inſtans periculum mortis v. g. in naufragio, non permittant. 4. Si Confefſarius ipſemet timeatur moriturus, priùs, quàm pœnitens confeſſionem materialiter integram peragat, præſertim quando ſimul ex parte pœnitentis concurrat animæ periculum ex negatione, vel dilatione abſolutionis. Tannerus *Diſp. 6. q. 7. num. 68. Sporer nu. 461. Reinſtuel tr. 14. diſp. 7. num. 38.*

150 R. ſecundò. Moralis impotentia cenſetur addeſſe tunc, quando pœnitens nequit omnia ſua peccata explicare ſine verè pravi damno aut detrimento ſui, vel proximj, utputa Confefſarii aut alterius tertij; ut ſi rationabiliter timeat, ſe ex confeſſione graviter apud alios (non apud ſolum Confefſarium) diffamatum iri. 2. Quando pœnitens propter fra-

fragilitatem sibi notam & expertam rationabiliter timet, ne diutius inmorando examini denuo relabatur, in iisdem sibi complacendo &c. vel ne à Confessario ad talia sollicitetur, aut ne eidem præbeat scandalum & occasionem ruinæ spirituales; quod tamen, nisi aliunde constet, de facili præsumendum non est. 3. Quando penitens est nimium obnoxius scrupulis, ita, ut nunquam videatur sibi satis enarrasse sua delicta. Laym. l. 5. tr. 6. cap. 8. Illung. tract. 6. Disp. 6. num. 130. Stoz. l. 1. pag. 3. a. numer. 61. la Croix l. 6. pag. 2. num. 140.

§. II.

Proponuntur, & breviter resolvuntur Casus practici de integritate Confessionis, & examine Conscientiæ.

CASUS PRIMUS.

Titius Confessarius nuper adverterat quandam plebeum hominem à prima Ecclesiæ ingressu rectà ad S. suum tribunal properasse, cumque illud sine mora ingressus de delictis suis edicere nihil potuisset, Titius non sine magna indignatione eum rebulit, mandans ut conscientia prius debite excussa seu examinata, de novo rediret; abijt homo, nunquam amplius reversus, procul dubio severitæ Confessarii perterritus. Quid de tali Penitente? & quid de ipso Confessario tenendum?

151 R. ad primum. Regulariter inquendo penitens plebeus, qui vix limina Ecclesiæ supergressus, mox pronocat ad confessionale, merito potest haberi suspectus de sufficienti dispositione & examine conscientiæ; quia de talibus non licet presumere, quod jam domi vel alibi locorum sese satis examinarint; multò minus, quod absque prævio examine delicta sua satis habeant sibi perspecta: ergo à Confessario cautius sunt examinandi, præsertim cum multiplici experientia constet, eiusmodi homines plerumque suæ salutis & rerum divinarum nimium quantum esse incuriosos.

152 R. Ad secundum. Confessarius mox cum indignatione repellendo præsum penitentem videtur non bene fecisse: debuisset enim prius graviter expiscari, utrum penitens culpabiliter, utputa ex mera negligentia & desidia salutis, an verò inculpabiliter, utputa ex simplicitate, vel etiam memoriæ labilitate (utì frequenter contingit in Senibus) non potuerit delicta sua edicere? Et ratio est: quia Confessarius vi sui officii, qua Doctor scilicet & Medicus spiritualis, tenetur penitentem instruere in iis, quæ sunt necessaria ad debitam, & fructuosam hujus Sacramenti suspensionem, tunc præsertim, quando penitens sibi met non est sufficiens; idque juxta opinionem Navarri manual. c. 5. n. 2. Angeli, & Cardin. de Lauræa de penit. Disp. 21. a. 3. sub gravi culpa: ergo Titius mox repellendo penitentem malè egit. Quin etiam si supponatur penitens fuisse desolatus in examinando conscientiam, propterea tamen non erat statim repellendus; melius quippe est, charitativo examine eorum supplere defectus, præsertim si ipsimet hoc postulent, aut si sint rudes, Rustici, vel simplices artifices, parùm industrii circa discussionem propriæ conscientiæ, ne fortè deterriti, neglecta confessione protinus perireverent in statu disgratiæ, vel absque meliori dispositione alium Sacerdotem accedant, à quo forsitan invalidam absolutionem reportabant, utì rectè observat noster P. Sporer.

153 Idipsum observandum est circa infirmos, tunc præcipuè, quando timendum est mortis periculum. Nec tam facile audiendi sunt, dum volunt confessionem de die in diem differre, sub prætextu (melius d. ceres, fraude diabolica) quòd nondum sint dispositi, neque conscientiam satis discusserint &c. Non, inquam, tam facile sunt audiendi, sed potius oportuè & importune inducendi ac persuadendi ad devotam Sacramentorum suspensionem, proptereaque à Confessario examinandi per decalogum, & quinque præcepta Ecclesiæ, examine statui & conditioni penitentis accommodato. Profecto præstat eos etiam imperfectè confes-

fectus mediante absolutione Sacramentali restituere in pristinum statum gratiæ, quam neglectis, vel etiam dilatis SS. Ecclesiæ Sacramentis, certo damnationis periculo committere.

Adde, quod in his circumstantiis impotentia physica, vel etiam moralis excuset ab integritate materiali, ut jam diximus n. 148. Vide Clericat. Decis. 21. n. 10. Reinssist. cit. n. 63.

CASUS SECUNDUS.

Sempronia multo tempore proprio suo Pastori confessa fuit, sed peccata leviora duntaxat, relictis gravioribus, quorum ingentem portabat sarcinam. Causam Sacrilegi hujus silentii rogata ab alio quodam Confessore, respondit fuisse hanc: quod scilicet eundem suum Pastorem sæpius audiverit de sibi confissis discurrerem, idque tam clarè & circumstantionatè, ut subinde haud difficillè fuisset, personam de qua, digito monstrare. Idcirco, agebat Sempronia, timens ne etiam me apud alios proflitueret, reticui graviora mea peccata. Quid de tali penitente sentiendum?

154 R. Si Semproniæ dicta veritate nigrantur, ita, ut ob rationem allegatam rationabiliter habuerit timere infamiam ex confessione apud alios incurrendam, licet quidem reticuit sua peccata apud hunc suum Pastorem: at verò si absque ingenti incommodo alteri cuidam confiteri potuit, tenebatur alium quærere; quia nunc nulla fuisset necessitas aut impossibilitas, quæ sola præbet justam causam reticendi peccata. Propterea minime excusandum censuimus id, quod, ut casus fert, multo tempore huic suo Pastori mancas fecerit exomologeses. Qua ratione cautè examinanda fuit, quo animo, & qua conscientia reticuerit illa sua peccata graviora, & utrùm non existimavit, se idcirco indignam sacram communione? etenim si dicat, se mala fide, vel cum dubio practico ea reticuisse, semperque putasse, aut cetèrè dubitasse, an non reticendo committat novum sacrilegium, vel an non indigna sumat sacram synaxin &c. concludendum erit peractas illas confessiones, velut definitas debito dolo-

Eibel Theol. P. II.

re & integritate, nullas fuisse, & merè sacrilegas, ideoque ex integro repetendas. Econtra si Sempronia dicat, se bona fide processisse, vel saltem credidisse, se non peccare graviter subitendo peccata &c. concludendum erit, confessiones præteritas fuisse validas, nec quidquam, præter peccata omiſſa, repetendum. Ita omnes. Et constare debet hæc resolutio ex suprâ n. 126. dictis.

155 Dixi: si Semproniæ dicta veritate nigrantur. Non enim facillè credendum, multò minus de ullo prudenti & discreto Confessario præsumendum est, quod vel sigillum frangere, vel etiam clarè & circumstantionatè loqui præsumperit, ut alii exinde potuerint venire in notitiam personæ confessæ: Fatendum tamen est, ex similibus discursibus, ubi scilicet audita in confessione deblaterantur, simpliciores de facili posse scandalizari, prout vel ex hoc ipso casu, sanè non conficito, sed facto, colligere fas est. Idcirco oportet, ut Confessarius coram sæcularibus præsertim rudioribus à similibus discursibus perpetuò abstineat, & de auditis in sacro tribunali nihil unquam enarret. Sed de hoc alibi plura.

CASUS TERTIUS.

Cajus Miles suæ salutis valde incurtus, confessionem de anno in annum differre consuevit, nullam Ecclesiæ sanctionem magis observans, quam illam, qua omnes fideles jubentur proprio Sacerdoti sui delicta saltem semel in anno confiteri C. omnis utriusque sexus de penit. Et remiss. Quia tamen in confessione psychalli, nuper præmissa brevi duntaxat examine facta, plurimum peccatorum oblitus fuit; hinc jam dubitat, & scire postulat à Confessario, quid de valore memoratæ confessionis sibi tenendum?

156 R. De valore hujus confessionis meritò dubitare licet; quia cum milites sint pluribus occasionibus & peccandi periculis expositi, simulque Cajus aliunde supponatur suæ salutis incurtus, ita, ut per integrum annum peccata peccatis accumulans non nisi semel confessus sit, profecto haud quaquam satisfecisse videtur,

Q

bre-

breviser duntaxat indagando in sua delicta: est enim moraliter impossibile, ut per modicum examen omnia sua delicta per integrum annum perpetrata quoad numerum & speciem satis recognoscat. Unde nec mirandum, quod plurium peccatorum gravium fuerit nuper oblitus. Debuisset igitur ad minimum per horæ spatium circiter huic operi vacare, & sese examinare per singula decalogi & Ecclesiæ præcepta, item præcipuas peccandi occasiones, vitiosasque consuetudines diligentius revolvere. Vid. Gobat *tract. 6. num. 484. & seqq. Clericat. l. c. num. 8.*

157 Dixi, merito dubitandum esse de valore &c. Quia cum dubium supponatur in Cajo ortum post peractam jam confessionem; hinc ut in præsentī negotio Confessarius de valore certius ferat iudicium, nec plus, quam oportet, suum poenitentem gravet practice attendendum erit, & indagandum, quo animo accesserit Confessarium, an verò poenitentiae & emendationis zelo intenderit omnia sua peccata quoad numerum & speciem confiteri? item, an tunc existimaverit, se suæ obligationi satisfecisse? si ita: concludendum, quod confessio utpote bona fide peracta fuerit valida; nec ab eò amplius expectandum, quam ut peccata, quorum tunc fuit oblitus, jamjam subiciat clavibus. Econtra si Cajus dicat, se potius ex consuetudine, quam ex vero emendandi zelo, solita cum luriditate, & incuria salutis accessisse, & præsertim, si valde multorum, fortè etiam majoris partis suorum delictorum sit oblitus, indubitanter concludendum erit, confessionem fuisse nullam & sacrilegam, ideoque integre, unà cum damnabili hac incuria & negligentia repetendam. Id ipsum ex hac suppositione cum P. Sporer *nu. 367. fin.* tenendum existimo, si poenitens tot, vel paulò minorum fuit oblitus, quot fuit peccata confessus. Vid. Diana *p. 2. tr. 3. misseol. resol. 31.* Gobat. *cit. n. 497.* Sbogar. *theol. radical. tr. 35. n. 49.*

Dices. Sed nunquid Cajus noster tenebitur anticipare confessionem, & sæpius confiteri, aut certè sua peccata in scriptis annotare, si advertat se in actu

confessionis plurium peccatorum gravium non recordaturum?

158 R. Non tenetur. Ita Herincx *p. 4. tr. 2. d. 3. nu. 18.* Gobat. *cit. num. 515.* Bonacina, Castropal. Clericatus *Decis. 21. num. 19.* Ratio est: quia nec præceptum Divinum, neque ecclesiasticum ostendipoteest, quo juberemur vel anticipare confessionem, vel etiam peccata in cartham redigere. Unde hæc diligentia videtur nimis extraordinaria, & per se loquendo infamationis propriæ periculo nimis exposita: ergo non est hominibus imponenda sine manifesta lege; qualis hic ostendi non potest.

§. III.

Corollaria ex dictis inferenda.

159 Colliges ex dictis primò, in actu confessionis plus reticere non posse sine sacrilegio, quam impotentia, vel potius necessitas exigit, ad vitandum grave damnum, in bonis animæ, vel famæ, vel fortunæ; quia secundum dicta, sola necessitas excusat ab integritate materiali. Hinc, qui scit, se peccasse mortaliter, ignorat autem, in qua specie, tenetur de tali peccato gravi saltem generatim sese confiteri, ut, jam supra *nu. 16.* dictum fuit. Similiter qui metuit, ne ex confessione alicujus peccati in individuo v. g. carnalis, incurrat animæ damnum, utputa si timeat periculum sollicitationis ad similia &c. licet quidem hoc reticebit (nisi alium Confessarium absque simili periculo accedere possit) reliqua tamen tenebitur explicare. Conink, Bonacina *Disp. 5. q. 5. Sect. 2. pu. 2. §. 4. n. 20. cum aliis.*

160 Colliges secundò. Ut metus alicujus mali ex confessione imminens excuset, necessum omnino esse, ut sit verè gravis, seu fundamento gravi nixus, ita scilicet, ut rationabiliter hujusmodi malum v. g. diffamatio apud extraneos &c. timeri possit ac debeat: tale autem fundamentum foret, si experientia comperum esset, in his circumstantiis, ex confessione hujus vel illius delicti &c. huic Confessario, vel in tali loco, tali concursu &c.

fa-

facta, ortam fuisse infamiam, damnum-
ve aliud verè grave &c. Minimè ergo
excusatur quævis (fortè etiam inanis)
suspicio aut sinistra persuasio, multò mi-
nùs dubium, an ex confessione non sit
timendum detrimentum &c. Ratio est :
quia cùm præceptum de integritate con-
fessionis sit æternum, & in possessione ;
hinc ob simile dubium, vel leve damnum
prætereundum aut negligendum minimè
est. Cæterùm, an, vel quando licitum
sit reticere peccata reservata, dicemus
infra ex professo, n..... ubi de Casibus
reservatis.

Dices adhuc. At quid, ubi poenitens
suum peccatum exponere nequit absque
diffamatione complicitis, utpata spon-
sus sine diffamatione sponsæ, vel etiam
conjug sine diffamatione conjugis &c.
tenebiturnè nihilominus illud integrè con-
fiteri ?

161 R. Multi DD. nominatim Diana
& Navarrus tenent quòd non ; ed potis-
simùm, quòd præceptum de integritate
confessionis sit duntaxat positivum ; illud
autem de non diffamando proximo sit na-
turale ; proptereaque alteri præferendum
velut strictius obligans. At verò potior
DD. pars negat, diffamationem complici-
cis apud solum Confessarium incurren-
dam excusare ab integritate. Ita S. Tho-
mas 4. D. 16. qu. 3. ar. 2. D. Bonavent. 4.
D. 21. p. 2. a. 1. q. 3. Mastrius Theol. mor.
Disp. 21. nu. 185. Reinfestuel, Hertncx,
Stoz, Illsng, Bâbenstuber &c. Ratio
est : quia poenitens habet idem, immò
majus-jus ad conservandam famam pro-
priam, quàm proximus habet ut ipsius
famam conservet vel non lædat, & ta-
men non obstantè hoc jure tenetur poeni-
tens explicare suum peccatum integrè,
postposita infamia naturaliter & inheren-
tè subsequente confessionem : ergo et-
iam non obstante diffamatione complici-
cis tenetur peccatum suum explicare in-
tegrè. Esto etiam ex jure naturali te-
neamur proximam non diffamare sine
causa gravi, interveniente tamen ratio-
nabili causa, prout hic intervenit, recte
rationi minimè adversatur, ut delictum
proximi detegatur : & certè complex con-
sentiendo in delictum, meritò præsumitur

consensisse in manifestationem delicti co-
ram Confessario præcisè, casu quo altera
pars absque simili diffamatione suum pec-
catum integrè explicare non posset ; unde
sibiimet hujusmodi dispendium famæ
debet imputare ; quia secundùm Regu-
lam 86. Jur. in 6. *damnum, quod quis
sua culpa sentit, sibi debet, non alibi im-
putare.* Aliter dicendum foret, dato,
quòd complex sua peccata absque diffama-
tione alterius partis posset integrè ex-
plicare ; quia tunc non haberet justam
causam diffamandi alium, & iste meri-
tò foret invitatus. Vide Bâbenst. tr. 8. p.
6. disp. 5. art. 2. nu. 46.

Dices iterum. Sed nunquid magnus
concursum poenitentium excusabit, ab in-
tegritate, ut propterea liceat confes-
sionem dimidiare, & poenitentem auditò u-
no, alterovè peccato absolvere cum onere,
reliqua peccata in proxima confes-
sione subiiciendi clavibus ?

162 R. Non ampliùs licet ; oppositum
enim constat clare ex propositione n. 59.
inter damnatas ab Innocentio XI. quæ-
rat hujus tenoris : *licet Sacramentaliter
absolvere dimidiatè tantùm confessor ratione
magni concursus poenitentium, qualis
v. g. potest contingere in die magna
dicujus festivitatis, aut indulgentiæ.* De
qua videri possunt Cardenas Dissert. 38.
& Sbogar. tr. 35. c. 6. n. 41. & seqq.

Rationes autem justæ damnationis fue-
runt sequentes : tum quia multi poeni-
tentes non integrè auditi, procul dubio
cum scandalo, mœrore, pusillanimitate &
tristitia non modica, fortè etiam cum re-
morsu conscientiæ abirent : tum etiam,
quia timendum, ne alii multi ansam su-
mant, aucupandi & captandi hujusmodi
tempus, quo norunt, se non ita ad-
igendos esse, ut omnia, quorum sese reos
agnoscunt, exprimant : quod profecto
aliud non est, quàm præbere occasio-
nem multis sacrilegis, & perseverantiæ
in luto peccatorum. Nec est, inquit P.
Stoz cit. num. 67 : quòd ejusmodi Sacer-
dotes se credant excusatos per hoc, quòd
jubeant tales alio tempore redire ad fa-
ciendum confessionem integram ; quia
vix unquam redibunt, rati, se jam
fuisse absolutos à peccatis, & satisfecisse

cisse suæ obligationi. Quare (subdit idem) meminerint, melius esse, paucos bene audire, quàm multos perfunctorie & male.

163 Colliges tertio, peccata illa, quæ ex iusta causa priùs erant omiſſa, in proxima confessione, ubi cessaverit periculum damni &c. esse explicanda, & clavis subiicienda, quatenus jam directè remittantur virtute clavis, quæ priùs indirectè tantùm erant dimissa. Etenim obligatio etiam materialiter integrè confitendi hæcenus nunquam erat sublata, sed suspensa duntaxat, idque præcisè & unice ad evitandum grave detrimentum, quod inde rationabiliter timebatur: ergo cessante hoc impedimento rursus reviviscit obligatio, reliqua peccata omiſſa confitendi: tametsi necessarium non sit (saltem per se loquendo) ut pœnitens cessante periculo mox recurrat ad hoc Sacramentum, sed potest licitè differre usque ad tempus, quo aliàs confitebitur v. g. in paschate. Ita Suarez, Henriquez, Layman. l. 5. tract. 6. c. 8. num. 12. Fillucius ar. 7. c. 5. n. 126.

CONFERENTIA

SEPTIMA.

De Peccatis dubiis, nec non de circumstantiis & numero peccatorum confitendis.

SUMMARIUM.

- 164 Quid intelligatur nomine peccati dubii.
165 Qui dubitat, an peccaverit graviter, probabiliter tenetur tale peccatum confiteri sub dubio.
166 Sententia tamen negativa est practice probabilis.
167 Qui bona fide confessus fuit peccatum velut dubium, non amplius tenetur illud subicere clavis, tametsi ex post factò recognoscat velut certò commissum.

- 168 Quenam sint circumstantia speciem mutant, & quanam aggravantes duntaxat.
169 Circumstantias speciem mutant certò tenemur fateri.
170 Circumstantias verò notabiliter aggravantes explicitè confiteri, est iustissimum, probabiliter tamen non est necessarium per se loquendo.
171 Occurritur cuidam instantia in contrarium.
172 Numerus peccatorum mortalium necessariò est exprimendus.
173 Undenam distinctio numerica peccatorum desumenda.
174 Resolvitur Casus I. de duobus studioſis, dubitantibus an peccaverint.
175 An propterea teneantur ingredi Religionem.
176 Resolvitur Casus II. de persona non satis exprimente circumstantias.
177 Et seqq. ostenditur, quo modo practice fuerit de his examinanda.
178 Circumstantias notabiliter aggravantes negare non licet.
179 Resolvitur Casus III. de pœnitente non satis exprimente numerum suorum peccatorum.
180 Et seqq. traditur modus examinandi & discernendi numerum.
181 Confessus quiddam sexies circiter peccaverit, non amplius tenetur se accusare nisi ex postfactò reperiat, se septies peccasse.
182 Particulae circiter, plusminus &c. sumende & intelligende sunt comparative ad numerum, cui adijciuntur.
183 In praxi suadendum est pœnitentibus non scrupulosis, ut confiteantur peccata dubia.
184 Qui ob rationes probabiles iudicat, se non peccasse, non tenetur ad confessionem, saltem per se loquendo.
185 Et quid, si pœnitens sciat se peccasse, dubitet autem, an confessus sit?
186 Similiter in praxi consulendum est, ut pœnitens explicitè circumstantias notabiliter aggravantes.
187 An, vel quando pœnitens interrogatus de consuetudine, teneatur respondere Confessario interroganti.
188 Distinctio numerica peccatorum vel

maximè petenda est à iudicio prudentum.

- 196 *Qui præmissis osculis, tactibus, & verbis impudicis tandem opere ipso complet malignum suum desiderium, unum duntaxat peccatum committit;*
- 197 *Sicut & is, qui alieni summam notabilem, vel etiam integram Bibliothecam auferit eadem intentione, licet non nihil interpolatis ablationibus.*
- 198 *Sacerdos in statu disgratiæ plures consequenter absolvendo, an plura committat peccata? duplex est sententia DD. utraque probabilis.*
- 199 *Quid Meretricibus, aliisque magnis peccatoribus agendum; quando non amplius recordantur omnium peccatorum suorum quoad numerum & speciem.*

§. I.

Præmittuntur, & breviter resolvuntur quæsitæ, scitu necessaria ad debitè resolvendos Casus de necessitate confitendi peccata dubia; circumstantias, & numerum peccatorum.

QUæres primò, utrùm peccata dubia sint necessariò confitenda, & pertineant ad integritatem confessionis?

164 Ante Responzionem suppono, nomine peccati dubii intelligi illud, de quo dubitatur, seu suspenditur iudicium, sitne commissum, vel non? Enim verò dubitare nihil est aliud, quàm suspendere iudicium: ergo dubitare de peccato, idem est, ac iudicium suspendere, sitne peccatum admissum vel non. Solet autem talis suspensio plerumque oriri, vel ex eo, quod nulla, aut certè levia duntaxat motiva occurrant: & hoc est propriissime dubium negativum; proptereaque contemnendum velut inanis scrupulus; vel ex eo, quod utrinque occurrant motiva rationabilia, hinc inde intellectum hominis etiam prudentis impellentia, & velut in æquilibrio suspensio, ita, ut is nequeat sese determinare, & dijudicare, sitne peccatum admissum, nec ne? Et hoc dubium à

Elbel Theol. P. II.

Doctoribus sat multis pariter appellatur negativum, quamvis in rigore loquendo potius deberet dici positivum. De peccatis autem hoc modo dubiis præsentem quæstionem esse intelligendam, rectè advertunt Herincx, Bosco, Illung, Babenstuber, & alii. Hoc notato & supposito ad quæstionem

165 Resp. primò. Qui rationabiliter dubitat, an peccaverit vel non; Item qui dubitat, sitne peccatum à se mortale, vel veniale duntaxat, probabiliter tenetur illud velut dubium confiteri; ideoque peccata negativè dubia in sensu mox præmissio, probabilissimè pertinent ad integritatem confessionis. Ita Herincx, Sporer, Bosco, Reinßtuell, Illung, Babenstuber. *tr. 8. pag. 6. dist. 2. art. 2. num. 21.* Estque hæc opinio in his terminis communissimè recepta inter DD. quam & variis rationibus probare nituntur. Tum 1. quia lex confessionis utpote à Christo ab antiquis temporibus lata videtur esse in possessione; & cum hæc sit favorabilis pœnitenti, debet extendi ad omnia mortalia, etiam dubia. Tum etiam 2. quia Tridentinum declarat omnia peccata, quorum post diligentem discussionem conscientiam habemus, esse subjicienda clavibus, & solum excipit venialia, eò quod hæc non excludant à gratia DEI; ergo cum mortalia dubia, si reipsa sint commissæ (prout esse possunt, non obstante dubio) excludant à gratia, juxta mentem præfati Concilii debent subjici clavibus. Verùm, istæ rationes parùm probant, prout patebit ex mox dicendis. Quare potissima, & cæteris efficacior ratio hujus opinionis dari debet hæc: quia certum est, potuisse Christum præcipere confessionem peccatorum dubiorum; quod autem defacto præceperit, colligitur ex antiquissimo usu, & perpetua Fidelium praxi ac consuetudine, cujus initium in lege nova ignoratur: semper enim assueverant peccata dubia confiteri, & quidem non merùm arbitrariè, sed ex firma persuasionè, quod ad hoc sub gravi obligatione tenerentur: atqui praxis Ecclesiæ, & consuetudo Fidelium jam inde à temporibus Apo-

Q 3

sto-

stolorum observata cum firma persuasione gravis obligationis, merito reputatur ex voluntate & institutione Christi introducta: ergo sin minus certum, certo probabilissimum videtur, dari obligationem confitendi peccata dubia.

166 R. Tamen secundò. Sententia negans peccata dubia pertinere ad integritatem confessionis, seu esse necessariò confitenda, est verè, & practicè probabilis. Ita Marchantius noster, Caramuel, ConinK, Amicus, Præpositus, Stoz l. 1. p. 5. num. 165. Sbogar *trast.* 68. cap. 3. Viva ad 1. *propof. ab Innocent. XI. damnatum* num. 23. la Croix l. 6. pag. 2. num. 609. ubi ait, hanc opinionem negativam spectatis rationibus intrinsecis esse probabiliorē opposita affirmativa. In eandem opinionem inclinant Laym. Gobat, Bosco de *pœnit. disp.* 7. *sect.* 8. num. 63. & *seqq.* Herinex *disp.* 3. de *confess. quest.* 4. num. 45. alique plures. Ducuntur sequentibus potissimum rationibus. 1. quia ubi obligatio est dubia, ibi debet esse melior conditio subditi possidentis suam libertatem; nam juxta *Reg. 122. ff. de R. J. libertas omnibus rebus favorabilior est.* Item juxta *Reg. 36. semper in dubiis benigniora presumenda sunt*: atqui obligatio confitendi peccata dubia est dubia; neque enim satis evincitur 1. ex Tridentino, quippe quod solum loquitur de peccatis, quorum memoriam vel conscientiam habemus: at, qui dubitat, non habet conscientiam de peccato. Nec refert, si dicas, eum habere conscientiam de peccato ut dubio; nam contra: dubitans de voto, vel alio quocunque debito, similiter habet conscientiam de voto vel debito ut dubio, & tamen nemo facile condemnabit talem ad solutionem debiti, aut voti; quia juxta *cap. cum sunt: in pari causa melior est conditio possidentis*: ergo similiter dubitans de peccato &c. Nec 2. verum est, quod lex confessionis sit simpliciter favorabilis, quin potius multis facti onerosam videri, experientia compertum habemus. Est etiam 3. praxis & usus Fidelium obtinuerit, ut peccata dubia confiterentur, merito tamen dubitare licet, an hoc practicarint ex

persuasione alicujus obligationis, an verò solum ob majorem securitatem, & conscientiarum tranquillitatem. Quin immò, ait Herinex noster *loc. cit.* nu. 48. Scio interdum fuisse, qui putarent contrarium, hoc titulo, quod non poterant recordari se fecisse, sed tantum dubitare. Pii præterea plerumque practica, quod securius est. Et sanè fideles idem apprehendunt de peccatis probabiliter, vel probabilius mortalibus: nec tamen ob hoc censentur illa debere in confessione exprimi. Plures rationes in contrarium reperies solutas apud la Croix *cit.* nu. 609.

Quæres secundò, utrùm is, qui peccatum velut dubium bona fide confessus fuit, postea autem comperit, esse certò commissum, teneatur, illud velut certum denuo confiteri?

167 R. Negativè. Ita contra non paucos Herinex *cit.* *disp.* 3. n. 50. Sporer num. 397. Stoz *cit.* num. 170. Sbogar *trast.* 68. num. 42. fin. Bosco ubi supra num. 134. & alii plures videndi apud *cit.* Ratio est; quia talis penitens supponitur suum peccatum confessus quoad speciem, numerum, & circumstantias &c. prout tunc erat in conscientia, & ab eodem, quantum indigebat, directè absolutus: ergo non ampliùs tenetur illud subicere clavibus; quemadmodum in voto dubio, vel irregularitate, aliove vinculo dubio ad majorem cautelam semel dispensatus aut absolutus, non ampliùs indiget absolutione vel dispensatione, tametsi ex post facto certò comperiat, votum fuisse certò emissum, vel irregularitatem aliudvè vinculum certò contractum.

Confirmatur efficacissimè ex eo: quia etiam juxta AA. confessus, se decies, plus minusvè v.g. pejerasse, non tenetur ampliùs confiteri, etsi postea recorderetur, se id fecisse undecies, aut duodecies; & tamen expresse rat solum sub dubio has duas vices: ergo similiter non ampliùs tenetur &c. profecto solidam aliquam disparitatem inter utrumque hæcenus in nullo legi.

Quæres terciò, an vel quævis circumstantiæ peccatorum, sint necessariò con-

confitendæ, velut pertinentes ad integritatem confessionis?

168 Ante Responſionem rursus ſuppono ex *tract. de act. hum. & peccat.* alias eſſe circumſtantias ſpeciem mutant, alias duntaxat aggravantes malitiam peccati intra eandem ſpeciem. Speciem mutant ſpeciem appellantur, quæ actus humanos transferunt in aliam ſpeciem ab ea, quam habent ex objecto; vel, ut alii loquuntur: ſunt illæ, quæ faciunt ut actus opponatur alteri virtuti vel rectitudini. Sic circumſtantia perſonæ conjugatæ, vel habentis votum caſtitaſis, transfert peccatum carnis à ſpecie fornicationis ad ſpeciem adulterii, vel ſacrilegii, dum facit, ut actus luxuriæ repugnet ſimul virtuti juſtitie, aut Religionis. Idipſum ſuo modo contingit in illis caſibus, ubi peccatum ex ſuo genere veniale, ſit mortale, v. g. ratione ſcandali, aut periculi proximi incidendi peccatum grave. Circumſtantia aggravantes appellantur illæ, quæ malitiam actus ex objecto deſumptam intra eandem ſpeciem peccati ſolùm aggravant, ſeu majorem reddunt, abſque eo, quòd ſuperaddant novam malitiam ſpecie diſtinctam ab illa, quam actus habet ex objecto. *b. n.*

169 R. primò; Circumſtantias ſpeciem mutant ſenemus confiteri. Ita Catholici omnes. Et habetur clare deſiſum in Concilio Trident. ſeſſ. 14. cap. 5. ſequentibus omnino verbis: *colligitur præterea, etiam eas circumſtantias in confeſſione explicandas eſſe, quæ ſpeciem peccati mutant.* Et oppoſitum aſſerentes anathemate ſerit. *can. 7.* Rationem hujus mox ſubdit idem Concilium: *eo ſcilicet, quòd ſine illis (circumſtantias ſpeciem mutantibus) peccata ipſa neque à pœnitentibus integre exponantur, nec Judicibus innotescant, & ſic neque, ut de gravitate criminis rectè cenſere poſſint, & pœnam, quam oportet, pro illis pœnitentibus imponere:* at, certum eſt, ex jure divino peccata ita eſſe aperienda Sacerdotibus, ut de illis poſſint competens ferre judicium: ergo circumſtantia ſpeciem mutant neceſſariò ſunt aperiendæ in confeſſione.

170 R. Jam ſecundò. Eſt conſultif-

ſimum ſit (tutius quippe eſt, & fortè etiam ſpeculativè loquendo probabilius) circumſtantias notabiliter aggravantes in confeſſione explicare; nihilominus ſatis probabile eſt, quòd per ſe loquendo nullus ad hoc ſit obligatus. Ita in re D. Thomas 4. diſt. 16. qu. 13. art. 2. S. Bonaventura 4. diſt. 17. pag. 3. art. 2. Maſtrius Theol. moral. diſp. 21. num. 175. Reinſtuet cit. num. 49. Herincx diſt. 3. num. 33. Boſco diſt. 7. ſect. 8. n. 30. & ſeqq. Babenſtuber tract. 8. pag. 6. diſt. 5. art. 2. num. 20. Stoz l. 1. pag. 1. nu. 86. Illung. tract. 6. diſt. 6. nu. 79. Sboogar tr. 24. num. 6. Ratio hujus opinionis eſt hæc: quia Fidelibus non eſt imponenda obligatio gravis, niſi de ea ſatis conſtet, juxta dicta num. 166. atqui obligatio conſtitendi circumſtantias ſolùm aggravantes eſt valde gravis, pluribuſque perplexitatibus & ſcrupulis obnoxia: neque de hac ſatis clare conſtat: ergo. Quin immò ex Concilio Trident. (cui adverſa ſententia poſſimum innititur) potiùs colligitur contrarium, quia Concil. cap. 5. & *can. 7.* ubi obligationem conſtitendi ex profeſſo, & ut oportebat, accuratè declarat, ſolùm docet, *omnia & ſingula peccata mortalia, & circumſtantias quæ ſpeciem mutant, eſſe conſtitenda*, tandemque ſubjungit, *nihil aliud à pœnitentibus exigi*: ergo cùm Concilium alium fileat de circumſtantiis duntaxat aggravantibus, ſimulque noti juris eſſe conſtet, quòd exceptio ſeriat regulam in contrarium in caſibus non exceptis, argum. L. quæſitum ſ. denique ff. de fundo inſtrutto: dicendum, quòd nulla ſit obligatio conſtitendi circumſtantias merùm aggravantes; ſecus enim præter confeſſionem peccatorum mortalium & circumſtantiarum ſpeciem mutantium jam à fidelibus exigeretur aliquid aliud: quod repugnat doctrinæ Concilii æumenici: ergo &c.

Dices tamen. Juxta Concilium cit. *can. 5.* peccata debent ita exprimi, ut Confeſſarius de eorum gravitate rectè poſſit judicare, & proportionatam pœnitentiam injungere: at, hoc fieri non poſteſt, niſi exprimantur circumſtantia notabiliter aggravantes: ſi enim ſupponan-

tor duo fures, quorum unus decem, alter mille florenos abstulit, & uterque confitendo dicat: *commisi furum grave*, Confessarius nequaquam poterit discernere inter gravitatem furtorum, nec cuius proportionatam pœnitentiam injungere: ergo tenemur confiteri &c.

171 R. Negando min. Quia uti rectè observant Herincx, Bosco, Reinfiel num. 50. aliique plures, ad legitimam absolutionem impertiendam sufficit ut Confessarius judicet de gravitate culpæ secundum speciem suam moralem, eidemque proportionatam pœnitentiam, injungat: nec opus est, ut judicet de tantitate, seu intensione culpæ inter eandem speciem moris. Uno verbo: sufficit, Judicem esse informatum quoad omnia substantialia, intra quæ sunt circumstantiæ speciem mutant, esto non sit informatus quoad omnia accidentalia, cujusmodi sunt circumstantiæ solum aggravantes.

Quæres quartò. Sintne peccata quoad numerum etiam exprimenda?

172 R. Cum communi Catholicorum affirmativè. Idipsum clarè decisum reperitur in Concilio Trid. jam sæpiùs cit. cap. 5. can. 7. ubi ait: *Si quis dixerit, in Sacramento pœnitentiæ ad remissionem peccatorum necessarium non esse jure divino, confiteri omnia & singula peccata mortalia, quorum memoria cum debita, & diligenti præmeditatione habeatur, etiam occulta, & quæ sunt contra duo ultima decalogi præcepta, & circumstantias, quæ speciem mutant &c. anathema sit, æqui, si omnia & singula peccata tenemur confiteri, eo ipso tenemur fateari numerum: ergo. Ratio autem à priori est: quia Confessarius nequit statum pœnitentis rectè cognoscere, nisi exprimitur numerus peccatorum; longè enim aliter judicare, aliamque medicinam oportet præscribere pœnitenti v. g. blasphemii, aut procurandis pollutionibus assueti, & centum forsitan, vel ultra obnoxio: à proxima confessione, quam alii, qui semel tantùm se polluit, & semel in materia gravi detraxit, etsi hæc sint peccata specie distincta: ergo si species est necessariò exprimenda, pa-*

riter erit exprimendus numerus, non quidem physicus actuum concurrentium ad consumationem ejusdem peccati, sed moralis.

Dices. Sed unde desumenda est distinctio numerica peccatorum?

173 R. Breviter, distinguendum esse graviter inter actus merè internos, qui scilicet intra solius mentis latebras consumantur & perficiuntur; uti est v. g. invidia, hæresis, odium &c. & inter actus externos, qui opere externo perfici & consumari possunt; uti homicidium, furtum &c. Itaque loquendo de peccatis merè internis, tot sunt numero peccata, in confessione per se loquendo exprimenda, quoties actus internus peccaminosus voluntariè repetitur, posteaquam Peccator ab eo cessare liberè constituit per revocationem, vel cessationem voluntariam, non verò quoties solum physicè reipsa cessat involuntariè vel casu, vel naturali somno, distractione, aliave occupatione &c. Loquendo autem de peccatis externis: idem numero peccatum censetur moraliter, quamdiu durat actus internus idem, vel physicè, vel moraliter (scilicet physicè quidem multiplicatus at moraliter non interruptus) quantumvis multiplicentur actus interni, vel etiam externi, spectantes ad eandem consumationem peccati, & sub eodem intento ac sine principali uniti: econtra verò peccata, quæ opere externo perficiuntur, toties numero multiplicantur, quoties actus ipsi exteriores peccatum illud consumantes repetuntur. Reinfiel Theol. moral. tr. 3. dist. 1. à m. 91. Sponer de pœnit. num. 428. & 432. citans pro eadem opinione Lugonem disp. 16. num. 369. & communem aliorum; esto in modo explicandi & loquendi multùm discrepent, prout legenti facile constabit. Res autem tota hæc clarior evadet per exempla, mox inferiùs num. 182. & seqq. adserenda.

§. II.

Proponuntur, & breviter resolvuntur Casus Practici de peccatis dubiis, circumstantiis, & numero peccatorum exprimendis.

CASUS PRIMUS.

Duo studiosi (quos Titium nominamus & Cajum) seriùs colludere assueverant. Titius inter ludendum facillimè in voluntarias blasphemias hæreticales erumpere solebat. Cajus econtra ferme nunquam. Quadam die ambo confessi, sub voto & pœna Religionis ingredienda promiserant, se nunquam ampliùs relapsuros in hoc genus blasphemiam. Proximè iterum in scram usque noctem luserant, & uterque ludendo turbatus denno blasphemabat, moxque dissoluto lusu ad stratum se conferebant. Altera die expegefacti dubitabant: Titius quidem, baud ignorans se eructasse blasphemiam hæreticalem, dubitat, an satis deliberatè? Cajus verò re bene examinata dubitat omnino, an blasphemiam hæreticalem effuderit? Quæritur jam an uterque teneatur confiteri, & quidem tali, cui competit potestas absolvendi ab hæresi, seu in casus bullæ Cœne.

174 R. Titius tenetur, non item Cajus. Ratio disparitatis inter utrumque est: quia Titius supponitur jam contraxisse habitum, & assuevisse voluntariis blasphemias hæreticalibus; ubi contra Cajum non supponitur contraxisse similem habitum: ergo contra Titium stat præsumptio, non item contra Cajum; etenim juxta Reg. 45. J. in 6. inspicimus in obscuris, quod plerùmque fieri consuevit. Et quemadmodum pravus habitus blasphemandi hæreticaliter probat fortissimè, Titium etiam hac vice blasphemasse hæreticaliter; ita bona indoles Caji est gravis & fortissima ratio, probans ipsum non commississe blasphemiam hæreticalem. Et hoc in moralibus certum est, inquit Shogar tract. 68. numer. 40. Ubi mox subdit: hinc qui nullam habet rationem solidam, nec pro, nec contra, se peccasse, præter possessionem suam inno-

centiæ, licet dubitet de peccato, non tenetur confiteri. Ita Doctor mox cit. l.

Ergonè, inquis, Titius tenetur ingredi Religionem, non item Cajus?

175 R. Ita est; Solus Titius tenebatur, si supponatur fuisse memor sui voti pœnalis tunc, quando blasphemiam hæreticalem eructavit; eo quòd posita & impleta conditione incipiat votum absolute obligare. Quia tamen hæc pœna est valde exorbitans, à qua pœna exorbitante probabiliter excusatur ignorantia invincibilis; hinc si Titius immemor sui voti pœnalis blasphemasset (uti Casus videtur supponere) juxta probabilem opinionem P. Sporer 11. 1. c. 2. n. 39. & aliorum, non tenetur ingredi Religionem.

CASUS SECUNDUS.

Sempronia famula sese accusabat in hunc modum: 1. aliquid subtraxi Domino meo, quod meo amasio impendi. 2. Huic etiam copiam mei corporis feci, & quidem (3.) ipsa die, qua sacram Synaxin non ad id pridem suscepit: & hanc circumstantiam in proxima confessione non expressi. Insuper 4. aliam coaccillam, qua me lacefferat obijciendo nimiam familiaritatem cum amasio, diversis convitiis affecti. Quibus auditis Confessarius imposita priùs salutari poenitentia; Semproniam absolvit ac dimisit: Jam verò dubitat, an non debuisset magis examinare & inquirere circumstantias.

176 R. Hoc modo præcisè sese accusando, Sempronia non satisfecit præcepto confessionis; proptereaque Confessarius tenebatur paulò accuratius indagare in circumstantias, prout patebit mox ad singula;

177 In primis enim non erat satis dicere præcisè: aliquid subtraxi Domino, meo &c. quia secundùm omnes poenitens tenetur dicere, utrùm materia, furtim ablata fuerit gravis vel levis tantùm, quatenus Confessarius valeat discernere, an peccaverit mortaliter, an verò venialiter solum. Attamen si dixisset se subtraxisse rem gravem, probabiliter satisfecisset præcepto confessionis; quia major quantitas in furto mortali est solum

solum circumstantia aggravans, quam secundum probabilem DD. opinionem supra num. 170. relatam non tenemur confiteri explicite: Secus dicendum foret, casu quo furta ob frequentiam & moralem interruptionem fuissent numero multiplicata.

178 secundò. Fuit Sempronia examinanda, qua fide & conscientia omiserit illam circumstantiam, quòd videlicet ipsa die communionis copiam sui corporis fecerit amasio. Etsi enim circumstantia hæc (diei scilicet S. communionis vel festivitatis &c.) sit duntaxat aggravans, & per se loquendo non necessariò exprimenda, meritò tamen suspicari licet, an Sempronia non habuerit pro speciali peccato sacrilegii, prout sæpè habent rudiores, saltem ex conscientia erronea. Adde, quòd confessio meritò possit vocari in dubium, quando personæ inamorate ipsa die S. communionis denuo relabuntur: quia de talibus suspicari licet, quòd non habuerint firmum & efficax propositum.

179 Tertiò. Insuper fuit examinanda, an ob nimiam familiaritatem non fuerit scandalo aliis. Cùm enim fateatur, sibi hoc fuisse obiectum & exprobratum ab alia coacilla, manifestè satis videtur innuere, se scandalum præbuisse aliis; quod, cùm sit peccatum specie distinctum à simplici fornicatione, necessariò exprimendum, vel certè si non exprimitur ab ipso met penitente, à Confessario paulò accuratius disquirendum erat.

180 Quartò. Tandem Confessarius errasse non videtur ex eo, quòd non examinarit numerum aut qualitatem convictorum, quibus Sempronia suam coacillam affecerat; quia cùm supponantur ex eodem impetu iræ processisse, non sunt peccata numero distincta, sed circumstantiæ merùm aggravantes, non necessariò exprimendæ, uti rectè docet Dian. p. 1. tr. 7. resol. 28. quem refert & sequitur Gobat tr. 6. num. 386. Oportebat tamen quærere, an hæc & similia non objecerit coram aliis fortè audientibus, cum damno vel diffamatione coacillæ; etsi hoc de raro contingat, eò quòd alii saltem prudentiores non soleant moveri, nec credere dictis mu-

lierum, ex nimio impetu iræ, vel potiùs insaniz quævis effluentium. Vide DD. cit.

Dices contra resolutionem datam num. 177. si penitens non tenetur exprimere quantitatem furti mortalis, eò quòd hæc sit circumstantia solum aggravans, tunc liceret eam omnino negare: & sic si abstulisset centum aureos, satisfaceret sese accusando in hunc modum: *ego unum tantum aureum abstuli*: at, consequens est certò falsum: ergo &c.

181 R. Negando illatum. Etsi enim probabiliter asseramus, circumstantias merùm aggravantes non esse necessariò confitendas explicite & distinctè, utputa dicendo in casu mox allato: *commisi furtum centum aureorum &c.* fatentur tamen omnes, etiam hujus sententiæ Patroni, eas negari non posse, sed saltem implicite & confusè quodammodo confitendas esse; quòd in casu dicto penitens faceret dicendo: *commisi furtum grave*: hoc quippe modo implicite confitetur furtum centum aureorum, quia sub latitudine furti gravis continetur furtum centum aureorum. Econtra si diceret: *unum tantum aureum subtraxi*, nullo modo, ne confusè quidem confiteretur furtum centum aureorum; quia hoc furtum (centum scilicet aureorum) non continetur sub furto unius duntaxat aurei. Quin immò Confessarius vi talis confessionis ne quidem prudenter suspicari posset de furto centum aureorum, prout tamen potest, si penitens sese accusando dicat: *commisi furtum grave*; vel: *abstuli summam notabilem*. Vid. Herincx cit. d. 3. n. 36. Bosco d. 7. Sect. 8. n. 42. Illung tr. 6. d. 6. n. 36. Gobat tr. 6. nu. 380. apud quem Lugo num. 660. advertit, illum, qui per inadvertentiam aut oblivionem factus est, se clepsisse solum sexaginta, cùm tamen clepsisset centum, debere in posteriori confessionem exprimere illos centum, nec satisfactorum, si exprimat solum quadraginta; nam in neutro casu confitetur aut distinctè aut confusè illud numero furtum, quod patravit.

CASUS TERTIUS.

Cajus Juvenis peccata sua ex cartha legit hoc modo, primò (inquit) fui deditus intemperantiæ: 2. ex iracundia juravi aliquoties per mille Sacramenta. 3. sæpius cogitationes impuras volvi in pectore erga diversas personas: 4. semel etiam cum aliqua puella dormivi: 5. sexies circiter fatales inimicitias decoxi in mente, ac tandem eundem meum inimicum graviter percussi. Hætenus Cajus. Quid jam censendum de tali confessione?

182 R. Confessio hæc manca est, & insufficienter expressiva peccatorum præsertim quoad numerum, prout quisque vel mediocriter tinctus in moralibus facile deprehendit, proptereaque pœnitens fuit accuratius examinandus. Verùm ut hunc casum sanè frequentissimum, & maximore practicum clariùs elucidemus, juvabit singula puncta breviter examinando perstringere.

183 Ad primum itaque tenebatur pœnitens addere numerum determinatum, quoties scilicet fuerit intemperantiæ deditus. Item an biberit solum usque ad crapulam quod est peccatum veniale) an verò usque ad privationem usus rationis, idque scierit, & ex voluptate (quod est peccatum mortale) tamen hoc rariùs contingat.

184 Ad secundum. Tenebatur addere, num iracundiæ motus fuerit tam vehemens, ut præveniret usum rationis, aut saltem deliberationem, an verò satis deliberatè juraverit per mille Sacramenta &c. Et si hoc? tenebatur rursus exprimere numerum determinatum. Oportet insuper tales examinare, an non contraxerint habitum jurandi &c. & an contra illum rursus deponendum conati sint?

185 Ad tertium. Non satisfecit præcisè dicendo, se erga diversas Personas cogitationes impuras revolvissè in pectore, sed tenebatur addere, an in illis sibiimet complacuerit, vel cum personis illis desideraverit peccare. Quodsi hoc? rursus debuit edicere numerum determinatum. Neque enim satis est dicere sæpiùs vel subinde, vel etiam aliquoties &c. hoc vel illud fuisse

se factum (prout potior pars hominum etiam cultiorum asselet, utique malè.) Item tenetur pœnitens exprimere qualitatem illarum personarum, quibuscum desideravit habere rem, an scilicet fuerint solutæ, vel ligatæ. Cæterùm an etiam teneatur exprimere numerum determinatum illarum personarum, dicendo v.g. se desiderasse cum tribus personis solutis habere rem &c. an verò sufficiat præcisè dicere, se desiderasse peccare cum pluribus personis solutis &c. non ita conveniunt DD. Equidem, si supponatur per plures actus distinctos, & moraliter interruptos desiderasse concubere &c. cum pluribus personis, nullatenus ambigendum est, quin teneatur (quantùm moraliter potest) numerum istorum actuum & personarum exprimere; quandoquidem certum sit, illos actus esse peccata numero distincta. Idque indubitanter tenendum, tunc præsertim, si opere externo malignum hoc desiderium pluribus personis manifestasse supponatur; quo casu hand dubiè pluribus illis fuisset gravi scandalo. At verò, si uno actu desiderii concupiscat plures v.g. sex puellas, opere externo non subsecuto: aut si uno discursu obsecro totidem scandalizet, nullùm inter se dissident DD. Vasquez enim, Castropalao, Oviedo, alique plures, quos citat, & sequitur la Croix l. 5. num. 149. existimant, esse distinctè exprimendum numerum personarum concupitarum, aut scandalizatarum; eo quòd talis actus in se contineat plures, immò tot malitias numero distinctas, quot erant objecta distincta: quemadmodum actus tendens in plura objecta specie distincta, continet tot malitias specie distinctas, quot sunt objecta specie distincta in quæ tendere supponitur. Et hæc opinio utpote tutior in praxi, quantùm fieri valet, est amplectenda. Nihilominus alii fat multi etiam insignes DD. uti Stoiz l. 1. p. 3. n. 592. Gobat cit. tr. 6 n. 385. Diana tr. 7. resol. 17. Illung tr. 2. d. 2. à num. 44. Sbogar tr. 133. nu. 60. putant, necessarium non esse ut exprimat determinatus numerus plurium personarum, dum quis uno actu plures scandalizavit, concupivit &c. Rationem desumunt ex Concilio Trident. quod ubi ss. 14. de pœnit. cap. 5. & cap.

can. 7. ex professo declaravit obligationem confitendi, plus non docet, quàm omnia mortalia quoad speciem & numerum esse necessariò exprimenda, nulla interim facta mentione de singulis malitiis, si quæ fortè essent in eodem actu, & solo numero differrent inter se. Etcertè Suarez censeret hanc pluralitatem objectorum solo numero distinctorum respectu ejusdem actus esse solum circumstantiam aggravantem; quod & Vasquez probabile putat apud nostrum Herincx *cit. n. 35. fn.* Hæc itaque opinio velut magis benigna, & tam praxi, quàm etiam fragilitati humanæ magis accommodata, poterit Confessario servire, præsertim in casu, ubi poenitens in enumerandis objectis vel personis &c. magnam sentiret difficultatem, prout re vera in praxi sæpius, quàm par est, sentiet, & vel ex hoc ipso casu nostro haud obscurè colligere fas est.

186 Ad quartum R. Cajum se non satis declarasse dicendo præcisè, quòd cum puella semel dormierit; esto enim per hunc modum loquendi communiter vel ut innuere, se impudicè fuisse conversatos cum illa, non tamen satis exprimunt, an opere ipso, an verò solis tactibus, cum vel sine pollutione &c. peccaverint. Item per hoc non exprimunt, an semel duntaxat, an verò pluries eadem nocte opus consummarint. Et de hoc specialiter interrogandos esse hujusmodi poenitentes, sibi notet Confessarius, plerùmque enim interrogando deprehendet, eos in uno & eodem concubitu plures exercuisse copulas perfectas, utique in confessione distinctè exprimendas, cum quælibet velut actus tam physicè, quàm moraliter consummatus constituat peccatum numero distinctum secundum omnes.

187 Ad quintum R. Cajum satisfecisse confessionis præcepto, quia numerum distinctè expressit. Quin immò, si supponatur ex eodem impetu iræ & vindictæ continuasse moraliter inimicitias, tandemque inimicum graviter percutiendolæsisse, non fuisset opus exprimere numerum inimiciarum præcedentium, sed satisfecisset dicendo se graviter inimicum suum læsisse; quia tunc omnes illæ inimicitie velut media ad consummationem ejusdem peccati

externi, percussionis scilicet ordinata, & in eodem fine unita, constituerent unum duntaxat numero peccatum mortale. Verùm hæc omnia in praxi ad amissum semper disquirere, Confessario non minùs difficile, quàm poenitenti impossibile sæpe sæpius accidere solet; quo casu utique sufficet integritas formalis, stipata bona fide poenitentis.

Dices. At quid, si Cajus post factam confessionem comperiat, se non sexies tantum, sed omnino decies, aut duodecies, & quidem moraliter interruptis vicibus inimicitias decoxisse?

188 R. Ex hac suppositione non satisfecisset dicendo *sexies circiter* se decoxisse inimicitias &c. Ideoque teneretur in proxima confessione reliqua quatuor aut sex peccata inimicitie subijcere clavisibus, quippe quæ nondum erant subiecta, aut à Confessario intellecta, esto dixerit se *sexies circiter* fovisse inimicitias. Sed ut hanc doctrinam magis penetres,

189 Notes velim ex P. Sporer *cit. nu. 446.* Tamburino, Lugone & aliis, per particulas *plus, minus, circiter, &c.* comprehendere & intelligi posse excessum modicum super numerum illum cui particula præfata superadduntur, non item excessum notabilem. Quousque autem se extendat illud *circiter*, vel *plus, minus, &c.* prudentis arbitrio æstimandum est non absolute, sed respectivè seu comparative ad numerum cui adjungitur, majorem, vel minorem proportionem geometrica, ita, ut quo major fuerit numerus, tantò major excessus sub præfatis illis particulis intelligi possit ex gr. qui dicit se blasphemasse *sexies circiter, plus minus &c.* implicitè dicit, aut certè dixisse intelligi potest ac debet, fortassis quinquies tantum, aut etiam septies blasphemasse, non item intelligi potest blasphemasse decies aut duodecies. Vid. DD. *cit.*

§. III.

Corollaria ex dictis inferenda.

190 Colliges ex hætenus dictis primò, in praxi consulendum esse poenitentibus (nisi sint scrupulosi) ut etiam pec-

peccata dubia confiteantur; tum quia hoc est tutius; tum etiam quia magis absterret & retrahit à peccatis; tum denique, quia etiam juvat ad tranquillitatem conscientiae, excludendo stimulos & remorsus, quos profecto quamplures experiuntur quamdiu à peccatis dubiis sese non exonerant mediante confessione; atqui semper decet, ut Confessarius inculcet ac suadeat ea, quae salutis animae iudicari magis conducere: ergo &c. Dices. At quid, si poenitens non merum dubitet, sed habeat rationes probabiles, quod non peccaverit, tenebiturne in talibus circumstantiis confiteri?

191 R. Non tenebitur, tametsi probabilius crederet se peccasse. Ita communissime DD. Quia cum non merum dubitet, sed rationabiliter credat se non peccasse, nihil plane obstat, quod minus sese possit resolvere quod non subiaceat praecepto confessionis, partim quia manet in possessione suae innocentiae ac libertatis; partim etiam quia ex integritate materialis non dependet valor Sacramenti, sed sufficit formalis integritas. Consilium tamen est, & conscientiarum quieti conducentius, etiam huiusmodi peccata confiteri; cum revera semper maneat dubium speculativum, an non reipsa sint commissa.

Dices iterum. Quidsi autem sit certus, se peccasse graviter, & solum dubitet, an tale peccatum jam fuerit confessus?

192 Resp. Distinguendum est graviter in hoc casu. Si enim poenitens supponatur esse homo laxae mentis, assuetus vel ex professo, vel saltem ex neglectu examinis reticere peccata tenebitur illud peccatum subijcere clavibus; quia obligatio confitendi fuit certo contracta, cui per dubiam solutionem non satisficit. Quia potius praesumptio fiat contra talem poenitentem. Econtra si poenitens supponatur esse timoratae conscientiae, non assuetus reticere, aut in confessione occultare peccata, rationabiliter omnino praesumet, se hoc peccatum cum aliis jamjam subijcisse clavibus. Stolz l. 1. p. 5. num. 169. Sbobat tr. 86. num. 42. Gobat, La Croix.

193 Colliges, secundò, ob rationes mox datas num. 190. sin minus praecipendum,

saltem consulendum esse poenitentibus, ut confiteantur circumstantias notabiliter aggravantes; quandoquidem mirram conducere nescitur ad conscientiae remorsus eradendos, nec non ad vitanda peccata. Idcirco haudquam imprudenter ager Confessarius, si poenitentem sese accusantem v. gr. de furto gravi, vel alia laesione proximi in bonis animae aut fortunae &c. vel de incestu commissio, vel de scandaloso alio dato, ut puta verbis aut factum in dolo honesto &c. si, inquam, interroget, quantum damnicaverit, aut furando abstulerit, vel 2. in quoto gradu commiserit incestum, vel 3. quot homines scandalizaverit &c. Tametsi secundum sententiam probabilem multorum, num. 170. relatas huiusmodi circumstantias, utpote merum aggravantes poenitens non teneatur explicare, ideoque nec teneretur in rigore loquendo respondere Confessario interroganti. Vide Gobat tr. 6. num. 332. & seqq.

Dices. Poenitens interrogatus de consuetudine peccandi, tenetur Confessario interroganti respondere: ergo etiam per se tenetur respondere interrogatus de circumstantiis mox enumeratis.

194 R. Cum P. Herincx cit. disp. 3. n. 37. Reiffenstuel ubi supra num. 53. & aliis pluribus, quod si poenitens sciat se esse dispositum, nec consuetudinem esse sibi occasionem proximam; per se loquendo non teneatur eam fateri, etsi rogatus. Per accidens tamen & practice loquendo est saltem plerumque necessarium, eò quod inde debeat Sacerdos dignoscere dispositionem poenitentis, qualitatem occasionis peccandi, nec non frequentiam, & numerum peccatorum commissorum: qua ratione Innocentius XI. iuste proscripsit sequentem n. 58. propositionem: non tenetur Confessario interroganti fateri peccata alicujus consuetudinem. Ob eandem rationem per accidens obligabitur poenitens Confessario interroganti respondere de circumstantia, quando notitia huius est necessaria ad legitimam absolutionem, ut puta sit propter talem circumstantiam Casus sit forte reservatus, vel annexa excommunicatio, à qua Confessarius non posset absolvere, prout DD. communiter advertunt.

Col.

195 Colliges tertio, numericam peccatorum distinctionem vel maximè dependere à prudentum hominum iudicio, & morali existimatione. Quia verò sapientum etiam iudicia non semper sunt pariformia; hinc minimè mirandum, quòd circa hanc distinctionem numericam assignari non valeat una aliqua Regula universalis; immò quòd DD. multum inter se dissideant. Juvabit tamen proprix notare, duplicis generis opera reperiri, alia quippe sunt, quæ habent connexionem ad invicem, sibi que subordinantur quodammodo ad complendum integrum opus, uti se habent oblatio, consecratio, & sumptio ad integrandum Sf. Missæ sacrificium. Alia è contra repudiunt quæ ad invicem nullam habent connexionem vel subordinationem, nec ex natura sua, nec ex divina aut humana Institutione; quo modo se habent v. gr. sacrificium Missæ, Sacramentum poenitentiae, baptismi, confirmationis &c. *Ex his*

196 Colliges quartò, eum, qui fornicam sapius osculatur, turpiter contrectat, obscena loquitur, ut ad peccandum alliciat, tandemque opere ipso iniquum suum desiderium complet, unicum duntaxat committere peccatum, eò quòd præfati actus omnes in uno fine & intentione fuerint uniti. Idipsum multi asserunt de actibus, seu etiam tactibus lascivis copulam mox sequentibus, cum & isti videantur quodammodo complementum ipsius copulae. Secus dicendum foret, si fierent in ordine ad novam copulam inchoandam, prout rectè limitat Bosco *Disput. 7. Sect. 11. num. 44. Suarez*, alique.

197 Colliges quintò, unicum etiam peccatum duntaxat committi ab eo, qui intendit certam summam, vel etiam integram bibliothecam furari, esse integrum diem aut noctem in auferendis libris absumat; vel qui ex eodem impetu iracundiae alicui plura infligit vulnera aut verbera &c. quia in hominum existimatione censetur moraliter unum furtum, vel unica percussio, quemadmodum unicum censetur Convivium vel Cæna. licet olura apponantur, & absuman-

tur fercula. Econtra qui pluribus diebus, esto vi ejusdem intentionis malignæ, non servaret jejunium; aut negligeret brevium, tot committeret numero distincta peccata, quot diebus non jejunat &c. quia cuilibet diei est annexa certa obligatio, moraliter distincta ab obligatione alterius diei, propterea quolibet die censetur peccatum & physicè, & moraliter consummatum. Vide Sporer à n. 433.

Dices adhuc. Sed quot peccata committit Sacerdos in statu disgratiæ plures successivè absolvendo?

198 R. Probabiliter tot committit peccata, quot successivè absolvit. Ita cum aliis multis Bâbenstuber *sr. 2. d. 3. a. 3. num. 16*. Ratio ipsorum est hæc: quia quolibet absolutio est actus & physicè, & moraliter consummatus; cum sit verum Sacramentum. Ergo quot dantur absolutiones in tali statu, tot committuntur numero distincta sacrilegia in confessione exprimenda. Hoc tamen non obstante P. Sporer de poenit. num. 435. *Illung. tract. 2. d. 2. num. 64*. Gobat, Henriquez, & alii, probabiliter tenent, hujusmodi Sacerdotem non committere, nisi unicum sacrilegium, & præcepto Confessionis satisfacere dicendo: *Semel in statu disgratiæ constitutus plurium confessiones excepti, & absolvi*. Ratio est: quia ministerium poenitentiae (sicut & Eucharistiæ) ex natura sua non determinat sibi certas personas, quin potius postulant ex divina institutione ut omnibus sacrum tribunal accedentibus jus dicatur, & omnibus ad mensam Domini accumbentibus, sacrum ferculum apponatur. Esto igitur singulæ absolutiones & singulæ distributiones. S. Eucharistiæ sint consummata administratio Sacramenti, habentur tamen in morali hominum estimatione pro partibus integralibus unius ministerii, cum tali multiplicitate peragi solent, sive unius functionis & operationis humanæ, inquit *Illung loc. cit.* Aliter discurrendum foret, casu quo Sacerdos inopis, & moraliter interruptus vicibus sese præfenset ad absolvendum, quia tunc multiplicasset sacrilegia, quemadmodum in mo-

rall

rali existimatione seu iudicio prudentum multiplicasset ministeria. Ita Diana p. 1. tract. 7. resol. 41. & 43. Lugo disp. 16. de penit. sect. 13. §. 2. quos sequitur Sporer l.c.

199 Colliges denique quintò, Casu quo pœnitens moraliter loquendo nequit recognoscere & explicare numerum peccatorum, prout fieri amat in maximis, & longa consuetudine inveteratis peccatoribus, satis esse, ut explicet statum vel etiam tempus, quo in tali statu & consuetudine perseveravit. Sic v. gr. meretrix sufficienter se accusaret dicendo, se per annum (aut plures) tam conjugatis, quam solutis, laicis & clericis &c. fuisse expositam &c. quia moralis impossibilitas excusat ab integritate materiali secundum dicta. Nihilominus si recordaretur aliquorum peccatorum in specie, præsertim talium, quæ non ita frequenter commisit, ut quoties cum consanguineis peccaverit &c. teneretur ea singillatim & distinctè exprimere, prout cum aliis sapienter & bene advertit Reiffenstuel cit. dist. 7. n. 31.

Et quod de meretrice dictum, id ipsum de aliis consimilibus maximis peccatoribus & consuetudinariis dicendum esse, quisque facillè colliget, ob paritatem omninodam.

CONFERENTIA

OCTAVA.

De Integritate confessionis in Moribundis requisita.

SUMMARIUM.

- 200 Moribundus potest & debet absolvi, esto non sit materialiter integrè confessus.
- 201 Immo etiamsi ob impotentiam nullum peccatum in specie exposnerit;
- 202 Modò petenti Confessarium, vel aliud signum doloris de suis peccatis manifestaverit.

- 203 Huiusmodi signa reperiuntur in triplici differentia, scilicet 1. certa, 2. probabilia, & 3. merè dubia; quæ
- 204 & 205. breviter recensentur & explicantur.
- 206 Absolvendus ergo est moribundus, de quo altius, licet absens, testatur possuisse Confessarium.
- 207 Nec obstat decretum Clementis VIII.
- 208 Absolvendus etiam (sed sub conditione duntaxat) est moribundus Catholicus, licet non constet quòd possulerit Confessarium, dummodo rationaliter credi possit, vel proxime dedisse, vel actu dante aliquod signum doloris, esto etiam nullum hic & nunc in eo deprehendatur.
- 209 Resolvitur Casus I. de quodam fabro murario, qui fatali casu ab alto decidens, cervicem fregit.
- 210 Quo fundamento talis dici possit capax absolutionis conditionate.
- 211 Resolvitur Casus II. de Vidua fatalibus implicata inimicitias, quæ affectu appropietico subito videbatur destituta usu sensuum.
- 212 An, & quo fundamento tales absolvi queant.
- 213 Resolvitur Casus III. de Moribundo Acatolico, qui hactenus materialis duntaxat hereticus fuisse videbatur.
- 214 An, vel quaratione tales absolvi possint aut debeat.
- 215 Sacerdos negligendo, & non absolvendo moribundum, graviter delinquit.
- 216 Etiam ille absolvendus est sub conditione, de quo dubitatur, an adhuc vitat.
- 217 Et quid, si dubitetur an sit Catholicus?
- 218 Quid si moribundus ex mania aut de hirtio recuset confiteri.
- 219 An, vel quando super moribundum liceat repetere absolutionem.
- 220 Extra mortis articulum non est absolvendus, qui nullum omnino peccatum in specie confiteri potest, sed potius expedandum commodius tempus.

221 Moribundus cessante impotentia tenetur sua peccata specificè & numericè confiteri.

6. I.

Præmittuntur, & breviter resolvuntur

Quæsitæ, scitu necessaria ad
quibè resolvendos Casus de
Moribundorum confessione.

Quæres primò, an possit absolvi Moribundus non confessus integrè materialiter?

200 R. Potest ac debet ex charitate, immò à proprio Pastore etiam ex iustitia absolvi, esto non sit materialiter integrè confessus. Ita omnes. Ratio est: quia ex generali præcepto charitatis, quivis; immò Sacerdos proprius, uti est Parochus vel alius superior suo subdito in extremæ necessitatis periculo constituto ex iustitia tenetur succurrere modo sibi possibili & licito: atqui moribundus versatur in tali periculo, & sacerdos validè ac licitè potest succurrere administrando Sacramentum poenitentiae; cum non sit necessaria integritas materialis ad hujus valorem: ergo tenetur.

Sed quid, ais, si moribundus postulat quidem Confessarium, huic tamen supervenienti ne unicum quidem possit exponere peccatum?

201 R. Nihilominus sub gravi obligatione debet absolvi. Ita communiter recepta DD. sententia satis tuta, quæ in variis Conciliis legitur decisa. Idipsum præscribit Rituale Rom. jussu Pauli V. editum tit. de poenit. §. ult. sequentibus omnino verbis: quodsi inter confitendum, vel etiam antequam incipiat confiteri vox & loquela ægrum deficiat, nutibus & signis conetur (Sacerdos) quoad ejus fieri poterit, peccata confitentis cognoscere: quibus utcumque vel in genere, vel in specie cognitis, vel etiam si desiderium confitendi free per se, sive per alios ostenderit, absolvendus est. Hactenus Rituale Rom. utique satis accuratè præscribens modum agendi cum moribundo.

202 Quocirca tamen notandum, ad va-

lidam absolutionem non sufficere signum quodcunque pietatis aut doloris ab infirmo exhibitum, sed omnino necessarium esse, ut dederit hujusmodi signum in ordine ad obtinendam absolutionem; quia secundum dicta superius num. 66. ut dolor sit sufficiens, necessariò aliquo saltem modo referendus est ad absolutionem; secus enim non esset Sacramentalis, consequenter nec pars Sacramenti.

Nihilominus in praxi piè præsumendum est, quemlibet moribundum hujusmodi signa dedisse intuitu salutis obtinendæ, ideoque ad absolutionem Sacramentalem; ceu singularissimum salutis remedium obtinendam, proptereaque potest & debet absolvi, sin minus absolute, saltem conditionate, prout rectè cum communi docet Layman hic cap. 8. numer. 4.

Quæres tertio, quænam sint, aut censeantur signa sufficientia ad licitè impertiendam absolutionem moribundo?

203 R. Cum P. Sporer num. 641. La Crolx & aliis, hujusmodi signa in triplici differentia reperiri, quorum aliqua certa, alia probabilia duntaxat, & alia omnino dubia habentur. 1. Itaque signa certa sunt, quæ ex sua natura ordinantur ad confessionem & Sacramentum poenitentiae; ut si moribundus coram Confessario aut aliis dicat, se dolere de suis peccatis, petere veniam, aut postulet absolvi &c. quo casu absolute debet absolvi.

204 Secundò. Signa probabilia censeantur, quæ quidem significant dolorem ac poenitentiam; sed exhibentur à moribundo sine mentione, vel clara relatione ad confessionem, aut ad obtinendam absolutionem; utputa si infirmus tundat pectus, aut dicat. DEUS esto mihi propitius &c. quo casu monendus est (si tempus aut periculum permittant) ut eliciat desiderium suscipiendi Sacramentum poenitentiae: at verò si periculum urgeat, poterunt hujusmodi signa sufficere ad dandam absolutionem, & quidem (juxta plurium opinionem) absolute; etsi tutius sit absolvere conditionatè duntaxat v. gr. hoc modo: Si es sapias, ego te absolvo ab omni vinculo excommunicationis, delicti:-

deinde ego te absolvo à peccatis tuis, in nòmine Patris &c.

205 Tertiò tandem signa merùm dubia reputantur, quæ de se sunt indifferentia ad significandum dolorem vel naturalem ex morbo, vel supernaturalem ex peccatis conceptum, nec satis dignoscuntur hic & nunc à moribundo referri ad Sacramentum poenitentiae; ut si infirmus, rogatus num velit confitèti, solum lachrymetur, suspiret, oculos attollat, aut manum Sacerdotis, vel alterius interrogantis stringat; adhuc enim dubitare licet, an hoc faciat intuitu absolutionis obtinendæ, an verò id fiat ex vi morbi nervos constringentis, prout fieri amat in phræneticis, & in hoc casu absolutio dari nequit absolute, bene tamen conditionatè, conditione saltem in mente retenta; quia taliter absolvere nec reverentiæ Sacramenti obstat, neque salutis ipsius moribundi: multùm autem per omnem modum nocere posset negotio absolutionis, si poenitens re ipsa solum attritus, ex hac vita decederet in statu peccati mortalis; ut communiter advertunt DD. Lugo, Tamburinus, Marchantius noster *Tribunal. p. 1. tract. 4. tit. 4. qu. 3. dub. 7.*

Quæres tertiò, Possitne etiam ille moribundus absolvi, in quo Sacerdos hic & nunc nullum omnino signum doloris, vel dolorosæ accusationis deprehendit?

206 R. 1. Potest ac debet absolvi, præsertim si alius quicunque demum testetur, eum nonnulla monstrasse signa doloris, priùs quàm in tale periculum incidit: idque omnino prædicandum, esto testis ille seu internuncius supponatur non amplius esse præsens moribundo, vel Confessario absolventi. Ita hodie satis communiter DD. Suarez, Tanneus, Layman, Sporer, Sbogar *tract. 2. cap. 2. Clericatus decif. 32. num. 6.* Ratio est: quia juxta præscriptum Ritualis Rom. supra *num. 201.* allegati absolvendus est moribundus, modò desiderium confitendi sive per se, sive per alium ostenderit. Et merità quidem; charitas quippe & necessitas urgent, ut quantum possumus, proximo nostro extremè periclitanti succurramus.

Elbel Theol. P. II.

207 Neque obstat decretum Clementis VIII. quo cavetur ne unquam confessio fiat Sacerdoti absenti; quia ut advertit Sporer *numer. 639.* quando poenitens coram aliis, vel alio ostendit voluntatem confitendi, & signa doloris edidit in ordine ad obtinendam absolutionem, hoc ipso inceptit virtualiter confiteri, atque tamdiu moraliter continuat, aut certè continuare piè præsumendus est, quousque absolvatur; ergo si Confessarius jam præsens (esto absit testis vel internuncius) eum absolvat, dicetur in præsentia confesum absolvisse præsentem. Et certè idemmet Altfatus Pontifex Clemens VIII. coram Cardinale Bellarmino declarasse fertur anno 1603. d. 16. Aprilis, suæ mentis non fuisse, per dictam prohibitionem comprehendere Casum moribundi extremè periclitantis, esto per alium petierit Confessarium &c.

208 R. secundò. Tamen si non constet, moribundum priùs quàm destitueretur sensibus dedisse doloris signa, aut postulasse Confessarium: immò verò, tamen si Sacerdos hic & nunc nullum in eo signum doloris reperiat, potest tamen, & juxta magis piàm ac favorabilem sententiam debet absolvi, non quidem absolute, sed conditionatè. Ita hodie satis recepta inter DD. sententia, quam tenent Pellizarius, Tamburinus, Marchant. Sporer, Sbogar, Gobat, Herincx, La Croix. Ratio hujus opinionis dari potest ac debet hæc: quia cùm hoc Sacramentum utpote summè necessarium sit à Christo Domino institutum in favorem & salutem animarum, debet in extrema saltem necessitate administrari, quoties prudenter præsumi potest adesse omnia ad valorem necessaria, ideoque sperari fructus: atqui de quolibet Christiano piè præsumere licet, quòd via tutissima (qualis est poenitentia) velit adire æternitatem, ideoque vel jam dederit sensibile signum doloris, præsertim quando animadvertit periculum, vel saltem hic & nunc det tale signum v.g. ingemiscendo, anhelando, oculis aspiciendo confessarium &c. quo sese velut peccatorem

R. vel it

velit accusare intuitu salutis & absolutionis impetrandæ: ergo licitè potest, & probabilius etiam debet sub conditione *si sit capax aut dispositus*, absolvi.

§. II.

Proponuntur, & breviter resolvuntur
Casus prædicti de Moribundis non
valentibus confiteri prout
oporteret.

C A S U S P R I M U S.

Titius Faber murarius inopinato Casu ab alto decidens, caput gravissimè allisit, inunè & cervicem fregit, propterea-que ultimam agebat animam; id, ubi Uxor Titii inauditi, oculisque perspexit, vehementer perterrita, mox & ipsa phœnefin incidit. Quare vocabatur Confessarius, qui dum ad inopinatum supervenit spectaculum reperit utrumque conjugem extremè periclitantem, in neutro tamen vel minimum rationis, vel etiam doloris de peccatis concepti indicium deprehendit. Dubitavit idcirco, quidnam in his circumstantiis agendum?

209 Resp. Conandum fuit, ut acclamando actum doloris, desideriumque absolutionis in iisdem excitaret, tum verò uterque, vel si mora non patiebatur ob instans mortis periculum, uterque simul absolvens erat conditionatè cuni hac formula: *si estis dispositi, ego vos absolvo &c.* Ratio jam data fuit n. mox præcedenti: quia scilicet ex voluntate Christi hoc Sacramentum in casu necessitatis administrandum est, modò aliquantula saltem spes salutis, & fructus inde percipiendi appareat; voluit quippe divina clementia (uti sapienter ait Viva mox infra citandus) ut in administratione Sacramentorum potissimum attendetur ad salutem animarum, adeò, ut voluerit bonum nostrum præferri reverentiæ illis debitæ, prout vel ex eo perspicuè satis cernere licet, quòd Christus communicando Judam, sceleratissimi præferre, quàm negando communionem Sanctam, eundem coram aliis prostitueret: ergo cum in hoc nostro casu ali-

quantula saltem appareat spes, ob rationes mox allatas, potuit ac debuit Confessarius Titium cum sua uxore absolvere conditionatè.

Dices. Etsi Sacramentum baptismi sit summè necessarium ad salutem, neutiquam tamen licitum est baptizare, etiam sub conditione tantum, in eo casu, ubi deficit omnis materia baptismi: ergo à pari, cum in nostro casu deficiat omnis materia proxima penitentiae, scilicet confessio dolorosa, ne quidem sub conditione licitum erit absolvere.

210 R. Negando suppositum consequentis. Non enim in hoc casu supponitur abesse, sed potius adesse præsumitur materia proxima penitentiae, dolorosa scilicet confessio saltem virtualis: quia secundum dicta piè admodum præsumitur ac creditur, quemlibet moribundum desiderare securissima via, penitentiae scilicet, adire æternitatem, ideoque dare aut proximè dedisse doloris indicium de suis peccatis: ergo quemadmodum in casu necessitatis nendum valet, sed & debet sub conditione baptizari insans in materia dubia, idest, tali, quæ verosimiliter videtur esse aqua naturalis quoad substantiam; ita pariter ob instans animæ periculum debet absolvi moribundus, modò adsit, vel verosimiliter credatur adesse materia proxima absolutionis, scilicet virtualis saltem confessio, & dolorosa accusatio de peccatis in genere. Eito id nequaquam foret licitum, si certò constaret, moribundum nec proximè dedisse, neque actu dare aliquod signum sensibile doloris in ordine ad confessionem, sicut nunquam licitum est baptizare, ubi certò noscitur deficere omnis materia etiam probabilis, aut dubia baptismi. Vide Gobat *tr. 7. a. n. 612.*

C A S U S S E C U N D U S

Sempronia vidua jam pridem fatales conceperat inimicitias erga propriam suam filiam nuptui traditam, quam ob causam nec aspectu illum dignabatur, nec alloquendo, sæpius insuper protestabatur (quidquid demum alii tum Regulares, tum etiam sacculares Sacerdotes in contrarium persuadere sæpius nituntur)

nc

ne vel morituriensis conspectum subire unquam præsumeret aut permitteretur. Tandem verò Sempronia tangitur repente apoplexia: accurrunt plures mulieres juvandi gratia, inter alias etiam filia iam exosa: rogatur Mater, ut in hoc saltem articulo velit ignoscere, at illa corvis oculis filiam aspiciens, mox ab ea faciem avertit, illicoque sensibus destituta nullum amplius doloris signum edidit, licet integro triduo agonizavit. Jam dubitatur, an Sempronia licet potuerit sub conditione saltem absolvi?

211 R. Videtur probabilius, Semproniam licet non potuisse absolvi, quippe quæ nullum prorsus poenitentiae, sed potius impoenitentiae indicia edidit tunc, quando in talem lamentabilem statum incidit. Nihilominus quia Poncius *In cursu theol. disp. 46. num. 59.* Gormaz, Bonapratia, Cardenas, Stoz, & alii plures apud La Croix l. 6. p. 2. num. 1163. probabile censent, etiam illos, qui antea male vixerunt, immò qui actualiter peccando v.g. adulterando &c. sensibus sunt destituti, aut duellando confossi &c. vix, aut nunquam esse dimittendos sine absolutione; hinc censeo, Semproniam nostram fuisse inculcandos, & acclamandos aëctus contritionis generaliter de omnibus suis peccatis, præcedendo ab obligatione reconciliandi se cum filia; tum quia in his circumstantiis reconciliatio saltem externis finis facienda, v. debatur impossibilis, & hoc ipso facilius dissimulanda, ne fortassis offensa in mentem revocata, poneret obstaculum contritioni; tum etiam quia fortassis Sempronia se injustè læsam existimans, credidit, se abque reconciliacione cum filia & de peccatis suis efficaciter dolere, & salvari posse. Quare cum in tantis periculis animæ oporteat semper inclinare in benigniorem partem, licebit & hic præsumere, aut saltem rationabiliter dubitare, an moribunda post tot acclamationes & pias exhortationes non conceperit verum dolorem, ita ut capax sit absolutionis Sacramentalis. Idcirco haud imprudenter scisse existimo istum Confessarium, qui sub conditione Semproniam absolvit.

Dices. Constat multiplici experientia

& ipsorum moribundorum testimoniis, eos in tantis periculis vel non fuisse sibi præsentes, aut certè nil minùs, quàm de contritione, vel de suscipiendo Sacramento poenitentiae cogitasse, prout ipsimet postea sensibus restituti non rarò fassi sunt: ergo ne Sacramento fiat injuria, neutiquam absolvi debent.

212 R. Negando consequentiam: esto enim constet, multos, immò fortassis plurimos, vel ob defectum usus rationis, vel ob aliam indispositionem nil minùs, quàm de obtinenda absolutione cogitasse; Nihilominus simili experientia constat, nonnullos in tali periculo vera dedisse signa doloris, & quàm affectuosissimè desiderasse beneficium absolutionis, licet hoc suum desiderium ab aliis non fuerit satis perspectum. Hujus nobis testimonium fide dignissimum de se ipso præbet Marchantius noster in *Tribunal. Sacrament. tom. 1. tit. 4. tit. 4. q. 3. dubio 7. prope finem*, sequenti omnino verbis: confirmor (ait) in hac ignotorum signorum declaratione, „ eò quòd mihi semel extremo periculo „ post extremam unctionem laborandi, & „ per omnia sensuum operatione destitutus contigit: sensibus omnibus destitutus eram, excepto auditu: ratione autem & judicio firmo & recto intus utebar, ita, ut cum me deficere, & ex Medico foris loquente, & ipsius naturæ debilitate perciperem, firmiter me Dei misericordiæ commendabam, & piùm affectum aliquem foris conabar prætare: unde mirum est, si fortè gemitu aliquo, vel respiratione, vel doloris nutu illud non offenderim, quamvis adstantes illud non notarent, nisi fortè ut erant signa naturæ patientis. Ab illo tempore in animum induxi, quòd, si quovis modo aliquem Catholicum sic oppressum reperirem, nec signum aliquod mihi intelligibile dare posset, nihilominus sub conditione absolverem, eò quòd fortè aliquid signum poenitentiae edat, etsi mihi incognitum. „ Hactenus in rem nostram Marchantius, & bene; nam si ipse dederat signa, etsi ab aliis non intellecta, quidni de aliis dubitare liceat, an non pariter vel hic & nunc dent, vel proximè dederint hujusmodi signa

ga doloris? ergo cum in dubio sit inclinandum in favorem Rei, sinulque per appositam conditionem declinari valeat irreverentia Sacramenti, nihil prorsus ob stare videtur, quo minus possimus, immo & teneamur absolvere moribundum: urget enim charitas proximi: suppetit insuper gravissima ratio, hæc scilicet, quia fortassis moribundus vi absolutionis iustificabitur, qui vi solius attritionis non iustificatus incurrisset æternam damnationem.

CASUS TERTIUS.

Cajus hæreticus homo ceteroquin bene morigeratus, qui videbatur hæcenus materialiter tantum errasse, ad extrema devenerat, quem Sacerdos quidam catholicus inviserat, & ut anime salutem confuleret, eundem in hunc modum alloquebatur; Fuimus amici, sumusque, & volo, ut sincerè respondeas. Nonne in Religione Lutherana permanes, quia illam veram existimas? nonne illam statim relinqueres, si falsam putares? nonne doleres, te Deum offendisse? nonne confiteris Deo te peccasse? & vis confiteri homini, qui te possit absolvere? nonne mihi confiteris, si scires, te posse & debere hoc facere? Annuit ad singula ager, & Sacerdos ait; si est sufficiens ista confessio; ego te absolvo &c. Jam quaeritur 1. an fuerit ista vera confessio? 2. si vera, an integra? 3. an Sacerdos prudenter concesserit absolutionem? 4. an necessariò posuerit conditionem, an verò absolutè absolvere potuerit apertum?

Totum hunc casum vix non in iisdem terminis ex Caramuele refert P. Gobat sr. 7. n. 622. quem etiam succinctè quidem, sed, more suo, sapienter resolvit &

113 Respondet in hunc modum 1. confessionem illam fuisse (si seriò talia dixit ille bene moratus) veram confessionem, utpote cui nihil essentiale defuerit; 2. fuisse quoque integram formaliter, etsi non materialiter; 3. Confessarium prudenter concessisse absolutionem, & quidem sub conditione, si habuit ex circumstantiis rationem dubitandi, utrum germano, idest, minimè luctato animo prolocutus es-

set hæc omnia æger; absolutè verò; si non occurrat ratio positiva dubitandi de germanico candore. Ita Gobat, & bene. Rationes autem constare debent ex hæcenus dictis. Sed

Dices: Ad absolutionem validam necessariò concurrere debent actus fidei & spei: atin hæretico actus fidei supernaturalis supponi nec potest, nec debet: ergo nec absolvi.

114 R. Equidem in hæretico formali illos supponi non posse, possunt tamen supponi in hæretico materiali (qualis credebatur esse Cajus noster) actus fidei communes nobiscum & ad hoc Sacramentum necessarii, utputa quoddam Deus sit iustus Iudex, nec minor in misericordia, quàm iustitia; vi cuius non vult mortem peccatoris, sed magis ut convertatur & vivat &c. ergo in tali hæretico materiali non desuit vera fides de Deo, Christo, cælo, inferno &c. consequenter potuerunt adesse supernaturales actus spei, dilectionis, contritionis &c. fundati in ea fide, uti restè observat Gobat cit. num. 611. approbante la Croix l. 6. p. 2. num. 1866.

§. III.

Corollaria ex dictis inferenda.

215 **C**olliges ex dictis primò, Sacerdotem qui negligit, seu etiam non absolvit moribundum, idè quo prudenter dubitare licet, an hic & nunc non sit forè dispositus, gravissimè peccare contra charitatem, immò etiam (si supponatur esse Sacerdos proprius, seu Pastor) contra iustitiam. Constabit hæc illatio ex dictis: quia quoties citra grave incommodum sequendo opinionem probabilem subvenire valemus proximo gravissimè periclitanti, ad hoc ex lege charitatis (Pastor etiam ex iustitia) tenemur: at opinio hæc nostra, hæcenus declarata est probabilissima, tum ex rationibus, tum etiam ab auctoritate: ergo &c. Unde nec excusandus foret ex eo, quod forsitan crederet hanc benignam opinionem esse minus probabilem, vel tenuis omnino probabilitatis; nam talis tene-

tur

tur corrigere suum iudicium, & huic opinioni, tum à rationibus, tum etiam ab auctoritate satis fundatæ sese accommodare; cum id absque peccato fieri possit. Videatur *Viva postteriam partem damnatarum thesum* §. XI. fin.

216 Colliges secundò, etiam illum moribundum esse absolvendum sub conditione, de quo prudenter dubitatur, an adhuc vivat, an verò jam vixerit? Idque tunc præsertim faciendum, quando moribundus prius postulavit Confessarium, aliavè doloris signa, aut confessionis desiderium exhibuit. Ita præter alios Sbogar *tr. 2. num. 23.* Ratio est: quia hoc Sacramentum est administrandum in casu necessitatis, quoties affluerit aliquantula saltem spes fructus inde percipiendi; id enim Christum pro infinita sua clementia & amore nostræ salutis voluisse, communiter satis tradunt DD. apud Diana *p. 3. tract. 3. resol. 9.* & *Viva loc. cit.* at in nostro casu apparet aliquantula saltem spes fructus & valoris: ergo. Secus dicendum foret, si ægrotus adveniente Sacerdote jamjam exspirasse supponatur; quia tunc non ampliùs esset homo viator, ideoque nec capax absolutionis, uti deciditur *cap. Multiplex 49. de penit. d. 1.* quemadmodum & infans mortuus non est ampliùs capax baptismi; cum certum sit, Sacramenta fuisse instituta pro hominibus Viatoribus. La Croix. *n. 1164.*

At quid (ais) si Sacerdos reperiat Moribundum, de quo non constat, sitne Catholicus, vel verò acatholicus?

217 R. Adhuc absolvendum esse sub conditione satis probabiliter tradunt multi DD. Marchant apud Sporer *numer. 648.* Ita etiam Theologos Viennenses resolvissse testatur Caramuel apud Sbogar *cit. num. 24.* Tum quia charitas etiam in tali casu urget, ut quantum possumus, succurramus; tum etiam quia absolutio per conditionem appositam purificatur.

Dices adhuc. Quidis autem infirmus ex mania vel delirio recuset confiteri?

218 R. Cum distinctione. Si enim rationaliter credi possit, eum prius, quàm
Elbel Theol. P. II.

maniam aut delirium incidit, dedisse aliquod signum doloris in ordine ad obtinendam absolutionem, potest & debet absolvi sub conditione saltem; adhuc enim esset capax absolutionis, quippe cui præsens mania nihil obstat. At verò si prudenter credi non possit prius de peccatis doluisse & desiderasse absolutionis beneficium ne quidem sub conditione absolvi debet; quia ubi nulla prorsus intervenit confessio, ibi ne quidem sub conditione impertienda est absolutio: atqui supponitur in hoc casu, aut certe prudenter creditur moribundum antea nullum edidisse doloris signum, multò minus supponi potest in actuali mania aut delirio dare: ergo &c. Et licet Tamburinus apud Gobat *cit. tr. 7. num. 624.* existimari, Sacerdotem illum practice bene fecisse, qui quendam Juvenem à probitate sibi notum, at ex mania recusantem confiteri, denique tamen sub conditione absolvit, id tamen alia ratione haud practicandum vel excusandum puto, quàm quòd ob probitatem sibi perspectam prudenter præsumperit, Juvenem illum prius quàm maniam inciderat, dedisse aliquod sensibile signum doloris. Cæterùm an vel quando fatui sint absolventi etiam in mortis articulo, diximus supra *confer. 2. num. 41.*

219 Colliges tertio, quòd, quemadmodum nec prima absolutio dari debet moribundo, nisi prudenter credi, aut certe dubitari possit, an non sit dispositus & capax; ita à fortiori nec repetendam esse absolutionem, nisi prudenter credatur moribundum iterasse confessionem sensibilem. Ratio est evidens: quia prima absolutio plerumque magis est necessaria, quàm secunda. Nihilominus quia facile contingere potest, ut prima absolutio defectu dispositionis ex parte moribundi fuerit invalida, ac deinde post aliquod temporis intervallum moribundus absolutionem sibi necessariam desideret; idcirco quando Confessarius ex circumstantiis de hoc dubitat, vel prudenter suspicatur, omnino prudenter sub conditione repetet absolutionem.

Nec silentio hinc prætereunda videtur
R 3 lau-

laudabilis illa industria, & cautela, quæ admodum solliciti Sacerdotes ad infirmum vocati eidem persuadere solent, quatenus tempore infirmitatis sæpius velit elicere actum contritionis, & desiderium absolutionis, præsertim in ultimo vitæ habitu, percipiendæ. Laudabilissimè, inquam, & sanctè faciunt, modò etiam id observent, ut, priusquam de novo absolvant, novum etiam doloris, seu confessionis saltem virtualis, utpote omnino necessariæ ad novam absolutionem, signum ab eo postulent, & acclamando obtinere nitantur. Videatur Illiung. tr. 6. d. 6. num. 146. Viva ubi supra §. ultimo ad dub. quartum.

220 Colliges quartò, extra mortis articulum locum non esse huic sententiæ piæ, de danda scilicet absolutione sine confessione formali unius saltem aut alterius peccati. Ratio est: quia ubi non urget extrema necessitas peccatoris, ibi urget præceptum divinum de servanda integritate confessionis in tantum, ut nisi unum saltem vel alterum peccatum exponatur, nunquam administranda sit absolutio? Quapropter ubi non urget necessitas, inspectandum est tempus, quo convenientius confessio cum debita integritate peragi valeat, uti rectè docet P. Sporer n. 643.

221 Colliges denique quintò, Moribundum vi absolutionis in casu necessitatis datæ non simpliciter fuisse liberatum ob onere confessionis, sed potius manere obligatum, ut cessante periculo & impotentia explicite sua peccata deponat. Rationem hujus jam superius n. 163. dedimus: quia ex præcepto divino quivis obligatur sua peccata explicite confitendo clavibus subijcere, ut ab iis directè absolvetur, & Confessarius competentem sententiam ferre valeat: at, hoc nondum præstitisse supponitur moribundus: ergo cessante periculo & impotentia adhuc tenetur Marchantius ubi supra dub. 7. fin. Bosco disp. 7. sect. 9. n. 173.

CONFERENTIA NONA.

De Satisfactione Sacramentali.

SUMMARIUM.

- 222 Satisfactio Sacramentalis quid?
- 223 Per se loquenda semper debet à Confessario imponi.
- 224 Licet subinde per accidens hoc non sit necessarium.
- 225 Pro penitentia injungenda sunt opera honesta & bona.
- 226 Quantitas penitentiae universaliter nequit determinari, sed relinquenda est discretioni Confessarii.
- 227 Penitentiam rationabiliter injunctam tenetur penitens acceptare;
- 228 Non item injustam, vel irrationabilem.
- 229 Quo tempore sit adimplenda.
- 230 In statu disgratiæ eam persolvens, an vel quomodo satisfaciatur.
- 231 Penitens eam commutare neullquam potest, bene verò Confessarius, etiam alius à priori.
- 232 Resolvitur Casus I. de Religioso pro meritis venialibus reportante Psalmos penitentiales.
- 233 Qui satisfecit, esto non recitavit simul litanias de omnibus sanctis.
- 234 Cui injungitur auditio sacri die dominico vel festivo regulariter loquendo non satisfacit audiendo unum duntaxat.
- 235 Nisi contrarium ex verbis Confessarii, vel alius circumstantiis rationabiliter colligatur.
- 236 Resolvitur Casus II. de quadam uxore, cui propter delicta merè occulta Confessarius imprudenter præcepit jejunium die Mercurii suppervandum.
- 237 Satisfacit cuidam instantiæ in contrarium.
- 238 Delicta tamen publica nonnunquam decet penitentis publice subeundis castigari.

239. *Resolvitur Casus III. de quodam negligente penitentiam sibi injunctam.*
 240. *An, vel quo modo propterea deliquisse censendus sit.*
 241. *Fuit eisdem commutanda penitentia; utpote minus oportuna.*
 242. *Quod fieri potuit à quolibet Confessario approbato, tamen si fuisset injuncta pro peccatis reservatis.*
 243. *Utrum etiam nova Confessio fuerit necessaria.*
 244. *Non tenetur penitens semel legitime absolutus repetere confessionem ex eo, quod fuerit oblitus penitentiae sibi nuper injunctae.*
 245. *Penitentiae causa injungenda sunt opera afflictiva & poenalia;*
 246. *Quorum, nonnulla recensentur.*
 247. *Quantitas penitentiae quomodo gravitati delictorum sit commensuranda.*
 248. *Quibus de causis penitentia minor iuste ac licite imponatur.*
 249. *In penitentibus praescribendis clementia potius, quam severitate nimia utendum est.*

§. I.

Exmittuntur; & breviter resolvuntur quaesita, scilicet necessaria ad debite resolvendos Casus de Satisfactione Sacramentali.

QUæres primò, quid sit satisfactio Sacramentalis?

222. R. Est opus bonum poenale, in Sacramento penitentiae à Confessario impositum in poenae temporalis pro peccatis confessis debita compensationem. Ita in re communiter DD. Explico breviter. Dicitur 1. opus bonum; per opus enim: malum injuria Deo irrogata nunquam expiaretur, sed potius augetur: Dicitur 2. in Sacramento penitentiae à Confessario impositum &c. Est enim per alia opera bona, ut sunt jejunium, orationes &c. arbitrariè & propria sponte suscepta Deo satisficere; id est, injuriam illatam quodammodo compensare valeamus; hæc tamen non erit satisfactio Sacramentalis, quia non virtute clavium imposita.

Edicitur 3. in poenae temporalis com-

penstationem: duo enim reperiuntur in quovis peccato, videlicet 1. culpa, habens adjunctum reatum poenae aeternae, si sit mortalis; & 2. reatus poenae temporalis, quæ sæpe remanet etiam post remissionem culpam. Unde & duplex est satisfactio, una, qua satisfacimus DEO pro culpa (quod fit vel per contritionem perfectam, vel per attritionem cum Sacramento &c. altera, qua satisfacimus Deo pro poena restante post culpam dimissam, quod fit, dum penitentiam virtute clavium nobis impositam debite exequimur, sique injuriam Deo irrogatam in nobismet vindicamus.

Quæres secundò, Utrum Confessarius teneatur penitentiam imponere?

223. R. Per se loquendo tenetur. Ita enim fert praxis Ecclesiae, & praescribit Concilium Tridentinum ss. 14. c. 8. hæc omnino verbis: *Debent igitur Sacerdotes Domini, quantum spiritus & prudentia suggererit, pro qualitate criminum, & penitentiam facultate salutaris, & convenientes satisfactiones injungere.* Et merito: satisfactio quippe est pars integralis hujus Sacramenti: atque Confessarius tenetur procurare Sacramenti integritatem: ergo: Et certe natura judicii, & potestas judicialis postulat aliquam punitionem delictorum. Palao, Sanchez, Salmanticenses, Clericatus decis. 34. n. 6. & alii.

224. Dixi tamen: *per se loquendo tenetur* &c. Per accidens enim in nonnullis casibus non obligatur penitentiam injungere; ut puta si penitens sit mortis proximus; & usu sensuum destitutus; ideoque & physice & moraliter impotens. 2. Casu quo ob contritionis vehementiam, & perfectionem; vel etiam ob indulgentias jamjam lucratas aut proximè lucrandas nulla amplius indigeret satisfactione; item 3. si post absolutionem jam perceptam & penitentiam injunctam mox subiciat aliud peccatum. Ita Sporer, Layman. Gobat num. 743. & 744. Verum in his etiam casibus oportet aliquam saltem exiguam penitentiam injungere, v. gr. ut moribundus, si possit, corde saltem pronuntiet Sanctissima nomina JESU & MARIAE, aut dolores suos Deo offerat &c. vel ut penitens preces.

R. 4. pro-

pro lucrandis indulgentiis præscriptas debite persolvat: item convenit ut Confessarius penitentiam jamjam injunctam extendat ad illud peccatum de novo subiectum clavibus v. gr. dicendo: ergo penitentiam jam injunctam majori cum devotione exequi coneris, aut superadde aliquot Pater & Ave &c. præsertim si peccatum mortale de novo subiciat; uti bene monent la Croix l. 6. p. 2. n. 1239. Kreislinger in addit. ad theol. mor. P. Reiffensuel ad tr. 14. dist. 10. post n. 12. Sporer, Gobat &c.

Quæres tertio, qualis, & quanta penitentia sit imponenda?

225 R. 1. Sunt imponenda opera honesta, qualia generatim sunt tria, scilicet oratio, jejunium, & elemosyna; ad hæc enim omnia reliqua opera fide viva per charitatem operante præstata commodè reducuntur. Sic sub oratione comprehenduntur omnes actus religiosi, qui ad Deum referuntur, uti sunt actus fidei, spei & charitatis, item actus laudis, adorationis, gratiarum actionis, glorificationis DEI, nec non genuflexiones, Ecclesiarum visitationes &c. sub jejunio comprehenduntur omnes castigationes corporales, cilicia, disciplina, vigilia, humilationes &c. Tandem sub elemosyna continentur omnia opera misericordiae, tam corporalia, quam spiritualia, & alia opera charitatis erga proximum, uti pulchre observant Sporer, Gobat, Reiffens. tr. 14. d. 10. n. 19. Clericatus ubi supra num. 3.

226 Secundò. Quantitas penitentiae universaliter determinari nequit, sed relinquatur prudentiae ac judicio Confessarii. Ratio est evidens. Cum enim delicta non sint æqualia in omnibus; hinc neque æqualis pena pro omnibus statui potest: licet ratio naturalis dicat pro majoribus criminibus majores (per se loquendo) penitentias esse injungendas. Quocirca singulariter cavendum, ut satisfactio quam Confessarius imponit non solum cedat in præteritorum peccatorum vindictam, sed vel maxime etiam in medicinam & cautelam futurorum; quemadmodum enim medicina corporalis à DEO instituta est ad salutem corpo-

raliter infirmorum, ita & hoc Sacramentum ad salutem spiritualiter languentium; quos proinde nolumus relevare à morbo, sed & in futurum congruis spiritualibus medicamentis provideri oportet.

Quæres Quartò. An penitens teneatur acceptare penitentiam à Confessario sibi injunctam?

227 R. Omnino tenetur, modò supponatur rationabiliter, & (uti semper debet) obligatorie injuncta. Ita communis DD. Ratio facile eruitur ex dictis: quia Confessarius tenetur penitentiam congruam injungere pro delictis confessis: ergo similiter penitens obligatur talem acceptare & implere; etenim potestas præcipiendi & obediendi sunt correlativæ; ergo cum Confessario incumbat potestas, immò & obligatio autoritativè præcipiendi & imponendi penitentiam, necessariò satendum, quòd & penitenti incumbat onus exequendi; secus enim potestas Confessarii Joan. 20. concessa à Christo, omnino redicula foret, & inefficax.

228 Dixi tamen: modò supponatur rationabiliter injuncta; non enim tenetur acceptare, multò minùs implere penitentiam patenter irrationabilem, aut justo graviolem. Quare si Confessarius desuper admonitus irrationabilem penitentiam moderari nolit, licebit penitenti eandem reverenter recusare, & alterius Confessarii judicio ac discretioni se committere. Quin etiam (ait Sporer num. 550.) accepta absolutione non tenebitur illam penitentiam irrationabilem implere, si certò constet esse injustam aut impossibilem, eam nemo ad impossibile teneatur, neque tunc ad aliud quidquam obligabitur. Videatur Laym. hic.

Quæres Quintò. Quo tempore penitentia sit adimplenda?

229 R. Cum distinctione. Vel enim Confessarius determinavit certum tempus, vel non? si primum: tenebitur illa tempore determinato; quia justo mandato semper est obtemperandum, nisi excuset legitima causa. Si secundum, tunc obligatur illam persolvere, quamprimum mora-

moraliter potest: quia juxta regulam 14. ff. de R. J. in omnibus obligationibus, in quibus dies non apponitur, presentis die debetur ubi per ly presentis die intelligitur primo quoque tempore, inquit la Croix l. 6. p. z. n. 1287. Cæterum, an penitens differendo satisfactionem Sacramentalem gravius peccet, vel non, dissident inter se DD. uti videre est apud Clericat. cit. decis. 34. n. 20. Ego breviter distinguendum censeo & dicendum, quod si penitentia fuit duntaxat levis, aut certe absque animo graviter obligandi imposita, tunc dilatio etiam notabilis non erit graviter peccaminosa; quia ex hac suppositione ipsa omissio totalis non est mortaliter mala.

Econtra, si fuit verè gravis penitentia, tunc in praxi attendendum erit, qua de causa penitens distulerit; nam si hoc contigit ex oblivione præsertim inculpabili, vel alio justo impedimento, vacabit omni culpa; si autem ex mera desidia, tædio, & languore spirituali, præsertim cum periculo obliviscendi & omnino omittendi, profecto videatur condemnandus culpæ mortalis; tum quia certò sub gravi culpa tenebatur eam exequi; tum etiam quia talis dilatio plenè impedit fructum penitentiae, quippe quæ solet etiam medicinaliter præscribi in cautelam futurorum; tum denique quia est evidens argumentum maximæ incuriæ circa animæ salutem, & inefficacis propositi in confessione peccata concepti, prout experientia dabit. V. d. Clericat. loc. cit. Gobat num. 766. Salmanticenses tract. 6. cap. 10. num. 65.

Quæres sextò, Utrum penitens exequendo opus præscriptum in statu disgratiæ, satisfacit præcepto Confessarii, vel an peccet?

230 R. Satisficit. Ita communissimè DD. Scotus, Herincx ubi supra n. 3. Sporer n. 341. Reinfestuel cit. diss. 10. n. 7. Ratio est: quia adhuc ponit opus præceptum, etsi fortè non attingat finem præcepti, qui sub præceptum non cadit. Quin immò Scotus, eumque secutus Herincx cit. num. 24. Reinfestuel nu. 8. Navaræus, Vasquez, alique plures absolute

volunt, penitentiam etsi in statu disgratiæ præstitam, suam fortiri effectum, remissionem scilicet penæ temporalis; eò quòd id non præstet ex opere operantis, seu ex meritis penitentis, sed ex opere operato, id est, ex passione & meritis Christi, in quantum est pars integralis Sacramenti. Verùm cum hoc ab aliis multis negetur, immò & venialis saltem noxæ censeatur; hinc culibet fatagendum, ut penitentiam injunctam quamprimum executioni mandet, quatenus hac via mereatur, & cum tanto majori fructu satisfaciatur, quocum majori cordis compunctione, quæ certè major erit in ipsa Sacramenti susceptione, vel haud paulò post, quam si diutius fuerit dilata.

Quæres septimò, possitne penitentia rationabiliter injuncta denuo commutari, & à quonam?

231 R. Potest commutari, nedum ab eo, qui primò imposuit, sed etiam ab alio Confessario, non tamen z. ab ipso met penitente. Communis DD. Ratio prioris est: quia quodvis præceptum humanum est variabile & mutabile: ergo etiam præceptum de persolvenda penitentia. Et cum alius Confessarius approbatus gaudeat æquali potestate ligandi atque solvendi; hinc fatendum, quòd alius æquè ac ille prior possit penitentiam injunctam commutare. Ratio autem posterioris est hæc: quoniam admodum enim penitens respectu sui ipsius nequit agere Judicem, ita nec penitentiam Sacramentalem sibi injungere, consequenter nec variare. Et certè quodcumque demum opus bonum proprio arbitrio assumptum præstaret, etsi de se melius, nunquam tamen obtineret eandem vim cum illo à Confessario præscripto; quia nunquam evadet pars Sacramenti, neque ex opere operato unquam contribuit ad penæ remissionem. Multò minus licitum est penitentiam injunctam præstare per alium, ut puta peregrinationem, jejunium vel orationem tibi injunctam alteri demandare, prout patenter colligitur ex sequenti propositione num. 150. inter damnatas ab Alexandro VII. Penitens propria auctoritate sub-

Substituere alium sibi potest qui loco ipsius penitentiam adimpleat. Quo tamen non obstante haud illicitum foret v. g. elemosynam injunctam erogare per alterum. v. g. famulum (nisi Confessarius iusta de causa obligarit penitentem ut per se ipsum hoc præstet) quia cum det de bonis propriis, adhuc ipse censetur facere elemosynam, licet utatur famulo, velut instrumeto. Herinckx cit. disp. 4. nu. 18: Stoz l. 1. pag. 4. num. 9. la Croix num. 1285.

§. II.

Proponuntur, & breviter resolvuntur Casus practici de Satisfactione Sacramentali.

CASUS. PRIMUS.

TITius Religiosus cum aliis familiariter colloquendo retulit, se nactum esse Confessarium optimum, quippe assuetum penitentias duntaxat leves injungere; quod ubi Confessarius inaudivit, nonnihil se læsum existimans, eidem Titio proximè ad Confessionem redeunti, etsi cum meris ventisibus, mandavit, ut penitentiae causa diceret Psalmos penitentiales. Cumque animadvertisset penitentem inde nonnihil confectum, abiturienti dixit: nolet sibi: Psalmos penitenciales tantum injungi, ideoque non est opus, ut & lytanias de omnibus sanctis adnexas recitet; Cui Titius (non sine aliquanti indignatione) respondit: neque verò opus fuisset me desuper admonere, jam enim constitueram solos Psalmos sine lytaniis adjunctis dicere. *Quæritur jam 1. an Confessarius præfatam penitentiam dictando bene fecerit? 2. An penitens præfata etiam admonitione Confessarii, satisfecerit recitando solos Psalmos?*

232 R: Ad primum. Esto Confessarius fortè graviter, non erraverit, videtur tamen minùs laudabiliter egisse. Ratio est: quia juxta præscriptum Concilii Trident. suprâ mox *num. 223.* allegari penitentiae quantitas est commensuranda gravitati delictorum, in quantum spiritus & prudentia suggererit: atqui recitatio

Psalmorum penitentialium pro solis venialibus respectu alicujus Religiosi (vel etiam alterius Clerici) utpote jam aliunde pluribus orandi, & spiritualibus functionibus vacandi obligationibus adstricti, videtur minùs proportionata penitentia, neque prudentiæ, sed potius inordinatæ mentis dictamini commensurata, & hoc ipso magis idonea ad exulcerandum quàm sanandum penitentis animum: ergo minùs laudabiliter egit Confessarius.

233 R: Ad secundum. Præscindendo etiam ab admonitione Confessarii penitens satisfecerit recitando solos Psalmos penitenciales; tum quia rationabiliter præsumere licuit, Confessarium non intendisse ad lytanias obligare; quandoquidem soli Psalmi penitenciales videantur: pena satis gravis pro meris venialibus; tum etiam quia juxta Regulam 15. de R. f. 6.: *odia restringi, & favores convenit ampliare*; nec unquam ultra proprietatem verborum rigor legum penitentialium est extendendus: at penitentia à Confessario demandata est quid odiosum & pœnale, simulque hæc verba: *dicat Psalmos penitenciales* cum omni rigore sumpta, & intellecta propriissimè, significant solos Psalmos, non item lytanias, quippe quæ non sunt Psalmus: ergo ad has nullatenus debebant extendi.

Dices tamen: si Confessarius die festivo mandasset Titio ut audiret sacrum, is nequitiam satisfecerit: unum duntaxat sacrum audiendo, sed tenebatur audire duo: ergo nec satisfecerit recitando solos Psalmos sine lytaniis &c.

234 R: trans. ant. neg. Conf. quia penitentia à Confessario injuncta, saltem regulariter loquendo, intelligenda est de opere supererogatorio, & non aliunde debito; quale non est auditio unius duntaxat sacri die festivo: ergo præsumendum est (nisi contrarium aliunde constet) Confessarium intendisse sacrum extraordinarium. Econtra recitatio Psalmorum penitentialium jam est opus supererogatorium, nec aliunde (uti supponimus) debitum: ergo cum lytanis adjunctis non sint Psalmus, nequitiam censendum.

dimi est, quoddam etiam ad has voluerit obligare, præsertim pro solis venialibus.

235 Dixi per parenthesis: *nisi contrarium aliunde constet* &c. Subinde enim vel ex verbis Confessarii, vel ex aliis rerum circumstantiis præsumere mitius licet; etenim si Confessarius tibi die festivo præciperet ut penitentia causa, duo audias sacra, haud imprudenter præsumes, quoddam noluerit obligare ad plura quam duo, licet ad alterum jam aliunde fuisset obligatus. Similiter si tibi injungeret ut per integram septimanam aut mensem quotidie unum sacrum audias, merito concludes, quoddam diebus dominicis aut festivis tenearis audire plura; quia tales penitentia jam involvunt opus supererogatorium, uti rectè advertunt Conink, Layman, Lugo, Tambur. Gobat. nu. 749. Sporer nu. 364. & alii plures.

CASUS SECUNDUS.

Sempronia conjugata satis gravem peccatorum carnalium sarcinam deposuit; cui propterea Confessarius demandavit, ut proxima die mercurii jejunaret, & à carnibus, vinoque omnino abstinere; quod est factum, at non sine magna offensa Mariti; qui dum ab Uxore intellexit, præfatum jejunium in penitentiam fuisse demandatum mox inferebat: vel ergo gravia commisisti peccata, vel Confessarius fuit idiota & stultus. Quid censendum de tali penitentia?

236 R. Si Sempronia peccata fuerunt merum occulta. (prout re ipsa erant) Confessarius omnino imprudenter egit injungendo jejunium, quippe quod Sempronia uxorata tam clanculario servare non poterat, quin à Marito vel aliis notaretur. Ratio est: quia teste Castropalao tr. 23. pun. 21. §. 2. n. 5. omnes conveniunt, injustissimè cogi penitentem ad penitentiam publicam pro peccato occulto: proptereaque plura Concilia, immò & Imperatores sanxerunt, ut pro peccatis occultis occultæ tantum imponeretur penitentia; inquit la Croix num. 1265. Nec immeritò S. Thomas, Navarrus, Suarez, Vasquez & alii docent, per hoc

revelari sigillum saltem indirectè & in genere: quilibet enim de tali penitentia audiret, meritò judicaret impositam esse ob grave peccatum occultum, (prout in nostro hoc casu Maritus fecisse refertur) atque sic ad minimum confessio redderetur odiosa.

Dices. Homines possent utique credere, talem penitentiam ex devotione duntaxat fuisse assumptam: ergo non violatur sigillum.

237 R. Esto homines id credere possent, negari tamen minimè valet, quia talis penitentia publica de se nota sit, præbere animum violentis, vel etiam sinisteris suspicionibus, præsertim ubi aliunde constat, penitentem non usque adeò sibi esse insensum, ut carnem jejuniis, aliisve corporis austeritatibus macerare asseverit: prout re vera nec asseveravit graviore peccatore: ergo talis penitentia publica gravis nunquam imponi debet pro peccatis merè occultis; quandoquidem facile possit vergere in laqueum animæ.

238 Dixi tamen: *pro peccatis merè occultis*. Enim verò si peccata supponantur notoria, & cum aliorum scandalo commissa, nedum licite, sed & consultò aliquando injunguntur penitentia publicæ, uti rectè docent S. Thomas, Durandus, Aversa, & alii, quos refert & sequitur Clericus Doct. 34. num. 16. Ratio est: quia congruè injungitur penitentia talis satisfactio, ad quam jure naturæ tenetur: atqui de jure naturæ tenetur ita satisfacere, ut scandalum è medio tollatur: ergo etiam ad præstantiam penitentiam publicam, velut necessariam in hunc finem congruè obligatur. Hac ratione detractori publico congruè præcipitur ut publice revocet. Item Amasio vel amasiæ lascivæ haud inconvenienter injungeretur, ut proxima occasione oportuna dehortetur complicem, ne deinceps nocturno tempore redeat ad colloquium aut fenestrolam (ut vocant) vel ut eidem redeunti exhibeat vultum austum, durioribus verbis objurget, & à turpissima illa sollicitatione dehortetur &c. Neque in hoc casu timenda est iactio sigilli Sacramentalis; tum quia præcedente

te scandalo peccatum jam supponitur notorium; tum etiam quia concurret consensus penitentis, necessarium dandus, si tamen absolutionem reportare velit: sicut ob eandem causam eidem licite demandatur onus postulandi veniam ab offensis absque ulla sigilli violatione præsertim cum ab hoc jam aliunde sit obligatus.

C A S U S T E R T I U S.

Cajus famulus inter alia fatebatur, se non persolvisse penitentiam, in ultima confessione jam ante annum sibi injunctam. Rogatus à Confessario, quoniam illa fuerit, respondebat, fuisse non unam, sed multiplicem; nam 1. (inquiebat) debuissim singulis diebus dicere sex Pater & Ave: quod & præstiti per tres aut quatuor dies, sed non ultra 2. debuissim subsequenter per tres menses post singulos quatuordecim dies confiteri, & quidem eidem Confessario, mihi specialiter deligendo: quod hæcenus omnino nunquam feci, partim ex desidia, partim verò ob alios labores & servitia Domino meo præstanda, quæ non permisissent semper me sacræ exomologesi vel S. Communioni vacare. Ita Cajus. Jam verò pro præxi dubitatur 1. an præfata penitentia fuerit congrua? 2. an Cajus peccaverit eandem non exequendo? 3. an vel à quo fuerit commutanda?

239 R. Ad primum, præfata penitentiam de se quidem congruere hominibus lascivis & vitio luxuriæ deditis, vel etiam in occasione proxima constitutis; nihilominus respectu Caji famuli, utpote pluribus servitiis distenti, vi quorum non poterat semper vacare confessionibus faciendis, erat minus congrua. Idcirco Doctor subtilis 4. Diff. 17. q. 1. enimque secutus Sporer num. 557. bene movent, ut Confessarius fatagat imponere penitentias *statui penitentis cujuslibet congruas*, proptereaque pauperibus, aut filiis familias præcipiendum non est, ut elemosynas elargiantur, nec operariis laboriosis, aut debilibus personis jejunia, nec mulieribus longæ peregrinationes, neque aliunde multis occupatio-

nibus vel laboribus distentis multæ preces sunt injungendæ; quia hujuscemodi penitentias velut impossibiles moraliter, aut certe admodum difficiles, vel omnino nunquam persolvent, vel, si una alteravé vice persolverint, deinceps ex tædio atque desidia mala fide omittent cum continuo conscientiae remorsu, prout vel ex hoc ipso casu, utinam non nimis frequenti & practico! haud obscure colligere licet.

240 R. Ad secundum. Nullatenus dubitandum, quin Cajus penitentiam præfata negligendo mortaliter peccaverit; negligere enim penitentiam gravem pro peccato mortali nunquam confessio impositam, secundum omnes est peccatum mortale: ergo à fortiori negligere penitentiam pro pluribus mortalibus injunctam. Immo verò non dubito, quin Cajus sæpius, & toties quidem, quoties non ob impossibilitatem moralem, vel temporis defectum, (de quo graviter examinandus erit) sed sponte & ex desidia per dictos tres menses confessionem sibi præceptam intermisit: quia Confessio sicut & communio præcepta, juxta morem receptum Ecclesiæ censetur materia gravis: ergo earum neglectus est graviter peccaminosus. Accedit, quod in nostro Casu frequentia confessionis ex gravissimo fine, per modum medicinæ præservativæ fuerit præscripta, & hinc ex neglectu ejusdem meritò in penitente arguitur magna salutis incuria, immo & contemptus. An verò sæpius peccaverit ex eo etiam, quod sex Pater & Ave in singulos dies sibi præscripta intermisit, non videtur adeò certum, immò minus verosimile; tum quia sex P. & A. secundum se præcisè sumpta communi æstimatione non reputantur materia gravis; tum etiam, quia non est de facili præsumendum, quod Confessarius singulis diebus voluerit obligare sub peccato mortali ad præfata 6. P. & A.; secus enim videretur penitentia nimis onerosa, & hoc ipso humanæ fragilitati periculosa, immò perniciofa potius, quam proficua ad salutem. Certè hæc ratio la Croix num. 1277. post Gobatum & alios probabile censet, eum, qui unam

nam ex v. gr. 10: communionibus sibi injunctis omitteret, peccatum venialiter duntaxat, maxime cum per reliquas novem possit obtineri prope idem finis. In praxi vero attendendum, & disquirendum erit, an, & quoties Cajo noster sponte neglexerit præstatam poenitentiam, item quo tunc fuerit animo? an non crediderit se propterea graviter peccare? Et ex responsionibus ipsius prudens Confessarius facile colliget & gravitatem, & numerum peccatorum.

241 R. Jam ad tertium. Poenitentia fuit Cajo permittenda. Ratio secundum dicta respectu hujus subiecti fuit incongrua, saltem quoad frequentiam confessionis: atqui poenitentia incongrua nunquam non sunt declinandæ & fugiendæ: ergo oportebat ut in aliud opus plium commutaretur v. gr. ut data opportunitate audiret sacrum, & sub eodem diceret rosarium, aliasve preces pro luendis indulgentiis præscriptas. Vel etiam, ut si deinceps præter omnem spem & expectationem rursus incideret hoc aut illud peccatum &c. quantocius conaretur elicere contritionem, vel etiam in honorem B. Virginis diceret aliquot Ave Maria &c. Neque ita adstringendus est, quin eidem detur licentia, ut si una die vel ex oblivione, vel ob aliud impedimentum intermiserit hujusmodi poenitentiam medicinalem, eandem altera die valeat supplere. Profecto præstat cum parva poenitentia, quæ tamen videtur adimplenda, ducere confitentem ad Purgatorium, quàm cum magna, quam nunquam faciet, præcipitare in Infernum. Semper etiam cavendum, ne poenitens confessionali abeat afflictus, vel desperatus, vel horrore confessionis inbutus, utl sapienter advertunt Tamburinus, Gerson, Layman, l. 5. tr. 6. c. 15. num. 11. Sporer & Stoz l. 2. num. 120.

Sed quid si supponatur præfata poenitentia fuisse imposita propter peccata reservata, possitne hoc non obstante ab alio quovis Confessario commutari?

242 R. Affirmative. Ita Henriquez,

Sanchez, Bonacina & alii apud la Croix cit. nu. 1294. Ratio est: quia poenitentia injuncta non fuit reservata, esto peccata fuerint reservata, à quibus jam fuit absolutus poenitens: ergo quemadmodum quivis Confessarius approbatus potest absolvere à peccato, cujus reservatio ab alio Confessario vel superiore jam fuit semel legitime sublata; ita ob eandem rationem quivis Confessarius poenitentiam pro casibus reservatis semel injunctam ex rationabili causa commutare valet; modò id faciat in actu confessionis: nam extra confessionem, & respectu confessionis quam nunquam audivit, non habet plus potestatis, quàm laicus: ergo quemadmodum laicus nec sibi, nec alteri potest mutare poenitentiam, ita neque alius Confessarius extra confessionem: Cardinalis de Lauræa de poenit. Disp. 22. §. 3. d. n. 248. Gobat. n. 776. Clericatus ubi supra n. 22.

Dices. Ergo poenitens, desiderans poenitentiam semel injunctam sibi immutari, tenebitur peractam confessionem repetere?

243 R. Cum distinctione. Velenim postulat sibi poenitentiam commutari ab alio, vel ab eodem Confessario, qui prius eam imposuit? si ab eodem, neutiquam opus erit, repetere confessionem peractam, modò Confessarius supponatur adhuc habere confusam saltem notitiam de statu & conditione poenitentis; quia hæc sufficit ad ferendum congruum judicium de æquitate, vel etiam utilitate poenitentia. Sin autem postulet sibi poenitentiam mutari ab alio Confessario, eò præsertim quòd justo gravius videatur, tunc juxta communioem & probabiliorem DD. opinionem omnino necessum erit, ut repetat confessionem peractam; secus enim alter Confessarius non posset congruè discernere de æquitate sententia semel lata, sed potius causa inconita judicaret velut cæcus de coloribus. Nihilominus Navarrus, Henriquez, & præter alios adhuc plures Sporer n. 589. probabiliter censent, non esse opus repetitione si poenitens non alleget injustitiam, sed solam importunitatem, vel incongruentiam poenitentia nuper sibi injuncta, & aliunde dif-

difficiliter repeteret, aut certe tempus non permitteret repetitionem. Ratio est: quia Confessarius ut Iudex & Medicus potest de tota causa simul judicare juxta præsentem statum pœnitentis, prout magis videbitur expedire: atqui de tota causa simul sufficienter judicat, quando etiam non repetita confessione judicat hic & nunc, pœnitenti non expedire talem pœnitentiam, sed potius aliam; cùm hic supponamus solùm agi de congruitate pœnitentiæ juxta præsentem statum Confessi: ergo &c. Cæterùm pro praxi sapienter advertit Reinsschuel *trakt. 14. Diss. 10. num. 17.* consultum omnino esse, ut pœnitens interrogetur vel de peccatis gravioribus, propter quæ altera pœnitentia eidem prius fuit imposita; vel saltem, an prius habuerit sinùlia peccata iis, de quibus nunc se accusavit: sic enim saltem aliquoties cognoscetur status pœnitentis, ac proinde poterit alia convenientior pœnitentia eidem imponi.

Dices adhuc, an pœnitens prioris pœnitentiæ oblitus præsertim culpabiliter, teneatur eandem confessionem repeteri apud alium, ut congrua pœnitentia pro iisdem peccatis, sibi denuo injungatur?

244 R. Quid non. Ita Soto, Navar-
rus, Averfa, Sporer *num. 552.* la Croix
num. 1275. Kresslinger *in addition. post*
num. 17. diss. 10. cit. Ratio est: quia es-
sentialia Sacramenti jam sunt completè po-
sita, & omnia peccata nedum exposita,
sed & directè remissa: ergo nulla ampli-
us restat obligatio eadem peccata sub-
jiciendi clavibus. Neque refert, prius
Sacramentum non fuisse adhuc integrè
completum; causa enim sufficienter ex-
cusans ab hoc onere est, ne pœnitens co-
gatur confiteri eadem peccata, à quibus
jam fuit directè absolutus. Oportet ta-
men, ut si prior Confessarius conveniri
possit de facili, ab eodem repetatur pœ-
nitentia, ad complendum integrè Sacra-
mentum, vel, casu quo prior pœnitentia
evasisset impossibilis, petatur commuta-
tio ejusdem. Immo etiam expedit postea
apud alium Confessarium saltem in ge-
nere de omnibus peccatis sese accusare,

& petere tantò majorem pœnitentiam,
ut, quantum fieri potest, hæc pœniten-
tia ad priorem confessionem per modum
complementi integralis extendatur. Vide
DD. *cit.*

§. III.

Corollaria ex dictis inferenda.

245 **C**olliges primò, pro pœnitentia
injungenda esse opera pœnalia
& afflictiva. Ratio est: quia debet im-
poni in criminis vindictam, & refræna-
tionem affectuum exorbitantium: atqui
in hunc finem vel maximè deservunt
opera pœnalia: ergo &c. Hæc de causa
oportet semper aliquam saltem pœniten-
tiam obligatoriè imponere: quia Iudex
(qualem agere debet Confessarius vi of-
ficii) exercendo justitiam vindicativam
non procedit erga delinquentem modo
consultivo, dicendo v. gr. *placeat hanc*
vel illam pœnam subire, sed modo impe-
rativo ac præceptivo, dicendo: *in vin-*
dictam criminis subibis hanc pœnam &c.
Nihilominus interdum expedit nonnulla
opera medicinalia præscribere sub consi-
lio duntaxat, & sine obligatione, præ-
sertim ubi pœnitens nescit esse scrupu-
losus, vel quando ob notam fragilitatem,
vel alia impedimenta prudenter dubita-
re licet, sitnè opera præscripta execu-
turus, vel non? uti sapienter advertit
Herincx *cit. disp. 4. numer. 3.* & alii
plures.

246 Colligea secundò, in pœnitentiam
Sacramentalem posse injungi 1. opera
virtutum, etiam merè interna, v. g. me-
ditatio de passione Domini, de gravitate
peccatorum, de quatuor novissimis &c.
instituenda: nec non externa, uti sunt
examen conscientiæ, visitatio Venerabi-
lis Sacramenti, auditio concionis &c. 2.
Item usus Sacramentorum, præsertim
Pœnitentiæ & Eucharistiæ: non tamen
susceptio Ordinis & Matrimonii; quia
talis pœnitentia regulariter loquendo ac-
cideret nimis dura. 3. Item possunt injun-
gi preces & alia opera pia pro animabus
in purgatorio detentis peragenda; immò
& opera aliunde præcepta aut debita,
uti

utl auditio Missæ in die Dominico, vel jejuniū tempore quadragesimali; tum quia memorata opera sunt de se penalia, simulque honesta & sancta; tum etiam quia nihil obstat, quod minus possint esse vindicativa. Quin etiam aliquando expedit injungere opus aliunde debitum, tunc præsertim, quando penitens alia opera supererogatoria vel omnino neglecturus, aut certè difficulter aut desidiosè executurus creditur. Ita Martinus, Herincx, Bosco, la Croix à n. 1241. Babenstuber tr. 8. p. 6. dist. 5. a. 3. n. 8. & seqq.

247 Colliges tertio, quantitatem penitentiarum commensurandam esse gravitati delictorum in tantum, ut pro levibus seu venialibus peccatis levis duntaxat, pro gravibus verò & mortalibus gravis penitentia (per se loquendo) sit demandanda. Porro levis penitentiarum exemplum est (inquit Babenstuber l. cit. nu. 23.) recitare una vel altera vice psalmum *Miserere*, vel quinquies orationem dominicam, aut salutationem angelicam. Gravis verò hodie censetur jejuniū, auditio Missæ, gestatio cilicij, flagellatio, item recitatio Rosarii. Ubi tamen advertendum, quantitatem penitentiarum gravitatis delictorum commensurandam esse proportionem geometricam tantum, non item arithmetica; quia hæc sæpissimè impossibilis, aut certè admodum difficilis accideret. Unde non sequitur quòd, si pro uno peccato mortali ex. gr. furti, pollutionis &c. sit injungenda auditio sacricum Rosario, pariformiter pro centum peccatis pollutionis sint injungenda centum Rosaria, cum totidem Missis. Quocirca Confessarius magna prudentia & discretionem utatur, necessum est, bene perpendendo facultatem, statum, qualitatem penitentium, & tunc primum decideret, quod pro DEI Gloria & salutem animæ magis oportunitate judicaret.

248 Colliges quarto, etsi Confessarius per se loquendo non rectè faciat, inimo juxta probabilissimam sententiam Palai & aliorum mortaliter peccet, pro gravissimis peccatis levissimas penas injungendo; quia agit contra officium æqui Ju-

dicis, boni Medici, & fidelis dispensatoris Mysteriorum DEI, præbetque occasionem penitentibus peccata minoris æstimandi, fortè etiam facilius relabendi &c. nihilominus in praxi posse non raro occurrere motiva gravia, quorum incuitu Confessarius penitentiam justè ac licitè valeat limitare. Hujusmodi motiva esse possunt 1. infirma constitutio corporis, vel etiam fragilitas animi, ob quam creditur confessus non executurus penitentiam graviolem, etsi justissimè imponendam. 2. Si penitens aliunde soleat præstare multa bona opera, quæ proin Confessarius in hunc finem singulariter elevari satagat per illa verba: *quidquid boni feceris* &c. Hac ratione Clericis, vel etiam sæcularibus præstandis bonis operibus assuetis, mitior potest penitentia injungi, quàm aliis v. g. Rusticis, qui suis laboribus continuò occupati, vix semel per septimanam de Deo cogitant &c. 3. pariter mitior potest penitentia imponi, si penitens jam ante sit lucratus, aut certè proximè lucraturus aliquas indulgentias: & quia hisce temporibus nedum in urbibus, sed & in pagis frequenter lucriferi valent indulgentiæ, cum propter diversas festivitates, tum etiam ob diversas confraternitates, idè Confessarius volens injungere penitentiam poterit inquirere an penitens non sit inscriptus alicui confraternitati, & affirmanti dicat: ergo diligenter perforce tuas preces præscriptas, idè enim penitentiam promeritam tibi diminuo &c. 4. Minor etiam penitentia injungi potest, ubi penitens noscitur vehementer contritus; quia hæc magnam habet vim satisfaciendi. 5. Tandem Confessarius licitè diminuet penitentiam, si ipsemet velit pro suo cliente satisfacere, prout fecisse legitur S. Xaverius, Gobat, Sporer num. 358. Stoz l. 2. n. 121. & 122. Illung. Babenstuber &c.

249 Colliges tandem quintò, in penitentiis præscribendis clementia potius, quàm severitate nimia utendum esse: convenit quippe, Confessarium imitari exemplum Christi, qui erga peccatores contritos magna semper clementia usus fuisse legitur. Et certè id ipsum verbis atque

atque exemplis antiqui Patres & Viri Sapientissimi suaserunt uti peregrinè ostendunt la Croix sæpe cit. l. 6. pag. 2. num. 1256. item Viva ad propositionem 21. ab Alexandro VIII. proscriptam. Audi vel unam, sed suo auctore D. Joanne Chrysostomo, dignam sententiam. Etsi erramus (inquit S. D. hom. 43. in caput 28. Matth.) modicam penitentiam imponentes, nonne melius est propter misericordiam rationem reddere, quàm propter crudelitatem? ubi enim Pater-familias largus est, dispensator non debet esse tenax. Si Deus benignus, ut quid sacerdos vult crudelis apparere?

CONFERENTIA

DECIMA.

De Confessione invalida repetenda.

SUMMARIUM.

- 250 Confessio invalida quid?
- 251 Reddita invalida quotiescunque deest aliquid essentialiter requisitum, sive ex parte Penitentis, sive ex parte Confessarii.
- 252 Confessio invalida est necessariò repetenda, & quidem ita, ut
- 253 Si repetitio fiat apud alium Confessarium, omnia mortalia quoad speciem & numerum singillatim sint recensenda: licet hoc non sit necessum, quando repetitio fit apud eundem Confessarium adhuc memorem prioris Confessionis.
- 254 Confessio valida, esto non fuerit materialiter integra, non est ex integro repetenda.
- 255 Resolvitur Casus I. cujusdam Monialis, confessæ dormitanti, & somnianti Confessario;
- 256 Quæ propterea tenebatur repetere peccata à Confessario non intellecta.
- 257 Quidnam tunc repetendum, quando dubitatur, sintne omnia, vel aliqua

duntaxat peccata à Confessario intellecta.

- 258 Resolvitur Casus II. de Confessario, qui, ne penitentem interturbaret, interroganda disjulit; finita verò confessione omnino ignoravit, quænam interrogare voluerit.
- 259 Suggestitur industria & praxis juvenalium memoriam, ne interroganda elabatur.
- 260 In Casu mox allato Confessarius tenebatur adigere penitentem ad repetitionem, saltem per se loquendo.
- 261 Subinde tamen per accidens licitè disjmulatur;
- 262 Præsertim ubi moraliter certè constat, peccatum non plenè intellectum, fuisse duntaxat veniale.
- 263 Resolvitur Casus III. de quodam sectione, quem Confessarius jussit repetere omnes Confessiones, eò quòd unum peccatum in juventute commissum hæcenus nunquam fuerit confessus.
- 264 Quænam in tali casu singulariter sint inquirenda & observanda, præsertim
- 265 Si penitens fateatur, se jam tunc temporis agnovisse malitiam.
- 266 Qui ex errore inculpabili existimavit se non graviter peccare reticendo peccatum, non tenetur amplius repetere.
- 267 Et quid, si præclicè dubitavit de hoc?
- 268 Vel si putavit quidem se peccare, at non deliberavit, an graviter, vel leviter tantum?
- 269 Traditur praxis repetendi confessionem, & examinandi penitentem à multo tempore sacrilegè confessum.
- 270 Non est penitens illicò condemnandus ad repetitionem, esto fateatur se à longo tempore non fuisse ritè confessum.
- 271 Tenetur tamen repetere, qui mala fide quæsitit surdastrum, vel ita confessus fuit, ut non potuerit intelligi &c.
- 272 Non item, qui bona fide sua peccata exposuit, quantumvis crasse & imperfecto modo.

273 Non

273 *Non teneris repetere, nisi moraliter certus sis, priorem confessionem fuisse nullam.*

274 *Neque teneris, si bona fide confessus es peccatum velut dubium, licet postea reperias certum &c. &c.*

§ I.

Præmittuntur, & breviter resolvuntur
Quæsitæ, scitu necessaria de repetenda vel non repetenda confessione.

Quæres primò, quid nomine, confessionis invalidæ intelligatur?

250 Resp. Intelligitur Confessio nulliter facta, seu etiam Sacramentum penitentiae nulliter administratum, quacunque demum de causa id evenierit.

Etenim ut ex ipso nominis ethimo patet, confessio invalida idem significat, quod confessio destituta valore; atqui confessio destituta valore idem importat, quod Sacramentum penitentiae nulliter administratum, aut confessio nulliter facta: ergo &c.

Quæres secundò, qua de causa confessio reddatur invalida seu nulla?

251. R. Redditur invalida ex eo, quòd deficiat aliquid essentialiter requisitum ad valorem; quod fieri potest vel ex parte penitentis, vel etiam ex parte ipsius Confessarii. Ex parte penitentis quidem 1. si is non habuit dolorem debitum esto etiam ex oblivione, aut ignorantia inculpabili) vel 2. si non habuit propositum efficax, vel 3. si non saltem formaliter integrè fuit confessus. Et 4. universaliter quotiescunque in ipsa confessione mortaliter peccat, sive ob defectum examinis, sive ob defectum veracitatis &c. Ex parte autem Confessarii redditur confessio invalida 1. si is non fuit præditus potestate ordinis, vel ordinis quidem, sed non jurisdictionis, quippe quæ est essentialiter necessaria ad valorem absolutionis. Vel 2. si formam omnino omisit, aut substantialiter corrupte, quacunque demum ex causa. vel 3. si non habuit intentionem absolvendi; quia hæc omnia essentialiter requiruntur ad valorem

Elbel Theol. P. II.

rem; uti cum *Communi* tenent Clericatus decis. 31. Sporer n. 493. Sbogar. tract. 35. n. 50. & seqq.

Quæres tertio, sitne Confessio invalida repetenda?

252 R. Omnino est repetenda. Ita omnes Sporer cit. n. 502. Stoz l. 1. p. 3. num. 608. Ratio est: quia omnia peccata mortalia sunt ita subiicienda clavibus, ut vi absolutionis, directè remittantur: atqui per confessionem invalidam nullum omnino peccatum fuit dimissum: ergo est denuo repetenda; quacunque demum de causa contigit, fuisse destitutam valore.

Quæres quartò, utrum in repetitione confessionis invalidæ sint necessariò exprimenda omnia peccata quoad numerum, speciem, & circumstantias?

253 R. Cum distinctione. Si enim repetitio fiat apud eundem Confessarium, habentem confusam saltem notitiam prioris confessionis, non est opus repetere, & denuo recensere omnia & singula peccata (etsi consultius esse, nemo non videat) sed satis erit supplere defectum commissum, & præter generalem accusationem de peccatis nuper confessis, superaddere commissæ ab illo tempore, dicendo: v. gr. accuso me de omnibus meis peccatis nuper tali tempore aut tali die sacrilegè, vel nulliter confessis; eò quòd fuerim destitutus dolore debito, aut proposito efficaci &c. & ab illo tempore rursus commisi sequentia &c. Si autem repetitio fiat apud alium Confessarium, omnino necessarium est, omnia ac singula peccata quoad numerum, speciem, & circumstantias saltem speciem mutantes denuo recenseri. Ratio discriminis hujus facile colligetur ex dictis: Confessarius quippe vi sui muneris debet agere Judicem & Medicum: at, qui nunquam audivit delicta Rei, profectò nec potest agere Judicem, ut de se patet: bene verò is, qui semel audivit delicta, & saltem in confuso adhuc recordatur illorum, ita, ut possit se reflectere super statum & conditionem illius Rei: neque enim necessum est ut Confessarius, dum absolvit, distingat, & reflexè reminiscatur omnium pec-

peccatorum, prout constat ex praxi recepta probatissimorum virorum, absolventium subinde penitentes, qui jam pridie, vel etiam biduo ante confessionem inchoarunt, esto non amplius distincte recordentur omnium: quin immo omnium recordari in hujusmodi casibus omnino impossibile foret, & onus intolerabile: ergo &c. Vide Sporer *cit. num. 303. la Croix n. 1216.*

Quæres quintò, sitne etiam repetenda confessio, valde quidem, sed non integrè facta?

254 R. Non est necessariò repetenda, sed solum supplendus defectus. Ratio est ista: quia hoc ipso, quòd supponatur fuisse valida, pariter supponi debet, vi illius peccata jam per se & directè fuisse dimissa: atqui peccata semel clavis subiecta, & vi illarum directè semel remissa, nemo tenetur iteratò confiteri: ergo &c. Nihilominus cùm prior confessio supponatur non fuisse materialiter integra; hinc remanet obligatio hunc defectum supplendi, & peccata nuper ommissa subjiciendi, quatenus jam directè dimittantur, quæ nuper indirectè duntaxat fuerant remissa. *Communis DD.*

§. II.

Proponuntur, & breviter resolvuntur Casus practici, de repetenda, vel non repetenda confessione.

C A S U S P R I M U S.

TItus Confessarius Monialium, excipiendo cujusdam Monialis valde sædiosa confessionem, cæperat dormire, subitoque per eandem viam transeunte, strepitoso curru, somnare, se audire contritum: quare perterritus cepit exclamare Jesus Maria! Jesus Maria! Monialis id audiens attonita, aiebat: quid est Pater Reverende, quid est? Cui Confessarius jam experrectus respondit: nihil est, Filia Somniam tonare Cælum, & cadere fulmen. Tunc Monialis: heu! me miseram, inquebat. Dormienti narro peccata mea? moxque cum multa indignatione

discedens, narravit historiam cæteris Monialibus desuper intensissimè videntibus.

Casum hunc, non minùs ridiculum, quàm practicum refert Clericatus *cit. decis. 31. nu. 15.* Jam verò ad nostrum propositum dubitare licet, fuerintne confessio illa repetenda, vel non?

255 R. Si præfata Monialis supponatur discessisse sine absolutione, liquidò constat, confessionem utpote destitutam aliquo essentialiter requisito, scilicet absolutione, fuisse invalidam, consequenter repetendam quantum ad materiam necessariam, siquam habuisset supponatur. At verò si absolutionem recepit, valida procul dubio fuit confessio, modò Confessarius unum vel alterum peccatum saltem veniale intellexisset supponatur (de quo vix dubitandum) Ratio est: quia valor & effectus hujus Sacramenti subsistere potest absque integra & specifica explicatione peccatorum: ergo à fortiori subsistit, ubi penitens cum vero dolore ac proposito integrè sese explicat, tamen si à Confessario non intelligatur integrè. Secus dicendum foret, si Confessarius nullum prorsus peccatum intellexisset; quia tunc non habuisset materiam, circa quam potuisset ferre judicium practicum; cùm Judex nequeat ferre sententiam, nisi intellecta prius causa. Utè advertunt Layman. *l. 6. tr. 6. c. 9. num. 5. Tambur. l. 2. c. 10. §. 3. Illung. tract. 6. disp. 6. num. 149. la Croix & alii plures.*

256 Hoc tamen minimè obstante manet penitens obligatus clavis adhuc subijcere illa peccata, quæ à Confessario non percepta fuisse certò agnoscit, prout mox supra dictum fuit; quia nondum supponitur esse absolutus directè ab illis peccatis.

At quid si dubitet, an vel quænam peccata Confessarius intellexerit, & quænam non?

257 R. Cum Lugone, Dicastillo, Tamburino & aliis apud Illung. *cit. in tali casu esse distinguendum ita, ut si confessio fuit brevis seu paucorum peccatorum, omnia peccata mortalia sint repetenda; eò quòd de singulis prudenter liceat dubitare, tantò à Confessario intellegenda,*

Et, vel non? E contra si confessio fuit proluxa seu multorum peccatorum, non tenetur poenitens singula repetere; cum de singulis prudenter dubitare non liceat: sed sufficit illa repetere, de quibus rationabiliter dubitatur, an sint intellecta à Confessario. Quod si ignoret, de quibus magis dubitandum juxta Tamburinum mox cit. c. 10. §. 3. n. 5. apud Sporer num. 497. *fin.* satis erit dicere in proxima confessione, aliquod vel aliqua peccata probabiliter non fuisse percepta à Confessario, etsi omnino tutius sit repetere totam confessionem, vel certè illam partem de qua dubitat. Quin immò P. la Croix n. 1210. absolutè vult, confessionem ex integro repetendam esse; partim quia certò constare supponitur non omnia peccata fuisse directè remissa, partim etiam quia non est ratio dubitandi magis de uno, quàm de altero; quod tamen ultimum mihi non videtur universaliter verum.

CASUS SECUNDUS.

S Empronius Sacerdos exceperat Confessionem cujusdam magni nominis Viri, & ne illum interrumpere, notavit unum alterumve peccatum, quod finita narratione peccatorum paulò exactius indagandum existimaverat. At verò confessione finita non amplius meminit, quamvis interrogare voluerit: & quia simul simul, ne exigendo totius confessionis recapitulationem Dominum illum offenderet; hinc rem totam dissimulavit, nihil prorsus interrogando. Queritur jam 1. an Confessarius bene fecerit differendo interrogationes usque in finem? An poenitentem debuerit adstringere ad repetitionem?

258 R. Ad primum. Regulariter loquendo poenitens debet statim interrogari & moneri: ideoque Confessarius malè fecit, si supponatur, quod in peccata aut circumstantias necesse erit explicandas pulis non intellexisse; quia per hujusmodi dilationem exposuit se periculo, manifestò vel omnino obliuiscendi, vel certè gravandi, & offendendi poenitentem, si illam postea obligaret ad repetitionem. Attamen si probè percepit

genus illorum peccatorum, licet non speciem, vel etiam speciem, at non numerum, faciliùs distulisset interrogationes usque in finem, ait Gobat. Consulo tamen tibi Confessarie (ad evitandos remorsus conscientie) ne interroganda differas nimium, præsertim ubi ea multiplicanda adverteris, & poenitentem aliunde incognitum credideris fore prolixiorē; sed occurrente uno aut altero dubio blandè eum interpella v. g. dicendo: *ne obliuiscatur suorum verborum: habeo enim pauca, quæ interferam: non intellexi hoc &c. quod dixit &c. vel: oportet addere numerum peccatorum &c. vel etiam circumstantias speciem mutantes &c.* Profecto nec poenitens ægrè id feret; quin immò, si sapit, lubentiùs respondit mox, quàm ut paulò post non sine rubore & graviore molestia integram confessionem repetat.

259 Neque tamen silentio hic prætereundam censeo praxin & industriam quorundam Virorum probatissimorum, qui memoriæ juvandæ causâ certa quædam peccata, & species peccatorum clam sibi notare assueverunt, digitorum contractione, ut si quid censeant interrogandum in materia luxuriæ, contrahant, v. gr. pollicem; si quid in materia justitiæ v. gr. in puncto furti &c. indicem &c. & sic de cæteris peccatis loquendo; quo fit, ut nec poenitentem ullatenus interturbent; simulque interrogandorum finita etiam narratione peccatorum reminiscantur. Praxis meo judicio admodum bona, nec improbanda, sed potiùs imitanda.

260 R. Jam ad secundum quæsitum. In casu mox allato Confessarius per se loquendo tenebatur poenitentem adstringere ad repetitionem, secundum communem Theolog. quam tenent Dicastillo disp. 10. dub. 18. num. 529. eumque secutus Gobat tract. 7. n. 235. Ratio est: quia judiciaria potestas hoc postulat, ut quod debet judicare, discernat. Text. cap. 1. de poenit. d. 6. §. Caveat: atqui, implicat discernere de numero aut specie peccatorum, nisi Confessarius intelligat numerum & speciem, sensumque verborum à poenitente prolatorum: ergo Confessarius

per se loquendo tenebatur, & quidem sub gravi culpa, petere repetitam narrationem peccatorum.

261 Dixi tamen: *per se loquendo* &c. Per accidens quippe nonnumquam prudenter & licitè dissimulatur repetitio, relinquendo penitentem in bona fide, qua credit omnia esse ritè peracta: idque potissimum in casu, quo propter illud unum peccatum culpa Confessarii non bene perceptum, oportet repetere alia octo aut decem peccata probè intellecta; ex altera verò parte penitens est multum pudibundus, aut è diverso ferox, vel admodum delicatus, ait Gobat cit. tr. 7. nu. 237. Ubi etiam advertit, faciliùs adhuc dissimulari posse repetitionem, quando Confessarius rationabiliter dubitat, an peccatum non plenè intellectum fuerit mortale; quia propter dubium incertum non est certa molestia creanda penitenti.

262 A fortiori Confessarius prudenter & licitè dissimulabit onus repetendi, quando ex prioribus confessionibus hujus penitentis est moraliter certus, illud peccatum, quod non intellexit, fuisse duntaxat veniale, eò quòd penitens non asseverit, nisi mera peccata venialia adferre; tum quia absolutio certò erit valida simul & fructuosa, cùm supponantur reliqua omnia, aut saltem potiora fuisse à Confessario intellecta; tum etiam quia penitens non tenebatur peccatum veniale confiteri: ergo nec tenetur illud repetere. Adde insuper, distractionem Confessarii ad alia non raro tam esse tenuem, ut ea non obstante verè percipiantur, verba penitentis, licèt tan tenuiter, ut mox iterum excidant memoria: adeoque non est firma hæc consequentia, (ait Gobat) *Ignoro jam, quid hic dixeris: ergo non intellexi.*

Quin etiam si Confessarius integra confessione finita non sit memor ullius peccati propter distractionem, sciat autem ex præteritis confessionibus hunc penitentem se semper accusasse de aliquo certo peccato v. g. de distractionibus sub officio divino culpabiliter admissis, prudenter præsumeretur etiam hæc vice idem peccatum exposuisse, proptereaque licitè ac va-

lidè absolveretur; etsi in tali casu esset inducendus, quatenus unum vel alterum peccatum, vel etiam solum ultimum velit repetere, prout sapienter advertunt Gobat cit. n. 239. & Illung. ubi suprà n. 150.

CASUS TERTIUS.

Cajus Senecio plebejus post enarratum unum & alterum peccatum illud ab ultima confessione commissum, tandem non sine magnis singulibus & profusione lacrymarum subdidit. Domine, adhuc unum restat peccatum, jam in mea juventute commissum, quòd ntrum in modum meum gravat conscientiam: lascivis nempe satibus sororem meam parvulam contrectavi, & quod caput rei est, hoc peccatum à sexaginta annis & amplius nunquam adhuc fui confessus; quod, ubi Confessarius intellexit mox inuult: ergo necessum est, mi bone vir, ut omnes & singulas confessiones hæcenus factas denuo repetas quantum potes. An bene?

263 R. Non bene; quia forsitan Cajus tunc temporis malitiam peccati nondum intellexit, vel si intellexit, non credidit se graviter peccare reticendo, vel denique ex oblivione aut errore inculpabili illud non fuit confessus prout revera sæpiùs accidit: quo supposito confessiones hæcenus factæ bona fide valuissent omnes; ergo præpropere & sinistrè Confessarius egit Cajum sine majori cautela vel indagine condemnando ad repetitionem. Quod me & tu mi Confessarie facias, & penitentem ultra quàm oportet graves, aut te ipsum vexes, notes velim, & bene memoriæ tuæ imprimas sequentes cautelas.

264 Primò itaque talem penitentem interroga, nisi ipsiusmet propria sponte mox dicat, quodnam illud peccatum hæcenus nunquam clavisibus subiectum fuerit. 2. Etiam gnauiter interroga, verum tunc temporis malitiam illius peccati jam agnovit, vel saltem putaverit (etiam conscientia erronea) illud esse grave peccatum? An verò postea primum, & quando agnovit malitiam peccati? Si dixerit (ut sæpe solent) se tunc non intellexisse malitiam, sed modo primum in-

con-

concione audivisse, vel ab alijs intellexisse gravitatem peccati, jam res salva erit, & nulla repetitione opus, nisi forsitan ab illo tempore, postquam rescivit vel etiam erronee credidit, se omitendo & reticendo graviter peccare, & nihilominus mala fide, scienter & culpabiliter reticuisse supponatur, esto pro tunc non agnovisset obligationem repetendi tales confessiones.

265 Quod si fateatur poenitens, jam tunc agnovisse peccati malitiam & gravitatem, nihilominus ex damnabili verecundia aut timore non esse ausum illud exponere, rursus cautelam adhibens interroga, an ergo haec studio & semper memor peccatum illud reticuerit, an verò aliquoties, & à quanto tempore ejusdem immemor, bona fide, & animo omnia peccata confitendi, cum debito dolore ac proposito confessus sit? Si semper bona fide, eoque animo confessus, solum ex oblivione inculpabili omisit peccatum, rursus res erit salva, & nulla repetitione opus, ob rationem jam datam; at verò si fateatur, se aliquanto tempore v. gr. primo anno mala fide & sacrilegè omisisse, reliquis autem annis bona fide, & ex inculpabili oblivione reticuisse, solum tenebitur repetere illas confessiones primo anno mala fide factas, non item reliquas, quotquot bona fide fecit; cum omnes illæ fuerint validæ.

At quid (ais) si poenitens rotundè fateatur, se aliquod peccatum pro mortali agnitum semper scienter reticuisse?

266 R. Esto etiam hoc fateatur, non tamen illicè concludas, omnes illas confessiones fuisse nullas, sed ulteriori cautela usus interroga, an etiam sciverit, reticendo tale peccatum committi novum sacrilegium, nullumque peccatum vi hujus absolutionis utpote invalidæ dimitti? si fateatur etiam hoc agnovisse, urgendus erit & obligandus ad repetitionem modo proximè n. 269. præscribendo. Si verò neget (uti revera sæpe absolent) tu rursus acquiesce, nec urgeas repetitionem: simpliciores namque & rudiores subinde inculpabiliter ignorant, tale silentium esse sacrilegium.

Elbel Theol. P. II.

legum, proptereaque bona fide confessi validè absolvuntur absque onere quidpiam repetendi.

Dices. Quidsi verò dubitasset, an non peccet graviter reticendo?

267 R. Si stante dubio practico reticuit peccatum, utique peccavit graviter, saltem per se loquendo, proptereaque obligandus esset ad repetitionem: Nihilominus cum multi ignorent esse graviter prohibitum operari cum dubio practico, idè poenitentem tuum etiam in hoc casu cautissimè interroga, an sciverit, cum dubio practico accedentes ad Sacramentum & reticentes, graviter peccare? Singulariter autem inquire, quo animo accesserit Confessarium & mensam Domini? an non conscientia multum remurmurante, ita, ut crediderit se indignum sacra synaxi, proptereaque graviter aliquando punitum iri? si hoc credidit, coge illum ad repetitionem; evidens quippe signum est sacrilegæ confessionis peractæ. Secus dicendum & concludendum, si fateatur se accessisse bona fide, & nihil in mentem venisse de novo sacrilegio committendo &c.

Idipsum observandum, & quàm cautissimè inquirendum est, casu quo poenitens putavit quidem, se malè, vel non bene agere reticendo, at non cogitavit, nec deliberavit an graviter, vel leviter tantum delinquat: utrum enim talis confessio fuerit valida, practicè loquendo vix alio modo deprehendi poterit, quàm inquirendo, qua mente accesserit sacram synaxin? Et an non existimaverit se graviter puniendum? &c.

Dices adhuc. Quid igitur agendum, si poenitens fateatur se jam tunc quando peccatum perpetravit, agnovisse malitiam, & nihilominus ex damnabili verecundia semper scienter, mala fide, & cum agnitione novi sacrilegii reticuisse peccatum?

269 R. His suppositis observanda erunt sequentia. Primò quærat Confessarius, à quot annis hoc peccatum reticuerit? 2. Quoties ab illo tempore sit sit confessus & communicatus. 3. Eidem scilicet gravitatem peccatorum, duplici illic sacrilegii semper commissi, & ostendat, haecenus

S 3 nul-

Nullum peccatum fuisse dimissum, ideoque omnia & singula peccata mortalia esse denuo repetenda; quod, cum sine accurato & longiori examine fieri nequeat, ideo per se loquendo poenitens sine absolutione dimittendus esset, & blandè inducendus, ut discussis prius conscientiae latebris melius sese examinando præparet ad confessionem generalem postea instituendam. At verò quia multiplici experientia compertum est, huiusmodi homines semel sine absolutione dimissos vel ex tædio, vel ex aliis etiam motivis non amplius esse reversiones; hinc 4. nisi ex certis indicis prudenter credatur denuo reversurus, Confessarius non sinat elabi prædam, sed potius conetur adjuvare, & examinando supplere defectum poenitentis, singillatim decurrendo præcepta decalogi & Ecclesiae, & inquirendo, vel verius divinando peccatorum species, quas olim (perpensis diligenter circumstantiis Personæ, conditionis, negotiorum, & occasionum) verosimiliter incidisse creditur. Similiter conetur elicere numerum, proponendo primum numerum valde magnum, v. g. an non centies contingerit? Deinde parvum v. g. an non octies aut decies? ac tandem numerum quasi medium v. g. an non trigiesies vel ultra? &c. Juvabit etiam indagare, an hoc vel illud peccatum contingerit singulis septimanis, vel omnino singulis diebus, item quoties circiter in die, vel in septimana? &c. 5. His meliori quo fieri potest modo perscrutatis, potissimum sit sollicitus Confessarius de vero dolore & proposito emendandi emungendo. Tandem scitò moneat poenitentem, quatenus dein nonnihil se reflectat super vita sua præterita, ut si forsitan quorundam gravium peccatorum, quæ in hac confessione non occurrerant memoriæ, reminiscatur (tame si in aliis confessionibus invalidis jam semel ea proposuisset Confessario) denuo subiciat clavibus. Videatur, si placet, Gobat *tr. 7. à n. 259. la Croix, à num. 1220. vel Sporer nu. 506. & seqq.* ubi de hac materia non minus præclare, quam practice scribit.

§. III.

Corollaria ex Diâis inferenda.

270 **C**olliges primò, Poenitentem de quo audis hactenus non fuisse ritè confessum, vel unum aut alterum peccatum nunquam adhuc subiectis clavibus, propterea non illico condemnandum esse, & ad repetitionem urgendum, sed ante omnia advertendum, sitne in præteritis confessionibus validè absolutus, nec ne? si enim validè; nequaquam obligabitur ad repetendum, sed duntaxat ad supplendum defectum v. g. integritatis materialis uti dictum fuit *nu. 254.* At verò si invalidè supponatur fuisse absolutus, urgendus & obligandus est ad repetendum, ob rationem *num. 252.* datam. Ad hoc verò discernendum apprimè juvabit attendere, utrùm poenitens consistendo bona, an verò mala fide processerit, ita, ut crediderit se mortaliter peccare novo sacrilegio admissò: quo supposito tenebitur repetere confessionem mala fide factam, quandoquidem peccatum mortale in ipsa huius Sacramenti susceptione admissum certò obstat valori & reconciliationi cum Deo juxta dicta *num. 251. & Communem DD.*

271 Colliges secundo, eos qui mala fide quæsierunt Confessarium surdastum, vel ex proposito peccata sua tam subdole ac silentiosè expresserunt, ut à Confessario non potuerint intelligi, cogendos esse ad repetitionem confessionis, utpote invalidè, & mala fide factæ. Secus dicendum est, casu quo poenitens bona fide processit, etsi Confessarius vel ob naturalem distractionem, vel ob surditatem, aliamvè causam unum aut alterum peccatum non percepisset: quia ex hac suppositione absolutio fuit valida, ut proin remaneat sola obligatio supplendi defectum, veluti rursus constare debet ex dictis *num. 257.*

272 Colliges tertio, homines rudiores, qui ex ignorantia non crassa seu mortali aliquod peccatum mortale non sunt confessi; item qui rudi & crasso modo peccata sua genericè tantum, vel specificè qui-

quidem, at non singillatim quoad individuum, circumstantias, vel numerum expresserunt; eò quòd ignoraverint hanc obligationem, vel certe non apprehenderint &c. non esse impendos ad repetitionem, modò bona fide processerint, & cum debita dispositione, dolore scilicet ac proposito efficaci. Ratio est? quia fuerunt valide & directe absoluti à suis peccatis, esto cum onere & obligatione supplendiales defectus postea fortè agnitos, explicando scilicet circumstantias & numerum quòd fieri potest. Interdum tamen, inquit Layman suprà cit. c. 9. n. 4. si appareat magna hominis ruditis, Confessarius contentus esse potest enarratione peccatorum, à proximis confessione commissorum, ac præcedentium rudis aliqua cognitione, præsertim si aliorum penitentium copia adsit; quia, ut supponitur, homo ille rudis ob ignorantiam non crassam capax est absolutionis: ad perfectam autem dispositionem tam facile adduci non potest, uti pariter supponitur, & multiplex experientia comprobatur. Ita Layman communiter receptus, quem approbat Sporer nu. 499. Similiter scrupulosis ordinariè nec permitenda, multò minùs suadenda aut præcipienda est repetitio Confessionum præteritarum, nisi certò constet, eos fuisse invalidè confessos, & absolutos, simulque repetitio fieri possit sine permagnis difficultatibus, perpexitatibus, & animæ periculo, quod vix unquam aberit respectu scrupulorum, uti jam alibi innuimus, & cum communi DD. tradit la Croix n. 1220. Ex his ulterius.

273 Colliges quartò, non esse cõmendum penitentem ad repetendas confessiones, nisi moraliter certò constet, eas fuisse invalidas. Ita cum communi DD. Billiuc. Gobat trad. 7. nu. 275: la Croix num. 1221. Ratio est: quia possessio stat pro confessione, cujus valor semper præsumi debet, quamdiu de opposito certò non constat. Atque hinc inferitur, non teneri penitentem quidpiam repetere, quamdiu probabile est, fuisse valide confessum: est autem probabile, inquit la Croix loc. cit. hoc ipso, quòd aliquando cum morali diligentia

præteritam vitam recogitarit, & confessus sit.

274 Colliges denique quintò, neque ad repetitionem teneri sequentes. 1. qui bona fide semel confessus est peccatum velut dubium, esto ex post facto recognosceret illud velut certò commissum. 2. Item à fortiori non tenetur, qui bona fide confessus est peccatum velut certum, postea autem reflectens advertit fuisse duntaxat dubium. Item. 3. qui secutus sententiam probabilem confitendo non explicuit peccata dubia, nec circumstantias notabiliter aggravantes, & qui Confessario habenti jurisdictionem solum probabilem bona fide fuit confessus. Ratio est, quia in his omnibus casibus, si non omnino certum; certò tamen probabilissimum est, absolutionem valuisse: ergo standum est pro valore, & penitens ab onere repetitionis absolvendus. Vide Sporer num. 498.

CONFERENCE

UNDECIMA.

De Ministro Penitentiae, Ejusdemque approbatione.

SUMMARIUM.

- 275 *Minister legitimus Penitentiae est solus Sacerdos &c.*
- 276 *In Confessione necessariò requiritur duplex potestas, Ordinis scilicet, & jurisdictionis.*
- 277 *Quo modo inter se differant dicta potestates.*
- 278 *Approbatio est judicium authenticum &c. &c.*
- 279 *Unde differt à jurisdictione, & à collatione jurisdictionis.*
- 280 *Approbatio est duplex, tacita scilicet, & expressa.*
- 281 *Est petenda ab Episcopo pro audientis secularibus;*

- 282 Pro Religiosis verò audiendis à Prælati ipsorum.
- 283 Probabilis necessaria est approbatio ab Episcopo, in cuius Diocesi vel territorio Sacramentum penitentiae administratur.
- 284 Non sufficit eam fuisse petitam, nisi etiam sit actu obienta.
- 285 Clericus in examine absolutè habilis inventus, rejicit nequis absque gravi injuria. Hinc
- 286 Episcopus Regulares exemptos sine legitima causa nequis reprobare, aut limitatè duntaxat approbare.
- 287 Bene verò ubi iusta occurrit causa, concernens ipsam confessionem.
- 288 Resolvitur Casus I. de Religioso, ad Conventum alterius Diocesanos missus, ubi nunquam adhuc exstitit approbatus;
- 289 Qui, si ve quidem tacitè fuit approbatus, invalidè absolvisset seculares in illo loco.
- 290 Et quid de privilegio Itinerantium?
- 291 Resolvitur Casus II. de alio Religioso, cui approbatio limitata tantum fuit concessa, tamen in examine præclarè subfiterit.
- 292 Quo non obstante, extra limites sibi præfixos fungi non valuit officio Confessarii.
- 293 An, vel quando possit Religiosus obtemperare suo Prælato, demandanti curam animarum, seu cooperatori.
- 294 Resolvitur Casus III. de quodam Franciscano, peragrante Diocesim, in quam nunquam fuerat approbatus, & requisitus à quodam Confessore Monialium, ut & suam (Confessarii scilicet) & quarundam Monialium confessiones dignaretur excipere.
- 295 Quod fuit valde urgente causa nequaquam erat attendendum.
- 296 Et quid Confessarii Ordinis nostri circa hoc valeant, quando venient ad Moniales tertii Ordinis nostrae Provinciae.
- 297 Approbatio vel expressa, vel saltem tacita omnibus & singulis Confessariis (extra mortis articulum) est necessaria.
- 298 Approbatus in una Diocesi non est hoc

ipso approbatus in omnibus, ut ubique valeat absolvere.

- 299 Approbatio per tacitum consensum Ordinariarum, vel legitimam consuetudinem obienta, valet.
- 300 Regulares etiam approbati ab Episcopo, nequeunt exerceere jurisdictionem in alios Regulares sine consensu legitimo suorum Prælatorum;
- 301 Qui propterea suis subditis jurisdictionem adimere, vel etiam limitare possunt.

§. I.

Præmittuntur, & breviter resolvuntur Quæsitæ scitu necessaria ad debitè resolvendos Casus practicos de approbatione Confessariorum.

QUæres primò, quisnam sit legitimus Minister Sacramenti Penitentiae?

275 R. Est solus Sacerdos, potestate ordinis simul, & jurisdictionis præditus. Ita Catholici omnes. Et habetur decisum in Concil. Trid. Sess. 24. de penit. Cap. 6. & can. 10. hisce formalibus: *si quis dixerit, Sacerdotes, qui in peccato mortali sunt, potestatem ligandi & solvendi non habere; aut non solos Sacerdotes esse Ministros absolutionis &c. anathema sit.*

276 Dixi: potestate ordinis simul & jurisdictionis præditus &c. Quòd enim præter potestatem ordinis simul sit necessaria potestas jurisdictionis, communiter tradunt DD. & Ecclesia, hac ratione: quia absolutio Sacramentalis est actus judicialis: atqui actus judicialis ex parte Judicis essentialiter supponit jurisdictionem in subditos: sententia enim à non Judice suo lata, nulla est: ergo. Hinc idem Concilium Tridentinum cit. cap. 7. ait: *persuasum semper in Ecclesia Dei fuit, & verissimum esse Synodus hæc confirmat, nullius momenti absolutionem eam asse debere, quam Sacerdos in eum profert, in quem ordinariam, aut subdelegatam non habet jurisdictionem.*

277 Pro meliori autem captu dictorum notandum hic venit, potestatem ordinis in ipsa ordinatione tribui, eamque duplicem, scilicet in corpus Christi verum, idest,

Id est, ad consecrandum verum corpus & sanguinem Christi in tremendo Missæ sacrificio; & in corpus Christi mysticum, id est, ad absolvendos à peccatis fideles, qui dicuntur corpus mysticum, cujus caput est Christus. Prior potestas confertur per verba Episcopi, dum ait: *accipe potestatem offerendi sacrificium Deo &c.* Posterior verò per illa verba: *accipe Spiritum Sanctum, quorum remisisti peccata &c.* Porro inter utramque hanc potestatem duplex intercedit discrimen 1. quòd potestas in corpus Christi mysticum supponat essentialiter potestatem in corpus Christi verum - 2. quòd hæc potestas in corpus Christi verum sit proxima & inimpedibilis; quia Sacerdos ritè consecratus potest semper & ubique locorum, saltem validè, consecrare: è contra potestas in corpus Christi mysticum vi ordinationis collata, est solum radicalis & remota, ultimamè complenda per approbationem & collationem jurisdictionis, ideoque in actu secundo est impedibilis; quia Sacerdos jurisdictione destitutus nequit validè absolvere à peccatis, ut diximus. Cæterum quid sit potestas jurisdictionis, dicemus in conferentia proxima à numer. 302.

Quæres secundò, quid sit approbatio?

278 R. Est judicium authenticum de idoneitate Sacerdotis ad audiendas confessiones, factum ab habente potestatem Episcopalem, vel quasi Episcopalem. Ita eum communè DD. Sporer n. 668. Rectè autem describitur esse judicium authenticum, hoc est, factum ab habente auctoritatem legitimam; etenim soli illi possunt approbare Confessarios, qui possunt eisdem designare subditos absolvendos: at, hoc possunt soli illi, qui gaudent potestate Episcopali, vel quasi Episcopali: ergo. Quocirca etiam

279 Advertendum occurrit discrimen inter approbationem & jurisdictionem, seu etiam collationem jurisdictionis; approbatio namque consistit in actu intellectus, quo legitimus Superior judicat, hunc Sacerdotem esse idoneum ad confessiones excipiendas: collatio autem jurisdictionis facta est in actu voluntatis, quo idem Su-

perior, Episcopus scilicet, vel gaudens potestate Episcopali, vult actu dare & conferre potestatem absolvendi fideles Sacramentaliter confessos. Quamvis autem nomine Sacerdotis approbati communiter intelligamus Confessarium prædictum jurisdictione; nihilominus in rigore loquendo approbatio & jurisdictio vel collatio jurisdictionis sunt actus omnino diversi & separabiles; posset enim Episcopus judicare, aliquem esse idoneum ad munus Confessarii, & tamen nolle eidem tribuere jurisdictionem. Sic etiam juxta receptam DD. opinionem (cui subscribunt Gobat, Sporer, Sbogor, Mastrius, Reiffenstuel Theol. mor. tr. 14. disp. 8. numer. 15. & declaratum esse à S. Congregatione Concilii, testatur Fagnanus in c. omnis, numer. 79. de poenit. & remiss.) Regulares exempti jurisdictionem absolvendi sæculares non accipiunt ab Episcopo approbante, sed supposita approbatione Episcopi loci, & accedente consensu proprii superioris Regularis, ea statim intelligitur concessa à sede Apostolica, prout desumitur ex Clement. dudum, §. statuimus. De sepulchris. Et certè, ut notavit Layman l. 5. tr. 6. c. 10. numer. 19. Episcopus loci tam amplam jurisdictionem audiendi confessiones omnium fidelium undecunque advenientium, eosque à censuris etiam Papæ (extra Bullam Cœnæ) reservatis dare non possit: ergo ab Episcopo approbationem duntaxat, jurisdictionem verò à summo Pontifice recipiunt: ergo hi actus sunt omnino separabiles.

Quæres tertio, quod duplex sit approbatio?

280 R. Est duplex, tacita scilicet, & expressa. Hæc communiter fieri solet verbis expressis, vel rescripto authentico, quo Episcopus declarat hunc Sacerdotem esse idoneum ad curam animarum, proptereaque eidem confert jurisdictionem. Illa verò, tacita scilicet approbatio appellatur, quo ipso facto, vel facti conniventia conceditur; ut si Episcopus, vel alius habens facultatem approbandi, dicat Sacerdoti: placeat meam, vel hujus &c. confessionem excipere; vel si dicat: audi quosvis tibi confiteri volentes. Similiter, si Episcopus sciat, hos.

hos vel illos Sacerdotes in sua Diocesi sine sua expressa licentia excipere confessiones, & tamen dissimulet, cum posset se opponere, censetur hoc ipso tacite eos approbare. Sic etiam ipso facto approbatur, is, cui confertur beneficium parochiale, ut habet communis DD. apud Stoz l. 2. num. 33. Etsi defecto in pluribus Diocesisbus, soleant examinari ante collationem.

Quæres quartò, à quo sit petenda & obtinenda approbatio?

281. R: Est petenda ab Episcopo. Ita enim expressè statuitur in Concilio Tridentino ss. 23. c. 15. de Reform. sequentibus verbis: *decent: tamen S. Synodus, nullum, etiam Regularem posse confessiones secularium, etiam Sacerdotum, audire, nec ad id idoneum reputari; nisi aut parochiale beneficium, aut ab Episcopis per examen, si illis videbitur esse necessarium, aut aliis idoneus iudicetur, & approbationem, quæ gratis detur, obtineat; privilegiis, & consuetudine quacunq; etiam immemorabili non obstantibus.* Ex quibus patet, etiam Regularibus exemptis opus esse approbatione Episcopi, si (extra articulum vel periculum mortis) velint absolvere seculares.

282. Dixi: si velint absolvere seculares. Et. Enimverò ut rectè notant Lugo, Aversa, Sporer num. 666: & La Croix num. 1487. circa confessiones Regularium Concilium mox allegatum n'hil immutavit, quin immò cum de solis secularibus loquatur, videtur Regulares exclusisse, qui proin sicut jure communi poterant ante Concilium, ita & nunc possunt confiteri cuivis Sacerdoti etiam non approbato ab Episcopo, modò hanc licentiam à suis respectivè Prælati obtinuerint; quod & ad Novitios extendendum, rectè asserit La Croix, cit. ed. quòd in favorabilibus veniant nomine Religiosorum. Insuper posse tam Prælatos Regulares, quàm Confessores Regularium audire confessiones illorum, qui inibi (scilicet in Monasteriis) sunt verè de familia, & continui communales (uti sunt nostri servitiales) expressè declarat Clemens X. in sua constitutione *superna* §. 4. ut videre est apud La Croix num. 1505. & Kazenberger *Sup-*

plem. theol. Sacram. P. Sporer in Appendice alphabetica. Vers. Privilegiorum. declaratio, fol. mibi 917.

Dices. A quoniam igitur Episcopo petenda est approbatio?

283. R: Petenda est, & necessariò obtinenda ab Episcopo illius loci seu Dioceseos; in qua quis vult excipere confessiones. Ita contra non paucos diversimodè sentientes velur probabilius tenent Herincx noster *disp. 5. num. 43. fin.* Navarrus, Barbosa, Lugo, Cardenas, la Croix cit. num. 1516: Ratio hujus opinionis (quam & praxis hodie recepta confirmat) est: quia spectat ad Episcopum; ne quis in sua Diocesi confessiones audiat, quem non judicavit idoneum ad hoc munus: quemadmodum ad Magistratum urbis spectat; ne Medicus absque ejus licentia civibus medicinas præscribat, inquit La Croix l. c.

284. Dictum etiam fuit; approbationem esse necessariò obtinendam &c.

Non enim sufficit; fuisse petitam, nisi etiam sit actu obtenta, sive dein iustè, sive etiam injustè fuerit denegata; uti defectò cum communiori tenent Reiffenstuel, Lugo, Filiucii. Stoz ubi supra num. 37. Ratio desumitur ex Concilio Tridentino superiòs. numer. 281. allegato; quod clarè deciderit, nullum sacerdotem posse excipere confessiones; nisi ab Episcopis approbationem, quæ gratis detur; obtineat. Et ampliùs confirmatur ex Decreto Alexandri VII. damnantis sequentes duas propositiones quarum una ordine decimasexta ita habet: *Quòd beneficium curatum habent, possunt sibi eligere in Confessarium, simplicem sacerdotem, non approbatum ab ordinario.* Altera, quæ in ordine est 13. ita sonat: *Satisfacti præcepto annuæ confessionis, qui confitentur Regulari, Episcopo presentato, sed ab eo injustè reprobato.*

Quæres quintò. Possint Episcopus citra injuriam reprobare Clericum; quem in examine pensatis omnibus pensandis reperit verè idoneum ad curam animarum?

285. R: Negativè: Ratio est: quia Clericus sese subjiciendo examini censetur inire contractum quandam innominatum,

tum, & velut tacite dicere: *Subjicio me examini ea conditione, ut appreber, si dignus inveniar; quæ conditio censetur etiam acceptari ab Episcopo, supposito quod illum examinet, aut examinari faciat per alium: ergo dignus inventus contra gravem injuriam reprobari nequit.* Ita Lugo, La Croix, Bolco, Henno, eosque secutus Kresslinger in addit. 1. ad tract. 14. dist. 8. P. Reinssienstuel post num. 15.

Quæres sextò, possintne Episcopus Clericos Regulares exemptos ad certum tempus tantum, vel ad certum duntaxat locum, aut genus personarum approbare, vel etiam approbationem semel datam revocare?

286 R. Sine iusta causa concernente ipsas confessiones id nequaquam potest. Ita communissimè DD. & habetur clarissimis terminis. decisum in constitutione Clementis X. *Superna magni Patris-familias &c.* edita 21. Junii 1670. ubi altissimus Pontifex §. 4. ita loquitur; *illos etiam Religiosos, qui ad confessiones audiendas idonei generaliter reperiti fuerint, ab Episcopis generaliter quoque & indistinctè absque ulla limitatione temporis, certorumque locorum, aut generis Personarum in Diocesi propria admittendos.* Moxque §. 5. subdit: *Religiosos verò ad ejusmodi confessiones audiendas prævio examine simpliciter & absque ulla temporis præmissione ab ipsomet Episcopo; secus verò ab ejus Vicario, aut ab Antecessoribus Episcopis approbatos, non posse ab eodem, qui se approbavit, iterum examinari, aut ab eisdem confessionibus audiendis suspendi, seu licentias illis concessas revocari, nisi nova superveniente causa, quæ ipsas confessiones concernat.* Hactenus Pontifex. Id ipsum exstat per Congregationem Cardinalium authenticè declaratum apud Barbosam de potest. Episc. allegat. 25. n. 30.

287 Dixi: *sine iusta causa non potest.* Secus quippe dicendum ubi iusta causa occurrit, patet ex clausula constitutionis mox allegatæ. Idcirco si Episcopus rationabiliter dubitet de idoneitate alicujus, multò magis quando inidoneitas alicujus Religiosi ex pluribus ejus actibus vel

experientia personarum fide dignarum explorata habetur, licet talis Religiosus revocatur ad examen. Vid. DD. mox cit.

§. II.

Proponuntur, & breviter resolvuntur
Casus prædicti de Approbatione
Confessariorum.

CASUS PRIMUS.

Titus Religiosus ab uno Conventu in altum aliterius Dioceses, ubi hactenus nunquam adhuc existit approbatus, missus fuerat, moxque à suo Superiore pro examine præsentatus Reverendissimo Officio: interea tamen ob magnum poenitentium concursum, quibus relictis ejusdem Conventus Confessarii videbantur non sufficere, jussus fuit excipere confessiones. Jam verò dubitatur an Superior id jussè præcipere, & Titus mandatum licetè potuerit exequi?

288 R. si Titius ne quidem tacite approbatus fuisse supponatur, tunc nec Superior licetè hoc præcipere, nec ipse mandatum sine peccato exequi potuit. Ratio patet: quia nullus Superior habet potestatem aliquid illicitum & peccaminosum præcipiendi: at, si Titius ne tacite quidem supponatur fuisse approbatus, peccasset mortaliter excipiendo Confessiones & absolvendo sæculares (aliud dicendum foret de Regularibus, quos validè absolvisset vi solius approbationis à Superioribus Regularibus obtentæ) ergo nec Superiori competeat facultas præcipiendi, nec Titio exequendi.

289 Dixi rursus: *ne tacite quidem approbatus fuisse supponatur &c.* Aliter enim discurrendum & resolvendum foret, si supponatur Titius fuisse missus ad talem Conventum, ubi Episcopus fratres aut Religiosos pro cura præsentatos nunquam solet examinare, sed indulto clementissimè examine idoneitatem præsentati relinquere judicio Superioris præsentantis, ejusdem desuper conscientiam aggravando, prout in nonnullis Diocesibus nostræ Provinciæ fieri novimus: hoc enim supposito

sub-

subditi Religiosi legitime præsentati censentur interim ab Episcopo tacite approbati (quod ad valorem sufficit, secundum dicta *nu. 280.*) ut sine scrupulo confessiones secularium audire, & absolvere valeant, tametsi approbatio in scriptis, uti fieri solet, diu postea sequatur. Contrarium resolvendum arbitror in illis Conventibus & locis, ubi Episcopi petere solent, ut Sacerdotes nostri de novo adventantes ad Conventum, præsententur examini; quia non est facile præsumendum, quod antecederet ad examen velit actu approbatus, quorum sufficientiam & idoneitatem prævio examine vult esse probatam; nisi forte sacerdos præsentatus talis sit muneris aut conditionis, ut credatur, vel potius sciatur absque omni examine remittendus velut approbatus, prout fieri plerumque assolet cum nostris Superioribus, Lectoribus, & aliis nonnullis Officialibus. Est tamen etiam cum similibus cautè procedendum, & nisi urgeat permagna necessitas, exponi nequitiam debent prius, quam approbationem in scriptis obtinuerint; tum quia hoc facit pro majori certitudine & reverentia Sacramenti, in cujus administratione pars tutior semper est eligenda in dubio; tum etiam quia ex opposita praxi de facili potest incurri offensa, & disgratia Principis, ac Reverendissimi Officii, prout experientia compertum est. Videatur Sporer *num. 671.*

Dices. At quid, si Parochus præfatum Religiosum in itinere constitutum roget ut suam confessionem velit excipere, vel se in vinca Domini adjuvare, audiendo confessiones suorum Parochianorum, an licet ejusdem petitioni gratificabit, etsi supponatur in tali loco, vel potius Diocesi nunquam fuisse approbatus?

290 R. Probabiliter licet. Ita censent Platelius, Taberna, Sporer *num. 678.* Sandig. *tom. 3. diss. 11. qu. 4. n. 15.* VViestner *lib. 5. decret. tit. 38. num. 36.* Reiffensuel *l. 5. decret. tit. 49. num. 259.* ac novissime P. Kreslinger *proximè cit. addit. 7.* Latouska *V. consultarius num. 12.* Rodriguez *tom. 1. Q. RR. qu. 39. a. 5. in fine, & alii plures.* Rationem desumunt, tum ex tacito Ordinariorum consensu, tum

etiam ex privilegio, per Eugenium IV. FF. Minoribus, ac per Gregorium XIII. RR. Patribus Societatis JESU (& consequenter vi communicationis privilegiorum etiam reliquis Mendicantibus) concessio, quo permittitur, ut iter agentes, seu ubivis locorum peregrinantes possint excipere confessiones, cum sequentibus tamen limitationibus & clausulis bene observandis. 1. Ut Confessarius sit ab uno saltem Episcopo approbatus. 2. Ut non excipiat confessiones in loco ubi existit Episcopus; nec 3. ubi Parochus contradicit; nec 4. in tali loco, ubi ipse Religiosus stabiliter perseverabit, sed in itinere duntaxat, seu in transitu. Huic autem privilegio nec per Bullam Clementis X. mox supra allegatam fuisse derogatum, verosimiliter omnino probat Reiffensuel *loc. cit.* Nihilominus cum defaeto multi DD. putent hoc privilegium per Pontificem mox allegatum fuisse sublatum; huic censeo, sine aliqua necessitate, vel urgente causa eo non amplius esse utendum. Videatur noster Kazenberger in *Supplem. 2. P. Sargar n. 169.*

CASUS SECUNDUS.

Quidam Reverendissimus Præsul Sempronius subditum suum Religiosum præsentavit Celsissimo Ordinario examinandum pro cura animarum, & approbandum; qui ob præclara responsa & insignem doctrinam, ab Examinatoribus ad id munus nedom idoneus, sed & dignissimus judicabatur. Nihilominus à Celsissimo Ordinario limitatè tantum fuit approbatus, pro excipiendis scilicet Confessionibus in suo Monasterio duntaxat, non item in Parochiis eidem Monasterio incorporatis. Queritur jam 1. an justè. 2. An Sempronius jussu sui Reverendissimi D. Præsulis in quadam Parochia Monasterio incorporata potuerit licitè ac validè absolvere patientes?

291 R. Ad primum. Videtur Sempronio, utpote absolute habili, immò ad animarum curam dignissimo (uti casus fert) injustè fuisse negata approbatio absoluta Ratio facile colligitur ex dictis *nu. 286.* quia Clemens X. in sua *constitut. 6. §. 5.* man-

mandativè decernit, illos Religiosos, qui ad confessiones audiendas idonei generaliter inveniunt fuerint, ab Episcopis generaliter quoque & indistinctè absque aliqua limitatione temporis, caterorumque locorum &c. in Diœcesi propria admittendos esse: ex quibus patet, de voluntate præfati Pontificis, & tacito mandato, Religiosis legitime præsentatis, & absolutè idoneis repertis, approbationem absolutam & illimitatam deberi: at, quod alicui de jure debetur, citra injuriam negari non potest: ergo &c.

292 R. Jam ad secundum. Si Sempronius fuit approbatus cum expressa restrictione ad Monasterium, tunc invalidè, & hoc ipso etiam illicitè absolvisset in Parochia extra Monasterium sita, etsi eidem incorporata quantum ad jura Parochialia. Ratio est: quia absolutio data sine potestate jurisdictionis nulla est, ut diximus n. 276. atqui Sempronius non gaudebat potestate jurisdictionis in Parochia, sed in Monasterio tantum: ergo nulliter, & hoc ipso sacrilegè absolvit. Scio equidem, à Navarro, Lezana, Layman & aliis multis DD. videndis apud nostrum Herincx n. 45. doceri, posse Fratres Minores & Prædicatores validè absolvere, quando approbatio ipsis injustè negatur, eò quòd tunc ab ipsa Sede Apostolica pro approbatis habebantur &c. Verùm hoc modernis temporibus nullatenus esse practicandum, rectè monent Sporer, Herincx cit. n. 46. aliique plures; tum quia hoc est valdè odiosum & inuisum Episcopis; tum quia oppositum est conformius praxi; tum denique, quia aliàs pœnitens tempore paschali satisfacere, qui tali Religioso confiteretur; quod tamen ab Alexandro VII. damnatum fuit, ut diximus nu. 284. suadet proin recta ratio, ut quoad hoc deferamus mandatis Reverendissimorum Episcoporum, sin minus ex justitia, saltem ex humilitate & reverentia Eisdem debita. Et certè frustra Religiosus se opponet Episcopo; cum huic sit facilè invenire, vel prætereundè causam, ob quam valeat illum revocare ad examen, uti sapienter notat La Croix num. 1538 Vide etiam, si placet, Gobat 17. num. 47.

D ces. At Reverendissimus meus fo-

let non rarò unum aut alterum ex nostris mittere in subsidium, qui alios in Parochiis expositos coadjuvent excipiendo confessiones, & alia Sacramenta administrando: hoc autem profectò nunquam faceret, nisi sciret nos validè fungi tali ministerio: ergo.

293 R. Facilè admitto totum, quod dicis; credo enim, Reverendissimum tuum idèò hoc disponere, quia scit suos Religiosos non limitatè, & cum restrictione ad solos Monasterii terminos fuisse approbatos; aut quia novit per consuetudinem receptam & tacitum Episcopi consensum hæcenus id semper fuisse practicatum: quo supposito licitè præcipit, & subditus exequitur mandatum.

CASUS TERTIUS.

Cajus Franciscanus peragrans Diœcesin Constantiensem, in qua nunquam adhuc fuerat approbatus, pernoctavit in quodam Monasterio Monialium alterius Ordinis. Altera die, cum esset magna festivitas, requisitus fuerat ab Ordinario Monialium Confessario, ut & suam Confessarii scilicet & aliorum saltem Monialium confessionem vellet excipere. Dubitavit autem Cajus an huic petitioni licitè deferret. Quid judicis?

294 R. primò. Cajus probabiliter potuit deferre petitioni præfati Confessarii, ipsius confessionem excipiendo, sive Religiosus fuerit, sive etiam sacerdos secularis (prout alicubi locorum funguntur officio Confessarii etiam respectu Monialium exemptarum) utrum autem potuerit deferre quoad approbationem Monialium, non est itacertum. Ratio prioris hæc est: quia ut Religiosus licitè ac validè absolvatur, sufficit eum habere à suo Prælato licentiam alteri confitendi: hoc ipso enim Prælatus censetur jurisdictionem necessariam (quam respectu suorum potest) delegare tali Confessario electo. Quin etiam à Parocho eligi potest Confessarium, ab aliquo saltem Episcopo (etsi non suæ Diœceseos) approbatum, velut probabile tenent Suarez, Filliucius, Navarrus & alii, quos refert & sequitur Viva num. 11. ad propositi.

post-declinationem sextam ab Alexand. VII. damnatam, dummodo Episcopi non repugnent: quia hoc supposito habetur, quidquid exigit Tridentinum, scilicet Episcopi approbatio, vel parochiale beneficium, & simul jurisdictio: quippe quæ potest etiam à Parocho aliis delegari, dummodo habeant requisita à Tridentino. Ratio autem posterioris desumitur inde: quia juxta Constitutionem Gregorii XV. Bulla: *inscrutabili Dei providentia*, emanata 1622. ejusdemque declarationem, nullus omnino Sacerdos, sive Regularis, sive secularis, potest confessiones Monialium audire, nisi sit ab Ordinario specialiter pro Monialibus approbatus: atqui Cajus non fuit ab Ordinario specialiter approbatus pro illis Monialibus: ergo &c. non potuit licite aut valide absolvere.

295 R. secundò non esse de facili & sine valde urgente causa attendendum, ut Confessarius non approbatus ab Episcopo in hujus Diocesi confessiones excipiat, esto etiam à Parocho, vel ab ipsis Monialibus requiratur. Ratio est: quia hoc multis Doctoribus, nominatim Cardenas *in Crisi dissert. 2. numer. 271.* La Croix *num. 1512.* aliisque non videtur satis tutum: & quòd oppositum velut tutius consultò sit eligendum, minimè dubitare licet. Accedit, quòd ex tali praxi nunquam non sit timenda gravis offensa Ordinariorum, & aliæ plures inconvenientiae.

Dices adhuc: sed quid si Cajus venisset ad Monasterium Monialium tertii Ordinis, jurisdictioni nostri A. R. P. Ministri Provincialis subiectarum, potuissetne à Venerabili Matre rogatus excipere confessiones Monialium?

296 R. Cum distinctione. Vel enim habuit licentiam ab A. R. P. N. Provinciale, vel non? si non: tunc neque licite absolvisset, neque valide. Si autem habuit, potuit petitioni Venerabilis Matris acquiescere, quia Provinciales nullis dant hanc licentiam, nisi quas norunt ab Episcopo saltem tacite, vel per consuetudinem legitime receptam approbatos. Ceterùm hæc licentia in nostris statutis provincialibus Augustæ 1720. emanatis solum conceditur sequentibus. 1. Omnibus

Venerabilis Diffultorij Patribus. 2. Guardianis & Præsidibus respectu Monialium existentium in suis respectivè districtibus; quibus etiam permittitur, ut in casu rationabili alium virum prudentem sui Conventus possint substituere. 3. Item conceditur Patribus terminariis ordinariis, in ordinariis Collecturis existentibus (non verò ob alia negotia extra missis, aut NB. ex obedientia ad alios Conventus destinatis) ut possint Confessiones fororum Tertiariam in suo districtu excipere: reliquis omnibus eadem facultas denegatur in tantum, ut nec valide nec licite eas absolvant, ut videre licet in Statutis de *Paribus Confessariis cap. 4. numer. 13.* Ubi insuper *num. 14.* sancitur, ut juxta decretum sacri Concilii Tridentini ter in anno provideatur de Confessario extraordinario quem omnes Moniales accedere debent, saltem petituræ benedictionem, si nolint confiteri. Quisnam autem providere debeat, aut soleat, noverint ipsæ.

§. III.

Corollaria ex dictis inferenda.

297 **C**olliges ex dictis primò, approbationem vel expressam, vel saltem tacitam omnibus omnino Confessariis necessariam esse ad hoc munus. Ita omnes. Constat clarè ex Concilio Tridentino *ss. 23. cap. 15.* ubi statuitur, nullum Confessarium etiam Regularem posse Confessiones secularium etiam Sacerdotum audire &c. nisi *approbationem obtineat*. Excipitur tamen unicus & solus articulus mortis, in quo ab eodem Concilio permittitur omnibus etiam simplicibus Sacerdotibus facultas absolvendi, ne forte contingat, defectu hujus potestatis quempiam salute excidere. Quo circa rectè observat Stoz *l. 2. num. 34.* minimè necessum esse, ut Episcopus per se ipsum examinet aut approbet Confessarios, sed satis est, id fieri per Vicarium Generalem vel alium substitutum.

Potest insuper Episcopus examen omnino condonare, ubi de idoneitate Sacerdotis aliunde constat, vel certè neutiquam dubi-

dubitare licet, ut si sit Doctor seu etiam Professor Theologiæ, vel licentiariorum &c. quos non oportet denuo examinari.

298 Colliges secundò, approbatum in una Diœcesi, non eo ipso approbatum haberi in omnibus, ita, ut ubivis locorum valeat confessiones excipere. Ita hodie communissimè Doctores, quidquid olim alii fenserint. Ratio desumitur ex Constitutione Clementis X. jam sæpius allegata, in qua expressè continetur, quòd Regulares in una Diœcesi approbati, non censentur approbati ubique; quod & Urbanus VIII. & Innocentius X. declarasse feruntur. Nec immeritò; quia ad cuiusque Episcopi officium spectat, providere ut idonei duntaxat Pastores & animarum Curatores in sua Diœcesi præfiantur: at per hoc, quòd Confessarius sit ab uno Episcopo approbatus, non cuius Episcopo constat satis, quòd in sua Diœcesi sit idoneus ad animarum curam; nam diversi subditi diversos non raro modos regendi & dirigendi postulant, ideoque & diversi Diœcesani diversam scientiam, & qualitates diversas in Confessario.

299 Colligestertio, approbationem tacitam etiam per consuetudinem legitimam, & tacitum consensum Ordinariorum obtineri posse. Constat hoc ex praxi satis recepta in nostra Germania, vi cuius tam Parochi, quàm Regulares in confinibus diversarum Diœcesum constituti, tempore indulgentiarum, aliarumque festivitatum & peregrinationum solent concurrere, & in expediendis penitentibus pro Sacro tribunalii sese mutuo adjuvare, tametsi in illa Diœcesi non sint approbati; atqui hoc non præfunt alia ratione, quàm ob jurisdictionem tacito consensu, & legitima consuetudine obtentam. Cùm enim Ordinarii sciant, id esse necessarium, & multipliciter præfunt, nec ob id in minimo se opponant, cùm tamen facile possent, meritò præsumuntur tacite consentire, & consentiendo approbare talem consuetudinem, vel potiùs ipsos Parochos & Sacerdotes, licet alterius Diœcesanos. Id ipsum sentiendum est de praxi, qua vicini Parochi ad invicem, vel cooperator unius Parochiæ vicino Parocho confitetur, uti rectè observant Sporer, Go-

liat ubi suprà n. 61. Illung. tr. 6. d. 6. n. 179. Kreslinger cit. addit. 6.

300 Colliges quartò, etiam supposita approbatione Episcopi jurisdictionem à summo Pontifice concessam Regularibus, exerceri ab ipsis non posse in alios Regulares sive Religiosos, sive etiam Moniales, nisi de consensu & licentia Superiorum cuiusvis Ordinis respectivè. Sic etenim statuit Clemens VIII. Bulla. *Romani Pontificis*, data 1599. 23. Novemb. ubi expressè declarat, nunquam fuisse mentem sedis Apostolicæ, ulli Religioso vel Moniali dare licentiam confitendi alicui contra dispositionem suorum Superiorum, sed potiùs, ut quantum ad Sacramentum penitentiae seu confessionis administrationem dispositioni suorum Prælatorum subiecti sint. Ita Pontifex.

301 Colliges quintò, Prælatos Regulares subditis suis jam approbatis & expositis, jurisdictionem à summo Pontifice concessam tollere posse, aut limitare ex rationabili causa etiam non notoria. Ita communiter DD. Rodriguez *Q. Q. R. R. 10. 1. q. 60. a. 3.* Layman *c. 10. n. 19.* Gobat. *num. 629.* Ratio est: quia amplam hanc potestatem absolventi quoscunque &c. Pontifices immediatè delegarunt Ordini, ejusdemque Prælati, ut eam possint committere subditis suis Regularibus, quos ad hoc munus idoneos judicaverint: ergo si ne horum licentia nec validè, nec licitè uterentur ea potestate etiam respectu secularium. Quocirca tamen Gobat, Layman & alii rectè notant, quòd si Prælati alicui Sacerdoti sibi subiecto interdicit, ne audiat confessiones, non idèò statim existimandus sit, voluisse eidem jurisdictionem omnino tollere, ut ne quidem validè possit absolvere; sed potiùs præsumendum, quòd solum exercitium Confessarii voluerit eidem interdicare in tantum, ut licitè non possit eo munere fungi, nisi contrarium exprimat, vel ex circumstantiis, seu causa prohibitionis id præsumi debeat, uti debet, si ob infirmitatem vel aliam indignitatem suspendatur aut deponatur. Vide Lugo, vel Rodriguez *cit. a. 2.* vel Sporer *num. 684.*

CONFERENTIA

DUODECIMA.

De Jurisdictione in Confessario
requisita.

SUMMARIUM.

- 302 Jurisdictio est potestas, seu facultas
jus dicendi &c.
- 303 Eaque duplex, ordinaria scilicet, &
delegata.
- 304 Quibusnam jurisdictio ordinaria; &
305 Quibus delegata competat?
- 306 Regulariter loquendo soli illi, qui
gaudent jurisdictione ordinaria, pos-
sunt eandem alteri delegare.
- 307 Et quamdiu duret jurisdictio dele-
gata?
- 308 Et quid, si delegatio fiat cum hac
vel simili clausula: usque ad bene-
placitum sedis apostolicæ &c. vel:
donec revocavero &c.
- 309 Ad validam absolutionem necessaria est
jurisdictio actualis, eaque vel ordi-
naria, vel saltem delegata.
310. Quid nomine jurisdictionis probabilis
intelligatur?
- 311 Cum hac probabilissimè licitum est ab-
solvere præsertim in Casu alicujus
necessitatis.
- 312 Quid sit error communis cum titulo
colorato?
- 313 Ubi talis error intervenit, Eccle-
sia cerè supplet defectum jurisdic-
tionis.
- 314 Resolvitur Casus I. de quodam Be-
neficiato simplici Beneficio, à quo
vicinus D. Parochus postulavit ab-
solvi.
- 315 Quod & fieri potuit, si Beneficiatus
supponatur semel ab Ordinario fuisse
approbatus approbatione nondum
revocata.
- 316 Et quid, si Episcopus generaliter sta-
tuat, ut, quoties curati ab uno Be-
neficio ad aliud mutantur, de novo
se se præsentent examinandos?
- 317 Resolvitur Casus II. de quodam Re-

ligioso cum suis amicis & Benefa-
ctoribus in aliam Diocesim peregrin-
ante, qui ibidem sine approbatione
Episcopi eosdem absolvendo, vide-
tur malè fecisse.

- 318 Potuisset tamen id facere, si respec-
tu illorum fuisset Parochus, vel ab
hoc habuisset delegatam facultatem
absolvendi.
- 319 Religiosi peragranes alienam Diocesim,
quibus confiteri valeant.
- 320 Resolvitur Casus III. de quodam Sa-
cerdote exposito, qui postea inventus
est minus habens, & non substituisse
in examine.
- 321 Et quid, si talis mala fide excepisset
confessiones, utpote gnarus se non
substituisse?
- 322 Jurisdictio dupliciter potest delegari,
directè scilicet, & indirectè; idque
vel à jure, vel per consuetudinem,
vel ab homine.
- 323 Quandonam à jure, vel ab homine,
vel per consuetudinem delegata cen-
seatur.
- 324 Ad valorem absolutionis neutiquam
sufficit jurisdictio præsumpta quæ
primùm daretur; multò minus sola
ratihabitio Superioris, qui postea
gnarus factum approbaret.
- 325 Bene tamen jurisdictio præsumpta quæ
actu fuit concessa, licet nec hoc quid-
em sit de facili præsumendum vel
prædicandum.
- 326 Cum jurisdictione dubia, aut quomo-
docunque etiam tenuiter probabili,
extra Casum veræ necessitatis absol-
vere, nefas est.
- 327 In mortis articulo quivis Sacerdos
etiam simplex validè absolvit.
- 328 Et quid, si adfit Sacerdos etiam cu-
ratus?
- 329 Simplex Sacerdos etiam extra mortis
articulum à meris venialibus, item-
que à mortalibus jam semel dimissis
validè absolveret, at, prohibente
Concilio Tridentino hoc nequaquam
est attendendum.

§. I.

Præmittuntur, & breviter resolvuntur
quæsitæ, scitu necessaria ad debite
resolvendos Casus practicos de
Jurisdictione ex parte Con-
fessarii necessaria.

202 **Q**Uæres primò, quid sit jurisdictio?
R. Jurisdictio (quantum atti-
net ad nostrum propositum) est pote-
stas seu facultas jus dicendi, & senten-
tiam ferendi in alium tanquam subditum
in foro conscientie. Ita in re omnes.
Ratio hujus descriptionis desumitur ex ip-
sa nominis etymologia; etenim jurisdi-
ctio appellatur à jure dicundo: & cum
Confessarius vi sui muneris debeat age-
re judicem in foro conscientie respectu
pœnitentis; hinc rectè dicitur indigere
jurisdictione, & eandem absolviendo exer-
cere.

Quæres secundò, quotuplex sit juris-
dictio?

303 **R.** Jurisdictio est duplex, ordina-
ria scilicet, & delegata. Ordinaria appel-
latur, quæ alicui competit ex proprio of-
ficio seu munere suo, id est: quæ quis vi
proprii officii (utpote cui annexa est cura
animarum,) habet subditos judicandos,
proptereaque ipsimet officio hæc facultas
ordinarie est annexa. Delegata autem ju-
risdictio dicitur, quæ habetur duntaxat ex
commissione alterius possidentis ordinariam
jurisdictionem, seu quam quis obtinet abs-
que collatione alicujus beneficii curati, vel
habentis annexam curam pascendi &c. ani-
mas &c.

Quæres tertio, quibusnam competat
jurisdictio ordinaria, & quibus dele-
gata?

304 **R.** primò. Jurisdictio ordinaria
competit sequentibus. 1. Summo Pontifi-
ci in universalem Ecclesiam. 2. Ejusdem
Vicariis generalibus & Legatis à latere,
nec non supremo Pœnitentiariorum. 3. Epi-
scopis, Eorumque Vicariis generalibus &
Pœnitentiariis, ubi Pœnitentiariorum est in
officium erecta. 4. Item Parochis, & eo-
rum Vicariis, ubi Vicarij sunt in officium
& beneficium seorsim institutz, uti sunt Vi-
carii Theol. P. II.

cariz Capitulorum, Monasteriorum &c.
& aliæ non paucæ. Ad hanc ordinariam
etiam reponi & revocari debent potesta-
tes Superiorum Regularium; Enim ve-
rò quasi Archiepiscopalem potestatem
possident Generales respectu totius Ordini-
sibi subiecti, quasi Episcopalem obti-
nent Provinciales respectu suarum Pro-
vinciarum; item Abbates exempti respec-
tu suorum Monasteriorum exemptorum.
Quasi Parochialem autem possident Guar-
diani, Priores, Rectores, aliique im-
mediati Superiores Religiosorum Ordini-
um respectu suorum subditorum sibi
commisforum; quippe quorum animas
vi sui officii pascere tenentur. Vide He-
rinex *Disp.* 5. à numer. 23. Sporer *nu-
mer.* 688.

305 **R.** secundò. Jurisdictio delegata
competit omnibus illis, qui non possi-
dent beneficium aut officium cui per se
est annexa animarum cura, & nihilomi-
nus obtinuerint potestatem absolvendi ab
eo, qui gaudet jurisdictione ordinaria.
Talem defecto possidemus nos Religio-
si Ordinum Mendicantium; qui, etsi non
possideamus beneficium vel officium cu-
ratum, nihilominus ex delegatione & pri-
vilegiis summorum Pontificum possumus
absolvere omnes fideles sæculares, unde-
quaque ad nos confluentes. Tali et-
iam jurisdictione delegata gaudent Ca-
pellani simplices, qui ab Episcopis ad
audiendas confessiones exponuntur absque
collatione alicujus beneficii vel officii pa-
rochialis.

Quæres quarto, quibusnam jurisdictionem
suam aliis delegare possint?

306 **R.** Omnes illi possunt delegare,
qui juxta dicta n. 304. gaudent jurisdi-
ctione ordinaria: nisi (quod bene notandum)
à legitimo suo superiore specialiter sit ip-
sis prohibitum. Econtra illi, qui jurisdi-
ctionem delegatam duntaxat possident, non
possunt eam subdelegare, ne quidem ad
unicum actum, nisi ordinarius expressè
hoc concedat, aut nisi in locum ordinarii
cum delegatione universali substituat
utputa in-vices Parochi defuncti. Ita cum
aliis multis Coninck, Hurtadus, Stoz &c.
num. 47. Herinex ubi supra *nu.* 27. Sporer
num. 698. Ratio horum est; quia jurisdictio
T depen-

dependet à voluntate S. Pontificis: atqui summi Pontifices facultatem delegandi jurisdictionem illis duntaxat concessere, qui gaudent ordinaria, non item aliis qui gaudent solum delegata ergo &c. Videantur DD. citati.

Quæres quintò, quamdiu duret jurisdictione delegata?

307 R. Cum distinctione. Vel enim concessa fuit cum aliqua limitatione seu restrictione ad certum tempus; & tunc tempore elapso expirat ipso facto. Vel est concessa absolute & illimitate; & tunc semper durabit, donec expressè revocetur: adeò, ut ne quidem cum morte delegantis v. g. Episcopi expiret. Ratio est: quia talis delegatio se habet per modum gratiæ factæ: atqui gratia semel facta non expirat cum morte concedentis juxta Regulam generalem in jure fundatam: ergo &c. Vid. c. si super de off. & potest. jud. deleg. in 6.

At quid, si delegatio fuit facta cum hac vel simili clausula: usque ad beneplacitum Sedis Apostolicæ; vel: donec revocaverò &c.

308 R. Neque taliter concessa expirat cum morte concedentis; tum quia sedes Apostolica non moritur, sed semper manet; tum etiam, quia si vivus non revocet, multò minus eandem revocabit mortuus, quippe impotens ad revocandum. Ob eandem rationem Castropalao de Legg. Disp. 15. punct. 16. §. 5. num. 5. Et Herincx cit. disp. 5. n. 31. probabile censent, jurisdictionem non expirare cum morte, si fuit delegata cum hac clausula: donec voluerò; vel: usque ad meum beneplacitum &c. Ratio est: quia hæc clausula æquivalere videtur priori; tum etiam quia extra vag. inter cunctas, de privileg. dicitur: datam verò licentiam per Diocesanorum mortem nolumus terminari. Vide Layman lib. 5. tr. 6. c. 10. n. 22.

Quæres sextò, an, vel qualis jurisdictione sit necessaria ad validam absolutionem impertiendam?

309 R. Est necessaria jurisdictione actualis; eaque vel ordinaria, vel saltem delegata. Ita Omnes. Et habetur decisum in Concilio Florent. nec non in Trident. ff. 14. c. 7. hisce verbis: quoniam natura & ratio judi-

cii illud exposcit, ut sententia in subditos duntaxat feratur, persuasum semper in Ecclesia Dei fuit, & verissimum esse Synodus hæc confirmat, nullius momenti absolutionem eam esse debere, quam Sacerdos in eum profert, in quæ ordinariam, aut subdelegatam non habet jurisdictionem. Ubi etiam assignatur ratio jam superius n. 302. à nobis insinuata, videlicet quòd actus judicialis (qualis est absolutio Sacramentalis) in Judice essentialiter requirat auctoritatem fore jurisdictionem super eum, super quem sententia profertur.

Quæres septimò, utrùm ad valorem absolutionis sufficiat jurisdictione, probabilis duntaxat?

310 Ante responsionem suppono, nomine jurisdictionis verè probabilis eam intelligi, quæ nititur verè gravi fundamento, seu quæ rationabiliter creditur actu concessa; etenim juxta alibi dicta: probabiliter, rationabiliter, & prudenter sunt synonyma: ergo illa jurisdictione tantùm dici debet verè probabilis, & probabiliter concessa, quæ prudenter, id est tum rationum pondere, tum etiam auctoritate fulta creditur ita, ut ad assensum hujus virum etiam prudentem movere valeant; ceterò uni aut alteri fortè non ita appareat; nam circa ea quæ non erè probabilia sunt & non certa, vix aut ne vix quidem reperies omnes DD. unanimiter sentientes. Hoc notato ac supposito

311 R. Probabilissimè licitum est absolute cum jurisdictione verè probabilis; etsi hoc sine justa & verè gravicausa nunquam sit practicandum, præsertim ubi de facili obtineri potest jurisdictione certa. Ita plurimi & gravissimi DD. videndi apud la Croix, Babenstuber & alios plures. Ratio autem prioris est hæc: quia quando Sacerdos juxta verè probabilem opinionem putat se actu possidere jurisdictionem in hunc vel illum penitentem, vel in hoc aut illud peccatum &c. tunc (etsi fortè opinio esset re vera erronea & falsa) summus Pontifex censetur, & piè admodum creditur actu concedere jurisdictionem, idque ad vitanda majora incommoda, & animarum pericula, vel etiam ad præcavendas irreverentias Sacramento forsitan irrogandas &c. Profectò, tum praxis communis hoc ferat,

ferat, & plerique Doctores id doceant, scriptis evulgent &c. sciente Ecclesia, Pontifice, approbantibus Censoribus librorum Ecclesiastica auctoritate deputatis, Ecclesia deberet non tolerare, nisi suppleudo jurisdictionem intendere connivere pro tali contingentia facti, ait sapienter noster P. Herincx *cir. num. 30*. Inde quodammodo certum evadit, quod valor Sacramenti subsistat in tali casu, Ecclesia seu pia Matre defectum jurisdictionis, si quis re ipsa subesset, supplente. Nihilominus cum multi DD. de hoc dubitent, simulque aliunde notum sit, ubi de valore Sacramenti agitur, consulto ac studiosè sequenda esse tutiora; hinc cum P. Sporer *num. 717*. Marchantio *trad. 7. tit. 3. quest. 4*. Bardi, Joan. Sanchez, Gobat, Bahenstuber *trad. 8. p. 6. d. 6. a. 3. numer. 8*. & aliis pluribus censeo, si ne gravi causa, præsertim quando obtineri posset jurisdictio certa, aut Confessarius certa jurisdictione præditus, nunquam esse absolvendum cum sola jurisdictione probabilis: non enim supponi potest aut debet, Ecclesiam suppleudo jurisdictionem velle connivere meræ libertati, vel etiam præsumptioni cujuslibet Sacerdotis, sed solum congruæ necessitati, vel utilitati fidelium, tunc videlicet, quando Sacerdos utitur jurisdictione probabilis ex justa causa magnæ utilitatis, aut necessitatis, item quando de facili obtineri non posset jurisdictio certa.

Quæres octavò, utrum error communis cum titulo colorato tribuat jurisdictionem sufficientem ad validam absolutionem?

312 Ante responsum rursus suppono, nomine erroris communis intelligi talem, quo Sacerdos exercens actum jurisdictionis vel ab omnibus, vel saltem à plerisque creditur habere jurisdictionem, cum tamen non habeat ob aliquod occultum impedimentum v. gr. quia est suspensus, vel beneficium obtinuit collatione invalida, utputa Simoniaca &c. Porro talis error aliquando est conjunctus cum titulo colorato, ut si credatur gaudere jurisdictione ob collationem beneficii, quæ tamen fuit nulla & invalida, proptereaque appellatur titulus coloratus, id est,

apparens, & putativus, non autem verus. Aliquando autem error accidit sine titulo: ut si simplex Sacerdos credatur esse præditus jurisdictione, eo quod falsis litteris aut testibus probaverit se esse approbatum pro cura animarum, esto sine collatione alicujus beneficii curati, vel officii curam animarum habentis annexam, ideoque sine titulo. Hoc notato

313 R. Ubi intervenit error communis cum titulo colorato, Ecclesia certò supplet defectum & confert jurisdictionem, juxta communissimam DD. Quin etiam in casu, ubi intervenit error communis sine hujusmodi titulo colorato, ab Ecclesia defectum jurisdictionis suppleri probabiliter tenent Bonacina, Tamburinus *lib. 5. de pœnit. c. 4. §. 7. num. 17*. Gobat *cir. num. 111*. Herincx, Stoz, & alii plures contra non paucos. Ratio desumitur ex benigna interpretatione voluntatis Ecclesiæ, quippe quæ in communi errore cum titulo colorato ob utilitatem publicam fidelium, ne scilicet magni, sæpids quàm par est, oriantur scrupuli, perturbationes ac difficultates circa hujus Sacramenti administrationem, aliaque ministeria jurisdictionem requirientia, uti est assistentia Matrimonii &c. voluit hunc defectum supplere & dare veram jurisdictionem conformiter L. Barbarus, ff. de officio Prætor: & quia eadem absurda, pericula animarum &c. possent oriri, ubi intervenit error communis sine titulo; hinc etiam in tali casu Ecclesiam velut piam Matrem voluisse defectum supplere, pæ admodum sibi persuadent DD. allegati. Ego sanè cum P. Gobat & Sporer extra mortis articulum non juherem repetere confessiones tali Sacerdoti factas, sicut nec matrimonia tali Sacerdote assistente contracta dissolvere; idque ob probabilitatem hujus opinionis. Vide Sporer *n. 114*. Henno *de pœnit. disp. 8. q. 5. concl. 3.*

§. I I.

Proponuntur, & breviter resolvuntur
Casus practici de jurisdictione
Confessarii.

C A S U S P R I M U S.

Titius Parochus quendam Beneficium simplicem, vel potius simplex beneficium possidentem in consilia alterius Parochiae constitutum rogabat, ut suam dignaretur confessionem exsolvere: noluit Beneficiarius petitioni condescendere, distitans, sibi à D. Parocho loci esse universaliter interdictionum, ne in hac sua Parochia quendam absolvet. Titius contra hanc repulsam non passus, reponebat, ego omnem meam potestatem & jurisdictionem delego meae dominationi, nec jam video cur meum mihi hoc Sacramentum administrare. Dubitat proin Beneficiarius, num iura conscientia potuerit absolvere Titium, non obstante illa prohibitione D. Parochi localis.

314 R. Ad hunc Casum cura distinctione. Vel enim Beneficiarius fuit ab Ordinario approbatus, vel non? si non; dicendum quod non potuerit absolvere Titium Parochum, idque defectu jurisdictionis necessitatis. Nec refert, quod Titius supponatur voluisse omnem suam jurisdictionem delegare; quia juxta dicta superius numer. 284. beneficium etiam curatum habentes non possunt sibi eligere in Confessarium simplicem sacerdotem non approbatum ab Ordinario. Econtra, si praefatus Beneficiarius semel fuit ab Ordinario approbatus, id est, authenticè declaratus velut idoneus Minister hujus Sacramenti approbatione nondum revocata, etsi defacto Beneficium simplex duntaxat possideat, potuit nihilominus à D. Parocho eligi in confessarium; tum quia generali privilegio, vel potius consuetudine generaliter recepta Parochi obtinuerunt potestatem eligendi sibi in Confessarium Sacerdotem ab Episcopo approbatum; tum etiam quia Domini Parochi utpote gaudentes jurisdictione ordinaria absolvendi suos Parochianos, possunt eandem delegare cuilibet al-

teri Sacerdoti approbato per *cap. Inter cetera, de offic. Ordin.* ergo etiam possunt eandem delegare in ordine ad absolutionem sibi impertiendam ab alio Sacerdote approbato; secus enim Pastor foret deterioris conditionis, quam oves: ergo Titius Parochus validè fuisset absolutus in hoc casu. An etiam licitè? Attendendum erit 1. utrum Parochus loci fuerit rationabiliter invitatus? 2. utrum Beneficiario voluerit prohibere ne Clericum vel Parochum vicinum absolveret; quod quidem meo iudicio non est credendum aut praesumendum, immo neque attendendum; quandoquidem teste Laymanno *cir. l. 3. tract. 6. cap. 10. num. 4.* omnium ferme Ecclesiarum consuetudine introductum sit, ut Sacerdotes quilibet saeculares cuilibet approbato & exposito cunctentur; propterea, quod ipsi variis in locis saepe sacrificantes ejusmodi facultate opus habere videantur. Qua de re videri possunt Navarrus in *cap. placuit, num. 28. Et seqq. dist. 6. de poenit.* Suarez *disp. 29. sect. 6. Viva ad propos. 16. ab Alexandro VII. damnatam num. 10. & 11.*

315 Dictum tamen fuit: *Si beneficarius semel fuit absolutè approbatus ab Ordinario approbatione non revocata &c.* Hac quippe rursus adempta, secus resolvendum foret; quia ex hac suppositione æquiparandus esset Sacerdoti simplici; simplicem verò Sacerdotem ne quidem à Parocho eligi posse in Confessarium, constat ex dictis *n. praecedenti*. Cæterum an dictus Beneficiarius approbatione sua privatus existat per hoc, quod ad Beneficium simplex sit promotus, colligendum erit ex consuetudine, & modo approbandi in quavis Diocesi recepto. Et verò, ubi semel approbatus habetur pro approbato simpliciter seu in perpetuum uti habetur in hac Diocesi nostra Salisburgensi, non videtur dubitandum, quim talis posset eligi ab alio Sacerdote & Parocho in Confessarium, esto etiam defacto non amplius possideat beneficium curatum, sed tantum simplex. Econtra ubi approbatio solum datur ad tempus certum & limitatum v. gr. cum hac vel simili clausula: *quamdiu perseveraveris*

teris in hoc loco : in hac officio &c. mutato statu loci aut officii ipso facto deperditur approbatio : consequenter taliter approbatus, & postea ad aliud beneficium simplex promotus, amplius eligi non posset in Confessarium. Videatur de hac materia Gobat *tr. 7. n. 45. & seqq.* Suarez *de pœnit. d. 26. sect. 1. n. 3.* Clericatus *de pœnit. dec. 37. n. 15.*

Dices. Ego in mea Diœcesi fui semel absolutè & illimitatè approbatus, & pro tali agnoscebar tunc temporis, quando meum beneficium simplex obtinui; at modò primùm Reverendissimus meus Ordinarius statuit generaliter, ut, quotiescunque aliquis Clericus sæcularis ab uno loco vel beneficio mutaretur ad aliud, de novo sese præsentaret examini, & denuo obtineret approbationem : possumne jam in his circumstantiis absolvere Titium Parochum, si me conveniat?

316 R. Tutò potes absolvere; tum quia (ut dicis) approbatio tibi semel fuit absolutè & illimitatè concessa; quæ cum sit potestas favorabilis, & gratia jam facta, non expirabit donec expressè revocetur; etenim gratiam seu *Beneficium Principis* decet esse mansurum, juxta *Reg. 16. de R. J. in sexto*; tum præsertim, quia jam ante, & non primùm post factam Principis seu Ordinarii constitutionem te mutatum fuisse asseris: ergo hætenus nunquam excidisti gratia approbationis tibi semel absolutè & illimitatè concessa, consequenter tutò absolves Titium Parochum, quoties ab eo fueris requisitus. Vide de hoc Stoz *l. 2. n. 39.* Gobat *tr. 7. n. 45.* Sporer *num. 663.*

CASUS SECUNDUS.

Sempronius Religiosus Diœcesis Passaviensis cum quibusdam suis amicis & fautoribus devotionis causa profectus Vetro-Oestingam ad B. Virginem Taumatburgam in Archi-Diœcesi Saliburgensi longè celeberrimam, ibidem rogabatur à suis Convictoribus ut dignaretur eorum confessiones audire; quod tamen Sempronius recusavit dicitans se in hac Archi-Diœcesi Saliburgensi nunquam existisse appro-

Elbel Theol. P. II.

batum. Quia tamen advertit hanc repulsam ægerimè ferri ab iisdem suis fautoribus & Patronis; hinc tandem precibus flexus, eosdem confessos absolvit, ast clam seu clanculariè in quadam privata Camera. *Queritur an bene?*

317 R. Videtur Sempronius non bene fecisse. Ratio est: quia juxta constitutionem Clementis X. *Superna*, jam sæpius allegatam, Regulares in una Diœcesi approbati, non propterea habentur aut censentur ubique approbati; consequenter in aliena Diœcesi (uti erat Saliburgensis respectu Semproni) non poterat licitè excipere confessiones sine approbatione Celsissimi Ordinarii; id, quod etiam declaratum fuit ab Innocentio X. apud Dianam *p. 10. tr. 16. resol. 75.* Esto etiam virtute privilegii itinerantibus concessi à Gregorio XIII. probabiliter poterit validè absolvere; hoc tamen privilegio sine gravi causa ac necessitate nequaquam utendum esse, cum aliis pluribus rectè docet *Viva ad propos. 16. ab Alexandro VII. damnatam, n. 12.* & nos jam superiùs *n. 290.* admonuimus.

At quid, si Sempronius, supponatur fuisse Pastor seu Parochus respectu suorum Comperegrinantium, nunquid validè eosdem absolvisset, esto in Diœcesi aliena?

318 R. Affirmativè. Ita præter alios multos tenent Illust. *tract. 6. disp. 6. num. 177.* la Croix *numer. 1516.* Ratio est: quia cum Parochus vi sui muneris sit Pastor suarum Ovium; hinc pro iisdem audiendis ubique censetur à Tridentino satis approbatus; quemadmodum Confessarii Principum & Magnatum, qui respectu illorum sunt veluti Parochi, quando per varias Diœceses illos comitantur, eosdem absolvunt ubivis locorum sine approbatione singulorum Ordinarium. Hac ratione Sanchez, Leurenus & alii apud la Croix *loc. cit.* docent, quòd si Parochus alteri approbato non Parocho (ideoque & tali Religioso itineranti) delegat jurisdictionem in suos, hunc delegatum posse parochianos absolvere etiam extra Diœcesin Parochi delegantis, sicut ipse Parochus posset illos absolvere saltem validè. Vide *Viva proximè cit.*

Dices adhuc: Quidsi autem Religiosus itinerando peragret Diocesin alienam, vel in ea diutius commoretur, poteritne in Confessarium sibi deligere Sacerdotem simplicem, nondum ab Episcopo approbatum?

319 R. Cum Suarez, Tamburino: *de pœnit. l. 3. c. 5. §. 2. n. 17.* Sporer & alii affirmativè (supposita tamen licentia legitimum Superiorum, quam P. Sporer tacitè saltem permissam, & in ipsa licentia diutius extra Conventum commorandi inclusam existimat,) Ratio autem hujus responsionis est: quia ex una parte Tridentinum in suo decreto, ubi ad validam absolutionem requirit Confessarium ab Episcopo approbatum, non comprehendit Confessarios Regularium seu Religiosorum, sed loquitur duntaxat de Confessariis *Secularium etiam Sacerdotum*: ex altera autem parte Superiores Regulares dando subditis suis licentiam exterius consuendi, non restringunt eam ad Confessarios ab Episcopo approbatos (quo supposito utique Religiosus talis non posset absolvi ab alio non approbato) ergo neque à nobis restringi debent. Videatur P. Sporer *cit. numer. 685.*

C A S U S T E R T I U S.

CAjus subijt examen pro cura animarum, & vota ab Examinatoribus in scriptis obtenta, clausa seu obsignata detulit Reverendissimo Directori Consilii Ecclesiastici; qui nihil hæsitans de sufficientia & idoneitate Caji quantocius illum dimisit velut cooperatorem, cum mandatis, ut D. Parochum suum instante proxima festivitate adjuvaret in expediendis pœnitentibus. Abijt Cajus: absolvit plurimos pœnitentes. Verùm reſeratis postea in proxima Sessione votis inventus est Cajus velut minus habens, ideoque ab Examinatoribus reprobatas. Quam ob causam mox revocatus, & usque dum in moralibus amplius sese perſiceret, suspensus fuit. Jam dubitatur, an Cajus validè absolverit pœnitentes; an verò il comperto errore teneantur confessiones Cajo factas apud alium repetere?

320 R. Cajus validè absolvit: nec ulla amplius repetitione præteritarum confessionum opus est. Ratio hujus facile ex dictis *nu. 313.* eruetur: quia ubi intervenit error communis cum titulo colorato, Ecclesia velut pia Mater certò supplet defectum, tribuendo jurisdictionem necessariam: atqui in nostro casu intervenit talis error communis, & quidem cum titulo, cooperatoris scilicet approbati, & ab Ordinario expositi &c. qualis credebatur Cajus noster: ergo &c.

Dices. At quid, si Cajus ad mandatum Reverendissimi D. Directoris perxisset, & mala fide, utpote gnarus se non substituisse in examine, propterea que reprobatus fuisse, nihilominus præsumpsisset absolvere: an in hoc etiam Casu Ecclesia defectum jurisdictionis suppleret?

321 R. Affirmativè. Ratio est: quia stante etiam mala fide Caji Confessarii adhuc intervenit error communis cum titulo colorato: at, hoc interveniente Ecclesia vult certò supplere defectum jurisdictionis, nec permittit ut mala fide Sacerdotis plurimorum salus periclitetur, quando ipsa de facili id potest impedire: ergo &c. De quo præter jam allegatos videri possunt. *Boſco p. 4. d. 8. nu. 116. & seqq. Mezger tr. 18. disp. 49. a. 1. n. 32. Babenſtuber tr. 8. p. 6. d. 6. a. 3. n. 13.*

§. I I I.

Corollaria ex dictis inferenda.

322 **C**OLLIGES ex dictis primò, jurisdictionem tam directè, quàm indirectè etiam posse delegari. Directè quidem delegatur, quando ipsimet Sacerdoti immediatè conceditur facultas absolvendi. Indirectè autem, quando pœnitenti datur libera potestas eligendi sibi Confessarium, qua concessione indirectè & mediatè committitur jurisdictionis Confessario electo à pœnitente. Porro talis delegatio directà vel etiam indirecta triplici modo fieri amat, scilicet 1. à jure vel privilegio, 2. à consuetudine, & 3. ab homine.

323 Primò modo, à *jure* scilicet, directè delegata fuit potestas jurisdictionis Fratribus Minoribus, & Prædicatoribus à diver-

diversis Pontificibus, uti videre est tum in jure communi *Clement. cap. dudum*, de *sepulturis*; tum etiam in extravagantibus Bullis ac privilegiis, quibus permittitur, ut memorati Religiosi possint absolvere Fideles sæculares undequaque ad se accedentes &c.

A consuetudine delegata censetur, v. cujus aliqui communiter (etsi sine jure scripto) consueverunt sibi eligere Confessarios approbatos, scientibus Superioribus, nec prohibentibus, dum tamen facile possent. Qua consuetudine & tacita Episcoporum approbatione Parochi, alique Sacerdotes curati eligunt sibi Confessarios, vel sibi invicem, aut aliis sacerdotibus approbatis consentitur, ex consensu tacito Ordinariorum id scientium, & aliud non statuentium haud dubio ob rationes mox supra ex P. Laymanno allatas. Tandem ab homine fit delegatio, quando is, qui possidet jurisdictionem ordinariam verbo, vel scripto, aut alio signo sufficienti committit alicui jurisdictionem in suos subditos. Ad hoc autem necessarium requiritur consensus actualis seu de presenti, signo aliquo manifestatus, uti communissimè tradunt DD. Navarrus, Suarez, Sanchez, Layman *capit. 10. numer. 16.*

Dices iterum. Ergone consensus præsumptus, vel jurisdictio præsumpta non sufficit ad valorem absolutionis?

314 R. Non sufficit consensus præsumptus de danda primùm jurisdictione, id est, non sufficit, quod prudenter possis præsumere Superiorem v. *er.* Ordinarium desuper requisitum tibi daturum potestatem absolvendi in his circumstantiis. Multò minus sufficit rati habitio de futuro, id est, quod Superior id resciscens sit approbaturus & ratam habiturus absolutionem à te datam. Ratio hujus communissimæ doctrinæ redditur hæc: quia jurisdictionis actualis necessariò est pro isto instanti vel tempore, quo datur absolutio, quandoquidem juxta alibi dicta valor Sacramenti hujus, immò & aliorum (excepto Matrimonio) suspendi nequeat per intentionem Ministri, nec dependere ab alia conditione de fu-

turo: at, qui solum potest præsumere de rati habitatione, vel de consensu dando aut danda primùm jurisdictione, hic & nunc eandem non habet: ergo invalidè absolveret. Herincx ubi supra *numer. 29.* Lugo, Salmanticenses, quos citat & sequitur Babenstuber *cit. art. 3. numer. 5.*

315 Dictum tamen fuit, non sufficere presumptionem de danda primùm jurisdictione &c. secus quippe dicendum foret, si ex certis signis aut indiciiis possis præsumere, Superiorem actu tibi voluisse delegatam jurisdictionem; ut si audias confessiones Superiore, Ordinario, aut Parocho actu præsentem, nec contradicente, licet facile posset. Nihilominus in hoc etiam casu quam cautissimè est procedendum, & ubi fieri potest, expressa licentia postulanda, ne Sacramentum exponatur periculo nullitatis. Etenim si Parochus re vera dissentiret, aut rem idè solum dissimularet, ne inde oriantur majora mala vel scandala &c. profecto talis absolutio nulla foret, uti rectè docent Suarez, Laym. *cit. l. Spor. numer. 710.* omnis enim præsumptio cedere debet veritati juxta *capit. Nuper. De Bigamis*.

326 Colliges secundo, extra casum necessitatis nunquam esse licitum quempiam absolvere cum jurisdictione dubia, vel quomodocunque etiam tenuiter probabiliter. Ratio est: quia citra verè gravem necessitatem non licet Sacramentum exponere periculo frustrationis: at, qui absolvit cum jurisdictione dubia, aut quomodocunque tenuiter probabiliter, illud exponit periculo: &c. ergo &c. Nihilominus in casu necessitatis (qualem Babenstuber *cit.* putat esse 1. si poenitens alioquin celebrare, aut communicare deberet absque confessione; vel 2. si urgeat præceptum annuæ confessionis; vel 3. quando confessio præter consuetudinem cum nota aliqua infamæ diu esset differenda) licitum erit absolvere sub conditione, stante etiam jurisdictione dubia &c. tum quia talis necessitas præstat, ut absolutio non impertiatur tenerè & imprudenter; tum etiam quia conditio adjuncta sufficienter excludit irreverentiam,

aliàs fortè Irrogandam Sacramento, si revera desit potestas jurisdictionis. Vide Cardenas in *Cristi theol. dissert. 2. cap. 6. num. 137.*

327 Colliges tertio, in mortis articulo quemlibet Sacerdotem, esto nunquam sit approbatus, immò tametsi esset excommunicatus aut degradatus vel hæreticus &c. posse absolvere verè poenitentem. Ita expressè declarat Tridentinum ff. 14. de poenit. cap. 7. sequentibus omnino verbis: *veruntamen pie admodum, ne aliquis pereat, in Ecclesia DEI custoditum semper fuit, ut nulla sit reservatio in articulo mortis: atque idè omnes Sacerdotes quoslibet poenitentes à quibuscvis peccatis & censuris absolvere possunt. Hæc enim Concilium.*

At quid (ais) si contingat præter Sacerdotem simplicem alium curatum, vel etiam proprium Parochum adesse infirmo, an in hoc etiam casu validè absolvet simplex Sacerdos?

328 R. Multi absolutè negant, ducti hac ratione: quia juxta Regulam ab Abbate traditam, cum aliquid conceditur propter necessitatem; durat concessio quantum urget necessitas: atqui potestas absolvendi in mortis articulo conceditur simplici Sacerdoti solum propter necessitatem, ne scilicet contingat aliquem fidelium defectu absolutionis perire, quæ tamen necessitas non urget, quando adest alius Sacerdos approbatus: ergo &c. Ita sentiunt Navarrus, Suarez, Layman, Sporer & alii plures. Nihilominus Barbosa, Tannerus, Tamburinus, Herincx disp. 6. numer. 18. & Ilhsang tract. 6. disp. 6. numer. 193. & segg. mordicus defendunt, posse Sacerdotem simplicem, aliàs non approbatum in mortis articulo, vel (quod huic æquiparatur) in mortis periculo absolvere ab omnibus peccatis etiam reservatis, non obstante præsentia alterius Sacerdotis etiam approbati. Rationem dant geminam. 1. quia Concilium Tridentinum generaliter & indistinctè dicit, in mortis articulo nullam esse reservationem, omnem Sacerdotem quemlibet poenitentem absolvere posse &c. à quibuscvis peccatis &c. ergo simplex Sacerdos id potest. 2. Quia de facili pos-

set contingere ut moribundus ad illum Sacerdotem approbatum nullam haberet confidentiam: ergo adhuc subesse potest periculum animæ, nisi permittatur eadem facultas simplici Sacerdoti: voluit autem Concilium præcludere animarum pericula: ergo præsumitur concessisse facultatem absolvendi &c. Utraque hæc sententia mihi videtur verè probabilis; priorem tamen velut tutiorem in praxi sequendam existimo & consulo. Idcirco si moribundus erga Sacerdotem approbatum nullam ostendat diffidentiam aut diffidentiam, suaviter inducendus est, ut sua peccata sacerdoti approbato potius, quàm simplici deponat.

Quæres adhuc, utrùm Sacerdos simplex extra mortis articulum valeat absolvere à venialibus, vel etiam à mortalibus jam semel dimissis?

329 R. Cum P. Herincx cit. disp. 5. n. 17 Mastr. Babenstuber ubi supra num. 16. & aliis communiter, affirmativè: etenim in ipsa ordinatione cuilibet sacerdoti confertur potestas absolvendi: & cùm aliud constet, venialia peccata non esse materiam necessariam confessionis, sed liberam; hinc videretur talis potestas frustra restringi Sacerdoti simplici; etsi juxta communiorē sententiam ob rationabiles causas Ecclesia restringere posset hanc facultatem. Et quia defuncto Innocentius XI. in suo decreto circa communionem quotidianam edito 12. Febr. 1679. præcipit Episcopis & Parochis, ne permittant, ut venialium confessio fiat sacerdoti non approbato ab Episcopo seu Ordinario; idcirco rectè monet Reiffenstuel cit. dist. 8. numer. 12. ut Sacerdotes simplices non se immisceant audiendis confessionibus venialium; idque ob plurima incommoda, quæ inde de facili oriri possent.

CONFERENTIA

DECIMATERTIA.

De Potestate reservandi, & Casibus reservatis.

SUMMARIUM.

- 330 Reservatio, & Casus reservatus quid sit.
- 331 Casus sibi reservare possunt omnes & soli illi, qui gaudent jurisdictione ordinaria.
- 332 Quid Parochi, & Superiores Religiosi quantum ad hoc possint.
- 333 Casus defacto reservati sunt diversissimi pro diversitate Superiorum.
- 334 Recensentur nonnulli, reservati summo Pontifici.
- 335 Et alii, quos Episcopi regulariter solent reservare.
- 336 Singulariter enumerantur Casus reservati in hac nostra Archi-Diœcesi Salsburgensi; item
- 337 Casus reservati in Diœcesi Passaviensi; item
- 338 Casus reservati in Diœcesi Frisingensi; nec non
- 339 In Augustana, & 340. in Constantiensi.
- 341 Recensentur Casus in nostra Religione Seraphica reservati.
- 342 Ecclesia defacto sola peccata mortalia, eaque externa & specialem gravitatem continentia reservare assuevit.
- 343 Peccata dubia non cadunt sub reservationem.
- 344 Reservatio alia est pœnalis, alia non pœnalis;
- 345 Ignorantia excusat à priori, non item à posteriori.
- 346 Nihilominus juxta multorum opinionem potest absolvi prima vice, qui reservationis ignorantia sive juris, sive etiam facti laborat.
- 347 Resolvitur Casus I. de Religioso, pollutionem passo cum complacencia.

- 348 Et quid, si talem procuraret in alieno corpore, vel in proprio per alium procurari admitteret?
- 349 Novit probabiliter non incurrunt Casus in nostra S. Religione reservatos.
- 350 Resolvitur Casus II. de quadam Persona conjugata, quæ procurando abortum factus, licet nondum animatus, incurrit Casum reservatum in hac Archi-Diœcesi nostra.
- 351 Non tamen incidit reservationem ex eo, quod sumpserit medicamenta ad sterilitatem procurandam, effectu non secuto.
- 352 Neque ex eo, quod præter intentionem suppresserit infantem penes se in lecto collocatum.
- 353 Quid nomine venereii, incantationis, & sortilegii (quæ communiter reservari solent) intelligatur.
- 354 Resolvitur Casus III. de Carnifice, cuidam fabro ferrario præbente anulum catenæ, ex qua suspenderat malefactorem, & alias nonnullas reliquias.
- 355 Faber ferrarius utendo præfato anulo ad finem superstitiosum, incidit Casum reservatum.
- 356 Non tamen incidit ex eo, quod pelle malefactoris fuerit usus contra, spasnum & tabem.
- 357 Neque ille reservationem incurrit, qui signis de se indifferentibus utitur ad tollendum pactum superstitiosum.
- 358 Nullus incurrit reservationem, nisi peccet mortaliter;
- 359 Et quidem actione externa mortaliter peccaminosa.
- 360 Unde si actio externa sit solum leviter peccaminosa, est ex interno affectu graviter malo processerit, non incurritur reservatio.
- 361 Nec illam incurrit, qui solo actu interno, ut puta hæresi merè interna delinquit.
- 362 Casus Episcopis reservati brevissime & succinctè explicantur.

§. I.

Præmittuntur, & breviter resolvuntur

Quæsitæ, scitu necessaria ad debite resolvendos Casus de potestate reservandi Casus, & ipsis Casibus reservatis.

Quæres primò, quid sit reservatio, & quid Casus reservatus?

330 R. Reservatio Casuum idem est, ac negatio jurisdictionis absolventi ab aliquo peccato, relicta potestate absolventi à cæteris. Ita in re omnes. Ex quo facile eruitur, quòd Casus reservatus non sit aliud, quàm peccatum mortale, cuius absolutio non est permessa cuilibet Sacerdoti, vel etiam Confessario approbato, sed reservatur, & manet penes Superiorem, vel alium, à Superiore ad id specialiter delegatum. Quòd autem in Ecclesia detur potestas reservandi Casus, perspicue docet Concilium Trident. Sess. 14. c. 7. ubi ait, *magnopere ad christianis populi disciplinam pertinere, sanctissimis Patribus nostris visum est, ut atrociora quædam & graviora crimina non à quibusvis, sed à summis duntaxat Sacerdotibus absolverentur.* Ita Concilium locutat.

Quæres secundò, quinam sibi possint Casus reservare?

331 R. Omnes illi & soli possunt, qui gaudent jurisdictione ordinaria. Ita communissimè DD. Herincx. Disp. 6. num. 1. Babenstuber. Disp. 6. ar. 4. num. 4. Ratio est: quia hi omnes & soli possunt aliis jurisdictionem delegare: ergo etiam possunt eandem delegare cum certa restrictione & exceptione aliquorum casuum. Ex quo facile deducitur, potestatem reservandi aliqua peccata residere 1. in Summo Pontifice, qui pro tota Ecclesia; 2. in quovis Episcopo, qui pro sua Diocesi; & 3. in Prælato Regulari, qui pro suo ordine vel Monasterio. & 4. denique in Parocho, qui (per se loquendo) pro sua Parochia potest jurisdictionem delegatam ad certos casus restringere.

332 Dixi: per se loquendo &c. Non

enim est consuetum], ait Herincx, ut Parochi sibi reservent Casus, ne reservatio nimium multiplicetur. Quam ob rem Clemens VIII. etiam Superioribus Regularibus potestatem reservandi casus ad certos limites & numerum restrinxit, prout mox videbimus: & præter alios tradunt Lugo *dist. 20. Sect. 1. num. 2.* Mezger *tr. 18. dist. 49. art. 2. nu. 2.* Illung. *tract. 6. dist. 6. num. 207.*

Quæres tertio, quinam Casus defacto sint reservati?

333 R. Casus defacto reservati pro diversitate Superiorum ac subditorum sunt diversissimi; alios etenim sibi reservant summi Pontifices respectu universalis Ecclesiæ; alios Episcopi, pro sua quisque Diocesi; alios Superiores Regulares pro suis sibi subiectis. Et

334 Primò quidem Casus summo Pontifici reservati sunt quasi innumeri, ut ait Scotus 4. *dist. 25. q. 1.* quos omnes & singulos recensere in compendio, videtur impossibile: illud solum breviter adnotasse sufficiat, alios esse reservatos S. Pontifici in Bulla Cœnæ, suntque numero viginti, & quibus præcipui in nostris hisce partibus contingentes sunt hæresis, & lætæio vel etiam retentio librorum hæreticorum; item inpositio novorum pedagiorum, seu etiam gabellarum absque sufficienti auctoritate. Rursum alii reservantur eidem summo Pontifici in jure communi; quorum principales meritò censentur 1. Simonia realis. 2. Duelum, vel cooperatio ad illud; 3. procuratio abortus; item 4. percussio Clerici suadente Diabolo facta; de quibus videri possunt Filiucius in *instruct. pro Confessoris c. 2. a. 5. §. 1.* Item Babenstuber *tr. 4. disp. 2. a. 1. §. 4.* ubi Casus S. Pontifici reservatos distribuunt in tres classes. L3 Croix l. 6. p. 6. num. 1609. & seqq.

335 Secundò Casus, quos regulariter assueverunt reservare Episcopi, sunt sequentes. 1. Homicidium voluntarium, tamen occultum. 2. Falsum testimonium in iudicio, sive in gratiam, sive in damnum alterius. 3. Adulteratio, seu corruptio statux, mensuræ & monetæ. 4. Libertatis seu immunitatis ecclesiasticæ violatio. 5. Domorum, vel segetum in-

cen-

cendum, vitium, vel arborum alienarum causa damnificandi inciso 6. Blasphemia publica & notoria. 7. Parentum percussio. 8. Abusus SS. Eucharistiæ, sacramentum rerum ad veneficia, superstitiones, & similia. 8. Abortus procuratio. 10. Expositio infantium in locis piis, eam commodè ab exponentibus ali possint. 11. Matrimonium in gradibus prohibitis contractum. Ex his jam ulterius

336 In hac nostra Archi-Diœcesi Salisburgensi sunt reservati sequentes Casus. 1. Incurrunt reservationem, qui homicidium voluntarium actu exteriori perpetrarunt. 2. Qui infantes secum in lectis detinendo oppresserunt, ac abortum & sterilitatem procurarunt. 3. Qui violentas manus in proprios Parentes seu Clericos iniecerunt. 4. Qui in primo vel secundo consanguinitatis seu affinitatis gradu incestum commiserunt, ac in publico adulterio, concubinato, seu fornicatione vivunt. 5. Qui decimas, aliaque Ecclesiæ jura notabiliter defraudant. 6. Sortilegia, divinationes, incantationes.

337 In Diœcesi Passaviensi sequentia peccata sunt reservata. 1. SS. Eucharistiæ, aut etiam aquæ baptismatis, sicut & sacrorum liquorum ad artes magicas, seu veneficia, aliosque nefarios usu usurpatio. 2. Formalis blasphemia in Deum & Sanctos. 3. Incestus in primo vel secundo consanguinitatis vel affinitatis gradu, aut cum Moniali professæ nefaria commixtio. 4. Ecclesiarum sanguinis aut seminis effusione pollutio. 5. Bestialitas, & peccatum Sodomiticum. 6. Parricidium, assassinium, aut aliud quodcumque homicidium voluntariè commissum. 7. Maleficia, aut mortem aut longam, gravemque infirmitatem afferentia. 8. Propinatio veneni viro à Muliere, aut vicissim Mulieri à viro, aut cuicumque alteri voluntariè facta. 9. Sortilegia, divinationes, incantationes, quæ manifestè hæresin sapiunt, aut sive expressum, sive implicitum pactum cum demone involvunt: non tamen illæ incantationes, quæ in Germania plurimum in usu sunt à simplicibus per orationes, quibus imploratur auxilium Dei aut Sanctorum cum devotione, et absque alia intrinseca, vel extrinseca observa-

tione; hæ enim vix puniri, & reservationis pœna affici possunt. 10. Violatio immunitatis ecclesiasticæ. 11. Violenta manuum injectio in Parentes vel Clericos. 12. Publicum incestus, adulterii, concubinatus crimen.

338 In Diœcesi Frisingensi reservata sunt 1. Divinatio, sortilegium, & incantatio, atque magicum exercitium si fuerint peccata mortalia; quod judicio prudentis Confessarii relinquimus. 2. In Parentes proprios violenta manuum injectio. 3. Homicidium voluntarium, aut notabilis membri abscissio. 4. Incestus in primo & secundo consanguinitatis gradu: item stuprum violentum, Raptus, & Sodomia. 5. Procuratio abortus, aut sterilitatis. 6. Absolutio ab hæresi sine speciali nostra commissione.

339 In Diœcesi Augustana sequentia 1. Homicidium voluntarium. 2. Casus habens majorem excommunicationem annexam. 3. Incestus cum Moniali professæ, cum cognata, vel affine in primo & secundo gradu. 4. Veneficium, incantationes magicæ, maleficia, abusus SS. Eucharistiæ & sacramentorum reliquiarum ad artes magicas. 5. Violatio sigilli confessionis Sacramentalis.

340 In Diœcesi Constantiensi pro Laicis sunt reservata. 1. Matrimonium conjugum adhuc vivente scienter contrahens. 2. Matrimonium contrahens antequam certificaretur de morte primi conjugis. 3. Matrimonium clandestinè non servata forma sacri Concilii Tridentini contrahens. 4. Sponsalia de futuro contrahens, ne c observans. 5. Machinatio in mortem Conjugis si mors sequatur. 6. Baptizatioprolis, excepto casu urgentis necessitatis, vel ejusdem in baptismo vel confirmatione susceptio. Tam pro Clericis, quàm pro Laicis hæc sunt reservata. 1. Homicidium voluntarium, actu, præcepto, consilio, vel consensu deliberato commissum. 2. Procuratio abortus vel sterilitatis. 3. Incendium domorum, Ecclesiarum, aut segetum, malitiosè, & ex proposito factum. 4. Sacrilegium, seu furtum sacræ rei. 5. Peccatum bestialitatis cum brutis commissum. 6. Coitus cum infideli vel Judæo. 7. Commixtio carnalis cum sancti.

Atimonalibus . 8. Incestus cum consanguineis & affinis usque ad secundum gradum inclusive . 9. Adulterium . 10. Raptus . 11. Perjurium in iudicio factum . 12. Pollutio Ecclesiæ, vel Cræmoterii sanguinis vel seminis effusione . 13. Immunitatis, & libertatis ecclesiasticæ violatio . 14. Falsificatio litterarum nostrarum (Episcopopalium scilicet) & crux nostræ vel Moretæ . 15. Percussio Parentum enormis . 16. Abusus Sacramentorum, & sacramentorum rerum ad magicas artes, veneficia, & superstitiones . 17. Rebaptizatio scienter collata & suscepta . 18. Insectio manuum violentarum in Clericis, Monachos, Moniales, vel quacunque aliam personam Religiosam, aut Ecclesiasticam. Hos omnes Casus esse reservatos testatur P. Babenstuber *tr. 8. p. 6. Disp. 6. a. 4. num. 17.* Itemque apud Gobat *tr. 7. n. 394. & seqq.*

341 Tertiò. Casus quos Superiores Regulares ex constitutione Clementis VIII. possunt, si velint & consultum videbitur, reservare, sunt sequentes undecim . 1. Veneficia, incantationes, sortilegia . 2. Apostasia à Religione, sive habitu dimisso, sive retento, quando eò pervenerit, ut extra septa Monasterii seu Conventus fiat egressio . 3. Nocturna ac furtiva à Monasterio seu Conventu egressio, etiam non animo apostatandi facta . 4. Proprietas contra votum paupertatis, quæ sit peccatum mortale . 5. Lapsus carnis voluntarius opere consummatus . 6. Occisio aut vulneratio, seu gravis percussio cujuscunque Personæ . 7. Malitiosum impedimentum, aut retardatio, aut apertio litterarum, à Superioribus ad inferiores, aut ab inferioribus ad Superiores . 8. Juramentum falsum in iudicio regulari seu legitimo . 9. Procuratio, auxilium, seu consilium ad abortum faciendum post animatum factum, etiam effectum non secuto . 10. Falsificatio manus aut sigilli Officialium Monasterii aut Conventus . 11. Furtum de rebus Monasterii seu Conventus in ea quantitate quæ sit peccatum mortale. Hos omnes Casus possunt, si velint, sibi reservare; Superiores Regulares: Cæterùm an actu in aliis Religionibus sint reservati, mihi non constat:

noverint illi, quorum interest. In nostra Religione Scraphica omnes reservantur; quibus Capitulum generale duos adhuc superaddidit, scilicet 1. pollutiones voluntarie procuratas; & 2. inobedientiam contumacem; qualis esse declaratur, quando quis trina monitione præmissa, factis congruis intervallis, per diem naturalem inobediens perseverat. Et licet vi constitutionis Pontificiæ Superiores Regulares aliorum criminum quantumvis enormium absolutionem sibi reservare non valeant, (nisi cum matura discussione & assensu Generalis Capituli pro toto Ordine, & Provincialis pro Provincia) immò prohibeantur confessiones subditorum audire, nisi quando aliquod peccatum reservatum admiserint, aut ipsimet sponte aut proprio motu id petierint; nihilominus possunt determinare poenitentias graves quibusdam peccatis etiam non reservatis à Confessariis imponendas, quæ subditos ab hujusmodi perpetrando cohibere possint. Vide Herincx *Disp. 6. num. 5. Sporer num. 737. Kerkhove in statut. general. cap. 6. §. 22. num. 2.*

Quæres quartò, utrùm Ecclesia possit, aut soleat reservare peccata merè interna?

342 R. Absolutè quidem loquendo posset Ecclesia quodlibet peccatum mortale reservare; attamen defacto sola peccata mortalia externa, & specialem gravitatem continentia reservare solet. Ita cum communi DD. Filliuc. *tr. 7. c. 10. Layman. l. 5. tr. 6. c. 12. n. 3.* Ratio prioris est: quia potestas clavium Ecclesiæ concessa se extendit ad omnia peccata nedum in, sed etiam externa: ergo Ecclesia potest Confessariis limitare jurisdictionem respectu quorumlibet, saltem gravium peccatorum. Ratio autem posterioris est: quia Ecclesia velut pia Mater non vult jugum confessionis Sacramentalis reddere nimis difficile: at, videretur nimis difficile, si reservaret peccata merè interna, utpote commissu nimis facilia, & cognitu nimis difficilia: ergo &c. Accedit, quòd peccata merè interna neque aliis sint noxia, neque Rempublicam ecclesiasticam perturbare valeant: ergo

ergo Ecclesia satis providet bono regimini ecclesiastico, reservando peccata merè externa, & quidem opere consummata, esto nullum merè internum defacto reservatum velit.

Quæres quintò utrùm Ecclesia velit reservare peccata externa, tametsi sint dubia?

343 R. Peccatum dubium quodcunque sive dubio juris, sive facti, esto etiam externum sit, Ecclesia non vult esse reservatum. Ita rursus cum communi Sanchez *lib. 1. mor. cap. 10.* Bonacina, Tambur. Diana, Lugo, Sporer *nu. 733.* Reinssstuel &c. Ratio est: quia reservatio utpote odiosa, tam Confessariis, quibus jurisdictionem restringit, quam penitentibus, quibus usum hujus Sacramenti reddit difficiliorem, non debet extendi ad casus dubios & incertos: at hoc ipso, quòd peccatum supponatur dubium sive dubio juris sive facti, est incertum omnino, quòd sit commissum & reservatum: ergo potius est standum pro reo, & favendum tam Confessario, quàm ipsi etiam penitenti, nec præsumendum quòd Ecclesia in tali dubio velit ademptam jurisdictionem Confessarii.

Quæres sextò, utrùm ignorantia quempiam excuset à reservatione?

344 Ante responsionem advertendum, aliam esse reservationem pœnalem, aliam non pœnalem. Pœnalis dicitur, quando delictum reservatum simul specialiter prohibetur, & punitur pœna reservationis: non pœnalis censetur, quando Legislator reservat quidem delictum, non tamen illud simul specialiter prohibet, utl tradunt Stoz, eumque secutus Babenstuber *cit. d. 6. a. 4. n. 3.* Utrùm ergo reservatio sit pœnalis vel non, colligendum erit ex decretis cujuslibet Diœceseos, quibus Casus reservantur. Hoc notato

345 R. Ignorantia excusat à reservatione pœnali, id est, tali, quæ sult facta in odium & pœnam criminis, non item à reservatione non pœnali, id est, tali, quæ tantum sult facta in bonum fidelium rectamque Ecclesiæ gubernationem. Ita satis communiter DD. Stoz *lib. 2. nu. 59.* Illung. *tr. 6. d. 6. n. 223.* Palao *tr. 2. d. 1. punct. 17. n. 8.* Bosco *Disp. 3. Sess. concl. 6.*

Ratio prioris est: quia ignorantia, saltem invincibilis aut non affectata excusat à pœna: atqui reservatio merè pœnalis est pœna: ergo. Atque hinc certum videtur, quòd Casus summo Pontifici reservati, utpote habentes semper annexam pœnam censuræ non incurrantur ab ignorantibus; quia ad censuram incurrendam requiritur contumacia: atqui ignorans invincibiliter legem, nequit dici contumax: ergo non incurrit censuram, & consequenter nec reservationem, quippe quæ non fertur à Papa, nisi propter censuram annexam, uti observant Herinex, Navarrus, Layman, Reinssstuel *tr. 14. dist. 9. n. 5.* Ratio autem posterioris datur hæc: quia reservatio non pœnalis importat meram & absolutam ablationem jurisdictionis: ergo quemadmodum ignorantia Confessario non reddit jurisdictionem; ita nec excusat ab eadem penitentem, prout etiam declarat communis praxis Confessariorum tum Regularium, tum aliorum sæcularum.

346 Hoc tamen non obstante Gobat *theol. exper. tr. 7. nu. 306.* eumque secutus Sporer *n. 735.* probabile censent, posse talem ignorantem à Confessario absolvi propria vice cum admonitione tamen & inculcatione reservationis; tum quia multi DD. videndi apud mox cit. id probabile censent? tùm etiam quia piè præsumere licet, Ecclesiam velut piam Matrem non voluisse cum tanto rigore constringere fideles, ne bona fide procedentes & confessi, teneantur idem peccatum bis confiteri. Consultius tamen videtur, suaviter hujusmodi penitentem inducere, ut vel statim, vel saltem in proxima confessione velit idem peccatum confiteri alicui habenti potestatem directam in peccata reservata. Vid. Kreslsinger *addis. quarta ad dist. 9. P. Reinssstuel.*

§. II.

Proponuntur, & breviter resolvuntur
Casus practici de Casibus re-
servatis.

CASUS PRIMUS.

Titius Religiosus perlegendo materiam
moralem, sed lubricam, utputa de
debito conjugali, aliisque nonnullis actibus
Conjugum partim licitis, partim etiam il-
licitis, sensu se vehementer commoveri ad
libidinem, ita, ut ex vehementissima ac
vivacissima representatione phantastica ta-
lium tandem fuerit subsequuta pollutio, in
quam etiam plenarie consensit. Queritur
jam, an Titius incurrerit Casum reser-
vatum?

347 R. Si Titius supponatur esse pro-
fessus Religionem nostram Seraphicam,
non incurrit reservationem. Ratio est:
quia vi statutorum nostrorum solum re-
servantur pollutiones voluntarie procura-
te, id est, voluntaria emissio seminis
extra concubitum, procurata per aliquem
actum externum mortaliter peccamino-
sum, ad quem ipsa seminis emissio na-
ta est sequi, ut cum communissima DD.
recte docet noster P. KerkKove in *sta-
tuta generalia cap. 6. §. 22. n. 70.* Spo-
rer &c. atqui lectio moralistica non est
actus externus mortaliter libidinosus, ex
quo per se nata est sequi emissio seminis.
Quin immo, tametsi intervenisset qui-
dam actus externus libidinosus, ex natu-
ra tamen sua leviter duntaxat provocans
ad libidinem uti est v. g. aspectus scemi-
nae in facie, aut osculum transitorium,
vel etiam tactus manus muliebris &c. non
idecirco Titius incurrisset casum reser-
vatum; esto enim huiusmodi actus sint ex-
terni & libidinosi, non tamen habent
talem ordinem vel connexionem cum pol-
lutione, ut voluntarie eos exercens me-
reatur dici procurasse pollutionem: ergo
Titius non incurrisset casum reservatum,
tametsi mortaliter peccaverit consentien-
do in illam delectationem libidinosam
&c. Videatur de hoc KerkKove *cit.* vel
Sporer *part. 4. de Matr. n. 638.* At quid

(ais) si Titius Religiosus nostri Ordinis
in alieno corpore procurasset pollutio-
nem, vel eam ab alio quopiam in pro-
prio copore procurari admisisset, incurris-
setne casum reservatum?

348 R. Videtur mihi certum, quod ad-
mittendo procuracionem pollutionis cor-
poris sui praesertim per tactus &c. inci-
dat casum reservatum; Nam si juxta
opinionem P. KerkKove *cit.* ille incidit
casum reservatum, qui solo aspectu alte-
rius personae v. g. feminae fortiter influ-
ente in pollutionem, uti censetur aspe-
ctus partium verendarum, procurat sui
corporis pollutionem, quidni & ille casum
reservatum incurrat, qui eandem
procurat aliena manu? profecto parum
interesse videtur, utrum quis propria,
vel verò aliena manu pollutionem in se
procurat. Ob. eandem rationem mihi
videtur probabilius incurrere casum re-
servatum, qui in alieno corpore procura-
t pollutionem, esto ipse tangens non
polluatur: quia talis cum omni veritate
potest, immo tenetur in confessionalis se-
se accusando dicere: ego procuravi pol-
lutionem: atqui statuta nostra reservant
pollutiones voluntarie procuratas indiffe-
renter, non distinguendo utrum in pro-
prio, an verò in alieno corpore: quum
ob rem testatur P. KerkKove *cit. num.*
71. in sua Provincia hunc Casum esse re-
servatum sub his terminis: *reservamus
pollutionem voluntarie procuratam in pro-
prio vel alieno corpore.* Nihilominus cum
de raro contingere soleat ut Religiosus
in alieno corpore procuret pollutionem,
simulque leges non soleant ferri pro ca-
sibus raris; hinc cuiuspiam forte posset vi-
deri probabile, statuta nostra noluisse
comprehendere procuracionem pollutionis
in alieno corpore; praesertim cum aliunde
constet, odiosa esse restringenda, & in-
terpretationem faciendam contra eum,
qui potuisset legem clarius dicere: mihi
tamen oppositum videtur verosimilius ob-
rationes jam datas, & certè P. Kerk-
Kove in exposit. S. Regulæ de casibus
reservatis testatur, nostra statuta gene-
ralia semper fuisse intellecta in hoc sen-
su, quod scilicet comprehendant pollu-
tionem etiam in alieno corpore procura-
ta-

ratam. Vid. la Croix l. 6. p. 2. n. 1655. Gobat tr. 7. n. 677.

Dices adhuc: at quid, si Novitius nostri Seraphici Ordinis procuraret pollutionem incurreret reservationem ita ut absolvi non posset nisi à Confessario pro Novitiis deputato &c.

349 R. Probabilis potest absolvi à quolibet Confessario. Ita contra P. Bosco & nonnullos alios Herinx noster disp. 6. n. 12. KercKhove cit. c. 1. §. 7. n. 4. Portel V. Novitii absolutio n. 36. Rodriguez aliique plures. Ratio est: quia reservationes, sicuti & cæteræ leges & obligationes Religionum censentur loqui de professis, & hoc modo intelligi commodè possunt: Et licet sit fatendum, quod Superiores Religionum absolute loquendo possent reservationem extendere etiam ad Novitios, eos obligando quasi conditionate, ut si velint gaudere favoribus S. Religionis, pariter portent onus Reservationis; quod tamen defecto ita voluerint extendere non satis constat. Quapropter cum hic versetur in materia odiosa, potius eam restringere oportet, quam extendere.

CASUS SECUNDUS.

Sempronia Mull:r conjugata fatetur 1. se procurasse abortum, sed prius, quam fuerit fœtus animatus. 2. Alii, se aliquoties sumpsisse medicamina ad procurandam sterilitatem, ne singulis annis (uti hætenus) prolem conciperet, attamen medicamina non habuisse effectum, quandoquidem actu gesserit uterum. 3. Fatetur, se haud pridem puerulum tota nocte mirum in modum ejulantem, cunis tandem exemplum penes se in lecto collocasse, animo illum sublevandi & quietandi, de mane autem reperisse illum oppressum ac mortuum, etsi ignoret an à se, an verò à Marito sit oppressus. Queritur jam, utrum Sempronia incurreret Casum reservatum?

350 Resp. primò. Sempronia ex procuratione abortus incidit Casum reservatum. Ratio est: quia, uti casus supponit, abortus voluntariè procuratus, & effectivè securus fuit. Nec refert, quòd

fœtus nondum fuerit animatus; quia constitutio Diœcesana Salisburgenfis non distinguit inter fœtum animatum, & non animatum, sed simpliciter reservat procurationem abortus: atqui expulsio fœtus etiam immaturi & nondum animati est propriissime procreatio abortus: ergo Sempronia incurrit reservationem Episcopalem & Diœcesanam, etsi non incurreret Casum Summo Pontifici reservatum, quippe qui ex constitutione Gregorii XIV. non incurritur ex procuratione abortus, nisi fœtus fuerit animatus.

351 Resp. secundò. Sempronia non incidit casum reservatum ex eo, quòd sumpsit medicamina procurandæ sterilitatis causa, quæ tamen non fuit subsecuta. Ratio est: quia delicta ut sint reservata, debent etiam esse opere consummata, uti cum communissima DD. tenent Bosco, Herinx, Sporer, Layman mor. l. 5. tract. 6. c. 12. n. 3. Etenim crimen non intelligitur, nisi sit consummatum, juxta cap. hæc autem. juncta Glossa disp. 2. de pœnit. At, ubi medicina suo frustratur effectu, & fœmina sæcunditatem non perdit, non censetur consummata procuratio sterilitatis; sicut non censetur procuratio pollutio v. g. tactibus quantumvis lascivis, nisi subsequatur effusio seminis; nec procuratus abortus, nisi sequatur ejectio fœtus; nec denique procuratum homicidium, nisi v. g. ex propinatione veneni, aut ex inflicto vulnere lethali mors effectivè subsequatur: ergo &c. Aliter discurrendum foret, si alicubi sola attentatio procurationis, vel alterius criminis reservaretur, uti rectè advertunt Layman & Sporer.

352 Resp. tertio. Sempronia nostra ex suppressione instantis præfati modo facta non incurrit casum reservatum. Ratio est: quia reservatio ceu pœna gravis non incurritur nisi ob crimen grave commissum: atqui Sempronia infantem penes se collocando in lecto non peccavit, aut certè non graviter; cum id nullatenus fecerit animo illum necandi & supprimendi, sed potius sublevandi & quietandi: ergo &c. Accedit, quòd ignoret, si nē infantulus à se, vel verè à suo Marito

ricto

rito oppressus in somno, ideòque laborat ignorantia & vero dubio facti: atqui secundum dicta nu. 343. tam juris quàm facti dubium excusat à reservatione ergo &c. Vide Lugo *disp.* 20. *sect.* 2. Bonac. *de pœnit.* q. 7. *prop.* 5. §. 4. Tamburinus *lib.* 2. *Sacram. tract. de Casib. reserv.* cap. 4. num. 8.

CASUS TERTIUS.

Cajus faber ferrarius à Carnifice obtinuit anulum catenæ à qua pependit fur quidam suspensus, quem etiam suo inseruit malleo eo fine, ut ceteros omnes dexteritate ac velocitate laborandi superaret. Similiter ab eodem carnifice obtinuit quandam lorulam à pelle cujusdam malefactoris decisam qua velus presentissimo remedio contra spasnum & scabiem aliquoties fuit usus. Queritur jam an Carnifex, vel Cajus faber ferrarius inciderint reservationem?

353 Ante responfionem breviter adverto cum P. Kerckhove *cit.* §. 22. nu. 3. Portel *vers. Veneficia* n. 1. hæc tria: *veneficia*, *incantationes*, & *fortilegia* (quæ communiter solent reservari) non differre specie, sed solum ex parte materiæ, seu modi, quo fiunt, ita scilicet: ut *veneficium* dicatur, quando sine aliis verbis aut ceremoniis applicantur res naturales inefficaces ad aliquem effectum, ad quem nec ex natura sua, neque ex aliqua institutione divina habent proportionem; ut si quis ungulam Equi mortui projiciat in ignem, eo fine, ut saga quæ æquum interfecit, eodem igne torqueatur &c. *Incantatio* appellatur, quando quis utitur verbis inofficiosis & inutilibus (etsi secundum se fortè sanctis) ad aliquem effectum improporionatum, ut ad eorum prolationem mediante ope dæmonis mirabilia operetur, &c. Tandem nomine *fortilegii* intelligitur usus sortium vel figurarum ad aliquid occultum præteritum vel futurum cognoscendum ope dæmonis. Ex quo facile patebit pensanti, veneficia, incantationes & fortilegia convenire in malitia formali, quippe quæ sita est in eo, quòd ex pacto sive explicito

sive implicito saltem procuretur, aut certè intendatur aliquis effectus insolitus, prout latius explicant DD. *cit.* Hoc notato.

354 Resp. Ad Casum primò. Carnifex præbendo præcisè anulum in finem jam nominatum, non incidit casum reservatum, esto graviter peccaverit. Ratio est: quia Casum veneficii ii duntaxat incurrunt, qui vel veneficium componunt, vel eo utuntur; lex enim quæ punit facientem, non simul afficit mandantem aut consulentem, vel etiam approbantem &c. nisi specialiter exprimat: atqui Carnifex nec composuit maleficium in nostro casu, neque eo usus fuit: ergo non incurrit reservationem, licet à peccato mortali minimè sit excusandus eo quòd præbendo anulum in hujusmodi finem aliquo saltem modo dederit ansam maleficio, & ad hoc quodam modo concurrerit. Videatur Portel *cit.* nu. 30. Fagundez *in* 2. *præcept. Ecclesia* l. 8. c. 4. num. 9. Kerckhove c. 6. §. 22. num. 4.

355 R. secundò. Cajus faber ferrarius inferendo anulum suo malleo, eodemque utendo ad præfatum finem, incurrit casum reservatum, saltem per se loquendo. Ratio patebit ex jam dictis: quia annulus catenæ est res naturalis, & medium omnino improporionatum ad hunc effectum dexteritatis scilicet in laborando &c. ergo Cajus hanc insolitam dexteritatem, & velocitatem non potuit prudenter expectare vel intendere virtute solius annuli: ergo debuit eam expectare ope cujusdam altioris virtutis: atqui non ope DEI, utpote qui nullibi legitur hujuscemodi annulis promississe hanc vim & dexteritatem; neque virtute aut ope cujusdam hominis, aut etiam boni Angeli: ergo virtute & ope solius dæmonis hunc insolitum effectum expectare potuit, & expectasse convincitur, utique non sine gravissimo vitio superstitionis.

356 Resp. Jam terciò. Cajus non incurrit Casum reservatum propterea, quòd lorula illa à pelle malefactoris abstracta usus fuerit contra spasnum ac scabiem. Ratio est: quia nequaquam il-

illicitum est adhibere media naturalia ad effectus naturales, respectu quorum saltem probabilem, sin minus certam habent virtutem ac proportionem: atqui pellis humana ad curandum spasum aut etiam tabiem videtur habere proportionem saltem probabilem, esto non certam: ergo Cajus licet eam adhibuit in hunc finem; tunc præsertim, si adhibendo fuisset usus protestatione, quod hunc effectum, sanitatem scilicet, non desideret ope dæmonis, sed virtute pellis seu lorulæ. Rectè proin notarunt Victoria, Delrio, Sporer, & alii, non semper effectus, qui nobis videntur mirabiles procedere à dæmone; nam possunt procedere à causa naturali nobis incognita, maxime per magiam naturalem, quæ cognitis secretis virtutibus rerum naturalium, illasque miscendo, producit effectus mirabiles, & nihilominus naturales.

357 Hac eadem ratione non peccat, nec incurrit casum reservatum, qui utitur signis de se indifferentibus, ut iis positis destruat pactum initum cum dæmone, v. g. repercutiendo vetulum, ne ab eadem inficiatur, aut eriuendo ollam humo suffosam, in qua latebat maleficium &c. Ratio est: quia per hoc non initur pactum cum cacadæmone, sed potius pactum à Saga cum illo initum destruitur, ut ab inferendo vel etiam continnando maleficio abstinere cogatur; quod utique nullus dixerit illicitum, multò minùs pœna reservationis dignum. Vid. Sarez *lib. 2. cap. 17. n. 16.*

§. III.

Corollaria ex dictis inferenda.

358 **C**olliges ex dictis primò, neminem incurtere reservationem; nisi peccet mortaliter. Ratio est: quia omnium opinione reservatio censetur pœna gravis: at, pœna gravis necessariò supponit culpam gravem: ergo. Et certè peccatum veniale frustra reservaretur, quippe quod nullus tenetur confiteri, & multis aliis modis potest expiari. Hinc quacunque demum de causa aliquis ex-

Elb:l Theol. P. II.

cusatur à culpa mortali, sive dein ob ignorantiam, inadvertentiam, indeliberationem, sive etiam ob materiæ parvitatem &c. eadem ratione excusandus est à pœna reservationis; quod pro praxi est bene notandum; hac quippe de causa non incurrit reservationem simplices illi, qui utuntur invocationibus per diversas orationes, quibus implorant auxilium DEI, & Sanctorum cum devotione absque alia intrinseca vel extrinseca observatione (ut scèpissimè fit in hisce nostris partibus) similia enim vix puniri, & reservationis pœna affici possunt, inquit Rituale Passavienfè *suprà n. 337* allegatum?

359 Colliges secundò, nec illum incurtere reservationem, qui conatus quidem fuit perpetrare peccatum reservatum v. gr. homicidium, aut incestum &c. sed defectu occasionis, vel ob aliud impedimentum non perpetravit. Ratio est: quia attentatio homicidii non est homicidium, neque attentatio incestus per tactus & similia &c. est incestus: reservatio autem, utpote odiosa debet intelligi de ipso crimine perpetrato, non autem de solo conatu perpetrandi, nisi ipse conarus etiam solus expressis verbis reservetur. Stoz *lib. 2. num. 58*. Abbas Ralsler, Layman ubi *suprà. n. 3.*

360 Colliges tertio, actiones externas leves, tametsi ex affectu mortaliter malo proficiantur, non cadere sub reservationem. Ratio est: quia non reservantur delicta nisi sint externa, graviter mala, & quidem opere externo completa: at si actio externa non sit nisi levis, hoc ipso non est graviter peccaminosa in foro externo: ergo &c. Hinc si quis v. g. Religiosus animo furandi magnam summam, reipsa tamen non est furatus nisi materiam levem, non incurrit casum reservatum: id ipsum tenendum est de eo, qui voluit alterum graviter lædere aut percutere, reipsa tamen non læsit, nisi leviter. Lugo, Ralsler, Salmanticenses, quos citat & sequitur Babenstuber *cit. art. 4. num. 14.*

361 Colliges quarto, multò minùs reservationem incurri ab eo, qui solo actu interno peccat, esto gravissimè, v. g. hæ-

V

refi

refi merè mentali. Ratio defumi debet ex dictis num. 342. quia Ecclesia sola crimina externa, quippe quæ sola nata sunt perturbare Rempublicam Ecclesiasticam, reservare voluit: at, hæresis merè mentalis non est crimen externum: ergo &c. Aliter discurrendum foret de eo, qui v. g. hæresin mente conceptam exterius verbis, signis, aut factis manifestaret, etsi in occulto, nemine præfente vel audiente. Ratio est: quia talis jam opere externo, hæresi scilicet de se sensibili, graviter peccaret, esto per accidens hujusmodi peccatum non percipiatur ab aliis. Ita cum communi Sanchez lib. 2. decal. c. 8. nu. 6.

Petes adhuc, quomodo. Casus reservati superius relati sint intelligendi?

362 Resp. Breviter, esse intelligendos in hoc sensu. 1. Per Apostasiam intelligitur defectio à vera fide ad hæresin. 2. Per Relapsum in hæresin intelligitur relapsus post hæresin publicè ejuratam. 3. Per homicidium intelligitur mors alteri illata &c. unde non sufficit sola actio occisiva. 4. Per Sodomiam intelligitur perfectà; hinc etiam probabilius videtur nomine Sodomiz non venire bestialitatem, aut coitum cum dæmone. 5. Per sacrilegium intelligitur violatio loci sacri, per effusionem sanguinis aut seminis humani. 6. Per stuprum intelligitur violenta defloratio virginis sub cura Parentum constitutæ. 7. Per Raptum intelligitur abductio invitæ Virginis cum intentione peccandi, aut etiam matrimonium ineundi cum illa. 8. Per Incestum intelligitur copula perfectà cum seminatione intra vas naturale cum consanguinea, vel etiam cum affine, ubi id specialiter exprimitur, uti fit in Diocesi Passaviensi. 9. Per Sanctimonialem intelligitur quælibet Religiosa in aliquo Ordine approbato professà. 10. Per violentam injectionem manuum in Parentes intelliguntur etiam trusiones pedum, item verberationes factæ &c. 11. Per manifestum perjurium intelligitur juramentum falsum, factum in iudicio &c. Reliqui Casus quo sensu intelligendi sint, partim colligere licebit ex jam dictis, partim etiam videri potest apud la Croix l. 6. pag. 2. nu. 1646. Tambur. in Decalog. lib. 7. cap. 7. §. 6.

Chapeav. tota pag. 2. Gobat tract. 7. à num. 670.

CONFERENTIA DECIMAQUARTA.

De Potestate absolvendi à Casibus reservatis.

SUMMARIUM.

- 363 Quibusnam competat jurisdictio ordinaria absolvendi à Casibus reservatis;
- 364 Et quibus jurisdictio delegata.
- 365 Episcopi possunt absolvere suos subditos à Casibus Summo Pontifici reservatis &c. &c.
- 366 Excipiuntur tamen Casus Bullæ Cæne.
- 367 Et quidnam valeant Superiores Regulares respectu suorum subditorum.
- 368 Mendicantes an possint absolvere à Casibus S. Pontifici reservatis.
- 369 A Casibus Episcopo reservatis absolvere non valent sine speciali bujus approbatione.
- 370 In mortis articulo vel etiam periculo cessat omnis reservatio.
- 371 Unde penitens taliter absolutus, etiam cessante periculo non amplius tenetur hujusmodi peccatum alteri confiteri, nisi fortè casus habuisset annexam censuram.
- 372 An & quando Confessarii non deputati pro reservatis, valeant ab illis saltem indirectè absolvere etiam extra mortis articulum.
- 373 Et quid sit indirectè duntaxat absolvi.
- 374 Resolvitur Casus I. de quodam magno peccatore, deferente Casus reservatos alicui Confessario non habenti potestatem in illa;
- 375 Qui propter bello modo debuisset induci ut quæreretur alium hac potestate præditum.
- 376 Penitens habens casum in sua Diocesi reservatum, in alia Diocesi, ubi non est reservatus, potest à quolibet

libet Confessario absolvi, modò non exeat in fraudem &c.

- 377 *Resolvitur Casus II. de pœnitente confessio alicui habenti quidem potestatem in reservata, sed defectu propositi invalidè absoluto;*
- 378 *Quo non obstante potuit postea à quolibet Confessario absolvi nedum à peccatis jam confessis, sed probabilitèr etiam ab aliis inculpabiliter oblitis.*
- 379 *Non item ab oblitis culpabiliter.*
- 380 *Resolvitur Casus III. de quodam Religioso percussore.*
- 381 *Qui propterea à suo Confessore ordinario non potuit absolvi: & quid in tali Casu agendum.*
- 382 *Quid si Superior negaret licentiam absolvendi?*
- 383 *Quando pœnitens adfert Casum reservatum, non illicitè concludendum est, eum reservationem incidisse, sed cautè inquirendum &c. &c.*
- 384 *Quid agendum pœnitenti, qui urgente necessitate communicandi, non potest accedere Confessarium pro reservatis expositum.*
- 385 *Si pœnitens supponatur tantæ ruditalis, ut non sciat elicere contritionem perfectam, teneretur in hoc casu confiteri.*
- 386 *Quid insuper agendum, casu quo pœnitens bona fide accedit Confessarium destitutum potestate in reservata.*
- 387 *Reservatione semel legitime sublata, peccatum à quolibet Confessario potest dimitti.*
- 388 *Potestas absolvendi à reservatis, utpote favorabilis, est latè interpretanda.*
- 389 *Ei quid Confessario agendum, casu quo post auditam confessionem dubitat, an ab hoc vel illo peccato valeat absolvere.*
- 390 *Recescentur certæ festivitates, in quibus tum in Diocesi Salsburgensi, tum etiam in Passaviensi cuilibet Confessario conceditur potestas absolvendi à Casibus Episcopo reservatis.*

§. I.

Præmittuntur, & breviter resolvuntur Quæsitæ, scitu necessaria ad debite resolvendos Casus de absolutione à Casibus reservatis.

QUÆRES primò, quibusnam competat potestas ordinaria absolvendi à Casibus reservatis?

363 R. Potestas ordinaria, per se ac directè absolvendi à reservatis, competit 1. ipsimet reservanti. 2. hujus in officio successor, & 3. utriusque in jurisdictione spiritali-Superiori. Ita unanimiter DD. Ratio est: quia cui competit potestas ligandi, etiam competit potestas solvendi, perque easdem causas res dissolvitur, per quas nascitur: atqui reservatio nascitur a voluntate legitimi Superioris; qualis supponitur esse reservans, hujus successor, & utrinque in jurisdictione Superior: ergo per eandem voluntatem potest denuo tolli. Ex quo sequitur 1. summum Pontificem posse absolvere à quibuscvis peccatis cuivis demum Episcopo reservatis. 2. Generales Ordinum posse absolvere à Casibus per Provinciale Capitulum reservatis. Bonacin. de pœnit. Disp. 5. q. 7. pu. 5. §. 2. Herincx Disp. 6. n. 14.

QUÆRES secundò, quinam gaudeant jurisdictione delegata absolvendi à casibus reservatis?

364 R. Omnes illi dicuntur gaudere jurisdictione delegata, quibus hæc concredita est ab aliquo habente jurisdictionem ordinariam. Tales sunt 1. in nostro Seraphico Ordine omnes Superiores locales, utputa Guardiani, Præsides, & in absentia Guardianorum Vicarii, modò talis absentia non sit exspectata in fraudem. Hisce omnibus per Capitulum generale delegata fuit potestas absolvendi suos subditos à Casibus reservatis: & quia talis delegatio semper manet annexa officio eorum, eoque ipso quodammodo transit in ordinariam, hinc consequens est, quòd eandem possint aliis subdelegare, tam directè, quàm indirectè, tam passivè, quàm activè. 2. Eandem potestatem, per A. R. P. Ministrum

Provincialem sibi delegatam defacto possident Confessarii Conventuum nostrorum, in hunc finem specialiter deputati pro fratribus. Item 3. qui ab Episcopis obtinent potestatem absolvendi suos subditos à reservatis, & 4. qui Roma obtinuerunt quinquennalem licentiam absolvendi ab hæresi &c. Vid. Rodriguez *Q. Q. RR. tom. 1. qu. 11. art. 8. Sanchez l. 4. mor. cap. 27. num. 41. Layman cap. 10. num. 17.*

Quæres tertio, utrùm Episcopus possit absolvere à Casibus summo Pontifici reservatis?

365 R. Possunt Episcopi absolvere suos subditos à quibuscunque casibus occultis (exceptis casibus Bullæ Cœnæ,) etiam Sedi Apostolicæ reservatis, in Diecesibus sua per se ipsos, aut Vicarium ad id specialiter deputandum, at in foro conscientie tantum, idque in casibus duntaxat occultis, id est, nondum deductis ad forum contentiosum. Ita statuitur ac permittitur in Concilio Trident. *Sess. 24. de reformat. cap. 6.* ubi insuper Episcopis tantum, non eorum Vicariis, permittitur, ut valeant absolvere ab hæresis crimine in eodem foro conscientie. Vid. Babenstuber *tract. 8. pag. 6. dist. 6. art. 4. nu. 32.*

366 Dixi per parenthesis: exceptis casibus Bullæ Cœnæ &c. Etenim quod ab his absolvere nequeant (nisi in casu necessitatis) parenter deducitur ex decreto Clementis VIII. damnante sequentem propositionem: *Sententia asserens Bullam Cœnæ solum prohibere absolutionem hæresis & aliorum criminum quando publica sunt, & id non derogare facultati Tridentini, in qua de criminibus occultis sermo est, anno 1629. dist. 18. Julii, in Consistorio Sacre Congregationis Eminentissimorum, Cardinalium visa, & tolerata est.* Accedit, quod ipsi quoque summi Pontifices Pius V. Gregorius XIII. & Clemens VIII. declaraverint, Episcopos non amplius uti posse facultate illa à Tridentino concessa, quemadmodum ex testimoniis gravissimorum virorum refert Sanchez *lib. 2. Decal. cap. 11. numer. 26.* Nihilominus quantum attinet facultatem absolvendi ab hæresi occulta, eam adhuc ab Episcopis

exerceri testatur Mezger *tract. 18. dist. 49. art. 2. num. 12.* quod haud dubie fit, vel quia habent speciale indultum à summis Pontificibus impetratum; vel quia existimant probabile concessionem Tridentini per Bullam Cœnæ non derogari; vel denique quia in hisce partibus nostris plerumque reperitur in præsentibus moralis impossibilitas adeundi summam sedem, quo Casu certum esse debet, Episcopis competere facultatem absolvendi. *cap. Mulieres. cap. Quamvis, & cap. de cætero. de Sentent. excom.*

367 Cæterum quod Episcopis, idem & Prælati Regularibus respectu suorum duntaxat subditorum, in quos possident jurisdictionem quasi Episcopalem, diversis summorum Pontificum indultis, permissum esse, ostendit Rodriguez *Q. Q. RR. tom. 1. quæst. 20. artic. 4.* Videatur Herincx *Disp. 7. num. 14. Suarez tom. 4. de Relig. tract. 8. lib. 2. cap. 2. numer. 9.*

Quæres quarto, utrùm etiam nos Mendicantes valeamus absolvere à Casibus summo Pontifici reservatis?

368 R. Confessarii nostri (Mendicantium scilicet) à Superioribus suis legitime præsentati, & approbati possunt absolvere, undeque advenientes ab omnibus Casibus papalibus occultis, sed NB. *seculares tantum*, non item Religiosos. Ita ex diversis Pontificum decretis ac privilegiis latè ostendunt DD. max citandi, aliique plures. Excipiuntur tamen rursus Casus Bullæ cœnæ, à quibus nullus Regularis per se loquendo potest absolvere, nisi obtinuerit specialem licentiam, quam A. R. P. Minister Provincialis committere pro certis quibusdam Patribus in singulis Conventibus nostris deputatis Roma procurare solet, quatenus libros hæreticos legere, atque ab hæresi absolvere valeant. Videatur Bosco *Disp. 8. Sess. 5. nu. 251. Herincx Disp. 7. num. 9. Illung. tr. 6. Disp. 6. n. 220. Sporer num. 740. & seqq.*

Quæres sexto, an Mendicantes valeant absolvere à Casibus Episcopalis, seu Episcopo reservatis?

369 R. Olim quidem poterant vi suorum privilegiorum à diversis Pontificibus indult-

dultorum, uti videre licet apud Bosco *cit. nu. 255*. At verò hodie non amplius posse ab illis absolvi sine speciali licentia Reverendissimorum Ordinariorum, jam communissimè fatentur Doctores; idque luculenter deducitur ex damnatione sequenti *num. 12*. propositionis facta ab Alexandro VII. 1665. die 24. Septembris. *Mendicantes possunt absolvere à casibus Episcopis reservatis, non obtenta ad id Episcoporum facultate*. Unde oppositam sententiam practicè non amplius esse probabilem, rectè inferunt Illiung. *cit. num. 222*. Babenstuber *ubi supra ar. 4. num. 31*. Reinffestuel *tract. 14. dist. 9. num. 11*.

Quæres sextò, utrùm in mortis articulo cesset reservatio, ita, ut quilibet Confessarius valeat absolvere ab omnibus peccatis?

370 R. Affirmativè: Ita enim statuit Concilium Tridentinum supra *num. 327*. relatum. Et quia articulo mortis æquiparatur probabile seu moraliter propinquum mortis periculum, id est, tale, in quo frequenter contingit mors; hinc cum communi DD. inferunt Layman *lib. 5. tr. 6. cap. 12. num. 13*. Stoz *l. 2. trib. num. 65*. à quibuscumque peccatis à quolibet Confessario posse absolvi sequentes. 1. qui lethali decumbant infirmitate. 2. Capitali sententia damnati à Judice. 3. Milites prælium ingressuri. 4. Mulieres appropinquantes partui periculoso. 5. item qui periculoso sese exponunt navigio, etsi alii limitent hanc doctrinam, volentes quòd tales non possint absolvi à quolibet, nisi dum jam actu versantur in periculo, utputa partus, aut naufragii &c. 6. Item degentes in urbe vel alio loco peste infecto &c. 7. Quin ulterius etiam extra mortis articulum vel periculum, quotiescunque ex parte poenitentis occurrat impedimentum perpetuum, aut saltem magna difficultas ad eundem, Pontificem, (vel Episcopum pro absolutione à Casibus eidem reservatis) uti censetur esse in Mulieribus, Impuberibus, valetudinariis, & pauperibus &c. cessat reservatio in tantum, ut à quolibet alio Confessario, etsi non deputato pro reservatis, valeant absolvi, &

Elbel Theol. P. II.

quidem directè, sine onere denuo confitendi. Ratio horum desumitur ex benignitate S. Matris Ecclesiæ, quæ voluit in hisce casibus & circumstantiis omni reservatione sublata cuivis Sacerdoti committere potestatem absolvendi à quibuscumque peccatis, ne fortè contingeret aliquem desectu absolutionis in tali periculo æternaliter perire. Vide Gobat. *tract. 7. à num. 126*.

Dices. At nunquid si tales postea evadant feliciter periculum; tenebuntur eadem sua peccata deferre ad alium, pollentem potestate in reservata?

371 R. Quòd non: tum quia peccata sua jam sunt confessi tam quoad numerum, quàm quoad speciem; tum etiam quia ab iisdem jam fuerunt directè absoluti. Excipe tamen & limita: nisi Casus reservatus habuisset annexam censuram; uti habent Casus reservati summo Pontifici; tunc enim juxta communiorum sententiam tenetur poenitens cessante periculo se sistere Superiori, sub pena ipso jure relabendi in eandem censuram, idque non eo fine, ut novam absolutionem obtineat, sed ut frangatur ipsius contumacia, & ut recipiat mandatum de satisfaciendo parti injuriatæ. Immo verò ne hoc quidem amplius necessarium existimant Gobat *tr. 7. num. 145*. & Sporer *num. 752*. casu quo absolutio fuit obtenta ab aliquo delegato Papæ, quales sunt Episcopi, & Regulares privilegiati, item omnes Confessarii tempore jubilæi expositi; quia hi omnes gaudent potestate in eo articulo absolvendi, & quidem directè, non verò indirectè tantum.

Quæres septimò. An, vel quando etiam extra mortis articulum detur potestas indirectè saltem absolvendi?

372 R. Possunt non rarò Confessarii, etsi non deputati pro reservatis, ab illis casibus absolvere, sed indirectè tantum, idque potissimum tunc, quando intervenit impedimentum saltem temporale, ita ut Confessarius pro reservatis deputatus vel omnino non, aut certè non sine magna difficultate, seu etiam incommodo adiri possit simulque occurrat vel necessitas, vel saltem, rationabilis causa confitendi, utputa quia obstrictus

V 3

casu

ca. reservato debet celebrare aut communicare, aut quia est magna festivitas, vel magnæ indulgentiæ lucrandæ &c. his enim circumstantiis concurrentibus (etsi sine illis pro mero libitu id facere, nefas foret) potest Confessarius inferior absolvere pœnitentem, sed indirectè tantùm, & cum onere, ut data oportunitate eadem peccata denuo consiteatur alteri prædicto potestate in peccata reservata. Ita cum *commun.* Suarez, Conink, Layman *cit.* c. 12. num. 10. Ratio paulò ante fuit data: quia videlicet nec Ecclesia, nec alius Superior Ecclesiasticus præsumitur voluisse obligare ad aliquid vel moraliter impossibile, vel quod in grave detrimentum animæ aut corporis cederet: atqui negatio facultatis etiam indirectè absolviendi in his circumstantiis, sæpe sæpius posset vergere in grave detrimentum animarum, vel honoris aut famæ, seu etiam corporis: ergo piè omnino asseritur, Ecclesiam in tali casu præbere potestatem indirectè saltem, & cum præfato onere absolviendi, quemadmodum etiam ob vitandam infamiam excommunicato permittit, ut possit celebrare, vel Eucharistiam sumere.

373. Dicitum tamen fuit, quòd in his casibus liceat *indirectè* absolvere; pro cuius meliori intellectu notandum, tunc peccatum directè remitti, quando remittitur ratione sui & independentè ab alio, è contra tunc *indirectè* duntaxat dicitur remitti, quando solum dimittitur dependentè ab alio, non verò ratione sui, eo quòd vel non fuerit subiectum aut cognitum à Sacerdote, & sic quia peccatum reservatum non remittitur ratione sui in hoc casu nostro, cum supponatur Sacerdos non habere jurisdictionem in illud, sed solum dependentè ab aliis in quæ habet jurisdictionem; hinc dicitur solum *indirectè* remitti. Vide la Croix *lib. 6. p. 2. num. 397.*

§. II.

Proponuntur, & breviter resolvuntur Casus practici de absolutione à Casibus reservatis.

CASUS PRIMUS.

Titius subditus Archi-Diœcesis Salisburgensis, casu venit in Passaviensem, ubi etiam suam exonerando conscientiam ferebatur 1. se aliquoties Deum blasphemasse ac Sanctos. 2. se his cum quadam bestia 3. semel verò cum sua affine in secundo gradu peccasse; quod, ubi Confessarius inauduit, noluit Titium absolvere; tum quia eundem velut maximum peccatorem reputavit indignum beneficio absolutionis; tum etiam quia prætendit se non gaudere potestate in reservata; cui tamen Titius illico reposuit, in sua Diœcesi nec blasphemiam esse reservatam, nec bestialitatem, tametsi non ignoraret incestum esse reservatum, idcirco instantè postulavit absolvi. *Quæritur jam an Confessarius recusando absolutionem bene fecerit? & quidnam in hoc casu fuerit agendum?*

374. R. 1. Certum videtur, quòd Confessarius non bene fecerit recusando absolutionem ex eo præcisè capite, quia iudicavit suum pœnitentem esse maximum peccatorem; certum quippe est, absolutionem de jure dandam esse cuivis, licet maximo peccatori, confesso, modò supponatur ceteroquin verè contritus ac dispositus; quandoquidem in hunc finem (reconciliationis scilicet cum Deo Sacramentum pœnitentiæ sit singulariter institutum à Christo, qui nullum omnino peccatorem verè contritum legitur repudiasse, aut à suis repudiari voluisse. Secus utique discurrendum foret, dato quòd Confessarius iudicasset Titium non esse satis dispositum; vel etiam hanc denegationem absolutionis esse necessariam pro ipsius salute, quantenus gravitate suorum scelèrum inde magis apprehensa, disceret deinceps cautius ambulare & cavere peccata; quod tamen rariùs videbitur expedire, & eo ipso non, nisi cum magna cautela, prudentia & circum-

spe-

spectione est practicandum, uti Doctores communiter movent.

375 R. Ad secundum. Si Confessarius bello modo potuit Titium persuadere & is de facili accedere alium, gaudentem potestate in reservata, bene fecit, illum non absolvendo. Ratio est: quia Titius certò incidit reservationem saltem ratione incestus in secundo gradu, qui cum tam in Salisburgensi, quàm etiam Passaviensi Diocesi sit reservatus, non potuit per se loquendo dimitti, nisi ab habente potestatem in reservata. Cæterùm an poterit velut extraneus in Diocesi Passaviensi absolvi à blasphemia & bestialitate, utpote reservatis in illa Diocesi, disputant hinc inde Doctores; idque absolutè negant noster Henno, Marchant, Lugo, Suarez & alii; quia Episcopus reservando sibi Casus, aufert Confessarii suæ Dioceseos potestatem ab illis absolvendi: ergo Episcopus Passaviensis reservando blasphemiam &c. vult Confessarii sibi subiectis hanc facultatem denegatam; consequenter &c. E contra Fagundes & Stoz apud P. Kresslinger in addit. 2. ad P. Reinfestuel tract. 24. dist. 9. post num. 10. Bubenstuber tract. 8. p. 6. d. 6. a. 4. num. 26. probabile censent, posse quemlibet Confessarium, etsi non sit expositus pro reservatis, absolvere subditos alienæ Diocesis, tunc, quando peccatum non est reservatum in propria Diocesi penitentis (prout in hac nostra Salisburgensi non est reservata blasphemia formalis, neque bestialitas. Rationem reddunt geminam. 1. quia Episcopus non reservat peccata nisi in bonum propriæ Dioceseos, & consequenter non, nisi peccata suorum subditorum Diocesanorum. 2. quia Confessarius hujusmodi subditum peregrinum absolvit per jurisdictionem vel à summo Pontifice (si sit ex Ordine Mendicantium) vel ab ipsomet penitentis Episcopo obtentam, quippe qui cum noluerit reservare tale peccatum, eo ipso saltem tacitè & interpretativè præsumitur cuivis Confessario approbato delegasse potestatem absolvendi suos subditos penitentes. Et hæc sententia utpote magis benigna & favorabilis poterit servire Confessario in ca-

su, ubi videt penitentem non, nisi admodum ægrè discessurum ad alium pro obtinenda absolutione.

Dices. At quid, si penitens afferat mihi Casum in sua quidem, non tamen in hac nostra Diocesi reservatum ut si subditus Episcopi Passaviensis hic Salisburgi confiteatur blasphemiam formalem aut bestialitatem &c. num licitè absolvetur à me, qui non habeo potestatem in Casus reservatos?

376 R. Licitè ac validè, modò penitens supponatur non in fraudem, ad eludendam scilicet legem reservationis, demigrasse in nostram hanc Diocesin. Ita expressè statuit, & Confessarii Regularibus indulgit Clemens X. Bulla: *Superna* &c. §. 7. Sequentibus omnino verbis: *posse autem Regularem confesorem in ea Diocesi, in qua est approbatus, confuentes ex alia Diocesi, à peccatis in ipsa reservatis, non autem in illa, ubi idem Confessor est approbatus, absolvere, nisi eosdem penitentes noverit in fraudem reservationis ad alienam Diocesin pro absolutione obtinenda migrasse.* Utrùm autem id ipsum valeant alii Sacerdotes sæculares dubitari meritò possit, eò quòd memorata constitutio expressè loquatur de solis Regularibus Confessariis. Quocirca censeo esse observandam consuetudinem locorū. Profecto in nostris hisce partibus vix credam, ullum esse Confessorem, qui vereatur absolvere penitentem à peccatis in hac Diocesi non reservatis, vel qui multùm inquirat, an penitens non sit fortè alterius Dioceseos, in qua Casus est reservatus &c. adeoque inveterata jam consuetudine & tacito saltem Ordinarium consensu videtur hic id ipsum permisisse Sacerdotibus sæcularibus.

CASUS SECUNDUS.

SEmpronius concubiniarius nuper in festo Portiuncule confessus alicui Regulari gaudenti potestate in casus etiam reservados, deposuit ingentem peccatorum suorum sarcinam, plurimos scilicet lapsus carnales, nec non bestialitates, incestus &c. & alia plura peccata reservata; at, non habuit propositum efficax deserendi occasio-

nem proximam. Modò autem defuncta jam concubina cogitat tandem aliquando se-riam agere penitentiam, sed dubitat, an à peccatis reservatis nuper invalidè confessus nunc possit à quolibet Confessario absolvi?

377 R. Affirmativè. Ratio est: quia per ejusmodi confessionem penitens jam satisfecit fini reservationis, qui erat, se sistere Superiori, vel ejus delegato, à quo posset in via salutis meliùs dirigi, & salutarem penitentiam accipere: cessante autem fine reservationis non est, cur maneat ulterius reservatio. Quare licet talis penitens postea agnita nullitate confessionis, teneatur iterum clavibus subijcere eadem peccata, pro absolutione tamen à reservatis non tenetur recurrere ad Superiorem; cùm non-ampliùs sint reservata. Bonacin. Castropal. Salmant. Mezger, quos citat & sequitur Babenhuber ubi *suprà* Disp. 6. a. 4. n. 27.

Dices. At quid, si Sempronius in proxima illa confessione fuisset quorundam peccatorum reservatorum oblitus inculpabiliter?

378 R. Nihilominus juxta probabilissimam sententiam Lugonis Disp. 20. n. 89. Tambur. lib. 2. de expens. confess. c. 10. §. 3. num. 55. Illung. cit. num. 25. Viva q. 21. ar. 4. & 6. & aliorum plurium, adhuc posset absolvi ab illis à quolibet Confessario, idque hac ratione: quia quilibet Confessarius censetur penitentem velle liberare ab omni vinculo peccatorum, quo potest: atqui potest in nostro casu penitentem liberare etiam à reservatione peccati, cujus inculpabiliter fuit oblitus: ergo.

379 Dixi tamen: *inculpabiliter oblitus*; secus enim dicendum foret, si penitens supponatur malitiosè & culpabiliter aliquod, vel plura peccata reservata subituisse; quia, uti rectè advertunt Suarez & Bosco cit. sed. 5. nu. 72. talis nullatenus satisfecit intentioni Superioris reservantis; tum etiam quia non præsuntur fuisse intentio Confessarii, talem liberare à vinculo illorum peccatorum, quæ malitiosè & in fraudem tum Sacramenti, tum ipsius etiam Confessarii retineat. Vide etiam la Croix n. 1695.

CASUS TERTIUS.

Cajus Religiosus dum in colina vi suis officii condiciendis pro suis fratribus ferculis totus quantus insudasset, dolenter notavit, unum aut alterum ferculum à se gustuosè preparatum, ab altis suis coadjutoribus (quorum unus Læcus, alter pariter Religiosus existit) fuisse (ex ignorantia vel malitia, nescio) redditum insipienti: quare Cajus iracundia excandescens, apprehenso veru utrumque graviter percussit ac læsi: altera verò die ductus penitentia venit ad suum Confessarium, qui noluit importiri absolutionem Caj. Jam quaeritur, utrum is inciderit casum reservatum. 2. Utrum à suo ordinario Confessario potuerit, aut etiam debuerit absolvi?

380 Resp. Ad primum quaesitum. Si Cajus supponatur fuisse alumnus Religionis nostræ Franciscano-Seraphicæ, per se loquendo incidit duplicem casum reservatum; nam primò percussio gravis cujuscunque personæ reservatur in nostris statutis generalibus, uti superius num. 341. jamjam annotavimus. 2. Percussio autem Religiosi, sicut & cujusvis clerici, reservatur Summo Pontifici *can. si quis suadente Diabolo &c.* ubi nomine Clericorum veniunt Religiosi, tametsi non initiati sacris Ordinibus, prout communissimè tradunt Theologi: ergo Cajus saltem per se loquendo (nisi scilicet impetus iracundiæ, fortè præveniens usum rationis, eundem excuset) incidit duplicem casum reservatum.

381 Resp. Ad secundum. Cajus à suo Confessore Ordinario ab hac percussione, in quantum tangebatur confratrem Religiosum: non potuit absolvi. Ratio jam debet constare ex dictis: quia scilicet percussio Religiosi est Casus Summo Pontifici reservatus. Isto etiam Confessarii nostri vi privilegiorum valeant absolvere ab omnibus Casibus S. Pontifici (extra Bullam Cœnæ): reservatis, hæc tamen facultas non se extendit ad Religiosos, sed ad sæculares duntaxat absolvendos, veluti superius numer. 368. advertimus. Idcirco. Cajus pro abso-

absolutione obtinenda remittendus fuit ad Superiorem suum, vel si hunc sine magno gravamine convenire non potuit, suadente charitate, Confessarius ipse debuit accedere Superiorem, petiturus ab illo licentiam (suppressa persona, vel nomine penitentis) cum his terminis: *est aliquis indigens potestate vestra quoad absolutionem, placeat dare?* vel, si mavult, utendo aliis terminis dicat: *petitur facultas pro aliquo, ut absolvi possit à reservato.* Videatur Sporer n. 762. Marchant. dub. 4. & 9. vel la Croix n. 1688.

Dices forsitan: Quid si autem Superior Confessario petenti hanc licentiam denegaret, & velit ut subditus ad se dirigatur?

382 Resp. Juxta constitutiones Summorum Pontificum Superiores non debent esse rigidi vel difficiles in deleganda hujusmodi facultate; secus quippe agerent contra charitatem, non sine periculo animarum. Nihilominus Superiore iuste eam negante, ob graves scilicet, & valde urgentes rationes, utputa quia rationabiliter judicat esse necessarium, aut certe admodum expediens pro bono regimine Conventus vel subditorum, ut ipsiusmet discernat, & delinquenti remedeatur &c. Confessarius inferior, utpote jurisdictione necessaria destitutus, jam nihil amplius posset, sed tenetur penitentem arbitrio Superioris relinquere. Econtra quando Superior omnibus rite ponderatis certò agnoscitur injustè contrarius, & sine causa sufficienti petitam facultatem denegare (quod tamen à subditis de facili non est credendum vel presumendum) potest talis Confessarius Ordinarius, id est, deputatus pro hujusmodi penitente in Conventu (non item alius quicunque non deputatus, etsi de se prudens ac doctus) pro hac vice dumtaxat absolvere penitentem, prout expressè declaravit Congregatio Cardinalium, jussu Urbani VIII. edita, & videnda in Bullario edit. Rom. tom. 4. fol. 372. teste Lugo disp. 20. sect. 4. & Pellizario tom. 2. 17. 8. c. 2. n. 32. Sporer n. 768. & seqq.

§. III.

Corollaria ex dictis inferenda.

383 Colliges ex hæcenus dictis primò, quòd si penitens afferat Casum reservatum, non illico sit inferendum, eum incidisse reservationem, ideoque esse dimittendum sine absolutione; multæ etenim dantur causæ excusantes ab incurfu reservationis, utputa indeliberatio; inadvertentia, vel etiam ignorantia reservationis, veltuti superius jam dictum fuit. Rursus dantur multi Casus, in quibus Confessarius aliàs non approbatus pro reservatis, potest ab illis absolvere, idque directè uti in articulo vel periculo mortis, vel impedimenti perpetui &c. aut saltem indirectè & cum onere eadem peccata reservata denuo aperiendi alteri, præsertim tunc quando penitens bona fide suam conscientiam jamjam exoneravit, aut sine magno gravamine alium accedere hic & nunc non valeat. Cautè igitur, & ne nimis gravetur penitens, cum magna circumspectione examinandus est 1. utrum interea dum illud peccatum perpetravit, non fuerit alicui habenti potestatem in reservata confessus? utrum verè deliberatè & mortaliter peccaverit? 3. utrum non laboraverit aliqua ignorantia juris aut facti? &c. Et his bene pensatis primò decidendum, quid pro DEI gloria, & salute penitentis magis expediat. Videatur Kresslinger in addit. post numer. 20. ad tract. 14. dist. 9. Theol. mor. P. Reiffenruef.

384 Colliges secundò, quid agendum penitenti habenti casum reservatum, qui urgente necessitate celebrandi vel communicandi non habet copiam Confessarii approbati pro reservatis. Nam vel talis penitens præter peccatum reservatum adhuc gravatur alio peccato mortali velut materia necessaria hujus Sacramenti, vel non? si habet adhuc aliud, certò obligatur confiteri; tum quia peccatum mortale, etsi non reservatum, est materia necessaria; tum etiam qua saltem ab hoc potest directè

rectè absolvi à quolibet approbato Confessario: quam ob rem non satisfaceret neglecta confessione præcisè contritionem præmittendo sacrae communioni, ut jam alibi dictum. Si autem præter peccatum reservatum non habeat aliam materiam necessariam, simulque supponatur destitutus copia Confessarii pro reservatis approbati, tunc etsi secundum probabilissimam & tutissimam opinionem Doctorum adhuc teneatur omnia peccata confiteri; tum ut servet confessionis integritatem; tum etiam ut Confessarius velut Index spiritualis intelligat statum delinquentis; nihilominus juxta aliam sententiam Suarezii *disp. 30. sect. 3. Laymanni cit. cap. 21. numer. 12. Sporeri num. 757.* verè probabilem ac tutam, satisfacit vel sola venialia confitendo, reticitis peccatis reservatis, vel omnino prætermittis confessione, coram solo Deo sese humiliando, & perfectam contritionem eliciendo; quia in tali casu potest se gerere, ac si non haberet copiam Confessarii, cum revera non habeat Confessarium, jurisdictione in reservata præditum, & aliàs per se loquendo nemo teneatur contra voluntatem suam idem peccatum bis confiteri: ergo neque confiteri tali Sacerdoti jurisdictione in illa destituto, ideoque cum onere postea eadem peccata apud alterum exponendi.

385 Excipiendus tamen est casus, quo poenitens esset tam rudis, ut non sciret elicere contritionem perfectam; tunc enim vi præcepti divini teneretur per accidens hujusmodi Sacerdoti confiteri unum aut alterum peccatum saltem veniale, quatenus hoc modo à mortalibus reservatis indirectè absolutus restituitur in statum gratiæ, & dignus evadat participatione Eucharistiæ; prout præter alios plures rectè notavit Sporer cit. n. 758.

Dices adhuc: At quid, si poenitens bona fide accessit Confessarium non approbatum pro reservatis, & huic non deserat, nisi unum vel alterum peccatum merè reservatum?

386 R. Vel remittendus erit ad alium præfata potestate præditum, vel si hoc non possit sine magna difficultate obligandus, ut præter illa peccata reservata

subjiciat unum vel alterum non reservatum, secus enim velut destitutus materia directè remissibili, à tali Confessario absolvi nequaquam posset; quandoquidem omnis omnino absolutio cadere debet in aliquam materiam directè remissibilem, à cuius dependentia alia peccata dicuntur indirectè remitti, prout proxime visum est. Palao *tr. 23. punct. 15. §. 7.* Gobat

387 Colligest tertio, reservatione semel legitima auctoritate sublata, sive per Superiorem, sive per alium inferiorem delegatum, peccatum dein à quolibet Confessario approbato posse dimitti. Idem dicendum, casu quo Superior poenitenti concedit licentiam cuiuslibet confitendi peccatum reservatum; quia hoc modo indirectè delegat potestatem absolvendi ab illo. Denique idipsum dicendum est, quando poenitens ab inferiore fuit absolutus priusquam incidit reservationem, ut si quis ab adulterio clauis perpetrato fuit absolutus, postea ubi innoverit aliis, non amplius tenebitur illud confiteri apud habentem jurisdictionem in reservata; quia cum illud peccatum tunc temporis non fuerit publicum seu notorium sive notorietate juris sive facti, potuit poenitens à quovis absolvi, & quidem directè, & sine onere postea accedendi alium. Gobat, Herincx, la Croix *n. 1694.* & alii communiter.

388 Colliges quarto, potestatem absolvendi à reservatis veluti favorabilem esse late interpretendam; tum quia juxta Regulam Juris notissimam *favores conveniunt ampliari*; tum etiam quia hæc potestas datur in commune bonum animarum. Qua ratione doctus, reminiscor me olim cuidam Religioso ex me sciscitanti respondisse, quod facilius à reservatis absolvendi sibi pro Parochia exposito concessa, posset adhuc uti, licet revocatus ad monasterium; cum hæc potestas favorabilis velut privilegium personale intuitu Personæ & non loci concessum, ubique committetur personam. Econtrario ipsa reservatio est strictæ interpretationis, eo quod sit poenalis & odiosa, prout jam superius insinuavimus. Videatur Herincx *disp. 6. n. 7.* Castropalao *tr. 3. d. 4. pu. 11. n. 2.* la Croix *n. 1684.*

Dices tandem: quid agendum, si Con-

ferat.

fessarius post confessionem jam auditam dubitet, an habeat jurisdictionem in hoc vel illud peccatum clavibus subiectum?

389 R. Non obstante tali dubio valide absolvet poenitentem saltem à reliquis non reservatis. Quin immò, cum confessio jamjam facta supponatur, & quidem bona fide; hinc si poenitens sine gravamine nequeat alium querere Confessorem, & ex altera parte vel deberet sacram synaxin sumere, aut certe, nisi absolveretur, diutius abstinere ab hoc Sacramento, stantibus hisce circumstantiis nedum valide, sed & licite absolveretur, etsi cum admonitione ut postea data opportuna occasione accedat alium, gaudentem certa potestate directè absolvendi à reservatis, veluti rectè tradunt Gobat *theol. exper. trad.* 7. numer. 20. la Croix l. 6. p. 2. numer. 1573. Reiffenstuel *trad.* 14. dist. 9. n. 20.

390 Tandem pro clausula hujus Confectionis operæ pretium duxi recensere certas quasdam festivitates, in quibus tam in hac nostra Archi-Diœcesi Salisburgensi, tum etiam in Passaviensi omnibus Confessariis conceditur facultas absolvendi à peccatis Episcopo reservatis: ut sequitur juxta tenorem decreti à nostro Celsissimo edito anno 1727. 29. Octobris,

Designatio

Festorum & locorum, in quibus Curati hujus Salisburgensis Diœcesis à supra dictis Casibus suæ Celsitudini reservatis (quos vide numer. 336.) absolvendi specialem licentiam habent, annuatim per illos de novo requirendam, & abhinc renovandam.

Pro tempore paschali, quod in hac Metropolitica Diœcesi Dominica Latere incipit, & Dominica tertia post Pascha finitur.

In Mense *Januario*. In Circumcisione Domini, & Festo Trium Regum. Item in Festo S. Sebastiani.

Februario. Festo Purificationis B. Mariæ Virginis.

Martio. Festo S. Josephi, & Annuntiationis B. V. Mariæ.

Majo & Junio. Festis Ascensionis Domini, Pentecostes, SS. Corporis Christi,

& Apostolorum Petri & Pauli, & S. Joannis Baptistæ.

Julio. Festo Visitationis B. V. Mariæ.

Augusto. Assumptione ejusdem B. M. Virginis.

Septembri. Festo Nativitatis Ejusdem.

Novembri. Festo Omnium Sanctorum.

Decembri. Festo Immaculatæ Conceptionis B. Mariæ Virginis.

Item in Festis Nativitatis Domini usque ad novum annum.

Item in Dedicationibus, Patrociniiis Ecclesiarum, Peregrinationum, ac concursuum.

Item Festis principalibus Confraternitatum.

Item in die Horæ à confratribus electæ.

Item in Casu extraordinario Pusillanimitatis.

Denique in Festo Ordinum: hæc autem licentia (in Festo Ordinum scilicet) tantum concernit Religiosos, & Eorum Ecclesias. Hactenus Decretum Celsissimi nostri *Leopoldi*. In Diœcesi verò Passaviensi vi Decreti à Moderno Celsissimo an. 1727. 2. Aprilis emanati cuivis Confessario in Diœcesi Passaviensi approbato potestas absolvendi à Casibus Episcopo reservatis concessa fuit in sequentibus Festivitatibus.

1. In Festo Nativitatis. 2. Circumcisionis. 3. Epiphaniæ. 4. Paschatis, & 5. Pentecostes. 6. In omnibus Festis B. Virginis Mariæ. 7. In Festo SS. Apostolorum Petri & Pauli. 8. Joannis Baptistæ. 9. S. Josephi. 10. In Patrociniiis Ecclesiarum, & 11. Octava omnium Sanctorum.

CONFERENTIA

DECIMAQUINTA.

De Probitate & Scientia in Confessario requisita.

SUMMARIUM.

- 391 Ut Confessarius ritè ac licitè suo fungatur officio (præter superius ad essentiam Sacramenti requisita) insuper generaliter loquendo tribus adhuc pollere debet, scilicet 1. probitate vitæ, 2. scientia competente; & 3. Prudentia.
- 392 Et probitate quidem nedum legali, sed etiam morali.
- 393 Scientia verò competente saltem medicæ.
- 394 Ulterius declaratur, quamam velut Judex;
- 395 Quæ velut Medicus animarum; & denique
- 396 Quam velut Doctor spiritualis particulariter nosse debeat.
- 397 Tametsi non sit opus, ut prædicta omnia sciat expedite & memoriter.
- 398 Resolvitur Casus I. de Sacerdote, qui & à beneficio suo suspensus, & in statu disgratiæ constitutus, excepit confessiones.
- 399 Unde prius quam absolveret, tenebatur ad contritionem perfectam;
- 400 Vel si hoc non potuit moraliter, saltem ad concipiendam averfionem æqualem à suo peccato.
- 401 Resolvitur Casus II. cujusdam Confessarii, qui absolvendo non simul se reflexit super peccata penitentis: ubi etiam reprobatum judicium cujusdam scrupulosi theologi.
- 402 Tametsi Confessarius determinatè judicando apprehendat peccatum reipsa mortale pro veniali, aut vicissim, nihilominus validè absolvit.
- 403 Resolvitur Casus III. cujusdam Itali, accidentis Confessarium non satis versatum in lingua Italiana,
- 404 Et quidnam faciendum, casu quo ta-

lis penitens ignotæ linguæ præter intentionem hujus modi Confessario in eadem lingua semiverfato sua peccata jam est Confessus?

- 405 Germanus Confessarius, an licitè excipiat confessiones suorum Patriotarum minus germanizantium; ita, ut eorum barbaros terminos non satis intelligat.
- 406 Confessarius destitutus competentis scientia, & nihilominus sese huic muneri ingerendo, graviter peccat;
- 407 Immo ex tali ignorantia quempiam indignum absolvendo, committit duplex peccatum.
- 408 Potest tamen subinde dari ignorantia vel error inculpabilis, aut certè non culpabilis graviter.
- 409 Similiter Episcopi aut Prælati aliquem ineptum scienter exponentes pro cura, peccant graviter.
- 410 Subditus dubitans de sua ad hoc munus idoneitate, potest ac debet suum judicium subijcere judicio Superiorum.
- 411 Qui verò in praxi nonnunquam se errare, vel etiam errasse animadvertit, tenetur intensiori studio sese magis perficere.

§. I.

Præmittuntur, & breviter resolvuntur Quæsitæ, scitu necessaria ad debite resolvendos Casus prædictos de Probitate & scientia in Confessario requisita.

Quæres primò, quamam generaliter loquendo sint necessaria ex parte Confessarii ad hoc, ut dignè & licitè suo fungatur officio?

391 R. Ut Confessarius ritè suo fungatur officio, Doctores communiter tria requirunt, scilicet 1. Probitem vitæ. 2. Scientiam competentem, & 3. Prudentiam. De Prudentia agemus Conferentiæ proximè subsequutura. De Probitate verò & scientia in hac breves (quantum Moralitæ sufficit) dabimus resolutiones. Non me quidem latet, à multis Doctoribus plu-

res

res adhuc qualitates ex parte Confessarii desiderari, quas S. Thomas, 4. *dist* 17. sequentibus versiculis comprehensas refert.

Confessor dulcis, affabilis, atque suavis:

Prudens, discretus, mitis, pius, atque benignus.

Hæ tamen omnes ad illas tres à nobis jamjam relatas faciliè possunt reduci, prout consideranti patebit. Unde.

Quæres secundò, quænam probitas in Confessario desideretur?

392 R. Requiritur probitas vitæ, eaque duplex, legalis scilicet, & moralis. Prior in eo consistit, quodd Confessor non sit obstrictus aliquo impedimento canonico ab hoc officio retardante, utputa ut non sit excommunicatus excommunicatione majore, aut suspensus ab officio &c. secus enim gravissimè peccaret, aliquem (extra casum necessitatis) absolvendo, etsi non in casu necessitatis. Posterior autem, moralis scilicet probitas, in statugratia est sita; in quo Confessarius volens dignè suo fungi officio, consistere debet. Cujus ratio desumitur ex ipsa S. Ordinatione, in qua Christus Dominus voluit conferri gratiam Spiritus Sancti ad hoc sublimissimum ministerium dignè obeundum; quam proin gratiam Sacerdos in hunc finem conservare, vel etiam perditam recuperare tenetur secundum *Omnes*.

Quæres tertio, quæ, & quanta scientia requiratur in Confessario;

393 R. Requiritur scientia competens, id est saltem mediocris eorum, quæ attinent hoc ministerium. Ratio inde desumitur: quia Confessario vi sui officii incumbit agere Judicem, Medicum, & Doctorem spirituales: ergo necesse omnino est, ut competenti scientia eorum quæ officium Judicis, Medici, ac Doctoris spiritualis concernunt, sit imbutus; secus quippe & se, & penitentes suos exponeret periculo errandi, & quidem in materia gravi, concernente animarum salutem; quod, utinam non jam sæpiùs, quàm par est, contigisset.

Dices. Quænam ergo Confessarius quæ Judex, Medicus, & Doctor spiritualis in partem suam nosse debet?

394 R. 1. Quæ Judex nosse debet 1. quæ-

nam sint peccata saltem ex suo genere venialia, & quænam mortalia; 2. peccatorum species & circumstantias speciem mutantes, vel alias necessariò explicandas in confessione. 3. Onera ex peccatis consequentia, utputa, an quid, aut quantum sit restituendum in bonis famæ aut fortunæ &c. 4. Casus reservatos & censuras saltem eas, à quibus absolvere non valet, nec non ea delicta, quibus incurritur irregularitas vel suspensio &c. 5. Principaliter nosse debet ea, quæ ex parte penitentis requiruntur ad legitimam dispositionem, & absolutionem dandam, uti sunt contritio, confessio, & propositum.

395 R. secundò. Confessarius ut Medicus nosse debet peccatorum, & tentationum remedia, nec non modos, quibus penitens à peccatis resurgere, commissâ diluere, & deinceps committenda evitare valeat, singulariter in quantum attinet consuetudinarios, vel etiam constitutos in occasione proxima peccandi.

396 R. tertio. Confessarius ut Doctor spiritualis debet scire communes saltem resolutiones casuum, & obligationes, quæ ex peccatis oriuntur: quod spectant impedimenta Matrimonii, status clericalis & Religiosi, uti advertit Sporer n. 780.

397 Quocirca tamen DD communissimè norant, non esse necessarium, ut Confessarius prædicta omnia sciat exactè, resolute, vel memoriter, sed sufficit ea scire mediocriter & in habitu, ita scilicet, ut quando à penitente proponuntur, Confessarius de qualitate & gravitate criminum noverit prudenter discernere, aut saltem prudenter dubitare, non quidem solo & mero dubio ignorantia, quo omnes etsi nunquam studuerint moralibus, dubitare solent; sed dubio fundamentalis, inde scilicet concepto, quodd simile quidquam legerit in Auctoribus, propterea que moveatur ad illos inquirendos, vel etiam alios Doctores consulendos. Certum tamen esse debet, majorem, minoremve scientiam requiri pro diversitate locorum ac penitentium; minor enim scientia sufficit pro Confessario audituro simplices, Rusticos, vel alios devotos homines &c. quàm pro Confessario audituro penitentes gravioribus peccatis intricatos, quales sunt, qui

qui gravioribus negotiis occupantur in Civitatibus &c. &c. prout bene notarunt Navarrus & alii apud Layman l. 5. tr. 6. c. 13. num. 1.

§. II.

Proponuntur, & breviter resolvuntur
Casus practici de probitate &
scientia Confessoriorum.

CASUS PRIMUS.

Titius Sacerdos partim ob continuas, easque injuste excitatas lites in pun-cto decimationis, partim etiam ob inobedientiam erga Reverendissimum suum Ordinarium exhibitam, tandem fuit suspensus à suo beneficio; quo non obstante perrexit ut ante suum administrare officium in cura animarum, aliisque divinis. Insuper contigit ut in auditu ejusdam penitentis lascivius sibi complacendo & libidinosè delectando, prius quam prædictam suam oticulam mediante absolutione mundaret ab animæ sordibus, ipse Pastor sordesceret. Dubitatur jam, an vel quomodo Titius deliquerit excipiendo confessionem in eo statu.

398 R. Titius non peccavit ex eo præcisè, quòd in statu prædictæ suspensionis confessionis exceperit; quandoquidem supponitur fuisse suspensus à beneficio duntaxat, vi cujus suspensionis solum privatur jure administrandi redditus beneficiales, non item fuit suspensus ab officio. Quin immo probabilius mihi videtur cum Henriquez, Averfa, Diana & aliis, Titium nostrum præcisè excipiendo confessiones, etsi in statu disgratiæ, non peccasse mortaliter, eò quòd sola peccatorum auditio non sit administratio Sacramenti, nec opus Ministri, sed potius ipsius penitentis: certò tamen peccavit graviter in statu disgratiæ abfolvendo. Verùm an tot committat peccata mortalia, quot penitentes abfolvit in eo statu, jam superius n. 198. diximus.

Dices. Quid ergo Titio nostro agendum fuit ut declinaret Sacriligia?

399 R. Ante absolutionem dandam penitenti tenebatur ipse penitere de suo pec-

cato, eliciendo contritionem perfectam; quod utique sine difficultate potuit; neque enim opus est longo temporis tractu ad hoc, ut Sacerdos recenter & graviter lapsus toto ex corde dicat: *quid misere feci? utinam, o utinam te summum bonum meum non ita nequiter offendissem! absit, ut quidquam ejusmodi admittam in æternum!*

400 Quin immo, ubi Confessorius vel temporis angustiis coartatus, vel attentione necessaria ad audiendam ritè confessionem, aut alio impedimento distraheretur in tantum, ut non valeret sese tam citò recolligere ad concipiendam perfectam contritionem, probabiliter satisfaceret concipiendo, ante absolutionem dandam, saltem a qualem averisionem ab omni peccato, & voluntate peccandi per pium motum, & conversionem in Deum, cum proposito, opportune confitendi; hoc quippe sufficit, ut dicatur se verè præparare ad gratiam, & facere, quantum in se est, juxta præsentem obligationem: sicque revera non actu, etsi adhuc habitus existit in statu peccati mortalis. uti notat Marchantius noster tribun. p. 2. tr. 2. tit. 5. q. 2. Hæc tamen, inquit Sporer num. 776. secundum indulgentiam dicuntur, ad solatium Sacerdotum infirmorum, & occasionibus expositorum, minimè verò consuluntur, præsertim Religiosis.

CASUS SECUNDUS.

Semprontius Sacerdos exceperat confessionem ejusdam sese accusantis de peccatis carnalibus cum propria consanguinea, nec non de alio quodam lapsu carnali cum aliqua maritata commissis, quem proin injuncta prius salutari penitentia abfolvit. Verumtamen quia ante absolutionem non se reflexerat, peccata illa cum consanguinea commissa fuisse meros incestus, lapsum verò carnis cum maritata fuisse adulterium; hinc bonus Semprontius multum anxius sciscitabatur ex alio quodam Theologo, quid de valore datæ absolutionis sibi jam tenendum, aut quid agendum? Cui Theologus ille respondit, absolutionem quidem ratiuisse, nihilominus necessum fore, ut si idem penitens de novo recon-

reconciliationis causa redire, ipse Sempronius ad incestus & adulterium nuper commissa expressè se reflectendo, intendet illum rursus absolvere ab iisdem peccatis. Queritur jam, an hoc iudicium Theologicum sit approbandum?

401 R. Rectè quidem præfatus Theologus respondit, absolutionem valuisse; quia, cum omnia essentialia ad Sacramentum concurrerint, nequiquam de huius valore dubitandum est. At verò, quòd penitente denuò redeunte Confessarius debuerit sese reflectere, vel etiam de novo illum absolvere ab incestibus nuper commissis, non mihi Theologicum, sed scrupulosum videtur iudicium; etenim secundum communissimam & sanam Theologorum doctrinam, uti videre licet apud Dicastillo Disp. 10. dub. 12. nu. 34. Suarez part. 3. tom. 4. Disp. 28. sect. 2. num. 2. Lugo, Marchant, Reiffensuel &c. ad validam & legitimam huius Sacramenti administrationem sufficit, à penitente peccata quoad speciem & numerum cum debito dolore & proposito exprimi (id quod etiam in nostro casu fecit penitens) eaque à Confessario attentè percipi: neque necessum est, ut is de omnibus auditis determinatè iudicet, v. g. hoc esse peccatum mortale, illud veniale, hoc peccatum incestus, illud adulterii &c. multò minus opus est, ut priùs quàm Confessarius formulam absolutionis profert, super omnia peccata sese distinctè reflectat; hæc quippe ne quidem à Viris doctissimis absque evidentissimo errandi periculo præstari possent, tum ob memoriæ labilitatem, tum ob peccatorum multitudinem; tum præsertim quia Casus ipsi in individuo valde alterantur quoad majus & minus ex materia, indeliberatione, passione, multisque aliis circumstantiis, ratione quarum quandoque peccatum ex genere mortale fit veniale, & è contra: noluit autem Christus Dominus hoc Sacramentum instituendo obligare ad impossibilia: ergo &c. &c.

Dices: quid si autem Confessarius determinatè iudicet hoc vel illud esse peccatum mortale, quod reipsa est veniale tantum, aut vicissim, eritne absolutio nihilominus valida?

402 R. Erit valida. Ratio est: quia cum iulvis Confessarii intentio esse prudenter præsumitur, quòd penitentem pro quanto hic & nunc opus habet, & se accusavit, velit absolvere. Neque enim opus est, ut Sacerdos eundem iudicet scientia divina, sed solum ut auctoritate divina absolvat. Eapropter quando Confessarius percipit peccatum, de cuius gravitate discernere nequit, an scilicet sit mortale, vel verò veniale, illud tale, quale est, dimittere cogit, suspendendo, de cætero iudicium suum de ipsius quantitate; & certè non rarò quidquid demum inciperet, non posset semper de quolibet peccato dubio determinatum ferre iudicium, immo nec statim dubia super eorum gravitate concepta deponere: ergo oportet eos absolvere pro quanto indigent, & sese accusant: nec convenit per nimias interrogationes hoc Sacramentum reddere odiosum. Attamen si penitens certè agnosceret, Confessarium non percipere gravitatem mortalem peccati expositi, eundem de hac tenetur informare; quia tenetur facere quod in se est, ut Confessarius in causa tam gravi rectè iudicet. Ca. Stropalao 1723. disp. un. punct. 6. n. 8. Reinfest. Babenthuber &c.

CASUS TERTIUS.

Cajus natione Italus aliquoties reconciliationis causa accessit Confessarium natione germanum, in lingua Italica aliquoties, non tamen plenè & perfectè versatum. Hinc aliquoties probè advertit, se quoad omnia sua peccata à Confessario non fuisse bene intellectum. Queritur itaque, utrum Cajus iuxta conscientiam possit hunc protinus accedere, & utrum Confessarius hoc advertens, possit eundem amittere, an verò teneatur illum ablegare ad alium in eadem lingua magis peritum?

403 R. Cum distinctione ad primum quæsitum: Si enim Cajus non sit sibi conscius alicujus peccati mortalis, liberè accedet talem Confessarium; quia cum venialia non sint materia necessaria, sufficit à Confessario, pro danda valida ac licita absolutione, unum saltem vel alterum peccatum

catum intelligi. E contra si Cajus portet conscientiam mortalibus onustam, eaque à Confessario non satis intelligi notavit, tunc si possit sine magno suo incommodo accedere alium in italico idiomate magis peritum, tenetur; quia vi præcepti divini quisque sua peccata tenetur ita exprimere ut à Confessario intelligantur. Secus discurrendum foret, si vel sine magno incommodo non posset accedere alium, aut certè alium expectando deberet diu carere hoc Sacramento; tunc quippe morali impossibilitate excusaretur æquè ac alii, qui ob linguæ balbutiem, vel aliud dentium aut gutturis vitium sua peccata exprimere nequeunt; de quibus revide superius n. 148. dicta. Ex his verò prudens lector facile colliget, quid ad alteram quæsitam partem sit respondendum: est enim quantum ad hoc par utriusque, tam penitentis scilicet, quàm Confessarii ratio; nam quemadmodum penitens tenetur sua peccata ita exponere, ut à Confessario intelligantur, ita & Confessarius per se loquendo tenetur nullum admittere ad suum tribunal, nisi de illius causa & peccatis (utique intellectis) valeat ferre sententiam; ergo etiam tenetur illum, quem non intelligit quantum ad materiam necessariam, ad alium in hac lingua magis versatum dimittere. Vide Herincx *disp.* 5. *num.* 52. Bonacin. *de Sacram.* d. 5. q. 5. *pu.* 5. §. 4. n. 6. Reginald. *lib.* 6. n. 155. Ludov. Lopez *in Instru-ctorio* p. 1. c. 27.

Dices. At quid si Confessarius huiusmodi defectum non prævidens jam excepit Confessionem, sed sine intellectu unius vel alterius peccati?

404 R. Cum P. Gobat *tr.* 7. n. 487. Si peccata jam Confessione Confessarius aliqua probabiliter mortalia non intellexit, potest quidem, immò debet impertiri absolutionem, attamen monere penitentem ut in proxima Confessione non intellecta aperiat alteri.

Dices iterum. At verò mihimet jam sæpius contigit, ut intentus Confessionibus excipiendis non quidem extraneorum, sed germanorum etsi mihi germanizantium, ut puta Rusticorum Pinzgoviensium, Algorum, Suevorum & Bavarorum &c. plures phrasas, dialectos, vel veriùs loquendo,

barbarissimos, non potuerim intelligere, an mihi propterea abstinendum à sacro tribunali?

405 R. Nequaquam. Illud tamen oportet, ut priùs quàm te huiusmodi occasione exponas, alios bavarici idiomatis magis expertos consulas, & eorum terminos intellectu difficiliore pro praxi inquiras. Audi in hoc non meum, sed sapientissimi Gobati iudicium: quia video (inquit ille *tr.* 7. n. 486.) nostræ Societatis, aliorumque Ordinum Religiosos liberè, & sine scrupulo exponi à Superioribus ad excipiendas Confessiones Rusticorum — & excipiunt illas Confessiones etiam communibus per annum festis, cum tamen sit certum, quòd primis mensibus quandoque errent, intelligentes quid pro quo, immò nulla ratione possint extorquere explicationem sufficientem nonnullorum, quia, inquam, video, audio ista factitari à tot Superioribus, tot inferioribus, virtute & doctrina spectandis, iudico, nullum inferiorem debere, non dico, detrectare, sed nec deprecari, si peritus tantùm unius dialecti in illa lingua, exponatur ad excipiendas Confessiones utentium alia admodum, non tamen extremè diversis &c. Ita Gobat. l. cit.

§. III.

Corollaria ex dictis inferenda.

406 Colliges ex dictis primò, gravissimè peccare Sacerdotem, qui absque sufficiente scientia tam sublimi functioni sese ingerit: tunc autem iudicio P. Sporer n. 784. & aliorum iudicandus est insufficientis, quando superius à n. 394. enumerata ita ignorat, ut de illis sibi propositis communiter & rationabiliter nequeat iudicare, aut saltem prudenter dubitare, ad consultationem vel studium necessarium; quia talis verè idoneus Index censeretur non potest, ideoque perversè tam sublimi ministerio sese ingerendo, peccaret mortaliter, nisi aliunde propter necessitatem vel defectum alterius magis idonei excusetur. Quare nequaquam à mortali negligentia excusandos censeo illos duos Sacerdotes, quo-

quorum unus in cura animarum cooperator, ignorabat formulam absolutionis, alter verò, scilicet ipse Pastor hac super re admonitus à Francisco Suarez, ne scilicet tolleraret tam ignarum Cooperatorem, respondit, sibi de tali defectu jam pridem confitisse, proptereaque jam sæpius eidem suo Cooperatori demandasse, ut ipse duntaxat auferretur poenitentium peccata, pro absolutione verò obtinenda ad se (Pastorem scilicet) remitteret eisdem. Veluti ex Josepho Massio refert Clericatus de poenitentia decis. 31. n. 17.

407 Colliges secundò, Confessarium ex huiusmodi ignorantia crassa absolvendo poenitentem, quem vel ob reservationem peccati, vel ob aliam indispositionem absolvere non poterat, committere duplex peccatum mortale, unum quidem propter sacrilegam administrationem Sacramenti, alterum verò propter culpabilem ignorantiam eorum, quæ ad suum officium spectant, ratione cuius versatur in continuo statu peccati mortalis omissionis, quamdiu necessariam scientiam sibi comparare culpabiliter negligit: quin immò, nisi congruam diligentiam sincerè proponat, ipsemet confitens ab alio Confessario absolvi non potest, utpote indispositus defectu necessarij propòsiti emendandi negligentiam illam mortalem, quod (inquit P. Sporer) amore Dei & suæ salutis notent Confessarii, qui ignorantie suæ conscii, nihilominus omne profus studium castissimi negligunt. Et certè plerumque experientia discimus, eos, qui minùs intelligunt, minùs etiam esse sollicitos de acquirenda sufficienti doctrina, idque fieri credo, vel quia aliis temporalibus inhiantes, studium & scientiam contemnunt, vel etiam quia stulta præsumpzione superbientes, se omnia intelligere existimant, decisionesque suas circa casus conscientie datas velut è tripode dictas esse volunt, nihil aut certè parùm anxii, an bene vel verò malè processerint, quorum errores tantò utique sunt perniciosiores, quantò minùs se errasse, aut errare potuisse credunt, vel agnoscunt.

408 Colliges tamen tertio pro solatio debitorum, quòd, quemadmodum in aliis materiis; ita & in hac subinde, & forsi-

Elbel Theol. P. II.

tan non raro, possit dari ignorantia, vel etiam error inculpabilis, aut certè non graviter peccaminosus; & primò quidem fieri potest subinde ob parvitatem materie, præsertim quando concernit peccatum, vel etiam circumstantiam quæ non est materia necessaria &c. 2. Potest dari error ex aliqua inadvertentia humana, vel etiam labilitate memoriæ, proptereaque Confessariis timoratis & diligentibus non est multùm scrupulizandum. Quo modo autem errores corrigi debeant, dicemus paulò inferiùs à n. 3. Excusari potest Confessarius ignarus, quando Confessiones (etsi non sine errore saltem accidentali) excepit solum in casu necessitatis, ubi alius sufficienter doctus non adfuit; quia meliùs est à Confessario minùs docto absolvi, quàm omnino non absolvi, & quidem cum periculo vel detrimento animæ. 4. Denique Confessarius minùs doctus potest licitè Confessionem excipere, quando agnoscit poenitentem tam eruditum, & in moralibus versatum esse, ut Confessarii instructione, vel etiam directione minime opus habeat; veluti communiter advertunt Layman, Gobat, Marchantius noster & alii.

409 Colliges quartò, etiam Episcopos & alios Prælatos, quorum interest, graviter peccare, si absque ulla urgente necessitate ad excipiendas subditorum suorum Confessiones exponant inidoneos. Ratio est: quia tenentur Populo sibi subdito providere de bonis pastoribus, quam obligationem graviter violant, si vel ineptos eligant, vel electos & constitutos non amoveant, dum possunt: Secus dicendum fateor, casu quo non possent alios magis idoneos, & verè capaces exponere; ubi tamen moneri debent de doctrinæ defectu, eisdemque seriò inculcari, quatenus diligenti studio sese magis perficere, & ad idem munus capaces reddere nitantur. Castropal. tr. 23. *Disp. un. pu.* 16. n. 10. Bonacin. *Disp.* 5. q. 7. *pu.* 4. §. 2. num. 6. Babenshuber tr. 8. p. 6. *Disp.* 6. a. 6. n. 3.

At quid, si subditus de sua idoneitate ad hoc munus dubitat, tenebiturnè parere suo Superiori, volenti se exponere?

X

R. Af-

410 R. Affirmativè. Ita cum D. Thoma, Navarro & aliis Laym. *cap. 13. num. 1.* Ratio est: quia in dubio pendendum est Superiori quamdiu scilicet non certò constat eum illicitè præcipere; ergo & in hoc casu subditus tenetur deponere suum dubium prætictum, etsi forsitan omne dubium speculativum, vel timorem excutere non valeat: poterit autem faciliè hujusmodi dubium prætictum deponere, tum ob præceptum sui Superioris, tum etiam ob approbationem ab Episcopo obtentam, vi cuius manet quasi in possessione suæ idoneitatis, & idcirco potest se tutò resolvere, modò facias, quantum in se est: secus iterum dicendum foret, casu quo subditus non merè dubitaret, sed certò agnosceret suam inidoneitatem; tunc enim (extra casum necessitatis) à Superiore suo exponi aut obligari neutiquam posset ad hoc officium: certum quippe, & ab omnibus exploratum habetur, nec Superiorem præcipere, nec subditum licitè obedire posse in materia peccati: atqui peccaret talis subditus: ergo &c.

Dices adhuc. Equidem sui approbatus ab Episcopo, nihilominus in praxi me sæpiùs errasse, & hallucinatum fuisse comperi.

411 R. Ergo ampliori studio & diligentia te ipsum perficere teneris, quod quidem facillimè fieri poterit præmissis legendo & relegendo materiam illam, circa quam te errasse comperis, 2. sæpiùs te reflectendo super auditis, & decisiones à te datas, modumvè procedendi examinando juxta regulas sanæ Theologiæ, 3. denique alios te doctiores consulendo, & frequentius cum ipsis de similibus materiis conferendo &c. &c.

CONFERENTIA

DECIMASEXTA.

De Prudentia Confessarii.

SUMMARIUM.

- 412 *Prudentia in Confessario maximopere est necessaria;*
- 413 *Eaque tum erga se ipsum, tum etiam erga proximum exercenda.*
- 414 *Quo modo erga seipsum Confessarius debeat exercere prudentiam.*
- 415 *Quo modo erga adstantes; & maxime*
- 416 *Quo modo erga ipsosmet penitentes.*
- 417 *Traduntur nonnullæ Regule prudentiales, Confessario bene observandæ.*
- 418 *& seqq. Rursus quædam aliæ observationes circa Energumenos à Confessario observandæ annotantur.*
- 421 *Resolvitur Casus I. de puella Confessario oblata, quæ videatur Energumena seu obfessa.*
- 422 *Resolvitur Casus II. de quadam alia, asserente, se diabolo sua addixisse servitiâ.*
- 423 *Et quo modo cum talibus revera diabolo mancipatis procedendum;*
- 424 *Præsertim quando sæpiùs relapsi redeunt ad Confessarium.*
- 425 *Resolvitur Casus III. de alia quadam persona, quæ plures animas à purgatorio à se liberatas asserbat.*
- 426 *Afferuntur nonnulla probati Spiritus indicia, ad quorum normam hujusmodi personæ à Confessario sunt præbandæ.*
- 427 *Non omnis Spiritus penitentium reprobandus, neque omnis illicò approbandus est.*
- 428 *Confessario vel maxime attendendum ad conditionem status, ætatis, & inclinationem penitentium;*
- 429 *Qui si sint bonæ voluntatis, secundum sententias tutores & rigidiores sunt dirigendi.*
- 430 *Perutile, & propè necessarium est; ut*

Con-

Confessarius sciat non unam duntaxat, sed diversas opiniones etiam contrarias.

- 431^r *Quibus ex fontibus practica prudentia à Confessario sit haurienda, breviter insinuat.*

§. I.

Præmittuntur, & breviter resolvuntur quæsitæ, scitu necessaria circa prudentiam Confessarii.

QUæres primò, an, & qualis Prudentia in Confessario sit necessaria?

412 R. Prudentiam saltem mediocrem in Confessario necessariam esse ad hoc sublime ministerium, omnes clamitant. Suadet & ratio, nam Confessario vi sui officii incumbit, agere Judicem, Medicum, & Doctorem spiritualem: ergo si in Judice & Medico corporali præ primis desideratur prudentia, idest, circumspèctus & discretus modus procedendi in suum munere, id ipsum vel maxime in Confessario ceu Medico animarum desiderandum est. Hac de causa Innocentius Papa III. *cap. omnis utriusque sexus, de pœnit. & remiss. alt: Sacerdos sit mansuetus ac cautus, ut more periti Medici superinfundat vinum & oleum vulneribus sauciati, diligenter inquirens & peccatoris circumstantias, & peccati; quibus prudenter intellectis intelligat, quale debeat ei præbere consilium, & cujusmodi remedium adhibere, diversis experimentis utendo ad salvandum ægrotum.*

Quæres secundò, ad quænam prudentia Confessarii generaliter loquendo debeat se extendere?

413 R. Generaliter loquendo debet se extendere 1. ad Personam propriam 2. ad alias personas sacro tribunali fortè adstantes. Et denique 3. præcipuè ad personam ipsius pœnitentis. Ratio horum facile colligitur ex jam dictis, paritate desumpta à Medico corporali; qui, si sit prudens, circumspèctè se geret 1. ad seipsum, 2. ad alios, & 3. ad ipsum infirmum; hoc quippe suadet recta ratio, & præcipit ordinata charitas. Verùm

Quæres tertio. Quomodo prudentia Con-

fessarii sit exercenda erga propriam personam?

414 R. Erga propriam personam prudentia Confessarii vigilare debet, ut candorem animæ propriæ seu conscientiæ illibate conservet, ne fortè dum aliis prædicat, vel à peccatis exonerare nititur, ipsummet peccatorum fecibus inquinatus, reprobis efficiatur. Quem in finem juvenis devotis precibus exorare Spiritus Sancti gratiam ceu summè necessariam ad hoc sublime munus. Juvabit insuper, sepiùs intra se excitare zelum ardentem, ac desiderium procurandi salutem animarum, Deique gloriam adaugendi; id, quod in ipso Confessario nonnullis suspiriis, & actibus, ut vocant, jaculatoriis in cœlum emissis hand' difficulter præstari poterit. 1. Insuper prudentia Confessarii invigilare debet salutì proprii corporis, præcipuè in excipiendis Confessionibus infirmorum, contagiosis morbis decumbentium, ne scilicet indiscreto zelo sese exponat periculo infectionis: 3. Denique prudentia suadet, ut ne Sacerdos miris utendo gestibus corporis, aliorum ludibrio & contemptui se exponat, prout se exposuit ille, de quo supra Conf.

Quæres quartò, quænam Confessario circa adstantes sint observanda?

415 R. Prudentia circa adstantes Sacro tribunali vigilare debet circa sequentia 1. ut uniformiter circa omnes ad Confessionem admittendos se habeat, sive pauperes sint, sive divites, nisi infirmitas, vel particularis dignitas, seu conditio personæ aliud suadeat. 2. Ut non nimis late loquendo faciat peccata pœnitentis aliis innotescere, vel certè præbeat ansam suspicandi de graviore lapsu &c. hoc enim modo ageret contra Sigillum, utique non sine scandalo & tædio audientium.

Quæres quintò, quomodo Prudens Confessarius erga pœnitentem se habere debeat?

416 R. Prudentia circa pœnitentem exercenda est potissimum in sequentibus punctis, 1. ut eos cautè examine, si opus fuerit 2. & charitative instruat. 3. dubia ipsorum solide resolvat, & 4.

oportuna consilia iisdem subministret. Item ut si adverterit necessarium, eos discretè corrigat, & salubria suggerat media, quibus ad veram peccatorum suorum detestationem inducantur, & ab ulteriore lapsu præserventur. 6. Præcipue magna cautela & prudentia opus est circa eos, qui videntur esse constituti in occasione proxima, vel qui larvata solum pœnitentia ducti, veniunt ad confessionem animo seducendi vel saltem aliquid obtinendi &c. prout ampliùs patebit ex resolutione Casuum, proximè addendorum.

Quæres sextò, an, vel quænam dentur Regulæ prudentiales, Confessario singulariter observandæ, & præ oculis habendæ?

417 R. Dantur utique, & quidem plurimæ, quas omnes libelli hujus angustia non caperent. Unde aliquas solum, quæ principaliores videntur, ego referam, quas solertissimus Gobat in sua *Theologia experimentalis tract. 7. numer. 322. & seqq.* partim ex aliis Doctoribus, partim etiam propria industria & ingenii sui acumine inventas tradit, & sunt sequentes.

I. Aliqua Confessione audita, præsertim in principio, Confessarius apud se consideret, num in realiqua deliquerit, ut postea caveat.

II. Semper intendat sive instruendo, admonendo, consulendo. &c. sive absolviendo, sive etiam pœnitentias injungendo, facere id, quod judicat magis expedire ad salutem pœnitentis, & DEI gloriam.

III. Caveat Confessarius faciliè aliquid pronunciare seu decidere esse mortale, quod certè non scit esse tale.

IV. In dubiis quoad restitutionem & similia onera partem benigniorem eligat.

V. Posterior Confessarius præsumere debet, priorem esse bene functum suo officio, utputa examinando, instruendo, &c. nisi clarè reprehendatur errasse.

VI. Primis præcipue annis hujus ministerii caveat Confessarius, ne illud obeat festinanter, sed potius cum mora & ma-

turitate judicii: se enim faciliùs comparabit sibi notitiam illius admirandæ economiæ, quam DEUS partim permittit, partim etiam operatur, exercetque in conscientis hominum.

VII. Sæpiùs recordetur, se esse Medicum animarum, non corporum, itemque directorem conscientiarum, non familiarum, vel rei domesticæ &c. unde similibus nunquam prorsus se immisceat, nisi ad conscientiarum directionem opus sit. Videatur Gobat l. cit.

§. II.

Proponuntur, & breviter resolvuntur Casus practici, in quibus prudentia Confessarii singulariter vigilare debet.

CASUS PRIMUS.

Titio Sacerdoti quidam parentes adduxerant puellam, quam à demone obsessam distabant; quam juvandi causa Titius persuadere nitebatur ad Confessionem deponendam. Verùm ad hunc nullatenus adduci potuit: quin potius in mirabiles gestus membrorum, clamores inconditos prorupit, tandemque post plurima & gravia scommata in Sacerdotem ignominiosè prolata, eundem pugnis percutere tentabat. Titio hæc res mira videbatur & suspecta: quare ut evidentiùs caperet experimentum de vera vel potius ficta obsessione puellæ, ejusdem capitulum profanam, carthæ scilicet solum, sub prætextu sacrarum reliquiarum imposuit; quo facto cum puella ampliùs & vehementius furere incepisset, Titius conclusit, eam esse impostricam, quæ falsa & mendosa fisione obsessionis sibi, aliisque illudere attentasset: quare jam non exorcismis sacris, sed baculo hunc demonem expellendum existimans, eandem gravissimis verberibus affectam, à se repulit. Quid jam judicii de hoc facto à an prudentie regulis conforme?

R. Priùs, quàm ad hunc casum directè respondeam, placuit adnotare aliquot quasi regulas, à Confessario prudenti circa hujusmodi personas observandas. Ecce certè cum hujusmodi hominibus quàm cau-

cautissimè incedere oportet, ne vel per nimiam credulitatem & confidentiam decepti, aliorum ludibrio exponamur, ne vel per nimiam dissidentiam miseros repellendo, opportunis destituamus remediis, sicque afflictis addamus afflictionem, non sine scandalo populi. Itaque Confessarius notet sequentia documenta.

418 I. Hominibus à dæmone obsessis succurrendum est non profanis, sed spiritualibus remediis, uti sunt conjurationes dæmonum & exorcismi ab Ecclesia in hunc finem præscripti. Quia verò sæpe sæpius prudenter dubitare licet, an hæc vel illa persona sit revera à dæmone obsessa, vel potius fingat se talem; hinc

II. Confessarius, ubi tempus & circumstantiæ permittunt, diligenter expiscetur vitam & mores illius personæ, quæ dicitur obsessa, id quod commodissimè fieri potest per illius parentes, aut alios familiares fide dignos.

III. Accuratè attendat modum agendi, inclinationes, phlegma, & passionēs talis personæ.

IV. Advertat studiosè, utrùm in illa non possit deprehendere unum vel alterum signum veræ obsessionis, cujusmodi (juxta mentem Candidi Prognoli & aliorum) sunt sequentia. 1. Si talis homo antea cognitus velut rudis & illiteratus, disputet subtiliter de arduis quæstionibus theologicis, vel philosophicis &c. 2. Vel si perfectè intelligat ea, quæ Confessarius latinè proponit; vel 3. ipse perfectè loquatur linguis peregrinis, quas antea nunquam audivit, vel didicit. 4. Si delirio, phrænesi, vel alio corporis dolore, tumore &c. affectus, vel etiam lumine oculorum privatus, alteriusvè sensus usui destitutus &c. illicò menti vel sanitati restituatur. quamprimum Exorcista in nome JESU præcipit dæmoni, ut desinat nocere, quintò: cum quis sciatur non tantùm per unum, alterumvè, sed per plures etiam dies nihil comedisset aut bibisset, & nihilominus fortis existat, atque pinguis. 6. Si homo de repente, sine ulla præcedenti causa velit sibi mortem inferre, ita, ut se saxis collidat, ignem mittat, pugnis aut alio instru-

Elbel Theol. P. II.

mento percutiat, nec tamen lædatur vel saltem læsus illicò sine alio remedio sanitati restituatur. 7. Si imaginativæ potentia inhonestissima quæque circa Christum, ejusque Sanctissimam Matrem, aliosvè Beatos repræsentent, eodemque tempore vel in phantasia quasi plumbum, aut ferrum candens residere, vel dolor hinc inde per corpus instar fornicarum discurrere videatur, atque ad signum crucis illicò auggiat, seu recedat. 8. Cum quis contra suam voluntatem radicato odio habet Sacramenta, Reliquias Sanctorum &c. Ubi tamen recèdè monet Kreslinger in suo supplemento theolog. mor. R. P. Resseusuel ad tr. 14. dist. 8. addit. 3. fin. cavendum semper esse, ne in simili interveniat simulata malitia, aut tentatio & suggestio diabolica illicò pro signo obsessionis reputetur.

V. Quodsi autem Confessarius deprehendat aliquod signum dubium & incertum de obsessione, excitata priùs in se firma fide ac fiducia in DEUM, præcipiat dæmoni in nomine JESU Christi, ut det aliquod signum certum suæ præsentia. Quando autem huic præcepto etiam repetitò nullus correspondet effectus, meritò Confessario ista res poterit esse suspecta, ait idem Doctor.

419 At verò, ubi certis, aut quasi certis indicis constat, hujusmodi hominem esse verè obsessum à diabolo, poterit Confessarius, excitata priùs tum in se, tum in ipso etiam poenitente firma fide atque fiducia in DEUM, & procurata conscientiarum puritate, procedere ad conjurationem dæmonis, utendo hac vel simili formula: *In Nomine Domini nostri JESU Christi Ego velut Minister Christi & S. Ecclesiae præcipio tibi demon, & vobis dæmonibus, si aliqui hic estis, ut illicò ab hac Creatura DEI fugatis, ne revertamini imposterum &c.* Hoc enim modo fieri poterit (si fraus non lateat, & adsint debitæ dispositiones) ut brevi negotio plures liberet, ait idem Kreslinger cit. addit. 6.

420 Qui tamen immediatè priùs addit. scilicet 5. fin. sapienter monet, ut nullus Sacerdos propredietur solemniter ad exorcizandum sine l. centia Ordinarii,

X 3 aut,

aut, si est Regularis exemptus, & intra locum exemptum exorcismos publice adhibere cogitet, absque legitima facultate Superioris: foret enim aliàs magnum periculum, ne effectu optato non secuto, apud præsentem præter se ipsum etiam Sacramentum exorcistatus exponeretur ludibrio, vel saltem minori æstimationi. His jam notatis

421 R. Ad Casum proximè præmissum. Si Titius facta prius adjuratione dæmonis juxta modum proximè præscriptum puellam nullatenus potuit adducere ad confessionem, sed hujus loco non, nisi convitia, immo & pugnos reportavit, meritò velut suspectam à se repulit; non enim videtur verosimile, quòd DEUS dæmoni tantam relinqueret potestatem, ut is Sacerdotem ritè ac sanctè suo munere fungentem valeat prosternere & quidem cum indigna etiam verberatione. Utrùm autem prudenter egerit, eandem gravissimè verberando, aliorum judicio relinquo: mihi saltem hic modus videtur minùs conformis mansuetudini Christi, quam quivis Sacerdos, & maximopere Confessarius præferre deberet. Esto etiam puella ad impositionem reliquiarum fœditiarum coeperit magis furere, ex hoc tamen universaliter, seu etiam infallibiliter non licuit inferre, quòd non fuerit verè obfessa; quia dæmon utpote astutissimus agnitis etiam reliquiis fœditis, posset nihilominus personam torquere ex eo fine, ut inexpertem decipiat Exorcistam, sicque ab eo exorcismis sacris nunquam ampliùs exspitatus, quiete permittatur in sua possessione. Cautè igitur, & cum multa circumspectione agendum est Confessario cum similibus, veluti ex dictis quisque prudentum faciliè colliget.

CASUS SECUNDUS.

SEmpronia post enarrata quasi innumera, eaque gravissima peccata præsertim contra primum, quintum, & sextum præceptum, tandem fassa est, se subscripsisse diabolo, eique sua addixisse servitia ad tempus 20. annorum, quod pro-

ximè expiraret; insuper conquesta est, se ab illo suo Domino dirissimè, & verè tyrannicè exagitari ad omne nefas, ita, ut diu nolluque nunquam haberet requiem, proptereaquè à Confessario nonnullas efflagitavit reliquias sacras, quibus se contra diabolicos insulsi muniret. Quid cum tali Persona egret Confessarius?

422 R. Suadet prudentia, etiam cum hujusmodi personis quàm cautissimè, procedendum esse; tum quia aliquæ solùm fingunt se esse tales, & in tam miserando statu, quatenus Confessarium flectant ad commiserationem, sicque ab eo aliquid impetrent; tum etiam quia si re ipsa diabolo subscripserunt, & tot, ac tanta scelera commiserunt, rarissimè redeunt ad Confessionem cum vero dolore & animo tè reconciliandi, sed potiùs seducendi Confessarium, aut saltem inducendi in tentationes, vel certè Sacramenta injuriandi, iisdemque abutendi; id quod tunc vel maximè suspicari licet, quando non ostendunt veram displicentiam suorum peccatorum, ita, ut quoties Confessarius satagit eos disponere ad veram contritionem, ipsi vicissim graviora semper ac fœdiora peccata reponant, nil volentes audire de dolore. 2. Quando peccata sua, præsertim contra sextum præceptum, tam fœdè, physicè, ac luxuriosè, sinè fronte & sine omni verecundia explicant, ut vel audire solùm horrendum sit, neque ad integritatem Confessionis necessarium. 3. Quando consiliis aliorum Confessariorum hætenus non acquieverunt, sed dæmoni potiùs &c. Hæc atque his similia ubi in tali poenitente deprehenderis, mi bone Confessarie, noli frustra vexari: oleum quippe & operam perdes, in cassum lavando Æthyopem: insuper te ipsum expones evidenti periculo incidendi laqueos diaboli, aut certè gravissimarum tentationum, prout multi Confessarii suo damno docti & experti sunt. Dimittere proin oportet hujusmodi non veraces, sed fœditos poenitentes, injecta prius una vel altera Sacræ Scripturæ sententia fulminatrice in peccatores obstinatos.

Econ-

423 Econtra tamen, quando Confessarius pensatis omnibus pensandis prudenter existimat, huiusmodi personam ad se recurriffe cum vero animo se reconciliandi DEO, & excutiendi iugum diabolicum (quod quidem extra articulum aut periculum mortis meo iudicio rarissime contingit) charitas utique Christiana (proprio Pastori etiam iustitia) suadebit, ut eidem omni possibili medio ac modo succurrat, & afflictam conetur eripere è faucibus Inferni; quod quidem difficillimum: fatentur omnes experti; quia tamen non impossibile, hinc Confessarius, (examinata prius persona de modo & qualitate superstitionum, præsertim utrùm ex animo fidei christianæ renuntiavit, diabolum adoravit? &c. & utrùm pœnam ab Ecclesia latam non ignoraverit? &c.) conetur adhibere omnem operam circa sequentia. 1. Ut talis persona agnoscere incipiat hostis insensissimi mendacia, fraudes, & falsa promissa. 2. Ut abjurato diabolo fidem, ac spem in DEUM concipiat, quippe qui peccatores omnes ultrò invitavit, & ad se reverti volentes recipit, immò amplectitur: eximenda enim est persuasio, multis valde impressa, quod propter pactum cum dæmone initum, ab eo ampliùs liberari non valeant. 3. Ut frequenter orent, præsertim litanias Sanctorum, & alias collectas; quæ, vel si ab ipso pœnitente, vel alio præsertim Sacerdote coram ipso, spiritu fidei fervente recitentur, maximam vim habent ad diabolum repellendum. 4. Etiam frequenter utatur signo crucis; sacrarum imaginum, & S. reliquiarum, item aqua benedicta, agnis DEI, & similibus. 5. Persuadeat eidem, ut sæpiùs confessionem deponat, præsertim apud eundem Confessarium. 6. Ut faciat frequenter professionem Catholicæ fidei, & recitet devotè symbolum Apostolorum. 7. Advertat singulariter, an persona incurrit excommunicationem, vel alios casus reservatos, ideoque eam valeat absolvere vel non? Et si hoc non valeat, eam vel remittat ad alium tali potestate gaudentem, vel sibi provideat de eadem potestate.

Videantur de hac materia Bartholomæus Spineus de *frigibus*, quæst. 32. Lessius lib. 2. cap. 44. numer. 5. Delrius lib. 6. *disquisit. mag. sect. 3. §. quoad interrogatoria*. Layman. *theol. mor. lib. 3. tract. 6. cap. 5. §. un. ubi à num. 19.* per extensum docet, quomodo, & quanta cum cautela cum sagis, à Iudice jam captis, vel etiam condemnatis ad mortem sit procedendum.

Dices. At quid si talis persona post factam abrenuntiationem diaboli denuo relabatur, & relapsa sæpiùs redeat ad eundem Confessarium, num deserenda erit velut incorrigibilis?

424 Esto etiam pluries relapsa revertatur, non tamen ob id statim velut incorrigibilis est abicienda, modò revertatur verè contra ita, cum firmo proposito deinceps abstinendi &c. Hæc tamen dispositio colligenda erit ex circumstantiis personæ, conditione sexus, gravitate tentationum, & occasionum labendi &c. Certum quippe est, huiusmodi personas à maligno hoste cæteris graviùs tentari, & nedum minis, sed etiam falsis pollicitationibus atque illicitis vehementiùs infestari, diabolo sæpe sæpiùs etiam inhumana specie eis apparente; quorum misererrimæ conditioni utique compatiendum est, & si pœnitentes revertantur, potiùs compassivo affectu tractandi, & in spem divinæ misericordiæ, in hunc finem particulari devotione exorandæ sunt erigendi, quàm severiori animadversione repellendi, juxta illud piissimi Afcetæ de *imitat. Christi*, lib. 1. cap. 13. cum tentato nollet duriter agere, sed consolationem ingerere sicut tibi optares fieri. Secus dicendum foret, quando nulla ampliùs spes probabilis alicujus emendationis apparet, vel quia media à Confessario præscripta nolunt amplecti, vel quia sponte reverti solent velut canes ad vomitum, vel denique quia ipsimet jam omnem abjecerunt spem evadendi laqueos diaboli &c. tunc enim meritò ipsis impropere licet illud Jerem. 39. v. 19. curavimus Babilonem, & non est sanata; derelinquamus eam. Cumque similibus procedendum est eodem prorsus modo, quo superiùs jam conferent. 4. n. 107. procedendum diximus.

X. 4. cum.

cum aliis in occasione proxima constitutis; quæ si placet, revide.

CASUS TERTIUS.

Cajo Religioso Confessario occurrit (quasorte nescio) persona, de qua murmur multum exstat in populo; aliis dicentibus, quia bona est, immò sancta; aliis, quia pessima, & Saga. Bona quidem videretur præsumenda; tum 1. quia multo tempore solet vacare orationibus, 2. communicat quasi omni die, 3. subinde abstinet ab omni cibo, tribus aut quatuor diebus, 4. tum quia asserit se non paucas animas è purgantibus flammis liberasse, in cujus testimonium exhibet strophiolem semitusta, palmas ac digitos manuum representantia, quæ ab animabus illis opem à se efflagitantibus stigmatizata refert. Econtrario non desunt motiva, sanctitatem hujus persone dubiam & suspectam reddentia; cò præsertim, quòd multis inordinatis passionibus, utpote iracundia, invidia, garrulitatis famine noscatur subiecta. Queritur jam, quid Cajo Religioso agendum?

425. Resp. Etiam cum talibus Cajo (in quo cuivis Confessario) quàm cautissimè est procedendum, ne per nimiam & indiscretam credulitatem condescendendo & connivendo, se, suamque S. Religionem prostituat, prout incautus jam sæpiùs contigisse novimus. Certè non adeò multis abhinc annis persona aliqua mox relata sanctitatis indicia cuncta præferebat: vacabat orationibus; sed ne aliis appareret devota: sæpiùs communicabat; verùm hostiis consecratis ori sacrilego denuocreptis, nefandas ac superstitiones abutebatur: abstinebat coram aliis ab omni cibo; ac in occulto sese reficiebat: strophioles, quas ipsa ferrea & ignita manu stigmatizaverat, probare nitebatur, se pluribus animabus purgantibus tulisse opem &c. Tandem verò re meliùs examinata, inventa est Saga, propterea quòd vltro combustio enecata, non sine permagna confusione plurium, qui priùs fictitiam hanc sanctitatem super astra extollere gestiebant. Itaque si Cajo noscatur certò esse subiecta præfatis passionibus inordinatis, prout fert

casus, meritò ipsius sanctitatem licet revocare in dubium, ac proinde Confessario attendendum, ne falsis elusionibus decipiatur; quem in finem juvabit spiritum talis personæ probare; & ad sequentes regulas, quæ juxta Ascetas & SS. Patres ac DD. probati Spiritus index sunt, velut ad lapidem lydiùm tentare.

426 Primum igitur veri & probati Spiritus indicium est vera ac solida humilitas, non oris duntaxat, sed cordis potius atque operis, vi cuius homo sese vilem reputat, & indignum supernaturalibus & extraordinariis hujuscemodi donis; quo fit, ut talia dona, visiones & gratias pro viribus coram aliis abscondere nitantur, neque plus manifestare solent, quàm pro gloria Dei & animarum salute sit necessarium. Secundum indicium est charitas tum Dei, tum proximi etiam, vi cuius homo verè Sanctus solius Dei gloriam in cunctis querit & desiderat, proximumque suum ad virtutum exercitium & omnimodam sanctitatem non verbis solum, sed etiam operibus excitare nititur. Tertium est obedientia prompta & exactissima qua veraciter sancti moventur ad exequenda incunctanter omnia Superiorum, vel Directorum spiritualium mandata, & quidem ad amissim, nec propriam nituntur explere voluntatem multò minus proprio judicio pertinaciter inhærent. Quartum est quædam solidissima mentis tranquillitas, vi cuius in prosperis æquè ac in adversis semper iidem manent, nec norunt aliis inordinatè indignari multò minus irasci, aut invidere quodcumque demum bonum. Quintum est patientia in quibuscvis adversitatibus tum animæ, tum corporis etiam. Sextum amor solitudinis, & silentium tam in-quàm externum. Septimum est quidam Zelus indefessus, & studium magis semper ac magis proficendi, atque per omnia, & in omnibus Deo placendi.

Plura hujuscemodi veræ ac solidæ sanctitatis indicia in Ascetis passim inveniet prudens & solers Confessarius, juxta quorum normam tum in proprio, tum etiam in pœnitentium Spiritu discernendo, sese regulare poterit, immò distante

pru-

prudencia debet. Videatur P. Kresling-
ger in appendice 2. ad tract. 14. diff. 8.
theol. mor. P. Reinssuel, ubi non mi-
nus eruditè, quàm solidè docet, quomo-
do à Confessario prudenter tractandi sint
illi, qui in confessionali proponunt, se
habere extases apparitiones, ac revelatio-
nes divinas.

§. III.

Corollaria ex dictis inferenda.

427 **C**olliges ex dictis primò, nec om-
nem penitentium spiritum esse
mox reprobandum, neque omnem appro-
bandum; hinc enim Christus ipse *Matth.*
7. nos adhortatur, ut nobis attendamus à
falsis prophetis, qui veniunt ad nos in
vestimentis ovium, intrinsecus autem sunt
lupi rapaces; mox subiungens: à fructi-
bus eorum cognoscetis eos. Itaque pru-
dentia & charitate ordinata distantibus,
tam in administratione hujus Sacramenti,
quàm etiam in modo converfandi cum
penitentibus, vel in consiliandis, opor-
tet semper habere primum oculum ad ma-
jorem Dei honorem & gloriam, & 2. ad
salutem propriam, & 3. ad salutem pro-
ximi.

428 Colliges secundò, Confessario pru-
denti vel maximè attendendum esse ad
conditionem & statum penitentium; ali-
ter quippe examinando, instruendo, ad-
monendo &c. tractandi sunt rudes, aliter
doctiores; alia pariter remedia præscri-
benda sunt hominibus sceleratis, & in vi-
tiis quasi enutritis, alia verò penitentibus
bonæ indolis; ferè, quemadmodum recta
ratione & prudentia distantibus, à bonis
& peritis Medicis alia medicamenta
applicantur, ubi status morbi jamjam in-
valuit, & matura est debilitata, alia
verò ubi morbus advertitur primùm esse
in procinctu, & natura adhuc robusta
&c. Quare S. Chrysostomus *homil.* 30.
rectè ait: *imitandi sunt* (Confessarii)
*boni medici, qui non uno curationis mo-
do utuntur, sed cum viderint, primis re-
mediis non esse depressum morbum, alia at-
que alia rursus excogitant. Quem in finem
consuli potest la. Croix lib. 6. part. 2. num.*

1794. & seqq. ubi per extensum docet
quidnam observare debeat Confessarius
Puerorum; quid Confessarius Adolescentium;
quid Rusticorum, & aliorum diversis-
simorum statuum. Vide etiam dicta su-
perius *conf.* 2. nu. 39. & 47.

429 Colliges tertio penitentes bonæ
mentis, & salutis suæ admodum cupidos
ac studiosos, qui scilicet parati sunt ad
amplectenda tutiora, dirigendos esse ad
amissim sententiarum rigidiorum: è con-
tra mitiores opiiones, modò adhuc ve-
rè probabiles sint, sunt amplectendæ,
quando penitens advertit esse vel scrup-
ulosus, vel pluribus sceleribus, animæ
periculis, aliisvè obligationibus v. g. re-
stituendæ obnoxius, ita ut sapienter credi
possit, eum non præstaturum, quæ secun-
dum rigidiorum DD. opinionem essent
præstanda. Ratio horum est: quia Sa-
cramentum penitentiae principaliter institu-
tum est in salutem penitentium: ergo ubi
Confessarius advertit ad salutem hujus
magis profuturum, si dirigat juxta opi-
nionem minùs rigidam, prudenter omni-
no ager ita dirigendo *Coninck de Sacram.*
tom. Disp. 10. num. 71. Bonacin. de penit.
Disp. 5. sect. 3. part. 2.

430 Colliges quartò, nedum perutile,
sed propè necessarium esse, ut Confessa-
rius volens utiliter & fructuose suo officio
fungi, sit non unius duntaxat sententiæ
Doctor, qui videlicet illam solummodo
norit opinionem, quam forsitan in Scho-
la à suo Professore aliquando didicit, sed
etiam sciat plures opiniones inter Docto-
res controversas, & quænam inter eas ri-
gidior, quænam laxior, quænam item
plus, minusvè probabilitatis possideat.
Hoc Corollarium sequitur clarè ex proxime
dictis: si enim Confessarius non sciat
plures opiniones contrarias, quomodo suos
penitentes secundum diversas opiniones,
magis scilicet vel minùs laxas juxta eorum
exigentiam diriget? Vid. Lessius in *pra-
fat. sui operis de Jur. & Just.* Vel Gobat
*tract. 7. nu. 325. qui eodem tr. nu. 23. re-
ctè ait, admodum imperfectè, vel etiam
malè & culpabiliter suo fungi officio illos Con-
fessarios, qui vix unquam faciunt vel expli-
citè vel implicitè hanc reflexionem: quo pa-
tè curabo hunc penitentem? quod aut qua-
nam.*

nam remedia erunt huic animæ magis proficua?

431 Colliges tandem quintò, hanc practicam prudentiam quærendam, & hauriendam esse sequentibus ex fontibus. 1. ex Unctione S. Spiritus, quam servantibus precibus exposcere necessum est. 2. ex reflexione super auditis confessionibus, & diligenti inquisitione dubiorum inde conceptorum. 3. ex colloquiis, repetitionibus seu etiam discursibus cum peritis hujus ministerii. 4. ex lectione non perfunctoria Authorum, qui breviter atque practicè tractant de hoc ministerio, quales sunt Polancus, Fornarius, Loartes, Reginoldus lib. 2. *fori pœnit.* Item in *peculiari libello, quem scripsit de prudentia Confessariorum*. Ludovicus de ponte tom. 4. *de perfect. christiana tract.* 5. alique plures etiam Moralistæ; quos inter haud postremum locum sibi vendicat noster P. Sporer utpote maxime practicus.

CONFERENTIA

DECIMASEPTIMA.

De Modo examinandi penitentem, & de defectibus emendandis, in Confessionali fortè commissis.

SUMMARIUM.

- 432 Confessarius subinde tenetur examinare penitentem;
433 Idque regulariter loquendo statim, quando advertit defectum.
434 Examen tamen prudens & discretum fit, oportet.
435 Subinde dissimulatis interrogationibus prudenti præsumptioni potest dari locus.
436 Errorer alii contingunt circa essentialia, alii verò circa accidentalia, seu extra essentialia tantum.
437 Quid Confessario agendum, quando

erravit circa essentialia cum invaliditate Sacramenti?

- 438 Et quid, si stante valore solum erravit accidentaliter, sine damno tertii.
439 Quid, si errando culpabiliter existit causa positiva alicujus damni tertio secuti?
440 Quid denique agendum incumbat Confessario, ubi negativè solum damnisavit tertium v. gr. non monendo penitentem de obligatione satisfaciendi &c..
441 Resolvitur Casus I de Confessario, examinante juvenem de pollutione &c..
442 Qui propterea minus cautè quàm oportuisset, videtur processisse.
443 Et quomodo interrogandi juvenes, se accusantes de tactibus impudicis, deliberatè quidem, sed ex curiositate tantum facti?
444 Resolvitur Casus II. Confessarii, qui ex errore resolvit matrimonium valere, non obstante copula carnali perfecta, habita cum consanguineo sponso in secundo gradu.
445 Quanam observanda, ut Confessarius hunc errorem prudenter corrigat?
446 Et quid agendum, si Confessarius non agnoscat talem personam, vel agnitam non possit convenire aut monere.
447 Resolvitur Casus III. alterius Confessarii, qui erroneè jussit pecuniam furtivè ablatam expendi ad piam causam superflite aabuc herede defuncti.
448 Quomodo talis error practicè sit emendandus.
449 Onus examinandi primariò incumbit ipsi penitenti, Confessario verò secundiò duntaxat.
450 Quocirca Confessarius potest dupliciter errare, scilicet 1. vel per excessum, vel 2. per defectum.
451 Circa modum examinandi penitentes nequit tradi una regula universalis.
452 Semper tamen terminis honestis utendum est, præsertim cum personis honestis & innocentibus.

453 Et

- 433 Et 434 *Quid agendum, ubi Confessarius scit pœnitentem commississe aliquod crimen, quod tamen ipse non exprimit.*
 435 *Erroris à Confessario commissi, quamprimum emendandi sunt, saltem per se loquendo.*
 436 *Ab onere correctionis excusat moralis impossibilitas.*

§ I.

Præmittuntur, & breviter resolvuntur Quæsitæ, scitu necessaria ad resolvendos Casus de modo examinandi pœnitentem, & errores emendandi.

QUÆRES PRIMÒ utrum Confessarius teneatur aliquando examinare pœnitentem?

432 R. Tenetur sine dubio, idque vel maxime tunc, quando advertit pœnitentem ex ignorantia vel oblivione non satis expressisse numerum aut species vel circumstantias peccatorum, vel non adhibuisse diligentiam debitam in examinando propriam conscientiam &c. Ita communissima DD. Herincx de pœnit. disp. 5. num. 55. Et habetur clarè decisum cap. omnis utriusque sexus. de pœnit. & remiss. Ubi dicitur: si pœnitens numerum, & species, & circumstantias peccatorum explicatu necessarias non expresserit, eum Sacerdos prudenter interroget: Ratio autem hujus constitutionis fuit hæc: quia Confessarius tenetur procurare integritatem hujus Sacramenti quantum moraliter potest, idque tum propter reverentiam hujus Sacramenti, tum etiam propter salutem ipsius pœnitentis: ergo pariter tenetur prudenter interrogare, quando pœnitens deficit &c. Et quoniam doctiores, utputa Theologiæ præsertim moralis studiosi, Clerici item ac Religiosi, regulariter sese satis explicant; hinc nunquam sunt examinandi aut interrogandi, nisi ex circumstantiis manifestè appareat contrarium, quodd scilicet numerum & speciem non satis expresserint, prout subinde nonnulli faciunt, qui nomen quidem doctorum præferunt, rem verò minimè.

Similiter personæ, etsi non doctæ, nihilominus in rebus salutem animæ concernentibus satis versatæ, uti regulariter esse solent civitates, non sunt multis quæstionibus exagitantæ, sed potius præsumendum, quod sint dispositæ; secus enim non accederent ad hoc Sacramentum. Nihilominus rudiores, quales regulariter esse solent rustici ac plebei (nisi constet ex modo confitendi eos esse satis instructos) communiter debent examinari & adjuvari circa expressionem suorum peccatorum; quandoquidem ordinariè loquendo soleant imperfecto duntaxat modo sua peccata exprimere quantum ad numerum & species.

QUÆRES SECUNDÒ, quando sint interrogationes faciendæ?

433 Resp. Cum Lugone Disp. 22. Sect. 2. num. 15. & aliis, communiter & ordinariè (præsertim in confessionibus & scripto factis vel longioribus, ubi Confessarius meritò timere potest, ne differendo interrogationes forsan plurium obliviscatur, vel certè pœnitentem non sine magna molestia cogat repetere longam confessionem) satius esse, ut Confessarius suaviter eum interpellando, successe ubi opus est, adjuvare studeat, & ejusmodi necessarias interrogationes quoad numerum, speciem, & circumstantias speciem mutantes, immediatè singulis peccatis substituat. Et hoc eò magis: quia frequenter ipsemet pœnitens post longius intervallum non statim de singulis peccatis confessus se potest reflectere; vel saltem de novo confunditur, si jubeatur eadem peccata repetere atque enumerare singulatim. Videantur dicta Superiùs conf. 10. n. 258.

QUÆRES TERTIÒ, quomodo interrogationes sint formandæ à Confessario?

434 Resp. Prudenter ac discretè; ita enim præscribit Innocent. III. cap. omnis utriusque sexus &c. Itaque 1. examen non debet esse curiosum, nec interrogari ea, quæ non concernunt numerum substantialem, peccatorum species, vel circumstantias speciem mutantes, aut saltem notabiliter aggravantes. 2. Debet esse ordinatum, & accommodatum statui atque conditioni pœnitentis, ita scilicet,

ut

ut is examinetur 1. per præcepta decalogi, 2. per præcepta Ecclesiæ, & 3. per septem peccata capitalia &c. & quidem quoad eas solùm species, quas incidisse prudenter credi potest, vel suspicari licet. 3. Non debet examen esse nimis molestum, nec nimis scrupulosè indagandum est in quaslibet species & numerum peccatorum, tum præsertim, quando poenitens multis peccatis est obnoxius, vel à longo tempore non fuit confessus &c. modò Confessarius statim ipsius habeat satis perspectum. Quartò, denique examen circumspèctum debet esse, & verecundum, præsertim circa materiam lubricam, ne Confessarius semetipsum exponat periculo, vel saltem poenitentem, & is inde addiscat, quod meliùs ignorasset, de quo mox infra pluribus.

Quæres quartò, utrùm Confessarius aliquando (dissimulatis interrogationibus) solis præsumptionibus innixus licet, procedat ad dandam absolutionem?

435 R. Potest subinde prudenti præsumptioni locus dari. Ratio est: quia si Confessarius omnia & singula tam exactè & ad amussim teneretur examinare, Sacramentum redderetur nimis odiosum tam poenitenti, quàm etiam Confessario: non est autem verosimile, quòd Christus cum tanto rigore voluerit hoc Sacramentum instituire. Atque hinc quando mulier faceretur fornicationem, juxta Sanchez & alios prudenter præsumitur seducta, & non seduxisse; etenim ex communiter contingentibus fit prudens præsumptio. Ob eandem rationem studiosus academicus confessus fornicationem, prudenter præsumitur non esse illigatus aut matrimonio, aut voto castitatis, nisi occurrat peculiaris causa de hoc dubitandi & consequenter interrogandi. Similiter quando poenitens abhorrens à mortalibus confitetur, se turpi cogitationi, habenti turpem motum, negligenter restitisse bis aut ter, prudenter præsumitur, hanc negligentiam non fuisse mortalem; quemadmodum è contrario, quando poenitens certò agnoscitur esse valde lubricus homo, & de tali negligentia se accusat, prudenter præsumeretur eam negligentiam fuisse morta-

liter peccaminosam, sine ulteriori scrupuloso examine, an illa negligentia habuerit adjunctam complacentiam in ea voluptate; uti advertit Gobat *tract. 7. num. 338. fn.*

Quæres quintò, an, vel quando Confessarius teneatur corrigere errores in confessionali fortè commissos?

436 Ante responsionem advertendum est, errores posse committi vel 1. circa substantiam seu ipsa essentialia ad hoc Sacramentum requisita, ideoque cum invaliditate & nullitate ipsius, ut si Sacerdos obliviscatur formulæ absolutionis, aut eam substantialiter mutet, vel si careat potestate jurisdictionis in poenitentem &c. Vel 2. potest error committi præcisè circa accidentalialia seu non essentialia, v.g. circa integritatem materialem; utputa si Confessarius non interrogavit, vel non intellexit numerum, aut species peccatorum, vel quando non monuit, aut non debite, instruxit poenitentem ubi debuisset, vel vicissim; quando eum omnino sinistrè docuit v.g. declarando matrimonium esse validum quod revera propter impedimentum dirimens non subsistit; vel quando dixit aliquid esse licitum, quod revera sine peccato fieri nequit, vel vicissim &c. Quocirca specialiter notandum, hujusmodi errores fieri posse cum, vel sine præjudicio & damno poenitentis, aut alterius tertii; item fieri possuat bona, aut mala fide. Hoc notato

437 R. primò. Quando error contigit cum invaliditate Sacramenti, & quidem cum gravi culpa vel ignorantia culpabili & vincibili, tenetur Confessarius etiam cum gravi suo incomodo illum corrigere, & (petita priùs licentia loquendi aliquid concernens præteritam confessionem & animæ salutem) poenitentem desuper admonere. Ratio est: quia Confessarius hic supponitur sua culpa graviter damnificasse poenitentem, eundem fraudando gratia Sacramentali, & non sine periculo animæ in statu disgratiæ relinquendo: ergo sibi imputare debet, quòd cum gravi suo incommodo, vel etiam confusione hoc onus correctionis subire cogatur. Econtra quando talis error

ror contingit inculpabiliter, utputa ex invincibili ignorantia, vel naturali oblivione, aut distractione, tunc non adstringitur Confessarius ad illius emendationem cum suo gravi incommodo (quale juxta multos censetur illa confusio & infamia in Confessarium inde redundans) Excipiendum tamen est: nisi poenitens propterea esset expositus periculo aeternae damnationis, utputa si constitutus in statu disprae, simul versaretur in articulo vel periculo mortis, in quo nunquam amplius percipiet absolutionem, vel aliud Sacramentum; in hoc quippe casu Confessarius salutem aeternam poenitentis teneretur praeferre proprio honori, sae, vel alteri etiam incommodo temporali, licet gravi, prout jam supra *Confer. 2. num. 34.* dictum fuit, & cum *communis* aliorum docet Bubenstuber *tr. 8. pag. 6. dist. 6. art. 6. num. 14.*

438 R. secundò. Quando stante valore Sacramenti error contingit duntaxat circa accidentalia (sine omni alio damno tertii) tunc non tenetur Confessarius ad corrigendum hunc errorem cum suo gravi incommodo vel prostitutione. Ratio est: quia poenitens nihilominus saltem indirectè fuit absolutus à suis peccatis, hoc ipso, quod error supponatur fuisse duntaxat accidentalis. Tenebitur tamen ad agendam poenitentiam si culpabiliter erravit; Uti Lugo, Aversa, Sporer de *poenit. num. 803.* la Croix *cit. num. 1779.* Tambur. & alii communiter docent.

439 Dixi tamen per parenthesin; *sine omni damno tertii* &c. Etenim quando talis error contingit cum praedictio alterius, tunc potissimum attendendum est, an Confessarius culpabiliter vel inculpabiliter erraverit? item an hujus damni existiterit causa positiva, veluti contingit, quando positivè insitit v. g. dicendo, poenitentem non teneri ad restitutionem, ubi is tamen verè teneretur: an verò solum existiterit causa negativa damni, veluti contingit, quando non monet poenitentem, vel illum non obligat ad satisfaciendum parti laesae, ubi revera teneretur satisfacere vel re-

stituere. Itaque dicendum, quod Confessarius, qui positivè & culpabiliter insitit in damnum tertii, teneatur cum suo etiam non exiguo incommodo errorem corrigere, & quidem ex iustitia, ita, ut in defectum poenitentis ipso maneant obligatus ad reparandum hujusmodi damnum. Ratio est: quia omnis positivè & culpabiliter alium damnificans peccat contra iustitiam, & ipso facto contrahit obligationem compensandi damnum illatum: at supponitur Confessarius culpabiliter positivè & graviter damnificasse: ergo tenetur damnum reparare. Secus dicendum foret, ubi error contingeret solum inculpabiliter, tunc enim (esto adhuc probabiliter ex iustitia, & cum aliquali suo incommodo) non teneretur cum tam gravi incommodo errorem corrigere, ac si mala fide errasset.

440 Econtra quando Confessarius non insitit positivè in damnum tertii, sed negativè duntaxat, idque ex inculpabili errore, ignorantia, vel oblivione &c. non tenetur errorem corrigere cum gravi suo incommodo vel erubescencia, multò minùs ipse restituere aut damnum compensare, quippe cujus causa positiva non existit: licet secundum multorum opinionem ex iustitia, aut certè ex charitate cum suo incommodo non levi teneatur errorem corrigere meliori modo, quo potest, v. gr. saltem admonendo poenitentem suae obligationis contractae &c. quando culpabiliter erravit & causa negativa damni existit. Bubenstuber ubi supra. La Croix *num. 1781.* Sporer *cit. numer. 805.* Kreslinger *additione secunda ad dist. 8. P. Reinkesteufel post numer. 26.*

§. II.

Proponuntur, & breviter resolvuntur.
Casus. practici de modo examinandi, & errores commissos corrigendi.

CASUS PRIMUS.

TITius Juvenis conscientiam suam exonerando accusabat se in hunc modum: *allis turpia cognomina imposui: in Ecclesia garrivi: sacrum neglexi: distractus etiam fui sub precibus, meisque Parentibus & Præceptorum non semper obtemperavi: in Ecclesia aliquoties circumspexi, & me ipsum tetigi: aliis nihil. Audita hac enarratione peccatorum. Confessarius quæsit ex ipso, utrum ad hujusmodi tactus fuerit etiam subsecuta pollutio? An bene? Quid factum opus in tali casu?*

441. R. 1. Interrogatoris opus esse in hoc casu, nemo non videt, at, cautè formandis, uti mox patebit. Et in primis quidem interrogandus erat Titius, utrum sacrum neglexit in die feriali tantum, an verò in die festivo? Et si hoc culpabiliter, tenebatur etiam fateri numerum, an scilicet semel tantum, an verò sæpius id contigerit. Reliqua allata non videntur excedere culpam venialem, aut certè piacèdè loquendo communiter fieri solent ab hujusmodi juvenibus sine gravi peccato; quam ob rem non erat opus illorum numerum ac species scrupulosius indagare. Illud ultimum tamen, quod scilicet se ipsum tetigerit non caret difficultate. Cum enim potuerit peccare mortaliter, hinc necessariò indaganda erit veritas: & quia simul ex modo accusandus videtur adhuc innocens juvenis, hinc pariter timendum ne ex interrogatorio, minus cautè formati sumeret ansam aliquid tentandi, quod hætenus nunquam tentavit. Atque idèd.

442. R. secundò. Confessarius non bene fecit illicdè formando hanc quæstionem, *utrum scilicet ex tactibus fuerit subsecuta pollutio?* Quid si enim talis juvenis, re vera adhuc innocens ignoret & rem & nomen

pollutionis, nunquid audiens à Confessario, ex tactibus natam esse sequi pollutionem, mox sumet occasionem vel à Confessario ipso, vel ab aliis indagandi, quid sit pollutio? aut quo modo nata sequi? aut certè hanc rem experiri volens tentabit: expertus autem quot, putas, committet peccata? Utinam hoc non sæpius jam, quàm par est contigisset, & quidem cum summo animarum detrimento. Cautè igitur mi Confessariè! immò quàm cautissimè procedendum est in modo interrogandi cum iis, qui adhuc sunt, aut saltem videntur innocentes; quod, ut debite fiat, interrogatoria ita formes oportet, ut penitens semper cogatur se ipsum explicare, & edicere ea, quæ jam novit, non autem ex modo interrogandi discat aliquid, in hac materia quod hætenus sanctè ignoravit: & deinceps melius ignoraret. Melius itaque scificet Confessarius in nostro hoc casu, si interrogasset Titium juvenem, quare, vel ex quo sine se ipsum tetigerit? tunc enim procul dubio ex responsione penitentis facile potuisset colligere, an is peccaverit graviter; vel non. Cæterum quod hic de modo examinandi juvenes diximus, id ipsum de modo examinandi puellas intelligas velim.

Dices. At quid, si talis juvenis respondet, se hujusmodi tactus deliberatè quidem, sed ex curiositate tantum exercuisse?

443. R. Ergo interroga, utrum non simul habuerit malas seu etiam lascivas cogitationes? si hoc neget, tu fidem adhibe. Simul tamen dehortare ab hujusmodi mala curiositate, ne fortè majora peccata incidendo, gravius animæ damnum inde incurrat. Si autem fateatur, se simul habuisse cogitationes lascivas, ulterius insta, querendo, an etiam desideraverit aliquid mali perpetrare? Et si hoc: præter numerum, quoties scilicet id contigerit? etiam tenebitur fateri speciem & circumstantias objecti concupiti, an scilicet concupiverit personam solutam, vel ligatam &c. Item interroga, an præter solas illas cogitationes & desideria nihil aliud opere ipso perpetraverit aut deliquit? Quo facto haud difficile erit

ex.

ex responsionibus poenitentis colligere, species & numerum peccatorum.

CASUS SECUNDUS.

Sempronia petit à Confessario utrum valide possit nubere suo socruso. Causam dubitandi allegabat sequentem: quod scilicet jam sæpius peccaverit carnaliter cum consanguineo sponsi in secundo gradu, etsi inde nunquam evaserit gravis; cui Confessarius respondit, posse nubere; tum quia crediderat copulam non esse perfectam, nisi mulier concipiat ita ut evadat pregnant; tum etiam quia putaverat impedimentum affinitatis non se extendere ultra primum gradum, sed paulo post non nihil anxius & dubius de veritate hujus resolutionis inquisivit in auctoribus, moxque deprehendit, se errasse, quare jam dubitat, quid sibi agendum.

444 R. Si Sempronia habuit copulam perfectam (pro qua in foro externo stat præsumptio, & in interno pariter præsumendum est, nisi de opposito constet, ut puta quia data opera impedire conceptionem &c.) Confessarius utique erravit, & quidem errore valde crasso accusabili. Ideirco ex hac suppositione (copulæ scilicet perfectæ) tenetur omni modo moraliter possibili corrigere hunc errorem.

At quo modo hunc emendabit?

445 R. Ante omnia advertat, sitne matrimonium jam contractum, aut certe proximè contrahendum, vel non? si jam est contractum, vel contrahendum proximè, relinquat sponso in bona fide, & interea laboret quantocyùs vel Romæ, vel ab Episcopo procurare dispensationem: qua obtenta petat à Sempronia licentiam aliquid loquendi cum ipsa ratione præteritæ confessionis &c. Hac rursus impetrata eidem intimet nullitatem matrimonii, simulque dispensationem jam adnotentam, moxque conetur eam inducere ad revalidandum matrimonium eo modo, quem dedimus parte tertia de Matrim. Confer. 14. num. 349. Nec enim oportet aut consultum est, ut ante ob-

tentam dispensationem de nullitate matrimonii admoneantur; quia versantur in evidentissimo periculo peccandi formaliter, & certò certius non expectata dispensatione peccabunt formaliter, qui in bona fide relictæ interim utendo matrimonio putatio solum peccassent materialiter. Attamen si matrimonium nondum sit contractum, neque proximè contrahendum, Confessarius tenebitur candidè fateri, se rem aliter invenisse indagando in auctoribus, ideòque matrimonium fore nullum, nisi priùs obtinuerint dispensationem.

Quod si neque hoc possit facere, moveat saltem & suadeat Semproniæ, quatenus hæc circa dubium conscientie nuper sibi propositum velit consulere alium Confessarium, virum doctum; à quo procul dubio mox edocebitur de contracto impedimento, & nullitate matrimonii inde consecutura; vel etiam juvabitur consiliis, aut impetratione necessariæ dispensationis. Videatur Layman theol. mor. l. 5. tract. 6. cap. 13. n. 6. & 7.

Dices adhuc. Sed quid, si Confessarius supponatur non nosse Semproniam, aut certè ignoret ubi moretur, vel ob aliam causam v. g. ob periculum infamie, suspicionum, aut læsionis sigilli Sacramentalis &c. nequeat eidem intimare nullitatem?

446 R. Hoc supposito rem totam commendet Deo, eundem instanter rogando, quatenus velut bonus pastor errantem oviculam velit dirigere ad alium, à quo juvetur, sicque peccata etiam materialia impendantur. Merito tamen de suo hoc tam crasso & culpabili errore aget poenitentiam, &, ne deinceps simile quid contingat, sataget diligentiori lectione moralium sese perficere, & deinceps cautius resolvendo procedere in simili casu.

CASUS TERTIUS.

Cajus cuidam Principi notabilissimam summam, scilicet ultra bis mille florenos vlam subtraxerat; & quia dictus Princeps diem suum jamjam obierat, etsi relicto hærede necessario, hinc Confessarius

rius eundem obligavit, ut præfatam summam expendere ad piam causam, nempe ad restaurationem certi cujusdam Monasterii; quod & factum. Haud multò post idem Confessarius hoc consilium vel potiùs mandatum à se datum cuidam alteri narravit, à quo mox auditus, se graviter errasse. Jam verò dubitatur, an Confessarius teneatur, hunc errorem corrigere?

447 Resp. Procul dubio tenetur etiam ex iustitia hunc errorem corrigere. Ratio est: quia obligando Cajum ut pecuniam hanc impenderet ad piam causam, hæredem, cui erat debita, positivè damnicavit, & licet supponatur id scisse bona fide, credendo se per hoc opus sanctissimum præstitisse, nihilominus facto ubi jam scit se errasse cum damno hæredis &c. non ampliùs est in bona fide: ergo ex iustitia tenetur errorem corrigere, secùs enim meritò præsumeretur, immo & convinceretur velle damnum injustè causatum continuare, veluti rectè docent cum Lugone la Croix lib. 6. part. 2. num. 1780. & rursus ex professo lib. 3. p. 2. num. 353. Navarr. Sanchez, Cajetanus & alii.

At, quo modo (inquies) emendabit hunc errorem?

448 R. Practicè sic procedat: petat à Cajo licentiam loquendi cum ipso aliquid ob præteritam confessionem; qua obtenta doceat eundem, quod præfata pecunia non ad piam causam sit, seu etiam fuerit expendenda, sed hæredi restituenda, ideoque à Monasterio repetenda. Et certè tenetur Monasterium illam nondum expensam seu moraliter consumptam restituere, vel si jam sit expensa in fabricam, teneatur refundere tantum, quantum evasit ditius ex illa. At verò si pecunia non ampliùs possit repeti ab illo Monasterio, persuadeant saltem, aut curent persuaderi hæredem, quatenus is velit gratis condonare, utpote bona fide jam expensam ad piam causam. Quod si si ne hoc quidem fieri valeat absque periculo diffamationis, aut fractionis sigilli, rem totam commendat Deo, diligenter orando, ut is largiori sua benedictione velit hæredi innocenti damnum refarcire.

Confessarius enim non tenetur illud damnum refarcire; cùm suadendo supponatur processisse bona fide, nec commisisse culpam theologicam gravem: etsi juxta probabiliorē opinionem adhuc teneatur Cajus: & in hujus defectum teneretur Confessarius, si mala fide & temerè cum culpa Theologica gravi poenitentem obligasset &c. Videatur la Croix ll. cit. Cardenas in 2. Cris. Diss. 23. num. 141.

§. III.

Corollaria ex dictis inferenda.

449 **C**olliges ex dictis primò, onus examinandi per se ac primariò incumbere ipsimet poenitenti: contra Confessario solum incumbit, suis interrogationibus supplere ignorantiam, seu etiam defectum poenitentis. Unde, quemadmodum poenitens non obligatur ad exquisitissimam industriam in examinanda sua conscientia; ita & Confessarius non tenetur exactissimè, sed suavi & humano modo, statui poenitentis accomodato inquire in speciem & numerum delictorum. Videatur de hoc Clericatus de poen. dec. 36. n. 6.

450 Colliges secundo, in modo interrogandi dupliciter errari posse à Confessario. 1. per excessum. 2. per defectum. Priori modo errant, qui strictissimè examinant omnia peccata etiam venialia, eorumque circumstantias: & à fortiori, qui quadam curiositate ducti subinde interrogant ea, quæ non pertinent ad integritatem confessionis, utputa domum, familiam, nationem, nomen &c. Secundo modo, per defectum scilicet errant quidam alii rudes & indocti Confessarii, dum vel nihil omnino, vel generaliter solum inquirent in species aut numerum peccatorum. Ratio est clara: quia tales non satis, aut certè non debito modo provident reverentiæ, vel integritati hujus Sacramenti.

451 Colliges tertio, circa modum interrogandi poenitentes præscribi non posse unam aliquam regulam universalem omnibus poenitentibus accomodatam. Ratio est: quia non omnes poenitentes

re-

reperiuntur æqualiter instructi, neque eodem modo sese explicare consueverunt: hac de causa diximus, strictius examinandos esse homines rudes; quam alios cultiores de plebe; itemque majori cum cautela & circumspectione, præsertim in materia lubrica procedendum esse cum juvenibus ac puellis innocentibus, quam cum aliis adultis, in materia satis, forsitan etiam nimium quantum versatis & practiciis. Ratio clara est: quia circa hos posteriores non est tantum periculum scandali, quantum est circa priores, scilicet innocentes. Qua ratione ductus Coninck *Disp. 7. de Sacram. dub. 7. numer. 56.* rectè dixit, præstare aliquando, Sacerdotem peccatum minus perfecte intelligere, quam vel penitentem, vel sibi aliquod scandalum creare, aut esse nimium. Vid. D. Bonaventuram in *Confession. cap. 3. part. 1. Herincx disp. 5. numer. 57.*

452 Colliges quartò, in examine quoad materiam lubricam semper incipiendum esse à cogitationibus, an scilicet huiusmodi cogitationibus penitens præbuerit consensum? quando autem penitens negat se eisdem præbuisse consensum, non est ulterius examinandus, utrum non peccaverit ipso opere carnali; si enim immunis sit à consensu in aliquid turpe, multò magis immunis erit ab ipso opere turpi seu carnali: nisi forsitan penitens ita rudis sit, ut non credat lasciva desideria aut cogitationes esse malas &c. nisi opus ipsum subsequatur, prout revera aliqui credunt, uti experientia jam sæpius didici. At verò quando penitens fateatur, se pravis huiusmodi cogitationibus assensum præbuisse, ulterius interrogandus est, an desideraverit opere ipso peccare? & si hoc fateatur, rursus tenetur exprimere objectum saltem quoad substantiam, uti jam sæpius fuit inculcatum. Ex quo patet in modo examinandi hanc materiam quasi gradatim esse procedendum, scilicet de cogitationibus ad desideria, de desideris ad oscula, de osculis ad tactus impudicos, & de his tandem ad ipsum opus carnale, sed intra limites honestatis ac modestiæ. V. de Reiffenstuel *Theolog. mor. tr. 24. diss. 18. nu. 38.*

Elbel *Theol. P. II.*

Quocirca etiam sapienter advertit Sporer *num. 794. fin.* consultum esse, ut personæ de aliquo crimine, sive in materia carnis, sive in alia prius examinentur generalioribus terminis v. gr. utrum nihil turpe commiserint? etiam secum ipsis? &c. an nulla superstitioe usi sit? an non gerant inimicitias? an non possideant alienum? an Uxor in justis rebus obedierit suo Marito? &c. quia honestæ Matronæ de actu conjugali specificè interrogandæ non sunt, & certè vix inquam sine offensa de hoc possent interrogari.

Dices adhuc. Sed quid agendum, ubi penitens reticet, vel etiam interrogatus omnino usque peccatum, quod tamen Confessarius certò novit, ab eo fuisse commissum?

453 R. Cum distinctione. Si enim Confessarius supponatur illud agnovisse ex sola confessione complicitis, potest quidem, & debet saltem indirectè, & quasi à longè inquirere in illud peccatum; ne forsitan clariùs inquirendo manifestet, se huiusmodi notitiam jam comparasse ex confessione complicitis; quod utique sine læsione sigilli fieri nentiquam posset. Unde etiam dum penitens negat se hoc aut illud peccatum perpetrasse, absolvendus est, saltem sub conditione, uti jam diximus *part. 1. de Ministro Sacram. conf. 2. num. 44.* quia cum penitens in hoc foro sit actor simul & reus, eidem tam pro, quam contra se ipsum loquenti fides est adhibenda, uti rectè cum *communis DD.* tradunt Herincx *cir. disp. 5. de poenit. numer. 56.* Tannerus *tom. 4. d. 6. qu. 7. numer. 99.* Gobat & alii.

454 Secus dicendum foret, casu quo Confessarius huiusmodi peccatum non ex confessione complicitis, sed aliunde, utputa ex certa relatione, vel quia ipse præsens interfuit peccanti, novit: hoc enim supposito si penitens interrogatus peccatum suum sine causa protervè & malitiosè neget, velut indispositus & indigne beneficio absolutionis est privandus, secundum omnes.

455 Colliges quintò, errores à Confessario, sive culpabiliter, sive etiam inculpabiliter admissos, quam primùm moraliter fieri potest, esse corrigendos. Quare dum

Y

dum

dum Confessarius ante prolatam absolutionis formulam advertit, se non satis intellexisse numerum aut speciem peccatorum, tenetur adhuc prius quam absolvat, interrogare; quod tamen cautè faciendum, ne alii rem intelligentes & audientes vel videntes &c. malè suspicentur de penitente. Similiter ubi advertit, se non monuisse in iis, quæ erant admonenda, tenetur monere priusquam è confessionali discedit poenitens. At verò si primùm recordetur talis defectus, posteaquam poenitens jam discessit, communiter loquendo ad nihil aliud tenetur, quàm ad agendam poenitentiam, si culpabiliter erravit. Ratio est: quia sententia semel prolata velut Iudex spiritalis jam functus est suo officio: ergo non ampliùs tenetur causam examinare, & statum rei cognoscere; etsi Lugo & Dicastillo apud Gobat *tract. 7. num. 296.* velint, quòd si idem poenitens postea redeat, in alia confessione debeat admoneri de defectu commisso; eò quòd omnis Confessarius teneatur dare operam, ut poenitens fateatur omnia confitenda. Vide Suarez *disp. 23. Sect. 6.* Lugo *disp. 22. nu. 73.* Dicastillo *disp. 10. n. 329.*

436 Colliges tandem sextò, ab onere corrigendi, seu emendandi errores admissos excusare moralem impossibilitatem, quemadmodum hæc excusat ab aliis oneribus juxta vulgarem & receptissimam regulam *VI. Juris in 6. de R. J. Nemo potest ad impossibile obligari.* Et certè, si Christus ad hoc obligasset non obstante morali impossibilitate, videri posset nimium aggravasse jupum Confessariorum, aliunde satis onerosum. Cæterùm an, vel quando interveniat moralis impossibilitas, prudenti judicio discernendum relinquatur, pensata ex una parte reverentia Sacramenti, & ex altera parte periculo, seu etiam damno animæ, nec non periculo confusionis ac prostitutionis subeundæ à Confessario: quo fit, faciliùs excusari Confessarium ab hoc onere, quando Sacramentum fuit validè administratum, quàm ubi fuit frustratum, non sine periculo poenitentis. Cavendum nihilominus est, ne mentiat iniquitas sibi, & dicendo gra-

ve periculum, ubi revera tale non subest.

CONFERENCE

DECIMA OCTAVA.

De Obligationibus, & officio Confessarii.

SUMMARIUM.

- 437 *Generatim loquendo Confessario incumbit triplex obligatio, & quæ illa?*
- 438 *Confessarius tenetur procurare rectitudinem judicii, idque tribus potissimum modis, scilicet 1. examinando, modo explicato mox præcedenti conference;*
- 439 *Item 2. instruendo ignorantes;*
- 460 *Et 3. adhortando salubriter eos, quos ex parte voluntatis advertit vel indispositos, aut saltem minùs dispositos.*
- 461 *Insuper obligatur Confessarius ex justitia poenitentem ritè confessum & dispositum absolvere, at non indispositum.*
- 462 *Resolvitur Casus I. de quodam poenitente satis malitioso, at non satis versato in iis, quæ sunt ad salutem necessaria; quem propterea Confessarius dimisit sine absolutione.*
- 463 *Quo modo tales adjuvandi sint, & instruendi à Confessario.*
- 464 *Resolvitur Casus II. cujusdam Mulieris, cui Confessarius ob impotentiam Mariti interdixit omne commercium carnale.*
- 465 *Utrum hæc à Judice condemnata potuerit viro suo cohabitare, eidemque licitè reddere, vel etiam petere debitum.*
- 466 *Occurritur cuidam instantiæ in contrarium allatæ.*
- 467 *Resolvitur Casus III. cujusdam Confessarii, qui multos pueros atque puellas sine absolutione cum sola benedictione dimisit.*

- 468 Rursus alteri persone, sepius redeunt sine emendatione, absolutionem negavit.
- 469 Econtra Clericum, qui videbatur Concubiniarius, absoluit.
- 470 Et quid agendum, si talis sepius revertatur cum eisdem peccatis.
- 471 Ego Confessarius per se loquendo teneatur instruere ignorantes; nihilominus per accidens aliquando prudenter dissimulatur instructio, vel admonitio;
- 472 Vel etiam differitur in aliud commodius tempus.
- 473 Similiter penitenti consulenti, dubitanti seu etiam sciscitanti de veritate, candidè est respondendum; quo non obstante non raro expedit plus non respondere, quàm ipse interrogat.
- 474 Absolutio penitenti confesso ne quidem differenda est sine multum rationabili vel urgente causa;
- 475 Bene verò ubi talis occurrit; etsi hoc rariùs fit per agendum.
- 476 Sacerdos quando teneatur audire confessionem penitentis, & dare absolutionem?

§. I.

Præmittuntur, & breviter resolvuntur quæsitæ, scitu necessaria ad resolvendos Casus de Officio & Obligationibus Confessarii.

Quæres primò, quænam obligationes generaliter loquendo incumbunt Confessario?

457 R. Generatim loquendo triplex obligatio cuivis Confessario incumbit; primò enim obligatur procurare rectitudinem hujus judicii, disponendo penitentem in tantum, ut is validè, & fructuosè hoc Sacramentum recipiat. 2. Obligatur dispositum ac confessum absolvi; & non alium. 3. Obligatur strictissimè ad servandum sigillum Sacramentale. Ita ex *communis* Sporer n. 788.

Quæres secundò, quo modo rectitudo hujus judicii Sacramentalis procuranda sit?

458 R. Est procuranda tribus modis. 1. Examinando penitentem, nisi se ipsum satis explicet. 2. Instruendo illum, quando advertitur errasse, vel etiamnum laborare ignorantia graviter culpabili. 3. Monendo & exhortando ad veram peccatorum detestationem, propositumque efficacem emendandi &c. Ratio est quia hæc omnia ad validam & fructuosam susceptionem hujus Sacramenti sunt necessaria: ergo de his omnibus oportet Confessarium esse sollicitum; secus quippe peccaret mortaliter; utpote exponens Sacramentum periculo nullitatis. Quia verò de modo examinandi velut particulariter concernente prudentiam Confessarii jam in conferentia proximè præcedenti diximus, ideò impræsentiarum specialiter agemus de secunda obligatione, quo modo scilicet Confessarius, teneatur penitentem monere, atque instruere, item, quomodo teneatur absolviere dispositum, & non alium. Tertiam verò obligationem de servando sigillo, utpote majoris indaginis & difficultatis, discutiendam reservamus sequentibus, duabus conferentiis. Unde ulterius

Quæres tertio, quando, vel in quibus Confessarius obligetur instruere penitentem?

459 R. Confessarius tenetur per se loquendo instruere penitentem 1. quando advertit eum laborare ignorantia vincibili, in quacunque demum materia gravi seu mortali, utputa si ignoret, rem alienam esse restituendam Domino suo; debitum esse, reddendum alteri parti, justè ac rationabiliter petenti &c. ignorantem ea, quæ sunt de necessitate mediæ, utputa Deum esse unum & trinum, Christum esse Redemptorem ac Mediatorem Deum inter & hominem &c. 3. Etiam tenetur instruere penitentem culpabiliter ignorantem illa, quæ sunt necessitate præcepti credenda, & scienda omni Christiano; uti sunt symbolum Apostolorum, Oratio Dominica, præcepta decalogi & Ecclesiæ, nec non ea, quæ sunt necessaria ad fructuosam confessionem & communionem, utputa quid ex parte penitentis requiratur ad Sacramentum penitentis.

tentiæ, quid contineatur, vel suscipiatur in Sacramento Eucharistiæ &c. Ratio horum jam fuit insinuata: quia scilicet Confessarius tenetur procurare, ut pœnitens dignè & cum fructu animæ suscipiat Sacramenta: atqui non susciperet illa dièdè, si perseveret in statu culpabilis ignorantiae prædictorum: ergo Confessarius cen Minister fidelis & Doctor tenetur hujusmodi ignorantem instruere.

Quæres quartò, de quibus Confessarius teneatur monere penitentem?

460 R. Tenetur monere & salubriter adhortari quando advertit, eum ex parte voluntatis esse indispositum, utputa quando non vult satisfacere suæ obligationi quantum ad restitutionem bonorum famæ, vel etiam fortunæ &c. item quantum ad gubernationem familiæ, subditorum &c. Vel etiam quoad administrationem sui Officii &c. Et præsertim tunc quando advertitur non seridè dolere & detestari sua peccata, nec firmiter proposuisse eorum emendationem, vel fugam occasionis proximæ &c. Ratio hujus obligationis est eadem, quæ proximè præcedentis: quia scilicet pœnitens non esset capax absolutionis, & sic Sacramentum eidem indignè administraretur, velut parebit rem conferenti.

Quæres quintò, Utrum Confessarius teneatur sub gravi culpa & obligatione absolvere penitentem?

461 R. Penitentem confessum & ritè dispositum tenetur Confessarius ex justitia & sub gravi culpa absolvere: e contra indispositum tenetur non absolvere. Ita Omnes. Ratio est: quia pœnitens ritè confessus & dispositus habet jus ad absolutionem vi cujusdam contractus innotati: *facio ut facias* &c. id est: *confiteor mea peccata, ut me absolvas* &c. quo jure, utpote concernente salutem animæ ceu rem gravissimam, sine gravissima injuria privari nequit. Idque (ut rectè præter alios advertit Sporer *nu.* 799.) etiam verum est, quando pœnitens vult sequi opinionem verè probabilem, esto contra opinionem Confessarii forsitan probabiliorem; quia hoc

non obstante, adhuc est verè dispositus & confessus: ergo adhuc habet jus ad absolutionem sibi dandam; Arque hoc præcipuè verificatur de Pastore proprio penitentis, quippe qui ratione sui officii tenetur absolvere suos subditos legitime dispositos, & confessos, quoties id rationabiliter postulant. Vid. DD. cit.

§ II.

Proponuntur, & breviter resolvuntur Casus practici de concernentibus officium, & obligationem Confessariorum.

C A S U S P R I M U S.

Titius Confessarius nactus est pœnitentem, quem in malitia maximos, in doctrina autem Christiana nullum prorsus progressum fecisse animadvertit: etenim vix, aut ne vix quidem seiverat recitare symbolum Apostolorum cum oratione dominicæ & angelicæ salutatione, in ceteris rudissimus, ignorabat quenam ad confessionem essent necessaria, quidvè sub hostia consecrata communicans reciperet; quare Titius non sine indignatione multa eundem sine absolutione dimisit ad suum R. Dominum Parochum ut ab Eo melius instructus tandem reverteretur, petiturus & impetraturus beneficium absolutionis. An factum hoc Confessarii approbandum?

462 R. Tamest si supponatur dictus pœnitens hactenus laborasse vincibili & culpabili ignorantia; nihilominus factum Titii Confessarii mihi videtur non approbandum, idque hac ratione: quia cum pœnitens fuerit valde malitiosus, & incurius suæ salutis, meritò timendum erat, ne in sua iniquitate obstinatè perseverans, nunquam capiendæ instructionis causa suam Dominam Parochum adiret, præsertim cum hoc sine aliquali timore & confusione facere non potuerit. Multò minùs sperare sicut fore ut ad eundem Confessarium Ti-

tium

tium scilicet revertatur, sed potius credere, eum potius denegata absolutione cursurum viam iniquitatis, jam strenuè ceptam, quam, si mitiori modo à Confessario fuisset tractatus & eruditus, forsitan reliquisset. Profecto huiusmodi indiscretos Rigoristas petit illa de Pastore Israel apud Ezechieleni *cap. 34.* querela Domini: quod infirmum fuit non consolidastis.

Dices forsitan. At quo modo homo tam malitiosus simulque rudis in tam brevi temporis spatio poterit sufficienter instrui?

463 R. Poterit sine dubio saltem in tantum erudiri (modò non deficiat patientia Confessarii.) ut hic & nunc sit capax absolutionis; siquidem adhuc necessarium non est, ut fidei nostræ mysteria sciat doctrinaliter vel memoriter, sed sufficit, ut ea rudi quodam modo hic & nunc capiat, assensumque præbeat cum proposito ea melius addiscendi in posterum: talem verò notitiam & instructionem Confessarius patiens ac prudens eidem poterit ingerere proponendo principales fidei articulos, ita, ut is ad singulos actum fidei exerceat v. g. hoc aut simili modo: credis, quòd Deus sit unus in Essentia, & Trinus in Personis &c. sicut ego & Ecclesia credit? *Credo.* Credis, Filium DEI pro nobis fuisse incarnatum; passum, mortuum, & esse, Redemptorem nostrum? *Credo.* Tandem in genere dicat: credis, quidquid credit sancta Romana Ecclesia, & vis mori in hac sancta fide? *Credo.* Ulterius insitet: doles de tuis peccatis tam gravibus, deque tua socordia, negligentia & incuria salutis, eò quòd hinc Dominum DEUM nostrum ceu summè & infinitè bonum tam graviter offenderit? *Ita, deleo.* Porro eidem dicat: at mi bone &c. necessarium jam est, ut firmiter proponas emendare vitam, occasiones fugere, & tandem etiam melius addiscere à Parocho tuo, vel ab aliis &c. ea, quæ sunt ad salutem necessaria, & ad debitam susceptionem Sacramentorum &c. Quodsi & hoc promittat serio, & omnes præfatos actus elicerit, poterit Confessarius eidem hic & nunc a-

Elbel Theol. P. II.

quiescere, atque beneficium absolutionis tuta conscientia impartiri. Ita Sporer *num. 790.* de quo etiam videri potest Gobat *jam sæpius cit. tract. 7. numer. 455.*

CASUS SECUNDUS.

Sempronia ultra triennium à Viro suo carnaliter cognosci nunquam potuit, membro virili semper flaccescente & subito corrueute, quamprimum actum conjugalem attentaverat. Rem hanc Sempronia aliquando consilii causa retulit cuidam Confessario, qui mox eidem respondit, matrimonium esse nullum, proptereaque separandos esse, vel saltem ab omni commercio carnali ipsi deinceps perpetuo ac simpliciter abstinendum. At verò res hæc velut invisæ Marito Semproniæ persuaderi baudquam potuit, quin potius eandem ob denegatum aliquoties debitum durissimè traxavit; quam ob rem hæc tandem omnino discessit ab illo. Non multis post re ad Confessorium delata conjux uterque à medicis & obstetricibus fuit visitatus; & quia de Mariti impotentia non satis constitit, præsertim cum is jam antecederet per plures annos fuisset alteri maritatus, eisi sine prole, Sempronia sub pena carceris condemnata fuit ad cohabitandum suo Marito, debitumque reddendum &c. Queritur jam 1. utrùm Confessarius benefecit illico insinuando ne decidendo nullitatem matrimonii, usumque interdicens? 2. Utrùm defacto, post latam Sententiam tenentur adhuc prohibere usum matrimonii, an verò illum permittere?

464 R. Ad primum. Confessarius non bene fecit mox decidendo, & insinuando nullitatem matrimonii, & interdicens usum (quod utinam bene notarent multi vel nimidi rigorosi, vel certe minds cauti, quàm oporteret.) Ratio autem hujus resolutionis est: quia merito timere licuit ne talis decisio, quàm prodesset tum honori divino, tum etiam saluti animarum: nam esto matrimonium cum impotentia perpetua, & antecedente contractuum certissimò nul-

Y 3

luu

lum sit, proptereaque talibus personis velut merè solutis, per se loquendo veritas sit aperienda præsertim quando dubitant, vel quærunt; nihilominus cùm separatio matrimonii jam contracti non nisi difficillimè (præsertim ubi conjuges jam diu cohabitarunt) impetrari possit ob præsentam impotentiam & rix unquam fieri valeat sine magnis incommodis, utputa sine scandalo publico, rixis, & dissensionibus, aut detrimento in bonis famæ, ac fortunæ (prout in hoc casu revera factò & satis lamentabili contigit) hinc meritò timendum, ne tales conjuges etiam post agnitam veritatem perseverent in statu sui conjugii, ac proin eodem utentes peccent formaliter, qui, si Confessarius rem dissimulasset, materialiter duntaxat deliquissent. Quare cùm constet, semper ex duobus malis minus esse eligendum; hinc præstat in simili casu dissimulata veritate permittere peccata materialia, quàm mox decisa & intimata nullitate præbere ansam innumeris peccatis formalibus, prout jam dictum fuit *par. 3. de Matrim. Confer. 11. num. 275. itemque Confer. 14. n. 338.* Melius proin scilicet Confessarius rem maturius & cum majori deliberatione tractando, cautè simul & castè inquirendò, an vel qua ratione à suo Marito non potuerit cognosci? an nulla adhibuerint media naturalia, vel etiam spiritualia? an aliàs bene ac pacificè cohabitent? & Interim consulendo, ac disponendo Semproniam, ut tempore opportuno, post aliquot dies vel etiam septimanas, rediret consilii causa, qua redeunte, si interea invenisset revera subesse impedimentum, potuisset eidem consulere id, quod salutè animæ in Domino magis expediens visum fuisset. Unde ulterius

465 Resp. Ad secundum. Confessarius Semproniam utpote sub gravissimis penis ac comminationibus condemnatæ ad cohabitandum, nedum permittere, sed etiam obligare eam potest, ut sententiæ judiciali acquiescens, suo Marito cohabitaret matrimonialiter. Ratio est: quia sententia consistorialis fuit iusta; quandoquidem non solum in foro externo,

sed etiam in interno præsumendum & standum sit pro valore matrimonii, ubi de impedimento dirimente certò non constat: atqui hic non constabat certò de impedimento, impotentia scilicet Mariti; immò potius à Medicis judicabatur potens ad actum conjugalem. Et certè pro potentia hac stat præsumptio, «quamdiu de opposito non constat certò: ergo. Accedit, quòd hæc impotentia (si qua re ipsa intercedat) potius ex maleficio, quàm à natura proficisci, censenda sit: & eo ipso non constat certò utràm fuerit antecedens, vel verò primum subsequens matrimonium, at, quando de hoc dubitatur, eo ipso non constat certò de impedimento: ergo ex hoc etiam capite potius standum est pro valore, quàm pro nullitate matrimonii, in casu allato».

Dices. Quando Coniux est certus de nullitate sui matrimonii, etsi hæc in foro externo non constet, nec probari possit, in nullo tamen casu potest petere, vel etiam reddere debitum, uti dictum fuit *de Matrim. confer. 17. num. 417.* atqui Semproniam certò constat de impotentia Mariti, & nullitas matrimonii eidem pariter fuit intimata à Confessario: ergo nullatenus licet acquiescere huic sententiæ, vel Marito conjugaliter cohabitare, reddendo scilicet debitum.

466 Resp. Negando suppositum minoris, quòd scilicet hic certò constet de impotentia Mariti, præsertim de antecedente matrimonio, quæ sola reddit matrimonium nullum. Unde non est, cur potius fidem adhibeat Confessario ex cæca relatione asserenti matrimonium esse nullum, quàm Medicis de visu testantibus de potentia Mariti, Judicibusque Ecclesiasticis, declarantibus, matrimonium esse validum: & hoc ipso non video, quare, Semproniam ita condemnata nequeat se practicè resolvere circa licitam redditionem, immò & petitionem debiti. Profecto cùm sine gravissimis incommodis, utputa scandalis, rixis, diris tractationibus, etiam usque ad incarcerationem, amissione dotis &c non possit declinare cohabitationem. Mariti, habet iustissimam causam, per-

permittendi hujusmodi actus, utpote materialiter duntaxat, & non formaliter malas, etsi matrimonium forte sit à parteteri nullum. Videatur *Kverfa* q. 21. *sect.* 2. §. ult. Sanchez *lib.* 1. *Disp.* 18. de *Matr.* à num. 5. la *Croix* *lib.* 6. *part.* 3. à num. 297. Cardenas *Dissert.* 9. *Crisis Theolog.* num. 107.

CASUS TERTIUS.

Caso Sacerdoti pro sacro tribunali nuper exposito occurrerunt diversi poenitentes & Casus, de quibus modo non parum angitur. Primum namque pluribus puellis ac pueris, quorum maturitas videbatur suspecta, non administravit hoc Sacramentum, sed cum sola benedictione (ne se multum cum talibus detineret) dimisit eos ad mensam Domini. Secundò. Denegavit absolutionem alicui personæ, quam noverat fatales inimicitias & averfiones gerere erga suam matrem, eamque diutina infirmitate graviter afflictam, gravior adhibuit verbis tum operibus etiam afflixisse, sæpiusque in infernum devovisse. Tertiò. quendam Clericum, qui videbatur Concupiscens, imposita prius salutari poenitentia, sine ulla alia admonitione, etsi non sine trepidatione ac timore, ne forte indispositum sacrilegè absolveret, nihilominus absoluit. Jam verò conscientia stimuli exagitatur sciscitatur, an bene fecerit? quid Caso respondendum?

467 Resp. Ad primum. Cajus non videtur saltem graviter culpandus ex eo, quòd puellas ac pueros de sufficienti maturitate suspectos (rationabiliter uti supponendum) cum sola benedictione dimiserit; tum quia tales non censentur, imò nec possunt sub gravi obligatione, prætere de beneficium absolutionis; tum etiam, quia in ipsis velut suspectis de sufficienti maturitate, non subest periculum animæ, bene verò, & quidem sæpe sæpius, periculum irreverentiæ Sacramento irrogandæ. Secus resolvendum existimo, casu quo puella aut puer advertitur esse doli capax, ita ut prudenter dubitare liceat, an non peccaverint graviter, etsi de cætero in spiritualibus, aliisque concernentibus salu-

tem animæ & necessitatem Sacramento- rum, minùs quàm oporteret versati, atque instructi reperiantur; tales enim non statim dimittendi sunt sine absolutione sed potius adjuvandi ac disponendi ad verum dolorem; nam præterquam quòd talis dimissio poenitenti sit onerosa & periculosa, simul etiam Sacramento est indecens, si non perficiatur quando potest: atqui potest perfici in hoc casu, & ex hac suppositione, quòd puer aut puella sint capaces usus rationis, ita ut dubitare liceat, an non graviter deliquerint: ergo Confessarius sine verè gravi causa tales dimittendo absque beneficio absolutionis, revera malè agit. Quodsi adhibita omni diligentia nihilominus de dispositione talis poenitentis prudens dubium relinquatur, debet absolvi sub conditione, saltem in mente retenta, si scilicet sit verè dispositus & capax Sacramenti, veluti jam dictum fuit supra *Confer.* 2. num. 46. & 47. Vide Layman *lib.* 5. *tract.* 6. cap. 5. num. 7. Dicastillo *Disp.* 9. num. 738. Lugo *Disp.* 17. num. 22. Gobat *tract.* 7. num. 444. & seqq.

468 Resp. Ad secundum. Si persona illa sæpius rediit non emendata, neque hac vice specialia signa futura emendationis vel efficacis propositi edidit, Confessarius sine læsione justitiæ potuit, denegare absolutionem. Quin immo, si ex circumstantiis vel conditione ipsius poenitentis advertit, hanc denegationem esse necessariam ad salutem ipsius, vel ad resipiscentiam, eo quòd timore percussamitius & cautius deinceps procederet cum sua Matre omnino prudenter egit Confessarius; recusando beneficium absolutionis. Verùm quia denegatio absolutionis plerùmque parum, aut nihil omnino fructificat apud peccatores obstinatos, quin potius eosdem magis indurat, hinc ego existimo, Confessarium fuisse facturum meliùs talem personam suaviter, indicendū ac disponendo ad verum dolorem, & efficax propositum, præscriptis in hunc aliquibus mediis particularibus, utputa pia recordatione de Christi Domini passionis, de obedientia, à Christo suis Parentibus præstita & aliis Sanctorum exemplis &c. &c. quibus pro-

cul dubio plus profecisset, quam denegando absolutionem. Unde & Gobat de hoc scribens *tr. 7. nu. 320.* sapienter ait: *quia forte ex centum Confessariorum non est, qui utatur hoc medio emendationis (denegatione scilicet absolutionis) & probabilissime plerique, qui sunt usi, usu ipso didicerunt, parum, aut nihil profuisse, idcirco doctus ipse experientia, nolens adhibere.* Profecto neque ego vellem: etsi in praxi non raro cum hominibus rudioribus consuetudinariis, vel in occasione proxima peccandi constitutis, ad inculcandam eis gravitatem criminum suorum, fuerim aliquantulum quasi tergiversatus, vel etiam comminatus, quodsi deinceps non emendati redirent, nollem eos amplius absolvere, neque ab alio quocunque deum Confessario, possent absolvi.

469 Resp. Ad tertium. Cajus Confessarius de Clerico, utpote de quo (nisi aliunde contrarium constet) presumere licuit, quod sit doctus: & intelligens suam obligationem, potuit pariter supponere quod sit dispositus, & paratus ad relinquendam occasionem proximam, si in tali versaretur, aut certe ad eam pro possibili removendam, & convertendam in occasionem remotam; secus enim frustra confugisset ad remedium poenitentiae; quare ex hac suppositione prudenti licet eum absolvit, excusso prius dubio practico. Sed dicet:

Quid si autem talis saepius redeat cum eisdem peccatis?

470 Resp. Ergo dic eidem breviter: suppono quod R. S. D. intelligat obligationem suam, fugiendi scilicet occasionem proximam, & ejiciendi concubinam, si quam forte domi retineat, vel certe ex occasione proxima faciendi remotam: & si quidem hoc serid proponat, valebit mea absolutio, secus non valitura, pro ut aliunde noverit. Jurabit insuper tali poenitenti injungere poenitentiam medicinalem, praesertim renovationem efficacis propositi dietim faciendam ante crucifixum, vel piam meditationem, aut saltem lectionem spiritualem, brevem tamen v. gr. per quadrantem horae continuandam singulis diebus, usque

ad proximam confessionem. De quo v. de dicta superius *Conferentia quarunda. num. 93.*

§. III.

Corollaria ex dictis inferenda.

471 Colliges ex dictis primò, quod licet per se loquendo Confessarius teneatur instruere & admonere poenitentem, laborantem aliqua ignorantia, praesertim vincibili & culpabili; nihilominus per accidens quandoque prudenter dissimulari posse, immò debere, idque toties, quoties praevидetur, hujusmodi admonitionem vel instructionem aut nihil profuturam, vel omnino nocituram poenitenti, eò quod inde non nisi peccata formalia vel dissensiones, aut scandala in populo oritura credantur; unde *can. si quis. 2. de poenit. dist. 7. S. Augustinus dixisse fertur; si scirem, tibi non prodesse, non te moverem, non te tererem.* Hoc autem in duobus praecipue casibus prudenter timendum esse, rectè notat Sporer, videlicet 1. quando advertitur poenitens invincibiliter ignorare nullitatem sui matrimonii; & secundò, in materia justitiae, quando nocitur bona fide alienum possidere, quod sine scandalo aut alio gravi incommodo nunquam amplius potest restituere, aut certe nunquam amplius restituet. Ratio hujus jam superius insinuada fuit: quia scilicet è duobus malis semper illud, quod minus, est eligendum: minus autem malum est peccatum materiale, quam formale: ergo &c. Lugo, Tamburinus *de exp. Confess. lib. 2. cap. 4.* & alii apud Bunsen.

472 Colliges secundò, subinde etiam admonitionem prudenter à Confessario, differri posse, tunc praesertim, quando poenitens ignarus obligaretur ad aliquid adeò difficile, ut credi possit, hic & nunc aequo animo id non acceptaturus &c. quo casu Confessarius prudenter faciet, relinquendo illum in bona fide, & differendo admonitionem, in aliud tempus commodius, quo majorem inde effectum, & animae fructum sperare

rare licet. Ratio est : quia si Confessarius hic & nunc stat in intimata talem obligationem, de facili fieri posset, ut poenitens scite solum promittat se satisfactorum suæ obligationi, sique sacrilegè duntaxat absolvetur; vel etiam territus deinceps omnino abstineat à confessione, non sine graviore detrimento animæ, prout sapienter monent Lugo *disp.* 22. n. 37. Tamburin. *cit.* c. 14. & Busenbaum *ad dub.* 5. *Resp.* 16. n. 9. Quam ob causam fatetur Sporer *num.* 798. se quandoque hujusmodi poenitentes prius excitasse ad dolorem generalem de peccatis, & ad firmum propositum satisfaciendi suis obligationibus, quantum in conscientia tenerentur, postea verò primum, data jam absolutione, eisdem specificè insinuassee valde graves obligationes v. gr. restituendi &c.

473 Colliges tertio, Poenitenti sciscitanti de aliqua re, vel interroganti, an hoc aut illud licitum sit? aperiendam esse veritatem. Ita sanè *communis* fatentur omnes. Et ratio est: quia aliis Confessarius dissimulando veritatem, censeretur quodammodo approbare falsitatem, vel etiam dicere, esse licitum, quod re ipsa illicitum est; nam qui taceret ubi loqui & contradicere teneretur & posset, censeretur fictione juris consentire. Nihilominus prudenter quandoque aget Confessarius, præcisè & non plus respondendo, quàm rogatur. Unde si poenitens quæret, an Matrimonium cum voto simplici castitatis contractum valeat, & in hoc statu possit reddere debitum, respondeat quòd sic; cætera dissimulando, & nihil dicendo de hoc, quòd non possit debitum petere ante impetratam dispensationem in hoc voto. Ita Lugo, Layman, hic. Vide etiam dicta *part.* 3. *de Matrim. Confer.* 24. *num.* 340.

474 Colliges quintò, sine multàm rationabilis, vel omnino urgente causa, absolutionem non solum minimè negandam, sed ne quidem differendam esse. Ratio est elara; nam poenitens devotus & bonæ indolis sine causa privaretur: apud obstinatos verò & induratos peccatores meritò timendum est, ne ta-

lis dilatio vergat in detrimentum animæ: quid si enim talis homo, utpote induratus in malitia ac perversus, nunquam amplius reverteretur? quid si in omnimodam desperationem prolaberetur? Et certè nec unum, nec alterum est inauditum.

Accedit, quòd poenitens post peractam confessionem jam obtinere jus ad absolutionem sibi dandam: ergo hæc sine verè gravi & urgente causa nunquam est differenda.

475 Dixi tamen: sine verè gravi causa &c. ad innuendum, quòd si talis interveniat, dilatio ad certum tempus (attamen cum multa circumspectione, & vix unquam sine consensu poenitentis) fieri possit; quippe quæ his statibus non erit injuriosa poenitenti; nam Confessarius debet agere Judicem simul & medicum: ergo quemadmodum medicus corporalis minimè lædit jus infirmi differendo medicinam in aliud tempus, quo rationabiliter creditur magis profutura ad ipsius salutem; ita sanè medicus spiritualis minimè lædit jus poenitentis, differendo absolutionem pro eo tempore, quo prævet ac credit, esse fore magis proficuum ad animæ salutem; nam vix non ex hoc solo & unico fine rationabiliter differretur; utputa 1. quia poenitens advertitur se ipsum non satis examinasse; vel 2. non satis doluisse aut apprehendisse gravitatem suorum peccatorum; aut 3. non satis firmum concepisse propositum; vel denique 4. quia Confessarius dubitat, an ab hoc vel illo peccato valeat absolvere, proptereaquè prius debet se informare consulendo libros, aut alios doctiores se; ut advertunt Navarrus, Suarez, Layman, Sporer *num.* 800.

476 Colliges quintò, quemlibet Sacerdotem vinculo charitatis Christianæ stringi ad excipiendam Confessionem periclitantis de salute, nisi absolvetur &c. Quin etiam extra periculum salutis animæ Pastor obligatur (sive per se, sive per alium) suorum subditorum Confessiones excipere, idque toties, quoties rationabiliter postulant. Ratio

Ratio est: quia ratione curæ pastoralis & beneficii, tenetur procurare salutem ovium sibi concreditarum, præsertim administrando Sacramenta magis necessaria &c. ita, ut secus faciendo graviter peccet. Aliter dicendum foret, si subditi nimis frequenter, vel importune id postularent; vel etiam si sacerdos curatus solum ad breve tempus differat satisfacere eorum petito, idque sine periculo animæ, vel scandalo; quod tamen in hoc puncto facillime posset oriri, ideoque vel maxime cavendum est; veluti recte docent Aversa q. 16. sect. 11. Vasquez, Lugo, & alii plures, quos refert & sequitur Busenbaum cit. post dub. 5. ad quæst. Resol. 1. 2. & 3. Illud autem apud omnes certum est, quemlibet scilicet Sacerdotem, etsi non fuisset obligatus audire penitentem, nihilominus post auditam Confessionem graviter adstringi ad dandam absolutionem penitenti legitime confessio ac dispositio, modò habeat potestatem absolvendi. Ratio jam superius n. 461. data fuit: quia talis penitens per ipsam Confessionem obtinuit jus ad absolutionem, quo citra gravem injuriam nec potest, nec debet privari. Ita DD. mox cit. Vide etiam dicta part. 1. de Ministro Sacram. Confer. 3. n. 42. Item Confer. 20. n. 44. & 64.

CONFERENTIA

DECIMANONA.

De Sigillo Confessionis Sacramentalis, ejusdemque obligatione, & Materia.

- 477 Quid nomine Sigilli Sacramentalis intelligatur.
- 478 Hujus obligatio tam in jure naturali, quam divino positivo, & humano fundata est, ita quidem, ut
- 479 In nullo casu licitum sit frangere illud.
- 480 Oritur autem obligatio sigilli Sacramentalis ex omni & sola confessione Sacramentali.

- 481 Generatim loquendo omnia, illa sub sigillum cadunt, quæ confessionem rationabiliter odiosam reddere possent.
- 482 Utrum, vel quando de consensu penitentis liceat aliis revelare ea, quæ Confessarius novit ex sola confessione.
- 483 Resolvitur Casus I. de quadam Nobilissima, quæ ex fornicatione imprægnata graviter decubens, rem aperuit Confessario, nolens eam ulli alteri manifestare &c.
- 484 Quo casu si Confessarius fuisset vocatus consilii causa duntaxat, non tenebatur servare sigillum Sacramentale.
- 485 Utrum taliter decubentem licuerit absolvere, etsi cum periculo prolis noluerit rem manifestare aliis.
- 486 Et quidnam Confessario in his circumstantiis fuerit agendum?
- 487 Resolvitur Casus II. de quadam Personâ inhonestè vivente cum aliquo Religioso exposito, cui Confessarius mandavit, ut eadem peccata alteri Religioso, vel ipsimet Superiori ejusdem Monasterii conficeretur.
- 488 Unde Religiosus alter id audiens, voluit rem sibi extra Confessionem manifestari, quatenus eam Superiori possit deferre.
- 489 An hoc licitè potuerit exigere, vel obligare personam.
- 490 Et quid in his circumstantiis fuerit specialiter observandum.
- 491 Resolvitur Casus III. de Confessario, cui tempore paschali occurrit penitens indispotus, & incapax absolutionis.
- 492 & 493. An huius schedulam Confessionis negare licuerit?
- 494 Et quid in simili casu foret agendum in hac nostra Diocesi Salisburgensi, ubi ex mandato Reverendissimi Confessorii Confessarius debet scripto testari, se Sacramentum penitentiae administrasse penitenti.
- 495 In praxi semper secunda sententia magis favorabilis sigillo; quod
- 496 Duplici modo frangi potest, scilicet 1. directè, & 2. indirectè.

- 497 Referuntur diversi modi, quibus
saltem indirectè violatur sigillum.
498 An liceat peccatori negare Eucharis-
tiam, cuius indisposito scitur ex
sola confessione Sacramentali.
499 Quibus modis Confessarius se expo-
nat periculo violandi sigillum.
500 Coram hominibus, rudioribus præ-
sertim, nihil loquendum aut dicur-
rendum est de auditis in Confes-
sione.
501 Et quid respondendum sit, ubi Con-
fessarius interrogatur an non hoc vel
illud peccatum audierit ab hoc vel
illo penitente &c.

§. I.

Præmittuntur, & breviter resolvuntur
quæsitæ, scitu necessaria ad debitè re-
solvendos Casus practicos de si-
gillo Sacramentali, ejus-
demque obligatione, &
materia.

Quæres primò, quid intelligatur no-
mine sigilli Sacramentalis?

477 R. Per sigillum Confessionis Sa-
cramentalis intelligitur obligatio, vicijus
in secreto teneri debent peccata ex Sa-
cramentali Confessione cognita. Aptissi-
mè autem hæc obligatio appellatur si-
gillum, sumpta appellatione metaphorica
à sigillo materiali, quo solent obsignari
res illæ, quas volumus omnino esse oc-
cultas, & secretas, uti DD. communiter
observant.

Quæres secundò, quo jure oriatur hæc
obligatio sigilli, & quanta sit?

478 R. ad primum. Hæc obligatio ori-
tur ex triplici jure, videlicet 1. ex jure
naturali, 2. ex jure divino positivo, & 3.
ex jure ecclesiastico. Ita Scotus 4. dist.
21. q. 2. & Theologi communiter. Ratio
primi est; quia lumen naturaliter congeni-
tum dicat, ea, quæ sub secreto commis-
sa sunt, etiam sub secreto esse servanda,
præsertim quando ex revelatione oriatur
ingens damnum, prout hic fieret. Ratio
secundi desumitur ex voluntate Christi,
qui instituendo hoc Sacramentum, voluit
simul Confessariis imponere obligationem

sigilli, prout satis constat tum ex per-
petua traditione, & sensu Ecclesiæ, San-
ctorumque Patrum; tum etiam ex eo:
quia alias præceptum Confessionis non
esset accommodatum fragilitati & condi-
tioni humanæ, & spirituali Fidelium,
quippe qui adduci nunquam possent ad
constitenda quæcunque etiam gravissima
crimina, licet in occulto commissa, nisi
scirent, Christum Confessariis imposuisse
strictissimam obligationem, omnia in Sa-
cramentali Confessione audita perpetuo
silentio involvendi. Ratio tertiæ constat
ex cap. omnis utriusque sexus, de penit.
& remiss. ubi dicitur: caveat autem omni-
no (Confessarius) ne verbo aut signo,
aut alio quovis modo aliquatenus prodatur
peccatorem: sed si prudentiori consilio in-
digeris, illud absque ulla expressione per-
sonæ cautè requirat; quoniam qui peccat-
um in penitentiali iudicio sibi detectum
presumpserit revelare, non solum à Sa-
cerdotali officio deponendum decernimus,
verum etiam ad agendum perpetuam peni-
tentiam in arctum monasterium detruden-
dum. Unde

479 Resp. Jam ad secundum. Obliga-
tio servandi sigillum est gravissima, ita,
ut in nullo casu, nulliusve periculi, et-
iam vitæ, vel Republicæ vitandi cau-
sa, fas sit illud infringere. Ita unanimis
omnium DD. sententia. Ratio autem hu-
jus strictissimæ obligationis inde deduci-
tur: quia alioquin fieret injuria huic Sa-
cramento, simulque confessio Sacramen-
talis in bonum Supremi Ordinis instituta
redderetur nimis odiosa, ita, ut fideles,
scientes sua peccata Confessario delata in
aliquo casu revelari posse, merito inde
abstineri possent, non sine ingenti dam-
no animarum: quemadmodum ergo ob
idem periculum habituale communitati fi-
delium, vel etiam toti humano generi
imminens, communiter Doctores dedu-
cunt & inferunt v. gr. mendacium, pol-
lutionem &c. esse intrinsecè mala, ideo-
que in nullo casu cohonestabilia; ita et-
iam de revelatione Sigilli Sacramentalis,
discurrendum est. Videatur la Croix l. 6.
p. 2. n. 1936.

Quæres tertio, ex qua Confessione oria-
tur hæc obligatio Sigilli?

480. Resp.

480 Resp. Oritur ex omni & sola confessione Sacramentali, id est, tali, quæ fuit facta in ordine ad absolutionem Sacramentalem obtinendam; inde enim appellatur sigillum Sacramentale, seu etiam confessio Sacramentalis. Dictum tamen fuit: ex omni confessione Sacramentali &c. ad innuendum, quod non solum oritur ex confessione Sacramentali legitima & completa, verum etiam ex illegitima & incompleta: quarum descriptionem dedimus superius *Confer. 5. num. 116*. Ratio autem est: quia in confessione Sacramentali etiam inchoata duntaxat revelatio peccatorum fit, & supponi debet facta intuitu hujus Sacramenti: ergo adhuc meretur dici Sacramentalis, & per consequens parere obligationem sigilli; secus enim homines vel maxime abstergeri possent à Confessione, ne forsitan negata sibi absolutione, postea à Confessario diffamarentur coram aliis ratione factæ confessionis, sicque fieret adhuc injuria Sacramento, veluti rectè notarunt Suarez, *Diana part. 3. tr. 11. resol. 23. Sporer num. 809. & alii.*

Quæres quartò, quænam cadant sub sigillum Sacramentale, seu quænam Confessarius teneatur servare sub Secreto?

481 Resp. Generaliter loquendo sub sigillo Sacramentali cadunt omnia illa, quorum revelatio Sacramentum rationabiliter redderet odiosum. Hanc velut universalem regulam sigilli communiter tradunt DD. Ex qua consequitur 1. sub sigillum cadere omnia peccata mortalia, tam in genere, quam in specie 2. item omnia venialia in specie, ita, ut nullum specificè sumptum fas sit revelare, 3. item peccata complicit, nec non 4. peccatorum circumstantiæ, aliquo modo ad confessionem spectantes, 5. ulterius poenitentia injuncta. 6. negatio absolutionis, sicut & schedæ seu testimonii peractæ confessionis, 7. scrupuli, & alii defectus naturales, vel morales ex sola confessione Sacramentali cogniti. Ratio horum omnium jam fuit insinuat: quia scilicet revelatio similium sceleratius confessionem redderet odiosam, & invisam fidelibus: ergo cum Christus Dominus tam arctam obligationem sigilli imposuerit Confessariis ex eo fine, ne

fidelibus redderetur odiosa, merito concluditur, hæc omnia voluisse sub secreto conservari.

Quæres adhuc quintò, utrùm aliquando, saltem cum consensu poenitentis, licitum sit, audita in confessione Sacramentali aliis revelare?

482 Resp. Negant hoc plerique ex antiquioribus, & singulariter Scotus 4. *Diff. 21. qu. 1.* cum suis, ducti hac potissimum ratione: quia tametsi poenitens possit in hoc cedere suo juri, non tamen potest cedere juri Sacramenti, in cujus favorem obligatio sigilli principaliter est introducta: ferè quemadmodum Clericus non potest cedere privilegio canonis, eo quod hoc non tam intuitu hominis privati, quam intuitu ipsius status clericalis sit introductum. Econtra S. Thomas in *supplemento part. 3. q. 11. a. 4.* relatus à Reiffensuel hic *num. 35.* cum suis communiter affirmat id esse licitum, modò poenitens liberè consentiat, & Confessarius non dicat plus, quam à poenitente sibi fuit permissum. Rationes dant sequentes, 1. quia quando poenitens propria sponte & liberè Confessario dat licentiam loquendi de confessis, cessat ratio secreti naturalis, quippe quod solum servandum est, quamdiu non consentit alter: & hoc ipso, inquit, Confessio reddi non potest odiosa, consequenter cessat irreverentia Sacramenti, & finis, propter quem obligatio sigilli fuit instituta. 2. Quia *cap. significasti, ab adulter.* legitur, quod de licentia mulieris Sacerdos dixerit, eam sibi confessam esse adulterium, nec tamen in hoc casu vel minimè reprehensus fuit à Papa: ergo Ecclesia non judicat hoc esse illicitum. Utraque hæc opinio est probabilis: quia tamen prior videtur tutior, & magis cavere reverentiæ Sacramenti, hinc in praxi omnimodis sequendam censeo, nisi multam rationabilis & urgens causa contrarium postulet; immò etiam tali interveniente, inducendus est poenitens, ut rem & causam suam potius extra confessionale velit concedere; tum quia Confessario alleganti notitiam confessionali desumptam non crederetur, aut cerè malè audiret ubique; tum etiam quia hoc modo

Con-

Confessarius magis consult & reverentia hujus Sacramenti, & suo nomini. Non tamen necessum est, ut poenitens extra Confessionem omnia sua peccata denuo singillatim enarret, sed sufficit dicere, se ea, quæ in Confessionali jam exposuit, hisce velle extra Confessionem dicta & nota, cum licentia de his, vel de hoc aut illo &c. loquendi alteri; nam per hoc censetur etiam extra Confessionem sufficientem notitiam ingerere Confessario, quemadmodum si post peractam Confessionem rediens diceret Confessario, se dolere de omnibus suis peccatis proximè Confessis, eidem sufficientem ingereret memoriam eorum ad hoc, ut denuo ab iisdem possit absolvi, sine expressa recapitulatione singulorum, veluti rectè observat Herinex noster *de poenit. Disp. 8. num. 34.*

§. II.

Proponuntur, & breviter resolvuntur Casus practici de obligatione Sigillis, ejusdemque materia.

CASUS PRIMUS.

Titia Domitella nobili stemmate nata & graviter decubens, vocavit ad se Confessarium, quem etiam illico comparentem affata est in hunc modum. Pater Reverende, non intendi vos vocare confessionis, sed consilii causa in hac mea extrema afflictione, quam nulli mortalium unquam manifestare possem, & vobis solum quasi in confessione conceditum volo. Ego ab aliquo seducta fui & impregnata, ad evadendam verd infamiam meam, Immo & totius mee familie, sumpsi medicinam, volens illa mediante procurare abortum: at verd pro dolor! comperio hanc medicinam non proli, (quippe quam adhuc vivere sentio in meo utero) sed mihi duntaxat nocuisse. His auditis Confessarius consuluit Titia utpote periculosè decubenti, ut ante omnia per veram ac sinceram confessionem conscientiam suam exoneraret in tanto periculo. 2. Ut statum suum vel Medico, vel honestè saltem

Matrona aperiret, quatenus tum suæ, tum vel maximè etiam prolis salutis prospiceretur: & primum quidem, 5. scilicet confessionem faciliè persuasit, alterum verd neutiquam persuadere potuit Titia, quippe constanter proteflanti, se nalle mori, quàm cum tanta sua infamia vel Medico, vel alteri cuicunque demum mortuum statum suum aperire; quam ob rem Confessarius eam velut indispositam noluit absolvere. Quæritur jam 1. Utrum in hoc casu fuerit obligatus ad servandum sigillum? 2. Utrum Titiam potuisset aut debuisset absolvere?

483 Resp. Ad primum. Confessarius in hoc casu fuit obligatus ad servandum strictissimum silentium, esto etiam Titiam, quam indispositam credidit, non absolverit. Ratio est: quia secundum omnes obligatio sigilli oritur ex confessione Sacramentali etiam inchoata tantum, uti dictum mox suprâ nu. 497. atqui Titia ad instantiam Confessarii deposuit confessionem Sacramentalem saltem inchoatam, uti casus fert: ergo &c.

484 Non tamen fuisset obligatus ad servandum Sigillum sacramentale ex eo præcisè, quòd consilii, & non Confessionis causa audiverit hoc delictum à Titia, esto hæc addiderit, se quasi in Confessione id revelare, & dictum velle. Ratio faciliè deducitur ex dictis suprâ: quia obligatio Sigilli oritur ex sola Confessione Sacramentali: At, si Titia solius consilii gratia rem manifestavit, non fecit Confessionem Sacramentalem, hoc ipso, quòd non fecerit in ordine ad Sacramentum: Ergo ex tali manifestatione non fuisset orta obligatio Sigilli, esto etiam Titia hoc modo intendisset obligare; quia hæc obligatio non dependet ab arbitrio humano, sed ex institutione Christi, qui eam soli Confessioni Sacramentali annexuit, uti communiter tenent DD. idque Romæ in casu ejusdam Cardinalis fuisse declaratum testatur Bossæus V. Confessio VII. numer. 6. apud nostrum Herinex dispo. 8. numer. 10. Ubi tamen is rectè advertit, etiam in simili casu Confessarium frequenter obligari posse ad tacendum, non solum ex secreto seu Sigillo naturali, sed etiam ratione scandalii, ed

li, eò quòd rudens plerùmque existimant, ea, quæ simili intentione dicuntur, cadere sub fissillum.

485 R. Jam ad secundum, vel maximè à Confessario inquirendum & attendendum fuisse, an ceròd probabilis saltem, sin minds certa omnino spes affuisset, de salute æterna prolis, seu gratia baptismi obtineret, casu quo Titia rem manifestaret? Et siquidem nulla, vel certè exigua effulset spes, utputa quia primùm conceperat ante quatuor, quinque vel etià sex menses &c. non tenebatur Titia cum tanta infamia manifestare rem, sed poterat tuta conscientia permittere suam mortem, quippe quæ minus malam & tolerabiliorem existimaverat, quàm infamiam: Quo supposito Confessarius tenebatur Confessam velut legitimè dispositam absolvere, & de cætero servato sigillo strictissimo, rem totam Deo precibus commendare. At verò, si apparuit spes probabilissima de vita prolis, & baptismi gratia eidem conferenda, utputa quia jam exstiterat satis matura, & partui propinqua, utique Mater tenebatur infamiam postponere salutis spirituali prolis, veluti in simili casu diximus *part. 1. Conf. 4. nu. 18. & cum communi DD.* tradit La Croix *l. 3. p. 1. n. 776.* Quare si hoc Titia etiam post agnitam veritatem & obligationem suam noluisse facere, velut indisposita absolvi non potuisset.

486 Dixi: si post agnitam obligationem nolisset, &c. Etenim si bona fide credidisset, se nequaquam obligari ad hanc sui ipsius manifestationem, etiam non obstant periculo prolis, simulque Confessarius prævidit, nunquam fore ut hoc eidem persuaderi valeat, melius utique secessit omnino tacendo de hac obligatione, & Titiam bona fide confessam absolvendo, mittere ad cælestem patriam, quàm sine absolutione mittere, vel saltem permittere ut vadat in infernum, prout paulò superiùs *n. 472.* jam animadvertimus ex P. Sporer & aliis DD.

CASUS SECUNDUS.

Sempronia hæcenus inhonestè vixerat cum aliquo Religioso exposito, cui propterea Confessarius mandavit, ut eadem peccata denuo confiteretur vel Superiori ejusdem Religiosi, vel saltem alteri ejusdem Monasterii Alumno; quod postèrius etiam factum: At verò Religiosus iste inaudiens talia à suo Confratre perpetrata, illico demandavit Semproniam, ut sibi hæc crimina extra Confessionem aperiret, compliceque nominaret, quatenus hunc ad suum Superiorem posset deferre, siquæ infamiam S. Religionis inde imminentem præcludere. Queritur jam 1. an prior Confessarius justè obligavit Semproniam, ad eadem crimina denuo confitenda vel Superiori, vel alteri Religioso? 2. Utrùm postèrior Confessarius rectè egerit, postulando complice nominari, sibi que licentiam fieri extra Confessionem eadem crimina deferendi ad suum Superiorem. 3. Denique an ad hoc Semproniam potuerit obligare?

487 Resp. ad primum. Confessarius nullatenus potuit Semproniam obligare ad iteratam Confessionem eorundem peccatorum. Ratio est: Quia secundum communissimam DD. sententiam nemo tenetur (saltem per se loquendo) eadem peccata bis confiteri: Ergo nec Sempronia ad id valuit obligari. Et dato etiam, quòd Confessarius tum salutis animæ illius, tum etiam honori S. Religionis aliter prospicere non potuisset, vel potiùs non scivisset, satis certè fuisset obligare penitentem, ut vel Superiori, vel alteri Religioso ejusdem Monasterii, quasi genericè intimaret statum & consuetudinem illam pessimam alterius expositi, absque eo, ut omnia sua peccata singillatim ac specificè denuo enarraret: Profecto tali manifestatione nec Superior indiget ut honori suæ Religionis consulat in simili casu: Ergo ne quidem per accidens Sempronia obligari potuit ad iteratam & specificam Confessionem suorum criminum, quam utique sine gravi onere facere nunquam potuit. Unde Marchantius noster in suo *Tribunal. Tom. I. tr. 4. tit. 6. q. 6. Append.*

2. *Concl. 3. §. infero tertio, ait, horribili & nefando sacrilegio culpabiles esse, qui licentias & facultates loquendi, vel agendi de delictis in Confessione tum circa penitentem, tum circa tertiam personam extorquent, & harum licentiarum prae-textu sacrilegè utuntur scientia accepta in Confessione ad corrigendos, immò & apud Superiores accusandi complices, & tertias personas.*

488 R. Jam ad secundum. Posterior Confessarius non minùs imprudenter & peccaminosè egit, quàm prior, dum iussit eadem crimina extra Confessionem sibi manifestari, complicemque nominari, quatenus hunc posset ad Superiorem deferre. Ratio hujus facili colligitur ex modo dictis; tum scilicet 1. quia nulla fuit necessitas omnia crimina extra Confessionem denuo revelandi, ideoque penitentem injustè gravavit; tum etiam quia maturiori deliberatione prae-missa oportuisset priùs pensare, utrùm Monasterium & Religio versarentur in tanto, tamque certo ac evidenti periculo infamiae, ut sine denuntiatione huic prae-caveri fuerit impossibile. Videatur Henno de penit. disp. 10. quest. 5. *Concl. 1. & 2.*

489 Resp. Ad tertium. Etsi per se loquendo Sempronia non potuerit obligari ad manifestanda sua crimina extra Confessionem, vel ad dandam licentiam Confessario eadem manifestandi; Supposito tamen, quòd honori Religionis ac Monasterii aliter prae-caveri non potuisset, potuit obligari saltem ad hoc, ut vel ipsa Superiorem accederet, vel Confessario daret licentiam rem & statum illius expositi genericè saltem intimandi Superiori, idque non accusationis, vel vindictae causa, sed potius correctionis aut emendationis; & scandalii vitandi. Ratio hujus responsionis est: quia ordinata charitas dicat, bonum totius communitatis praeferendum esse bono famae alicujus hominis privati, aliisvè incommodis non adeo gravibus: atqui obligatio, vel personaliter Superiorem accedendi, vel saltem Confessario dandi licentiam, rem & statum expositi illius Religiosi quasi genericè duntaxat deferendi Superiori non videtur tam grave incommodum, ut huic postpo-

ni deberet bonum Religionis, vel totius Monasterii: Ergo si aliter huic malonon potuisset remediari, Confessarius licitè imposuisset hoc onus. Videatur de hoc Marchant. loc. cit. Gobat traçt. 7. numer. 249. vel Lugo disp. 16. scđ. 8. dub. 12. n. 946.

490 Dictum tamen fuit: Supposito, quòd honori Religionis ac Monasterii aliter prae-caveri non potuisset. Etenim in hoc casu vel maximè etiam attendendum fuit, an non detur fraternae correctionis locus, priùs quàm res denunciaretur Superiori; idem exigat praeceptum fraternae correctionis à Christo ipso praescriptum Matth. 18. Cui per institutionem hujus Sacramenti nullatenus praejudicare voluisse, credendum est. Meo iudicio haud ineptè ageret talis Religiosus, si cum bona venia complices penitentis alterum suum Confratrem errantem partim obsecrando, partim etiam increpando, oportune ac importune instando hortaretur ad resipiscendum, & si noluerit, minuetur eidem graviora incommoda, confusiones publicas, depositionem ab officio &c. Quòd si Confessarius non libenter vellet scribendo prodere se ipsum, expediat licteras illas suppresso suo nomine, velut à quodam bono & sincero amico missas. Juvabit insuper persuadere Semproniae, ut post aliquot septimanas denuo redeat, relatura qualem effectum habuerit haec admonitio. Et his demum omnibus tentatis deliberet, sitnè res deferenda ad Superiorem, vel non?

CASUS TERTIUS.

Caso Confessario tempore Paschali occurrit quidam Concubinarium, qui, etsi nullis rationibus adduci potuerit ad deferendam suam Concubinam, cujus amore se captum asseruit, nihilominus praetendebat schedulam testimonialem peractae Confessionis Paschalis; quam tamen idem Confessarius absolute negavit, sicut & ipsam Absolutionem. Non multò post idem Confessor audivit alios de eodem penitente ceu homine scandaloso & concubinario notorio discurrentes; quibus Casus discursus promovendi gratia reposuit: novi & ego,

Et ego, quod talis sit: utinam tandem DEUS illum convertat. Quia vero Casus hec noverat ex sola Confessione Sacramentali saltem inchoata, ceteri autem non adverterint eum ex Confessione loqui; hinc conscientia simulis agitata quærit 1. an immemorata verba præcisè proferendo, egerit contra obligationem Sigilli Sacramentalis. 2. An tuta conscientia liceat penitenti negare testimonium peractæ Confessionis, seu schedulam Pascha-lem?

491 Resp. Ad primum. Cajus hæc dicendo fregit Sigillum. Ratio est: Quia dicere aliquod peccatum, specificè seu in individuo, cujus notitia habetur ex sola Confessione Sacramentali, repugnat reverentiæ hujus Sacramenti, & juri ipsius penitentis, qui, si sciret, hoc à Confessario fieri posse impune, meritis abstergeretur à Confessione, & hoc ipso Sacramentum redderetur exofum: Ergo hoc nullatenus licet. Nec refert, quod alii non adverteant, Cajum loqui ex sola notitia Confessionis; nam per hoc solum excluditur scandalum aliorum, minimè verò injuria tum penitenti, tum etiam ipsi Sacramento principaliter irrogata, uti mox ostensum fuit: Ergo. Videatur Layman *Lib. 5. tit. 6. c. 14. n. 9.* Gobat *tit. 7. n. 801.* La Croix *n. 1962.*

492 Resp. Ad secundum. Si penitens adiit Confessarium vero animo confitendi, & quidem in loco publico, ubi omnibus aliis penitentibus dare solebat schedam, probabilior etiam huic tenebatur eam dare. Ita contra Tamburinum & alios multos tenent Diana, Stoz *Lib. 2. num. 235.* Illung. *tit. 6. d. 6. num. 238.* aliique plures. Ratio est: Quia in his circumstantiis negare schedam, idem esset, ac indirectè dicere, penitentem non esse ritè confessum, nec dispositum, aut absolutum. Quocirca tamen rectè monet Sporer, nunquam esse scribendum, quod penitens sit absolutus, sed solum, quod sit sacramentaliter confessus; hoc enim cum veritate semper poterit testari Confessarius: neque per hoc cooperatur peccato penitentis, aut indignæ susceptioni Eucharistiæ, nam ab utroque debet illum potius dehortari; quo facto si nihilominus accedat ad S. Com-

munionem, Confessarius censebitur solum permittive se habere ad hujusmodi peccata, quippe quæ hic & nunc aliter impedire nequit.

493 Dicitur fuit rursus: Si penitens adiit Confessarium vero animo confitendi &c. Etenim si venisset animo duntaxat simulato, ut puta vel penæ vel solum infamiae vitandæ causa &c. non tenebatur Confessarius eidem dare testimonium peractæ Confessionis. Neque in hoc erat periculum frangendi sigillum, quippe quod secundum dicta oritur ex sola Confessione Sacramentali; qualem non facit, qui animo simulato tantum venit ad Confessionem: Ergo &c. Cavendum tamen esset, ne alii id advertentes inde scandalizentur, & arguant Confessarium fregisse sigillum, utpote ignorantes, penitentem animo ficto duntaxat accessisse sacrum tribunal.

Dices adhuc: Sed quid cum tali penitente indisposito agendum foret in hac nostra Diocesi Salisburgensi, ubi Confessarius de Mandato Reverendissimi Consistorii schedulam impressam subscribere & scripto testari debet, se penitenti Sacramentum penitentiae administrasse?

494 Resp. Certum esse debet, quod Confessarius subscribendo testari nequeat, se administrasse Sacramentum penitentiae huic penitenti, utpote quem velut indispositum supponitur non absolvisse; nam mentiretur dando hujusmodi testimonium. Quare si talis simulatus penitens confiteatur in loco privato, ubi nullus mortalium advertere aut scandalizari potest, eidem scheda Confessionis absolutæ & rotundè est deneganda: quo casu supposito probabilissimam judico opinionem Bonacini, Lugonis, Sporer *n. 840.* & aliorum, assertentium hujusmodi penitenti indisposito testimonium peractæ Confessionis negari posse: & certè in his circumstantiis nullo jure prætereundum potest testimonium de absolute sibi data, seu administrato Sacramento penitentiae.

At verò quando penitens etiam fictus publicè in tali loco ubi aliis omnibus scheda Confessionis tradi solet ac debet, confitetur, res hæc difficultate non caret ob periculum scandalizandi circumstantes.

Ego

Ego (salvo meliori iudicio) censeo, huiusmodi homini mox in confessionali intimandum esse, ut abeat sine strepitu, & ni velit se disponere ad absolutionem valide percipiendam, nullatenus prætendat testimonium de administrato sibi Sacramento Penitentiae, quippe quod salva conscientia dari nunquam poterit in hoc statu. Quodsi his non obstantibus coram aliis publicè prætendat schedam dari solitam, Confessarius eidem permittat, ut schedulam impressam sibi tollat, sed vel non subscribat suum nomen, multò minus quod illum absolverit, vel certè non debet inscribere nomen ipsius confessi, sed loco huius poterit inscribere nomen alterius, quem jam absolvit. Et certè si quam prostitutionem aut infamiam penitens pateretur in tali casu, eam non Confessario, sed suæ indispositioni culpabili, & pertinaci importunitati debet imputare, veluti rectè advertunt Busembaum *hic cap. 3. Resp. 1. n. 4. Sporer loc. cit. & c.*

§. III.

Corollaria ex dictis inferenda.

495 **C**olliges ex hæcenus dictis 1. In praxi semper sequendas esse illas opiniones, quæ magis favent Sigillo. Ratio est: Quia, hoc magis removel à peccato; nam oppositæ opiniones plerumque exponunt Confessarium periculo scandalii, aut certè periculo impingendi, & lædendi sigillum naturale. Ergo cum aliunde notum sit, semper esse magis inclinandum & savendum causæ piæ, etiam hic non oportet facillè recedere. Diana *Stoz Lib. 2. num. 205. La Croix num. 1945.*

496 Colliges secundò, Sigillum duobus modis, scilicet 1. directè, & 2. indirectè frangi posse. Ratio clara est: Quia peccata penitentis non tantùm expressis verbis possunt revelari (quod iniquissimum foret, & directà fractio sigilli) sed etiam factis vel operibus; quod est indirectè frangere Sigillum: id quod satis innuitur *cap. omni utriusque sexus,*

Elbel *Tbcol. P. II.*

suprà *num. 478.* recitato, ubi cavetur, ne Sacerdos *verbo aut facto* ullatenus prodatur peccata penitentis Herincx *Disp. 8. num. 22.*

497 Colliges hinc tertio, Confessarium (duplici semper peccato) frangere Sigillum 1. Si nimis strepitose & altè penitentem examinee, vel reprehendat illum ita, ut ab aliis circumstantibus id possit notari: Qua ratione jam superius à *num. 148.* dictum fuit, huiusmodi periculum excusare ab integritate materialis Confessionis. 2. Frangit indirectè Sigillum Confessarius, si pro peccatis merè occultis injungat penitentiam publicè peragendam, & quidem gravem. De quo vide dicta superius *Confer. 9. num. 236. & 238.* 3. Si de aliqua communitate non adèd magna dicat, in ea committi hæc & hæc crimina &c. 4. Si dicat, se huic aut illi penitenti in particulari dictasse magnam penitentiam v. g. rosarium, jejunium &c. 5. Si dicat, v. g. Petrum sibi tot ac tot horis, aut diebus subsequenter fuisse Confessum &c. nisi ab aliis tanto tempore confitens fuisset visus &c. 6. Si dicat se non absolvisse v. g. Petrum aliis notum. 7. Si ex duobus aut pluribus sibi Confessis unum singulariter laudando & extollendo dicat, cum nunquam graviter peccasse, aut gratiam in baptismo susceptam nunquam perdidisse &c. Quia hoc ipso videtur indirectè & tacitè innuere, alios sibi Confessos non esse tales. Esto etiam Confessarius id solum dixisset præciudendo ab aliis, quorum conscientias non habet plenè sibi perspectas, nihilominus fatendum est, huiusmodi discursus malè in aliorum auribus sonare, proptereaque abstinendum esse ab illis. 8. Lædit insuper Sigillum Confessarius, si penitentem quem ex sola Confessione novit indispotum, vel etiam non satis instructum sive per se, sive etiam per alium removel à scammo Communicantium, ne inter alios sacro pabulo reficiatur, prout ego alicubi factum fuisse scio. 9. Item si extra Confessionem cum penitente de peccatis Confessis loquatur sine ipsius licentia etiam implicite data; quam tamen censetur dedisse, quando cum Confessario extra

Z Con-

Confessionem incipit discursum de peccatis confessis, vel desuper consultit, aut petiit instrui, &c. Etsi juxta probabilissimam doctrinam non ledatur Sigillum Sacramentale, si Confessarius immediate post impetratam absolutionem poenitenti adhuc existenti in Confessionali det consilium aut admonitionem de emendanda vita, suppienda occasione &c. Quia censetur per hæc complere judicium Sacramentale. Similiter licitum esse in actu Confessionis loqui cum poenitente de peccatis jam pridem depositis, quando Confessarius prudenter judicat, hoc esse necessarium ad intelligendum præsentem statum, prout subinde fieri oportet cum consuetudinariis, & aliis, de quibus suspicari licet, quod in occasione proxima peccandi versentur. 10. Violatur insuper Sigillum Sacramentale, quando Confessarius poenitentem coram aliis interrogat, vel (pro ut fieri potest apud moribundos) adhortando exclamat, ut de suis peccatis gravissimis doleat, vel ut doleat, quod Dominum Deum suum tam graviter offenderit, prout ego aliquando audiavi quendam Zelotem, moribundo taliter exclamantem, &c. Ita communissime sentiunt DD. Mastrius, Bosco, Stoz, Gobat, Babenhuber, Clericatus de poenit. decis. 49. num. 10.

Dices. Ergone poenitenti publice accedenti administranda est S. Eucharistia, etsi Sacerdos ex sola Confessione certo sciat eum esse indispositum & indignum?

498 Resp. Si supponatur publice in Ecclesia cum aliis accedere ad sacramentum, certum & exploratum habetur ab omnibus sine sacrilegio eidem negari non posse Eucharistiam, nisi esset publicus peccator ita, ut constet aliis quod sit indignus; tali enim sine scandalo administrari non posset sacrum pabulum.

At verò, quando peccator occultus, re vera tamen indignus, à solo Confessario Sacerdote, nemine alio præsentem (quod certe rarissime continget) petit Sacramentum Eucharistiæ, censet Illsung cit. num. 234. Illud & posse, & debere negari, eò quod irrationabiliter hoc prætendat pro illo statu. Neque ex hoc Confessio

possit reddi odiosa fidelibus, tamen si sciunt id impunè fieri posse à Confessario, præsertim cum ipsiusmet poenitens teneatur abstinere à peccato, seu sacrilega communione: pro hac opinione refertur S. Thomas, D. Bonaventura, alique gravissimi DD. Nihilominus ego cum P. La Croix Lib. 6. p. 2. nu. 1974. aliisque pluribus censeo probabilius, id esse contra intentionem Christi, & contra immunitatem Sigilli Sacramentalis. Ratio est: Quia Confessarius ipso facto, quodammodo objiceret & exprobraret poenitenti suum peccatum: at hoc Christus noluit fieri extra Confessionem: Ergo. Certè ipsiusmet Illsung l. cit. num. 258. fatetur, non esse licitum poenitenti soli, esto nullus mortalium advertat, peccata confessa exprobrari verbis, vel alia actione, etsi Confessarius per hoc intenderet emendationem, vel solum impedire peccatum quod ipse per se teneretur evitare: quare ergo ex hoc sine liceret Eucharistiam eidem negari?

499 Colliges quartò, periculo frangendi Sigillum sese exponere illos Confessarios, qui de suis poenitentibus ita incautè loquuntur, ut alii audientes ex combinatione circumstantiarum possint venire in notitiam alicujus personæ determinatæ; veluti fieri potest 1. si Confessarius dicat v. g. primus poenitens mihi confessus fuit adulter, vel fuit Concubinarius &c. 2. Si dicat: hodie, vel hac aut illa die &c. Confessi sunt mihi tres Clerici, & quibus unus satis gravem deposuit sarcinam &c. Item 3. si dicat Confessarius: hodie me unus poenitens multum detinuit, eò quod habuerit intricatissimam conscientiam, vel multa, eaque gravia peccata &c. In his, inquam, & similibus loquendi modis est periculum frangendi Sigillum: quid si enim ex post facto immemor priorum dictorum coram aliis referat, quisnam fuerit primò sibi confessus? Quid si alii aliunde id nossent? Quid si viderent illos Clericos confessos, & ex illis unum aut alterum moribus innocentissimum scirent aliunde v. g. ex Confessione aut familiariori conversatione cum ipsis? Quid denique si hodie notassent illam personam; quæ tamdiu Con-

Confessarium illum detinuit? Nunquid illico venient in notitiam peccatorum gravium confessorum? Ergo cum talis modus loquendi habeat annexum periculum agendi contra Sigillum Sacramentale, semper ab eo abstinendum, & cane pejus ac angue fugiendus est, veluti recte notant Gobat *cit. num. 820. La Croix num. 1694.*

500 Colliges quintò, eorum hominibus sæcularibus, præsertim rudioribus, & rem minùs intelligentibus, nunquam esse discurrendum de peccatis in Confessione auditis, vel si ipsimet huiusmodi discursum incipiant, ab eo quantocyus abstrahendum vel abrumpendum esse. Ratio est: Quia huiusmodi hominibus de facili præberi potest scandalum, qui hoc ipso, quòd audiant Sacerdotem loquentem de sibi confessis, putant eum frangere Sigillum, proptereaque absterrentur à Confessione, veluti jam superius Confer. Casu vero & non ficto narravimus. Dictum tamen fuit, *coram rudioribus & rem minùs intelligentibus nihil discurrendum esse &c.* Nam apud prudentes ac doctos non est tantum periculum scandalum, tametsi ne quidem coram istis aliquid de auditis in Confessione sit propalandum sine verè gravi causa, ut puta ad dandam, vel etiam ab alio capiendam instructionem aut consilium; quo quidem casu convenit, ut Confessarius quantum potest abstrahat à circumstantiis particularibus non necessariò exprimendis, neque dicat, sibi hunc vel illum casum obtigisse, sed potiùs quærat, quidnam agendum, si hic casus contingeret? Ita Formarius c. 3. apud Gobat *cit. n. 816.*

Dices adhuc. Sed quid agendum, vel respondendum si interrogetur Confessarius de aliqua persona privatim, an hoc vel illud peccatum fuerit confessus?

501 Resp. Consultissimum est, ut paucis se expediat, respondendo: *fecisti penitentem quod suum, & ego quod meum erat.* Quin etiam casu quo interrogans ulterius instaret, quærendo de aliquo peccato confessio, posset Confessarius tuta conscientia etiam cum juramento negare, se aliquid scire de hoc vel illo crimine

(modò ex tali responsione alii non concludant penitentem sacrilegè fuisse confessum) intelligendo semper cum restrictione mentali, in hoc casu vel maxime permixta: *Nihil scio scientia tibi communicabili*, quam solam interrogans potest prætere: hoc autem semper dici potest cum veritate, esto Confessarius notitia Sacramentali, ideòque incommunicabili illud optimè noverit. Vel denique dicat: *Sacrilega est hæc tua interrogatio, ad quam non, nisi sacrilegè responderem & ideo non habeo, quod tibi dicam.* Vide Bosco *de Ministro penit. disp. 8. sect. 7. nu. 30. Sporer n. 817. Lugo sect. 3. Diana p. 5. tr. 11. resol. 43.*

CONFERENTIA

VIGESIMA.

De illis, qui tenentur ad Sigillum Sacramentale, & quo modo liceat uti notitia ex sola Confessione comparata.

SUMMARIUM.

- 502 *Quam obligentur ad servandum Sigillum Sacramentale?*
- 503 *An etiam ille, qui peccata alterius in cartha annotata legit?*
- 504 *Pœnitens an teneatur ad servandum Sigillum?*
- 505 *Et quid, si in Confessionali sollicitetur ad peccandum?*
- 506 & 507 *An sit licitum uti notitia ex sola Confessione comparata?*
- 508 *Quasnam pœnas incurrat Confessarius violando Sigillum?*
- 509 *Hic tamen affici nequitiam debet, nisi fuerit convictus & confessus criminem.*
- 510 *Resolvitur Casus I. de quadam persona, quæ Religiosum Confessarium apud Superiorem iniquissimè & mendosè accusaverat de crimine sollicitationis.*
- 511 *Quanam Superiori id audienti fuerint observanda?*

- 512 Et quidam agendum fuerit alteri Confessario, cui sassa fuit hanc iniquissimam & falsissimam delationem.
- 513 Onus revocandi & restituendi famam loco talis personæ, non debet de facili in se suscipere Confessarius.
- 514 Resolvitur Casus II. de Sacerdote ex Confessione percipiente, sanguinem in sua domo à suo proco fuisse imprægnatam, cui propterea licitè præcepit in actu Confessionis, ut à domo sua discederet sponte.
- 515 Qua tamen postea non abeunte, debet se gerere, ac si de hoc nihil omnino audivisset, aut mandasset in Confessione.
- 516 An tali Sacerdoti liceat deinceps diligentius custodire & occultare domum, vel invigilare eidem suæ famulæ, controvertunt DD.
- 517 Probabilius videtur id non esse licitum vi solius notitiæ ex Confessione haustæ.
- 518 Resolvitur Casus III. De quodam Sacerdote, qui sub crepusculo adveniens, sagam suo Confessionali appropinquare subito surrexit, & alios quoque Confessarios surgere faciens, conclusit januas Ecclesiæ.
- 519 Qui si sagam ex sola Confessione Sacramentali novit, probabilius illicitè egit, tametsi nec saga, neque alii adverterint, id isse factum & solius notitiæ Sacramentalis.
- 520 Quod confirmatur ex Decreto Clementis VIII. prohibentis ne Superiores Regulares ad gubernationem exteriorem utantur notitiâ comparata ex Confessione suorum subditorum.
- 521 Præter Confessarium etiam ille tenetur ad Sigillum Sacramentale, qui præter, vel contra voluntatem confitentis peccata ipsius intellexit.
- 522 Secus dicendum foret, si pœnitens sponte sua eadem peccata manifestasset aliis.
- 523 Confessarius licitè utitur notitiâ Confessionis ad propriam instructionem & cautelam, modò id faciat sine gravamine pœnitentis.
- 524 Et quid agendum, ubi Confessarius ex sola Confessione audit, sibi parari infidias, aut mortem intentari?
- 525 Concionatores in Cathedra, an, vel quando possint uti notitiâ Sacramentali sine sacrilegio?

§. I.

Præmittuntur, & breviter resolvuntur quæsitæ scitu necessaria, ad debitè resolvendos casus de usu notitiæ ex sola Confessione comparatæ.

Quæres primò, quinam obligentur ad servandum Sigillum?

302 Resp. Præter Confessarium, qui Sigillo Confessionis principaliter ac primariò tenetur, obligantur insuper omnes illi, ad quos notitiâ Sacramentalis Confessionis immediatè pervenit, vel etiam mediatè, utputa 1. ad stantes confessionali, & præter intentionem pœnitentis peccata audientes &c. 2. Interpreter, quo mediante facta fuit Confessio. 3. Ille, cui pœnitens bona fide confessus fuit, existimans illum esse Confessarium legitimum, esto revera talis non sit. 4. Item Superiores à quibus postulata fuit licentia absolvendi à casibus reservatis, sicut & 5. alii viri docti à Confessario super peccatis, & statu pœnitentis consulti, casu quo per accidens venissent in notitiam talis pœnitentis. Ita post Scot. 4. d. 27. & alios Reinssuetel Theol. Moral. tr. 14. dist. 9. num. 36.

Quæres secundò, utrùm etiam ille teneatur ad servandum Sigillum Sacramentale, qui peccata alterius memoriæ causa in charta annotata reperit & legit?

303 Resp. Multi id affirmant, ducti hac ratione: quia illa Scriptura est quædam quasi internuncia peccatorum, & re ipsa vel est inchoata confessio, vel Confessionem jam factam gerens: Ergo quisquis eam repertam legit, tenetur ad Sigillum Sacramentale quemadmodum tenetur, qui alterius sui amici non valetis scribere Confessionem scripto excipit. Hoc tamen non obstante multi alii probabilissimè negant, talè teneri: Si-

Sigillo Sacramentali, licet fateantur quemlibet gravissimè obligari ad non legendam Confessionem alterius, vel si jam legit, ad servandum de iis Sigillum naturale, vi cuius quis tenetur ad non diffamandum proximum injustè. Ita Navarrus, Sotus, Layman ubi supra num. 19. Sporer num. 858. Reinfiel cit. num. 37. Ratio autem hujus resolutionis negativæ datur hæc: quia obligatio Sigilli Sacramentalis oritur ex sola Confessione Sacramentali: Atqui talis Scriptura non est confessio, nequidem inchoata, sed solum continet materiam præparatam ad faciendam Confessionem: Ergo &c. Aliter discurrendum foret, si quis hujusmodi Scripturam legeret, quando vel pœnitentiam actu prælegit Confessario, aut quando sibi perfectam Confessarius ipse legit, vel denique sive casu eam amittendum aut etiam illicito modo ex professo alteri communicaret &c. quia tunc eam legens teneretur ad servandum Sigillum Sacramentale; Siquidem manifestatio facta per Scripturam Sacerdoti in ordine ad obtinendam Absolutionem Sacramentalem est verissima Confessio Sacramentalis, ideoque parit obligationem Sigilli, veluti tradunt Layman, & Sporer II. cit.

Quæres tertio, utrùm etiam pœnitens teneatur sub Sigillo conservare ea, quæ à Confessario dicta audit?

504 Resp. Quod non. Ita Gobat tr. 7. num. 862. Laym. cit. num. 20. Babenstuber ubi supra disp. 6. art. 4. num. 23. Ratio est: Quia obligatio Sigilli Sacramentalis oritur duntaxat ex confessione pœnitentis, & in hujus favorem introducta fuit à Christo: At, quæ Confessarius loquitur, non sunt Confessio pœnitentis: Immo tametsi de peccatis ipsius pœnitentis loqueretur, posset tamen pœnitens renunciando suo favori ac famæ ea aliis propagare, præferim occurrente aliqua causa honesta: Ergo non obligatur ad hæc reticenda & conservanda sub Sigillo Sacramentali; etsi omnes DD. fateantur, eum vi legis naturalis construngi, ne aliquid de auditis à Confessario in Confessione postea revelet, quo vel se ipsum sine justa causa infamare, vel etiam famæ

aut bonæ existimationi ipsius Confessarii detrudere posset.

505 Excipiunt rursus iidem DD. nisi Confessarius (horribili utique sacrilegio) pœnitentem, sive marem, sive feminam in confessionalis sollicitasset ad turpe vitium, in materia scilicet luxuriæ &c. quia pœnitens in tali casu teneretur Confessarium illum denunciare vel Officio sacræ inquisitionis, vel, ubi hæc non viget, Ordinario suo, scilicet Episcopo. Ita statuit Gregorius XV. Anno 1622. 30. Augusti Bulla: *Universi Domini Gregis &c. ubi §. 4.* Ita loquitur: *Statuimus, decernimus, & declaramus quod omnes & singuli Sacerdotes (sæculares & Regulares, tam exempti, quam non exempti) qui personas; quæcumque illa sint, ad inhonestam, sive inter se, sive cum aliis quomodolibet perpetranda, in actu Sacramentalis Confessionis, sive ante vel post immediatè, seu occasione vel prætextu Confessionis hujusmodi, etiam ipsa Confessione non secuta, sive extra occasionem Confessionis in Confessionario, aut in loco quocumque, ubi Confessiones Sacramentales audiuntur, seu ad Confessionem audiendam electo, simulantes ibidem Confessiones audire, sollicitare vel provocare tentaverint, aut cum eis illicitos, & inhonestos sermones, sive tractatus habuerint, in Officio Sacræ Inquisitionis severissime puniantur &c.* Denique §. 7. mandat idem Pontifex omnibus Confessariis, ut suos pœnitentes, quos noverint fuisse ab aliis sollicitatos, moneant de obligatione denunciandi sollicitantes Inquisitoribus, seu locorum Ordinariis: *Quodsi hoc Officium intromiserint, vel pœnitentes docuerint, non teneantur ad denunciandum Confessarios sollicitantes, seu tradantes, ut supra dictum, iidem locorum Ordinarii & Inquisitores illos pro modo culpæ punire non negligant.* Unde liquet, satis tutum non esse, asserere simpliciter, quod hæc constitutio in Germania non obliget, præferim cum etiam Alexander VII. damnaret sequentes duas Propositiones. Prima num. VI. *Confessarius, qui in Sacramentali Confessione tribuit pœnitenti charitatem postea legendam, in qua ad Venerem incitat, non censetur sollicitasse in Confessione,*

ac proinde non est denunciandus. Altera n. VII. modus evadendi obligationem denunciandae sollicitationis est, si sollicitatus confiteatur cum sollicitante, hic potest ipsum absolvere absque onere denunciandi: Et si pariter haud ignoret, multos DD. Germanos, nominatim Sporer, & Gobat tr. 7. n. 377. non contradicente La Croix, docere, Decreta illa Pontificia in plerisque Germaniae Episcopatibus non esse usu recepta.

Et Viva ad propos. 5. ac sextam ab Alexandro VII. damnatas, etiamnum probabile censet v. g. foemina excusari à denunciando sollicitantem, si grave malum inde timeat, aut si ea proximè eventura probabiliter credat suis consanguineis, aut affinibus usque ad quartum gradum. Vide Viva loc. cit.

Quæres quartò, utrùm Confessario aliquando liceat uti notitia ex sola Confessione comparata?

306. Resp. Notitia ex sola confessione comparata (sine speciali, voluntaria, libera & expressa licentia poenitentis; de qua suprâ n. 482.) nunquam licet uti sic, ut alii possint advertere, poenitentem hoc vel illud peccatum incidisse, aut grave peccatum fuisse Confessum &c. Immo neque præfata notitia licitum est uti sic, ut solus poenitens illud advertens, inde cogatur subire aliquam confusionem, damnum, aliudve gravamen. Ita sanè communissimè DD. Henno de poenit. disp. 10. q. 6. Concl. 1. Kresslinger in Addit. ad Theol. Moral. P. Reiffenst. post n. 33. La Croix n. 1977. Ratio autem generalis est illa jam superius insinuatâ; quia alias Confessio fidelibus merito redderetur odiosa ac formidabilis, non sine maximo animarum detrimento; quod Christus ceu Auctor hujus Sacramenti certò nunquam intendit. Hinc Innocentius XI. in Congregatione generali universalis Inquisitionis expressè inhibuit, ne Confessarii utantur scientia Confessionis cum aliquo gravamine poenitentis, etsi abesset violatio Sigilli; immò verò tametsi majus gravamen ex non usu, quàm ex usu talis scientiæ poenitenti securum prævideatur; ergo non licet &c. Videatur.

307. Dicitum tamen fuit: Si poenitens inde cogatur subire aliquod gravamen, damnum, vel confusionem &c. Non enim illicitum est uti tali notitia etiam extra Confessionem &c. quando poenitens vel omnino non advertit Confessarium illa uti; vel si etiam illud advertat, inde tamen nullum prorsus gravamen, sed potiùs favorem ac commodum sentit. Qua ratione communissimè tenent DD. uti videre est apud Sporer n. 869. & alios jam cit. licitum esse Confessario, poenitenti, quem ex confessione novit verè pauperem, dare elemosynam, vel etiam abstinere à verbis aut factis, quibus novit poenitentem fuisse provocatum ad iracundiam aut indignationem &c.

Quæres quintò, quasnam pœnas Confessarius sigillifragus incurrit?

308. Resp. Vi antiquorum Canonum Confessarius convictus de hoc delicto debebat deponi, & ad peregrinationem perpetuam condemnari cap. Sacerdos de poenit. dist. 6. Verùm quia hæc poenitentia videbatur cedere in dedecus ordinis Sacerdotalis, hinc à Concilio Lateranensi sub Innocentio III. cap. omnis utriusque sexus &c. de poenit. & remiss. commutata fuit in aliam, scilicet hanc, ut sigillifragus detruderetur in Monasterium, ibidem tota vita sua arctam poenitentiam acturus. Quia etiam ubi talis fractio Sigilli contigisset cum magnis scandalis, aliisvè detrimentis notabilibus poenitenti inde emeris, iniquus Confessarius esset degradandus, ac brachio sæculari tradendus, puniendusque morte corporali, prout olim factum fuisse Venetiis, testatur Felicianus de degradatione cap. 14. apud Gobat Quæst. tr. 5. cap. 42. n. 183. & Clericatum decis. 49. n. 18. & 19. quos vide, si placet.

309. Dixi: Confessarius convictus &c. de delicto. Nefas quippe foret omni juri & æquitati contrarium, hujusmodi poenis animadvertere in Confessarium non satis convictum, immò & confessum de crimine; prout ex casibus mox proponendis ampliùs colligetur. Cæterùm quo modo Episcopus vel Jux Ecclesiasticus debeat procedere ad formandum processum contra hujusmodi Confessarium quæ-

relatum, & diffamatum de hoc crimine, videri potest apud Doctores mox citatos: neque enim meæ intentioni aut fori mei est, paucis hisce pagellis Episcopos, vel Iudices Ecclesiasticos instruere, sed Tyrones duntaxat Confessarios minüs expertos in praxi. Illud solum cum Gobat in *Quinario* tr. 5. c. 42. sect. 7. n. 181. & segg. & Clericato *loc. cit.* breviter adnotare libuit, quod scilicet Iudex Ecclesiasticus, volens formare processum in hac causa, ante omnia debeat à penitente petere, & obtinere licentiam inquirendi, & testes examinandi &c. ita, ut si non præcedat dicta licentia, & testes id deponant in iudicio, ac Confessarius hoc ipsum fateatur, totus processus sit nullus, neque ex eo Confessarius possit puniri, veluti ostendunt Menochius, Baldus, Gomezius, quos refert & sequitur Dicastillo de *penit. disp.* 12. n. 60.

§. II.

Proponuntur, & breviter resolvuntur
Casus practici, de usu notitiæ, ex
sola confessione acquisitæ.

CASUS PRIMUS.

Titia à quodam Confessario Religioso se graviter offensam existimans, vindicandi ergo fida infirmitate in lectum decubuit, dictumque Religiosum Confessionis causa ad se vocari fecit; qui etiam nil mali suspicans, mox comparuit. Non multò post Titia è lecto surgens adivit: Superiorem Monasterii, & Religiosum illum effrontè accusando mendaciter distulavit, se ab eodem nuper Confessionis causa vocato fuisse sollicitatam ad turpissimum carnis flagitium. Tandem conscientie stimulis adacta venit ad alium quandam tertium Confessarium, & sese de hac iniquissima diffamatione dolenter accusavit. Jam quaeritur 1. quidnam Superiori, audita hac delatione Titia? & 2. quidnam tertio illi Confessario audita hac Confessione fuerit agendum?

510 Resp. Ad primum Superior audiens huiusmodi delationem, non debet esse ni-

mius facilis credendo Mulierculæ, immò nec alteri Confessario ex sola Mulierculæ assertionem rem fortè deferenti, nisi aliunde contra diffamatum subditum exstarent indicia gravia. Ita Marchantius mox suprà relatus *Tom. 1. tr. 4. tit. 6. quest. 6. Append. 2. Concl. 3.* quem sequitur Henno ubi *suprà quest. 7. Concl. 2.* Ratio est: Quia huiusmodi mulierculæ nonnunquam tam vehementibus invidiæ ac vindictæ passionibus agitantur, ut nihil non mollantur perdendi, vel certè graviter affligendi causa viros etiam Religiosos ac devotos, eò quòd suis inclinationibus eos invenerint contrarios, ait Henno *loc. cit.* Placet referre & alterum testem, sanè omni exceptione majorem, nostrum scilicet Marchantium, qui *loc. cit.* præclare disferens de hac materia, factus in hunc modum: *Ego ipse, qui hæc scribo, expertus sum, dum apud me, ubi Superior fui à Confessariis etiam contra hunc ordinem ad me delatæ fuerunt quærimoniæ contra aliquos innocuos subditos, quas filie quedam, quæ devotæ finguntur, in Confessione effutiverant cum licentia & facultate facta Confessariis suis, ut per illos denunciarentur mihi: quas postea falsas ipse in primis Confessarius deprehendens, ad me venit, deceptionem suam agnitus, & famam innocuorum sacrilego Confessionis sacræ abusu sublatam restitutus. Ita Marchantius mox subiungens: Fugite quæso pestem illam, non tantum ut malorum originem: sed ut per se illicitam, & Christi institutioni contrariam &c. Huius testimonio & ego tantò facilius adstipulor, quantò certius compertum habeo, falsissimam accusationem in nostro hoc casu non fectam, sed factam esse: novi ego Superiorem, cui subditum qui delatus fuit, & personam quæ postea sua dicta revocavit.*

Itaque in hoc casu delatrix à Superiore quam cautissimè, & accuratissimè examinari debet, de tempore, loco, occasione, verbis, factis, aliisque circumstantiis, an scilicet in his non inveniatur aliqua contradictio: debet insuper prius bene ponderatis tum personæ deferentis, tum ipsius etiam delati circumstantiis cum multa deliberatione rem coram D. O.

Z 4 dif-

discutere & conferre : & siquidem delatio aliquam veritatis speciem præferre videatur , non statim publicè coram aliis , sed potius in secreto examinandus est subditi delatus , tandemque quod coram DEO iustum , & tum bono animarum , tum etiam bono ipsius delati magis proficuum iudicaverit , decernere . Videantur de hoc KercKhove in *Statuta generalia* cap. 6 §. 2. à nu. 113. Rodriquez Tom. 2. qu. 18. art. 1.

312 Resp. Jam ad secundum Confessarius ille tertius tenebatur Titiam obligare , ut coram eodem Superiore (si tamen fieri poterat) falsam suam delationem revocaret , sive per se , sive per alium , idque verbis , vel saltem scriptis . Ratio est clara : quia omni jure tenetur restituere bonum famæ injustè ablatum , etiam cum aequali suo periculo diffamationis & confusionis , secus enim velut indisposita & incapax Absolutionis , dimittenda foret . Neque satisfaceret præcisè apud Superiorem intercedendo , ne accusatum puniret : quia per hoc subditi non recuperaret famam injustè sibi ablatam . Ratio autem hujus resolutionis jam fuit insinuata : siquidem Confessarii vel maximè est attendere , ne indigno & indisposito administret Sacramentum penitentiae . Nec sibi timeat de fractione Sigilli per hoc , quòd imponat & jubeat penitentem restituere famam &c. non enim contra , sed potius juxta voluntatem Christi agat , declarando eidem obligationem cui jure naturali tenetur satisfacere , si tamen velit absolvi vel salvari .

313 Quocirca bene notat Henno : cit. q. 5. *Concl. 3. fin.* Quòd Confessarius non debeat de facili hujusmodi onus (revocandi scilicet , & restituendi famam) in se suscipere , etiam si penitens illum enixe deprecetur ; quia non desunt alii , qui id exequi possint : & ubi non videtur aliter , nisi per Confessarium ipsum id fieri posse , non debet is aquietare , nisi penitens extra Confessionem , immò etiam extra Confessionale velit aperire rem , & (si tamen scribere sciat) dare schedulam in testimonium notitiæ extra Confessionem exhibetæ cum licentia ea uten-

di , quantum necesse fuerit ad restituendam famam integrè .

CASUS SECUNDUS.

S Empronius excepit Confessionem famulae suae inopinatò periculosè decumbentis , quæ inter alia candidè fatebatur , se tempore nocturno sepiussem procum suum admisisse in domum Sacerdotalem , & acta ab eo portare utrum ; itemque de esculentis , poculentis , aliisque atcnslibus plurima eidem impendisse , non sine magno conscientie suae remorsu , & danno ejusdem Sacerdotis ; qui audita hujusmodi Confessione prorjus obstupuit , multum sollicitus , qua via hinc evaderet violationem secreti Sacramentalis , illinc verò precluderet infamiam sibi certò imminentem , casu quo famula in domo sua pareret , simulque alia damna ex occulta subtractione imminerent . Unde jam quaeritur in hoc casu 1. An Sempronio licuerit in ipso actu Confessionis præcipere famula , ut recuperata valetudine sponte abiret à sua domo Sacerdotali , sibi que damna illata recompensaret ? Utràm postea nolentem cedere à domo , licuerit expellere ad vitandam infamiam , vel etiam diligentius custodire domum ; aliasque reculas , ne deinceps simile , vel omnino gravius damnum subire cogeretur ?

314 Resp. Ad primum . Licuit Sempronio in ipso actu Confessionis famulam suam obligare , & præcipere , ut abiret à sua domo , ad avertenda & prævenienda scandala , itemque , ut sibi pro damnis ex occulta subtractione illatis satisfaceret : etsi charitas , fortè etiam periculum scandali vitandi , suadere videantur , ut quoad restitutionem initius cum illa procedat , aut omnino condonet . Ratio hujus resolutionis facillè deducetur ex jam dictis : quia tantum adest , ut sacerdos agat contra voluntatem aut institutionem Christi , vel etiam contra reverentiam hujus Sacramenti , sub ipso actu confessionis injungendo penitenti obligationem jure naturali debitam , etsi post seu extra Confessionem implendam , ut potius vi sui officii teneatur eidem talem injungere , etsi eam de-

detrectet, omnino negare absolutionem, ne hanc indisposito administret cum irreverentia Sacramenti, veluti proximè dictum fuit: atqui famula in nostro casu tenebatur abire è domo sacerdotali ad avertendam gravissimam infamiam, quæ sine dubio in eam redundasset, si in eadem diutius perseverans parturisset; similiter tenebatur ad compensanda damna Hero suo injusta subtractione illata: Ergo &c. Et certè alius quicumque demum Confessarius id inaudiens, debuisset eam ad hoc obligare: quidni ergo Sempronius Confessarius potuisset id ipsum facere sine peccato? Unde prorsus non video, cur La Croix *num. 1977* doceat, Confessarium frangere Sigillum, si famulo infideli in confessione præcipiat reddere clavem, aut sponte discedere, eò quòd talis jussio non sit actus spectans ad confessionem: nnnquid enim ad confessionem vel maximè spectat, monere, immò & obligare pœnitentem (saltem per se loquendo) ad omne id præstandum, sine quo non esset capax absolutionis? atqui famula in hoc casu nostro nolens restituere vel discedere è domo sacerdotali, etsi posset, foret certò incapax absolutionis: Ergo &c.

515 Resp. Ad secundum. Si famula post recuperatam valetudinem noluit discedere è domo sacerdotali, & Sempronius de ipsius delictis non habuit notitiam aliunde extra confessionem, non licuit postea eam propter hujusmodi delicta confessa domo ejicere, neque sponte discedenti compensationis ergo subtrahere mercedem, seu salarium debitum, immò nec propterea solito austeriorem vultum exhibere. Ratio hujus jam suprà *num. 506*. data fuit: quia Confessario non licet extra confessionem uti notitia sola confessione comparata cum gravamine, damno, vel confusione pœnitentis, at, sine dubio famula confunderetur, si Sempronius eam vi solius notitiæ ex confessione adeptæ domo sua ejiceret, vel sponte discedere volenti salarium debitum subtraheret: Ergo hoc non licet: Consequenter deberet se gerere ac si prorsus nihil unquam de delictis famulæ audisset, non obstante quocunque damno aut

periculo infamiæ; quia multò majus foret periculum animarum saluti impendens ex fractione Sigilli, vel etiam ex hoc solum, quòd homines scirent, aliquando licitum esse Sigillum frangere, aut aliam confusionem extra confessionale sibi irrogari ob delicta in Confessionem exposita, uti Doctores sanè communiter advertunt.

Dices: At nunquid licuisset saltem Sempronio nostro deinceps accuratius custodire res suas, aut domum serare &c. ne infamis ille proculus rursus intraret tempore nocturno?

516 Resp. In primis certum & exploratum haberi ab omnibus, hoc non esse licitum, si vel proculus, vel alii domestici possint animadvertere, hujusmodi custodiam accuratorem rerum domesticarum fieri ob Confessionem famulæ. At verò supposito, quòd præter solam famulam confessam nemo alius prorsus id possit advertere, multi Doctores existimant illud haudquaquam illicitum esse; eò quòd Confessarius in hoc casu non exerceat aliquam actionem immediate erga ipsum pœnitentem, sed solum erga res suas meliùs custodiendas, ad quod, cum aliunde jus habuerit, pœnitens nequit esse rationabiliter invitatus, nec gravatè id ferre, præsertim cum ipsemet sponte teneatur abstinere ab hujusmodi actibus, vel occasionibus.

517 Nihilominus mihi cum P. Marchantio & aliis multò probabilius videtur, etiam hoc non vacare culpa sacrilegii, ideòque nunquam attendandum à Confessario. Ratio est: Quia hoc modo pœnitenti extra confessionale indicatur peccatum suum ex sola confessione notum: Ergo fit revelatio Sigilli, vi cuius pœnitentiæ Sacramentum posset reddi exosum, contra mentem Christi Domini, qui ad evitandum hoc absurdum voluit, ne Confessarius extra Confessionem vel cum ipso solo pœnitente unquam loqueretur de peccatis confessis. Qua de causa Congregatio Cardinalium universalis inquisitionis declaravit, usum notitiæ ex sola Confessione hauiæ, cum gravamine pœnitentis omnino pro-

prohibendum esse, etsi aliud multo majus commodum ex non usu ipsi etiam penitenti aut aliis sequeretur. Vid. *Viva in Append. ad Propositiones damnatas* §. 6. La Croix num. 1970. & 1977. Henno cit. quæst. 6.

CASUS TERTIUS.

Cajus Confessarius noverat ex sola Confessione quandam personam; quæ ex instinctu diaboli (erat enim saga) assueverat circuire Confessionalia, ut Confessarios narrando spurcicias suas cum diabolo commissas induceret in tentationes, aut certe sacrilega Confessione quovis demum modo impetrata, illdem remorsum conscientie infingeret? Quare cum eam aliquando tempore versperino suo Confessionario imminentem, immò jam proxime intraturam conspexisset, illico à sua sede surrexerat, & ne præfata persona alium fortè inficeret, aut molestaret, dato mox signo ad claudendas Ecclesiæ januas (erat enim Custos Ecclesiæ) omnes ac singulos Confessarios surgere fecit. Queritur jam an bene ac licitè?

518 Resp. Si Cajus Confessarius ex eadem confessione scivit, præfatam personam non animo confitendi, sed seducendi duntaxat, vel cum sacrilegio frustrandi Sacramentum, Confessarios convenire, haud illicitè egisset surgendo & confessionali, & excitato tumultu alios quoque provocando è suis sedibus, etsi forsitan persona illa potuisset animadvertere, totum illud sui causa factum esse. Ratio est: quia ex hac suppositione non fecisset Confessionem Sacramentalem, & per consequens inde nunquam potuit oriri obligatio Sigilli Sacramentalis: Ergo his suppositis bene fecisset, surgendo, alioque à periculo præservando. Cavendum nihilominus est, etiam in tali casu, ne alii advertant id fieri duntaxat propter hanc aut illam personam; tum quia aliàs eam posset injustè diffamare, aut certè periculo gravium suspicionum exponere; tum etiam quia alii hoc advertentes possent facile scandalizari, credentes Confessarium frangere Sigillum, præsertim cum ipsis non constet, id fieri ex

confessione non Sacramentali; veluti rectè monet Marchantius noster alique plures.

Dices: at quid, si persona illa nuper Cajum convenisset vero animo confitendi, etsi ob indispositionem sine absolutione dimissa, licuissetnè vi hujus notitiæ Cajo ad avertendum periculum tum proprium, tum reliquorum etian, & Confessionario surgere; & excitare tumultum, ita tamen cautè, ut nec alii, nec ipsa hæc persona potuissent animadvertere, id esse factum ob notitiam peccatorum ex sola confessione Sacramentali cognitorum.

519 Resp. Non desunt Authores asserentes id esse licitum; quibuscum etiam sentit Henno, modò Confessarius ita cautè se subducat, ut neque penitens, neque alii advertere valeant, illud fieri intuitu indispositionis ex sola confessione Sacramentali cognitæ: quis, inquit, talis actio nequit Confessionem rationabiliter, reddere invisam & odiosam, quandoquidem ex hac suppositione penitens nullum inde patiatur incommodum, nullam confusionem, nec aliud damnum. Non auctim improbare hanc opinionem, utpote & ratione & autoritate gravissimorum DD. suffultam.

Nihiloscius cum P. Herincx aliisque censeo multo probabilius, id esse illicitum: esto enim nec penitens, ipse nec alii advertant, Confessarium se subtrahere præcisè ob notitiam nuper in confessionem comparatam, hoc ipso tamen quòd sciret, licitum esse Confessario ob solam confessionem deinceps se subducere, immò & alios provocare è suis sedilibus sacris, quando nemo advertet eum hoc facere ob confessionem &c. hoc ipso, inquam, confessio videri posset formidabilis, atque odiosa. Vide Bartenstuber *tr. 8. part. 6. disp. 6. art. 5. n. 39.* Kresslinger *in Addit. ad tr. 14. d. 9. post n. 29. Theolog. Moral. P. Reinfsstuel.*

520 Confirmor ampliùs in hac mea opinionè ex illo famosissimo Decreto Clementis VIII. edito 26. Maij anno 1593. *Ubi Regularibus præcipit, ut tam Superiores pro tempore existentes, quàm Confessarii, qui postea ad Superioris gradum fuerint promoti, caveant diligentissimè, ne ea notitia, quam de aliorum peccatis in confessione habuerint, ad externam gubernatio-*

nem utantur. Ex quo Viva, Herincx, Illfong, alique satis communiter inferunt, non jlicere Superiori alicui, subdito votum seu suffragium negare ex eo, quod illum vi confessionis noverit esse indignum ad tale officium: idque verum ac certum existimant, etiam si eligendis nunquam agnosceret, votum sibi esse denegarum propter indignitatem ex confessione notam: ergo similiter in nostro casu nequitiam licuisset Confessario surgere de confessionali, supposito, quod vitia hujus personæ non aliunde, quam præcisè ex confessione sacramentali habuerit sibi perspecta; eadem quippe ratione, qua Superiores Regularium prohibentur uti notitia solius confessionis, omnes alii Confessarii tenentur abstinere ab hujusmodi usu cum præjudicio, aliove quocunque demum gravamine penitentis, non necessariò connexo cum confessione sacramentali. Et certè si penitens prævideret hujusmodi gravamen ex sola confessione sacramentali sibi imminens, excusaretur ab integritate materiali confessionis, ita ut huic Confessario non teneretur similia peccata exponere: ergo evidens signum est, Christum noluisse, penitentem ejusmodi onere extrinseco confessionis gravari, idèdque noluisse Confessarium uti hujusmodi notitia Sacramentali, tamen si nec penitens, nec alii id animadvertent. Videatur Herincx *disp.* 18. n. 45. Viva *l. cit.* Illfong. *tr.* 6. *disp.* 6. n. 258. & seqq.

§. III.

Corollaria ex dictis inferenda.

521 **C**olliges ex hæcenus dictis primò, præter Confessarium, & alios superiùs n. 502. relatos, ad sigillum sacramentale teneri illos etiam, qui præter, vel contra voluntatem confitentis, sive de in casu, sive etiam ex industria, utpote stando prope confessionale & auscultando &c. ejusdem peccatum audivere. Ita *communis* DD. Ratio est: quia talis notitia supponitur acquisita ex sola confessione sacramentali: atqui hæc nunquam licet uti contra voluntatem penitentis: ergo &c. Neque incuria Sacerdotis, alitèd forte quàm oportuisset clamantis aut loquentis, vel injuria

aliorum assistantium debet obesse Sacramento, quod certè redderetur valde odiosum, si notitia confessionis ita comparata uti liceret.

522 Dixi tamen; *Contra aut præter voluntatem confitentis* &c. Etenim casu quo ipse penitens, sive majoris confusionis, sive etiam consilii causa ante confessionem vel postea sua peccata aliis sponte revelaret, hi non tenerentur an sigillum sacramentale, sed duntaxat ad naturale, vi cuius unusquisque adstringitur proximum suum coram aliis non diffamare sine justa causa. Ratio autem est: quia enarratio vel revelatio peccatorum aliis facta, non fuit confessio sacramentalis: ergo nullatenus potuit introducere obligationem sigilli sacramentalis. Vide Babenst. *tr.* 8. *disp.* 6. p. 6. a. 3. num. 28.

523 Colliges secundò, Confessarium licet uti notitia ex confessione hausta ad propriam suam directionem & instructionem, modò id fieri possit sine ullo gravamine penitentis. Hinc dum audit v. g. penitentem in hac vel illa occasione fuisse expositum gravi periculo, aut omnino graviter fuisse lapsum &c. licet ac prudenter ipse effugiet & cavebit hujusmodi pericula, hanc vel illam societatem, familiaritatem, domum, personam &c. profecto experientia constatat, Confessarios ex auditis in sacro tribunali discere civium mores &c. & consequenter modum, quo cum iisdem est conversandum: ergo licet omnino ac prudenter hæc notitia utantur. Ratio autem fundamentalis est hæc: quia per hujusmodi notitiam nulli omnino mortalium præjudicatur, & hoc ipso Sacramentum penitentiae nullatenus odiosum, aut formidabile redditur. Sporer n. 873. Babenstuber *cit.* n. 33.

Dices. Quidam autem Confessores ex sola confessione sacramentali resciant, sibi parari insidias vitæ, aut animæ, ita, ut moraliter certò prævideat ac credat se lapsum graviter, si denuo exciperet confessionem hujus aut illius personæ: poteritne in hoc casu subterfugere confessionale, aut se subtrahere?

524 R. Licitum hoc asserant multi etiam insignissimi DD. ut si v. g. Sacerdos ex sola confessione agnoscat, sibi parari insidias in nemore, vel in hac aut illa domo &c. vel etiam

etiam vinum pro sacrificio subministrandum esse veneno infectum &c. possit sub alio prætextu non ingredi nemus, vel domo non egredi, vel etiam abstinere à celebratione sacri, etiam si penitens, aliter complices suspicaturi, aut omnino sibi persuasuri credantur, id ab eo fieri intuitu notitiæ ex confessione acquisitæ, modò (inquit Scotus *l. cit.*) omnibus attentis circumstantiis actio non sit de se revelativa sigilli. Ratio datur hæc: quia hoc ipso, quòd actiones illæ etiam in his circumstantiis maneant de se indifferentes, non est, cur penitens, aut alii complices credant, eas fieri potiùs ad revelationem sigilli, aut ex noticia confessionis, quàm ex alio motivo vel fine. At verò hoc esse licitum, etiam causa mortis vitandæ, mordicus negant alii, præsertim moderni DD. uti Stoz *cit. n. 252*. Viva ubi supra §. 9. Babenstuber relatus *art. 5. n. 40*. Et certum mihi videtur, quòd si Confessarius nesciat reperire aliquem prætextum, ita, ut siquidem velit vitam salvare, aut confessionale, vel sacrum celebrandum vitare &c. cogatur propterea penitentem prodere ac manifestare, id nullatenus liceat, quin potiùs teneatur sustinere mortem: quia, uti jam supra insinuavimus, revera nullum est tam grande malum, sive temporale, sive etiam spirituale, quod præponderet fractioni sigilli: neque fas est facere malum, ut eve-

niant bonum. Ita præter jam *cit.* tenent Lugo *disp. 23. Sect. 5.* Cardinalis de Lauræa *de penit. disp. 21. ar. 11. n. 316.* Clericus *de penit. decis. 49. n. 14.* Neque in hoc dissentit Scotus, uti rectè advertunt Herincx & de Lauræa seu Brancatus *l. cit.*

525 Colliges tertio, licitum esse præterea uti noticia confessionis ad concionandum in aliqua Communitate ampla aut Civitate, modò non dicat Concionator, ejusmodi peccata sibi esse nota ex confessione, neque ita specificè aut circumstantione loquatur, ut quæpiam sibi confessum erubescere faciat, neque auditores de aliqua persona in particulari fundatam suspicionem concipere valeant. Ratio est: quia his observatis nulla prorsus fit revelatio confessionis, nec inde ullum incommodum adfertur penitenti: ergo non agitur contra immunitatem sigilli, nec contra mentem Christi Domini. Ita Bonacina *disp. 5. q. 6. Sect. 5. pu. 4. n. 3.* Stoz *lib. 2. nu. 249.* Cautè nihilominus Concionatoribus, immò quàm cautissimè procedendum est, præsertim in Communitatibus non adeò magnis: quia in his facillimè natum est oriri scandalum præsertim coram simplicioribus, utique non sine maximo animarum detrimento. Hic tandem Conferentiam de Sacramento Penitentiae ad animarum salutem, & majorem illius, qui verè penitentibus peccata dimittit gloriam èto

F I N I S.

THEO.

THEOLOGIAE

MORALIS

SACRAMENTALIS

PARS III.

*De sponsalibus & Matrimonio, nec non de Adulterio
& Abortu.*

CONFERENTIA PRIMA.


De Natura, & Obligatione Sponsalium.

SUMMARIUM.

- 1 Sponsalia sunt promissio voluntaria futuri Matrimonii, &c.
- 2 Ad eorum valorem requiritur libertas perfecta.
- 3 Gravi metu extorta injustè, probabilis ipso jure naturæ sunt nulla.
- 4 Promissio sponsalitia debet esse mutua; unde
- 5 Sine repromissione non dantur vera sponsalia.
- 6 Verba vel signa debent sufficienter exprimere consensum.
- 7 Quando sunt dubia, attendenda est mens proferentis; &c.
- 8 Quenam Personæ censentur habiles ad sponsalia?
- 9 Liberi sine consensu Parentum validè contrahunt sponsalia.
- 10 Plerùmque tamen ita contrahentes peccant saltem venialiter;
- 11 Immo, & mortaliter, si contrahant Parentibus graviter, & rationabiliter irritis.
- 12 Resolvitur Casus I. de eo, qui defloravit Puellam sub ficta promissione Matrimonii.
- 13 Talem tenetur ducere. Et quare?
- 14 Nec satisfaciit prædictè dotando eam.
- 15 Resolvitur Casus II. de Puella, quæ Hæretico promiserat Matrimonium cum offensa Parentum.
- 16 An talis promissio valeat, si sponsus velit amplecti fidem veram?
- 17 Resolvitur Casus III. de eo, qui contra fidem priorum, contraxit secunda sponsalia.
- 18 Hæc secunda non valent, tametsi prima fuissent solum conditionata;
- 19 Vel, etiamsi secunda sponsa jam fuisset imprægnata.
- 20 Sponsalia inita ex errore circa substantiam Personæ, sunt irrita, & nulla.
- 21 Nulla etiam sunt si sponsa, vel etiam sponsus sit ligatus voto castitatis, aut alio impedimento irrititus.
- 22 Nec valent, licet Puella jam concessisset usum corporis.
- 23 Sponsalia ante septennium completum inita, sunt nulla.
- 24 Sub conditione inita non valent simpliciter ante, bene autem post conditionem adimpletam.
- 25 Sub conditione impossibili inita, sunt nulla.
- 26 Sub conditione turpi celebrata, obligant post adimpletam conditionem, non autem ante.
- 27 Ad valorem sponsalium non requiritur præsentia Parochi & testium.

AR-

A R B O R CONSANGUINITATIS.



§ I.

Præmittuntur, & breviter resolvuntur quæstia, scitu necessaria, ad ritè decidendos casus circa valorem Sponsalium.

QUÆRES 1. Quid sint Sponsalia?

1. R. Sponsalia (à spondendo, seu sponte promittendo sic dicta) sunt promissio voluntaria, libera, & mutua, signo aliquo sensibili expressa, futuri Matrimonii, inter Personas habiles. Ita Illsung. *trac.* 6. *Disp.* 9. *quæst.* 1. *art.* 1. *cum comm.* DD. Ex hac descriptione facillè colligetur, quænam conditiones requirantur ad valorem Sponsalium. Verùm ut res tota amplius dilucidetur

2. Quær. 2. Quæ & quanta libertas, & deliberatio requiratur ad valorem sponsalium? R. cum P. Sanchez *lib.* 1. *de Matr.* *disp.* 8. *nu.* 5. Sporer *de Matr.* *n.* 158. Tanta requiritur, & sufficit, quanta requiritur ad mortaliter peccandum, scilicet libertas perfecta cum deliberatione saltem virtuali. Ratio est: tum quia obligant sub mortali; tum etiam quia promissio sponsaliorum debet esse Actus moralis, & simpliciter humanus; ad talem autem actum sufficit, & requiritur advertentia, libertas, & deliberatio saltem virtualis: ergo, &c.

Hinc qui in amentia, ebrietate &c. contrahunt, non faciunt sponsalia, ut communiter tenent DD.

Dices: Quid igitur de sponsalibus ex metu contractis tenendum?

3. R. Si metus fuerit levis solum, valent; quia talis metus notabiliter non minuit libertatem, & facillè contemni potest, ac debet: ergo qui ex tali metu consentit, satis liberè consensisse præsumitur; quamvis DD. communiter fateantur, etiam hæc sponsalia esse suo modo infirma, & de facili rescindibilia per eum, qui metum passus est. Si autem metus fuit gravis, & ab extrinseco injustè incussus ad extorquendum sponsalia, Doctores diversimodè sentiunt.

Nonnulli fati gravès DD. videndi apud P. Kugler *de sponsal. part.* 1. *n.* 34. tenent, sponsalia ex tali metu inita valere, quantum est de jure naturæ. La Croix *verò de sponsal. lib.* 6. *part.* 3. *à n.* 106. putat, esse valida ex jure naturæ, ex jure autem positivo esse probabiliter nulla, per c. *Ex litteris de Desponsal. Impub.* mihi tamen cum Kugler. *cit.* & Illsung *cit. disp.* 9. *n.* 2. atque aliis probabilius videtur, talia sponsalia esse de jure naturæ nulla, nec inde oriri ullam obligationem, nec impedimentum publicæ honestatis. Ratio satis bona est hæc: quia ex jure naturæ repugnat, aliquem obligari ad actum irritum, & saltem per leges impossibile: atqui matrimonium (ad quod sponsalia obligant) ex gravi metu injustè incusso initum, est nullum, saltem per leges positivas: ergo & sponsalia obligantia ad tale matrimonium, sunt de jure naturæ irrita.

Quær. 3. Quomodo promissio sponsalium debeat esse mutua?

4. R. In hoc sensu, quatenus promissio unius partis v. gr. Sponsi non solum debet esse acceptata ab altera, Sponsa scilicet, sed insuper ab hac facta repromissio. Ratio est: quia sponsalia consistunt in contractu oneroso: ad onerosum verò contractum requiritur nedum utriusque partis consensus, sed etiam obligatio mutua ad aliquid faciendum, vel dandum: ergo. *Communis* apud Laym. *lib.* 5. *Trac.* 10. *part.* 1. *c.* 1. *nu.* 2.

Dices. Quid si autem sponsa acceptet quidem promissionem sponsi, absque eo, quodd repromittat, tenebiturne illum ducere?

5. R. cum distinctione. Si enim promisit animo verè contrahendi sponsalia, non tenebitur; quia contractus sponsalicius nullus est, si non sit mutus: unde communiter dicunt DD. *Contractum sponsalitiū claudicare non posse.* Si autem merè liberaliter promisit, tenebitur, non quidem vi contractus verè sponsalitiū, sed vi gratuitæ promissionis. Tandem si dubitet, quo animo promiserit, præsumendus erit promississe animo contrahendi vera sponsalia; quia *in obscuris & dubiis inspicendum & præsumendum est.*

est id, quod plerumque fieri consuevit : at plerumque sponsi non aliter se obligant, quam dependentes ab alterius reciproca promissione, & animo efficiendi vera sponsalia : ergo. Ita rursus cum *communi* Laym. cit. Bonacin. Sporer. nu. 152. & alii.

Quæres quartò. Quænam signa consensu expressiva requirantur?

6 R. Talia signa, vel nutus, vel etiam verba requiruntur, quæ hic & nunc sufficienter expriment, & indicent, loquentem serio, & verè intendere promissionem reciprocam futuri matrimonii. Ratio est : quia sponsalia sunt contractus humanus civilis : homines autem non possunt verè contrahere, nisi per signa sensibilia animus verè contrahendi manifestent : ergo. Sanchez, Castrop. *de sponsal. disp. 1. punt. 4. num. 1.* Babenst. *Tract. 8. part. 7. disp. 1. art. 2. num. 33.* Dixi requiri talia signa, vel verba, quæ significant, loquentem serio & verè intendere, &c. &c. Enim verò si sponsus aut sponsa satis manifestet, se non serio loqui, sed tantum joculari : ut si quis alicui vetulæ dicat : promitto me ducturum te, si aliquando junior evaseris, &c. contrahus erit nullus : sicut enim nuptias non concubitus, sed consensus facit *L. 30. ff. de R. J.* ita etiam sponsalia non facit locutio per verba vel signa quæcumque demum, sed consensus ; qualis hic non supponitur. *vid. Babenstuber lec. cit.*

Dices iterum : Sed quid, si promittens fuerit usus verbis dubiis?

7 R. In foro interno à Confessario attendenda erit mens proferentis. In externo autem à Iudice proceditur sic : si verba vel ex se, vel ex circumstantiis loci, aut ex communi modo loquendi significant promissionem mutuam, pronuntiantur valida : sin minus invalida : denique si verba ita sint dubia, ut ex iis non possit probabiliter conjiungi mens utentium, declarantur solent ut invalida, juxta Perez, Diana, Gobat *tract. 10. num. 73.* & Sporer *xi. 178.* Ratio est : quia standum est pro libertate possidentium illam, nisi jus aliquid in contrarium statuat : atqui hic jus nihil statuit in contrarium : ergo.

Quæres quintò. Quænam Personæ habiles, vel inhabiles censentur ad contrahenda sponsalia?

8 R. Illæ solum Personæ censentur habiles ad contrahenda sponsalia valida, quæ matrimonium ipsum aliquando validè & licitè poterunt contrahere, quæ verò matrimonium ipsum validè aut licitè contrahere nunquam possunt, vel aliunde ex juris dispositione ad spondendum inhabilitatæ sunt, nequeunt valida concludere sponsalia. Ratio est : quia sponsalia sunt promissio futuri matrimonii : ergo illi tantum ea possunt contrahere, qui sunt habiles ad matrimonium suo tempore in eundem, idque validè simul, & licitè, nam universum promissio de aliquo impossibili, vel inhonesto, seu illicito faciendi non valet, tamen si juramento fuisset confirmata : quia juxta *Reg. 58. Jur. in 6. non est obligatorium contra bonos mores præstitum juramentum.* Ita cum Com. Sanchez. *lib. 1. disp. 15. Illung. tract. 6. disp. 9. quest. 1. artic. 1. num. 9.* Reinfest. *Theolog. mor. tract. 14. disp. 14. num. 26.* Ubi tamen advertendum, sponso pro eo solum tempore inhabilitari ad contrahenda sponsalia, quo manent irretiti impedimento sive dirimente, sive etiam impediendo solum matrimonium ; unde si suam promissionem referant ad tempus, quò impedimentum fuerit legitime sublatum, valebunt sponsalia. Ratio est clara : quia pro tunc licitè contrahunt matrimonium : ergo pro nunc validè promittunt. *Vid. DD. cit.*

Quæres sextò. An Liberi licitè, vel saltem validè contrahere queant sponsalia, Parentibus irrequisitis?

9 R. 1. Cum communi DD. Eos validè contrahere. Ratio est : quia in electione status, maxime matrimonialis, ipso jure naturæ quilibet est liber, & nulli alteri, ne quidem Parentibus subiectus. Hinc merito *Concil. Trid. Sess. 24. cap. 1.* decidit, valida esse *matrimonium Liberos sine consensu Parentum contracta* : ergo etiam valida erunt sponsalia, saltem per se loquendo, modò tale matrimonium aliunde non sit prohibitum.

10 R. 2. Liberos irrequisitis Parentibus contrahentes communiter peccare, sed per

per se loquendo, venialiter tantum. Ratio est: quia liberi, præsertim Filii, debent id honoris Parentibus, secus enim Parentes merito judicabunt, se contemni. Diximus tamen, quod *per se loquendo venialiter tantum peccent*; nam per accidens, si nimirum prævideant, se Parentibus non requisitis daturis occasionem magni mæoris, gravis atque diuturnæ offensæ, aliorumve peccatorum, excusari haud quamquam poterunt à mortali peccato. Sanchez. *lib. 4. disp. 23. à n. 9.* Bartenst. *cit. disp. 1. art. 2. n. 48.*

Dices. At quid, si contrahant Parentibus invititis, & contradicentibus?

11 R. cum distinctione. Vel enim contrahunt cum dignis, vel indignis, id est, talibus, qui sunt vitæ perditæ, criminosi, vel aliàs malæ famæ, è quibus infamiæ nota, aliudve dedecus in familiam redundet; si primum, non peccabunt, saltem si consensum à Parentibus modestè petierint, & aliunde nullum imminet incommodum; quia quantum ad electionem status sunt sui juris, ut dictum est. Quin potius Parentes peccabunt, si absque iusta, & gravi causa nitantur impedire Filium aut Filiam ab honesto, & sibi utili connubio. Si secundum, id est, si cum indignis contrahant, vix excusabiles erunt à peccato mortali. Ratio est: quia ex talibus connubiis regulariter, & quasi semper sequi solent gravia mala, utputa, scandala, odia, rixæ, ac dissensiones, dedecus denique Parentum, & totius Familiæ: ergo similia connubia & sponsalia vix, aut certò rarissimè contrahi possunt sine peccato mortali. Vide de hoc puncto optimè differentem P. Sporer à n. 204. La Croix n. 570.

§. I I.

Proponuntur, & breviter resolvuntur
Casus practici de Spon-
saliibus.

CASUS PRIMUS.

Titius, ut usum corporis impetraret, sibi promissit matrimonium Titie, quæ primò quidem tergiversata, tandem verò acceptata conditione futuri matri-

... Elbel Theol. P. III.

monii, petittum concessit. Ast Titius facti jam penitens; querit: 1. An sponsalia valeant? An Titiam defloratam teneatur ducere?

12 R. Ad primum. Sponsalia reipsa non valent. Ratio est: quia ad valorem sponsalium requiritur promissio vera, & seria: atque facta promissio nec vera est, nec seria, proindeque nihil operatur, prout bene probat Mastr. 4. disp. 7. de Matr. n. 288. & Kugler part. 1. de spons. n. 22. ergo sponsalia reipsa non valent.

13 R. Ad secundum. Titium obligari ad ducendam Titiam, non quidem vi promissionis sponsalitæ, quippe quæ consensu destituta, reipsa nulla fuit, sed titulo iustitiæ; nam, ut ait Laym. tom. 2. l. 5. tr. 1. c. 1. n. 10. Mulier copiam sui corporis faciendo, instituit contractum innominatum: *Do tibi corpus meum ea lege, ut posses Matrimonium mecum contrahas* (quod & factum in nostro casu) quare si mulier ex sua parte promissum impleat alter acceptare non potest, nisi se naturali æquitate & iustitia contrahendo obligationem implendi etiam id ipsum, cujus causa pars altera impleverat. Et licet talis in animo suo protestetur, nolle se sponsonem facere, attamen externa illa spontanea acceptatio copulæ, tali, & non alia conditione oblata, est contraria protestationi, eamque morali æquitatis ratione elidit. Quam ob rem deceptor in omni foro (inquit idem Layman) ad id compelli potest: nec dubito, quin in foro externo compelleretur.

Dices. Ergone suæ obligationi non satisfaceret, dotando præcisè Titiam defloratam?

14 R. cum Sanchez. *lib. 1. disp. 10. Mastr. Theol. mor. disp. 20. n. 76. & La Croix. lib. 6. part. 3. n. 69.* probabilis non satisfacit. Ratio est: quia iustitia commutativa exigit non tantum, ut reddatur æquale, sed ut (per se loquendo) idemmer, quod ex iustitia debetur, reddatur in individuo: at Titius debet puellæ defloratæ ex iustitia corpus suum in Matrimonio tradendum: ergo non satisfaciet præcisè dotando illam; præsertim si per justam Judicis Ecclesiastici sententiam fuerit adactus ad matrimonium. Vide etiam Gobat tr.

A a 10.

10. n. 290. Ubi mox datam responſionem ſapienter limitat, reſolvendo, quòd non teneatur ducere deſloratam, *primò*. Caſu quo mulier advertit fictionem promittentis, ut ſi promittens fuiſſet ex nobili ſarpuine, puella verò ignobilis, & de infima plebe; tunc enim videtur noluiſſe illum obligare, immò voluiſſe decipi potiùs, quàm ſit decepta, *ſecundò*. Non tenebitur eam ducere, ſi ex tali matrimonio oritura ſint gravia ſcandala, *tertiò*. Si promiſſor falſò putarit, puellam, cui ſicte promiſit, eſſe virginem, qualis tamen non fuit; & ſine dubio ceſſat obligatio, ſi puella patiat ſe ab alio corrumpti poſt factam promiſſionem; quo caſu ne quidem tenebitur quidquam ei dare pro dote, ſicut nec tenetur, ſi illa reſpuit factum promiſſorem; quia non promiſit dotem, ſed matrimonium. Ita poſt Sanch. Lugo. Gobat. cit.

CASUS SECUNDUS.

Sempronia ſponſalia fecit cum Sempronio, quem probè noverat, eſſe Acatolicum; hinc Parentum ſuorum nedum offenſam, ſed & diſgratiam incurrit. Dubitat ergo, & querit, an ſponſalia obligent ita, ut teneatur ſtare promiſſis?

15 R. Semproniz ſponſalia videntur non valere, idèdque non tenebitur ſtare promiſſis. Ratio autem eſt: quia, ut cum *Commun. DD.* tenent Gobat. cit. n. 101. Baheſt. Illuſg. Kulger. *part. 1. n. 114.* matrimonium Catholicæ cum hæretico, regulariter ſaltem loquendo, eſt illicitum, adeòque moraliter impoſſibile: nemo autem ad impoſſibile obligari poteſt, ut habetur *Reg. VI. Jur. 6.* ergo.

Deinde, ex tali connubio Semproniz merito timeri debent ſcandala, diuturna Parentum offenſa, & alia inconvenientia: atqui ſponſalia ex quibus huiusmodi mala rationabiliter timentur, ſunt nulla, utpote repugnantia pietati, aut charitati: ergo. Vide la Croix n. 646. Spor. n. 203.

Dices. Quidſi autem Sempronius ſpondeat, quòd velit veram, ſeu Catholicam fidem amplecti?

16 R. Si hoc ſpondeat, dum ſponſalia contraxit, & Parentum offenſa, pericu-

lum ſubverſionis &c. non ſint timenda, probabilius valida ſunt. Ita cum aliis pluribus Kulger. *proximè cit.* Verùm, quia multiplici experientia comprobatum eſt, quòd (preſertim ſponſi hæretici) matrimonio ſemel contracto non ſtent promiſſis, in illis ſaltem locis, ubi hæretici vivunt permixti cum Catholicis, quin potiùs niantur & mulieres, & liberos forè ſuſceptos pervetere; hinc bene monet Gobat. *traſt. 9. num. 220.* cum Tannero, Laym. & aliis, ut DD. Parochi, quoad poſſunt, ſeſe opponant talibus conjugis.

CASUS TERTIUS.

Cajus ſponſalibus cum Caja clandestinè contractis, poſtea facti poenitens, cuidam alteri promiſit matrimonium, promiſſumque jurejurando confirmavit coram pluribus teſtibus, proprio etiam ſanguine ſubſcribens. Hinc querit, an hæc ſecunda ſponſalia prioribus non prævaleant, an verò prioribus potiùs ſtare teneatur?

17 R. Non prævalent ſecunda, ſed tenetur ſtare prioribus. Ita cum *Commun. la Croix. lib. 6. part. 3. n. 73.* Ratio eſt hæc: quia cum priora fuerint valida, non ampliùs licet ei contrahere matrimonium cum alia, ſine conſenſu prioris ſponſæ: ergo promiſſio matrimonii alteri facta, fuit de re illicita, & per conſequens nulla, ut conſtat ex dictis n. 8. Dato tamen, quòd Cajus cum ſecunda contraxerit matrimonium ratum (quod ſubin vocatur ſponſalia de præſenti, ſed improprie tantùm) hoc velut ſortius vinculum tribuens jus in re, prævaleret prioribus ſponſalibus de futuro, tribuentibus ſolùm jus ad rem, prout habet *communifima Doctorem*.

Dices. Sed quid, ſi prima ſponſalia fuiſſent inita ſub conditione tantùm de futuro, ſecunda verò abſolutè, ſine ulla conditione, nunquid hæc prævalerent?

18 R. Non prævalent: quia vi priorum tenetur expectare eventum conditionis, quo non expectato illicitè contraheret cum alia, ergo etiam invalidè promittit tale matrimonium contrahendum. *Narr.*

Varr. Sanchez lib. 5. disp. 6. nu. 8. Clecricatus de Matr. decisi. 30. num. 22. Et est communis DD.

Dices iterum. At Caius, secundam sponsam ignaram priorum sponsalium jam imprægnavit, tenebiturne nihilominus ducere priorem?

19 R. Per se loquendo tenetur ducere primam, sicut prima contraxit sponsalia absoluta, aut conditionata quidem, sed conditione modo jam adimpleta. Ratio est: quia per hoc, quod secundam imprægnaverit, non tollitur jus prioris sponsæ: & homines solent insistere juri suo, non citando de injuria, vel damno, quod aliis inde inferitur. Si tamen ex violatione priorum sponsalium exiguum incommodum sit obventurum priori sponsæ, secundæ autem grave; & præsertim si hoc aliter vix reparari queat à Cajo, tunc æquitas saltem aliqua, aut certe charitas postulat, ut prior sponsa cedat juri acquisito, potestque tunc Juxta compellere ad ducendam posteriorem, ait la Croix: c. n. 74. referens pro hac sententia Sanchez, Krimer, Kugler & alios plures: Adde Gobat *tr. 10. num. 327.* quod si secunda sponsa fuisset consanguinea primæ in secundo gradu, teneretur Sponsus propriis expensis procurare dispensationem.

§. III.

Corollaria nonnulla ex dictis inferenda.

20 **C**olliges primò: sponsalia inita ex errore vel fraude, versante circa substantiam contractus, aut circa qualitatem per se intentam, seu redundantem in ipsam substantiam, esse nulla. Ratio est: quia ubi intervenit talis error vel fraus, deficit cognitio, & per consequens consensus in substantiam: ergo etiam contractus, utpote consistens essentialiter in consensu. Deinde talis error invalidat ipsum matrimonium, ut dicemus infra *nu. 88.* ergo à fortiori sponsalia de futuro; quippe quæ longè facilius dissolvuntur, quàm matrimonium. Contra verò, si error; aut deceptio solum versentur circa qualitates, aut circumstantias sponsi, aut sponsæ, sponsalia quidem valent; attamen si qua-

lirates sint tales; quæ sponsalibus contractis supervenientes, sufficerent ad eam rescindendam, tunc errans aut deceptus habebit jus ad rescissionem sponsalium. Ratio est: quia, ut notavit Lessius *lib. 2. de just. c. 42. dubit. 7.* in jure paria censentur *non esse, & non apparere: aliquid supervenire, & præcedens ignorare.* Vide Sporer. *n. 167.* Herincx *part. 4. de spons. disp. 1. n. 20.*

21 Colliges secundo: sponsalia ab habente votum castitatis perpetuæ contracta (vel aliud quodcunque impedimentum matrimonii) irrita esse, & nulla, saltem regulariter loquendo. Ratio jam suprà data fuit: quia ad impossibile, aut illicitum aliquid faciendum nemo se obligare potest: at habens votum perpetuæ castitatis (vel aliud quodcunque demum impedimentum matrimonii) licet nunquam potest contrahere matrimonium: ergo. Reinssuet *Theol. mor. tr. 14. disp. 14. n. 27.*

Dices. At nunquid valet talis promissio facta ab habente votum castitatis, si Puella intuitu talis promissionis concesserit copiam corporis?

22 R. Non valet, nec obligat, præsertim si Puella supponatur fuisse conscia voti; tunc enim sibi debet imputare, quod consenserit. Est etiam, quod fuerit voti ignara, nihilominus, si votifragus aliter damnum Puellæ illatum compensare valeat, tenebitur abstinere à matrimonio: sin minus, per accidens quidem obligabitur eam ducere, at non vi promissionis, sed titulo justitiæ: nec licebit ei petere debitum quamvis reddere teneatur. Ita cum *communis* Perez, Gobat, Sporer *n. 200.*

23 Colliges tertio: sponsalia ante septennium completum inita, irrita esse & nulla per c. *litteras de desponsat. Impub.* Quia in talibus nondum supponitur usus rationis, consequenter nec consensus sufficiens. Si tamen septennium regressi, spondeant matrimonium, quamvis annos pubertatis nondum attigerint, sponsalia quidem valebunt, infirma tamen erunt, quia rescindibilia post pubertatem adeptam, ut dicitur *n. 30.*

24 Colliges quarto: Sponsalia sub conditione de futuro inita (aliud est de initis

At a sub

sub conditione de præterito vel præfenti; quia hæc, subsistente conditione statim valent, etiam sine novo consensu, non subsistente autem non valent) non obligare absolute, nec inducere impedimentum publicæ honestatis; quovisque conditio sit adimpleta, ita expresse statuitur c. 1. de sponsal. in 6. Ratio est hæc: quia ante eventum conditionis non meretur dici simpliciter sponsalia, eo quod adhuc deficiat consensus perfectus in matrimonium. Nihilominus, ut jam dictum est, huiusmodi sponsi tenentur expectare eventum conditionis: qua adimpleta statim valebunt; quia tunc consensus transit in absolutum: proindeque inducent dictum impedimentum publicæ honestatis. Ita Communis DD. ut videre est apud Sanchez. lib. 5. disp. 5. n. 24. & Sporer n. 213. Krimet lib. 4. n. 869. la Croix n. 85.

Dices. Sed quid de sponsalibus sub conditione impossibili contractis tenendum?

25 R. Non sunt valida, nec ullam parient obligationem. Ita Schmier. tom. 3. lib. 4. tr. 1. c. 3. n. 133. Illi. cit. disp. 9. n. 14. Babenst. cit. art. 3. n. 7. Ratio est: tum quia ad impossibile nemo se obligare valet: tum etiam quia talia sponsalia ob impossibilitatem conditionis nunquam poterunt transire in absoluta: & hoc ipso, quod contrahens adjiciat conditionem impossibilem, satis ostendit, se non habere animum contrahendi; sine animo autem contrahendi irritus, & nullus est contractus. Quod verò conditio impossibilis contractui matrimoniali adjecta habeatur pro nulla, sit ex speciali dispositione juris, quæ, cum non pugnet pro sponsalibus, ad hæc extendi non debet.

26 Denique, si conditio turpis, & inhonesta sponsalibus adjiciatur, ante impletam conditionem nullatenus obligabunt, sed rescindi debent: Nam quæ facta leduunt pietatem, exilimationem, verecundiam nostram, & (ut generaliter dixerim) contra bonos mores sunt, nec facere nos posse credendum est, ait Papinianus in L. Filius 15. ff. de condition. institut. Conditione autem semel adimpleta obligant; quia per eventum conditionis transeunt in abso-

luta, & cum tale matrimonium honeste contrahi possit, omnino obligabitur promittens, ut huic satisfaciatur. arg. L. 4. §. sed quod 3. ff. de condit. ob surpem causam. Vid. Babenst. cit. n. 9.

27 Collig. denique quintò: ad valorem sponsalium non esse necessariam præsentiam Parochi, & Testium: unde sponsalia clandestine contracta defacto valent secundum communem DD.; quia nulla lege vel jure sunt irrita.

Nec dicas. Vi Concilii Trid. Sess. 24. de reform. Marr. c. 1. Defacto non valet matrimonium clandestinum in locis, ubi Concilium hoc promulgatum est: ergo nec valent sponsalia.

R. enim Negando consequentiam: clandestina quippe matrimonia per Concilium Trident. irritata sunt ob gravissimas causas, & ad præcavenda irremediabilia mala utpote perpetuos concubinatus, & adulteria aliquorum, qui prius clandestine cum una, & postea in facie Ecclesiæ cum altera contraxerant; quæ mala, cum ex sponsalibus clandestinis non imminant Ecclesiæ, hinc dicta constitutio nullatenus extendi debet ad sponsalia, præsertim cum de his Tridentinum nullam fecerit mentionem, & de solo matrimonio loquatur. Vid. Reiffenst. disp. 14. n. 30. & 31.

CONFERENTIA

SECUNDA.

De Sponsalium dissolutione, & Causis ea dissolvendi.

SUMMARIUM.

- 28 Sponsalia etiam legitime celebrata possunt dissolvi.
- 29 Immo ipso jure cessant per mutuum consensum sponforum.
- 30 Non tamen Impuberum, quamdiu sunt tales.
- 31 Cessant per suspensionem Ordinis Sacri.

- 32 Item per professionem Religionis approbatæ.
- 33 Item per Matrimonium cum alio, vel alia contractum.
- 34 Probabiliter tamen hoc casu non dissolvitur absolute simpliciter.
- 35 Etiam dirimuntur per quodvis impedimentum superveniens.
- 36 An autem simpliciter? est controversum inter DD.
- 37 Sponsalia subinde cessant per lapsum temporis.
- 38 Non tamen si tempus sit præfixum ad sollicitandam obligationem.
- 39 A sponsalibus rescire licet, si sponsus post sponsalia abiit &c.
- 40 Item ob fornicationem sponsi, aut sponsæ.
- 41 Idque verum est, licet tam sponsa, quam sponsus esset fornicatus.
- 42 Item licitum est rescire ob mutationem notabilem supervenientem.
- 43 Quenam mutatio respiciatur notabilis?
- 44 Quenam sint notabiles ex parte animi?
- 45 Quenam ex parte corporis? Et
- 46 Quanam ex parte fortune?
- 47 Unde dignoscendum, an sponsi prævisa tali mutatione, contraxissent sponsalia, vel non?
- 48 Et quid, si dubitetur, an consensissent?
- 49 An, & quando privata auctoritate liceat rescire?
- 50 Resolvitur Casus I. de sponso dissimulante sponsam suam.
- 51 Resolvitur Casus II. de sponso, qui falsè existimavit sponsam esse divitem.
- 52 Resolvitur Casus III. de eo, qui post sponsalia discessit, &c.
- 53 Quid si sponsus redeat ante contractum à sponsa matrimonium cum alio?
- 54 Et quid, si sponsa interim contraxisset aliorum?
- 55 Sponsalia etiam juramento firmata possunt dissolvi.
- 56 Si sponsa (idem dic de sponso) laboret defectu pernicioso, tenetur illum manifestare, &c.
- 57 Secus, si non sit perniciosis, nec aliquando manifestandus.
- 58 Sponsi tenentur abstinere ab illis, quæ matrimonio contrahendo obstant. Unde

Elbel Theol. P. III.

- 59 Sponsus, vel sponsa peccando cum alio, probabiliter committit duplex peccatum.

§. I.

Præmittuntur, & breviter resolvuntur quæsitæ, scitu necessaria ad resolvendos Casus circa dissolutionem Sponsalium.

QUÆRES PRIMÒ. Sintne sponsalia semel legitime & valide contracta rursus dissolubilia?

28 R. Sunt omnino: quia eorum dissolutio neque jure naturæ, neque divino, neque Ecclesiastico est prohibita, si iustis de causis fiat. Quin etiam tum ex jure Ecclesiastico, & Præterea de sponsal. tum etiam ex praxi, & consuetudine in Ecclesia passim recepta constat, quòd dissolvi valeant. Sunt tamen causæ nonnullæ, ex quibus ipso jure cessant; aliæ verò, quæ solum dant jus rescilendi, prout observat. Babenstuber cit. disp. 1. art. 4. Unde

Quæres secundò. Quibus de causis sponsalia ipso jure cessent, & dissolvantur?

29 R. primò. Prima causa est mutuum sponforum puberum consensus, vel potius dissensus. Ratio est: quia omnis res, per quasunque causas nascitur, per easdem dissolvitur C. omnis res. 27. q. 2. Et c. 2. de Reg. Jur. atqui sponsalia nascuntur mutuo contrahentium consensu: ergo permutuum dissensus dissolvuntur. Mastr. 4. disp. 7. num. 297.

Dixi, primum causam esse mutuum sponforum puberum dissensus. Nam si sponsalia sint contracta à sponsis, quorum vel uterque, vel unus saltem impubes erat (puta à masculo ante annum decimum quartum, aut à femella ante annum duodecimum completum) non possunt sponsalia dissolvere per mutuum dissensus, nisi post annos pubertatis adeptos, prout expresse statuitur c. de illis. 7. de desponsat. Impub. item c. à Nobis. 8. eod. tit. & alibi. Ratio hujus dispositionis est: quia ob fragilitatem ætatis nondum censentur habere maturam deliberationem,

A a 3 &

& idèd tempus pùbertatis est expectandum. Vid. *Mastr. l. cit. n. 298.*

31 R. secundò. Sponsalia etià dissolvuntur per sùscèptionem Ordinis Sacri (id est majoris, non itèd minoris). Ratio est: quia constitutus in sacris est perpetuò inhabilis ad matrimonium. Ita communis. Utrùm autem sponso absque consensu sponsæ liceat Ordines suscipere, major est quæstio. Affirmant plures; eo quòd contractus sponsalium semper tacite saltem involvat hanc conditionem: *nisi elegero statum perfectiorem* (qualis est sùscèptio Ordinis, vel etià cœlibatus). Plurimi autem negant, ut videre est apud La Croix num. 200. Rationem reddit Krimmer. cit. num. 298. & Schmier. lib. 4. tr. 1. c. 5. num. 65. quia hæc conditio: *nisi ad statum mellorem transiero*: contractui sponsalitiò nec ex natura rei, nec ex jure positivo inest; secùs enìmpariter liceret eligere statum cœlibatus: ergo. Vid. Babenst. art. 4. num. 8.

32 R. tertio. Sponsalia item dissolvuntur per professionem Religionis approbatæ. Ratio est: quia Professio dirimit matrimonium ratum, c. ex publico. de convers. Conj. ergo à fortiori dirimit sponsalia. Cæterùm, an solus ingressus dirimat sponsalia, controvertunt DD. Sanchez, Bonac. & alii volunt, dissolvi absolute per solum etià ingressum: econtra D. Thom. Durandus, & alii apud Clericat. Decis. 17. num. 12. contendunt, non dissolvi, nisi per professionem. Tertia tandem opinio est media, quam tenent Palaus, Pont. Mastr. cit. num. 300. asserentes, quòd per solum ingressum dissolvantur ex parte remanentis in sæculo, ita, ut non teneatur protinus expectare professionem ingressi: & hæc videtur verosimilior. Ratio autem, quòd ex parte remanentis in sæculo dissolvantur, est: tum quia ingrediens eo ipso censetur cedere juri suo ad sponsam acquisito: tum etià quia nimis immutat statum. Quòd verò ex parte ingressi non solvantur per solum ingressum, datur hæc ratio: ne scilicet via aperiatur fraudibus: facile enim quisque sponsalium, vel sponsæ potiùs periculus, Religionem ad tempus ingredere, ut sic ab onere sponsalium se se exi-

meret, & aliam ducere posset. Vid. Clericat. cit. l.

33 R. quarto. Insuper sponsalia ipso jure dissolvuntur per matrimonium validè contractum cum alio, vel alia sponsa. Ita cum communissima DD. Schmalzgr. lib. 4. tit. 4. num. 30. Reinfest. &c. Ratio jam fuit superiùs insinuat: quia nimirum matrimonium est fortius vinculum, quàm sponsalia, tribuens jus in re: ergo huic sponsalia, tributientia solum jus ad rem, debent cedere. Deinde stante hoc matrimonio, jam impossibile evadit matrimonium cum priori sponso, vel sponsa contrahendum: ergo hoc ipso cessat obligatio contrahendi matrimonium cum illa.

Dices. Sed quid si tale matrimonium solvatur per mortem conjugis, eritne tunc obligatio ducendi priorem sponsam, si hæc supponatur urgere sponsalia olim contracta?

34 R. Sanchez, Laym. Filliuc. Babenst. aliique sat multi negant; eo quòd per matrimonium obligatio priorum sponsalium nedum suspensa, sed penitus extincta fuerit, adeoque non amplius reviviscat. Affirmativa tamen opinio, quam tenent Sporer, Haunold, Mastr. Herincx, Schmier, Kugler part. 3. num. 77. aliique plures, videtur probabilior; tum quia tale matrimonium nec ex jure naturæ, nec ex jure positivo probatur habere vim simpliciter irritandi sponsalia priùs contracta, prout benè probat Schmalzgr. cit. nu. 35. tum etià, quia obligatio sponsaliorum consistere potest cum matrimonio, in tantùm, ut post dissolutum tale matrimonium cum priori contrahere teneatur: quemadmodum ergo qui habet votum ingrediendi Religionem, vel castitatem servandi, non liberatur simpliciter per matrimonium, sed hoc dissoluto tenetur illud servare; ita pariter in nostro casu tenetur talis obligationi sponsalium semel contractæ satisfacere. Vid. DD. cit.

35 R. sexto. Sponsalia porro dirimuntur per quodlibet impedimentum dirimens, immò probabiliùs etià impediens, quòd de novo supervenit. Et quidem de impedimentis dirimentibus consentiunt Sanchez, lib. 1. disp. 56. Palao, Laym. Herincx

index de spons. disp. 1. nu. 35. Quoad impedientia tantum tenet Sporer à nu. 274. Ratio autem est: quia per hujusmodi impedimenta matrimonium redditur, vel invalidum; vel certe illicitum: ad actum autem illicitum, seu moraliter impossibilem, quandiu talis est, nulla datur obligatio: ergo. *Mastr. 4. disp. 7. num. 322. Caspensi. & alii.*

36 Quæstio tamen non inanis movetur, utrum per hujusmodi impedimentum superveniens simpliciter ex parte utriusque sponsi solvantur, an verò ex parte innocentis solum, qui causam impedimento non dedit? Quocirca omnes tenent, dissolvi sponsalia ex parte innocentis, ita, ut ne quidem teneatur acceptare dispensationem ab altera parte fortè procuratam; quia per hoc, quòd compars culpabiliter dederit causam impedimento, renuntiassè censetur sponsalibus, & innocenti dedisse jus resiliendi, quod per dispensationem non amittitur. Probabilius tamen videtur, ex parte nocentis sponsalia non solvi; quia ex suo delicto non debet reportare commodum immunitatis à servando fidem alteri datam.

Quare cum ex iustitia teneatur reparare jus læsum, pariter obligabitur mediis saltem ordinariis procurare dispensationem, si compars acceptare velit. *Schmier. lib. 4. tit. 1. c. 3. nu. 71. Castrop. Babenst. cit. num. 13.*

37 R. Tandem sextò. Sponsalia subinde cessant ipso jure per elapsum temporis, quando tempus est præfixum ad finiendam obligationem; ut si contrahant hoc modo: *promissimus matrimonium, hoc tamen anno ad huc contrahendum*: quo dato cessabunt sponsalia, si elapso anno matrimonium non fuerit celebratum. Ita *Communis*. Ratio redditur hæc: quia tali modo contrahendo quis ex sponsis sibi tacite reservat jus resiliendi, si matrimonium non sequatur intra annum, ne ultra talem terminum cum incommodo, & præjudicio suo teneatur abstinere à nuptiis.

38 Dictum tamen fuit, cessare sponsalia, si terminus fuit præfixus *ad finiendam obligationem*; nam si fuisset præfixus solum ad *solicitandam obligationem*, ne

scilicet diutius differretur, ut si contrahendo dixissent: *volumus, ut nuptiæ celebrentur tempore Pentecostes*: tunc elapso hoc termino non solvantur sponsalia. Ratio est: quia in isto casu intervenit duplex obligatio, nempe una celebrandi Nuptias, altera celebrandi tali tempore; hinc quamvis elapso tali tempore cesset hæc secunda obligatio, non tamen cessat prima. *Laym. Bonac. Salmant. & alii apud Babenst. cit. n. 15.*

Quer. tertio. Quibus de causis liceat resiliere à sponsalibus.

29 R. Licet ob tres sequentes præcipue. Primò. Si Sponsus post sponsalia (idem de sponsa dicendum) in Regionem longinquam se transferat, animo mutandi domicilium, vel si absque hoc animo quidem discessit, certò tamen constet, quòd diu non sit reversurus, præsertim si abiit sine necessitate, vel sine consensu alterius. Ita deciditur in *c. de illis 5. de sponsal.* Et meritò: quia sponsus ita discedendo, tacite saltem renuntiavit sponsalibus. *Bonacin. de spons. q. 1. punct. 6. n. 8.*

40 Secundò. Licet resiliere ob fornicationem alterius, præsertim sponsæ, tametsi vi fuisset oppressa; quia per hoc redditur notabiliter vilior, atque deterior: nec censentur aliter sibi promittere fidem, nisi cum hac conditione: *Si altera quoque pars fidem servat, prout habetur ex cap. Quemadmodum de jurejur.*

41 Quod si uterque sponsus fuerit fornicatus, censent nonnulli DD. neutrum posse resiliere; eoquòd delicta compensentur: alii tenent solum sponsum, non item sponsam, quòpote cujus fornicatio est multò scèdior & detestabilior, posse resiliere. Probabilius tamen existimo cum Palao, *Kugler de sponsal. part. 3. num. 89.* Illius & aliis, quemlibet salva conscientia resiliere posse. Ratio potissima hæc est: quia si v. g. sponsus prius fornicetur, cessat immediatè obligatio in sponsa, ita, ut jus acquirat immediatè resiliendi, nec ea obligatio reviviscit per hujus subsequentem fornicationem: ergo etiam cessat, si uterque fornicetur eodem tempore; nam subsequens fornicatio sponsæ non facit sponsum fidelem, aut inculpabilem; adeoque

nec sibi illa aufert jus resiliendi. *Vid. cit. Kulger.*

42 Tertiò. Licitum est resilire à sponsalibus ob aliquam mutationem notabilem, vel circumstantiam supervenientem, quæ, si à principio existisset, vel cognita fuisset, meritò à sponsalibus absterruisset. Ita *cum communi Sanchez lib. 1. disp. 62. Laym. hic n. 18. Ratio est: quia neutrius contrahentis intentio præsumitur se extendisse ad talem casum; qui quemvis prudentem à promissione matrimonii absterruisset.*

Dices. Quænam autem circumstantiæ, vel mutationes reputantur notabiles?

43 R. Illæ reputantur notabiles, quæ statum matrimoniale respectu talium Personarum reddunt notabiliter difficiliorem: possuntque accidere in triplici bonorum genere, nempe animi, corporis, & fortunæ, prout notarunt Laym. Sporer, Ronig, Kulger *part. 3. n. 24. & alii.*

44 Primò itaque ex parte animi notabilis mutatio censetur, si sponsus (idem dic de sponsa) deficiat à fide: aut si incurrat notabilem infamiam v. g. propter furtum, adulterium, vel homicidium commissum; item si post sponsalia contracta noscatur esse inclinatus ad vitia v. g. lusus inordinati, potus excessivi, libidinis, sævitie, aut asperitatis nimie, &c. Secus dicendum foret, si sponsa jam aliunde nosset, sponsum hujuscemodi criminibus infectum, & nihilominus contraxisset; quia tunc meritò præsumeretur consensisse; ut notant DD. *communiter.*

45 Secundò. Ex parte corporis censetur notabilis mutatio, si sponsus, vel etiam sponsa incidat in morbum perniciosum, præsertim incurabilem, uti sunt lepra, paralytis, morbus gallicus, & epilepticus: item si sponsa evadat notabiliter deformis, aut mutiletur aliquo membro corporis, manu, pede, vel naso, &c. &c.

46 Tertiò. Ex parte fortunæ reputatur mutatio notabilis, si sponsus vel sponsa in pauperatatem incidat: vel si Parentes ære alieno graventur, ut dotem solvere nequeant; vel si uterque sponsus ita fiant, aut deprehendant se esse inopes, ut valde difficulter se sustentaturi sint. Ratio horum omnium est: quia status matrimo-

nialis, cum sit de se valde difficilis, perpetuus, & inabdicabilis ex natura sua, tacite præsumitur excipere omnes mutationes, notabiliter præjudiciosas, seu tales; quibus cognitis sponsalia nunquam fuissent inita: atqui omnes modò enumeratæ, judicio prudentum tales reputantur: ergo. *Vid. Kulger cit. & Ilfungs. tr. 6. disp. 9. q. 1. art. 3. n. 29.*

Dices. Sed unde dignoscendum, an sponsalia stante tali conditione aut circumstantiæ fuissent inita vel non?

47 R. Hoc ex confessione contrahentium dignosci debet. Quare oportebit sponsum (vel etiam sponsam) examinare, utrum, si eo tempore, quo sponsalium fidem dedit, hanc vel illam circumstantiam, aut mutationem scivisset, fidem nihilominus daturus fuisset, nec ne? si dicat, se fuisse daturum, tenebitur stare promissis: si neget, præsertim cum juramento, credendum ipsi erit à Confessario, idèòque dicendum, quod sponsalia non amplius obligent. Laym. *lib. 5. tr. 10. p. 1. c. 2. n. 18. Schmier. n. 159. Sporer. n. 279.*

48 Tandem, si dubitet, an prævisa tali mutatione fuisset fidem daturus vel non? Distingnuendum erit atque dicendum, quod non teneatur stare promissis, si mutatio fuerit reverà gravis; bene verò, si fuerit solum levis, seu non notabilis. Ratio est; quia ex communiter contingentibus sit prudens præsumptio: communiter autem contingit, ut defectus vel circumstantia & mutatio gravis absterreat à sponsalibus, non item mutatio levis: ergo. Ita Tambur. & Leand. apud la Croix. n. 168.

Quer. quartò Utrum à sponsalibus liceat resilire auctoritate privata, an verò ad hoc opus sit auctoritate publica Judicis Ecclesiastici?

49 R. cum distinctione. Si enim causa resiliendi sit certa, & notoria, sive notoreitate facti, sive juris; licitum erit auctoritate privata resilire; saltem per se loquendo; cessante nimirum scandalo, vel aliis inconvenientiis. Si autem causa resiliendi sit dubia, nec constet, esse sufficientem opus erit auctoritate, & Sententia Judicis Ecclesiastici, ne alteri fiat injuria, & spoliatur sine sufficienti causa jure acqui-

sito

sito per sponsalia. Quin immò in puro dubio, an causa resiliendi sit sufficiens, ne quidem in foro externo fieri potest dissolutio; quia possidet jus pro sponsalibus, ut notat Herinex de spons. disp. 1. n. 3. Hinc etiam ad præcavendas lites ac alias injurias (teste Laym. apud Babenst. cit. n. 46.) in multis Germaniæ Diocæsisibus cautum est, ut à sponsalibus publicè notis, non liceat recedere, nisi causa priùs ad Ordinarium delata.

§. II.

Proponuntur, & breviter resolvuntur
Casus practici circa dissolutionem Sponsalium.

CASUS PRIMUS.

Titia nobilis Puella, de futuro matrimonio fidem dederat Titio, equidem nobili, sed minùs opulento. At ubi animadvertit, Parentes suos ad ægerrimè ferre, & repugnare, ob conditionem sponsimulium dispares, cepit vacillare, cogitavitque renuntiare sponsalibus: quod ubi sponsus inauduit, minuitur est sponsæ diffamationem. Quin etiam oppido propalavit, se Titiam sæpius jam carnaliter cognovisse, & (nescio quæ) propudia cum ea perpetrasse. Dubitatur proin, an Titia non habeat justam causam repudiandi Titium, velut injustum diffamatorem.

50 R. Videtur habere justam causam repudiandi. Ratio est: quia per hoc, quòd ob justam Parentum indignationem cogitaverit renuntiare sponsalibus, sponsus non fecit injuriam, certè non gravem: ergo Titius injusta sua, & quidem gravissima diffamatione præbuit causam justæ aversionis & indignationis. Accedit insuper, quòd ex tali matrimonio vix sperari queat bonus exitus, quin potius meritò timere debeant Parentum offensa, rixæ, & scandala: hæc autem & similia præbent justam resiliendi causam. Immo verò, supposito, quòd Parentum offensæ graves prudenter timeantur perpetuò duraturæ, dicendum foret, sponsalia nulla fuisse, prout jam suprà n. 15. dictum fuit, & cum aliis docet Gobat tr. 10. n. 106.

CASUS SECUNDUS.

Sempronius jam pridem ambierat matrimonium cum Sempronia honesta vidua contrahendum, eo quòd paratè illam satis divitem, & dominam domus, seu Tabernæ vinariæ: tandemque fidem futuræ matrimonii ab eadem obtinuit. Verùm non multò post vapit in noitiam, quòd Sempronia sit pauperrima, & plurimis debitis gravata; quare cogitat resilire: dubitat tamen, an sibi hoc liceat, præsertim eò quòd in contractu sponsalium nullam fecerit mentionem de divitiis, vel dote adferenda à Sempronia?

51 R. Licitum est in hoc casu Sempronio resilire. Ita Babenst. cit. art. 4. n. 35. Castrop. Krimer, la Croix, n. 175. Ratio datur hæc: quia in omni actione nuptiali includitur promissio dotis, esto etiam de hac non sit facta mentio. Deinde tanta paupertas Semproniz reputatur circumstantia reddens matrimonium notabiliter difficilius: ergo intentio sponsi merito præsumitur non se extendisse ad tale matrimonium. Consentit Gobat tr. 10. nu. 300. addens, sponso à Judice credendum, præsertim si cum juramento attestetur, se nunquam fuisse contrahendum, si scivisset sponsam esse pauperem. Aliiter dicendum foret, supposito, quòd egestas Sponsæ Sempronio jam priùs fuisset perspecta; quia tunc præsumeretur consensisse in pauperem: quod utique & valide potuisset, & licitè.

CASUS TERTIUS.

Cajus, consentiente sponsa sua Caja, abili (ut solent juniores opifices) in Regionem longinquam, spondens tamen, se post elapsum triennium quantocrys rediturum, interim verò singulis annis daturum litteras sponsalium confirmatorias. Elapso jam triennio Cajus nec rediit, nec ullas interim dedit ad sponsam litteras. Quapropter cum modò pinguius matrimonium offeratur Cajæ, querit hæc, an sibi non liceat illud acceptare?

52 R. Congruum fore in hoc casu, ut si Caja sciat, ubinam sponsus moretur, eun-

eundem moneat de elapso termino, ad præcavendas omnes tricas & lites, prout bene monet la Croix. *nu.* 206. si autem ignoret, ubinam moretur, tanta conscientia potest acceptare matrimonium pinguis; tum quia procul dubio noluit se obligare ad expectandum incertum sponsi redditum, præsertim pro tali casu, ubi pinguis sibi offeretur matrimonium; tum etiam quia merito præsumitur sponsus cessisse juri suo per hoc, quod non redierit statuto tempore, nec unquam scripserit litteras.

Dices. At quid, si sponsus supponatur ædi esse prius, quam Caja matrimonium celebraverit cum alio?

53. R. Tunc obligabitur stare primis sponsalibus, relicto etiam pinguiori matrimonio sibi ab alio oblato, dato saltem, quod sponsus redierit proximè post elapsum triennii terminum. Ratio est: quia præsumptio Cajæ, quod scilicet sponsus cessent juri, cum fuerit sinistra, debet cedere veritati: tum etiam; quia per exiguum saltem tempus tenebatur expectare redditum sponsi, ut bene notant Abbas, Henriquez, Palaus de spons. *disp.* 1. *punct.* 23. *num.* 3. & Gobat *tr.* 10. *num.* 333. Ubi etiam monent, quod si justo impedimento sponsus detineatur in alio loco, ad Judicem Ecclesiasticum præter, attenta qualitate sponsæ, periculo incontinentiæ, aliisque circumstantiis, decidere, an sit sufficiens causa sponsalia dissolvendi: neque enim fas est eulibere, se propriæ causæ judicem constituit, inquit Palaus *cit.*

Dices iterum? Quid si autem sponsa interim facta fuisset ditiore v. gr. ex hæreditate, vel legato inopinato, teneretur adhuc sponsum priorem acceptare?

54. R. Sanchez, Castrop: Kugler, *part.* 3. *num.* 107: tenent probabiliter, quod sic; eo quod sponsus per hoc non sit factus deterior. Contra verò Illi. Schmier, Babenst. *cit.* *art.* 4. *nu.* 37: dicunt, quod non; eo quod sponsus respectu sponsæ jam notabiliter ditatus, evaserit inferioris conditionis, & saltem comparative deterior. Sapienter tamen monet Sporer. *num.* 282. hujusmodi sponso jam impari,

consulendum esse, ut non multum urgeat matrimonium, propter periculum mali exitus, quem plerumque solent nasci matrimonia inter inæquales contracta, proindeque contentus sit alia compensatione pecuniaria.

§. III.

Corollariæ ex dictis inferenda.

55. Colliges primò: sponsalia justis de causis (quas suprà à *nu.* 29. recensuimus) dissolvi posse, tamen iuramento firmata fuissent. Ratio est: quia iuramentum sequitur conditionem contractus, cui adjicitur: atqui natura contractus sponsalium hoc habet, quod justis de causis possit dissolvi: ergo pariter cessabit iuramentum. Vide Sanchez *lib.* 1. de *matr. disp.* 52. *num.* 6. Laym. *lib.* 5. *tr.* 10. *pag.* 2. *cap.* 2. *num.* 1. Clericat. *decis.* 17. *num.* 14.

56. Colliges 2. Sponsam (idem teneas de sponso) quæ laborat defectu aliquo pernicioso, seu tali, qui matrimonium reddat notabiliter difficilior, utputa si esset multis gravata debitis, vel ab alio jam imprægnata &c. teneri per se loquendo hujusmodi defectum manifestare sponso, vel certe abstinere à matrimonio contrahendo; secus enim sponsum deciperet in materia gravi, seque ac illum conjiceret in periculum perpetuarum discordiarum, aliorumque malorum; quod sine peccato gravissimo fieri sanè non potest. Ita DD. *communissimi*. Sanchez. *lib.* 6. *disp.* 27. *nu.* 10.

57. Dixi si laborat defectu pernicioso &c. Quando enim laborat tali defectu, qui matrimonium solum reddit minus commodum & appetibile; ut si sit ferocis ingenii, parata tamen se corrigere, vel etiam si jam sit ab alio cognita, non tamen imprægnata, neque hoc crimen manifestandum unquam, &c. non teneretur illud prodere; tum quia consuetudine jam receptum est, ut contrahentes ejusmodi vitia sibi non manifestent, inquit Babenst. *cit.* *n.* 42. tum etiam, quia nemo teneretur defectus propalare, seque ipsum diffamare, quando eos reticendo nulli

nulli facit injuriam: atqui in hoc casu sponsa non facit injuriam sponso: ergo. Vid. Sporer. num. 286. Herincx cit. nu. 54. Fin.

58 Colliges tertio. Sponso vi sponsalium obligari ad abstinendum ab omnibus, quæ datæ fidei, & executioni promissionis ob stare possunt. Ratio est: quia qui obligatur præcepto affirmativo justitiæ ad promissionem suo tempore implendam, obligatur simul præcepto negativo ad abstinendum ab omnibus, quæ impleti promissionis possunt esse impedimento: atqui sponsi ex præcepto affirmativo justitiæ tenentur ad contrahendum suo tempore matrimonium: ergo etiam &c. Castrop. Mezger, Babenst. art. 3. num. 3. Unde

59 Colliges quarto. Sponsum post sponsalia fornicando cum alia (idem dicto de sponsa) probabiliter committere duplex peccatum, nempe contra castitatem, & contra justitiam; quia ut jam dictum, vi sponsalium tenetur abstinere ab omni eo, quod executioni promissionis ob stare potest; tum etiam quia tenebatur corpus suum conservare in eodem statu; quo erat dum sponsalia fuerunt celebrata, aut certe illud non reddere notabiliter deterius: atqui sponsus, vel etiam sponsa fornicando cum aliis, evadunt notabiliter deteriores; tum quia reddunt se suspectos de frangenda aliquando fide conjugali; tum etiam quia se exponunt periculo alendi prolem extraneam: ergo Vide Clericat. Decis. 16. num. 17. Kugler de sponsal. part. 2. à num. 24. Ubi etiam inferunt, sponso teneri in confessione hanc circumstantiam, utpote speciem mutantem, exprimere; quamvis Mastr. Caspensis, & alii multi oppositum satis probabiliter teneant, quod scilicet non sit peccatum distinctum, & per consequens nec in confessione specialiter exprimentum.

CONFERENTIA

TERTIA.

De Impedimentis Matrimonii in Genere, & de Impedimentibus tantum in Specie.

SUMMARIUM.

- 60 Impedimentum in genere est obstraculum Matrimonii, &c.
- 61 Dirimentia possunt fieri ab Ecclesia, vel S. Pontifice.
- 62 Episcopus autem nullum impedimentum dirimens;
- 63 Bene tamen impedientia statuere potest.
- 64 Olim impedientia fuerunt plura: at modo quatuor tantum numerantur, scilicet
- 65 Sacratum Tempus,
- 66 Vetitum.
- 67 (Ad quod alia tria reducuntur)
- 68 Sponsalia; Et
- 69 Votum simplex; quod quadrupliciter fieri potest.
- 70 An, vel quando habens votum, possit reddere vel etiam petere debitum?
- 71 Quinam in talibus votis possint dispensare?
- 72 Enumerantur impedimenta dirimentia quatuordecim.
- 73 Heretici probabiliter iisdem impedimentis stringuntur.
- 74 Per consuetudinem introduci, vel abrogari potest impedimentum.
- 75 Si tamen consuetudo sit legitime introducta; Et
- 76 Impedimentum solo jure humano introductum.
- 77 Resolvitur Casus I. de quadam Tertiaria, habente votum castitatis; quæ
- 78 Contrahendo Matrimonium peccavit mortaliter.
- 79 Resolvitur Casus II. de Rustico, qui contra suum votum ingrediendi Religionem, introit matrimonium:

- 80 Proptereaque prima vice petendo debitum peccat.
- 81 Resolvitur Casus III. de sponsis contrahentibus absque proclamationibus prævis.
- 82 An tales licitè, vel validè contraxerint?
- 83 Matrimonium cum impedimento dirimente contractum est nullum;
- 84 Etsi sponsi ignorassent, se laborare tali impedimento.
- 85 Parochus per se loquendo tenetur tale matrimonium impedire.
- 86 Quid agendum, si tale matrimonium non possit differri sine diffamatione? &c.

§. I.

Præmittuntur, & breviter resolvuntur quæsitæ, scitu necessaria ad ritè decidendos casus circa impedimenta in Genere.

QUæres primo: quid & quotuplex sit impedimentum matrimonii in genere?

60 R. Impedimentum, ut vel ex ipso nomine constat, dicitur omne illud, quod obstat, ne inter alias Personas matrimonium contrahi possit validè, aut licitè. Unde duplex est genus talium impedimentorum. Alia dicuntur minora, seu impediencia tantùm, quæ obstant, ne matrimonium licitè contrahatur, quavis contractum in suo valore subsistat. Alia verò appellantur majora, seu dirimentia, quæ faciunt, ut matrimonium nec licitè contrahi possit, nec validè, proindeque contractus, stante tali impedimento initus, non solùm illicitus, sed etiam nullus est, & irritus. *Communis DD.*

Quæres secundò. Quisnam possit statuere Impedimenta Matrimonii?

61 R. 1. Impedimenta dirimentia statuere potest non solùm Concilium generale, repræsentans universalem Ecclesiam in suis Capitibus congregatam, sed etiam summus Pontifex, qui est caput visibile totius Ecclesiæ. Ita cum *Communis Reinfest. Theol. mor. tract. 14. diss.*

14. nu. 3. Ratio est: Quia Pontifici concessa est universalis potestas ligandi atque solvendi super terram. Hinc Concil. Trident. SS. 24. *Can. 4.* definit: *Si quis dixerit: Ecclesiam non potuisse constituere impedimenta matrimonium dirimentia, vel in iis constituendis errasse, anathema sit.*

62 R. 2. Potestas constituendi impedimenta dirimentia matrimonii, defacto non competit Episcopis. Ita concors DD. (*teste Clericato Decis. 19. num. 22.*) Rationem dat idem Clericatus: quia Episcopi nullam aliam habent jurisdictionem (quæ est necessaria ad leges ferendas) nisi illam, quam ipsis elargitur Papa, quem Christus constituit Monarcham, Principem, & Caput totius Ecclesiæ: atqui nullibi legitur hæc potestas Episcopis concessa: ergo à fortiori nec Principes sæculares possunt statuere impedimenta dirimentia matrimonii. Esto enim per se loquendo, & quantum est ex natura rei, seu contractus qua civilis est, id possent; quia tamen idemmet contractus inter fideles à Christo fuit elevatus ad dignitatem Sacramenti, eo ipso à potestate laicali fuit translatus ad potestatem judicium Ecclesiasticorum, prout defactum ex communi DD. tum etiam ex variis juribus constat, præsertim verò ex Tridentino sess. 24. *can. 12.* Ubi definit: *si quis dixerit, causas matrimoniales non spectare ad Judices Ecclesiasticos, anathema sit.* Neque verum est, quòd defacto Regibus Galliarum hæc potestas competat; esto enim matrimonia Prognatorum ex stemmate regio contra voluntatem Regis, & filiorumfamilias contra voluntatem Parentum contracta, in Galliis habeantur velut nulla; id tamen non tam ex auctoritate & constitutione Regum, quam ex Concilio Meldensi, aut certè ex consuetudine legitime (cum tacito scilicet SS. Pontificum consensu, jam ab octingentis annis introducta) immediate provenit, prout testatur Clericatus *decis. 18. num. 36.*

Hinc defacto alia impedimenta statuere non possunt. Videatur de hoc D. Bonavent. 4. *dist. 42. quest. 2. art. 2.* vel Gobat *tract. 9. n. 29.*

63 Dixi autem; defacto Episcopis non esse concessam potestatem statuendi *impedimenta dirimentia*. Quod enim pro bono regimine Ecclesiæ, & Populi sibi concediti, statuere possint *impedimenta impedientia*, nullus est, qui neget, ait idem Clericatus *cit. num. 13*. Ratio est: quia *Ecclesiæ vetitum* numeratur communissime inter *impedimenta impedientia*, ut statim dicitur: atqui potest Episcopus ex rationabili causa aliquibus matrimonium interdicare: ergo. Vid. Schmalzgrueber *lib. 4. tit. 1. nu. 362*.

Quæres tertio. Quæ, & quot defacto vigeant *impedimenta impedientia* tantum?

64 R. Olim quidem jure antiquo diversa numerabantur *impedimenta impedientia*, nempe

Ecclesiæ vetitum, nec non tempus feriatum.

Atque Catechismus, *crimen, sponsalia, votum.*

Verum jure novo Concilii Trid. antiquus ille rigor mitigatus fuit in tantum, ut defacto non nisi quatuor *impedimenta impedientia* numerentur communiter, sequenti Hexametro comprehensa.

Sacratum tempus, vetitum, sponsalia, votum.

65 Primum itaque *impedimentum impediens* est *Tempus Sacratum*, id est, illud, quod currit ab Adventu usque ad Epiphaniam; item à die Cinerum usque ad Octavam Paschæ inclusivè. Quo tempore tamen solum prohibetur matrimonium solemniter celebrandum, id est, cum solemnibus benedictione, vel etiam traductione sponsæ in domum sponsi, vel aliis vanæ lætitiæ signis, velut inconvenientibus & importunis hoc sacro tempore: unde prætermisiss hujusmodi solemnitatibus præsertim in casu necessitatis, sine peccato posset Parochus assistere matrimonio in aliquo loco vel domo privata; quia Concil. Trid. *SS. 24. de refor. Matr. c. 10.* solum dicit: antiquas *solemnium Nuptiarum* prohibitiones diligenter ab omnibus observari, sancta Synodus præcipit. Sanch. *lib. 7. disp. 7. Reinfect. cit. n. 12.*

66 Secundum *impedimentum impediens* est *Vetitum*, id est, prohibitio live ge-

neralis, sive particularis, ab Episcopo, vel etiam à Parocho facta ex rationabili causa, ut puta si dubitetur, an inter spon-
sos non versetur aliquod *impedimentum?* &c.

67 Huc etiam referri potest, & debet primò. *Clandestinitas*; id est, matrimonium clam sine Parocho & Testibus celebrandum; licet enim in loco, ubi Tridentinum non est receptum, valide contrahatur sine Parocho & Testibus, tamen contrahentes peccant mortaliter; nam talia matrimonia, ut ait Trid. *cit. SS. 24. c. 1. Sancta DEI Ecclesia ex justissimis causis semper detestata est, atque prohibuit.* secundò. Huc reduci debet *omissio benedictionis*; item tertio. *Omissio proclamationum*, quæ seclusa dispensatione sine gravi peccato omitti nequeunt. Ratio est: quia Ecclesiæ severè præcipit, ut fiant dictæ denuntiationes, quatenus *impedimenta*, si quæ inter spon-
sos versentur, detegantur, sicut scandala, & animarum pericula præcludantur. Ita cum *commun. Perez. disp. 43. Sect. 1. num. 7.* apud Busenb. *de Matr. c. 3. sub. 9.*

68 Tertium *impedimentum impediens* sunt *sponsalia*: hæc enim (si tamen valida fuerint) *impediunt*, ne quis cum alia, etiam non consanguinea; possit licite inire matrimonium, nisi prior sponsa, vel etiam sponsus consenserit, aut alia à prioribus sponsalibus resiliendi iusta causa intervenerit; secus enim læderetur jus alterius in materia gravi, tamen si matrimonium ipsum adhuc subsisteret, ut dictum est superius *nu. 33.*

69 Quartum denique *impedimentum impediens* est *votum simplex*; idque quadruplex. 1. *Votum Calibatus*, seu nunquam contrahendi matrimonium. 2. *Votum suscipiendi sacros Ordines*. 3. *Votum ingrediendi Religionem*. 4. Denique *Votum simplex* (nam solemnè dirimit matrimonium, ut dicitur *n. 101.*) *perpetuæ castitatis*. Ratio autem, quod hæc vota (idem dic de juramento) *impediant* matrimonium est: quia Conjuges debent se obligare ad usum corporis in ordine ad generandam prolem: usus autem corporis, ad quem regulariter se obligant, repugnat voto

Ca-

Castitatis; item status matrimonialis repugnat cœlibatui, ut de se clarum est: ergo qui habet simile votum aut juramentum, illicite contrahit matrimonium, quamvis adhuc validè: nam *multa fieri prohibentur, quæ, si facta fuerint, obtinent robore firmitatem*, ut habetur *C. ad Apostolicam de Regularibus*.

Quær. hic incidenter quartò .. Utrum habens hujusmodi Votum simplex, post matrimonium semel validè (ut supponimus) contractum, possit petere & reddere debitum conjugale?

70 R. cum necessariis distinctionibus. Nam 1. habens solummodo votum *non nubendi*, vel etiam *sacres Ordines suscipiendi*, contracto semel matrimonio potest petere & reddere debitum; quia, eodem, stante matrimonio, tali non amplius liceat suscipere Ordines (saltem sine consensu uxoris) Votum jure est redditum impossibile, consequenter pro hoc factu non amplius obligat. Secundò. Qui autem *verè Religionem*, probabilis peccat mortaliter prima vice consummando, sive petendo, sive etiam reddendo intra primum Bimestre; quia talis ante consummationem adhuc potest, & per se loquendo tenetur ingredi Religionem, post consummationem autem non amplius: ergo consummando reddit se ultimatò impotentem ad satisfaciendum suo voto; quod absque peccato gravi fieri nequit. Attamen matrimonio semel consummato, potest petere debitum; quia Castitatem non vovit: potest etiam, immò tenetur reddere, donec vel conjuge moriente, vel consentiente, aut adulterante, possit Religionem ingredi, sicque suum votum implere, ait Herincx *disp. 6. de Matr. n. 17.* & Reinfiest. *cit. n. 21. fin. tertio*. Denique habens *Votum Simplex Castitatis*, peccat mortaliter, non solum contrahendo (cum intentione consummandi) matrimonium, sed etiam quoties (sine legitima dispensatione) petit: quia vi voti tenetur, quantum potest abstinere ab omni actu venereo: potest autem licitè abstinere à petendo: ergo. Nihilominus debitum petenti reddere tenetur, saltem post primum Bimestre: quia ad hoc jam est obligatus majori vinculo matrimonii,

simulque per votum suum non potuit præjudicare juri Uxoris. Scotus. 4. *dist. 38. §. consimiliter*. Sanchez *lib. 9. disp. 33. Reinfiest. cit. n. 17. & 19.*

Dices adhuc. Sed quis dispensabit legitime in tali voto, vel etiam ad petendum debitum?

71 R. 1. Summus Pontifex potest dispensare. 2. Episcopus in voto Religionis, vel etiam perpetuæ & integræ Castitatis, utpote specialiter reservatis summo Pontifici, per se loquendo dispensare non potest, bene vero in casu urgentissimæ necessitatis, ubi mora non patitur recurrit ad summum Pontificem. 3. Confessarii Mendicantium (& qui horum Privilegiis gaudent) etiam in voto perpetuæ & integræ castitatis (juxta probabilem sententiam, quam tenent Herincx. *part. 3. de voto disp. 4. n. 73.* Reinfiest. & alii plures) dispensare valent in casu necessitatis, prout inferius n. 496. videbimus. Possunt insuper dispensare quoad petendum debitum cum conjugibus, qui contraxerunt matrimonium cum voto Castitatis antea emissio, itemque cum conjugibus incestuosus, qui contracto jam matrimonio cum alterius conjugis sanguine intra secundum gradum adulterium perpetraverunt, modò tales Confessarii ab Episcopo sint approbati, & ad hoc munus à suis Provincialibus deputati; hanc enim facultatem dispensandi nos Mendicantes à diversis Pontificibus, non solum vivæ vocis oraculo (ut Lezana sibi persuadet) sed etiam per specialem Bullam Eugenii IV. & alia quandam declarationem Julii II. obtinuimus, prout teste Spor. n. 483. bene probat Quintanadven. *Singularium tr. 9. singular. 2. à n. 6.* Vide etiam Sanchez *lib. 8. disp. 16. n. 8.* Reinfiest. in *Append. de dispens. post quartum Decretal. §. 12.*

Quæres quintò, quæ & quot defacto vigent impedimenta dirimentia?

72 R. Impedimenta dirimentia Matrimonii antiquo jure tantùm duodecim erant: iis tamen per Concilium Trid. duo sunt adjecta, scilicet absentia Parochi & Testium, itemque Raptus Mulieris; quare defacto communiter numerantur quatuordecim, & omnia continentur in sequentibus versiculis:

Error, Conditiō, Votum, Cognatio, Crimen,

Cultus disparitas, Vis, Ordo, Ligamen, Honestas,

Si sit Affinis: si forte eorum nequibis.

Si Parochi, aut duplicis desit presentia Testis;

Raptave sit Mulier, nec parti reddita tute.

Hæc socianda vetant connubia: saclaré trahant.

Sunt quidem nonnulli, qui dicunt esse sexdecim impedimenta dirimentia, sed hi explicitè numerant triplex impedimentum Cognationis, unde non in substantia, sed solum in modo numerandi differunt à nobis: denique pro distincto impedimento addunt *etatem* Impuberum, qua ratione etiam tertium vericulum præallegatum ita instituunt:

Ætas, Affinis, si forte eorum nequibis.

Verùm isthoc impedimentum ætatis, utpote quam malicia potest supplere, commode reducitur ad impotentiam, ut infra à n. 252. videbimus.

Quæres sextò. Utrùm etiam Acatolici, Lutherani, alique Hæretici stringantur mox enumeratis Impedimentis Ecclesiasticis, ita, ut si cum tali impedimento ex jure Ecclesiastico dirimente contrahant, Matrimonium sit irritum & nullum?

73 R. Permulti, & quidem gravissimi DD. germani, Marchant. *Tribun. Sacram. t. 3. tr. 1. tit. 6. conc. 4.* Tannerus, Laym. Dicastillo, Habsenf. apud Sporer, de *Matr. c. 1. n. 35.* Schmalzgrueber *lib. 4. tit. 1. n. 379.* Kuzler de *Matr. n. 894.* putant Matrimonia Hæreticorum, cum impedimento juris Ecclesiastici, uti est Clandestinitas, contracta, esse valida; quod multis rationibus ostendere nituntur, & vel ideò maxime, quòd contraria consuetudine Hæreticorum jam à tot annis practicata, Pontifice utique sciente & non contradicente, videantur jam abrogata hæc impedimenta. Deinde conjuges conversi ad fidem, licet non contraxerint coram Parocho Catholico, nunquam tamen urgentur, ut denuo contrahant coram vero Parocho & Testibus: ergo (inquiunt) Ecclesia supponit eorum Matrimonia cum tali impedi-

mento contracta valuisse. Nihilominus mihi videtur probabilius, etiam Hæreticos ligari impedimentis jure Ecclesiastico introductis, & consequenter eorum matrimonia cum tali impedimento contracta esse nulla ac irrita: hancque sententiam tenent mordicus Gobat. *Theol. exprim. tr. 9. à n. 41.* König, Schmier. *tr. 3. de imped. Matr. c. 1. n. 41.* Lefs. Pignatell. Krimer apud la Croix approbantem. *a. 772.* Reinsest. *l. 4. tit. 3. n. 140. & seqq.* Ratio autem nostra est hæc: quia certum est, Hæreticos stringi legibus Ecclesiasticis; quandoquidem vi Baptismi sint ingressi Ecclesiam, & hujus jurisdictioni subiecti: neque Doctores pro contraria opinione citati negare possunt, Hæreticos legibus Tridentini Concilii aliquando fuisse obligatos: ergo dicendum, quòd etiamnum stringantur iisdem.

Neque consuetudo Hæreticorum potuit obtinere vim abrogandi impedimenta sine consensu summi Pontificis; atqui Pontifex nunquam consensit, sed frequenter contradixit, declarando hujusmodi matrimonia ut invalida & nulla, prout authenticè ostendit Reinsest. *cit. n. 132.* & Matthæucci in *Cautela Confessarii lib. 4. c. 8. n. 101.* Nec dubito, quin si hodieum decisio circa valorem matrimonii cum tali impedimento ab Hæreticis contracti peteretur à Curia Romana, resolveretur, nullum fuisse & invalidum, prout facile colligetur ex dicendis infra à n. 285 ubi de impedimento Clandestinitatis. Nec est cur Papa vel Ecclesia nunc velit indulgere, & permittere despici leges suas ab illis rebellibus, qui Papam vocant Anticristum, & ei denegant potestatem impedimenta inducendi, aut tollendi. Quòd autem sæpius non contradixerint Pontifices, ideò contingit, ait la Croix *cit.* quia sciebant nil profuturum apud contumaces, & satis erat, semel sæpiusque protestatum esse. Unde etiam Gobat *cit. n. 37.* testatur, se à gravissimo quodam, & ulu peritissimo Doctore ex Urbe intellexisse, hanc doctrinam esse hodie conformem *ssylo*, & determinatiori Curie Romanæ.

Quæres septimò. An per consuetudinem possit abrogari impedimentum matrimonii, vel novum introduci?

74 R. Per consuetudinem legitimam abrogari possunt impedimenta solo jure Ecclesiastico introducta, vel etiam nova introduci. Ita cum *communi Sanchez*, *Mastr. Clericatus decis.* 18. n. 20. & colligitur ex *cap. 1. & cap. super eo. de Cognat. spirit.* Ratio est: quia per consuetudinem legitimè præscriptam potest abrogari lex humana, vel nova introduci, ut constat ex *cap. fin. de Consuet.* ergo etiam abrogari, aut introduci impedimentum: & certè impedimentum, quod dicitur *Cultus disparitas*, sola consuetudine introductum esse fatentur DD. communiter.

75 Dicitur tamen fuit: per consuetudinem legitimam: ad hancverò requiruntur sequentia. 1. Ut sit rationalis, 2. ut per tempus à lege præscriptum sit introducta, & quidem 3. cum consensu saltem tacito Pontificis, seu Ecclesiæ. Quare cum Hæreticorum consuetudines hujus conditionibus non sint vestitæ, hinc non obtinent vim abrogandi impedimenta, ut proximè dictum. Vide Gobat *cit. tr. 9. n. 24.*

76 Dicitur fuit secundò, abrogari posse impedimenta solo jure Ecclesiastico introducta. Impedimenta enim, quæ sunt juris divini vel naturalis, non vincit consuetudo; nec etiam ea, quæ jure divino sunt solam impediencia, & simul jure Ecclesiastico dirimentia, uti v. gr. votum solemne; quia hoc ipso, quòd Deus & Ecclesia directè semper vetent talia matrimonia, præsumendum est Pontificem nullo prorsus modo consentire in illa, quippe qui tenetur omni modo tueri jura divina, juxta *cap. Ecclesiæ 56. de elect.* Gobat *cit. n. 42. la Croix. n. 521.*

§. I I.

Proponuntur, & breviter resolvuntur Casus practici de Impedimentis Impedientibus.

CASUS PRIMUS.

Titia professæ est Ordinem Tertiariarum S. P. Francisci in seculo viventium, & quidem publicè in Ecclesia; nec contenta communi professionis formula, quæ aliis non claustraliter viventibus Tertiariis,

& Tertiariæ utuntur juxta præscriptum S. Ordinis, insuper in actu professionis addidit hæc verba: Voveo etiam & promitto Deo omnipotenti, & tibi Pater &c. servare castitatem perpetuam. Verum (ut inconstans est Mulierum genus) non multò post facti penitens nupsit Titio. Queritur jam primò, utrum validè? secundò an etiam licitè?

77 R. ad primum. Matrimonium valet. Ratio est: quia tantum votum solemne in susceptione Ordinis sacri, aut in Religiosa Professione, non item votum simplex (si excipias votum, quod emittunt Religiosi Societatis JESU post Novitiatum; itemque votum Castitatis, quod Uxor emittit post datam Marito licentiam suscipiendi Ordines sacros, ut habet Sporer *num. 43. & alii*) dirimit matrimonium; at votum Titiae in nostro casu fuit tantum simplex: ergo non dirimit.

Nec refert hoc votum fuisse publicè factum in Ecclesia; quia ad hoc, ut votum castitatis dirimat matrimonium, non satis est fuisse emissum coram Episcopo, Parocho, vel etiam coram alia Persona publica; sed requiritur, ut ab Ecclesia sit solemnizatum & acceptatum. Id quod *Cap. un. de voto. in 6. clarè* deciditur, nulum scilicet votum censi solemne in ordinem ad dirimendum Matrimonium nisi sit emissum in Religiosa professione, vel sacri Ordinis susceptione; quale non fuit illud Titiae. Neque Ecclesia, vel Ordo Seraphicus, aut is, qui auctoritate Ordinis professionem acceptat, aliter acceptare vult, quam sub modo & formula, ab Ecclesia vel Ordine præscriptis: atqui formula professionis, præscripta Tertiariis non claustraliter viventibus, non continet votum Castitatis: quare, quòd Titia simul emisserit votum Castitatis, contigit forsitan ex privata devotione, & merè per accidens. Vide *la Croix n. 461.*

78 R. Ad secundum. Titia nubendo peccavit mortaliter, si tamen habuit animam se obligandi ad consummationem & usum matrimonii; ad quem alii Conjuges communiter se obligant. Ratio est: quia cum votum Castitatis valuerit saltem in ratione voti simplicis; hinc Titia

ma-

manebat obligata ad servandam Castitatem omnimodam, cui status matrimonialis repugnat, ut constat ex dictis num. 70. Quare sine dispensatione debitum conjugale petere nunquam potest, quamvis post primum saltem bimestre alteri comparti iussit petenti reddere teneatur, ut dictum est loc. cit.

CASUS SECUNDUS.

Sempronius studiosus dum graviter decubuit, votum fecit ingrediendi Religionem, si DEUS sanitatem pristinam sibi restitueret: recuperata autem valetudine, cum paulatim sensisset stimulos carnis pariter invalescere, neglecto voto matrimonium contraxit cum Sempronia: Et quia matrimonio contracto quamprimum etiam sensit conscientie stimulos, hinc nondum consummato matrimonio, nec emento primo bimestri, querit 1. an peccaverit contrahendo? 2. an possit consummare matrimonium? Quid respondendum?

79 R. ad Primum. Sempronius contrahendo peccavit, & quidem contra virtutem Religionis. Ratio est: quia votum, licet conditionatum, recuperata valetudine, & conditione ex parte Dei adimpleta, coepit absolute obligare: ergo Sempronius tenetur ingredi Religionem. Nec tale votum definit obligare, & matrimonium impedire ex eo, quod voto obstrictus sentiat stimulos carnis etiam vehementissimos; tum quia (teste Babenst. 11. 8. part. 7. disp. 2. art. 1. num. 12.) ex praxi constat, quod Ecclesia tales non existimet esse liberos ab obligatione voti; cum status Religionis, sicut etiam Ordinis sacri tam sint excellentes, ut merito ob illos assequendos vovens debeat velle cum divino auxilio superare quascunque difficultates, & tentationes; tum etiam quia in Ecclesia non levia mala, & scandala procul dubio orirentur, si cuilibet propter tentationes, stimulos, vel etiam lapsus carnis, neglecto voto liceret amplecti statum matrimonialem. Sanchez. lib. 7. disp. 11. num. 9. Basil. Ponce, Conink, Palao de sponsalib. disputat. 4. punct. 2. numer. 12. §. 1.

Elbel Theol. P. III.

80 R. ad 2. peccaturum mortaliter, si petat debitum, & matrimonium consummet: immo etiam probabilius peccaturum mortaliter, si intra primum bimestre reddat, ut jam supra n. 70. diximus. Ratio est: quia ante consummationem adhuc potest Religionem ingredi, & non consummare, ne quidem reddendo debitum, quamdiu hoc sine injuria denegare potest; potest autem negare intra primum bimestre: ergo. Et hæc sententia, quam tenent Reiffenst. hic n. 20. Illf. Tambur. Bonac. Kugler n. 1592. procul dubio probabilior est, & tutior.

Nihilominus sunt, qui probabile censent, quod si habens votum Religionis, contracto semel matrimonio, sese jam resolvit, quod nolit amplius mutare statum, possit etiam intra primum bimestre licite, saltem reddere debitum. Eui tibi verba Gobat!, quæ habet 11. 10. n. 629. „Quia tamen (inquit) non debemus cuiquam laqueum injicere, quando possumus cum ratione abstinere, idcirco observo ex Stephano de S. Paulo in Theol. mor. 11. 5. disp. 8. dub. 7. n. 62. doctrinam, quam de redditione illicita prima vice tradidimus, fuisse quidem communem Doctorum, ætate S. Thomæ: at verò posteriores Theologi tanto numero apud Dianam par. 11. 11. 5. ref. 40. absolute adstruunt licentiam libere reddendi, ut censeam, tali mulieri, & viro constitutis in periculo mortaliter peccandi reddendo, suggerendum à Confessario, quod sit per quàm credibile, nullam culpam admittum iri ab iis reddendo, atque ita etiam sentit ipse Diana, non dissentiente Stephano de S. Paulo. Ita Gob. „Et hanc sententiam cum aliis pluribus DD. multum probabilem vocat Kugler cit. Tum quia plures censet privilegio primi bimestris illos tantum gaudere conjugibus, qui cogitant Religionem ingredi; tum etiam, quia status matrimonii quoad redditionem videtur suspendere votum, ut nonnulli tenent apud la Croix n. 361. Ex his facile colligit prudens Confessarius, quid oporteat respondere Sempronio nostro. Si enim moraliter possit, jubeatur abstinere etiam à reddendo, & ingredi Religionem; si non possit amplius, poterit permitti, ut

B b

red-

reddat. Consummato autem semel matrimonio erit eidem liberum etiam petere, juxta dicta superius n. 70.

CASUS TERTIUS.

Caja impragnatam se sensit à suo sponso? quapropter, ne ex matrimonio dilatione crimen admissum aliis innotesceret, petiit à P. R. Domino Decano Rurali licentiam contrahendi, prætermisso denuntiationibus; quam etiam obtinuit, sed cum onere, ut contraheret coram D. Parocho sponso. At illa, dissimulato hoc onere contraxit coram suo Domino Parocho. Dubitatur ergo 1. an P. R. Dominus Decanus Ruralis potuerit concedere hanc licentiam? 2. Utrum memorati sponsi potuerint licite, vel saltem valide contrahere coram D. Parocho sponso, Cajæ scilicet?

81 R. Ad Primum. Potestas dispensandi in denuntiationibus seu proclamationibus de jure ordinario solum competit 1. Pontifici, 2. & Episcopo, ejusdemque Vicario Generali. Quin immò Episcopus in iisdem tenetur dispensare, quando id exigit necessitas publica vel privata, ad vitandum aliquod grave incommodum animæ, corporis, famæ, vel etiam fortunæ. Rationem subministrat cum Tannero, Gobat 17. 10. num. 305. & la Croix num. 490. quia hæc potestas non committitur Episcopi, aut Vicarii Generalis libertati, sed arbitrio, id est, judicio secundum prudentem rationem regulato. Unde in casu necessitatis, quo scilicet non datur recursus ad Episcopum, ait La Croix num. 494. potest Parochus (quidni, & Decanus?) declarare, quodd præceptum proclamationum non obliget, si Episcopus dispensare teneretur, & adiri non possit. Quare cum in nostro casu supponatur, Cajæ imminuisse periculum infamæ ex dilatione nuptiarum, dicendum videtur, quodd si de hoc fortè constiterit Domino Decano, potuerit is sin minus dispensare, saltem declarare, quodd præceptum proclamationum cum tanto periculo non obliget.

82 R. ad 2. Præmemorati sponsi valide contraxerunt coram Parocho Cajæ. Ratio est: quia Tridentinum plus non re-

quirat, quàm ut contrahant coram proprio Parocho: Sacra autem Congregatio (teste La Croix n. 497.) declaravit, per proprium Parochum intelligi Parochum alterutrum è sponso; quod immutare non potuit D. Decanus: ergo. Quin etiam licite contraxere, si ex gravi, & rationabili causa id fecerunt; quia non est præsumendum, voluisse D. Decanum eos obligare, ut cum gravi incommodo contraherent coram Parocho sponsi potius, quàm sponsæ. Veruntamen ad hoc practicè dignoscendum, utrum scilicet contrahendo peccaverint? attendendæ erunt aliz circumstantiæ, utputa finis prohibitionis &c. & vel maxime utrum bona, vel mala fide contraxerint præcepto D. Decani.

§. III.

Corollaria ex dictis inferenda.

83 **C**ollig. 1. Matrimonium cum impedimento sive ex jure naturæ, sive Ecclesiastico solum dirimente contractum, nullum esse, ac irritum; idque verum est, tametsi contrahentes invincibiliter ignorassent se impedimento irretitos. Ratio est: quia Ecclesia non solum prohibet sponso volentes contrahere cum impedimento dirimente, sed insuper eos inhabilitat ad contrahendum: at ubi lex est inhabilitans, ignorantia etiam invincibilis non facit habiles, quamvis contra legem agentes excuset à peccato: ergo.

Dices. Aliqua saltem impedimenta v. gr. Criminis, Raptus &c. videtur habere rationem poenæ; ergo quemadmodum ignorantia invincibilis excusat à poena, ita excusare debet ab impedimentis istis.

84 R. cum P. Kugler. n. 1987. quodd licet hujusmodi impedimenta statuatur etiam in poenam delicti, primariò tamen, & principaliter sint inhabilitates canonice, quæ certò incurruntur etiam ab ignorantibus, ut constat ex praxi Ecclesiæ, quæ teste Corrado apud La Croix n. 642. nunquam permittit talis criminis reos contrahere sine dispensatione. Hinc idem La Croix n. 526. cum Sanch. Garden. Lessio & aliis rectè inferit, eum, qui cognovit foro-

sororem sponsæ, vel qui per Judicem cogeretur ducere consanguineam suam, non posse valide contrahere, & consummare matrimonium, tamen si gravi metu ad hoc adigeretur; licet enim vis, aut metus gravis quæpiam excuset ab observatione præcepti Ecclesiastici, attamen eum, qui inhabilis est, non possunt redde-
re habilem ad contrahendum. Fateor nihilominus, à P. Krimer. num. 1014. Pichler, & aliis satis probabiliter doceri, quòd ignorantia excuset ab impedimento criminis. Unde Gobat, Sporer, Kugler cit. & alii putant, eos, qui cum tali ignorantia contraxerunt bona fide, in ea relinqui posse.

85 Colliges Secundò: Parochum licet non posse assistere matrimonio illorum, quos novit esse irretitos impedimento præsertim dirimente, nisi talem notitiam habuisset ex sola confessione Sacramentali, qua in foro externo, uti nequitiam licet. Ratio est quia cum tali impedimento contrahentes peccant mortaliter, & Sacramentum frustrant; quod utique Parochus seu Pastor animarum sub gravi culpa prohibere, & impedire tenetur; præsertim quia hujusmodi putatili conjuges semper versarentur in periculo fornicandi. Oportebit pro in hujusmodi sponso remittere ad Episcopum, aut ejus Vicarium Generalem, vel denique ex Urbe impetrare dispensationem. Vid. Sanchez. lib. 3. disp. 25. n. 3. Perez. disp. 23. sect. 1. à n. 1.

Dices. Quid si autem impedimentum supponatur occultum, & soli Parocho cognitum, simulque matrimonium sine scandalo, vel infamiz periculo non possit differi amplius?

86 R. cum P. Sporer. n. 455. in hoc casu & supposito vel maxime attendendum esse, an contrahentes, vel etiam pars illa, quæ impedimento laborat, sit in bona, vel mala fide? Et siquidem Parochus (vel etiam Confessarius) adverterit, eos procedere bona fide, aut ex ignorantia invincibili, oportebit tacere, dissimulare, & permittere, ut agant bona fide potius, & peccent materialiter, quam confternata conscientia, cum periculo peccandi formaliter. At verò si Confessarius, aut Parochus advertat, sponso, vel etiam

solum sponsum, aut solam sponsam, laborare errore, vel ignorantia vincibili, vel etiam si suspicentur de impedimento latente, aut omnino interrogent, consiliumque petant, tunc procedendum erit modo sequenti. 1. Veritas erit aperienda dicendumque, quòd nequeant contrahere. 2. permittendum, ut contrahant, sed cum animo contrahendi seu faciendi quantum possunt. 3. Per se loquendo interdicens erit usus, & consummatio matrimonii (si impedimentum sit dirimens, vel impediens propter votum Castitatis aut Religionis) quousque fuerit impetrata dispensatio. Hinc 4. quamprimum recurrendum erit ad Episcopum, vel ejus Vicarium Generalem secundum dicta n. 71. vel, si non sit periculum in mora, ad summum Pontificem pro impetranda dispensatione. Si mora desit, & periculum incontinentiæ ex altera parte impedimenti ignara timendum, induc (ait. Sporer cit. l.) ut pars impedimenti conscia ex tempore voveat Deo servare castitatem, aut primo triduo, juxta monitum Archangeli Raphaelis Tobie juniore datum; aut in raro casu primis novem diebus, in honorem novem mensium, quibus Deipara Virgo Deo gravida fuit: vel aliquid simile sanctæ intentionis. Interea impetrata dispensatione sua vis quoque modus esse poterit renovandi consensum juxta dicenda à n. 338. Hanc Responsum merito approbat P. Kugler num. 2140.

CONFERENTIA

QUARTA.

De Impedimentis dirimentibus
Erroris, & Conditionis.

SUMMARIUM.

87 Quid sit Error?

88 Error circa substantiam Personæ dirimit;

89 Vel circa qualitatem, quæ redundat in substantiam.

- 90 *Traduntur duæ Regule, ad dignoscendum, an error qualitatis redundet in substantiam, vel non?*
 91 *Nomine conditionis intelligitur ignorata conditio servitutis.*
 92 *Et quidem strictè talis.*
 93 *Si liber cum serva scienter contrahit, valet.*
 94 *Resolvitur Casus I. de eo, qui contrahit cum corrupta, quam putaverat esse Virginem.*
 95 *Sola habitualis dispositio voluntatis, cur non impediat valorem Matrimonii.*
 96 *Resolvitur casus II. de eo, qui contrahit, fingens se esse Ministrum Principis.*
 97 *An sponsa licuerit talem deserere?*
 98 *Et quid, si post agnitionem erroris eundem concessisset usum corporis.*
 99 *Resolvitur Casus III. de sponsa, quæ nupsit damnato ad Tritemes.*
 100 *Hoc Matrimonium probabilius valet.*
 101 *Utrum error circa qualitatem redundet in substantiam Personæ, potest suo modo colligi ex prævisis interlocutionibus, vel motivo, & fine contrahendi.*
 102 *Matrimonium conservo adscriptio tantum, vel Originario contractum, subsistit.*

§. I.

Præmittuntur, & breviter resolvuntur quæsitæ, scitu necessaria ad rite decidendos Casus circa impedimentum Erroris, & Conditionis servilis.

QUÆRES I. Quid intelligatur per impedimentum Erroris?

87 R. Nomine erroris hic intelligitur non tantum sinistra apprehensio, seu iudicium intellectus, sed etiam ignorantia, qua quis ignorat Personam, vel qualitates Personæ, cum qua contrahit. Unde talis ignorantia seu error dupliciter potest contingere, nempe 1. circa ipsam Personam (& vocatur error substantialis; eo quod versetur circa id, quod est de substantia contractus matrimonialis) vel cir-

ca qualitates Personæ, ut puta circa bonam naturam, famam, vel fortunam &c. Est communissima DD.

Quær. 2. Qualis error dirimat matrimonium?

88 R. 1. Error versans seu contingens circa substantiam Personæ dirimit; non item 2. error circa qualitatem, nisi talis qualitas ex intentione contrahentis redundaret in substantiam Personæ, vel potius contractus. Ita rursus cum communi Scot. 4. dist. 30. q. 1. Sanch. Tamb. Pont. Mast. 4. disp. 7. num. 390. Ratio primæ partis est: quia ad valorem contractus essentialiter, & per se requiritur consensus in substantiam objecti, circa quod contractus fit; at, qui errat non consentit. *L. si per errorem ff. de iurisdic. omni. Jud. & errant nullus est consensus L. cum testamentum - L. idcirco C. de iur. & facti ignorantia* - ergo deficiente consensu circa ipsam Personam, deficit contractus matrimonialis.

Hinc etiam communis est Doctorum consensus, hoc impedimentum dirimere ex ipso iure naturæ; quia ex ipsa rei natura repugnat contractus sine consensu in substantiam; cum contractus nihil aliud sit, quam duorum vel plurium in idem placitum consensus *L. 1. ff. de pactis*. Ratio posterioris est: quia ad valorem matrimonii sufficit consensus in substantiam Personæ, seu corpus, quæ mutuo dantur: ergo quicquid est extra substantiam corporum (ut sunt qualitates) est accidentale, nec potest invalidum reddere matrimonium. Ita rursus DD. communiter. Herincx hic *disp. 6. num. 371* Sponer *num. 5. Engel. lib. 4. tit. 1. §. 4. nu. 2* Et colligitur ex c. cum in Apostolica de sponsal.

89 Quidam tamen sive: nisi talis qualitas ex intentione contrahentis redundaret in substantiam Personæ, &c. subinde enim talis error, ut Doctores communiter notant, redundat in substantiam Personæ, quando nimirum Persona aliunde prorsus ignota alicui contrahenti sub sola aliqua qualitate proponitur v. g. quod sit primogenita; quod sit genere nobilis, &c. atque ideo determinat voluntatem contrahentis, ut in eam præcisè consentiat: quapropter deficiente tali qualitate deficit con-

con-

consensus in substantiam, & ipse contractus. Vid. DD. *citr.* Verum pro pleniori hujus intellectu

Quæ. 3. Unde colligendum, quod error circa qualitatem redundaverit in substantiam Personæ, vel non?

90 R. Ad hoc discernendum diversæ à diversis assignantur regulæ, ut videre est apud Gobat. *tr. 9. à num. 113.* & Clericat. *decif. 19. n. 17.* Convenienter tamen, vitandæ obscuritatis gratia, statui possunt duæ sequentes.

Prima Regula. Si contrahens matrimonium qualitatem illam posuit in conditione contractus, sive formaliter, sive virtualiter; ut si dixerit: *Duco te, si sis virgo, si nobilis, si dives, si primogenita*, &c. tunc deficiente tali conditione, contractus pariter corrui. Ratio est: quia tunc talis qualitas fit pars objecti principalis per se intenti, estque consensus solidum conditionatus: atqui consensus conditionatus conditione non subsistente nullus est; ut omnes norunt: ergo. Ita cum *commun. D. Bonavent. 4. dist. 3. n. 21.* apud Sanchez. *lib. 7. disp. 18. n. 21.*

Secunda Regula est hæc: Tunc error qualitatis censetur redundare in substantiam, quando de ea actum est ante contractum matrimonii, quia v. g. Persona cum qua contrahitur, vel ejus Mediatores affirmarunt, eam esse nobilem, divitem, &c. & altera pars ob illam qualitatem, in quam principaliter dirigit mentem, intendit contrahere cum illa Persona, quam ita qualificatam credit. Ex. Gr. Si Puella jactet se nobilem, & alius non quidem nobilis, dives tamen, principaliter inducatur, ac moveatur ad contrahendum propter nobilitatem; in hoc casu probabilis matrimonium nullum est, si puella non fuerit nobilis. Ratio est: quia in tali casu qualitas non minus intenditur, quam Persona, ideoque fit pars objecti principalis ex intentione contrahentis, & consensus verè pendet à tali qualitate: ergo hac non subsistente, deficit consensus, & per consequens contractus. Vide Gobat. *loc. cit.* Clericat. *decif. 19. n. 29.* Kugler. *n. 1098.*

Quæ. quartò. Quid hic intelligatur nomine *Conditionis servilis?*

Elph. Theol. P. III.

91 R. Nomine conditionis, quæ est impedimentum dirimens, intelligitur ignorata conditio servitutis strictè talis; & innuitur, matrimonium cum Mancipio contractum à Persona libera, conditionis servilis ignara, esse nullum, & irritum, prout statuitur *cap. fin. de conj. servor.*

92 Dicitum tamen est primò, intelligi *Conditionem servitutis strictè talis*. Quo circa notandum venit, dari servos in triplici differentia, alii enim sunt *Servi adscriptitii*, alii *Originarii*, & alii *Servi propriè tales*, qui alio nomine nuncupantur *mancia*. Servus adscriptitius dicitur, qui Glebæ seu prædio colendo in perpetuum ita addictus est, ut inde recedere sibi non liceat, nisi facta prius remissione à Domino sive gratis, sive etiam persoluto ejusdem pretio; & tales sat multos hodieum est reperire in Bohemia, Polonia, Suevia, & aliis nonnullis Germaniæ locis. Originarius Servus appellatur, qui ortum habet à servo adscriptitio.

Tandem servus propriè & strictè talis est, qui ita subjacet potestati sui Domini, ut ab eo etiam vendi possit pro libitu. Et hujus tantùm servitutis conditio ignorata est impedimentum matrimonii dirimens, ut statuitur in *jure l. cit.* item *c. 2. de Conj. Serv.* Ratio autem hujus constitutionis fuit hæc: quia æquitati naturali omnino videtur consentaneum, ut ii, qui matrimonio sunt copulandi, æqualem corporum suorum conferant potestatem: at, hoc non potest servus respectu liberæ; cum non sit sui juris: ergo.

Deinde cum Servus lucretur Domino, quidquid lucratur, non poterit satis conferre ad commodè nutriendam prolem: si verò Uxor sit serva, & Maritus liber, rursus sequetur ingens incommodum; quotquot enim genuerit proles, servituti subicientur; eo quod partus sequatur ventrem, ut jura loquuntur: ergo Ecclesia justissimam habuit causam irritandi hujusmodi matrimonia. Immo verò sat multi, etiam graves DD. apud Sanchez & Laym. tenent, tale matrimonium ipso jure naturæ nullum esse; eo quia Persona libera meritò præsumitur, nolle suum corpus tradere pro corpore alterius, nisi similiter libero. Vid. Sporer. *n. 10.*

Bb 3

Di-

93 Dicitur fuit secundum matrimonium esse nullum, si sit contractum à *Persona libera conditionis servilis ignara*. Quando enim *Persona libera* contrahit matrimonium cum *Persona*, quam scit esse conditionis servilis, valide contrahit, non minus, quam si servus contrahat cum *serva*, ut habetur *c. ult. de Conj. servor.* Atque hoc etiam procedit, si contrahens liber speravit conjugem libertate donatum iri, tametsi vana spe fuisset delusus. Ratio est: tum quia talis non erravit circa conditionem servilem; tum etiam, quia huic utpote volenti, & consentienti non fuit facta injuria. Ita communis apud *Spor. Babenst. & alios.*

§. II.

Proponuntur, & breviter resolvuntur
Casus practici de impedimento
Erroris, & Conditionis.

CASUS PRIMUS.

Titius in facie Ecclesie contraxit cum Titia, quam crederet honestam Virginem: at verò post contractum deprehendit eam non solum corruptam, sed & gravidam esse ab alio: qua ratione cogitat rescire à matrimonio, & querit, an hoc possit sua conscientia?

94 R. Non potest, nisi in contractu exceperit, vel antecedenter potestatus sit, se nolle contrahere, nisi cum Virgine. Ratio est: quia matrimonium substantialiter subsistens, nequit infirmari aut rescindi, nisi in casibus, quos Ecclesie praxis permittit: cum errore autem circa qualitatem (uti est Virginitas) contractus substantialiter subsistit, nec ullo canone ecclesiastico tale matrimonium infirmatur: ergo. Hinc *L. Alioquin, ff. de contrahen. emptione* dicitur: quòd si ego me virginem emere putarem, cum esset Mulier, id est corrupta, aut Gloriosa, valebit emptio: in sexu enim non est erratum. *Laym. lib. 5. tit. 10. part. 4. c. 2. n. 2. Palao, VViestner, Schmalzgrueb. lib. 4. tit. 1. n. 447.*

Dices. At verò Titius protestatur, se valiter fuisse dispositum, ut si scivisset,

sponsam jam esse corruptam vel omnino imprægnatam, prorsus nunquam consensisset.

95 R. Hæc habitualis tantum dispositio nihil facit ad invalidandum matrimonium: quia in hoc contractu non attenditur, quid fecisset, si scivisset, esse corruptam, sed quid actu fecerit: atqui actu consensit in Personam Titia, & quidem absolute, sine ulla exceptione, protestatione, vel conditione apposita, ut supponimus; ergo valet. Accedit, quòd si hujusmodi habitualis dispositio sufficeret ad rescindendum contractum, innumera sanè matrimonia rescinderentur, nec ulla amplius foret matrimonii firmitas; quandoquidem frequentissime accidit, contrahentes errare circa qualitates Personæ. Quin etiam quisvis matrimonii pertaxus, facile præterderet, se errasse in qualitate Personæ, propterea que resiliiret, utique non sine ingenti detrimento prolium, scandalo ac perturbatione Reipublicæ Christianæ. Atque hac ratione difficillimum est in foro fori obtinere sententiam nullitatis matrimonii ob errorem in qualitate Personæ, ut testatur Clericat. decis. 19. n. 33. addens in Fin. „ idcirco cauti sint, qui in contrahendo „ matrimonio ducuntur motivo alicujus „ qualitatis in Coniuge, & eam in pacto expressè deducant in conditionem „ ad effectum, ut ea deficiente possint „ sententiam nullitatis conjugii obtinere. „ Vid. *Sporer. n. 6. Babenst. tr. 8. part. 3. disp. 3. art. 2. n. 10.*

CASUS SECUNDUS.

Sempronius, ut facilius Semproniam prædictam, & honestam Virginem persuaderet ad connubium, mentiebatur se cuiusdam Principis Ministrum & Legatum: quò verò dictis suis fidem conciliaret majorem, consignavit ampliores litteras, easdemque per Postarios velut à suo Principe identidem missas ad se deferri curavit, Sempronique exhibuit legendas. Consensit tandem Sempronius, celebratisque in facie Ecclesie nuptiis, abluis cum suo sponso è domo paterna, pinguem secum asportans dotem. Verùm post exiguum temporis

ports intervallum inauduit, Sempronium non esse Ministrum Principis, sed merum Impostorem, qui ob plura hinc inde perpetrata crimina; sem aliquoties exulare; & fuga sibi consulere fuisset conditus. Queritur jam 1. Quid de valore hujus matrimonii censendum? 2. An Sempronie non liceat resistere?

96 R. Ad Primum. Probabilius videtur, hoc matrimonium esse nullum. Ratio est: quia, ut in casu proponitur, ante connubium de qualitate Ministri quæ talis, singulariter actum fuit, & hujus intuitu Sempronie persuasum, ut contraheret: at, qualitates taliter intentæ censentur redundare in substantiam Personæ; ut dictum fuit n. 90. Reg. 2. ergo. Certè oppidè simplex fuisset Sempronie; ejusdemque Parentes (inquit Gobat. tr. 9. n. 122. in simili casu) si in contractu, vel interlocutionibus præviis nunquam apposuissent hanc conditionem: *tradimus tibi Filium*, aut, *duco te, si sis talis, qualem te dixi*. Accedit insuper, quod quælibet Persona, nedum prædix, sed vel honesta solum, merito præsumi debeat, noluisse contrahere cum homine tam infami, cui absque periculo maximorum damnorum cohabitare non liceret: ergo præsumendum videtur pro nullitate contractus. Fatendum tamen est, quod si Sempronie absolutè consensisset in Sempronium, quem putaverat Ministrum, quamvis non intuitu ministerii, matrimonium fore validum, prout jam constare debet ex dictis. Cæterum, quo animo consenserit aut contraxerit, prudens Confessorius colliget ex ipsius confessione.

97 R. Ad Secundum. Potest Sempronie snum deferere sponsum, & resistere saltem quoad torum & cohabitationem, & quidem propria auctoritate. Ratio est: quia, ut dicitur n. 376. quando Conjux, præsertim innocens, ex cohabitatione rationaliter timet grave damnum sive corporale, sive spirituale, justam habet causam sese sequestrandi, & quidem non expectata Judicis sententia, dato, quod sit periculum in mora: at, in nostro casu Sempronie rationaliter timuit gravia damna, tum in bonis fortunæ, tum etiam in bono famæ &c. ergo. Quia tamen ma-

trimonium publicè in facie Ecclesiæ factum celebratum, & Ecclesiæ auctoritate firmatum; hinc sine ejusdem auctoritate dissolvi non debet, ut habetur c. *porro*. 3. de divort. Quare ad recedendum à tali conjugio saltem quoad vinculum, opus erit judicio Ecclesiæ. V. Viestner, Palao, Sot. Navarr. & alii apud Schmalzgrueber lib. 4. tit. 9. n. 41.

Dices: Sed quid si supponamus, Semproniam, posteaquam cognovit se fuisse graviter deceptam, nihilominus adhæsisse suo Marito, atque affectu verè conjugali admisisse copulam, nunquid per talem actum matrimonium evadet validum, tametsi prius nullum fuisset?

98 R. Clericatus de cl. 20. n. 10. cum Card. de Lauræa, Pontio, Menochio, Fagnano & aliis tenet absolutè, hujusmodi consensum tacitum, & interpretativum non sufficere ad revalidandum matrimonium; eoquod ratificatio matrimonii invalidi semper debeat fieri coram Parocho & testibus, dicitque hoc esse decisum à Rota, & à S. Congregatione Concilii declaratum. Nihilominus Sporer, Gonat, Sannig, Illung, pluribusque congestis Schmalzgrueb. lib. 4. tit. 3. n. 120. probabiliter tenent, ad revalidandum matrimonium sufficere tacitum consensum, & ratificationem matrimonii prius coram Parocho & testibus contracti, dummodò impedimentum supponatur occultum, ita; ut in facie Ecclesiæ probari nequeat; quia hoc ipso, quod impedimentum probari nequeat, Ecclesia matrimonium solemniter celebratum firmum habet, & validum, nec permittit conjuges resistere. Quare cum ex tali matrimonio timenda non sint incommoda, quæ olim ex clandestinis desolationibus sequi consueverant, dicendum videtur, quod ex mente Ecclesiæ tale matrimonium non sit clandestinum, ac proinde sufficiat clam renovari consensum. Ex quo faciliè constabit, quid ad præsens quæsitum sit respondendum. Si enim supponatur, nullitatem matrimonii ob præfatum errorem à Sempronie probari potuisse in facie Ecclesiæ, dicendum, quod non sufficiat tacita illa revalidatio: è contra si nullitas matrimonii probari nequeat, sufficiet illa ratificatio.

Aliter dicendum foret, si perrexisset adherere Sempronio affectu solum meretricio, & non conjugali; quod tamen in foro externo non presumitur. Vid. dicenda inferius n. 102.

CASUS TERTIUS.

CAjus ob plura crimina ad tritremes in perpetuum damnatus, captata occasione disruptis vincula, & evasis miseram servitutem, nec diu post contraxit matrimonium cum Caja prorsus ignava, quod jam semel ad tritremes fuisset damnatus. Quæritur ergo 1. quid de valore hujus matrimonii censendum? 2. An Caja possit deferere suum sponsum?

99 R. ad primum. Mastr. 4. disp. 7. n. 402. & cum eo Clericus decif. 20. n. 11. censent, hujusmodi matrimonia nulla esse; eoquod ad carceres, vel tritremes perpetuo damnati, fiant servi pænæ, ac proinde; si quocunque prætextu aut colore cum Muliere libera, ignorante eorum condemnationem contrahant, matrimonium reddi nullum propter impedimentum conditionis servilis. Verum Manzius, Sonnemann ad Nov. 22. c. 8. Clingensperg. lib. 1. Instit. tit. 12. Barthol. in L. qui ultimus, n. 3. ff. de pœnis. Pignatell. tom. 2. consulti. 57. n. 2. in fin. cum aliis probabilius tenent, hodie nec illos, qui ad opus publicum faciendum, vel ad Remos, vel ad Carceres perpetuos condemnantur, fieri servos pænæ; cùm Imperator dict. Novell. 22. c. 8. expressè dicat: *Nos autem hoc* (scilicet servitutem) *remittimus, & nullum ab initio bene natorum ex supplicio permittimus fieri servum. Neque enim mutamus nos formam liberam in servilem statum, &c.* Quapropter dicendum, matrimonium Cajæ (saltem si supponatur in nostris partibus, seu Romano Imperio, ubi prædicta Novella viget) contractum, firmum esse, ac validum: quia Cajus revera est liber, & non servus. Unde jam.

100 R. ad secundum. Matrimonium Cajæ, dato quod jam consumaverint, quoad vinculum est omnino indissolubile. Hoc tamen non obstante licitum erit Cajæ Maritum deferere quoad torum, si

ex ejusdem consortio rationabiliter timeat aliquod notabile nocumentum in bono famæ, corporis, vel fortunæ; quia hæc dant justam causam divortio, ut proxime dictum fuit, & amplius dicitur a n. 368.

§. III.

Corollaria ex dictis inferenda.

101 **C**olliges 1. ad dignoscendum, utrùm error circa qualitatem redundet in substantiam vel non? attendendum esse vel maximè ad interlocutiones prævias, & ad motiva, seu etiam finem contrahendi, itemque ad modum, seu formulam, qua contrahentes uti sunt. Unde si v. g. Titius contrahens matrimonium dixit: *Duco præsentem, quam puto esse Filiam Consulis*: tametsi non esset filia Consulis, nihilominus matrimonium valeret. Econtra, si dixit: *Duco, seu consensio in Filiam Consulis, quam puto, esse præsentem*: si non sit filia Consulis, matrimonium non erit validum. Ratio discriminis est, quia in priori casu, ut ex formula loquendi patet, Titius directè intendit, & voluit contrahere cum *persona præsentem*: hinc, quamvis erraverit, credendo præsentem personæ inesse qualitatem, quod sit *Filia Consulis*, tamen consensum præbuit in id, quod est de substantia matrimonii, scilicet in Personam præsentem. In posteriori autem casu consensus Titii immediatè & directè ferebatur in *Filiam Consulis*, & non in personam præsentem quæ talem: ergo si supponatur non esse filia Consulis, deficit consensus, & per consequens contrahens matrimonii. D. Thom. Navarr. Sanchez, Sporer. n. 7. la Croix n. 554. & alii communiter.

102 Coll. secundò: Validum esse matrimonium, quod à persona libera contrahitur cum servo tantùm adscriptio, vel originario, licet ignorasset conditionem hujus servitutis. Ratio est: quia Ecclesia nusquam legitur irritasse tale matrimonium; tum etiam quia isti non sunt servi propriè dicti seu mancipia, sed re ipsa liberi, & ad certa solum obsequia suis Dominis adstricti. Castrop. de Spons. disp. 4. punct. 3.

§. 1. num. 10. Sanchez, Sporer, Babenst. ubi *suprà* art. 2. num. 10.

CONFERENTIA QUINTA.

De Impedimentis dirimentibus Voti,
& Ordinis.

SUMMARIUM.

- 103 *Votum, ut dirimat, debet esse solemne, emissum in Religione approbata, vel susceptione S. Ordinis.*
- 104 *Insuper. hujusmodi vota debent esse valida, & vestita aliis conditionibus ad rationem voti requisitis.*
- 105 *Votum solo jure Ecclesiastico dirimit.*
- 106 & 107. *Solvuntur due. Infantie. in contrarium.*
- 108 *Ordo sacer, seu Major tantum dirimit, non item Minores.*
- 109 *Ordo debet esse validè, & voluntariè susceptus.*
- 110 *Vis dirimendi in S. Ordine non semper oritur ex voto.*
- 111 *Resolvitur Casus I. de Moniali, quæ invalidè professæ, postea contraxit matrimonium.*
- 112 *Resolvitur Casus II. de quodam Clerico, qui post susceptum Ordinem sacrum, contraxit Matrimonium.*
- 113 *Tale Matrimonium fuit validum, si Ordo invalidè susceptus. E contra.*
- 114 *Si Ordo S. validè susceptus, Matrimonium fuit Sacrillegum, & nullum.*
- 115 *Resolvitur Casus III. de quodam Minorissa, quæ Matrimonium contraxit, finisrè credens, etiam Minoribus esse annexam obligationem servandi castitatem.*
- 116 *Talis, si intendit facere, quantum potuit, validè contraxit.*
- 117 *Solvitur quædam Infantia.*
- 118 *In voto solemni S. Pontifex potest dispensare.*

- 119 & 120. *Solvuntur due. Infantie contra hoc.*
- 121 *An, vel quando constitutus in Sacris, & delinquens contra Castitatem, teneatur statum suum explicare?*
- 122 *Matrimonium à Clerico in Majoribus constituto; vel à Religioso attentatum, est nullum, & Sacrillegum; Et quas penas tales incurrant?*

§. I.

Premittuntur, & breviter resolvuntur quæsitæ, scitæ necessaria ad ritè decidendos Casus de impedimentis dirimentibus Voti, & Ordinis.

QUÆRES 1. Quodnam vel quale votum sit impedimentum dirimens matrimonium contrahendum?

103 R. *Votum solemne Castitatis, emissum in professione alicujus Religionis ab Ecclesia approbatæ; Itemque votum illud Castitatis, ex constitutione Ecclesiæ Sacris Ordinibus annexum. Ita expressè statuitur in Concil. Trid. Ss. 24. de Matr. Can. 9. item in Lateran. Cap. Ut lex 40. c. 27. q. 1. Vota autem simplicia non dirimunt, duobus duntaxat exceptis, nempe voto, quod post biennium Novitatus in Societate JESU emititur; & voto ab uxore emissio post datam viro licentiam ad suscipiendos Ordines, ut jam *suprà* num. 77. notatum fuit.*

104 *Notandum tamen est, ad hoc, ut votum solemne dirimat, aut simplex votum impediat matrimonium, necessarium omnino esse, ut concurrerint omnia ad naturam seu essentiam iam perfecti voti requisita; adeoque debuit fuisse emissum 1. voluntariè, & deliberatè. cum vera intentione promittendi DEO, & seseobligandi 3. ab eo, qui se obligare potuit 4. debet esse de re DEO placita seu de meliori bono. Ita cum Tamb. Lessio, & communi DD. Clericatus decis. 22. num. 3.*

QUÆR. 2. *quo jure votum solemne Castitatis in professione Religionis approbatæ emissum, dirimat matrimonium.*

105 R. *Dirimit solum jure ecclesiastico, non autem jure naturæ. Ita Scot. 4. dist. 38.*

qu. un.

q. un. Mastr. Henricx, Bosco, Sporer, n. 41. & alii SS. communiter; quibus adstipulantur RR. Laym. Filliuc. Kugler n. 1151 contra Gonet, & plures TT. Et quidem quod jure ecclesiastico dirimat, fatentur omnes, patetque claris textibus juris; nam Gregorius XIII. Bull. *Ascendens Domino*: ait, voti solemnitate *sola Ecclesie constitutione* inventam esse. Idipsum docuit perspicue Bonifac. VIII. c. un. de vot. in 6. dicens, *voti solemnitate* (scilicet matrimonii irritativam, de qua ibi loquitur) *sola Ecclesie constitutione inventam esse*. Quod autem ex jure naturæ non dirimat, inde patet: quia votum solemnne & simplex quoad substantiam sunt ejusdem rationis, nec differunt in ratione voti, sed unum eque ac alterum coram Deo obligat, ut habetur c. rursus. *Qui Clerici vel vocantes*: atqui certum est, quod votum simplex matrimonium non dirimat ex natura rei: ergo pariter certum esse debet, quod votum solenne ex natura rei non dirimat. Neque dirimit ratione solemnitatis; quia hæc solemnitas voti est solum juris Ecclesiastici, ut habetur ex cit. c. un. de voto in 6. Immo hæc solemnitas vix aliter explicari commodè potest, quam per vim dirimendi matrimonium, huic voto ab Ecclesia adjectam, ut notat Sporer, n. 41.

Dices. Ex natura rei repugnare videtur, ut quis rem uni semel donatam & traditam, rursus tradat alteri validè: atqui constitutus in sacris, aut solemniter professus, per ipsam professionem corpus suum tradit Deo, & Ecclesie, vel etiam Religio nomine Dei, acceptat talem traditionem: ergo ex natura rei repugnat, ut idem corpus tradat coniugi per contractum matrimoniale.

106 R. Dist. Maj. videtur repugnare, ut quis rem uni traditam titulo v. g. justitiæ, eandem tradat rursus alteri eodem titulo justitiæ, transeat. Ut rem uni traditam titulo v. g. Religionis, eandem tradat alio titulo v. g. justitiæ alteri, scilicet coniugi, neg. maj. Nam istæ traditiones, cum sint diversæ rationis, ex natura rei invicem se non excludunt; quod vel inde patenter colligitur: quia habens votum simplex castitatis ex virtute Religionis

tradit corpus suum Deo, & Deus tale votum acceptat, & nihilominus validè contrahit matrimonium. Similiter, qui post contractum matrimonium validè fuit professus, si postea uteretur conjugæ suæ, non peccaret contra justitiæ, sed solum contra votum Castitatis, ut notat Bosco *disp. 12. Sect. 4. n. 72.* ergo obligatio ex virtute Religionis Deo facta, non excludit ex natura rei obligationem faciendam alteri titulo justitiæ. Vid. Mastr. 4. *disp. 7. n. 440.* la Croix n. 583.

Dices iterum. Conjugatus stante conjugio, ex jure naturæ nequit contrahere cum alia; eoquod non ampliùs habeat dominium sui corporis, utpote jam addictum & traditum uxori; ergo similiter ex eodem jure naturæ repugnat, ut Religiosus vel quicumque constitutus in sacris, corpus suum jam semel traditum Deo, & Ecclesie, rursus tradat uxori.

107 R. Cum *Scoto 4. diff. 33. q. 3. §. Modo conveniens*, & Clericato cit. *decis. 21. n. 22.* ex jure naturæ non repugnare, ut uxoratus habeat plures uxores; in veteri enim Testamento sancti Patriarchæ plures habuerunt; unde quod in lege nova Maritus nequeat ducere plures simul, inde provenit, quia primæ uxori tradidit corpus suum cum hac conditione, *ne alii daret*; id, quod à parte viri in lege Moisaica non servabatur, in lege tamen evangelica fuit firmatum jure divino à Christo Domino, à quo polygamia fuit proscripta. Quare neg. conf. Vid. Kugler à n. 1664.

Quær. Tertiò: qualis Ordo dirimat matrimonium contrahendum?

108 R. Ordo sacer dirimit, nempe Subdiaconatus, Diaconatus, & Presbyteratus. Quatuor autem minores non dirimunt, prout habetur c. si quis eorum. *diff. 32. & c. un. de voto in 6.* Ita etiam Sanchez. lib. 7. *disp. 28. n. 2.* Cleric. *decis. 28. n. 2. & seqq.* alique communiter.

Quær. Quarto. Quænam conditiones requirantur ad hoc, ut Ordo sacer dirimat matrimonium?

109 R. Duæ sequentes requiruntur 1. Ut Ordo sacer sit validè, adeoque sine defectu alicujus substantialiter requisiti, susceptus. 2. Ut sit susceptus volunta-

erit, & sine metu gravi. Hinc, qui sine intentione & voluntate fidei solum suscepisset; vel qui in infantia ordinatus, ordinem sic susceptum nunquam ratificasset postquam ad annos discretionis pervenit, ministrando in tali Ordine, per se loquendo licite, & valide contrahit matrimonium: abstinere tamen debet ab exercitio Ordinis, prout sapienter statuit Ecclesia cap. *Ad nostram* item c. *significatum nobis*. De Regular. Et cum communi tenent Sanchez lib. 7. disp. 29. num. 6. Sporer num. 47. fin.

Quæritur quinto. Utrum vis dirimendi matrimonium proveniat immediatè ex voto annexo Ordini sacro, an verò immediatè ex ordinatione, seu constitutione Ecclesiæ?

110 R. Vis dirimendi certò semper provenit ex ordinatione Ecclesiæ, non tamen semper ex voto. Prior pars docetur à Scoto, & aliis SS. communiter, quibus eum sentit Gobat. tr. 9. num. 270. & habetur clarè in Concil. Trid. suprà cit. Sess. 24. Cap. 9. Altera verò pars, quod scilicet non semper proveniat immediatè ex voto, inde suaderi potest; tum quia plures gravissimi DD. mox citandi tenent, Clericos in sacris constitutos, non vi voti, sed tantum vi constitutionis Ecclesiasticæ teneri ad cœlibatum, & observantiam castitatis; tum etiam quia potest contingere, ut quis velit suscipere Ordinem sacrum, & tamen nolit vovere castitatem; quo casu certè non tenebitur servare castitatem ex voto: ergo dicendum, quòd hæc obligatio non semper oriatur ex voto Ordinibus sacris annexo, quamvis semper ex ordinatione Ecclesiæ, quippe quæ voluit ad hujus observantiam obligare omnes, quotquot Ordines sacros suscipiendo voluntariè sese consecrarunt Deo; & quidem iustissimè: nam, ut ait Scotus 4. disp. 37. num. 4. Clericus deputatur ministerio sacro; quòd requirit mundiciam mentis, & carnis, perspicacitatem intellectus, & fervorem affectus, ad quæ omnia disponit continentia, & ad eorum opposita frequentia actus cardinalis. Gob. Suarez, Kugler. num. 1171.

§. II.

Proponuntur, & breviter resolvuntur Casus practici de Impedimento Voti, & Ordinis.

CASUS PRIMUS.

Titia ante annum decimum sextum, quem crediderat se jamjam complivisse, solemniter professæ est quendam Ordinem sacrum, atque in eodem per complurium annorum curricula usque ad trigessimum suæ ætatis annum est conversata. Tandem verò, ubi inaudita professionem suam, utpote factam ante completum annum decimum sextum, nullam fuisse ac irritam, animum mutavit, & habitum, reliquæ Monasterio matrimonium contraxit. Quæritur an validè?

111 R. In foro fori, seu in foro Ecclesiastico præsumitur invalidè contraxisse. Ratio est, quia Ecclesia prudenter præsumit, Titiam intra tam longum temporis tractum saltem tacitè suam ratificasse professionem, præsertim si interea contra valorem suæ professionis nunquam supponatur excepisse. Veniantamen, cum Ecclesia nequeat supplere consensum ad valorem professionis necessarium; hinc dicendum, quòd, si Titia, postquam cognovit nullitatem professionis, eandem nunquam amplius ratificavit, matrimonium contractum in foro conscientie, & coram Deo omnino valeat. Quin etiam dato, quòd deprehenso errore, & nullitate professionis suæ, Titia intra quinquennium à die professionis reclamasset, quamvis non exaudita à suis Superioribus, posset modò interpellare Ordinarium, vel summum Pontificem, & procul dubio, facta prius probatione de defectu ætatis, & nullitate professionis, matrimonium declaratur validum, atque liberi, si quos suscepisset, legitimi. Vid. la Croix. à numer. 585.

CASUS SECUNDUS.

SEmprontus speraverat amplum consequi beneficium, propterea quæ suscepit Ordinem

clinem Subdiaconatus, ea tamen cum intentione, ut ordo seu ordinatio respectu sui valeret, si beneficium obtineret, secus non. Tandem vero dum advertit, se vana spe delusum, contraxit matrimonium cum Sempronio vel prorsus ignora; hinc jam non ubi anxius, & conscientia stimulis agitata, petit scire 1. quid de valore sui Ordinis? & 2. quid de valore sui matrimonii sibi esset tenendum.

112 R. ad primum. Ordo reipsa non fuit validus. Ratio est: quia ad valorem ordinis in adultis requiritur intentio saltem habitualis, & quidem absoluta pro hic, & nunc suscipiendi ordinem: at Sempronius talem non habuit: immo noluit suscipere Ordinem, nisi obtineret beneficium: ergo deficiente hac conditione, deficit intentio, & per consequens valor Ordinis. Hinc.

113 R. ad 2. Matrimonium à Sempronio contractum, reipsa, & coram Deo est validum; quia, cum Ordinem valide non suscepit, impedimentum dirimens non contraxit. Unde si supponatur esse in tali loco, ubi ignotus omnibus, possit sine scandalo uxori cohabitare, non solum licebit, sed etiam tenebitur eidem adherere. Verum cum in foro externo presumatur habuisse intentionem absolutam suscipiendi Ordinem, pariter presumetur pro nullitate matrimonii: nec dubitandum, quin, si res Ecclesie innotesceret, compelleretur uxorem desercere. Neque mirandum de tali presumptione; quippe quæ omnino conveniens, immo necessaria est ad tollenda scandala, aliàsque perturbaciones, in Ecclesia facile orituræ, si cuilibet defectum internæ intentionis alleganti fides adhiberetur, propterea ab Ordine sacro reglari, & ad statum conjugalem transire permetteretur. Hæc de causâ multa matrimonia presumuntur valida in foro fori, quæ tamen in foro poli (propter impedimentum merè occultum) valida non sunt, ait Glossa in cap. cum in Apostolica, Et in cap. Is, qui de sponsal. item in cap. ad Nostri de conjug. servare. Vid. Clericat. decis. 19. num. 23.

Dices. At quid, si supponatur Sempronius absolute quidem intendisse Ordinem,

votum tamen sub obligationem continentie non nisi sub conditione, si obtineret beneficium speratum?

114 R. In hac suppositione non teneatur ad continentiam vi voti; cum nullum emisit: nihilominus, quia voluntarie suscepisse supponitur Ordinem sacrum, eo ipso ex constitutione Ecclesie contraxit impedimentum; per consequens matrimonium attentatum fuisset nullum, immo sacrilegum, non quidem vi voti, sed ratione Ordinis sacri, manebitque obligatus ad continentium, vel ad vivendam continentiam, ait Gobat. tractat. 9. numer. 271.

CASUS TERTIUS.

Cajus cognomento Simplicius, suscepit minores Ordines, sinistra existimans, etiam his esse annexum votum, aut certe præceptum Ecclesie de servanda castitate perpetua. Nihilominus mala fide, & conscientia multum remurmurante matrimonium inivit. Queritur, an validè?

115 R. Si intendit se obligare quantum potuit, matrimonium reipsa subsistit; quia impedimentum dirimens non dependet ex sinistra existimatione Caij, sed ex constitutione Ecclesie; Ecclesia autem Ordinibus minoribus nullum annexum impedimentum: Ergo. Dubitandum tamen minimè est, quin contrahendo peccaverit mortaliter, saltem ex conscientia erronea eo quia putavit se agere contra prohibitionem Ecclesie, utique in materia gravi, & tamen non abstulit à matrimonio. Vid. Gobat. cit. num. 275. Sporer. n. 48. Babenst. hic art. 2. n. 28.

116 Dixi: si intendit se obligare quantum potuit: dato enim quod hoc non intenderit, simulque existimaverit; matrimonium sibi jam impossibile propter Ordines minores, dicendum foret, matrimonium esse nullum, proindeque revalidandum mediante novo consensu. Ratio est: quia ad valorem matrimonii requiritur consensus efficax; respectu impossibilium autem non datur efficax voluntas: ergo, cum Cajus existimaverit matrimonium sibi esse impossibile, eo ipso non potuit efficaciter in illud consentire. At verò, si

intendit

intendit facere quantum potuit, per hanc suam intentionem correxisse censetur alteram illam erroneam existimationem, qua putavit matrimonium sibi impossibile esse.

Dices. Cajus suscipiendo minores, quibus credidit annexum esse votum solemne castitatis, saltem implicite voluit emitte- re hoc votum : ergo contraxit impedi- mentum dirimens, & matrimonium est absolute nullum.

117 R. Transmisso antecedente, ne- gando conseq. quia ut jam superius n. 78. notavimus, nemo privata auctoritate va- let emitte- re votum castitatis, dirimens matrimonium : licet ergo daremus (quod tamen Sanchez lib. 7. disp. 31. n. 5. abso- lute negat) Cajum implicite, & inter- pretative voluisse castitatem, hoc tamen votum, utpote privata auctoritate fa- ctum, non haberet vim dirimendi.

§. III.

Corrolaria ex dictis inferenda.

118 **C**olliges ex dictis 1. Summum Pontificem dispensare posse in voto solemnī Religionis seu Castitatis, ad effectum contrahendi matrimonium, quamvis summa Sedes non consueverit dis- pensare in hoc voto, nisi urgentissimis de causis. Ratio est : quia secundum dicta & probata n. 105. Votum solemne diri- mit solum jure ecclesiastico : atqui in hoc summus Pontifex, seu supremus in Eccle- sia Legislator, potest dispensare : ergo hæc facultas summæ Sedis non est dene- ganda : præsertim cum aliunde constet Successoribus D. Petri conceditam à Chri- sto fuisse amplissimam potestatem dispen- sandi, juxta illud Matth. 16. v. 19. *quid- quid ligaveris super terram, erit ligatum & in cælis, & quidquid solveris -- erit solutum &c.*

Dices Cap. cum ad Monasterium. De statu Monachorum. expressè dicitur : *ab- dicatio proprietatis, sicut & custodia casti- tatis, adeo est annexa Regule monachali, ut contra eam nec summus Pontifex possit licentiam indulgere* : at posset secundum hanc responsionem : ergo, &c.

Confirmatur. Professio religioſa jure

naturali & divino obligat ad observan- tiam votorum : atqui Pontifex nequit dis- pensare in jure naturali, aut divino ; er- go nec in voto.

119 R. Ad object. citato Capitulo so- lum doceri, quod nec Pontifex possit da- re licentiam contra custodiam castitatis Religioſo quâ tali, & quamdiu supponi- tur ligatus voto castitatis : non autem vult, quod nequeat dare licentiam subla- to prius voto, ubi Religioſus jam cessa- verit essetalis : & in hunc sensum, teste Kugler n. 1663. citatum Capitulum inter- pretantur Suarez, Sanchez, Barbosa, Pirrhing; & omnes ferè Canonistæ. Ra- tio hujus interpretationis inde colligitur : quia non quærebatur à Pontifice, utrum Abbas possit aliquem à votis substantia- libus absolvere, ut desinat esse Mona- chus : aliunde enim constitit, Abbatibus id non competere ; sed quæstio erat, an Monacho in Religione persistenti possit Abbas aliquarum rerum strictam proprietatem indulgere : & hoc fieri posse vel ab ipso Pontifice, negavit Pontifex. Hinc.

120 Ad Confir. R. cum eadem distin- ctione. Professio Religioſa jure naturali & divino obligat, quamdiu Monachus à votis non est absolutus legitime, con- Supposita tali absolutione, & votorum sublatione, facta à summo Pontifice, *neg. maj. & suppositum*, quod Pontifex in tali casu dispenseret in jure divino, nisi indirectè

121 Collig. Secundò, non esse omnino certum, quod Subdiaconus, vel etiam Sacerdos sæcularis vi voti teneantur ad observantiam castitatis ; quia quamplures etiam graves Doctores, Scot. Mastr. Bo- sco, Herincx suprâ relati, Aversa & alii tenent probabiliter, eos solum obligari ex præcepto ecclesiastico. Quare si suppona- mus Clericum sæcularem, qui Ordines sac- ros suscepit, & animo non vovendi, nec se obligandi ad continentiam, & deinceps solo actu interno, consensu, vel delecta- tione morosa, absque desiderio vel inten- tione opere externo peccandi &c. contra virtutem castitatis delinquit, probabiliter non peccat peccato sacrilegii ; tum quia, ut supponitur, castitatem nunquam vovit ; tum etiam quia juxta probabilem multo- rum

rum opinionem, Ecclesia actum merè internum prohibere non potest, vel certè non satis videtur constare actu prohibuisse. Quapropter talis probabiliter satisfaceret. in confessione sese accusando in hunc modum: *delectatus sum cogitationibus venereis &c.* etiamsi non exprimeret, se esse constitutum in sacris. Sporer. n. 47. Gobat. *trac.* 9. n. 272.

122 Collig. tertio à matrimonium à Clerico, vel etiam Religioso apostata contractum, nullum esse, immò & Sacilegum. Ratio est: quia Ecclesia tales simpliciter inhabilitavit ad contrahendum matrimonium, prout jam constat ex dictis, & videri potest apud Laym. l. 5. rr. 10. part. 4. c. 3. n. 1. ubi plura refert Concilia & Patres, qui nuptias, à Monachis, aut Sanctimonialibus contractas, incestuosas, atque adulteras appellant. Quamobrem cap. 1. *Qui Cleric. vel vovent.* declarantur ipso facto irregulares, & incurrunt excommunicationem (quamvis non reservatam) per *Clem. un. de Consang. & Affnit.* Porro Imperator Justinianus L. 5. C. de *Episc. & Cler.* statuit: *Si quis non dicam rapere, sed attentare tantum, jungendi causa matrimonii, sacratissimas virgines ausus fuerit, capitali poena feriat.* Unde tales in Confessionali ne quidem audiendi sunt, nisi separati, inquit Sporer. n. 443. Vid. *Clericat. decis.* 28. n. 4.

CONFERENTIA

SEXTA.

De Impedimento dirimente Cognitionis Carnalis, Spiritualis, & Legalis.

SUMMARIUM.

- 123 Cognatio ut sic est propinquitas Personarum, eaque triplex.
124 Carnalis est propinquitas, orta ex sanguine, seu propagatione carnali.
125 Quid nomine spiritus intelligatur? &

- 126 Quid nomine Gradus? Item
127 Quid nomine lineæ? quæ triplex est.
128 Traduntur tres regulæ, ad cognoscendam distantiam Personarum.
129 Cognatio naturalis jure novo se extendit usque ad quartum gradum inclusive.
130 Docetur modus, practice investigandi propinquitatem Personarum.
131 Traditur alius modus investigandi.
132 Quo jure hoc impedimentum dirimat matrimonium? Et
133 Quando Papa soleat in hoc dispensare?
134 Cognatio spiritualis oritur ex collatione, vel susceptione Sacramenti; & quidem jure Ecclesiastico tantum.
135 Dirimit matrimonium contrahendum, non item jam contractum.
136 Effque perpetua.
137 Ut Patrinus incurrat hoc impedimentum, requiruntur quatuor conditiones.
138 Dum infans per alium levatur, Principalis seu Mandans contrahit hoc impedimentum.
139 Cognatio legalis ex adoptione provenit; quæ
140 Duplex est.
141 Probabilius ex sola adoptione perfecta oritur.
142 Quousque se extendat hoc impedimentum.
143 Resolvitur Casus I. de eo, qui post contractum Matrimonium incipit dubitare, an non sit consanguineus suæ Uxoris? Hic.
144 Si non habeat rationabilem causam dubitandi, non tenetur inquirere &c.
145 Bene verò, si rationabiliter dubitet.
146 Et quid, si ante contractum Matrimonium jam dubitasset?
147 Resolvitur Casus II. de quodam Parvulo Egrensi, cujus nomine Parentes aliam Puellam levaverant.
148 Quid juris de tali consuetudine?
149 Resolvitur Casus III. de Marito qui in necessitate baptizaverat propriam sobolem.
150 Quid si sponsus baptizat prolem suæ sponsæ?

- 151 *Maritus etiam sine necessitate baptizans suum Filium, probabilius non privatur jure petendi debitum.*
 152 *Infideles validè contrahunt matrimonium, licet sint consanguinei in secundo, tertio, vel quarto gradu &c.*
 153 *Si sponsus in quarto, & sponsa in secundo gradu contingat communem stipitem, validè contrahunt.*
 154 *An, & quoniam Patrius non contrahat impedimentum Cognationis spiritualis?*
 155 *Et quid, si plures simul eundem infantem levent?*

§. I.

Præmittuntur, & breviter resolvuntur quæsitæ, scitu necessaria ad resolvendos Casus de impedimento triplicis Cognationis, scilicet Carnalis, Spiritualis, Legalis.

QUÆRES PRIMÒ: quid sit Cognatio, & quotuplex?

123 R. Nominè cognationis intelligitur conjunctio, seu propinquitas Personarum; quæ secundum communem Doctorem est triplex, nempe 1. naturalis, quæ ex sanguine; 2. Spiritualis, quæ ex administratione, aut susceptione Sacramentorum; 3. & legalis, quæ ex adoptione oritur. Ratio hujus distinctionis facile constabit; nam ex tribus capitibus modò recensitis potest oriri conjunctio, seu propinquitas Personarum: ergo & cognatio.

QUÆR. secundò. quid sit cognatio naturalis?

124 R. Est conjunctio seu propinquitas Personarum, ab eodem propinquo stipite descendendum, per carnalem propagationem contracta. Ita D. Thom. Sanchez. & cum communi DD. Kugler n. 1293. Hæc verò cognatio naturalis alio nomine vocari consuevit consanguinitas, eoquod sit quasi *sanguinis unitas*: & ab eodem sanguine descendentes nuncupantur consanguinei, seu etiam cognati, quia ab eodem sanguine & stipite nati. Quocirca

125 Notandum, nomine stipitis impræ-

sentiarum intelligi illam Personam, à qua aliæ proficiuntur. Sic Adam & Eva dicuntur communis humani Generis stipites, eoquod totum humanum genus ab ipsis per carnalem propagationem descendat. Quia verò personæ media generatione naturali ab invicem descendentes in diversos gradus & lineas solent distribui; hinc non abs te

QUÆR. tertio. quid intelligatur nomine gradus, & quid nomine lineæ?

126 R. I. Per gradum intelligitur distantia unius Personæ ad aliam; sive habitudo distantiam Personarum, quæ cognoscitur, quota cognationis, vel agnationis distantia Personæ inter se differant. Sic v. g. Filius, cùm vi generationis immediate à Parentibus progrediatur, dicitur suo modo ab ipsis distare, & facere unum gradum consanguinitatis.

127 R. Secundò. Per lineam hic intelligitur ordinatio, sive ordinata collectio Personarum ab uno stipite descendentium. Quia verò contingere solet, ut vel una Persona ab aliâ descendat immediate, v. g. filius aut filia à Parente suo; vel etiam plures ab eodem stipite unius frater & soror, etsi nec à sorore frater, nec à fratre soror; hinc à Doctorebus communiter duplex statuitur linea consanguinitatis, nempe *recta* & *obliqua* seu *transversa*.

Linea recta est coordinatio Personarum, quarum una ab alia descendit, vel immediate, ut Filia à Patre, vel mediate, ut Neptis ab Ayo. Porro, si Filius comparatur ad Patrem, Avum vel Abavum &c. dicitur linea recta *ascendens*; si autem Pater comparatur ad Filium, Neptem &c. dicitur *descendens*.

Linea obliqua seu transversa est coordinatio Personarum, quæ ab eodem quidem communi stipite descendunt, ita tamen, ut una non descendat ab altera, sicuti, v. g. frater & soror &c. & tales personæ semper sunt collocandæ in linea obliqua, seu transversa.

Quodsi Personæ in linea transversa collocatæ æqualiter distent à communi stipite, ut frater & soror &c. dicitur linea transversa æqualis; si inæqualiter, ita ut una plus distet, quàm altera; dicitur linea

nea transversa inæqualis, prout faciliè patebit ex præsentî Schemate arboris consanguinitatis. *N B.*

Quer. 4. unde practicè dignosci queat : quoto gradu unaquæque persona in quavis linea distet ab altera ?

128 R. Hoc dignosci potest ex tribus sequentibus regulis, quas DD. communiter pro diversitate linearum assignare consueverunt.

Prima igitur regula pro linea recta est hæc : *in linea recta tot sunt gradus, quot sunt personæ, una solum dempta, vel, ut alii loquuntur : tot sunt gradus, quot generationes.* Quare cùm inter Patrem, & Filium detur unica tantùm generatio, & duæ Personæ, pariter unicus tantùm datur gradus : è contra quia inter Avum & Nepotem dantur duæ generationes, & tres personæ, hinc Avus à nepote duobus distat gradibus.

Secunda regula pro linea transversa æquali est hæc : *in linea transversa æquali tot gradibus personæ distant inter se, quot quilibet, vel una earum distat à communi stipite ;* hinc quia duo fratres, vel etiam frater, & soror uno gradu distant à Parente seu communi stipite, pariter uno gradu distant inter se.

Tertia regula pro linea transversa inæquali est sequens : *in linea transversa inæquali tot gradibus personæ distant inter se, quot remotior persona distat à communi stipite.* Quare fratres, & filia sororis distant inter se duobus gradibus ; quia filia seu neptis ex sorore duobus gradibus distat à communi stipite.

Quer. 5. quousque hoc impedimentum Cognationis naturalis seu consanguinitatis se extendat ?

129 R. Jure antiquo olim se extendit usque ad gradum septimum : placuit tamen Ecclesiæ ob rationabiles causas jus illud antiquum corrigere in tantum, ut vi juris novi *cap. debet de Consang. & affinit* solum se extendat usque ad quartum gradum inclusivè. Eapropter Titius in medio schematis, arboris scilicet consanguinitatis positus, vinculo consanguinitatis impeditur in tantum, ut cum nulla alia persona in eodem schemate descripta Valeat contrahere matrimonium. Ita *cam communi* Reiffenst. c.

Quer. Sexto : quo modo in praxi procedendum, ut investigetur propinquitas personarum sanguine junctarum ?

130 R. Primò P. Reiffenst. *Theol. mor. tract. 14. distict. 14. num. 101.* hoc faciliè colligi posse ex Schemate arboris consanguinitatis, & quidem sequenti modò. Collocetur in medio arboris, ubi Titium posuimus, una persona, deinde ascendendo vel descendendo investigetur, an altera persona, de cujus propinquitate dubitatur pertineat ad unam reliquarum personarum, seu etiam cellularum, vel non? Si ad unam illarum deprehendatur pertinere, tunc vel ad lineam rectam vel ad obliquam, eandemque æqualem, vel inæqualem pertinebit ; proindeque juxta regulas proximè datas, facillimum erit deprehendere, quantum una persona distet ab altera. Sin autem ad nullam reliquarum personarum, seu etiam cellularum pertinere noscatur, nullum erit inter tales impedimentum consanguinitatis. Quod si hic modus investigandi non placeat. aut investigaturus arborem consanguinitatis ad manum fortè non habeat.

131 Resp. Secundò, prædictam conjunctionem etiam sequenti modo, quem tradit Gobat. *tractat. 9. numer. 266.* & post eum la Croix. *numer. 609.* posse investigari. Querat igitur ex iis, qui ajunt intercedere cognationem, cur hoc putent aut dubitent? quibus auditis investigaturus describat in parte inferiori aliqujus carthæ nomen sponsi ad latus sinistrum, ad latus autem dextrum sponsæ : supra sponsum describat, ordine semper ascendendo à proximioribus, nomina illorum sponsi cognatorum, qui dicuntur dedisse causam cognationi ex hujus parte : similiter scribat in altero latere nomina eorum, qui ex parte sponsæ dicuntur dedisse ejusmodi causam ; nec cesset à descriptione, donec deveniat ad communem stipitem. Quo facto consideret utrùm sponsi sint in linea æquali, vel inæquali. Si in æquali, applicet regulam tertiam. Si in inæquali, applicet secundam. Exemplo forsitan res clarior evadet. Ponamus igitur Titium, & Titiam sponso dubitare, an possint contrahere matrimonium, causam dubitandi allegent hanc :

quia

quia eorum Proavi fuerunt germani fratres. Jam in hoc casu, qui cupit propinquitatem, vel distantiam eorum investigare, scribat in catha, ut sequitur.

Abavus Joannes.

Titia Sponsa Proavus Paulus Proavus Petrus
Avus - Cosmas Avus - Damian.
Pater - Georgius Pater - Simon
Titius - Sponsus Titia - Sponsa

Titia Sponsa

In hoc casu deprehenditur Joannes Abavus fuisse stipes communis, à quo Paulus & Petrus sponsores Proavus fratres uterini immediate, sponsoi vero medietate descenderunt: & quia Titius & Titia sponsoi in linea obliqua æqualiter, scilicet quatuor gradibus, distant à communi stipite, sequitur pariter, quod quatuor gradibus distent inter se, proindeque absque beneficio dispensationis contrahere non valeant.

Quæres septimò: quo jure hoc impedimentum consanguinitatis dirimat matrimonium?

132. R. Probabiliter ipso jure naturæ dirimit, & quidem in quocunque gradu lineæ rectæ, sive ascendentium, sive descendentium. Ita sentire videtur Scot. 4. diff. 4. quæst. unic. §. de secundo dico. alique gravissimi DD. Ratio hujus opinionis præcipua est hæc: quia omnes ascendentes in linea recta, habent rationem principii respectu descendentium: atqui instinctus naturæ videtur d. dare, quod Genitoribus debeat specialis reverentia propter conjunctionem sanguinis, cui reverentiæ copula carnalis repugnare videtur; qua ratione Doctor Subt. l. citat. existimat hanc prohibitionem ac irrationem jure naturæ extendi ad quencunque gradum lineæ rectæ, immò etiam ad primum gradum lineæ transversæ. Nihilominus satis probabiliter alii tenent, quod solus primus gradus consanguinitatis lineæ rectæ, scilicet inter patrem & filiam, & inter matrem & filium, de jure naturæ matrimonium

Elbel Theol. P. III.

dirimat. Ita Sanchez. Castropol. Basil. Pont. Bonac. Clericat. dec. 22. n. 23. la Croix n. 608. Schmalzgrub. lib. 4. tit. 14. n. 28. & segg. Ratio hujus opinionis est: quia Avus, cæterique ascendentes respectu descendentium non sunt principium per se generationis, sed per accidens; Filius namque exigit solum Parentem, non verò Avum vel alios ascendentes, prout patet in Abele, qui fuit verus Adami Filius, nec tamen habuit Avum; ex quo concludunt Avo, aliisque ascendentibus non deberi reverentiam tantam, ut si inter eos contrahatur matrimonium, jus naturale offendatur.

133 Notandum tamen hic venit pro praxi, quod, quamvis Papa secundum probabiliorem plurimorum DD. opinionem dispensare valeat in omnibus gradibus lineæ rectæ, tum etiam transversæ, solo primo gradu lineæ rectæ excepto; at tamen in gradibus lineæ transversæ raro ac difficulter dispensare consueverit, & quidem eò difficilius, quo major inter dispensandos versatur sanguinis conjunctio: nec solet, præsertim in gradu primo & secundo dispensare, nisi urgentissimis de causis. In linea autem recta, teste Clericato cit. n. 20. per mille & septingentos annos nullus Pontifex unquam dispensasse legitur.

Quæres octavò: quid sit cognatio spiritualis, quo jure dirimat, & quousque se extendat?

134 R. 1. Cognatio spiritualis est propinquitatis quarundam personarum, jure ecclesiastico introducta, propter collationem Baptismi, vel Confirmationis, susceptionemve recipientis aliquid ex his Sacramentis. Ita communis DD. apud Babenst. tr. 8. part. 7. disp. 3. art. 2. nu. 36. Ex qua descriptione patet, hoc impedimentum jure solum ecclesiastico dirimere, proindeque tolli posse per dispensationem Pontificis.

135 R. secundò. Cognatio spiritualis modò descripta solum dirimit matrimonium contrahendum, non item jam contractum, si huic superveniat. Porro ad quinque tantum personas se extendit, ita, ut vi Baptismatis ipse baptizans, & è fonte levans hanc cognitionem contrahant cum

Cc ba-

baptizato, baptizatique Patre ac Matre. Similiter vi Confirmationis hoc impedimentum contrahit confirmans, & confirmatum tenens, cum confirmato, confirmatique Patre ac Matre: nec ultra amplius se extendit. Ita statuit Concilium Trid. SS. 24. de refor. matr. c. 2. Reinfest. cit. n. 113 & 114.

136. Ubi Insuper notandum, quod hoc impedimentum cognationis spiritualis sit perpetuum, nec exinguatur morte illius personæ, cujus occasione contractum fuit, baptizati nempe vel confirmati. Ratio est: quia jura hoc impedimentum nullibi limitant ad tempus, quo illa persona supponitur superstes. Hinc bene dicit Sporer n. 88. fallere illud, Germanorum proverbium: Vid. Sanchez lib. 7. disp. 54. n. 8. Fillucius tr. 10. p. 2. n. 189.

Quæres Nonò: quænam condiciones requirantur ad hoc, ut Patrinus contrahat impedimentum cognationis spiritualis?

137. R. Requiritur quatuor sequentes. 1. ut habeat intentionem saltem virtutalem, & implicitam, obendi munus patris; nam sine intentione verè non obiter munus patris: quemadmodum sine intentione non verè baptizaret. Ita Sanchez, ConincK. Schmalzgrueb. lib. 4. tit. 11. n. 36. secundò requiritur, ut baptizatum de manibus baptizantis immediatè suscipiat, vel, si alicubi fortè baptismus conferatur per immersionem, è fonte sacro levet, idque per seipsum, aut certè per suum substitutum; secus enim dici non posset, eundem de baptismo suscepisse. Konig. hic n. 14. Reinfest. n. 17. apud Schmalzgr. cit. n. 37. & 38. tertio, requiritur, ut Patrinus suum manus agat in baptismo solemni, & validè administrato; quia in baptismo privato suscipiens non suscipit ex instituto Ecclesiæ; & si baptismus supponatur invalidus, non fit spiritualis regeneratio: atque propter spirituales hanc regenerationem contrahitur impedimentum, ab Ecclesia institutum: ergo. Illiung. tradi. 6. disp. 2. art. 6. nu. 27. & alii apud Babenst. tradi. 8. part. 2. disp. 1. art. 5. §. 2. num. 4. requiritur, ut Patrinus è fonte levans sit ipse baptizatus; quia non baptizatus non incurrit impedi-

tum solo jure Ecclesiastico introductum: itemque Patrinus in confirmatione debet esse confirmatus, ut hoc impedimentum incurrat; quia ut dicitur. c. in baptis-mate. 102. de consecr. dist. 4. in baptis-mate vel crismate non potest alium suscipere in filium, qui non est baptizatus, vel confirmatus. Vid. Clericat. decis. 23. à numer. 10. Schmalzgrueb. cit. à numer. 34.

Dices. Quidsi autem aliquis infantem levet per alium substitutum, seu Procuratorem, an Procurator, an verò Principalis mandans, seu substituens contrahet hoc impedimentum?

138. R. Olim quidem plures censuerunt, in tali casu impedimentum contrahi à substituto seu Procuratore; verùm, teste Sporer nu. 96. jam communis tenet sententia, (quam sequuntur Laym. Pont. Tamb. Gob. Schmalzgrueb. Matthæucc. Schmier, & alii) hoc impedimentum contrahi à Principali seu mandante, non verò à substituto. Ratio est: quia ut ait Sporer cit. generalis ista consuetudo in Ecclesia notissima, habet vim declarandi legem, & regulam illam juris in 6. Qui facit per alium, est perinde, ac si faciat per se ipsum. Idque fuisse declaratum à sacra congregat. 29. Mart. 1582. itemque 15. Mart. 1531. testatur Nicolius apud Clericat. proxime cit. decis. 23. n. 8. Tandem in declarationibus Concil. Trid. ad C. 2. SS. 24. n. 4. habentur hæc formalia: *Procurator non contrahit cognationem spirituales sibi, sed mandanti.* Quare de hujus opinionis veritate prudenter vix dubitare licet.

Quæ. 10. Quid sit cognatio legalis, & quotuplex?

139. R. 1. Cognatio legalis est propinquitatis quarundam personarum, ex adoptione proveniens. Ita communis. Pro hujus pleniori intellectu notandum, adoptionem à DD. communiter describi, quod sit *legittima assumptio personæ extraneæ* (id est, talis, quæ non est ex descendantibus adoptantis) in *Filium aut Filiam, Nepotem vel Nepem*. Dicitur autem *legittima assumptio*, eo quod sit legibus civilibus introducta, & canonicis approbata. Ita Laym. lib. 5. c. 10.

10. pag. 4. cap. 7. Filliuc. ubi suprâ nu. 198. Casp. de Spens. disp. 4. punct. 9. a num. 3.

140 R. secundò. Adoptio est duplex, nempe perfecta, & imperfecta. Perfecta (quæ etiam dici solet *Arrogatio*) est, quæ Persona extranea, sui juris existens, per Principis rescriptum transfertur in potestatem & familiam adoptantis, ut instar legitimorum liberorum esse incipiat. Imperfecta sive simplex est, in qua, auctoritate cujusdam Judicis jurisdictionem habentis persona extranea, sub Parentis sui potestate constituta, in Filium vel Filiam, Nepotem vel neptem assumitur, absque jure adoptanti succedendi necessario, sed solum ab intestato; id est: absque eo, quod taliter adoptans teneatur adoptatum instituere hæredem, quamvis adoptatus habeat jus succedendi, dato, quod adoptans vel nullum fecerit testamentum, vel invalidum aut cassatum. Vid. Babenst. tr. 8. p. 7. disp. 3. art. 2. n. 37.

Quær. tandem 11. Utrum tam perfecta, quam imperfecta adoptio generet hoc impedimentum, & secundò quousque se hoc extendat?

141 R. 1. Ex adoptione perfecta oriri hoc impedimentum, satentur omnes. Ex imperfecta pariter oriri, docent quamplures etiam insignes DD. Palao, Reinfest. Cleric. & alii. Negativa tamen opinio mihi videtur verosimilior. Ratio est; tum quia textus civiles, loquentes de cognatione legali, loquuntur de tali adoptione, per quam adoptatus transfertur in potestatem & familiam adoptantis: textus autem canonici, ait Schmier lib. 4. tr. 3. c. 3. num. 284. cum adoptionem pro adstruenda cognatione recipiant in sensu juris civilis, utique non aliam, quam arrogationem, seu adoptionem perfectam admittunt; tum etiam quia hoc impedimentum introductum est ad vitandam fornicationem, quæ facile fieri posset inter personas in eadem domo commorantes: atqui hoc periculum cessat in adoptione imperfecta, quippe per quam adoptatus non traducitur in domum & potestatem adoptantis: ergo &c. Coninck. Laym. Konig., VViestner, Schmalzgrub. tit. 12. num. 19.

142 R. 2. Cognatio legalis extendit se, ac dirimit 1. inter uxorem adoptantis & adoptatum. 2. Inter uxorem adoptati & adoptantem. 3. Inter adoptatum, & liberos legitimos adoptantis. ita cum communi Gobat. trah. 9. nu. 177. Quocirca tamen notandum, hoc impedimentum inter adoptantem & adoptatum esse quidem perpetuum: inter adoptatum verò & filios aut filias adoptantis tamdiu solum durat, quamdiu filii aut filiae existunt sub potestate patris adoptantis. Babenst. cit. num. 38. Plura de hoc impedimento differere videtur superfluum; cum his temporibus adoptio perfecta sit admodum rara.

§. II.

Proponuntur, & breviter resolvuntur Casus practici de impedimento Cognationis.

CASUS PRIMUS.

TITius quinquennio in statu matrimoniali jam transacto, nuper à quodam audierat, se esse cognatum seu consanguineum suæ uxori; qua ratione anxius, & dubius, quid jam deinceps agendum, consilium petiit. Confessarius desuper interrogatus, misit eum ad proprium Parochum, mandans, ut interim, dum veritatem rei deprehenderet, ab usu conjugii abstineret. Quæritur jam 1. an Confessarius bene fecerit? 2. Quid D. Parocho agendum, vel de valore hujus matrimonii censendum fuerit?

143 R. 1. Si Titius ex rationabili causa seu fundamento dubitavit de impedimento consanguinitatis, Confessarius bene fecit mittendo eum ad Parochum proprium: quia Titius tenebatur veritatem indagare, & interim ab usu matrimonii abstinere: atqui veritatem potuit facilius indagare consulendo proprium Parochum; semper enim supponitur Parochus habere majorem noticiam Ovium suarum seu Parochianorum, quam alius Sacerdos vel Confessarius, cui pœnitens ignotus est: ergo &c.

144 Dixi tamen: Si Titius ex rationabili
Cc 2 bill

bili causa dubitavit, &c. dato enim, quod non habuerit rationabile fundamentum suspicandi de consanguinitate, nec tale potuerit afferri ab illo, qui asseveravit Titium esse consanguineum, is non fuit obligatus contra se instituere questionem, proindeque non fuisset opus illum remittere ad Parochum. Ratio est: quia ut in materia de jure & iustitia dicitur, & cum communi tradit Sporer *tract. 4. c. 2. n. 91*. Possessor bonæ fidei (qualis est Titius noster) non tenetur contra se ipsum instituere inquisitionem levibus solum de causis: ergo multo minus si nulla subsit rationabilis causa suspicandi de aliqua consanguinitate.

145 R. secundò. Dato, quod Titius habuerit rationabilem causam suspicandi de impedimento, tenebatur Parochus ipsum adigere, & pro possibili adjuvare ad indagandam omnimodam veritatem, & interim usum matrimonii interdicere. Quodsi facta sufficienti inquisitione nequeat deprehendi omnimoda veritas, Titius tenebatur stare matrimonio, eidemque licebit uti tum petendo, tum etiam reddendo. Ratio est: tum quia matrimonium est causa favorabilis, pro qua semper est standum, ut habetur *c. ex litteris. de prob. item c. fin. de sent. & re judic.* Tum etiam quia universim actus in dubio debet interpretari validus. *L. quoriet. ff. de rebus dub.* Semper enim præsumptio stat pro valore actus, donec de invaliditate certò constiterit: ergo etiam in nostro casu præsumptio stat pro valore matrimonii. Vid. Sanchez. *lib. 1. disp. 17. à num. 5.* Barbof. *axiom. 12. nu. 7.* la Croix *nu. 298.*

Dices. At quid, si Titius jam ante contractum dubitasset de impedimento consanguinitatis, & nihilominus contraxisset?

146 R. Contrahendo cum tali dubio, saltem per se loquendo, peccavit mortaliter; tum quia Sacramentum matrimonii periculo nullitatis & irrevocabilis; tum etiam, quia se ipsum periculo fornicandi exposuit. Supposito tamen, quod jam contraxerit, & dubium vincere, seu veritatem, vel potius nullitatem matrimonii sui deprehendere non possit licebit ei-

dem nedum perseverare in statu conjugali, sed etiam petere ac reddere debitum. Ratio est: tum quia impedimentum non præsumitur, sed probari debet; tum etiam quia ut proximè dictum, in dubio præsumitur pro valore actus seu contractus matrimonialis: ergo Titius probabilissimè præsumet pro valore sui matrimonii: atque ubi matrimonium probabiliter putatur validum, licetè petitur ac redditur debitum: sicut enim in aliis, ita in hac materia licitum est sequi sententiam probabilent, ait la Croix *n. 299.* ergo.

CASUS SECUNDUS.

Nomine Sempronii nati Egrensis, dum puer adhuc erat quinquennus, ab hujus parente è sacro baptismatis fonte levata est Sempronia: & quia idem Sempronius jam vehementer affectus connubium; hinc querit, an non valeat ducere Semproniam; præsertim cum nunquam habuerit intentionem agendi Patrimonium respectu ejusdem, immò nec potuerit habere tunc temporis. Quid censendum, aut Sempronio respondendum?

147 R. Quod nequeat ducere Semproniam. Ratio est: quia non solum Egreus, sed etiam in tota Diocesi Ratisbonensi consuetudine legitima introductum & receptum est, ut infans, cujus nomine alius levatur, impedimentum cognationis spiritualis contrahat cum levato, prout mihi authenticè constat ex quodam gratioso rescripto reverendissimi Confessorii Ratisbonensis, dato 11. Junii anno 1725. Quare cum secundum dicta *numer. 74.* per legitimam consuetudinem possint abrogari, vel introduci impedimenta matrimonii etiam dirimentia, dicendum, quod Sempronius, utpote natus Egrensis & subditus Diocesis Ratisbonensis, contraxerit impedimentum.

Dices. At nunquid hæc consuetudo est conformior juri communi?

148 R. Non videtur conformior; quia secundum dicta *n. 137.* de jure communi requiritur, ut patrinus habeat intentionem agendi munus patris; at talem intentionem Sempronius non habuit, nec habuisset.

se supponitur: ergo. Quare mihi videtur, certum, quod præscindendo à præfata consuetudine, dictum impedimentum non contraheretur ab infante, cuius nomine à Parentibus alius levaretur. Videatur de hoc Clericat. decis. 23. à n. 10. Schmalzgr. lib. 4. tit. 11. à num. 36. Illung. tract. 6. d. 2. d. 6. n. 24.

CASUS TERTIUS.

CAja inopinatam edidit partum; & quia nemo præsens erat, qui infantem recens natum sacro baptismatis lavacro regeneraret; hinc Cajus Maritus eundem de vita jamjam periclitantem baptizavit. Jam vero dubitat, an cum sua uxore contraxerit cognationem spirituales, vi cuius prohiberetur ab usu matrimonii?

149 R. Cum Sanch. lib. 7. disp. 62. n. 10. Fagnano l. 4. in c. si vir nu. 9. Kugler n. 1942. Cajum contraxisse quidem cognationem spirituales cum uxore; quia hæc ex omni baptismo, valide administrato contrahitur: at non contraxit talem cognationem; vi cuius privaretur usu petendi debitum: ita enim expresse deciditur Can. ad limina. 7. caus. 30. q. 1. ubi ratio redditur: quia inculpabile iudicandum, quod necessitas intulit. Et hujus opinionis videtur esse Schmalzgr. tit. 11. n. 42. ubi negat; quod parens in necessitate baptizans contrahat impedimentum cognationis spiritualis, nempe tale, vicijus ab usu matrimonii impediretur. Ubi etiam nu. 43. subdit, Patrem non amittere jus petendi debitum ab uxore, si in casu necessitatis, ubi alius haberi non potuit, è sacro baptismatis fonte suscipiat propriam prolem; tamen si enim patris non sit de necessitate Sacramenti, est tamen de necessitate præcepti, & in baptismo etiam privato honestius adhibetur. Quapropter cum in tali casu parens nihil delinquat, non est, cur impedimentum jure canonico in pœnam delicti statutum portet. Ita etiam sentiunt Engel, Konig, Reinfest. apud Schmalzgr. cit. Item Laym. lib. 3. tr. 10. part. 4. C. 8. num. 7. Ubi notant, ab hæc pœna privationis petendi debitum excusare probabilem ignorantiam juris aut facti. Immo Sanchez lib. 9. disp. 32. n. 47.

Elbel Theol. P. III.

etiam illum liberat ab hac pœna, quia laborat ignorantia facti crassa, modò non sit affectata, vel ita crassa, ut ingens temeritas sit ignorare: quia jus imponit pœnam privationis scienti: à tali autem pœna excusat ignorantia quæcumque non affectata, & quæ non est adeò crassa, ut sit ingens temeritas. Vide Sanchez. cit. n. 36. 39. & 40.

Dices adhuc. Si sponsus prolem suæ sponsæ per fornicationem genitam, etiam in necessitate baptizet, aut è S. fonte levet, contrahit impedimentum cognationis spiritualis, vi cuius prohibetur ducere sponsam: ergo idem impedimentum contrahit Maritus, prolem legitimam suæ uxoris baptizando, vel è S. fonte levando.

150 R. Cum Sanch. Fagnan. Engel. VViestner & aliis, negando consequentiam. Disparitas in hoc sita est: quia marito post nuptias acquisitum est jus petendi debitum ideo privatio hujus juris censetur pœna: nemo autem puniri debet, nisi culpa præcesserit. c. discretionem. de eo qui cognovit; è contra inter solutos seu nondum junctos matrimonio, hoc impedimentum non censetur pœna, sed moralis inhabilitas ad matrimonium ex canonici juris constitutione: tales autem, inhabilitates etiam sine culpa contrahi possunt, ut patet in irregularitatibus contrahitis ex defectu v. g. corporis, lenitatis, &c. Vid. Laym. prox. cit.

Dices adhuc. At quid si Maritus prolem suæ uxoris sine necessitate baptizet scienter, vel ex baptismo levet, nunquid in hoc saltem casu privabitur jure petendi debitum?

151 R. Affirmant S. Thomas, Laym. cit. Bonac. alique sanè permulti & graves DD. Verum hodie negativam ut probabiliorem tenent Mastr. 4. disp. 7. n. 539. Herincx disp. 7. q. 3. n. 10. Reinff. Schmalzgr. cit. nu. 48. aliisque congestis Kugler. num. 1908. Ratio est: quia hoc nullo claro jure ostendi potest; immò contrarium potius colligitur ex cap. si vir. 2. b. tit. absque claro autem jure non est asserenda tam gravis pœna. Quare ego cum P. Gobato cas. 5. nu. 615. etiam secluso privilegio, tutò sequer in praxi hanc sententiam, inquit meritò Sporer. n. 481. Fatentur ta-

Cc 3 mca.

nen omnes, quod taliter baptizans peccet mortaliter.

§. III.

Corollaria ex dictis inferenda.

152 **C**olliges ex dictis primò, Infideles validè contrahere, tamen in secundo, tertio, vel quarto gradu sanguinitatis supponantur conjuncti: proindeque si ad fidem convertantur, non erunt separandi. Ratio est: quia hoc impedimentum, in quantum se extendit ad quartum, tertium, vel etiam secundum gradum, est introductum jure solum ecclesiastico, per *cap. gaudemus de divor.* quo jure Infideles non stringuntur. Secus dicendum foret, si contraxissent, posteaquam fidem veram jam suscepissent. Bartenst. ubi supra *disp. 3. art. 2. n. 34.*

153 Colliges secundò. Si Titius communem stipitem contingat in quinto gradu, & Titia in secundo, tertio, vel quarto, eos non prohiberi, quò minus matrimonio sociali valeant. Ratio est: quia hoc impedimentum non extenditur ultra quartum gradum: atqui Titius contingens communem stipitem in quinto gradu, jam ultra quartum gradum distat à Titia: ergo &c. Sanch. *lib. 7. disp. 53. n. 5.* Gobat, la Croix *nu. 613.*

154 Colliges tertio. Eos non contrahere hoc impedimentum, r. qui à Parentibus baptizandi, vel Parocho non rogati, aut designati ad munus Patrini levant. Item 2. qui levant sine intentione patrum agendi, seu supplendi caeremoniam baptismi more aliorum juxta Ecclesie institutum. Vel 3. qui putans se levare Titium, per errorem levat Cajum. Ratio horum facillè eruitur ex dictis *n. 137.* quia in his omnibus deficiunt conditiones requisitæ ad contrahendum hoc impedimentum, prout fusiùs ostendit Clericat. *decis. 23. à num. 13.* item Kugler *de Mat. à num. 1915.*

Dices tandem. Quidsi autem plures à Parentibus designati, eundem infantem simul levant, contrahuntne omnes, vel nullus eorum hoc impedimentum?

155 R. Juxta præscriptum *Trid. de Re-*

for. Matr. 55. 24. c. 2. non sunt admittendi plures simul, sed unus tantum, vel ad summum una & unus patrinus. Dato nihilominus, quòd vel ex ignorantia vel etiam ex vana politia &c. fuissent admissi plures, oportebit attendere, an omnes simul, an verò successivè tantum tetigerint & levaverint? Si successivè, dicendum, quòd ille solus contraxerit impedimentum, qui primus tetigit & levavit, vel ad summum primi duo, si fuerint vir, & mulier; quia revera isti tantum sunt susceptores, & quando accedit tertius levans, ministerium patrini jam invenit exhibitum, sicque ejusdem exhibendi jam non amplius est capax.

At verò, si supponantur plures designati simul levasse, Sanchez, Navarr. Sa, Barbof. Passerinus apud Schmalzgr. *cir. n. 87.* probabilis tenent, ab omnibus incurri hoc impedimentum; eò quia omnes conditiones pro hoc impedimento contrahendo reperiuntur in singulis. Testatur etiam Fagnanus *in cap. ex litteris. fin. h. tit.* id fuisse de declaratione à S. Congregatione: è contra Kugler *nu. 290.* contendit, in tali casu probabilis à nullo contrahi impedimentum; quia Tridentinum prohibens adhiberi plures patrilinos videtur formam statuisse, & irritasse plurimum designationem, secus enim non efficaciter exclusisset multitudinem patrinatorum, quod tamen erat intentum hujus constitutionis. Ex quibus patet, utramque sententiam esse satis probabilem.

CONFERENCE

SEPTIMA.

De Impedimento dirimente Criminis.

SUMMARIUM.

156 *Impedimentum Criminis describitur.*

157 *Speciato jure antiquo, est duplex, videlicet Machinatio mortis, & adulterium: utrumque autem dupliciter contingere potest.*

158 *Que-*

- 158 *Quenam conditiones requirantur, ut sola Machinatio dirimat?*
 159 *Quenam, ut dirimat Machinatio juncta cum adulterio? Et*
 160 *Quenam tandem, ut adulterium junctum cum promissione Matrimonii dirimat?*
 161 *Si talis promissio sit revocata ante commissum adulterium, non incurritur impedimentum; bene autem si primum post adulterium sit revocata.*
 162 *Similiter si sive promissio conditionata, prius quam ea adimpletur, non contrahitur impedimentum, bene verò post adimpletam, dum accesserit adulterium.*
 163 *Resolvitur Casus I. de Marito, qui cooperante ancilla occidit uxorem; Talis*
 164 *Potest ducere ancillam, si huc non manifestavit suam intentionem ducendi ipsam ancillam.*
 165 *Resolvitur Casus II. De Uxore, quæ concesserat usum corporis cuidam matrimonio sibi promittenti.*
 166 *Si talis Uxor nihil repromisit probabiliter potest nubere Adultero post mortem Mariti.*
 167 *Resolvitur quedam instantia.*
 168 *Resolvitur Casus III. de eo qui vivente prima Uxore duxit secundam, nihil huc manifestans, quòd sit actu ligatus.*
 169 *Quid si hæc secunda Uxor concessisset usum corporis, posteaquam audivit, Maritum jam esse actu ligatum?*
 170 *Impedimentum Criminis non incurritur ex adulterio, ubi una pars nescit, alteram esse ligatam.*
 171 *Incurritur tamen sive Vir occidat Uxorem, sive Uxor Virum, modò accedant aliæ conditiones &c.*
 172 *Infideles tempore infidelitatis committentes tale crimen, non incurrunt impedimentum.*
 173 *Fidelis commissio crimine sit tantum inhabilis ad ducendum complicem criminis.*
 174 *Qui vivente Coniuge alteri promittit Matrimonium per se loquendo graviter peccat.*
 175 *Idem dicendum de eo, qui sibi quidem promittit, ita tamen, ut sibi non advertatur ab altera parte.*

§. I.

Præmittuntur, & breviter resolvuntur quæsitæ scitu necessaria ad resolvendos Casus de Impedimento dirimente Criminis.

QUæres primò, quid sit impedimentum criminis, & quo jure matrimonium dirimat?

156 R. Impedimentum criminis est quoddam obstaculum auctoritate Ecclesiæ introductum, vi cuius personæ ob enorme crimen commissum impediuntur, quò minus matrimonium contrahere valeant, Ita in re communis DD. Ex hac autem descriptione patet, hoc impedimentum jure solum ecclesiastico dirimere; ideòque auctoritate Pontificia tolli, seu dispensari posse cum hujuscemodi criminosis, prout omnes fatentur.

Quæres secundò quòtuplex sit impedimentum criminis?

157 R. Spectato jure communis antiquo duplex est, nempe 1. Machinatio in mortem Conjugis, & 2. Adulterium. Ita rursus cum communi DD. Reinfest. *Theol. mor. disp. 14. n. 84.* Dictum est: *spectato jure antiquo*; nam jure novo Concil. Trid. de reform. Matr. ss. 24. c. 6. additum fuit impedimentum *Raptus*; de quo infra nu. 290. agetur.

Cæterùm, utrumque crimen dupliciter continere potest, nempe machinatio mortis 1. sic, ut vir & mulier communi consensu committant conjugicidium. 2. sic, ut una pars tantùm, vir scilicet, aut mulier conjugis mortem machinetur, & insuper committat adulterium. Similiter adulterium, prout est impedimentum criminis committi potest 1. sic, ut simul fiat promissio matrimonii de presenti cum adulterio. Vel 2. sic, ut adulterio insuper accedat promissio matrimonii de futuro. Hinc est, quòd Sporer alique plures dicant, impedimentum criminis esse quadruplex. Vid. Reinf. cit. Verùm enim verò, cum non quodlibet adulterium, nec quævis machinatio mortis post se trahant hoc impedimentum, prout DD. communiter fatentur; hinc non abs res dubitabis, &

Quær. tertio, quænam conditiones requirantur ad hoc, ut sola machinatio mortis dirimat?

158 R. Sequentes quatuor conditiones requiruntur: 1. Ut unus conjugum alteri machinetur, seu verè inferat mortem, vel physicè, vel saltem moraliter, ut puta mandando, suadendo &c. &c. 2. Ut vi machinationis seu causæ positæ mors alterius fuerit effectivè secuta, nam juxta *cap. Hæc autem verba. de pœnit. diff. 1.* in materia pœnali (qualis est præsens) verba sunt strictè interpretanda, & cum effectu accipienda; unde si mors sequatur non ex machinatione, sed ex imperitia, seu etiam incuria Medici, vel Chyrurgi, vel ipsius etiam patientis &c. non contrahitur hoc impedimentum. 3. Requiritur, ut machinatio mortis fiat ex mutua conspiratione machinantium. 4. Ut fiat ex intentione perveniendi, seu contrahendi matrimonium, ita ut hanc intentionem sibi manifestaverint criminosi, qui mortem conjugis machinati sunt. Ratio hujus est: quia, ut ait Illsung. *tr. 6. disp. 9. nu. 78.* Ecclesia statuendo hoc impedimentum, voluit illud periculum præcavere, quod conjugii innocenti immineret ex aliorum mutuo manifestata intentione matrimonii, tanquam idonei, & ordinarii medii ab libidinem liberè explendam. *Mastr. Herinex, Bonacio. Sanchez. lib. 7. disp. 71. nu. 13.*

Quær. quarto, quænam conditiones requirantur ad hoc, ut machinatio mortis cum adulterio dirimat matrimonium?

159 R. Ut machinatio mortis conjuncta adulterio dirimat, requiritur 1. ut fuerit commissum adulterium formale. 2. Ut ab una parte adulterantium sit mors machinata alteri conjugi, sive physicè, sive moraliter, & vi machinationis effectivè subsecuta. 3. Ut machinatio contingerit ex intentione perveniendi matrimonium cum adultero, vel adultera. Ita cum communi DD. *Sanchez. cit. Illsung. x. 81. Palao, Laym. lib. 5. tr. 10. p. 4. cap. 10. x. 2.* Ratio est: quia hoc impedimentum introductum fuit, ne cupiditate alieni matrimonii conjux innocens occidatur: atqui hæc ratio locum non habet, si conjux occidatur ex alia intentione v.g. vin-

dicandi injuriam, vel liberè peccandi &c. ergo.

Quær. quinto, Quænam conditiones requirantur ad hoc, ut adulterium cum adjuncta promissione matrimonii sive de præsentì, sive etiam de futuro, dirimat matrimonium?

160 R. Quatuor sequentes conditiones requiruntur. 1. Ut promissio sit facta seriò, & non siccè tantum; quia promissio ficta non est vera promissio, sicut homo fictus non est verus homo, ait Kugler *n. 1970.* quare cum verba SS. Canonum in materia tam odiosa, strictè sint interpretanda, & accipienda, dicendum, quod non sufficiat ficta promissio. *Krimer, Mastr. Sporer n. 109. Illsung. cit. n. 84.* secundò requiritur; ut adulterium formale, id est, cum advertentia quoddam compars criminis sit ligata, fuerit commissum, & quidem completum, seu tale, quod de se erat sufficiens ad generationem, idèque cum copula perfecta. Ratio est: quia hæc est materia odiosa, idèque non extendenda ad adulterium imperfectum. *Babenst. ubi supra disp. 3. art. 2. n. 60.* tertia conditio requisita est, ut vivente eodem conjugè sit commissum adulterium, & data fides de matrimonio. Hinc si fides fuisset data sub priori conjugio, & adulterium commissum sub posteriori, non incurritur hoc impedimentum; quia per aliud possessus matrimonium dissoluta est connexio adulterii & promissionis, ait *Spor. n. 108.* quartò denique requiritur, ut promissio à criminoso sit signo quodam exteriori facta seu manifestata, & ab altera parte acceptata. Ratio prioris est: quia sola interna promissio, vel potius intentio promittendi utpote incognita non præbet alteri parti occasionem machinandi mortem, ad quam præcludendam hoc impedimentum jure introductum est. Deinde, juxta sacros canones requiritur datio fidei, ut hoc impedimentum adulterii incurrat: fides autem inter homines dari non potest, nisi per signa externa, prout bene advertit *Kugler n. 139 3.* Ratio autem posterioris est: quia sine acceptance promissionis non habetur propriè pactum, aut datio fidei, qualis tamen requiritur *c. significasti. de eo, qui duxit. Laym. Escobar, aliique apud Gobat. n. 196.*

Dices,

Dices. Quidsi verò promissio facta quidem, aut rursus revocata fuisset?

161 R. Cum distinctione. Si enim supponatur revocata ante commissum adulterium, non incurritur hoc impedimentum; quia cum per revocationem fuerit extincta, non potuit amplius cum adulterio influere ad inducendum hoc impedimentum. Si autem fuit revocata post commissum adulterium, quamvis ante mortem conjugis, jam contractum est impedimentum: jam enim concurrerunt adulterium simul, & promissio matrimonii; unde non est amplius in potestate criminoso, mediante revocatione effugere hoc impedimentum. Sporer, Babenst. cit. n. 59.

Dices iterum. At quid, ubi promissio facta fuisset solum sub conditione?

162 R. Ante purificatam seu impletam conditionem non incurritur hoc impedimentum, bene verò si conditio sit adimpleta, & accesserit adulterium. Ratio est: quia promissio conditionata prius quam ponatur conditio, manet suspensa & inefficax, ea verò adimpleta evadit absoluta, idèdque efficax & sufficiens ad inducendum hoc impedimentum. Cum communi Laym. Perez. disp. 33. sect. 4. n. 5.

§. II.

Proponuntur, & breviter resolvuntur
Casus practici de impedimento
Criminis.

CASUS PRIMUS.

Titius non tam personæ, quam divitiarum amore captus, duxit Titiam; at verò cum hæc continuè quasi alteretur infirmitatibus, malorum tandem impatiens, mandavit ancillæ suæ, ut sibi venenum procuraret: parvit ancilla lubens: venenum attulit: Titius propinavit: uxor obijt. Hinc ancilla cupiens matrimonio jungeri, Hero suo est blandita, & ab eodem, postquam sæpius ad peccandum illum incitatus, imprægnata. Dubitatur jam. an Titius possit ducere ancillam?

163 R. Quod possit. Etsi enim occiderit uxorem, ancilla cooperante; quia ta-

men non fecit hoc ex intentione contrahendi cum ancilla, non incurrit impedimentum criminis, ut constare debet ex dictis n. 159.

Dices. Saltem ancilla fuit cooperata in mortem Domine ex intentione contrahendi cum Hero: quid si ergo & Titius habuisset hanc intentionem, nempe contrahendi cum ancilla?

164 R. Posset nihilominus illam ducere. Ratio est: quia machinatio sola sine adulterio non dirimit, nisi intervenierit mutua conspiratio cum intentione invicem ducendi, & quidem exteriori manifestata, prout visum n. 160. & cum communi tenent Sporer, Tamb. Perez, Gobat, n. 180. Kugler, n. 1384. atqui in hoc casu supponuntur manifestasse intentionem contrahendi, nec adulterium incerserit, sed simplex fornicatio; cum Titius per mortem uxoris jam fuerit solutus à vinculo matrimonii: ergo non contraxerunt impedimentum.

CASUS SECUNDUS.

Sempronia, cujus Maritus jam pridem fuerat Castra secutus, sæpius ad peccandum sollicitata à Sempronio, noluit consentire, propter periculum infamiae; qua ratione Sempronius eidem obtulit ac premisit, quod post mortem Mariti vellet eam ducere, dummodò usum corporis sibi concederet. Tandemque Sempronia acquiescit, sed nihil repromisit, nec dixit, se ratum atque acceptum habere promissum. Querit ergo, an defuncto jam priori Marito nubere valeat Sempronia?

165 R. Potest huic nubere. Ratio est: quia solum adulterium non trahit post se impedimentum criminis, nisi accedat & promissio matrimonii, & promissionis acceptatio, & quidem expressa, prout cum Bonacini aliisque rectè tenet Babenst. cit. disp. 3. art. 2. n. 63. cum enim versemur in materia odiosa, non debet extendi, sed potius restringi ad promissionem veram & strictam matrimonii; qualis non datur sine acceptatione: hac de causa Henriquez lib. 12. c. 14. n. 3. Bellarm. de matr. l. 1. c. 22. apud Laym. hic c. 10. n. 4. probabilis censent,
ad

ad inducendum hoc impedimentum requiri promissionem mutuam, ideoque re-promissionem alterius partis, prout satis clare innuit Glossa in cap. significasti. de eo, qui duxit: atqui certum est, in nostro casu non intervenisse promissionem mutuam: ergo &c.

Dices. Sempronia non contradixit promissioni: ergo censenda est acceptasse.

166 R. Neg. Conseq. Licet enim, qui tacet, consentire videatur in favorabilibus, non tamen idem præsumitur in odiosis: jam verò acceptatio in hoc casu censetur quid odiosum, eoquod invehat, & post se trahat impedimentum criminis: ergo ex sola taciturnitate præsumi non debet acceptasse promissum, sed potius ex alio motivo v. g. libidinis explendæ consensisse in copulam.

Dices iterum. Si Sempronia sollicitanti respondisset: non concedam usum corporis mei, nisi promittas mihi matrimonium, Sempronius acceptando usum corporis, merito præsumeretur consensisse, & promississe matrimonium: ergo similiter ex eo, quod Sempronius obtulerit matrimonium, si mulier concederet usum corporis, hæc concedendo usum censetur acceptasse promissionem.

167 R. Neg. conseq. quia in priori casu intervenit pactum mutuum, atque consensus, seu conventio duorum; dum enim mulier dicit: Concedam usum corporis; si promittas &c. vir utendo corpore merito censetur acceptare conditionem, & promittere matrimonium: è contra in secundo casu non intervenit pactum, sed tantum pollicitatio, id est, solius Sempronii offerentis promissio; quod non sufficit ad inducendum hoc impedimentum. Et dato etiam, quod mulier acceptasset, si tamen nihil promissit, probabilis non contrahit hoc impedimentum, ut proximè dictum n. 165. quia sine repromissione, seu mutua promissione, non habetur vera promissio sponsalitia, proindeque nec datio vera fidei de matrimonio. Vid. Sporer, n. 109. Kugler, n. 1982. ubi pro hac opinione refert VViestner, Krimer, Illsung, & alios.

CASUS TERTIUS.

Cajus relicta priori conjugè; matrimonio suum fidei contraxit cum Caja, ligaminis bujus prorsus ignara: elapsi autem biennio, cum unam, & alteram jam prolem suscepissent, passus est candidè putatitiae conjugii suæ, se esse ligatum cum alia, proptereaquæ fidei tantum consensisse in matrimonium: nihilominus perrexerunt cohabitare modò conjugibus veris assueti: & cum modò resciant priorem obisse, querunt, an non possint de novo contrahere?

168. R. cum distinctione: possunt enim contrahere, si non compromiserint de novo, posteaquam Cajus innovit nullitas matrimonii ob impedimentum ligaminis. Ratio est: quia hoc impedimentum non incurritur ratione solius adulterii, nisi simul accedat promissio, & quidem vera ac seria matrimonii, prout dictum supra n. 160. at Cajus non promissit verè, sed fidei, ut supponit Casus: ergo &c. Vid. Kugler n. 1970.

Dices. Quidsi autem verè ac seriò intendisset matrimonium cum Caja, & hæc nihilominus perrexisset eidem adhærere, atque usum sui corporis concedere more solito, nunquid incurrissent impedimentum criminis?

169 R. Si Caja post adeptam notitiam, quod putatitius maritus sit ligatus, nihilominus eidem fecit potestatem corporis, probabilis contraxerunt impedimentum criminis: quia ut supponitur, prius verè compromiserunt matrimonium, & modò tali promissioni accessit formale adulterium; quod sufficit ad impedimentum criminis incurrendum. Ita post Sanch. Gob. Perez, Kugler, n. 1398, Sporer tamen n. 108. cum Tamb. censet probabile, quod si tales putatitii conjuges perrexissent adulterari, non amplius vi promissionis prius factæ, eoquod jam apprehenderint eam velut impossibilem, cessasse, & expirasse, non contraxissent hoc impedimentum; quia adulterium non amplius fuisset conjunctum cum promissione. Et certum esse debet, quod non contraxerint hoc impedimentum, si post

ac-

acceptam notitiam de vita prioris conjugis , statim retractassent priorem promissionem , licet protinus fuissent adulterati ; quia solum adulterium non inducit hoc impedimentum .

§. III.

Corollaria ex dictis inferenda .

170 Colliges ex dictis 1. hoc impedimentum ratione adulterii non incurri , si una pars adulterantium nesciat alteram esse ligatam . Ratio est : quia ad contrahendum hoc impedimentum ratione adulterii , debuit præcessisse adulterium formale & reale : & alii canones *sententiam* requirunt , quod nimirum alterutra saltem pars sit ligata , prout expressè statuitur *c. Propositum. de eo , qui duxit* . Hinc Coninck Laym. Perez , Sporer , alique inferunt , quod si puella ignoraverit , hunc virum esse matrimonio ligatum , aut uxorem ejus adhuc vivere , etsi ignorantia crassa , non contrahat impedimentum criminis ex adulterio proveniens . Vid. Spor. prox. *ctt. n. 110. la Croix. n. 622* .

171 Collig. secundò , impedimentum criminis incurri , si ve vir uxorem , si ve uxorem occidat . Ratio est ; tum quia jura , quibus hoc impedimento introducitur , modò de uxore , modò de marito adulterante , simulque fidem dante loquuntur , ut videre est *c. 1. super hoc. c. significasti. de eo , qui duxit* , item *c. si quis vivente. 31. q. 1* . Tum etiam , quia dispositum (quamvis odiosum ac pœnale) de uno correlativo , censetur etiam dispositum de altero , si æqualis comparationis sint (uti sunt maritus & uxor) & disparitas nulla ratio probabiliter afferri possit , prout contingit in præsent. Laym. ubi suprà *c. 10. n. 5* . Castropal. de spons. *disp. 4. p. 12. n. 6* .

172 Colliges tertio , Infideles , tempore infidelitatis committentes hoc crimen , non impediri , quò minùs inter se possint contrahere . Ratio est : quia hoc impedimentum introductum fuit jure duntaxat ecclesiastico ; quo Infideles non ligantur . Si tamen fidelis cum infideli committat hujusmodi crimen , machinationis scilicet , vel adulterii , non ampliùs possunt inter se

contrahere ; quia fidelis respectu alterius infidelis jam contrahit hoc impedimentum criminis . Castrop. Laym. Babenst. *hic n. 56* .

173 Colliges quartò , Criminosos ratione hujus criminis non reddi simpliciter inhabiles ad contrahendum quodvis aliud matrimonium , sed solum sunt inhabiles ad invicem , seu inter se contrahendum , prout statuitur *c. ex litterarum deca , qui duxit* . Hinc si crimen committas cum Titia , prohiberis , immò inhabilis es ad ducendum hanc , non verò aliam , quæ non fuit complex criminis . Herincx de Matr. *disp. 6. n. 76* . Sporer. *n. 114* .

174 Colliges quintò , Conjugem , qui vivente adhuc conjugè alteri promittit matrimonium , per se loquendo graviter peccare : idem dicendum de altera persona acceptante promissionem . Ratio est : quia talis promissio jure prohibetur . *cap. fin. de eo , qui duxit* . eò nimirum , quia hujusmodi promissiones solent inducere , & ansam præbere machinandi mortem conjugi innocenti , proptereaquæ meritò reputantur repugnare bonis moribus , & taliter promittentes jubentur puniri . *cap. ctt. Sanchez Laym. Castrop. Gobat Theol. expir. tr. 9. n. 212* .

Dices . At , quid de fide solum promittente tenendum , peccatne & incurrit hoc impedimentum ?

175 R. Procul dubio peccat , si ita promittat , ut altera pars non advertat fictionem , credatque seriò sibi promitti ; quia talis promissio adhuc præbet , aut certè præbere nata est , occasionem machinandi mortem ; quæ de causa Sanchez , Babenst. & alii plures censent , etiam per hujusmodi fictam promissionem , jamquam adalterio , contrahi impedimentum criminis ; eoquòd finis Ecclesiæ statuentis hoc impedimentum fuerit , præcludere viam iniquis machinationibus . Verùm Bonac. Laym. Krimer *n. 990. la Croix. n. 625* . probabilius tenent , hoc impedimentum non incurri ab iis , qui fide solum promittunt , quemadmodum fide baptizans non incurrit irregularitatem , nec fide profitens hæresin excommunicationem .

Hinc non bene arguitur : *Seriò promittens incurrit hoc impedimentum , ergo & fide*

fiſſe promittent; cum etiam talis promiſſio nata ſit præbere occaſionem machinandi mortem. Non bene arguitur, inquam: quia in poſitivis juris conſtitutionibus non valet argumentatio ex paritate rationis, præſertim in odioſis, uti eſt impediendum criminis.

Et hæc ſententia utpote benignior, vel maximè eſt amplectenda, caſu, quo matrimonium jam fuit celebratum à criminofiſ.

CONFERENTIA

OCTAVA

De Impedimentis diſparis Cultus, & Vis, ſeu Metus.

SUMMARIUM.

- 176 Cultus diſparitas reperitur tantum inter baptizatum, & non baptizatum.
- 177 Hoc impedimentum ex conſuetudine Eccleſiæ eſt introductum.
- 178 Matrimonium tamen inter tales ſemper fuit, & eſt illicitum per ſe loquendo.
- 179 Matrimonium Catholice cum Hæretico (vel viciffim) valet,
- 180 Modò juxta leges Eccleſiæ, & abſque impedimento dirimente ſit celebratum;
- 181 Nihilominus per ſe loquendo eſt graviter illicitum.
- 182 Ut Metus dirimat, requiruntur quatuor Conditiones.
- 183 Quinam Metus cenſeatur gravis? &
- 184 Quandoſnam injuſtè incuſſus?
- 185 Quo jure dirimat? Eſt duplex ſententia.
- 186 An, vel quando ex metu contrahens peccet?
- 187 Habens animum conſummandi matrimonium ratione gravis & injuſti metus nullum, peccat graviter.

- 188 Solvitur quedam Inſtantia contra hoc.
- 189 Reſolvitur Caſus I. de Muliere Catholica, quæ cum Hæretico contraxerat;
- 190 Et eundem, cum ſine periculo ſubverſionis cobabitare non potuiſſet, licitè deſervit.
- 191 Præcluditur quedam Inſtantia.
- 192 Reſolvitur Caſus II. de Uxore, quæ gravi metu inducſta nupſit.
- 193 Tali incumbit probare metum, & quomodo?
- 194 Quid agendum, ſi probare nequeat?
- 195 Reſolvitur Caſus III. de eo, qui deſloraverat Puellam; propterea quæ ab Epifcopo fuit coactus, ut eam duceret.
- 196 Si à ſolo Parente Puella metu mortis injuſtè coactus juraſſet, quod eam vellet ducere, juramentum eſſet nullum.
- 197 Pro ſententia tamen Epifcopi in tali caſu ſtandum eſt.
- 198 Matrimonium Fidelis cum Catechumeno eſt nullum.
- 199 Eccleſia meritò irritavit Matrimonium gravi metu injuſto extortum.
- 200 Solvitur quedam Inſtantia.
- 201 Si Conjux metu adactus nunquam conſenſum præbuit, matrimonium eſt ipſo jure naturale nullum.
- 202 Et quid, ſi poſtea habeant copulam carnalem?

§. I.

Præmittuntur, & breviter reſolvuntur quæſita, ſcilicet neceſſaria ad bene reſolvendos Caſus de impedimento diſparis Cultus, & Vis, ſeu metus.

QUæres primò, quid intelligatur per impedimentum, quod appellatur Cultus diſparitas?

176 R. Intelligitur obſtaculum matrimonii ortum ex diverſitate Religionum, vi cujus irritatur matrimonium, quod fidelis ſeu baptizatus contrahit cum infideli ſeu non baptizato v. g. Judæa, Pàgana &c. Dixi: cum infideli ſeu non baptizato &c. Etenim nomine infidelium hic non intel-

intelliguntur hæretici, sed non baptizati; & nomine fidelium intelliguntur baptizati; tamen si fidem veram seu Catholicam non profiteantur. Ita Communis finis DD.

Quær. secundò, quo jure hoc impedimentum dirimat matrimonium?

177 R. Dirimit solum ex traditione, & consuetudine Ecclesiæ universaliter approbata. Ita Scot. 4. disp. 39. q. un. Mastr. alique Scotistæ communiter. Ratio est: quia non dirimit jure naturæ, nec jure Ecclesiastico positivo, pro ut bene, & diffusè probat Clericat. dec. 26. à n. 5. restat proinde dicendum, quod solum dirimat ex traditione Ecclesiæ, seu consuetudine; quæ ut diximus supra n. 74. habet vim introducendi, vel etiam abrogandi impedimenta matrimonii jure humano impediencia, aut dirimentia. Vid. Sporer n. 115.

178 Notandum tamen est, matrimonia cum infidelibus esse illicita, & quidem jure naturæ; semper enim videtur subesse periculum sabversionis, aut certæ malæ educationis prolium: hac de causa Deuter. 7. v. 3. Deus Israelitis prohibuit dicens: *neque sociabitis cum eis* (Gentilibus nempe) *conjugia*, ubi v. 4. additur ratio: *quia seducet filium tuum*. Et Apostolus 2. Cor. 6. hortatur fideles: *nolite ducere jugum cum infidelibus*. Vid. Kugler n. 1404. & 1997.

Quær. tertio, Quid tenendum de matrimoniis Catholicorum cum Hæreticis?

179 R. 1. Matrimonium Catholicum hæretica (vel vicissim) contractum, est validum; dato, quod secundum leges Ecclesiæ sit celebratum. Ita Theol. communissimè ut Bellarminus apud Sporer. num. 118. putet, oppositum asserere esse errare in fide. Ratio est: quia tale matrimonium nec naturali, nec divina, nec ecclesiastica lege irritatur: ergo valet.

180 Nota tamen per omnem modum, quod non sine nota dictum, nempe, esse validum, dato, quod secundum leges Ecclesiæ sit celebratum. Cum enim hæretici stringantur legibus ecclesiasticis, ut DD. communiter tenent, & supra n. 73. insinuat fuit, atque pluribus dicitur inferius n. 228. & seqq. consequens, est hujusmodi matrimonia cum aliquo impedimento, si-
ve jure divino siue etiam ecclesiastico diri-

mente celebrata nulla esse ac irrita. Ecertissimè irrita sunt, quæ contrahuntur cum pacto dissolubilitatis, prout videbitur mus, n. 317. & 326.

181 R. secundò. Hujusmodi matrimonium est graviter prohibitum, ita, ut per se loquendo Catholicus cum hæretica contrahendo peccet mortaliter: tum quia Sacramentum ministrat personæ indignæ; tum quia se exponit periculo subversionis; tum denique quia semper subest periculum malæ educationis prolium. Hac de causa nedum jure naturali & divino, sed etiam humano, in pluribus conciliis prohibita fuere hujusmodi connubia, ut videre est apud Sanchez. lib. 7. disp. 72. Mastr. 4. disp. 7. n. 505. & alios passim.

Quær. quarto, qualis vis seu metus dirimat matrimonium?

182 R. Ut metus dirimat, requiruntur quatuor conditiones. 1. ut sit gravis. 2. ut sit ab extrinseco, & quidem 3. injustè incussus. 4. ut sit incussus ad extorquendum ipsum matrimonium. Communis.

Dices. At quinam metus censetur esse gravis?

183 R. Gravis reputatur ille, quo quis sibi, vel suis timet malum grave v. g. mortis, mutilationis, diuturni carceris, amissionis proprii status vel dignitatis, stupri inferendi, &c. &c. propterea quæ talis metus dicitur cadens in constantem virum, eo quod hujusmodi mala etiam cordatum, & constantem virum valeant commovere ad aliquid agendum, quod præscindendo à tali metu nunquam fecisset. Communiter tamen notant Doctores, ad irritandum matrimonium satis esse, quod malum intentatum fuerit respectivè, seu respectu personæ, cui intentabatur grave, quia, ut obversat Lessius lib. 2. de just. c. 17. d. 6. n. 35. talis metus æquè consensum tollit, vel certè notabiliter minuit respectu personæ, quam percellit, quàm metus absolutè gravis.

Cæterum, quod metus solum levis, seu ex levi malo proveniens matrimonium non irritet, communissimè fatentur Doctores, teste la Croix n. 649. quia talis metus non minuit notabiliter libertatem, & facile contemni potuit ac debuit. Idem tenent de metu quidem gravi, sed ab in-

trin-

trinfeco incusso, puta à morbo, periculo naufragii, &c. proveniente, quia talis metus non dicitur incussus, sed potius conceptus à metuente, ut observat cum aliis la Croix. cit. n. 651.

Dices iterum. Quando igitur metus reputandus est injuste incussus?

184 R. Tunc reputatur injuste incussus, quando vim inferens non habuit justam causam, seu potestatem intendendi tale malum, seu incutiendi metum Sporer, n. 18.

185 Cæterùm, quo jure metus dirimat matrimonium, non conveniunt DD. Scotus 4. dist. 29. q. 1. cum pluribus tenere videtur, quod dirimat ex ipso jure naturæ: è contra Thomistæ & alij plures, non minùs probabiliter tenent, dirimere solum jure ecclesiastico. Ad praxin tamen parùm facit quidquid dicatur; certum quippe est, matrimonium tali metu gravi, ab extrinfeco injuste incusso contractum non revalidari, nisi per novum consensum liberè præstitum, saltem ab eo, qui metum passus est. Vid. la Croix. à n. 664.

Quær. quintò, an vel qualiter peccet, qui ex metu gravi injuste incusso contrahit matrimonium?

186 R. Non desuere, qui putarunt taliter peccare mortaliter, eoquod frustret Sacramentum. Verùm melius respondetur cum distinctione dicendo, quod si talis contrahat animo faciendi tantum, quantum potest, sine intentione consummandi; vel etiam, si contrahendo utatur æquivocatione, seu amphibologia materiali, aut non purè mentali, omnino non peccet: tum quia talis amphibologia in casu necessitatis gravis non est prohibita; tum etiam quia talis nec mentitur, nec irritat propriè Sacramentum; cum ratio Sacramenti non sit annexa contractui, nisi legitimo; qualis non est contractus ex gravi metu injuste incusso initus: ergo. Si verò absque interno consensu fingat formaliter, sive per mendacium, sive per æquivocationem purè mentalem, peccat quidem, sed venialiter solum; quia mentitur, quamvis comparti non inferat gravem injuriam. Kugler, n. 702. Carden. Gob. Bonacin. Perez, Sporer.

187 Diftum tamen fuit, non peccare, si contrahat *sine animo consummandi*. Si enim habet animum consummandi, vel alios actus castitati repugnantes exercendi. seu etiam admittendi, procul dubio peccaret graviter pro gravitate materiæ; quia cùm matrimonium sit re ipsa nullum, talibus Conjugibus non licet plures, quàm aliis soluti. Gobat, 17. g. n. 256. Castrop. Sanchez.

Dices. Constat ex propositione 29. ab Innocent. XI. damnata, non esse licitum, etiam ex urgenti metu, simulare Sacramenti administrationem; hinc Sacerdoti nequidem ex metu mortis evadendæ licitum est, pronuntiare formulam absolutionis super indispositum: ergo nec licet ex gravi metu contrahere matrimonium, utpote nullum ac irritum.

188 R. Negando consequentiam, & suppositum, quod talis simulet administrationem Sacramenti; quia administratione Sacramenti simulare, est ponere materiam vel formam, vel utrumque, omisso tamen aliquo essentialiter requisito v. g. intentione, aut jurisdictione in Sacramento: penitentia: atqui contractus meticulousus ex gravi metu, utpote ipso facto irritus, nec est materia, nec forma Sacramenti: ergo sive metuens verè ponat consensum, sive etiam fingat se ponere, non erit ulla simulatio Sacramenti. Alia est ratio de formula absolutionis fidei prolata: quia talis Sacerdos verè pronuntiat formulam à Christo institutam, & fingit se administrare Sacramentum penitentia: & merita Christi indigno, utique non sine gravi injuria in Christum auctorem Sacramentorum. Vid. Kugler: cit. a. n. 703.

§. II.

Proponuntur, & breviter. resolvuntur Casus practici de impedimento Disparis cultus, & vis seu Metus.

CASUS PRIMUS.

Titia Virgo Catholica nupsit Titio hæretico, cum hac conditione expressa, ut proles, si quas susciperent, ad normam &

regulas fidei Catholice educarentur. Elapso autem uno & altero anno, cogebatur à suo Marito, ut & prolem natam juxta principia hæreticorum instrueret, & ipsa insuper hæresin amplecteretur; qua ratione Titia cum sua prole clam aufugit, & ad partes Catholicorum transit: Titius vero aliam duxit uxorem. Queritur jam 1. an matrimonium Titia fuerit validum? 2. an non huic pariter liceat transire ad secunda vota, seu nubere alteri?

189 R. ad primum. Matrimonium Titie fuit validum, supposito, quod non intercesserit aliud impedimentum. Ratio constat ex dictis num. 179. quia matrimonium Catholicæ cum hæretico, aut vicissim, nullibi irritatur, sed solum prohibetur ab Ecclesia, velut illicitum, propter periculum subversionis, & malæ educationis prolium, quod in similibus matrimoniis raro, immò rarissimè abest, prout experientia docuit, & patet in hoc ipso casu facto, non ficto. Hinc Gobat, Sporer, alique Doctores communiter monent, ut Parochi hujusmodi matrimoniis nunquam assistant, nisi moraliter certo constet, abesse periculum subversionis. Et prorsus nunquam, ait Perez de Matr. disp. 36. sect. 2. n. 6. si sponsi adjiciant pactum, ut masculi nascituri sequantur fidem Patris, famellæ verò Matris; quia hujusmodi pacta sunt prorsus impia & irrita, utpote contraria juri positivo. cap. Ex litteris. de convers. Infidel. c. Judæi. 28. q. 1. itenique juri divino, vi cujus Parentes obligantur proles educare non diabolo, sed Christo, eisdemque præbere media ad salutem qua corporalem, qua spiritualem etiam necessariam, ideòque dogmata veræ fidei, qualis est sola Catholica. In dubio autem, an periculum absit, vel iusta subsit causa permittendi tale connubium, rem esse devolvendam ad summum Pontificem, vel certè ad Episcopum, sapienter monet Laym. hic c. 14. n. 2. §. secundo limitat. &c.

190 R. ad secundum. Titia potuit quidem suum deserere Maritum; quia ut infra num. 368. cum P. Reiffenst. Herincx disp. 7. q. 9. à num. 58. & aliis dicemus, incitatio ad peccatum, seu grave periculum salutis præbet justam divortii causam:

nihilominus permittendum minimè est, ut ad secunda vota transeat: quia, ut diximus, prius matrimonium fuit validum, & maritus adhuc vivit: ergo Titia impeditur impedimento ligaminis.

191 Nec obstat, quod adjecerit pactum expressum de educandis prolibus in fide Catholica, ideòque videatur consensisse tantum sub conditione, quam Maritus non servavit. Non obstat, inquam, quia non potuit adjicere hanc conditionem ita, ut esset suspensiva matrimonii, quousque conditio ipsa fuisset adimpleta; secus enim debuisset velle consummare matrimonium prius, quàm essent veri & absoluti Conjuges; quod nunquam licet, multo minùs ab Ecclesia permittitur aut præsumitur.

CASUS SECUNDUS.

Sempronia fatetur, se cum suo Marito in perpetuis quasi inimicitias ac rixis vivere: causas autem rixarum dicit esse sequentes. 1. Quod nunquam habuerit animum nubendi, & ad matrimonium fuerit coacta à suis Parentibus, comminantibus sibi exheredationem, & denegationem omnis paterni subsidii, nisi huic nuberet. 2. quod hæcenus Sempronia Marito suo debitum nunquam reddiderit. Jam quaeritur 1. quid de valore hujus matrimonii tenendum? 2. quid Sempronia utpote valide assidue consulendum?

192 R. Ad primum. Hoc matrimonium re ipsa, & coram Deo nullum est: Ratio est: quia licet probabile sit, metum levem, vel etiam solum reverentialem non obistere matrimonii valori, certum tamen, & exploratum habetur ab omnibus, quod metus gravis injustè incussus, immò & reverentialis conjunctus minis, aut malæ tractationi Parentum, dirimat matrimonium: talem autem metum passa est Sempronia, ut casus fert: ergo. Hinc

193 R. ad secundum, consulendum esse, ut Sempronia modo possibili probet, & remonstret Judici Ecclesiastico, se visum metu gravi Parentum fuisse adaptam ad nubendum; hoc autem faciet 1. Si per testes pro-

probare poterit, se antecedenter fuisse sepius protestatam contra, vel 2. Si per eosdem testes probaverit, sibi minas fuisse intentatas. 3. Etiam ex eo, quod hactenus debitum nunquam reddiderit, nec pacifice cohabitaverit sponso suo. Ratio autem, cur hæc & similia sint consulenda Sempronæ, maxime à Confessario, est hæc: tum quia aliàs in continuo quasi periculo peccandi perseveraret; tum quia ex tali nubio expectari nequit aliud, nisi pessimus tandem eventus.

Dices. Quidsi autem Semproniam probare non posset, sibi metum injustè fuisse incussum, proptereaque nec audiretòr à Judice Ecclesiastico?

194 R. In tali casu vix aliud remedium suppetet, quàm, ut vel fuga sibi consulat, vel per liberum consensum matrimonium catifcet; quo facto subsistet matrimonium, ut videbimus infer. ùs. n. 203.

C A S U S T E R T I U S .

Cajus defloravit virginem; honestis, immò nobilibus Parentibus natam: quod ubi Parens inauditi (ut homo furiosus erat) minitatus est mortem quantocius inferendam Cajo, nisi vellet ducere defloratam: annuit igitur Cajus, ut mortis evaderet periculum spondiditque, immò juravit se ducturum defloratam; quia tamen ex post facto renuit eam ducere; hinc ab Episcopo intentata excommunicationis, & diuturni Carceris pœna fuit compulsus, ut duceret defloratam. Queritur jam, quid de valore hujus matrimonii tenendum?

195 R. Matrimonium fuit validum. Ratio est: quia metus ab Episcopo fuit justè incussum: talis autem metus ex causa justa incussum non dirimit: ergo &c. Non tamen fuisset validum, si Cajus solo metu à Parente incussu adactus consensisset in matrimonium; quamvis enim Parens defloratæ habuisset justam causam accusandi defloratorem coram Judice Ecclesiastico, non tamen habuit justam causam incutiendi metum mortis: matrimonium autem ex metu injustè incusso contractum est nullum; ut constare debet ex dictis: ergo.

196 Nec refert, quòd Cajus jurejurando promiserit, se ducturum defloratam: quia per. c. de eo, qui duxit, non solum matrimonium ex metu gravi injustè incusso initum, sed etiam adjectum juramentum annullatur. Caspensis, Sanchez, Aversa, Mastr. Theol. moral. disp. 20. n. 39. Nec obstat inquit la Croix. n. 666. cap. inter cetera 22. q. 4. quia ibi tantum dicitur, quòd possit ducere eam, quam ita juravit ducere, non autem quòd teneatur.

Dices. Deflorator virginis, præsertim consentientis, non tenetur eam ducere; quia scienti & consentienti non fit injuria, neque dolus, juxta Reg. 17. Juris. in 6. Quin etiam, si invitam deflorasset, non teneatur nisi sub conditione, nempe vel ducere, vel dotare illam: ergo si cogatur determinatè ad ducendam illam sub pœna excommunicationis, metus erit injustus, & matrimonium nullum.

197 R. Trans. ant. negando consequentiam: quia in quibusdam locis solet ex consuetudine recepta defloratori virginis invitæ in pœnam stupri injungi, ut ducat corruptam: supposita autem tali consuetudine metus erit justè incussum: & cum aliunde constet, judicialis sententiæ tantam esse auctoritatem, ut semper pro Judice præsumi debeat, donec contra ipsum aliquid legitime comprobetur, text. cap. in præsentia. de renunciat. hinc, & in proposito præsumi debet pro Episcopo, & metu justè incusso; idèdque & pro valore actus, præsertim post contractum jam matrimonium: Vid. Gobat. tr. 10. n. 696. Kugler n. 688.

§. III.

Corollaria ex dictis inferenda.

198 **C**olliges 1. Matrimonium à fidei contractum cum Cathecumeno vel Cathecumena, esse invalidum; quia tales adhuc sunt infideles, idèdque inhabiles ad contrahendum cum fidei. Aliter dicendum foret de matrimonio à fidei contracto cum tali, qui post baptismum semel ritè susceptum, modò profiteretur judaismum, vel paganismum; quia talis respiciat propter baptismum susceptum reputatur pro fidei, quantum ad nostrum attinet pro-

propositum. Ita cum communi DD. Laym.
tom. 2. tr. 10. part. 4. c. 14. n. 1.

199 Colliges 2. Quod licet in eo, qui ex metu contrahit, reperitur consensus voluntarius (metus enim non tollit voluntarium simpliciter, ut dicitur in tr. de actum.) quia tamen meticulosus consensus semper habet admixtum involuntarium; hinc Ecclesia merito irritavit tale matrimonium, ne scilicet sequatur exitus (malus) qui de invito solet matrimonium provenire, ut dicitur *cap. cum locum 14. de spons. & matr.* Vid. etiam *cap. veniens 13. eod. tit.* Ex quo sequitur, & colligitur facile, eum qui talem metum gravem injuste incutit, graviter peccare; eo quod metum passio inferat gravem injuriam, ut communiter fatentur DD.

Dices. Etiam ex matrimonio metu justè incusso inito debet timeri malus exitus; nec dubitandum, quin cum involuntario contrahatur: ergo etiam hoc erit nullum.

200 R. neg. consequ. disparitas est, quod metum justè incussum patiens v. g. deflorator, seu stuprator virginis, dederit causam metus; quare sibi imputare debet, & facilis sese resolvere ad portanda matrimonii onera. Cumque matrimonium metu contractum de jure naturæ non sit irritum, nec Ecclesia talibus condescendere, & contractum irritare voluerit, consequens est, quod matrimonium metu justè incusso initum valeat. *Kugler num. 691. Abbas, Sanchez & alii apud Reiffenst. lib. 4. tit. 1. num. 329.*

201 Colliges 3. quod si conjux metu adactus fateatur, se nunquam consensisse, sed potius ex metu gravi simulasse consensum, tale matrimonium sit ex ipso jure naturæ nullum. Ratio est: quia matrimonium consistit in contractu legitimo; implicat autem contractum sine consensu duorum: ergo. Hinc hujuscemodi conjugibus plus non licet, quam aliis merè solutis; cum in rei veritate sint soluti. Ita cum communi DD. Gob. la Croix, Spor. n. 24.

Dices: At quid, si conjux admiserit copulam carnalem, nunquid matrimonium censetur validum?

202 R. cum distinctione. Si enim admiserit illam ex metu tantum, vel sinistra

Elbel Tbeol. P. III.

opinione putans matrimonium fuisse validum, vel etiam ex libidine solum, & à fortiori si admiserit cum animo non perseverandi in tali connubio, matrimonium nullatenus convalidabitur per talem copulam. Si autem cessante jam metu admisset copulam affectu verè conjugali, matrimonium erit, & præsumitur validum; tum quia (ut supponitur) metus jam cessavit; tum etiam quia ad valorem matrimonii sufficit consensus exprimi verbis, vel signo, vel etiam facto; quale est actus conjugalis: ergo &c. Vid. DD. cit. Sporer, Gob. tr. 9. n. 261. Ubi etiam n. 262. mox subjungit, & verò, quando aliqua puella annum unum cum dimidio vixit in tali conjugio coacto, *cobabitans quietè* marito, est tam firma præsumptio juris, & de jure, quod affectu maritali cohabitavit, ut etiam si possit clarè probare, se ex metu injusto contraxisse, non tamen admittantur ejus probationes. Habetur expressa decisio in *c. ad id, quod 21. de spons. & matr.* Ita Gob. c. l.

CONFERENTIA

N O N A.

De Impedimento Ligaminis, & publicæ Honestatis.

S U M M A R I U M.

- 203 *Ligamen est vinculum, ortum ex matrimonio valido.*
- 204 *Ut ad secundas nuptias transire liceat, requiritur de morte prioris Conjugis certitudo moralis in foro exteriori.*
- 205 *In foro interno sufficit probabilissima præsumptio.*
- 206 *Respondetur cuidam objectioni.*
- 207 *Undenam moralis certitudo de morte desumi possit, vel debeat?*
- 208 *Impedimentum publicæ honestatis est propinquitatis Personarum, orta ex sponsalibus.*
- 209 *Oritur tam ex sponsalibus de futuro*
Dd ro,

ro, quàm de presenti, seu Matrimonio rato.

210 Ex sponsalibus de futuro validis tantum oritur, & desactio ultra primum gradum se non extendit: ex matrimonio autem rato, etiam invalido, usque ad quartum gradum se extendit, modo non fuerit invalidum ex defectu consensus.

211 Resolvitur Casus I. de Parocho; qui minùs, quàm oportebat, cautè procedens, copulaverat uxoratam cum alio.

212 Tales tamen conjuges non fuerunt statim separandi.

213 Si talis Mulier mala fide nupsit, & adhuc rationabiliter dubitet, an non vivat prior Maritus, non licet ei petere debitum &c.

214 Resolvitur Casus II. de quodam juvene, qui post obitum suæ sponse voluit ducere hujus sororem, & non potuit.

215 Potuit tamen cum dispensatione impetranda.

216 Resolvitur Casus III. de Puella, qua contra suum votum Castitatis, illicitè cuidam promiserat Matrimonium, postea autem nupsit ejusdem Filio.

217 Confessarius tali Puellæ merito interdixit petitionem debiti.

218 Quàm cautè sit Parocho procedendum cum viro vel uxore, quæ vult transire ad secundas Nuptias.

219 Qui cum dubio de morte prioris conjugis transit ad alia vota, peccat graviter.

220 Quid sit post factò resciat, priorem Conjugem adhuc vixisse tempore hujus secundi matrimonii?

221 Sponsalia de futuro unde, vel quando nulla?

222 Qui contraxit sponsalia conditionata cum Bertha, deinde non expectato eventu conditionis contrahit absoluta cum ipsius sorore, non incurrit per hoc impedimentum publicæ honestatis.

223 Si cum Bertha fecit sponsalia absoluta deinde rursus absoluta, etiam de presenti cum ipsius sorore, hæc secunda non prævalent, nec habent vim invalidandi priora.

224 Ex Matrimonio rato, quando hoc impedimentum non consurgit?

§. I.

Præmittuntur, & breviter resolvuntur quæsitæ, scitu necessaria ad resolvendos Casus de impedimento Ligaminis, & publicæ Honestatis.

Quæres primò, quid intelligatur per impedimentum ligaminis?

203 R. Intelligitur vinculum matrimonii, seu obstaculum, ortum ex matrimonio consummato, vel etiam rato tantum, vi cujus Conjux impeditur, ut ne quidem validè possit contrahere cum alio vel alia, quamdiu vivit prior Conjux. Insuper polygamiam, seu etiam polyviriam, tam jure divino, quàm humano prohibitam esse, ita, ut nec uni Marito plures uxores, nec uni uxori plures maritos simul habere liceat, pluribus rationibus ostendunt egregiè Clericat. decis. 29. à num. 3. item Kugler num. 1255. Merito proin Concil. Trid. Sess. 24. de Reform. matr. Can. 2. decidit: Si quis dixerit, licere Christianis plures simul habere uxores, & hoc nullal lege esse prohibitum, Anathema sit. A fortiori uni uxori esse prohibitum, etiam ex ipso jure naturæ habere simul plures viros, cum Illung. Krimer, Konig, & aliis pluribus, probat idem Kugler num. 1833: eò præsertim, quòd ex congressu cum pluribus, mulier fiat inhabilis ad generandum, ut experientia docet in meretricibus, ideòque polyviria repugnet fini matrimonii.

Quer. 2. qualis certitudo de morte prioris requiratur ad hoc, ut conjux ad secundas nuptias licetè transire possit?

204 R. Requiritur certitudo moralis saltem in foro externo. Ratio est: quia c. In presentia de Sponsal. & matr. statuitur, ne mulieres permittantur ad aliorum consortium canonicè convolare, donec certum nuntium recipiant de morte virorum. Item c. Dominus, de secundis nuptiis decernitur ut nullus amplius ad secundas nuptias migrare præsumat, quoad conflet, quod ab hac vita migraverit uxor ejus: atqui certum nuntium, & ly quoad conflet &c. indicant

dicant certitudinem moralem : ergo. Tunc autem censetur haberi certitudo moralis de morte, quando ita creditur, ut contrarium nullo modo videatur probabile, ait Gobat *tr. 9. n. 293.* cum Lessio : vel, ut ait Engel. *de sp. inf. duor. n. 5.* certitudo moralis habetur de morte, quando arbitrio Judicis, & prudentis viri, rationabiliter credi potest obisse, quamvis absolute posset subesse falsum.

205 Dictum tamen est, requiri certitudinem moralem *saltem in foro externo* ; nam pro foro *interno*, ut vir vel mulier licite transeat ad secundas nuptias, sufficere verosimilem, & probabilissimam præsumptionem, tenent post Sylvest. Rosell. S. Anton. Sporer. & Laym. *lib. 5. tr. 10. p. 3. c. 3. num. 1. fin.* Quin immò P. Kugler, quamvis nobiscum teneat, requiri certitudinem moralem saltem regulariter, tamen in casu, ubi talis haberi nequit, valde probabiliter cum aliis pluribus existimat satis esse, quòd habeatur magna probabilitas, & præsumptio, vel probabilitas major de morte, quàm de vita, ad hoc, ut Index ecclesiasticus possit permittere transitum ad secundas nuptias ; idque probare nititur tum *ex c. cum per bellicum 2. C. 34. q. 1.* tum etiam hac ratione : quia in rebus humanis, in quibus plena certitudo haberi non potest, etiam in ipsis judiciis ad prudentem instituendas actiones, sufficit iudicium probabilissimum, aut saltem probabilius de re aliqua, quàm de opposito, licet non omnino certum ; quia talis non temerè, nec imprudenter agit. Et licet *c. c. requiratur nuntium, &c.* ut *constet &c.* commodè tamen intelligi possunt, & debent sic, quòd certitudo moralis de morte alterius requiratur regulariter, & quando plena certitudo haberi potest, non antem in omni casu, ubi talis est impossibilis. Vid. Kugler *cit. à n. 1844.*

Si dicas : in materia Sacramentorum non est licitum uti opinione probabilii relicta tutiore, ut constat ex proposito. 1. damnata ab Innocent. XI. jam verò in hoc casu licitum esse transitum ad secundas nuptias, est opinio solum probabilis, simulque est tutius abstinere à nuptiis, ne Sacramentum exponatur periculo nullitatis & conjux periculo fornicationum : ergo &c.

206 R. cum distinct. non est licitum uti

opluione probabili in materia Sacramentorum, quando pro usu Sacramenti tuta haberi potest, *con.* quando non potest haberi tuta, prout fit in nostro casu, ubi supponitur, quòd nequeat haberi certitudo moralis de morte conjugis, *neg.* Hac de causa Confessarius licite absolvit poenitentem, quem probabiliter judicat esse dispositum, ubi non potest majorem habere circa ipsius dispositionem certitudinem, quamvis licite ageret absolvendo, ubi omnimodam certitudinem habere posset. Unde propter invincibilem ignorantiam de morte prioris, Conjux contrahendo non exponit Sacramentum periculo formalis irreverentiæ, nec se periculo fornicationum, sed periculo duntaxat materiali, quòd utique licitum est ob causam gravissimam, & valde urgentem, qualis hic invenitur, ne scilicet talis conjux cogatur perpetuum abstinere à conjugio, fortè non sine periculo incontinentiæ, vel aliorum damnorum. Gormaz. de Sacram. *n. 323.* Carden. Illung. *tr. 1. disp. 1. num. 77.*

Quær. tertio, unde moralis certitudo de morte prioris conjugis desumi possit, aut debeat ?

207 R. Potest desumi ex sequentibus capitibus 1. Si Parochus, vel Rector Parochiæ authenticè attestetur, eum obisse ; vel 2. si vir omni exceptione major idem testetur ; vel 3. si alius vir bonæ fidei, præsertim testis de visu cum juramento deponat, priorem conjugem obisse ; vel denique quarto. Si sit fama communis, præsertim juncta cum aliis conjecturis, & indicii verb. grat. quòd periculosè decubuerit vel prælium ingressus interierit &c. item quinto. Si famæ communi accedat unus testis de visu : non tamen sufficeret ad faciendam certitudinem moralem quicumque testis, etiam de visu asseverans ; nec testimonium plurium ex solo auditu ; multò minùs sola, quantumvis diuturna alterius conjugis absentia ; quia hæc, & similia in se tanti momenti non videntur facere tantam certitudinem, ut de opposito rationabiliter dubitari nequeat, vel etiam firmiter credi possit obisse. Vid. Spor. *n. 41.* Gobat. *tr. 9. n. 310.* la Croix. *n. 6. 7.*

Dd 3

Quær. 4.

Quær. 4. quid sit impedimentum publicæ honestatis, & quo jure dirimat matrimonium?

208 R. Est quædam propinquitās personarum, orta ex sponſalibus, vel matrimonio rato tantum inter sponſum ex una parte, & conſanguineas ſponſæ ex altera parte, ac viciffim. Appellatur autem hoc impedimentum communiter *juſtitia publicæ honestatis*, eo quod videatur juſtum, & æquum, atque publicæ honeſtati conſentaneum, ut propter inchoationem matrimonii, quæ fit per ſponſalia, impediatur matrimonium ſponſi cum conſanguineis ſponſæ, ac viciffim ſponſæ cum conſanguineis ſponſi. Cæterum communiffimè ſentitur DD. hoc impedimentum non dirimere jure naturali, nec divino, ſed eccleſiaſtico ſolum, ut habetur c. *Juvenis* 3. c. *ad audientiam* 4. de ſponſal. & matr. & alibi ſæpius. Ex quo patet, infideles hoc impedimento non affici; fideles verò poſſe diſpenſari à ſummo Pontifice. Sanch. Pirhing. Schmalzg. lib. 4. tit. 1. n. 96.

Quær. 5. ex quibus ſponſalibus hoc impedimentum oriatur?

209 R. Oritur tam ex ſponſalibus propriè talibus ſeu de futuro, quàm ex ſponſalibus impropriè dictis de præſenti, ſeu ex matrimonio rato. Ex ſponſalibus de futuro quod oriatur, patet ex juriſus præced. allatis. Quod autem pariter oriatur ex ſponſalibus de præſenti (Eſto etiam clarus textus juriſde hoc non habeatur) haud tamen obſcurè deducitur ex C. *ſi quis deſponſaverit* 13. item *Can. ſi quis uxorem* 14. C. 27. q. 2. Accedit ratio: quia ex matrimonio rato oriatur major conjunctio; quàm ex ſponſalibus: ergo ſi jura reputent eſſe inhoneſtum, ut ſponſus ducat conſanguineam ſponſæ, propterea quæ ſtatuerint impedimentum dirimens inter eos, à ſortiori præſumendum eſt, repugnare honeſtati publicæ, ut ſponſus (vel viciffim ſponſa) poſt matrimonium jam contractum ducat conſanguineam uxoris ſuæ. Sanch. lib. 7. diſp. 70. n. 1. Fagnanus c. *ad audientiam* 6. r. Reiffenſtel lib. 4. tit. 4. n. 1. eum communi DD.

Quær. 6. quouſque ſe extendat impedimentum publicæ honeſtatis?

210 R. Olim jure antiquo ex quibuſvis

ſponſalibus, tam de præſenti, quàm etiam de futuro, licet invalidis (dummodo non fuiſſent invalida ex defectu conſenſus) oriebatur hoc impedimentum, & ſe extendebat uſque ad quartum gradum, ut videre eſt c. *un. de ſponſ. & matr.* in 6. Attamen jure novo Concil. Trid. juſ illud antiquum, quantum ad ſponſalia de futuro relaxatum eſt. Verba Concilii. ſſ. 24. de reform. matr. c. 3. ſunt ſequentia: *juſtitia publicæ honeſtatis impedimentum; ubi ſponſalia quacunque ratione invalida erunt, Sancta Synodus prorsus tollit: ubi autem valida fuerint, primum gradum non excedant; quoniam in ulterioribus gradibus jam non poteſt hujusmodi prohibitio abſque diſpendio obſervari.*

Hæc tamen limitatio juriſ antiqui ſolum eſt intelligenda de ſponſalibus de futuro, non autem de præſenti, ſeu de matrimonio rato; nam ita expreſſè declaravit Pius V. in decreto 1568. emanato, quod incipit *ad Romanum*, & habetur in Bullario Cherubini tom. 2. conſtit. 62. dicti Pontificis, poteſtque videri apud Reiffenſtel. n. 14. Quare dicendum, hoc impedimentum etiamnum oriri ex omni matrimonio rato, licet invalido, dummodo non fuerit invalidum ex defectu conſenſus; extendique uſque ad quartum gradum incluſivè: è contra ex ſponſalibus de futuro extendit ſe ſolum ad primum gradum: quodſi hæc ſponſalia fuerint invalida, quacunque demum de cauſa, nullum inde oritur impedimentum. Ita cum communi Spor. Filliuc. tr. 10. part. 2. c. 6. nu. 22. Herincx. de Matr. diſp. 6. q. 8.

§. II.

Proponuntur, & breviter reſolvuntur Caſus practici de impedimento legitimis, & publicæ honeſtatis,

CASUS PRIMUS.

Titius, cum pacificè ſuæ uxori cohabitare non potuiſſet, maluit caſſa ſequi, quapropter clam abiit, uxore Titia domi reſecta. Contingit autem, ut elapſo uno alterove anno quidam teſtaretur, ſe vidiffe Titium pericu-

periculosè decumbentem, nec dubitare, quin sit mortuus; alius insuper testabatur, se ex ore cujusdam militis reducis à castris audivisse, quòd objerit; quibus testibus auditis, Parochus Titiam copulevit cum alio, Queritur jam 1. an D. Parochus bene fecerit? 2. an dicti Conjuges fuerint separandi, an verò potuerit, ipsi permitti ut in suo conjugio perseverent?

211 R. ad primum. D. Parochus non bene fecit, assistendo secundo matrimonio. Ratio est: quia cùm causa matrimonii sit una ex gravissimis, oportet omnino, ut quotiescunque Parochus rationabiliter dubitat, aut certè dubitare deberet de impedimento, rem deferat ad summi Ordinarium velut Judicem Ecclesiasticum: potuit autem, & debuit rationabiliter dubitare in nostro casu, an non obesset impedimentum ligaminis: neque mulieribus est permittendum, ut ad secundas nuptias transeant, donec certum nuntium, id est (ut Gobat, Sporer, & alii exponunt) recipiant de obitu virorum, ut ex dictis n. 204. constat: ergo &c.

212 R. ad 2. Non fuerint separandi sed permittendi potius, ut in suo concubio perseverent. Ratio est: quia cùm causa matrimonii sit favorabilis, ex post facto, seu post contractum matrimonium semper præsumendum est pro valore matrimonii, præsertim cùm conjuges sine scandalo, detrimento, prolium, vel aliis absurdis vix, aut raro separari queant; quod vel maximè tenendum, casu quo matrimonium bona fide fuit celebratum, ut nos supponimus in hoc casu. Hinc *cap. Dominus de secund. nupt.* expressè statuitur, ut si aliquis vel aliqua hætenus id non obsettaverit (ad secundas nuptias migrando) & de morte prioris conjugis adhuc sibi existimet dubitandum, ei, qui ipsi nupsit (bona fide scilicet) debitum non deneger possulanti. Vid. Gobat. *Theol. exper.* 11. 9. n. 306. idem in *Glypeo Clem. Jud.* n. 195. la Croix. à n. 313.

Dices. Sed quid, si mulier mala fide contraxit, utpote dubitans, vel etiam credens, quòd maritus prior adhuc vivat, & modò post omnem inquisitionem moraliter possibilem, non possit deprehendere, sine adhuc in vivis vel non? licebitne in

Elbel Theol. P. III.

hoc casu non tantùm reddere, sed etiam petere debitum?

213 R. cum distinctione. Si enim merùm dubitet, an Maritus non sit mortuus, propterea quæ valeat secundum hoc matrimonium, nullatenus licebit ei petere debitum; quia possessio mala fide coëpta nulum tribuit jus in dubio; quare huic nihil suffragatur titulus possessionis: tamen si (ut proximè dictum est) reddere teneatur alteri conjugi, qui bona fide contraxit, propterea quæ nianet in possessione legitima matrimonii, & juris acquisiti in corpus uxoris; quo jure privari nec potest, nec debet in dubio, ut notat Sanchez. *lib. 2. disp. 44. n. 3.* Herinex. *disp. 7. q. 6. n. 31. & alii communiter.* Ac verò si supponatur, non merùm dubitare, sed habere verè rationes probabiles, ita, ut rationabiliter credere liceat, nullum subesse impedimentum, eòquòd v. g. maritus jam fuerit mortuus eo tempore, quo secundas contraxit nuptias, non solum reddere, sed etiam debitum petere eidem licebit. Ita Sanchez. *lib. 2. disp. 42. n. 9.* Perez. Dicastillo, Gobat. *Theol. experim.* 10. n. 642. Sporer. n. 472. & alii plures. Ratio est: quia non apparet, cur ex opinionione speculativa de valore matrimonii, & nullitate impedimenti, nequeat inferre probabilitatem practicam de licita redditione, & petitione debiti, eo præsertim, quòd hic non agatur de valore, sed de sola honestate actionis.

CASUS SECUNDUS.

S Empronius desponsaverat sibi honestam puellam Semproniam, quæ tamen non multò post divina infirmitate correpta fuit: sponsus verò, cum egrotantem frequentius visitasset, cepit nonnihil familiarius agere cum sorore, ut tandem hanc imprægnaverit: & quia sponsa Semproniam diem suum jamjam obiit, hinc ad tegendum scelus, & evitandam simul infamiam, querit Sempronius, an non possit ducere sororem sponsæ sue defunctæ?

214 Non potest illam ducere sine dispensatione. Ratio est: quia impedimentum publicæ honestatis semel contractum, perpetuò manet, ita, ut nec per mortem alterius, nec per mutuam sponsalium

Dd 3 dif.

diffolutionem tollatur: ita enim authenticè declaravit Congregatio Cardinalium 1658. 6. *Julii*, approbante Alexandro VII. Declarationem hanc authenticam in terminis referunt Fagnanus *c. ad audientiam de spons. & matr. n. 29.* Spor. *n. 57.* item Cleric. *decis. 30. n. 9.* Reffenst. *ubi supra n. 17.* & alii plures. Deinde nec ex jure, nec ex ratione ostendi potest, hoc impedimentum tolli per mortem, vel mutuatam sponsalium dissolutionem: præsertim cum facta etiam dissolutione ratio motiva, ob quam hoc impedimentum introductum est, semper perseveret, nempe honestas naturalis.

215 Dicitum tamen est, quoddam possit ducere sororem sponsæ *sine dispensatione &c.* Notat quippe Clericatus *cit. n. 24.* Papam non raro dispensare super hoc impedimento, & quidem facilius, si proveniat ex sponsalibus, quam si ex matrimonio rato. Quare cum soror sponsæ jam supponatur imprægnata, omnino congruum videtur, ut sponsus procuret, vel procurari faciat dispensationem; tum ob conservandum honorem, vel etiam reparandum damnum puellæ; tum etiam ad legitimandam prolem. Neque necessarium erit, ut in supplica exprimat copula quæ intercessit; quia per hanc Sempronium non contraxit novum impedimentum affinitatis eum sorore, seu puella imprægnata, sed tantum cum hujus consanguineis.

C A S U S T E R T I U S.

Caja perpetuæ castitatis voto obstricta, contra suum votum promissi matrimonium Cajo; verum hunc ipsum pauld post exosa repudiavit ob sentum, & abiens eum Filio Caji contraxit matrimonium; quod ubi Confessarius inaudit, jussit eandem abstinere a petendo debito. Jam queritur 1. quid de valore hujus matrimonii tenendum? 2. an Confessarius bene fecerit prohibendo petitionem debiti?

216 R. 1. Matrimonium Cajæ, quamvis illicitum, utpote contra votum seu virtutem Religionis celebratum, validum tamen est. Ratio est: quia cum sponsalia tum Cajo inita fuerint nulla (fuerunt

enim de objecto illicito, seu de matrimonio repugnante voto castitatis) nullum ex ipsis ortum est impedimentum publicæ honestatis, ut diximus *n. 210.* ergo matrimonium in foro conscientie saltem, & coram Deo est validum. In foro tamen externo, si non constet de voto emisso, nec probari possit, præsumetur pro valore sponsalium priorum, & nullitate matrimonii subsequenter, ut post Sanchez, Pont. Avers. & alios notat Clericatus *c. n. 17.* quia Ecclesia non judicat de occultis, sed de iis duntaxat, quæ publica, vel in foro fori gesta sunt. Hinc.

217 R. ad 2. Confessarius interdicens petitionem debiti bene fecit, si ob votum interdixit; quia voto obstrictis non licet petere, secundum dicta *n. 70.* Non autem sciscit bene interdicens propter impedimentum publicæ honestatis; & nullitatem matrimonii inde oriundam; quia in foro conscientie (in quo Confessarius tenetur pœnitenti adhibere fidem (priora sponsalia fuerunt nulla: ex sponsalibus autem nullis *de futuro*, nullum contrahitur impedimentum: ergo &c.

§. III.

Corollaria ex dictis inferenda.

218 **C**olliges ex dictis: 1. Quod si Persona dubitans de ligamine prioris matrimonii, an sit solutum? veniat ad Parochum, petens copulari cum alio, nullatenus sit audienda, nec assistendum tali matrimonio, nisi re pridè delata ad Ordinarium, & diligenter discussa. Ratio patet ex dictis: quia hoc est negotium gravissimi momenti, ex quo pender animarum salus: quanta enim orientur mala, si prior maritus fortè reversus, deprehenderit suam uxorem alteri dedisse fidem? quanta pericula animarum? quanta in populo scandala? atqui certum est, id jam sæpius contigisse. Casus mirabiles (si curiosus es) videre potes in P. Gobat jam sæpius *cit. tract. 9. §. num. 328.* Quare de causa idem eximius Doctor bene monet *num. 334.* non esse facile standum testimonio nudo unius, etiam oculati testis, nisi alia adjungantur adminicula, & con-

jectu-

ſeſſuræ de obitu prioris conjugis : Immo & teſtibus in hoc puncto non eſſe nliis facile credendum ait ; conſtat etenim, quòd improba, & cæca venus multas non raro excogitaverit fallacias. Hinc Confeſſarii, & Parochi minùs, quàm oportet, caute procedentes in hoc puncto, de facili poſiunt ſemetipſos proſtituere, & exponere periculo cenſurarum.

219 Collig. 2. Conjugem, qui cum dubio de morte prioris tranſit ad ſecunda vota, peccare moraliter ; tum quia ſe exponit periculo inferendi alteri injuriam gravem, itemque periculo fornicandi, & tandem Sacramentum periculo nullitatis. Nihilominùs, ſi conjux prior vita jam ceſſit, & ſuperſtes intendit ſe obligare, ſeu contrahere cum alio, quantum potuit, valebit matrimonium ; quia potuit ſe obligare, & ut ſupponitur, voluit, ſi, & in quantum potuit : ergo &c. Barboſ. in cap. Dominus. Sporer, & alii plures.

Dices. At quid, ſi tales reſciant, priorem conjugem adhuc vixiſſe, tempore ; quo matrimonium ſecundum celebratum fuit, & poſtea primùm obiſſe.

220 R. hoc ſecundum matrimonium manebit invalidum ; quia juxta Reg. 18. Jur. in 6. non firmatur traſſu temporis, quod de jure ab initio non ſubſiſtit. Congruum tamen erit, ut ob ſcandala evitanda, & proles, ſi quas ſuſceperint, meliùs educandas, de novo contrahant. Sporer nu. 53. la Croix num. 678. cum commun. DD. Neque opuserit ulla diſpenſatione Pontificia, dato, quòd ſecundum matrimonium bona fide uniùs ſaltem ſit celebratum, prout facile colligetur ex dictis : ſi autem mala utriuſque fide ſupponatur celebratum ita, ut tempore ſecundi contractus jam ſciverint, priorem conjugem adhuc vivere, diffiçillimè, vel omnino nulla impetrabitur diſpenſatio, ut jam alibi inſinuatum fuit. Cæterùm, an ad revalidandum matrimonium opus ſit nova aſſiſtentia Parochi, dicitur inſrà n. 345.

221 Colliges 3. hoc impedimentum publicæ honeſtatis non oriri ex ſponſalibus de futuro 1. ſi ſint contracta à ſponſis irretitis aliquo impedimento v.g. voti caſtitatis, aut Religionis, cognationis, aſſinitatis, criminis, &c. quia talia ſponſalia

ſunt nulla, utpote de re illicita 2. Idem tenendum de ſponſalibus ex metu gravi initis, ſecundùm dicta ſuperiùs n. 33. Idem quoque tenendum, ſi ſponſalia ſint fide contracta, vel cum perſona indeterminata v.g. una ex filiabus Titii ; vel ſi ſint contracta à Parentibus nomine Filiorum aſſentium : quia etiam hæc, antequam à ſponſis ratificentur, ſunt nulla. 4. Denique idem dicendum de ſponſalibus ſub conditione de futuro initis ; quippe quæ ante impletam conditionem non ſunt propriæ, & ſimpliciter ſponſalia : atqui juxta dicta num. 210. ex ſponſalibus de futuro, ſi quacunq; demum ratione nulla ſint, nullum impedimentum publicæ honeſtatis oritur : ergo. Tid. Clericat. à n. 17. Maſtr. 4. diſp. 7. n. 488.

Dices. Demus igitur, Titium contraxiſſe ſponſalia ſub conditione de futuro cum Bertha, & non exſpectato eventu conditionis rursus alia, & quidem abſoluta contraxiſſe cum ipſius ſorore, nunquid incurrit impedimentum publicæ honeſtatis.

222 R. Nullum incurrit ; non enim ex prioribus ſponſalibus ; quia erant tantùm conditionata ; & conditio nondum adimpleta : neque ex poſterioribus ; quia hæc erant invalida ; tenebatur enim Titius exſpectare eventum conditionis, nec priùs cum alia potuit licitè contrahere matrimonium.

Dices iterum. At quid, ſi cum Bertha feciſſet abſoluta ſponſalia, & rursus alia abſoluta cum ipſius ſorore ?

223 R. Hæc 2. nulla eſſent, nec haberent vim inducendi impedimentum publicæ honeſtatis, vel irritandi priora, prout expreſſè ſtatuitur, cap. un. de ſponſal. in 6. Quare adhuc teneretur ducere priorem, ſcilicet Bartham. Si tamen ſororem Berthæ, vel etiam conſanguineam ejus in primo, vel ſecundo gradu cognoviſſet carnaliter copula perfectà, neutram ex illis ducere poſſet. Non Bertham, propter impedimentum aſſinitatis cum ea contractum : nec ſororem, immò nec conſanguineam ejus in primo gradu, propter impedimentum publicæ honeſtatis. Vid. Reiſſenſt. Theol. moral. diſp. 14. num. 130. Sporer, nu. 58. Cleric. num. 23.

224 Colliges 4. ex sponsalibus de præfenti, seu matrimonio rato non confurgere hoc impedimentum, si fuit contractum 1. vel cum errore personæ, vel 2. cum ignorantia qualitatis servilis, vel 3. ex metu gravi injuste incusso, vel denique 4. In amentia, ebrietate plena. Ratio patet ex dictis n. 201. quia non oritur hoc impedimentum, quando matrimonium est nullum ex defectu consensus: atqui in his omnibus casibus deficit consensus requisitus ad valorem matrimonii: ergo &c. Secus dicendum foret, si matrimonium fuisset nullum ex alio capite v. g. ob impedimentum cognationis, affinitatis, criminis, vel clandestinitatis; quia in his non deficit consensus. Pont. Perez, Hencx disp. 6. qu. 8. numer. 70. Mastr. cit. num. 494.

CONFERENTIA

DECIMA.

De Impedimento dirimente Affinitatis.

SUMMARIUM.

- 225 Affinitas est propinquitas Personarum quarum una cum consanguinea alterius habuit copulam carnalem.
- 226 Debuit esse copula carnalis perfecta; unde.
- 227 Probabiliter hoc impedimentum non incurritur, si solus vir semina- vit.
- 228 Affinitas contracta ex copula illicita usque ad secundum; ex copula verò licita usque ad quartum gradum inclusivè se extendit.
- 229 Traditur modus practicè dignoscendi distantiam unius Personæ ab alia, in gradu affinitatis.
- 230 Quo jure affinitas dirimat matrimo- nium?
- 231 Affinitas superveniens matrimonio quando privet jure petendi debitum?
- 232 Incessus debet esse voluntariè.

- 233 Et scienter commissus; ut privet &c.
- 234 In hac pœna dispensare valent 1. S. Pontifex 2. Episcopus, & 3. Confessorii Mendicantium ad hoc deputati &c.
- 235 Resolvitur Casus I. Mulieris, dubitantis de valore sui matrimonii, ad quòd in juventute sæpius peccaverit cum Fratre sui Mariti moderni.
- 236 Si dubitet an habuerit copulam perfectam, videtur in hoc casu præsumendum pro copula perfecta.
- 237 Ideòque usus matrimonii interdicendus.
- 238 Satisfit cuidam Infantile.
- 239 Si tamen talis Mulier haberet rationes probabiles, quòd non intercesserit copula perfecta, licitè uteretur suo matrimonio.
- 240 Resolvitur Casus II. de Marito, qui semel cum Patrina, & iterum cum Noverca suæ conjugis rem habuit.
- 241 Si Noverca non simul promissi matrimonium, poterit eam ducere post mortem modernæ uxoris.
- 242 Resolvitur Casus III de Puella, quæ post sponsalia carnaliter peccavit cum fratre sui sponsi.
- 243 Propterea tenebatur abstinere à matrimonio, quousque impetraret dispensationem.
- 244 Vir, & Mulier se cognoscentes, non sunt affines &c.
- 245 Affinitas semel contracta, perpetuò durat.
- 246 Ex solis tactibus, quantumvis lascivis, non confurgit.
- 247 Maritus peccando cum sanguinea Uxoris in tertio aut quarto gradu, non amittit jus petendi debitum.
- 248 Neque amittit, si peccet cum propria consanguinea.
- 249 Nec Uxor amittit, quæ ignoranter commisit incestum.
- 250 In praxi non est statim concludendum, quòd pœnitens amiserit jus petendi debitum.
- 251 Dato etiam, quòd amiserit illud, nihilominus licitè alteri parti offert, usum sui corporis.

§. I.

Præmittuntur, & breviter resolvuntur quæstia, scitu necessaria ad resolvendos Casus de impedimento Affinitatis.

QUÆRES 1. quid sit Affinitas, & quod duplex?

225 R. Affinitas est propinquitas duarum personarum, quarum una cum consanguinea alterius habuit copulam carnalem. Ita Navarrus cum *communī DD.* Duplex autem est, & adhuc viget affinitas, una, quæ ex toro illegitimo, seu copula fornicaria extra matrimonium oritur, prout videbimus. Sed

Quær. 2. Qualis requiratur copula, ut inde oriatur affinitas?

226 R. requiritur copula carnalis perfecta, per se sufficiens ad generationem, nempe facta cum penetratione, & immixtione seminis intra vas naturale scemineum. Rationem dat Sporer. n. 72. quia per omnem & solam talem copulam vir, & scemina fiunt una caro, unumque principium generationis, in qua unitate fundatur propinquitas, & affinitatis impedimentum. Nihil tamen refert, an scemina sponte consenserit, an verò fuerit invita, ignara, dormiens vel etiam insana &c. dummodo intervenerit copula perfecta, prout colligi potest ex *cap. discretionem 6. de eo qui cognovit* Mastr. 4. disp. 7. n. 477. Reiffenst. lib. 4. tit. 14. n. 44. Laym. Cleric. decis. 31. num. 3.

Dices. At quid, si solus vir, non item scemina semina vit.

227 R. Adhuc oriri impedimentum affinitatis, censent Sanch. Pont. Reiffenst. cit. n. 43. æquè tamen probabiliter hoc negant Hurtadus, Mastr. sec. cit. & alii. Ratio est: quia, ut ait Clericat. cit. n. 7. secundum principia juris Canonici *e. lex divina 27. q. 2.* requiritur seminum commixtio; & secundum principia Medices, scemineum etiam semen ad generationem necessarium reputatur, & ad hunc finem fuit à natura institutum; unde Paulus Zachias insignis Medicus, relatus à Clericato, non veretur dicere, oppositum esse apud Me-

dicos hæreticum: at si scemina non seminavit, nulla fuit facta commixtio seminum: ergo in hoc casu probabilius non oritur impedimentum affinitatis. Quare nullus dubito, quin huic sententiæ saltem in foro conscientie possit esse locus: tum quia aliunde constat, hoc impedimentum velut odiosum quid, esse restringendum potius, quàm extendendum; tum etiam quia, ut Cardenas, la Croix n. 533. Tamb. Krimer, Kugler, n. 1050. Pichler, & alii docent, in dubio de impedimento contracto, præsertim juris humani, præsumendum est pro nullitate impedimenti, & pro libertate volentium contrahere. Vid. etiam Gobat tr. 9. n. 390.

Quær. 3. quousque se extendat hoc impedimentum?

228 R. cum distinctione. Si enim proveniat ex copula licita in matrimonio, jure novo jam se extendit solum usque ad quartum gradum inclusivè, prout expresse statuitur *c. Non debet 8. h. t.* Si autem ortum fuerit ex copula illicita seu fornicaria, ex constitutione Concilii Trid. ss. 24. de reform. matr. c. 4. solum extenditur usque ad secundum gradum inclusivè, & non ultra. Ita communiter DD.

Quær. 4. quomodo practicè procedendum, ut dignosci queat, an, vel quoto gradu affinitatis una persona distet ab altera?

229 R. cum P. Gobat. tr. 9. nu. 400. ad hoc dignoscendum observanda erunt sequentia 1. Itaque si v. g. Cajus, & Cajo sponsi dubitent, oportebit indagare, an Cajo habuerit copulam carnalem, & quidem perfectam, cum una ex consanguineis Cajo, an verò Cajo talem habuerit cum uno ex consanguineis Cajo? si dicant, quod non, certum jani erit, nullum inter eos versari impedimentum dirimens affinitatis. 2. Si autem alterutra saltem pars fateatur, se habuisse talem copulam, mox considerandum erit, an fuerit licita, an verò illicita, & fornicaria; quia hæc duntaxat ad secundum, illa autem usque ad quartum gradum se extendit. Unde tertio tandem erit attendendum, in quoto gradu consanguinitatis illa persona, quam v. g. Cajo cognovit, sit conjuncta Cajo (hoc autem facile poterit colligi ex arbore consan-

gui-

guinitatis, modo superius *n. 130. tradito*) nam in eodem gradu affinitatis Cajus erit conjunctus sponsæ. Ex. gr. Si Sempronia, quam Cajus fatetur cognovisse, fuit conjuncta Cajæ sponsæ in secundo gradu consanguinitatis, pariformiter Cajus erit in secundo gradu affinitatis conjunctus sponsæ suæ Cajæ. Si in primo, Cajus contraxit cum sponsa affinitatem in primo gradu. Vid. etiam de hoc Reiffenst. *cit. n. 52. vel in Theol. mor. tr. 14. disp. 14. n. 120.*

Quer. quinto, quo jure affinitas dirimat matrimonium?

230 R. Multi, etiam magni nominis Doctores (ut videre est apud Kugler *n. 1893.* existimant, quod affinitas saltem in primo gradu lineæ rectæ dirimat jure naturæ; probabilius tamen videtur, dirimere solum jure ecclesiastico. Et ita tenent Scot. Mastr. Bosco, Herincx, & alii Scotistæ communiter, contra Reiffenst. Ratio autem est: quia inter affines nulla reperitur superioritas vel conjunctio sanguinis: ergo usus matrimonii inter illos non repugnat reverentiæ sanguini debita, nec tantæ turpitudinis censeretur debet, ut matrimonium ipso jure naturæ dirimat, quamvis, si sine justa causa affines contrahant, nonnulla videatur intercedere irreverentia, ait Herincx *disp. 6. n. 65.* Vid. etiam Kugler *cit. l.* ubi hanc sententiam pluribus probat rationibus.

Quer. sexto, an; vel qualis affinitas imediat petitionem debiti conjugalis?

231 R. Affinitas superveniens matrimonio, contracta ex incestu cum consanguinea (vel consanguineo) conjugis in primo, vel secundo gradu *voluntariè*, & *scienter* commissio, inducit pœnam, seu privat jure petendi debitum, ita, ut si Maritus scienter commisit talem incestum cum consanguinea uxoris suæ in primo vel secundo gradu, ut puta cum ipsius Avia, Matre, sorore, vel filia &c. sua mortali teneatur abstinere à petendo debito (idem dic de uxore incestuosa) etsi adhuc debitum reddere teneatur alteri parti petenti; quia innocens sine sua culpa non debet sentire pœnam. Ita statuitur expressè *variis cap. toto titulo. de eo, qui cognovit &c.* Estque *communissima* DD. te-

ste Sporer *n. 83.* Nec refert, sitne incestus notoriè, vel occultè commissus; quia in utroque casu contrahitur affinitas cum conjugem, in qua fundatur hæc pœna privationis debiti, ut observat Sanchez, Laym. & alii communiter.

232 Dictum tamen fuit, hanc pœnam incurri propter *incestum voluntariè commissum*; quia juxta *cap. discretionem. 6. de eo, qui cognovit &c.* nemo sine sua culpa debet privari jure aliàs sibi competente: at si uxor v. g. vi supprimatur à consanguineo marito, non censetur culpabiliter admisisse incestum: ergo. Idem dicendum foret, si ex gravi metu admisisset copulam: quia non videtur præsumendum, quod Ecclesia velut pia Mater, velit tam gravi pœna animadvertere in conjugem gravi metu coactam ad frangendam tori fidem. Laym. Tambur. Illung. *disp. 9. n. 134.*

233 Additum insuper fuit, hanc pœnam incurri propter incestum *scienter* commissum. Etenim Sanchez. *l. 9. d. 32. n. 43.* Gobat *tr. 10. n. 603.* Herincx *disp. 7. n. 8.* cum aliis probabilibus tenent, ignorantiam tam facti quam juris (dummodo non sit affectata) excusare ab hac pœna, quemadmodum excusat ab aliis. Idcirco si quis ignoret, hanc personam cum qua peccat, esse consanguineam suæ uxoris, vel certè, si ignoret, huic crimini de jure esse annexam pœnam privationis petendi debitum, tuta conscientia potest adhuc petere debitum; quod pro praxi est bene notandum.

Quer. tamen septimò, quinam dispensare valeant cum incestuoso in hac privatione petendi debitum conjugale?

234 R. cum P. Reiffenst. *in append. ad quartum lib. Decr. 6. 12. à n. 565.* Hæc potestas competit. 1. non tantum summo Pontifici, sed etiam 2. Episcopo, & 3. Sede vacante Capitulo, saltem vi consuetudinis quæ tribuit jurisdictionem. *c. cum contingat. de foro competent. 4.* Insuper Confessarii regulares Mendicantium, à suo Provinciali ad hoc munus deputati, possunt dispensare cum tali incestuoso, etiam absente, in ordine ad petendum debitum. Ratio est: quia ut jam supra *n. 71.* notatum fuit, hæc facultas dispensandi nedum vivæ vocis oraculo

eulo sed etiam per specialem Bullam Eugenii IV. concessa est Benedictinis Congregationis Cassinensis (quo privilegio etiam Mendicantes gaudent) anno 1436. pridie Calendas Julii. Et hinc potestatem esse concessam, postea declaravit Iulius II. prout videre est apud Reiffenst. cit. n. 572. Unde Gobat tr. 10. n. 604. rectè ait. Si Parochus scribat tali Religioso (ex Mendicantibus) à suo Superiore specialiter deputato: *peto à R.V. ut dispenset cum NN. in debiti petitione*, erit res salva, cum Confessarius rescripserit: *dispenso*, dummodo subsit rationabilis causa; quæ vix unquam deerit; tum ob periculum infamationis, contentionum, vel alia mala declinanda: Monet etiam Portef. tom. 1. *Respons. moral. part. 1. cas. 2.* talibus imponendam esse gravem penitentiam. Vid. de hoc Sanchez. lib. 8. disp. 16. n. 8. Quintanadven. Singular. tr. 9. singul. 2. à n. 6. Sporer. n. 483. Herincx de Matr. disp. 7. n. 13. Kugler. n. 1333.

§. II.

Proponuntur, & breviter resolvuntur
Casus practici de impedimento
Affinitatis.

CASUS PRIMUS.

Titia fateatur, se continuis exagitari scrupulis, eoquod in juventute sua, prius quam de matrimonio inveniundo quidquam cogitaverat, à quodam juvene seducta, sæpius sui corporis copiam eidem fecerit, nuper autem ejusdem fratri nupservit. Hinc postulat scire 1. quid sibi de valore sui matrimonii tenendum? 2. an possit tuta conscientia uti matrimonio?

235 R. Ad primum. Si habuerunt copulam perfectam, matrimonium nullum est; sin autem imperfectam tantum, valet matrimonium, prout jam sequitur patenter ex præmissis. Cæterum ut Confessarius vel Parochus &c. dignoscat, an habuerint perfectam, nec ne? oportebit indagare 1. quot annorum tunc fuerit, dum peccavit? si enim annos pubertatis ipsa, vel saltem juvenis tunc temporis nondum attingisset, non præsumeretur

habuisse copulam perfectam, prout cum aliis notat Gobat cit. tr. 9. n. 395. secundò Oportebit indagare, an non impediverint generationem, dispergendo scilicet semen extra vas; quod sane frequenter nimis faciunt personæ solutæ, ne patefacto delicto incurrant notam infamiæ. Et siquidem fateantur, se hoc, vel alio modo impedivisse, rursus concludendum erit, quod nullam contraxerint affinitatem, ideoque matrimonium valeat.

Dices: Atquid, si Titia fateatur, & se & complicem criminis, tunc temporis jam superasse quidem annos pubertatis, dubitare tamen, an generationem impediverint, vel copulam perfectam habuerint, vel etiam an tunc satis intellexerint, quid ad copulam perfectam requiratur?

236 R. Si dubitet, an impediverint generationem &c. præsumendum videtur pro copula perfecta, ideoque pro impedimento affinitatis, & nullitate matrimonii. Ratio est: quia ex communiter contingentibus fit prudens præsumptio: communiter autem contingit, ut personæ jam puberes habeant copulam perfectam, præsertim si sæpius repetant, nec impediant generationem. Quia de causa post Sanchez, Gobat, & alios, Clericatus decis. 31. n. 7. bene docet, in foro externo, ubi constat de congressu viri cum femina, & de copula cum ea exercita, ulterius non esse indagandum, sed pronuntiandum pro impedimento affinitatis, & præsumpta seminum effusione, ac commixtione: atqui etiam in foro interno tenemur nos accommodare præsumptioni fori externi, quando non constat, hanc esse falsam; ergo in hoc casu videtur standum pro nullitate matrimonii, & per consequens ex hac suppositione.

237 R. ad secundum, Titiam uti non posse matrimonio; quia, ut dicitur num. 419 quando conjux est moraliter certus de nullitate sui matrimonii, in nullo casu licet ipsi petere, aut reddere debitum; quia fornicaretur: quod est malum intrinsecum.

Dices rursus: post matrimonium semel contractum, præsertim bona fide, semper præsumitur pro valore ipsius, quamdiu certò non constat, fuisse contractum cum

cum impedimento : at in nostro casu certò non constat de impedimento : ergo &c.

238 R. neg. min. in hoc enim casu moraliter certò constat de impedimento ; quia constat de copula carnali, & quidem sæpius iterata inter puberes &c. Quare cum talis communiter, seu regulariter semper consueverit fieri cum effusione, & commixtione seminum ; hinc merito præsumitur fuisse facta, nec pro opposito habetur prudens argumentum, ait la Croix. n. 537.

239 R. Tamen secundò, quodsi Titia haberet prudens motivum, credendi, se nunquam habuisse copulam perfectam, vel si sciret, se non seminasse &c. posset absque scrupulo uti matrimonio, nedum reddendo, sed etiam petendo. Ratio est : quia ex hac suppositione posset prudenter & rationabiliter credere, se non incurrisse impedimentum, ideoque validè contraxisse matrimonium : qui autem prudenter & probabiliter putat matrimonium esse validum : licitè petit debitum ; tum quia stat possessio pro illo ; tum etiam, quia sicut in aliis, ita etiam in hac materia, ubi tantum agitur de honestate actus, licitè sequi potest sententiam probabilem, juxta communissimam DD. Ad idque rectè Averſa q. 21. sed. 2. §. ult. apud la Croix n. 299. adhuc petere posse, etiamſi opinio pro invaliditate esset probabilior. Vid. la Croix à n. 297.

CASUS SECUNDUS.

Sempronius rem habuit semel cum Patrina sua, & iterum cum Noverca propria conjugi. Dubitat proin, & querit 1. an deinceps sibi liceat ab uxore petere debitum? 2. an casu quo uxor propria (qua actu periclitatur in partu) moreretur, an posset ducere Novercam, quippe quam suspicatur à se imprægnatam?

240 R. Ad primum. Potest Sempronius petere debitum. Ratio est : quia nec Noverca, nec Patrina (ut suppono) fuit consanguinea uxoris : licet ergo peccando cum Patrina commiserit adulterium incestuosum, propter cognitionem spiritualem vi baptismatis cum ea contractam ; cum tamen nullam per hoc contra-

xit affinitatem, hinc nec incurrit penam privationis petendi debitum. Tametsi Uxor conscia adulterii à Sempronio commissi, posset de jure eidem negare debitum ; ut dicimus infra n. 387. Vid. etiam la Croix n. 597.

241 R. Ad secundum. Potest Sempronius mortua conjuge ducere Novercam illius, si huic ante, vel post adulterium commissum non promisit matrimonium. Non enim incurrit impedimentum criminis ; quippe ad quod non sufficit solum adulterium, nisi accedat vel machinatio mortis, vel promissio matrimonii, secundum dicta n. 159. & 160. Neque incurrit impedimentum affinitatis respectu Novercæ ; quia per copulam cum uxore propria exercitam, factus est solum affinis consanguineis uxoris : Noverca autem non est consanguinea. ergo.

CASUS TERTIUS.

Caja post sponsalia peccavit carnaliter cum fratre germano sponſi ; & quia sponſus vult proximè celebrare matrimonium in facie Ecclesiæ ; hinc multum anxius, utpote timens vel Dei offensam, si consentiat, vel coram hominibus infamiam, si non consentiat, sciscitatur, an non possit nubere sponſo suo? Rationem dubitandi allegat geminam. 1. quòd à fratre sponſi fuerit quodammodo violenter adaſta ad peccandum. 2. quòd semen ab eo receperit quidem, statim tamen rursus profuderit, ne forte gravida incurret notam infamiae coram hominibus. Quid Caja respondendum?

242 R. Sine dispensatione non potest validè consentire, & contrahere matrimonium cum Cajo, propter impedimentum affinitatis contractum. Nec enim obstat, vel excusat 1. quòd invita, & quasi violenter adaſta fuerit ad peccandum, nec 2. quòd semen receptum mox effuderit : quia recepto semel semine copula jam fuit perfecta, & de se sufficiens ad generationem, ideoque contractum impedimentum, ut notat Sporer n. 72. quòd autem receptum statim effuderit, est per accidens. Secùs dicendum foret, si constaret, quòd ipsa non seminasset, prout jam dictum fuit n. 227.

Dices,

Dices. Quid ergo Consilii in hoc casu?
 243 R. 1. vel abstinendum erit à matrimonio; vel 2. si absque detrimento, aut nota infamiae abstinere nequeat procuranda dispensatio prius, quam matrimonium celebretur in facie Ecclesiae: vel denique 3. si ob periculum gravis nocumendi aut infamiae res motam non patiatur, & sponsus urgeat nuptias solemniter celebrandas &c. sponsa erit instruenda, ut consentiat, animo tamen faciendi, quantum pro hic & nunc potest, atque abstinendi ab omni actu venereo, quousque dispensationem obtinuerit. Quinam verò in tali casu dispensare valeant dicemus *numer. 491. &c. seqq.*

§. III.

Corollaria ex dictis inferenda.

244 **C**olliges ex dictis 1. Virum non fieri affinem mulieri carnaliter à se cognitæ, nec vicissim mulierem viro: quia vir & mulier sese cognoscentes, dicuntur potius principium affinitatis, & stipes communis, ex quo affinitatis gradus numerantur, & distinguuntur, prout cum aliis notat Schmalzgr. *lib. 4. tit. 24. n. 68.* Vir ergo solum fit affinis consanguineis mulieris à se carnaliter cognitæ, ac vicissim mulier fit affinis solis consanguineis viri, & quidem in eo gradu affinitatis, in quo gradu consanguinitatis consanguinei distant à viro: ipsi autem consanguinei inter se non contrahunt affinitatem, nisi indirectam, quæ defectio non amplius habet vim inducendi impedimentum inter eos. Hinc nihil obstat, quò minus Pater, & Filius ducant viduam matrem, & ejus Filiam, vel duo fratres duas sorores alterius familiæ, vel etiam idem vir successivè duas viduas, quarum mariti germani fratres fuerunt; quia universim inter duas personas virgines, seu etiam inter tales, quarum una non habuit copulam carnalem cum alterius consanguinea nulla intercedit affinitas, prout cum *communis DD. tenent Sporer numer. 78. Sanchez. Basil. Pont. Lessius, Clericat. dec. 31. numer. 9.*

245 Colliges 2. Affinitatem semel contractam perpetuò perseverare. Hinc Mari-

tus (sine dispensatione) nunquam amplius ducere potest uxoris forem, matrem, vel etiam filiam ex sorore natam, etiam post mortem uxoris. Ratio est: quia hoc impedimentum oritur immediatè ex commixtione corporum semel facta inter virum, & mulierem: ergo quemadmodum commixtio semel facta, est quodammodo perpetua; quia semel factum insectum fieri nequit; ita, & affinitas inde consequens perpetuò durat. Ita teste Sporer. *communis DD. apud Tambur. hic tr. 1. c. 12 §. 1. à numer. 10.*

246 Colliges 3. nullam contrahi affinitatem, ex sola copula etiam vase penetrato facta, semine tamen viri vel omnino non, vel extra vas muliebri diffuso.
 2. Neque ex copula sodomitica, vel alia quacunque pollutione extra vas generationi deputatum facta; multò minus ex tactibus quantumvis turpibus, & lascivis.
 3. Neque ex solo matrimonio rato.
 4. Neque ex copula, in qua sola femina seminavit. Ita Reiffenst. *lib. 4. tit. 24. à n. 39.* Ratio horum est: quia affinitas non oritur, nisi ex copula perfecta, de se sufficiente ad generationem, atqui omnia modò recensita non sufficient ad generationem, prout consideranti patebit: ergo.

247 Colliges 4. Maritum, qui peccat cum uxoris suæ consanguinea in tertio vel quarto gradu, non incurrere pœnam privationis petendi debitum ab uxore. Ratio est: quia hanc pœnam solum incurreret propter affinitatem cum uxore contractam; eò quòd indecens videatur, ut affini commisceatur: atqui post constitutionem Concilii Trid. *ss. 24. c. 4. de reform. Matr.* ex copula illicita solum contrahitur affinitas cum consanguineis cognitæ in primo, & secundo gradu, & non ultra: ergo non privatur jure petendi debitum. Vid. Sanchez *lib. 7. disp. 67. n. 8.* Clericat. ubi suprà *n. 28.* Kugler *n. 1321.*

248 Colliges 5. hanc pœnam neque incurri à Marito, qui peccat cum propria sua Consanguinea, vel primi, vel secundi gradus: idem dicendum de uxore peccante cum proprio consanguineo. Ratio est eadem: quia hæc pœna privationis petendi debitum, solum incurritur propter incestum & af-

& affinitatem contractam cum altero conjugē : at si peccet cum proprio consanguineo , non contrahit affinitatem cum conjugē , licet cæteroquin hoc peccatum sit gravius : ergo &c. Laym. lib. 5. tr. 10. part. 4. c. 5. n. 3.

249 Colliges sextò , non fuisse privatam , vel privandam hoc jure petendi debitum illam uxorem , quæ prima nocte post nuptias celebratas , putavit sibi rem esse cum Marito , re ipsa autem fuit cognita à Leviro , seu Fratre Mariti . Ratio est : quia secundum dicta n. 233. hæc pœna solum incurritur propter incestum scienter commissum : atqui hæc Mulier non commisit incestum scienter : ergo , &c.

250 Colliges tandem septimò , quod si in praxi obtingat penitens , sese accusans de peccato carnali commissio cum consanguinea sponsæ suæ , vel etiam uxoris , non statim concludendum sit , eum incurrisse impedimentum affinitatis , vel amississe jus petendi debitum , sed quàm cautissimè indagandum , seu interrogandum esse , primò , an cum consanguinea sponsæ vel Uxoris in primo , vel in secundo gradu peccaverit ; quia ultra hos gradus ex copula illicita non extendit se affinitas : secundò inquirendum erit vel maxime , an habuerit copulam perfectam - in qua non solus vir , sed & femina seminavit : hujus autem indicium est , si tempore coitus vel conceptus , vel prope , paulò ante , vel post senserit magnam voluptatem : è contra si nullam aut exiguam voluptatem sensit (judicio Medicorum apud Dicastillo disp. 8. de Matr. dub. 34. n. 357. Gobat , tr. 9. n. 391. Sporer & alios) signum est non defluxisse ex ea semen ; de hoc proin femina circumspèctè non minùs , quàm cautè erit examinanda ; quia si talis copula non intercessit , probabiliter non contraxerunt affinitatem , juxta opinionem DD. mox relatorum : Tertiò an conjux peccati reus sciverit , huic crimini esse annexam pœnam privationis petendi debitum ; quia ignorantia juris , vel etiam facti (quæ non rarò intervenit) excusat ab hac pœna , juxta superius dicta .

Dices adhuc . Quid si verò conjux fateatur , se non ignorasse pœnam privatio-

nis huic facto annexam , timere tamen , ne si deinceps contra morem solitum abstinere à petendo debito , reddatur suspectus Uxori , aut certè onerosus , eò quod ipsa præ verecundia non audeat petere debitum ?

151 R. cum Soto , Ledesma , Sanchez , l. 9. disp. 7. Laym. Sporer , n. 483. & aliis . In tali casu licebit ei se modestè insinuarè ad debitum , & quidem in gratiam conjugis v. g. dicendo , an non placeat ? &c. Ratio est : quia hæc pœna cum tanto rigore introducta non fuit ab Ecclesia , ut cum gravi periculo infamiæ , vel etiam gravi incommodo conjugis innocentis portari debeat . Vid. DD. cit.

CONFERENTIA

UNDECIMA.

De Impedimento dirimente Impotentia , & Ætatis .

SUMMARIUM.

- 252 Impotentia coeundi est impedimentum dirimens .
- 253 Notatur triplex impotentia .
- 254 Ut dirimat , debet esse 1. antecedens 2. & perpetua , & 3. absoluta aut absolute reddat inhabilem .
- 255 Quid si ex post facto oriatur dubium , an impotentia præcesserit Matrimonium ?
- 256 Defectus ætatis impotens censetur , Juvenis ante annum 14. & Puella ante annum 12. completum .
- 257 Si tales attentare præsumant Matrimonium , per se loquendo graviter delinquant .
- 258 Et quid , si malitia suppleat ætatem ?
- 259 Impotentia ætatis dirimit solum jure Ecclesiastico .
- 260 Impotentia autem orta ex defectu corporis , jure naturali .
- 261 Solvitur quedam Instantia contra hoc facta .
- 262 Resolvitur Casus 1. de Viduo , qui post secun-

- secundum Matrimonium celebratum advertit se impotentem, & propterea iudicio Ecclesiæ fuit divorciatus.
- 263 Si ex post facto constaret, fuisse erratum in iudicio, teneretur talis redintegrare Matrimonium.
- 264 Resolvitur Casus II. de sponso, qui volens contrahere, dubitavit, an esset potens?
- 265 Si sit probabiliter potens, Parochus licitè assistit;
- 266 Immo tenetur assistere Matrimonio, si notitiam de impotentia dubia hausit ex sola confessione.
- 267 Solvitur instantia, & redditur ratio, cur in tali dubio liceat contrahere;
- 268 Resolvitur Casus III. de Marito, qui suam Uxorem post primum puerperium non amplius potuit cognoscere.
- 269 Huic licitum est conari ad copulam, quamdiu affulget probabilis spes, eam aliquando perficiendi.
- 270 Matrimonia sterilitum valent;
- 271 Non item Eunuchorum, utroque teste carentium.
- 272 Si Maritus evadat Eunuchus, multi tenent, eum licitè uti matrimonio.
- 273 Quid de valore Matrimonii à senibus?
- 274 Vel etiam ab infirmis contracti?
- 275 Si certò constet, Matrimonium cum impotentia perpetua fuisse contractum nullitas per se loquendo debet intimari.
- 276 Subinde tamen per accidens oportet dissimulare veritatem.
- 277 Conjugibus dubitantibus de impotentia, permittitur spatium triennii ad tentandum &c.
- 278 Mulier, quæ semper cum periculo vitæ, vel etiam proles mortuas consuevit parere, hoc non obstante validè contrahit: an etiam licitè?

§. I.

Præmittuntur, & breviter resolvuntur quæsitæ, scitu necessaria ad ritè resolvendos Casus de impedimento Impotentia, & Ætatis.

QUÆRES 1. quid intelligitur per impedimentum impotentia?

252 R. Intelligitur impotentia coeundi,

seu defectus corporis, & inhabilitas ad habendam perfectam copulam conjugalem, unde qui perfectam exercere possunt copulam; esto ob sterilitatem laborent impotentia generandi, non tamen sunt inhabiles ad contrahendum matrimonium, prout communiter notant DD.

Quær. Secundò, quocumque sit impotentia?

253 R. Quantum ad nostrum attinet propositum, triplex attendi potest ac debet; alia namque est 1. antecedens, alia consequens 2. Alia perpetua, alia temporalis tantum 3. Rursus alia absoluta: & alia respectiva. Antecedens dicitur, quæ jam existit ante contractum matrimonium, consequens verò, quæ matrimonio contracto primum supervenit. Perpetua censetur illa, quæ absque miraculo, vel certè per medium aut medicamentum naturale, sine gravissimo morbi, vel etiam vitæ discrimine, vel denique absque peccato v. g. superstitionis tolli nequit (esto tolli posset per remedium supersticiosum, aut periculosam valde incisionem foeminae &c.) quia talis impotentia censetur incurabilis, idèdque perpetua; unde cum aliis pluribus Sanchez lib. 7. disp. 93. numer. 20. bene insert, non teneri mulierem pati, nec virum expectare eventum tam periculosa incisionis, sed petita solutione matrimonii tanquam irriti, posse conjugem potentem transire ad alias nuptias: è contra si tolli posset per medium naturale non tam difficile, vel per ordinarios Ecclesiæ exorcismos in maleficiatis, impotentia solum censetur temporanea. Absoluta impotentia dicitur, qua vir impeditur respectu cujuslibet foeminae (aut foemina respectu cujuslibet viri) ita, ut cum nulla possit exercere copulam perfectam: respectiva autem dicitur, qua impeditur solum respectu hujus vel illius personæ, & non respectu omnium. Ita DD. communiter.

Quær. tertio, qualis impotentia dirimat matrimonium?

254 R. cum communè DD. Impotentia, ut matrimonium dirimat, debet esse 1. antecedens 2. perpetua, & 3. absoluta; respectiva enim non dirimit, nisi respectu personæ, cujus impotens est. Ratio primi desu-

desumitur ex c. *Hi*, qui 32. q. 7. item cap. *si uxorem* 32. qu. 5. ubi satis clarè deciditur, impotentiam, quæ matrimonium subsequitur, non dirimere; quia potestas semel data non adimitur per hoc, quòd superveniat impedimentum utendi potestate, ut patet in Conjugibus Religionem professis post matrimonium. Ratio secundi desumitur ex cap. *Fraternitatis de frigid. & malefic.* quia nimirum de ratione matrimonii non est, ut Conjuges possint semper habere copulam perfectam, sed solum ut sibi conscrant potestatem ad aliquando habendam, seu quæ possit haberi aliquando saltem. Ratio terti est hæc: quia si v. gr. Vir sit solum impotens respectu hujus, non verò alterius personæ, nihil obstat, quin potestatem corporis sui alteri personæ tradat: ergo impotentia respectiva non dirimit matrimonium, nisi respectu illius personæ, respectu cujus vir est impotens: Ita communis DD. apud Sanchez cit. a. n. 8. Cæterum personæ impotentes habentur, & recensentur sequentes 1. Qui nimis sunt calidi 2. Nimirum frigidi 3. Maleficiati, seu maleficio redditii impotentes 4. Mulieres nimis ætææ 5. Impuberes ante legitimam ætatem (horum tamen impotentia censetur solum temporalis) 6. Senes nimia ætate perfecti, & viribus destituti 7. Eunuchi seu Spadones testibus destituti 8. Hermaphroditæ. Hi omnes, quandonam vel qua de causa impotentes, & per consequens, inhabiles ad matrimonium habeantur, videri potest apud Clericatum decis. 32. a. n. 8. ubi diffusè, & fundatè de hac materia discurret.

Dices. At quid, si dubium oriatur, utrùm impotentia præcesserit matrimonium, an verò fuerit subsecuta?

255 R. Sanchez lib. 1. disp. 18. n. 6. & alii plures volunt, præsumendum esse, quòd sit orta post matrimonium; eò quòd in dubio semper sit standum pro valore actus, seu etiam matrimonii contracti, uti habetur c. *licet ex quadam de Testibus*, & *Attest.* Verùm Bonacin. Laym. Engel. Reiffenst. cit. tit. 15. n. 48. probabilius existimant, præsumendum esse, quòd præcesserit; tum quia tunc solum in favorem matrimonii pro hujus valore præsumitur, quando potest consummari, & obtineri si-

nis matrimonii, nempe generatio prolis, tum etiam, quia per hoc consultitur bono prolis, & evitatur periculum incontinentiæ ex parte conjugis potentis, dum huic conceditur potestas transeundi ad alia vota. Idipsum præsumendum existimat Reiffenst. lib. cit. n. 29. Casu quo constat, impotentiam esse ortam ex maleficio, vel mutilatione membri &c. Sporer tamen n. 125. cum Gobat ait, in tali casu (ubi scilicet constat, impotentiam ortum trahere ex maleficio) minimè tutum, esse, ut separarentur tales conjuges. Quare oportebit, ut in simili casu Confessarius cautè procedat, nihil auctoritate propria decida, sed potiùs taliter dubitantes mittat ad RR. Consistorium, vel Consilium Ecclesiasticum. Vid. de hoc Gobat. tr. 9. a. nu. 410. Kugler a. n. 2083.

Quæ. 4. quoniam defectu ætatis censentur impotentes, ac proin inhabiles ad matrimonium?

256 R. Defectu ætatis impotentes censentur juvenes, qui nondum compleverunt annum decimum quartum, item fœmellæ ante completum annum duodecimum. Ita statuitur c. *continebatur*. Item C. *Attestationes de dispensat. impub.* Ratio autem est: quia Ecclesia pro inconvenienti habet, matrimonium contrahi ab iis, qui nondum pubertatem, & generandi potentiam affecti sunt; atqui masculi ante completum annum 14. & fœmellæ ante annum duodecimum completum plerumque non assequuntur potentiam generandi: ergo.

257 Hinc si impuberes attentent contrahere matrimonium de præsent, nullus est contractus (nisi malicia supleat ætatem) immò tales probabilius peccant mortaliter contrahendo; quia in materia gravi agunt contra præceptum Ecclesiæ Basil. Pont. Hurtad. Clericat. cit. n. 38.

258 Dixi tamen per parenthesis: *nisi malitia supleat ætatem*. Etenim, si certis constet indiciiis, puerum, & puellam ante dictam ætatem, & usum rationis ad eum contractum ineundum sufficientem, & etiam pubertatem, seu copulæ carnalis potentiam affecturos esse, nequaquam à matrimonio repellendi erunt, ut caveatur cap. de illis 9. cap. ult. de dispensat. impub. Quo casu tamen licentia ab Episcopo

po (non, nisi ob urgentissimam causam danda) impetranda erit; secus probabilis peccabunt mortaliter; quia Ecclesia tale matrimonium ob impubertatis tempus fieri prohibet graviter, nisi ob causam legitime approbatam, utique ab Episcopo, inquit Sporer. n. 132. Vid. Kugler, n. 2117.

Quæ. quintò, quo jure impotentia dirimat matrimonium?

259 R. 1. Impotentia proveniens ex defectu ætatis dirimit solum jure ecclesiastico. Ratio est: quia ut jam superius notatum est, hæc impotentia est tantum temporalis, & non perpetua: ergo sponsi impuberes possunt sibi tradere jus ad copulam aliquando saltem habendam. Quod autem jure ecclesiastico dirimat, patet ex c. Ubi. De despons. impub.

260 R. secundò. Impotentia proveniens ex defectu corporis, dirimit jure naturæ, ideoque dispensari non potest. Ita communissima DD. apud Kugler n. 2047. Ratio irretrahibilis videtur hæc: quia de essentia contractus matrimonialis est, ut conjuges sibi tradant jus ad copulam, ideoque & corpora ad copulam, saltem aliquando exercendam apta: atqui impotens, hoc ipso quod talis sit perpetuo (ut supponimus) nequit tradere corpus aptum ad copulam aliquando habendam: ergo &c. Quæ ratione Mastr. 4. disp. 7. n. 416. merito matrimonium cum impotente contractum, vocat chymericum.

Dices. Impotentia matrimonio super-veniens, illud non dirimit: ergo de essentia matrimonii non est, ut conjux tradat, vel habeat corpus aptum ad generationem.

261 R. disting. conf. Non est de essentia matrimonii in facto esse, conced. De essentia matrimonii in fieri, neg. conf. Sic etiam ad matrimonium in fieri, seu, ut valide fiat, requiritur, ut sponsi non sint irretiti impedimento affinitatis & tamen affinitas superveniens matrimonio, illud non dirimit.

§. II.

Proponuntur, & breviter resolvuntur Casus practici de impedimento impotentiae.

CASUS PRIMUS.

Titius viduus matrimonium celebravit cum Titia: post contractum animadvertit, se impotentem ad dimittendum semen intra vas, duravitque hæc impotentia ultra triennium, nec tolli potuit per media naturalia, neque per spiritualia, quamvis Titius interim non raro senserit se incallescere ad alias mulieres, & polluit in somno. Tandem re ad Ordinarium delata, matrimonium fuit declaratum nullum, & Titiae data potestas transeundi ad alia vota. Unde contigit, ut Titius cum alia peccaret; & quia hanc imprægnavit, hinc vult eam ducere in uxorem. Queritur proin, an possit, an verò teneatur redire ad priorem conjugem?

262 R. Non tenetur redire ad priorem, sed potest ducere secundam, quam imprægnasse fertur. Ratio est: quia pensatis omnibus circumstantiis in casu allatis, Titius respectu prioris fuit impotens ex maleficio: impotentia autem ex maleficio orta, si per media ordinaria, vel ordinarios Ecclesiae exorcismos tolli nequeat, merito censetur perpetua: ideoque dirimens matrimonium: ergo matrimonium cum Titia contractum ab initio fuit nullum, proindeque cogi non debet, ut ad priorem redeat, præsertim cum supponatur jam imprægnasse secundam, Sanchez lib. 7. disp. 94. Krimmer n. 1311. & alii apud la Croix. n. 804. Clericat. n. 35.

263 Supponimus tamen in hoc casu, impotentiam ortum traxisse ex maleficio, quod post triennem probationem nec per media naturalia, neque per spiritualia tolli potuit: si enim Titius etiam auctoritate ecclesiastica ob impotentiam, quæ credebatur esse naturalis, fuisset separatus ab uxore, & postea ratione fornicationis, inventus ut potens, & habilis ad usum matrimonii, absque dubio teneretur, & cogeretur redire ad priorem uxorem Ti-

E e tiam

tiam, etiam si hæc interea jam aliud contraxisset matrimonium, & consummasset. Ita enim deciditur *c. Accepisti. c. Laudabilem. & c. Fraternitatis. de Frigid. & Malef.* Ratio est: quia præsumptio debet cedere veritati: prius autem matrimonium fuit verum; quia impotentia nulla intercessit, ut supponitur, vel certe non perpetua: ergo. Vid. Sanchez, Filliuc. Laym. Gobat. *rr. 9. n. 430. Kugler n. 2109.* Aliter dicendum foret, si Titium inter & uxorem primam intercessisset impotentia perpetua respectivè talis.

CASUS SECUNDUS.

Sempronius pridè nuptiarum accessit Confessarius, fassusque est, se jam sæpius carnaliter cognovisse sponsum suam, nunquam tamen perfectè, eoque sub actuali congressu sensit insolitum quendam languorem corporis, & aversionem ab actu venereo, propterea se semper retraxerit sine ulla seminis effusione; quibus auditis Confessarius, putans Sempronium laborare impotentia, hunc dimisit ad proprium Parochum, mandans, ut hunc rem totam sub sigillo confessionis, aut certe sub sigillo naturali concederet. Jam dubitatur 1. utrum Confessarius bene fecerit? 2. utrum D. Parochus audita re serie potuerit assistere matrimonio Sempronii?

264 R. ad primum. Videtur Confessarius non bene fecisse dimittendo Sempronium ad Parochum. Ratio est: quia impotentia Sempronii non est certa, multò minùs certò perpetua, sed potiùs dubia. Et quamvis ex præfatis iudiciis (iudicio Zacchiæ Medici apud Clericatum *cit. n. 10.*) argui possit, Sempronium laborare impedimento frigiditatis; hæc tamen frigiditas videtur potiùs ab accidentibus, quàm à natura proveniens; quia, qui sunt natura frigidi (teste Medico *cit.*) non ambiunt copulam frequenter: atqui dubitans rationabiliter, an non sit potens ad matrimonium, licetè contrahit, juxta Sanchez, Tamb. Gobat, Sporer, Kugler, *n. 1030. la Croix. n. 795.* & alios: ergo Confessarius sine causa gravavit suum poenitentem, eum dimittendo ad D. Parochum, præsertim cum sine

rubore, & propria confusione, non potuerit cuipiam aperire suum statum.

265 R. ad secundum. Potuit D. Parochus assistere matrimonio Sempronii; tum quia Sempronius potuit licetè contrahere, ut diximus; tum etiam quia matrimonium sine inconvenientiis, & sinistris suspitionibus in his circumstantiis differri non potuit, prout consideranti facile patebit.

266 Quin immò, si Parochus huius impotentie dubie notitiam habuit ex sola confessione poenitentis, vel sub sigillo sacramentali, tenebatur assistere matrimonio; quia secundum communissimam DD. notitiam, ex confessione, vel sub sigillo confessionis sacramentalis comparata, in foro externo uti non licet, præsertim ubi ex huiusmodi usu poenitens pateretur notam infamiae, vel confusionis: ergo.

Dices: qui dubitat, an sit potens, eo ipso dubitare debet de valore matrimonii contrahendi: atqui dubitans de valore Sacramenti, nequit licetè contrahere; quia illud exponeret periculo nullitatis seu irreverentiae: ergo &c.

267 R. dist. min. dubitans de valore Sacramenti, nequit contrahere, si possit facile abstinere, & aliunde non sit præsumptio pro valore, con. si sit præsumptio pro valore, & nec facile abstinere possit, prout fit in nostro casu, neg. Cum enim valde difficilè accadat, huiusmodi hominem adigere ad perpetuum coelibatum, simulque dubitetur, an non sit potens ad matrimonium, ita ut hoc dubium vinci, seu deponi nequeat, nisi per experientiam, hinc stat possessio libertatis pro Sempronio; quandoquidem communiter loquendo quis ex natura sit potens ad usum matrimonii. Et quamvis stante dubio practico illicitè contraheret, potest tamen tale dubium practicum prudenter ponere. Quare non video, cur deposito dubio illicitè contraheret: neque talis se exponit periculo peccandi formaliter, sed tantum materialiter, prout patet in casu ubi post matrimonium contractum dubitatur, an impotentia præcesserit, an verò fuerit subsecuta. Vid. Card. *dissert. 2. à n. 519. Viva ad 2. propos. ab Innocent. XI. damnatum. n. 31. Kugler à n. 1539.*

CASUS TERTIUS.

§. III.

Corollaria ex dictis inferenda.

Cajus fœetur, se jam à longo tempore nunquam ampliùs perfecisse opus conjugale absque dispendio seminis. Causam hujus interrogatus, respondet, suam uxorem in proximo puerperio usque adeo esse destructam, ut ob corporis arctitudinem hactenus penetrari nunquam potuerit. Quæritur jam 1. quid de hoc matrimonio tenendum? 2. quid Cajo interroganti respondendum vel consulendum fuerit?

168 R. Ad primum, matrimonium subsistere validum; quia secundum dicta n. 254. impotentia superveniens matrimonio, præsertim consummato, illud non dissolvit, juxta communissimam DD.

169 R. Ad secundum quæsitum. Si appareat spes aliquando perficiendi copulam, licitum est Cajo eam attentare, tametsi præter intentionem pollutio sequatur. Ita Cajetan. Navarr. Henriquez, Laym. lib. 5. tr. 10. p. 4. c. 11. n. 4. Sanchez lib. 9. disp. 17. n. 20. Ratio est: tum quia Cajo vacat operi licito, tentans, & procurans copulam sibi possibilem ac permissam, & præter intentionem sequitur externa illa effusio; tum etiam quia habet jus investigandi illud impedimentum, prout conceditur cap. Laudabilem. de frigido. & malefici: atqui non potest aliter investigare, nisi operi conjugali vacando: ergo. Addit Sporer, n. 127. pro praxi sequentia: „Insuper (ait ipse) „nondum quidem legi, sed vir magnus, in „praxi versatissimus mihi consulenti respondit, quod si ex tali impedimento „superveniente v. g. si uxor post puerperium destructa, & arcta facta sit, & absque periculo fecari nequeat, si saltem pars „seminis subintrare possit, posse se excitare „applicando, etsi major pars seminis effundatur, dummodo aliquid intret, prout „regulariter fit, attrahente matrice; sic „enim in sequenti puerperio fortè remedium invenietur. Ita Sporer l. cit. Ex „quo patet, quid Cajo respondendum vel „consulendum sit.

270 **C**olliges ex dictis 1. Matrimonium à sterilibus contractum valere. Ratio est: quia steriles possunt exercere copulam perfectam: quod autem semen eorum non sit prolificum, est per accidens. Idem tenendum de matrimonio inito cum muliere, quæ semen viri recipere quidem, non tamen intra vas retinere potest; quia priùs quàm semen receptum rursus effundat, copula de se apta ad generationem jam fuit consummata, & perfecta; cui per accidens est, quod semen rursus effundatur. Ita cum comm. DD. Sanch. lib. 7. disp. 92. Reinfest. la Croix n. 794.

271 Colliges 2. Matrimonia, quæ ab Eunuchis utroque teste carentibus contrahuntur, esse nulla & invalida. Ratio est: quia tales sunt impotentes ad copulam perfectam, quandoquidem careant vero semine. Ita decidit Sixtus V. Bulla. cum frequenter. ut habetur 10. 2. Bullarum Romanarum. 59. disti Pontificis, potestque videri apud Sanch. Reinfest. Kugler, num. 2047. & alios. Nihilominus Spadones uno tantum carentes teste validè contrahunt; eò quod unus semen ad generationem sufficiens suppeditare queat, prout communiter fatentur DD. Mastr. Herinc, Sporer, la Croix n. 789. Ubi subdit sequentia: Hermaphroditos contrahere posse secundum sexum prævalentem, habetur L. Queritur ff. de statu hominum: si neuter sexus prævaleat, datur optio, si jurent se permanere velle in eo sexu. Valet tamen, si conjugæ mortua mutant. Vide Sporer à n. 134.

Dices. At quid, si contingat virum post matrimonium jam contractum castrari, seu privari utroque teste, licebitne huic vacare operi conjugali?

272 R. Probabiliter licere putat Sanch. lib. 7. disp. 102. nu. 7. Laym. cit. n. 2. Palao, VViestner, Reinfest. Schmalzg. tit. 13. num. 50. contra Dicastilk. Dian. & alios oppositum censentes, quorum opinio videtur longè probabilior. Sanchezii autem ratio est: quia talis vir utitur jure suo

Ee 2 semel

semel aquisito ; quodd autem semen verum emittere non valeat , est per accidens : quemadmodum ergo usus conjugii interdicti non possit , nec deberet , si aperte constaret , viri semen ex morbo esse corruptum , vel sterile , vel si copulam velit habere prope tempus partus , ubi non est possibilis generatio ; ita nec in tali casu prohibendus videtur , praesertim cum in tali congressu salvetur finis saltem secundarius matrimonij , dum sedatur ardor concupiscentiae , & simul praevetur periculum incontinentiae . Vid. Sanchez. l. cit. Kugler. n. 2082.

Dices iterum . Sed quid tenendum de matrimonio à feniculis , & viribus exhaustis contracto ?

273 R. Cum distinctione , Si enim tales sint , ut vel natura , vel saltem arte calere possint ad coitum , validè contrahunt ; quia hoc ipso fieri possunt una caro , nec impotentia laborant . Sin autem nec natura , nec arte ampliùs excitari queant ad habendam copulam perfectam , eo ipso velut inhabiles & impotentes validè non ampliùs possunt contrahere . Ita Castrop. hic p. 14. §. 2. Averfa , Krimer , Kugler & alij apud la Croix n. 791. contra nonnullos oppositum censentes .

Dices . Qui ex morbo ita languet , ut nequeat habere copulam , nihilominus validè contrahit v. g. ad emendandum affectum concubinarium , vel prolem legitimandam : ergo etiam talis senex licet nec natura , nec arte ampliùs calere possit. &c.

274 R. Neg. conf. quia impotentia talis infirmi ex genere & modo suo non est perpetua , prout est in seniculo . Si tamen vis morbi ita destruxisset potentiam generandi in aegrotò , ut nullo medio ordinario reparari posset , pariter dicendum foret , matrimonium ab illo contractum vel contrahendum , nullum fore . Vid. DD. cit. Kugler à n. 2029.

275 Colliges tertio , casu quo certò constaret , matrimonium ab utroque , vel uno saltem perpetuò impotente contractum fuisse , hujuscemodi conjugibus *per se loquendo* esse intinmandam nullitatem matrimonij , atque interdicendum omnem usum venerorum ; quia talibus utpote merè

solutis , plus non licet , quàm alijs solutis . Aliter dicendum est de conjugibus , quibus post matrimonium validè initum , primùm supervenit impotentia perpetua ; talibus enim utpote veris conjugibus propter jus semel acquisitum liciti sunt tactus & oscula , ad declarandum affectum conjugalem , vel ad sedandam nonnihil concupiscentiam , dummodo absit periculum pollutionis , etiam ligatis semper illicitè . Vide Sporer , cit. n. 127. Illiung. tr. 6. disp. 9. n. 123.

Signanter tamen dictum est , conjugibus , qui cum impotentia perpetua contraxerunt , *per se loquendo* intinmandam esse nullitatem , & interdicendum usum venerorum . Rationes hujus limitationis dabimus inferiùs n. 338. & seq.

276 Dices adhuc . Quid si autem conjuges post matrimonium contractum dephehendant se impotentes ad consummandum : si mulque dubitent , sitne talis impotentia perpetuò duratura , nec ne ?

277 R. Conjugibus rationabiliter dubitantibus an laborent impotentia perpetua , per c. laudabilem. de frigid. & malefic. permitti triennium ad tentandum & experiendum . Quin immò , quamdiu appareat probabilis spes aliquando consummandi , & perficiendi copulam , licet ipsis tentare , tametsi praeter intentionem pollutio , seu effusio totius seminis extra vas contingat , ob rationes num. 569. allatas . Insuper notant Laym. hic c. 12. ConincK , Salmanticenses , & alij apud Clericat. decif. 32. num. 43. in conjugibus , qui ob naturæ imbecillitatem sunt inhabiles ad perfectè consummandum matrimonium , expectandum esse tempus plenæ pubertatis , quæ secundum jura contingit Matriculis decimo octavo , semellis autem decimo quarto anno , & ab hoc tempore numerandum triennij spatium , quo elapso , si nulla appareat spes consummandi , vel separandi erunt , vel si absit periculum incontinentiae (quod tamen praesertim in junioribus vix raurarò aberit) permittendum , ut per modum fratris ac sororis , absque omni usu venerorum cohabitent , si nolint separari .

278 Colliges tandem quarto , validè contrahi matrimonium à muliere , quæ longa expe-

experientia didicit, se nunquam peperisse sine periculo vitæ, aut nunquam genuisse prolem vivam. Ratio est: quia talis mulier non est impotens ad usum matrimonii, quippe quæ, ut casus fert, jam sæpius concepit. Major est difficultas & quæstio, an talis mulier licite contrahat? Negat hoc Bossius apud Tambur. *tr. 1. c. 13. §. 2. n. 12.* alique plures. Verùm Sanchez *lib. 7. disp. 120.* Sporer *n. 122.* Tamburinus & alii melius affirmant, & tenent, talem mulierem non peccare, si viro scienti & consentienti nubat. Ratio est: quia talis mulier nec viro, nec sibi met, utpote consentientibus facit injuriam; nec proli, quippe cui melius est aliquanto saltem tempore fuisse, quam nunquam, tum etiam quia valde durum est negare tali mulieri remedium concupiscentiæ, scilicet matrimonium, in hunc finem saltem secundario institutum à Christo Domino, & eam compellere ad remedium duræ mortificationis & extraordinariæ, causa suppressendi stimulos carnis; nam neque infirmum, ut vitam servet, obligamus ad remedium admodum difficile conquirendum vel sustinendum, ait Sporer cit.

Ex quo bene insert P. Kugler *n. 2046.* quòd talis fœmina debitum & petere, & reddere possit, inmodò etiam teneatur reddere viro petenti; eùm miseriæ suæ conscia, nihilominus ad hoc se obligaverit. Secus dicendum foret, si ignara sui defectus & periculi pariendi bona fide contraxisset ut videbimus *n. 398.* Vid. *DD. cit. Herincx hic disp. 6. à n. 95.* Scot. *4. dist. 32.*

CONFERENTIA

DUODECIMA.

De Impedimentis dirimentibus Claustrum, & Raptus.

SUMMARIUM.

279 Claustrinitatis oritur ex defectu Parochi & Testium assensuum.

Elbel Theol. P. III.

- 280 Ecclesia per hoc non mutavit directi Sacramentum.
- 281 Ad valorem Matrimonii requiritur assensus proprii Parochi;
- 282 Qualis censetur esse Parochus domiciliarius.
- 283 Sponsi ex diversis Parochiis coram utroque validè contrahunt: an etiam licite?
- 284 Parochus facultatem assensendi potest alteri, sed Sacerdoti duntaxat, delegare.
- 285 An idem valent Capellani?
- 286 Præter Parochum debent simul assistere duo testes cujuscunque demum sint conditionis.
- 287 Debent autem non tantum physici, sed & moraliter esse præsentem.
- 288 Matrimonia hæreticorum coram Prædicantibus contracta, valida censentur multi Doctores.
- 289 Oppositum tamen videtur probabilius.
- 290 Raptus est violenta abductio fœminæ de loco in locum causa Matrimonii contrahendi.
- 291 Quid si postea consentiat talis Fœmina?
- 292 Si fœmina vaperet virum, probabiliter non obstatet valori Matrimonii.
- 293 Resolvitur Casus I. de Ministro Episcopi, qui coram alieno Parocho contraxerat, asseverans, à suo Domino sibi esse concessam hanc facultatem.
- 294 Tamen si dubitetur, an Episcopus dederit licentiam &c. fœminæ amen, non amplius licet resistere; & quid agendum?
- 295 Resolvitur Casus II. de studioso, qui cum sua sponsa contraxit coram D. Parocho Viennensi, falsò dictitans, se esse Viennensem.
- 296 Si illuc perrexisset animo querendi conditionem &c. matrimonium subsisteret.
- 297 Resolvitur Casus III. de Catholico, qui cum acatholica coram Prædicante matrimonium non solum illicitè, sed invalidè contraxit.
- 298 An huic potuerit permitti transitus ad secunda vota?
- 299 Et quid, si iam sponsus, quàm sponsa fuissent acatholici?
- 300 Matrimonium sine Parocho contractum

Ec 3 à Per-

à Personis habitantibus in loco, ubi Tridentinum nunquam fuit promulgatum, aut receptum, valet.

301 Non tamen valeret, casu quo sponsi loco recepti Tridentini exirent ad alium locum, ubi non est receptum, præcise animo ibi clandestinè contrahendi.

302 Respondetur euidem instantiæ.

303 Christiani, degentes in partibus Infidelium, vel in loco, ubi Parochum habere nequeunt, absque illo validè contrahunt.

304 Coram quo contrahere debeant Milites?

305 Non obstat valori, tamen si Parochus & Testes inviti assisterent.

306 Assistentibus Matrimonio est causè procedendum, præsertim si sponsi sint vagabundi.

§. I.

Præmittuntur, & breviter resolvuntur quæ sita, scitu necessaria ad ritè resolvendos Casus de impedimento Claudefinitatis, & Raptus.

279 **Q**uæres primò. Quid sit impedimentum clandestinitatis, & quo jure dirimat matrimonium?

R. Est obstaculum matrimonii, ortum ex defectu Parochi & testium; etenim matrimonia clandestina appellari solent, quæ clam, seu clanculario, & quasi in occulto sine præsentia Parochi & testium contrahuntur: talia autem matrimonia, licet S. M. Ecclesia semper sit detestata, ob ingentia mala, puta perpetuos concubinatus &c. & similia inde non rarè orta, olim tamen valebant: verùm in Concilio Trid. jam totaliter cassata & annullata sunt sequenti constitutione SS. 24. de Reform. matr. c. 1. ubi dicitur: qui aliter, quam præsentè Parocho, vel alio Sacerdote de ipsius Parochi, seu Ordinarii licentia, & duobus vel tribus testibus matrimonium contrahere attentabunt, eos S. Synodus ad sic contrahendum omninò inhabiles reddit, & hujusmodi contractus irritos & nullos esse decernit, prout eos præsentè decreto irritos facit, & annullat. Ex quo patet, hoc impedimentum jure tantùm Ecclesiasti-

co introductum, idèdque dispensabile esse à summo Pontifice, prout tenent communissimè DD.

Dices. Ecclesia nequit instituere, immutare, vel etiam irritare Sacramenta: ergo nec contractum matrimonii, quippe cui ex institutione Christi Domini fuit annexa ratio Sacramenti.

280 R. permitt. ant. neg. conf. Christus enim Dominus non cuilibet contractui annexuit rationem Sacramenti, sed solum contractui legitimo, id est, secundum leges inter fideles, & personas habiles celebrato; quænam autem personæ habiles, vel quis contractus esset legitimus, non determinavit, sed potiùs determinandum reliquit Ecclesiæ: hinc potuit Ecclesia ad publicam utilitatem animarum matrimonia clandestina infirmare, & fideles ad sic contrahendum inhabiles reddere, quemadmodum & Respublica civilis contractus quosdam v. g. pupillorum, vel simpliciter, vel si certa solemnitate sint destituti, irritos, aut certè irritandos decernit, tamen si spectato jure naturæ irriti & illiciti non essent. Neque ex hoc Ecclesia directè mutat, aut annullat Sacramentum, sed solum indirectè, quatenus ad contractum legitimum requirit certas solemnitates, & ad aliter contrahendum personas reddit inhabiles. Vide Kugler. n. 863. Spor. n. 32.

Quæres secundò. Cujusnam Parochi assistentia sit necessaria ad valorem matrimonii?

281 R. Requiritur assistentia Parochi proprii; quia ut post alios notat Schmalzgrueb. lib. 4. tit. 3. n. 134. Concilium Trid. loc. suprà relato eundem Parochum requirit ad assistendum matrimonio, quem requirit ad illud denuntiandum: ad denuntiandum autem requirit Parochum proprium: ergo &c. Valide tamen assisteret Parochus proprius, tamen si esset suspensus, vel interdictus, vel etiam excommunicatus, vitandus, Schismaticus, &c. dummodò non sit actualiter depositus vel privatus beneficio. Ratio est: quia assistentia hæc non est actus jurisdictionis vel administrationis Sacramenti, cùm etiam ab invito vel coactò validè præstari possit; sed est actus

te-

testimonii ex juris dispositione requisitus: ergo quamdiu versus Parochus manet, matrimonio valide assistere, & auctoritatem præbere potest. Spor. n. 362. Laym. Avers. Krimer, Castrop. & alii apud la Croix. n. 729.

Dices. Quisnam ergo censetur Parochus proprius contrahentium?

282 R. Parochus domicilii, in cujus scilicet Parochia contrahentes habent domicilium, vel quasi domicilium: in illa autem Parochia censetur habere quasi domicilium, in qua cogitant habitare vel perpetuo, vel saltem per maiorem anni partem, ait Gobat. tr. 9. n. 486. Ratio est: quia Tridentinum requirit Parochum proprium: talis autem est Parochus domicilii, utpote ratione cuius quis Parochianus efficitur juxta cap. ult. de Paroch. ergo. Bosco de Matr. disp. 21. n. 388. Perez, Sanch. Schmalzgrueb. alique communiter. Ex quo Reinsest. lib. 4 tit. 3. n. 58. Schmalzgr. cit. la Croix. n. 719. & alii inferunt, non sufficere assistentiam Parochi Originis, nisi in tali loco contrahentes habeant domicilium, vel apimum ibi habitandi. Ratio est: quia ille solus censetur Parochus proprius, à quo quis alia Sacramenta v. g. poenitentiae &c. recipit, & qui potest alteri dare licentiam ad eadem suis Parochianis administranda, cap. omnis utriusque sexus de poenit. & remiss.: atqui talis est Parochus domicilii: ergo. Unde Congregatio Cardinalium, ut videre est apud Bosco. cit. n. 400. decidit, illum esse proprium Parochum, in cujus Parochia contrahentes habitant tempore, quo matrimonium contrahitur.

Dices rursus. Ad quid, si contracturi spectent ad diversas Parochias vel Dioeceses?

283 R. Cum Bosco, Navarro, Pirrhing & aliis apud Reinsest. cit. n. 56. tales coram utrolibet ex duobus contrahere posse. Ratio est: quia contractus matrimonialis est individuum, & non, nisi inter duas personas consistere potest; consequenter si quis ut Parochus proprius matrimonio unius potest assistere, potest etiam assistere matrimonio alterius cum eodem contrahentis. Quin etiam Pignatellus, Favagnanus. c. quod nobis. de clandest. despons.

n. 33. & alii, plures referunt declarationes Cardinalium, quibus dicitur, valere matrimonium, licet in Parochia sponsæ contrahant coram Parocho sponsi. Posset tamen (ait rectè la Croix n. 716.) Ordinarius circa ista aliquid præcipere, quod observandum esset, quamvis non de valore. Idcirco Reinsest. alique monent, in praxi observandam esse ordinationem proprii Ritualis Dioecesani. Quare cum in hac Dioecesi nostra Passaviensi vi constitutionum generalium ordinatum sit, ut sponsalia coram Parocho sponsæ, matrimonium verò coram Parocho sponsi contrahatur, censeo, ab hac laudabili consuetudine absque urgentissima causa non recedendum, nec quovis modo contraveniendum.

Quæ. tertio. Utrum Parochus hanc suam potestatem assistendi matrimonio possit delegare alteri, & cui?

284 R. Potest delegare alteri, sed Sacerdoti tantum, non verò Diacono vel Subdiacono. Ratio desinitur ex Trid. suprâ relato, ubi dicitur: qui aliter, quam præsentem Parocho, vel alio Sacerdote de ipsius Parochi seu Ordinarii licentia contrahere attentabunt &c. ergo hoc ipso supponitur, & conceditur Parochi licentia delegandi, & substituendi alium Sacerdotem.

Dices. Potestne etiam Cooperator vel Capellanus hanc licentiam matrimonio assistendi alteri Sacerdoti delegare.

285 R. Cum distinctione. Si enim supponatur Capellanus, qui non habet potestatem universim assistendi, sed solum delegatus pro aliquo certo actu v. g. matrimonio Titii, nequit hanc potestatem alteri delegare; quia delegatus ad actum particularem (saltem regulariter loquendo) non potest subdelegare. cap. cum causam. 62. de appellat. Si verò Cooperator sit talis, cui vicecura fuit commissa ab Ordinario, vel etiam ab ipso Parocho, licet ad paucos duntaxat dies, aut si sit Vicarius Parochi, potest alteri Sacerdoti hanc suam potestatem delegare. Ratio est: quia delegatus ad universitatem causarum, sive ad omnes causas, saltem in certo genere v. g. matrimonii potest subdelegare, dummo-

do subdeleget ad actum particularem . Kugler n. 330. Avers. Krimer. n. 681. la Croix. n. 734.

Quær. quartò . Quot & quales testes sint necessarii ad hoc , ut matrimonium subsistat ?

286 R. Præter Parochum requiruntur alii duo vel tres testes , prout patet ex constitutione Concil. Trid. relata n. 279. qui debent simul interesse ; quia debent ita interesse , ut de uno eodemque contractu matrimoniali testari valeant , quod facere nequeunt , nisi simul præsentés existant , ut norant Sanch. Bosca , Perez , Reiffenst. n. 107.

Quia tamen Concilium memoratum non requirit in testibus aliquam specialem qualitatem , hinc communissimè inferunt DD. quosvis rationis compotes , etiam pueros , fœminas , consanguineos , Religiosos &c. assumi posse in testes matrimonii . Vid la Croix cit. à n. 758.

Quæres quintò . Qualiter Parochus , & testes debent esse præsentés ?

287 R. Debent esse præsentés non tantum physicè , sed etiam moraliter , ita , ut advertant , & intelligant , quid agatur . Ratio est : quia debent esse ita præsentés , ut possint authenticè testari de contractu matrimonii : atqui si non intelligant , quid agatur , nunquam poterunt testari , nec censentur fuisse præsentés ; quia ut dicitur . *L. coram ff. de verbor. signif. coram Titio aliquid facere jussus , non dicitur eo præsentè fecisse nisi is intelligat* : ergo . Barbof. Sanchez. lib. 3. disp. 30. n. 1. & alii communiter .

Quær. sextò . Quid tenendum de matrimonii ab hæreticis coram suis Prædicantibus contractis in illis locis , ubi Concilium Trid. promulgatum & receptum est , v. g. Augustæ , Ulmæ , Ratisbonæ , Meringæ , Campidonæ &c.

288 R. 1. Quamplures etiam gravissimi DD. probabile tenent , hujusmodi matrimonium valere . Ita March. Thannor. Laym. Dicastill. Habfens. Schmalzgr. Sporer , Kugler , & novissimè P. Pichler in suo jure Canon. Duncunt frequentibus potissimum rationibus . 1. Quia hæretici per contrariam consuetudinem videntur jam præscripsisse , & abrogasse Constitutionem

Trid. , dissimulantibus id Pontificibus . 2. Quia si talia matrimonia dicantur nulla , maxima inde sequetur absurda , ut puta quòd hæreticorum proles sint illegitimæ , item quòd si convertantur ad fidem Catholicam possint ab invicem divelli , immò debeant , si de novo non contrahant coram Parocho Catholico : at hæc sunt contra praxin Ecclesiæ ; quia conversi ad fidem non permittuntur invicem se deferere , nec coguntur de novo contrahere ; quod tamen deberet fieri . 3. Quia multi in talibus locis contrahentes invincibiliter ignorant hoc decretum Tridentini , putantes bona fide suum Pastorem esse legitimum Parochum : ergo saltem istorum matrimonia erunt valida .

289 R. secundò . Videtur probabilius , hujusmodi matrimonia ab hæreticis coram suis Prædicantibus contracta in locis ubi Tridentinum promulgatum & receptum est , esse nulla . Ita Suarez , Præpos. Less. Pignat. Tam. Gobat , Krimer & cum aliis pluribus la Croix. n. 772. Mezger , Schmier. Oberascher apud Babenstüb. tr. 8. p. 7. disp. 2. art. 5. n. 12. Reiffenst. lib. 4. tit. 3. à n. 140. Bosco cit. n. 133. Herincx hic disp. 5. n. 10. & alii quamplures . Ratio hujus opinionis est : quia secundum dicta superius n. 73. etiam hæretici per se loquendo obligantur legibus Ecclesiasticis , æquè ac alii subditi , rebelles legibus suorum superiorum . Nec est , cur Pontifex ipsis condescendat ; quia ut dicit Trid. cit. c. 5. non est dignus qui Ecclesiæ benignitatem facile experietur , cuius salutis monita temerè contempsit : profectò nec ipsimet Princeps acatholici approbarent matrimonia contra suas leges à subditis rebellibus inita , ait Gobat. tr. 9. num. 462. Ad rationes pro opposita sententia R. ad primam dicendo , hæreticorum consuetudinem esse illegitimam , nec habere vim irritandi constitutionem Trid. ut jam superius numer. 73. notatum fuit . Ad 2. dicimus nullum sequi absurdum (nisi fortè ex malitia acatholicorum rebellium ; quod est legi per accidens) nam 1. Eorum liberi possunt haberi pro legitimis saltem in foro politico ; quia ad hoc sufficit , quòd sint prognati ex matrimonio tolerato , & habi-

habito pro legitimo in foro fori. 3. Quòd autem conversi ad fidem non soleant ieparari, nec cogantur de novo contrahere, inde fit: quia saltem probabile est juxta plurimorum opinionem, eorum matrimonium valuisse, sin minus in ratione sacramenti saltem in ratione contractus civilis; quare ex post facto videtur potius præsumendum, & standum pro valore actus; quamvis si Curia Romana hac super re interrogaretur, aliter responderet, ait la Croix n. 767. mox subiungens num. 770. Tutius tamen erit, eos (hæreticos scilicet ad fidem conversos) adducere, ut obtemperata dispensatione in impedimentis, si quæ adsint, contrahant de novo coram Parocho Catholico & Testibus, ne se exponant periculo materialis fornicationis. Ad tertiam rationem dicendum, quòd licet ignorantia invincibilis excuset à peccato, non tamen potest eos reddere habiles ad contrahendum, quos Ecclesia inhabilitavit, prout patet de sanguineis contrahentibus matrimonium, cum ignorantia etiam invincibili impedimenti.

Quær. Tandem septimò, quid sit impedimentum Raptus.

290 R. Raptus propriè dictus, prout est impedimentum jure novo dirimens matrimonium, est violenta abductio fæminæ de loco ad locum, causa Matrimonii contrahendi. Ita Herincx, Mastr. 4. disp. 7. num. 403. Clericatus decis. 33. nu. 8. Kugler n. 1124. & alii pures. Ubi communiter notant, ad incurrendum hoc impedimentum requiri tres conditiones. 1. ut inferatur violentia, & quidem 2. ipsi fæminæ. 3. ut hæc inferatur ex fine contrahendi matrimonium. Ratio est: quia Concilium Trident. per suum decretum annullando hujusmodi matrimonia nihil aliud intendit, quàm ut libertati matrimonii consuleret: atqui si nulla inferatur violentia Puellæ in ordine ad contrahendum matrimonium, sed ipsa sponte consentiat, jam nihil præjudicatur libertati: ergo ex mente Tridentini non incurritur hoc impedimentum.

Dices. At quid, si Puella violenter

rapta postea liberè consentiat in matrimonium cum Raptores?

291 R. Cum distinctione. Si enim semper manserit sub potestate Raptoris, nec parti reddita tutæ, matrimonium nullum erit, prout innuitur versu suprà n. 72. allato: validum autem erit, si semel in loco tuto, ubi liberè abire potuisset, fuit collocata, & illa nihilominus consentiat. Ita communis.

Dices adhuc: quid si verò fæmina rape-ret virum, valeretne matrimonium?

292 R. Probabilius valeret; quia Trid. solum loquitur de Raptoribus, non verò de Raptricibus: nec solent leges statui de casibus rarissimis, qualis est hic, quòd fæmina rapiat virum. Quare cum hoc decretum Concilii sit correctivum juris antiqui, simulque pœnale, non est extendendum ad fæminam Raptricem viri. Sanchez lib. 7. disp. 13. numer. 16. Herincx, & alii plures apud Spor. citat. contra Mastr. & alios.

§. II.

Proponuntur, & breviter resolvuntur Casus practici de impedimento Clandestinitatis.

CASUS PRIMUS.

Titius cujusdam Principis & Episcopi Minister venit ad D. Parochum, asseverans jurejurando, sibi à suo Celsissimo vi-væ vocis oraculo concessam fuisse potestatem, coram quolibet Parocho contrahendi cum sua sponsa, proindeque petiit ab eodem Domino Parocho, utpote sibi familiarissimo copulari; quod & factum. Verum, ubi Episcopus id rescivit, impro-bavit factum, & D. Parochum suspendit ab Officio, protestatus, sibi non constare de data Titio licentia. Hinc & Titia incultos viri mores jamjam exosa, voluit à matrimonio, licet jam consummato, resilire. Quæritur jam 1. quid de valore hujus matrimonii tenendum? 2. An Titia potuerit salva conscientia resilire, vel permittendum fuerit?

293 R. Ad primum cum distinctione. Dato enim, quòd Episcopus re ipsa dederit

li-

licentiam Titio, tamen si modò non amplius recordetur, matrimonium valebit; quia Episcopus potest hanc facultatem delegare cuilibet Sacerdoti, prout clarè patet ex verbis constitutionis Tridentinæ: atqui si Titio concessit facultatem coram quolibet contrahendi, eo ipso indirectè censetur potestatem assistendi delegasse illi Sacerdoti, quem Titius elegit: ergo matrimonium est validum. Secùs dicendum foret, si Episcopus Titio talem licentiam nunquam concessisset.

294 R. Ad secundum, Titiam non potuisse resilire, neque hoc permittendum fuisse; quia cùm dubitetur, utrùm Episcopus non concesserit licentiam, cò ipso dubitatur, utrùm matrimonium non sit validè contractum: atqui in dubio de valore matrimonii janiam contracti, præsumendum est, & standum pro valore actus, præsertim in casu, ubi nulla stat præsumptio pro impedimento, & nullitate matrimonii: ergo etiam in nostro casu standum ac præsumendum est pro valore actus; cum aliunde constet, matrimonia semel consummata sine scandalo, vel periculo prolis vix, aut ne vix quidem dissolvi posse. Quia tamen præsumptio hæc posset fallere, dato, & supposito, quòd non sit concessa Titio licentia, hinc meritò, & sapientissimè in nostro casu ordinatum, & mandatum fuit, ut memorati conjuges iteratò contraherent seu consentirent coram proprio Parocho. Videri etiam de hoc potest Carden. differt. 2. à nu. 543. la Croix n. 736. & 417.

CASUS SECUNDUS.

Sempronius cujusdam Universitatis studiosus pro Pallade sibi desponsaverat Semproniam; ne autem contrahendo in eodem loco condiscipulorum suorum ludibrio sese exponeret, perrexit Viennam, animo ibidem contrahendi, simulque de famulatio, seu, ut vocant, conditione sibi providendi. Accessit proin Parochum Viennensem, petens copulari; & ut facilius impetraret petitem, distitabat (sed falsò) se & Viennensem esse, & cuiusdam Comiti sui locasse servitium; qua ratione as-

sentiam Parochi haud difficulter obtinuit. Quia tamen congruum sibi servitium impetrare non potuit, hinc in Patriam cum Semproniam redire coactus fuit: jam verò agitatus stimulis conscientie dubitat, & querit de valore sui matrimonii. Quid interroganti respondendum?

295 R. Matrimonium valuisse. Ratio est: quia ut casus fert, Sempronius perrexit Viennam animo ibidem acquirendi conditionem, seu servitium: ergo etiam animo ibi habitandi, & figendi quasi domicilium: at, qui figit in loco domicilium, vel quasi domicilium, sortitur eo ipso Parochum, & potest ibidem etiam prima die (cæteris suppositis) contrahere matrimonium, ut habetur c. ult. de Paroch. supra relato, & cum aliis docent Sanchez, Pont. Gobat. rr. 9. n. 483. Kugler. num. 301. Laym. lib. 5. tract. 6. cap. 10. num. 5. la Croix. numer. 722. ergo.

Dices. Quidsi autem Sempronius non habuisset animum habitandi Viennæ sed querendi conditionem & domicilium, ubicunque demum locorum congruum reperiret?

296 R. Ex hac hypothese Sempronius fuisset vagabundus: vagabundi autem loco. Parochi: domicilii sortiuntur Parochum hospitii, & possunt ibique, validè saltem contrahere: ergo Viennæ adhuc validè contraxisset matrimonium. Sanchez, Lessius, Pirrhing, Kugler, num. 304. la Croix nu. 746. & 747. Illiung. rr. 6. disp. 9. num. 117.

CASUS TERTIUS.

Cajus Catholicus in quadam civitate Imperii, ubi Catholici permixti vivunt cum acatholicis, contraxit matrimonium cum Cajo acatholica, & quidem coram pseudo-pastore Prædicante: quia verò post annum circiter fregerat tori fidem, peccando cum alia; hinc Confessorium Lutheranum declaravit Cajam à lege viri solutam, fecitque potestatem transeundi ad alia vota. Unde jam queritur 1. an Cajus coram Prædicante potuerit licitè, vel saltem validè contrahere? 2. utrùm Cajo possit indulgeri licentia ducendæ aliam.

allam, præsertim cum nulla hinc amplius assueat spes perveniendi ad priorem, utpote jam alteri nuptam?

297 R. Ad primum. Cajus non tantum illicit, sed etiam invalidè contraxisse videtur. Ratio est: quia secundum constitutionem Tridentinam tenebatur, contrahere coram proprio Parocho: prius autem Parochus Caji non fuit Prædicans, sed Catholicus & verus animarum Pastor, à quo tenebatur etiam reliqua Sacramenta suscipere. Nec ullibi constat, quòd Ecclesia cum similibus Catholicis, qui coram legitimo Parocho facile possent contrahere, velit dispensare. Ex quo facile patet, quòd & illicitè coram Prædicante contraxerit; quia frustravit Sacramentum. Vid. Less. *in auctor. Verb. Hæret. Conversatio cum Catholicis. cas. 24. 25. & 26. Gobat. tract. 9. num. 472. & 512. la Croix num. 771. item 782.*

298 R. Jam ad secundum, potuisse permitti Cajo, ut & ipse transfret ad secunda vota. Ratio est: quia secundum dicta, prius matrimonium certò videtur fuisse nullum. Qua ratione attestante simul, & approbante Gobat *cit. n. 537.* à Reverendissimo quodam Consistorio declaratum est, matrimonium fuisse nullum illorum sponsozum, qui cum à proprio Parocho Catholico obtinere non potuissent, ut eo, quo volebant, tempore copularentur, excurrerant ad Pagum Lutheranum, ibique à Prædicante copulati sunt. Suadendum tamen erit Cajo, ut ad evitanda scandala, & alia inconvenientia, à summo Pontifice, vel certè ab Episcopo petat authenticam declarationem nullitatis prioris matrimonii, licentiamque impetret transeundi ad secunda vota. Vid. Schmalzgr. *hic num. 115.*

299 Norandum insuper est, hic fuisse sermonem de casu, quo vel uterque, vel unus saltem sponsozum Catholicus contraxit coram Prædicante. Etenim si sponsozzi supponantur fuisse acatholici, putat la Croix *cit. num. 773.* permitti non posse ab Ordinario, ut dissoluto priori connubio transeant ad alia vota: cò quòd prius matrimonium coram Prædicante contra-

ctum probabiliter fuerit validum, ideoque standum videatur pro illius valore. Nec refert illud fuisse à Consistorio acatholico dissolutum; quia talis dissolutio fuit nulla, inquit Doctor *cit.*

Veruntamen non dubito ego, quin si altera pars volens amplecti fidem Catholicam, in tali casu aspiraret ad alia vota, Roma saltem impetrare posset declarationem nullitatis prioris matrimonii; quandoquidem Reinfest. *cit. tit. 3. à nu. 132. & seqq. Matthæucci in sua Causela. 4. c. 8. à num. 101. & alii plures referant declarationes authenticas Cardinalium, quibus hujusmodi matrimonia declarata fuerunt ut nulla & invalida.*

Confirmor amplius ad hoc asserendum ex resolutione data à S. Pœnitentiaria Romana anno circiter 1718. ad sequentem casum. Claudius natus & educatus in hæresi Lutherana, despondit sibi Bertam pariter hæreticam, coram Prædicante suo tunc ordinario, cui per aliquot annos conjugaliter cohabitavit. Cum tempore Claudius abjurata hæresi ad gremium Romanæ Matris se recepit, propter quod repudiatus fuit ab uxore, quæ post annum, annuente hæretico Ministerio, alteri nupsit. Hinc Claudius Cajam sibi junxit, & in quadam Imperii Urbe fixit domicilium, verus Maritus hujus putativæ suæ Conjugis habitus, ex qua aliquot proles suscepit. Tandem conscientia urgente quæsit remedium, & re tota ad S. Pœnitentiariam Romanam delata invenit sequens. Perebatur ex memorata Pœnitentiaria 1. An in illo loco, ubi matrimonium contractum est, Concilium Tridentinum sit receptum? 2. An Claudius inter hæreticos natus & educatus, coram Prædicante Ministro hæretico contraxerit? 3. An Lutherani in his partibus matrimonium habeant, & agnoscant Sacramentum? Ad primum & secundum responsum est affirmativè. Ad tertium verò negativè. Proindeque Roma rescriptum, quòd matrimonium cum Berta, quia *Clandestinum*, secundum Tridentinum per se fuerit nullum, proptereaque Claudio permittum ut cum Cajo putativa conjuge coram suo Parocho & Testibus consentiat, in occulto tamen, ut ipsius fa-

mae

nae consuleretur, & ne esset scandalosis concivibus. Ita mihi vir quidam fide dignissimus retulit, qui rei totius (ut narratur) seriem de ore ipsius R. D. Parochi huic secundo matrimonio assistentis, exceperat. Subsummo jam : atqui si Penitentialia Romana agnosceret hujusmodi matrimonia ab hæreticis coram suis Prædicantibus contracta esse valida, vel tanquam valida agnosci ab Ecclesia, certo nunquam permisisset Claudio, ut transiret ad secunda vota; quia non potest dispensare in impedimento ligaminis : ergo &c.

§. III.

Corollaria ex Dictis inferenda.

300 **C**olliges ex dictis 1. Matrimonium à Personis habitantibus in loco, ubi Tridentinum quoad præens punctum nunquam promulgatum, aut receptum fuit, contractum sine Parocho & testibus, esse nihilominus validum. Ratio est : quia Concilium cit. expressè declarat, hoc decretum non obligare, nisi post triginta dies à publicatione ejus; ergo in loco ubi nunquam promulgatum est, non obligat, ac proinde tam Incolæ illius loci, quam advenæ, vel potius vagabundi, poterunt validè contrahere sine Parocho & Testibus. Econtra si Concilium Trident. in aliquo loco promulgatum sit & receptum, invalidè contrahitur matrimonium sine assentia proprii Parochi, tametsi contrahentes invincibiliter ignorent dictam constitutionem; quia, ut dictum est num. 289. Ignorantia etiam invincibilis non reddit Personas habiles ad contrahendum. Ita communis DD. apud Sanch. ConincK, Reinfiest. Kugler num. 868. & alios.

Dices. At quid si sponsi exeant ad alium locum, ubi Tridentinum non est promulgatum vel receptum, ibique matrimonium clandestinè contrahant, eritne validum?

301 R. Cum distinctione. Si enim

exeant præcisè animo ibi contrahendi, & denuo revertendi ad suum domicilium, matrimonium erit nullum. Si vero exeant animo figendi ibi domicilium, quasi domicilium, vel alterius negotii pertractandi causa, ita, ut ibi per accidens quasi, & sine fraude in legem, contrahant, valebit matrimonium. Ita enim declaratum fuisse à S. Congregatione, & ab Urbano VIII. approbatum anno 1627. 14. Augusti, testantur Lugo *Respons. moral. lib. 1. dub. 36. Engel. bie tit. 3. num. 20. Barbosa, Matthæucci proximè cit. & alii plures.*

302 Dices iterum. Quia ita exeunt à loco domicilii, solo etiam animo contrahendi matrimonium alibi, utuntur jure suo : ergo non agunt in fraudem legis; ergo etiam possunt in tali loco inire matrimonium, non minùs, quam alios contractus.

Resp. Cum P. Schmalzgrueber. citat. numer. 112. hujusmodi matrimonia esse invalida non tam ob fraudem, quam ob declarationem sic approbatam à S. Pontifice, qui noluit ita eludi decretum Tridentini. Unde non est paritas de aliis contractibus; quia, ut supponitur, & debet supponi, aliis non obstat specialis lex, sicuti contrahui matrimoniali. Quare negatur ult. conf.

303 Colliges secundo, Christianos degentes in partibus infidelium v.g. Turcarum, validè contrahere. Idem dicendum de contrahentibus in partibus hæreticorum, ubi Episcopus, Parochus, vel alius Sacerdos habens licentiam assistendi, adiri non potest absque periculo gravis mali, v.gr. carceris, exilii &c. &c. Ratio est : quia omnino rationabiliter per EpiKejam præsumitur non fuisse mentem Concilii, vel Pontificis, comprehendere talem casum; quandoquidem Ecclesia vi hujus constitutionis solum voluerit obviare malis matrimonio clandestino ordinariè provenientibus non item decernere, quò minùs Catholici in integris territoriis, Provinciis, ac Diocesium, ex defectu Parochi matrimonio conjungi unquam possent.

sent. Bosco, Marchant, Herincx. *disp.* 5. n. 10. la Croix. *nu.* 779. Reinfest. *cit.* n. 134. ubi mox subiungit, huiusmodi Catholicis in partibus hæreticorum coram duobus saltem testibus contrahendum esse; eò quòd tales faciliè obtineri queant, & ita declaratum sit à S. Congregatione Cardinalium.

304 Colliges tertio, Milites Castra sequentes, qui proprium non habent Capellanum campestem seu Missionarium, validè ubique conjungi posse à Parocho hospitii, quia tales, cùm nullibi fixum habeant domicilium, meritò æquiparantur vagis. Secùs dicendum videtur de illis, qui in præsidio collocati, vel in Arcibus Nobilium suis deservientes Officialibus, per longum temporis spatium, vel maiorem anni partem ibidem sustentantur; quia tales acquirunt quasi domicilium, idèdque non sunt vagi, sed quantum attingit perceptionem Sacramentorum, subditi Parocho illius loci, in quo convertantur. Schiara, la Croix *nu.* 751. Clericat. *decis.* 35. n. 24.

305 Colliges quarto, Valori matrimonii non obistere, tamen testes vel Parochus assisterent inviti. Ratio est, quia horum præsentia solum exigitur in eum finem, ut de matrimonio contracto testari possit: atqui hoc possunt, etiam si inviti assistant; ergo. Et ita declaratum fuisse à S. Congregatione die 11. Maij 1669. testantur Cleric. *cit.* num. 20. Fagnanus c. *Quæsum.* de pœnit. & remiss. *num.* 7. alique plures. Meritò tamen censet Averfa apud la Croix, tales, præsentia Parochi tam irreverenter abutentes, graviter peccare; quod procul dñbio verum existimo, si fiat sine gravi, & valde urgente causa.

306 Colliges tandem quinto, Assistentibus matrimonio quàm cautissimè procedendum esse; monetque rectè Averfa apud la Croix, approbantem *num.* 724. Regulariter credendum non esse contrahentis, assistentibus se licentiam habere contrahendi &c. nisi in scriptis huiusmodi licentiam exhibeant. Ratio huius faciliè colligitur ex dictis; tum nimirum, quia Causa matrimonii est una de gravissimis, ex qua dependet animarum sa-

lus, nec faciliè dissolvi potest matrimonium semel (licet invalidè) contractum, sine scandalis & aliis maximis inconvenientiis; tum etiam quia experientia docuit, à sponsis insano amore excœcatis, jam pluries fuisse excogitatas fraudes, quarum occasione Parochi, aliique, minùs quàm oportuisset, cautè procedentes, & suam exhibentes præsentiam, turpiter proficui fuisse. Hinc & Concilium Trident. *ss.* 24. de reform. *Matr.* c. 7. præcipit Parochis, ne Vagorum matrimonii interfint, nisi primò diligentem inquisitionem fecerint, & re ad Ordinarium delata ab eo licentiam id faciendi obtinuerint. Quod præceptum graviter obligare, meritò tenent Averfa, Sanchez, & alii communiter.

CONFERENTIA

DECIMATERTIA.

De Natura, & Essentia Matrimonii, ejusdemque Solemnitatibus.

SUMMARIUM.

- 307 Matrimonium est legitima Maris ac fœminæ conjunctio, in individuum vitæ societatem &c.
- 308 Estque triplex, videlicet legitimum, ratum & consummatum.
- 309 Inter Fideles legitime celebratum, est Sacramentum.
- 310 Materia remota sunt corpora, proxima est traditio: Forma autem sunt verba, vel alia signa contrahentium, consensum satis exprimentia.
- 311 Ministri hujus Sacramenti sunt ipsi contrahentes.
- 312 Non item Parochus: qui solum est testis autorizabilis.
- 313 Consensus contrahentium debet esse mutus, voluntarius, liber, & absolutus &c.
- 314 Si Matrimonium contrahatur sub condi-

ione honesta de præterito, aut præ-
senti, ea subsistente statim conva-
lescit.

315 Si sub conditione physice, vel etiam
moraliter impossibili, idèque absque
serio animo contrahendi, matrimo-
nium est nullum.

316 In foro tamen externo (nisi aliud con-
stat) huiusmodi conditiones habentur
pro non adjectis, & matrimonium
presumitur validum.

317 Si contrahitur sub conditione repu-
guante substantiæ Matrimonii, vele-
jus triplici bono, non valet.

318 Valeret tamen, si contrahendo se verè
obligaret v. g. ad servandam fidem
& licet haberent intentionem aliquan-
do non servandi &c.

319 Ad Matrimonium legitimum requiri-
tur triplex solemnitas, nempe 1. tri-
na denuntiatio. 2. Copulatio, seu be-
nedictio Parochi. 3. Eiusdemque,
& testium presentia.

320 Resolvitur Casus I. de Persona, quæ
voto simplici Castitatis obstricta,
nupsit cum hac conditione, ut sibi
liceret servare Castitatem Deo pro-
missam.

321 An talis Persona à Iudice Ecclesia-
stico condemnata ad reddendum de-
bitum, teneatur, vel saltem possit
licite reddere?

322 Videtur eisdem consulendum, ut petat
dispensationem.

323 Resolvitur Casus II. de Puella, quæ
Parentum minis indacta (probabi-
liter invalide) nupsit, & è con-
vicio nuptiali discessit.

324 Resolvitur Casus III. de sponso, qui
ob impedimentum affinitatis occultè
contractus, renuit ducere sponsam
suam, proptereaquæ à Iudice Ec-
clesiastico fuit incarcerationatus &c.

325 Copula Carnalis non est de essentia
Matrimonii.

326 Matrimonia contracta cum pacto illud
aliquando dissolvendi per repudium
&c. sunt nulla.

327 Sacerdos in statu disgratiæ afflatus
Matrimonio non peccat.

328 Peccant tamen graviter sponsi, in
statu disgratiæ contrahentes; quia

indignè suscipiunt Sacramentum.

329 Quando per Epistolam, vel Procura-
torem contrahunt, debent esse in sta-
tu gratiæ pro eo tempore, quo con-
tractus fit per Procuratorem.

330 Ipse tamen Procurator fungendo lega-
tione sua in statu disgratiæ, non
peccat.

§. I.

Præmittuntur, & breviter resolvuntur quæ-
sita, scitu necessaria ad ritè deciden-
dos Casus de Natura seu essen-
tia Matrimonii.

Quæres primò. Quid sit Matrimo-
nium?

307 R. Matrimonium est legitima Ma-
ris ac fœminæ conjunctio, individuum
vitæ societatem retinens. Ita in re com-
munis. Dicitur autem conjunctio legiti-
ma, id est, facta secundum leges, inter
Personas scilicet non irretitas impedi-
mento aliquo saltem dirimente. Quod au-
tem conjunctio illa debeat esse indivi-
dua seu perpetua, colligitur ex fine pri-
mario, in quem institutum est matri-
monium, nempe ad procreandam, & ho-
nestè educandam prolem: quod nunquam,
aut vix unquam fieret nisi Parentes con-
jungerentur perpetuo fœdere, ut consta-
bit ex dicendis: ergo. Alii distinguunt
inter matrimonium *in fieri*, & *in facto*
esse. Matrimonium in fieri (quod habet
annexam rationem Sacramenti, ut vide-
bimus) describitur à Scoto 4. dist. 26.
qu. un. quod sit maris & fœminæ mu-
tua translatio corporum suorum, pro u-
su perpetuo, ad procreandam prolem,
& debitè educandam. Matrimonium au-
tem in facto esse, est mutua obligatio,
seu vinculum illud, quo conjuges inter
se mutuo indissolubiter obligati perman-
ent; quod vinculum est effectus con-
tractus matrimonialis. Vid. Mastr. 4.
disp. 7. n. 6.

Quer. secundò. Quotuplex sit matri-
monium?

308 Matrimonium est triplex, videli-
cet legitimum, ratum, & consummatum.
Legitimum dicitur illud, quod legitimo
coa-

consensu inter personas habiles, seu iure non impeditis constitutum est. Dicitur autem legitimum, eo quod iuxta leges sit initum. Et tale matrimonium datur non solum inter fideles baptizatos, sed etiam inter omnes illos infideles, qui legitime, id est, absque ullo impedimento dirimente contrahunt. Matrimonium *ratum* in se includit legitimum, & insuper addit rationem Sacramenti, per quod maiorem firmitatem acquirit, esto nondum sit consummatum. Et tale matrimonium datur solum inter fideles, non item inter infideles, utpote incapaces Sacramenti. Tandem matrimonium consummatum appellatur, quod accedente reali corporis, usu, seu copula carnali perfecta, & de se sufficiente ad generationem, inter Coniuges est completum & consummatum. Ita rursus in re communiter DD.

Quær. tertio. Sitne matrimonium Sacramentum novæ legis inter fideles, & quando à Christo institutum?

309 R. Est sacramentum inter fideles, si legitime contrahatur, saltem cum intentione illa generali *faciendi, quod Christus instituit*. Ratio desumitur tum ex perpetua traditione & sensu Ecclesiæ, tum etiam quia hoc nedum à Concilio Florentino, sed etiam à Tridentino SS. 24. Can. 1. tanquam de fide fuit definitum Cæterum de tempore, quo contractus matrimonialis à Christo sit elevatus ad dignitatem Sacramenti, non conveniunt DD. ut videre est apud Cleric. *de Matr. decis.* 1. n. 19. Scotus, alique plures satis verosimiliter asserunt, fuisse elevatum tunc, quando Christus Dominus *Matth.* 19. approbans matrimonium eo modo, quo primitus institutum fuerat *Gen. c. 2.* subiunxit: *quod Deus coniunxit, homo non separat*; quandoquidem alibi vix planius invenitur institutio huius Sacramenti. Vide Herinex *hic disp.* 2. n. 30.

Quær. quarto, quænam sit materia, quæ forma, & quis Minister huius Sacramenti?

310 R. 1. Materia remota sunt corpora tradenda, proxima verò est traditio corporum in ordine ad generationem proles. Forma autem sunt contrahentium verba, vel alia signa externa verbis æqui-

valentia, & mutuum consensum intentionum, atque traditionem & acceptatam nem corporum sufficienter exprimentia. Ita Scot. 4. *disp.* 26. *Mastr. disp.* 20. *Theol. moral.* n. 9. & 10. Reinsist. alique passim. Ratio prioris est: quia Christus instituens hoc Sacramentum, in nullo penitus mutavit naturam contractus matrimonialis, sed eum dumtaxat elevavit ad statum & dignitatem Sacramenti: ergo eadem est materia huius Sacramenti, quæ est materia contractus: atqui materia contractus matrimonialis sunt corpora contrahentium: generaliter enim loquendo materia cuiuslibet contractus est res illa, de qua contrahitur: ergo. Quod autem traditio legitima corporum sit materia proxima huius Sacramenti, probatur à simili; nam etiam in Sacramento Ordinis traditio materiæ remotæ, censetur esse materia proxima ipsius: ergo idem dicendum in proposito. Ratio verò secundi est: tum quia & in cæteris Sacramentis forma consistit in verbis; tum etiam quia generatim forma contractuum solent esse verba, vel alia signa verbis æquivalentia, & sufficienter exprimentia interdum consensum contrahentium. Ita comm. Reinsist. *Theol. moral. tract.* 14. *disp.* 13. à num. 14.

Dictum etiam fuit: *vel alia signa externa verbis æquivalentia &c.* Quia mutus, etsi loqui non valeat, nihilominus matrimonium contrahere potest; cum, quod verbis non potest, signis valeat declarare, ut dicitur *c. Cum apud. de sponsal.* Ubi Pontifex hoc ipsum admittit de muto & surdo, dummodo hic sit compos rationis, & sufficienter intelligat, quid agatur.

311 R. secundo. Ministri Sacramenti matrimonii proprie sunt ipsimet contrahentes, ambo quidem adæquate, singuli autem inadæquate. Ita communis, & Clarissime Scot. 4. *disp.* 26. §. *de Ministro*, ubi ait, quod *ipsimet contrahentes ministrant sibi hoc Sacramentum, vel mutuo, vel uterque sibi*, integrant tamen unum Ministerium. Ratio est: quia ille debet esse Minister huius Sacramenti, consistentis in contractu, qui est minister ipse contractus: atqui Minister huius contra-

tra-

tractus sunt ambo contrahentes; ipsi enim per mutuum consensum faciunt contractum, ergo &c.

Dices. Juxta præscriptum. Tridentini cit. Parochus vel alius Sacerdos assistens matrimonio, intellecto sponsum consensu, debet dicere ad illos. *Ego vos in matrimonium conjungo, in nomine Patris, & Filii, & Spiritus S.* ergo dicendum, quod hic sit Minister; cum aliunde videatur absurdum, dicere, quod Laici sint Minister Sacramenti.

312 R. neg. conseq. Etenim verba ista non proferuntur à Sacerdote seu Parocho per modum formæ, sed præcisè per modum piæ præcationis, ac ceremoniæ ecclesiasticæ, quia confirmatur, & in facie Ecclesiæ approbatur contractus matrimonialis; quod vel inde evidenter licet concludere; tum quia olim subsistebat matrimonium clandestinum, & etiamnum subsistit sine præfatis verbis, si contrahatur in loco, ubi Tridentinum non fuit receptum; tum etiam quia hodie dum subsisteret matrimonium, tamen Sacerdos vel Parochus assistens nullum proferret verbum, aut invitus assistens contradiceret. Quare dicendum, quod Sacerdos assistens sit duntaxat testis auctorizabilis, seu talis, qui nomine atque auctoritate Ecclesiæ assistere, & in contrahentes habere debet jurisdictionem specialem, vel saltem ab habente talem obtinuisse licentiam assistendi. Et quia hoc Sacramentum non requirit Ministerium consecratum; hinc absurdum videri non debet, quod possit confici à Laico; constat enim, quod etiam scemina possit administrare Sacramentum Baptismi. *Communis.*

Quæres quintò, qualis requiratur consensus ad valorem matrimonii?

313 R. Requiritur 1. consensus mutuus, 2. verus & serius, 3. voluntarius, & liber, 4. absolutus, & 5. proprius contrahentium, aliquo signo externo manifestatus. Ratio horum colligi potest ex dictis de sponsalibus à num. 2. Si enim consensus sponsalium debet esse vestitus memoratis conditionibus, à fortiori id ipsum tenendum est de consensu matrimoniali. V. Sporer n. 290.

Dices. At quid, si matrimonium

contrahatur sub conditione, eritne validum?

Ante responsionem advertendum, dari nonnullas conditiones. 1. quæ substantiæ matrimonii repugnant. 2. Aliæ dantur, quæ sunt impossibiles vel naturaliter, vel saltem moraliter, ita scilicet, ut sine peccato poni, & adimpleri nequeant. 3. Rursus aliæ conditiones dantur de se honestæ, vel etiam indifferentes, & istæ possunt esse vel de præterito, vel de futuro primùm, prout etiam fieri potest, & non raro solet in aliis contractibus. Substantiæ repugnantes censentur, quæ repugnant vel 1. *bono fidei conjugalis*, vi cuius conjux tenetur corpus suum servare conjugi, & non alteri prostituere, vel 2. *bono prolis*, vi cuius conjuges tenentur non impedire generationem prolis, vel 3. *bono Sacramenti*, vi cuius conjuges obligantur contrahere indissolubiter & perpetuò, vel potiùs ad dies vitæ. Hoc notato.

314 R. Ad quæstionem 1. Si matrimonium contrahatur sub conditione de se honesta de præsentì, aut præterito, tunc subsistente conditione statim valet; quia consensus conditionatus statim transit in absolutum. Si autem contrahatur sub conditione de futuro contingenti, ante conditionem adimpletam non est validum: posita tamen, seu adimpleta conditione statim convalescit, & quidem sine novo consensu, dummodo antiquus non sit revocatus. Ratio est: quia alii contractus sub conditione celebrati, posita conditione statim valent, & traseunt in absolutos, præcisò omni novo consensu: ergo idem dicendum est de contractu matrimoniali (supposito tamen, quod sit celebratus coram Parocho, & testibus) tum quia matrimonium in ratione contractus non differt ab aliis; tum etiam quia de contractu matrimoniali nihil speciale constitutum reperitur ullo jure, sive divino, sive humano. Jilfing. tr. 6. disp. 9. n. 47. Laym. Castrop. Bonac. Babenst. tr. 8. part. 7. disp. 2. a. 3. n. 21. Notat tamen Sporer. n. 329. & alii communiter, hujusmodi sponsum usum matrimonii non esse licitum, priùs quàm constituerit de conditione adimpleta; secùs enim exponerent se periculo fornicandi. *Vid. DD. citi.*

315 R. 2. Quando contractui matrimoniali adijcitur conditio vel physice impossibilis, qualis est hæc: *si cœlum digito tangas*, vel impossibilis moraliter, ut est sequens: *Si inter consanguineos licet contrahere* &c. & ex circumstantiis colligitur, eam adjicienti non fuisse serium animum contrahendi, nullus efficitur contractus matrimonialis. Ratio est: quia sine intentione contrahendi dari non potest consensus requisitus ad valorem contractus matrimonialis: at, ubi non est serius animus contrahendi, nondatur intentio: ergo &c.

316 Dictum tamen fuit: *Et ex circumstantiis colligitur, non fuisse serium animum*, &c. Nam si absint tales circumstantiæ, conditiones impossibiles in foro externo præsumuntur joci causa adjectæ, adeoque in foro externo habentur pro non adjectis, & in favorem matrimonii præsumitur pro valore contractus, prout expressè deciditur c. *fin. de conditionib. appof.* Idem tenendum est de matrimonio contracto sub conditione moraliter tantum impossibili, v. g. hac *si Uxorem occidas*, *si fidem neget*, &c. dato enim, fuisse serium animum loquentis & conditionem ab altera parte impletam, subsistit matrimonium, quemadmodum contractui stare, & solvere tenetur post adimpletam conditionem turpem, qui promisit meretrici dare pecuniam pro usu corporis. Ita cum communi Sporer *num. 337. & 338. Salmanticens. Mezger apud Babenstuber. cit. num. 28.*

317 R. tertio. Si matrimonium contrahatur sub conditione, vel potius sub modo repugnante substantiæ matrimonii, ejusve triplici bono; ut si unus dicat alteri: *contraho tecum, si generationem proli evites*; vel, *donec inveniam dignitatem*; aut, *si pro quæstu adulterandam te tradas*, ita, ut hujusmodi conditio in pactum deducatur, & eo modo aut pacto contrahatur, ut conjux sit obligatus ad talia facienda aut permittenda, contractus matrimonialis nullus est, non solum jure positivo c. *fin. de condit. appof.* sed etiam ipso jure naturali. Ratio est: quia de substantia contractus matrimonialis est consensus in societatem perpetuam,

Elbel Theol. P. III.

ad fidem sibi servandam & ad prolem suscipiendam, aut certè prolis generationem positivè non impediendam: atqui memoratæ conditiones, in pactum & obligationem deductæ, tollunt talem consensum; cum obligent ad eidem contraria: ergo. Vid. Sporer. *num. 344. Illung. cit. numer. 42. Filliuc. tr. 10. pag. 1. c. 4. num. 147.*

318 Dixi tamen: *Si hujusmodi conditiones in pactum & obligationem deducantur*; nam si conjuges sese verè obligent ad perpetuò servandam fidem, & ad reddendum debitum &c. tametsi haberent voluntatem hujusmodi obligationi nunquam satisfaciendi in actu secundo, nihilominus matrimonium valeret, quia actus secundus, puta, redditionis debiti &c. non est de essentia vel substantia conjugii, sed tantum actus primus, seu obligatio reddendi, vel jus petendi; ferè quemadmodum de substantia voti non est actualis observatio, seu adimpletio sed tantum voluntas sese obligandi; unde votum v. g. Castitatis adhuc valeret, licet vovens haberet animum nunquam servandi castitatem. Vid. DD. *cit.*

Quæres sextò, qualis requiratur solemnitas ad contrahendum debitè matrimonium?

319 R. Juxta præscriptum Concilii Tr. 55. 24. *de reform. matr. c. 1.* requiritur triplex solemnitas, quæ est quasi forma extrinseca matrimonii, nempe 1. Trina denuntiatio prævia. 2. Copulatio seu benedictio Parochi. 3. Præsentia proprii Parochi & testium. De hac præsentia egimus à nu. 281. De benedictione breviter advertendum, non esse peccatum mortale, immò probabilius nec veniale, si sponsi matrimonium consumment non præmissa benedictione Ecclesiæ, dummodo absit contemptus aut scandalum. Ita cum aliis Babenstuber. *cit. n. 39.* Ratio est: quia Concilium Trident. proximè cit. hortatur quidem conjuges, ut ante benedictionem non consumment matrimonium, non tamen præcipit, sed tantum consulit: consilium autem non sequi, ex se peccatum non est: ergo.

Denuntiationes tandem quod attinet, ordinavit Concilium Trid. loc. cit: *ut in*

Ff

po-

posserum, antequam matrimonium contrahatur, *scilicet* a proprio contrahentium Parocho, tribus continuis diebus festis in Ecclesia inter Missarum solemnias publicè denuncietur, inter quos Matrimonium fit contrahendum. Cumque finis hujus præcepti sit gravis momenti; hinc Doctores communiter fatentur, denuntiationes intermitteri non posse sine gravi peccato, nisi excuset legitima causa, vel dispensatio interveniat. Quod sponsi in eadem Parochia non habeant domicilium, sed spectent ad diversas, in utraque Parochia fieri debent denuntiationes, ut impedimenta eò faciliùs detegantur. Attendenda tamen erit circa hoc punctum consuetudo locorum. Cæterùm quinam in proclamationibus seu denuntiationibus dispensare valeant, dictum est n. 81.

§. II.

Proponuntur, & breviter resolvuntur
Câsus practici de valore matrimonii.

CASUS PRIMUS.

Titia voto Castitatis obstricta, post multas precum instantias tandem consentit in matrimonium cum Titio viduo celebrandum, sed sub ea conditione, ut Marius debitum nunquam poscularet, & sibi liceret castitatem Deo promissam servare illasam. Titius conditionem acceptavit quidem, sed post celebratum in facie Ecclesiæ matrimonium, debitum importunè petiit, quod tamen uxor constanter negavit. Et quia alio modo importunitatem viri declinare, judicavit sibi impossibile; hinc ad redimendam vexam, & votum Deo servandum, fuga sibi consuluit. Verùm delata tandem tota rei serie ad Judicem Ecclesiasticum, Titia sub interminatione gravium pœnarum condemnata, & compulsa fuit, ut viro cohabitaret & debitum redderet, eò præsertim, quod votum suum probare non potuerit, nec in actuali contractu coram facie Ecclesiæ celebrato quidquam exceperit. Venit proin multum anxia ad Confessarium, censilium postulans, & querens 1. an valeat matrimonium ita contractum? 2. an Ju-

dict obtemperare, & Marito debitum reddere teneatur, vel quid sibi agendum?

320 R. Ad primum. Matrimonium valet. Ratio est: quia Titia obligationem reddendi debitum, saltem remotam, seu in actu primo non exclusit, ut supponitur; præsertim cùm more aliorum in facie Ecclesiæ contraxerit: sed tantùm exceperit contra actualem redditionem debiti in actu secundo: actualis autem redditio non est de essentia seu substantia matrimonii; secùs enim dicendum foret, quòd B. Virgo Maria (quæ procul dubio nunquam habuit animum utendi matrimonio) non fuisset vera Conjux, nec validè contraxisset cum suo castissimo sponso S. Josepho. Et quamvis multi Doctores teneant, matrimonium cum pacto servandi castitatem inicum, esse nullum; opposita tamen sententia, quam defendunt Vasquez, Præpos. Herincx. cit. disp. 3. nu. 37. Kugler nu. 520. & alii plures, est probabilissima; atqui Matrimonio juxta probabilem sententiam validè contracto certò standum est; tum quod sit causa favorabilis; tum etiam quia præsumendum est potius pro valore, quàm pro nullitate actus: ergo. Vid. DD. proximi cit.

321 R. Ad secundum. Titia in rigore loquendo, & ex iustitia non tenetur reddere debitum, nec obtemperare Judici. Ratio est: quia sententia Judicis procedit ex falsa præsumptione facti particularis, nempe quòd Titia non exceperit contra actualem usum matrimonii, & Marius talem conditionem nunquam acceptaverit. Nec dubitandum, quin Judex aliter procederet, ubi de rei veritate sibi satis constaret: atqui sententia vel præceptum Superioris procedens ex falsa præsumptione facti particularis non obligat; Hac quippe de causa Uxor, cui certò constaret de adulterio à Marito commissio, non tenetur ampliùs eidem reddere debitum, tametsi ad reddendum à Judice, cui adulterium probare, nequit, compelleretur, prout cum aliis pluribus tenent Sanchez l. ro. disp. 12. nu. 6. Laym. l. 5. tr. 10. p. 3. c. 1. num. 4. & Sporer nu. 511. ergo 3c. Nihilominus cum matrimonium sit validè contractum, ut supponimus,

mus, ob rationem datam superius, & Titia debitum negare non possit moraliter loquendo, tum ob poenas à Iudice Ecclesiastico intentas, tum etiam ob importunitatem viri, & continuum incontinentiæ periculum; hinc procul dubio potest, inuicem ex charitate saltem teneretur reddere; quia votum continentiae cum tanto rigore non obligat, nec debet esse maioris boni impeditivum. Hinc est, quod Maritus, habens votum non petendi debitum, teneatur illud interdum non servare, si advertat tale votum aegre ferri ab uxore, aut præbere causam discordiis. Vid. Laym. l. 4. tr. 4. c. 7. nu. 16. Illung. tr. 3. disp. 1. n. 127.

322 Consulendum tamen videtur Titiae, ut propter periculum incontinentiæ vitandum petat dispensationem, quam impetrare poterit, & de scilicet impetrabit vel à summo Pontifice, vel ab Episcopo, vel denique, si necessitas urgeat, ab aliquo Mendicante, qui vi privilegiorum suorum in voto continentiae, saltem post contractum matrimonium, ubi necessitas urget, dispensare possunt, prout potest alios bene probat Sporer tr. 7. 4. de cal. cap. 3. num. 54. & 75. & infra num. 495. videbimus.

CASUS SECUNDUS.

Sempronia à Parentibus suis sæpius angariata, ut nuberet Sempronio, ad evadendas tandem aliquando Parentum minas, & importunas sollicitationes, respondit Parentibus; agite quod vobis lubet. Quare Parentes adornarunt nuptias. Deducitur proin Sempronia ad Ecclesiam, ibique coram Parocho & testibus interrogata, an Sempronium velit habere in suum? respondit frigidum: ita. Verum paulo post reducta ab Ecclesia (ut assolent) in hospitium, discessit à convito nuptiali, renuitque cohabitare sponso, asseverans se solum consensisse in matrimonium ob Parentum minas, & importunas preces. Queritur jam, quid de valore huius matrimonii concludendum?

323 R. Concludendum videtur, matrimonium esse nullum. Ratio est: quia quamvis solus metus reverentialis utpote

de selevi, non habeat vim irritandi matrimonium, si tamen accedant importunæ sollicitationes, Parentum minas, vel si rationabiliter timeatur gravis & diuturna Parentum indignatio, vel mala tractatio, vel denique aliud quodcumque grave malum aut incommodum, matrimonium reddit nullum prout jam superius num. 192. dictum fuit, & fatentur DD. communissimè. Sporer. num. 17. Sanch. Laym. Kug. à num. 671. la Croix. num. 657. Et quoniam ex tali matrimonio timeri potius debuit eventus pessimus, quam sperari exitus bonus; hinc merito, & quidem sapientissimè, iudicio Ecclesiæ (ut mihi constat) declaratum fuit, memoratum matrimonium fuisse nullum, & data Puellæ potestas liberè, cuicumque vellet, nubendi. Vid. Gobat. tr. 9. à n. 143.

CASUS TERTIUS.

Cajus post contracta sponsalia, ex fragilitate humana lapsus, cognovit carnaliter sororem suæ sponsæ; unde etiam propter contractum inde impedimentum asinitatis, licet occultum, renuit ducere illam: Hec verò accessit ad tribunal ecclesiasticum, pretens ut sponsus cogeretur implere promissionem sponsalium. Et quantum admonitus à Iudice Ecclesiastico noluit stare promissis; hinc incarceratus fuit, & excommunicatus. Queritur jam quid Cajo agendum, vel consili loco suggerendum fuerit in hoc casu?

324 R. Consulendum fuit, ut Cajus peteret dispensationem super impedimento affinitatis, eamque, vel à S. Penitentiaria Romana, vel ab Episcopo, qui in casu tam urgenti potest dispensare, prout hodie communiter fatentur DD. Sanchez. Laym. Sporer. Coninck, Kugler. n. 2124. & alii. Quodsi Episcopus dispensare nollet (prout teste Carden. differt. 12. n. 8. multi faciunt) vel sponsus vincula aliter evadere nequeat, consulendum erit, ut in facie Ecclesiæ interim, dum Roma obtinuerit dispensationem, contrahat, animo tamen faciendi, quantum potest pro hic & nunc, non consummandi matrimonium ante obtentam dispensationem; in tali enim casu necessitatis (inquit la Croix

n. 339.) Ecclesia non prohibet, ut contrahant quantum possunt: neque per hoc formaliter simulat susceptionem aut administrationem Sacramenti, sed potius simulat contratum, qui secundum se non includit actionem sacram, priusquam sit completus & validus, inter personas habiles legitime celebratus. Vid. Gobat. *rr. 9. n. 256. & 350. Cardenas cit. n. 90. Bosco disp. 12. Sect. 1. a n. 232.*

§. III.

Corollaria ex dictis inferenda.

325 **C**olliges ex dictis primò, copulam carnalem non esse de essentia Matrimonii; tum quia matrimonium ratum præscindendo à copula, est verum matrimonium; tum etiam quia copula est tantum usus matrimonii; usus autem supponit essentiam rei, cujus est usus: ergo. Idcirco secundum dicta, inter B. Virginem & virginem Ejus sponsum Josephum, fuit verum matrimonium, absque ullo commercio carnali. Nihilominus cum traditio & acceptatio juris in corpora ex sua natura ordinetur ad copulam tanquam medium necessarium ad susceptionem prolis, qui est finis intrinsecus matrimonii; hinc sponsi contrahentes & expressè consentientes in translationem juris, non possunt non consentire saltem implicite in usum talis juris, sin minus in actu secundo saltem in actu primo, ut notant *DD. communiter.*

326 Colliges secundò, Matrimonia à Paganis vel etiam hæreticis &c. contracta cum expressò vel tacito saltem pacto illud dissolvendi per repudium, esse nulla seu invalida. Ratio est: quia indissolubilitas est de substantia matrimonii; tale autem pactum repugnat indissolubilitati. ergo & substantiæ. Secùs dicendum foret, si sponsi haberent animum contrahendi indissolubiter, tamen cogitarent cum tempore invicem se derelinquere, ut ex dictis constare debet. Sanch. Salmanticenses, Clericat. *decis. 8. n. 43.*

327 Colliges tertio, Sacerdotem non peccare mortaliter, si constitutus in statu peccati mortalis matrimonio assistat, aut

benedicat nuptias. Ratio est: quia assistendo aut benedicendo non ministrat aut conficit Sacramentum. Ita cum *commun. Bonacin. Sanch. lib. 2. disp. 6. n. 5.*

328 Colliges quartò, Sponsos, in statu peccati mortalis contrahendo, peccare mortaliter, saltem in quantum suscipientes; quia Sacramentum indignè suscipiunt & tractant, ponendo obicem gratiæ sacramentali. Probabilius tamen non peccant mortaliter in quantum sunt Ministri; quamvis enim sint Ministri ad hoc deputati, non tamen sunt Ministri specialiter consecrati ad hoc Sacramentum administrandum; etsi fatendum sit, ait *Spor. n. 355. opinionem Navarii (oppositam) esse ad modum probabilem.* Loquimur autem de sponsis fidelibus seu baptizatis; nam Pagani seu infideles non baptizati, cum ob defectum baptismi sint incapaces Sacramentorum, contrahendo non conficiunt Sacramentum; unde etiam in statu disgratiæ celebrantes matrimonium non peccant, ne quidem ut suscipientes.

Dices. At quid, si matrimonium contrahatur per Procuratorem?

329 **R. 1.** Per Procuratorem contrahi potest dummodo mandatum sit datum ad aliquam Personam in individuo, & potestas contrahendi tempore, quo Procurator contrahit, non revocata. Ratio est: quia alii contractus celebrari possunt per Procuratorem: ergo & iste; cum nihil speciale de hoc sit constitutum. Accedit etiam praxis Ecclesiæ. Necessum tamen est, ut si tale matrimonium per Procuratorem, vel per Epistolam (prout fieri potest) celebretur, id fiat coram proprio Parocho & testibus, ob rationes suprà à *n. 2. 9. allegatas.*

330 **R. 2.** Ut Procurator licitè etiam contrahat nomine sui Principalis, non est necessum, ut ipse sit in statugratiæ, bene tamen ut mandans, cujus nomine contrahit, in statu gratiæ existat. Ratio est: quia Procurator non recipit Sacramentum, bene verò mandans eum Principalis, qui proinde tenetur tunc esse in statu gratiæ, ne illud indignè recipiat. Sanchez, Bonacin. Salmanticenses. Babenst. *rr. 8. p. 7. disp. 2. art. 4. n. 23.*

CON-

CONFERENTIA

DECIMAQUARTA.

De Matrimonio invalido revalidando.

SUMMARIUM.

- 331 Matrimonium cum impedimento dirimente contractum, bene concluditur esse nullum.
- 332 Impedimenta jure naturali dirimentia enumerantur 6.
- 333 Jure naturali divino (saltem impedientia) sunt duo.
- 334 Jure humano tantum dirimentia, dantur septem.
- 335 Quae dirimunt jure naturali, sunt indispensabilia.
- 336 Illa etiam, quae jure divino impediunt, potestate humana directe tolli, seu dispensari non possunt.
- 337 In impedimentis, jure humano tantum dirimentibus, dispensare potest 1. Summus Pontifex. 2. Subinde etiam Episcopus.
- 338 Confessarius, dum advertit Pœnitentem laborare aliquo impedimento, praesertim dirimente, debet cautissimè procedere;
- 339 Et ante omnia attendere, sitne pœnitens in bona, vel in mala fide? &c.
- 340 Nec oportet plus respondere, quàm interrogatur.
- 341 Secus dicendum, si praevideat, suam responsonem, vel admonitionem esse profuturam &c.
- 342 Et quid, si Confessarius dubitet, sitne sua admonitio profutura, vel non?
- 343 Quando Matrimonium fuit nullum ex defectu consensus in una parte v. g. sponsa, sufficit pro revalidatione, ab eadem parte novum praestari consensum.
- 344 Si autem fuit invalidum propter inhabilitatem Personarum, necessum est, ut ex utroque parte novus in-

Elbel Theol. P. III.

terveniat consensus: an verò explicitus? disputant. DD.

- 345 Casu quò nullitas Prioris Matrimonii est notoria, debet revalidari in praesentia Parochi ac Testium: non item, si sit occulta, ita, ut probari non possit, &c.
- 346 Respondetur cuidam instantiæ.
- 347 Resolvitur Casus I. de Uxore, quæ mala fide à quadraginta annis vixit in statu Conjugali.
- 348 Quid Confessario in tali Casu agendum?
- 349 Et quomodo practicè ad revalidationem procedendum?
- 350 Resolvitur Casus II. de Uxore, quæ prius clandestinè cum uno, postea autem publicè cum altero contraxerat.
- 351 Quid tali consulendum?
- 352 Vel quo modo impedimentum ligamini (si supponatur obstricta) coram Judice probandum?
- 353 Quod si probare nequeat, oportebit fugere.
- 354 Resolvitur Casus III. de Fœmina, quæ falsè dicitans coram Judice, se à Sempronio imprægnatam, Eundem coegit ad contrahendum.
- 355 Tale matrimonium videtur necessariò revalidandum.
- 356 Et quomodo? praesertim si dubitetur, an Sempronius hactenus liberè unquam consenserit?
- 357 Qua ratione Confessario causè procedendum circa revalidationem?
- 358 Non semper tenetur pœnitentem obligare, ut impedimentum latens alteri parti manifestet.
- 359 Explicantur quædam clausulae, quæ videntur obsistere.

§. I.

Præmittuntur & breviter resolvuntur quæsitæ, scitu necessaria ad resolvendos Casus de matrimonio invalido revalidando.

Q Uæres 1. Unde dignoscendum vel concludendum, quòd matrimonium fuerit invalidè contractum?

Ff 3

331 R.

332 R. Concludendum est fuisse invalidè contràctum, si sponsi tempore contràctus fuerunt irretiti aliquo impedimento dirimente. Ratio est evidens: quia impedimenta idèd vocantur dirimentia, quòd matrimonium reddant nullum, vel potius quòd obstant, ne illud validè contrahatur. Quia verò ad præsents Conferentiæ institutum vel maximi refert, nosse, quænam impedimenta sint dispensabilia, & quænam non; hinc.

Quær. secundò, quænam impedimenta dirimant 1. jure naturali; 2. quænam jure divino? & 3. quænam tandem jure humano seu Ecclesiastico?

332 R. 1. Impedimenta jure naturali dirimentia sunt 1. Error in Persona. 2. Conditio servilis ignorata. 3. Defectus consensus saltem ex parte unius, ut si sit tantum datur, aut etiam (secundum probabilem opinionem Scoti & aliorum) metu gravi injustè incussò fuit extortus. 4. impotentia perpetua. 5. Consanguinitas in primo gradu lineæ rectæ, & (secundum aliquos) etiam in primo gradu lineæ transversæ. 6. Probabiliter etiam ligamen.

333 R. secundò. Jure divino naturali matrimonium saltem impedit votum sollemne Professionis, ac etiam votum sacris Ordinibus annexum; immò, secundum D. Thomam votum sollemne etiam dirimit jure divino. 2. Eodem jure divino cultus disparitas impedit matrimonium.

334 R. tertiò. Jure humano seu Ecclesiastico tantum dirimunt sequentia. 1. Consanguinitas ultra primum gradum; immò etiam (secundum multos) in primo gradu lineæ transversæ. 2. Omnis affinitas ex quacunque copula. 3. Omnis cognatio spiritalis, & legalis. 4. Omne crimen, sicut & 5. Publica honestas. 6. Raptus, & 7. Clandestinitas. *Communis DD.*

Quær. tertiò, an vel quænam impedimenta sint dispensabilia, & quænam non?

335 R. primò. Impedimenta orta ex defectu consensus, non sunt propriè dispensabilia, sed tantum supplebilis per liberum consensum de novo præstandum.

2. Similiter indispensabile est impedimentum impotentiae perpetuae. 3. Item impedimentum consanguinitatis in primo gradu lineæ rectæ, sicut & 4. Impedimentum ligaminis jure saltem humano esse indispensabilia, fatentur DD. communissimè; quodque in istis nunquam dispensetur, docet praxis.

336 R. secundò. In impedimentis jure naturali divino dirimentibus vel saltem impediendis, ut est votum sollemne &c. nec Episcopus, nec Pontifex dispensare valet, saltem per se & directè; tum quia lex naturalis propriè & directè non est dispensabilis; tum etiam quia inferior in lege superioris dispensare nequit absque speciali licentia, ut ostenditur in *tr. de Legib.* Qua ratione autem Pontifex in voto sollemni dispensare possit, aut soleat, dictum fuit n. 318.

337 R. tertiò. In impedimentis jure positivo Ecclesiastico introductis proximè recensitis, dispensare potest per se loquendo solus summus Pontifex seu supremus legislator Ecclesiae universalis. Per accidens tamen, in casibus valde urgentibus, possunt etiam Episcopi dispensare, ut videbimus infra num. 493. Cæterum, quando vel quibus de causis soleat dispensari, videri potest ex dictis de singulis impedimentis in particulari. Vide etiam *Sporer num. 443.*

Quær. quartò, an Confessarius teneatur statim admonere poenitentem, si ex confessione advertat, eum laborare impedimento præsertim dirimente, vel quid in tali casu agendum.

338 R. 1. cum P. *Sporer cit. nu. 444. la-Croix & alii*, in tali casu quam cautissimè procedendum esse, & ante omnia attendendum, si ne impedimentum jure naturali, aut divino, vel humano solùm dirimens? vel qua ratione matrimonium sit nullum? Quia Confessarius oportet scire, si ne impedimentum indispensabile, nec ne? Secus enim non poterit bene consulere.

339 R. secundò, vel maxime etiam attendendum esse, utrum poenitens sit in bona, aut mala fide. Si in mala, ita ut sciat matrimonium esse nullum, aut certe dubitet, vel interroget de valore, vel etiam

etiam si vincibiliter ignoret nullitatem, eò quòd de valore dubius. neglexerit inquirere veritatem, tunc veritas eidem eandem erit aperienda, & insinuanda nullitas matrimonii, proindeque per se loquendo interdicendus usus matrimonii, utpote illicitus, & merè fornicarius. Ratio est; tum quia hoc casu dissimulare veritatem, esset approbare falsitatem; tum etiam quia poenitens esset in malo statu, & incapax absolutionis, ob ignorantiam culpabilem (ut supponimus) atqui Confessarius per se loquendo tenetur erudire poenitentem, quem adverrit laborare ignorantia vincibili in materia gravi; ergo. Si autem advertatur poenitens esse in bona fide, utpote ignarus impedimenti, aut nihil dubitans de valore sui matrimonii, tunc cautissimè oportebit procedere, nec statim intimare nullitatem, multò minùs interdicere usum. Quin immò regulariter loquendo (ait Spor. cit.) relinquendus erit in bona fide, præsertim si impedimento juris naturalis aut divini, ideoque indispensabili laborare deprehenditur. Ratio est: quia regulariter loquendo admonitio Confessarii respectu talium potiùs obesse, quàm prodesse solet; eò quòd non soleant deferere conjugem putativum tum ob scandala, infamiam, vel alia incommoda evitanda, præsertim si proles jamjam susceperint, prout experientia multiplex docuit. Quapropter cum ex duobus malis minus sit eligendum, præstat dissimulando poenitentem relinquere in periculo peccandi materialiter, quàm aperiendo veritatem eum deinceps exponere periculo peccandi formaliter.

340 Insuper bene monet Sporer cit. etiam in casu, quo poenitens impedimenti conficius, apprehendit se non posse petere debitum, bona fide tamen & invincibiliter credit, se posse reddere alteri petenti, dissimulandum esse, præsertim, si sit femina; quia foemina majus semper periculum imminere solet ex negatione debiti; hinc la Croix num. 543. rectè dicit, Confessario non esse plus respondendum, quàm interrogetur: addunt Tann. & Gobat apud eundem D. cit. posse Confessarium dissimulare veritatem, aut verbis eludere, si gravissima mala poenitenti

imminere prævideat ex clara manifestatione veritatis.

341 Dicitur tamen fuit, regulariter loquendo esse dissimulandam veritatem, ubi poenitens est in bona fide: enim verò ubi in casu (qui tamen rarus erit): Confessarius prævidet, matrimonium mediante dispensatione & renovatione consensus, absque gravi periculo revalidari posse, deberet poenitenti nullitatem insinuare, atque usum interdicere; quia Confessario incumbit etiam peccata materialia impedire, dum faciliè potest, prout omnes fatentur.

Dices adhuc. At quid, si Confessarius rationaliter dubitet, sitne sua admonitio obtitura potiùs, quàm profutura?

342 R. Cum P. Gobat. & la Croix n. 542. si matrimonium nondum sit contractum, nec proximè contrahendum, communiter consultius erit impedimentum detegere, dummodo sit aliqualis spes, ut poenitens desistat, & dispensationem petat: si autem matrimonium jam supponatur contractum, conferri debent inter se spes, & timor damni, idque eligendum, quod præponderat. Denique si Confessarius ipse discernere nequeat, quid præponderet, tutius erit dissimulare, & silere, donec dispensatio sit impetrata. Vid. DD. cit.

Quær quintò, an ad revalidandum matrimonium sit necessarius novus utriusque conjugis consensus?

343 R. 1. Si matrimonium fuit invalidum solum ex defectu consensus, eò quòd alteruter expositis cæteroquin habilibus, fictè, vel etiam coactè tantùm consensuerit, satis & tutum probabile est, sufficere, quòd ille, qui priùs fictè consensit, de novo eliciat verum consensum, etiam interdiu tantùm. Ratio est: quia consensus alterius qui non finxit, erat legitimus, & inter personas habiles, & cum hic supponatur alterum semper tractare ut verum conjugem; hinc consensus semel datus censetur semper adhuc durare. Bonnac. Sanch. Avers. Kügler. num. 590. la Croix. num. 811.

344 R. secundò. Si matrimonium fuit invalidum non ex defectu consensus, sed propter inhabilitatem personarum

ratione impedimenti latentis, DD. communiter fatentur, requiri novum, utriusque consensum, eò quod prior utpote inter personas inhabiles fuerit nullus. Controversia tamen & difficultas maxima est, an ex utraque parte requiratur de novo consensus explicitus & expressus, ut proin necessum sit, conjugem impedimenti latentis ignarum admoneri de nullitate? Scotus 4. *dist.* 35. *qu.* 2. *lit.* H. Tambur. Coninck, la Croix *num.* 812. & alii tenent, necessarium esse, ut Conjugi ignaro impedimentum aliquo saltem modo, aut sub dubio significetur; quod fieri potest, si alter dicat v. gr. susp. cor, vel timeo, ne matrimonium nostrum sit nullum, ideoque rogo te, ut ad pacandam meam conscientiam, de novo in matrimonium, quantum opus est, consentiamus. Ratio hujus opinionis est: quia si conjugis ignorantia nullo modo manifestetur invaliditas matrimonii prioris, nunquam dabit consensum novum, sed tantum ratificabit, seu etiam confirmabit contractum semel factum, qui, cum fuerit & semper maneat nullus, eo ipso est insuficiens ad constituendum verum matrimonium. Alii verò moderni DD. Henriquez, Scotus, Ledesma, Herincx hic *disp.* 6. *nu.* 33. Sporer *num.* 459. quamvis fateantur, necessum esse, ut interveniat utriusque Conjugis consensus novus, putant tamen, id fieri posse absque eo, quod nullitas matrimonii alteri parti manifestetur, dummodo pars altera consentiat de presenti, & absolute, cum hac expressa intentione, quod, etiamsi non valeret matrimonium antea factum, velit tamen nunc de novo facere. Si enim altera pars de novo absolute consentiat, non apparet ratio dubitandi de valore novi matrimonii.

Tandem Ledesma, & alii nonnulli, quos refert Sanch. *lib.* 2. *disp.* 36. *num.* 2. existimant, satis esse, ut solus consensus impedimenti de novo consensum exprimat per aliquem actum externum; sive verbis, sive factis. v. gr. per copulam affectu maritali habitam, nec esse necessarium, ut altera pars impedimenti ignara, ullo modo moneatur vel de nullitate matrimonii, vel de novo consensu

eliciendo; quia dum pars ignara pete copulam, affectu utique maritali, & alter conjux impedimenti conficius eodem affectu reddit, jam adest, inquit, sufficiens utriusque consensus in matrimonium. Et hæc tertia opinio, minus probabilis, & minus tuta, in casu necessitatis, ubi nulla apparet spes, absque gravi incommodo obtinendi novum consensum alterius expressum, posset Confessario deservire pro ultimo remedio, prout notant Sanch. Bonac. Castrop. Sporer. *cir.* n. 460. Carden. *differt.* 2. n. 681. & alii apud la Croix n. 814. Extra casum tamen necessitatis extremæ, non licet sequi hanc sententiam, sed sequenda est prima, quæ est Scoti, ut diximus utpote tutissima pro valore; vel si prima redigi nequeat in praxin ob periculum v. g. infamiae, oportebit sequi secundam. Ratio est: quia hic agitur de valore Sacramenti: atqui dum de valore agitur, non licet sequi minus probabilem, aut minus tutam reliqua tutiore: ergo &c. Laym. Sporer, Bosco *disp.* 12. *sect.* 14. n. 90. Card. *cir.* à n. 669. la Croix *cir.* & alii communiter.

Quæ. Tandem sextò, an ad revalidandum matrimonium sit necessaria nova assistentia Parochi & Testium?

345. R. Cum distinctione. Si enim nullitas prioris matrimonii, & impedimentum plenè probari possit in foro externo, necessum erit, ut matrimonium revalidetur coram Parocho & Testibus: Si autem probari nequeat in foro Ecclesiæ, sufficiet illud revalidari in occulto. Ita Bosco ubi supra à *num.* 111. Navarr. Cordub. Herincx *cit.* *disp.* 5. *num.* 30. Schmalzgr. Sannig. *de despons. impub.* c. 1. *num.* 14. Hlsung. *tract.* 6. *disp.* 9. *nu.* 119. Carden. *cir.* *nu.* 665. Ratio inde desumitur, quòd mens Tridentini, prout ex textu patet, sòldum fuerit, ut vitentur gravia peccata ex clandestinis nuptiis olim suborta, eò quòd in facie Ecclesiæ probari non potuerit matrimonium à sponsis contractum, proptereaque delicto priori conjugio ad aliud convolabant, utique, non sine concubitu fornicario: atqui hæc ratio non urget in nostro casu, ubi supponitur, matrimonium esse publicè contractum, & impedimentum probari non pos-

se; quia Ecclesia hujusmodi matrimonia semper habet rata, nec unquam permittit tales sponso convolare ad aliud matrimonium: qua ratione Pius V. declaravit (ut videre est apud Herinex & Navarrum c. 22. *Matr. n. 70.*) hujusmodi matrimonia revalidari posse absque nova praesentia Parochi, eaque declaratione S. Penitentiaria uti consuevit; eò vel maxime, quòd plerumque sine maximis difficultatibus matrimonium eorum Parocho & Testibus revalidari non possit. Hinc Carden. *cit. n. 668.* meritò dicit, hancsententiam posse tutò deduci ad praxin, nec subiacere damnationi.

Dices Clemens VIII. fertur dispensasse se eum talibus sponso, ut matrimonium absque praesentia Testium & Parochi revalidare possent, ergo supposuit esse necessariam novam praesentiam Parochi ac Testium; secus frustra dispensasset.

346 R. Cum DD. *citt. inprimis* de hac dispensatione non satis constare, & dato quòd dispensaverit, factum procul dubio fuit, edquòd impedimentum occultum quidem, sed probationi erat obnoxium, aut certè id fecit solidè ad maiorem securitatem, & tranquillitatem conscientiarum. Vid. Schmalzgr. *lib. 4. tit. 3. n. 122.*

§. II.

Proponuntur, & breviter resolvuntur Quatuor casus practici de revalidando Matrimonio.

CASUS PRIMUS.

TITIA tempore sponsalium peccavit carnaliter cum germano fratre sponsi sui; unde facti poenitens & confessa, quantocumque à Confessario auditis, se incurrisse impedimentum dirimens: nihilominus perrexit in suo proposito, & mala fide nupsit Titio sponso suo, vixitque in eodem matrimonio 40. annis, pluribus inde susceptis prolibus. Tandem verò periculose decumbens, & timens de salute, petit Confessuriam, eidemque miserum animae suae statum exposuit. Queritur jam 1. utrum Confessarius benefecerit, quantocumque intimando

impedimentum Titie? 2. Quid agendum, vel consulendum fuerit poenitenti?

347 R. Ad primum, in hoc casu vel maxime attendendum fuisse & interrogandum, an non impediverint conceptionem seu generationem? Et dato etiam, quòd non impediverint, ideòque habuerint copulam perfectam, impedimentum non fuit quantocumque intimandum, sed advertendum potius, an Titia fuerit in bona, an verò in mala fide, itemque an talis admonitio esset profutura; plerumque enim, dum sponsi proximè cogitant celebrare nuptias, & vel maxime ubi ad nuptias solemniter adornandas jam omnia sunt parata, hujusmodi admonitio erit inutilis atque inefficax. Hinc per se loquendo videtur Confessarius non bene fecisse statim inculcando & intimando impedimentum, sed oportuisset sponsam hanc vel in bona fide relinquere, vel, si in mala fide, instruere, ut contraheret animo faciendi quantum posset, non tamen consummandi matrimonium, & quamprimum procurare dispensationem. Ratio hujus facile colligitur ex dictis *num. 338.* quia nimirum hujusmodi ineaute admonitiones in hoc puncto plerumque plus obesse solent, quàm prodesse, prout ex hoc ipso miserabili casu planè non ficto, sed facto, luculenter colligere licet.

348 R. ad secundum, à Confessario ad infirmam vocato prae primis fuisse advertendum, an fuerit spes reconvalescentiae, vel non? si nulla, oportebat poenitentem de peccatis, & confessionibus invalidis haerens fortè factis, examinare juxta regulas in tractatu de poenitentia tradi solitas, proindeque verè dolentem, seu contritam ac confessionem absolvere, relicto protinus putativo Marito in bona fide, utpote, quæ nec ipsi, nec prolibus quidquam nocebit. Si autem affligeat spes recuperandæ valetudinis pristinae, & per consequens periculum peccandi ob incontinentiam viri, Confessario incumbet, ut quamprimum copetur impetrare dispensationem, vel ab Episcopo, vel si res moram patiatur, à summo Pontifice, & ea impetrata procedere ad revalidandum matrimonium secundum dicta haerens.

Dices.

Dices . Sed quomodo procedet ad revocationem ?

349 R. Ante omnia instruet Titiam de novo consensu eliciendo & impetrando à Marito . Deinde advertat an hæcenus pacifice cohabitaverint , invicem se ament &c. idæque sit spes facile impetrandi consensum Mariti : tunc verò hoc aut simili modo in præsentia Titiz Maritum poterit alloqui v. g. dicendo . En Deus uxorem tuam tibi utique charam & dilectam redonavit , restituendo eam pristinz sanitati : oportebit ergo , ut proximus in pace ac sancta conversatione invicem cohabitatis , & nunquid eam actu in tuam recipis , etiamsi nunquam recepisses ? Si Matius responderit ita , uxor facile idem reponet , nec amplius dubitandum erit de valore matrimonii juxta superius num. 344. dicta . Idipsum quondam in hoc ipso casu suaseram cuidam R. D. Parocho , effectui felicissimo & exoptatissimo . Nolim tamen hunc modum velut regulam universalem præscribere , sed potius Ectoris & prudentis Confessarii discretioni relinquere , qui procul dubio pro diversitate circumstantiarum & Personarum , noverit esse diversa amplectenda media & consilia .

CASUS SECUNDUS.

Sempronia Matrimonium clandestinè contraxerat cum Sempronio , illudque carnali opere consummavit . Verùm paulò post ab eodem graviter offensa , coram Judice interposito etiam jurejurando negavit , se nunquam nupsisse Sempronio ; qua ratione à lege viri absoluta fuit , proindeque in facie Ecclesiæ contraxit cum Titio , ex quo aliquot jam proles suscepit . Tandem conscientie stimulis exagitata opem postulat & consilium . Queritur ergo , quid in hoc casu agendum , & quid consilii suggerendum ?

350 R. primò , In hoc casu præ primis attendendum fuisse , ubinam Sempronia primum matrimonium contraxerit , an scilicet in loco , ubi Tridentinum receptum est , vel non ? si primum , liquet , eam peccasse graviter , tum contra præceptum Ecclesiæ , tum etiam probabilius

contra reverentiam Sacramenti ; quia hoc ipso , quòd , quasi tentaverit ponere contractum matrimonii , & quidem clandestinè , fecit rationem Sacramenti à Christo annexam esse irritam , quod videtur fieri non posse sine satis gravi irreverentia in auctorem Sacramenti , ait la Croix num. 332. Insuper , ut ex dictis num. 297. constat , quod matrimonium fuit nullum , & per consequens actus carnalis merum fornicarius : Secundum tamen matrimonium in utroque foro esset validum , atque in eo perseverandum . At verò si fateatur , se contraxisse in loco , ubi Tridentinum non est promulgatum vel receptum , illicitè quidem , validè tamen contraxit : consequenter negando illud coram Judice Ecclesiastico , commisit perjurium , nec potuit vivente Sempronio validè , aut licitè alteri nubere , ob impedimentum ligaminis , quod secundum dicta nu. 335. humana auctoritate indispensabile est , quo supposito .

351 R. secundò cum P. Engel lib. 4. tit. 21. §. ad septimam Quæst. Semproniz interroganti consilii loco suggerendum fuisse , ut curaret Matrimonium putativum data oportunitate per Confessarium , vel alios viros idoneos certiore reddi de nullitate matrimonii , atque eò disponi , ut pateretur negotium ad Confessorium Ecclesiasticum tanquam casum occultum deferri , à quo potuisset pronunciari divortii sententia , ex causa impedimenti occulti sibi cognitè , & coram se legitime probati , & mulieri ob præcedens perjurium aliqua etiam occulta poenitentia dictari , sicut apud nos (inquit D. cit.) sæpe deferuntur casus occulti matrimoniales ad Confessorium , quæ alterius non propalantur ; quemadmodum enim SS. Canones non tantùm ad forum externum , sed principaliter ad iudicium ordinantur c. novit. 13. de Judic. c. ut animarum. 2. de consil. in 6. ita enim Iudex Ecclesiasticus in quantum fieri potest , fori interni considerationem habere debet .

Dices . Quomodo mulier hæc potuisset probare impedimentum ligaminis ; cum ipsi tanquam perjuræ , & propriam turpitudinem alleganti , non sit habenda fides Arg. cap. sicut vobis. 9. de Testib. bus

bus? & in ordine ad separationem matrimonii jam contracti plena probatio requiratur?

352 R. idem Engel: videtur sufficientem potuisse esse probationem ex his concurrentibus 1. ex depositione veri Mariti jam semel facta. 2. ex depositione nova ipsius seminae. 3. ex depositione Confessarii cum licentia revelandi sigilli à penitente facta. 4. ex aliis circumstantiis, ut puta, si semina lacrymetur, debitum tanquam sibi illicitum recuset, fugam meditetur &c. Cæterum obtentia divortii sententia, vel priori & vero Marito reconciliari debet, vel, si id non possit, in nupta in alio loco sibi non periculoso degere.

Dices iterum. Ad quid, si vir putativus renuat separari, vel Consistorium contradicant?

353 R. In casu tam desperato vix aliud medium magis opportunum superit, quam ut Sempronia oportuna fuga suæ consulat salutem; nam debitum reddere nunquam licebit, ut dicemus num. 419. redditionem vero ex integro declinare videtur moraliter impossibile. Quare cum secundum rectam rationem corporis incommoditates sint posthabendæ animæ & salutis æternæ periculis, consulendum videtur, (salvo meliori judicio) ut capta fuga Sempronia in loco tuto deinceps delitescere studeat.

CASUS TERTIUS.

Caja coram Juce Ecclesiastico dilavit mendaciter, se à Cajo (cui semel fecerat potestatem sui corporis) sub spe matrimonii esse imprægnatam, quapropter Juxta Ecclesiasticus sub intentata diuturni carceris & excommunicationis pena condemnavit Cajum, multum reluctante, ut corruptam duceret; quod & factum. Jam vero Caja facti penitens fateatur, se Maritum suum falsò detulisse, eo quod ab alio corrupta, & imprægnata sit; & quoniam hæc non bene cohabitavunt per sat longum tempus (coacta namque matrimoniâ plerumque malum sortiuntur exitum) hinc querit, 1. an Matrimonium valeat? 2. an sit necessaria revali-

lidatio Lujus Matrimonii præsertim cum jam consummaverint?

354 R. Ad primum, hoc matrimonium probabilius esse nullum. Ratio est: quia metus, cujus impulsu Cajus consensit, fuit gravis, & re ipsa injustus, utpote fundatus in falsa præsumptione facti particularis: atqui talis metus irritat matrimonium secundum dicta numer. 182. ergo. Vid. La Croix. numer. 654. ubi pro hac opinione refert etiam Pont. Dian. & Averi.

355 R. Ad secundum. Matrimonium, hoc videtur necessario revalidandum, nisi aliunde constet, Cajum liberè, & independentem à metu sibi incusso contraxisse, vel interea saltem liberum præstitisse consensum. Cæterum, ut advertit cum aliis Kugler à n. 114. liberè jam consensisse præsumitur, si consensu nullitatis ob metum injustè incussum, hæcenus per notabile tempus v. g. annum & dimidium Uxori suæ cohabitavit, nec reclamavit, aut fugit, dum tamen facile potuisset; & præsertim si conjugali affectu copulam habuit &c.

Dices. Quidsi autem pensatis omnibus dubium relinquatur, an Cajus independentem à metu consenserit, vel hæcenus liberum præstitit consensum, eo vel maxime, quod vix unquam pacificè cohabitaverit Uxori?

356 R. Laborandum fore, ut Caja vel per se, vel per alios bonos amicos inducat Maritum ad dandum jam liberum consensum independentem à metu semel incusso; quia tale conjugium absque periculo infamiae, aut scandalorum &c. vix amplius poterit dissolvi. Et dato tandem, quod prævideatur Cajum tam facile non persuadendum ad dandum de novo consensum liberum, poterit Caja amplecti ultimum remedium supra num. 344. recensitum, & matrimonium ratificare reddendo debitum affectu conjugali, quamprimum Cajus illud petierit; esto enim juxta dicta num. 344. hic modus revalidandi sit minus tutus, atque si matrimonium absque gravi incommodo aliter revalidari nequeat, Sanchez, Bonacin. Palaus, Sporer Gobat Quint. tr. 5. c. 37. n. 135. putant eum practicè satis esse tutum. Idque vel maxime dicendum videtur in casu nostro;

stro; tum quia dubitatur, an non Maritus intra tam notabile tempus liberè & independentè à metu consenserit? tum etiam quia Sanchez, *lib. 4. disp. 14. n. 8.* probabile censet, valere matrimonium, tamen si Judex aliquem compelleret metu revera, & à parte rei injusto, dummodo talis secundùm allegata & probata justè fuerit compulsus, prout in nostro casu contingit.

§. III.

Corrolaria ex dictis inferenda.

357 **C**olliges primò, quàm meritò hætenus inculatum fuerit: ut Confessarius in simili casu, ubi deprehendit impedimentum dirimens latere, matrimoniumque revalidandum esse, quàm cautissimè procedat; quia si minùs cautè processerit; facile poterit contingere, ut pœnitentem illaqueet quodammodo, & gravissimis exponat periculis peccandi, prout ex dictis colligere licet. Hinc idem Gobat proximè cit. *n. 128.* bene monet, ut Confessarius, priùs quàm pronuntiet matrimonium esse invalidum, inquirat, an Conjuges putativè se mutuò sincerè ament, an verò sapiùs rixentur; item, an uxor habeat magnam parentelam, nec ne? an possint facillè carere, seu etiam abstinere à commercio carnali? &c. atque his & similibus ponderatis, primum dicet, vel non dicet matrimonium esse invalidum.

358 Collig. secundò, quòd, licèt Confessarius ex charitate saltem teneatur adjuvare scœnitentem, & collaborare pro revalidando (si tamen fieri possit) matrimonio, non tamen semper tenetur eidem præcipere, ut impedimentum latens detegat alteri parti, & ab ea petat novum consensum; quia frequenter accidit, ut nullitas matrimonii, vel impedimentum latens, absque gravissimis incommodis, puta infamiz, rixarum, scandalorum &c. periculis, alteri parti manifestari non possit. Hac ratione in litteris Apostolicis, communiter executio dispensandi demandatur Confessario, aut alteri viro discreto &c. *ut dispenseret &c. sed ita cautè, ut Latoris delictum nusquam detegatur.* Vid. Henríquez *lib. 11. c. 3. n. 6.* Sanchez *lib. 2. disp. 36. n. 8.*

Dices. Atqui etiam in iisdem litteris Apostolicis communiter additur hæc clausula, ut dispensetur, seu etiam revalidetur matrimonium altera parte certiorata de nullitate prioris consensu; item additur hæc clausula: *ut inter se publicè & servata forma Tridentini contrahant* &c. hæc autem fieri nequeunt absque eo, quòd impedimentum alteri parti intimetur: ergo hoc est necessarium.

359 R. Cum P. Gobat cit. *hu. 242.* primam clausulam esse observandam, quando id fieri potest absque deteptione criminis, prout vel ex eo colligere licet, quòd in iisdem litteris statim addatur: *sed ita cautè, ut Latoris delictum nusquam detegatur.* Similiter respondendum est ad alteram clausulam, nempe Pontificem solum velle, ut tunc publicè, & servata forma Tridentini contrahant, quando id vel nunquam factum est, vel quando nullitas & impedimentum Ecclesiæ innotescit, aut certè probationi obnoxium est. Ita Sanch. Pont. Pirrhing, Krimer *nu. 539.* apud la Croix *n. 816.* Bosco. *disp. 12. Sect. 14. n. 107. & 141.*

CONFRENTIA

DECIMAQUINTA.

De Divortio, seu solubilitate, atque indissolubilitate Matrimonii.

SUMMARIUM.

- 360 *Matrimonium præcisè ratum, est dissolubile tam quoad ærum, quàm quoad vinculum.*
 361 *Matrimonium consummatum inter Fideles, pariter dissolvitur potest quoad torum, non item quoad vinculum.*
 362 & 363. *Solvuntur duæ Instantiæ in contrarium.*
 364 *Quo jure Matrimonio consummato competat hæc indissolubilitas?*
 365 *Matrimonium infidelis, licèt consummatum, potest dissolvi in tribus Casibus,*

- fibus, si conversus ad fidem aliud matrimonium contrahat.
- 366 Non item, si uterque convertatur ad veram fidem.
- 367 Divortium est legitima separatio viri ab Uxore, manente adhuc vinculo conjugali.
- 368 Enumerantur 6. causæ, ex quibus fieri potest divortium.
- 369 Satisfit cuidam objectioni in contrarium.
- 370 Resolvitur Casus I. de sponso, qui post contractum quidem, nondum tamen consummatum Matrimonium, cogitat ingredi Religionem: dubitat tamen, an liceat, eo quod ante contractum sponsam jam cognoverit &c.
- 371 Si sponsam non imprægnavit, per se loquendo licet amplectitur statum religiosum.
- 372 Et sponsa post professionem Mariti, licet convolat ad secundas Nuptias.
- 373 Resolvitur Casus II. de Judæo, qui post susceptum baptismum, cogitat ducere puellam Christianam, repudiatis duobus Uxoribus Judæis.
- 374 Primam conjugem (si utiliter possit) tenetur admonere, quatenus velit amplecti veram fidem.
- 375 Quæ, si renuat converti, vel conversa cohabitare, non tenetur Maritus illam acceptare.
- 376 Resolvitur Casus III. de Uxore, quæ tum ob malam tractationem, tum etiam ob adulterium à Marito commissum, discessit ab eo, nolens reverti.
- 377 Si adulterium viri supponatur notorium, potest manere divortialia.
- 378 Per se loquendo tamen, suadendum videtur, ut ad virum suum redeat.
- 379 Ad consummandum Matrimonium, & omnimodam ejusdem indissolubilitatem inducendam, requiritur copula carnalis perfecta.
- 380 Matrimonium non dissolvitur per solum ingressum, sed per solemnem professionem Religionis approbatæ.
- 381 Coniux, non potest cohabitare alteri absque gravi periculo anime aut cor-

poris, eximitur ab obligationibus matrimonialibus.

- 382 Coniux, qui alteri dedit causam adulterandi, non habet causam petendi divortium.
- 383 Uxor, quæ post cognitum Mariti adulterium, pariter adulteravit, tenetur regredi ad Maritum, si ab illo possuletur.

§. I.

Præmittuntur, & breviter resolvuntur quæsitæ, scitu necessaria ad debite resolvendos Casus de dissolubilitate Matrimonii, seu Divortio.

QUæres primò, an, vel quomodo Matrimonium ratum sit dissolubile?

Ante responsonem suppono cum communi DD. matrimonium dissolvi posse, vel quoad torum tantum, vel quoad torum & vinculum simul. Quoad torum dissolvitur, quando coniux legitime à conjuge separatur quantum ad cohabitationem & lectum. Quoad vinculum autem dissolvitur, quando ita separantur, ut eis concedatur libera potestas alteri nubendi, vel cum alio contrahendi: hoc modo olim mediante libello repudii apud Hebræos dissolvebantur matrimonia, prout videre est apud Clericatum decis. 9. num. 8.

360 R. jam ad quæsitum. Matrimonium præcisè ratum dissolvi potest tam quoad torum, quam quoad vinculum 1. per solemnem professionem Religionis ab Ecclesia approbatæ. 2. per dispensationem à summo Pontifice factam vel faciendam. 3. non tamen per susceptionem Ordinis Sacri, vel impotentiam supervenientem, multò minùs per mutuum dissensum, seu voluntatem conjugum. Ita cum communi DD. Clericat. decis. 13. La Croix n. 412. Ratio primi inde desumitur; tum quia Christus hoc privilegium concessit Religiosæ professioni, prout ex perpetua traditione, sensu Ecclesiæ, atque declaratione, vel potiùs decisione Concilii Trid. ss. 24. Can. 6. habetur; tum etiam quia contractus matrimonialis

ta-

tacitè saltem semper includit hanc conditionem: *nisi ante consummationem volueris amplecti statum religiosum*. Ratio secundi pariter desumitur ex praxi Ecclesiæ. Certè solus Pignatellus *Tom. I. consultat. 148.* refert decem Pontifices, qui in matrimonio rato dispensarunt: atqui sine temeritatis nota dici non valet, quòd dispensando erraverint: ergo. Deinde si possit dispensare Pontifex in voto solemnì (prout jam sæpius factum esse comperimus, & probavimus superius *numer. 118.*) Quidni etiam dispensare valeat in matrimonio rato, quippè quod est vinculum minùs forte, cum per hoc soli homini, per illud autem vovens & Deo, & Ecclesiæ sit obligatus? Ratio autem tertii desumitur ab opposito; quia scilicet nullibi constat, quòd matrimonium ratum sit dissolubile quoad vinculum, vel per mutuum disensum Conjugum, vel per impotentiam supervenientem, vel denique per susceptionem Ordinis; quin potius oppositum constat ex praxi, & comuni persuasione Doctorum, nec non ex declaratione Joannis *XXII. Extrav. Antiquæ. de voto &c.*

Quær. secundò, an vel quomodo matrimonium consummatum inter fideles sit dissolubile?

361 R. Matrimonium consummatum (copula carnali perfectà) inter fideles, rationabilibus de causis dissolvi quidem potest quoad torum, quoad vinculum tamen est simpliciter indissolubile. Ita semper tenere, & etiamnum tenent DD. *Catholici communiter*. D. Thomas, Scotus 4. *dist. 31. litt. G. & dist. 33. q. 3. 6. alia opinio*. Mastr. 4. *disp. 7. n. 187.* Reiffenst. Laym. &c. & habetur expressè decisum in Concil. Florent. ac Trid. *Can. 5. 6. 7. & 8.* Idipsum protestatur Apostolus 1. *Cor. 7.* dicens: *illis autem, qui matrimonio juncti sunt, præcipio non ego, sed Dominus, Uxorem à viro non discedere: quòd si discesserit, manere in nuptiam, aut viro suo reconciliari: & vir uxorem non dimittat: ergo cum Dominus præcipiat, Mulierem discedentem ex quacunque causà, si non reconcilietur, manere in nuptiam, manifestum est, inquit La Croix, voluntate viri non posse dissolvi.*

Dices tamen. Christus Dominus vide-

tur expressam dedisse licentiam ob dissolutionem matrimonii consummatum ob fornicationem *Matth. 19.* dicens: *quicumque dimiserit uxorem suam NB. nisi ob causam fornicationis, & altam duxerit, mæchatur, & qui dimissam duxerit, mæchatur: ergo ob fornicationem licet uxorem dimittere.*

362 R. Cum Scot. Mastr. Cleric. *decif. 10. numer. 74.* & communi Catholicorum, Christum fuisse locutum de dimissione uxoris ob fornicationem quoad torum, non autem quoad vinculum. Unde disting. Conseq. ergo ob fornicationem licet dimittere uxorem quoad torum & cohabitationem, con. quoad vinculum, neg. conf.

Neque dicas, hanc responsionem esse solum arbitrariam & excogitatam. Nam Christus *Matth. 10.* absolūtè protestatur dicens: *quicumque dimiserit uxorem suam, & altam duxerit, adulterium committit super eam.* Item *Luc. 16. omnis, qui dimittit uxorem suam, & alteram ducit, mæchatur: & qui dissimulavit à viro ducit, mæchatur: at hoc esset falsum, si ob fornicationem liceret aliam ducere, repudiata priore etiam quoad vinculum: ergo. Hinc D. August. *lib. 2. de adulter. Conjug. c. 4.* ait: nullus viri posterioris Muller Uxor esse incipit, nisi prioris esse deserit: esse autem desinet Uxor prioris, si moriatur vir ejus, non si fornicetur. Et hanc interpretationem teste Cleric. *n. 75.* faciunt omnes Scripturistæ in commentar. super *Matth. c. 19.* Lyranus, Abulen. Maldonatus, Cornelius à Lapide &c.*

Dices adhuc. Pharisei interrogabant Christum de dimissione Uxoris quoad vinculum, & non quoad torum: ergo Christus censeri debet etiam de illa respondisse.

363 R. Cum La Croix *n. 402.* Christum plus respondisse, quam interrogarunt, quemadmodum *Matth. 22.* interrogatus: an liceret dare Cæsari tributum? respondit: *reddite ergo quæ sunt Cæsari Cæsari, & quæ sunt Deo, Deo.* Confimiliter asseveravit in nostro proposito licere uxorem quoad torum dimittere propter fornicationem, & tamen sine adulterio non licere dimittere quoad vinculum. Quare informa distingui potest consequens: er-

30 Christus censendus est, respondisse de dimissione quoad vinculum, & simul de dimissione quoad torum in sensu jam explicato: con. de sola dimissione quoad vinculum, neg. Conf.

364 Quær. tertio, quo jure Matrimonio consummato Fidelium competat tam stricta indissolubilitas?

R. Aliqui putant competere eidem jure naturæ; alii volunt, competere solum jure positivo: probabilius tamen sententia tenet, indissolubilitatem matrimonii consummati fundari quidem in jure naturæ, quod fornicationem, seu etiam concubitus vagum (qui ex dissolubilitate matrimonii consummati facile invehetur) prohibet: nihilominus omnimodam indissolubilitatem oriri ex jure divino, ob rationem Sacramenti & significationem, seu representationem Unionis hypostatice inter naturam humanam Christi & Verbi divini quæ est indissolubilis. Ita Mastr. cit. à n. 178. Herincx, Spor. n. 390. Vid. etiam Clericat. decis. 9. & 10. ubi diffusè discursit hanc controversiam. Quia verò hactenus fuimus locuti de indissolubilitate Matrimonii *Fidelium*; hinc

Quær. quarto, an, vel quomodo matrimonia Infidelium sint solubilia, vel etiam indissolubilia?

365 R. Et si Matrimonia Infidelium, seu non baptizatorum, legitime (id est, absque conditione repugnante substantiæ matrimonii) contracta valeant saltem in ratione contractus civilis, idèdque sint per se loquendo indissolubilia; nihilominus si unus eorum convertatur ad fidem veram, potest, contrahendo aliud, prius matrimonium dissolvere in tribus sequentibus casibus. 1. si alter nolit converti, nec cohabitare converso; vel 2. si quidem cohabitare velit, at non sine injuria Creatoris, ut puta, quia Christum, aut fidem blasphematur; vel denique 3. si converso ex cohabitatione imminet periculum subversionis; quapropter Apostolus 1. Cor. 7. dicit: *Si infidelis discedit, discedat, non enim servituti subiectus est frater aut soror* (id est fidelis) *in hujusmodi*; quibus verbis Apostolus voluit innuere dispensationem à Christo Domino factam in tribus enumeratis casibus, prout communissimè tradunt DD. catholici. Sanch. Mastr. Salmant, Car-

dinal. de Lauræa apud Clericat. decis. 11. n. 14. Ratio autem hujus divinx dispensationis fuit: quia fortè multorum conversiones fuissent impeditæ, & nimis grave accidisset Christi jugum, si omnes ad fidem conversi cogerentur vivere in perpetuo cœlibatu, casu quo alter infidelis nollit converti, aut converso cohabitare sine injuria Christi, vel periculo subversionis. Vid. Laym. La Croix. n. 406.

366 Dicitur tamen fuit, matrimonium esse dissolubile, *Si unus infidelium convertatur &c.* Nam si uterque amplectatur fidem catholicam, neutri licebit ab altero discedere; quia tunc cessat ratio dispensandi mox insinuata, prout consideranti patebit. Ita communis DD.

Quær. quinto, quid sit Divortium?

367 R. Est legitima separatio viri ab uxore, manente adhuc vinculo conjugali communis. Dicitur autem *legitima separatio*: quia sine lege & legitima causa fieri non potest, nec debet; quandoquidem vi contractus matrimonialis Conjuges tenentur ad individuum vitæ societatem retinendam.

Cæterum, quòd legitimis de causis auctoritate præsertim Ecclesiastica fieri possit divortium, satis constat ex perpetua Ecclesiæ praxi; idque declaratum tanquam de fide legitur in Concil. Trid. ss. 24. Can. 8. ibi: *si quis dixerit, Ecclesiam errare, cum ob multas causas separationem conjugum quoad torum, seu quoad cohabitationem ad certum; incertumvè tempus posse fieri decernit: anathema sit*. Hinc jam

Quær. sexto, quibus de causis fieri possit, aut soleat divortium?

368 R. Sex generatim enumerantur. Prima est mutus contrahentium consensus, si nimirum velint ob honestum finem v.g. ad servandam castitatem, vel ut vacent orationi, prout innuit Apostolus 1. Cor. 7. vel etiam ne nimia prolis multiplicatione graventur: secunda est fornicatio spiritualis, seu lapsus in hæresin aut gentilismum: tertia est incitatio ad peccatum grave, aut imminens grave periculum salutis spiritualis; ut si ab altero incitetur ad fidem abjurandam, ad corpus prostituendum per adulterium, ad veneficia &c: quarta est sævitia Conjugis;

ut

ut si alteri cohabitare nequeat abique periculo mortis, aut mutilationis, atrocis verberationis, vel salutis corporalis: quinta est votum ultramarinum ad liberandam Terram sanctam: hæc tamen in nostris partibus raro contingit: sexta est fornicatio, vel potius adulterium cum carnale ab altero voluntariè & culpabiliter commissum. Dicitur notanter: voluntariè, & culpabiliter commissum &c. Nam si ex ignorantia inculpabili contigisset, eò quòd v. gr. Coniux putaverit sibi esse rem cum coniuge; aut vi fuisset suppressa &c. non daret causam divortii: quia cum talis non sit culpabilis, nec puniri debet. *Argum. cap. Itane &c. Proposito 32. q. 5. Vid. Reiffenst. Theol. mor. tr. 14. dist. 13. à n. 91. Ubi insuper n. 104. notat, nomine adulterii hic intelligi etiam peccatum sodomiz, vel bestialitatis, non item tactus impudicus &c. pollutiones &c. quia per hæc, licet cæteroquin gravia peccata, non perficte, & consummate læditur jus matrimoniale; cum non dividatur caro unius Coniugis ab altero in Tertium.*

Dices adhuc. Christus Dominus *Matth. 19.* unicam causam divortii recenset, scilicet fornicationem: ergo aliæ non debent admitti.

369 R. Cum P. Engel *ist de Divort. n. 10. & 11.* ac aliis, Christum idè fornicationem specialiter recensuisse, quia hæc sola dat causam divortii in perpetuum, etiam nolente, & invita altera parte; ubi è contra aliæ causæ non dant jus perpetui; sed solum temporalis divortii, quamdiu scilicet durant, v. g. periculum incidendi in hæresin, morbum contagiosum, &c. quibus cessantibus separata cogitur redire ad conjugem, etique eidem restituenda.

§. II.

Proponuntur, & breviter resolvuntur
Casus practici de Divortio
Conjugum.

CASUS PRIMUS.

Titius post contractum matrimonium cogitat ingredi Monasterium quoddam

penitentie causa. Motus autem fuit ad hanc resolutionem, tum quia intellexit Uxorem tempore sponsalium sibi fregisse fidem, peccando cum alio; tum etiam quia pacificè hactenus non cohabitarunt; tum denique quia nunquam adhuc (ob maleficium, ut suspicatur) potuit consummare matrimonium. Dubitat tamen, an sibi liceret ingredi Religionem, eò quòd ante contractum matrimonium suam sponsam aliquoties cognoverit carnaliter. Quid respondendum Titio?

370 R. Titius per se loquendo licet potest amplecti statum religiosum, etiam renuente Uxore. Ratio patet ex dictis: quia matrimonium prædictum ratum potest dissolvi per professionem Religionis approbatæ; eò quòd contractus matrimonialis semper tacite saltem involvat hanc conditionem: *nisi voluero amplecti statum religiosum.* Nec obstat, quòd Titius supponatur suam sponsam aliquoties carnaliter cognovisse; quia per copulam antecedentem matrimonium nequivit fieri consummatum, cum nondum fuerit ratum.

371 Dicitur tamen fuit: *per se loquendo licet potest, &c.* Si enim supponamus, Titiam ex præcedentibus fornicationibus suo sponso jam fuisse imprægnatam, aut Religionem ob eas forsitan manifestandas diffamatum iri, non licebit Titio ingredi Religionem; quia damnum sponsæ illatum, vel etiam diffamia Religioni inferenda vix alia via præcludi poterunt, quam perseverando in statu conjugali: ergo tenetur in hoc perseverare. Secùs dicendum foret, si supponatur impotentia Titii fuisse antecedens, & perpetuò duratura; de qua supra *numer. 254.* dictum fuit, quilibet obstat valori Vide Clericat *decis. 17. numer. 16.*

Dices. Dato jam Titium fuisse professum, poteritne Sponsa remanens in sæculo alteri nubere, etsi dedit causam divortio, peccando cum alio?

372 Resp. Poterit. Ratio est, quia professio solennis dissolvit matrimonium ratum, etiam quoad vinculum. Et quamvis pars nocens, quæ dedit causam divortii v. g. adulterando &c. sine expressa vel tacita saltem licentia non possit transire ad alia vota, nec Religionem ingredi vel

vel suscipere ordines, tametsi divortium per sententiam Judicis esse institutum; quia divortium non nocentem, sed solum innocentem eximit ab obligatione tori conjugalis &c. potest tamen licite transire ad alia vota, supposito, quod pars innocens mutaverit statum suum, prout fit in professione solemnī; quia assumendo talem statum censetur etiam innocens à se abdicare omne jus conjugale, quod habuit in alteram partem. Sanch. Pirrhing. Fagnan. c. ex litteris. 5. b. 1. Schmalzgr. cod. tit. n. 124. Babenst. 17. 8. p. 7. disp. 2. art. 6. n. 33.

CASUS SECUNDUS.

Sempronius abjurato Judaismo, fidem cum baptismo suscepit: fatetur tamen, se tempore Infidelitatis suae repudiata prima uxore duxisse aliam, pariter Judaeam. Querit proin 1. quid sibi de prioribus matrimoniis tenendum? 2. an modo repudiata etiam secunda conjuge possit ducere puellam Christianam, quam sibi jamjam desponsavit?

373 R. Ad primum. Matrimonium Sempronii cum prima conjuge fuit omnino validum in ratione contractus (si tamen non exceperint contra perpetuitatem, nec adjecerint aliam conditionem substantiae matrimonii repugnantem) quia etiam Infideles de jure naturae possunt invicem transferre dominium suorum corporum, in ordine ad generandam, & educandam prolem; quo supposito dicendum, matrimonium cum secunda contractum fuisse nullum, quandoquidem privilegium repudii jam sit à Christo Domino revocatum, prout defecto communiter tenent omnes Catholici. Quin immò nec licite potuit secundae Uxori adherere, nisi invincibiliter ignorasset revocationem hujus privilegii, inquit Card. de Lauræa apud Clericat. decif. 11. Hinc

374 R. Ad secundum, quod Sempronius teneatur admonere primam conjugem (si tamen possit, aut spes conversionis affluat) quatenus etiam ipsa velit amplecti fidem veram, scilicet Catholicam, prout communiter monent DD. la Croix numer. 408. Sanchez, Diana, Lauræa &c.

Elbel Theol. P. III.

apud Cleric. cit. n. 21. Quodsi uxor renuat converti, licebit ei ducere puellam Christianam, immò tenebitur vi promissionis sponsalitiæ.

375 Dices adhuc. At quid, si uxor renuat converti, & nihilominus cohabitare velit?

R. Non tenetur illam acceptare; quia, ut ait Apostolus, non est servituti subiectus in hujusmodi. Deinde ex tali cohabitatione plerumque exponitur fidelis periculo subversionis, ad quod tamen declinandum Christus dispensa vit in vinculo matrimonii cum Infidelibus conversis. Quod autem Apostolus 1. Cor. 7. adhortetur, ut, Si quis frater uxorem habet infidelem, & hæc consentiat habitare cum illo, non dimittat illam, rationem consilii habet, non præcepti, prout notant DD. la Croix. n. 409. Clericat. l. cit. n. 10.

CASUS TERTIUS.

Cajæ ante aliquot menses discessit à suo viro; partim quod ab eo nectum verbis, sed etiam verbis fuerit male tractata; partim etiam, quod Maritus commiserit adulterium. Et quantis à suo Marito sæpius fuerit revocata. Noluit tamen reverti, nec habet animum revertendi. Queritur 1. an propter allatas causas potuerit licite recedere? 2. an etiam potius possit sequestrata manere, vel 3. quid Confessor in hoc casu valde praestitum agendum?

376 R. Ad primum. Si mala tractatio respectu Cajæ fuit verè gravis seu sæva, utpote notabiliter excedens modum corrigendi aut corripiendi jure permissum, ex quo Cajæ imminuit grave malum v. g. vitæ, mutilationis &c. ut superius dictum, potuit vi hujus licite recedere à suo Marito, & quidem auctoritate privata; quia nemo tenetur cum periculo gravis mali expectare sententiam Judicis, ne inde enascantur injuriæ, unde debet nasci jus. Quin etiam propter solum adulterium culpabiliter à viro admissum, tuta conscientia potuit discedere, dummodo de adulterio fuerit moraliter certa (sola enim suspicio, quantumvis gravis, non dat causam recedendi, prout communissimè tenent DD. Palaus, Filliuc.

Gg Lay m.

Laym. lib. 5. tr. 10. p. 3. c. 7.) & scandalum absit. Ratio est: quia matrimonium ex sua natura non aliter obligat ad redditionem debiti, & alia matrimonii onera, quam sub condicione, si etiam alter conjux fidem conjugalem servet: ergo si alter fidem fregerit, cessat hæc obligatio saltem in foro conscientie. Schmier. de Matr. tr. 2. c. 5. n. 91. v. Iestner, Reiffenst. Clericat. decis. 39. n. 31. Schmalzgr. b. tit. n. 112. Gobat. tr. 10. nu. 722. Quia tamen separatio quoad cohabitationem est res publica, ex qua facile oriri possunt scandala implebe; hinc DD. cit. communiter moment, eam fieri non debere auctoritate privata, sed judicio Ecclesiæ, prout etiani statuitur. c. Porro de Divort.

377 Resp. Ad secundum. Caja propter adulterium à Marito culpabiliter admissum, potest in perpetuum manere sequestrata ab eodem, si tamen adulterium sit publicè notorium notorietate juris vel facti (nam si sit occultum, à Judice Ecclesiastico restituatur viro petenti, quousque adulterium viri probaverit. Juxta c. significasti de Divort.) Ratio jam constare debet ex dictis: quia adulterium tribuit jus divertendi à Conjuge, & quidem in perpetuum. Argum. c. mox cit. At verò si ob solam Mariti sævitiam divertisset, non liceret ei in tali statu perseverare in perpetuum, sed tamdiu solum, quamdiu Maritus non præstiterit sufficientem cautionem, quod velit sævitiam deponere &c. prout habetur cap. litteras, &c. ex transmissa de restitut. spoliat. ut jam numer. 369. insinuatum fuit. Vid. Reiffenst. cit. num. 100.

378 R. Jam ad Tertium. Confessario in simili casu laborandum videtur, ut persuadeat Cajæ, quatenus velit regredi ad suum Maritum (nisi prudenter prævideret, ex tali regressu majora oritura mala &c.) Ratio est: quia oportet, ut Confessarius suo pœnitenti suadeat ea, quæ pro animæ salute videntur magis expedire: at magis expediens videtur in his circumstantiis regressus ad Maritum, ad evitandum periculum incontinentiæ in conjugibus, & præsertim si quas jam suscepissent proles, ad melius eas educandas: ergo. Vid. Gobat. citat. numer. 723. vel

in Quin. tit. 5. c. 34. Sess. 1. 2. & 3. La Croix à num. 426.

§. III.

Corollaria ex dictis inferenda.

379 Colliges primò, ad consummandum matrimonium, & omnimodam indissolubilitatem hujus vinculi, necessariam esse copulam perfectam, de qua suprâ n. 226. Ratio est: quia requiritur, talis, quæ sit de se sufficiens ad generationem, vi cujus vir ac mulier efficiuntur una caro, & incipiunt ræpresentare unionem Humanitatis Christi cum Divinitate: sola autem copula perfecta est talis: ergo &c. Et hæc sententia potest deservire Confessario, casu quo Conjuges jam essent separati, vel ad alia vota transiissent, prout bene animadvertit Cleric. decis. 7. nu. 12. Quamvis ante factum potius sit inclinandum semper pro valore prioris matrimonii, & Conjuges adhortandi, ut velint in eodem perseverare.

380 Colliges secundò Matrimonium ratum non dissolvi per solum ingressum alterius in Religionem, nec per qualemcunque professionem, sed per professionem solemnem Religionis ab Ecclesia approbatæ, cum emissionem trium votorum substantialium, scilicet obedientiæ, paupertatis, & castitatis perpetuæ. Hinc quamvis Tertiarii, & Tertiariæ Ord. S. Francisci, vel S. Dominici, in sæculo non claustraliter viventes, faciant professionem pœnitentiæ causa, quod velint servare mandata divina &c. non tamen per hoc solvuntur ab onere Conjugii, si quod contraxerunt; tum quia non emittunt tria vota substantialia; tum etiam quia, esto aliquod votum emitterent, non tamen foret solemne, ut suprâ n. 77. notavimus.

Cæterum ratio congrua hujus constitutionis Ecclesiasticæ fuit hæc: quia professio solemnis Religionis approbatæ est quædam mors spiritualis, ita, ut solemniter professus fictione juris censetur sæculo defunctus, juxta illud Col. 3. Mortui estis, & vita vestra abscondita est cum Christo, &c. Quemadmodum ergo mors naturalis solvit vinculum carnale,

male matrimonii consummati; ita & mors spiritalis, vel potius civilis, debet solvere vinculum spirituale matrimonii rati. Jam verò professio Tertiariorum (sicut, & susceptio Ordinis sacri) non est mors civilis: ergo mirum videri non debet, quòd hæc non habeat vim dissolvendi matrimonium ratum D. Thom. 4. diff. 27. q. 1. art. 3. Bellarm. Durand. Sorus, Card. de Lauræa & alii apud Clericat. decis. 13. n. 35. & 38.

381 Colliges Tertio, Conjugem, qui absque gravi periculo animæ vel corporis nequit simul habitare cum altero conjuge, eximi ab obligationibus matrimonialibus. Ratio est: quia lex charitatis exigit, ut quisque sibi prius velit consultum, quàm alteri: ergo nemo censetur se obligare alteri ad non cavenda pericula salutis propriæ corporalis, aut spiritalis. Illsung. tr. 6. disp. 9. q. 4. art. 2. n. 146. Babenst. ubi suprâ num. 34. Ex quo iidem DD. inferunt, Conjugem posse divertere, si alter incidat in hæresin, eidemque pertinaciter adhæreat, aut si incidat in lepram, pestem, vel alium morbum contagiosum &c.

382 Colliges Quarto Conjugem, qui alteri causam dedit vel facultatem adulterandi, sive expressè, sive tacitè; ut si adulterium, dum faciliè potuisset, non impedivit, vel si debitum negavit per longum tempus v. g. 5. aut 6. menses, dum tamen advertit, alterum idèò fore in periculo incontinentiæ &c. non posse propterea petere divortium. Item dicendum de eo, qui adulterium, vel potius injuriam vi adulterii ab altero conjuge commissi sibi illatam expressè, vel tacitè condonavit. Ratio est: quia tales censentur renuntiare juri suo: qui autem juri suo renuntiat illud non potest repetere c. Quam periculosum 7. q. 1. Censetur autem Conjux innocens tacitè condonare injuriam, si post cognitum adulterium alterius actum conjugalem cum eo exerceat: secùs dicendum foret, pro foro conscientie, si exercendo hujusmodi actum expressè intendisset, alteri non remittere injuriam, ut notat Spor. num. 511. Vid. Reiffenst. numer. 113. La Croix num. 433. & 434. ubi plures pro hac opinione refert.

Dices adhuc. At quid, si Conjux post

cognitum alterius adulterium, vel etiam post sententiam divortii jam latam à Judice, & ipse committat adulterium, possitne in hoc casu manere divortiat, an verò teneretur regredi ad alterum, si repetatur.

383 R. In tali casu probabilius tenetur regredi. Ita contra Sylvest. Sanchez, & alios, Schmier. tr. 2. de Matr. c. 5. n. 109. Engel hic n. 15. Wiestner, Reiffenst. aliique plures apud Schmalzg. tit. 19. n. 135. Ratio est: quia sententia non dat jus divertendi, sed solum illud ex adulterio innocentis aqisitum declarat, ut eo publicè uti possit: atqui jus divertendi ex adulterio quæsitum innocenti, solum est conditionatum, Si actor servaverit continentiam, & quamdiu innocens est: aliàs matrimonium restaurare non teneretur innocens, si post divortium propria auctoritate institutum, ipse pariter fuisset lapsus in adulterium, quod tamen certò videtur salsum: ergo non obstante divortii sententia probabilius tenetur regredi; si ab altero petatur.

CONFERENTIA

DECIMASEXTA.

De Matrimonii usu licito, & debito.

SUMMARIUM.

- 384 Usus Conjugii veris Conjugibus per se loquendo est licitus;
- 385 Immò & sub gravi obligatione debitus;
- 386 Si tamen ab altero petatur seriò, justè, & rationabiliter.
- 387 Enumerantur octo causæ, ex quibus absque peccato injustitiæ negari potest debitum;
- 388 Non tamen semper absque peccato contra charitatem.
- 389 Usus Matrimonii tempore menstrui (saltem graviter) non est illicitus:

G g 2

390 Nec

- 390 Nec tempore lactationis, vel prægnationis.
- 391 Neque sterilibus est interdictus.
- 392 Conjugibus licent tactus &c. modò absit periculum pollutionis, & ex objecto non sint nimis obscæni.
- 393 Si autem fiant absque urgenti causa, cum periculo pollutionis, sunt mortaliter peccaminosi.
- 394 Resolvitur Casus I. de Marito, qui cum Uxore semel deprehensa in adulterio, noluit deinceps modo debito perficere opus conjugale.
- 395 Licet tali uxori reddere debitum, si Marito persuadere nequeat, ut modo debito illud perficiat.
- 396 Maritus tamen non tenetur debitum reddere Uxori, nisi injuriam sibi illatam condonasse supponatur.
- 397 Resolvitur Casus II. de Uxore, quæ Marito debitum negavit &c.
- 398 Si moraliter certò prævidit, se ex licitata conceptione expositum iri viæ periculo, justè potuit recusare pettum.
- 399 Hoc tamen periculo non obstante, licet etiam redderet.
- 400 Resolvitur Casus III. de Conjugibus, qui mutuo consensu voverant certis diebus abstinere ab usu Conjugii;
- 401 Idcirco tale votum mutuo sibi irritare non valent.
- 402 Si solum voverissent abstinere à petendo, quilibet teneretur alteri petenti reddere debitum.
- 403 Conjuges per se loquendo non tenentur petere debitum.
- 404 Qui alteri justè &c. petenti debitum negat, peccat graviter. Unde
- 405 Confessarius tenetur talem admonere suæ obligationis.
- 406 Conjugibus ab usu Matrimonii impeditis, liciti sunt tactus &c. & quando?
- 407 Solvitur quædam Instantia contra hoc,
- 408 An, & quando sit licitum Conjugibus desistere ab opere conjugali?

§. I.

Proponuntur, & breviter resolvuntur quæ sita scitu necessaria, ad debitè resolvendos casus de licito ac debito Matrimonii usu.

384 **Q** Uæres primò utrùm usus matrimonii, seu actus conjugalis ex se sit licitus?

R. Est omnino licitus veris conjugibus, immò & honestis ac meritorius, dummodo sit vestitus debitis circumstantiis. Communissima DD. Ratio est: quia est medium ex natura rei ordinatum ad finem bonum, atque honestum, scilicet ad legitimam propagationem humani Generis. Unde Deus ipse Protoparentibus nostris primò conjugatis Gen. 2. dixit: *crefcite, & multiplicamini*: atqui blasphemum foret, dicere, quòd Deus aliquid ex se malum præceperit: ergo &c. Additum tamen fuit: *Dummodo sit vestitus debitis circumstantiis &c.* sine scilicet, & modo debito &c. quem, si conjuges non servant, possunt peccare etiam graviter, prout constabit ex dicendis à n. 409.

Quær. 2. Utrùm actus conjugalis etiam sit debitus, & quando?

385 R. Est etiam debitus, & quidem toties, quoties alter conjux debitum ferid, justè, & rationabiliter, ac licitè saltem ex parte copulæ petit, sive dein expressè, sive tacitè. Ita rursus Commun. DD. Sporer. nu. 306. Babenstuber. *hic disp. 4. art. 1. num. 1.* Ratio est: quia ex ipsa natura contractus matrimonialis conjuges invicem transferunt potestatem corporum, in ordine ad usum generationis, & quidem proximum, regulariter loquendo; & cum res hæc gravis momenti, si quippe ex cujus negatione sæpè sapius exponuntur periculo incontinentiæ; hinc sine gravi peccato justè petenti debitum denegari non potest.

386 Diftum verò fuit 1. *Serid petenti &c.* si enim ferid non peteret, vel etiam levi tergiversatione, suasionè aut prece de facili averti possit, communiter sentitur DD. non esse peccatum grave, sicut nec graviter peccat, qui redditionem pauxillum

Idem differret, dummodo respectu alterius non sit præsens periculum incontinentiæ, nec talis dilatio, aut tergiversatio ageretur. Additum insuper est. 2. *juste petenti*; quia ubi cessat jus petendi consequenter cessat obligatio reddendi. 3. dictum est: *rationabiliter petenti*; quia petitio debiti obligans ad reddendum, debet esse humana & rationabilis; hinc Illiung. proximè cit. nu. 127. infert, quod conjux non teneatur reddere si petens sit ebrius, aut amens, nisi aliud grave malum ex denegatione oriturum prævideret. Quod autem etiam tacite petenti debitum sit reddendum, inde colligi potest & concludi: quia jus petendi & obligatio reddendi supponitur certa ex parte utriusque: ergo conjux tenetur reddere siue petens expressè, siue tacite, seu per aliqua signa suam voluntatem manifestet. Vid. Illiung. & Babenst. cit.

Quær. tertio, quandonam usus Matrimonii non sit debitum, proindeque petenti negari possit justè?

387 R. Varii varias enumerant causas & casus, ut videre licet apud Cleric. decis. 38. num. 13. Certum tamen videtur, quod in sequentibus casibus debitum justè negari possit. 1. Si unus Conjugum culpabiliter commisit adulterium, ut proxime dictum fuit. 2. Si divortium sit legitime factum. 3. Si conjux ob commissum incestum cum consanguinea Uxoris in primo vel secundo gradu, amisit jus petendi. 4. Si petens careat usu rationis, aut ebrius sit. vel 5. Si prius cessit juri proximo petendi. 6. Si reddens. rationabiliter possit timere grave damnum vel periculum salutis corporalis aut spirituales, ut puta, si v. g. Maritus sit peste, morbo gallico vel lepra infectus &c. quia in his casibus conjuges non censentur se obligasse ad reddendum. 7. Neque tenentur debitum reddere intra primum bimestre. ex speciali privilegio & concessione juris. c. ex publico. de Convers. Coniug. 8. Multi tenent, debitum negari posse ex eo etiam capite, ne proles nimium multiplicetur, dummodo absit periculum incontinentiæ: alii tamen hoc negant; eò quod matrimonium principaliter sit institutum ad finem propagationis. Verùm P. Herincx de Ma-

Elbel Theol. P. III.

tr. disp. 7. num. 5. fine. sapienter, meo judicio, ait, hoc judicio prudentis, attentis personarum circumstantiis, discernendum esse. Unde Sporer. nu. 516. à peccato gravi excusandam meritò censet Uxorem miseram, quæ Marito omnia ablucrienti, cogebarum domi cum liberis esurire, propereaque, ne amplius multiplicetur miseranda proles, negabat debitum; quodvisque vir se emendaret.

388 Notandum tamen hic venit, quòd licet in casibus mox enumeratis Coniux negando debitum non peccet contra justitiam, possit tamen subinde, & frequenter quidem graviter peccare contra charitatem, ut si advertat alterum Conjugem versari in gravi periculo incontinentiæ &c. tunc enim, si absque graviore incommodo possit, tenetur reddere debitum exigenti, prout DD. communiter advertunt. Et meritò quidem (debito tamen cum moderamine) reprehendendæ erunt Uxores, quæ Maritis suis absque justa vel sufficienti causa debitum negant, ad eos mortificandos; quia tales, præterquam quòd justum negando graviter peccent contra justitiam, insuper & contra charitatem delinquant, exponendo Maritum periculo incontinentiæ, & aliorum gravium peccatorum.

Quær. quarto, Siue usus matrimonii licitus pro eo tempore, quo Uxor patitur menstruum, vel lactans, aut prægnans, aut omnino sterilis est?

389 R. primò. Usus matrimonii tempore fluxus menstrui naturalis, quem feminæ regulariter loquendo singulis mensibus pariuntur, non est graviter illicitus, sed ad summum venialiter peccaminosus. Ratio inde desumitur: idè enim secundum AA. esset graviter peccaminosus, quia parentes sese, aut certè prolem nascituram exponerent periculo infirmitatum, vel quia semen videtur frustrà effundi; cum eo tempore rarissime soleant concipere foeminae: atqui hæc minime urgent; nam innumeri conjuges coeunt tempore menstrui, (ait Sanchez lib. 9. disp. 21. numer. 7.) & tamen rarissime, sibi, vel proli damnum inferunt; item sine peccato coeunt tempore prægnationis aut sterilitatis, ut proximè dice-

Gg 3 mus,

mas, & tamen per se loquendo non peccant: ergo &c. Quia tamen talis accessus ad menstruatum videtur præferre aliquam inhonestatem, & turpitudinem, vel etiam aliqualem incontinentiam contra rectæ rationis dictamen; hinc Sanch. loc. cit. Filliuc. Castrop. de Sponsal. disp. 3. punct. 4. §. 4. n. 7. & 8. aliique communiter dicunt, taliter accedentem peccare venialiter per se loquendo, nisi scilicet adsit justa causa excusans; qualis esset periculum incontinentiæ aut fornicationis; tunc enim accessus omni culpa vacabit. Unde Filliuc & Castrop. cit. n. 9. rectè dicunt, uxorem tali tempore licitè reddere, immò teneri ad reddendum, si Maritus de periculo prolis concipiendæ admonitus, nolit desistere.

390 R. Secundò. Actus conjugalis tempore lactationis vel prægnationis per se loquendo non est illicitus. Ita rursus Sanch. Bonacin. Illsung. ubi suprà numer. 132. Ratio est: tum quia nulla lex prohibens existat; tum etiam quia esset onus longè difficillimum, si vir toto tempore lactationis aut prægnationis cogeretur abstinere ab usu conjugii: nec dubitandum, quin hujusmodi conjuges innumeris exponerentur peccandi periculis. Dictum tamen est per se loquendo; nam si ex congressu cum uxore propinqua partui timendum esset periculum abortus, vel suffocationis, peccarent mortaliter, ut de se clarum est. Eodem modo discurrendum est de usu matrimonii post partum ante purificationem. Cum enim nulla exstet, aut ostendi possit lex prohibens actum conjugalem pro illo tempore, & ex altera parte non raro possit oriri periculum incontinentiæ, non videtur, curusus matrimonii non sit licitus, immò cur non etiam sit debitus, præsertim si puerpera ab immunditiis corporis jam supponatur expurgata; etenim regulariter loquendo potest debitum in tali statu reddi absque difficultate vel periculo morbi &c. Etsi videatur nonnulla indecentia venialiter culpabilis, si Maritus accederet ad nondum expurgatam corporaliter, ut proximè dictum fuit. Quin etiam, si ex tali coitu feminæ rationabiliter timeretur gravis morbus imminere, cessaret obliga-

tio reddendi debitum: quia Conjuges non censentur cum tanto periculo sese obligasse ad usum matrimonii: immò verò, cum vitam suam teneantur conservare, nec licet eam sine urgentiori causa gravi discrimini exponere, non potuerant se obligare ad reddendum in talibus circumstantiis, prout bene docent Sotus, Ledesma, Angelus, Palacios, quos citat, & sequitur Sanchez de Matr. lib. 9. disp. 22. à n. 21. & disp. 24.

391 Resp. Tertiò. Etiam sterilibus licitus est usus conjugii. Ita Kugler, Laym. Sporer, Herincx. p. 4. disp. 6. n. 92. & alii communiter. Ratio est: tum quia nulla lex in contrarium ostendi potest: tum etiam, quia steriles de se sunt capaces ad actum conjugalem perficiendum: quodd autem ex tali congressu nulla sequatur generatio, est merè per accidens: neque enim hoc provenit ex natura ipsius actus conjugalis, sed solum ex indispositione, Conjugis, vel etiam ex eo, quodd semen non sit prolificum. Vid. Babenst. cit. disp. 4. art. 1. n. 9. Kugler. n. 2036.

Quer. 5. Utrum Conjugatis liceant tactus impudici, aspectus, amplexus, verba, vel etiam oscula?

392 R. 1. Si fiant in ordine ad copulam vel contestandum amorem conjugalem & omnino licent, modò absit periculum voluntariæ pollutionis, & actus ipsi ex suo objecto non sint nimis obsceni, & hecistiales potius aut sodomitici, quàm conjugales: tunc enim Sanchez, Gobat, Fagundez, Castrop. Sporer, la Croix numer. 345. meritò putant, conjuges mortaliter peccare; eò quodd tales actus nimium à rectæ ratione, & sine matrimonii desistant, & bruta animantia magis, quàm homines ratione præditos deceant. Ratio autem hujus responsionis est: quia Conjugibus licitus est usus matrimonii, seu copula ad finem generationis: ergo & tactus &c. velut media ad hunc finem necessaria, vel certè conducentia, eisdem permitti debent. Si tamen facerent ob meram voluptatem, peccarent venialiter; quia tunc interveniret quædam subversio finis, & inordinata delectatio in re de se licita conjugibus. Tambur. lib. 7. de cal. c. 3. §. 5. n. 10. & 42. Illsung. cit. n. 229.

Resp. 2.

393 Resp. 2. Si Coniux vel in proprio, vel in alterius corpore exercent huiusmodi tactus, amplexus &c. cum prævisso periculo pollutionis, & quidem sine gravi, vel etiam urgente causa, peccat mortaliter. Ita & communis DD. Mistr. Herincx q. 7. n. 33. & alii. Ratio est clara: quia pollutio voluntaria est peccatum mortale: ergo etiam tactus, amplexus &c. ex quibus velur mediis ex sua natura in hunc finem ordinatis, subsequutura prævideretur pollutio, absque lethali culpa exerceri non possunt sine iusta vel urgente causa; quod notanter additur; nam si iusta subest causa, non consentur procurare, sed potius permittitur pollutionem: permitti autem potest sine culpa, dummodo excludatur consensus in delectationem - Sanchez l. 9. disp. 45. à n. 33. Herincx cit. disp. 7. num. 21. Sporer. num. 499. & 500. Perez, Kugler.

§. II.

Proponuntur, & breviter resolvuntur Casus practici de licito ac debito usu Matrimonii.

CASUS PRIMUS.

Titius deprehendit uxorem suam ab alio conceuisse; quæ propter timorem, ne deinceps simili quid contingeret, & ipse cogeretur alere proles spurias, & supposititias petiit quidem frequenter debitum, debito tamen modo hæcenus nunquam perfecit, sed abrupta copula semen ad extra semper dispersit. Queritur jam in hoc casu, an Titia. Uxor teneatur, vel saltem dulces possit suo Marito debitum reddere? 2. an etiam Maritus teneatur, reddere Uxori modo competent?

394 R. Ad primum. Si maritus nolit perficere actum conjugalem modo debito, Titia non tenetur reddere. Nihilominus reddere potest licite, si absque gravi incommodo, offensa, periculo rixarum, aut incontinentiæ (quod raro absesse solet in similibus casibus) illud declinare nequeat. Ratio primi est: quia Coniuges vi contractus matrimonialis non solent se obli-

gare, nisi ad usum matrimonii à Deo ordinatum, & de se aptum ad generationem, seu propagationem humani generis: ergo si Maritus non velit matrimonio uti prout oportet, Titia iuste id recusare potest. Ratio autem 2. quod scilicet possit, si velit, reddere, hæc est: quia maritus habet jus ad copulam saltem perfectam, ad quam Titia concurrere potest, & intendit: quod autem Maritus debito modo eandem non perficiat, ex sola ipsius culpa immediate, & proxime oritur, ad quam uxor iusta, & gravi de causarum permixtione se habet: atque peccatum alterius permittit, vel etiam ad materiale peccati, gravi ex causa cooperari est licitum: ergo si Titia abusus Mariti sui suavi, & chasitativa dehortatione impedire nequit, potest illum permittit. Sporer numer. 490.

395 Dixi tamen: si chasitativa dehortatione impedire nequit &c. Certum quippe videtur, quod Titia in hoc casu omni modo moraliter possibili laborare teneatur, ut vel per se, vel per alium virum prudentem v. g. Confessarium Marito persuadeat, quatenus matrimonio debite velit uti; & hoc quidem eo ampliùs, quo ipsa per suum adulterium causam, vel potius occasionem tot peccatis & abusus dedit. Forsitan non erit difficile hoc impetrare à Titio, ubi is in uxore deprehenderit emendationem seriam, atque animam, ab omni extravagante commercio carnali alienum. Vid. Sanch. lib. 9. disp. 16. La Croix n. 356.

396 Resp. Ad Secundum. Si Titio moraliter certò constet, de adulterio ab uxore culpabiliter commisso, & injuriam sibi factum nondum condonavit, non tenetur eidem reddere debitum, prout dictum fuit num. 368. & 387. Certum tamen est, quod, si velit uti matrimonio, teneatur illo uti, modo à natura, & Deo auctore naturæ ordinato, ad finem scilicet generationis. Comm. DD.

CASUS SECUNDUS.

Sempronia post primum puerperium hæcenus semper denegavit debitum Marito

visio sua, sequentibus de causis 1. quia ab eo tempore, quo primò concepit semper se malè habuit, continuis succumbens infirmitatibus 2. quia in partu sensit dolores inexplicabiles seu ingentes 3. quia cum summo vitæ periculo tandem enixa est factum, & quidem mortuum. Queritur jam, an singula cause, vel saltem omnes modo enumeratæ simul sumptæ, Semproniam excusent ab onere debiti conjugalis, an verè hætenus illud recusando peccaverit?

397 Resp. Primò Causæ modo allatæ non videntur sufficientes ad eximendam, Semproniam ab onere debiti conjugalis. Non enim prima; tum quia infirmitates, si sine leves tantum, ut puta, dolores capitis, dentium, vel etiam parvæ febris, inquit Clericatus *declis*. 38. numer. 13. non excusant; tum etiam quia Mulieres primò uterum gestantes plerumque majoribus subjiciuntur difficultatibus, quàm aliæ jam affluatæ ferendo oneri. Nec secunda causa excusat; quia cum vi contractus matrimonialis se obligaverit ad usum corporis tradendum ad finem generationis, eo ipso censetur se obligasse ad concomitantia partum seu generationem, scilicet dolores in partu sufferendos. Nec denique tertia causa satis excusare videtur Semproniam; quippe experientia constat, mulieres in primo partu regulariter loquendo, majores experiri difficultates, quàm in sequentibus. Quin immò Mulieres, quæ pluries facilliter parturire, subinde sentiunt maximos dolores, pericula &c. edunt foetum mortuum &c. Quapropter, cum obligatio reddendi debitum sit certa, pericula autem aut difficultates extraordinariæ in proximo partu sufferendæ, & omnino incerta, & dubia, Semproniam omnino obliganda videtur, & inducenda ad subeunda Conjugii onera, præsertim ex eo, quod procul dubio Marius innumeris expneretur incontinentiæ periculis. Nec dubitandum, quin semproniam hætenus negando debitum, per se loquendo, graviter peccavit, & quidem toties, quoties iustè petenti denegavit, quamvis ob ignorantiam fortè inculpabilem, aut bonam fidem à peccato formali possit excusari.

398 Resp. Tamen secundò. Si Sem-

proniam Medicorum judicio certò constaret, se ex iterata conceptione expositum iri gravium morborum periculis, aut vitæ discrimini, vel etiam foetum non nisi mortuum edituram, & posset protinus absque peccato recusare debitum, prout communiter. fatentur DD. D. Th. Scot. 4. *distin.* 32. Sanchez Laym. Sporer numer 514. Ratio est: quia Conjuges corporum suorum potestatem non alicui censentur transferre, nisi salva semper suarum Personarum incolumitate: immò nec possunt se aliter obligare; cum non habeant absolutum corporum suorum dominium.

Dices. At quid, si uxor non obstantibus hujuscemodi periculis prævisis, nihilominus velit obtemperare Marito, libebitne?

399 Resp. Libebit: tum quia pericula hujusmodi non sunt adeò certa, aut infallibilia? immò ordinario Dei beneficio fieri potest, ut scilicet omnino edat partum; & cum ex altera parte difficillimum, immò, & periculosum existat, quasi semper uri, & nunquam aduri veneris flammis; hinc videntur manere in possessione sui Juris, & petendi, & reddendi debitum: tum denique, quia etsi proles nasceretur mortua, tamen melius illi foret existere privatum visione DEI, quàm nunquam existitisse, prout post D. August. communiter notant DD. Vid. Sporer cit. numer. 115. *fine*.

CASUS TERTIUS.

Cajus, & Caja Conjugii, communit consensu uxorem; quod diebus festis. Communitatis, & Sabbathis, nec non per totam quadragesimam vellent abstinere ab opere conjugali. Verùm Cajus post editum votum advenit, se memoratis diebus solitò acriterioribus carnis stimulis urgeri; quibus eam non raro succubisset, petiit aliquoties à Coniuge debitum. Caja votum haud inmemor, timet hinc offensam Dei, si reddat illi: verò, si non reddat, offensam Mariti, quem probè animadvertit, ob debitum sibi denegatum, aliquoties sese polluisse. Querit proin, an teneatur vel

vel saltem *tuta conscientia possit acquiescere* Marito?

400 R. Si, ut Casus fert, votum abstinendi communi consensu, & quidem absolute & irrevocabiler emiserunt, non possunt absque peccato sacrilegii uti matrimonio diebus illis. Ita D. August. S. Gregor. Albertus M. aliisque pluribus congestis Sanch. l. 9. *disp.* 37. *numer.* 10. & 17. La Croix. *numer.* 370. Ratio est: quia tale votum fuit validum, & de bono meliori: ergo obligat ad abstinendum ab opere conjugali, præsertim quia mutuo consensu vovendo, conjuges à se abdicarunt jus proximum ad illum actum. Ex quo Sanch. *cit.* Laym. & alii inferunt, conjugem, qui in tali casu petit usum tanquam sibi debitum, nedum contra votum & virtutem religionis, sed etiam contra justitiam peccare. Addit La Croix l. *cit.* hujusmodi conjuges per Judicem Ecclesiasticum compelli non posse, ut redeant ad usum corporis, etiamsi essent obnoxii periculo, vel alteruter lapsus fuisset in fornicationem, sed tenerentur vel fortius resistendo vincere tentationes, vel petere dispensationem: & hoc ultimum remedium censeo suggerendum hujusmodi Conjugibus, nempe ut dispensationem petant; quam procul dubio obtinebunt, vel ab Episcopo, vel etiam ab aliquo Confessario Mendicantium, qui in hujusmodi votis dispensare possunt, prout jam alibi notatum fuit.

Dices Ergone Uxor in tali casu votum Mariti, aut vicissim Maritus votum Uxoris irritare non potest?

401 R. Non possunt. Ita *cum communi* Abbas, Sanchez, Laym. tom. 2. l. 4. *tr.* 4. c. 7. *numer.* 16. Ratio est: quia cum mutuo consensu voverint, consensum juri suo renuntiasse. Secus dicendum foret, si voverent sibi reservassent jus irritandi tale votum, casu quo adverterent magnum incontinentiæ periculum. Merito etiam monet Laym. *cit. sine.* Conjugibus (nisi senes sint) non esse suadendum facile, ut edant votum continentiæ, præsertim perpetuæ; iuxta quod hortatur Apostolus 1. Cor. 7. *Revertimini in idipsum, ne tentet vos Sathana.*

Dices adhuc. At quid, si solum fecissent

votum non petendi debitum diebus supra specificatis?

402 R. Adhuc fuisset validum, & teneretur quilibet abstinere à petendo: hoc tamen non obstante, si unus adverteret, alterum versari in periculo incontinentiæ, posset, immò secundum Navarrum, Sanchez, La Croix. *cit.* & alios, ex charitate teneretur alteri reddere debitum: quia per votum non petendi non voluerunt excludere usum reddendi ex justitia, vel saltem ex præcepto charitatis debitum. Quin etiam si unus adverteret, alterum versari in periculo incontinentiæ, posset se insinuate & offerre ad usum; tum quia talis insinuatio vel oblatio non est debiti petitio, sed potius redditio; tum etiam, quia in tali casu neuter verè petit, sed quodam modo reddit; cum neuter id faciat sibi satisfaciendi gratia, sed morem gerendi alteri. Videatur Filliuc. proxime citandus *numer.* 313. vel Sanch. l. 9. *disp.* 7. *numer.* 11.

§. III.

Corollaria ex dictis inferenda.

403 Colliges ex dictis primò, neutrum ex conjugibus teneri ad petendum debitum, regulariter loquendo. Ratio est: quia nemo tenetur uti jure suo, sed potest quivis illi cedere. *c. ad Apostolicam. de Regular.*

Dictum tamen est: *per se loquendo*: nam per accidens, ob periculum incontinentiæ, quod Conjug adverteit in se vel in altero, potest esse obligatio petendi. Vid. Filliuc. *tr.* 10. p. 1. c. 10. n. 304. Babenst. *cit. art.* 1. n. 5.

404 Collig. secundò, Conjugem qui alteri serio, justè & rationabiliter petenti, debitum negat sine justa & sufficienti causa peccare mortaliter. Ratio est: quia secundum dicta *nu.* 385. hæc obligatio est omnino gravis. Quin etiam contra charitatem peccabit graviter negando, dum animadverteit alterum incontinentiæ periculo expositum. Ex quo inferunt Sanch. *lib.* 9. *disp.* 3. n. 3. Bonac. Filliuc. *cit.* n. 305. & alii, Conjugem, qui vel crebris pollutionibus, vel etiam immoderatis viræ

austeritatibus v. g. jejuniis, vigiliis: &c. se reddit inhabilem ad commodum reddendum debitum, peccare mortaliter: quia Conjuges eadem obligatione iustitiæ, qua tenetur reddere debitum, etiam tenetur non efficere se impotentem ad ejus redditionem. Inferunt item, Conjugem non posse diu abesse ab altero conjugē, nisi hic consensiat, vel talem absentiam exigat necessitas. Ratio est: quia per absentiam impeditur usus Matrimonii. Vid. Babenstuber nbi suprā *disput. 4. artic. 1. num. 2. & seqq.*

405 Colliges. Tertiō, Confessio in eum, ut moreat poenitentem suam obligationis, quando advertit eum absque iusta causa negare debitum; quia alias persequeretur in malo statu. *Laym. lib. 9. tit. 10. part. 9. cap. 1. num. 1.* Tunc autem, inquit La Croix, num. 399. habebit iustam causam suspicandi de tali defectu, si deprehendat, conjuges continuō rixari; hinc suaviter poenitentem rogare poterit, an etiam omnia præstet, ad quæ obligatur conjugii suo vel suæ?

406 Colliges quartō, etiam illis Conjugibus, qui ob aliam causam extrinsecam, v. g. morbum, periculum abortus, vel etiam aliam impotentiam supervenientem, impediuntur ab ipso usu matrimonii, vel alia de causa nolent eo uti, nihilominus licitos esse tactus impudicos, aspectus, oscula &c. dummodo absit periculum pollutionis, & tales actus fiant ad honestum finem, v. g. ad concitandum, vel etiam confessandum amorem conjugalem (si enim fierent ex mera, & sola voluptate, essent peccaminosi venialiter, ut suprā dictum). Ita Castrop. *de spons. disp. 3. punc. 4. §. 2. n. 3.* Illung. *disp. 9. n. 129.* La Croix. n. 341. ubi refert pro hac opinione 36. alios DD. Ratio est: quia si tales actus Conjugibus essent graviter prohibiti, matrimonium foret perpetua, & proxima occasio æternæ damnationis; idēque illicita foret omnis societas conjugalis præsertim in toro: quia hæc asserret proximum periculum mortaliter peccandi (ac proinde taliter cohabitantes, & perseverare volentes absolvi non possent; quod tamen sicut à ratione, ita, & à veritate alienum est.

Dices. Status matrimonialis illos tantum actus cohonestat, qui hic, & nunc possunt esse usus conjugii: ergo si conjuges nolint, aut non possint uti matrimonio, etiam hujusmodi actus erunt ipsi graviter illiciti.

407 R. Cum P. La Croix *cit. neg. antecedens* alioqui non liceret illis ulla oscula, amplexus vel aspectus, nisi dum actu cogitent coire: quod tamen falsum est: nam tales actus vel tactus, utpote conjugis, natura sua referuntur ad copulam conjugalem, à qua relatione non eximuntur, esto Conjuges copulam non intendat; aut etiam impossibilis sit v. g. ob absentiam alterius conjugis: hæc enim per accidens contingunt, nec relationem intrinsecam illorum actuum mutant: & sicut matrimonium cohonestat ipsam copulam conjugalem; ita & tales actus, tametsi per accidens hic, & nunc non deserviant copulæ. Sanch. Hurtado, Ochagavia, Palao *cit. num. 5.*

408 Colliges tandem quintō, Conjugibus licitum esse desistere ab actu conjugali jam inchoato, modò non sit facta seminatio ad generationem insufficientem, nec periculum illius faciendæ. Ratio est: quia reliqua, quæ acta sunt, non differunt à tactibus impudicis. Cajetanus, Palao, Saa, Sporer. *num. 490.* Illung. *cit. num. 129. fin.*

CONFERENTIA

DECIMASEPTIMA.

De Matrimonii usu illicito, seu peccatis Conjugum.

SUMMARIUM.

409. Usus Conjugii ex triplici capite potest reddi illicitus.
 410. Substantia actus conjugalis posulat, ut fiat cum immissione seminis intra vas &c.
 411. Modus autem, ut fiat Muliere Succulo Incubo &c.

- 412 Insuper sunt observanda circumstantiæ finis.
- 413 Loci 414. Temporis, & 415. Personarum.
- 416 Coniux reddendo debitum, non semper peccat, quando alter illicitè, seu cum peccato postulat.
- 417 Resolvitur Casus I. de Uxore, quæ, ne conciperet, subinde negavit debitum, aut coegit virum abrumperè, vel etiam animum aliò distraxit.
- 418 Hoc tertium protinus eidem licet, non item primum vel 2.
- 419 Resolvitur Casus II. de Uxore, quæ ob nullitatem sui Matrimonii certò perfectam, Marito negavit debitum.
- 420 Etiam à Iudice Ecclesiastico condemnata ad reddendum in tali casu peccat mortaliter, si reddat,
- 421 422 & 423 Solvuntur tres instantiæ contra hanc Resolutionem factæ.
- 424 In tali casu est procuranda dispensatio: & à quò?
- 425 Resolvitur Casus III. de Uxore, quæ post viri recessum consueverat se ipsam tactibus provocare ad explendam Venærem.
- 426 Si ex huiusmodi tactibus soleat pollui, peccat mortaliter.
- 427 Et quid in tali casu consulendum?
- 428 Coniugibus nunquam licet positivè impedire generationem.
- 429 Nec licent tactus (sine necessitate) ex quibus prævident se polluos, nisi sint tales, qui ordinariè fieri solent absque periculo pollutionis.
- 430 Qui in actu conjugali aliam sibi repræsentat, & in eadem carnaliter delectatur, peccat graviter.
- 431 Secus dicendum, si aliam sibi imaginetur, præcisè ob illius pulchritudinem naturalem.
- 432 Delectator morosus in confessione tenetur exprimere objectum delectationis quoad substantiam &c.
- 433 Coniux voto Castitatis obstrictus, peccat mortaliter petendo debitum.
- 434 Similiter, petendo ab uxore debitum peccat Maritus, qui ratione commissi incestus contraxit cum eadem affinitatem.

§. I.

Præmittuntur, & breviter resolvuntur quæsitæ scitu necessaria, ad ritè decidendos casus de usu illicito Matrimonii, seu peccatis Coniugum.

QUæres primò, an vel qua ratione usus Matrimonii reddatur illicitus, seu peccaminosus?

R. 409 Ex triplici capite potest, & frequenter satis redditur peccaminosus, videlicet 1. ex eo, quòd Coniuges non observent id, quod est de substantia actus conjugalis 2. vel quòd non servant debitum modum, vel denique 3. quòd alia accedat circumstantia reddens eundem actum peccaminosum. Ita *Communis*.

Quæ. 2. quid quoad substantiam usus conjugalis sit observandum?

R. 410 Resp. Est vel maxime observandum, ut fiat cum immisione, & retentione seminis intra vas naturale debitum, scilicet matricem. Ratio est: quia usus conjugii permissus, & institutus est principaliter ad finem generationis, seu propagationis speciei humanæ: atqui nulla potest sperari generatio, ubi seminis firmissimo extrà vas naturale: ergo. Ex quo *Babenstüb. cit. disp. 4. art. 1. num. 6.* bene concludit, foemina sub peccato mortali obligari 1. ut semen viri receptum retineat 2. ut, quando ipsa jam feminavit, expectet seminationem viri; quia semen foemineum se solo non est sufficiens ad generationem. Vid. *Gobat. tr. 10. n. 390. Spor. num. 490.*

Quæ. Tertiò, quid quoad modum debitum servandum sit in actu Coniugali?

R. 411 Cum DD. *cit.* Modus debitus per se loquendo postulat, ut fiat Muliere in cuba, viro autem incubo; quia hic modus est ad generationem accommodatissimus. Ex hoc autem licet colligere, Coniuges à modo debito desistere, si vel stantes, vel sedentes, vel à latere jacentes, vel præposterè more pecudum, vel denique Viro succubo, & Muliere incuba congreduantur; quare *Sporer n. 394.* meritò dicit,

cit, Conjuges taliter congregientes sine necessitate, esse debortandos, immò redarguendos. Ratio autem est: quia in his modis omnibus, si sit periculum effundendi, seu extra spargendi semen (erit autem periculum à potiori) peccabunt mortaliter; quia in materia gravi defleunt à debito sine generationis: Si tamen aliqui ex tali congressu vel modo, nullum sentirent periculum, non peccarent, nisi ad summum venialiter; immò etiam à veniali erunt excusandi, si id faciant ex aliqua iusta vel gravi causa, ut puta, si mulier jam sit nimis grvida, & proli periculum timeatur, vel si vir esset nimium pinguis aut crassus &c. D. Antoninus, Sanchez, Mastr. Aversa, Card. de Lauræa, Bonac. Basil. Pont. & alii apud Clericat. *decif.* 38. numer. 21.

Quæ. 4. quænam Circumstantiæ sint observandæ conjugibus, ne peccent in opere conjugali?

412 R. Sunt observandæ sequentes quatuor 1. Circumstantia debiti finis 2. Loci 3. Temporis, & 4. Personarum: 1. itaque circumstantia finis postulat, ut opus conjugii exerceatur ex bono, vel saltem honesto fine; cuiusmodi sunt 1. generatio prolis (qui est primarius) vel 2. ut incontinentiam vitent, aut 3. fidem sibi servant, vel denique 4. ut significationem Sacramenti perficiant (qui sunt fines secundarii) Quod si ex sola voluptate congregiantur, peccabunt venialiter; eò quòd finem huius actus de se liciti, quodammodo pervertant. Hac ratione Innocent. XI. damnavit sequentem propositionem n. 9. *Opus conjugii ob solam voluptatem exercitum omni penitus caret culpa, ac defectu veniali.* Nonnulli existimant, conjuges venialiter peccare, si operi conjugali vacent ad sanitatem corporis conservandam, vel restaurandam: verùm ConinK. Hericx *disp.* 7. n. 27. alique plures, tales à culpa etiam veniali meritò absolvent; quia sanitas est finis de se honestus, & cum actus conjugalis supponatur huic fini deservire, non apparet, cur ob talem finem evadat illicitus.

413 2. Circumstantia loci exigit, ut non exerceatur in loco publico, vel coram aliis, idque ob verecundiam naturalem, & periculum scandalii præcavendum. Item ne

exerceatur (absque necessitate) in loco sacro, id est, Ecclesia: quia Ecclesia per humani seminis effusionem (saltem notoriam) polluitur, aut certè irreverentia magna ipsi irrogatur per huiusmodi opus carnale. Notant tamen Sanch. *lib.* 9. *disp.* 15. à n. 24. & Salmanticenses c. 15. nu. 70. apud Clericat. *decif.* 38. nu. 20. nomine Ecclesiæ hic non venire Cæmeterium, neque Clausura Religiosorum, nec Sacristiam, nec Turrim campanariam, neque Oratoria privata non benedicta.

414 Tertiò Circumstantia temporis requirit, ut non exerceatur diebus festivis: hæc tamen circumstantia potius cadit sub consilium, quàm sub præceptum. At verò in die communionis petere debitum absque necessitate aliqua, vel rationabili causa (qualis esse posset periculum incontinentiæ) videtur non vacare culpa, saltem veniali; quia reverentia tanti Sacramenti exigit, ut sumatur ab impollutis non solum mente, sed, & corpore. Fautentur tamen DD. communiter, ne venialiter quidem delinquere Conjugem, qui in die communionis, ut suæ satisfaciatur obligationi, reddit debitum postulanti. Vid. Clericat. *cit.* n. 15.

415 Quartò denique, ut actus conjugii sit licitus ob circumstantiam Personarum, necessum omnino est, ut Conjuges non sint irretiti aliquo impedimento dirimente, immò nec impedimento impediante voti simplicis castitatis; quia talis petendo graviter peccat. 2. Ut de valore matrimonii sint moraliter certi, vel ad minus de honestate, seu licetate actus conjugalis practicæ non dubitent; secus enim se exponerent periculo fornicandi 3. Ut operi conjugali non vacent cum detrimento notabili sanitatis, aut cum gravi periculo morbi, infectionis, abortus &c. Ratio est: quia in his circumstantiis usum matrimonii velut vergens in grave detrimentum corporis, est prohibitus, prout consideranti faciliè patebit, ergo; &c.

Quæ. 5. utrùm conjux debitum reddendo peccet toties, quoties alter illud illicitè petit?

416 Resp. Non semper peccat reddendo illicitè petenti, prout jam colligi potest ex dictis. Ut tamen melius dignoscatur,

scatur, quondam reddens peccet, *DD.* communiter statuunt sequentes tres regulas. Prima est: si petitio est illicita ob circumstantiam tenentem se ex parte solius petentis, ut puta, ex eo, quod sit obstrictus voto castitatis &c. tunc licitum est ei reddere: secunda. Si petitio est illicita ratione circumstantiæ tenentis se ex parte ipsius actus conjugalis; ut si petatur cum periculo abortus, scandalii &c. tunc ordinariè, & per se loquendo reddere erit illicitum: tertia. Si peteret debitum est, solum venialiter illicitum, tunc reddere omni culpa vacat; quia semper adest iusta causa excusans, videlicet obligatio reddendi. Vide de his regulis fusiùs differentes Sanch. *lib. 9. disp. 6. Filiuc. tract. 10. pag. 1. cap. 10. à num. 308.* Laym. ubi suprà p. 3. c. 1. nu. 17. Sporer *n. 518. & seqq.*

§. II.

Proponuntur, & breviter resolvuntur casus practici de usu illicito Matrimonii.

CASUS PRIMUS.

Titia valde abhorret conceptionem, quia advertit cum prole etiam ærumnas simul multiplicari. Hinc suo Marito debitum non raro negavit; subinde cogit eundem simulata infirmitate, opus conjugale nondum perfectum abrumpere; nonnunquam verò usum corporis quidem permittit, animo tamen ad alia converso & distracto, ne et ipsa concitaretur ad seminandum, & evaderet gravida. Quæritur jam 1. an, vel quomodo hæcenus peccaverit? 2. an eadem protinus liceat praticare?

417 R. Ad primum. Titia ea solum de causa, ne evaderet gravida, negando debitum, per se loquendo peccavit mortaliter toties, quoties illud negavit; quia allegata causa minime excusat; siquidem conjuges obligando se ad usum Matrimonii, censentur hoc ipso se obligare ad consequentia usus, inter quæ etiam computantur ærumnæ tum in partu, tum etiam in educatione prolium sufferendæ. 2. Similiter si

mulando infirmitatem, sic que cogendo Maritum ad abrumpendam copulam, peccavit mortaliter & contra iustitiam, & contra naturam, si res eò jam devenisse supponatur, ut vir absque pollutione, vel evidenti periculo pollutionis non potuerit recedere: secus dicendum de peccato contra naturam, si res eò nondum fuisset deducta, & sine tali periculo Maritus potuerit recedere. Ratio facile colligitur ex dictis hæcenus. Terriò tandem per hoc, quod animum aliò distraherit, & quasi merùm permittisse se habuerit, non videtur peccasse, dummodo finem generationis non excluderit positivè. Ita Sanch. Perez, Dicastillo, Escobar, Gobat *eti. n. 592.* Diana, alique apud Sporer *num. 491.* Ratio est: quia conjux non tenetur semper promovere, & procurare generationem modo meliori, quo posset, sed solum obligatur illam non impedire positivè: atqui distrahendo animum aliò, non impedit positivè; quandoquidem secundum probabilem sententiam D. Thomæ, & aliorum mutorum, solum semen virile sufficiat ad generationem: ergo per hoc præcisè, quod ipsa conetur cohibere naturam, non impedit positivè, sed solum non promovet generationem meliori modo, quo posset. *Vid. DD. citat.*

418 R. Jam ad secundum. Hoc tertium Titiaè protinus praticare licet, non item primum & secundum. Ratio est evidens: quia secundum dicta, debitum negare, vel ad illud abrumpendum Maritum cogere non potest sine gravi injuria, & peccato contra naturam, bene autem animum aliò distrahere: ergo hoc tertium protinus licebit praticare, non item illud primum & secundum, nisi in hoc supponatur abesse periculum pollutionis.

CASUS SECUNDUS.

Sempronia optima fide nupsit Sempronio: sed quia ab ejus consanguineo in secundo gradu priùs aliquoties fuit carnaliter cognita, & quidem perfectè; hinc Confessarius eidem intimavit, matrimonium esse nullum, ob contractum impedimentum affinitatis.

Timens proln conscientia sua, aliquoties debitum negavit Marito, à quo propterea malè excepta & tractata, clam discessit ad aliquot dies. Verùm à Iudice Ecclesiastico redum restituta, sed etiam condemnata fuit, ut Marito cohabitaret, & possulanti redderet debitum. Dubitat ergo, an sibi (non obstante nullitate matrimonii certò cognita) non liceret reddere debitum; tum quia à Iudice fuit ad hoc condemnata; tum quia Maritus bona fide petiit; tum etiam quia huic impedimentum & nullitatem matrimonii revelare nequit sine periculo perpetuarum rixarum, & gravissima sui diffamatione; tum denique quia redditionem declinare protinus videretur impossibile moraliter, parim ob rationes, jamjam allegatas, parim etiam ob incontinentiam, & importunitatem Mariti. Queritur jam, quid dubitanti respondendum, aut consulendum?

419 R. Licet nonnulli, quos referunt La Croix & Engel citandi, existimantur in tali casu debitum licetè reddi, non obstante nullitate matrimonii etiam certò cognita; nihilominus simpliciter dicendum est, debitum in tali casu reddi non posse absque mortali peccato. Ita Tann. Perez, Castrop. Dicaftill. Gobat. Sanch. Bonacin. apud Sporer num- 471. Henricx. disput. 7. numer. 30. Tambur. Decalog. lib. 7. capit. 3. §. 5. numer. 12. Laym. lib. 2. tract. 1. capit. 5. numer. 24. La Croix numer. 315. Babenstuber, ubi suprâ. artic. 2. numer. 10. Kugler numer. 216. Bosco disput. 12. Sect. 15. num. 249. & seqq. Engel. lib. 4. tit. 23. Et est hodie communissima DD. quibus novissimè accessit noster P. Kazenberger. In suo supplemento II. P. Sargar. Conferentia 45. à numer. 126. Ratio convincens, & irrefragabilis hujus opinionis, licet rigorosè, est hæc: quia fornicari est malum intrinsicum, prout patenter colligi potest ex propositione, inter damnatas ab Innocentio XI. numer. 48. quæ est hujus tenoris: *Tam clarum videtur, fornicationem secundum se nullam involvere malitiam, & solum esse malam, quia interdicta: ut contrarium omnino rationi dissonum videatur: atqui malum intrinsicè tale nunquam licet operari: ergo. Unde & Innocentius*

III. cap. Inquisitioni. De Sent. Excomm- in 6. clarè decidit, quòd mulier certò sciens impedimentum conjugii, debeat potius excommunicationis sententiam humiliter sustinere, quàm per carnale commercium peccatum operari mortale. Idem deciditur. c. Litteras. de restitut. spoliat. Quare sententia opposita ne quidem tenuit probabilis videtur; cùm contra eam pugnet ratio ineluctabilis, nempe malitia fornicationis certò certius admittenda à Coniuge, qui conscius nullitatis nihilominus reddit debitum utpote merùm solutus. Quemadmodum ergo nunquam licet procurare pollutionem, eòquòd hæc sit intrinsicè mala; ita nec unquam licet committere fornicationem, ob eandem rationem: atqui committeret, & quidem formalem, Coniux putaritius, de nullitate sui matrimonii conscius: ergo &c. &c.

420 Nec refert, vel excusat, quòd Judex Ecclesiasticus illam condemnaverit; quia sententia hæc procedit ex falsa præsumptione facti, proindeque non obligat, prout in simili dictum fuit supra, & nota La Croix cit. Profectò si Judici constaret de impedimento latente, & nullitate matrimonii, nunquam condemnaret Coniugem ad reddendum, prius quàm obtinuisset dispensationem.

Dices tamen primò. Judex licetè condemnat ad mortem, quem privata scientia novit esse innocentem, tametì occisio innocentis sit intrinsicè mala: ergo etiam talis conjux licetè reddit debitum &c. &c.

421 R. Antecedens probabilis est falsum, ob rationem allegatam. Transmissio tamen, quòd possit condemnare Judex, negari potest & debet consequentia. Disparitas est: quia Judex condemnat ut persona publica: atqui ut persona publica, prorsus invincibiliter ignorat, hunc esse innocentem, sed potius credere debet nocentem: ergo cum ignoranter condemnet, non peccat: è contra Coniux ut persona privata reddit debitum, & quia certò scit, talem redditionem esse meram fornicationem, non potest non peccare reddendo.

Dices secundo Peccatori occulto publice petenti, tenetur Sacerdos administrare Sacramentum v. g. Eucharistiæ, ne illum diffamet, quamvis aliàs esset re-

crile-

e. i. legium : ergo etiam Conjux licite reddidit debitum, quamvis aliā esset malum, ubi nullum foret periculum diffamationis &c.

422 R. Neg. rursus conseq. quia Peccator occultus habet jus iustitiæ ad suam famam, & ne publice infametur, negata sibi Eucharistia. Vir autem non habet verum jus petendi, ubi matrimonium certò nescitur fuisse nullum, sed tantum ex ignorantia putat se habere jus. Deinde Sacerdos ministrans Sacramentum, facit actionem de se bonam, ita, ut tota malitia se teneat ex parte suscipientis indignè, ad quam se merum permissivè habet Sacerdos. Unde etiam Christus Dominus Judæ ceu peccatori occulto dedit Eucharistiam in ultima Cœna; at verò reddens debitum in nostro casu, operatur quod per se, & intrinsecè malum est: *quia admittit non suum*: non sunt autem ullatenus facienda mala, ut eveniant bona: ergo &c.

423 Dices tertio. Non tenetur puella cum suo gravi dispendio corporaliter resistere viro sibi vim inferenti, sed potest se permissivè habere, permittendo virum in se agere: ergo & talis Conjux potest debitum reddere.

R. Rursus neg. Conseq. quia secundum communem usum & modum loquendi, reddere debitum non idem est vel sonat, ac merum permissivè se habere, constanter excludendo omnem prorsus consensum in delectationem, & nullo modo positivè cooperando. Et qualem Tu finges Virum, qui reddendo debitum merum passivè se habeat? Dato tandem, quod conjugi liceat merum passivè se habere, quæso, mulierem tam fortem quis inveniet, quæ permissivè tantum se habens constanter excludat omnem consensum in delectationem, & nullo prorsus modo positivè cooperetur, v. gr. corpus suum aptando, membra disponendo ac congressum? atqui hæc absque peccato fieri nequeunt, ut bene animadvertit, Sotus, Bosco cit. n. 272. & alii communiter: ergo. Nunquid ergo jam cernis, hoc medium esse valde periculosum, nec amplectendum, nisi in extrema necessitate? Quid ergo agendum?

424 R. secundò laborandum esse quantocumque pro impetranda dispensatione, quam in tali casu & necessitate non tantum Episcopus, sed probabiliter etiam quilibet Confessarius Mendicantium impertiri valet ex speciali privilegio à Leone X. concessio, prout infra nu. 496. videbimus. Scio equidem, hoc privilegium à nonnullis vocari in dubium, noverint tamen illi, consultius esse in morbis tam desperatis adhibere dubiam, quam nullam medicinam. Ego sanè in simili casu necessitatis non hærerem uti hoc privilegio, pro quo hodieum strenuè pugnant Bosco, Reinfest, & noster Kazenberger, inferius nu. 496. citandi. Confirmor amplius in hac opinione mea verbis P. Gobat tract. 9. n. 720. ubi ait: *quia verè tam Veracrucius, quam Chassainus adhuc tribuunt ipsi (memorato scilicet privilegio) robur, Pellizarius, & Bonagratia non negant, sicut nec Bassens, non esset manifestè criminis seu imprudentiæ reus, ille ex Ordine Mendicantium Regularis, qui nactus ejusmodi Conjuges, consensu impedimenti, orti ex fornicatione -- diceret illis: dispenso vobiscum quoad possum: quia tamen valde dubium est, an possim, petam à Penitentiaria Romana, vel ab Episcopo certam dispensationem: interim si continere non potestis (renovato tamen prius consensu, & revalidato matrimonio secundum dicta superius à nu. 343.) revertimini in id ipsum, sperantes bene de benignitate divina.* Hactenus Gobat, more suo, sapienter.

CASUS TERTIUS.

Cajæ Maritum sortita est optima quidem (ut ait) indolis, calidioris tamen naturæ, qui propter debitum haud infrequenter posulat, sed citius, quam optaret, pro parte sua perficit. Et quia præfata Uxor post viri recessum venerem in se vehementer quidem exagitata, nondum tamen expletam animadvertit; hinc eandem proprii corporis tactibus explere nitebatur. Queritur 1. an licitè? secundò, quid consilii suggerendum in tali casu?

425 R. Ad primum. Cajæ licitè potuit hoc facere. Ita sentiant Sanch. lib. 9. disc. 17. num. 12. (in Editione Brixinensi &

An-

Antuerpiensi) item Bonacin. Perez. Bas. Pont. Dicastillo, Diana, Homobonus, Lefsius, Filliuc. *tr.* 10. *numer.* 330. Gobat. *tradf.* 10. *numer.* 589. Sporer *numer.* 491. Bosco *disput.* 12. *seffione* 15. *numer.* 576. Clericat. *Erotem.* cap. 145. *num.* 33. item *de Matr. decisf.* 38. *num.* 23. Felix Potestas *Tom.* 1. *part.* 4. *num.* 4310. Tambur. *Decal. lib.* 7. *cap.* 3. §. 5. *num.* 18. & alii, contra Castrop. Burghab. La Croix, & nonnullos alios. Ratio autem hujus opinionis est: tum quia est probabilis etiam illa sententia, quod semen mulieris multum conferat, immò verò necessarium sit ad generationem, tum quia nimis durum esset, irritam naturam compescere, proptereaque talis Mulier semper quasi foret exposita evidentissimo periculo mortaliter peccandi, quoties ex justitia redderet quod debet; tum denique quia illa seminatio mulieris in tali casu est complementum præcedentis actus maritalis. Esto autem nonnulli opositum sentient, minime tamen evertunt fundamenta hujus nostræ opinionis, quo minis maneat verè probabilis: atqui sententiam verè probabilem licet sequi, ubi agitur de sola honestate actionis: ergo &c.

Dices: At quid, si Mulier fateatur, se semper ad extra profunderè semen, quoties se tangit?

426 Resp. Dubitabunt forsitan nonnulli, an hoc contingere sit natum, eò quòd judicio Medicorum semen mulieris plerùmque soleat defluere ad matricem, raro ad extra, ut testatur Gobat *Theol. exper. tr.* 9. *numer.* 391. Certè Medici hac super re à me consulti, non responderunt unanimiter. Negavit unus aut alter id fieri posse: è contra alius quidam insignis Medicus affirmavit, allegans propriam, & multiplicem quidem experientiam: cujus judicio eò facilis assentire jubeor, quo certius multorum tum Virorum tum fœminarum etiam confessionibus propriis persuasum mihi est, muliebre semen extra vas contactibus lascivis fuisse provocatum, & dispersum, utinam non frequenter nimis! Supposito itaque, quòd, ut Casus fert, Mulier experta sciat se semper ad extra diffundere semen; dicendum mihi videtur (salvo meliori judicio) hujusmodi

tactus esse illicitos, ideoque interdicendos. Ratio est: quia certum videtur, ne conjugibus quidem permisos esse tactus, quibus certò certius prævident, se esse polluentes, seu tendere ad pollutionem: atqui in nostro casu supponitur Mulieri constare, quòd semper soleat pollui per hujusmodi tactus: ergo non licent; præsertim cum in tali casu non merùm patiat, sed potiùs agat, seu procuret pollutionem.

427 Ad 2. quid nempe consilii in tali casu suggerendum? Respondet P. Sporer *n.* 491. his omnino formalibus: tardiori ad seminandum permittendum, immò consulendum est, ut ante concubitum tactibus exciteur ad venerem, ut sic possit in ipso concubitu simul seminare: eò quòd in multum conducere ad prolificandum doceant Medici. *Vid. D. cit.*

§. III.

Corrolaria ex dictis inferenda.

428 Colliges ex dictis primò, nunquam esse licitum impedire generationem positivè, ut puta semen ad extra spargendo, vel jam receptum, rursus effundendo, aut procurando abortum &c. Ratio est: quia semen humanum non in alium finem instituitur, vel administratur à Natura, quàm ut deserviat propagationi humani generis: ergo quicunque generationem positivè impediunt modo prædicto, peccant contra naturam, & finem Conjugii Et, amabo te quantum putas inferretur detrimentum speciei humanæ, si scirent homines esse permittam hujusmodi procuracionem? Unde Sanch. Laym. Gobat, Spor. alique DD. merito inferunt mulierem, quæ priùs seminavit, teneri sub mortali peccato (per se loquendo) expectare seminationem viri; quandoquidem certum sit, solam mulieris seminationem non esse sufficientem ad procreationem prolis: secùs dicendum de viro, qui per se loquendo, non tenetur expectare seminationem mulieris, eò quòd solum virile semen probabiliter sufficiat ad generationem.

429 Colliges secundò, ne conjugatis quidem permiffos, vel permittendos effe tales tactus, qui ita ad pollutionem tendunt, ut fint quasi inchoata pollutio, seu ex quibus prævident fe effe polluentes. Ratio est: quia cum fupponantur effe in materia venerea, & per fe vehementer tendant ad pollutionem; hinc qui eos vult, prævidens inde fecuturam talem turpitudinem, convincitur voluiffe ipfam pollutionem. Ita Averfa apud La Croix nu. 343. Secùs dicendum exiftimant Gobat tr. 10. n. 666. Sporer n. 300. & alii plures, fi tactus fint tales, ut ordinariè fiant absque pollutione, tametfi præter intentionem. & expectationem conjugum, una alterave vice fuiffet fecuta pollutio: quia conjuges vacant rei de fe licitæ, & pollutio fequitur merè per accidens, præter intentionem vel approbationem, aut confensum illorum, ut fupponitur. *Vid. DD. citt.*

430 Colliges tertio, Conjugem, qui in ufu conjugii fibi imaginatur, & repræfentat aliam personam, ita, ut in ea carnaliter delectetur, peccare mortaliter. *Communiffima DD.* Ratio est: quia delectatio fumat fuam fpecificationem ab objecto: atqui objectum talis delectationis est prohibitum, & mortaliter illicitum; cum fupponatur effe aliena persona: ergo.

431 Dictum tamen est: *Si in ea carnaliter delectetur &c.* ita videlicet, ut eam loco propriæ conjugis optet habere præfentem, aut defideret cum illa habere rem, seu turpiter agere, vel actu putet, fibi rem effe cum illa &c. secùs dicendum foret, fi aliam fibi imaginaretur præcisè ob naturalem illius pulchritudinem, in ea fiftendo, & quodammodo quiefcendo v. g. ex intentione generandi prolem ejusdem formæ aut pulchritudinis; quia, ut notat Sanch. alijque, in hoc nulla apparet turpitudò: quàmvis omnes hoc ipsum etiam diffuadeant, ob periculum incidendi, & admittendi delectationem carnalem graviter illicitam.

Dices. Tenebitur hujusmodi morofus Delectator exprimere in Confessione objectum fux delectationis, seu ipfam personam, nedum quoad substantiam, fed etiam quoad circumstantias, puta, an fue-

Elb. Theol. P. III.

rit foluta vel ligata? confanguinea vel non? &c.

432 R. Omnes fatentur, objectum quoad substantiam faltem, neceffariò effe exprimendum, dicendo, quòd fuerit aliena &c. an autem circumstantiæ illius pariter exprimi debeant, non conveniunt DD. Distinguum tamen videtur cum Laym. Lessio, Reiffenst. *Theol. mor. tr. 9. disp. 7. n. 15.* & interrogandum (fi pœnitens fe ipsum non explicet) an defideraverit, & quantum in fe est, intenderit peccare cum aliena, an verò præfcindendo ab hujusmodi defiderio, præcisè in simplici delectatione quodammodo ftererit ac quieverit? Si primum, tenebitur explicare circumstantias personæ concupitæ seu defideratæ: quia actus defiderii, utpote efficax, quantum in fe est, tendit in actum externum cum persona aliena perficiendum; ergo si hæc fit re ipsa aliena, confanguinea, vel ligata &c. participabit malitiam ab objecto concupito prout in fe est. Si fecundum, multi etiam graviffimi DD. videnti apud Babenstüb. tr. 2. disp. 3. art. 6. n. 37. fatis probabile & tutum censent, quòd pœnitens non teneatur explicare circumstantias personæ. Ratio est: quia actus simplicis complacentiæ, utpote de fe inefficax, non tendit in opus externum ut perficiendum, fed præcisè fiftit in objecto fecundum fe, præfcindendo à reliquis circumstantiis: ergo ab his nullam participat malitiam. Fatendum tamen est, tutius effe, etiam in tali casu exprimere circumstantias; quia, ut notat Henricx p. 2. tr. 2. disp. 7. numer. 33. hujusmodi homines lubrici non folent multum præfcindere à circumstantiis, fed regulariter loquendo feruntur in objectum cum fuis circumstantiis propofitum. Quare idem Doctor cenfet, in praxi hanc fententiam effe fequendam. Et procul dubio tenebitur exprimere circumstantias personæ, fi in ipsis qua talibus v. g. de persona aliena qua ligata, aut qua confanguinea, fuiffet delectatus, prout bene notarunt Sanch. Azorius & alii apud Sporer n. 524.

433 Colliges quartò, Conjugem voto caſtitatis obſtrictum peccare mortaliter, ſi peccat debitum. Ratio est: quia vovens caſtatem ſimpliciter obligat ſe ad continendum

H h

dum

dum ab omni actu venero, ideoque tale vorum imitatur naturam præcepti negativi, quod semper & pro semper obligat, in quantum servari potest: at conjux habens hujusmodi vorum potest abstinere à petendo; quia, ut jam supra intimatum fuit, conjuges non tenentur petere per se loquendo, sed tantum reddere: ergo petendo peccat. Vid. dicta n. 70.

434 Colliges tandem quintò, similiter illum conjugem, petendo usum matrimonii, mortaliter peccare, qui scienter commisit incestum cum consanguinea suæ Uxoris in primo vel secundo gradu; quia per talem culpam (perfectam, ut supponitur) contraxit affinitatem cum propria Uxore, & amisit jus petendi debitum: accedere autem ad affinem, & ab ea petere debitum, non vacat gravi culpa: ergo. Nilominus Uxori, utpote innocenti, tenetur reddere, dum petierit. Vid. de hoc dicta n. 231. & seqq. ubi decum reperiens, quænam conditiones requirantur ad hanc peccatam incurrendam, & quænam dispensare valeat in petendo debito.

CONFERENTIA

DECIMA OCTAVA.

De Adulterio, & obligatione restituendi inde contracta.

SUMMARIUM.

- 435 Adulterium est violatio Tori alieni.
 436 Est quadruplex;
 437 Et semper qualificatum, seu duplex peccatum. Hinc
 438 Diversas post se trahit pœnas, tum civiles; tum etiam canonicas.
 439 Adultera non tenetur ad restitutionem, si ex adulterio non concepit; bene autem si prolem spuriam genuerit.
 440 Subinde tamen per accidens excusatur ab onere restitutionis.
 441 Adulter, si sit moraliter certus, prolem esse à se generatam, tenetur ad com-

pensanda damna Marito, & aliis legitimis prolibus illata.

- 442 Idque probabilius, tamen non sufficit adultera, ut Marito prolem spuriam supponat.
 443 Si tamen non sit moraliter certus, prolem esse suam &c. ad nihil tenetur.
 444 Neque tenetur compensare damna ex adulterio merè per accident consequentia alia.
 445 Resolvitur Casus I. de Uxore, quæ dubitat, an à Marito, an verò à b Adultero conceperit?
 446 Resolvitur Casus II. de Marito, qui fœmina ex adulterio à se imprægnante, dederat pecunias pro alimentanda prole, quæ tamen cum pecunia abiit, prole relicta &c. Hinc.
 447 Tali Marito etiamnum incumbit obligatio providendi efficaciter proli &c.
 448 Quod si non faciat, licebit spurio clam subtrahere alimenta sibi necessaria;
 449 Nisi spurius supponatur sibi met comparando jamjam sufficiens.
 450 Non tamen licet spurio clam surripere portionem hereditatis communem aliis prolibus legitimis simul existentibus.
 451 Resolvitur Casus III. de fœmina, quæ circa idem tempus duobus Mœchis fecerat potestatem sui corporis, & ab alterutro evasit gravida.
 452 Si Adulteri isti sese non ignorarunt, uterque tenetur contribuere in alimentis proli.
 453 Si autem invicem ignorarunt, probabilius nullus tenetur quidquam expendere;
 454 Proindeque soli Adultera incumbet obligatio impediendi; vel etiam rescindendi damna Marito &c. illata.
 455 Quo modo hæc compensare debeat?
 456 Qui, consentiente etiam Marito, carnaliter cognoscit conjugatam, committit adulterium.
 457 Recensentur causæ excusantes Adulteram, ut non teneatur fateri crimen adulterii.
 458 Si Mulier supponatur esse fœmæ jam pro-

prostituta, solum periculum ulterio-
ris infamiae non excusat, quod mi-
nus fateri teneatur crimen &c. &c.

459 Si spurius convincatur esse illegiti-
mus, tenetur abstinere ab hereditate
adeunda: secus, si convinci nequeat
esse illegitimus.

460 In praxi admodum raro contingit,
ut Adultera teneatur. fateri crimen
admissum.

461 An Parentes teneantur ad restitutio-
nem, si prolem ex adulterio natam
exponant alendam in Orphanotro-
phio?

§. I.

Præmittuntur, & breviter resolvuntur,
quæstiones, scitu necessariae ad ritè resol-
vendos. Casus de Adulterio, & obli-
gatione restituendi inde contracta.

Quæres primò, quid sit. Adulte-
rium?

435 R. Est violatio tori alieni: seu,
ut alii dicunt: est peccatum luxuriæ, quo
violatur fides conjugalis: & fit accessus ad
alienum torum. Contingit autem adulte-
rium tribus modis: 1. quando solutus mi-
scetur carnaliter cum conjugata. 2. quan-
do conjugatus cum soluta. 3. quando con-
jugatus cum conjugata. Hoc tertium gra-
vius est duobus præcedentibus; quia vio-
latur dupliciter fides conjugalis, in quan-
tum utraque pars torum violat, & com-
mittit injuriam respectu innocentis: proin-
deque in confessione necessariò aperien-
dum erit, fueritne adulterium commissum
simplex, videlicet inter solutum & con-
jugatam, aut vicissim, an verò duplex,
nempe à duobus Conjugatis. Communissi-
ma DD.

Quæres secundò, quotiuplex sit adulte-
rium?

436 R. Est quadruplex: 1. Mentale
tantum. 2. Formale tantum. 3. Materia-
le tantum, & 4. Reale, id est, materia-
le & formale simul. 1. Mentale dicitur,
dum sola mente, seu actu interno tantum
violatur fides conjugalis; ut si conjugata,
vel conjugatus proponat, aut desideret
rem habere cum aliena, vel si solutus con-

cupiscat conjugatam, juxta illud: *Matth.*
5. qui viderit Mulierem ad concupiscen-
dum eam, jam mæchatus est eam in corde
suo. 2. Formale tantum committit, qui
re ipsa cognoscit suam credens tamen,
vel putans esse alienam, & non suam. 3.
est contra materiale tantum committit, qui
re ipsa cognoscit alienam, invincibiliter
ignorans esse alienam, & putans esse suam;
quale commisit Jacob cognoscendo Liam,
quam invincibiliter putaverat esse Ra-
chaelem, ut habetur Gen. 29. 4. Tandem
adulterium reale committitur, dum scienter
& voluntariè cognoscitur aliena, &
torus seu fides conjugii violatur. Atque de
hoc potissimum nobis erit negotium in
præsentii.

437 Quæres tertio, quale peccatum sit
adulterium, & quales post se trahat pœ-
nas?

R. Ad primum. Adulterium semper est
peccatum mortale, & quidem duplex nempe
contra castitatem, & contra justitiam;
quia teste Apostolo *1. Cor. 7. Mulier sui*
corporis potestatem non habet, sed vir:
ergo prostituendo suum corpus, Marito in-
fert injuriam (idem dic de viro prostituente
suum corpus) & quidem gravissimam;
qua ratione idem Apostolos 1. Cor. 6. ait:
neque fornicari, neque adulteri, neque
mollēs regnum Dei possidebunt.

438 R. Ad secundum. Adulterium diver-
sas tum ex jure civili, tum ex canonic
etiam, post se trahit pœnas. Prima pœ-
na civilis est pœna capitis. *l. quævis 30.*
fin. Cod. ad L. Julian. de Adul. Hæc ta-
men pœna non ampliùs videtur in usu, ut
notat Engel. *l. 5. tit. 15. n. 6.* & alii. Un-
de Pirhing. *l. 5. tit. 16. num. 18.* apud La
Croix *lib. 3. part. 2. nu. 341.* ait: hodie in
nostris partibus pœna adulterii est statio an-
te fores Ecclesiæ cum candela accensa,
tribus diebus Dominicis, vel festis, quando
est concursus populi, vel alia pœna arbitra-
ria, etiam pecuniaria. Secunda pœna civilis
est amissio dotis, vel donatorum propter nup-
tias. Tertia pœna canonica est, quod pro-
pter adulterium fieri possit divortium juxta
dicta *n. 368.* Quarta, est privatio petendi
debitum conjugale; de qua diximus *n. 387.*

Quæres quarto, an, vel qualis obligatio
restituendi incumbat Adultera?

439 R. Cum distinctione. Vel enim ex adulterio nata est proles, aut aliud damnum conjugii innocenti illatum, vel non? Si non: Adultera non tenetur ad restitutionem, sed tantum ad satisfactionem pro offensa, petendo veniam, vel alio modo querendo reconciliationem cum offenso conjugio innocente, si forsitan huic innouit adulterium; nam supposito, quod omnino maneat occultum adulterium, ad nihil tenebitur, nisi ad veram penitentiam, & satisfactionem Deo præstendam: quia in tali casu conjugii innocens nullum fuit passus damnum, sed meram injuriam non damnosam: atqui pro sola injuria non damnosa nulla debetur restitutio, sed mera satisfactio, ut docetur in materia de Restitutione: ergo &c. Si autem ex adulterio sit genita proles, vel aliud damnum illatum, tenebitur Adultera, quantum fieri potest sine dispendio famæ, vel periculo vitæ &c. procurare, ne legitimæ proles, vel Maritus innocens, ex suppositione partus adulterini damnum patiantur. Ratio clara est: quia æquitas naturalis dicit, innocentem non esse damnificandum, & damnum illatum esse reparandum: atqui Adultera procul dubio damnificaret Maritum innocentem, supponendo huic prolem spuriam, quam cogeretur alere: damnificaret insuper proles legitimæ, quarum hæreditas diminueretur: ergo (saltem per se loquendo) Adultera tenetur hujusmodi damna inferenda præcludere, vel illata jam compensare Sanchez. Tambur. Illung, Reiffenstuel *Theol. Mor. tr. 9. disp. 4. n. 29. & alii communiter.*

440 Dictum tamen est: *per se loquendo teneatur &c.* Nam per accidens excusabitur, si non sit certa, sed dubia, si me proles ex adulterio concepta, vel verò ex toro legitimo. Item non tenebitur, si Maritus & liberi legitimi sponte remittant, vel liberè remittere credantur prudenter. Item non tenebitur, si absque notabiliter graviore damno suo in bonis famæ, corporis, vel etiam fortunæ compensare nequeat damna illata. Tamb. *lib. 7. Decal. c. 3. §. 4. à n. 9.* Babenst. *tr. 7. disp. 5. art. 3. n. 40. & alii communiter.*

Quæres quintò, an; vel qualis obligatio restituendi incumbat Adultero?

441 R. Si Adulter moraliter sit certus prolem à se esse genitam, vel certè non habeat rationabilem causam de hoc dubitandi, tenetur (per se loquendo) ad resarcienda omnia illa damna, quæ ex suppositione adulterinæ prolis per se sequuntur Marito, & aliis legitimis prolibus. Quin etiam in defectu Adulteræ ad hæc damna resarcienda tenebitur in solidum. Ita Scot. 4. *disp. 15. q. 2. ad 7.* Molina Caspens. Lugo, alique apud Mastr. *Theol. Mor. disp. 9. n. 54.* Ratio communis, & fundamentalis est hæc: quia Adulter ipsemet, adulterio dat causam toti illi damno, quod ex adulterio, vel potius ex suppositione filii illegitimi pro legitimo, aliis consequitur. Unde tenetur in primis restituere ea, quæ sunt expensa in alimenta prolis à 3. anno ætatis, & deinceps; nam educatio prolis illegitimæ primo quidem triennio ad solam Matrem pertinet, sequentibus verdè annis ad Patrem 2. tenetur itidem Adulter cum Adultera compensare omnia alia damna legitimis prolibus v.g. per diminutionem hæreditatis illata vel inferenda, item alias expensas factas v.g. pro vestitu necessario, pro studiis, vel aliis artibus addiscendis à prole spuria;

442 Idque probabilis, tamen non mandasset, vel consuluisset Adulteræ, ut prolem spuriam supponeret Marito. Ratio est: cum quia adulter ipso facto suo iniquo fuit causa damnorum per se subsequentium, & adulteram quodammodo coniecit in eam necessitatem, ut ad evadendam infamiam, & perpetuas rixas &c. cogeretur Marito supponere partum adulterinum. Et certè Adultera defacto non concurrat aliter ad illa damna, nisi quatenus prolem illegitimam permittit esse in domo, & familia Mariti, ut Maritus, & alii credant esse prolem legitimam: neque enim ad hæc damna inferenda necessum est, ut Mater dicat hanc prolem esse legitimam: immò nec dicere solent, sed solum permittunt prolem credi, & tractari velut legitimam: atque id ipsum facit Adulter, ut supponitur: ergo etiam hic tenetur ad compensanda damna. Idcirco hanc sententiam Sporer n. 542. dicit esse certam, eamque tenent Mol. Lessius Lugo, Laym. Mericinx hic *disp. 6. numer. 93.* Quamvis Hen-

Henriquez, Sotus, & alii nonnulli (certè tamen minùs immò vix probabiliter) oppositum teneant de Adultero, qui non fuisset, ut infans spurius supponeretur Marito; eodquod talis in ordine ad damna illata; vel inferenda videatur merùm permisivè se habere. *Vid. DD. cit.*

443 Dictum tamen fuit primò: *Si Adulter moraliter certus sit, prolem esse à se gentam &c.* Tunc autem erit moraliter certus, quando ita prudenter credit, aut credere debet, prolem esse suam, ut oppositum nullo modo videatur probabile, ut puta si Maritus toto illo tempore, quo adulterium commisit, absuit, vel non cohabitavit Uxori, vel etiam propter ægritudinem impotens fuit ad actualem usum conjugii &c. E contra in dubio rationabili, an proles non sit à proprio Marito, ut si hic tempore conceptionis cohabitavit Uxori, nec aliunde fuit impotens, aut infœcundus &c. licet nonnulli existiment, nihilominus esse obligandum ad restitutionem, vel compensationem-damnorum pro rata dubii: mihi tamen probabilissimum videtur, in tali casu Adulterum non teneri ad ullam compensationem. Ita etiam censent Sotus. Navarr. Lugo, Dicastillo, Tamb. Spor. La Croix lib. 2. p. 2. nu. 335. Illung. tr. 4. disp. 3. nu. 96. Babenslunb. tr. 7. disp. 5. art. 3. n. 33. & 34. Ratio est: quia in dubio nemo debet deijci sua possessione certa, si sit possessor bonæ fidei: & quamdiu quis rationabiliter dubitat de debito, seu obligatione contracta, tamdiu manet melior conditio possidentis, ita, ut non teneatur sese privare bonis suis: atqui Adulter est in certa possessione bonorum suorum, & quidem bona fide (quamvis non habeat bonam fidem respectu adulterii à se commissi) & insuper supponitur rationabiliter dubitare, an Maritum damnificaverit adulterando: ergo non tenetur pecuniam suam vel alia bona expendere in alimenta prolis &c. Deinde infans genitus præsumitur in tali casu legitimus, nec potest repudiari à Marito, ut jura statuunt; & hoc idè: quia in dubio non est privandus possessione legitimatis, utpote genitus ex toro matrimoniali: ergo similiter non tenetur Adulter alere hujusmodi prolem, vel quidpiam pro ea expendere; secus enim

Elbel Theol. P. III.

talis infans esset melloris conditionis, quam alii legitimi; quia à Parentibus posset prætere aequali portionem cum aliis, & simul ab Adultero alimenta, vel dotem, aut alias expensas. *Vid. Sporer. nu. 544.*

444 Dictum fuit secundò, Adulterum obligari ad refarcienda omnia damna, quæ per se sequuntur ex suppositione &c. Neque enim adulter, nec Adultera tenetur restituere pro damnis illatis merè per accidenis, seu in talibus bonis; quæ filiis legitimis de jure non debebantur, & illeptimo collata sunt; ut si bonus amicus Mariti, vel alius aliquid liberaliter leget, aut donet, aut etiam sumptus ad doctoratum, vel alia studia conferat filio spurio, quem putat esse legitimum, nunquam collaturus, si scivisset, esse illegitimè natum. Ratio est: quia liberi legitimi supponunt nullum habuisse jus ad talia bona aquirenda, aut sibi conferenda: ergo per hoc non fuerunt læsi in aliquo jure: cui autem non est facta injuria nulla debetur restitutio: ergo. Lugo *disp. 13. sect. 3. numer. 39.* apud Sporer nu. 550. Tambur. cit. cap. 3. §. 4. num. 8.

§. II.

Proponuntur, & breviter resolvuntur Casus practici de Adulterio, & obligatione restituendi inde contracta.

CASUS PRIMUS.

Titia in absentia Mariti cuidam alteri corporis sui potestatem fecerat: elapso postmodum uno mense, suo Marito aliunde reverso, eandem fecit potestatem. Verum elapsis dein duobus vel tribus mensibus, videbatur Marito suo jam nimis prægnans; qua ratione ab eodem sæpius objurgata fuit & increpata, velut suspecta de commercio carnali alieno interim admissio. Et quia Titia ipsamet multum dubitat, an non conceperit ab Adultero: hinc valde sollicita, & anxiosa petit scire, an teneatur suo Marito fateri, quòd interim, dum is absens fuit, commiserit adulterium, & an teneatur Marito, aliisque liberis aliquid compensare, si prolem pepererit?

H h 3

R. Ti-

445 R. Titia non tenetur fateri adulterium, nec aliquid compensare Marito, vel aliis prolibus, etiam si probabilis credat, se ex adulterio concepisse. Hæc resolutio patenter sequitur ex dictis nu. 443, quia ubi damnum alteri illatum non est certum, ibi non debet imponi obligatio restituendi; edquod in dubio maneat melior conditio possidentis sua bonæ famam &c. &c. atqui etiam si probabilis videatur, Titiam concepisse ex adulterio, per hoc tamen non fit certum, quod damnificaverit Maritum; quia probabiliter potuit concepisse à proprio Marito: ergo. Et quia secundum axioma vulgare: *dum cessat finis, pariter cessat ratio agendi propter finem*; hinc dicendum, quod non teneatur Titia fateri crimen admissum. Profecto in tali casu Iudex Ecclesiasticus, immo & civilis præsumeret pro prole legitimè genita, proutque absolveret adulteros ab onere restitutionis; quia, ut dicunt Iuristæ: *Reus dubius est absolvendus, & in dubio favendum est Reo*: ad quid ergo deserviret talis confessio, vel manifestatio criminis, nisi fortè ad conciliandas, & fovendas perpetuas inter conjuges inimicitias, odia, atque animorum aversiones, & alia innumera mala?

CASUS SECUNDUS.

Sempronius Uxoratus pauperulam quandam, sed pulchram & honestam puellam, nomine Semproniam, sæpius ad peccandum sollicitaverat, cui etiam pro singulis corporis usibus singulos solvit ducatos. Tandem vero illam imprægnavit: & ne patefacto crimine infamie notam incurreret, misit Semproniam ad tertium quendam locum, datus eidem ducentis ducatis, quibus & se sustentare, & prolem nascituram honestè educare posset. Abili Semproniam, feliciterque peperit. Verum post paucas septimanas prole unà cum nomine Patris (Semproni scilicet) inscripto relictis in domo cujusdam pauperuli Optificis, ipsa cum pecunia clam abili in alienam terram, nunquam amplius redditura. Queritur jam 1. An Sempronius teneatur proterius aliquid expendere pro alimentanda hac prole spuria? 2. An, Casu quo Pater negaret alimen-

ta, hujusmodi infanti jam adulto liceat aliquid occultè surripere Parenti?

446 R. Ad primum. Sempronius tenetur ad præstanda alimenta, saltem necessaria, proli spurie. Ita Abbas Laymert. 2 lib. 5. tract. 10. part. 3. cap. 5. nu. 4. Lugo citand. Spover tract. 6. cap. 3. nu. 109. La Croix lib. 3. part. 2. num. 1167. Ratio est: quia tam jure naturali charitatis, quam etiam jure can. c. cum haberet de eo, qui duxit. Parentes tenentur præbere alimenta proli, etiam spurie: & hæc quidem obligatio erga prolem spuriam post elapsam triennium incumbit soli Patri, ut supra n. 441. notatum fuit: at, Sempronius supponitur esse verus Pater prolis hujus: ergo tenetur eidem præbere alimenta necessaria.

447 Nec refert, quod Sempronius videatur jam satis providisse, dando præfatæ Puellæ ducentos ducatos pro ejusdem congrua educatione; nam talis provisio fuit revera inefficax, quamvis id contingeret ex defectu, & malitia Matris, quemadmodum ergo, si Mater obiisset, vel pecunia illa casu periisset, Sempronius adhuc teneretur providere proli, modo moraliter possibili; ita & in hoc casu. Deinde, si Pater non providisset, obligatio alendi transit ad ascendentes paternos, ut colligitur ex lib. si quis à liberis. §. utrum autem ff. de agnos. lib. & docent Sylvest. apud Laym. cit. n. 7. item Lugo disp. 24. nu. 125. & 136. apud La Croix l. cit. ergo à fortiori tenebitur providere ipse Pater, casu quo Mater deficit in cura prolis; quamvis fatendum, in hoc casu Matri primariò incumbere, ut pecuniam sibi datam à Sempronio expendat in educationem prolis.

448 R. Jam ad secundum. Si Pater alimenta neget, & spurium sibi met comparando non sufficit, nec aliunde (ut puta per Matrem, vel per Judicem, vel denique per industriam & laborem proprium) obtinere potest, licebit eidem (quantum fieri potest absque notabili detrimento uxoris, & legitimarum prolium) clam surripere Patri. Ratio est: quia Pater tenetur in hoc casu præstare alimenta, & alia necessaria pro educatione spurii: ergo si hoc non faciat, proptereaque Filius clam sub-

trahat

trahat sibi necessaria, nequit esse rationabiliter invitus. Tum quia talis accipit rem æquivalenter suam; tum etiam quia aliter recuperare non potest, quod sibi debetur.

449 Dicitum tamen fuit: *si spurius sibi mei compendo non sufficit* &c. si enim spurius sufficientem sustentationem aliunde habeat, vel laborando honeste acquirere possit, spectata qualitate personæ ac status sui, non tenetur Pater eum alere, juxta *l. si quis à liberis §. denique idem ff. eod.* ut notant Sporer & Layman. *cit. nu. 7.* Ideoque ex hac suppositione nihil amplius tuta conscientia liceret surripere; præsertim cum aliunde constet, non esse licitum uti tacita compensatione aut subtractione, ubi debitum non est certum & iudicandum.

450 R. tertio. Certum insuper & indubitatum videtur, quod hujusmodi spurio non liceat clam surripere Parenti portionem hereditatis cum aliis prolibus legitimis. Ratio est: quia spurii omnis successionis in bonis tam paternis, quam etiam maternis incapaces sunt, per *Authent. licet C. de natural. lib. & L. si quis C. de incestu. Nuptiis.* Vid. Laym. *cit. num. 13.* La Croix ubi supra n. 1164.

CASUS TERTIUS.

CAja nobilis femina longo tempore non potuit à suo Marito perfectè cognoscere; quia libenter vidisset se Matrem, hinc circa idem quasi tempus aliis duobus Mæchis corporis sui copiam fecit, fuitque ab alterutro eorum imprægnata, quamvis determinatè scire nequeat, à quonam? Quoniam verò post primum puerperium plures adhuc suscepti proles à proprio Marito, simulque prævidet, Filium natu primum, quem ex adulterio conceperat, aliis legitimis prolibus præcepturum magnam portionem hereditatis, & insuper vi primogenituræ, obtenturum aliquod fidei commissum, non sine magno præjudicio legitimi Primogeniti; hinc quaerit 1. quid jam sibi agendum? 2. an, vel quid à duobus Mæchis? 3. vel à se sit restituendum, casu quo spurium non posset avertere ab adeunda hereditate?

451 R. Ad primum. Cajæ omnimodis incumbit sub gravissima obligatione, ut

omni modo moraliter possibili studeat præcavere damna legitimis liberis inferenda v. g. suadendo. ut Filius spurius amplectatur statum Religiosorum, incapacium domini seu bonorum temporalium; vel si hoc medium non proficiat, ex bonis suis paraphernalibus (vel in horum defectu) ex Amicorum subsidiis providendo sustentationi necessariæ, aliisque necessitatibus spurii. Ratio pater ex dictis n. 439.

452 R. Ad secundum. Multi, & gravissimi quidem DD. tenent, in tali casu utrumque ex adulteris teneri pro rata dubii alendam prolem, & compensanda damna per adulterium illata; quia certò constat, prolem ab istis adulteris, vel uno saltem eorum esse natam. Videtur tamen in tali casu distinguendum, & vel maxime attendendum, utrum adulteri mutuo sese invincibiliter ignoraverint, vel non? si non sese ignorarunt, sed sciverunt, Cajam utrique fecisse, vel proxime futuram esse potestatem sui corporis, tunc uterque tenebitur contribuere ad alimentandam prolem, Ratio est: quia licet incertum supponatur, uter eorum sit determinatè Pater, certum tamen est, prolem esse ab illius progenitam, & quilibet est determinatè causa talis incertitudinis, vi cuius ignoratur, quisnam eorum sit determinatè Pater, proindeque teneatur alere infantem: atqui hæc incertitudo est grave damnum, & æquale cum eo, quod illatum est per adulterium; quia vi hujus Maritus non potest ab uno determinato exigere alimenta recipienda: ergo uterque tenetur ad compensationem istorum damnorum Marito & aliis legitimis prolibus emergentium.

453 Contra verò, si Adulteri invincibiliter non præviderunt memoratum damnum incertitudinis, eò quod mutuo se invincibiliter ignoraverint, probabile est, neutrum in conscientia obligari ad aliquam compensationem. Ratio est: quia in tali casu nullus ex Mæchis voluntaria extitit causa hujus incertitudinis damnisferæ: ergo ratione hujus incertitudinis causatæ neuter eorum tenetur ad compensanda damna; atqui neque tenentur ob prolem genitam præcisè; quia quilibet ex istis adulteris est incertus, an sit Pater hujus prolis, & hoc ipso incertus est, an damnicaverit Maritum &c. ubi autem dubitatur de damno illato alteri, ces-

fat obligatio restitutionis, seu compensationis; cum in tali casu sit, & maneat melior conditio possidentis sua bona: ergo Petschacher *de restitut.* pag. 409. quem refert & sequitur Babenstuber *cit. tr. 7. disp. 5. art. 3. n. 39.* Ex his.

454 R. Ad tertium quaesitum. Ex hac suppositione, quod Adulteri invicem se ignoraverint, sola adultera tenebitur ad compensanda damna illata Marito, & aliis legitimis prolibus. Ratio est: quia, ut supponitur, sola Adultera est causa injusta hujus incertitudinis damnisferæ, eod quod sciens & volens admiserit plures Adulteros, quorum opera nata fuit proles Incerti Parentis: ergo hæc sola teneretur ad restitutionem. Vid. Gob. *Quin. tr. 5. c. 28. n. 40. & seqq. La Croix l. 3. part. nu. 704.*

Dices. Quibus ego modis, vel mediis Adultera compensabit damna illata per adulterium?

455 R. Tenebitur illa compensare vel 1. ex bonis paraphernalibus, aut ex suo proprio peculio, si quod habeat; vel 2. solitos sumptus in vestium pompam, lusus &c. concessos &c. moderatè minuendo; vel 3. etiam labore manuum (si quid tamen lucrari valeat) resarciendo, vel 4. Filium inducendo ad Religionem, ut jam dictum est; vel denique alio quodam modo procurando, ut Maritus & alii hæredes legitimi alia via vel modo emolumentum capiant, & damna ratione illegitimæ prolis illata compensentur. Fateor, has regulas esse nimium latas, & quasi generales, neque ad omnem casum applicabiles: noverit tamen prudens Confessarius in hac materia universalem regulam statui non posse ob diversitatem Personarum & circumstantiarum. Quare prudenti judicio cujuslibet Confessarii incumbet, ut in casu emergente pro diversitate circumstantiarum diversa suggerat consilia, & modos compensandi. Ubi verò nullum suppetet medium, Adultera excusabitur per accidens ab onere restitutionis, quamdiu duraverit status impotentiae, prout constare debet ex regulis communiter tradi solitis in materia, ubi agitur de causis excusantibus ab onere restitutionis, & videri potest in P. Sporer *tr. 4. Decal. c. 4. Sect. 3. à n. 30.*

§. III.

Corollaria ex dictis inferenda.

456 COLLIGES primò, etiam illum qui copulam habet cum conjugata, consentiente ipsius Marito committere adulterium, proindeque teneri ad explicandam hanc circumstantiam in confessione, nec satisfaceret dicendo: *fui fornicatus* (idem dicendum est de Muliere, quæ accessit ad alium Maritum, consentiente Uxore illius) Ratio autem est hæc: quamvis enim in tali casu parti v.g. Uxori consentienti, non fiat injuria, tamen fit injuria, gravis ipsi matrimonio & bono proli ac fidei, vi cuius conjux tenetur corpus suum non prostituere, vel committere alteri: atqui huic juri non possunt conjuges renunciare: ergo nec impedire consentiendo, ne committatur adulterium, & duplex specie peccatum, scilicet contra castitatem, & justitiam. Unde Innocent. XI. meritò proscripsit sequentem nu. 50. propositionem: *copula cum conjugata: consentiente Marito non est adulterium: adeoque sufficit in confessione dicere, se esse fornicatum.* Vid. Viva. *ad hanc propos. 50. Illung tr. 4. disp. 1. n. 58.*

457 COLLIGES secundò, Adulteram non teneri ad manifestandum, seu fatendum adulterium in sequentibus casibus. 1. Si manifestatio non sit profutura. 2. vel etiam, quando non est moraliter certum, quòd sit profutura. 3. quando non potest fateri crimen absque periculo vitæ, vel famæ, quam hæcenus possederat integram. Ratio primi est: quia dum cessat finis, cessat enim ratio agendi propter finem, nec tenetur Mater se frustra diffamare. Ratio secundi: quia ut notat Lessius de just. *lib. 2. c. 10. dub. 7. n. 50. & Sporer nu. 558.* in dubio, an manifestatio sit profutura, melior est conditio possidentis famam, &c. Ratio autem tertiæ & quartæ est: quia bonum vitæ & famæ sunt altioris ordinis, superantque omnem æstimationem pecuniariam: ergo nemo tenetur vitam, vel famam prodigere, ob compensationem damni in bonis fortunæ; quia, ut communiter tradunt DD. in materia de Restitut. quando debitor restituere nequit absque longè majori suo damno,

no,

no, præsertim in bonis superioris ordinis, licite differt, vel omnino intermittit restitutionem, si tale periculum semper durare supponatur, prout in nostro casu contingit. Ita contra paucos communissima DD. quam sequuntur Molina, Lugo, Sporer *cit. nu. 560.* & alii.

458 Dictum tamen fuit, Adulteram non teneri cum periculo famæ, *quam hæcenus possederat integram* &c. Nam si fama Adulteræ jam sit læsa, ut puta, si de tali crimine suspecta hæcenus jam malè audivit, & ex altera parte manifestatio criminis prævideatur utilis; & necessaria, ad reparanda vel præcludenda damna, probabilis tenebitur adultera fateri crimen. Ita Sotus, Molina, Lessius, Laym. Lugo, Sporer *cit. n. 566.* Ratio solida hujus opinionis est: quia injustè damnificans tenetur præpedire, vel etiam rescire damnum illatum, quoties id facere potest absque majori suo detrimento: at hoc potest Mulier in tali casu; quia bonum famæ talis Mulieris, utpote jam prostituta & suspecta, non reputatur magni momenti; nec talis Mulier crimen satendo propriè & simpliciter perdit famam, quippe quam hæcenus non ampliùs possedit, saltem integram: ergo. Merito tamen monet Lugo *disp. 3. Sect. 3. n. 57.* non sufficere quamlibet suspicionem vel rumorem de infamia talis personæ ad hoc, ut obligetur manifestare crimen admissum; sed debere tantam esse, ut vulgò jam malè andiat: difficillimum enim accideret, si ob levem suspicionem, vel rumorem incertum teneretur se ipsam prostituere, & certam subire jacturam famæ. Et quandoquidem res hæc semper sit plena periculo; hinc oportet, ut Confessarius cum hujusmodi penitente quàm cautissimè procedat, ne temerè & præproperè decideret, plùs quam oportet, gravet illam, utique non sine evidenti periculo salutis.

459 Colliges tertio, Nothum, seu spurium, postquam omnino convictus est, quòd sit illegitimus (ut si Mater testibus probaverit, Marium toto illo tempore ad conceptum & partum exacto abuisse) teneri abstinere ab hæreditate cum legitimis adeunda. Ratio patet: quia ad eundem hæreditatem, aliis damnum injuriam inferret.

Cæterum, nisi afferantur tales rationes, quæ inducant morale certitudinem, Filius (idem dicitur de Filia) non tenetur credere Matri asseveranti, ipsum esse spurium, etiamsi sciret, fuisse Adulteram. Ratio est: tum quia Filius est in possessione, ac præsumptione legitimæ filiationis, qua non tenetur cedere, nisi convincatur esse illegitimus: tum etiam quia alleganti propriam turpitudinem nulla debetur fides, quando id cedit in præjudicium: præsertim cum teste Lessio *de just. l. 2. c. 10. dub. 7. nu. 51.* & Babenstuber proxime *cit. n. 43.* aliunde constet, ingenium foeminarum esse, alios præter modum amare, alios præter modum odisse. Ex hoc

460 Colliges quarto, in praxi raro occurrere casum, in quo Adultera suum crimen Marito vel etiam spurio prodere teneatur; quia hoc raro fieri potest sine gravi periculo vitæ, aut famæ, discordiarum & perpetuarum rixarum &c. tum etiam quia raro continget, ut Filius ob aliquam ex enumeratis causam teneatur adhibere fidem Matri, & hæreditatem derelinquere. Vid. Babenstuber *cit. n. 43.*

Dices adhuc. At quid, si Parentes prolem ad adulterio natam, criminis tegendi causa, exponant alendam in Orphanotrophio, tenebunturne Orphanotrophio refundere expensas in sustentationem proles factas, si Parentes aliunde sint satis habentes?

461 R. Est probabile, quòd non teneantur aliquid compensare. Ita Henriquez *lib. 11. de Matr. cap. 19. n. 3.* Dicastillo, & cum Molina Laym. *l. 3. rr. 3. p. 3. c. 14. nu. 4.* ubi hoc probabile censet, saltem si Orphanotrophium sit dives. Ratio est: quia Orphanotrophia, & alia hujusmodi misericordiarum domicilia, in hunc finem sunt erecta & fundata, ut in necessitate constitutis subveniatur, absque onere aliquod compensandi: hac enim ratione peregrinantes infirmi ob præsentem necessitatem aluntur in hospitalibus, tametsi in Patria sint divites. Et hæc sententia posset deservire Confessario in casu, ubi ex parte penitentis adverteret periculum, vel magnam difficultatem in compensandis hujusmodi expensis.

Nihilominus communior sententia tenet.

net. Divitibus incumbere obligationem compensandi memoratas expensas; quia Orphanotrophia sunt instituta pro pauperibus & indigentibus infantibus: talis autem infans, cum supponatur habere Parentes divites, à quibus ali potest ac debet, non est pauper, nec verè indigus. Nec videtur subesse periculum diffamationis in compensatione talium damnorum; quia fin munda per se, saltem per alium bonum amicum, aut virum prudentem v.g. Confessarium, id ipsum exequi potuerunt; aut si nolint facere titulo iustitiæ, faciant titulo gratuito v.g. per modum piæ largitionis aut oblationis. Vid. Lessius l. cit. cap. 19. dubit. 6. num. 69. Lugo de Resol. tom. 1. disp. 13. sect. 1. à n. 4. Laym. loc. cit.

CONFERENTIA

DECIMANONA.

De Abortu, ejusdemque pœnis.

SUMMARIUM.

- 462 Abortus est ejectio fœtus immaturi.
 463 Nunquam licet procurare abortum per se & directè;
 464 Etiam si fœtus supponatur nondum animatus.
 465 Indirectè tamen procurare subinde licet.
 466 An Mater cum periculo vitæ teneatur abstinere à medicamine, ex quo prævidet secuturum abortum?
 467 Refertur rigor constitutionis Sixtinæ. Effrenatam. Ejusdemque moderatio facta per Gregorium XIV.
 468 Enumerantur quatuor pœnæ, quas effectû secuto, etiamnum incurrunt procurantes abortum fœtus animati.
 469 Ab his pœnis incurrendis excusat ignorantia, licet supponatur crassa & supina.
 470 Quo tempore fœtus soleat animari, vel præsumi animatus?

- 471 Ab excommunicatione ex procuratione abortus, contracta possunt absolvi?
 1. summus Pontifex, 3. Episcopus, & 3. alius ab Episcopo ad hoc deputatus Confessorius.
 472 In irregularitate inde contracta dispensare competit soli summo Pontifici.
 473 In Casu necessitatis etiam Episcopo.
 474 Reliquas pœnas, puta, inhabilitatem ad beneficia, vel beneficii privationem, relaxare potest S. Pontifex immò & Episcopus.
 475 Resolvitur Casus I. de Presbytero, qui Puellæ à se imprægnatæ præbuit poculum medicum, quo & abortum, & (præter intentionem) mortem puellæ procuravit.
 476 Si fœtus fuit animatus, & excommunicationem, & irregularitatem incurrit.
 477 Ab his pœnis potest vel à Pontifice, vel in casu urgentis necessitatis, ab Episcopo liberari.
 478 An pœnam privationis beneficii, & inhabilitatis &c. statim ante omnem sententiam, etiam declaratoriam criminis, incurrat? duplex sententia DD.
 479 Si rationabiliter dubitetur, an fœtus fuerit animatus, non incurrit.
 480 Neque per hoc, quòd præter intentionem sit secuta mors Puellæ.
 481 Resolvitur Casus II. de Marito, qui Uxorem prægnantem directè tradidit verberibus, ita, ut abortum fecerit;
 482 Quid, si abortum directè non intendit, sed ipso non incidit in excommunicationem Sixti V. & à quolibet absolvi valet.
 483 Resolvitur Casus III. de Adultera, quæ sibi met non raro vim intulit, ut tandem fœtum immaturum ejecerit.
 484 Procuratio abortus facta à Parentibus semper est duplex peccatum.
 485 Clericus, post procuratum abortum fœtus animati, exercendo solemniter actum ordinis sine necessitate, incurrit irregularitatem.
 486 Non item, si faceret hoc in casu necessitatis, ad evitandum scandalum.

- 487 *Tali Clerico illud est laborandum pro dispensatione.*
 488 *Quam nilis sit Clericus, qui procuravit abortum.*
 489 *Qui dubitat rationabiliter, an ex sua actione, vel cooperatione fuerit secutus abortus fetus animati, non tenetur se gerere ut excommunicatum, aut irregularem.*
 490 *Secus dicendum foret, ubi constet, quod dederis causam efficacissimam ad abortum fetus animati, & solum negatice dubitas, an forsitan abortus non fuerit non secutus?*

S. I.

Præmittuntur, & breviter resolvuntur quæstiones, scitu necessaria ad debite resolvendos Casus de Procurantibus abortum.

QUæres primò, quid sit abortus, & quid procurare abortum?

462 R. Abortus est ejectio fetus immaturi, sive animati animarationali, sive etiam inanimati. Unde procurare abortum idem est, ac studiosè quærere & applicare media, ut fetus conceptus immaturè ejiciatur: quod quidem diversis modis contingere solet. 1. Directè, dum applicatur medium, seu etiam medicamentum per se efficax ad expellendum fetum, vel dum Mulier prægnans percutitur, comprimitur, aut etiam gravia ei dem imponuntur onera, ut fœtum immaturum ejiciat: secundò. Indirectè, dum prægnanti applicatur medicamentum, per se & directè solum tendens ad recuperandam sanitatem, v.g. secando venam &c. ex quo per accidens, & præter intentionem fetus ejicitur.

Quæres secundò, sitne aliquando licitum procurare abortum?

463 R. Abortum fetus animati per se, & directè procurare nunquam est licitum. Et ita communissimè DD. Ratio est: quia in nullo casu scienter innocentem licet occidere per se ac directè: fetus autem animatus est innocens, & scienter occideretur; ergo. De procuratione tamen abortus, ubi fetus nascitur nondum esse ani-

matus, DD. non ita conveniunt. Diana, Navarrus Sanchez lib. 9. disp. 20. nu. 9. Laym. l. 3. tr. 3. p. 3. c. 4. n. 4. & alii plures tenent, licitum esse etiam per se & directè procurare abortum fetus nondum animati, in hoc unico casu, ubi scilicet Mater prægnans ex præsentì morbo extremè periclitatur, & nullum aliud remedium superit; quia tunc fetus censetur injustus aggressor vitæ maternæ. Et hanc sententiam non comprehendi in propositione sequenti n. 34. ab Innocentio XI. proscripta *Licitum est procurare abortum ante animationem fetus, ne puella deprehensa gravida, occidatur aut infametur*, censent Cardenas cris. diff. 22. n. 21. Viva ad eandem proposi- quamvis oppositum teneat Illung. proximè citandus. Item Mattheuci in Causel. Confess. lib. 2. c. 30. n. 8.

464 R. secundò. Firmiter tenendam videtur, quòd nunquam, ne quidem in casu allato, liceat per se ac directè procurare abortum fetus, etiam nondum animati. Ita tenent Lessius de just. l. 2. c. 9. dub. 10. nu. 61. Navarr. Lugo, Filliuc. tr. 29. c. 6. nu. 101. Sporer n. 704. La Croix l. 3. p. 1. nu. 825. Babenst. tr. 5. disp. 6. a. 1. n. 6. Illung. tr. 4. disp. 3. n. 63. ubi dicit, hanc sententiam hodie esse certam. Ratio autem solita hujus sumitur à pari 1. quia nunquam licet per se ac directè procurare pollutionem: ergo nec abortum; cùm hoc sit majus peccatum, & magis oppositum generationi, quippe, quo frustratur duplex semen jam assumptum à natura, & præparatum ad procreationem individui humani: secundò. Idèò concludimus pollutionem esse intrinsecè malam, consequenter illicitam; quia si semel permitteretur, procul dubio maximum damnum habituale inferretur humano Generi: atqui idem damnum imminet humano Generi, si permitatur semel procuratio abortus directæ; quia homines avidius quærerent delectationem carnalem, utique longè majorem ex copula, quàm ex sola pollutione, proindeque fingerent sibi, nescio quos casus simili licentiæ & necessitatis, & rursus post coitum procurarent abortum, parùm curantes de generatione prolis: per consequens impediretur usus legitimus maritali, & daretur magna occasio stupris ac for-

fornicationibus, à quibus defaeto multos absterret timor infamiae, & prolis alendae &c. terribè tandem. Si ob periculum vitæ liceret per se & directè procurare abortum, idem foret permittendum ob evitandam periculum infamiae aut mortis ab alio inferendae, prout bene arguunt Illfong, & Babenstüb. cit.: Sequela autem est falsa, prout ex propositione damnata patenter colligitur: ergo &c. Nec bene dicitur, quod talis foetus velut injustus aggressor possit expelli; nam si hoc sit verum, pariter licebit expellere factum animatum, tanquam iniustum aggressorem.

465. D. Cum tamen est, non esse licitum per se & directè procurare &c. Quod enim indirectè hoc liceat v. gr. adhibendo medium, per se & directè solum tendens ad recuperandam sanitatem Matri v. g. sectionem venae, pharmacum purgativum &c. ex quo praevideatur fortè secuturus abortus foetus nondum animati, non videtur illicitum, prout fatentur DD. communissime. Ratio est: quia Mater habet jus ad conservandam vitam & sanitatem suam: ergo etiam ad sumenda necessaria, quae per se solum tendunt ad recuperandam pristinam sanitatem, est operaccedens inde secuturus praevideatur abortus: sicut ex gravi causa licitum est, adhibere medicinam, ex qua per accidens, & praeter intentionem praevideatur secutura pollutio.

Dices: quid si autem foetus supponatur jam animatus, licebitne etiam tunc sumere medicinam, per se & directè solum tendentem ad sanitatem, tametsi praevideatur periculum abortus?

466. R. Cum distinctione. Si enim assequatur spes, & praevideatur, fore, ut, si Mater abstineat à medicina, infans sit nasciturus vivus, & perventurus ad Baptismi gratiam, tenebitur Mater abstinere à medicamine etiam cum periculo vitæ; quia virtute charitatis & pietatis obligatur vitam aeternam & spirituum infantis praeferre salutem proprii, corporis. Contra verò, si vel nulla, aut certè exigua appareat spes, deducendi prole ad Baptismi gratiam, non tenebitur abstinere à medicamentis: quem enim in finem? Quia regulariter loquendo cum morte matris foetus extinguatur solet; nam Matre lethaliter aegro-

tante corrumpuntur humores, & alimentum inficiunt, quo foetus erant nutrendus; hinc si Medicorum iudicio moraliter certò futura praevideatur mors Matris, nisi medicamenta sumat; potest ea absque scrupulo in tali casu sumere, etiam cum probabili periculo mortis infantis: Ita Sanchez, Diana, Amicus, Cardin. de Lugo, quos refert, & sequitur Mastr. Theol. mor. disp. 8. n. 31.

Quærit. tertio, quibus subjiciantur poenae procurantes abortum?

467. R. 1. Contra scienter procurantes abortum foetus sive animati, sive inanimati, & quocunque modo consentientes, aut praebentes venena sterilitatis Mulieribus &c. Sixtus V. anno 1588. Bullam edidit satis rigidam, vi cuius illos subiecit omnibus penis, tum jure divino, tum etiam humano canonico ac civili contra veros homicidas constitutis, praesertim irregularitati, atque excommunicationi ipso facto incurrendae (effectus secuto) à qua nequeant absolvi (nisi in mortis articulo) neque etiam in Jubilæo, aut vigore Concilii Tridentini, nisi à Romano Pontifice; atque etiam ab eo duntaxat urgentissimis de causis dispensari in irregularitate inde contracta. Verùm rigorem hujus constitutionis Sixtus Gregor. XIV. Bulla *Sedes Apostolica* edita. 1591. & videnda in tom. 1. Bullarum Rem. consti. 87. didi Pontif. moderatus est in duobus principibus punctis. Primò ita, ut poenas procurantium abortum foetus inanimati, vel praebentium mulieribus venena sterilitatis, reduxerit ad terminos juris communis, vi cuius tales puniendi sunt, ut homicidae. c. *foliqui de homicid.* Non tamen sunt irregulares, ut habetur c. *sicut ex litterarum.* Eadem tit. Secundò. Poenas verò eorum, qui abortum foetus animati procurant, eatenus est moderatus, ut à peccato, & excommunicatione, quam ex constitutione Sixtina tales incurrunt summo Pontifici reservatam, quilibet Confessarius ad hos casus, per Ordinarium loci specialiter deputatus absolvere possit. Unde

468. R. Jam secundò. *Scienter procurans* abortum foetus animati (effectus secuto) incurrit defaeto sequentes poenas. 1. Excom-

communicationem latæ sententiæ, non tamen amplius reservatam soli Papæ, ut mox dictum. 2. Pœnas in utroque jure homicidiis constitutas. 3. Insuper si procurans fuerit Clericus, incurrit cujusvis privilegii clericalis, dignitatis, & beneficii ecclesiastici privationem; 4. Sicque inhabilis ad alia in posterum consequenda. Quin etiam per dictam constituit Sixti V. Clericos jubetur post degradationem extrahi foro sæculari, capitali sententia feriendus. Vid. Sporer. *nu. 700. & seqq.*

469 Signanter tamen dictum est: *scienter procurans*, &c. communiter enim notant DD. ut videre est apud Sanchez *de Matr. lib. 9. disp. 32.* ab his pœnis incurrendis excusare ignorantiam tum juris, tum etiam facti: quia Pontifex cit. in sua constitutione iteratò, posuit particulam *scienter*, seu *in scienter* procurantes, &c. at, qui facit ex ignorantia juris vel facti, dummodo non sit conjuncta cum temeritate, &c. non reputatur *scienter* fecisse: ergo nec incurrit pœnas Bullæ Sixtinæ. Quin etiam ignorantiam affectam excusare à censura, quæ est lata in *scienter* committentes crimen, probabile censent Diana, Burchab. *Cent. 1. cas. 78.* & alii: quia etiam talis non agit *scienter*, & aliunde constat, odiosa esse restringenda. Quia, verò memoratæ pœnæ afficiunt scienter procurantes abortum *fetus animati*; hinc non abs re.

Quær. quartò, quo tempore fetus soleat animari, vel præsumi animatus?

470 R. Res hæc valde est ambigua: nec Medici in hoc puncto conveniunt. Nonnulli etiam magni nominis tenent, animam rationalem ordinariè statim infundi circa septimum à conceptione diem, quæ proin, ut Themistius in *lib. 1. de Anim. c. 22.* loquitur, *ipsa sibi efformat*, & *præparat domicilium, non efformatum ante, & præparatum subit*. Lessius *de contrà lib. 2. de just. cap. 9. n. 63.* Lugo, *Bahensub. cit. n. 9.* & alii ab eo relati, cum Hypocrate tenent, animationem fetus ordinariè fieri post organizationem Embryonis, & regulariter contingere in masculis die circiter 35. à conceptione, in femellis autem circa circiter die 40. vel 45.

Tandem communior opinio fert, animationem masculi 40. femellæ autem 80.

circiter die à conceptione fieri: & hanc sententiam, utpote benigniorem etiam forum externum, seu Judices sequuntur, quantum ad pœnas ordinarias homicidiis inferendas, ut testatur Reinfeftuel *Theol. moral. tract. 9. diff. 3. numer. 34.* Schmalzgrueber. *lib. 5. tit. 10. numero 29.*

Quær. quintò. Quinam pœnas proximè commemoratas valeant relaxare?

471 R. 1. Ab excommunicatione contracta ex procuratione abortus post factum jam animatum, absolvere possunt sequentes. 1. Ipse summus Pontifex. 2. Episcopus. 3. Omnis ab Episcopo ad hos Casus specialiter deputatus. Novine autem specialiter deputati Bonacina apud Sporer intelligit etiam illum, qui habet facultatem ab Episcopo, absolvendi ab omnibus casibus, & censuris ipsi Episcopo ab homine vel jure reservatis. 4. Item ab hac excommunicatione absolvere possunt Prælati majores Regularium jurisdictione quasi Episcopali gaudentes, sed suos duntaxat subditos; pro quibus etiam, ut absolvantur, possunt deputare alios. Quintò denique satis communiter tenent Doctores, etiam Confessarii privilegiatis quales sunt Mendicantes, & horum privilegiis communicantes) competere potestatem absolvendi ab hac excommunicatione pro foro interno. Rationem reddunt hanc: quia satis verosimile est, Pontificem Gregorium XIV. ubi facultatem absolvendi ab hac excommunicatione denegavit aliis, ab Episcopo non specialiter deputatis, noluisse eandem potestatem denegare privilegiatis, quibus aliunde potestas in casus etiam Papæ reservatos jam fuit concessa. Sporer tamen *n. 721.* sapienter monet, ac suadet, ut Confessarius privilegiatus, cui facilis est recursus ad Ordinarium, nec aliunde timendum periculum suspitionum de pœniente, vel aliis innocentibus, in re tam gravi vlam incedat securiori. Certum etiam, atque exploratum esse debet post propositionem *n. 12.* ab Alexandro VII. damnatam, quòd, si Episcopus pro sua Diœcesi sibi reservaverit procurationem abortus, vel etiam homicidium quodcumque voluntariè commissum (quod in hac nostra Diœcesi est reser-

servatum) regularis privilegiatus: absolvere non valet, nisi desuper obtinuerit ab Episcopo. specialem potestatem.

472 R. secundò. In irregularitate ex procuracione abortus fetus animati, per se loquendo dispensare potest solus summus Pontifex. Ratio est: quia Gregorius XIV. constitutionem Sixti V. voluit observari, & in suo robore perseverare, præter ea, quæ ipse Gregorius moderatus fuit: atqui quoad irregularitatem (cujus dispensationem Sixtus V. soli summo Pontifici reservavit) nihil relaxavit, vel moderatus fuit: ergo.

473 Dixi etiam: *per se loquendo solus summus Pontifex potest*, &c. Nam Episcopus saltem per accidens dispensare potest cum Clerico in casu necessitatis, ubi Clericus tenetur administrare Sacramenta, vel conficere, nec faciliè recurrere potest ad S. Pontificem. Ita Henriquez, Avila, aliisque pluribus relatis, Laym. cit. c. 12. n. 6. Ratio desumitur inde: quia suæ Ecclesiæ regimen videtur postulare, ut summus Pontifex in tanta necessitate, & casu tam urgente, Episcopo concedat facultatem dispensandi, ne hujus defectu scandalum oriat in populo, vel animarum salus periclitetur. Insuper Superiores Regulares jurisdictionem quasi Episcopalem habentes cum suis duntaxat subditis vi. privilegiorum posse dispensare: in hac irregularitate, tenent cum pluribus allegatis Diana, p. 7. sr. 5. resol. 22. & Portel. V. Abortus n. 10. quos sequitur Spor. nu. 715. In reliquis verò penis, ut puta privationis, & inhabilitatis ad obtinenda beneficia ecclesiastica, solum Pontifex, non item Episcopum vel alium dispensare posse, censet Reiff. lib. 5. decret. tit. 10. n. 22. eoquod S. Pontifex hanc potestatem sibi & suis successoribus specialiter reservaverit: aliunde etiam constat, quod nullus inferior in lege Superioris valeat dispensare: ergo, &c. Huic opinioni, & ego adhæream, dum prima vice hanc materiam typis commisi. Verùm re meliùs perpensa:

474 R. Jam terciò. In pena privationis, & inhabilitatis ad officia, & beneficia ecclesiastica obtinenda probabilissimè possunt dispensare Episcopi, & Superiores Regulares respectu suorum subditorum. Ratio est:

quia secundum communissimam DD. opinionem, quam etiam tenent S. Bonavent. 4. d. 18. p. 2. q. 6. fin. Scotus & alii: ab omnibus censuris ac penis generaliter duntaxat à jure latis, & non specialiter reservatis, possunt absolvere & dispensare illi, qui patient jurisdictione Episcopali, vel quasi Episcopali, prout constat ex c. nuper 29. de sentent. excomm. atqui S. Pontifex non reservavit sibi specialiter potestatem relaxandi præfatas penas, prout bene notavit P. Sporer cit. p. 4. c. 4. n. 722. & satis patebit consideratè legenti Bullam Sixti V. Effrenatam. Cùm enim altéfatus Pontifex in procurantes abortum varias decrevisset penas scilicet privationis, & inhabilitatis §. 2. item excommunicationis ipso facto incurrenda §. 7. nec non & irregularitatis §. 8. tandem subjunxit hæc formalia l. cit. decernentes --- ne personæ sic, ut præfertur, delinquentes & excommunicatæ, præterquàm in mortis articulo absolvi valeant, nec cum iis Clericis, quibusmodi delicta perpétraverint, etiam si eorum crimen occultum fuerit, super irregularitate præmissorum occasione contraria, nec per locorum Ordinarios, &c. dispensari possit. Ac tam absolvendis quàm dispensandis facultatem hujusmodi etiam quoad forum conscientie in casibus superius expressis (NB: non ait: in penis superius expressis, sed in casibus, quando scilicet abortus aut sterilitas, jussu, consilio, vel auxilio, &c. procuratur, &c.), Nobis, & successoribus nostris duntaxat reservamus. Ita Pontifex. Ex quibus patet, quod solum excommunicationem & irregularitatem sibi specialiter reservaverit, non item reliquas penas. Quare cùm odiosa semper sint restringenda, asserendum potiùs videtur cum Spor. cit. quod Episcopo competat facultas dispensandi in pena privationis, & inhabilitatis, &c. argum. C. nuper 29. de sentent. excomm. Et certè Prælati Regularibus vi suorum Privilegiorum competere potestatem dispensandi tam in irregularitate contracta ex procuracione abortus fetus animati, quàm habilitandi ad officia suos Religiosos, etiam pro foro externo, teste Diana pari. 7. sr. 5. resol. 22. fin. solidè probat Bordonus in consiliis regular. resol. 13. q. 5. n. 19. item Novarius in summa

ma Bullarū tom. 2. tit. de abortu n. 21. Et Portel. in duab. regular. verb. Abortus. n. 12. Quos vide, si placeat.

§. II.

Proponuntur, & breviter resolvuntur Casus practici de Procurantibus Abortum.

CASUS PRIMUS.

Titius Presbyter imprægnaverat Titiam; quare ut infamiam sibi imminentem, & scandalum in populo inde orturum præcaveret, mulæ cautus præbuit poculum medicum, quo non solum factum, ut intenderat, sed etiam (præter intentionem) animam Titie expulsi: Dubitatur jam 1. An Titius peccaverit? 2. An, vel quas penas incurrerit? 3. Quisnam in tali casu mederi, vel penas relaxare valeat?

475 R. Ad primum Titius præbendo poculum ex intentione procurandi abortum, peccavit mortaliter, ut de se clarum est: quia non oportuit facere malum, ut eveniret bonum, seu, ut vitaret infamiam & scandalum: atqui procurare abortum est malum, & quidem interinscèd tale secundum dicta: ergo, &c.

476 R. Ad secundum, esse distinguendum, & vel maxime in hoc puncto attendendum, an fetus fuerit jam animatus vel non? Si non, dicendum, quod Titius nec excommunicationem incurrerit, nec irregularitatem. Ratio est: quia Gregorius XIV. memoratam constitutionem Sixti V. restrinxit ad terminos juris communis, nempe Sacrorum Canonum, & Concilii Trid. at, neque in Concilio Trid. neque in S. Canonibus ullibi legitur excommunicatio, vel irregularitas lata in procurantes abortum fetus nondum animati: ergo, &c. Si autem constet, factum jam fuisse animatum, dicendum erit, quod Titium nedum excommunicationem, sed etiam irregularitatem, & reliquas penas n. 468. recensitas incurrerit. Ratio patet ex dictis l. cit.

477 R. Jam ad tertium. Dato, quod factus fuerit animatus, Titius 1. ab ex-

communicatione absolvi poterit vel à summo Pontifice, vel etiam ab Episcopo, aut alio ab hoc specialiter in hunc finem delegato, vel denique probabiliter à Confessario privilegiato. 2. In irregularitate autem dispensari potest à solo summo Pontifice per se loquendo: per accidens verò etiam ab Episcopo, vel (si supponatur esse Sacerdos Regularis) à suo Prælato seu Superiore habente jurisdictionem quasi Episcopalem in suos. 3. Reliquas verò penas tum ab Episcopo, tum etiam à Superioribus regularibus relaxari posse, constat ex dictis n. 474.

Dices: Ergone Titius statim ipso facto incurrit privationem beneficii ecclesiastici, si quod habuit, & inhabilitatem ad tale imposterum consequendum?

478 R. Plures DD. censent, has penas statim incurriante omnem sententiam Judicis; quia pontifex dicit: *Ipso facto privamus* &c. idque verum existimat Sporer, quando delictum esset notorium. At verò, si supponatur adhuc esse, ac manere occultum, probabile censet idem Sporer n. 722. neutram ex istis duabus penis incurrere ante sententiam declaratoriam criminis. Non *privationis*; quia hæc est pena positiva, exigens ad sui executionem actum positivum; qualem nemo tenetur in se ipsum exercere ante omnem sententiam. Nec *inhabilitatis*; licet enim hæc sit pena pure privativa, nullum exigens actum positivum: quia tamen apponitur immediatè ad penam privationis, quæ actum ad sui executionem postulat; hinc putat Sporer. cit. eam sequi conditionem penæ privationis, ideòque non incurrere ante sententiam declaratoriam criminis. In hanc opinionem pariter inclinare videntur noster Portel. in dubiis Regular. V. *Inhabilitas*. n. 3. ubi citat Sanch. Navarr. Sorum, Mollæ, & Ledesin. ac novissimè noster Kazenb. in Supplem. Decalog. P. Spor. c. 1. Sect. 3. n. 268. Idem tenent (contra Reinsest. Schmalzgrueb. & alios) Sanctarellus, Marchinus, Diana, Barb. de potest. Episc. p. 2. alleg. 44. n. 29. P. Thesaurus in praxi part. 1. c. 28.

Dices adhuc. Quidsi autem omnibus pensatis maneat dubium etiam invincibile, fuerint fetus jam animatus nec ne? tenebiturne se Titius gerere ut ex-

com-

communicatum, irregularem, inhabilem? &c.

479 R. Negativè. Ita Tambur. *Decal. lib. 1. c. 3. §. 7. V. Irregularitas. n. 2.* Diana, Franc. Bard. de *consec. 6. c. 7. §. 4.* Sporer, & alii plures contra Sanchez Molin. Marchæucci, & nonnullos alios. Ratio nostra est: quia non est ponenda irregularitas (idem dicitur de aliis pœnis) nisi in casibus jure expressis, ut habetur c. *Is qui de sent. excom. 6.* at in jure nullibi exprimitur irregularitas pro casu, ubi de morte, vel homicidio causato dubitabatur, sed duntaxat pro casibus; ubi constabat de corpore delicti, seu de homicidio certè patrato, & dubitatur de efficacia cooperationis ad mortem: ergo cum in nostro casu non constet, homicidium esse perpetratum, dicendum quod Titius, noster non incurrit præfatas pœnas, eò præsertim, quod dicitur *Regul. 49. Jur. in 6. in pœnis benignior est interpretatio facienda.*

Dices tandem. Sed nunquid Titius iteratò incurrit excommunicationem, & irregularitatem ex eo, quod propinato à se pharmaco mulieri animam expulerit?

480 R. Multi opinantur, eum, qui vacat operi illicito, fieri irregularem, si mors inde sequatur, esse etiam contra intentionem operantis; cum enim posuerit causam de se illicitam, & periculosam ad inferendam mortem, præsumitur voluisse ipsam mortem. Nec dubitandum, quin Titius noster in foro externo pronuntiaretur irregularis, ob rationem mox allegatam. Quin etiam in foro interno sese ut talem gerere deberet, si mortem Mulieris intendisset. Quia tamen, ut casus fert, mors puellæ accidit præter intentionem; hinc dicendum, quod ex hoc capite nec excommunicationem, nec irregularitatem incurrit. Ita Avila, & Henriquez, quorum opinionem tutam censet Layman. *l. 3. tr. 3. p. 3. c. 10. n. 4. fine.* La Croix *lib. 7. n. 492.* Ratio est: quia pœna excommunicationis, vel etiam irregularitatis ex delicto, non infligitur ex eo, quod opus in se licitum, vel illicitum, seu etiam periculosum sit, sed ex eo, quod ex tali opere culpabiliter homini mors inferatur: ergo si supponatur non inrendisse mortem mulieris, sed hanc

præter, immò contra ipsius intentionem fuisse secutam, saltem in foro conscientie immunis erit à prædictis pœnis. Vid. Sporer de *Matr. n. 741.*

CASUS SECUNDUS.

Sempronius Uxorem suam valde prægnantem non verbis solum, sed & verbis dire tractavit; unde contigit, ut uxor abortiretur, & infantulus vix in lucem editus moreretur. Sempronius facti jam penitens quærit & dubitat, an à quolibet Confessario approbato ab Episcopo possit absolvi? quid respondendum?

381 R. In hoc casu pariter attendendum, & accuratè inquirendum est, an Sempronius Uxorem suam tam dire tractando intenderit abortum, & mortem infantis, vel non? si intendit, procul dubio incidit in excommunicationem à Sixto V. fulminatam; immò & casum Celsissimo Passaviensi reservatum: unde non potest absolvi à quolibet Confessario, sed ab eo duntaxat, qui gaudet potestate absolvendi à Casibus summo Pontifici, & Episcopo reservatis, nisi supponatur ignorasse hujusmodi pœnas. Sin verò homicidium aut abortum minime intendisset (prout plerumque fieri solet à similibus) dicendum, quod possit absolvi à quolibet approbato Confessario. Ratio est: quia Sixtus V. suo sanguine illos tantùm ferire intendit, qui voluntariè procurant, seu etiam studiose quærunt abortum. Consimiliter, decretum Celsissimi Passaviensis, ubi homicidium reservatur, solum loquitur de homicidio voluntariè commisso: ergo si Sempronius fateatur, se homicidium vel abortum minime intendisse, non incurrit dictas pœnas, nec casum reservatum.

Dices. Quidsi autem Sempronius dicat, se percutiendo advertisse quidem aliquatè periculum abortus, non tamen intendisse abortum?

482 R. Nec in tali casu incurrit excommunicationem Sixti V. quia non supponitur procurasse abortum: probabiliter nec Casum reservatum Episcopo: licet hoc non obstante potuerit indicare irregularitatem ex delicto homicidii casualis. Unde P. Sporer *num. 743.* bene docet, Episcopum posse

posse dispensare in irregularitate ex tali abortu, sicut & quolibet homicidio casuali occulto, indirectè solum voluntario: quia Pontifex cit. tantùm loquitur de abortu voluntariè procurato, & Concilium Trid. in facultate concessa Episcopis solum excipit homicidium voluntarium: atqui homicidium tantùm indirectè & imperfectè voluntarium, non potest dici simpliciter voluntarium: ergo. Suarez disp. 45. Sect. 1. n. 2. & commun. DD. quam sequitur Filliuc. tr. 2. c. 3. n. 86.

CASUS TERTIUS.

Caja ex adulterio conceperat à Cajo, qui eidem, ne prolem adulterinam alere, vel Marito supponere cogeretur, sæpius suaserat, ut priusquàm fœtus animaretur, abortum procuraret. Cajo à longo tempore renuit exequi malignum consilium: tandem verò, posteaquam fœtum jam senserat animatum, mutavit animum, & fœtum non raro vim intulit, ventrem & corpus suum vehementer comprimendo, subinde etiam asseribus allidendo, nec non gravibus oneribus subjiciendo; quibus de causis tandem, non sine extremo vitæ periculo, enixa est fœtum exanimem. Quæritur jam qualiter isti adulteri peccaverint, & quales incurverint pœnas?

483 R. Cajo peccavit multipliciter, & gravissimè quidem. 1. Adulterando contra castitatem & justiciam. 2. Committendo parricidium contra charitatem & pietatem proli debitam, immò & 3. contra charitatem erga se ipsam; quia enecando fœtum in utero, exposuit se evidenti periculo vitæ, prout eventus monstravit, nec potuit hoc periculum (si tamen sanæ mentis fuit) non prævidere. Quare indubitanter (nisi excuset ignorantia) incidit in excommunicationem Sixti V. & casum in hac Diœcesi Passav. reservatum Episcopo. Cajum verò quod attinet, dicendum, quòd etiam ipse peccaverit mortaliter suadendo abortum. Et siquidem consilium suum nunquam revocasse supponatur, ita, ut Mulier in tali consilio inducta fœtum enecaverit, procul dubio incurrit pœnas jam recensitas. At verò si consilium ma-

Elbel Theol. P. III.

lignum pro possibili revocando, & contrariis rationibus evertendo, Mulierem quantùm in se erat, retrahere studuit à concepto scelere, & præsertim si protestatus fuit, se nolle ut fœtus jam animatus occideretur, probabiliter nec Casum reservatum, nec excommunicationem, nec aliquas pœnas à Sixto V. latis incurrit. Ratio est: quia, ut supponitur, parriediuna, seu etiam procuratio abortus post fœtum animatum, ipsi non fuit voluntaria; quare in tali casu Mulier non tam vi consilii, quàm metu propriæ improbitatis ac nequitiz abortum procurasse censetur. Vid. Laym. lib. 1. tr. 5. p. 2. c. 5. n. 7. Sporer. n. 730. ubi plures pro hac opinione referunt DD.

S. III.

Corrolaria ex dictis inferenda.

484 Colliges ex dictis primò, procurationem abortus à Parentibus factam semper esse qualificatam, seu duplex peccatum. Ratio patet ex dictis: quia non tantùm repugnat virtuti justitiæ, sed vel maxime etiam virtuti pietatis, prout communissimè notant DD. Et licet procurantes abortum fœtus nondum animati, homicidium propriè tale non committant, attamen committunt quasi homicidium. Unde Tertullianus in Apologetico c. 9. scripsit. Nobis homicidio semper interdictio etiam conceptum utero, dum adhuc sanguis in hominem delibatur, dissolvere non licet; Homicidium festinatio est, prohibere nesci: nec refert, natam quis eripias animam, an disturbet nascentem.

485 Colliges secundò. Clericum: qui post proceratum abortum fœtus animati solemniter exercet actum Ordinis v. g. baptizando, celebrando &c. peccare mortaliter per se loquendo. Ratio est: quia procurando talem abortum incidit in excommunicationem, & irregularitatem: atqui talibus non licet exercere actum Ordinis: ergo. Quin etiam, si actum Ordinis exerceat solemniter de novo incurrit irregularitatem, ob violationem censuræ Ecclesiasticæ, ut habetur in Jur. Can. toto titul. de cleric. excomm. miniftrante.

Ii Di.

486 Dictum tamen fuit, quod *per se loquendo peccet*. Per accidens enim, & à peccato, & ab irregularitate modò dicta excusabitur, si actum Ordinis, etiam solemmiter, in tali statu exercuerit exigente casu necessitatis, ita ut absque periculo infamiae, vel scandalì abstinere non, potuerit. Ratio est: quia lege naturali, ac divina quivis, & maxime Clericus tenetur cavere scandalum, nec non vitam suam, atque famam tueri: ergo eadem lege tenetur in tali casu (ad evitandum, scandalum) exercere actum Ordinis: è contrà lex, quæ prohibet irregulari, & excommunicato exercitium Ordinis, est tantum humana: atqui lex humana debet cedere divinæ, & naturali, dum non potest simul cum illa observari: ergo lex Ecclesiæ in tali casu non obligat. Hinc.

487 Colliges tertio Hujusmodi Clerico excommunicato &c. illicè laborandum esse, ut quàm citissime dispensationem, & absolutionem impetret, vel à summò Pontifice, vel, si necessitas urgeat, ab Episcopo: interim tamen post peractam poenitentiam celebrare poterit, quoties necessitas postulaverit ad vitandam infamiam vel scandalum &c. ob rationem proximè datam.

488 Colliges quartò, & cum Reiffenst. cit. lib. 5. tit. 20. n. 25. inferes valde miseros ac infelices esse, qui abortum foetus animati directè, & voluntariè procurant, vel consilium aut auxilium ad abortum, quovis modo præbent, præsertim si sint Clerici, sive curati, sive etiam simplices, beneficium habentes, vel non. Si enim nullum pro illo tempore adhuc habeant beneficium, nullum ampliùs consequi valent, nisi dispensentur. Si autem habeant beneficium, illud quidem ante sententiam criminis declaratoriam dimittere non tenentur; nihilominus ante eandem sententiam, & licet delictum sit occultum sunt ipso facto irregulares; per consequens præter alios irregularitatis effectus, non ampliùs possunt celebrare Missas (nisi subsit periculum scandalì) quot tamen plurima beneficia requirunt; ut proin saltem ex hoc capite ante omnem judicis sententiam in foro conscientiae teneantur dimittere sua beneficia; eò quòd suæ obligationi ratio-

ne beneficii contractæ, non ampliùs possint satisfacere, nisi à S. Pontifice dispensentur; quod difficillimè, & non nisi urgentissimis de causis fieri potest, ut habet Bolla Sixtina *Effrenatam* jam sæpiùs cit. §. 8. Vid. Reiffenst. cit.

489 Colliges tandem quintò eum, qui dubitat invincibiliter, an procuraverit, abortum, vel, an ex sua procuracione ac cooperacione abortus sit secutus nec ne, sive dubio merùm negativo, sive etiam positivo dubitet, non teneri se gerere ut excommunicatum aut irregularem. Id ipsum à fortiori dicendum est de eo, qui habet rationes probabiles, quòd non sit secutus abortus, & tantum negativè dubitat, an non fortè sit secutus? Ratio jam suprà num. 479. insinuata fuit: præsertim etiam, quia, *nemo in dubiis præsumitur, deliquisse L. merito ff. pro Socio.*

Dices. At quid, si talis solum habeat rationes probabiles contra se, quòd scilicet sit secutus abortus, quia v.g. post factum jam certò animatum propinavit Mulieri medicamentum de se efficacissimum ad procuracionem ejusdem, & merùm negativè dubitat, an abortus sit subsecutus, tenebitur se gerere ut irregularem, & excommunicatum?

490 R. Tenetur. Ratio est: quia supponitur præbuisse medium de se efficacissimum, ex quo naturaliter subsequi consuevit abortus: ergo præsumi debet fuisse subsecutus: quare cum nullam supponatur habere rationem, non esset secutus, atque merùm negativè dubitet; hinc debet se gerere ut irregularem, prout habetur c. *petitio tua* 25. de homicid. Ita Tambur. hic c. 5. §. un. n. 17. Et licet facta in dubio non præsumantur, fallit tamen hæc regula: quando sunt solita fieri L. ult. C. de fid. instrum. Ita & P. Thesaurus apud Dian. tract. 5. resol. 26. Mascardus Conclus. 732. n. 5. & 7. apud Sporer n. 752.

CONFERENTIA

VIGESIMA.

De impetrandis, vel non impetrandis dispensationibus super impedimentis Matrimonii.

SUMMARIUM.

- 491 Summus Pontifex in omnibus impedimentis, jure humano tantum introductis, potest dispensare;
- 492 In aliquibus tamen nunquam, aut certe non, nisi de raro contingenti dispensare consuevit.
- 493 Etiam Episcopo competit facultas dispensandi in impedimentis juris humani, praesertim post contractum jam matrimonium.
- 494 Immo & ante Matrimonium, in casu urgentis necessitatis.
- 495 Insuper Confessarii Mendicantium possunt dispensare in impedimento impedi-ente, orio ex voto simplici, non reservato S. Pontifici: immo probabiliter etiam in voto simplici perpetuae castitatis, pro casu urgentissime necessitatis.
- 496 Item pro similibus necessitatibus possunt dispensare in occulto impedimento as-
finitatis, post contractum jam Matrimonium: In aliis tamen impedimentis nihil possunt.
- 497 Qui intendit detere dispensationem, debet prae primis attendere, sine impedimento occultum, vel publicum?
- 498 Si sit notorium, dispensatio debet peti à Dataria: si autem occultum, à majore Penitentiario, vel ipso S. Pontifice.
- 499 Vel in casu necessitatis ab Episcopo, ut dictum fuit.
- 500 In Supplica non debet recitari verum, aut exprimi falsum: & quænam sint exprimenda?
- 501 Traditur Exemplar Epistolæ ad majorem Penitentiarium.
- 502 Alterum Exemplar ad ipsum summum Pontificem.
- 503 Tertium ad Episcopum.
- 504 Resolvitur Casus I. de sponso, qui dubitat de valore suæ dispensationis ob-

stante; eodquod ante executionem dispensationis iteratò carnaliter cognoverit consanguineam sponsæ suæ.

- 505 Si cum alia consanguinea sponsæ interim peccasset, non posset vi hujus dispensationis habilitari ad Matrimonium.
- 506 Matrimoniales dispensationes communiter sortuntur effectum à tempore executionis, non à die expeditionis Romæ factæ.
- 507 Si talis sponsus jam dispensatus per Confessarium, iteratò peccasset eum eadem, vel etiam alia consanguinea suæ sponsæ, deberet iteratò petere dispensationem.
- 508 Resolvitur Casus II. de eo, qui dubitat de valore dispensationis super impedimento consanguinitatis; eodquod in Supplica nullam fecerit mentionem de voto ingredendi Religionem, quo sese obstrinxerat.
- 509 Talis jam posset dispensari ab Episcopo, si urgeat necessitas vel periculum animarum.
- 510 Resolvitur Casus III. de eo, qui noluit relinquere occasionem proximam, propterea quæ Confessarius noluit exequi dispensationem.
- 511 Confessarius tamen, eidem tradendo litteras Apostolicas non incurrit excommunicationem.
- 512 An alius potuerit illam dispensationem exequi? colligi debet ex inscriptione litterarum.
- 513 R.R. Patres Societatis à suis Superioribus deputati, gaudent privilegio exequendi hujusmodi litteras Apostolicas, licet sint inscripta Magistro Theologiae &c. Eodem privilegio gaudent Lectores Jubilati nostri Seraphici Ordinis.
- 514 Clausula litterarum sunt ad amissum observandæ.
- 515 Docetur praxis exequendi dispensationem.
- 516 Quid, si dubium oriatur, an gratia dispensationis extendat se ad talem Casum.
- 517 Qui certus de impetrata dispensatione, dubitat, an sit valida? potest presumere pro valore.

§. I.

Præmittuntur, & breviter resolvuntur quæ-
sita, scitu necessaria ad debite resol-
vendos Casus circa dispensationes
in causis matrimonialibus im-
petrandas, vel non im-
petrandas.

QUæres primò, in quibus impedimen-
tis S. Pontifex possit, & in quibus so-
let dispensare?

491 R. 1. Summus Pontifex in omnibus
impedimentis Matrimonii tam impediendi-
bus, quàm etiam jure humano solum dirimen-
tibus potest dispensare. Ratio est: quia
omnia impedimenta jure duntaxat humano
dirimentia, sunt introducta auctoritate &
voluntate SS. Pontificum: ergo eadem au-
toritate & voluntate Pontificis possunt re-
laxari, abrogari, vel etiam dispensari;
quia ut dicitur *c. r. de Rep. Jur. Omnis res*,
per quæcunque causas nascitur, per easdem
etiam dissolvitur, Quænam autem impedi-
menta jure humano solum dirimant, dixi-
mus superius n. 334.

492 R. secundò. Quamvis secundùm
dicta, Papa dispensare valeat in omni-
bus impedimentis jure humano tantùm
dirimentibus: in sequentibus tamen
non solet dispensare. 1. quidem non dispen-
sat cum personis consanguineis in linea
recta, seu talibus, quarum una ab alte-
ra descendit per carnalem propagationem,
in quocunque demum gradu dissent, 2.
Cum consanguineis etiam in primo vel
secundo gradu lineæ transversæ conjun-
ctis nunquam, vel vix unquam dispen-
sare consuevit: certè non, nisi cum ma-
gnis Principibus, & ob publicam cau-
sam, ut vult Concil. Trid. *sess. 24. de*
Reform. Matr. c. 5. numer. 8. 3. Simili-
ter cum personis voto solemnii adstrictis,
vel etiam in sacris Ordinibus constitutis
rarissimè, & non, nisi urgentissimis de
causis dispensare consuevit. 4. Item cum
illis Personis, quæ vel sine solemnitati-
bus ab Ecclesia præscriptis, vel etiam
in gradibus prohibitis scilicet contrahe-
re attentarent, vix unquam, aut certè
non, nisi difficillimè dispensatur, prout

Sporer *numer. 446. La Croix, & alii*
DD: communiter notant, & statuitur in
Concilio Trid. de reform. Matr. ss. 24.
c. 5. In impedimentis verò jure divino,
& præsertim naturali dirimentibus, dis-
pensari non posse, & nunquam dispensa-
ri pariter dictum fuit supra n. 335. & 336.

Quæres secundò, Utrum etiam Episco-
pus dispensare valeat in impedimentis di-
rimentibus jure Pontificio tantùm intro-
ductis?

493 R. primò. Potest in his Episco-
pus dispensare post contractum Matrimo-
nium pro foro conscientie, si concu-
rant sequentia. 1. Si Matrimonium sit
publicum. 2. & impedimentum occultum.
3. Si initum sit bona fide, seu
cum ignorantia impedimenti, saltem ex
parte unius. 4. Si in separatione effectus
scandalum. Et si non sit facilis aditus ad
Papam, ob paupertatem, vel aliam
causam, vel certè si sit periculum pec-
candi ex dilatione dispensationis. Ita San-
chez, Krimer, Filliuc, Kugler, aliisque
pluribus congestis *La Croix de Matr. n. 835.*

R. secundò. Etiam ante contractum ma-
trimonium potest Episcopus in dictis impedi-
mentis dispensare, quando est urgentissi-
ma necessitas salutis animæ, vel periculum
in mora: & non est æditus ad Papam. Ita
rursus *La Croix ch. n. 838. Cardenas diff. 2.*
n. 636. Gobat, Filiuc. Sporer, Mastrius &
alii plurimi apud Kugler n. 2124. Et ita de-
clarasse Sixtum V. Corradus testatur apud
La Croix L. 6. p. 1. n. 117. Ratio autem est:
quia secundùm communissimam, & re-
ceptam Theologorum, ac Canonistarum
sententiam, potest Episcopus dispensare in
legibus Pontificiis in casibus urgentissimis,
ubi non datur facilis recursus ad summam
Sedem, & est periculum in mora; tum quia
non est verosimile, quòd Pontifex in tali
casu cum dispendio boni communis, & pe-
riculo animarum, velit sibi soli reservare
potestatem à Christo concessam in bonum
animarum: tum etiam quia praxis & con-
suetudo (quæ est optima legum interpres,
imò conferet juris dictionem) docet, Epi-
scopum dispensare, ubi tanta urget necessi-
tas, in impedimentis v. g. Affinitatis, Crimi-
nis &c. itemque impedimento impediendi
orto ex voto perpetuæ castitatis, prout
testan-

testantur Gobat *tr. 9. n. 574.* La Croix & Kugler *ll. cit.* ergo. Utrum autem Episcopus ita dispensare valeat jure ordinario, & per se, an verò per accidens tantùm, non est una omnium DD. opinio. Placet in hoc judicium P. Kugler *num. 2124.* ubi pro dirimenda hac controversia, (quæ videtur de modo loquendi potius, quam de ipsa re) ait dictam potestatem Episcopi esse *quasi ordinariam*, in quantum imitatur ordinariam in hoc, quòd non sit delegata certæ personæ, & officio adhæreat: deficit autem ab ordinaria strictè tali, quòd se non extendat ad casus ordinarios, prout deberet ex ipso nominis etymo, seu *ordinaria* potestate.

495 Quæ. Tertiò Utrum etiam Mendicantes gaudeant potestate dispensandi in impedimentis Matrimonii?

R. 1. In impedimento impediens, oritur ex voto, quando illud votum non est unum ex quinque Pontifici specialiter reservatis, possunt dispensare. Ita communissimè DD. Herincx hic. Bosco, Spor. Reiffensuel, Kazenberger *de legibus c. 1. Sect. 4. n. 389.* Ratio est: quia vi suorum privilegiorum possunt dispensare in omnibus votis, in quibus Episcopi possunt dispensare jure ordinario, prout videri potest apud Sporer *tr. 3. Decal. c. 3. Sect. 3. n. 54.* atqui Episcopi jure ordinario dispensare possunt in omnibus votis Papæ specialiter non reservatis: ergo. Hinc sequitur, Regulares Mendicantes dispensare posse 1. in voto suscipiendi Ordines 2. in voto castitatis non perpetuæ 3. vel perpetuæ quidem, sed pœnalis; vel Quartò conditionatæ &c. item in voto non nubendi, non fornicandi, servandi virginietatem &c. Ratio est: quia hæc vota non sunt specialiter reservata summo Pontifici.

Quin etiam in voto castitatis perpetuæ, & integræ, quamvis hoc sit specialiter reservatum summo Pontifici, nihilominus in casu urgentissimæ necessitatis dispensari posse à Confessario Mendicantium (contra communionem aliorum) docet Reiffensuel *l. 3. Decret. tit. 34. nu. 40.* quam opinionem probabilem censent Herincx *de vot. disp. 4. q. 6. num. 73.* Bassæus, Croulers in *cap. 7. Reg. S. Francis lect. 29.* Kazenberger *l. proximi cit.* Ratio est: quia cer-

tum est, quòd Regulares vi privilegiorum suorum dispensare valeant in omnibus votis, in quibus Episcopi possunt jure ordinario: atqui Episcopi in casu urgentissimæ necessitatis possunt jure ordinario dispensare in voto perpetuæ castitatis; quia in tali casu dispensant vi sui Officii, aut certè vi consuetudinis universaliter receptæ: consuetudo autem, & Officium tribuunt jurisdictionem ordinariam: ergo etiam in simili casu probabiliter id possunt Mendicantes. Et dato etiam, quòd Episcopus in tali casu solum dispense per potestatem, *quasi Ordinariam* (ut loquitur Kugler *cit.*) attamen, quia hæc potestas *dispensandi in omnibus votis in quibus Episcopi possunt potestate ordinaria* Mendicantibus concessa est favorabilis, ideòque late interpretanda; hinc non improbabiler dicitur, Mendicantes etiam tunc posse dispensare, quando Episcopus potest potestate *quasi ordinaria*: sicut dum aliquid favorabile conceditur Religiosis, concessum censetur non solum illis, qui sunt propriè, & strictè, Religiosi, sed etiam qui sunt quasi Religiosi, seu Novitii, prout communiter sentitur DD. & colligitur *Argum. c. Religioso §. quamvis de Sentent. excommun. in 6.* Unde Bassæus apud Herincx *cit.* testatur, hanc sententiam an. 1629. in Consistorio Cardinalium visam fuisse, & toleratam.

496 Resp. Secundo. Insuper Regulares Mendicantes post matrimonium sive bona sive mala fide contractum, dispensare, possunt super occulto impedimento affinitatis, etiam in primo gradu, & prolema inde susceptam legitimam declarare 2. In aliis autem impedimentis dirimentibus nihil possunt; quia talis potestas nec ex jure, nec ex privilegio ipsis competit, prout bene notavit Gobat *trahat. 9. numer. 721.* Prior autem pars, quòd scilicet in impedimento occulto affinitatis dispensare valeant, docetur (contra communiorum aliorum) à Richardo Rossensi Episcopo, & Martyre in Anglia in *suo libello de causa Matrimonii Regis Angliæ Chassaign. de Privileg. Mendicant. tract. 5. cap. 5. propos. 3.* Vera-Crux 2. *part. specul. auri 6. 27.* Bosco *disp. 12. Sect. 13. nu. 198.* Reiffensuel *ad 4. lib. Decret. in Appen-*

dice de dispensat. super impediment. §. 11. n. 342. & seqq. ac novissime à nostro P. Kazenberger in suo *Supplem. Decalog. P. Sporer c. 1. Sect. 4. num. 390.* Ratio hujus est: quia Patribus Augustinianis per totum Mundum existentibus Leo X. præclarissimum, idque bullatum privilegium concessit, quòd cum his, qui in primo affinitatis gradu scienter, aut ignoranter contraxerunt, modò notorium id non fuerit, neque in iudicium productum, dispensare valeant, ut de novo contrahant, & in eodem contracto matrimonio remaneant, prole etiam legitima: ita tenor privilegii apud Richardum Rosenf. l. cit. videndi: atqui in eodem privilegio communicant alii quoque Mendicantes, ut DD. cit. notant: ergo &c. Esto etiam memoratum privilegium velut inivsum à nonnullis aliis impugnetur, nihilominus satis bene à Chassaingo, Reifsenst, & Kazenberger II. cit. vindicatur, & propugnatur hodieum, quamvis lidemet DD. moneant, ut Regulares Mendicantes hoc privilegio non utantur (nisi periculum incontinentiæ, vel alia necessitas urgeat) sed ad S. Pœnitentiarum, vel ad Episcopum pro dispensatione recurrant; quia ubi agitur de valore Sacramenti semper oportet sequi sententias tutiores. Vid. dicta n. 424.

Quer. quartò, quomodo practicè sit procedendum ad impetrandam dispensationem, & à quo, vel quibus hæc sit petenda?

497 R. 1. Ante omnia attendendum est, si ne impedimentum publicum seu notorium, an verò occultum? Notorium (teste Clericato de Matr. decis. 40. nu. 29.) censetur, si sit cognitum à maiori parte viciniæ vel Parochiæ: item si deductum sit ad forum contentiosum, & super eo pars est citata: à fortiori, si jam in iudicio sit probatum, & pro impedimento sententia lata. È contra occultum reputatur, si Reus fuerit absolutus à Iudice, quamvis per falsos testes se purgasset; vel si unus duntaxat aut alter sciat impedimentum. Notat tamen idem Doctor cit. quòd si in litteris Pontificis adderetur hæc clausula: dummodo delictum seu impedimentum omni-

no sit occultum, tunc si duo sint, qui illud sciant & probare possint, non amplius censetur omnino seu totaliter occultum, ac per consequens talis dispensatio foret nulla; eòquòd non subsistat hæc conditio vel clausula.

498 R. ad secundum cum distinctione. Si enim dispensatio sit petenda pro foro fori, eòquòd impedimentum supponatur publicum & notorium, tunc oportebit litteras supplices dirigere Romam ad Datarium seu Cancellarium. Si autem dispensatio sit petenda pro foro conscientie tantum, seu ut alii dicunt, pro foro Poli, eò quòd impedimentum omnino sit occultum, tunc per se loquendo litteræ erunt dirigendæ ad S. Pœnitentiarum, seu ad eminent. Dominum Cardinalem majorem Pœnitentiarum; qui in similibus dispensat, & quidem gratis pro DEO.

499 Dixi tamen: per se loquendo erunt dirigendæ &c. Nam si impedimentum sit occultum, & necessitas urgeat, vel instet periculum animæ, subinde potest peti dispensatio ab Episcopo, secundum dicta hæctenus.

Quer. quintò, quidnam in ipsis litteris seu in Supplicis observandum sit, & exprimendum?

500 R. Est vel maxime cavendum, & observandum, ne in Supplicis verum supprimatur seu reticeatur, aut falsum exprimatur; secus enim dispensatio evaderet sub-vel obreptitia, ideòque nulla. Quapropter, ne talis error contingat, observanda erunt sequentia. 1. Ut impedimentum ritè in sua specie exprimatur; quia si unum poneretur pro alio v. g. affinitatis pro impedimento consanguinitatis, dispensatio esset nulla. 3. Ut accuratè exprimatur gradus; etenim, si pro gradu primo vel secundo exprimeretur tertius aut quartus, rursus dispensatio nulla foret; secus dicendum, si loco gradus v. g. tertii fuisset positus primus aut secundus; quia dispensans in gradu primo vel secundo, merito creditur dispensasse à fortiori in gradu tertio non vicissim. 3. Si Sponsi v. g. distent in gradibus inæqualibus, exprimi debet in quoto gradu quavis Persona distet à communi stipite; quia quò minor est distantia, eò difficilis dispensatur. 4. Si plura simul impedimenta

ver-

versentur inter personas, siue sint impedimenta diversæ, siue etiam ejusdem speciei, debent singula exprimi; aliàs vel nullum omnino, vel illud solum, quod expressum fuit, relaxabitur. 5. Exprimendum est, utrum v. g. Affinitas orta sit ex copula licita, vel verò illicita; item an v. g. publica Honestas sit contracta ex sponsalibus de futuro, an verò ex sponsalibus de præsentibus, seu matrimonio rato. 6. Si petatur dispensatio post Matrimonium jamjam contractum, exponendum est, an Matrimonium sit scienter contractum cum impedimento dirimente, vel etiam, an cum spe facilius hoc modo impetrandi dispensationem; item, an cum, vel sine solemnitatibus ab Ecclesia præscriptis; & hoc ob decretum Tridentini SS. 24. *de reform. Matr. superiùs nu. 492. allegatum*. 7. Si in casu necessitatis petatur dispensatio ab Episcopo, debet ostendi, hic revera subesse necessitatem v. g. ob periculum animarum, scandalorum, incontinentiæ, &c. quatenus Episcopo innotescat, subesse sufficientem, & rationabilem causam dispensandi in tali casu. 8. Tandem venit observandum, quòd, ubi dispensatio petitur pro foro externo, exprimi necessariò debeant nomina, & cognomina dispensandorum, eorumque conditio ac status, itemque nomen Dioceseos ac loci, seu etiam Parochiæ ad quam dirigendæ sint litteræ, gratiam dispensationis continentes. Sin autem postuletur dispensatio tantum pro foro interno seu conscientie, tunc nomen petentis seu dispensandi debet reticeri, aut substitui aliud nomen fictum v. g. Titii, &c. quamvis etiam in tali casu sit exprimendum, ad quem dispensatio dirigenda, vel cuiusnam executio demandanda. Pro meliori captu hætenus dictorum ponam breviter unum, alterumve Exemplar Epistolæ dirigendæ ad Eminent. & Reverend. Card. Majorem Pœnitentiarum pro impetranda dispensatione in voto castitatis ad contrahendum matrimonium. Summat ergo Confessarius (vel quisquis demum impetrare cupit dictam gratiam) mediam tantum Philyræ, & intus formetur Epistola hoc modo.

EMINENTISSIME, AC REVERENDISSIME DOMINE.

&c. &c.

501 **T**itia enisist votum simplex castitatis; quia verò versatur in continuo periculo incontinentiæ nisi nubat; hinc supplicat humillimè pro commutatione ejusdem voti ad effectum contrahendi matrimonium. Deinde terminetur Epistola sic. Dignetur Eminentia sua rescribere ad me (hic Confessarius nomen suum, & cognomen exprimat) & breve seu gratiam dirigere per Mantuam, Augustam, Passaviam. Exterius, seu à foris Epistolæ scribatur: Eminentissimo, & Reverendissimo Domino, Domino S. R. E. Cardinali, Majori Pœnitentiarum. Roman.

Quòd si Confessarius in causa gravissima credat, Majorem Pœnitentiarum dispensare non posse, instituat seu formet Supplicam ad ipsum summum Pontificem, modo, qui sequitur.

BEATISSIME PATRE.

502 **E**xponitur humiliter sanctitati Vestre pro parte Sempronii ac Sempronie, quòd ipsi, ignorantes se esse consanguineos in secundo gradu, præmissis denuntiationibus coram Parocho ac testibus bonæ fide contraxerint ante 12. annos & aliquot jam proles susceperint. Cum autem dicti Oratores, ob memoratum impedimentum consanguinitatis, quòd occultum est, in Matrimonio suo permanere nequeant absque beneficio dispensationis Apostolicæ, neque separari absque scandalis & aliis incommodis, cohabitare verò per modum Fratris ac Sororis difficillimum videatur, ob præsentissimum incontinentiæ periculum; hinc humiliter supplicant sanctitati Vestre, quatenus cum eisdem super dicto consanguinitatis impedimento, ut in matrimonio perseverare queant, dispensare, prolesque susceptas legitimas declarare dignetur. Gratosum verò rescriptum supplicant dirigi ad NN. &c.

Notandum hic venit, quòd in tali etiam casu, inscriptio exterior non sit dirigenda ad summum Pontificem, sed ad

Majorem Pœnitentiarium, modò proximè præscripto.

Tandem etiam, si urgeat necessitas in casu, ubi Episcopus dispensare valet secundum hæcenus dicta, poterunt litteræ supplices formari modo qui sequitur. v. g. Ad Celsissimum Ordinarium, ac Principem Passaviensem sic.

CELSISSIME AC REVERENDISSIME S. R.

I. PRINCEPS, DOMINE DOMI-

NE CLEMENTISSIME!

&c. &c.

503 **E**Xponitur humiliter Celsitudini Vestræ, quòd Cajus bona fide, & præmissis debitis solemnitatibus, in matrimonium sibi copulaverit Cajam viduam, cujus sororem prius sæpius cognoverat copula carnali perfecta. Et quia Cajus ob impedimentum affinitatis in primo gradu (quod occultum est) inde contraxit, Uxori suæ putatitiae protinus adhærere non potest absque evidenti periculo incontinentiæ, neque ab eadem separari sine periculo scandalorum, & præjudicio duarum prolium, quas jam susceperunt ex hoc matrimonio; hinc humillimè supplicat Celsitudini Vestræ, quatenus in tantis periculis constituto subvenire, & super prædicto impedimento gratiam dispensationis clementissimè impartiri dignetur, ut in suo Matrimonio protinus perseverare, debitum petere & reddere libere & licite valeat, & denique etiam proles jam susceptas legitimas declarare. Gratiosum rescriptum dignetur Celsitudo Vestra dirigere ad NN.

Hic oportet addi nomen & cognomen illius, ad quem dispensatio dirigi debeat. Locus tamen & Parochia, in qua supplicans degit, quantum fieri potest, debet reticeri & occultari, ne forte ipse Orator diffametur, aut aliis reddatur suspectus de crimine, & contracto inde impedimento.

§. II.

Proponuntur, & breviter resolvuntur casus practici circa dispensationes in causis matrimonialibus.

CASUS PRIMUS.

Titius cupiens intrare Matrimonium cum Titia sibi jam pridem desponsata, petit, ut Confessarius sibi impetraret Romæ dispensationem super impedimento affinitatis, quod incurrerat peccando aliquoties carnaliter cum consanguinea suæ sponsæ in secundo gradu. Confessarius lubens hoc beneficium præstitit suo Penitenti. Sed ecce! prius, quam gratia dispensationis Roma advenit, Titius ex humana fragilitate denuò lapsus, peccavit cum eadem consanguinea suæ sponsæ, qua ratione Confessarius dubitat, an hoc non obstante possit dispensationem executioni mandare? Quid judicet?

504 R. Potest Confessarius, hoc non obstante, dispensationem exequi. Ratio est: quia Titius iteratò peccando cum eadem consanguinea, non contraxit duplex impedimentum; quemadmodum non incurrit duplicem irregularitatem, qui in eadem excommunicatione constitutus sæpius celebrat: sicut ergo talis non tenetur in Supplica exprimere, quòd sæpius celebraverit, ita nec ille tenebatur exprimere, quòd iteratò, vel sæpius peccando cum eadem consanguinea, contraxerit impedimentum cum sua sponsa.

505 Secùs dicendum foret, si Titius interea non amplius cum eadem, sed cum alia ejusdem sponsæ suæ consanguinea peccasset carnaliter; quia per talem copulam contraxisset aliud, & numero saltem distinctum impedimentum affinitatis. Quare cum Confessario non fuerit delegata potestas dispensandi in pluribus impedimentis, sed in illo solum, quod Titius contraxerat peccando carnaliter cum consanguinea sponsæ in litteris seu Supplica expressa; hinc Confessarius vi hujus dispensationis præcisè non posset Titium habilitare, ad validè contrahendum cum Titia sua sponsa Matrimonium.

Vid.

Vid. Carden *In 2. Cris. diff. 2. n. 624. La Croix n. 919. & 990.*

Dices: Sed Titius supponitur iteratò peccasse cum eadem suæ sponſæ consanguinea, posteaquam dispensatio Romæ jam fuit expedita: ergo Confessarius nullatenus potest procedere ad executionem dispensationis.

506 Resp. Neg. consequent. Quia, ut notant Doctores communiter, tales dispensationes non sortiuntur effectum à die expeditionis Romæ factæ, sed à tempore executionis faciendæ per Ordinarium, vel alium delegatum, cui executio demandata est: neque ante executionem habent rationem gratiæ factæ, sed faciendæ primum. Vid. Gabat. *Theol. exper. tractat. 9. numer. 744. vel Quin. tractat. 3. capit. 37. à n. 197.*

Dices adhuc. Ad quid, si Titius, à Confessario jam dispensatus, iteratò peccasset carnaliter cum eadem suæ sponſæ consanguinea, antequàm contraxit Matrimonium, possetne ab eodem Confessario dispensari?

507 Respondeo. Non posset. Ratio est: quia Confessarius solum potest dispensare in impedimento jam contracto pro eo tempore, quo dispensat: communiter enim in litteris Apostolicis solet committi potestas cum hac clausula: *ut dispenses hac vice*: ergo si post dispensationem supponatur iteratò peccasse, & peccando contraxisse impedimentum, jam Confessarius nihil amplius poterit vi prioris dispensationis.

CASUS SECUNDUS.

Sempronius Romæ impetravit facultatem seu dispensationem, contrahendi matrimonium cum Sempronia, sibi in Tertio gradu consanguinea; quod, & factum. Jam verò post matrimonium celebratum incipit dubitare. An dispensatio obienta non fuerit subreptitia, & nulla, eò quòd in sua supplica nullam fecerit mentionem de voto Religionis ingrediendæ, quo se obstrinxerat. Et quia modò versatur in periculo incontinentiæ; hinc pariter Secundò dubitat: an super impedi-

mentis mox recensitis non possit dispensari ab Episcopo? Quid respondendum.

508 Respondeo. Ad primum. Sempronius non immeritò dubitat de valore dispensationis, & matrimonii: licet enim nonnulli asserunt, posse impetrari, & peti dispensationem pro uno impedimento, altero reticito seu non expresso, præsertim si hoc sit diffamatorium, ex cuius scilicet manifestatione sequeretur infamia: attamen si ex tali manifestatione nulla sequatur infamia, prout continget in nostro casu ex manifestatione voti ingrediendi Religionem, probabilius, omnino est, dispensationem esse nullam, si petatur pro uno tantum, altero impedimento suppresso: Ita Sanchez *lib. 8. disputat. 13. numer. secundo. Basil. Pont. Suarez, & Salmanticens. apud Clericat. decis. 40. numer. decimo*. Ratio est quia in Supplica omnia illa sunt exprimenda, ex quibus difficilior redditur dispensatio: atqui procul dubio difficilior redditur, dum Orator pluribus est obstrictus impedimentis, quàm dum uno tantum: ergo si non omnia, illa saltem, quæ sine diffamia potest exprimere, reſeruat in Supplica; dispensatio probabilius redditur nulla.

509 Respondeo Ad Secundum. Potest in tali Casu Ordinarius dispensare. Ratio est: quia secundum dicta *numer. 493. & 494.* Episcopus potest dispensare in impedimentis occultis jure duntaxat Pontificio introductis, dum urget necessitas, & instat periculum animarum, præsertim post Matrimonium jam contractum: at in nostro casu supponitur subesse periculum animarum, & simul impedimentum (si quod adhuc subsistit) est occultum: licet enim supponatur constare, Sempronium contraxisse cum consanguinea, omnes tamen jam credunt, & supponunt, hoc impedimentum beneficio dispensationis Pontificiæ fuisse sublatum: ergo. Sanchez *lib. secundo de Matrim. disputat. 40. numer. 3. & 4. Tambur. lib. 8. tractat. secundo capit. 4. apud La Croix numer. 844.*

CASUS TERTIUS.

Cajus per Confessarium petit Romæ dispensationem super impedimento affinitatis, contracto ex incestu commissum cum sorore putatiæ sue Uxoris. Quia, verò in Breui Apostolico continetur hæc clausula, ut dispenses sublata occasione. & Cajus idem sororem suæ putatiæ conjugis noluit domo ejicere; hinc Confessarius noluit exequi dispensationem. Qua ratione idem Cajus postulavit Breve Apostolicum sibi restitui, quesiturus, alium Confessarium minus rigidum vel scrupulosum, qui sibi gratiam dispensationis imperiretur. Queritur jam primum. An Confessarius bene fecerit negando executionem dispensationis? 2. Utrum tradendo Breve Apostolicum Cajo, non incurreret excommunicationem Quia in litteris Apostolicis continetur sequens clausula: quas (litteras sub pœna excommunicationis latæ sententiæ laniare teneas, ita, ut nullum earum exemplar, exstet, neque eas Latori restituas. Tertiò. Utrum alius Confessarius potuerit, easdem litteras exequi, dispensando cum Cajo?

510 Respondeo. Ad primum cum distinctione. Etenim si Cajus cohabitando dictæ Mulieri, supponatur fuisse constitutus in occasione proxima, eò quod etiam cum ea peccare assueverit, si mulque occasionem nolit relinquere, vel ex occasione proxima facere remotam, dicendum, quod Confessarius bene fecerit non exequendo dispensationem, quippe quæ in tali supposito nullam habuisset vim. Contra verò, si supponatur Cajus non fuisse constitutus in occasione proxima, aut certè paratus ex occasione proxima facere remotam, scæminaque quàmprimum abique periculo infamix potuerit, dimittere, Confessarius, malè fecisset, eidem denezando beneficium dispensationis, utique non sine, gravi injuria. Ratio est: quia hæc clausula: ut dispenses sublata occasione, intelligitur de occasione proxima, quam dispensandus tenetur deserere, non autem de occasione remota, prout rectè do-

cet Gobat. *Quin. tractat. quinto cap. 37. num. 189.* La Croix n. 957. & alii.

511 Resp. Ad Secundum. Confessarius tradendo litteras, non incurrit excommunicationem. Ratio est: quia per memoratam clausulam tantum jubetur, ut litteræ Apostolicæ lanientur, seu lacerentur post, non verò ante executionem illarum. Quin etiam, si post executionem eas restituisse, præferim jam laniatas (id est, ut Gobat *cit. numer. 267.* & alii intelligunt) ita destructas, ut pro foro exterro non ampliùs essent usui, ut puta si sigillum fressisset, vel litteram per medium induxisset, &c. probabilius non incidisset in excommunicationem; quia hæc censura videtur in eum solum ferri, qui non laniat, non verò in illum, qui laniatas restituit: Pontifex enim ideò solum videtur præcipere ut dilanientur, & non restituantur Latori, ne ampliùs possint esse usui: at, licet restituantur, tamen non ampliùs erunt usui jam dilaniatæ, seu laceratæ: ergo.

512 Resp. Ad Tertium, attendendum esse ad externam Brevis Apostolici inscriptionem, cuinam scilicet executio, fuerit demandata? Quando enim executio demandatur sub his terminis: *Discretio viro Confessario ex approbati ab Ordinario*, tunc quilibet ex approbati ab Ordinario Confessariis, potest exequi dispensationem; de quolibet enim Confessario approbato supponitur, quod sit vir discretus. Ita Sanchez *lib. 8. disputat. 27. numer. 40.* Bonacin. Tamb. & alii, quos sequitur Cleric. *cit. n. 36.* Si autem executio dispensationis sit demandata, & inscripta hoc modo: *Discretio viro Confessori Magistro Theologiæ, vel Doctorum Doctori*, tunc dispensationem, exequi nullus poterit, nisi sit Doctor in Theologia, vel juris canonici, vel aliunde privilegiatus. Ita rursus Sanchez. *Gobat. cit. num. 155.* Kazenberger. ubi supra n. 395.

513 Dictum tamen est: *nisi sit aliunde privilegiatus*; nam tale privilegium speciale exequendi litteras Apostolicas clausula mox commemorata inscriptas, obtinuit Inclucta Societas Jesu per Gregorium XIII. 3.

April.

April. 1582. vi cuius, non quidem omnes ejusdem Societatis Confessarii, sed illi duntaxat, qui à suo Præposito Generali, vel de hujus licentia à suis Superioribus ad id specialiter fuerint designati, litteras Apostolicas, datas cum clausula memorata, possunt exequi. Et quia eodem privilegio per communicationem alii Mendicantes gaudent, prout docent Sanchez cit. loc. 8. disput. 34. num. 11. Bosco, Herincx, Reiffenstuel, Rodriquez tom. 1. 22. Reg. q. 63. num. 8. fin. & aliis; hinc etiam nostri Confessarii, ab A. R. P. Ministro Provinciali de licentia Reverendissimi Patris Generalis ad hoc specialiter deputati, possent hujusmodi litteras exequi, Secundo. Idem Privilegium per specialem Bullam *Exponi nobis*, datam die 27. Novemb. 1679. Innocentius XI. concessit Lectoribus Jubilatis nostri Seraphici Ordinis Vid. *Supplem. Decalog. nostri P. Kazenberg. cap. 1. Sect. 4. n. 395.* Reiffenst. *Append. num. 444.*

§. III.

Corollaria ex dictis inferenda.

314 **C**olliges ex dictis primò, clausulas, quæ in Brevibus, seu litteris Apostolicis communiter solent apponi, accuratè, & ad amussim esse observandas; tum quia negotium est gravissimi momenti, & nulla sine speciali consideratione solet apponi, proindeque meritò summus Pontifex præsumitur velle, ut omnes, & singulæ accuratè observentur; tum etiam quia potiores solent apponi per modum conditionis sine qua non. Quare si Confessarius eas non observet, invalidè, aut certè illicitè agget dispensando. Cæterùm, declarare, quo sensu quævis clausula sit intelligenda, res esset haud exigui momenti, & fusioris tractationis: nonnullas hæcenus explicuimus per decursum. De reliquis verò, si dubium oriatur, placeat videre nostrum P. Kazenberger *proximè citat.* vel Gobat *Quin citat. tract. 5. cap. 57. à num. 240.* vel denique Clericat. cit. *decis. 40. à num. 18.* aut La Croix à n. 938. ubi diffusius singulas explicant clausulas.

415 Colliges Secundo, & ex dictis cum eodem P. La Croix num. 977. inferes, quomodo in praxi sit procedendum ad executionem litterarum Apostolicarum. Primò itaque, si accepto Rescripto dispensandus te elegerit ad earum executionem ipso præsentè oportebit aperire litteras; & siquidem consideratis omnibus conditionibus ac clausulis inibi contentis, deprehendas, preces supplicantis veritate nixas, ipsumque poenitentem esse paratum ad præstanda omnia, quæ in dictis litteris apponuntur 2. jube, ut ad confessionem sese disponat 3. Audita confessione, injunge poenitentias præscriptas, adjunctis debitis admonitionibus 4. Declara prolem si quam ex putatitio matrimonio suscepere, legitimam 5. Impertire absolutorium tum à Censuris, tum etiam à peccatis cum intentione, vel potius expressione dispensationis in impedimento 6. Denique hoc ipsum, quod dispensaveris, poenitenti tuo declara, & 7. litteras modo prædicto dilania, frangendo sigillum, &c. 8. Tandem esto sollicitus, & circumspectus, quo meliori modo matrimonium inter putatitos Conjuges possit, vel debeat revalidari, juxta dicta superiores nu. 349. & seqq.

Dices At quid, si omnibus pensatis oriatur dubium, an facultas aut gratia dispensandi se extendat ad talem casum, & circumstantias in quibus poenitens nocitur constitutus?

316 Resp. Ad hoc cum Thom. Tanbur. lib. 1. Decal. c. 3. §. 7. V. *Dispensatio num.* 2. Si certus sis, te potestatem habere dispensandi, & dubites, an ad hunc casum se extendat, præsumendum est pro extensione; quia potestas dispensandi velut quid favorabile, est latè interpretanda: è contra si dubites, an ipsa dispensatio, quæ tibi concessa fuit se extendat ad hanc vel illam circumstantiam v. gr. an Pontifex in voto castitatis dispensaverit totaliter, an verò solum a' effectum contrahendi matrimonium? judicandum erit, dispensasse solum ad effectum matrimonii; quia dispensatio velut quid odiosum, & à jure exorbitans, est strictè interpretanda; unde si conjux taliter dispensatus peccet cum alia, non solum contra castitatem,

ratem, & iustitiam, sed etiam contra suum votum semel emissum delinquet.

§ 17 Colliges Tertio, eum, qui certus est de impetrata dispensatione, & dubitat, an ea sit valida quia v.g. dubitat, an quod expressit vel tacuit; sit causa finalis, necne? satis probabiliter posse præsumere esse validam. Ratio est: quia in dubio est inclinandum potius pro valore,

quàm pro nullitate actus, Tambur. cit. n. 5. Gobat tract. 9. n. 682. Eadem ratione. Sanch. Dicastillo de Matr. disp. 8. dubit. 6. n. 118. & alii inferunt, generatim in dubio, an satis probetur veritas narratorum; item an causa allegata sit finalis, vel verò impulsiva tantum, esse præsumendum pro valore actus seu dispensationis.

F I N I S.

CON-

CONFERENCE

THEOLOGICO · MORALES,

S E U

CASUS CONSCIENTIÆ

De Restitutione tum in genere, tum in Specie.

CONFERENCE PRIMA.

*De restitutione in genere, ejusdemque
Radicibus.*

SUMMARIUM.

- 1 Restitutio est redditio debiti alterius &c.
- 2 Radices ultimæ restitutionis congruè assignantur duæ:
- 3 Et si alii quatuor, alii omnino quinque assignent.
- 4 Traduntur nonnullæ regulæ generales, restitutionis, semper ante oculos habendæ.
- 5 Obligatio restituendi oritur ex læsione solum justitiæ commutativæ.
- 6 Satisfacti cuidam instantiæ in contrarium factæ.
- 7 Præceptum restituendi principaliter est affirmativum?
- 8 Et si secundariò, & minùs principaliter negativum dici possit.
- 9 Restitutio ad salutem est necessaria, non simpliciter, & necessitate mediæ, sed necessitate præcepti duntaxat.
- 10 Resolvitur Casus I. de quodam Negotiatore Vini, inducente alium ad dissimulandam exactionem Gabellarum &c.
- 11 An uterque à Confessario obligandus sit ad restitutionem.
- 12 Si Dominus Gabellarum aliquid debeat subdito, irque alia via illud obtinere nequeat, licitè subtrahet gabellas per modum tacitæ compensationis.
- 13 Idque etiam in casu, quo Princeps supponit gabellas alteri elocasse.
- 14 Resolvitur Casus II. cujusdam feripetæ, qui jaculando feras in magna quantitate, peccavit contra justitiam.
- 15 Unde in foro externo condemnatus ad multam pecuniariam, illicitè ageret plures jaculando feras sub titulo, & prætextu tacitæ compensationis.
- 16 Ad restitutionem tamen pro ipsi feris nec ipse, nec alii fortè participantes veniunt in foro conscientie &c.
- 17 Nisi tales feræ jam actu inclusæ, aut omnino assicuratæ fuissent sub actuali dominio Principis.
- 18 Et quid, si quis feram continuò se suæque invadentem, & infestantem trucidet.
- 19 Resolvitur Casus III. de eo, qui mutuum negavit alteri, propterea furum sacrilegum committentem, & capitis condemnato.

20. *du tenentur propterea resarcire damna aliis secuta.*
 21. *Et quid, si huiusmodi damna praevidens, pecuniam alteri ex iustitia debitam solvere neglexisset.*
 22. *Obligatio restituendi peroritur ex omni, & quavis actione iniuriola.*
 23. *Unde Praelatus Beneficium praetermissio digniori minus digno conferens, non tenetur ad restitutionem.*
 24. *Insuper actio externa iniusta opere externo debuit fuisse consummata &c.*
 25. *Iniusta detentio rei alienae non est peccatum distinctum ab iniusta ablacione.*
 26. *Neque verum est, animam defuncti tamdiu detineri, & cruciari in purgatorio, donec haeres pro ea restituat.*
 27. *Solvitur quaedam instantia contra haec.*

§. I.

Præmittuntur, & breviter resolvuntur quæstia scitu necessaria ad debite resolvendos Casus de restitutione in genere, ejusdemque Radicibus.

QUæres primò, quid sit restitutio? 1. Resp. Restitutio est redditio debiti alterius. Vel, ut alii dicunt: est rei acceptæ redditio, vel damni illati compensatio. Ita cum *communis* Theologorum. Lessius *lib. 2. cap. 7. dubitat. quart. num. 15.* Sporer *tractat. quarto Theolog. Mor. c. 1. num. 1.*

Bonitas hujus descriptionis facile colligitur ex ipsa nominis Etymologia; etenim restituere idem sonat, ac aliquem iteratò statueri in possessionem, vel dominium rei suæ: at, hoc fit, dum redditur alteri quod ipsi debetur, sive dein ob rem ab eo acceptam, sive ob iniustam acceptionem, aut damnificationem, sive denique ex contractu: ergo benedicatur, quod restitutio sit redditio debiti, alterius &c.

Quæres Secundò, quæ, vel quot sint radices restitutionis?

2. R. cum Laymanno *l. 3. tr. 2. c. 1. nu. 2.* & *communis* aliorum. Radices restitutionis

nis ultimatae congruè assignantur duæ, scilicet 1. *ex re accepta*, & 2. *ex iniusta acceptione, vel læsione*; etenim qui rem alterius accepit vel possidet, etsi optima fide, utpote existimans, & firmiter credens, esse suam &c. nihilominus quamprimum advertit, eam esse alienam, tenetur illam restituere, si possit; idque titulo rei acceptæ. A sortiori, qui rem alterius injustè accepit, aliumve damnificavit, tametsi inde nihil prorsus acceperit, aut possideat, ut si alterius segetes vel domum combustisset &c. tenetur restituere, & damnum injustè illatum compensare, secundum omnes; idque titulo injustæ acceptionis, vel læsionis.

3. Scio equidem à P. Sporer *ctr. n. 9.* recenseri quatuor radices immediatas restitutionis, scilicet 1. *ex re accepta* 2. *ex iniusta acceptione* 3. *ex iniusta damnificatione*, & 4. *ex contractu*. P. la Croix *l. 3. p. 2. n. 18.* superaddidit quintam, scilicet *ex lege positiva*; quia, inquit ille, si tuum animal occiderit meum, jus in certis casibus statuit, teneri te ad restitutionem damni, quamvis nec sit accepta, nec iniusta acceptio, vel damnificatio, neque contractus &c. ergo duntaxat ex lege positiva: Patetur tamen idemet, etiam hanc radicem, sicut, & illam ex contractu, aut damnificatione iniusta commode reduci posse ad illas duas radices ultimas, mox à nobis recensitas; nam ad obligationem ex iniusta acceptione reduci potest obligatio ex damnificatione iniusta, quippe quæ est quædam acceptio, vel subtractio rei alienæ, quamvis subtrahenti sit inutilis: ad eandem reduci possunt obligationes restituendi ex contractu, & lege positiva; quia in his præsupponitur iniusta læsio, aut præcaverit, eo quod quandoque soleat, & sæpe possit intervenire. Ita La Croix, placuit proin hæc insinuare, prioribus verò regulis fundamentalibus quasi ab omnibus receptis respondendo inhærere: certò enim, qui in examine respondebit duas esse radices ultimas restitutionis, ubique audietur.

4. Hic etiam velut oportuno loco subnectendas duxi nonnullas regulas generales restitutionis, bene memorizæ imprimendas, & semper ante oculos habenda-

bendas à Confessario; quarum prima concernit possessorem bonæ, altera possessorem malæ fidei.

I. Itaque Regula est hæc: mensura restitutionis ex delicto materiali ratione rei acceptæ, est *quantitas possessionis*, id est: Possessor bonæ fidei tenetur restituere, tantum, quantum de re aliena adhuc possidet, vel quantum inde factus est ditior.

II. Regula est hæc: mensura restitutionis ex delicto formali quocunque est *quantitas damni illati*; id est: possessor malæ fidei tenetur restituere tantum, quantum intulit damni, sive inde aliquid possideat, sive nihil. Porro pro restitutione ex contractu debita observanda erunt sequentia duo axiomata.

I. *Omnis res, quæ casu perit, suo Domino perit.*

II. *Omnis res, quæ culpa perit, culpabili perit*, id est, illi, qui culpam commisit, juxta proportionem tamen culpæ, & contractus inici, veluti rectè observat, Sporer *tr. 4. c. 2. n. 10. Et* 1. quem vide.

Quæres 3. utrum hæc obligatio restituendi oriatur ex sola læsione justitiæ, vel etiam ex læsione aliarum virtutum, v. grat. charitatis, pietatis &c. &c.

5. R. Eam oriri ex læsione solius justitiæ, & quidem commutativæ duntaxat non item ex læsione aliarum virtutum. Ita DD. *communifimè*. Ratio est: quia actus, quo constituitur æqualitas, eaque arithmetica inter datum, & acceptum, inter damnum, ejusque reparationem, est proprius solius justitiæ commutativæ: atqui restitutio est actus, quo constituitur, ejusmodi æqualitas: ergo, &c.

Dices tamen contra hoc: Superior vel Magistratus non æqualiter distribuens bona Communivitatis inter cives, peccat contra justitiam distributivam duntaxat, & tamen obligatur ad restitutionem. Rursus 2. qui quempiam impedit à consecutione alicujus beneficii, non peccat contra justitiam commutativam, & tamen tenetur ad restitutionem: ergo falsum est, hanc obligationem oriri ex læsione solius justitiæ commutativæ.

6 R. ad primum cum distinctione. Superior vel Magistratus &c. peccat contra justitiam distributivam duntaxat &c. si ci-

ves in illa bona nondum habuere jus quæsitum, concedo si supponatur jam habuisse jus quæsitum, nego ant. cum conf. Itaque sciendum, & bene animadvertendum est hoc loco, reperiri bona Communivitatis in duplici differentia; nam alia sunt, quorum distributio pendet quasi ex solo arbitrio Superioris, veluti sunt quedam officia publica v. g. Medici, Consulis &c. ad quæ nullus habet jus quæsitum, proindeque si Princeps, Superior, aut Magistratus hujusmodi officia inæqualiter distribuat, ut puta conferendo, minus digno, prætermisso digniori, huic ad nullam tenetur restitutionem; quia solam justitiam distributivam læsit. Alia autem dantur bona singulis ex Communitate membris debita, & destinata, ita, ut ante distributionem singuli iam habeant jus quæsitum; ut si aliquis Benefactor legando destinet v. g. sylvam aliquam eo pacto, ut singuli cives singulis annis certam aliquam portionem lignorum seu asserum inde percipiant; vel si leget mille aureos, eo fine, ut ex eorum censu annuo certæ quedam Virgines, aut studiosi pauperes annuatim juxta cujusvis merita vel inopiam certam portionem recipiant &c. quo casu Superior inæqualiter distribuens peccat nedum contra justitiam distributivam, sed etiam contra commutativam, cujus ratio est hæc: quia, cum talis Benefactor, & fundator æquam portionem servari voluerit, perinde est, ac si singulis certam pecuniæ summam assignasset, veluti rectè observat Mastrius *Theol. mor. disp. 7. q. 1. r. 9. fin.* Ad alterum similiter dicendum, eum, qui aliquem à consecutione alicujus beneficii impedit sine dolo vel fraude, non teneri ad restitutionem, quia supponitur, quod ille alter, nondum habuerit jus quæsitum respectu, illius beneficii: at verò si vi, dolo vel fraude illum impediat, utique obligabitur, quia delinquit contra justitiam commutativam: esto enim talis nondum supponatur habuisse jus strictum ad hujusmodi beneficium, habuit tamen jus strictum contra quemcunque, ne per vim vel fraudem impediat à consecutione talis beneficii, prout amplius constabit ex dicendis infra *cap. 4. à num. 96.* Vide etiam de hoc Felix Potestas *tom. primo part. 2. numer.*

2355. vel Babenstuber *tratt. 7. disp. 4. a. 1. num. 3. in fine.*

Quæres Quartò, sitne præceptum restitutionis affirmativum, vel verò negativum?

7 Resp. Est principaliter affirmativum. Ita contra Mastrium cit. Lessius, Sporer, Poncius, Herincx, & alii plures. Ratio est: quia illud præceptum censetur affirmativum, quo intenditur positio alicujus actus: atqui hoc præcepto intenditur positio alicujus actus, scilicet restitutionis; quippe quo solo reparatur, damnum, & obtinetur æqualitas inter partes læsas: ergo &c.

8 Dixi tamen: *principaliter affirmativum*; negari enim minime potest, quin saltem secundariò, implicite, & minùs principaliter sit negativum, utpote fundamentum in illo septimo præcepto decalogi: *non furtum facies*: enim verò hoc ipso, quòd jubeamur reddere alienum, implicite, & virtualiter jubemur illud non retinere: ergo hoc præceptum est virtualiter, & implicite negativum; & hoc ipso juxta naturam præceptorum negativorum obligat semper ac pro semper sub ea ratione, qua negativum est, scilicet in tantum, ut non retineamus alienum *rationaliter invito Domino*. Babenstuber cit. *disp. 4. a. 1. n. 7. Lugo tom. 1. de just. disput. 8. Sect. 2. num. 19.*

Quæres 5. an, vel quomodo restitutio sit necessaria ad salutem?

9 R. Est necessaria, non quidem simpliciter, seu (ut aliiloquuntur) necessitate mediæ, quasi verò sine illa etiam inculpabiliter non facta salus æterna neutiquam posset obtineri: sed est necessaria necessitate præcepti duntaxat. Ratio prioris est: quia restitutio non est ad salutem necessaria per modum mediæ collativi gratiæ, sed potius ut per eam cessetur à peccato, & hoc evitetur; quo modo necessaria etiam est ad salutem observantia aliorum præceptorum; quam ob rem omnes admittunt, ab hoc onere excusare ignorantiam, & impotentiam restituendi, prout inferius videbimus: ergo dici non potest, esse necessariam necessitate mediæ. Ratio autem posterioris, quòd scilicet necessaria sit necessitate præcepti, passim colligitur tum

ex Scriptura ad Rom. 13. *Reddite omnibus debita &c.* item Tobia 2. *videte, ne fortè furtivus sit hæc domus: reddite eum dominis suis, quia non licet nobis aut edere ex furto aliquid, aut contingere*; tum ex eo etiam, quòd conservatio justitiæ sit necessaria ad salutem, quippe qua in materia gravi læsa conservari nequit status gratiæ; atqui justitia conservari nequit absque restitutione rei ablatæ: ergo &c. Unde illud notissimum Sancti Augustini effatum *epist. 25. ad Macedonium*, relatum c. 1. 14. q. 6. *Si res aliena, propter quam peccatum est, reddi possit, & non reddatur, penitentia non agitur, sed fingitur. Si autem veraciter agitur, non remittitur peccatum, nisi restituatur ablatum, si restitui possit, ut dictum est.*

§. II.

Proponuntur, & breviter resolvuntur Casus practici, de restitutionis natura, & necessitate.

CASUS PRIMUS.

Titius ingentem vini quantitatem transportari curavit ex Aethiopia occasione navali; ne verò nimiam vedigalium summam proptereaolvere cogeretur, hinc cuidam, vedigalium Prasæcto aliquot urnas vini per modum regalis, vel potius Schmirbalis (ut vocant) gratis obtulit, animo illum inducendi, ut dissimulata exactiori inquisitione acceptaret vedigal pro cetera vini quantitate, obiter quæsi computata; quo factum, ut Titius feliciter evaserit præfatum onus, non solvendo vedigal pro quinquaginta circiter urnis. Jam dubitare licet 1. an, vel quomodo deliquerit? 2. an teneatur ipse, vel etiam Prasæctus vedigalium ad aliquam restitutionem?

10 R. ad primum. Probabiliter nedum Titius, sed etiam Prasæctus peccavit contra justitiam. Ratio est: quia vedigalia, iusto titulo imposita, ex justitia commutativa præstari debent; cùm enim Princeps vel Magistratus serviat Reipublicæ, jure merito ab eadem prætereendere possunt ea, quæ sibi sunt necessaria, tum ad propriam sustentationem, tum etiam ad portanda alia

alia plura onera publica, utputa ad reparandas & conservandas vias publicas, flumina, pōtes &c. atque vectigalia ab Imperatore, aliisque Principibus præsumi debent jūste imposita: ergo non solus Titius, indicendo Præfectum, verum etiam ipse Præfectus ad hujusmodi dissimulationem indutus, per se loquendo peccavit contra justitiam: fortassis etiam contra juramentum fidelitatis, quod hujusmodi Officiales officium aggressuri communiter præstare debent, & solent. Videatur Lessius l. 2. c. 33. dubit. 8. num. 56. La Croix l. 3. p. 2. num. 269. Pro praxi tamen Confessarius interrogare debet hujusmodi pœnitentem, qua conscientia tunc temporis processerit? & an non putaverit se graviter peccare?

11 R. jam ad secundum. Supposita semper justitia Gabellæ, primariò quidem Titius; secundariò autem, & in defectum illius Præfectus teneretur ad restitutionem defraudati, ob rationem jam datam. Nec dubitandum, quin in foro externo deprehensi, nedum ad hanc summam, verum etiam ad multò majorem multam condemnarentur. Nihilominus cum multi Doctores dubitent, immò negent, leges tributorum & vectigalium obligare in conscientia ad actum, præsertim quando non exiguntur à Præfectis; Insuper cum multi viri sapientes dubitent prudenter, an tributa & vectigalia in tanta quantitate (ut hodie fieri experimur) jūste exigantur (constat enim, quòd intra spatium unius sæculi memoratum vectigal in singulas urnas vini ad minùs tribus florentis alicubi sit auctum) hinc ego cum Molina Lugo, Marchantio rom. 3. p. 3. tr. 2. tit. 6. q. 5. Sporer tract. 5. in decalog. c. 5. num. 156. La Croix l. cit. numer. 282. & aliis sapientibus viris existimo, hujusmodi pœnitentem ex post facto non esse facile condemnandum à Confessario ad restitutionem; tamen si ante factum omnimodis inducendi sint & persuadendi ad exactam solutionem. Vid. Mastrius Theolog. Mor. disp. 6. n. 19. Herincx part. 3. disp. 7. n. 83.

Dices. Princeps mihi aliquot millia debet, de quibus ne unum quidem ampliùs florentum sperare licet: habere tamen com-

Elbel Theol. P. IV.

modam occasionem aliquando subtrahendi vectigalia, & occultè compensandi debitum, sit minùs ex toto, saltem ex parte: an licitè hoc faciam?

12 Resp. Ne dubites de hoc pro foro conscientie. Ratio est: quia ubi debitum est certum, & solutio illius alia via recuperari non valet, ibi datur locus occultæ compensationi, juxta communissimam DD. quam etiam tenent Laym. l. 3. tract. 3. p. 1. c. 1. nu. 9. Molina disp. 691. Navarrus, Lopez &c. ergo si tuum debitum sit certum, illudque alia via recuperare non vales, tunc conscientia illud, etiam privata, & propria auctoritate compensabis.

At verò (inquis) Princeps vectigalia sua elocavit alteri, qui mihi nihil debet.

13 R. Hoc non obstante licitè uteris tacita compensatione. Ratio est: quia conductor non habet in te majus jus, quàm habuit Princeps; quippe qui plus non potuit conferre in illum elocando vectigalia: ergo cum ratione debiti jus Principis respectu tui fuerit elisum in tantum, ut illud tacita compensatione potueris subtrahere, etiam non obstante hujusmodi elocatione jūste uteris hoc tuo jure. Et certè hujusmodi Redemptores vectigalium vix unquam patientur damnum; quandoquidem ob plurimas subditorum fraudes, quas ipsimet norunt intervenire, longè minoris ea redimant, quàm valerent; proptereaque in ipso contractu censentur esse parati ad subeundas hujusmodi subtractiones uti rectè notarunt Lessius l. 2. c. 33. dubit. 10. n. 75. Sylvest. Verbo Gabella, Petrus Navarra, Herincx cit. disp. 7. n. 82.

CASUS SECUNDUS.

Sempronius feripeta contra prohibitionem Principis non paucos cervos ac, cervas, capras, capreolosque globo traiecit: qui tandem à Venatoribus deprehensus, captus, & ad satis ambulam; pecuniæ summam coactus fuit. Jam verò à vinculis absolutus sciscitatur à Confessario 1. an feripeta peccent jaculando feras? secundò an sibi non liceat deinceps jaculari feras, rousque saltem, KK dum

dum multam hanc pecuniariam tacite compersaverit? Quid respondendum?

14 R. Ad primum. Si Princeps iuste prohibuit venationem (veluti regulariter loquendo supponi debet) Sempronius, & quicumque alius seripeta peccat contra iustitiam. Ratio est: quia non solum agunt contra iustam prohibitionem (ratione cuius inobedientiae iuste puniri possunt) sed etiam contra jus venandi, quod (ut supponitur) in tali loco soli Principi competit. Ex quo liquet, nedum sinistram, sed, & iniquam esse persuasionem illorum, qui credunt, huiusmodi venationem vacare omni culpa; etenim prae-terquam quod huiusmodi seripetae laedant jus Principis, insuper se (fortassis etiam uxorem, prolesque suas) exponunt evidenti periculo damnorum gravissimorum, sive in aere, sive etiam in cute luendum. Accedit, quod tales saepe saepius sese exponant periculo vitae vel propriae, vel alienae, scilicet vel occidendi Venatores insidiantes, vel ab iisdem subeundae mortis, uti iam saepius quam patet, evenit.

15 R. 2. Non amplius fas est Sempronio jaculando petere feras sub schemmate tacitae compensationis. Ratio desumitur, partim ex eo, quod iusto praeccepto Superioris, itemque sententiae iustae Iudicis, non innixae falsae praesumptioni facti particularis, teneamur etiam in foro conscientiae acquiescere, & nos accommodare: Sententia autem Principis, ejusdemque praecceptum iustum est: ergo, partim etiam ex eo, quod tacitae compensationi locus non datur, nisi debitum sit certum, & liquidum: at minimè certum, immò verò ne quidem probabile est, Principem aliquid debere Sempronio ob multam iuste impositam: ergo &c. Unde is protinus venando feras, nedum laederet jus Principis, sed insuper se, suosque exponeret evidenti periculo gravioris damni, & multae: ergo à Confessario omnimodis dehortandus est. Vide Reiffensuel *Theol. mor. tr. 7. disp. 5. n. 16. Illung tr. 4. disp. 3. num. 173. La Croix l. 3. p. 1. n. 962.*

Dices Ergo ne Sempronius obligatur ad restitutionem pro feris haecenus iniuste captis, aut occisis?

16 R. Nec Sempronius, neque alii inde participantes, quibus forte praefatas feras vendidit, tenentur ad restitutionem pro ipsis feris: 2. si tamen Sempronius venando Principi intulit grave damnum ex eo, quod tam multa animalia occidendo, sobolem ferinam notabiliter extinxisset (unam enim vel alteram feram dantaxat capere aut occidere, regulariter loquendo non reputatur grave damnum, nec graviter peccaminosum, nisi forsitan quis, ex officio, & ob datum Salarium obstructus esset, feras talis sylvae ejusdem domino restituere; ait rectè Reiffensuel. *loc. prox. cit.*) aut ob venationis frequentiam feras fugasset &c. teneretur rescarcire huiusmodi damnum, arbitrio viri prudentis, & rem intelligentis dimetiendum. Ratio prioris est hæc: quia Princeps in ipsas feras sylvestres, utpote adhuc vagabundas, & naturali libertate gaudentes, nullum habuit dominium: ergo cessare in dominium Sempronii primò capientis, seu occupantis. Ratio autem posterioris desumitur à contraria: quia secundum dicta Princeps supponitur habuere jus strictum ne eas venandi, utpote sibi proprium, ab alio laedatur modò jam dicto; consequenter si Sempronius graviter læsit jus Principis (de quo vix dubitandum; quandoquidem fertur tam multas occidisse feras) tenetur ad compensationem damni. Minimè tamen ambigo, quin damna à se illata jam satis compensaverit per multam persolutam; cum iustitia vindictiva non solum attendat æqualitatem, sed insuper delicti quantitatem, & qualitatem; quam ob rem seripetae plerumque satis rigorose tractari solent, uti exempla monstrant.

17 Dictum tamen fuit, Sempronium non teneri ad restitutionem pro ipsis feris vagabundis, & libertate naturali adhuc gaudentibus; Secus quippe dicendum foret, si alias feras jamjam conclusas, vel omnino cicuratas fuisset jaculatus, uti cum communissima D. D. tenet Sporer, & Reiffensuel ubi supra *disp. 5. n. 20.* eò ipso enim, quod huiusmodi animalia supponantur jam capta, & inclusa, vel cicurata, jam substant à stricto dominio includentis, consequenter ea auferens infert veram injuriam

fariam Domino, cum obligatione restituendi, saltem per se loquendo; etsi plerumque hujusmodi homines pauperuli ob inopiam, & moralem impotentiam per accidens excuserentur ab isto opere, quo casu tamen à Confessario seriose admonendi, & dehortandi, sunt.

Dices Adhuc: At ego tantam patior infestationem ab istis feris (cervis scilicet) ut profectò opus esset, diu noctuque vigilare, & ejulare ad eas abigendas & fugandas: quin, & nuperrimè agrum domni meæ vicinum depasta fuit fera quædam pessima, quam propterea in vindictam criminis globulo trajeci: ergone, propterea malè egi, vel ad nullam restitutionem condemnandus sum?

18 Resp. In foro interno nequitiam te condemno, mi bone Vir, quin potius, compatior tuæ miseriæ, etenim hand ignoro, quoddam etiam contra hominem te injustè invadentem justæ defensionis cum inculpata tutela locus sit, præsertim si toties te invaderet, ut te, tuæque servanda, quasi diu noctuque armatus stare cogeretur. Idcirco P. Vega in Sua Summa *part. 1. cap. 39. casu 4.* cum Corduva, Lopez, & Navarra rectè. resolvit, Principes graviter peccare, & ad restitutionem damnorum teneri, si per abundantiam ferarum subditos suos ita premi sinant, ut quasi diu noctuque vigilare, agrosque suos custodire cogantur, quin tamen eos servare valeant incolumes; quia Principes tuto, conscientia non possunt suos subditos nimium gravare, multo minùs eorum bona auferre, aut destruere, nisi id exigat bonum publicum, vel necessitas publica: at hæc certè non exigit tantam ferarum, abundantiam: ergo &c. Facile etiam credo mi bone Vir, damnum ex incurfu ferarum tibi imminens longè majus, & intolerabilius videri, quàm illud, quod ex simili justa defensione Principi imminet, contra s'm jus venandi, proptereaque in his circumstantiis quas enarraſti, pro hoc foro conscientia: ego cum Covarruvia, Medina, Lessio *cir. lib. secund. cap. 5. dubit. 9. num. 45.* te absolvo ab omni culpa, & poena: at verò an te scripente deprehensum in foro externo Juxta tam

facile sit absoluturus, dubito. Tu vide-
ris,

CASUS TERTIUS.

Cajus multis liberis, nec paucioribus, debilis gravatus, totus quasi desperabundus, venit ad Titium opitulum suum amicum, humiliter rogans, quatenus in tantis pressuris vellet sibi succurrere, & ad minus centum florenos creditò dare, quibus partim liberorum suorum necessitatibus prospiceret, partim etiam ab importunissima creditorum suorum vexa se redimeret. Verùm Titius timore perdendi suam, pecuniam petittum Caji absolute recusavit: quam ob rem ipse eggressus Ecclesiam, unum alterumque calicem cum Ciborio abstulit, vendiditque: sed paulo post deprehensus ac confessus, capite plexus fuit. Querit jam Titius 1. an hæc mala sibi habeat imputare? 2. autentetur rescirere damna, tum Ecclesie, tum aliis Creditoribus, tum denique Uxorì ac liberis Caji inde secutis? Quid respondendum?

19 R. Ad primum, Titio præfata mala, & damna nequitiam imputanda esse. Ratio est: quia nec existit illorum, causa physica, ut de se patet, neque moralis; esto enim ex charitate fuisset obligatus ad dandum commodatò centum florenos (nisi rationabiliter eorum amissionem providisset) hæc tamen denegatio nec Creditoribus extorſit pecuniam, nec Cajum coegit ad furandum calices ac Ciborium, nec denique Judicem compulſit, ad condemnandum Capitis, sed hæc, omnia merè per accidens, & præter intentionem Titii forsitan contigerunt ad quæ impedienda is nulla lege fuit adstrictus, præsertim cum sine periculo amittendi pecuniam suam commodare ei nequiverit: ergo Titio nullatenus imputanda veniunt præfata damna. Profectò nec ullus Juxta in'tm propterea condemnaret alicujus culpæ. Ex quo ulterius

20 R. jam ad secundum quæsitum. Titius nullum prorsus damnum rescirere tenetur. Ratio est: quia juxta unanimem Doctorum Sententiam obligatio restituendi oritur ex læsione solius justitiæ com-

mutativæ, non verò ex læsione aliarum virtutum v. g. charitatis, pietatis, misericordiae &c. atqui Titius negando centum florenos Cajò postulanti, non læsit justitiam commutativam, fortè nec charitatem: ergo &c. Et certè nullus monstrari potest titulus, ex quo Titius ad talem, compensationem teneretur; non enim ex re accepta, aut injusta acceptione, cùm nihil prorsus acceperit; neque ex injusta damnificatione, quippe qui nullum damnificavit; nec denique ex aliquo contractu, aut positiva lege, veluti liquet ex specie facti, hæcenus enarrata: ergo, &c.

Dices. Atquid, si supponamus Titium fuisse debitorem Cajì, huncque ex negatione debiti in desperationem actum, attentasse furtum Sacrilegum?

21 Resp. Esto etiam hoc supponatur: esto insuper Titius prævidisset, Cajum ex denegatione debiti justè prætensi, actum iri in omnimodam desperationem, & furaturum, nihilominus ab onere, compensandi præfata damna absolvendus esset, idque hac ratione; quia negatio solutionis debiti non fuit per se, causa furti Sacrilegi, neque mortis subsecutæ, quippe qua stante, & non obstante Cajus potuisset, ac debuisset non furari, nec Titius supponitur aliunde, fuisse obligatus ex justitia ad impedienda hujusmodi damna: ergo licet negando solutionem debiti deliquerit contra justitiam commutativam, minimè tamen condemnandus est ad compensanda illa, damna merùm per accidens, & contingenter inde subsecuta: sed solum ad ea, quæ ex negatione debiti per se fuissent subsecuta, utputa si Cajus propterea, fuisset passus aliquod lucrum cessans, aut damnum emergens, veluti ampliùs patebit ex dicendis infra C. tertio à num. 67. Vide etiam *traktat. quart. capit. secundo num. 55.*

§. III.

Corollaria ex dictis inferenda.

22 **C**olliges ex hæcenus dictis primò, obligationem restituendi,

non oriri ex omni, aut quavis actione injuriosa. Ratio est: quia non ex omni actione justitiæ opposita alteri aufertur id, quod jam suum erat, veluti patet ex læsione justitiæ distributivæ, vel legalis præcisè talis: Quin etiam si quis lædat justitiam commutativam, sed sine damno alterius, ut si quis cum Uxore Titii committat adulterium merè occultum, nulla etiam prole inde suscepta, non tenetur ad restitutionem, sed solum ad satisfactionem, id est, ad amicam reconciliationem cum offenso, exhibendo eidem speciale obsequium, vel petendo veniam, &c. Ratio autem est: quia restitutio strictè, & propriè accepta significat reparationem damni, alteri in rebus suis illati: ergo is, qui alteri nullum damnum effectivè infert, non tenetur ad restitutionem. Ex quo liquet, restitutionem differre à Satisfactione, quia hæc consistit in amica reconciliatione, illa autem in damni illati, compensatione: unde fit, quod Deo, quidem satisfacere, nihil tamen restituere valeamus. Vide Babenstuber ubi supra *disputat. quart. à 1. numer. quarto, Layman lib. 4. tractat. 2. cap. 1. num. 3. Sporer tr. 4. cap. 1. num. 12.*

23 Colliges secundò, Prælatum, qui confert beneficium non curatum digno, prætermisso digniori; peccare quidem, contra justitiam, & quidem graviter, non tamen teneri ad restitutionem. Ratio est: quia lædit solam justitiam distributivam. At verò si instituto concursu, relicto digniori confert beneficium curatum digno, peccat graviter, & tenetur insuper ad restitutionem. Ratio est: quia hoc modo lædit justitiam commutativam; eo ipso enim, quod, concursum instituat, facit contrarium, quendam innominatum, *dauidi scilicet, beneficium illi, qui inventus fuerit ceteris dignior*: ergo Clericus ad examen accedens, & suo competitori (omnibus pensatis) prævalens, acquirit jus strictum ad tale beneficium, pro quo tam strenuè decertavit. Vide de hoc Felix Porettas *10. 1. par. 2. num. 2660.*

24 Colliges Tertiò obligationem restitutionis non contrahi, nisi jns alterius per

per actionem externam injustam lædatur. Ratio facilis est: quia nisi actio injusta exterior intercedat, jus alterius effectivè nunquam lædatur, nec fiet inæqualitas inter partes: at, hoc ipso nulla opus est restitutione. Unde qui anserit pecuniam, vel vestem, quam putat alienam, postea autem agnoscit, non esse alienam, sed suam, etsi in affectu interno graviter forsitan deliquerit, ad nullam tamen restitutionem adstringitur, ob rationem mox datam Felix Potestas. *l. cit.* 2664. Sporer *e. 2. n. 36* & alii *DD. communiter*.

25 Colliges quartò, Quòd, esto injusta rei alienæ detentio non sit peccatum distinctum ab injusta illius ablatione; nam injusta detentio censetur continuata ablatio, & utraque opponitur eidem formaliter præcepto; nihilominus satendum sit, tantò amplius aggravari peccatum, quanto diutius voluntariè retinetur res aliena; quia detinendo semper continuatur peccatum, immò verò etiam augetur secundum intrinsicam rationem injustitiæ, si ex tali detentione major molestia, aut damnum proximo accrescat; uti rectè docent Lessius *de justit. l. 2. capit. 12. dubit. 3. & 4.* Layman. *lib. 3. tract. 2. capit. 2. numer. 3. in fine.* Vasquez, & alii plures.

26 Colliges quintò, inanem esse illam quorundam de plebe persuasionem, qua credunt, restitutionem ad salutem ita esse necessariam, ut anima defuncti tantum diu detineatur in purgatorio, donec Hæres loco ipsius restituat. Ita Theologi communiter, teste Dicastillo apud Joseph. Voëler *de restit. in gen. quest. 3. numer. 39.* & Babenstuber *tract. 7. d. 4. a 1. numer. 10.* Ratio est: quia vel defunctus in vivis fecit, quantum potuit, aut certe, quantum debuit sub peccato pravi ad implendum hoc præceptum restituendi, vel non fecit? si hoc posterius; profectò non in purgatorio, sed in ipso inferno erit, privatus omni spe redemptionis. Si prius; æquitati non foret consentaneum, enim tantum cruciari in purgatorio, quamdiu hæres ex sua culpa non restituit; & certe si hæres nunquam restitueret, talis anima deberet cruciari in purgatorio per totam æternitatem; quod tamen in-

conveniens & absurdum esse, nemo prudentum non videt.

Dices: Constat ex pluribus historiis fide dignis, hujusmodi animas post mortem apparuisse viventibus, & monuisse hæredes vel alios, ad faciendam suo nomine restitutionem, quatenus è purgatorii flammis liberarentur.

27 R. cum P. Babenstuber *cit. numer. 11.* hoc argumento plus non evinci, quam animabus sæpissimè prodesse restitutionem, ut citius liberentur: quod omnino concedendum est; nam talis restitutio sæpe fit à viventibus velut opus satisfactorium, vel etiam ex affectu commiserationis, quæ instar orationis juvat ad impetrandam mitigationem, vel etiam abbreviationem pœnarum; vel denique, quia illi, quibus restitutio fit, aut elemosyna præbetur, excitari solent ad suffragia pro defuncto &c.

CONFERENTIA

SECUNDA.

De Mensura restitutionis in genere, nec non de restitutione debita ex delicto materiali à Possessore bonæ, vel etiam dubiæ fidei.

SUMMARIUM.

- 28 Generaliter loquendo id, & tantum est restituendum, quod, & quantum ablatum, vel damno datum fuit.
- 29 Per accidens tamen subinde quis excusari potest.
- 30 Quisnam censendus sit possessor bonæ, & quis dubiæ fidei.
- 31 Mensura restituendi ex delicto materiali à possessore bonæ fidei est quantitas rei possessæ.
- 32 Nemo tenetur restituere, nisi certò agnoscat rem esse alienam.
- 33 Fructus ex re aliena percipi soliti, multipliciter recensentur.
- 34 Possessor bonæ fidei non tenetur restituere.

KK 3

tuc-

tuere fructus merè industriales, bene verò naturales & mixtos.

- 35 Detrahitur tamen expensis, & melioramentis tum necessariis, tum etiam utilibus.
- 36 Quantum temporis sit necessarium ad præscriptionem rei alienæ.
- 37 Quid possessori agendum, ubi incipit dubitare, an non possideat alienum.
- 38 Possessor bonæ fidei licitè rem restituit furi, si pretium pro ea expensum alia via recuperare non valeat.
- 39 Idipsum multi DD. permittunt possessori malæ fidei;
- 40 Modò post veritatem agnitam rem illam non diu detineat.
- 41 Resolvitur Casus I. de quodam clive Augustano, qui tempore belli Bavarici militiam suppellestem Bavaris ereptam à militibus Cæsareis exiguo pretio emit;
- 42 Unde non ampliùs tenebatur restituere eam, quæ personis laicalibus; bene verò illam, quæ Ecclesiis, vel personis ecclesiasticis fuerat erepta.
- 43 Eßo etiam hanc licitè potuerit emere, animo illam denuo suis Dominis postea fortè comparituris restituendi.
- 44 Et quid, si res illa iniuste fuissent ablata Bavaris.
- 45 Quando milites prædam iuste partam hostibus denuo eripiunt, eamque in loco tuto reponunt, jure Cæsareo sunt Domini rerum mobilium;
- 46 Non item rerum immobilium, nec earum, quæ gaudent privilegio possilimitatis.
- 47 Resolvitur Casus II. cujusdam Aurisabri, qui bona fide emerat quandam massam argenti, & calicem ex ea confectum vendidit eidem Monasterio, cui argentum erat subtrahendum.
- 48 An propterea teneatur aliquid restituere huic Monasterio.
- 49 Et undenam colligendum, quidd possessor ex re aliena factus sit ditior.
- 50 Resolvitur Casus III. cujusdam, qui bona fide quadriennio possederat fundum alienum;
- 51 Hinc probabiliter non tenetur restituere fructus bona fide consumptos, etsi ex illis fuerit factus ditior;

52 Bene tamen illos, quos percepit post illis contestationem.

53 Cuiuslibet Domino competis potestas rem suam, ubicunque demum existat, evincendi.

54 Quintimo Possessor, etiam bonæ fidei, tenetur eam propria sponte restituere legitimo Domino, saltem per se loquendo.

55 Et quid fialis v.g. ob ruditatem non agnoscens obligationem suam, eam absumas.

56 Qui rem alienam bona fide emit, eodemque pretio rursus vendidit, ad nihil tenetur: & quid, si majus lucrum inde capisset.

57 Possessor bonæ fidei, quantum valeat prætereundere intuitu melioramentorum.

58 Qui rem alienam omnino gratis accepit à fure tenetur eandem immediatè restituere Domino, & non furi.

59 Qui post ortum dubium, an res quam possidet non sit aliena? culpabiliter non inquiri veritatem tenetur postea Domino restituere nedum rem ipsam, sed etiam fructus à tempore dubii exorti inde perceptos.

60 Et quid, si talis possessor modò in bona, modò autem in mala fide existit.

§. I.

Præmittantur, & breviter resolvuntur Quæsitæ, scien necessaria ad debitè resolvendos Casus de restitutione faciendæ à possessore bonæ fidei, seu ex delicto materiali.

Queres primò, quantum generaliter loquendo sit restituendum?

28 R. Generatim id & tantum restituendum est, quod & quantum ablatum, vel damno datum est. Hanc velut generalem regulam restitutionis, ex communi DD. tradit noster P. Sporer tr. 4. in decal. c. 2. n. 56. Ratio hujus est facilis: quia restitutio est actus justitiæ commutativæ, vi cuius reparari debet ius læsum, & introduci æqualitas: atqui hæc æqualitas obtinetur ex eo, quod restituatur id, & tantum, quantum ablatum: aut damno datum fuit: ergo, saltem per se loquendo id & tantum est restituendum &c.

29 Dixi: saltem per se loquendo; quando enim

enim possessor bonæ fidei rem ablatam non ampliùs habet, vel saltem non in toto, quasi per accidens deobligatur ab hoc onere, veluti habetur *l. item veniunt §. præter hæc. ff. de petitione hæreditatis*. Abbas *in c. gravis. n. 6. de rest. spoliat.* & Layman *l. 3. tr. 2. c. 3. nu. 1.* idque ampliùs patebit ex dicendis hac conferentia.

Quæres secundò, quisnam dicendus sit possessor bonæ, & quis possessor dubiæ fidei?

30 R. Ille est possessor bonæ fidei, qui rem ita possidet, ut putet, esse suam, aut certè ignoret esse alienam, utputa quia illam acquisivit ex aliquo titulo de se translativo domini v. g. hæreditatis, legationis, donationis, aut emptionis &c. Sporer *cit. tr. 4. c. 2. n. 87.* Reiffenstuel *Theol. mor. tr. 7. dist. 3. n. 20.* Babenstuber *tr. 7. disp. 4. art. 2. n. 2.* ubi rectè ait, dubiæ fidei possessorem illum esse, qui nec habet rationem saltem probabilem existimandi rem esse suam, nec existimandi, esse alienam; uno verbo: qui suspendit iudicium de hoc, sine res quam possidet, sua, vel verò aliena.

Quæres tertio, quænam sit mensura restitutionis ex delicto materiali, seu quantum possessor bonæ fidei teneatur restituere?

31 R. Mensura restitutionis ex delicto materiali est *quantitas rei possessæ* sive in natura, sive in emolumento, ita scilicet, ut possessor bonæ fidei, posteaquam certò scit, rem esse alienam, teneatur restituere tantum, quantum de re aliena adhuc possidet, sive in natura, sive in fructu, vel alio emolumento, utputa quia inde factus est ditior &c. Communis DD. S. Thom. 2. 2. q. 62. a. 6. Scotus 4. dist. 15. q. 2. Ratio fundamentalis hæc est: quia non licet scienter retinere rem alienam, Domino rationabiliter invito: at, nisi talis possessor restitueret, utique illam scienter retineret; quia supponitur jam certò agnoscere, rem esse alienam: ergo &c. Quia tamen nullo alio titulo, quàm rei alienæ possessæ tenetur ad restitutionem; hinc nequit obligari ad restituendum plus, quàm adhuc actu possidet, sive in natura, sive in emolumento &c. qua ratione *l. item veniunt* proximè citata, rectè dicitur: *eos autem, qui iustas causas habuissent, quare bona (hæreditatis) ad se pertinere exi-*

stimassent, usque eo duntaxat, quò locupletiores ex ea re facti essent, condemnandos.

32 Dixi etiam: *posteaquam certò scit &c.* Etenim si dubitet solum, an res fortè non sit aliena, & adhibita morali diligentia, gravitati rei proportionata, dubium illud vincere non possit, rem licitè sibi retinet, vel consumit. Ratio est: quia in dubio melior est conditio possidentis. Idem est tenendum de eo, qui probabiliter quidem, vel omnino probabilius existimat rem esse alienam, similque verè probabiliter putat esse suam; tunc enim prudenter iudicat, rem esse suam, adeoque licitè non restituit vel absumit, patrocinante sibi titulo possessionis. Babenstuber *cit. l. 2. a. 2. nu. 4. ex communi.*

Quæres quartò, an Possessor bonæ fidei teneatur etiam restituere fructus ex re aliena perceptos, & quos?

33 Ante responsionem animadvertendum est, hujuscemodi fructus à Theologis communiter distingui in naturales, industriales, & mixtos. Naturales appellantur, quos res vel natura ex se ipsa producit, nullo, vel vix ullo hominum labore aut industria interveniente, veluti sunt foetus animalium, poma arborum, herbæ, & gramina. Industriales dicuntur illi, quos res ex se nullatenus progignit, sed ex solo labore atque industria illius, qui tali re utitur, proficiuntur; uti est quæstus vel lucrum, quod quis capit ex negotiatione cum pecunia, v. g. emendo vili pretio, occasione temporis aut loci: pecunia enim est res stérilis, ac proinde hujuscemodi quæstus non pecuniæ, sed industriæ ea utentis est adscribendus. Mixti fructus vocantur, qui partim ex ipsa re seu natura, partim etiam ex humana industria proveniunt, ut sunt Segetes agrorum, & alia hujusmodi, quæ ferendo gignuntur. His supersaddi meritò possunt fructus civiles, hoc est, tales, qui ex jure & obligatione alterius oriuntur, ut sunt certæ pensiones v. g. pro elocatione domus &c. Denique alii ex memoratis fructibus dicuntur pendentes, alii percepti, alii percipiendi. Pendentes sunt, qui nondum à solo & re fructificante separati existunt; ut poma adhuc in arboribus, frumenta & segetes adhuc solo adhærentes.

Percepti sunt, qui vel jam reconditi in horreis, vel saltem jam sunt collecti, ut recondantur. Percipiendi vocantur, qui percipi quidem potuerunt, revera tamen non sunt percepti. Hoc supposito.

34 R. ad questum 1. Possessor bonæ fidei non tenetur restituere fructus merè industriales, bene tamen 2. naturales & mixtos, si adhuc existant, & necdum præscripti sint. Ita DD. communissimè Scotus 4. *dist. 15. q. 2. a. 2.* L. ymn ubi supra *tr. 2. cap. 3.* La Croix, Sporer &c. Ratio prioris est: quia fructus merè industriales sunt lucra, non rem alienam, sed propriam industriam sequentia: ergo quemadmodum quilibet est Dominus propriæ suæ industriæ, ita & talis lucri. Ex quo palam sequitur, eum, qui cum aliena pecunia, sive bona, sive etiam mala fide ludendo, lucratus est v. g. 100. non teneri restituere hoc lucrum, sed duntaxat alienam pecuniam. Ratio autem posterioris hæc datur: quia quævis res fructificans suo Domino fructificat: atqui fructus naturales, sicut & mixti sunt fructus ipsius rei, uti facile constabit perpendenti ea, quæ *num.* mox præcedenti diximus: ergo illius sunt, cujus est ipsa res. Unde rursus colliges, quod, si tu frumentum tuum in alieno agro seminasti, quantumvis bona, & fortassis optima fide, nihilominus segetem ex illo natam tonearis restituere illi, cujus est ager; quia non est fructus tuæ industriæ, sed potius agri seu fundi alieni; idque verum est, & manet semper, etsi Dominus ipse nullos ex suo agro collegisset fructus &c. &c.

35 Nihilominus velut possessor bonæ fidei jussit prætereundum poteris nedum expensas, quas ipse Dominus facere debuisset, ut puta pro agricultura, aut pro frumento seminato seu sparso; verùm etiam pro melioramentis necessariis & Domino utilibus; cujus ratio hæc est: quia non teneris restituere plus, quàm quod est alienum; atqui labor tuus, tuæ expensæ, vel etiam melioramenta &c. non sunt aliena, sed tua: ergo hæc omnia jure merito detrahare, & in utroque foro prætereundum potes; secus enim Dominus reciperet ultra id quod suum est, & hoc ipso teneretur ad restitutionem. Hac de causa l. *fructus ff. soluto matrimonio dicitur: fructus non intelliguntur, nisi dedu-*

dis impeditis. item l. fundus ff. familiae hereticumda, habetur: nullus casus intervenire potest, qui hoc genus deductionis (impendiorum scilicet in fructibus) impediat. Quo circa ulterius notandum hic venit, possessorem nentiquam teneri ad restitutionem illorum fructuum, quos jam præscripsit. Unde

Quæres quintò, quantum temporis spatium requiratur ad usucapiendos seu præscribendos fructus ex re aliena perceptos?

36 R. Requiritur triennium. Ratio est: quia sunt res mobiles: ad præscriptionem verò rerum mobilium cum titulo sufficit triennium, etsi ad præscribendas res immobiles requiratur longius tempus, scilicet, decennium inter præsentes, inter absentes autem spatium vigintianorum, uti latius diversis ex juribus probat Layman l. 3. *tr. 1. c. 8. nu. 13.* Ex quo rursus vides, fieri posse, ut possessor bonæ fidei titulo usucapionis acquirit dominium in fructus ex fundo alieno ante triennium collectos, non tamen in ipsum fundum, quippe ad quem, ceu rem immobilem, præscribendum jura requirunt majorem temporis tractum. Videatur Layman *loc. cit.* Sporer *na. 89.* aut Bartenhuber *tr. 7. disp. 4. a. 2. n. 35.*

Quæres sextò, quid possessori bonæ fidei agendum, ubi incipit dubitare, si nē res quam possidet sua, vel aliena?

37 R. Si dubitare incipiat ex levibus duntaxat motivis aut fundamentis, non tenetur indagare veritatem, aut contra seipsum instituere inquisitionem, quemadmodum nec Judex aut Superior ex hujusmodi levibus motivis ad inquisitionem procedere potest aut debet; merito proin hujusmodi dubium velut merum scrupulum continetur. At verò si motiva dudicandi sint gravi fundamentamento nitida, tunc tenetur diligentia morali & humana (quæ tantò debet esse major, quantò res est gravior, de qua dubitatur) inquirere; Secus enim exponeret se periculo graviter damnificandi alterum, & eo ipso evaderet possessor malæ fidei. Si tamen adhibita hujusmodi diligentia dubium vincere non potest in tantum, ut certò agnoscat rem esse alterius, tuta conscientia se resolvat, quòd ad nullam resti-

restitutionem teneatur, tamen omnibus pensatis probabilius videretur esse aliena. Ratio est: quia ut jam dictum fuit *n. 32.* possessio bona fide cœpta prævalet contra omnes rationes non convincentes, veluti latius ostendit P. Sporer. *c. 2. n. 93.* ubi de hoc fundatè discuitur. Potestque de eodem videri Sanchez *l. 1. mor. c. 10. nu. 9.* Lugo *disp. 17. Sect. 4.* Babenstuber *cit. disp. 4. a. 2. n. 36. & seq.*

38 Quæres septimò an possessori bonæ fidei liceat rem furtivam restituere furi, ad recuperandum suum pretium pro ea expensum, casu quo illud aliter recuperare non potest?

R. Affirmativè. Ita satis communiter Doctores; nominatim Dicastillo *l. 2. tr. 2. disp. 5. dubit. 4.* Lessius *de just. l. 2. c. 14. dubitat. 3.* Herincx *disp. 8. q. 4. nu. 77.* contra Laym. Molinam, & alios nonnullos. Ratio hujus nostræ opinionis hæc est: quia neque justitia, neque charitas hujusmodi possessorem in his circumstantiis obligat ad reddendum rem furtivam v. g. equum Domino immediatè, & non furi; justitia enim obligat duntaxat, ut alterum non damnificemus, utque eidem rem suam restituamus, quando id possumus sine gravi, vel æquali damno: at, hoc in nostro casu supponitur non posse fieri: neque verum est, quòd possessor rem furi restituendo, ponat in statu positivè deteriori, sed potius eum reponit in illum statum, quem priùs habuit. Charitas etiam, quæ, ut dicitur communiter, *incipit ab Ego*, suadet, ut in pari causa unusquisque suis potius rebus prospiciat & consulat, quàm alienis, quando id fieri potest medio aliquo licito: atqui rescissio contractus cum fure inita est medium licitum: ergo cùm possessor aliàs deberet subire æquale damnum amissione sui pretii, non est, cur à fure illud non possit repetere, eademque rem furtivam reddere. Et certè oppositum nulla ratione efficaciter evincitur, veluti latius ostendunt DD. citati, præsertim verò Herincx, Sporer à *n. 121.* & Babenstuber *art. 1. num. 16.* ubi AA. fundamenta everunt.

39 Major tamen controversia est inter Doctores utrùm id ipsum permittendum

sit possessori malæ fidei, utputa qui scienter rem emit à fure. Quocirca quidem potior pars respondet negativè; quia inquirunt) cùm talis rem alienam mala fide emerit, Domino rationabiliter utique invito; hinc non solo titulo rei acceptæ (sicut possessor bonæ fidei) sed etiam titulo injustæ acceptionis tenetur ad restitutionem, eamque vero Domino immediatè, & non furi faciendam, tamen ob id cogeretur subire jacturam sui pretii; secus enim Dominus maneret rationabiliter invitus. Hæc tamen non obstante sat multi graves Doctores, uti Lessius *cit. num. 21.* Lugo, Tamburinus, Diana, pluribusque allegatis Sporer *loc. cit. nu. 123.* probabile censent, hujusmodi rem, etiam à possessore malæ fidei, licitè restitui furi immediatè, casu quo is pretium suum aliter recuperare non posset. Ratio eadem hic videtur urgere: quia sibi quisque consulere potest præ altero.

Accedit, quòd etiam talis possessor, rescindendo contractum, & v. g. equum furi restituendo, non ponat illum in statu positivè deteriori, sed potius relinquit in eodem statu, quo priùs exstiterat; immò verò hoc ipso imponit furi obligationem naturalem, eum ulterius restituendi legitimo Domino. Quòd autem fortassis prævideat, eum ex malitia furis nunquam redditurum ad verum possessorem, est merè per accidens: nec censetur ad tale peccatum cooperari, sed potius permittivè se habere, quippe quod sine gravi suo damno impedire non potest. Et certè, si malæ fidei possessor hunc equum priùs furi abstulisset, postea autem animadverteret, se ex tali furto magnam incursum jacturam, procul dubio ad se indemnem servandum, eundem equum licitè reponeret in eo loco, ubi illum priùs invenit, scilicet apud furem: ergo idem licitè faciet ob eandem rationem, non obstante mala fide, qua priùs illum emerat; quibus de causis hanc sententiam iudico verè probabilem in praxi.

40 Illud tamen Doctores communissimè monent, tam possessorem malæ, quàm etiam bonæ fidei obligari ad illico restituendam hujusmodi rem furi, quamprimùm

mum agnoscit eam esse alienam, ita, ut si secus faciant, quis teneatur vero Domino compensare omne lucrum cessans, vel etiam omne damnum emergens ex tali culpabili detentione rei alienæ.

§. II.

Proponuntur, & breviter resolvuntur Casus practici de obligatione restituendi, incumbente Possessori bonæ fidei.

CASUS PRIMUS.

Titius civis Augustanus tempore belli Bavarici in castris Cæsareis à militibus multam suppellectilem, qua profanam, (utputa cantaros, orbes, leños, culcitra &c.) qua spirituales etiam (scilicet tintinnabula, cruces, candelabra, calicem &c.) miseræ Bavarorum genti tunc temporis eripiam respectivè vilissimo pretio coemerat. Tandem verò sedatis nonnihil fluctibus bellicis, conscientie stimulis adactus quæsit: 1. an tuta conscientia potuerit hujusmodi merces comparare? 2. an casu quo Domini illarum vellent denuo easdem recuperare, vel eodem pretio redimere, teneatur in conscientia illas restituere saltem pro eodem vili pretio? Quid Confessarius respondebit interroganti?

41 R. ad primum quæsitum, Titium nostrum tuta conscientia potuisse sibi coemere suppellectilem illam profanam, personis laicalibus ereptam; non tamen spiritualement, vel eam, quæ personis Ecclesiasticis fuit erepta. Ratio hujus responsionis & disparitatis hæc est: quia est in bello justo (quale ex utraque parte communiter habebatur illud Bavaricum) licitum sit militibus (cum consensu tamen suorum Belli Ducum) diripere bona omnia tam mobilia quam immobilia laicorum, etiam innocentium, si ita visum fuerit ad suppressionem, vel etiam justam vindictam ab hoste summandam; neutiquam tamen licet diripere bona Ecclesiæ, vel personarum ecclesiasticarum; quippe quæ non sunt membra Reipublicæ secularis, neque hostes, ac per consequens ob delictum à Republica vel Principe commissum puniri non debent: esto igitur Titius noster licitè potuerit coemere

bona illa secularium, quorum milites erant Domini, non tamen licitè (saltem per se loquendo coemit bona ecclesiastica, aut personarum ecclesiasticarum; quia milites horum non habebant verum dominium. Videatur Felix Poesitas tom. 1. pag. 2. cap. 1. num. 2316. Herincx part. 4. disp. 8. num. 87. vel Molina loco proxime citando. Ex quo

42 R. jam ad secundum, Titium non amplius ex justitia teneri (etsi charitas aliud suadeat) ad restituendam suppellectilem personis laicalibus, utpote non privilegiatis ereptam, ne quidem pro eodem vili pretio. Ratio patet ex mox præmissis; quia cum milites Cæsarei jure belli illius dominium obtinuerint, quo pauperculi illi exitere privati, eo ipso potuerunt illud validè transferre in quemcunque, & quolibet, quantumvis exiguo pretio, consequenter & in Titium nostrum, at, hoc ipso, quod iste obtinuerit verum dominium, non amplius tenebatur ex justitia illam restituere, ne quidem pro eodem vili pretio: ergo. At verò suppellectilem illam personis ecclesiasticis aut Ecclesiis ereptam restituere tenebatur, ob rationem jamjam insinuatam. Vide Molinam de justis. ro. 1. tract. 2. disp. 111. n. 3.

Dices: ergone Titius peccavit coemendo prædictam suppellectilem indifferenter, esto dubitasset, an non fuerit erepta Ecclesiis, vel personis spiritualibus, seu ecclesiasticis?

43 R. Non peccavit, modò habuerit intentionem, & animum eodem vili pretio rem emptam restituendi, si ex post facto resciret, hujusmodi suppellectilem personis ecclesiasticis fuisse raptam à militibus. Rationem hujus subministrat Molina mox cit. disp. 118. n. 15. Quia omnino prudenter & verosimiliter credere licuit, eam esse talium personarum voluntatem, ut scilicet hujusmodi res potius pervenirent ad manus alicujus Catholicæ, cum spe aliquando eas eodem vili pretio redimendi, quam ut pervenirent ad manus aliorum v.g. Accatholicorum, aut Judæorum, sine ulla spe, unquam aliquid de iis obtinendi, prout procul dubio contigisset. Rectè tamen docet idem Molina l. cit. Etiam tales personas teneri, tum in conscientia, tum in exteriori etiam foro,olvere pretium illud exiguum

gnum pro iis a possessore expensum; quia Emptor supponitur utiliter gessisse negotium Domini Ecclesiæ scilicet vel personæ ecclesiasticæ. Secus dicendum, si Emptor pretio magno emisisset, quia in hoc supposito non gessisset utiliter negotium Domini, adeoque hic non teneretur ad tantam refusionem. Videatur Lessius *de just. l. 2. c. 14. dubit. 3. nu. 20. Mezger tom. 3. tr. 12. disp. 33. a. 1. n. 4.*

At quid (ais) si milites Cæsarei præfatam suppellestem Bavaris eripuissent per meram rapinam, vel etiam furtivè, utpote contra voluntatem Imperatoris, aut suorum Belli Ducum, sicut revera calamitoso illo tempore pluribus contigisse novimus?

44 R. si de hoc constitisset, Titius non esset salva conscientia eum coemere nequaquam potuisset (nisi fortè animo, postea illam eodem exiguo pretio restituendi suis Dominis compariturus:) Ratio est: quia hoc ipso quòd injustè rapta supponatur, raptores nullum in eam obtinere dominium; consequenter nec potuerunt eam tanta conscientia alienare: ergo neque Titius comparare: certum quippe est, quòd hoc modo iniquitati rapientium quodammodo cooperatus fuisset, non sine scandalo & periculo eosdem animandi ad continuandas & inferendas niferis ulteriores rapinas, quas tam facile non commississent, si nullos, qui rapta inique solverent, Emptores scivissent Molina *c. 1. l. de just. tr. 2. disp. 118. n. 2.*

Dices adhuc. Quidsi autem milites hostibus prædam iuste partam denuo eripiant, sicut novimus illo tempore à militibus Cæsareis aliquot milia aëre tributario à Gallis in Suevia collecto, onustos, denuo ereptos & interceptos fuisse: cuius hæc erunt?

45 R. si hostes prædam injustè rapuerint, tunc ea denuo illis erepta restituenda erit suis Dominis, quippe qui illorum dominium nunquam amiserunt; etsi Victores iuste possint prætereendere compensationem industriæ & operæ, vel etiam periculi in recuperanda præda exantlati, cum hoc utiliter gesserint pro Dominis, ut supponitur. At verò, quia secundum dicta bellum illud Bavaricum ex utraque parte iustum habebatur à Viris doctis; hinc credere jubemur,

illud tributum à Gallis iuste fuisse collectum; quo supposito dicendum, milites Cæsareos, qui rursus intercepte prædam illam, evasisse illius Dominos, posteaquam eam in tuto collocarunt; nam quemadmodum Galli iure belli illius semel partem obtinuerunt Dominium; ita eodem iure militibus Cæsareis denuo eandem intercipiendis id ipsum esse concedendum: nec tenebantur amplius summam illam restituere Subditis, utpote qui jam amiserant illius dominium. Et licet milites Cæsarei, utpote stipendio conducti ad defendendum Patriam, videantur fuisse ex iustitia obligati ad evincendam hostibus prædam, evictamque pristinis suis Dominis restituendam, iure tamen Cæsareo *c. si quid bello. ff. de capt. & post l. im. revers.* Sanctum est, ut res mobiles, quæ bello ex hostibus recuperantur, fiant capientium, quando ad tutum locum ab hostibus erant perductæ, aut per diem naturalem (moderna praxi vix per sex horas, ait Sporer) erant possessæ.

46 Dictum fuit *res mobiles*; nam immobiles denuo ab hostibus recuperatæ pertinent ad antiquos Dominos *l. si captivus. §. expulsis hostibus. ff. de captivis, & post l. im. revers.* Præterea ex rebus mobilibus excipiuntur illæ res, quæ gaudent privilegio postliminii; ut sunt naves oblongæ, equi, muli &c. qui proin hostibus erepti, denuo restitui debent pristinis Dominis. Ita Molina *c. 1. n. 5. Dicastillo l. 2. 10. 1. disp. 10. n. 44. quem referens sequitur la Croix l. 3. p. 2. n. 113.*

CASUS SECUNDUS.

S Empronius Aurisfaber emit quandam argenti confecti massam 40. florentis ad pondus ordinarius, ex qua confectis calicem, quem rursus optima fide vendidit certo cuidam Monasterio pro 70. florentis. At verò interposito modico temporis intervallo certò aditit, argentum illud fuisse furtivè subtrahum eidem Monasterio, cui calicem vendiderat; unde scire cupit, an in conscientia teneatur aliquid restituere Abbati illius Monasterii, cui argentum fuerat ablatum. Quid Confessarius

respondebit, vel observabit circa Sempronium?

47 R. Confessarius examinabit Sempronium, an de præfato argento aliquid adhuc habeat, an verò totum illud impenderit calici confecto? si adhuc aliquid inde habeat, tenetur illud restituere. Ratio est: quia etiam possessor bonæ fidei, posteaquam certò agnoscit, rem esse alienam, tenetur illam adhuc existentem restituere, sive in natura, sive in æquivalenti v. reddendo pecuniam; ergo si de tali massa argenti adhuc aliquid possideat Sempronius, etsi optima fide illud emerit, tenebitur illud restituere præfato Monasterio.

At verò, si totam illam massam supponatur impendisse calici elaborando, ad nihil amplius tenebitur Monasterio. Ratio est: quia, ut supponitur, de massa illa alienam nihil amplius possidet, ne quidem in emolumento, neque inde factus est ditior, quandoquidem pro ea expendit propriam suam pecuniam puta 40. florenos: atqui possessor bonæ fidei nihil tenetur restituere, nisi rem alienam actu possideat, aut inde evaserit ditior, veluti omnes tenent, nominatim Bonacina *de restit. disp.* 1. q. 2. p. 1. n. 9. Dicastillo *disp.* 5. *de restit. dub.* 2. nu. 112. Lessius *lib.* 2. c. 14. *dubit.* 1. nu. 4. Sporer, & alii ergo &c.

Dices forsitan. Titius fertur præfatum calicem vendidisse 70. florenis, pro argento autem expendisse 40. duntaxat: ergo ex re aliena factus est ditior.

48 R. negando consequ. Nam excessum illum (triginta scilicet florenos) non obtinuit velut pretium rei alienæ, scilicet argenti, sed velut pretium artis, industriæ, ac laboris sui. Esto igitur in hoc casu dici possit factus fuisse ditior occasione rei alienæ, non tamen factus est ditior ex re aliena; ferè quemadmodum si fur ludendo cum pecunia furtim ablata lucratur v. g. 100. non tenetur hos reddere Domino illius pecuniæ furtivæ, quippe qui non sunt fructus pecuniæ, seu rei de se sterilis, sed fructus industriæ aut fortunæ: neque talis fur dicitur factus ditior ex re aliena, sed duntaxat occasione rei alienæ. Vide Tamburin. in *decalog. lib.* 8. tr. 3. c. 3. n. 7. Babenschuber *tr.* 7. *disp.* 4. art. 2. num. 6.

Dices adhuc: undenam igitur colligendum, an talis possessor ex re aliena factus sit ditior, vel non?

49 R. Inde colligendum est, quod fuerit factus ditior, si propter illam rem alienam in suis propriis inveniat aliquid, vel aliquod emolumentum, quod non haberet defacto, nisi habuisset illam rem alienam, ita tamen, ut illud alienum non fuerit mera occasio quasi accidentalis, sed causa vel quasi causa hujuscemodi emolumenti. Exempli gratia; si rem alienam sibi donatam, rursus bona fide donavit alteri, cui aliàs nihil donasset, non propterea censetur factus ditior, quia totum illud, quod defacto possidet, adhuc haberet. At verò si ex propriis donasset, tantum v. g. 100. florenos, censetur totidem factus ditior. Similiter, si vestem alienam valde pretiosam v. g. constantem 60. florenis bona fide attrivit, ita, ut si eam non habuisset, debuisset arcerere propriam, etsi minds pretiosam v. g. 10. florenis tantum constantem, reputabitur factus fuisse ditior decem tantum, & non 60. florenis, ideoque satisfaciet restituendo ipsam vestem attritam, eum decem superadditis. At verò, si vestem propriam adhuc pretiosorem aliena v. g. 100. florenis constantem attrivisset, non tenebitur restituere 100., sed 60. duntaxat florenos; quia de re aliena nunquam accepit vel possedit plus, quam vestem 60. florenis æstimatam, ut supponitur. Vide de hoc P. Sporer *cit.* c. 2. art. nu. 102: ubi hanc materiam pluribus casibus & exemplis dilucidat, more suo, practice & sapienter, ad cujusvis captum.

CASUS TERTIUS.

Cajus prædium quoddam ab aliqua vidua mille talentis emptum, quadriennio integro optima fide ac pace possedit; eo verò elapso à Privigno dictæ viduæ jamjam defunctæ coram Judice conventus, eidemque illi contestata fuit. Cùmque idem Privignus probasset, testamentum paternum, vicujus dictum prædium ad manus viduæ immediatè pervenerat, inofficiosum fuisse, & penitus nullum, tandem ipsum prædium exieit. Jam verò quærit Cajus, quemodo in foro

COA

consentientia se habeat gerere, quidve, vel quantum tum de fundo, tum etiam de fructibus habenus perceptis restituere teneatur. Quid respondendum interroganti?

50 R. ex dictis n. 34. & 35. Cajum tene-ri nedum ad restitutionem fundi, utpote alieni, & jam evicti, uti supponitur in specie facti; verum etiam ad restitutionem fructuum, non quidem illorum, quos primo anno possessionis suae pacifice collegit (hos enim velut possessor bonae fidei statim praescriptis post elapsum triennium secundum dicta n. 36.) sed eorum duntaxat quos percepit ultimo triennio ante litis contestationem, si tamen adhuc existant; etenim si eos jam consumpsisset bona fide, non teneretur amplius ad illorum restitutionem, uti n. 31. diximus. Et ita tenent DD. communissime. Palao, Layman, Haunold, quos refert, & sequitur Illfungs. tr. 4. dist. 3. n. 49. Idque probatur tum ex leg. bonae fidei 48. ff. de aquirendo rerum dominio, & clarius adhuc ex l. 22. Cod. de rei vindicat. ubi habetur, quod possessores, etiam bonae fidei post litis contestationem praestare debeant fructus existentes universos, quamvis ante litis contestationem eorum dominium adquisiverint. Tum etiam ex eo, quod jus naturale dicitur, lucrum, ex re aliena ipsius rei vices agere, omnemque rem fructificare domino suo: atqui, praedium fuit Privigni: ergo huic debuit fructificare, nisi levis obstitit in contrarium. Nec poterit Cajus ab illo (Privigno scilicet) praetendere interesse suae pecuniae, 1000. scilicet Taliorum expensarum pro praedio; siquidem de his ille nihil possedit: etsi illud, sicut, & ipsum Capitale praetendere posset ab ipsa Vidua, vel ejusdem haerede, si supponantur adhuc exsistere: sin minus, hoc damnum suo debet imputare infortunio: Juste tamen ab eodem Privigno praetendet omnes expensas necessarias, & melioramenta in praedio, & fundo excolendo vel necessariis, vel saltem utiliter facta, veluti dictum fuit nu. 35. & amplius constabit ex dicendis n. 57.

At quid (inquires forsitan) si Cajus fructus omnes, etiam ultimo triennio ante litis contestationem perceptos jam consumpsisset, tamen, ut inde evaserit dicitur, vel quia suis pepercit, vel quia in horum defectum

propriis expensis alios debuisset sibi compensare, tenebiturne pro his aliquid rependere?

51 R. Juxta communissimam Theologorum, quam tenent etiam Azorius, Molina, Toletus, Rebellus, & alii plures quos referens sequitur Layman l. 3. tr. 2. c. 3. n. 5. in Croix l. 3. p. 2. n. 211. etiam tales fructus, utpote aequivalenter adhuc exstantes teneretur possessor restituere, saltem de jure naturae. Ratio est: quia revera sunt fructus rei alienae: natura autem aequum est neminem alterius detrimento fieri locupletiores, uti dicitur l. 14. ff. de condit. indeb. ergo de jure naturae restitui debent. Nihilominus opposita Sententia Recentiorum Juristarum, nominatim Haunoldi tr. 3. nu. 281. aliorumque, quos sequitur Illfeng. cit. n. 5. etiam probabilis est: licet enim, quantum est de jure naturae hujusmodi fructus, aequivalenter exstantes restitui deberent, jus tamen positivum bonae fidei possessori tales fructus non in natura, sed aequivalenter duntaxat exstantes satis clare videtur concedere sine onere restitutionis; partim ne rerum alienarum cura, & cultura maneat impræmiata; partim etiam, ne bonae fidei possessoris conscientia graevetur, & saepe saepius propter difficultatem lucri aestimationem scrupulis exponatur. Sic l. 1. eorum 22. Cod. de rei vind. possessor bonae fidei, tantum fructus exstantes jubetur praestare. Similiter l. sed & lect 4. §. post item 2. ff. finium regundorum dicitur, quod si possessor, fructus bona fide percepit, lucrari eum oportet. Denique §. si quis à non domino instituit de rerum divisione de tali possessore dicitur: naturalis ratione (id est aequitate) p lacuit, fructus quos percepit ejus esse pro cultura, & cura, & ideo, si postea Dominus supervenerit & fundum vindicat, de fructibus ab eo (scilicet emptore fundi alieni) consumptis agere non potest. Et hanc opinionem in praxi utriusque fori tutam esse, & obse-vari, testatur Rebel. Tom. Sanch. Pinell. & Faber apud P. Illfungs. l. c. Ex quo facile colligit prudens Confessarius, quidnam in his circumstantiis suo clienti habeat consulere.

Dices adhuc: sed quid de illis fructibus quos Cajus lite pendente, ultimo, quinto scilicet anno percepit?

52 R. Evidè. praedio tenetur restituere hos fructus à tempore litis contestatae perceptos,

ptos, aut percipiendos, tamen si inde fructus non esset ditior factus: nisi tales fructus pervenissent ex melioramentis à Possessore adiectis. Ita Palao *lisp. un. de iust. in genere pu. 24. §. 8. num. 4.* Hauldus, & Illung *cit. num. 52.* Ratio est: quia tempore litis motæ quasi suspenditur jus & dominium rei & fructuum, ut contestata lite per sententiam iudicis restituuntur ei, etiam pro tempore litis pendentis, qui rem eviderit; qua ratione *l. 25. §. 7. ff. de hereditatis petitione.* dicitur: quoniam post litis contestationem, omnes incipiunt mala fidei possessores esse &c. scilicet fictione juris: ergo cum Cajus nocet causa ceciderit, tenebitur consequenter fructus illos omnes ultimo anno perceptos refundere.

§. III.

Corollaria ex dictis inferenda.

53 Colliges ex hætenus dictis primò, quemlibet Dominum rem suam à quocunque demum possessore, etiam bonæ fidei posse recuperare, & evincere, quamdiu illa existat, ita quidem, ut non amplius teneatur restituere aut refundere pro ea pretium. Ratio est: quia ipse semper manet verus Dominus illius rei; neque enim ipso invito potuit rei dominium in possessorem bonæ fidei transferri: aliunde verò neque ex delicto, neque ex contractu quidpiam debet possessori: ergo &c. Excipiendus duntaxat est casus, quo quis modico pretio emit rem furtivam, animo reddendi eam vero Domino, veluti jam superius *n. 43.* dictum fuit; quia tunc Empor censetur utiliter gessisse negotium Domini, ut colligitur, *insit. d. obligationibus, qua quæ ex contractu. §. 1. item l. 2. §. qui absentis ff. de negotiis gestis.* Videatur Lessius *l. 2. c. 14. dubit. 3. n. 20.* Lugo *disp. 17 sect. 1. n. 1.* Babenhuber *a. 2. n. 11.*

54 Colliges secundò, possessorem ipsum, posteaquam certò agnoscat rem esse alienam adeoque restituendam, teneri propria sponte qua imprimùm moraliter loquendo fieri potest, eam restituere Domino. Ita ex communi Tamb. *in deralego l. 8. tr. 3. c. 3. §. 1.* Ratio est: quia quævis res, ubi denum

existat, clamat ad suum Dominum; unde si talis post agnitam obligationem suam non restituit, eo ipso evadit possessor malæ fidei, consequenter ut talis deinceps tenebitur restituere nedum rem ipsam, verùm etiam omne lucrum cessans, & damnum vero Domino emergens ex huiusmodi iniqua detentione, veluti amplius dicitur *confer. proximè secutura.* Lessius ubi supra *cap. 14. dub. 1. n. 2.* Babenhuber *a. 2. n. 3. fin.*

55 Dixi tamen: posteaquam certò agnoscat, rem esse alienam adeoque restituendam &c. Tamen si enim aliquis agnosceret rem prius bona fide acquisitam, esse alienam; si tamen ob ruditatem v. g. non apprehenderet suam obligationem restituendi, proptereaque eam consumat, probabiliter non tenetur restituere, nisi ad id, quantum inde evasit ditior. Ita tenet Laymann ubi supra *c. 3. n. 1. in fine.* Et ratio à pari colligi potest; quemadmodum enim poenitens, esto sciat se peccasse etiam graviter, si tamen inculpabiliter non agnoscat obligationem consistendi, huiusmodi peccatum retineat, dicitur bona fide confessus; ita in nostro proposito talis homo dici potest possessor bonæ fidei, quantum ad consumptionem inculpabiliter factam, licet non in omni rigore, eò quòd non ignoraverit rem esse alienam, veluti ex dictis supra *n. 30.* facile colligi poterit.

56 Colliges tertio ex dictis *n. 47.* Eum, qui rem furtivam bona fide emit, eandemque postea bona fide eodem pretio, vel omnino minori vendidit, non teneri quidpiam restituere Domino postea fortè comparituro. Ratio inde sumitur; partim quia non est factus ditior; partim etiam quia res illa apud ipsum non amplius existat, neque formaliter in natura, neque etiam æquivalenter in aliquo emolumento. Si tamen rem vendendo majori pretio, inde familiam suam auxisset, probabiliter teneretur ad restitutionem huius excessus, quippe qui censetur aliquid rei alienæ æquivalenter adhuc exstantis. Excepi tamen; nisi possessor talem excessum mera sua industria sibi comparavit, eò quòd rem alibi distinxerit, ubi novit, eam plus valere, quod à Domino factum minime fuisset; quia talis excessus reputatur merces fructus industrialis, quem non tenetur possessor bonæ fidei restituere: secun-

secundum dicta *num. 34.* Vid. Lessius *l. 2. cap. 14. dubit. 1. num. 4.* Tambur. ubi supra *num. 10. & 12.*

57 Colliges Quarto, possessorem bonae fidei pro melioramentis sive necessariis, sive utilibus in re aliena factis, non posse plus subtrahere, aut de iure pretendere, quam illum valorem aut illud quantum, quo ipsi Domino constitissent. Quare si talis possessor pro arbore v. gr. plantata expendit unum ducatum, seu 4. florenos, Dominus autem eandem arborem potuisset comparare pro uno floreno, non poterit ille plus pretendere, quam unum florenum intuitu talis arboris. Ratio est: quia hoc solum (unicus scilicet florenus) & non plus cedit in utilitatem veri Domini, & hoc solo ex alterius plantatione censetur factus di-
tior. Id ipsum à fortiori dicendum foret, casu quo eadem arbor jam iterum, decrevisset in tantum, ut defacto prudentum iudicio jam non pluris aestimaretur, quam pretii unius floreni. Quin immò, tamen si supponatur eadem arbor, defacto crevisse in tantum, ut jam vale-
ret 10. aut plures florenos, Dominus, tamen non teneretur pro ea plus, quam unum florenum refundere; quia huic (cujus erat fundus) & non possessori crevit arbor: ergo pro hoc augmento valoris nihil prorsus tenetur, restituere, sed solas illas expensas, quas ipsemet tunc temporis, quo plantata fuit arbor, facere debuisset. Sanchez in *decal. lib. 2. cap. secundo artic. 3. numer. 140.* Lugo, *disput. 17. Section. tertia numer. 32. & 61.* Tambur. *cit. tract. 3. capit. 3. §. 5. a. numer. 13.*

58 Colliges Quintò, eum, qui rem furtivam omnino gratis, & sine propriis expensis, sive ab ipso fure immediate, sive ab alio obtinuit, post agnitam veritatem ejus sit, teneri eandem immediate restituere Domino, ita, ut tuta conscientia eam non possit reddere furi, vel alteri, à quo accepit, nisi forte habeat, timere infamiam, aut nisi moraliter certus sit, rem ab illo altero indubitanter, restitutum iri. Ita Lessius *l. 2. c. 14. dubit. 3. num. 13.* Dicastillo *dubit. 4. num. 104. & alii.* Ratio est: quia restitutio ex re acce-

pta immediate fieri debet illi, cuius est res, quando nulla causa excusans occurrit in contrarium: atqui talis tenetur restituere ex re accepta, & quia simul supponitur nullas fecisse expensas, neque timendum esse periculum infamiae, vel alterius damni, planè nulla intervenit causa excusans: ergo tenetur immediate restituere Domino, & non furi, vel alteri: ergo.

59 Colliges tandem Sextò, possessorem qui oborto dubio mala fide, & culpabiliter Dominum rei inquirere neglexit, teneri postea eidem comparenti non tantum restituere rem ipsam, sed etiam fructus, consumptos, vel alienatos, ex eo tempore, quo dubitare coepit. Ratio est: quia ab eo tempore coepit esse possessor malae, vel certe dubiae fidei: atqui possessor tam malae fidei, quam etiam dubiae, si hic negligat culpabiliter inquirere veritatem, tenetur ex post facto recompensare omnia damna juxta proportionem culpae illata: ergo &c. Lessius *cit. n. 25.*

Dices adhuc. At quid tenendum de illo, qui primò rem possedit bona; postea verò mala fide? vel è contra, qui priùs mala fide postea verò bona possidens, rem vel saltem fructus inde perceptos consumpsit?

60 R. Talem in foro conscientiae teneri ad restituendum illud duntaxat, quod consumpsit, quando erat possessor malae fidei. Ratio est: quia talis, eo ipso, quòd mala fide consumpserit, obligatur ad mensuram restitutionis malae fidei possessori incumbentis: atqui huic incumbit nedum, rem ipsam, sed etiam fructus rei mala fide consumptos restituere uti statim dicitur: ergo, Illos autem, quos bona fide consumpsit, non amplius tenetur restituere secundum dicta *num. 34.* Videatur Lugo *disp. 17. Sect. 3. num. 68.* Tambur. *cit. §. 6. num. 1.*

CONFERENTIA

TERTIA.

De Restitutione debita ex delicto formali injustæ acceptionis, à possessore malæ fidei.

SUMMARIUM.

- 61 Quisnam reputandus sit possessor malæ fidei.
- 62 Culpa alia est theologica, alia juridica.
- 63 In conscientia nullus tenetur ad restitutionem titulo injustæ acceptionis, nisi commiserit culpam theologicam.
- 64 Post Sententiam tamen Judicis tenetur, civilalem non admisit.
- 65 Culpa theologica venialis duntaxat multiplici ex capite committi potest.
- 66 Qui intulit grave damnum per furta minuta, probabiliter tenetur ad restitutionem, tametsi auferendo nunquam peccaverit mortaliter.
- 67 Mensura generalis restituendi, incumbens possessori malæ fidei, est quantitas damni illati.
- 68 Tenetur insuper restituere fructus ex re aliena, tametsi Dominus eos nunquam percepisset.
- 69 Licet tamen in foro conscientie subtrahat expensas & emolumenta necessaria &c.
- 70 Et quid de melioramentis merè voluptuariis tenendum.
- 71 Resolvitur Casus I. de quodam Officiale, qui suo Principali annuatim certam summam subtraxerat.
- 72 Et subtrahendo malè fecit, esto cum ordinario suo salario diffculter, vel omnino non potuerit subsistere.
- 73 Nec excusandus est ex eo, quod labores sibi videantur immensæ, vel antea nunquam prævisi.
- 74 Neque ex eo, quod d. Officiales sibi similes alibi locorum soleant magis salariari.
- 75 Consequenter ad restitutionem condemnandus est.

- 76 Resolvitur Casus II. ejusdem pœnitentis, qui jam ante triennium equum furto abstulerat;
- 77 Quem proin saltem in æquivalenti tenetur restituere, etsi is interea perisset, casu, quo non similiter perisset apud suum Dominum.
- 78 In dubio, an apud dominum perisset, adhuc fur ille condemnandus est ad restitutionem.
- 79 Quomodo practicè indaganda sit quantitas damni ab hujusmodi possessore malæ fidei illati.
- 80 An is, qui heri abstulit vinum, illudque mox consumpsit, teneatur ad restitutionem, si idem vinum hodie apud dominum simili casu perisset.
- 81 Et quid, si fur illud in hodiernum diem reservasset.
- 82 Resolvitur Casus III. ejusdem famule, quæ studiose quaesiverat merces minori pretio comparare, residuum autem pecunie non domino suo, sed sibi applicavit;
- 83 Unde lucrum illud non quidem Mercatori, sed
- 84 Domino suo tenetur restituere.
- 85 Solvitur quedam instantia contra hoc.
- 86 Qui grave damnum intulit cum ignorantia concomitante, non tenetur ad restitutionem;
- 87 Sicut nec ille, qui quidem operi illicito vacans, pro possibili tamen studuit damnum præcavere.
- 88 Neque ille, qui ex culpa veniali duntaxat domum aut vineam non satis custodivit;
- 89 Etsi tales probabiliter ad aliquam saltem restitutionem teneantur.
- 90 Qui scienter intulit damnum grave ignorans tamen invincibiliter, illud esse tam grave, non tenetur ad refusionem totius damni.
- 91 Qua cum cautela Confessarius debeat procedere cum similibus.

§. I.

Præmittuntur, & breviter resolvuntur
quæsitæ, scitu necessaria, & ad de-
bitè resolvendos Casus practicos
circa restitutionem à posses-
sore malæ fidei
faciendam.

QUæres primò, quisnam dicendus sit
possessor malæ fidei?

61 R. Ille meritò reputatur possessor
malæ fidei, qui scit, rem quam contrec-
tat, & possidet, esse alienam, aut cer-
tè ex ignorantia vincibili, & culpabili,
credit, esse suam, & non alienam. Ita
cum communi Doctorum tradit Sporer.
Ratio hujus facillè colligitur ex dictis su-
prà n. 30. quemadmodum enim ille, qui in-
culpabiliter ignorat rem esse alienam, aut
invincibiliter putat, esse suam rectè dici-
tur possessor bonæ fidei eò quòd illam pos-
sideat sine peccato; ita ab opposito is;
qui scienter, vel saltem ex culpabili igno-
rantia rem alienam contrectet, aut possi-
det contra voluntatem domini, rectè ap-
pellatur possessor malæ fidei; cum id nun-
quam fieri valeat sine peccato.

62 Quæres secundò, quænam culpa ne-
cessaria sit ad hoc, ut possessor malæ fidei
ob injustam acceptionem ad restitutionem
teneatur?

Ante responsionem breviter adverten-
dum, & sciendum, culpam ut sic commu-
niter à Doctoribus dividi in *theologicam*,
& *juridicam*. *Theologica* dicitur, quæ ho-
minem in conscientia coram DEO verè
reddit culpabilem, adeoque est verum pec-
catum, sive mortale, sive veniale: & cum
ad Theologos pertineat specialiter consi-
derare ea, quæ ad ultimum finem nostrum
conducunt, aut ab eo retardant (sicut fa-
cit omne peccatum) ideò hæc culpa ap-
pellari consuevit *theologica*, id est, à Theo-
logis specialiter consideranda. *Culpa juri-
dica* (ideò sic dicta, quia à jure vel Juri-
stis pro foro præsertim exteriori, & poli-
tico attenditur) describitur, quòd sit o-
missio alicujus diligentiae, qua proximi,
dammum impediri potuisset, sive dein co-
ram Deo, & in conscientia sit peccatum,

Elbel Theol. P. IV.

sive non. Et hæc culpa juridica rursus di-
viditur in *latissimam*, *latiorem*, *latam*, *le-
vem*, & *levissimam*. *Lata*, est omisso di-
ligentiæ, quam homines ejusdem condi-
tionis communiter adhibere solent: *Levis*
est omisso diligentiae, quam accuratiores
duntaxat, & prudentiores homines illius,
conditionis seu professionis adhibere assue-
verunt. Denique culpa *levissima* reputatur
omisso diligentiae, quam diligentissimi tan-
tùm ac prudentissimi adhibere solent in si-
mili negotio. Res hæc declarari solet se-
quenti exemplo. Titius v. g. domo egressus
non clausit ostium proptereaque fures in-
gressi rem quampiam abstulerunt &c. cen-
setur commisisse culpam juridicam latam,
quia non claudendo ostium omisit diligen-
tiam, quam alii homines etiam mediocri-
ter diligentes adhibere solent.

63 At, si supponatur clausisse quidem,
ita tamen, ut facillè ab aliis aperiri potuerit
culpam levem commisit; nam bene clau-
dere prudentiores duntaxat, & diligentio-
res solent. Denique si supponatur clausis-
se ostium, at, non tentasse, an pessulus sit
obductus &c. reputatur commisisse culpam
levissimam: quia intermisit diligentiam,
quam diligentissimi tantùm, & accuratis-
simi adhibere solent. Porro culpa *latissima*
dicitur etiam dolus apertus, dum nimirum
quis aliquid agit vel omittit, damni infe-
rendi causa, quod inde imminere prævi-
det, Culpa *latior*, quam etiam ap-
pellant dolum præsumptum, datur in eo,
qui proximi damnum non intendit quidem,
illud tamen ex actione sua, omissione a-
ctionis secuturum prævidet hoc notato.

R. ad quæsitum. Ad hoc, ut possessor ti-
tulo injustæ acceptionis in foro conscientiae
& ante sententiam Judicis obligetur ad re-
stitutionem, necessum est, ut commiserit
culpam theologicam, nec sufficit commisis-
se meram culpam politicam seu juridicam.
Ita communissimè Theologi Mastrus,
Spor. Reiffenst. Haunoldus, Illung. *trakt.*
4. *disputat.* 3. num. 4. La Croix l. 3. p. 2.
num. 172.

Ratio est: quia radix hujus restitutionis
fundatur in injuria formali: at, qui non
committit culpam theologicam, non est
formaliter injuriosus, neque huic dam-
num moraliter imputari valet: & certè

L1 hanc

hanc ob causam à fatuis non postulatur reparatio damni, si quod intulere, quia scilicet illud fecerunt sine culpa theologica, ait La Croix *l. cit.* Denique repugnat in foro conscientiae quæpiam obligari nisi commiserit injuriam: atqui, ubi nulla fuit admissa culpa theologica, ibi pariter in foro conscientiae nulla datur injuria: ergo neque obligatio restituendi ante sententiam Judicis.

64. Dixi: ante sententiam Judicis: etenim ubi Judex aliquem condemnavit ad reparationem damni, cum sola culpa politica in foro externo admissa illati, tenebitur talis etiam in foro conscientiae se se accomodare, & damnum illatum reparare; veluti communiter tradunt DD. Sporer cit. *Illung l. cit. n. 8.* Mezger *disp. 32. a. 6. §. 1. num. 5.* Babenstuber *art. 3. n. 9.* Reiffenstuel. *tr. 9. disp. 5. num. 90.* Ratio est: quia ad acuendam Civium diligentiam Judex justè procedit ad puniendas hujusmodi culpas etiam juridicas, uti habetur tum *ex cap. ult. de injuriis*, & *damnat.* tum etiam *ex l. 44. ff. ad legem Aquilianam*: atqui justè sententia Judicis quivis etiam in foro conscientiae tenetur parere, nisi hæc initatur falsæ præsumptioni alicujus facti particularis; secus enim sententia foret inefficax ac frustranea facilèque eluderetur Judicis auctoritas, nec unquam obtineretur finis legis, qui est, *reddere citet magis cautos* circa evitanda ejusmodi damna: ergo &c. Loquimur autem hic præcisè de restitutione fundata in radice injustæ possessionis; nam de ea, quæ in contractu fundatur, paulò post plura dicemus.

At quid de eo (inquies) qui cum culpa theologica quidem, at veniali duntaxat ab altero quidpiam accepit, aut graviter illum damnificavit, tenebiturnè ad compensationem totiusdamni?

65. Ante responsum rursus advertendum est, culpam venialem in damnificatione, vel ablatione rei alienæ duplici ex capite committi posse; primo quidem ob parvitatem materiæ, ut si quis alteri obulum duntaxat injustè auferat: quo casu certum est, non oriri obligationem restituendi, aut reparandi tale damnum, nisi sub culpa veniali, juxta illud Augustini *suprà n. 9.* rela-

tum: *non dimittitur peccatum, nisi restituatur ablatum*. Secundò fieri potest, ut quis venialiter solum peccet, non ob parvitatem materiæ, quippe quæ de se satis est gravis, & notabilis, sed ob inconsiderationem, & inadvertentiam, ut si quis ex motu secundò primo alterius gemmam projiciat in ignem aut fluvium &c. Porro inadvertentia rursus dupliciter contingere potest, scilicet 1. ut quis nec damnum materiale, nec formale advertit, veluti in exemplo mox dato fieri posset, ubi quis gemmam projiceret in aquam, eò quòd putet non esse, nisi merum vitrum, ideòque neque advertit gravitatem materiæ, neque gravitatem malitiæ in tali projectione, comprehensæ. Secundò fieri potest, ut quis advertat quidem gravitatem materiale, non item formalem ut si quis animadvertat quidem, materiam alteri ablatam esse gravem, at invincibiliter putat, se propterea non graviter peccare, quia verb. grat. existimat, Dominum, utpote validè divitem, idcirco non damnificari graviter, nec esse graviter inivmum; vel etiam idèò, quia materiam illam revera gravem successivè tantum, & per surta minuta abstulit, ita, ut licet totam materiam scierit, & volens abstulerit: idèòque sine ignorantia materiali, tamen cum ignorantia formalis gravis peccati, ita, ut nunquam apprehenderit (nequidem in ultimo furto) se graviter peccare. Iam de hoc casu potissimum controversit inter Doctores, utrùm hujusmodi fur peccato mortali teneatur ad restitutionem, & refusionem gravis damni, tametsi de re ablata nihil amplius possideat; nam si adhuc aliquid possideret, procul dubio ex titulo rei possessæ illud teneretur restituere, & si auferendo mortaliter peccasset, etiam in ultimo furto solum, teneretur ad restitutionem titulo injustæ acceptionis. His notatis.

66. R. ad quæsitum. Qui alteri rem gravem abstulit scierit, seu cum advertentia materiali damni, esto non cum formali, ut si fieri assolet in furtis minutis, tenetur sub gravi culpa damnum refarcire, etsi nihil amplius possideat de ablato, nec unquam graviter peccarit auferendo. 2. Qui verò rem alienam auferendo, aut destruendo, venialiter tantum peccavit, eò quòd nec for-

formalem, nec materiam gravitatem damni adverterit, non tenetur sub gravi culpa illud compensare. Ita re ipsa tenent Hauldus *tr. 2. n. 194. Illung. tr. 4. disp. 3. n. 10. & 16. Babenstuber ubi supra tr. 7. disp. 4. a. 3. n. 12. & 15. La Croix l. 3. p. 2. num. 185. & 244. ubi pro eadem opinione cit. Lug. disp. 8. a. n. 68. Tamb. lib. 8. tr. 3. c. 2. §. 5. n. 6. Card. in Crisf. 2. differt. 23. n. 19. Ratio autem hujus responsionis, & disparitatis inter utrumque membrum hæc est: quia qui sine omni advertentia tam materiali, quam formali gravis damni aliquid ab alio abstulit, ad hujus restitutionem tenetur præcisè ob injuriam illatam, ita, ut hæc sit unica causa restitutionis, cum supponatur nihil amplius possidere de ablatis: ergo si injuria non fuit, nisi venialis, etiam obligatio restituendi, & refarciendi damnum, nequit esse major, quam fuerit injuria, & quia effectus nequit excedere causam suam; hinc clarè sequitur, talem obligari non posse ad plus, quam ad id, quod correspondet culpæ veniali, veluti dicitur *n. 89.* Econtra, ubi damnum fuit illatum cum advertentia silem materiali seu materiæ gravis, ibi mensura restituendi desumenda non est præcisè ex gravitate damni realis, neque ex sola gravitate aut levitate injuriæ, sed ex *quantitate damni scienter, & voluntariè illati*; quandoquidem restat ratio, & lumen naturæ nobis congenitum dicit, *damnum scientem teneri ad refundendum tantundem alteri, quantum scienter, & voluntariè nocuit*: atqui damnum supponitur re ipsa grave, simulque voluntariè & scienter illatum, quia damnificans totam illam materiam scienter, etsi successivè auferendo, realem gravitatem materiam damni totius sufficienter agnovit. Nec cuiquam absurdum videri debet, quòd ex pluribus culpis, & obligationibus levibus tandem possit consurgere obligatio gravis, quando plures illæ materiz in morali hominum æstimatione tandem coalescunt in unum aliquid, puta, grave damnum proximo illatum; nam si quis singulis anni diebus accipiat unum solidum mutuum, in fine anni illæ singulæ acceptiones, quamvis de se leves, coalescent ratione materialium, & causabunt obligationem gravem reddendi totam*

summam illorum solidorum, tamen ex his non fuerit factus ditor ille, qui accipit mutuum: at verò, eadem est ratio in nostro casu: sicut enim mutuum accipiens tenetur idè, quia scivit se rem alienam accipere cum onere naturali tantundem restituendi, etsi ad gravitatem formalem nunquam attendisset; ita profecto in nostro casu fur tenebitur damnum refundere, quia re vera in singulis furtis minutis advertit, se contrectare, aut consumere alienum, utique cum obligatione, & diffinitione naturæ, tantundem refarciendi, etsi peccati gravitatem non advertit unquam. Videatur Illung *loc. cit. num. 16. & seqq.*

Quæres Tertio, quænam ergo sit mensura restitutionis, incumbens possessori malæ fidei ex titulo injustæ acceptionis?

67 R. Juxta dicta superius *n. 4.* Est *quantitas damni illati*. Itaque talis injustus acceptor tenetur restituere 1. ipsam rem in individuo existentem, vel, si non amplius existat, ipsius valorem 2. omnes ejus fructus, tam naturales, quam mixtos 3. item omne lucrum cessans, & damnum emergens vero Domino ex iniqua ablatione, aut injusta detentione. Ita sanè *communis sententia DD. S. Thomas 2. 2. qu. 16. a. 6. Scotus 4. disp. 15. q. 2. a. 4. Molina, Lessius &c.* Et habetur expressè in jure. *L. bonæ fidei ff. de acquir. rer. dom. L. fructus ff. de rei vindic. Item L. 7. Domum Codic. de rei vindic.* Ratio autem hæc est: quia qui voluntariè violat justitiam commutativam, tenetur restituere ad æqualitatem, secus enim justitia nunquam obtineret finem suum: at, nisi omnia mox enumerata restituat possessor injustus, nunquam fiet, æqualitas, nec Dominus unquam recipiet tantum, quantum haberet, nisi re sua, fuisset iniquè privatus: ergo necessum est, ut talis possessor nedum rei ipsam, sed & fructus &c. restituat. Vide Sporer *tr. 4. c. 2. num. 231.*

Sed quid de illis fructibus, quos possessor iniquus quidem percepit, Dominus autem nunquam percipitur fuisse, quippe, qui talem fundum nunquam coluisset?

68 R. Etiam hostenetur restituere. Ratio est: quia omnes res suo domino fructificat:

L1 2 cat:

cat: ergo etiam fructus talis fundi domino suo crescunt, à quocunque demum plantentur, aut percipiuntur, ergo etiam huic debent restitui. esto aliàs illos nunquam percepisset. *Lessius de iustit. l. 2. c. 12. dubit. 17. n. m. 118. Sanchez l. 2. in decal. c. 23. n. 126. & alii communissimè.* Secus tomen dicendum foret, si nec possessor iniquus aliquos fructus percepit, neque Dominus ipse aliquos percepisset; tum quia is nullum inde damnum patitur; tum etiam quia fundus sopponitur non fructificasse: consequenter pro fructibus nihil debetur, sed solus fundus

Dices: at nunquid etiam iniquo possessori licebit subtrahere expensas factas, sicut, & melioramenta tum necessaria, tum utilia etiam?

69 R. affirmative. Ratio eadem reddi debet, quæ superius n. 35. de possessore bonæ fidei data fuit: quia aliàs dominus plus reciperet, quàm ipsi debetur. Accedit, quòd etiam iniquus possessor rem meliorando, negotium Domini utiliter gesserit: ergo æquitas naturalis dicitur; etiam huic, congruam compensationem esse debitam. Ex quo Navarrus, Sanchez, Lugo 10. 2. de iustit. disp. 17. sect. 3. n. 66 & alii rectè inferunt, quòd, si talis res aliena una cum melioramentis nondum detractis pervenit ad Dominum suum, hic in conscientia teneatur satisfacere possessori iniquo. Et licet jura huic negent actionem petendi expensas pro melioramentis factas; quia tamen hæc lex est pœnalis, pœna autem juxta communissimam Doctorum non obligat ante Sententiam Judicis, sequitur, quòd Dominus ante Judicis Sententiam obligetur naturali obligatione ad refundendas hujusmodi expensas: etsi hoc ipsum Sanchez l. 2. moral. c. 23. a. 143. & 144. alique multi haud improbabiler negent.

Quæres adhuc quartò, an etiam pro melioramentis voluptuariis, id est, non necessitatis vel utilitatis, sed quasi meræ voluptatis gratia factis, verb. grat. fontanis, arboribus non fructiferis &c. possessor malæ fidei aliqui possit prætereundere, aut subtrahere?

70 R. cum P. Spore. c. n. 89. & commun. aliorum, etiam à possessore malæ fidei (à fortiori id ipsum concedendum est possessori bonæ fidei) hujusmodi meliora-

menta subtrahi posse, si salva re aliena possint de facili ab ea separari, uti sunt v. g. specula, statuae, picturæ, horologia pretiosa &c. &c. At verò, si ea sint taliter constituta, ut sine damno ab aliena re separari non amplius possint, uti feriama cum arboribus, aliisve plantis, solo adhaerentibus, fixis, & jamjam radicatis in illo; item, cum imaginibus depictis in parietibus immediate &c. possessor malæ fidei nihil potest prætereundere, sed debet sibi imputare, quòd cogatur amittere eas expensas, quas circa rem alienam scienter, & quidem citra consensum vel utilitatem legitimi Domini fecit, uti pluribus probant Sanchez, Lugo, Molina disp. 712. & alit. Possessori tamen bonæ fidei conceditur facultas libera, non tantum aufere ejusmodi melioramenta, ubi ea separari possunt de facili; sed etiam cogendi Dominum ad solvendum pro iis, quantum ipse expendit, aut certè ad sibi vendendam totam rem justo pretio, deductis melioramentis. Ita Tambur. in decal. lib. 8. tr. 8. c. 3. n. 14. fin. Spore. cap. 2. nu. 85.

§. I I.

Proponuntur, & breviter resolvuntur Casus practici de obligatione restituendi ex delicto forinall injustæ conceptionis.

CASUS PRIMUS.

TItius quidam Officialis fatetur, se Domino suo, cui erat à servitiis, jam à 20. annis subtraxisse annuatim ad minus 100. florenos, idque sequentes ob causas 1. quòd pro obtinendo suo servitio debuerit facere multas expensas, vel verius loquendo submirabilia aut honoraria uti vocant, quæ tunc velut pauperculus, & egenus, debuit ab aliis creditis mutuare, & interim annuum interesse solvere 2. quòd cum ordinario salario à Domino suo sibi annuatim constituto nequeat Uxorem, liberos, & familiam suam honestè, & juxta rationem status alere, certio eò quòd sibi persuaserit, Dominum suum facilius posse carere 100. florenis, annuatim subtrahendis, quippe quorum defectum nunquam, animadverteret, & hoc

*Et hoc ipso egre non ferret. Jam ad hanc facti speciem dubitare licet 1. an Titius nos-
ter tuta conscientia potuerit subtrahere,
schmirbalia seu honoraria illa hinc inde fa-
cta? 2. an jussu potuerit aliquid pretendere
ex eo, quod cum salario annuo sibi consti-
tuto nequiverit sustentare familiam suam?*

71 R. ad primum negativè. Ratio res-
ponsionis patet; quia nullus prorsus titu-
lus suffragatur Titio, vi cujus Domino,
suo licitè aliquid subtrahere, aut præten-
dere posset ab eo, præsertim cùm expen-
sas illas non fecerit intuitu Domini sui,
neque in illius, sed in proprium commo-
dum, pro acquirendo scilicet servitio; at-
qui sine justo titulo non licet surripere alienum:
ergo iniquè egit subtrahendo aliquid
intuitu dictarum expensarum.

72 R. ad secundum pariter negativè.
Ratio est: quia Dominus nequitiam te-
netur alere totam familiam suorum famu-
lorum, neque iisdem dare salarium juxta
quantitatem familiarum aut liberorum, sed
juxta proportionem servitiorum, ac me-
ritorum: esto proin Titius nequiverit,
alere suam familiam ex suo ordinario,
salario, minimè tamen licuit subtrahere
Domino.

Neque ex eo capite excusandus est,
quod existimaverit, Dominum faciliùs ca-
rere posse 100. aut pluribus, &c quippe
quorum subtractionem nunquam sentiret;
nam, si talis prætexus justam præberet,
causam surripiendi alienum, planè cuilibet
pauperum liceret subtrahere ditioribus,
aut certè ditissimis, modò hi non adver-
terent hujusmodi subtractionem. Et quæ
tunc, amabo! quæ foret facies Reipubli-
cæ? Liqueat proin clarè, Titium nostrum
per se loquendo esse obligandum ad res-
tutionem omnium, quæ hætenus annua-
tim iniquè subtraxit suo Domino: esto per
accidens fortè ob impotentiam physicam
aut moralem excusetur, nihil habeat, quod
reddat.

At (inquiet forsitan Titius) labores,
quos subire cogor, revera sunt quasi im-
mensi, & tales, quos nunquam prævide-
ram, nec credideram, eos fore tantos.
Salarium è contra est respectivè exiguum
ita, ut nullibi locorum tam tenuiter sa-
lariari officiales mihi similes: expensæ pa-

Elbel Theol. P. IV.

riter ad conservandum statum meum multæ
sunt, & nimis copiosæ: quidni ergo tan-
tum subtrahere liceat, quantum opus ha-
beo ad honestè alendam familiam! præ-
sertim, cum, & jus naturæ dicet, & me
obliget ad providendum uxori ac liberis,
aliunde verò non inveniam, quo succur-
ram inopiz nostræ?

73 R. Esto labores tui videantur quasi
immedi, nec antea prævisi, è contra sa-
larium tuum respectivè exiguum, minimè
tamen licebit deinceps aliquid sub hoc præ-
textu subtrahere. Ita profecto clarè colli-
gere licet ex propositione sequenti nu. 37.
ab Innocentio XI. damnata: *famuli, &
famulæ domesticæ possunt occultè heris suis
surripere ad compensandam operam suam,
quam majorem judicant salario.* Ratio au-
tem damnandi hanc opinionem, & doctri-
nam, seu etiam praxin, est multiplex 1.
quia acceptando (immo etiam propria
sponte cum multis expensis, honorariis at-
que schmirbalibus, uti paulò ante fateba-
ris querendo hoc tuum servitium, te ob-
ligasti ad serviendum pro hoc, & non
pro majori salario: ergo injustè agis, ali-
quid ultra subtrahendo 2. quia procul du-
bio alii plures hos tuos labores libenter su-
birent pro eodem salario: ergo tibi non de-
betur majus 3. quia Dominus tuus satisfacit
justitiæ compensando labores tuos pretio
mediocri, immò etiam pretio infimo,
eò præsertim, quod servitia ultra oblata
ab Officialibus, quodammodo vilescant:
atqui salarium tuum æquat ad minùs pre-
tium infimum, certè non constat illud esse
inferius pretio infimo, neque de hoc
facile præsumi debet, sed potius de oppo-
sito. ergo injuriam manifestam inferis sub-
trahendo aliquid tuo Principali, præser-
tim cùm is fuerit in certa possessione ho-
norum suorum. Vide de hoc Dicastillo lib.
2. tract. 2. disp. 9. dub. 7. La Croix l. 3. p.
1. num. 974.

Nec refert, quòd alibi locorum officiales
tibi similes tam tenuiter salariari non sole-
ant; nam quemadmodum merces non ubi-
que æquali, sed in uno majori, in alio
verò loco minori quidem, justo tamen,
pretio veniunt; ita & labores seu fa-
militia pro lucrorum diversitate, majo-
ri aut minori famulorum abundantia,

Ll 3 diver-

diversimodè compensari assueverunt, ita, ut in uno veniant summo, in altero medio, & in tertio loco infimo pretio iuste compenseantur, veluti sapienter advertit P. Viva ad *proposit. nu. 73. ab Innocentio XI. damnatum*, n. 6. ergo ex hoc capite nihil licebit subtrahere.

75. Esto etiam jus naturæ dictet, te obligari ad providendum tuæ familiæ; at, minimè dictat, esse huic providendum mediis illicitis, aut ob hanc causam alteri, quod suum est, auferendum. Unde potius dictat, te teneri ad omnimodo possibili compensanda damna Domino tuo illata. Dictat insuper, te teneri ad parcendum sumptibus non necessariis, aut, minus necessariis. Neque verò opus est, ut aliis tibi similibus vestilibus in omnibus (præsertim quoad vestium pompam, famulorum, famularumve copiam) te parem portes; præsertim si alii id faciant, ex propriis bonis, & mediis patrimonialibus, vel alio subsidio &c. &c.

CASUS SECUNDUS.

Sempronius jam ante triennium à Titio voluit emere equum 60. florent; verum quia pro hoc pretio obtinere non potuit tandem eundem clam abstulit, moxque eundem Judæo vendidit pro 80. florent. Haud multo post conscientia stimulis agitatus, voluit rescindere contractum animo restituendi equum suo Domino, verum Judæus responderat, equum jamjam periisse. Unde dubitat Sempronius, an, vel quantum defacto restituere teneatur Titio?

76. R. Sempronius velut possessor malæ fidei, & fur iniquus; teneretur per se loquendo restituere primum ipsum equum, si is adhuc existeret, & secundò omne damnum amergens Titio, aut lucrum cessans ex carentia sui equi, detractis duntaxat expensis, quas Titius ipse in alimentando suo equo necessariò facere debuisse. Ita omnes. Et ratio hujus responsionis desumi debet ex dictis mox supra, num. 67. Verum, cum equus supponatur jamjam periisse; hinc dicendum, quòd Sempronius loco equi (nisi is simili casu aut infirmitate apud dominum suum certò periisset) teneatur restituere valorem

equi, quo Domino valuisset, ita, ut non satisfaciatur præcise restituendo 60. quos, jam semel dare voluit, aut 80. quos ipse à Judæo obtinuit, sed teneretur tantum, quantum juxta prudentem existimationem Dominus accepisset, ut si is eum vendidisset pro summo pretio v. g. 100. teneatur Sempronius restituere totidem, si verò Titius equum reservasset in hodiernum diem, quo jam decrepitus non valeret nisi 50. satisfaciatur restituendo 50. unà cum refusione totius damni emergentis, & lucri cessantis, &c. &c. Ratio clara est: quia secundum dicta *loc. cit.* mensura restitutionis possessori iniquo incumbens est quantitas totius damni illati: atqui, si Titius pro suo equo obtinuisse 100. Sempronius autem redderet duntaxat 60. aut 80. non compensaretur totum damnum Titio illatum: ergo &c. Videatur de hoc Tamburinus l. 8. *decal. tr. 3. cap. 2. §. 7. à num. 6.* Sporer ubi supra cap. 2. numer. 147. seqq. Layman l. 3. *tract. 2. c. 4. numer. 4.* Lessius *cit. dubit. 16. n. 105.*

77. Dixi tamen per parenthesin 1. nisi equus apud Dominum simili casu aut infirmitate periisset &c. Etenim si talis equus (idem dicendum de aliis) jam habuisset morbum, aut defectum aliquem naturalem, ut proin etiam apud Dominum manens certò periisset infirmitate, vel etiam eodem casu quo apud possessorem, periit verb. grat. justo hostium incursum, aut si incendio, vel aquarum illuvie &c. consumptus fuisset, liberabitur Sempronius ab onere restitutionis; idque propterea, quia ex tali suppositione Titio nihil intulit damni in effectu: at, qui revera effecit non damnicat alterum, ad nullam teneretur compensationem; ergo &c. Secus dicendum foret, si equus apud Dominum manens periisset quidem, sed injuria alterius v. g. injusti invasoris, aut raptoris; nam quemadmodum talis invasor contraheret obligationem restituendi, ita & tu eundem præveniendi, iniqua tua ablatione eandem obligationem in te transulisti, uti rectè notarunt Molina, Lessius, Dicastillo lib. 2. de justit. *tract. 2. disp. 2. dub. 4. numer. 75.* Sporer *tr. 4. c. 2. n. 162.* Lugo *disp. 18. sect. 6. n. 142.*

78. Dixi Secundò: nisi certò periisset; etenim

etenim si solum dubitetur, an non forsitan apud Dominum similiter periisset? adhuc tenebitur Semprenius noster ad restituendum valorem equi, hac ratione: quia in dubio debet esse melior conditio Domini, ceu possessoris rei suae, qua privari nequitiam debet, nisi certum constet de amissione, seu interitu. Ita cum *communis* DD. Sylvestre, Reginaldus, Lessius l. 2. c. 12. dub. 15. num. 92. Dicastill. l. 1. c. 1. Tambur. l. 8. tr. 3. cap. 2. §. 8. numer. quinto Sporer cit. numer. 162. qui tamen cum Lugone numer. 187. probabile existimat, in tali casu possessorem iniquum solum teneri ad restituendum pro rata dubii.

At verò, inquit, hoc ipsum difficile immò impossibile videtur, divinare scilicet, an res illa apud Dominum periisset vel non? item, quantum damnum, aut lucrum cessans & carentia suae rei Domino emerferit? quis enim hoc divina-bit?

79 Resp. Fateor equidem, hoc oppidè difficile esse, & satis incertum. Verum, quemadmodum in aliis rebus ab hominum arbitrio, & existimatione dependentibus, dum veritatem ipsam attingere non valeamus, jubemur sequi, amplecti, seu etiam indagare id, quod prudentum iudicio verosimilius apparet; ita sanè, in hoc puncto nostro id, quod verosimilius apparet, sequendum est, & amplectendum.

Et nunquid si tu scires, Titium tibi, aliquid debere, ignorares autem quantum, omnem moveres lapidem adprehendendam omnimodam veritatem, qua non apprehensa prætenderes tantum quantum tibi debitum verosimilius existimares? Vade igitur, & idipsum observa erga proximum tuum, & bene totus eris in tua conscientia; nam in hac materia de restitutione tutissima via incedimus, sequendo, & observando illa duo, lumine naturæ nota principia: *quod tibi vis fieri, alteri feceris; & quod tibi non vis fieri, alteri ne feceris*. Inquirendum proinde est in tali casu diligenter 1. quanti revera pretii, & valoris equus tunc temporis fuerit? 2. an Dominus non fuerit passus damnum

emergens ex eo, quod forsitan propriis expensis debuerit sibi procurare alium, equum? vel lucrum cessans ex eo, quod suo equo fuisset usus ad hunc aut illum laborem, vel vecturam lucrativam &c; item 3. an vel quo tempore, aut quo pretio eundem equum vendidisset? quartò quantum aliis suis equis assueverit lucrari? item quintò quantas soleat facere, expensas in alimentum, & pabulum aliorum equorum?

Et vel maxime sextò, an radix morbi, quo equus perlit, fuerit inveterata, an verò objerit duntaxat ex aliquo alio accidente, v. g. ob incuriam possessoris, vel nimios labores? Hæc, & similia, oportet, immò necessum est accurate conferri, & omnibus maturè perpensis, cum aliquo viro rem intelligente, discreto ac prudenti deliberare, aut concludere ad quantam restitutionem tenearis. Tutissimam quoque foret per tertium quandam rem cum Domino conferre, & convenire, quantum is rationabiliter prætendat intuitu talis furti, modò id sine periculo manifestationis, vel alterius damni gravioris fieri valeat.

Dices adhuc: at quid, si ego heri abstulissem vinum aut frumentum; illudque mox consumpsissem mala fide, hodie verò incursum hostili, vel alio casu fortuito omne reliquum vinum aut frumentum consumptum sit, quocum pariter aliud heri à me ablatum certò fuisset consumptum, teneborene aliquid compensare Domino?

80 Resp. Cum distinctione. Vel enim heri jam erat visum periculum interitus aut direptionis hodiernæ, vel non? si non: certè tenebris retinere totum pretium vini, aut frumenti. Ratio est: quia illud mala fide inique consumendo, illicè contraxisti obligationem compensandi, damnum, reddendi æquivalens toti illi valori, quem heri habuit frumentum à te consumptum; quæ obligatio tolli nequit, nisi acta restituas. At verò, si heri quidem aliquale periculum, non autem totum vel tantum fuit prævisum, quantum hodie probavit eventus teneberis quidem adhuc aliquid restituere, non tamen integram pretium; quia quantò majus pe-

riculum interitus prævidetur, tantò minoris æstimari solent merces, uti patet, tempore imminētis naufragii.

Quinimodò, si heri illud periculum jam certò, & infallibiliter fuisset prævisum, te ab omni onere restitutionis liberat Tamburinus *loc. cit.* num. 10. tum quia res certò peritura nihili æstimatur; cum etiam, quia Dominus in talem consumptionem tacite consentire præsumitur: quis enim (inquit Doctor proximè citatus) non vellet panem v. g. à te potiùs, quàm ab igne devorante consumi? Lugo *rem. 1. de just. disp. 18. sect. 4. num. 77.* Molina *rem. 3. disp. 726.* Lessius *lib. 2. cap. 12. d. b. 15. n. 95.*

Dices. Si vinum aut frumentum heri ablatum conservassem illudque hodie communi incendio perisset, profecto nullus me condemnaret ad restitutionem: ergo nec teneor, tametsi illud heri nullo etiam periculo prævisio consumperim, quia revera nullum damnum intuli Domino.

81 R. Negando paritatem; nam si tu frumentum aut vinum illud conservasses, heri effectivè nullum damnum intulisses: & sicut frumentum adhuc mansisset sub dominio illius, cuius ante erat, ita pariter periculum interitus: omnis quippe res, quæ casu perit, Domino suo perit; consequenter si hodie periisset communi incendio, tu ab onere restitutionis liber evasisses. At verò, si tu heri mala fide, frumentum illud, aut vinum jam consumpsisti, statim in ipso momento consumptionis effectivè damnificasti Dominum, & obligationem restituendi contraxisti, uti jam dictum fuit: & quemadmodum vinum illud vel frumentum heri consumptum hodie non ampliùs existit in rerum natura, ita hodie non ampliùs potuit perire Domino suo. Vide Laymann. *lib. tertio tractat. secundo capis. quart.* Sporer *cap. 2. num. 166.*

CASUS TERTIUS.

Caja famula jussa ab Hero suo, ut quædam viſualia v. g. Thee, Caffee, Sacrum &c. assignato certo pretio emeret à Mercatore B. hoc prætermisso viſualia illa emit ab alio Mercatore C. à quo illa obtinuit

minori pretio: & tale commercium jam ab uno, & altero anno exercuisse scietur, ita tamen, ut illud, quod de pretio superat, non ampliùs suo Hero, sed sibi, velut lucrum singularis industrie suæ, attribuerit, ac reservaverit. Unde jam querit 1. an Mercatori B. teneatur aliquid restituere? 2. an verò lucrum illud tuta conscientia sibi reservare valeat, vel etiam Hero suo reddere teneatur?

82 R. ad primum. Caja nihil teneatur restituere Mercatori B. Ratio est: quia, huic nihil ademitt, quod jam suumerat. Et licet videatur quodammodo illum defraudasse lucro justo, quod inde percipere potuisset; quia tamen ad tale lucrum nullum habuit jus actuale, nec in re, neque ad rem; hinc Caja respectu mercatoris B. non epit contra justitiam commutativam; consequenter nec tenetur ad aliquam recompensationem huic Mercatori faciendam, uti facillè colligitur ex dictis suprà n. 5.

Dices forsitan: tale lucrum de voluntate Domini jam erat destinatum pro Mercatore B. ergo hic jam habuit jus saltem ad rem in præstatum lucrum; quod, cum famula iniquè læſerit, haudquaquam ab onere restitutionis eximenda erit.

83 R. Etiam dato hoc, quòd lucrum illud fuerit quodammodo destinatum, pro Mercatore (de quo dubitari posset) profecto illud nondum erat destinatum absolute, velut sub conditione, si Mercator pro pecunia illa suas merces extraxiderit; quòd càm defacto nondum contigerit, dicendum, quòd Mercator B. nullum adhuc jus habuerit in illam pecuniam; quemadmodum nec Dominus peccunie habuit jus in merces Mercatoris, nisi illas actu emeret, effo Mercator jam priùs fuerit paratus ad eas vendendas. Secus tamen resolvendum existimarem; casu quo, talis Dominus jam antecederet; convenisset cum Mercatore B. universaliter; paciscendo quòd ab eo duntaxat hæc aut illa viſualia vult emere, ita; ut Mercator vicissim esset obligatus eas pro certo pretio vendere, & procurare prout sæpe fieri amat à magnis Dominis: hoc enim supposito Mercator vi pacti obtinisset

nulisset jus ad sacrum, quo à famulis aut famulabus, aliisque officialibus privari non posset sine injuria, & onere restituendi, sin minus totum lucrum, saltem pro spe lucri.

84 R. jam ad secundum. Caja nequit tuta conscientia sibi reservare id, quod de pretio à suo Domino dato supererat. Ratio hujus est: quia pecunia, quamdiu non expenditur pro mercibus, manet sui Domini: neque verum est, quod is voluerit abnegare dominium illarum, quamprimum eas tradidit Cajæ famulæ suæ, sed voluit duntaxat tradere id, & tantum quantum pro comparandis victualibus existimavit necessarium. Profecto experientia quotidiana probat, hanc esse voluntatem Dominorum, ita, ut inter centum vix unus reperiatur, qui velit hujusmodi excessum remanere famulis aut famulabus suis: atqui certum est, esse illicitum, reservare excessum illum pecuniarum contra voluntatem Domini: ergo hunc tenetur restituere.

Dices. Si Caja à Mercatore B. victualia illa emisisset, debuisset totam illam pecuniam expendere, nec Dominus quidquam amplius inde recepisset; uti supponit Casus: ergo ex eo, quod singulari sua industria eas ab alio Mercatore emendo, aliquid reservaverit, neutiquam condemnanda est ad hujus restitutionem.

85 R. Negando Consequent, quia, ut jam dictum, Dominus non censetur renunciasse, aut voluisse renunciare dominio pecuniæ, quæ remaneret in manibus famulæ suæ, quippe aliunde obligatæ ad fideliter gerendum Domini sui negotium. Quemadmodum ergo tali pecunia incendio vel alio casu fortuito consumpta, Dominus amittit illius dominium, non item si industria famuli aut famulæ incendio fuisset erepta: tunc enim debet restitui Domino; ita profus in nostro casu fieri necessum est. Pro praxi tamen in hoc casu Confessarius graviter advertat: 1. an Famula talem pecuniam sibi reservaverit ex quadam speciali, & extraordinaria industria Domino indebita? (quod raro quidem contingere natum est) 2. an merces à Mercatore C. compara-

tæ fuerint ejusdem bonitatis cum illis, quas emisisset, à Mercatore B. ? 3. an Dominus Cajæ sit valde dives, generosus, & liberalis; ita, ut non soleat de similibus minutis multum curare? si sic: facilius poterit dissimulare onus restitutionis ob rationabiliter præsumptum Domini consensum; idque præsertim tunc; si Caja nihil amplius habeat, & totum iam consumpsit: è contra si Dominus sit austerus, ac rerum suarum tenax, nec adeo dives, & præsertim si merces ab alio Mercatore C. comparatæ non fuissent ejusdem bonitatis cum mercibus Mercatoris B., nec industria vel labor Cajæ extraordinarius in iis comparandis, certò præfatam pecuniam tuta conscientia nequiquam sibi poterit reservare, quandoquidem hæc revera sit aliena, & his stantibus Dominus credi debeat rationabiliter invitus. Multò minus permittendum erit Cajæ, ut idipsum protinus prædicet; sed vel tenebitur accedere Mercatorem B. vel certò oportuna occasione quæsitâ Hero suo intimare, quòd eadem victualia ab alio valeant comparari pretio minori. Vide de hoc, si placet P. Kreslinger in addit. Theol. Mor. P. Reiffenst. tr. 8. dist. 4. post. nu. 102. addit. quarta.

§. III.

Corollaria ex dictis inferenda.

Colliges ex hæcenus dictis primò, non teneri ad restitutionem illum, qui grave damnum intulit ex ignorantia merùm concomitante, & puta occidendo inimicum suum quem putavit esse feram &c. etsi ita fuerit animo affectus, ut si scivisset esse inimicum, adhuc explodendo & jaculando illum trajecisset. Ratio hæc est: quia talis occisio non fuit voluntaria; supponimus enim, quod v. g. in sylva jaculando, putaverit se petere feram, non verò suum inimicum. Nec obstat voluntas illa interna, vi cujus adhuc voluisset explodere in illum; quia hæc hic & nunc non influxit in occisionem, & hoc ipso eam in esse ho-

homicidii non reddidit voluntariam, neque formaliter injustam. La Croix l. 6. p. 2. n. 190. Babenstuber, Lessius, Dicastillo, & alii.

87 Colliges secundò, neque illum teneri ad restitutionem, qui alium damnificavit, dando quidem operam rei illicitæ, simul tamen propossibili cavendo, ne injustè damnificaret, ut si alterius domum nocturno tempore fuit ingressus animo furandi v. g. pecuniam aut vestem, diligenter cavet, ne incendium oriretur, idque nihilominus ob inculpabilem curam ortum fuit, quo casu quidem tenebitur ad restitutionem eorum, quæ furto abstulit, quippe quæ voluntariè supponitur abstulisse, non tamen ad refarcienda damna ex incendio secuta. Ratio est: quia tale incendium pariter non fuit voluntarium: ergo in foro conscientie moraliter imputari nequit. Nihilominus in foro externo ob admissam culpam politicam iustè condemnari valet ad poenam, & refarcitionem totius damni, qua sententia lata tenebitur etiam in foro conscientie sese accomodare, juxta dicta superius n. 64. Sporer, Lessius Babenstuber disp. 4. a. 3. n. 8. & 9. Dicastillo l. 2. tr. 2. disp. 3. dubit. 2. n. 68. Petischacher de restit. pag. 163. & seqq.

88 Colliges tertio, Eum, qui subita ira percussit, per actionem tantum venialiter malam grave damnum intulit, v. g. alterum mortilando, defraudando, segetes comburendo &c. Item Custodes ædium aut vinearum, qui per negligentiam venialem duntaxat fores reliquunt apertos, cujus occasione alii intrantes, grave damnum inferunt, non teneri ad restitutionem totius damni. Ratio est: quia reparatio gravis damni, seu effectus poenalis gravis, nequit oriri, nisi ex culpa gravi: ergo ubi hæc non fuit commissæ, ibi poenitens in foro conscientie, & ante sententiam Judicis non est condemnandus. Illsung, tr. 4. disp. 3. n. 10. Sæa, & alii.

89 Nihilominus cum omnis injuria formalis damnosa nata sit ex sua natura, inducere obligationem refarciendi illam, & satisfaciendi læso; hinc probabilius existimo cum Bonacin. Haunoldo, Illsung, & aliis, quos citat, & sequitur La Croix cit. l. 3. pag. 2. n. 191. talem teneri ad

refarciendam partem gravis damni, proportionatam culpæ veniali; etsi quantitas hæc universaliter determinari nequeat, sed determinanda sit judicio viri prudentis, perpensis maturè omnibus circumstantiis, tum illius, qui damnum intulit, tum alterius etiam, qui fuit injustè damnificatus. Judico proin cum P. Illsung. *mor. cit. nu. 10.* talem satisfactorum iustitiæ, si restituat tantum, quantum infra quantitatem ad peccatum mortale sufficientem, judicio viri prudentis, commissæ culpæ veniali correspondet, seu, quantum tali Domino subtrahere aut scienter damno dare non posset absque peccato veniali. Immo verò opposita sententia, quam tenent Lessius, Tamburinus, alique graves Doctores, quod scilicet is, qui auferendo, aut pravius damnificando proximum cum solo peccato veniali ex mera indeliberatione aut inadvertentia commissio, ad nullam prorsus restitutionem teneatur, verè probabilis videtur, & hodieum à pluribus probatis, classicisque Doctoribus ut talis propugnatur, hac potissimum ratione: quia ex voto semiplene tantum voluntario nulla prorsus oritur obligatio præstandi materiam gravem voto promissam neque partem ejus: ergo (inquit) neque ex culpa veniali duntaxat oritur obligatio refarciendi damnum grave, aut partem illius. Videatur de hoc Babenstuber cit. a. 3. n. 14.

90 Colliges quartò, Illum, qui quidem scienter intulit damnum grave, invincibiliter tamen ignoravit, illud esse tam grave (ut si putavit, annulum, qui revera valuit 50. tantum valere 5. proptereaque in flumen, aut ignem projecit) non teneri ad refundendum totum damnum, sed solum ad tantum, quantum scienter damnificavit, ut puta in hoc casu nostro ad quinque florenos. Ita Pontius, Dicastillo, Haunoldus tr. 2. numer. 219. Diana part. 11. tr. 2. Resolut. 34. La Croix cit. numer. 194. contra Lugonem, Illsung, & alios nonnullos. Ratio est: quia ad illud, quod invincibiliter ignoravit, refarciendum, neque ex lege positiva, neque ex lege naturali tenetur, nam, eo ipso, quod talem excessum damni inculpabiliter non agnoverit, dici nequit cau-

causa moralis illius, neque is potest ei moraliter imputari: ergo neque obligari ad restitutionem; saltem ante sententiam Judicis.

91 Colliges tandem quintò, quòd, licet illa sententia Lessii, Tamburini, & aliorum, assensum, non esse obligationem reparandi damnum ex culpa duntaxat veniali, sit verè probabilis, ut proin pœnitens, volens eam amplecti in praxi, absolutionis beneficio privari nec possit, neque debeat, nihilominus Confessario incumbere, ut dum audit, pœnitentem grave damnum intulisse culpabiliter, non nimis faciliter judicet aut inferat, damnificationem contigisse duntaxat ex culpa veniali, idèquè ad nullam restitutionem obligari suum clientem. Ratio est: quia quando damnum est grave, culpa ex qua proficiscitur, ordinariè est gravis seu mortalis; rarò enim, dum quis aggredditur opus periculosum, operatur ex inconsideratione, seu deliberatione imperfecta tantùm; præsertim cùm opera externa suum periculum operanti facile insinuent, animumquè excitare soleant ad advertentiam ac deliberationem, saltem interpretativè talem, quæ sufficit ad peccandum mortaliter: idèquè tam facile ab onere restituendi absolvendus non est, sed omnia circumspectè, & cum grano salis tractari debent, nedum uni nimium condescendat, alter injustè gravetur. Videatur Lessius l. 2. c. 7. dubit. 6. n. 29. Babenstuber cit. n. 20.

CONFERENTIA

QUARTA.

De Restitutione debita ex delicto formali injustæ damnificationis.

SUMMARIUM.

- 92 Injusta damnificatio quid sit?
93 Hec potest fieri dupliciter 1. vel directè vel indirectè; item 2. vel positivè, vel negativè.

- 94 Mensura restitutionis injustè damnificanti incumbens est: quantitas damni illati.
95 Necessum tamen est, ut interveniat culpa theologia gravis.
96 Potest quis impediri à bono assequendo ad quod vel jus habuit, vel nullum: & hoc à Confessario est specialiter observandum.
97 Nam qui alterum impedit ab assuetudine boni jam debiti ex justitia commutativa, tenetur ad restitutionem; non item, si nullum habuit jus; nisi fraud aut vis intervenierit impediendo &c.
98 Qui aliquid damnificando facit, quod prævidet alteri imputandum, probabiliter non tenetur huic compensare damnum.
99 Resolvitur Casus I. de quodam Caupone, qui, ut plures sibi attraheret hospites, cerevisiam, carnes &c. minori pretio, quàm alii, vendidit.
100 Qui, si contra prohibitionem Principis vel Magistratus id fecit, peccavit, & tenetur ad restitutionem &c.
101 Solvitur quædam instantia contra hoc facta.
102 Et quid, si præparet cerevisiam cæteris meliorem, æquali tamen pretio cum aliis eandem vendat hospitibus?
103 Resolvitur Casus II. de quodam Advocato, qui pecuniam pauperibus studiosis legatam injustè distribuit;
104 Quique ob defectum sufficientis studii perdidit causam sui Clientis.
105 Et quid, si Clientes revera habuissent causam injustam.
106 Resolvitur Casus III. cujusdam Filii familias, qui Parentem suum subdole impedivit, ne certæ cuidam congregationi legaret mille florenos.
107 An, vel quid propterea teneatur resarcire huic congregationi?
108 Si ex odio erga hanc Parentem suo persuasisse, ut tantundem legaret alteri, aut sibi relinqueret, probabiliter nihil teneretur compensare dicte congregationi.
109 Confessarii est, præprimis attendere quantitatem culpæ ab injusto damnificatore commissæ.
110 Qui Episcopum jam resolutum ac desertum.

terminatum ad conferendum alicui verè digno beneficium, falsis criminacionibus, aut mendaciis inducit, ut sibi, vel alteri conferat, graviter delinquit, & tenetur ad restitutionem.

- 111 *Secus dicendum foret, si homo ille revera non fuisset dignus beneficio.*
- 112 *Similiter obligationem restituendi contrahunt, qui mendacis, aut dolo impediunt Opifices, & Operarios à lucro, quod obtinuerunt.*
- 113 *E contra non peccat, nec tenetur ad restitutionem, qui Episcopum vel alium solis precibus aut suasionibus perducit, ut sibi conferat beneficium, quod jamjam intenderat conferre alteri.*
- 114 *Idem tenendum est de Religioso, simili modo persuadente Moribundo, ut suo potius Monasterio, quam alteri aliquid leget.*
- 115 *Est tamen Religiosus quoad hoc circumspiciendus agendum, & semper ante oculos habenda constitutio Clement. 2. de privilegiis.*
- 116 *An restituendi obligationem incurrant, qui fraude impediunt, ne delinquentes deveniant ad manus iustitiae, & multam solvere cogantur.*

§. I.

Præmittuntur, & breviter resolvuntur quæsitæ, scitu necessaria ad debitè resolvendos Casus circa obligationem restituendi ex delicto formali injustè damnificationis.

Quæres primò, quomodo injusta damnificatio differat ab injusta acceptione?

92 R. Differunt in eo, quòd injustè damnificans ex suo delicto nihil emolumenti aut commodi vel lucri accipiat, uti patet si quis alterius domum incendat &c. contra injustè accipiens ex suo delicto aliquid accipit commodi vel emolumenti, veluti liquet v. g. ex furto rei alienæ &c.

Quæres secundò, quotupliciter injusta damnificatio fieri solet?

93 R. Duplici modo fieri potest ac so-

let, scilicet vel 1. directè vel indirectè; vel 2. positivè, aut negativè. Directè fit, dum quis per se intendit damnificare proximum: indirectè autem, dum quis ponit causam, vel positam non amovet, agendo scilicet, vel omittendo aliquid, ex quo prævidet subsecuturum damnum proximi, tametsi illud damnum directè minimè intendat. Porro positivè damnificare dicitur, qui rem alienam destruit aut deteriore reddit: negativè autem, damnificare existimatur, qui alterum impedit à consecutione alicujus boni, ad quod assequendum iste vel jus, vel saltem spem habuit; de quo mox infra n. 97. Rursus utraque hæc damnificatio fieri potest non tantum per se, seu per propriam personam, sed etiam per alienum v. g. servum aut filium &c. nam hoc loco procedit illa *Regula* 72. *Juris in sexto; qui facit per alium, est perinde, ac si faciat per se ipsum.*

Quæres tertio, quantum teneatur restituere, qui alium injustè damnificavit?

94 R. Qui cum culpa theologica gravi alterum damnificavit (sive per se ipsum immediatè, sive per suos) tenetur restituere *quantitatem damni illati*; ideòque 1. rem ipsam deterioratam, aut ejus valorem; item 2. omnes fructus illius; nec non 3. omne damnum emergens, & lucrum domino cessans. Ita cum communissima & certa sententia Sporer *tr. 4. c. 2. n. 385*. Ratio autem hujus est eadem, quæ data fuit suprà n. 67. de possessore iniquo; est enim par utriusque ratio, & æqualis mensura restituendi, scilicet *quantitas damni illati*: at, nisi injustè damnificans restitueret omnia mox enumerata, nunquam sanè perveniret ad quantitatem damni illati, nec iustitia unquam suum obtineret finem, ut dictum fuit *l. cit.* ergo &c.

95 Dixi tamen: *qui cum culpa theologica gravi &c.*, etenim is, qui vel nullam culpam theologicam, vel certè non gravem commisit (etsi in foro externo adhuc iustè condemnari valeat ad compensationem damni, & facta condemnatione etiam in foro conscientie se se accommodare teneatur, secundum dicta *num. 46.*) ante sententiam Judicis tamen in conscientia non tenetur ad compensationem rei gravis;

vis; quia hujus obligationis nullus ostendi potest titulus, neque asserri ratio efficax, veluti probatum fuit *suprà* n. 63. Videri etiam de hoc possunt Lessius l. 2. c. 7. *dubit.* 6. *item* c. 9. *dub.* 19. Molina *disp.* 698. Layman l. 3. *tr.* p. 1. c. 6. n. 2. Sporer n. 191.

Quæres quartò, quantum teneatur restituere is, qui alium impedit à consecutione alicujus boni?

96 Ante responsionem breviter notandum, posse aliquem impediri ab aliquo bono, respectu cujus eadem nullum habuit jus, tamen habuit probabilem spem illud obtinendi, saltem ex liberali collatione alterius; vel etiam impediri potest ab affectu boni, ad quod jam habuit actuale jus, sive dein perfectum & *in re*, etsi nondum possessa, ut si quis impediatur à consequendo beneficio vel officio sibi jam collato & confirmato, aut à consequenda donatione mortis causa facta, vel à capeßenda hæreditate jam adita post mortem testatoris, aut à solutione debitorum &c. sive etiam jus imperfectum seu *ad rem*; ut si quis impediatur à beneficio, ad quod jam fuit legitime præsentatus, etsi nondum confirmatus, vel à consequendo legato, aut alia re promissa & acceptata, ex quocunque demum contractu; idque fieri potest sine, aut cum dolo, fraude, vel vi &c. &c. de quo vide Sporer *cit.* *tr.* 4. n. 197. vel *tr.* 6. *sect.* 1. c. 1. n. 3. & 4. h. n.

97 R. 1. Qui impedit aliquem à consecutione alicujus boni, ad quod is jam habuit jus *in re*, vel *ad rem*; esto hoc faciat sine vi vel fraude; item 2. qui aliquem impedit à consecutione alicujus boni vi, dolo, aut fraude, esto nullum jus ad illud bonum habuerit, teneatur ad compensationem damni juxta æstimationem illius boni, vel spei habitæ ad illud assequendum: secus, si sine vi vel fraude impedit. Ita communiter DD. Molina *disp.* 727. Layman *cit.* c. 7. n. 1. Lugo *disp.* 18. *sect.* 5. n. 8. La Croix l. 3. p. 2. n. 69. & Ratio prioris est: quia violans jus alterius cum damno; teneatur ad compensationem: atqui impediens ab affectu alicujus boni, ad

quod alter jam habuit jus actuale, violat jus illius, & quidem cum damno: ergo teneatur ad compensationem hujus. Ratio autem posterioris est: quia esto ille alter nondum habuerit actuale jus ad beneficium, vel aliud bonum, mera gratuita voluntate sibi conferendum, habuit tamen verum jus illud ab alio petendi, & ne in hoc ab alio, quocunque demum, vi vel fraude impediatur: ergo qui hoc modo illum impedit, verè agit contra justitiam; consequenter obligatur resarcire hoc damnum, non quidem refundendo totum illud bonum speratum, sed potius pro rata spei ad illud consequendum, quippe qua sola alterum privavit ponendo impedimentum.

Quæres quintò, an etiam ille teneatur ad restitutionem damni, qui aliquid facit, quod prævidet, alteri imputatum iri, si ille alter propterea damnum patiatur; ut si quis incendat domum, aut segetes Titii, & tale incendium imputetur Cajo, isque propterea compellatur resarcire damnum?

98 R. Quòd non teneatur. Ita tenent Molina, Sanchez, Lessius, & Lugo. *disp.* 8. n. 85. qui probabiliter putant, etiam tunc non teneri, quando fecit idèd, quia prævidit, tale delictum alteri imputatum iri, secus nunquam illud facturum: idipsum tenet La Croix *cit.* l. 3. p. 2. n. 155. Ratio est: quia talis non est causa, cur alter, cui ob ignorantiam imputatur delictum, damnificetur, sed est merum occasio illius damni, quod ex justitia impedire non tenebatur, sed tantum ex charitate; ergo respectu hujus, cui damnum imputatur, non peccavit contra justitiam, sed solum contra charitatem: atqui ex læsione solius charitatis non oritur obligatio restituendi; ut dictum fuit *suprà* c. 2. n. 5. ergo hinc nihil tenetur ex justitia compensare (etsi charitas hoc suadeat) bene tamen illi, quem voluntarie damnificavit injustè. Vide etiam Tambur. l. 6. *decal.* c. 4. n. 3.

§. II.

Proponuntur, & breviter resolvuntur Casus practici, de obligatione restituenti ex titulo injuste damnificationis.

CASUS PRIMUS.

Titius Caupo cerevisiam, carnes, & alia id genus victualia hospitibus suis vendere consuevit minori pretio, quam alii Caupones, idque eo fine ac intentione, ut hac via plures sibi attraheret hospites. Cum vero ipsiusmet adveniat, hoc cedere in aliorum Cauponum praedictum, quippe quorum commercium notabiliter propterea diminuitur; hinc dubitat & querit, an protinus tuta conscientia idem valeat praticare?

99 R. Per se loquendo hæc praxis non videtur illicita, nisi aliunde supponatur prohibita. Ratio est: quia sine injuria aliorum Cauponum Titius posset suam cerevisiam, carnes, & alia id genus victualia hospitibus suis omnino gratis donare: quidni ergo eadem minori pretio, quam alii vendere? deinde, cuius licitum est, suum utile & lucrum mediis licitis querere: at, minori pretio merces vendere, de se non est medium illicitum, sed potius licitum: ergo &c. Accedit, quod ne charitas quidem obliget Titium, ut bono aliorum Concauponum consulat cum suo notabili detrimento, quale esset illa carentia lucri ex concursu hospitum adipiscendi. Denique alii Caupones nequeunt de jure prætere, ut hospites se potius, quam Titium frequentent, cuiuslibet enim hospitum liberum est accedere quemlibet: ergo Titius hoc modo (quantum est de se) nec delinquit contra iustitiam, neque contra charitatem. Quam ob rem Lugo disp. 37. numer. 111. meritis excusat à mortali Advocatos, Medicos, Mercatores, aliosque similes, qui sine vi, fraude, & mendacio, etsi cum aliorum praedictio, curant ad se trahere illos, qui alios frequentabant; quia scilicet charitas non obligat ad consulendum bono proximi cum

magno suo, vel suorum incommodo. Videatur de hoc Sanchez l. 1. *confil. mor. c. 3. dub. 3. numer. 5. La Croix l. ult. num. 81.*

100 Dixi tamen: nisi hæc praxis sit aliunde prohibita &c. subinde enim, & quidem frequenter, Princeps, aut Magistratus prohibet suis subditis, ne hoc, vel illud genus mercium majori, vel etiam minori pretio vendere praesumant, quam publica auctoritate taxatum fuit; idque omnino iuste, scilicet ad conservandam pacem & æquitatem in Republica, nec non ad arcendam nonnullorum avaritiam vel astutiam &c. qua lege supposita, utpote iustissima, Titius noster potuisset graviter peccare, nedum contra obedientiam Principi, seu etiam Magistratui debitam, verum etiam contra iustitiam, scque incurere obligationem compensandi damna aliis illata, praesertim si à Iudice ad hoc fuisset condemnatus.

101 Nec refert, quod, ut mox supra meminimus, huiusmodi victualia, quippe quorum verum habet dominium, hospitibus suis potuissent omnino gratis donare; esto enim id posset per se loquendo, & seclusa omni prohibitione legitima, hac tamen stante nequaquam potest: quia Princeps & Magistratus vi dominii alii, exigente id bono publico, iuste ac valide prohibere possunt, ne subditi hoc aut illo modo sua bona dilapident, distrahant, vendant vel disponant. Hac de causa Testator, esto ceteroquin supponatur Dominus suorum honorum, invalide tamen de illis disponit saltem ad causas profanas; nisi certas quasdam solemnitates de jure requisitas observet, veluti communissimè tenent DD. & constat clarissimis *text. juris. insit. quibus modis testam. infr. §. ex eo 7. item L. 12. C. de testam. nec nota L. Hæc consultissima 21. C. cod. tit.*

At quid (inquires) si talis Caupo suam cerevisiam æquali pretio quidem cum aliis juxta communem taxam vendat, eam tamen praxet meliorem, quam alii, utputa quia praxando plus hordei aut tritici tostii, vel etiam lupularum impendit, ut hoc modo sibi attrahat plures hospites?

102 R. Cum eadem distinctione mox data.

data. Vel enim à Magistratu aut Principe intuitu boni publici fuit taxata certa mensura hordei, aut tritici, tostii, seu etiam lupularum adhibenda, vel non? si non, minime peccabit Titius, ob rationes datas num. 99. Si verò supponatur taxata talis mensura (sicuti nonnullis in locis fieri assuevit) peccabit Titius contra iustitiam adhibendo maiorem quantitatem. Ratio est: quia hoc modo fraudulentè ac subdole, contra expressam legis prohibitionem, alios saltem indirectè damnificare velle vincitur; ad quod nullum omnino habet jus. Unde etiam tenebitur ad restitutionem, saltem post sententiam Iudicis; esto ante Sententiam fortè excusari possit ab hoc onere, eò quòd huiusmodi leges potius pœnales quam directivæ videantur: quod tamen ex praxi ac communi persuasione prudentum colligendum ac decidendum existimo. Ex qua prudens Confessarius facilè concludet, quidnam cum simili pœnitente habeat agere.

CASUS SECUNDUS.

Sempronius pium quoddam legatum, pro quatuor pauperibus studiosis alendis distribuendum, & applicandum juxta ipsorum merita, non distribuit æqualiter ad præfatam intentionem, sed ex privato affectu cuidam suo consanguineo, etsi non adeò bene merito, nec litterato, impendit notabilem partem. Insuper 2. nuper munus advocatiæ in se suscepit, sed causam Clientis sui perdidit, partim quòd causam ipsius non satis penetraverit, partim etiam quòd eidem penetrandæ non satis studuerit. Queritur jam, utrum Sempronius sit obligandus à Confessario ad aliquam restitutionem?

103 R. Ad primum. Si fundator pecuniam illam reliquit pro alendis studiosis pauperibus quasi in genere, nullum determinando in individuo, sed relinquendo hanc determinationem aliis v.g. Sempronio, potuit inter alios etiam suum consanguineum determinare, modò hic verè pauper fuerit. Certè tamen peccavit ex eo, quòd huic suo consanguineo, utpote minus litterato, ex privato affectu dun-

taxat, plus cæteris impenderit. Idcirco talem excessum tenetur compensare aliis diligentioribus utpote magis meritis. Ratio est: quia digniores ex voluntate Domini testatoris acquisiverunt jus strictum ad talem portionem, & illa proportionalis distributio erat illorum juri debita: ergo Sempronius aliter distribuendo legatum, hisce pauperibus studiosis fecit injuriam damnosam. Quin immò, si consanguineus ille Sempronii non fuit verè pauper, tenebitur Sempronius noster, recompensare, & alteri verè pauperi studio applicare, quidquid demum ex pio legato huic excessivè impendit. Ratio clara est: quia voluntas pii testatoris supponitur fuisse, ut pauperibus duntaxat studiosis pium illud legatum applicaretur: atqui voluntas ultima defuncti pro lege est servanda C. ultima voluntas 4. 13. quæst. 2. & nihil magis curandum, quàm, ut ea impleatur leg. 4. Cod. de necessar. servis, hered. institut. ergo Sempronio etiamnum incumbit, excessum illum alteri studio verè pauperi impendere. Videatur la Croix lib. tertio part. secunda numer. 71.

104 R. jam ad Secundum. Sempronius pariter condemnandum esse ex eo, quòd causa ceciderit defectu sufficientis studii.

Ratio est, quia regulariter loquendo quivis Advocatus ære condicatur (nam secus dicendum, si ex mera charitate patrocinium suscepisset) cum pacto saltem implicito, ut suo Clienti fideliter patrocinetur: ergo si hoc non faciat ex negligentia graviter culpabili (uti supponitur non esse factum) in nostro casu tenebitur ad recompensanda damna Clienti emersa ex hujuscemodi negligentia. Hac ratione Bonacina tom. secundum in præcep. 8. decalog. dub. 10. quæst. 3. Lessius libr. secundo cap. 31. dub. 8. Laym. lib. primo cap. 5. rectè docent, Advocatos, si causarum expeditiones cum præjudicio clientum differant, postponant, vel plures acceptent, quàm expedire possint, peccare, ac teneri ad restitutionem omnium damnorum, quæ per illorum imperitiam, malitiam, aut negligentiam Clientis vel actor incurrit.

Dices At : quid , si Client habuisset revera causam injustam , tenereturne Sempronius Advocatus nihilominus ad aliquam recompensationem damnorum ?

105 R. Juxta communem Doctorum Sententiam Advocato aere conducto (de quo Casus hic procedit) incumbere , ut , priusquam patrocinium alicujus causæ in se suscipit , diligenter examinet illius æquitatem & probabilitatem , eamque Clienti suo sincerè indicet . Qua communi doctrina supposita attendendum erit à Confessario , & indagandum , utrùm poenitens Advocatus injustitiam causæ inculpabiliter ignoraverit , vel non ? si culpabiliter , tenebitur ad recompensanda damna suo Clienti , sicut & actori emergentia , quippe quorum existit causa culpabilis . Si autem dicat , se injustitiam causæ inculpabiliter ignorasse , eò quod non fuerit latis , vel omnino finistrè informatus à Cliente , ad nihil tenebitur : quia hoc supposito neminem culpabiliter damnicavit : ergo ad nullam restitutionem condemnari debet . Videantur de hac materia Lessius *loc. proximè cit.* Busenbaum *l. 4. c. 3.* vel Bonacini *de peccat. disp. 2. q. 4. n. 9.*

CASUS TERTIUS.

CAjus Vir magnarum opum jam pridem hinc inde dixerat , se intendere cui-dam certæ congregationi mille florenos legare ; quod , ubi Filius Caji inauditi , Parentem suum , etsi bene adverterit , cum mortì jamjam proximam , spe vitæ ulterius prorogandæ continuò lassavit . Quin etiam Patre posulante , ut Notarius publicus cum aliis scribis sibi advocaretur excepturi ultimam suam voluntatem , Filius subdole respondit , Notarium de facto obtineri non posse , neque testes posulatos ; quare contigit tandem , ut Caju sine ullo testamento cenoito moreretur , & filius ab intestato , etiam hæres necessarius , successit in cæcia bona . Jam verò is dubitat , an d. d. e. congregationi teneatur aliquid dari ? Quid censendum ?

106 R. Hunc Filium teneri ad resarcendum damnum dictæ Congregationi il-

latum . Ratio desumi debet ex dictis num. 97. patet enim ex specie facti , quod per veram fraudulentum impeditur Parentem à legato : quid enim aliud sapit perniciosum illud mendacium , quo asseruit , haberi non posse notarium ? quid aliud , quàm fraudem sapit lassatio illa Parentis de vita ulterius protrahenda ? profecto per hujusmodi verba aliud significavit , scilicet vitam ulterius prorogandam ; & aliud intendit , scilicet impedire , ne de paterna hæreditate cogere alii quidquam expendere ; quod est fraudulenter agere , uti rectè advertunt la Croix *cit. n. 78.* Lugo *disp. 18. n. 103.* Lessius *l. 1. c. 2. n. 26. & 27.* At , qui alium vi vel fraude impedit à consecutione alicujus beneficii , tenetur ad resarcendum damnum , secundum dicta *l. c.* ergo &c. Et certè hic homo nedum injuriosus existit dictæ congregationi , verùm etiam piissimò suo Parenti , quippe cujus sanctam intentionem non minùs perniciosè , quàm subdole impedit , contra ipsius voluntatem . Quia tamen res adhuc in spe , præsertim ut dependens à mutabili , & diversis modis impedibili , vel frustrabili voluntate , notabiliter minùs vallet , quàm verè & realiter obtenta ; hinc unanimiter Doctores concludunt , hujusmodi fraudulentum impeditorem non esse condemnandum ad restituendam integram summam speratam utputa in nostro casu ad mille florenos , sed tantum pro rata spel . Ita Molina *tem. 3. tr. 2. disp. 727. n. 7.* Lugo , Lessius & alii plures , quos citat & sequitur Sporer *tr. 4. c. 2. n. 201. & 210.* quem vide , si placet .

Dices : quantum igitur in hoc casu nostro Filius Caji tenebitur compensare dictæ Congregationi ?

107 R. Rem difficilem postulasti . Vellem libentiùs audire resolutionem alterius , quàm dare propriam in re tam ambigua . Certè in nullo (etsi plures hac in re consuluerim) reperi , quantum in individuo teneatur talis resarcire : profecto nec dari potest quædam regula universalis , cùm hæc res vel maxime dependeat ex circumstantiis , utputa à majori vel minori spe , à gravitate vel exiguitate ipsius boni sperati , item maximòpere attendendum est , an illud bonum jam fuerit

fuerit debitum de jure, vel verò ex mera alterius liberalitate &c. Quia tamen juxta proximè dicta plurimùm distant spes etiam proxima & res ipsa, ita, ut vix dubitandum, quin bonum quodcunque demum, præsertim ab hominum vertibili arbitrio tantùm dependens (ut si sit hoc pium legatum) reipsa obtentum duplo pluris æstimetur, quàm mera & nuda spes illud obtinendi; hinc (salvo tamen meliori judicio) existimo Filium Caji in hoc casu probabiliter satisfacturum suæ obligationi, si dictæ congregationi reddat medietatem hujus legati, scilicet 500. florenos: quia dicta congregatio nullum adhuc jus habuit ad ipsum legatum, sed tantùm jus habuit, ne fraudulenter impediretur ab illa spe obtinendi: hoc autem jus non videtur tanti valoris, ut excedat quingentos florenos. Consultissimè tamen ac tutissimè ageret Filius Caji si rem hanc pacificè transigeret cum præfata congregatione, aut certè tantum eidem refunderet, quantum nunc & alter Vir doctus, discretus, atque pius restituendum existimaverit.

Dices adhuc: at quid, si filius ex odio aut aversione erga hanc congregationem persuasisset suo Parenti, ne quidpiam legaret huic, sed potius alteri, vel etiam totum sibi soli relinqueret?

108 R. Juxta probabilem, & verè tutam sententiam (etsi pro opposita scholarum Principes D. Thomas & Scotus communiter referantur) in hoc casu & supposito nihil teneretur restituere. Ita Sporer *cit.* nu. 212. ubi pro eadem opinione citat Sorum, Navarr. Molin. Sanchez, Less. Laym. & Tamburinum l. 8. tr. 3. c. 4. §. 2. nu. 4. Ratio est: quia persuasio illa, utpote sine vi vel fraude facta, non est contra justitiam: & licet supponatur facta ex odio, rancore, vindicta, vel avaritia &c. hæc tamen repugnant soli charitati, consequenter non læditur justitia: at ubi justitia & quidem commutativa non læditur, ibi nec datur obligatio restituendi: ergo ex hac suppositione non tenetur ad satisfactionem.

§. III.

Corollaria ex dictis inferenda.

109 **E**X hætenus dictis colliges primò, circa penitentes sese accusantes de injusta damnificatione, à Confessario maximopere attendendum esse, utrùm damnificando graviter peccaverint, vel non? si enim non peccarunt graviter, si ve ob materiæ parvitatem, si ve etiam ob meram indeliberationem seu inadvertentiam &c. immunes erunt à gravi onere restitutionis; partim quòd supponatur nihil possidere de alieno; partim etiam, quia cùm culpa merè venialis intervenierit, hæc non potuit parere obligationem gravem restituendi materiæ notabilem, juxta communissimam Doctorum, suprà nu. 95. relata & traditam.

110 Colliges secundò, Eum, qui v. g. Episcopum vel Principem jamjam resolutum ac determinatū ad conferendum v. g. Petro beneficium, dolo aut mendaciis &c. persuadet, ut non huic, esto revera dignus esset, sed potius sibi, vel etiam alteri conferat, teneri ad restitutionem, non quidem ipsius beneficii, sed juxta proportionem spei, quam ille alter habuit ad obtinendum illud beneficium. Ratio patet ex dictis suprà num. 97. & num. 106. Quia scilicet fraudulenter agendolæsit jus alterius cum damno. Id ipsum dicendum, si simili vi, fraude &c. impedivisset alterius verè digni Procuratorem aut Tabellarium &c. ne pro suo Principali potuisset agere, sique ipsum ab officio vel beneficio exclusisset. Vide Lugo *citat. dist.* 18.

111 Dictum tamen fuit: *esto revera dignus esset* &c. Etenim, qui impedit alium indignum, non peccat contra justitiam, cùm indigni non habeant jus ad obtinenda beneficia ecclesiastica, consequenter nec tenebitur ad restitutionem, qui tales impedit. Quinimò oportet aliquando, ut hujuſcemodi crimina, etsi occulta, quæ hominem reddunt indignum beneficio, collatori (soli tamen, quantum fieri potest) detegantur; tum quia propterea so-

M m lent

ent capi informationes de idoneitate præficiendorum; tum etiam quia bonum commune præferendum est bono hominis privati, ubi is est ineptus ad officia publica, juxta *communissimam* DD. opinionem.

112 Colliges tertio, contra justitiam peccare, & restitutionis oneri obnoxios fieri sequentes. 1. qui mendacis, fraude, vel criminationibus, præsertim falsis, impediunt Opifices, Operarios, vel famulos ab opere aut servitio suo, quo eant lucraturi; item 2. qui Mercatores injusto modo impediunt ab emptionibus aut venditionibus justis. 3. item eos, qui simili fraude Magistris abstrahunt discipulos, eosque ad se, vel alios attrahunt; nec non 4. Judices aliosque potentes, qui injuste detinent Opifices aut Operarios, ne sua opera vel arte interim aliquid valeant lucrari. Denique etiam 5. illos, qui injuste impediunt veros mendicos, quod minus mendicando sibi necessaria acquirere possint; etsi enim hi non habeant jus ad eleemosynas utpote ex sola charitate vel misericordia debitas, habent tamen jus eas petendi, & accipiendi, si dentur, item habent jus strictum, ne ab aliis injuste, utputa fraudulenter vel dolose impediuntur. Videatur Sporer *trac.* 4. c. 2. num. 204.

113 Colliges è contrario quarto, non peccare, nec oneri restitutionis ullo modo fieri obnoxium, qui Episcopum jam determinatum ad beneficium ecclesiasticum alicui conferendum, sola suasionem, aut precibus, seu etiam recommendationibus eod perducit, ut illud sibi, vel alteri, etiam minus digno conferat, uti cum *commun* docent Navarrus, Lugo *disp.* 8. *sect.* 5. n. 93. Laym. l. 3. *tr.* 2. c. 7. n. 2. Ratio est: quia talis utitur jure suo, quod habet ad alterum persuadendum, rogandum, aut sollicitandum in sui, aut alterius utilitatem; nec ideo alteri impedito infert injuriam, quandoquidem is ad beneficium sibi destinatum nullum adhuc jus acquisierit: & sicut collator ipse sine injuria poterat libere mutare suam voluntatem; ita potuit ab alio sine injuria induci, ut hanc suam voluntatem mutaret, modò id sine vi, fraude, vel falsis cr-

minationibus factum sit. Vide Sanchez *lib.* 2. *conf.* moral. c. 49. nu. 14.

114 Colliges similiter quinto, non peccare Sacerdotem, qui moribundum jamjam resolutum ad condendum testamentum, & instituendum hæredem v. gr. Titium, sine vi vel fraude &c. eod adducit, ut sibi potius aliquid leget, vel se, aut suum consanguineum hæredem instituat; idque præsertim asserendum, si hoc faciat ex bono ac discreto zelo, & prudenti consilio. Ratio facile eruitur ex hæcenus dictis, & jam sæpius inculcatis: quia nimirum nulla oritur obligatio restitutionis, ubi justitia non fuit læsa: & prudens consilium non est pœna restitutionis mulcandum, ait sapienter Sporer *cit.* num. 211.

115 Neque obstat, quod *Clement.* 1. de *Privileg.* sub excommunicationis, & æternæ damnationis comminatione interdicatur Religiosis, ne, dum contingit eos interesse testamentis condendis, retrahant Testatores à legatis faciendis Matricibus Ecclesiis; quia, uti sapienter advertunt Lugo, Tambur. l. 8. *trac.* 3. cap. 4. §. 2. n. 4. Sanchez *lib.* 2. *conf.* c. 1. *dubit.* 49. num. 28. aliquæ satis communiter, hæc constitutio facta fuit duntaxat pro illo casu particulari, ad pacem inter Clericos & Religiosos conservandam: nec potest habere locum pœna tam gravis, ubi nulla fuit commissæ culpa saltem imprudentiæ. Quin immò, tamen si Religiosus imprudenter sese ingerens graviter peccaret, si tamen sine omni vi vel fraude immutaret voluntatem testatoris, ad nullam obligabitur restitutionem, saltem ante Judicis sententiam; quia in canone allegato hæc pœna non continetur. Cautissime tamen in hoc puncto procedendum est Religiosis, nec facile sese debent,ingere, ne se suamve Religionem prostituant, sinistra affectionis, vel cupiditatis inordinatæ noram incurrant, sæculares scandalizent, & Reverendissimorum Ordinarium offensas incurrant; quæ omnia ex indiscocto hujuscemodi zelo oriri sunt nata, & jam sæpius enata.

116 Colliges denique sexto, probabiliter non teneri ad restitutionem illos, qui fraude vel dolo impediunt, ne reus de-

nun-

nunciatur aut à iudice mulctetur. Ratio est: quia fiscus ante actuale condemnationem non habet jus ad multam: & licet fiscus forte habeat jus, ne per fraudem proximè & directè impediatur à tali multa consequenda, supposita demum citatione; hac tamen non supposita non habet jus. Accedit, quod intentio impediens non feratur directè & proximè in dampnum fisci, sed potius in defensionem amici, seu etiam in occultationem delicti, ex quo per accidens videtur sequi fisco illud dampnum. Et hanc sententiam velut verè probabilem tenent Sanchez, Lugo, Lessius lib. 2. cap. 12. n. 136.

Aliter tamen existimo dicendum de Iudice, vel aliis Officialibus ex iustitia obligatis, ut huiusmodi crimina debitè puniant multa de jure taxata: quia contrarium facientes impingunt contra iustitiam: & quamvis ipse delinquens non teneatur ad solvendum huiusmodi multam, nisi ex virtute iustitiæ vindicativæ, Iudex tamen, utpote ære conductus ex iustitia commutativa teneatur punire crimina, & multam lege præscriptam tradere fisco: ergo si hoc non faciat, probabilius teneatur compensare dampnum fisco illatum, etsi oppositum probabile teneat Lessius cit. l. 2. cap. 13. num. 73. Lugo disp. 37. num. 112. Illung. tr. 1. disp. 2. num. 77. Vasquez, Diana, & alii plures apud La Croix l. 3. p. 2. n. 83.

CONFERENTIA

QUINTA.

De Restitutione debita ex cooperatione ad injustam damnificationem.

SUMMARIUM.

- 117 Causæ cooperantes ad injustam damnificationem recensentur novem, scilicet: jussio, consilium &c. &c.
118 119 & 120 Explicatur Causa man-

dans, consulens, & consentiens, &c.

- 121 122 & 123 Declaratur, quid sit Palpo, recursus præbens, & participans.

- 124 125 & 126 Breviter declarantur tres residuæ causæ negativè tantum cooperantes, scilicet murus, non obstants, & non manifestans, Ex quibus

- 127 Singuli tenentur restituere juxta proportionem sui influxus in dampnum illatum.

- 128 Quo ordine singuli damnificantes teneantur restituere.

- 129 Enumerantur diversæ debita, utputa onerosa, gratuita, hypothecata, simplicia &c.

- 130 Declaratur succinctè, quo ordine solvenda sint singula.

- 131 Recensentur debita privilegiata.

- 132 Resolvitur, Casus I. de quibusdam latrunculis, deprædantibus, & male tractantibus misellum Rusticum.

- 133 Qui, etsi non nihil disformiter concurrerint ad hanc deprædationem, singuli tamen per se loquendo obligantur, ad restituendum in solidum.

- 134 Idque etiam in casu, quo alter vel non possit, vel saltem nollet restituere.

- 135 Resolvitur Casus II. cujusdam studiosi, qui de consilio alterius pecuniam Oenopolæ debitam, in vacantibus dilapidavit.

- 136 Quem proinde Confessarius desuper consultus admonere debuit suæ obligationis.

- 137 An in hujus defectum Consiliarius ille sit obligatus satisfacere œnopolæ.

- 138 Resolvitur Casus III. cujusdam Cauponis solitarii, qui aliquot fures hospitio excipere consuevit.

- 139 Utrum eisdem à Ministris iustitiæ, seu licitoribus conquestos licitè absconderit.

- 140 Et quid, si prævidisset, fore, ut hac vice evadentes de novo furerentur.

- 141 Caupones receptantes Filios-familias

- bona Parentum suorum dilapidantes, an, vel quando teneantur ad restitutionem.*
- 142 *Mandans, qui efficaciter revocavit suum mandatum, non tenetur amplius ad restitutionem, bene tamen si non efficaciter revocavit.*
- 143 *Id ipsum de consulente probabiliter tenent multi DD. etsi quoad hunc mul- ti teneant oppositum.*
- 144 *An, vel quando volenti committere majus malum, liceat suadere minus.*
- 145 *Qui rationabiliter dubitat, an suo consensu vel suffragio efficaciter nocuerit, probabiliter tenetur rescire damnum pro rata dubii.*
- 146 *Opposita tamen sententia etiam videtur probabilis.*
- 147 *Testis in judicio etiam legitime interrogatus, etsi non manifestando veritatem peccet, minimè tamen obligatur damnum inde secutum innocentis rescire.*
- 148 *Quæ sit differentia damni inter causam partialem & totalem damni in ordine ad restitutionem.*

§. I.

Præmittuntur & breviter resolvuntur quæ- sita scitu necessaria ad resolvendos casus practicos circa obligationem restituendi, debitam ex cooperatione ad injustam damnificationem.

Quæres primò, Quæ, & quot sint causæ cooperantes ad injustam damnificationem?

117 R. Communiter enumerantur novem, sequenti hexametron satis accom- modè comprehensæ:

Iussu, Consilium, Consensus, Palpo, Recursus.

Participans, Mutus, non Obstant, non Manifestans.

Qui omnes tenentur ad restitutionem; ut patebit ampliùs ex dicendis. Et ratio clara est: quia ut ex hæcenus dictis jam liquet, fieri potest, ut quis vel im- mediâtè per se ipsum, vel mediante a-

lio, seu in concursu alterius lædat justitiam commutativam cum damno, prout revera faciunt omnes ac singuli mox enumerati: atqui non solum ille, qui im- mediâtè per se ipsum, sed & qui per alium lædit justitiam commutativam, tenetur ad compensationem damni: ergo &c. Verùm pro majori claritate

Quæres secundò, quid intelligatur per *ly iussu, consilium, & consensus?*

118 R. ad primum, nomine iussionis intelligitur mandatum efficax, vel potius ille, qui efficaciter mandat, ut alteri inferatur danumum injustum; ut puta si Pater filio, Dominus servo vel alteri sibi sub- dito mandat ferri, ut alium v. g. occidat, mutilet aut quomodolibet damnificet. Quo casu tamen, ut mandans ad restitutionem condemnari valeat, necessum omnino est, ut danum illud alteri fuerit omnino effec- tivè, & quidem vi mandati; nam si mandatum fuisset efficaciter revocatum, & mandatarius propria duntaxat malitia danum inferat, jam non mandans, sed mandatarius ipse tenebitur ad restituti- onem. Unde quoad hoc vel maxime at- tendendum est, nrtum mandans effica- citer, & quantum influxerit in danum alterius; tantundem enim compensare te- nebitur.

119 R. ad secundum. Nomine consi- lii, vel potius consulentiis intelligitur is, qui maligno suo consilio efficaciter insuit in alterius danum injustum (quò etiam spectant preces, adhortationes, promissio- nes &c. quibus alius efficaciter per- movetur ad damnificandum) Dixi rur- sus efficaciter insuit; nam si alter consilium malignum, respuendo nullum danum inferat; vel siquidem damnificavit, at non vi consilii, sed propria duntaxat malitia, vel alterius iussu, suasu &c. consiliarius ab onere restitutionis evadit li- ber, tametsi malè consulendo graviter fortassis deliquerit, saltem in affectu contra justitiam.

120 R. ad tertium. Nomine consensus, vel potius consentientis intelligitur ille, qui in ordine ad inferendum danum in- justum suum quoque dedit suffragium & quidem efficax; id, quod vel maxime locum habere potest, quando è plurimum con-

consensu v. gr. totius vel saltem majoris partis ē Magistratu aut consilio vel Capitulo dependet sententia, utputa de injusto bello inferendo, de imponendo tributo, de homine occidendo aut in exilium mittendo &c. Quocirca tamen bene observandum est, consentientem neutiquam fieri obnoxium restitutioni, nisi suo consensu efficaciter influxerit in damnum injustum. Unde, esto tu approbes, & libenter videas, ut v. g. tuus inimicus etiam sine causa justa damnificetur, aut condemnetur ad aliquam poenam injustam; si tamen tua approbatio, tuus consensus, vel tuum suffragium non existit causa efficax hujus damni, vel quia tu nullam habuisti auctoritatem decidendi, vel si quidem aliquid auctoritatis habueris, aliorum tamen te praevenientium, & prius te votantium suffragiis sententia injusta jam fuit decisa, tu equidem à peccato gravi immunis non evades, bene tamen ab onere restitutionis, eò quod inimico tuo efficaciter nihil nocueris. Ita communis DD.

Quæres tertio, quid intelligatur per ly *Palpo, Recursus, & Participans*.

121 R. ad primum. Nomine Palponis, seu palpantis venit ille, qui vel adulando, vel laudando &c. quempiam efficaciter incitat ad nocendum; vel qui scelus patrandum commendat; item, qui alterum ignaviae arguendo, exprobat illi, quòd nullius sit animi, aut injuriam illatam non audeat vindicare &c. Ex quo facile liquet, cur talis fiat obnoxius restitutioni, quandoquidem in materia gravi cum damno proximi agit contra justitiam commutativam.

122 R. ad secundum. Nomine Recursus, id est, recursum præbentis, intelligitur hic, quicumque refugium, aut securitatem, vel quodlibet receptaculum præbet malefactori, vi cujus is movetur aut ampliùs animatur ad inferendum damnum. Et hæc asscuratio (ut præter alios rectè observat Reinfestuel) potest fieri vel receptando personam, vel rem ablatam, aut occultando instrumenta malefactoris, aliisque similibus modis, quibus id genus hominum facile animari solet ad inferenda aliis damna injusta, vel

Elbel Theol. P. IV.

saltem ad non restituendum id, quod injustè rapuerunt: de quo mox plura *art. num. 138*.

123 R. ad tertium. Nomine Participantis non solum intelligitur ille, qui participat de re aliena injustè ablata, utputa quia cum aliis simul furatus fuit, ut dicitur *Casu 1. mox secuturo*; nam quòd talis incurrat obligationem restituendi, dictum fuit supra *Confer. 3. n. 63. & seqq.* Sed hoc loco intelligitur ille, qui participat etiam in ipsa actione mala & injusta, utputa tenendo scalas furi in ordine ad furandum, agendo vigilem & servando excubias interim, dum alii injusta ablatione occupantur, ne fortè deprehendantur; quo casu, si quis voluntariè, præsertim proximè, & efficaciter influat in damnum, tenebitur ad illius reparationem secundum omnes. Secus dicendum foret, si quis hujusmodi actionem de se indifferenter, aut remotè duntaxat se habentem, exercere cogatur contra voluntatem propriam v. gr. ad evitandum malum majus, vel damnum proprium, veluti subinde fieri amat. Videatur de hoc P. Sporet *tr. 4. c. 3. nu. 41.*

124 Quæres quartò, quid intelligatur per ly *Mutus, non Obstans, & non manifestans*?

R. ad primum. Nomine Muti hic intelliguntur illi, qui cum ex contractu, vel quasi contractu teneantur, & efficaciter possint impedire damnum v. g. imperio, minis, monitis &c. nihilominus non impediunt; ut si Princeps, Belli Dux, vel Magistratus non prohibeat, nec pro possibili impediatur furta, latrocinia, & similia mala: si Custos Vineæ vel sylvæ ære conductus, clamando, reprehendendo &c. non abigunt fures, vel animalia nociva: si famulus aut famula, cui à Domino concedita fuit specialis cura rei domesticæ v. gr. vini, frumenti, non prohibeant, aut non impediunt alios fures, sive domesticos, sive extraneos.

125 R. Ad secundum. Non obstans dicitur ille, qui intermixtit operam vel auxilium ad avertendum damnum, quod ex officio impedire tenebatur; uti tenentur Superiores, Principes, Magistratus

Mm 3

ref-

respectu suorum subditorum, utpote ex contractu, vel quasi contractu conducti à Republica in hunc finem ut damna imminuentia avertere nitantur.

126 R. ad tertium. Per non manifestantem hic intelligitur ille, qui negligit aut dissimulat manifestare malefactorem nocivum, quem vi sui officii manifestare tenebatur, sive dein id negligat ante factum, ubi agitur de damno impediendo, vel post factum, ubi agitur de damno refarciendo. Quocirca tamen bene advertendum est, hos tres posteriores (scilicet mutum, non obstantem, non manifestantem) utpote non positivè (uti lex priores) sed negativè tantum influentes in damnum, tunc solum teneri ad restitutionem, etiam in solidum, quando huiusmodi injustum damnum & ex iustitia debuerant, & moraliter poterant impedire, uti jam supra insinuat fuit, & pluribus dicitur hac Conferentia. Qui fusiorem cooperantium notitiam desiderat, consulat P. Sporer cit. tract. 4. cap. 3. num. 8. & seqq. vel P. Herincx part. 3. tr. 8. disp. 8. à n. 38. aut Babenstuber cit. disp. 2. art. 4.

Quæres quintò, quantum singuli ad injustam damnificationem cooperantes mox recensiti restituere teneantur?

127 R. Singuli tenentur secundum proportionem influxus seu causalitatis in damnificationem, proindeque si singuli fuere causa totius damni, ita, ut uno eorum non cooperante damnum non fuisset secutum, singuli etiam tenentur in solidum, id est, totum damnum illatum compensare, nisi reliqui suas compensent partes. Econtra qui non exstitit causa totius damni, sed partis tantum, tenetur duntaxat ad compensandam partem damni à se illati. Hanc velut regulam generalem & mensuram restitutionis, Incumbentis cooperantibus ad injustam damnificationem, tradit Sporer loc. citat. cap. 3. numer. 63. Ratio autem hujus est hæc: quia tota radix restitutionis ex delicto injustæ damnificationis fundatur in causalitate, seu influxu ad damnum causatum: ergo tauta inde consurgit obligatio, quanta fuit causalitas; consequenter causa totalis totum, & partialis

partem duntaxat damni compensare tenetur.

Quæres sextò, quo ordine cooperantes ad injustam damnificationem restituere teneantur; quinam prius, & quinam posterius?

128 R. Obligantur ordine sequenti: primo loco tenetur is, qui rem alienam in se, vel in æquivalenti possidet; nam res aliena semper clamat ad suum Dominum. 2. Tenetur mandans, si quis fuerit, & non revocavit mandatum; quippe qui censetur principalis auctor damni. 3. Executor, utpote quo mediante alii influunt. 4. Alii positivè cooperantes, qui, si omnes æquè immediatè concurrant æquè primò obligantur ad recompensationem. 5. Denique loco tenentur reliqui cooperantes negativè, quippe quorum culpa est quodammodo posterior illa, quam committunt positivè cooperantes. Qui tamen negativè se habentes eodem ordine tenentur restituere, quo ordine tenebantur impedire, ita, ut hæc obligatio prius incumbat v. g. Prætori, Custodi, aut Vigili particulari, cui immediata cura incubuit, quam generali & universali, ad quem mediatè tantum eadem cura spectabat, uti sapienter notat Herincx cit. disp. 8. n. 68.

Quæres septimò, qualisnam ordo servandus sit inter ipsa debita solvenda?

129 R. Ante responsonem ad advertendum: non esse servandum ordinem inter debita, quando debitor habet sufficientia bona, ita, ut sit solvendo omnibus; quia tunc ratio, & lex naturalis dicitur, omnibus ac singulis ex integro esse satisfaciendum. Unde solum dubitatur de casu, quo debitor impar est solvendo omnibus suis creditoribus; quo circa advertendum est secundò, dari aliqua debita certa, quorum scilicet creditor certò agnosceat; alia incerta; quorum Dominus ignoratur. Secundò, alia dicuntur debita realia, dum scilicet creditori competit jus in re; alia personalia, quando creditor habet solum personam debitoris sibi obligatam: 3. Rursus alia dicuntur debita privilegiata, quæ ex jure debent prius cæteris exsolvi; alia non privilegiata. 4. Alia etiam recensentur debita hypothecata vel

oppignorata; alia nuda. Hypothecata dicuntur, quando debitor ex quodam contractu tradit creditori jus ad solutionem capiendam ex rebus suis, scilicet debitoris; qui, si omnia sua bona obliget, dicitur facere hypothecam generalem: si verò aliquod bonum duntaxat, ut puta certam domum, agrum &c, dicitur facere hypothecam specialem. Oppignorum debitum appellatur, quando debitor suo creditori aliquid tradit v. g. vestem, catenam auream, vel quid huiusmodi. In assurationem debiti solvendi: reliqua vocantur debita nuda, in quibus scilicet nec hypotheca intervenit, neque pignus. 5. Denique alia dicuntur debita merè gratuita, ut puta ex liberali promissione aut voto facta, alia verò onerosa, utpote facta cum certo onere creditoris; ex his alia appellantur jam maturata, quorum terminus solvendi jam elapsus; alia non maturata, quando nimirum terminus nondum est completus, sed primum completur &c. His notatis

130 R. Breviser cum P. Sporer *cit. tr. 4. c. 4. nu. 23.* inter debita solvenda servandum esse ordinem sequentem. 1. Debita certa præferenda sunt incertis. 2. Realia debent præferri personalibus. 3. Inter personalia, nudis sunt præferenda privilegiata, item hypothecata & oppignorata. 4. Inter nuda onerosa præferri debent gratuiti, & 5. maturata non maturatis; quæ quidem sunt solvenda proportionem quādam Geometricam, pro ratione facultatum. Ratio primi hæc est: quia creditores certi habent jus certum, incerti autem quā tales non habent jus certum: ergo priores merito sunt præferendi. Ratio secundæ est: quia ubi debitum est reale, creditori competit jus in rem ipsam, ubi verò est personale, non competit in rem, sed in personam duntaxat: ergo. Ratio tertiæ est: quia jura statuere, ut debita privilegiata præferantur aliis. *L. penult. ff. de Religijs. & sumptibus fun.* Item *L. ult. §. in computatione C. de jure deliber.* Hypothecata verò & oppignorata ideo debent aliis nudis præferri, quia creditores hypothecam vel pignus habentes non tantum personam, sed etiam rem debitoris sibi habent obligatam: er-

go horum potior ratio est habenda, quam illorum. Ratio quartæ hæc est: quia omnis contractus gratuitus, ut sunt promissio, donatio, legatum &c. alicui factus, habet saltem tacite sibi annexam hanc conditionem: *nisi aliquid obset, quo minus res promissa, donata &c. tradi possit:* at, ubi supervenit inopia debitoris gratuiti, ita ut non esset solvendo debita onerosa, jam aliquid obstat, quò minus donatario vel legatario res promissa solvi, aut tradi possit, scilicet debita onerosa: ergo. Ratio quintæ est: quia quando debitum jam est maturatum, creditor jam habet majus & strictius jus illud exigendi (interpellante scilicet pro ipso die, seu termino elapso) quàm si terminus nondum sit elapsus: ergo strictior obligatio debitori incumbit solvendi debita maturata, quàm nondum maturata. Cæterum quòd in nostro casu, alia debita personalia sint solvenda secundum proportionem Geometricam, hæc à Doctoribus ratio communiter solet dari: quia Creditores debitorum merè personalium habent æquale jus in personam debitoris immediate, in ejus verò bona mediate, & indeterminatè tantum: ergo creditoribus personalibus æqualiter satisfaciendum est pro rata parte, proportionem debitorum & facultatum, esto supponatur unum debitum prius contractum, quàm alterum. *Molina To. 2. disp. 536. §. quando creditores. Lessius L. 2. c. 5. dubit. 6. n. 44. Laym. c. 11. n. 6. & alii plures.*

Dices: quænam igitur debita sunt privilegiata?

131 R. Sunt sequentia. 1. Debita pro funere, seu exequijs (quæ tamen, casu quo bona defuncti non sufficiunt pro reliquis creditoribus solvendis, debent moderate fieri, & sine speciali seu extraordinaria pompa.) 2. Expensæ necessariæ ad confectionem inventarii, & ad apertionem Testamenti. 3. Debita facta pro medicinis, item mercedes, atque salaria Medicorum, & Chyrurgorum. 4. Merces operariorum & servitorum necessariorum plerisque locis, maxime in nostris partibus præferuntur aliis, inquit Sporer *cap. 4. num. 37. c. 5.* Debita legitima Superiorum. Ratio omnium horum est:

M m + quia

quia ejusmodi debita, adeo necessaria, non censentur contracta in fraudem antecedentium creditorum; secus enim pauci invenirentur, qui indigentibus tali obsequio ministrare vellent, si de solutione jure praelationis certi non essent. De quo videri possunt Vasquez de rebus, c. 11. dub. 2. n. 83. Layman cit. n. 6. Sporer, Babenhuber tr. 7. disp. 4. art. 5. n. 11.

§. II.

Proponuntur, & breviter resolvuntur Casus practici de obligatione restituendi, incumbente cooperantibus ad injustam damnificationem.

CASUS PRIMUS.

Titus nonnullos pessima ac perditia vite socios, aut verius loquendolatrunculos sibi adscripsit, quorum ope ipse velut Corripheus misera Rusticorum Genti innumera quasi damna intulit. Nuperrime quendam ejus subornaverat, ut ab aliquo satis divite Rustico solitario postulari recipi in casam tempore nocturno, quo impetrato ille media nocte confurgens, aperuit januam & valvas suis Compradonibus, qui ecyus subintrantes tyrannico modo traxerunt incolas, ligando eorum manus ac pedes, verberibus eos afficiendo, immo verò & flammis eorum plantas adurendo, usque dum tandem pecuniam omnem, reliquamque suppellectilem pretiosorem extorsere. De hac praeda (que usque ad sexcentos circiter florenos se extendit) Titus trecentos sibi retinuit: reliquos suis Compradonibus distribuit Geometricè, ita scilicet, ut qui plus contulerat ad rapinam, plus participaret de praeda. Queritur jam, ad quid dicti latrunculi in hoc casu teneantur?

132 R. Omnes ac singulos teneri in solidum ad restituendum integrum damnum 600. floren. præfato Rustico illatum. Ratio est clara: quia communi opera atque consilio omnes concurrerunt ad inferendum damnum, etsi forte unus altero proximius: ergo omnes ac singuli fuisse causa totius damni. Primariò tamen tenetur Titius: tum quia is supponitur

fuisse Corripheus & auctor principalis; tum etiam quia de rapina plus possidet, quam alii seorsim sumpti. Secundariò verò tenentur reliqui rescarcire damnum præsertim id, quod de rapina actu adhuc possident; nam res aliena semper clamat ad Dominum suum, uti jam constare debet ex dictis tum in hac, tum in aliis conferentiis prioribus. Insuper obligantur dicti prædones ad rescarcendum omne reliquum damnum Rustico illatum, sicut & omne lucrum ex amissione suorum bonorum eidem forte emergens, vel emerisum; secus enim nunquam fieret æqualitas, nec justitia suum obtineret finem. An verò etiam teneantur restituere pro damno in bono corporis ex verberatione vel plantarum adustione illato, mox inferius Confer. 8. num. 208. ex professo dicemus.

Dices: Singuli non concurrerunt æqualiter ad illationem damni; quia unus forte egit excubias, alter infregit cistas, tertius adussit plantas, alii fortassis alio adhuc remotiori modo fuisse cooperati: ergo non possunt omnes ac singuli condemnari ad restitutionem æqualem. Et certe si singuli teneantur in solidum ad restitutionem totius damni, utputa 600. florenorum, damnificatus recipiet plus, quam ipsi fuit ablatum; at hoc netiquam oportet asserere: ergo.

133 R. Hæc nihil ob stare, nec quæpiam illorum eximere ab onere restitutionis, ob rationem jam datam, quia scilicet cum hæc omnia communi consilio egerint in ordine ad extorquendas pecunias, & ad obtinendam rapinam, merito omnes censentur adunare unam causam totalem totius damni, ita ut singuli influerint in totum damnum: ergo singulis incumbit gravissima obligatio illud totum rescarcendi, esto etiam unus forte gravius altero peccaverit, præsertim contra charitatem. Ex hoc tamen minime sequitur, Rusticum plus recepturum quam ipsi sit ablatum; quia dum dicimus singulos teneri in solidum ad rescarcendum totum damnum, per hoc innuimus duntaxat, singulos in defectum aliorum, utputa nihil, quod restituere possent, amplius habentium, teneri ad resarcien-

damnum, ita, ut omnibus simul incumbat refarcire tantum, quantum nocere utputa 600. florenos in hoc casu, præter reparationem omnis lucri cessantis, & damni fortè emergentis rustici.

Dices: ergo Titius noster non satisfacet suæ obligationi, restituendo præcisè 300. florenos, quos ipse obtinuit, sed tenetur totum damnum refarcire, casu quo cæteri vel non amplius possent, vel saltem nollent concurrere ad refusionem damni illati?

134 R. Titium teneri ad refusionem totius, casu quo alii nollent, etsi possent refarcire partes suas. Ita ex *commun. DD. Sporer tr. 4. c. 3. nu. 64.* Ratio est: quia quicumque voluntariè dat causam totius damni, esto in consortio aliorum, naturali æquitate contrahit onus refarciendi totum damnum respectu damnicati: atqui Titius (immo verò omnes etiam reliqui) existit causa voluntaria totius damni: ergo tenetur refarcire totum. Quod verò alius, vel alii plures, etsi possent, nolint restituere partes suas, minime eximit aut excusat Titium ab hoc onere, sicut nec impedit, quin moraliter loquendo respectu injuriati existeret causa totius damni: sed solum præbet ei jus saltem in foro interno, ut ab iis qui nolunt restituere suas partes, possit postea prætere id, quod iidem propria sponte contribuere debuissent. Vid. *D. cit.*

CASUS SECUNDUS.

Sempronius studiosus integro anno Vinum ab aliquo Cenipola creditò accepit, quo elapso, cum venissent ad computum, animadvertit, cenipolam multas mensuras vini ab eo receptas non computasse, idque ex aliqua inadvertentia; quod cum alteri eisdem suo condiscipulo narrasset, & an dissimulata solutione in conscientia tutus foret? interrogasset, respondit ille alter hæc formalia bono sis animo, amice, & superfluas abijce curas ac scrupulos: imputet sibi cenipola, quod non omnes mensuras computarit, tu verò residuam pecuniam tibi resserva pro vacantiis, &

bibe subin in sanitatem cenipolæ. *Hoc consilium Sempronius ad ammum fuit excusatus: finitils verò vacantiis denuo inquisivit de veritate ex aliquo Confessario. Quid jam de consilio priori tenendum, & quid Confessario desuper interrogato fuit respondendum?*

135 R. ad primum, consilium illud pessimum & iniquum fuisse. Ratio est clara quia debitum certum ac liquidum certò est solvendum, nec debitum vel obligatio tollitur, nisi solutione & satisfactione: *prim. insit. quibus modis tollitur obligat.* ergo sicut ignorantia illa cenipolæ non fecit, quod minus Sempronius esset debitor, ita prorsus nec potuit extinguere debitum liquidum. Falluntur proin, & graviter quidem falluntur simplices illi, qui (uti frequenter fieri amat) dum aliquid vendunt, emunt, aut commutant &c. bene advertunt, alteram partem errare, utputa vel minus, quàm sibi debeatur, exigendo, vel plus, quàm debuerat, solvendo, & nihilominus illud recipiunt sine scrupulo falluntur, inquam; nam, quemadmodum talis error vel ignorantia non immutat voluntatem contrahentis, nec efficit, ut is propterea velit cedere suo juri; ita prorsus nec excusat debitorem à satisfactione de jure debita & præstanda. Et certè nodum ille qui accipit, sed etiam qui retinet rem alienam domino rationabiliter invito, tenetur ad restitutionem damni. *argum. can. si res aliena. Caus. 14. qu. 6.* atqui tales reipsa accepere rem alienam: ergo &c. Vide Reinstituel l. 3. decretal. tit. 17. §. 4. per totum.

136 R. Jam ad secundum, Confessario hac super re interrogato incubuisse, ut Sempronio declararet, & inculcaret obligationem solvendi residuum, quod Cenipolæ etiamnum debebat; quia Confessario incumbit instruere penitentem, dum advertitur laborare aliqua ignorantia culpabili, præsertim damnosa tertio, idque potissimum fieri debet tunc, quando penitens ipse petit instrui, & utiliter potest admoneri, veluti ex *commun. DD. diximus part. 2. theolog. Sacrament. de penitent. Confer. 18. numer. 459.* at, Sempronius laboravit ignorantia culpabili, & qui-

& quidem cum damno tertii, potuitque utiliter admoneri & instrui: ergo Confessarius tenebatur &c.

At quid, si Sempronius noster jam non amplius esset habens aut potens solvere debitum, teneretur in hujus locum malus ille Confiliarius subire hoc onus?

137 R. Pro foro conscientiae (quod nos principaliter respicimus) Confessarius disquirat, an Confiliarius bona, an verò mala fide processerit, suggerendo præfatum consilium? si mala, utpote animo nocendi ænipolæ, aut certè non ignorans consilium suum iniquum esse, & nocivum, tenebitur is velut causa cooperans ad injustam damnificationem in defectum Sempronii impotentis, ænipolæ damnum compensare, ob rationes jam datas numer. 119. & 127. At verò si hoc consuluit ex mera levitate (uti plerumque fieri amat à Juvenibus) vel inadvertentia, aut certè ex inculpabili ignorantia obligationis Sempronio incumbentis, à Confessario condemnari nequit ad restitutionem damni inde secuti; quandoquidem nullus suppetit titulus; non enim teneretur 1. titulo rei acceptæ, aut 2. injustæ acceptionis, quippe qui ex suo consilio nihil reportavit: neque tertiò titulo injustæ damnificationis, quia hæc supponitur facta inculpabiliter, aut certè absque gravi culpa, ut puta ex mera levitate vel ignorantia: neque 4. titulo alterius contractus, quia hic Confiliarius neque cum Sempronio, neque cum ænipola contractum fecit, vi cuius fuisset obstrictus sana duntaxat consilia suggerere: ergo ex hac suppositione à Confessario nequitam obligari posset ad compensationem damni inde ænipolæ secuti:

CASUS TERTIUS.

CAjus Caupo solitarius, id est, in loco solitario habens suam tabernam, fatetur, se aliquos hospites jam pridem sibi de furtis hinc inde commissis suspectos, excepisse hospitio, eisdemque necdum ministrasse potum, verum etiam carnes ab iisdem allatas (probabiliter furtivas) præparasse: & licet jam sapius optarit, ne præfati hospites in visumquam amplius

ad suam tabernam divertent, nihilominus timore majoris mali, incurrendi ne scilicet vel domum sibi comburent, vel aliud grave damnum inferrent) nuper eos à ministris justitiæ conquistos in domo sua abscondisse, & occultasse. Jam verò sciscitatur 1. an peccet eos in domum recipiendo? 2. an peccarit, eos abscondendo &c.? Quid iudicii?

138 R. ad primum. Si Cajus rationaliter timuit hujusmodi grave damnum, & præcisè animo illud evitandi eos recepit hospitio, nequitam peccavit, ne quidem coquendo, seu etiam præparando carnes, quas probabiliter credere licuit furtivas. Ratio est: quia tam receptio in hospitium, quam carnum præparatio, est actio de se indifferens. At, qui actionem dese indifferentem exercet, compulsus gravi necessitate, ad evitandum scilicet verè grave damnum, non peccat, veluti communissimè tradunt DD. uominatim Lugo de justit. tom. 1. dñp. 19. sect. 2. num. 74. & Tamburinus l. 8. in decalog. tr. 4. cap. 2. §. 4. num. 3. ergo

139 R. ad secundum, equidem tam facile excusari non posse Cajum ex eo, quod conquistos à ministris justitiæ occultaverit; si enim eos prodidisset, nullum utique, aut certè exiguum periculum ab iisdem habuisset timendum: unde verendum meritò est, ne hujusmodi Caupones sub schemmate mali declinandi, re ipsa absque sufficienti fundamento, vel fundato timore malignis hominibus præbeant receptaculum, & mentiantur iniquitas sibi. Dato tamen, & supposito, quod illos ex vero & fundato timore præfati periculi in domo sua absconderit, dicendum, quod non peccasset: bene tamen, si id fecisset amore præbendi refugii in ordine ad furti ultèriùs continuanda. Ita DD. unanimiter. Herincx disp. 8. num. 54. Sporer tract. 4. cap. 3. num. 38. Lessius de justit. l. 2. cap. 13. dubit. 3. num. 27. Lugo citat. num. 72. Bonacina de restit. disp. 1. quæst. 2. p. 9. num. 6. Ratio est: quia occultando illos ex dicto motivo, nequitam dici meretur, quod ad aliorum damnum intenderit cooperari, neque dici debet, quod illos rece-

recepisse, ut erant formaliter fures, & maligni homines, sed potius quatenus erant homines miseri, hic & nunc egenes auxilio. Quapropter si tali receptione vel occultatione, seu opere charitatis, aliis sequatur aliquid damnum, illud non Cauponi recipienti, quippe ad quod is permissivè tantum se habet, sed potius malitiæ rectorum imputandum venit.

At quid, si Cajus prævidisset, malefactores illos sua occultatione à præsentis periculo liberatos, postea aliis innocentibus gravia damna illaturos, an nihilominus licitè eos abscondisset?

140 R. Sine dubio illicitè (si absque suo notabili detrimento eos prodere potuisset) Ratio est: quia ex hac suppositione charitas potius obligabat Cajum, ut niteretur pro possibili avertere damna aliis innocentibus, quàm his nocentibus imminetia: & hac ratione P. Petschacher, eumque secutus Babenstuber existimant, Cajum fore obligandum ad refarcienda ejusmodi damna prævisa: Verùm, esto supponatur propterea Cajus graviter peccasse contra charitatem, quia tamen ipse non fuit obligatus ex justitia ad averrenda damna innocentium, hinc planè non video, cur peccasset contra justitiam, nec consequenter, cur esset condemnandus ad compensationem damnorum. Secus dicendum puto, si v. g. Princeps, vel alius quicumque demum ex justitia obligatus; ad averrenda damna à suis subditis, præviso hujuscemodi periculo, malefactorem vel occultaret, ne caperetur, vel jam captum sine graviori causâ à vinculis absolutum dimitteret: quia talis Superior aut Officialis revera peccasset contra justitiam cum præjudicio suorum subditorum; ergo tenetur his satisfacere.

Dices adhuc: sed quid censendum de illis Cauponibus, qui recipiunt filios-familias, quos norunt consumere bona parentibus suis invitis injustè subtrahere?

141 R. Si de hoc certò ipsis constet, & eo non obstante foveant illos filios-familias; peccant contra justitiam, cum obligatione restituendi damna parentibus inde secuta. Ratio est: quia cooperantur quodammodo ad injustitiam parentum rationa-

biliter invitatorum (vel supponitur) damnificationem: ergo tenentur ad restitutionem nedum titulo injustæ damnificationis, sed etiam titulo rei acceptæ; vel injustæ acceptionis. Quia etiam si supponatur, eos nihil recipere à filiis-familias, sed gratis omnino concedere locum, chartas, lumen, & similia ad heluandum necessaria, peccant nihilominus contra justitiam, veluti positivè concurrentes ad consumendam injustè rem alienam, & idcirco fiunt obnoxii oneri restitutionis, saltem in defectum filiorum-familias. Aliud dicendum, si permissivè duntaxat se habeant, dum illos à suis ædibus positivè non ejiciunt; tunc enim non peccant contra justitiam, cum solum ex charitate teneantur impedire damna Parentibus inde sequentia, vel rectè advertit Babenstuber *tr. 7. disp. 4. n. 4. num. 41.* ubi pro eadem opinione citat Sayrum *in clavi reg. lib. 10. tract. 2. c. 11. num. 3.* Bonacin. *nu. 3.* Lugo *num. 75.* Sporer *n. 37.* & Vogler *de restit. in genere q. 19. nu. 308.*

S. III.

Corrolaria ex dictis inferenda.

142 C Olliges ex dictis primò, quòd si mandans revocavit quidem suum mandatum, hæc tamen revocatio non pervenit ad aures mandatarii, prius quàm is fuit executus mandatum, teneatur adhuc mandans ad damnum refarciendum, quippe quod vi mandati fuit secutum proximo: è contra si mandatarius excedat in executione mandati, utputa si iussus aliquem occidere, ipse insuper spoliaret occisum, vel hujus domum incendat, tenebitur mandatarius ad refarciendum talem excessum, utpote non ex mandato, sed ex malitia duntaxat mandatarii secutum. Si tamen excessus sit talis, qui regulariter est connexus cum damno principali à mandante intento, ut si is iussit quempiam graviter vulnerari, & vulneratus omnino moriatur, homicidium tale meritò imputabitur mandanti, quippe qui saltem in foro externo interpretativè voluisse censetur id, quod cum damno à se intento regulariter est connexus. Diana *p. 8.*

tr. 7. resol. 33. Tambur. cit. num. 3. Sporer c. 3. n. 13. Babenstuber ubi supra n. 13. & alii communiter.

Dices. At quid, si etiam consulens consilium à se datum revocet, an is etiam evadet obligationem restitutionis, tamen si ille, cui male consuluit, fuerit executus consilium cum damno tertii?

143 R. Probabiliter tenetur saltem casu, quo consulendo nedum veritatem aliquam simpliciter apernit, sed etiam suo consilio quandam utilitatem subministravit v.g. quomodo attentandum sit furtum, quo medio procurandum sit homicidium, vel abortus &c. Ita satis communiter tenent DD. Lugo *tom. 1. disp. 19. Sect. 2. n. 37. Lessius, Bonacina, Mezger & alii.* Ratio est: quia huiusmodi consilium non influit præcisè propter auctoritatem consulentis (sicut mandatum præcisè influit propter auctoritatem mandantis) sed propter suam utilitatem: atqui hæc utilitas adhuc manet, & movet ad executionem consilii, etsi consulens illud revocaret: ergo hic probabiliter tenebitur ad compensationem damni, non obstante revocatione.

Hoc tamen non obstante cum Laymano existimo oppositam sententiam S. Antonini, Navarri, Filliuci & Dianæ p. 2. *tr. 16. resol. 15.* esse satis probabilem, & practicè tutam. Ratio est: quia consulens revocando suum consilium censetur fecisse, quantum hic & nunc potuit ad impediendum damnum: & licet utilitas consilii adhuc influxerit in damnum, tamen non amplius influxit de voluntate consulentis, sed duntaxat de voluntate & malitia illud executis: ergo probabiliter hic solus tenetur rescire damnum. Profecto si v. gr. Medicinæ professor è cathedra doceat, hoc vel illud medium esse efficacissimum ad procurandum v. gr. abortum, & aliquis è suis auditoribus propria malitia inductus illud tenter cum effectu, nemo facile dixerit, Medicum illum esse reum malignæ procuracionis, esto adhuc influxerit utilitas mediæ à professore suggesti; huius autem non videtur alia ratio quàm quod hæc utilitas influxerit præter, vel contra intentionem illius: ergo non est, cur condemnemus consulentem, supposito, quod

is seriò & efficaciter revocavit suum consilium.

144 Colliges secundò, haudquaquam illicitum esse, consulere, ut quis ex duobus malis aut damnis, quorum utrumque impedire nequit, consulat id, quod minus est damniferum, ut si jamjam sit resolutus, auferre centum fl. à Paulo, licet eidem consules, ut quinquaginta duntaxat auferat; item si jamjam resolvit auferre centum vel ab Ecclesia, vel ab alio, licet suggeres, ut ab alio potius, quàm ab Ecclesia. sacrilegè auferat. Ratio est: quia hoc modo non tam consulis damnum, quàm diminutionem damni; quod utique culpa vacat. Attamen si fur cogitet aliquid auferre alicui determinato v.g. Petro, tu illicite consuleres, ut potius auferat Paulo, de quo sur nihil unquam cogitavit. Ratio est: quia tu proponendo Paulum, furem quodammodo determinas, ut huic innocenti, de quo nihil cogitaverat, damnum inferat: ergo huic infers quodammodo injuriam, & quidem damnosam. Filliucius *tract. 32. cap. 3. num. 59. Mezger tom. 3. tr. 12. disp. 34. n. 1. n. 9. Sayrus, Lessius, Bonacina.*

145 Colliges tertio, Eum, qui rationabiliter dubitat, an suo consensu vel suffragio exstiterit causa damni injustè illati, probabiliter teneri ad restitutionem cum aliis consentientibus, seu votantibus, aut suffragantibus, saltem ad partem pro rata dubii. Ita contra alios Molina *disp. 736. n. 6. Lugo disp. 19. Sect. 1. n. 22. Sporer n. 35. Babenstuber cit. n. 32.* Ratio est: tum quia in foro externo judicatur contra talem, quod scilicet exstiterit causa damni illati, ergo id ipsum in foro interno judicandum est, quippe quod conformari debet interno, quando hoc non innititur falsæ præsumptioni; tum etiam quia possessio videtur stare pro damno, utpote quod supponitur effectivè illatum, ideoque suffragatori incumbit probare, quod non influxerit in illud, aliàs tenebitur satisfacere pro rata damni.

146 His non obstantibus exstimo, sententiam Dianæ, Sayri, & aliorum multorum taliter dubitantem absolventium ab onere restitutionis, haud esse improbabili-

babilem; quia dubitans est in certa possessione suorum bonorum: ergo hæc non tenetur expendere, nisi obligatio sit luce meridiana clarius; qualis hæc non videtur, quippe de qua multi sapientes duntant.

Et licet constare supponatur de damno, non tamen de hoc constat ut illato ab illo, qui rationabiliter dubitat, an suum suffragium influxerit efficaciter: ergo probabile est, hunc non teneri ad compensationem damni. Videatur de hoc P. Sporer *cit. n. 34.* ubi pro eadem opinione allegat plures alios.

147 Colliges quartò, non teneri ad restitutionem testem illum, qui etiam iuridicè interrogatus in iudicio, veritatem non manifestat, esto ex tali non manifestatione sequatur damnum alteri læso innocenter vel iniuste. Lessius *l. 2. cap. 30. dubit. 8. numer. 59.* Sayrus *l. 10. clar. reg. tr. 2. cap. 15. n. 3.* Tambur. *l. 8. tr. 4. c. 2. §. 6. nu. 11.* Ratio est: quia testis non tenetur ex iustitia aperire veritatem, sed solum ex charitate erga innocentem, & ex obedientia erga iudicem interrogantem, aut denique ex virtute religionis, casu quo iuramento sese adstrinxisset ad aperientem veritatem: at qui non peccat contra iustitiam, non tenetur ad restitutionem damni: ergo. Secus dicendum foret, si positivè dixisset falsum testimonium contra innocentem cum damno illius; quia tunc existisset positiva causa hujus damni iniusti. Vid. Molin. *de iustit. tom. 1. tract. 2. disp. 83.*

148 Colliges denique quintò, in casu, quo duo aut plures, etiam eodem tempore, aliquem damnificant, sed ita, ut unus independenter ab alio, ut puta, si ex eodem dolio vini alieni bibant, abique eo, quòd unus sit causa, ut alius simul bibendo dominum damnificet, singulos teneri duntaxat ad partem damni, hoc est ad refundendum tantum, quantum quivis damnificavit: è contra si damnum inferant ita, ut influxus unius dependeat ab influxu alterius; ut puta in casu, quo duo sese adiuvant ad asportandam aliquam farcinam furtivam, quam unus solus asportare non potuisset, tunc quivis in defectum alterius obligatur resarcire damnum in solidum.

Ratio disparitatis est: quia in priori casu quilibet existit causa partialis duntaxat, & quidem tam partialitate causæ, quàm etiam effectus: at verò in casu posteriori quilibet est causa totalis damni, sin minus totalitate causæ, saltem totalitate effectus: atque iuxta superius *n. 127.* dicta, singuli cooperantes tenentur restituere secundum proportionem sui influxus: ergo hi posteriores tenentur resarcire totum; priores verò suas duntaxat partes damni illati. Videatur de hoc Molina *disputat. 734. Lug. disput. 16. Session. 3. §. 2.* Laym. *l. 3. tract. 2. cap. 6.* Tambur. *lib. 8. tr. 4. c. 2. §. 3.*

CONFERENTIA

S E X T A.

De Restitutione debita ex contractu.

S U M M A R I U M.

- 149 *Quid sit contractus propriè dictus.*
- 150 *Et quid sit quasi contractus.*
- 151 *Ex contractu oritur duplex obligatio restituendi, quorum una immediata & formalis, altera mediata & radicalis appellatur.*
- 152 *Quid sit casus, quid dolus, & quid culpa, vi quorum res ex contractu debite non raro perire solent.*
- 153 *Inculcantur rursus due regulæ, pro decidenda obligatione restituendi ex contractu debita à Confessario semper præ oculis habendæ.*
- 154 *Obligatio gravis resarciendi damnum grave ex contractu, in conscientia, & ante sententiam Iudicis supponit culpam theologicam gravem.*
- 155 *Potest nihilominus ex quasi contractu oriri obligatio gravis in conscientia ad damnum resarciendum, etsi non fuerit commissa culpa gravis.*
- 156 *Leges civiles ex culpa levi, vel levissima condemnantes ad restitutionem,*

nem, intelligendæ sunt post sententiam Judicis.

- 157 An vel quando in communi periculo res alienas teneamur præferre propriis.
- 158 Quo loco, & cujus expensis restituenda sit res ex contractu debita.
- 159 Quo item loco restituenda sit res debita ex delicto.
- 160 Resolvitur Casus I. Cujusdam Negotiatoris equorum, qui alium graviter decipiendo, existimavit se DEO & Angelis præstitisse obsequium.
- 161 Unde graviter deliquit, saltem per se loquendo.
- 162 Et tenetur in conscientia satisfacere parti læsæ.
- 163 Neque excusatur ex eo, quod ipse etiam emendo eundem equum ab alio fuerit graviter deceptus.
- 164 Resolvitur Casus II. Cujusdam Oenipolæ, qui vinum aqua delibutum, pretio augmentato vendidit.
- 165 Undenam colligendum, an iusto, vel iniusto pretio illud vendiderit.
- 166 Quid si talis Oenipola vinum non lymphatum unâ duntaxat majori pretio vendat, quàm alii quibuscunque.
- 167 Cujus intuitu id fieri possit sine peccato.
- 168 Resolvitur Casus III. De quodam Professore, qui ex Hungaria à quodam Calcographo Augustiano petiit sibi transmitti ducentas imagines seu theses, pro adornanda disputatione.
- 169 Culinam diæ imagines in itinere Danubio immerse perierunt;
- 170 Præsertim si Calcographus supponatur tempore satis maturo eas commisisse rati, aut navi.
- 171 An Naucletus debuerit reparare damnum.
- 172 Quando res ex contractu debita perit, vel maximè attendendum est, sub cuius dominio steterit.
- 173 Res per alium amicum, seu tertiam personam emptam, & periens in itinere, culinam pereat.
- 174 Quando res perit culpa, à Confessario attendenda est gravitas culpe, & cujus perit.
- 175 Obligatus ex contractu ad bene consu-

lendum, si ex ignorantia crassa, vel ex culpa lata male consulat, tenetur ad restitutionem damni inde secuti.

- 176 Confessarius, advertens se male consuluisse, tenetur consilium suum revocare, si moraliter & utiliter possit.
- 177 Econtra quæstignitus ut insufficientis, consultus fuit, non tenetur compensare damnum ex sinistro consilio foris secutum.
- 178 Qui consulendo secutus fuit sententiam verè probabilem, non tenetur ad restitutionem, tametsi damnum inde fuerit consecutum.
- 179 Aurisaber non indicans simplici pretium r.g. alicujus gemmæ, propterea quæ minori pretio eam sibi comparans, an teneatur ad aliquam restitutionem.

§. I.

Præmittuntur, & breviter resolvuntur quæsitæ scitu necessaria ad debite resolvendos Casus practicos, de obligatione restituendi ex contractu orta.

QUæres primò, quid sit contractus, & quid quasi contractus?

149 R. ad primum. Contractus latissime sumptus significat conventionem duorum aut plurium inter se. Propriè tamen dictus contractus rectè describitur, quod sit pactum reciprocum onerosum, quod ex utraque parte paciscentium seu contrahentium obligationem parit. Unde L. Labeo ff. de verb. signif. dicitur, quod contractus sit ultrò, citròque obligatio, id est, duorum, vel plurium in idem consensus, ultrò, citròque obligationem pariens, qualis est contractus matrimonii, sponsalium, item Emptio, venditio &c.

150 R. ad secundum. Quasi contractus appellatur, quando inter paciscentes non intercedit voluntas formalis & expressa, sed virtualis tantum, & interpretativa; talem inire censentur v. gr. cum Republica, qui ex pacto in se suscipiunt aliquod officium, utputa Episcopi, Parochi, Confessarii, Gubernatoris, Judicis, Advocati, Procuratoris, Medici, Chyrurgi &c. etenim hoc ipso, quod in se susci-

suscipiant hujusmodi munus vel onus, virtualiter & interpretativè reputantur sese obligare ad debitam diligentiam in ejus functione præstandam. Videantur de hoc Reinsefuei *theol. mor. tract. 8. disp. 1. nu. 8. & 10. La Croix l. 3. p. 2. nu. 579. & sequentibus*.

Quæres secundò, an, vel qualis obligatio restituendi oritur ex contractu?

151 R. Oritur inde duplex obligatio, quarum una appellatur formalis & immediata, altera radicalis & mediata. Formalis obligat ad restituendum id, quod mutua conventionem promissum, ac debitum est: ut si promissisti centum, teneris reddere totidem: si promissisti v. gr. vinum Austriacum, teneris reddere hoc, & non aliud &c. sicut vicissim alter contrahens tenetur tibi solvere id, & tantum, quod, & quantum promissit; nam ratio naturalis & æquitas hoc dicit, prout cuiuslibet ex natura & conditione contractus mox descripti facile patebit. Radicalis autem, & mediata obligatio restituendi ex contractu oriri solita in eo consistit, quòd, si res debita, vel obligata alteri per contractum ante traditionem pereat ex aliqua culpa debitoris, hic juxta proportionem culpæ admittæ teneatur compensare damnum, & satisfacere alteri parti; quocirca vel maxime attendendum est, an res contractu obligata ac promissa alteri vel casu pereat, vel dolo, vel culpa. Quare pro hujus majori dilucidatione

Quæres tertio, quid hic intelligatur nomine Casus, doli, & culpæ?

152 R. 1. Per casum hic intelligitur *res inopinatæ eventus, qui neque à diligentissimo caveri potuisset*: ut si res tibi vendita vel commodata inopinato incendio, vel direptione hostium pereat. 2. Dolus consistit in *machinatione injustè damnificandi facto vel omissione, consultò & scienter adhibita*, uti illum describit Herincx *disp. 5. num. 17.* ubi etiam notat, damnum ex dolo datum in omni negotio esse præstandum. 3. Denique culpa describitur, quod sit defectus ab eo, quod bonum & debitum est, hominisque diligentia præstari potest; quæ vel potest esse theologica, vel politica, eaque vel lata, vel levis, vel

omnino levissima, uti jam dictum fuit. *Confer. 3. n. 62.*

Quæres quarto, quænam sint Regulæ specialiter observandæ circa obligationem restituendi ex contractu?

153 R. Esse duas, jam superius *confer. 1. n. 4.* relatas, videlicet 1. omnis res, quæ casu perit, Domino perit. 2. omnis res, quæ culpa perit, culpabili perit; quas vel ideò hoc loco repetere & inculcare volui, quia pro resolvendis casibus innumeris, & decernendo onere restitutionis ex hac radice (contractus scilicet) scitu summopere sunt necessariæ Conscissario, & hoc ipso bene imprimendæ memoriæ.

Quæres quinto, qualem culpam supponat obligatio restituendi ex contractu, & quasi contractu?

154 R. 1. Obligatio in conscientia supponit per se loquendo culpam theologicam, & quidem gravem, ubi materia vel onus restituendi est grave. Ratio est: quia lege naturæ nemo tenetur ad majorem diligentiam adhibendam in custodia rei commodatæ aut conductæ &c. quam Dominus ipse adhiberet: & certè qui munus aliquod, vel officium quoddam in se suscipiunt, regulariter non intendunt sese obligare, nisi ad diligentiam moralem & humanam, quale frugi homines ejusdemque conditionis ordinariè, ac communiter adhibere solent: ergo neque obligantur ad restitutionem, nisi ex omissione diligentia communiter adhiberi solitæ, quæ ommissio est culpa lata, & ordinariè theologica mortalis. Lessius *l. 2. cap. 7. dubit. 6. Lugo de just. tom. 1. disp. 8. sect. 7. num. 93. Mezger tom. 3. rr. 12. disp. 32. a. 3. n. 1.* Vide etiam dicta superius. C. 1. nu. 4.

155 R. secundò. Per accidens tamen in quasi contractu oriri potest obligatio, præstandi diligentiam exquisitissimam, & consequenter illa non præstita obligatio ad restituendum; idque potissimum in duobus casibus. 1. si accipiat tale officium v. gr. Chyrurgi, Medici &c. cum expressa obligatione ac promissione adhibendi diligentiam exquisitissimam. 2. si saltem tacite id ipsum promissit, utputa quia se jactando aliis meliorem aut peritorem, impedivit, ne inquireretur, vel usurparetur

Chy-

Chirurgus doctior; qui proin, si non præstent, quod promiserunt tenebuntur ad compensationem damni secuti; tum quia non erant periti; tum etiam quia Imperitiam suam supplere neglexerunt, uti post Tamburinum l. 8. in decalog. tract. 3. c. 5. §. 2. num. 2. rectè observant Sporer, Babenstuber.

Dices: Jure civil. L. contractus ff. de regul. Jur. statuitur, ut si contractus sit factus in gratiam utriusque contrahentis, uti sit in locatione, conductione, emptione &c. recipiens v. g. domum locatam teneatur ex dolo, item ex culpa lata, & levi: Quin immò L. sius certo ff. commodati. ulterius statuitur, ut si contractus sit factus in gratiam solius recipientis, uti sit in commodato & precario, resque pereat apud recipientem, isteneatur nedum ex dolo, verum etiam ex culpa lata, levi, immò levissima: ergo male diximus, in foro conscientie neminem teneri ad restituendum, nisi commiserit culpam theologicam.

156 R. Hujusmodi leges civiles, utpote nimis rigorosas, probabilissimè non obligare in conscientia ante sententiam Judicis. Ita contra Laym. Molin. & alios multos tenent Sotus l. 5. de just. qu. 7. art. 4. Lugo, Diana, Tamburinus, Sanchez, Reiffstuel theol. mor. tract. 8. disp. 2. num. 47. Ratio est: quia omnino gratis asseri videtur, quòd homines regulariter loquendo velint se obligare ad hujusmodi diligentiam exquisitissimam, & præcavere omnem culpam, etiam politicam; ergo licet talem committant, si tamen hæc non sit simul theologica, probabiliter non obligantur ad damni compensationem ante Judicis sententiam. Et certè distæ leges non videntur cum tanto rigore usu receptæ: uti testantur DD. *mox citati*, & etiam Lessius: ergo non obligant &c.

Quæres sextò utrùm in communi periculo v. g. incendii, naufragii &c. teneatur quis rem alienam, quam possidet ex contractu præferre rebus propriis, ita ut si nequeat salvare utramque, teneatur potius periculo eripere rem alienam, quàm propriam?

157 R. 1. si res propria sit æquè pretiosa,

vel omnino pretiosior aliena, aut si ex amissione rei propriae deberet subire notabile damnum, sine spe restitutionis, in foro conscientie non tenetur (quidquid sit de foro externo) bene tamen 2. si res propria sit admodum vilis, ita, ut ex hujus amissione non pateretur magnam jacturam, & contra res aliena valde pretiosa Ita ex communi Lugo tom. 1. disp. 8. sect. 10. num. 139. Sporer c. 2. num. 235. Mezger ubi suprà a. 6. num. 6. Ratio prioris est quia nemo præsumitur in contractu obligare se velle ad expensas extraordinarias in conservatione rei alienæ faciendas: at, si quis deberet pro hujus conservatione perdere res proprias æquè pretiosas, vel omnino pretiosiores, eò ipso teneatur ad expensas extraordinarias; quis enim vellet potius conservare rem alienam, quàm propriam in pari periculo aut jactura? profecto nullus; cum amor erga seipsum suadeat oppositum: ergo. Ratio autem posterioris hæc datur: quia in contractibus modo humano initis quisque censetur se obligare ad rem alienam conservandam aut custodiendam, modo moraliter possibili: at, ubi res aliena est valde pretiosa, & res propria exigui momenti, præsertim si liceat sperare, jacturam rei propriæ compensatam iri, non est impossibile custodire rem alienam: ergo tenetur. Unde non excusaris à conservatione rei alienæ, quæ valet mille, si timeas jacturam v. g. unius aurei; quia hoc non videtur damnum notabile, inquit Babenstuber tr. 7. disp. 4. a. 3. n. 41.

Quæres Septimò: quo loco res aliena sit restituenda?

158 R. 1. Res debita ex contractu restitui debet in eo loco, de quo expressè, vel saltem tacitè inter partes conventum fuit, Ratio est: quia hoc postulat æquitas naturalis, & æqualitas inter partes contrahentes servanda: & regulariter loquendo, si opus sit translatione rei restituendæ, hæc fieri debet expensis debitoris. Unde sequitur, debita ex contractu gratuito, verb. grat. donatione, legatione, testamento &c. restituenda esse in loco, ubi erant, quando donatio, legatum, vel testamentum fuit factum, atque sumptibus donatarii, vel legatarii aliò esse;

trans-

transferenda : e contra debita ex contractu oneroso , transferente dominium rei , quo scilicet non eadem res , sed pro una re accepta altera reddi debet , ubi sit in emptione &c. restituenda sunt in loco , ubi res , pro qua solutio fieri debet , fuit accepta . Ratio est : quia in reciprocis contractibus res una in alterius locum quasi substituitur ; quod tunc perfecte fit , si etiam idem locus acceptionis & restitutionis fervetur , prout bene observant Vasquez *de rehit. c. 9. dub. 2. n. 50.* Lessius *c. 15. dubit. 8. n. 36.* & Laym. *l. 3. tr. 2. c. 10. n. 5.*

159 R. secundò. Res debita ex delicto restituenda est in loco domini seu creditoris , idq; expensis debitoris fieri debet . Ita Molina *tom. 3. disp. 752.* Lessius *l. cit.* Laym. *n. 3.* Lugo *disp. 20. sect. 8. n. 183.* Sporer *tr. 4. c. 3. n. 154.* Ratio est : quia restitutio in hunc finem tendit , ut fiat æqualitas : at , nisi res restituatur in loco domini , ubi scilicet dominus eam haberet , nisi injustè fuisset ablata , nunquam fieret æqualitas , sed dominus gravaretur injustè : ergo . Unde qui equum hic Salisburgi abstulit & traduxit Viennam , debet eum propriis expensis hic Salisburgi restituere : & si dominus equum suum duxisset in Italiam , deberet eum illic mittere , deductis tamen impendiis necessariis , quæ Dominus in eo traducendo fecisset . &c. Limitat tamen hoc Layman *l. cit.* post S. Thomam , Navarrum & alios : nisi sit transferendo talem equum aut aliam rem furtivam , deberet facere expensas excessivas , seu etiam majores , quam res furtiva constaret ; quia tunc Dominus rationaliter non posset prætereundæ restitutionem , smodò equus ille , vel quæcunque demum res aliena , interim fervetur in loco tuto .

§. II.

Proponentur & breviter resolvuntur Casus practici de restitutione debita ex contractu .

CASUS PRIMUS.

Titius in nundinis Lincensibus , ubi plurimi equi vendes concurrere solent , Elbel Theol. P. IV.

unum vendidit pretio excessivo . Cum enim equus revera esset cæcus , oculis , vel potius pupillis ejus certum quandam pulverem insufflavit , quo eadem pupillas reddidit splendentes in tantum , ut ab empirio crederetur videns ; unde factum , ut pro eodem equo obtinuerit ab emptore centum florenos , quem ne quidem ipse Titius voluisset emere quadraginta florenis . Hanc facti speciem , cum Titius postea eundem Theologo discursus gratia narrasset , ab eo mox audit , tuta conscientia id fieri non potuisse , proptereaque Titium teneri saltem ad restituendum Emptori excessum justè prebit . Verùm Titius respondit , se id nunquam subduxisse conscientia , eò quòd benè sciret , etiam Angelos in Cælo ridere , dum vident , unum negotiatorem equorum ab alio insigniter decipi . Queritur jam 1. quid de hac responsione Titii tenendum ? 2. an revera peccaverit , & obligetur ad aliquam restitutionem ?

160 R. ad primum , hanc Titii responsionem , vix esse responsione dignam ; quandoquidem certum sit , quòd nec ratione nitatur , nec auctoritate , nec consuetudine legitime recepta sit , nec denique in æquitate naturali habeat fundamentum . Et licet multiplici experientia constet sæpissimè unum negotiatorem equorum ab alio insigniter decipi , hæc tamen praxis iniqua est , & non legitima ; quæ , si impune permitteretur , aut semel approbaretur , procul dubio aperiret jannam innummeris fraudibus ac dolis : constat autem ex probata praxi , nec non ex jure , quòd fraus & dolus nulli debeant patrocinari . *argum. c. 15. & 16. de Rescript.* ergo nec debent approbari , sicut revera nec approbantur .

161 R. ad secundum : Titius revera graviter delinquit (quidquid demum sit de sinistra ipsius persuasione ; an scilicet hæc fuerit culpabilis vel non) ratio est : quia naturali æquitate exigente venditor tenetur monere emptorem de notabili vicio mercis , quando advertit , quòd ille non observet vitium ; atqui cæcitas equi est vitium valde notabile : ergo . Deinde qui emptorem fraude inducit ad emendum majore pretio , quàm ipse emere vellet , facit injuriam damnosam ; quisque enim habet jus , ne fraude aut mendacio

Nn in-

inducatur in aliquod damnum; quam ob causam *l. Julianus 13. in principio ff. de actionibus empti* statuitur, ut talis teneatur prestare omnia detrimenta, quæ emptor ex ea actione trahit: atqui Titius fraude induxit emptorem: ergo &c. Videatur Layman *l. 3. tr. 4. c. 17. n. 15. La Croix l. 3. p. 2. n. 955. aut Reiffensuel l. 3. decret. tit. 17. numer. 178. & 186.*

Dices: ergo Titius tenetur contractum rescindere, aut excessum pretii restituere.

162 R. affirmativè. Quin immò contractus ille probabilissimè fuit nullus. Ratio est: quia emptor dolo inductus certò erravit, sin minus in substantia physica equi, certè tamen in substantia morali; nam quando res notabiliter differt ab eo, quod emptor intendit, censetur in errasse in substantia, veluti observat Tamburinus *l. 8. tr. 3. c. 7. n. 17.* atqui equus cæcus notabilissimè differt à vidente: neque præsumere licet, emptorem tantum fuisse daturum, si advertisset vitium cæcitatæ, quantum dedit eo non animadverso: ergo cùm dolus hic dederit causam contractui, desinit verus consensus, quo deficiente ruit contractus *l. in venditionibus. ff. de contrahend. empti.*

Et licet talis in foro externo à Iudice non audiretur forsitan, eò quòd cæcitas equi non reputetur vitium principale, seu ut appellant germanicè:, id tamen solum fit propterea, quòd emptor non credatur ignorasse hoc vitium, aut ceriè, ex eo, quòd non constat, eum fuisse dolo venditoris inductum; de quo, si Iudici constaret, procul dubio audiretur, & venditor condemnaretur: ergo hic in conscientia & coràm Deo tutus, aut excusabilis esse non potest. Videatur Reiffensuel *l. cit. n. 186. Babenstuber tr. 7. d. 6. a. 3. n. 24.*

At, inquires forsitan mi bone Titi: ipsomet ego eundem equum jamjam inclinantem ad cæcitatem emi 100. florenis, & quidem ignarus hujus vitii: quidni ergo ad me indemnem servandum pro eodem pretio valeam tuta conscientia eundem alteri denuò vendere?

163 R. Non vales; quemadmodum

enim tibi facta fuit injuria gravis à tuo venditore, præsertim si isagnovit vitium meritis, ita & tu novam, & quidem satis gravem injuriam inferres alteri, contra notissimum illud lumen naturæ clarum principium: *quod tibi non vis fieri, alteri ne feceris.* Et sicut tu monetam spuriam ab alio acceptam tuta conscientia non potes alteri reddere velut bonam, nec vitium, quod pro gemma emisisses, rursus alteri pro gemma vendere, ita sanè nec equum cæcum, quem emens existimasti videntem, rursus alteri pro vidente vendere vales salva conscientia, sed teneris recurrere ad venditorem, à quo emisisti, ut is tibi damnum refarciat. Videatur Sporer *tr. 6. c. 5. n. 64. & sequent. La Croix l. 3. p. 2. n. 948. & 960. Illung. tr. 4. disp. 2. n. 400. Sporer tr. 6. c. 5. n. 30.*

CASUS SECUNDUS.

Sempronius Oenipola vinum satis generosum apposuit suis hospitibus, sed quia illud asperum nimis & rigidum visum fuit, hinc aliud vinum melius posularunt. Sempronius meliori non provisus, ut honori suo finis & commodò prospiceret, promissi, se non aliud, quod magis saperet allaturum: unde reversus in cellam vinariam eundem vino aquam sapientius addidit, seque satis delectatum hospitibus suis apposuit, & nullià quidem pretio, ne hospites crederent, hoc esse deterius illa prius allato; quod etiam disti hospites, utpote ignari fraudis & regesse, gratanter acceptantes, cum gustu biberunt, & solverunt aucto pretio. Queritur an Sempronius tuta conscientia id facere potuerit?

164 R. Cum distinctione; nam attendendum est in hoc casu 1. an pretium ad hoc fuerit iustum, eisi forte summum, an verò non? si non: de se liquet, Sempronium hoc praticando peccasse, sin minus graviter, saltem leviter, juxta proportionem deceptionis. Secundò, item considerandum est, an quantitas vini ab hospitibus consumpti fuerit magna, vel exigua; nam si supponatur fuisse exigua; non tam facile credi debent fuisse inviti, quam si quantitatem magnam

con-

consumplissent; præsertim si vinum ita delymphatum magis sapuit, quam prius.

At

Dices. Hoc ipsum est in questione, an pretium à Sempronio taxatum fuerit adhuc iustum vel non: unde igitur hoc colligendum?

165 R. ex communi Doctorum, aliud esse iustum pretium medium, aliud summum, & aliud infimum, quorum quolibet iuste exigi potest, secundum diversitatem circumstantiarum, ut puta locorum, personarum &c. putatque la Croix, quod, si alicubi medium pretium v. gr. pro aintera Vini sint 10. floreni, tunc infimum fore 8. cum dimidio, & summum 11. cum dimidio. Verùm P. Sporer tract. 6. in decal. c. 5. num. 26. sapienter, ait, quoad hoc standum esse iudicio prudentium, secundum circumstantias fori, & communem sensum negotiatorum. Unde breviter dicendum existimo, quod, si vinum Sempronii nondum lymphatum seu aqua mixtum, jam fuisset à Magistratu taxatum illo pretio, quo hospitibus fuit primò oblatum; vel si alii intelligentes prudenter iudicassent, vinum illud aqua dilutum, non amplius esse dignum tanto pretio, Oenipola nequaquam potuerit salva conscientia prætereundum maius pretium, sed potius debuerit compensare tantum, quantum auxit pretium; quod quidem faciliè potuerit exequi, unam aut alteram mensuram dictis hospitibus vel gratis offerendo, vel saltem non computando.

At verò, si nec à Magistratu, aut alio superiore fuit taxatum pretium vini, & hoc ab aliis prudentibus fuisset adhuc iudicatum dignum pretio augmentato, faciliè absolverem à peccato, & ab onere restitutionis; tum quia fraus vel nulla vel omnino exigua intervenit; tum præsertim quia Sempronius id supponitur fecisse ob rationabilem causam, puta ad servandum suum honorem, & ad conservandum hospitum concursus: ob similes autem rationabiles causas facilius permitti potest, ut merces aliquo modo corruptæ vendantur, modò deceptio illa non sit æquo gravior. Videatur de hoc Layman lib. 3. tr. 4. c. 17. n. 15. §. limitat. Sporer tr.

6. c. 5. nu. 80. Reinfestuel l. 3. decret. 116. 17. §. 5. n. 124.

Dices adhuc: quid si autem talis Oenipola vinum uni duntaxat carius vendat, quam cæteris omnibus, ut, si mensuram aliis omnibus dare consuevit pro 6. pacciis, & uni Titio tam vendat pro medio floreno, an non impinger in leges iustitiæ?

166 R. In hoc casu pariter esse attendendum 1. an hoc vinum à Magistratu vel alio Superiore legitimo fuerit taxatum pro 6. pacciis duntaxat, vel non? quia iusto pretio taxato in utroque foro standum est, juxta communissimam DD. quam tenent cum Molina, Sanchez, Castropal. & aliis Reinfestuel. loc. proximi cit. num. 131. Quod si pretium non sit taxatum, & ab aliis adhuc reputaretur tale vinum dignum medio floreno in his circumstantiis loci, personarum &c. etsi supponatur summum intra limites iusti pretii, non peccat Oenipola; nam qui iusto pretio vendit merces suas voluntariè ementibus, nulli facit injuriam. Secus dicendum foret, casu quo pretium jam fuisset taxatum, aut ab aliis intelligentibus reputaretur excessivum; non enim fas est cuilibet pro suo libitu rem vendere, sed iusto tantum; veluti rursus cum communissima tenent Navarrus in manual. c. 23. n. 84. Laym. l. 3. tr. 4. c. 17. Reinfestuel loc. cit. num. 120. consequenter ex hac suppositione per se loquendo teneretur Oenipola ad restitutionem damni.

167 Dictum tamen fuit: per se loquendo, & supposita taxa iusti pretii Oenipola'm teneri ad restitutionem &c. nam per accidens excusari subinde posset & à peccato contra iustitiam, & ab onere restitutionis, si nimirum sciret, sibi ab hoc vel difficulter & serò nimis, vel omnino nunquam satisfactum iri pro vino. Ratio est: quia subire huiusmodi periculum, etiam est aliquid pretio æstimabile, & plerumque dilatio solutionis causa est lucri cessantis, vel damni emergentis: ergo quemadmodum in mutuo, cambio & aliis similibus contractibus propter huiusmodi pericula iuste aliquid exigitur ultra sortem, ita & in hoc casu, non

obstante iusta taxa Magistratus vel Principis, quippe qui taxam communem statuendo, sicut non præviderunt tale periculum, ita nec præsumunt voluisse constitutionem suam extendere ad huiuscemodi casum particularem Lessius lib. 2. c. 21. dubit. 6. nu. 54. Diana part. 1. tr. 8. Resolut. 57. la Croix nu. 945. Illung. tract. 4. disp. 2. num. 402. Reiffenstuel lib. 3. decret. tit. 17. §. 6. num. 151.

CASUS TERTIUS.

Cajus certe cujusdam Religiosis Professore Buda ex Hungaria scribendo petiit à quodam Calcographo Augustano, ut sibi pro adornanda disputatione solemnè ad festum B. Virginis Mariæ in Caëlos assumptæ per ratem vel navim transmitteret ducentas imagines cum impressis, vel potius cupro incisus conclusenibus theologicis: quod, & factum à Calcographo tempore satis maturo, & debito. Verùm theses illæ (nescio quo fato) in itinere tandiu detentæ fuerunt, ut prius ad finem mensis Septembris Budam appulserint quo tempore, cum dictus Professor non amplius opus habuerit, ob disputationem jam ante mensẽ celebratam, easdem denuo eadem occasione natali Augustam Calcographo remisit. Queritur jam 1. an iuste 2. Quisnam debuisset luere, damnus, casu quo dictæ theses Dannubio immerse perissent.

168 R. ad primum Probabiliter iuste, saltem pro foro conscientie. Ratio est: quia quamdiu contractus nondum est completus, tandiu manet dominium mercis apud venditorem, ut communissimè tenent DD. Molina, Rebellus, la Croix cit. lib. 3. part. 2. num. 705. Illung. tract. 4. disp. 2. num. 410. & habetur clarè decisum l. necessariò ff. de periculo, & commod. rei vend. atque contractus in nostro casu nondum fuit completus, & perfectus: tum quia Professor nondum præstitit solutionem, nec alium fide-jussorem suo nomine substituit; tum etiam quia verosimilius, nunquam intendit emere theses primùm obtentas vel obtinendas post disputationem solemniter jam celebratam, idèdque contractus ille fuit saltem tacitè conditionatus, quodd. scilicet vellet illas theses

solvere, si tempore oportuno eas recepisset: atque hæc conditio non fuit adimpleta: ergo probabiliter tuta conscientia potuit eas remittere Calcographo. Videantur Layman lib. tertio tractat. quarto capit. quarto numer. secundo Molina disputat. 205. numer. sexto Sporer tractat. 6. capit. 2. numer. 15.

169 R. ad Secundum cum distinctione. Vel enim culpa alicujus supponitur perisse, vel mero casu aut infortunio? si primum: periissent culpabili; si secundum, probabiliter periissent Calcographo. Ratio petenda est ex dictis numer. 153. quia omnis res, qua casu perit, Domino perit: è contra omnis res, quæ culpa perit, culpabili perit in tantum, ut is teneatur luere damnum juxta proportionem culpæ, ita scilicet, ut si fuit graviter culpabilis coram Deo, teneatur in utroque foro refarcire damnum, si verò levem duntaxat culpam in foro conscientie commisit, aut merè politicam, in hoc quidem foro iuste condemnabitur ad restitutionem; ante sententiam judicis tamen nullatenus tenetur damnum refarcire, velint constare debet ex dictis suprâ Confer. quarta numer. 93.

Dices Calcographus Augustanus tempore satis maturo theses extradidit Nauclo-ro, transferendas Budam; ergo non amplius fuit illarum Dominus, sed præsumi debet transulisse dominium in Professore, & consequenter casu quo periissent non Calcographo, sed dicto Professore, vel certè Nauclo-ro, si is culpabilis existit, periisse censeri debent.

170 R. Neg. Conseq. Erenim vi emptionis dominium mercis etiam traditæ non acquiritur Emptori prius, quàm sit pretium solvit, vel dedit cautionem de solutione præstanda, five dein mediante pignore, aut fide-jussore &c. uti habetur in l. de rerum ditione §. venditæ: & ratio hujus est: quia quamdiu contractus ex parte emptoris non est completus, meritò venditor reputatur rem venditam sibi realiter obligata reservare voluisse: atque contractus ex parte Emptoris, scilicet Professoris, nondum erat, completus præstita solutione, &c. ergo. Quin, immò ex eò, quodd. Calcographus, debito

debito tempore extradiderit Nautæ, minime censeri debet abnegasse earum dominium; quandoquidem Nauta non fuit persona ab ipso Professore, sed potius à Calcographo substituta, ut huius nomine eas transferret: quare potius debebant reputari esse in via extraditionis, quam actu extraditæ professori: consequenter Nauta adhuc debuisset luere damnum, casu quo culpabiliter eas submersisset Danubio.

At quid, si Nauta theses illas assumpsisset transportandas in Hungariam ex mera charitate sive erga Calcographum, sive erga Professore, teneretur ex hac suppositione resarcire damnum, casu quo perissent in itinere?

171 R. Cum distinctione. Vel enim supponitur dedisse causam positivam interitus, utputa quia culpabiliter eas projecit in Danubium, aut vendidit, aliove modo distraxit &c. vel dedit causam negativam duntaxat, utputa quia eas non satis custodivit, propterea quæ malitia alterius aut in flumen projectæ, aut furto ablatæ fuerunt? si primum, tenebitur ad compensationem damni Domino illati; quia non solum ex charitate, sed etiam ex iustitia tenebatur eas non destruere vel alienare &c. ergo dando causam positivam interitus, violat iustitiam cum damno proximi, & hoc ipso contrahit onus restitutionis. Si secundum, neutiquam tenetur ad compensationem damni; quia non peccavit, nisi contra charitatem: atqui ex læsione solius charitatis non oritur obligatio restitutionis, uti dictum fuit *Confer. 1. numer. 5. ergo*. Secus dicendum foret de Bajulo à re conducto, & ex iustitia obligato ad transportandum; nam eo ipso quod talis permittat rem culpabiliter perire, etsi sine causa positivè data ad interitum, violat iustitiæ leges, & per consequens incurrit onus restitutionis, veluti ratio & praxis recepta probat, juxta mox dicta n. 169.

§. III.

Corollaria ex dictis inferenda.

172 Colliges ex hæcenus dictis primò, in hac materia vel maxime at-
Elbel Theol. P. IV.

tendendum esse à Confessario, sub cuius dominio steterit res, quæ perit; quia si casu perit, regulariter loquendo Domino perit: si verò perit culpa, is qui culpabiliter dedit causam interitus, cogetur luere damnum.

Notat tamen P. la Croix l. 3. p. 2. numer. 705. in venditione & emptione speciale quid observandum: nam licet dominium non transferatur in emptorem, sed maneat apud venditorem, donec res empta sit tradita; nihilominus emptione semel perfecta, periculum & commodum rei transit ad emptorem, nisi aliter convenissent. Ita statuitur jure civili l. id quod 7. ff. de pericul. & comod. rei vendit. item l. 1. & 2. C. eod. & Instit. de empt. & vendit. §. 3. cum autem. Verum quia Doctores communiter advertunt, has leges tunc duntaxat observandas esse, quando partes aliter non conveniunt; ideo singulariter pro foro conscientia est attendendum ad modum & condiciones, sub quibus contractus fuit initus, nec non ad locorum consuetudines approbatas, & constitutiones municipales loci, in quo contractus fuit celebratus: habet autem hoc (ni fallor) praxis recepta, ut si nunc Mercator v. g. Salisburgensis scribat alteri v. g. Augustano &c. ut sibi hoc vel illud genus mercium transmittat pro solutione præstanda, ille qui petit, scilicet Salisburgensis, nec dominium illarum, neque periculum in via subeundum in se suscipiat, donec effectivè postulatæ merces obtinuerit; id, quod etiam æquitas postulare videtur; nam vice versa periculum pretii seu solutionis manet apud hunc, scilicet qui merces postulavit, donec aliter à quo postulavit pretium transmissum effectivè obtineat: ergo iustum est, ut & periculum mercium maneat apud alterum, eò usque, dum ritè fuerint extraditæ postulanti. Vide de hoc Herinx p. 3. tr. 3. disp. 4. q. 5. item disp. 8. n. 112. Illung ubi supra numer. 409. & seqq. Reiffenstuel l. 3. decret. tit. 17. §. 8. Unde

173 Colliges secundò, si in Casu tertio mox relato Cajus Professor alium bonum amicum Augustæ substituisset & rogasset, ut is suo nomine à Calcographo

N n 3 the-

theses emeret, sibi que transmitteret per aquas, & amicus ille soluto pretio postulatam theses Nautæ concedidisset, damnum illud ex submersione thesium, nec Calcographo Augustano, neque amico illi, sed vel Nautæ culpabili, vel Professori portandum incumbisset. Ratio est: quia ex hac suppositione amicus, utpote non proprio, sed alieno nomine emendo theses, harum dominium illico transtulisset in Professore, immò fitione juris consensit ipse Professor eas emisse, & consequenter sicut dominium, ita & periculum in se suscepisse, eò præsertim, quod solutione jam præstita, contractus utraque ex parte jamjam existerit completus & perfectus, ergo si perisissent, non amplius Calcographo, sed Professori, ceu vero eorum Domino perisissent. Vide de hoc P. Sporer *tr. 4. c. 4. numer. 11. Lugo tom. 1. de justit. disp. 21. sect. 5. n. 57.*

174 Colliges tertio, in ordine ad decidendam obligationem restitutionis, ortam ex contractu non servato, vel maxime etiam à Confessario esse attendendam gravitatem, vel levitatem culpæ commissæ; nam si is, cujus incuria vel negligentia res ex contractu debita perit, deprehendatur non commississe culpam gravem, absolvendus est ab onere gravis restitutionis; quia cum tota radix restitutionis hujus fundetur in delicto, ideo nequit quantitas obligationis excedere quantitatem delicti. Ex quo recte infert P. Bubenstuber *tr. 7. disp. 4. n. 3. numer. 35.* Eum, qui ex ædibus suis aliquid inconsultò effudit, aut eiecit; qui canem alligare, candelam ardentem extinguere, aut furnum claudere fuit obligatus, in deque damnum alteri evenit, etiam in re, quam habebat ex contractu, non teneri aliquid restituere; eò quod nullo jure nec naturali neque positivo hic oriatur obligatio in foro conscientie & ante judicis sententiam: secus dicendum foret, casu quo quis sese specialiter obligasset ad evitandam omnem, etiam levem culpam, uti jam dictum fuit *n. 155.*

175 Colliges quarto, ad restitutionem seu damni compensationem obligandos

esse Consiliarios, qui vi officii sui ad bene consulendum obligati, nihilominus ex ignorantia crassa vel lata dant consilium malum, ex quo aliis consequitur damnum injustum; ut si 1. Confessarius ex tali ignorantia inducat poenitentem ad faciendam restitutionem, ad quam is nequam est obligatus 2. Si Theologus aliquis vel Jureconsultus respondeat, certum aliquem contractum esse justum, qui revera injustus est &c. Ratio est: quia tales ex suo officio. & professione sua tenebantur habere sufficientem rei notitiam, erroresque in consulendo vitare: ergo cum male consulendo influxerint etiam positive in damnum alterius, tenentur illud pro possibili, & pro gravitate, culpæ commissæ compensare, Lessius *cit. l. 2. c. 7. numer. 33. Metzger to. 3. tr. 12. disp. 32. n. 3. numer. 3.*

176 Colliges Quintò, Hujuscemodi, Consiliarios manere obligatos ad revocandum consilium nialum, quamprimum advertunt, se errasse consulendo, dummodo illud utiliter valeant revocare: idque omnino verum est, tametsi prius consulendo optima fide processissent. Ratio est quia non revocando consilium, quod advertunt esse damnum, jam reputantur voluntarie continuare causam injustè damnificantem: quemadmodum ergo ille, qui inculpabiliter ignem admovens ad domum vel horreum alterius, tenetur illum inde amovere, quamprimum advertit incendium oriturum, ita etiam in nostro casu Confessarius &c. tenetur revocare suum consilium, ex quo prævidet alterum iri damnificatum. Veluti ex communibus DD. tradit Lugo *de justit. tom. 1. disput. 8. sect. 7. numer. 95.*

177 Colliges Sextò. Econtra non teneri ad compensationem damni, qui, etsi sit agnitus ut insufficiens, nihilominus ab alio fuit consultus. Ratio est: quia talem consulens debet sibi imputare damnum ex malo consilio ortum: nam scienti ac volenti non fuit facta injuria. Nihilominus si ex hujusmodi consilio, prævideatur secuturum damnum alteri tertio, tenetur consiliarius imperitus illud revocare, vel executionem sui consilii modo humanitatis possibile impedire, secus.

secus enim velut positivè cooperans ad damnificationem injustam, teneretur damnum recompenfare, veluti constabit ex dictis *supra* n. 129. & 137. quæ revide, si placeat.

178 Colliges septimò, non teneri ad restitutionem cum, qui juxta sententiam verè probabilem dedit consilium.

Ratio est: quia dans tale consilium prudenter agit, consequenter non peccat, modò sententia illa in his circumstantiis sit & maneat verè probabilis. Excusatur insuper ab onere restitutionis ille, qui simpliciter aperit suam mentem, dicendo ita sibi videri justum, vel licitum, absque eo, quòd positivè suadeat, ut alter illud amplectatur: Item qui consultus respondet, se quidem putare hoc vel illud esse consentaneum æquitati, dubitare tamen, an revera non erret; quia tunc alter illud amplectens, & amplectendo damnificans: sive se ipsum, sive alium, debet hujusmodi damnum imputare suæ temeritati, uti rectè advertunt Lessius *mor. citatus* num. 33. eumque secutus Mezzer, Pettschacher & Babenstuber *ubi supra* a. 3. n. 25.

179 Colliges denique octavò, non esse tutos in conscientia Aurifabros illos, qui bene advertunt venditorem velut hominem simplicem non agnoscere justum pretium mercis sibi oblatae v. g. gemmæ, annuli &c. Ratio est: quia emptor non minus tenetur servare æquitatem & justitiam commutativam in contractu, quàm venditor: ergo sicut venditor non potest salva conscientia plus acceptare, quàm justum pretium exigit; ita emptor non potest minus dare, quàm limites justii pretii exigunt. Nec excusatur ex eo, quòd fortè dicat tali homini simplici, ut mercem suam bene consideret, & si quidem majoris fortè esset pretii, liberè sibi condonet; quia talis condonatio facta ab ignorante non videtur habere tantum voluntarii, quantum requiritur ad validam condonationem; non enim est verosimile, quòd si, is pretium rei bene intelligeret, vellet condonare, saltem si supponatur excessus pretii ignoratus esse valde magnus. Videantur de hoc Lugo *disp.* 26. *sect.* 8. *numer.* 137.

Reiffenstuel *lib.* 3. *decret.* tit. 17. §. 7. *num.* 191. Sporer *iv.* 6. c. 5. n. 69. La Croix *lib.* 3. p. 2. n. 951.

CONFERENTIA

SEPTIMA.

De Restitutione debita ex læsione proximi in bonis spiritualibus animæ.

SUMMARIUM.

- 180 Quid nomine bonorum spiritualium animæ intelligatur.
- 181 Pro damnificatione facta in potentiis spiritualibus, utputa usu rationis &c. probabiliter nulla debetur restitutio.
- 182 Qui alium inducit in errorem peccat: pro gravitate erroris;
- 183 Unde, si inducat in errorem practicum cum notabili damno animæ, graviter delinquit.
- 184 An, & quomodo peccet, qui alium inducit ad peccatum.
- 185 Qui Religiosum, vel Monialem professam seducit, graviter peccat; & quomodo?
- 186 Si fraude vel dolo seduxit; tenetur 1. removere dolum, & 2. damnande illata compensare.
- 187 Quo modo compensatio hæc fit facienda.
- 188 Quo modo peccet, qui Candidatum, vel Novitium avertit ab Ordine, vel à Professione religiosa.
- 189 Qui vi vel fraude talem avertit, probabiliter tenetur ad aliquam compensationem Religioni præstandam.
- 190 Resolvitur Casus I. ejusdam viduæ, quæ pauperculo studio sub spe potiundi matrimonio præbuit necessaria ad studiorum prosecutionem, sed vana spe elusam se sentiens, maleficio illato injuriam vindicavit.
- 191 Si studiosum illum nunquam obligavit ad promissionem matrimonii futuri, Non 4 neque

neque ad refusionem expensarum, debet sibi imputare, quod nihil recipiat.

192 Unde Titia ante omnia tenetur tollere maleficium modo moraliter possibile:

193 Et quid, si hoc non amplius possit facere.

194 Resolvitur Casus II. de quadam Vetrula, quæ puellam aliquam finistræ & dolose informando, graviter decepit, ut hæc imprægnaretur.

195 Non tamen videtur propterea obligata ad aliquam restitutionem.

196 Eflo etiam habuerit finistram intentionem decipiendi præfatam puellam.

197 Resolvitur Casus III. de quodam Juvene sollicitante quandam puellam ad carnalia, & hac via fraudulentè inducente ad connubium.

198 Qui pariter per accidentem saltem videtur excusandus ab onere restitutionis vel compensationis faciendæ.

199 Necdum illi, qui aliquem erroneè instruant, sed & qui aliquem injustè impediunt ab assequenda doctrina arte, vel à studio litterarum graviter peccare possunt.

200 Qui sine vi vel fraude, meritis scilicet precibus aut blanditiis quempiam inducit ad peccatum, non peccat contra justitiam respectu induciti.

201 Quanta huic incumbat obligatio corrigendi seductum, & reducendi ad meliorem frugem.

202 Inducere aliquem ad peccatum ventile, per se loquendo non excedit culpam venialem.

203 Qui Novitio sine justa causa negat suffragium ad professionem, peccat mortaliter.

204 Solvitur quadam instantia in contrarium facta.

205 Quenam sint justæ causæ dissuadendi ingressum in Religionem, vel jamjam ingresso negandi suffragium ad professionem.

§. I.

Præmittuntur, & breviter resolvuntur quæsitæ scitu necessaria ad debitè resolvendos Casus practicos, circa restitutionem faciendam obligationem in bonis spiritualibus animæ.

Quæres primò, quid intelligatur nomine bonorum spiritualium?

180 R. Nomine bonorum spiritualium animæ intelligi ea, quæ pertinent ad salutem animæ tam naturalem, quam supernaturalem. Porro ad salutem supernaturalem pertinere dicuntur gratia, virtutes, Sacramenta, & alia hujusmodi, quæ principaliter conducunt ad salutem æternam; quò etiam reducendum est bonum status religiosi vel Sacerdotalis. Ad naturalem verò salutem animæ pertinent ingenium, usus rationis, & liberum arbitrium, nec non artes & Scientiæ rerum naturalium. Nec ullatenus ambigendum est, aut dubitandum, quin homo in hisce bonis æquè ac in aliis sæpiùs, quàm patet, damnetur, prout tragica exempla nobis sufficienter dant probationem; idque cum damno tantò intolerabiliore, quanto præponderant hæc bona animæ bonis corporis. Unde

Quæres secundò, an teneatur ad restitutionem, qui alium privat usu rationis v. g. per philtum, vel maleficium?

181 R. Probabiliùs non teneri ad restitutionem præcisè pro damno ex privatione sensus, seu usus rationis illato: tenebitur tamen reparare damnum bonorum temporalium, si quod emerit taliter privato: ut si is non amplius possit exercere suam artem aut functionem, qua hætenus sibi, & fortassis etiam aliis lucrari consuevit panem, aliaque necessaria. Ratio hujus resolutionis, & disparitatis inter utrumque hæc est: quia damnum in ipso usu rationis & aliis hujusmodi potentiis seu bonis spiritualibus illatum nullo pretio censetur æstimabile; quia hæc bona sunt in supremo ordine inter bona humana, nec quidquam reperitur in potestate hominum, quod his reputetur æquivalens.

valens: ergo pro ipso usu rationis fieri nequit, & hoc ipso nec debet fieri compensatio aliqua, sed satis est, quod delinquens coram DEO agat poenitentiam & si fieri possit, ab injuriato postulet veniam: è contra bona illa temporalia verè sunt prætio æstimabilia, & possunt vel formaliter, vel saltem æquivalenter compensari: ergo debent compensari ab injuriante saltem pro rata spei, quam habuit læsus ad hujusmodi lucrum. Gomez tom. tertio capit. sexto numer. 12. Lessius lib. secundo capit. octavo dubiat. prima num 2. Herincx. disputat. 6. num. 1. Babenstuber tract. 7. disp. 5. art. 1. num. 2. & 5.

Quæres Tertio, an peccet, & ad quid teneatur inducens alium culpabiliter in aliquem errorem intellectus, ut puta vel positive decipiendo illum, vel saltem sinistrè informando? &c.

182. R. Etiam iste peccat contra justitiam, graviter aut leviter, pro gravitate vel levitate erroris, proptereaque obligatur corrigere errorem, & rescire damnum inde secutum. Ita Navarrus lib. 2. de restit. cap. 2. n. 3. Lugo disp. 9. sect. 1. n. 3. Sanchez, Sylvester, & alii. Ratio est: quia quis habet jus ne inducatur in errorem seu malum quoddam intellectus: ergo contrarium faciens peccat contra justitiam, sin minus graviter, saltem leviter:

183. Dixi: graviter vel saltem leviter, scilicet pro ratione gravitatis vel levitatis seu etiam damni inde illati; pro cujus pleniori intelligentia advertendum est, alios esse, errores merum speculativos, circa veritates pullulantes ad praxim tendentes ut, quod terra moveatur, cœli verò sint immobiles &c. vel quod non detur purgatorium, &c. hisce verò erroribus merè speculativis aliquem inhibere, etsi per se loquendo non videatur injuria gravis, in materia tamen fidei studiosè, & scienter aliquem sinistrè informare, nimis vacat culpa mortali, cò quod ex hujusmodi erroribus nata sint sequi innumera mala, animæque pericula, & damna: quam ob rem talis tenetur ad retractandum suum errorem, & ad ingerendam, veritatem fidei Catholicæ. Alii autem

sunt errores practici, utpote per se tendentes ad praxin, ut si aliquem doceas, quod non teneatur ad restituendam famam proximo injustè ablatam, aut ad fugiendam occasionem proximam peccandi, tamen si possit &c. & qui tali errore alium imbuat, absque dubio graviter delinquit, cum onere rescificandi damna inde secuta, nisi debito tempore errorem dedoceat, & efficaciter retractet. Sanchez lib. primo consil. c. 3. dubitat. quarta à. numer. undecimo Lugo disputat. nona sectio: prima numer. quarto, & sequentibus La Croix leg. tertia part. secunda numer. 351. & 352.

Quæres quarto, an peccet contra justitiam cum onere restitutionis; qui alium allicit, & inducit ad peccandum?

184. R. cum distinctione. Nam si quempiam inducat sine vi vel fraude, non peccat contra justitiam respectu inducti, sed solum contra charitatem, ex qua etiam tenetur eundem reducere ad meliorem frugem, & hoc modo reparare damnum illatum: at verò, si vi aut fraude aliquem inducat, peccat contra justitiam, vicinjs pariter obligatur nedum ad tollendam vim vel fraudem, verum etiam ad procuranda media, quibus seductus gratiam amissam recuperet. Ita communissimè DD. Herincx ubi supra numer. 2. Bonacin. de restit. disp. 2. q. 1. pu. un. num. 1. Illung. tr. 4. disp. 3. nu. 59. Mezger tom. 3. tr. 12. disp. 36. a. 1. n. 6. Ratio prioris hæc est: quia volenti non fit injuria c. volenti de R. l. in 6. at, qui peccat non deceptus aut coactus, peccat sciens ac volens: ergo huic non fit injuria, etsi seductor adhuc possit peccare contra justitiam respectu tertii, si quempiam inducat ad hunc injustè damnificandum, idq; verum est, tamen si seductus ex inculpabili errore vel ignorantia non adverteret, se peccare; nam adhuc tale delictum coram Deo, & hominibus imputabitur Impositori, quippe qui non ignoranter, sed scienter supponitur induxisse ad injustam damnificationem.

Ratio autem posterioris hæc datur: quia quisvis ratione sibi congenita libertatis habet jus, ne per vim vel fraudem inducatur ad malum: atqui peccatum, est malum: ergo qui inducit, peccat contra

contra iustitiam cum onere restitutionis vel potius reparationis injuriæ illatæ. Et certe is, qui ab alio per vim extorqueret consensum in peccatum, huic irrogaret, injuriam: ergo etiam ille, qui per fraudem, aut, dolum inducit; quandoquidem dolus æquiparatur violentiæ secundum omnes, teste P. Pettschacher.

Quæres Quinto, an peccet contra iustitiam cum obligatione satisfaciendi, qui Monialem, vel Religiosum jamjam professum avertit seu seducit à Religione, faciendo illum apostatate?

185 R. primò cum distinctione mox data, Si enim seductor agit sine vi vel fraude, non delinquit contra iustitiam, nec respectu personæ seductæ; utpote quæ volens supponitur apostatasse; neque respectu Religionis; quia hæc non habet jus, iustitiæ in personam seductam, quippe quæ virtute Religionis duntaxat tenebatur persequere in statu assumpto. Ratio autem posterioris hæc dari potest: quia vi seducens infert gravissimam injuriam tam personæ seductæ, quam etiam Religioni, utpote habentibus strictum jus, ne per vim aut fraudem damnificentur. Ita rursus communissimè sentiunt DD. uti videre licet, apud Lupo *disp. 9. scd. 3. num. 28. Suarez de Relig. lib. 5. cap. 9. Sanchez ubi supra lib. 1. cap. 3. dub. 2. num. 6. & alios passim Unde.*

186 R. Secundò. Talis Seductor ante omnia obligatur ad removendam vim vel fraudem; secus enim semper continuaret illatam injuriam; 2. tenetur insuper resarcire omnia damna inde secuta tum seducto tum etiam Religioni. Ratio patet ex dictis: omnis enim injustè damnificans tenetur ad resarcienda damna illata: ergo si quæ damna vel Religionis, vel etiam seducto supponantur esse illata, tenebitur seducens in conscientia eadem resarcire modo meliori.

At (inquires) quo modo hujusmodi damna Religioni sunt compensanda?

187 R. Ea duntaxat esse compensanda secundum spem præsentem, quam habuit Religio de percipiendis emolumentis ex tali professu, & quidem deductis expensis, quas Religio facere debuisset. Quare cum hæc emolumenta potuerint multi-

pliciè adhuc impediri, utputa per mortem aut morbum talis Religiosis, aliisvè pluribus modis, quibus spes lucri reddi solet ambigua aut minùs certa; hinc juxta majorem aut minorem spem tunc præsentem, & juxta majores, minoresve expensas quas Religio debuisset facere, decidi debet quantitas restitutionis arbitrio prudentum; universalem enim Regulam circa hanc materiam tradi non posse, facile patebit ponderanti, utetiam rectè annotarunt Scotus 4. *dist. 15. qu. 3. §. quantum ad argumenta.* Herincx *cir. numer. 5. fin.* Lessius, Lugo, La Croix *lib. tertio part. secunda numer. 347. quos vide si placet.*

Quæres Sextò, quomodo delinquat, qui Novitium ab ingressu Religionis impedit, vel jam ingressum retrahit ad sæculum?

188 R. rursus cum eadem distinctione mox data de retrahente Religiosum professum. Etenim si absque omni vi vel fraude aliquem impediat, non peccat contra iustitiam, nec respectu Novitii, utpote consentientis; & volentis; neque respectu Religionis, eùm hæc nullum adhuc jus in Novitium possideat esto adhuc peccare possit contra alias virtutes v. gr. charitatis, pietatis &c. At verò si id faciat vi vel fraude, per se loquendo graviter peccat, utpotè lædens jus, quod Novitius ac Religio habuit, ne fraudulentè à bono sibi conveniente impedirentur. Undè probabilis tenetur tum Novitio, tum Religioni etiam satisfacere pro rata spei, quam habuere in ordine ad bona temporalia percipienda v. g. ex hereditate, labore, aut industria, donatione &c. quemadmodum qui te vi vel fraude impediret ab obtinendo pio legato etiam gratuito, teneretur tibi satisfacere pro quanto spes illa iudicio prudentum æstimeretur, veluti sapienter tenet Lessius l. 2. c. 8. *dub. 2. num. 15.*

189 Haud equidem Ignoro, Sanchezio l. 3. *conf. mor. c. 3. dub. 2. n. 22.* placuisse contrariam opinionem, propterea quæ probabiliter absolvisse hujusmodi Seductorem, fraudulentum ab onere compensationis, eò quod Religio non habeat jus percipiendi prædicta emolumenta verb. grat. ex hæ-

hæreditate Novitii &c. nisi mediante professione; quæ, cum sit valde contingens, & impedibilis, non videtur propriè præbere jus aliquod ad emolumenta proximè intimata. Verùm, esto ex hoc bene probetur, Religioni nondum competere jus actuale in ipsa bona talis Candidati aut Novitii, minimè tamen negari potest, quin actu habuerit spem (utique pretio æstimabilem) illa bona aliquando consequendi post factam jam professionem: ergo qui vi, dolo seu etiam fraude impedit Novitium ab ingressu vel professione, sique spem illam eludit, tenetur pro rata hujus spei facere compensationem si tamen inde verum aliquod damnum Religioni emerit: quod studiosè additur; nam sæpè contingit, ut loco retracti recipiatur alius, qui loco illius susceptus, vel ex toto, vel ex parte compenset damnum illud: quo casu fieri potest, ut obligatio refarciendi ex parte Seductoris vel notabiliter diminuat, vel omnino extinguatur, uti recte notat Tamburinus l. 5. decalog. cap. 2. §. quint. numer. tertio Decastillo lib. secundo de justit. tractat. secundo disp. 7. dub. secundo à num. 16. Lugo tom. 1. disp. 9. sect. 3. à n. 28.

§. II.

Proponuntur, & breviter resolvuntur Casus practici de obligatione restituendi debita ex injusta damnificatione in bonis animæ.

CASUS PRIMUS.

Titia Vidua cuidam studioso pauperculo (quem Titium appellamus) præbuit alimenta, & alia ad prosecutionem studiorum necessaria, animo ut post adeptam utriusque juris lauream ejus connubio portaretur. Verùm posteaquam Titius in virum egregium evasit, sui jam compos factus, & insigni quadam Præfectura præditus, relicta Vidua in suo esse, duxit aliam puellam sibi magis ardentem. Quamobrem Titia vana spe elusam se ceruens, postulavit refusionem expensarum hæcenus factarum; Cui Titius respondit se eas nunquam deceptasse animo rursus compensandi ex justitia, sed per modum

eleemosynæ duntaxat. Contigit proin ut Vidua quasi in desperationem acta ope dæmonis, vel alterius maligni hominis (nescio) maleficium posuerit, vi cujus Titius nedum ad usum matrimonii impotens, verum insuper usu rationis destitutus fuit, ut tandem coarserit in miserum virum. Occasione hujus Casus jam queritur 1. ad quid Titius, fuerit obligatus, & 2. ad quid Vidua sit obliganda, casu quo pœnitens facta recurret ad Confessarium?

190 R. ad primum. Si Titia studiosum nunquam obligavit ad inecundum secum connubium, vel certè ad refundendas expensas, etsi in animo habuisset hanc intentionem (perveniendi scilicet ad matrimonium) Titius nequaquam tenetur ad matrimonium, neque ad expensas de jure refundendas. Ratio hæc est: quia si teneretur, tunc vel maximè ex contractu aliquo cum Vidua inito; at, hoc non; quia ad verum contractum essentialiter requiritur animus, & intentio saltem implicita se obligandi, siquidem tota obligatio ex contractu orta nascitur à voluntate pacificentium c. contrahus 8 §. de Re l. in 6. atqui Titius fateatur, nunquam habuisse animum sese obligandi ex justitia ad refundendas expensas, quin potiùs asserit, se eas duntaxat acceptasse per modum eleemosynæ, quæ utique non debet ex justitia refundi: ergo vi hujus non tenetur ad alterutrum, etsi gratitudo jure naturæ nota suadeat, ut pro illis animum gratum exhibeat. Hac igitur suppositione facta Vidua sibi met inputare debet, quod pro nimia sua liberalitate, & charitate nihil ampliùs percipiat; quemadmodum qui facit liberales expensas, animo obtinendi aliquod beneficium vel officium, de jure non ampliùs potest prætere compensationem expensarum, esto beneficium non obtineat, veluti clarè deducitur ex l. prima §. conventiones ff. de passis. Item Leg. tertio de obligat. & actionib.

191 Dixi tamen: si Titia studiosum nunquam obligavit &c. secus enim resolvendum foret, casu quo eidem contestata fuisset, se aliter nolle præbere expensas necessarias, nisi cum onere inecundi secum matrimonium, &c. quia hoc supposito, Titius non potuisset aliter acceptare expensas

penſas illas, quàm animo ſaltem implicito ſeſe obligandi ad jungendas cum illa manus in conjuſio: quemadmodum qui accipiat uſum corporis à puella non aliter, quàm cum onere matrimonij ineundi conſeſſum, aliter acceptare non poteſt, niſi ex naturali æquitate, & juſtitia contrahendo obligationem ducendi talem puellam ſecundùm communiffimam DD. apud Molinam tom. 3. diſp. 106. num. 4. Leſſium lib. 2. capit. 10. dubitat. tertia Laym. libr. 5. traſt. 10. part. 1. cap. 1. nu. 10. Coninch. Armillam, & alios.

192 R. jam ad ſecundum. Titia ante omnia à Conſeſſario eſt obliganda ad auferendum maleficium; ſecus enim velut, Indispoſita, non erit capax abſolutionis, ut de ſe liquet 2. obliganda eſt ad reſtituendum, non quidem pro ipſo uſu rationis, utpote inæſtimabili prætiò ſecundùm dicta numer. 181. ſed pro damnis, in bonis ſeu emolumentis temporalibus ex tali privatione conſecutis, utputa ſi Titius propterea nihil potuit lucrifacere, aut omnino ſuo cedere officio. Ratio jam fuit, data num. prox. cit. Cæterùm, an Titia intuitu expenſarum à ſe factarum juſtè poſſit aliquid præterire, colligendum, ac reſolvendum erit ex eo, an Titius ſtudioſius unquam ſeſe obligarit ad reſtutendas illas expenſas, vel non, veluti dictum fuit proximè n. 190.

At quid, inquires, ſi Titia non ſit amplius liberum tollere maleficium?

193 Nihilominus obliganda eſt ad reſtutenda omnia damna ex illato maleſicio jam conſecuta, & in poſterum conſecutura. Ratio eſt: quia ſcienter ponendo maleficium dedit culpabiliter cauſam omnibus iſtis damnis: quamvis proin deſacto non amplius velit nocere, immò, & deſeat, aliquando nocuiſſe, nihilominus omnia hæc damna eidem imputantur velut in cauſa, voluntariè data, ad quæ reſarcienda in omni ſoro adſtringitur: quemadmodum mandans adſtringi debet ad compenſanda damna vi ſui mandati illata, etſi illo tempore, quo à mandatario executivè inferuntur, vel maximè deſeat de ſuo mandato, velleſque, illud nunquam à ſe datum fuiſſe; veluti rectè docent Lugo tom. primo de juſſis. diſputat. 19. ſeſt.

ſecunda §. primo numer. 26. Spoter traſt. quarto capit. quinto numer. 10. & alii communiffimè.

CASUS SECUNDUS.

Sempronia jam pridem conceperat violentas ſuſpiciones de aliqua puella, quòd inhoneſtum haberet conſortium cum aliquo Juvene, & idèò duntaxat nunquam, evaſſet gravida, quòd ſolent impedire generationem. Idcirco, ut omninadum deprebenderet veritatem, eidem puella alia, quànò familiariter colloquendo dixit inter alia, ſe ſcire quoddam remedium efficaciffimum, & inſallibile, quo, ſi qua mulier uteretur, intra 24. horas non poſſet impregnari: cùmque præſata puella cuperet illud neſſe, Sempronia proinus aliquod ediſſeruit, eſignara huc remedio nec minimam ineſſe vim in ordine ad impediendam generationem. Paulò poſt puella remediò huius vim, & efficaciam experiri volens, admiffit copulam perfectam, ſed illico evaſit gravida, non ſine maxima ſua conſuſione, & pœnititudine. Jam querere licet ad hunc caſum 1. utrùm vel quomodo Sempronia deliquerit decipendo puellam? 2. utrùm teneatur ad aliquam compenſationem damni, quod puella ex ſui diſſimulatione, & impregnatione incurrit?

194 R. ad primum. Minimè dubitandum eſſe, quin Sempronia (ſaltem per ſe loquendo) graviter deliquerit. Ratio eſt: quia puellam hanc graviter decepit, imbuendo intellectum illius errore tam pernicioſo. Et licet error iſte ex ſe fuerit merè ſpeculativus, proptereaſque non graviter nocivus; quia tamen prævidit, fore, ut puella effectum, & afficiam illius velit experiri; immò verò, quia, ut in ſpecie facti narratur, eo ſine hunc errorem puellæ ingeſſit, ut certioſem adipiſceretur notitiam de inhoneſto conſortio, ex quo tam graviter diſſimandam prævidit; hinc certum videtur, quod Sempronia contra charitatem graviter deliquerit, & ſuo modo etiam, contra juſticiam; cùm quisvis homo habeat jus, ne fraude vel dolo quocunque demum modo circumveniatur, aut inducatur in damnum, veluti ſatis liquet.

quet ex hæcenus dictis nu. 84. & ampliùs constabit ex dicendis.

195 R. nihilominus ad secundum, Semproniam non teneri ad aliquam compensationem; non enim ad compensationem famæ, utpote jam irrecuperabiliter deperditæ; neque ad compensationem damnorum ex conceptione prolis ejusdemque sustentationis onere incursum. Ratio est: quia error ille, utpote merè speculativus non existit causa horum damnorum; quippe quo stante, & non obstante puella potuisset ac debuisset abstinere ab illo inhonesto consortio. Et licet fortassis fuerit quoddam motivum impulsivum ad continuandum illud inhonestum consortium, id tamen propterea solum contigit, quod puella propria sua malitia, & curiosa non minds, quam malitiosa voluntate illud experiri volens, copulam perfectam admisit; quæ, cum sola existiterit causa imprægnationis, cæterorumque damnorum inde sequentium, idè hæc puellæ, non verò Sempronie imputari debent velut causæ injustæ damnificanti: constat enim ex regulis generalibus Restitutionis suprâ datis, neminem condemnandum esse ad aliquam restitutionem nisi actione externa injusta dederit causam efficacem damni: atqui talem non dedit Sempronia, quippe quæ nec mandavit, neque etiam suavit puellæ ut haberet inhonestum consortium &c. ergo &c. Profecto ne quidem in foro exteriori Sempronia condemnaretur ad compensationem damnorum puellæ impendentium, tamen si Judici constaret, eisdem fraudolenter suægestum fuisse remedium; quo non evaderet gravis. Videatur Sporer *tradic. quarto capit. tertio numer. quinto* & quæ diximus suprâ *capit. 4. num. 98.*

Dices adhuc. Sempronia videtur saltem habuisse intentionem sinistram, quæ voluit puellam graviter diffamari, & damnificari, quandoquidem faciliè potuerit, prævidere, fore ut puella tale remedium velit experiri cum damno, immò verò ex hoc sine quodammodo illud fuisse: ergo ab onere restitutionis non est absolven-

da.

196 R. Esto etiam supponatur hæc omnia prævidisse, & sinistram hanc inten-

tionem habuisse (potuisset enim habere aliam meliorem) tamen neque hæc intentio, utpote merè interna, neque etiam, sinistra illa persuasio vel error intellectui ingessus, fuit per se causa imprægnationis, ut jam monstratum est: ergo vi hujus non debet condemnari ad restitutionem. Certè si tu asseveranter dicerès, tali aut tali medio hominem reddi invulnerabilem & alius id audiens, ac probare volens, se ipsum lædat, mutilet, aut omnino occidat, vel duellando occidatur ab alio, nemo facile dicet, te esse homicidam, proptereaque obligatum ad resarciendam, damna ex tali homicidio secuta; non enim ex tua persuasionem sinistra, sed ab alio fuere illata, veluti fusiùs demonstrat Lessius *lib. 2. de justit. capit. 9. dub. 16. num. 111.* & apud hunc Sotus *lib. quart. qu. 6. à. 3. ad quartum argumentum; Lopez tom. 1. cap. 63.* ergo nec Sempronia nostra dici debet causa imprægnationis, vel damnorum inde sequentium; consequenter, &c. &c.

CASUS TERTIUS.

Cajus libenter duxisset puellam quamdam satis dilectam, pulchram, & modestam, quam, cum in suam sententiam nullis rationibus trahere potuisset, deo inducendam existimavit. Capiti exinde eandem ad inhonestam importunitatē ac instatissimè sollicitare, usque dum hæc tandem tactus valde lascivos, immo, & copulam imperfectam admisit. Post hæc Cajus puellæ, utpote rei valde ignaræ ac innocentis, faciliè persuasit, eam indubitanter jamjam concepisse, nec jam aliud superesse remedium evadendi infamiam imminuentem, quàm eisd dare manus in connubium, quod & fecit. At paulò post melius edocia de ro-ro conjugali animadvertit, & dolenter ingemuit, se à Cajo Marito suo infanter fuisse deceptum. Querit jam, quomodo Caus peccaverit: secundò an teneatur ad aliquam restitutionem, vel compensationem.

197 R. ad primum, Cajus gravissimè deliquit, tum importunitissimis suis sollicitationibus ad peccata luxuriæ; tum etiam falsa persuasionem, qua puellam traxit

erexit ad conjugium. Ratio est clara: quisquis enim alterum scandalizat, peccat juxta illud Christi Domini apud *s. Matth. 18. c. v. 7. v. homini illi, per quem scandalum venit*: atqui Cajus sollicitando præbuit scandalum grave: ergo graviter deliquit nedum contra charitatem, sed etiam contra virtutem castitatis: sollicitatio enim ad peccandum sumit suam specificationem ab illa virtute, cui opponitur, ita, ut sollicitatio ad venerea repugnet virtuti castitatis, & sollicitatio ad peccatum injustitiæ virtuti justitiæ secundum omnes.

Quin etiam contra justitiam Cajum graviter deliquisse, vel inde liquet, quod puellam graviter deceperit, & erroneè persuadendo gravedinem, fraudulentè induxerit ad dandas in conjugium manus, de quo antea semper abhorruit. Ratio hujus peccandi est ex dictis *n. 182.*

198 R. Jam ad secundum. Causam ab onere restitutionis vel etiam compensationis excusari ob impossibilitatem; quæ, ut in *fr. C. 12. n.* ex professo dicemus, excusat ab hoc onere. Ratio autem impossibilitatis facile suadetur; nam si ad aliquam satisfactionem teneretur, tunc vel maxime 1. ad eximendum errorem conjugii suæ persuasum, & 2. ad reponendam eam in pristinam libertatem, vi cujus poterat nobere cuicumque demum placuisset: atqui errorem non tenetur amplius eximere, cum uxor jamjam supponatur agnovisse omnimodam veritatem. Pristinæ autem libertati eam restituere æquè impossibile erit; esto enim matrimonium fortassis nulliter contractum sit defectu sufficientis consensus, quippe qui forsitan datus fuit ex solo metu & quidem gravi (scilicet incurrendi insaniam) injustè incusso in ordine ad contrahendum matrimonium; nihilominus in foro exteriori nunquam amplius impetrabunt dissolutionem matrimonii, partim quia talem metum nunquam poterunt satis probare in hoc foro; in quo aliunde semper præsumitur potius pro valore, quam pro nullitate ejus; partim etiam quia si Conjuges diu cohabitaverit pacificè, præsumetur pro valore & ratificatione consensus. Quin immò si mulier hæc ab

initio liberè consensit in matrimonium; esto occasione sinistra persuasionis fuerit mota ad dandum consensum liberum, matrimonium statim valuisset. Nihil proin in hoc casu superesse videtur Confessario, quàm, ut Conjugem illam nitatur persuadere ad ratificandum, vel etiam de novo dandum liberum consensum; idque pro majori certitudine de valore matrimonii, & ad præcludenda omnia peccata etiam materialia, quæ fortè potuissent incurrere dicti Conjuges; qua ratificatione posita ex parte solius etiam Uxoris, matrimonium certò subsistet, veluti diximus *theolog. moral. Sacrament. part. 3. de Matrim. Conf. 14. n. 43.* Cum Averfa, Kugler & la Croix ibi citi.

§. III.

Corollaria ex dictis inferenda.

199 Colliges ex dictis primò, nedum illos, qui alium sinistrè & erroneè informant, intellectum erroribus imbuendo &c. graviter peccare posse; verùm etiam eos, qui aliquem injustè impediunt ab assequenda vera doctrina v. g. fidei, aut à litterarum studio, vel addiscenda arte &c. Quocirca specialiter delinquere possunt animarum Pastores, negligentes in cura animarum, & non erudientes subditos in dogmatibus fidei, morum, & doctrina christiana. Item graviter delinquere possunt scholarum Præfessi, qui absque sufficiente causa studiosos à scholis excludunt, vel ad eas non admittunt. Ratio est: quia hoc modo inferunt damnum grave in bono animæ, veluti bene probant Pettschacher, Mezger *tom. 3. tr. 12. disp. 36. n. 1. n. 2.* & Babenkuber *tr. 7. disp. 5. n. 1. n. 3.*

200 Colliges secundò, Non peccare contra justitiam, qui citra vim vel fraudem, utpote meris blanditiis vel precibus aliquem inducit ad peccandum (secus dicendum de eo, qui inducit metu reverentiali, quippe qui æquiparatur violentiæ) Ratio est: quia tali indulto nulla inferitur injuria; non enim invitatur, sed volens supponitur consentire in peccatum; prout jam constare debet ex dictis, &

amplius videri potest apud *Layman lib. 3. tr. 2. c. 8. num. 1.* *Lilfung. tr. 4. disp. 3. nu. 59. & alios*. Hoc non obstante etiam ille, qui meris blanditiis aliquem induxit ad peccandum, lege charitatis tenetur satagere ut seductus corrigatur, ut puta monendo, orando &c. Id quod precipue locum habet, casu quo Superior subditum, vel Pastor oviculum seduxit, (utique non sine gravissima injuria in Christum) secus enim merito timere debent, ne is aliquando animarum sanguinem de manu illorum requirat.

Ergone, inquires, hæc obligatio reducendi, & corrigendi seductum, gravis est?

202 R. Etsi per se loquendo non videatur gravis, quando seductus ipsemet agnoscit suam obligationem, & media respiciendi; charitas enim, vi cuius seductor tenetur ad correctionem seducti procurandam; in tali casu non obligat graviter, uti rectè docent *Lessius lib. 2. cap. 8. dub. 2. num. 10.* & *Navarrus lib. 5. consil. 113. 3. consil. 2. num. 4.* minimè tamen dubitandum est, quin gravior obligatio incumbat illis, qui aliunde constituti sunt non ad seducendum sed ad erudiendum, neque ad magistrandum, sed pascendum. Verùm hæc insinuasse sufficit: nam obligationem, hanc gravissimam aliunde notissimam omnijure, pluribus inculcare, supervacaneum duxi.

Dices. Sed quid tenendum de eo, qui aliquem inducit ad mera venialia?

203 Resp. Regulariter, & per se loquendo non peccat, nisi venialiter; quia peccatum veniale de se leve duntaxat malum est, aut certè communiter leve reputatur. Fieri tamen potest, ut talis graviter peccet ratione circumstantiarum, quemadmodum juxta *communissimam DD.* peccatum de se veniale ex circumstantiis potest degenerare in mortale. Nec dubitandum, quin gravior peccet ratione scandali, qui inducendo aliquem ad venialia, prævidet, fore ut talis, postea committat plura peccata, etiam graviora. Quo circa merito de peccato mortali sibi timere possunt ac debent qui innocentes pueros, vel integræ vitæ puellas ad levia, & impura colloquia dolose

inducunt; licet enim hæc quandoque sint solum venialiter mala, in eo tamen vitæ statu hujusmodi innocentibus grave nocumentum animæ creare possunt, & prodolor! sæpius quàm par est (experientia teste) creant, uti bene notat *Babenstuber proximè cit. à 1. n. 12.*

203 Colliges Tertiò, mortaliter nedum contra charitatem, sed & contra justitiam peccare illum, qui sine justa, gravi, & rationabili causa alicui Novitio negat suffragium ad professionem. Ita *Communissimè Doctores Herincx, Sporer, Sanchez, lib. 5. in decal. c. 4. nu. 59.* Ratio est: tum quia talis repulsà à professione est magnum damnum, aut certè nata causare, magnum damnum Novitio, quippe quem privat magno bono, & exponit magnis animæ periculis, insuper incurrit notam gravem, eùm de talibus ejedis seu expulsis à Religione mundus soleat malè, aut certè sinistrè judicare. Et certè qui sine gravi causa negat suffragium, inordinato, & passionato affectu ducatur, necessum est: atqui hæc omnia repugnant graviter charitati erga proximum: ergo. Quòd verò etiam justitiæ, inde facile suaderi potest: quia Novitius cum Religione quasi tacitum pactum inire censetur, ut, si ea, quæ suarum sunt partium, ritè adimpleverit, ad professionem admittatur, & sine verè gravi causa non amplius expellatur: ergo qui huic suffragium negat sine causa justa, peccat contra justitiam: qua ratione taliter dimissus reclamare potest, contra Religionem vel Monasterium, uti tenet *Sanchez leg. proximè cit. Lugo, & alii*.

Dices contra hoc. Novitius non peccat contra justitiam, etsi sine justa, & rationabili causa deferat Religionem: ergo nec Monasterium vel Religio greviter peccat, tamen sine gravi causa Novitium expellat.

204 R. Negando conseq. & paritatem. Nam Religio non patitur grave damnum, nec ullam infamiz notam ex eo, quòd Novitius erat: econtra Novitius patitur grave damnum, & exponitur periculis animæ suæ. Deinde Religio non habet jus ad retinendum Novitium, quippe qui induendo habitum non censetur se

se obligare ad permanendum in ordine, sed ad sustinendam probationem, quantum, & quamdiu voluerit: è contra semel admissus in Religionem, & sacro habitu indutus, habet jus permanendi, & profitendi, si per omnia probatus, fuerit inventus dignus, & habilis: ergo qui sine verè gravi ac iusta causa ei negat suffragium, graviter delinquit, saltem per se loquendo.

205 Dicitum tamen semper fuit, graviter delinquere, qui sine iusta causa negat, &c. secus enim dicendum, si id fiat ex rationabili, gravi, & fundata causa, quales esse possunt sequentes 1. si complexio Novitii sit tali Religioni inepta, ut puta quia laborat aliquo defectu præsertim incurabili corporis v. g. oculorum, aurium, pedum &c. secundò si mores Ejus deprehensi sint ita pernicioses v. g. ob capiositatem &c. ut Religione inde merito timeantur majora mala 3. si alio quodam, impedimento laborare noscatur, verb. gr. prognissione matrimonii jam facta, vel si sit ære alieno gravatus, &c. Et hæc causæ à fortiori sufficiunt ad dissuadendum tali homini ingressum in Religionem; quibus Doctores insuper addunt nonnullas alias rationabiles causas ingressum dissuadendi, scilicet sequentes: 1. si status prævideatur futurus noxius Ingressui: 2. si in illa Religione aut Monasterio laxè vivatur 3. si Parentes graviter egeant auxilio, & subsidio illius &c. 4. licitum etiam est Parentibus, in casu, quo prudenter dubitant de viribus aut constantia ingressuri, ad tempus differre ingressum, vel ejus constantiam ac fervorem probare: peccant tamen gravissimè, si talem exponant periculis, peccandi, vel si illicitant, aut faciant ab alijs allici ad voluptates, aliavè illicita, ut sic à proposito ayocent; quia hoc graviter repugnat pietati, & saluti animæ, cujus semper primariam curam deberent portare. Denique in casu, ubi dubitatur si nò ratio dissuadendi ingressum, aut ingressu votum neandi iusta necesse, standum est pro Religione, in potè quæ securior est, & perfectior. Videatur de hoc Molina tom. quinto tractat. quarto disput. 31. Tamburinus libr. quinto decalog. capit. secundo §. quinto numer. sexto

La Croix libr. tertio pagina secunda numer. 346.

CONFERENTIA

OCTAVA.

De Obligatione restituendi debita ex homicidio, mutilatione, stupro, & adulterio.

SUMMARIUM.

- 206 Obligatio restituendi oritur ex solo homicidio injusto.
- 207 Quodnam homicidium censetur justum vel injustum.
- 208 Pro ipsa vita, vel pro abscisso membro corporis de jure probabiliter nulla debetur compensatio.
- 209 Bene tamen pro damnis temporalibus inde secutis.
- 210 Quid, & quantum sit restituendum, Uxori, prolibus, vel alijs hæredibus defuncti.
- 211 Stuprator Virginis inviræ, etsi non pro ipsa pudicitia, tenetur tamen ipsi satisfacere pro alijs damnis inde secutis.
- 212 Secus dicendum, si puella libere consensit in usum &c.
- 213 An, vel quantum sit restituendum pro adulterio.
- 214 Resolvitur Casus I. de Rustico, qui, altum ligno percussiendo occidit.
- 215 Quid, vel quantum teneatur restituere hujus Uxori, ac prolibus &c. si homicidium voluntariò commisit.
- 216 Quid item Creditoribus defuncti, vel alijs pauperibus, amicti &c. quibus ille in vivis benefacere consuevit.
- 217 Resolvitur Casus II. de quodam Nobili provocato ad duellum, & occidente alterum provocantem.
- 218 Ad quid teneatur, si culpabiliter alterum provocantem injuriasse supponatur.
- 219 Quid si duellando excessit modum defensionis inculpata tutela.

- 220 *Resolvitur Casus III. cuiusdam puellae violenter oppressae ab alio nobili stemmate nato.*
- 221 *An teneatur hic illi aliquid dare, si sola puella divulgavit stuprum sibi illatum, propterea quae damnum incurrit.*
- 222 *Utrum Confessarius bene consuluerit puellae, ut interpellato Iudice petat sibi satisfieri.*
- 223 *Qui sine mortali peccato homicidium perpetravit, etsi iniustum, ad nihil tenetur.*
- 224 *Qui verò cum peccato mortali, tenetur refundere expensas in Medicos & Chyrurgos factas.*
- 225 *Non tamen tenetur ante Iudicis sententiam aliquid dare pro ipso vulnere seu cicatrice, vel deformitate inde suborta.*
- 226 *A fortiori non tenetur aliquid compensare praecise pro ipsa anima, etsi Confessarius convenienter iungere possit opera pia satisfactoria pro defuncto.*
- 227 *Puella sponte remittente injuriam, vel damna sibi illata, stuprator ad nihil tenetur.*
- 228 *Secus dicendum, si coactè solùm aut ex metu gravi remittat hanc obligationem.*
- 229 *Mulier tuta conscientia retinere nequit expensas, per falsam, seu erroneam sententiam Iudicis à stupratore, seu etiam defloratore expressas.*
- 230 *Qui vera, vel etiam ficta promissione matrimonii obtinuit usum corporis à puella, per se loquendo tenetur eam ducere.*

§. I.

Præmittuntur, & breviter resolvuntur quæsitæ scitu necessaria ad debitè resolvendos Casus de restitutione orta ex homicidio, stupro, & adulterio.

QUæres primò, ex quali homicidio oriatur obligatio restitutionis?

296 R. Ex solo homicidio iniusto. Ratio est: quia nemo incurrit obligationem com-

pensandi damna, nisi peccaverit contra iustitiam: at, homicidium iustè illatum; ut puta malefactori auctoritate publica &c. non est contra iustitiam: idem est de mutilatione iustè facta: ergo ex his non oritur obligatio compensandi aliquid. Communis apud Reinsensuel. *tr. 9. d. 3. n. 46.*

Quæres secundò, quodnam homicidium censetur iustum, & quodnam iniustum?

297 R. 1. Iustum censetur 1. quod fit vel auctoritate Dei immediatè, vel 2. saltem auctoritate Principis, seu etiam Reipublicæ exigente gravitate delicti; vel denique 3. quod fit auctoritate quidam privata, sed ex, & cum defensione inculpatæ tutelæ. Ratio primi est: quia DEUS habet supremum dominium in vitam & mortem cuiusvis creaturæ viventis: ergo sine injuria potest quemlibet privare vita. Ratio secundi est: quia exigente gravitate delicti, ad conservandam scilicet pacem & tranquillitatem Reipublicæ, DEUS permittit, ut huiusmodi malefactores publica auctoritate occidantur, veluti habetur *exod. 22. distinctè expressum, itemque ad Rom. 13. c. ubi dicitur de Principibus hujus sæculi: si malum feceris, time; non enim sine causa gladium portat. DEI enim Minister est: vindex in iram ei, qui malè agit &c.* Ratio tertii est: quia secundùm ordinem charitatis quisque propriam vitam præferre potest alienæ, dummodo agatur de bono privato tantùm, & non etiam de publico: inde est, quòd vim vi repellere, omnia jura, omnesque leges, permittant, veluti citatis legibus demonstrat Layman *l. 3. tr. 3. p. 3. c. 3. nu. 1. quem vide.* Qui verò extra hos casus vel se ipsum occidit auctoritate propria, vel alium, iniuste agit, tametsi non ex omni & quocunque homicidio oriatur obligatio restituendi, veluti patet, dum quis se ipsum occidit.

Quæres tertio, quid, vel quantum teneatur restituere homicida, aut mutilator iniustus?

298 R. 1. pro ipsa vita aut membro abscisso probabilissime nihil tenetur restituere; bene tamen 2. pro damno in bonis temporalibus inde fortassis secuto.

O o

Hanc

Hanc opinionem (quo ad primum membrum; nam secundum est commune inter omnes) velut probabilem, & in praxi verè tutam (quidquid in contrarium quondam senserint Doctores magni nominis) hodie tenent Sporer, Herincx *disp.* 6. numer. 63. Sanchez, Lessius, Marchantius, Haunoldus, & La Croix *lib.* 3. p. 2. numer. 299. Ratio prioris est: quia bonum vitæ & membrorum est ordinis altioris, nullo pretio humano satis æstimabilis vel æquiparabilis: ergo pro his non debetur restitutio, sicut nec pro fama injustè ablata; debet rependi pecunia; cò quòd in similibus casibus, ubi reddi non potest æquivalens, justitia nunquam possit obtinere summ finem, scilicet æqualitatem: idque clarissimè habetur decisum l. 3. ff. si quadruplex pauperem &c. *insti.* de obligat. quæ quasi ex delicto nascitur, item l. fin. ff. de his, qui effud. vel de jec. ubi dicitur: cum liberi hominis corpus ex eo, quòd dejectum, effusumve quid erit, læsum fuerit, iudex computat mercedes Medicis præstitas, cæteraque impendia, quæ in curatione facta sunt, præterea operarum, quibus curati, aut curaturi est, ob id, quòd inutilis factus sit. Cicatricum autem, aut deformitatis nulla sit æstimatio: quia liberum corpus nullam recipit æstimationem. Ex quibus

209 Ratio etiam posterioris faciliè eruitur: quisquis enim scienter & voluntariè alium injustè lædit, tenetur satisfacere, ubi fieri potest æqualitas: atqui in bonis temporalibus Fortunæ fieri potest talis æqualitas; ergo debet. Et quemadmodum fur aut injustus danificator tenetur non solum restituere rem ablatam aut damno datam, sed etiam omne lucrum cessans, & damnum inde emergens; ita & talis, qui alium occidendo, vel saltem mutilando membro aliquo, reddidit inutilera, ut propterea nihil amplius valeat lucrari, tenetur rescarcire hujusmodi damna, ut patet ex proximè dictis & allegatis LL. atque Doctoribus.

Quæres quartò, utrùm injustus homicida teneatur aliquid restituere hæredibus necessariis defuncti, utputa prolis, Uxori, vel aliis, quibus defunctus tenebatur provid. re de necessariis?

210 R. Omnibus illis tenetur compensare damna (per se loquendo) quibus defunctus ex justitia tenebatur providere de necessariis. Ita communissimè DD. Lessius, Marchantius, Molina, Sporer *trakt.* 3. in decalog. cap. 3. num. 22. 7. Kresslinger *addit.* 1. post numer. 31. *traktat.* 9. *disp.* 3. *theolog. moral.* R. P. Reinssensuel. La Croix ubi *suprà* num. 310. Ratio est: quia tales per homicidam supponuntur fuisse privati vero aliquo jure, sibi jam actu competente: ergo pro hoc ipsis est debita satisfactio. Et certè Parens & filius, Uxor ac Maritus, fisione juris censentur quodammodo una persona: consequenter qui unam personam occidit ex illis, alteram lædit, & quidem cum damno; cui proin satisfaciendum. Cæterum quantitas est tum ex conditione personæ defunctæ, tum ex aliis etiam circumstantiis, utputa 1. *cujus fuerit ætatis*, & an humanitatis loquendo, diu adhuc supervivisset &c. 2. *qualitatis seu conditionis*, cujus nimirum artis peritus, & quantum (deemptis expensis) fuisset lucratus defunctus &c. 3. *temporis*, quanto scilicet tempore suis debuisset adhuc præstare necessaria &c.

Quæres quintò, an, vel quid restituendum sit pro stupro?

211 R. Stuprator (id est, violentus oppressor Virginis vitæ) tenetur rescarcire damnum, quod ei ex tali injuria fuit secutum, idque vel ducendo illam, vel aucta dote procurando, ut obtineat Maritum talem qualem obtinisset, si nunquam fuisset corrupta. Ita ex communè Sanchez *lib.* 7. de Matr. *disp.* 14. Filliuc. *trakt.* 32. nu. 220. Herincx *cit.* *disp.* 6. nu. 82. *Mastr. theol. mor. disp.* 9. nu. 39. Reinssensuel *theol. mor.* 11. 9. *disp.* 4. num. 24. Ratio est clara: quia hujusmodi damna in bonis fortunæ illata, sunt reparabilia modo mox specificato: ergo debent reparari juxta arbitrium & æstimationem prudentum; nam universalis regula hujus quantitatis assignari nequit, uti fatentur omnes. Pro ipsa tamen pudicitia non est digna auti ponderatio, inquit sapienter Herincx l. *cit.* adeoque pro hac ante sententiam Judicis probabilissimè nulla debetur compensatio, cò non defuerint Doctores gravissimi, qui

qui existimarent, tam pro vita, quam pro membris etiam, & pudicitia, fieri debere aliquam compensationem pecuniariam; quorum sententiæ locus esse potest, casu quo deflorator pecuniam puellæ promissit, aut à Judice ad certam multam est condemnatus.

212 Dixi *supra* &c. secus enim discurrendum est de defloratore Virginis consentientis; quia talis (secluso alio pacto, cui utique standum foret) nihil tenetur restituere pro usu corporis. Ratio est: quia volenti & consentienti non fit injuria: & sicut mulier violenter oppressa, posset stupratori remittere injuriam, & condonare obligationem damnorum inde emanatorum; ita & ante factum præbendo liberum consensum in copulam, potest facere, ut inde nulla oriatur obligatio resarciendi aliquod damnum, uti Doctores proximè citati, aliique communissimè tenent.

Quæres sextò, an, vel qualis restitutio debeatur pro adulterio?

213 R. cum distinctione. Nam si inde nulla sit nata proles, nulla erit debita restitutio, quippe quæ pro sola injuria non damnosa nequam debetur ante Judicis sententiam: è contra si inde nata sit proles, & de hoc certò constat, tenentur adulteri resarcire omnia damna ex tali generatione, tum alteri parti, seu conjugii innocentem, tum etiam aliis legitimis prolibus v. g. ex diminutione hæreditatis seu legitimæ oriuntur, resarcire. Scotus 4. dist. 15. quæst. 2. Reinfessuel, Herincx cit. disp. 6. §. 90. & seqq. Ratio patet ex dictis hætenus: quia omne damnum reparabile, injustè illatum, est resarciendum damnificato: ergo si adulteri ob prolem genitam supponantur injustè damnificasse conjugem innocentem, & fortassis etiam reliquam sobolem, planè debebunt reparare damna illis illata. Verùm de hoc fufius diximus *abolog. mor. part. 3. de Matrim. Confer. 18. in. 439. & seqq.* quò remittimus lectorem.

§. II.

Proponuntur, & breviter resolvantur Casus prædicti circa restitutionem debitam ex homicidio & stupro &c.

CASUS PRIMUS.

Titius rusticus arando & colendo agrum suum, incidit cum alio suo vicino famuliter arante in rixas; noluerunt enim ferre, ut terra à se jam cultivata denovo pedibus eorum alterius conculcicaretur: alter è contrario, existimans rem alter fieri non posse, noluit hoc intermittere. Unde à verbis tandem ad verbera ventum est, ita, ut Titius alterum ligone percussisset in capite, qui & post pauculas horas diem extremam clausit. Jam verò Vidua relictâ cum quinque prolibus pauperculis postulat ab homicida sibi, suisque prolibus satisfieri pro damno illato ex occisione sui mariti. Quæritur utrum is in conscientia teneatur?

214 R. Quoad forum internum à Confessario attendendum & indagandum esse, an Titius habuerit intentionem verè mortaliter peccaminosam, scilicet occidendi suum vicinum, aut saltem graviter lædendi, vel non? Et siquidem fateatur, se talem habuisse, oppidò sequitur, cum esse condemnandum ad resarcienda damna Viduæ; prolibusque pauperculis, parente jam orbatis illata, veluti constare potest, ac debet ex dictis tum in hac, tum in prioribus etiam Conferentiis, præsertim à n. 94. idem tenendum, si habuit intentionem graviter lædendi; nam cum percussio ligone facta, & quidem in capite, sit valde periculosa, & communiter quasi connexa cum homicidio, meritò imputabitur ei hoc homicidium velut indirectè saltem voluntarium, ut rectè docet Laym. l. 3. tr. 3. c. 4. n. 1. & 2. aliique communiter &c. Contra tamen, si Titius fateatur, se nullam habuisse intentionem graviter lædendi, multò minùs occidendi, hocque accidisse præter, immò & contra intentionem suam, eò quòd ex mera indeliberatione, aut motu iracundias prævalente, & prædominante rationi al-

terum percussit, in foro conscientiae (quidquid sit de foro externo, cui post iudicis sententiam procul dubio tenebitur sese accomodare) absolvendus est ab onere restitutionis. Ratio est: quia juxta principia generalia superius nn. 63. & 94. data: nemo in conscientia tenetur ad reparationem damni gravis, nisi hoc sit illatum voluntarie, & quidem cum culpa theologica gravi: ergo si Titius fateatur, se nunquam habuisse intentionem praverit nocendi, multo minus occidendi (quod posterius valde credibile est) absolvendus erit à Confessario ab onere compensandi damna, uti communiter tenent DD. nominatim Sanchez l. 2. *conf. cap. 4. dubit. 7.* Lugo tom. 1. *de iust. disp. 8. sect. 5.* Tambur. l. 6. *de decal. capit. 4. §. 3. numer. 1.* Sporer, Reinfestuel alique plures.

At, inquit, demus, hoc homicidium fuisse Titio voluntarium, quid, vel quantum tunc huic viduæ, huius prolibus in dividuo tenebitur dare?

215 R. Quantitatem huius compensationis illico determinari non posse; quia cum non possit divinari, quamdiu maritus vixisset, neque etiam sciri, quantum fuisset lucratus demptis expensis, hinc pariter impossibile est, rem hanc tam exacte decidere. Neque verò opus est, ut in similibus eventibus Confessarius illico aliquid determinet aut decidat, sed sufficit, penitentem obligare ad diligenter indagandum, quantum maritus (demptis expensis) annuatim assueverit lucrari suæ familiæ, vel quantum alii ejusdem conditionis homines soleant lucrari, quo comperto jubeatur solvere tantum, quantum omnibus perpenſis probi, prudentesque viri, attenta sanitate, etate, modo vivendi & lucrandi judicaverint, viduam & proles fuisse damnificatas. Quin etiam aliquando contingere natum est, ut huiusmodi homicida obligationem aliquid compensandi omnino evadat, quando scilicet Uxori vel potius Viduæ jam aliunde provifum fuit aliis mediis, ut si jam sit sortita alium maritum æque bonum; vel fortè meliorem & chariorem priore: si proles jam sint adeptæ pubertatem, & se ipsas alere natæ; talibus enim defunctus ex iustitia

non amplius tenebatur providere de necessariis, ideoque morte sui parentis revera non fuerunt damnificata. Id ipsum ob eandem rationem dicendum est, casu quo Parens occisus suis prolibus vel Uxori nihil amplius meruisset, tamen si diutius vixisset. Vide Lessium l. 2. *capit. 9. dub. 20. num. 129.* Tambur. l. 6. *c. 4. §. 3. numer. 4.* La Croix lib. 3. p. 2. à num. 296. & 309. Sporer tr. 5. *cap. 3. nu. 227.* Kreslinger addit. 2. ad tr. 9. *diff. 3. post. num. 51. theol. mor. P. Reinfestuel.*

Dices adhuc. An quid, si occisus fuit gravatus debitis, vel si aliis, ut puta pauperibus, amicis &c. multa præstitit beneficia, tenebiturne homicida his omnibus satisfacere reddendo æquivalens?

216 R. Eum probabiliter nec creditoribus, neque pauperibus vel aliis amicis teneri ad aliquam compensationem faciendam. Ratio est: quia creditores non habuerunt immediatè jus in ipsum debitorem defunctum, sed potius in ipsius bona vel presentia seu actu possedà, vel retrospectimè possidenda; pro quibus tenetur restituere hæredibus, secundum dicta: ergo hoc modo satisfacet suæ obligationi: nam restituendo hæredibus illis quodammodo imponit onus satisfaciendi creditoribus defuncti. Amici verò & pauperes nullum prorsus habuerunt jus in bona, vel etiam in beneficiis sibi collata, ergo non patiuntur veram injuriam, etsi talibus modò destituantur. Nihilominus fatendum, quòd si homicida beneficentem occideret eo animo, ut huiusmodi pauperibus noceat (quod tamen rarissime continget) indubitanter obligandus foret ad reparandam damna pro rata spei; esto etiam nullum habuerint jus ad beneficia, habuerunt tamen jus actuale, ne violentè impedirentur ab aliquo, de bonis etiam ex mera liberalitate sibi conferendis, ut dictum fuit *suprà confer. 4. numer. 97. de quo videri possint Herincx noster part. 3. tr. 2. disp. 6. n. 73.* Illung tr. 4. *disp. 2. n. 78.* Tambur. l. 6. *c. 4. §. 3. num. 13.* La Croix ubi *suprà* nu. 310.

CASUS SECUNDUS.

Sempronius illustri stemmate natus euidam pari nobilitate conspicua Domicellæ promiserat matrimonium, in cuius majorem firmitatem eidem dedit chyrographum proprio sigillo munitum. Verum non multo post promissi sui pœnitens, eundem suum chyrographum sponsæ eripuit, moxque dilaceratum in frustra ad ejusdem pedes abiecit. Quam ob causam Germanus sponsæ se, suamque familiam graviter injuriatam existimans, Sempronium provocavit ad duellum, sed infelicitè decretans in palestra confossus ab illo, occubuit, non sine ingenti dolore tam sororis, quàm etiam Matris adhuc superstitis; partim quòd unicuique fuerit filius, partim etiam, quòd ob mortem hujus certum aliquod fideicommissum cedere cœctæ sint euidam alteri familiæ. Jam verò ad nostrum propositum dubitatur, an Sempronius teneatur aliquid compensare Matri, vel etiam sorori relicta?

117 R. Sempronius probabilissimè ad nullam compensationem tenetur in foro conscientie (quidquid demum sit de obligatione servandi sponsalia, de qua non loquimur) Ratio est: quia provocans aliquem ad duellum hoc ipso censetur provocato facere potestatem, ut contra se agat, quantum potest, quemadmodum & ipse provocans merito præsumi debet, quod intendat agere, quantum poterit contra provocatum: ergo pariter censetur consentire in sui occisionem, casu quo fuerit superatus & per consequens remittere obligationem compensandi damna. Ita Lessius lib. 2. dubit. 21. Tambur. citat. §. 3. numer. 21. Ex quo Lugo disput. 21. sect. 3. num. 70. alique multi ulterius inferunt, in tali casu homicidam neque teneri ad compensanda damna Uxori aut prolibus, si quæ sint superstites. Ratio est: quia ex nullo alio capite teneretur, quàm ex eo, quòd Uxorem & proles impediverit per vim à consecutione emolumentorum, quæ ab occiso percipere potuissent: atqui in præsentī casu homicida non impedit eas per vim, cum nullam intulerit occiso, utpote volen-

ti & petenti periculum proximum mortis suæ, aut mutilationis &c. ergo non &c.

Dices contra hoc. Sempronius nosse dedit causam huic provocationi, edquòd lacerando chyrographum suum graviter injuriavit totam aliquam familiam; consequenter ab onere restitutionis minimè excusandus est.

118 R. Esto etiam culpabiliter injuriaverit domicellam hanc, immò totam familiam, nihilominus hæc injuria minimè fuit dirimenda vel potius vindicanda duello: suppeditasset enim aliæ viæ querendi satisfactionem, utputa interpellando auctoritatem Principis, vel alterius Superioris, ut is cogeret Sempronium ad congruam satisfactionem: ergo sic revera fuit injustè provocatus ad duellum, & compulsus in hanc necessitatem tuendi vitam propriam; consequenter adhuc provocanti debet imputari hæc culpa, & damnum inde secutum. Et certè, licet perveris hisce temporibus, ubi nedum illustriori, sed inferiori etiam stemmate prognati arbitrantur, injurias sibi illatas alia via, quàm duellando, vindicari non posse, rariùs occurreret justa causa provocandi: frequentius tamen potest concurrere justa causa acceptandi duellum, præsertim inter homines militiæ adscriptos, utpote qui nedum honoribus, verum etiam officiis quibuscunque demum, velut inermes aut animo imbelles privari solent, nisi duellum acceptent. Videatur de hoc P. Kreslinger addit. 1. & sequentibus ad tractat. 9. dist. 3. theol. mor. R. P. Rein-sensuel, ubi causas duellandi fusiùs examinat.

Dices iterum. At quid, si Sempronius duellando excessit modum, inculpatæ tutelæ, utputa quia merè vulnerando, & non occidendo potuisset evadere omne periculum honoris ac vitæ, tenebiturne ex hac saltem suppositione compensare damna illata?

119 R. Multi insignes Doctores, inter quos la Croix, Navarrus, Illfing rr. 4. disp. 3. n. 83. putant, hunc teneri ad restitutionem, ed quod excedendo moderamen inculpatæ tutelæ graviter deliquerit contra justitiam, & quidem cum gravi damno proximi, quod proin tenebitur compen-

fare. Nihilominus pro praxi mihi placet opposita sententia, quam de provocato tenent Lessius, Tamburinus *cir. §. 3. nu. 2. & 15.* alique multi. Rationem hujus dant: quia provocans ad duellum (nisi aliter conveniant) eo ipso, videtur provocato dare licentiam agendi contra se; quantum poterit, sicut & ipse præsumitur velle agere quantum valebit: ergo quoad hoc censetur pariter renunciare suo juri in ordine ad damna ab altero refarcienda. Et certè in praxi rarissimè continget, ut unus velit alterum obligatum ad non excedendum moderamen inculpatæ tutelæ, sed potius quis conatur facere quantum potest contra suum adversarium, probè gnarus etiam alterum nihil intermissurum, quo minus nedom evadat periculum, sed & insigniter sese vindicasse credatur. Et hæc quidem dixerim, non quod perversam hæc duellantium praxin velim approbare, sed ut Confessario insinuem probabilitatem hujus sententiæ, quæ provocatum absolvit ab onere compensandi damna, tametsi modum inculpatæ tutelæ excesserit, eò scilicet, quod provocans in hoc sponte consensisse & consentiendo juri suo cessisse non sine causa præsumatur.

CASUS TERTIUS.

CAja satis honesta & pulchra puella convenerat quendam Nobilem, integerrimo animo supplicans & postulans ab eo recipi ad servitiū domestica in culina peragenda. Vixit dum Nobilis ille puellam viderat, jamque ejus amore, vel veriùs loquendo, libidine captus erat; unde jubet eam intrare, & sub schemmate explorandi & genus & pravori, deducit ad secretiorem cameram, claudit & obserat post se januam, moxque ingressam (velut lupus famelicus innocentem agnellum) multum reuocantem opprimit violenter, oppressam verò sine omni spe obtinendi à se aliquod servitium, abire jussit. Hanc injuriam prorsus inexpectatam Caja quæritulosa aperuit cuidam Confessario, postulans consilium, qua via satisfactioem ab illo Nobili posset impetrare? Confessarius suavitè

ut adiret Judicem, ab eoque postularet Nobilem illum compelli ad congruam satisfactionem. Queritur jam in hoc casu 1. Utrum Nobilis ille revera fuerit obligatus ad aliquam compensationem? 2. an Confessarii consilium sit approbandum, nec ne?

220 R. ad primum cum distinctione. Vel enim Caja præter stuprum & amissionem Virginitatis aliud adhuc damnum (utputa ob impregnationem aut infamiam &c.) passa fuit, vel nullum? si nullum, ad nihil tenetur stuprator juxta communissimam Doctorum. Ratio est: quia virginitas jam fuit amissa, & quidem irrecuperabiliter, quæ, cum pretio nequeat æstimari secundum dicta num. 211. consequenter recompenfari non debet pecuniis. Si autem Caja ex tali stupro incurrit aliud damnum, edquod forte conceperit prolem, aut certè ob infamiam inde incurfam non ampliùs potest obtinere tam honestum & favorabile connubium &c. tenebitur stuprator hujuscemodi damna compensare, utputa 1. prolem, si quæ nata sit, alendo, & 2. dotem puellæ augendo, aut certò procurando, ut æquè honestum sortiatur connubium ac fuisset sortita, si semper permansisset Virgo. Non tamen tenetur illam ducere in conjugem; tum quia cum ipse supponatur nobili natus stemmate, ipsa autem de communi plebe, hinc sine permagna difficultate eam procul dubio ducere non posset: & certè ex tali connubio nunquam sperare liceret bonum effectum, pacem &c. tum etiam, quia juxta communiorum Doctorum stuprator solum cogitur, ut vel docet, vel ducat corruptum teile Engel l. 5. tit. 16. §. 2. num. 11. atqui in alternatis debitoris est electio. C. in alternatis 7. de R. J. in 610. item L. plerumque. in fin. de jure dotium: ergo iustificat stuprator augendo dotem Vid. Sporer theol. Sacram. p. 4. cap. 3. num. 592. Illiung. tradit. 4. disp. 3. num. 91. Lugo disput. 12. Laym. l. 3. tradit. 3. p. 3. capit. 13. num. 4. Less. lib. 2. cap. 10. dubi. 2.

At quid, inquires, si Caja ideo solum infametur, & per consequens à meliori connubio impediatur, quia ipsamet stuprum occultè sibi illatum passum divulgavit?

R. Ex

321 R. Ex hac suppositione stuprator probabiliter ad nihil teneretur. Ratio est: quia stuprum secundum se præcisè sumptum non est causa damnorum inde subsequens, sed tantum ut promulgatum, vel potius infamia inde nata: atqui hujus infamiae causa supponitur existisse sola puella: ergo etiam huic soli, & non stupratori debet imputari damnum, saltem si supponatur absque gravi & sufficiente causa illud divulgasse; quemadmodum si stuprator (vel alius fortè hujus conficius) absque legitima causa illud promulgando, diffamasset puellam, ipsi deberent imputari damna cum onere ea recompensandi, uti rectè docent Lugo *disp. 12. sect. 1. n. 6.* Pettschacher *de rest. pag. 352.* eumque secutus Babenstuber *tr. 7. disp. 5. art. 3. nu. 17.*

322 R. jam ad secundum quæsitum hujus casus, Confessarium (ex suppositione quoddam Caja non fuerit imprægnata & stuprum manserit occultum) non bene consuluisse. Ratio est: quia ex tali consilio non licet sperare fructum, multo minus bonum effectum, sed potius diffamationes, odia animorum exacerbationes &c. quod facile suaderi potest ex eo; etenim Caja adeundo Judicem nedum diffamabit stupratorem, sed & se ipsam subiciet periculo infamiae & aliorum damnorum; idque sine causa; nam Judex non statim credet, immo nec illico credere debet puellæ, asserenti se esse oppressam, sicut nec adulterium probatur sola confessione vel assertionem mulieris *text. in cap. tal. significasti de adulterio.* Adde quoddam repertum idoneus testis in propria causa. L. nullus ff. de testibus: ergo nec hujus testimonio stabit Judex, secus enim aperiretur via innumeris fraudibus & iniquis delationibus; nam puellæ inopes facile deferrent juvenes divites, ut hi à Judice compellerentur ad aliquid solvendum &c. ubi sapienter advertit Gobat. Quam ob rem nec accusans admitteatur ad juramentum suppletorium, neque accusato deferretur juramentum purgatorium, nisi mulier fecerit Semiple nam probationem injuriæ sibi irrogatæ: atqui hanc difficillimè, immò non jam propterea faciet puella in nostro casu; par-

tim quoddam stuprum fuerit occultè illatum; & ex eo non sit imprægnata; partim quoddam accusatus sit Nobilis, de quo tam facile non credetur, quoddam voluerit commisceri puellæ ignobili; partim denique, & quidem ex eo potissimum, quoddam non occurrant alia indicia, utputa diutina familiaritas, conversatio, infamia &c. quibus præcisus Judex nullam adhibebit fidem mulieri, veluti perspicuum fit ex mox dictis, & satis communiter tradunt DD. nominatim Menochius *de arbit. Jud. l. 2. centur. 3. cas. 28. numer. 25.* Thesaurus *in decis. decif. 3. numer. 4.* Baldus, alique plures, quos citat & sequitur Gobat *in sua theol. exprim. tr. 10. numer. 188.* Cum ergo aliunde constet, quoddam cessante sine cesset ratio appendi propter finem: immò cessante causa additionis (Judicem scilicet) ea per calumniam fieri censeatur teste Baldo *in Rubric. capit. de fide instrum. numer. 12. Vers. conclusio* apud Barbosam *axiom. capit. 17. axiom. 2.* profecto aliud concludere non licet, quam, Confessarium malè consulisse Cajæ, eò præsertim, quoddam Confessarius debeat potius suadere ea, quæ ad pacem, animarumque salutem conducere nata sunt, quam quæ ad vindictam, & animarum dissensiones.

§. II.

Corollaria ex dictis inferenda.

323 COLLIGES ex hæcenus dictis primò, homicidam non teneri, consequenter à Confessario nec esse obligandum ad restitutionem damnorum nisi voluntariè, & cum peccato mortali contra justitiam perpetraverit homicidium. Ratio facile eruetur ex dictis: quia hæc obligatio est poena gravis: atqui poena gravi affici nequitiam debet, qui non peccavit graviter: ergo &c. Ex quolibet, eum, qui dedit aut posuit causam, ex qua merè per accidens, & contra, vel saltem præter intentionem suam secutum fuit homicidium, aut qui ex motu primo, aut secundò prima aliquem oc-

cidit, ante iudicis sententiam ad nullam restitutionem teneri, veluti jam supra animadvertimus *Confer. 4. n. 9. & seqq.*

224 Colliges secundò, homicidam injustum equidem teneri ad refundendas expensas, factas in Medicis aut Chyrgurgis; quia horum verè existit causa injusta; non tamen teneri ad refundendas expensas pro funeralibus seu exequiis, nisi ratione loci vel aliarum circumstantiarum solito majores fieri debuissent. Ratio est: quia expensas pro exequiis hæredes debuissent facere, quoniam demum tempore aut morbo obiisset: ergo in his non fuisse damnificati. Ita Herincx *disp. 6. n. 67. Reinssensuel theol. mor. tr. 9. dist. 3. n. 51.*

225 Colligestertiò, nihil esse restituendum pro vulnere seu cicatrice, neque etiam pro deformitate ex tali cicatrice sortè orta, uti habetur *ex l. fin. ff. de his, qui effud. vel de jec. mox supra relata.* Et Ratio jam fuit pariter insinuat: quia scilicet hæc bona corporis reputantur altioris ordinis, adeoque pecuniis minime compensabilia; esto talis adhuc teneatur compensare alia damna in bonis temporalibus emergentia, vel etiam lucra inde cessantia resarcire, veluti jam dictum fuit *num. 209.* Videatur si placet, Marchant. *ad 5. præcept. decalog. qu. 3. conclus. 2.* Haunoldus *1. 2. num. 662.* Babenstuber *ubi supra art. 2. à num. 14.*

226. Colliges quartò, à fortiori nihil etiam ex justitia esse restituendum pro ipsa anima, quippe quæ altioris ordinis nullo pretio nec comparabilis, nec æstimabilis vel recuperabilis est. Congruit nihilominus ut Confessarius ejusmodi homicidæ imponat certa aliqua opera pia devotè persolvenda pro anima defuncti, nisi indiciiis moraliter certis constaret, eam in natio statu decessisse ex hac vita. Ratio hujus congruentiæ est: quia vix dubitare licet, quin taliter decedentes adhuc indigeant charitativo subsidio honorum operum, & aliorum satisfactionibus. Unde sapienter faciet Confessarius, si homicidæ diviti poenitentia loco imponat ut curret sacra fieri pro defuncto, aut certam eleemosynam erogari in pauperes; quorum numerus & mensura discretioni Confessarii proportionaliter ad facultates &

alias circumstantias poenitentis relinquitur determinandus. At verò si homicida ipsulmet sit pauper & inops, jubeatur saltem pro defuncto audire certa Sacra quot annis vel mensibus, & pro eodem offerre certas S. Communiones, Rosaria, & alias preces. Plura secundum diversitatem circumstantiarum distabit Confessario Unctio sancti Spiritus & lumen prudentiale. Videri insuper de hoc potest Comitulus *in respons. moral. lib. 4. qu. 11. nu. 8.* Thomas Tamburinus *decal. lib. 6. cap. 3. §. 3.* Kreslsinger *addit. un. post numer. 54. ad tract. 9. dist. 3. theol. mor. R. P. Reinssensuel.*

227. Colliges quintò, stupratorem ad nihil teneri, casu quo puella sponte remittit injuriam & damna inde consequentia condonat. Ratio jam superius *num. 212.* fuit datà: quia talis puella aut factum posset libere consentire, & in se suscipere onus portandi damna: ergo etiam ex post facto potest consentiendo, vel potius libere & spontè condonando, stupratorem ab hoc onere liberare.

228. Dixi tamen, stupratorem ad nihil teneri, casu quo puella sponte remittit & condonat &c. Quomodo enim juxta communem D.D. apud Babenstuber *cit. a. 3. n. 6. & seqq.* stuprator non liberatur ab onere restitutionis, si puellam aliquam, vel ob continuam & nimiam importunitatem, vel ob verè gravem metum reverentialem, cui hæc non fuit ausa se opponere (uti fieri amat, quando Sollicitator esse homo permagnæ auctoritatis, Superior &c.) tandem flexit in suam sententiam; eò quòd talis importunitas vel metus reverentialis idem operetur, quod metus injustè incussus; ita profecto ob eandem rationem neutiquam erit tutus in conscientia, si puella non libere, sed merùm coactè, vel ex gravi metu remittat damna sibi illata.

229 At quid, si puella jam priùs ab alio corrupta, postea coram Judice asserat, se v.g. à Titio esse corruptam, aut omnino imprægnatam, isque propterea condemnatur ad expensas, vel ad alimentandam prolem, poteritne puella tuta conscientia acceptare & retinere hujusmodi expensas?

230 R. Quod non. Ita Lugo c. *disp. 12. sect. 1. n. 3.* & apud hunc Panormitanus & Molina *disp. 104. n. 14.* Ratio est: quia Titius re ipsa nullum intulit damnum: ergo vi hujus ad nihil tenetur: neque vi sententiæ à Judice latæ, siquidem sententia fundata in falsa præsumptione facti particularis nullam habet vim: atqui hæc sententia supponitur fuisse talis: ergo ex nullo capite puella potest retinere.

Colliges denique sextò, à fortiori adstringendum esse ad compensanda damna, immò per se loquendo etiam ad ducendam, illam, qui vel vera, vel etiam ficta promissione matrimonii à puella obtinuit usum corporis. Ita Herincx *disp. 6. n. 83.* Reinfestuel *cit. num. 26.* Mastrius *theol. moral. disp. 9. n. 60.* Babenstuber ubi *suprà n. 20.* Ratio est: quia talis promissio facta fuit per modum contractus, quem puella ex sua parte supponitur adimplevisse: ergo etiam debet adimpleri ex parte promittentis: & licet hic fortassis fictè tantum promiserit matrimonium; quia tamen per hujusmodi fictionem injustè decepit, & graviter læsit puellam meritò compelli debet ad ducendam illam. Limitant tamen Doctores, nisi puella advertit fictionem; vel nisi defloratori esset longè disparis conditionis, utputa longè ditior, aut nobilior illa. Vide, si placet, quæ de hoc diximus *theolog. sacrament. part. 3. de Matr. Confer. 1. n. 13. & 14.*

CONFERENTIA

NONA.

De Restitutione debita ex læsione famæ.

SUMMARIUM.

231 Quid importet fama & honor proximi, quæ inter hæc sit differentia.

232 Fama lædi potest vel interiori tan-

tum, vel etiam exteriori.

233 Quid intelligatur nomine judicii temerarii, suspicionis &c.

234 Quid nomine calumnie ac contumeliæ.

235 Quid sit detractio formalis & materialis.

236 Detractio dupliciter fieri potest, scilicet vel 1. directè, vel 2. indirectè.

237 Fama injustè ablata debet restitui, & quo modo.

238 Ob solum iudicium temerarium, an sit debita restitutio?

239 Quid tenendum de eo, qui crimina ab aliis relata denuo aliis referre assuevit.

240 Causæ excusantes à restitutione famæ breviter recensentur.

241 Resolvitur Casus I. de quodam juvene, qui in terminis nimis generalibus sese accusavit de detractio-
bus hinc inde factis.

242 Quando penitens rationabiliter dubitat, utrum ex sua diffamatione quempiam admisceaverit; probabiliter ad nihil tenetur, quàm ad agendam penitentiam.

243 Et quid, si ex inconsideratione duntaxat aliquid diffamatorium propagavit, ex quo prævidet securum damnum.

244 Resolvitur Casus II. de quadam famula, suam coancillam graviter ob-
jurgante, & ob furtum commissum hinc inde eandem diffamante.

245 Utrum, vel quomodo delinquerit tam diffamando.

246 Et utrum teneatur ad aliquam restitutionem, vel aliam compensationem, præsertim famæ.

247 Resolvitur Casus III. de quadam Sarga, quæ aliam mulierem innocentem velut complicem injustè diffamavit.

248 Unde procul dubio gravissimè peccavit;

249 Consequenter à Confessario fuit obliganda ad revocationem injustæ delationis, & quo modo.

250 Hæredes injusti diffamatoris (eo defuncto) tenentur quidem ad compensanda

- sanda damna infamato secuta, non tamen ad revocandam infamiam.*
- 231 *Alterius crimen, verò, eisi occultè commissum, revelare fas est ex justa & rationabili causa: & quæ tales.*
- 232 *A foriori licet aliis de novo referre crimen aliunde simpliciter notorium sive notorietate juris, sive facti.*
- 233 *Non item crimen notorium secundum quid duntaxat.*
- 234 *Crimen verò alterius, etsi verum, occultum tamen, sine causa manifestare, nedum charitati, sed & justitiæ repugnat, & quomodo.*
- 235 *An vel quomodo teneatur revocare, qui dixit certam puellam fuisse corruptam & impregnatam.*
- 236 *Utrum injustus infamator tenetur revocare sua dicta nedum apud audientes immediatos, sed etiam mediatos.*
- 237 *Et quid, si non previdit, vel saltem non pensavit, utrum audientes talem infamiam essent ulterius delaturi.*
- 238 *Etiā mortuis fama injustè ablata est restituenda.*
- 239 *An, vel quo modo honor injustè latus debeat resciri.*
- 240 *Quomodo Confessario cum detractore prædicè sit procedendum;*
- 241 *Præsertim in casu, quo dubitatur, utrum diffamatio non sit jamjam oblivione oblitterata.*

§. I.

Præmittuntur, & breviter resolvuntur quæsitæ scitu necessaria ad resolvendos Casus prædictos de restitutione famæ, & honoris injustè ablati.

232 **Q**Uæres primò, quid sit fama, & quid honor?

233 **R.** Fama genericè sumpta communiter describitur, quòd sit multorum existimatio de vita & moribus alterius. Et quoniam circa hæc diversæ dantur opiniones hominum; hinc fama ut sic communiter dividitur in bonam & malam. Verum propriè loquendo de fama, ex cuius injusta læsione oritur obligatio restitutionis (secundùm dicenda) breviter

respondendum est ad hoc quæsitum, quòd fama sit opinio de virtute, sapientia, vel prudentia alterius. Honor verò à S. Thoma 2. 2. quæst. 103. art. 1. ad 2. describitur, quòd sit testificatio de alterius excellentia. Ex quo facillè colligere licet, quoniam sit differentia inter utrumque; fama etiam consistit in interna opinione, quæ dum monstratur ad extra, dicitur laus; honor verò consistit in externa significatione nostræ existimationis de excellentia alterius; unde supponit opinionem excellentiæ ipsius, & intentionem exterius per aliquod signum eam testificandi; qua sine potius fieret illusio, quàm verus honor, ut bene dicit Reinsselt. tr. 9. dist. 6. n. 2.

Quæres secundò, quo modo, vel quot modis proximi fama lædi solet?

Dupliciter solet lædi, internè scilicet, id est, intra propriam mentem præcisè, vel etiam externè. Priori modo læditur 1. per judicium temerarium 2. per suspensionem, & 3. per dubium de malo proximi. Posteriori modo, exterius scilicet lædi potest 1. per detractionem, & 2. per calumniam. Communis DD.

Ratio facilis est: quæ unusquisque habet jus ad suam famam seu bonam existimationem sui apud quemcunque hominem, donec de crimine à se commissio constet; unde illud decantatum tum apud Juristas, tum etiam apud Theologos axioma: quilibet præsumendus est bonus, donec demonstretur malus: atqui hæc bona existimatio læditur nedum per detractionem, & publicam calumniam, verum etiam per judicium, suspensionem, & dubium de malo ab altero commissio: ergo per hæc læditur fama proximi. Pro meliori tamen capitu dicendorum

233 Animadvertendum hic venit 1. primò discrimen inter mox enumeratas famæ læsiones; nam judicium quoad præsens consistit in assensu, & firma credulitate de vicio ab alio commissio; quòd, si fiat ex sufficientibus motivis, utputa quia moraliter certò de illo constat &c. tunc caret omni peccato: si autem fiat sine motivis & indiciis sufficientibus, utputa quia talia motiva vel tales circumstantiæ regulariter non habent connexionem cum tali crimine, dicitur judicium

temerarium; quod per se loquendo, & ex suo genere est mortaliter peccaminosum, eo quod vi hujus in mente judicantis extinguatur quodammodo & deperat fama alterius, quæ est magnum bonum.

Nomine suspicionis intelligitur assensus de vicio alterius, sed debilis, & cum formidine de opposito; quia merum suspicans non adhæret firmiter suæ opinioni: unde si talis suspicio habeat multum de formidine & parum de assensu, dicitur suspicio levis: e contra si habeat multum de assensu & de formidine parum, appellari solet suspicio gravis. Quia tamen vi suspicionis præcisè, cuiuscunque demum, non perditur, etsi quodammodo minuatur bona existimatio de proximo; hinc ex suo genere non excedit gravitatem peccati venialis. Denique dubium de malo alterius dicitur, quando quis non iudicat positivè, sed potius relinquit quasi in suspensio, vel saltem putat, esse dubium, utrum commiserit delictum, nec ne? Et hoc dubium esto supponatur temerarium & positivum, nihilominus per se loquendo non est peccatum mortale, ob eandem rationem, quam mox dedimus de suspicionem. Et ita communis sententia DD. Lessius l. 2. c. 11. Lugo disp. 14. sect. 2. Layman l. 3. tr. 3. p. 2. c. 2. Sporer tr. 5. decal. c. 4. sect. 2. à nu. 22. Reinfeist. Herincx, La Croix &c.

334 Advertendum est secundò, nomine calumniæ intelligi detractiōem, qua crimen falsum alteri imponitur. Ex quo liquet, calumniā ex suo genere esse peccatum mortale, etsi non rarò vel ob parvitatem materiæ, vel ob bonam fidem, vel ob indeliberationem &c. contingat sine peccato gravi. Porro, si tale crimen falsò impostum, immo, si etiam verè commissum, occultum tamen in factum alicui obijciatur, & exprobetur, dicitur contumelia, quæ rursus ex suo genere est grave peccatum, quippe ex qua nata est oriri diffamatio, id est, coram multis facta detractio famæ, rixæ, & alia majora mala, ut DD. communiter observant.

Quæres jam tertio, quidnam igitur intelligatur nomine detractiōis?

335 R. Detractio est alienæ famæ occulta & injusta læsio seu denigratio. Ita cum communi Reinfeist. tr. 9. dist. 6. nu. 3. Ad hanc igitur requiritur primò, ut aliquid verè læsum famæ proferatur, & secundò, ut illud proferatur occultè, & non in præsentia illius, cujus fama minuitur; secus enim jam evaderet in contumeliā, & non amplius maneret intra limites simplicis detractiōis. Illud tamen observandum hic est, quod, si quis famam alterius denigret cum expressa intentione nocendi, & diminuendi bonam existimationem, dicitur detractio formalis: si vero fiat sine tali expressa intentione nocendi, etsi cum prævisione, quod proximus inde sit incursurus infamiam, vel alia damna, dicitur detractio materialis, & utraque est ex suo genere peccatum mortale, quandoquidem per utramque proximus graviter lædatur. Laym. cit. c. 3. n. 5. Sporer ubi supra n. 39. cum communi DD.

Quæres quartò, quot modis detractio fieri solet?

336 R. Dupliciter fieri solet, scilicet vel directè, vel indirectè. Directa appellatur, ea qua proximi fama positivè læditur cum intentione & voluntate denigrandi; quod, ut rectè advertit S. Thomas, Illung & alii, quatuor modis fieri consuevit, I. imponendo alicui crimen falsum. II. Verum, vel etiam falsum crimen exaggerando vel augendo. III. manifestando alterius crime occultum. IV. opus alterius, etsi bene factum, sinistrè interpretando, seu etiam exterius temerè iudicando &c.

Indirecta detractio est, qua solum negativè quasi læditur fama proximi, idque rursus quatuor modis contingere notum est, I. negando rectè facta vel dotes alterius. II. bonum vel dotes alterius diminuendo & extenuando, vel etiam extollendo cum damno alterius proximi. III. tacendo bona, seu dotes alterius eo loco & tempore, quo quis deberet illa manifestare, ut proin huiusmodi taciturnitas ab aliis apprehendatur velut tacita quædam vituperatio. IV. simulatè & ita frigide aliquem laudando, ut alii benè advertant, id non animo laudandi, sed potius vituperandi contingere. Omnes isti octo

octo modi succinctè comprehenduntur sequentibus duobus versibus.

Imponens, augens, manifestans, in mala vertens.

Qui negat, aut minuit, reticet, laudat, quæ remittit.

Quæres quintò, an, vel quo modo fama injustè ablata debeat restitui?

237 R. Fama ablata per detractiōem vel calumniam per se loquendo est restituenda, & quidem sub gravi culpa ita tamen, ut is qui crimen falsum alicui imposuit, teneatur retractare sua dicta, dicendo ea non esse vera: qui verò crimen alterius verè quidem commissum, occultum tamen revelavit, tenetur alio modo possibili restituere famam v. g. dicendo se errasse (practice scilicet; subintelligendo contra justitiam) aut satù hæc vel illa dixisse &c. Ita rursus post S. Thomam 2. 2. *quæst.* 62. *art.* 2. Scot. 4. *dist.* 15. *qu.* 4. Sporer *tr.* 5. c. 4. n. 82. & *seqq.* Reinssuet. *dist.* 6. n. 33. & 34. Ratio est: quia quisquis alterum injustè læsit in bonis alicujus momenti, ex justitia commutativa tenetur ad compensationem damni voluntariè illati: at, non ille duntaxat, qui alteri imponit falsum crimen, sed etiam is, qui verum, occultè tamen commissum, sine sufficienti causa revelat, alterum injustè lædit in bono famæ, quod communitè reputatur magni momenti: ergo tenetur &c. Hac ipsa ratione communissimè DD. ulterius inferunt, etiam alia damna in bonis fortunæ secuta ex hujusmodi injusta infamatione esse compensanda à diffamatore: quia diffamatio est actio verè injuriosa. atqui omne damnum per actionem injuriosum proximo illatum, debet compensari eo modo, quo fieri potest: ergo Lessius ubi *suprà* *dubit.* 19. Layman. 1. 3. *tr.* 3. p. 2. c. 7. n. 4.

Quæres sextò, utrùm etiam ille teneatur ad aliquam restitutionem famæ, qui duntaxat per judicium temerarium, vel suspitionem aut dubium &c. læsit famam alterius?

238 R. Talem non teneri ad aliquam restitutionem externam. Ratio est: quia per solum judicium vel suspitionem, dubiumve, utpote actus merè internos nullum damnum exterius proximo inferitur. Ni-

hilominus talis tenetur ex justitia deponere sinistram judicium, & malam suspitionem &c. non obstantibus levibus, & nullius momenti fundamentis; quæ contra probitatem læsi concepit; hoc enim, & non alio modo in præsententi redintegrare potest famam alienam. Mezzger *tom.* 3. *tr.* 12. *disp.* 39. a. 12. n. 7. Babenstuber *tr.* 7. *disp.* 5. *art.* 4. nu. 21.

Quæres septimò, an peccet, & ad restitutionem teneatur, qui vitia de aliis audita refert ulterius, sed sub dubio duntaxat, & absque asseveratione vel confirmatione?

239 R. Si id faciat in talibus circumstantiis, ut prudenter credere possit, neminem audientium id crediturum; equidem & à peccato gravi & ab onere famam compensandi absolvendus est: quia his suppositis vel nullum, vel certè non grave damnum inferi proximo; At verò si id faciat in his circumstantiis in quibus prævidet audientes vi ipsius narrationis adhibebituros fidem, peccabit utique graviter vel leviter juxta qualitatem criminis relati, & damni illati: & quoniam plerumque contingere natum est, ut audientes vel firmam fidem adhibeant, vel certè de fama hæstent certa dubitare soleant, ideo rectè docet Tamburinus 1. 9. *decalog.* c. 3. §. 2. n. 5. plerumque subesse periculum gravius peccati, præsertim respectu illorum, qui crimina ab aliis audita passim solent ulterius dilatare sine respectu personarum & circumstantiarum &c. unde etiam à Confessario seriò dehortandi sunt. Videatur de hoc Scotus 4. *dist.* 15. q. 4. a. 1. Lessius *cl.* c. 11. *dubit.* 5. Molina *disp.* 30. Sporer *tr.* 5. c. 4. n. 62. Reinssuet. *theol. mor.* *dist.* 6. n. 14. & 15.

Quæres octavo, quænam Causæ excusent à restitutione famæ?

240 R. Varii varias referunt causas excusantes, quæ tamen meo judicio commode reduci possent ad quatuor capita, scilicet 1. ob impossibilitatem. 2. ob liberam condonationem læsi. 3. ob damni cessationem, & 4. ob mutam compensationem. Explico breviter singula.

I Itaque cessat ob impossibilitatem (quemadmodum ob eandem causam, cessat omnis alia obligatio restituendi, uti

ut mox infra dicemus) Ratio est clara: quia ad impossibile nemo tenetur; idque intelligendum est nedum de impossibilitate physica, verum etiam de moralī; qualis censetur intervenire. 1. quando quis nequit famam restituere sine notabiliter graviori detrimento propriæ famæ vel honoris, aliorumque bonorum &c. item 2. quando famam compensare nequit sine evidenti periculo vitæ; quia his stantibus proximus nequit esse rationabiliter invitus, nisi fortè crimen fuisset falsò ipsi impositum, & quidem cum æquali discrimine vitæ, quia tunc in pari causa major debet haberi ratio de vita innocentis, quam nocentis.

II. Cessat obligatio restituendi famam, quando læsus liberè condonat hanc obligationem, quia cum sit Dominus famæ suæ, potest hanc obligationem remittere æquè ac aliam v. g. circa bona fortunæ, modò infamia illa non redundet in alios.

III. Cessat hæc obligatio ob cessationem damni. Ratio est: quia cessante sine, cessat ratio agendi propter finem: atque compensatio famæ & honoris est finis hujus restitutionis: ergo &c. Cæterum tunc reputatur cessasse finis, quando vel 1. nulla infamia vi detractiois fuit secuta, vel 2. si fama jam aliunde sit compensata, ut puta quia innocentia diffamati innovit, vel 3. quando diffamatio diuturnitate temporis jam iterum fuit oblivione sepulta.

IV. Denique cessat hæc obligatio vi compensationis mutue, quando alius re æquè graviter, vel adhuc gravius diffamans nondum revocavit sua dicta: etsi enim in hoc casu non penitus cesset obligatio restituendi famam alteri à te ablatam, cessat tamen secundum quid, in quantum suspenditur, donec alter famam injustè ablatam tibi restituat: quemadmodum si creditor quicumque demum tibi noluit restituere debitum pecuniarium, in hujus compensationem retinere potes aliam pecuniam ipsi debitam, juxta notissimam illam regulam: *non cogitis jus suum alteri reddere, si ille recuset tibi reddere suum*. Illud tamen hic notandum venit, quòd, qui prior dextraxit, ce-

teris saltem paribus, teneatur prius ad satisfactionem, veluti Doctores communiter advertunt. Videatur de hoc Sporer cit. 6. 4. a. n. 110. Lessius cit. c. 11. dubit. 26. Tamburinus c. 3. §. 3. Herincx disp. 7. n. 77. & sequent. Illung. tr. 4. disp. 3. n. 111.

S. II.

Proponuntur & breviter resolvuntur Casus practici de obligatione restituendi famam.

CASUS PRIMUS.

Titius Juvenis sese accusat, quòd subito de proximo suo fuerit male laboratus: Confessorius hac accusatione utpote nimis genericè facta non contentus, querit, quidnam de proximo dixerit? Cui respondit Titius 1. se dixisse de aliquo Mechanico, quòd non calleat artem suam. 2. de aliqua puella, quòd nullius sit valoris. 3. de certo quodam Sacerdote, quòd huic pro suo sacrificio nollet dare quinque crucigeros, eò quòd valde luridè, & indecorè illud depropere soleat. 4. denique de aliquo Nobili, quem ab aliis summo opere laudari audierat, dixisse, eum equalem esse bonum virum, mox tamen subiunxisse: sed, nisi &c. & ultra nihil. Queritur jam pro praxi, quidnam Confessorius pro praxi habeat observare circa talem penitentem.

241 R. In primis Confessorium bene fecisse ulterius indagando, quidnam dixerit Titius, secus, enim nec numerum nec speciem peccati satis intellexisset, quæ tamē à Confessorio necessariò sunt advertenda. Unde post hanc specificam enarrationem detractiois ulterius debuit attendere: 1. an Titius practicè graviter vel leviter duntaxat deliquerit; & 2. an opus sit revocatione vel restitutione famæ: Primum expiscetur, ulterius indagando 1. an hæc joci causa tantum, an verò seriò fuerit locus coram aliis. 2. an putet alios fidem adhibuisse suis dictis, & 3. an per hæc dicta intenderit aliis nocere, aut non prævididerit saltem, fore, ut hæc noceant, sive in bono famæ, sive etiam in bonis fortunæ?

Alterum verò, an scilicet opus sit revo-

catione, faciliè dignoscet, quærendo an ex hujuscemodi detractionibus revera aliquod damnum fuerit secutum, vel non? Et licet in praxi plerumque experiamur, similia fieri sine peccato gravi, vel quòd indeliberatè duntaxat contingant, vel quòd dictis ab audientibus nulla omnino, aut certè modica adhibeat fides; nihilominus dato, quòd Titius fateatur se hæc seriò dixisse, eo animo, ut ab aliis crederentur, & præsertim si prævidit grave aliquod damnum diffamatis inde secuturum, dubitare profecto minimè licet, quin graviter peccaverit, & quidem tantò gravius, quantò frequentius, veletiam coram frequentiori auditorio similia sparsit, & quantò gravius damnum animadvertit inde enasciturum; ad cuius compensationem, sicut & ad dictorum revocationem vel correctionem necessariò foret obligandus à Confessario, nisi occurrat alia capsula excusans secundum mox dicta n. 239. in fin.

At quid inquit, si penitens respondeat (sicuti frequentissimè solent respondere) se similia seriò quidem, & ex animo fuisse locutum, dubitare tamen an revera aliquod damnum inde fuerit subssecutum aliis.

242 R. in hoc casu penitentem probabilissimè ad nullam compensationem vel restitutionem teneri. Ratio desumenda est ex generalibus principiis de obligatione restituendi dari solitis: quisquis enim verè & rationabiliter dubitat utrum sua actione, etsi de se injusta, fuerit causa efficax alicujus damni, non tenetur ad aliquam compensationem, eò quòd stante dubio maneat melior conditio possidentis bonæ suæ, juxta superius dicta *Confess. 5. num. 146*. Seriò nihilominus admonendus est penitens, quatenus in posterum velit cavere à similibus detractoriis, & siquidem animadverteret, se hætenus culpam nocuisse in bono famæ vel fortunæ, studeat prudenter corrigendo sua dicta, bello modo famam læsam refarcire, neliùs de illis loquendo, eos laudando &c. vel, ubi viderit omnino opus esse ad damni evitacionem, apertè retractando sua dicta infamatoria.

Dices iterum. At quid, si penitens re-

spondeat, se similia dixisse solum ex aliqua præcipitancia, indeliberatione, vel etiam inconsideratione, advertere tamen defacto, quòd alii id malè apprehenderint, ita ut Sacerdos, & puella (de qua in casu) notabiliter cogantur patinedum in bono famæ, sed etiam fortunæ?

243 R. Si Titius prævideat hujuscemodi damna, tenetur modo possibili retractare sua dicta, & sub gravi culpa famam restituere, esto etiam ex inconsideratione similia effutiendo non peccaverit graviter. Ita cum *communi DD. Sporer cit. c. 4. n. 86. La Croix lib. 3. p. 2, n. 1243. Kreslinger addit. post. n. 33. ad dist. 6. theol. mor. R. P. Reinssstuel*. Ratio est: quia justitia non solum obligat ad non ponendam causam damni injusti, verum etiam ad tollendam hujuscemodi causam, quoquo modo, etsi fortassis inculpabiliter datam, modò adhuc utiliter, & sine gravi suo incommodo tolli possit, & damnum impediri; hac ratioe qui alteri etiam inculpabiliter propinavit venenum, vel ignem posuit, ex quo videt proximum damnificatum tri in bono fortunæ aut vitæ, tenetur ex justitia removere hujusmodi causam: atqui eadem est ratio in nostro proposito de injusta diffamatione: ergo. Et certè quamdiu Titius non retractet sua dicta, censetur suo modo famam alteri injustè ablatam ac debitam retinere: quemadmodum ergo teneretur alienam pecuniam restituere, quamprimùm adverteret eam esse alienam, tamen si priùs inculpabiliter eam apprehendisset; ita & tenebitur restituere famam proximi, esto priùs quasi inculpabiliter, aut certè sine culpa gravi eam rapuisse adverterat, modò id utiliter, & sine notabiliter graviiori suo incommodo fieri possit.

CASUS SECUNDUS.

SEmprenia famula cum alia quadam videretur in perpetuis diffidiis; unde sciretur, se expectantè altercando, nescio quæ convitiis eidem objecisse; & in faciem exprobrasse, tandemque deprehensam in furto, illico ad Egarum suum detulisse, ut in inconscienti demo ejiceretur: quia inmo, hac

vindicta non dum contentam, adisse in super
aliam quandam Dominam, & patefaciendo
idem furtum nuper commissum effecisse, ut
ab illa Domina non assumeretur ad servitium.
Quæritur jam in hoc casu 1. quomodo Sem-
pronia peccaverit obijciendo convitia in fac-
torem? 2. an vel quomodo deliquerit eam
diffamando apud alios? 3. denique, an
teneatur ad aliquam compensationem famæ,
& aliorum damnorum?

244 R. ad primum. Sempronia per se lo-
quendo graviter peccavit, eo ipso quod
gravia convitia obijciendo & exprobrando
alteri, famam, & honorem, & charitatem
magnopere læserit. Patendum tamen est,
huiuscemodi jurgia aut contentiones in pra-
xi sæpe sæpius, inter mulierculas præser-
tim, contingere sine peccato mortali; vel
quia prædominantibus passionibus iræ, in-
vidiæ &c. non sunt sibi satis præfentes,
sed ex motu primo aut certè secundò primo
similia effutunt; vel etiam qui alii audientes
huiuscemodi exprobrationes bene no-
runt, eas, iracundiæ motibus potius, quàm
rationi & vero fundamento nixas esse, &
hoc ipso (saltem prudentiores) parum, vel
nihil omnino fidei ipsi attribuant: quam
ob rem ab onere restitutionis non raro ex-
cusantur, veluti rectè advertunt Sayrus in
clav. reg. l. 12. c. 4. n. 8. Bonacina de resti-
tut. disp. 2. qu. 5. pu. 1. n. 4. & Bæbenst. tr.
7. disp. 5. art. 4. nu. 8. Unde ad practicè
diagnosticandam gravitatem peccati in hoc
casu, opus erit examinare Semproniam,
an vel qua deliberatione hæc fecerit? item
an non ex passione jam pridem in men-
te concepta & quasi decocta? an ipsa
prior, vel ex qua ratione cœperit alter-
cari? tum verò ex responsionibus pœni-
tentis haud difficile erit colligere gravita-
tem peccati commissi.

245 R. ad secundum. Si crimen furti ab illa
altera non fuit adeò enorme, nec pluries
commissum, & præsertim si nullum am-
plius subsit periculum illud sæpius iteran-
di, tunc Sempronia graviter deliquit ac-
cusando & diffamando ancillam suam apud
alios & quidem cum gravi damno. Rati-
o est: quia non licet crimen occultum
alterius manifestare, nisi id exigat vel bo-
num proximi, vel malum ab alio inno-
cente avertendum: at, ex hac suppositio-

ne nec bonum proximi (eo ancillæ scilicet)
nec malum ab alio innocente avertendum
exigebat manifestationem criminis occul-
ti; ergo. Itaque potius ex præcepto
charitatis & correctionis fraternæ debuisset
coancillam dehortari, comminando
manifestationem, casu quo iterum fuisset
deprehensa in furto; quod, cum non
observaverit Sempronia, profecto vix,
aut ne vix quidem dubitandum videtur,
quin hæc diffamatio potius animo vindic-
candi & nocendi, quàm mala à proximo
avertendi facta, sit utique non sine gra-
vi peccato. Videatur Herincx disp. 7.
num. 52. Lessius l. 2. c. 11. dubit. 9. Sporet
cit. c. 4. à num. 74. Reinfiel ubi supra
diff. 6. à num. 6.

246 R. jam ad tertium sub eadem di-
stinctione. Nam si Sempronia supponatur
habuisse justam causam manifestandi fur-
tum (qualis esse posset timor rationabi-
lis, ne sæpius repeteretur, vel ne alii
revera innocentes venissent in suspicionem,
aliudvè gravius damnum pati cogerentur)
tunc non peccavit contra iustitiam mani-
festando illud furtum, & per consequens
ad nullam restitutionem tenetur: at ve-
rò si non habuit justam causam mani-
festandi & diffamandi coancillam, condem-
nanda est nedum ad restitutionem famæ
injustè ablata, verùm insuper ad refarci-
enda alia damna inde secuta; quæ meo
judicio vix alia via congruentius poterit
refundere, quàm procurando & provi-
dendo; ut coancilla injustè diffamata
obtineat aliud servitium æquè commo-
dum & proficuum. Ratio hujus resolu-
tionis facile colligetur ex dictis: quia
omnis alterum injustè damnificans tenetur
resarcire damnum illatum omni modo
possibili: ergo &c. Videantur de hoc DD.
proximè citati.

CASUS TERTIUS.

Caja Saga incarcerata & tortura sub-
jecta, candidè fassa est, se Diabolo
jam ante aliquot annos subscripisse, eodem-
que auctore multa mala hinc inde intrulisse.
Verùm, ut in his etiam circumstantiis nocer-
et, mendaciter nominavit aliam quandam
fœminam (quam Semproniam dictam) di-

Altiani eam pariter subscripsisse, & criminum plurimorum exitiis se complicem. Quam ob causam Sempronia pariter à Judice comprehensa, ac torturae subiecta est, & quia nihil facere voluit, certe nec potuit, vitellus ad extrema deducta fuit: postulatit proin Confessarium, sed Judice loco Confessarii vocari fecit Medicum. Sempronia interim ante hujus adventum exspiravit; quod, ubi Caja intellexit, ingenuè fassa fuit, Semproniam fuisse innocentem, à se verò partim ex invidia, partim verò ex instigatu Diaboli injustè delatam fuisse velut complicem criminum. Queritur jam in hoc casu 1. an vel quomodo Judex deliquerit, & ad quid teneatur? 2. quomodo peccaverit Caja, & utrùm hæc fuisset obligata ad revocandum sua dicta, tamen si prævidisset, se propterea gravius punitum iri?

247 R. ad primum. Judex ob solam depositionem Sagæ non potuit procedere ad torturam Semproniam. Ratio est: quia ad hanc prærequiritur saltem semiplena probatio criminis: sola autem depositio Sagæ non facit semiplenam probationem, præsertim cùm aliunde pluribus exemplis constet, quòd Sagæ soleant alios innocentes deferre & nominare, velut processum inducant, vel ut aliis noceant: ergo &c. gravius adhuc peccavit, eam torquendo in tantum, ut ad extrema deduxerit; & per se loquendo gravissimè deliquit negando Confessarium constitutæ in mortis periculo, ut de se clarum, & inter omnes Catholicos receptum est. Unde, nisi ignorantia invincibilis eum excuset, ad hanc speciem facti resolvendum videtur, Judicem (saltem in defectum Cajæ injustæ delatricis) teneri nedum ad publicandam innocentiam defunctæ, quatenus hinc coram Mundo fama restituarit; verùm etiam ad resarcienda omnia damna realia in bonis fortè hæredibus, vel aliis à Sempronia fortè relicta, inde secuta: tanta quippe ruditas (ne dicam crudelitas) in Judice Christiano vix, aut ne vix quidem excusabilis videtur à peccato mortali, & per consequens neque ab onere restituendi, seu etiam resarciendi damna aliis innocentibus inde secuta. Videantur de hoc Gobat in suo *Clypeo* p. 11. n.

371. Delrio lib. 5. Sect. 5. n. 4. La Croix b. 4. num. 14. 48.

248 R. ad secundum. Caja gravissimè deliquit diffamando innocentem Semproniam, ut de se liquet: unde etiam nedum ante torturam & mortem illius, sed etiam post tenebatur adhuc revocare iniquissimam suam delationem, non obstante quòd præviderit se propterea gravius punitum iri. Ita in re communis DD. & satis clarè Tambur. l. 8. decal. cap. 1. §. 9. Bonacin. in 8. præcept. disp. 10. qu. 3. propos. 3. Sporer. tr. 5. c. 4. n. 89. Ratio est: quia in pari causa debet esse melior conditio innocentis: atqui Sempronia fuit innocens; non item Caja: ergo hæc teneatur revocare sua dicta, esto prævideat, se ob id gravius puniendam; quia excessus hujus poenæ non est tantum estimandus, ut propterea excusari possit, aut debeat à revocanda infamia: utpote nedum in ipsam defunctam, verùm insuper in totam ipsius familiam redundatura.

Dices. At quid aget Confessarius, si Caja nolit revocare falsam suam delationem metu gravioris torturæ; aut supplicii perferendi?

249 R. Equidem omni possibili modo inducendam esse, ac persuadendam, ut revocet falsum crimen alteri impositum: nihilominus in casu, quo Confessarius ab hujusmodi malefactorum aut malefactorum cæteroquin disposita ad moriendum &c. obtinere nequit, ut revocet, consultat noster A. R. P. Kazenberger in *supplemento* decal. P. Sporer cap. 2. numer. 233. ut ei persuadeatur, quatenus privatim præsentibus duobus testibus & Confessario id faciat, aut sine hoc quidem fieri possit, in loco supplicii coram Populo protestetur sincerè coram omnibus, se suo Confessario aliquid concedidisse vel Malefactoribus post suam mortem mox aperiendum, & ab ipsis infallibiliter credendum: tunc verò nomine Malefactoris vel Malefactoris jamjam defunctæ, Confessarius de licentia prius obtenta revocet, & declaret innocentiam illius, quicumque demum injustè delatus fuit. Videatur etiam de hoc Layman l. 3. tract. 6. c. 5. §. 5. un. n. 25. & seqq.

Dices adhuc. At quid, si injustus diffama-

mator (uti fuit Caja nostra) nec in vivis nec post mortem , injustam diffamationem revocet , tenebitur Hæres defuncti , cui de innocentia alterius constat , revocare ? aut saltem alia damna realia ex iniqua delatione illata compensare ?

250 R. Hæres injusti delatoris in locum defuncti ex iustitia tenetur de bonis sibi relictis rescire damna realia ex iniqua delatione secuta aliis : non tamen tenetur ex iustitia (bene verò ex charitate) ad revocandam injustam delationem , seu etiam diffamationem . Ratio disparitatis est hæc : quia obligatio restituendi famam injustè ablata est personalis , consequenter non transit ad hæredes : è contra obligatio compensandi damna ex iniqua diffamatione secuta est realis , ideoque etiam ab hærede ex rebus à defuncto relictis solvenda , veluti ex *commun. docent. Lugo disp. 15. sect. 2. n. 8. Lessius l. 2. c. 11. dubit. 21. Laym. lib. 3. tr. 3. p. 2. c. 7. n. 4. Sporer. cit. c. 4. n. 84. & 85.*

§. III.

Corollaria ex dictis inferenda.

251 **C**olliges ex dictis primò , non esse peccatum , consequenter nec obnoxium restitutioni , detegere alterius crimen verum (etsi occultum , extra confessionem sacramentalem cognitum) quando id fit iusta de causa . Ratio est : quia talis nec agit contra iustitiam , neque contra charitatem . Cæterùm iustæ causæ , possunt esse sequentes 1. si manifestatio sit necessaria ad evadendam mortem , vel gravia tormenta , uti fieri amat apud incarceratos , & examinatos de complicibus 2. ad evitandum notabile damnum spirituale aut corporale sibi , vel etiam proximo innocenti imminens . Ratio est : quia secundùm rectam rationem , & ordinem charitatis licitum est , se vel etiam alium innocentem defendere , defensione moderata , esto id fiat cum detrimento injusti invaloris in vita , & membris : ergo multò magis cum detrimento famæ . Ob eandem rationem Doctores communissimè inferunt 3. licitè deteggi simulationem alterius , qui fictis & fucatis virtutibus sibi

comparavit famam , quando hæc cede re in aliorum detrimentum : profecto ipsemet Christus Dominus *Matth. 16. & Luc. 12.* occultam , & perniciosam hypocrisim Phariseorum discipulis suis manifestasse legitur , quatenus sibi ab eorum fermento caverent . Herincx *disp. 7. q. 4.*

252 Colliges secundò , à fortiori non esse contra iustitiam , & per consequens nec obnoxium restitutioni , manifestare , seu etiam loqui de crimine alterius notorio sive notorietate juris , sive facti (ubi nota , illud censi notorium notorietate juris , de quo quis in iudicio convictus , vel confessus est , aut iudicis sententia publicè fuit punitus &c. illud verò censetur , notorium notorietate facti de quo evidenter apud non paucos constat , esse scilicet factum , sicut prudentis arbitrio credatur nulla posse tergiversatione celari , aut certo certius credatur ulterius publicatum , & divulgatum in) Ratio autem hujus corollarie resolutionis hæc est : quia hujusmodi facinorosus amisit jus in suam famam ; vel quia Iudex illum privavit publicando crimen , & in hujus justam punitionem , aliorumque terrorum illud publicari voluit ; vel etiam quia ipsismet delinquens notoriè perpetrando crimen , censetur renuntiasse juri , quod habuit ad suam famam : ergo qui hujusmodi crimen ulterius narrando dilatat , non peccat contra iustitiam , esto non raro possit impingere contra charitatem Lugo *disp. 14. sect. 6. n. 72. Lessius cit. c. 11. dub. 13. Sporer tr. 5. c. 4. n. 65. Kreslinger in append. post nu. 19. ad tr. 9. dist. 6. theolog. mor. R. P. Reiffenstuel Babenstuber ubi supra n. 33.*

253 Quocirca tamen sapienter advertit Herincx noster *proximè c. lib. n. 61.* subinde crimen aliquod etiam ex mente iudicis , vel pnuientis non reddi publicum simpliciter : & etenim Superiores Familiarum , Collegiorum , Religionum , &c. tametsi publicè in sua communitate delicta commissa corrigant , aut puniant per hoc tamen minimè intendunt dare licentiam hujusmodi crimina extra Religionem aut communitatem , manifestandi . Unde , inquit idem Doctor , crimen verb. grat. Religiosi etiam condemnati , qui non ejicitur ab Ordine pro-

P p pala-

palare extra Religionem, si extra illam non sit alia via publicum, est contra iustitiam, ut notarunt Molina *disp.* 33. *nu.* 7. Lugo, & alii.

254 Colliges tertio à contrario, crimen alterius, etiam verum, occultum tamen, manifestare absque iusta, & gravi causa, oedum charitati, sed etiam iustitiæ repugnare. Ratio est: quia proximus semper retinet jus ad suam famam, quamdiu de crimine à se commissio non constat: ergo contra faciens impingit contra iustitiam. Ad dignoscendum tamen, an iniustus diffamator graviter peccet, & per consequens sub gravi, vel sub levi culpa duntaxat teneatur ad restitutionem famæ pro possibili juvabit bene notare hanc regulam, quam Sporer *cit.* n. 59, dicit esse generalem: *quoties notabiliter fama alterius læditur, sive defectus narratus sit mortalis, sive venialis, sive naturalis tantum, toties peccatur mortaliter: Quoties vero leviter solum læditur fama, peccatur venialiter: quando nihil læditur, quidquid dicatur, nihil peccatur ex hoc capite.* Nam si dicas (pergit idem) de viro probo vel Religioso, cum amare puellam, rixatum esse vel, duellasse, aut quid simile, graviter ejus lædis famam, ideoque peccas graviter: si idem dicas de juvene nobili, vel milite, leviter, vel nihil famam lædis, cum de talibus non erubescere, sed gloriari soleant. Considerandæ tamen sunt circumstantiæ personarum, deliberationis, &c. &c.

At, inquires forsitan, quomodo ad famam restituendam, vel etiam ad revocandum obligari poterit, qui de puella v. gr. dixit, eam ex fornicatione esse gravidam si res à parte rei ita se habeat?

255 R. Talem quidem obligari non posse, ut revocet sua dicta, si moraliter certo prævideat, delictum proximè publicatum iri: profecto parum etiam proficeret, tametsi millies diceret, eam esse honestam Virginem, si gestatio uterî vel subsequens partus clament contrarium. Unde licet talis sine causa propalando crimen, graviter deliquerit, ob moralem tamen impossibilitatem in his circumstantiis obligari non potest ad revocanda sua dicta. At verò si mulier ex occulta fornicatione non sit imprægnata, aut si deli-

ctum præcisa tua manifestatione manifestet occultum, tu illud manifestando graviter peccabis, & (si tamen moraliter ac utiliter possis) teneberis ad rescandam famam, dicendo v. g. (cum debita restrictione mentali) eam esse Virginem (scilicet in foro Ecclesiæ) vel te fuisse male locutum (intelligendo peccaminose) nihil de illa scire (quod scilicet in foro externo, licet manifestare posses.) Quocirca tamen rursus magna cautela, & circumspeditione opus erit, ne alii fortè advertentes te loqui à phrylogolice, magis confirmantes in sua opinione semel concepta, & ita error posterior fiat pejor priore. Vide Lessium *dubit.* 20. *nu.* 110. Metzger *tom.* 3. *tr.* 12. *disp.* 39. *ar.* 5. n. 5.

256 Colliges quartò, injustum detractorem teneri ad restitutionem famæ ablatae, nedum apud audientes immediatos, verum etiam apud mediatos, si auditoribus immediatis rem ideò manifestavit, ut hi eam ulterius dilatarent. Ratio est: quia auditores immediatos adhibuit vel instrumenta quædam ad propagandam ulterius infamiam, adeoque fuit vera causa principalis damni apud alios. Idipsum afferendum est de eo, qui detrahit coram talibus, quos scit ulterius infamiam delaturos, uti fieri amat, si crimen coram infantibus, vel aliis hominibus junioribus, & valde garrulis narretur; quia hoc modo alterum sciens, & volens conjecit in periculum gravis damni in bono famæ, subeundi. Ita ex communi Mastrius, Sporer, Herinx, Tamburinus *lib.* 9. *decalog.* *cap.* 3. §. 5.

At quid tenendum de eo, qui detraxit, non attendendo, utrum auditores ulterius essent propagaturi, infamiam, vel non, prout revera in praxi plerumque fieri solet?

257 R. In tali casu probabiliter sufficit revocare, & restituere famam propossibili apud auditores immediatos. Et ita tenent Tamburin. *cit.* *nu.* 5. Lugo *disp.* 15. *sect.* 2. n. 16. Illung. *tr.* 4. *disp.* 3. *nu.* 109. Sporer *tract.* 5. *cap.* 4. *num.* 162. Estio fateantur contrariam opinionem speculative esse se probabiliorem. Ratio autem hujus resolutionis est: partim quia apud omnes, etiam mediatos auditores revocare, censetur mora-

moraliter impossibile; partim etiam quia qui revocat sua dicta apud auditores immediatos censetur his imponere obligationem idipsum faciendi apud suos, quod unus, dum expresse non contradicunt, in se suscipere presumuntur; partim denique, & potissimum, quia hanc sententiam confirmat quotidiana praxis Confessariorum etiam doctorum, qui dum poenitentem imponunt obligationem revocandi apud eos, coram quibus detraxit, & poenitentem satisfactorum, & se suo muneri satisfecisse existimant.

258 Colliges quintò, Nedum vivis sed etiam mortuis famam ablatam esse restituendam. Ratio est: quia in morali hominum existimatione etiam post mortem homo censetur possidere bonum famæ, illudque vel maximè affectare: nec dubitandum, quin potior mortalium pars potius tempore vitæ suæ, quàm post mortem primum vellet sufferre diffamationem sui: ergo bonum famæ injustè ablatum etiam defuncto est refarciendum: nec propterea, quòd hæreses forsitan non urgeant, compensationem famæ, mortuus censetur condonasse hanc obligationem, ait Pettschacher; consequenter ex hoc capite injustus diffamator non evadit liber ab hoc onere. Quòd si talis infamia mortui in hæreses quoque redundet, etiam istis infamator satisfacere, famamque restituere tenetur. Lessius citat. dub. 21. numer. 114. Bonacina de restitut. disput. secunda quæst. quarta puvli. ultim. numer. 16. Babenstuber evadit. septimo disput. quinta artic. quart. numer. 73. Illung ubi supra, Mezger, & alii.

259 Colliges sextò, nedum famam, sed etiam honorem injustè læsum esse de novo refarciendum, & quidem eo modo, qui considerata tum gravitate injuriæ, tum etiam personæ injuriantis reputetur sufficiens pro reparatione illius. Ratio patet ex dictis. Dixi tamen: qui considerata, gravitate personæ &c. alio quippe modo inferior superiori honorem ablatum compensare, alio quoque modo æqualis sibi æquali. Superior plerùmque satisfaciatur, si subito læso majoris benevolentie signa exhibeat, nec tenetur se demittere usque ad petitionem veniæ, ne dum nimium serva-

tur humilitas, regendi frangatur auctoritas ut ait S. Augustinus in S. Regula. Inferior è contrà vix alio modo compensabit honorem Superiori ablatum, quàm sese humiliando, & petendo veniam, saltem tunc si offensa fuit gravis. Denique æqualis æquali honorem compensare poterit ac debet, vel honorifica salutatione, aut compellatione, vel obsequii exhibitione, vel invitatione ad mensam, propinatione, &c. &c.

260 Colliges tandem septimò Confessario in hac materia, utpote valde practica & utinam non quotidie nimis practicata prudenter ac circumspèctè procedendum esse cum poenitentibus, ne eos vel laxè nimis, vel nimis stricte ducat, & instruat. Quocirca id vel maximè observandum erit, ut ab hoc onere (restituendi scilicet famam) non nimis facile absolvat, quando animadvertit reipsa injustum damnum alteri fuisse illatum, aut certè ex diffamatione præterita adhuc secuturum: caveat verò ne ad hujus restitutionem nimium adstringat poenitentem, tunc præsertim, quando prævidet, quòd injustus diffamatur revocando deberet subire notabiliter majus damnum; vel quando prævidet, restitutionem famæ jam impossibilem, vel quia amplius fieri non potest coram illis auditoribus, vel quia revocatio illa nihil amplius prodesset, vel denique quia infamia tractu temporis jamquam fuit oblivione deleta, & quasi sepulta. Ratio horum desumi debet ex dictis numer. 240. tum etiam ex eo, quòd Confessarii intentio, & instructio semper eò sit dirigenda, ut quæ ad DEI gloriam, & animarum salutem viderit magis conducere, suggerat, consulat, vel omnino, ubi opus fuerit, præcipiat: at, si ve laxè nimis, si ve nimis stricte poenitentem direxerit, semper id erit obnoxium periculis, & animarum salutis, Deique gloriæ, ut de se liquet: ergo &c.

Dices tamen adhuc. Quid agendum in Casu, ubi rationabiliter dubitatur, utrum infamia secuta ex detractioe, non jam sit exoleta, & oblivione oblitterata?

261 R. In hac casu vel maximè opus
P p 2 effe

esse magna cautela, & circumspectione; quia, ut sapienter advertit Sporer tr. 5. c. 4. n. 113. sæpe fieri posset, ut talis revocatio plus noceret, quam proderet, dum scilicet infamiam jam sepultam oblivione apud audientes denuo renovaret. Itaque attendendum est, quidnam Confessarius, vel quid pœnitens ipse vellet fieri in his circumstantiis, si ab alio fuisset diffamatus injuste, & tunc id, quod sibi vellet fieri perpenſis omnibus circumstantiis, faciat nunc curet fieri proximo suo. Quodsi dubitet, quidnam vellet sibi fieri in his circumstantiis? conetur saltem in tali dubio indirec[t]e restituere famam, utputa laudabiliter loquendo, & quantum moraliter potest, quovis modo vel genere illum vel illam, cui detraxit, recommendando apud eos, coram quibus crimen occultum prius manifestavit. Videantur de hoc, si placeat, Lugubri supra disp. 15. sect. n. 35. la Croix l. 3. p. 2. num. 1255. Kresslinger addit. post num. 41. ad tr. 9. disp. 6. theol. mor. R. P. Reiffenstuel.

CONFERENTIA

DÈCIMA:

De Restitutione debita ex injusta læsione proximi in bonis fortunæ per furtum, Rapinam &c.

SUMMARIUM.

- 162 Furtum consistit in contraventione rei alienæ, Domino rationabiliter invito;
- 163 Estque peccatum ex suo genere mortale.
- 164 Sæpius tamen fit veniale duntaxat.
- 165 Materia furti rectè distinguitur in absolutè, & respectivè gravem.
- 166 Quenam sit materia furti absolutè, gravis.
- 167 Et quenam materia respectivè duntaxat gravis.
- 168 In Casu necessitatis præcisè gravis aut communis nefas est furari.

- 169 Fas tamen est in casu extrema, necessitatis contrahere rem alienam;
- 170 Nisi Dominus illius supponatur in partem necessitate constitutus.
- 171 Quenam censeatur extrema, quenam gravis, & quenam communis necessitas.
- 172 Quanta obligatio restituendi furi incumbat.
- 173 Resolvitur Casus I. cujusdam Uxorata, quæ marito ignorante multa bona impendit suis prolibus ex prioribus matrimonio susceptis.
- 174 Si habuit bona propria seu paraphernalia, de his debuit earum necessitatibus succurrere.
- 175 Quæ, & quantum Uxor de bonis Mariti eo ignorante regulariter possit expendere salva conscientia.
- 176 Resolvitur Casus II. cujusdam Filii, quæ de bonis Parentum notabilem quantitatem sibi subtraxit.
- 177 Unde tenetur ad restitutionem.
- 178 Et 179 Solvuntur duæ instantiæ contra hoc.
- 180 Major tamen quantitas meriti requiritur ad furtum grave commissum ab uxore aut à filio, quam ad commissum ab aliis extraneis.
- 181 Idque à fortiori tenendum, quando liberi solum subtrahunt esculenta aut poculentæ.
- 182 Resolvitur Casus III. de quodam mendico, qui, cum ex communi cassa pauperum non recepisset necessariam sustentationem, cepit furari nedum profana, sed etiam ecclesiastica bona.
- 183 Non fuit huic facile credendum quod alia via, vel medio licito non potuisset procurare sibi necessaria.
- 184 Unde probabilissimè peccavit mortaliter, & sacrilegè.
- 185 Utrum ad restitutionem teneatur, qui in casu extrema necessitatis rem alienius usurpavit, vel consumpsit.
- 186 Non committitur furtum in his circumstantiis, in quibus Dominus nequit esse rationabiliter invitatus.
- 187 Nec peccat graviter contra 5. præceptum qui auferit rem levis momenti duntaxat;
- 188 Nisi prævideat aliud grave damnum Domino inde secuturum.

- 289 *An vel quando Sartores peccent, retinendo sibi fragmenta seu segmenta de panno, aut serico &c. residua.*
 290 *Quando furta minuta sunt successivè, aut diversis Dominis, majori quantitate opus est ad constituendum furtum mortale, quàm si fiant eidem Domino vel eodem tempore.*
 291 *Quomodo Confessarius practice debeat procedere cum penitente furtum Confesso.*

§. I.

Præmittuntur, & breviter resolvuntur quæsitæ scitu necessaria ad debitè resolvendos Casus practicos de restitutione debita ratione furti &c.

QUæres primò, quid sit furtum?
 262 *R.* Furtum est occulta acceptatio, seu contrectatio rei alienæ rationabiliter invito Domino. Ita communis DD. Dicitur autem 1. occulta; nam si fieret aperte, & cum violentia Domino scienti jam non amplius esset furtum, sed potius rapina, quæ specie morali differre censetur à furto. Dicitur secundò: Rei alienæ; nullus enim in rebus sibi propriis furtum committere potest, sicut nec sibi inferre injuriam: nomine verò rei hic intelliguntur res externæ, & bona fortunæ, eorumque usus ac possessio. Dicitur terciò rationabiliter invito Domino; nam si is prudenter credi possit non esse invitus sed consentiens potius in hujusmodi contrectationem, non committitur verum furtum; quia consentienti non fit injuria; sicut, & quando consentire debet Dominus, ita ut non possit esse rationabiliter invitus, prout fit in casu extremæ indigentiae, & necessitatis, veluti docent S. Th. 2. 2. q. 66. a. 7. & Scotus 4. diff. 15. q. 2.

QUæres 2. quale peccatum sit furtum?

263 *R.* Est peccatum ex suo genere, mortale, secundum omnes. Ratio est: quia nedum charitati, verumetiam (supposita saltem gravitate materiæ) iustitiæ graviter repugnat. Qua ratione Apostolus 1. Cor. 6. ait: *neque fures, neque rapaces regnum Dei possidebunt.*

Elbel Theol. P. IV.

264 *Dixi: ex genere suo* (id est ex suo objecto, præscindendo ab aliis circumstantiis, quæ novam superaddere possent malitiam) ut inuenerim, non omne furtum esse mortale; nam 1. si fiat ex necessitate tantum, subinde sin minus in toto, saltem in tanto excusari potest; quia, quod major urget necessitas, tantò minus Dominus potest esse rationabiliter invitus 2. sæpe sæpius etiam non ascendit ad gravitatem peccati mortalis ob parvitatem materiæ, utputa si quis modicum duntaxat auferat. Verum diffinire, quænam sit materia gravis furti, sufficiens ad mortaliter peccandum, oppidò difficile est, prout vel inde haud obscure colligere licet, quòd circa hujus determinationem hodieum vix non tot reperiantur sententiæ, quot capita, teste Reiffenstuel *theol. mor. tr. 9. diff. 5. num. 6.* Undè.

QUæres terciò, quænam igitur iudicanda sit materia gravis furti, & sufficiens ad constituendum peccatum mortale?

265 Ante responsionem notandum, quòd quemadmodum materia legis aut præcepti alia dicitur absolute, & alia respectivè tantum gravis; ita ad nostrum propositum, materia furti congruenter distinguì possit in absolute, & respectivè gravem: absolute gravis illa appellatur, quæ absque consideratione circumstantiarum, alienius personæ est sufficiens ad peccatum mortale furti respectu omnium: respectivè autem gravis censetur, quæ non secundum se, sed habita ratione conditionum personæ, loci, temporis, &c. gravis est, & ad mortale peccatum sufficiens, eò quòd Dominus propterea grave damnum patitur, uti cum Salmanticensibus rem explicat P. Babenstuber *tr. 7. disp. 5. a. 5. n. 10.* hoc notato.

266 *R.* Materia furti absolute gravis & respectu cujuscunque sufficiens ad peccatum mortale, est unus aureus seu ducatus 2. materia verò respectivè gravis illa est, quæ in unum diem sufficeret ad victum illius hominis, cui auferatur. Ita Babenstuber, *cit. a. 5. num. 11. & 12. Lessi. de just. l. 2. c. 12. dubit. 6. nu. 29. Layman l. 3. tr. 3. p. 1. c. 1. n. 3. Sporer tr. 5. cap. 5. num. 29. Bonacin. disp. 2. de restit. q. 8. pu. 1. nu. 7. Lugo tom. 1. disp. 16. scd. 2. nu. 28. Marchantius*
 Pp 3 *tribun.*

tribun. par. 2. tr. 8. tit. 1. qu. 5. Ratio primi est: quia in communi hominum persuasione unus aureus (aut certe, uti P. Sporer & alii non pauci existimant, duo) censetur non esse quid modicum: quia ratione experimur dominos quantumvis divites, esse graviter invitos, si eis unus aureus aut certe duo auferantur; atque communis hominum persuasio in his moralibus multum habet ponderis: ergo merito reputatur absolutè grave. Et certe, si homines scirent, se unum aut duos aureos auferendo non peccare graviter, impellente avaritia vel cupiditate alienorum bonorum, utpote quorum aliunde sunt cupidi, sæpius, quam par est, huiusmodi furta, committere, non sine iugenti perturbatione pacis, & tranquillitatis publicæ: ergo quemadmodum ob huiusmodi periculum habituale Doctores communiter arguunt, procuracionem pollutionis, abortus, & similia peccata esse graviter mala, ita pariter judicari debet de ablatione unius, aut certe duorum aureorum seu ducatorum, esse scilicet materiam gravem.

267 Ratio autem secundi est: quia illa quantitas pecuniæ judicari debet notabilis ob cuius injustam ablationem dominus merited censetur graviter invitus: atque ob injustam ablationem quantitatis, quæ sibi ad honestum, & juxta conditionem sui, status competentem victum unius diei sufficeret sufficiens, quilibet merito censetur, graviter invitus; ergo ejusmodi quantitas merito censetur notabilis, & sufficiens ad constituendum peccatum mortale. Ex quo Layman lib. 3. tr. 3. par. 1. cap. primo nu. 3. Sporer, Mezger, & alii plures inferunt, eum mortaliter peccare, qui a mercatore valde opulento furatur duos aut tres florenos; à cive verò mediocriter divite unum florenum; ab opifice tres vel quatuor pazios; ab operario ex diurno, labore victitante unum vel alterum pazium; denique à mendico pauculos nummos, quibus uno die utcumque sibi victum parasset.

Quæres quartò. Utrum in casu necessitatis licitum sit auferre, seu contrectare rem alienam?

268 R. In casu qualiscunque necessitatis esto etiam sit gravis, id neutiquam est,

permisum; secundo bene verò in casu extremæ necessitatis, nisi Dominus ipse in pari necessitate sit constitutus. Ita *hodie DD. communissimè*. Ratio prioris desumitur ex decreto Innocentii XI. 2. Martii 1679. emanato, in quo præter alias etiam sequentem numer. 36. propositionem damnavit! *permisum est furari nedum in extrema necessitate, sed etiam in gravi*. Et ratio est: quia si in gravi necessitate id foret permisum, nulla ampliùs esset securitas aut tranquillitas speranda in Republica; cum enim passim inveniantur, qui nedum communem, sed etiam gravem necessitatem (comparativè ad suum statum) patiantur. procul dubio passim committerentur innumera furta, idve eò ampliùs, quò facilius quisque sibi persuaderet, se in satis gravi necessitate constitutum ideoque tuto conscientia alienum auferre posse.

269 Ratio autem posterioris hæc est: quia in extrema necessitate omnia sunt communia, saltem in eo sensu, quatenus sunt necessaria ad sublevandam, & evadendam huiusmodi necessitatem. Unde c. *Ex illi §. Nec quidquam de Verb. signif. in 6. dicitur: nec jure pot in extremæ necessitatis articulo ad providendum sustentationi nature, &ia omnibus extremæ necessitate deventis concessa præcluditur, cum ab omni lege extrema necessitas sit exempta*.

270 Dictum tamen fuit: *nisi Dominus ipse in pari necessitate sit constitutus*. Rationem hujus limitationis subministrat Scotus 4. dist. 15. q. 2. §. ad aliud: tam quia res illa jam priùs erat sui domini, ideoque propter possessionem actualem eidem debet relinqui; tum etiam quia propter extremam necessitatem, in qua supponitur constitutus, & de novo quasi acquisivit illius rei dominium; ergo merito esset invitus, si ab alio sibi præripere. Videatur Scot. loc. cit. Mastrius theol. moral. disp. 9. num. 21. Reiffenstuel cit. dist. 5. à nu. 10. La Croix l. 3. p. 1. n. 9. §. 1.

Dices: quænam igitur reputatur necessitas extrema, & quænam gravis, vel etiam communis tantum?

271 R. Cum Lugone, Sporer, & aliis, illam

illam dici extremam necessitatem, qua homo periclitatur in natura, & esse simpliciter, seu, quæ versatur circa ea, quæ natura æquali jure voluit omnibus esse communia, uti est vita, fama, libertas; unde si tibi imminet periculum mortis, aut gravissimi morbi, aut si sis incurfurus aliud gravissimum, & morti æquivalens malum v. g. perpetuam captivitatem, infamiam publicam, vel penam triremium, meritò reputaberis versari in extrema necessitate: neque verò opus est, ut hujusmodi mala jam actu sentias, sed sufficit quodd tibi proximè, & quidem moraliter certò immincant in ordine ad hoc, ut licetè rem alienam contrectes vel usurpes: quia tunc necessitas extrema jam censetur moraliter præiens: & certè si deberes expectare usque ad extremum quasi halitum vitæ, ubi moraliter certò moriturus esses, frustra permetteris jam usurpare rem alienam; veluti sapienter notant S. Thomas, Dicastillo, Cardenas, & alii plures apud La Croix l. 2. num. 195. quem vide. Porro gravis necessitas appellatur, qua homo solum periclitatur in statu, & esse meliori; utputa si homo ingenuus, & nobilis deberet amittere statum suum, laborare, servire, & mendicare &c. nisi oportuno subsidio adjavetur. Denique communis necessitas illa communiter dicitur quam pauperes triviales passim sentiunt. Laym. l. 3. tr. 2. cap. 6.

Quæres quintò, quanta obligatio restituendi furi incumbat?

272 R. Eadem, quæ possessori malæ fidei, scilicet quantitas damni illati, secundum omnes. Ratio patet: quia fur revera est, & reputatur possessor iniquus. Unde, quemadmodum suprà Confer. 3. n. 67. & 68. diximus, iniquum possessorem teneri eodem ad restituendam rem ipsam mala fide possessam, aut damno datam, sed insuper ad resarciendum omne damnum emergens, & lucrum cessans, ita prorsus per omnia de iniquo fure est discurrendum ob identitatem rationis.

§. II.

Proponuntur, & breviter resolvuntur
Casus practici de obligatione restituendi ex furto.

CASUS PRIMUS.

Titia conqueritur, se sortitam fuisse virum valde austum atque tenacem, qui prolibus à se (Titia scilicet) ex prioris matrimonio jam suscepit, præter alimenta necessaria vix aliud quidpiam, quò honestè tegantur vult admittere: quàm ob rem facit 1. se non raro clam suo marito subtraxisse pecunias, easdemque præfatis prolibus suis honestè vestiendis impendisse item 2. dissimulasse nonnunquam rem, quando advertit, quòd filius aliquid clam subtrahat suo Vitrico 3. insuper de bonis ac mediis sui mariti non raro aliquid clanculariò dedisse propriæ suæ Matri, utpote valde misere ac pauperi, tametsi bene sciat, quòd maritus hec omnia ægerime portasset, & omnino contradixisset; dubitat proin, an peccaverit similia prædicando, & an tuta conscientia eadem prolius prædicare possit?

273 R. Cum distinctione. Vel enim Titia habet aliunde de bonis scilicet propriis seu etiam paraphernalibus, unde tum prolium tum etiam matris suæ necessitati possit succurrere, vel non? Si habeat tenetur de bonis propriis illis succurrere & oppositum faciendo peccaret; quia tunc maritus esset rationabiliter invitatus: contra si de bonis propriis nihil habeat, non peccabit subtrahendo marito, modò non excedat, subtrahendo plus, quàm sit necessarium ad sublevandam eorum inopiam, simulque habeat intentionem, soluto matrimonio ea pro possibili compensandi hæredibus mariti sui. Ratio est: quia qua mater jure naturali pietatis pro possibili tenetur administrare ea, quæ sunt necessaria prolibus suis, ex quocunque demum matrimonio susceptis: qua filia verò tenetur itidem, succurrere propriæ Matri indigenti: ergo si aliunde non habeat, profecto maritus nequit esse rationabiliter invitatus,

Pp 4 si de

si de bonis ipsius, quippe quorum & ipsa quodammodo participes est, & jus habet aliquid subtrahat, & administret prolibus ac Matri propriæ. Videatur de hoc Gobat *Quin. tr. 5. cap. 24. num. 51. la Croix lib. 3. part. 1. num. 1025. Kresslinger addit. poss. n. 34. ad tr. 9. dist. 5. theol. mor. R. P. Reiffenstuel.*

274 Illud tamen hic observandum venit, quodd si filix aut filii ex prioriconjugio suscepti sibiimet sint sufficientes ad lucranda sibi necessaria, tunc Titia malè ageret, subtrahendo marito pecunias, easdemque prolibus applicando, immò, & dissimulando subtractionem à prolibus factam aut faciendam; quandoquidem, & ipsa teneatur ad conservanda bona sui mariti, & ad impediendas iniquas subtractiones. Item 2. malè ageret, si prolibus suis, quantumvis indigentibus nimidum applicaret, ultra id, scilicet, quod habent necessarium; quocirca vel maximè cavendum est, ne cæcus amor suggerat esse necessitatem, ubi revera nulla est, sicque mentiar iniquitas sibi, uti sapienter monet Kresslinger *loc. cit.* Profectò nec opus est, ut deficientibus mediis propriis, proles ex priori matrimonio susceptæ tam splendide, & politè vestiantur, sicut liberi ex posteriori connubio geniti, quibus Parens licetur necessaria. Ratio hujus facile patebit: quia si fecus fiat, maritus erit rationabiliter invitus: atqui Domino rationabiliter invito nihil licet subtrahare: ergo &c.

Dices. Ergonè Uxori habenti bona, propria seu paraphernalia nihil omnino licet subtrahere, aut expendere de bonis mariti?

275 R. Licet utique secundùm communissimam DD. videndam apud Dianam *part. quinta resol. 34. Layman. lib. secundo de charit. cap. sexto Tambur. lib. 1. c. 3. §. 4. & alios passim*: licet inquam, sed cum certa limitatione, tantum scilicet, quantum maritus ipse in uxoris, liberorum totiusque familiæ necessitates, atque adeò etiam in victum, vestitum, medicinas &c. secundùm æquitatem deberet expendere: item 2. quantum deberet facere in elemosynas, aliavè donationes liberales, maximè remuneratorias secundùm

consuetudinem patriæ, loci, personarum &c. Item 3. quantum debent facere ad avertenda damna sibi, suisve imminentiæ, utputa morbi, mortis carceris, &c. Ratio est: quia uxor hoc modo utiliter, gerit negotium mariti, ita, ut is rationabiliter non possit esse invitus. Et ob hanc causam posset fortassis etiam aliquid impendere prolibus ex priori matrimonio susceptis, si sint verè pauperes, & egenes, dummodo considerata conditione status, niediorum, & personarum, non excedat limites, ut jam monuimus *nu. precedenti.* Vide de hoc P. Sporer. *tr. 5. cap. 5. n. 55.* ubi circa hanc materiam de uxore quadam, bona sui mariti sibi arrogante, casum valde praticum invenies resolutum.

CASUS SECUNDUS.

Sempronia Parentum satis opulentorum filia advexit, ab hisdem parentibus suis suo fratri, tum pro addiscendo certo artificio, tum etiam pro vestibus &c. satis multa liberaliter impendit annuatim; capropter, & sibi prospiciendum rata (quippe quæ non esset deterioris conditionis, quàm frater, cò præsertim quòd ipsa totam quasi domum gubernaret) suis parentibus liberaliori manu subtraxit circiter ducentos florenos, de quibus 100. circiter tum sibi, tum suis etiam amicis, & præsertim suo amaso impendit, alios 100. per modum capitalis alteri cuidam dedit, ut inde censum annuum perciperet. *Quæritur jam, an vel quomodo Sempronia peccaverit: secundò an teneatur parentibus suis restituere quæ subtraxit, præsertim censum annuum?*

276 R. ad primum Sempronia auferendo 200. florenos per se loquendo peccavit mortaliter. Ratio est: quia quisquis rem alienam contrectat rationabiliter invito Domino, peccat peccato furti, & quidem graviter, si auferat materiam notabilem: at, 200. floreni procul dubio sunt materia notabilis, etiam respectu parentum satis opulentorum; nec dubium, quin Parentes id rescientes, ægerrimè ferrent: ergò dicendum, quòd graviter deliquerit. Unde.

277 R. ad secundum. Sempronia tenetur ad

ad restitutionem 100. florenorum, quos ad censum dedit: & licet fortassis censum ipsum hæcenus perceptum restituere non teneatur, quippe qui non tam fructus pecuniæ, utpote rei de se sterilis, sed potius suæ industriæ est, nihilominus tenebitur de illo satisfacere pro aliis 100. florenis iniquè subtractis, vel pro lucro cessante, si quod passi sunt parentes. Ratio patet ex dictis; quia possessor malæ fidei tenetur restituere alienum, & omne damnum emergens vel lucrum cessans ex suo delicto, compensare.

278 Nec refert, quòd Parentes Semproniz fratri annuatim multum impendant; nam quod ille percipit extra, hoc Semproniz percipit in domo paterna, utique pariter ex bonis paternis. Deinde cum Pater sit dominus suorum honorum, potest (præsertim ob rationabilem causam) uni ex suis liberis plus impendere, quam alteri, modò singulis salvam relinquat suam legitimum: ergo propterea, quòd Parens sciens ac volens multum impendat filio, Semproniz non licet subtrahere de bonis parentum, præsertim in tanta quantitate. Unde Proverb. 28. dicitur: *qui subtrahit aliquid à patre suo, & à matre, & dicit, hoc non est peccatum particeps homicidæ est.*

Dices. Supponitur tamen in casu, Semproniam totam quasi domum gubernare, adeòque sua industria ac labore, multum lucrari; ubi è contra filius nihil lucratur, sed potius consumit lucrum, & bona parentum: ergo Semproniz permitendum est, ut intuitu industriæ, laborumque suorum aliquid subtrahat: nec videatur, cur parens propterea possit rationabiliter esse invitatus.

279 R. Esto Lessius, Diana, Burghaber, alique multi DD. probabile censent quòd filius aut filia in domo paterna laborans, hujus intuitu possit sibi aliquid subtrahere, si parens id neget, vel pudeat petere; opposita tamen sententia Sylvestri, Molinæ tom. 2. disp. 234. Sanchezii Conf. l. 1. c. 2. dub. 8. & 9. Laymanni l. 3. tr. 4. c. 8. n. 5. la Croix l. 3. p. 1. n. 1024. est multò probabilior, ac tutior, iurisque conformior, uti bene ostendit Sanchez & Layman. ll. cc. Ex quo

liquet, non esse certum, quòd filio aut filiz aliquid debeatur intuitu laborum parentibus exhibitorum in domo paterna: atqui, ubi jus non est certum, ibi non licet uri tacita compensatione: ergo adhuc possunt parentes rationabiliter esse inviti, præsertim si subtractio fiat in tanta copia.

280 Illud tamen silentio hic prætereundum non est, quod communissimè notant DD. scilicet ad furtum grave filiorum, & ad obligationem gravem restituendi, multò majorem requiri quantitatem materiæ, quam si illud fuisset commissum ab extraneis; & meritò: quia Parentes non censentur esse tam faciliter aut tam graviter inviti respectu filiorum aut filiarum, quam respectu extraneorum; putantque Lessius, Navarrus, Fillucius & alii plures, filium non esse condemnandum peccati mortalis, si duos vel tres aureos auferat à Patre divite, secus, si à mechanico exiguz fortunæ; alii adhuc plus concedunt; meo tamen judicio una certa regula aut mensura universalis statui non potest, sed Confessarii discretioni atque arbitrio relinquendum est, qui, ut gravitatem peccati cognoscat, attendere debet non ad solam materiam, sed vel maximè etiam ad circumstantias personarum, utputa ad statum & facultates parentum, an sint liberales vel tenaces, an prolibus suis multum vel parum concedere assueverint pro victu, vestitu &c. an habeant prout vel multas proles, an filius aut filia sint multum vel parum utiles, an pecuniam subtractam benè vel malè, utputa ad lulum, ad mulieres vel amafias nutriendas &c. &c. impendant &c. Unde P. Sporer sapienter monet, cavendum semper esse, ne temerè peccati mortalis scrupulus cuiquam iniiciatur, neque etiam antea præbeat ad furandum nimium. Vide Sporer tractat. quinto cap. quinto numer. 37. Reiffenstuel diff. quinta num. 37.

Dices adhuc. At quid, si Semproniz nostra solum subtraxisset esculenta, & poculenta suis parentibus?

281 R. Quantum ad esculenta, & poculenta à filiis subtracta esse attendendum à Confessario 1. quantitatem, quæ
si non

si non sit nimia, plerumque subtrahitur sine gravi peccato. 2. item an parentes sint, vel saltem rationabiliter credi debeant inviti quoad substantiam, vel verò quoad modum duntaxat, quod scilicet talis subtractio modo occulto, & ipsis ignorantibus fiat (quod quidem tunc vel maxime præsumi posse videtur, si hujusmodi esculenta non aliis, sed sibiimet applicant, vel si dent pauperibus & egentibus, quibus parentes, utpote valde misericordes & habentes, bene affecti sunt) tunc enim tam facile non peccabunt graviter, licet venialiter peccare possint; at verò quando parentes sunt inviti quoad substantiam, & putata quia ipsimet non abundant bonis & sunt egentes, vel quia filii familias hujusmodi bona male dilapidant &c. minime dubitandum, quin successivè domui paternæ grave damnum inferre, idèque & graviter delinquere possint: & quod de filiis familias hic dicimus, idem suo modo tenendum est de Religiosis respectu monasterii, & à fortiori de servis respectu dominorum; nam si talis v.g. ex cellaria quotidie unam vel alteram mensuram vini furtim, præsertim ubi vinum in pretio est, quis neget, unius mensis vel anni spatio grave damnum illaturum, & mortaliter peccaturum, ait rectè Sporer *est. n. 38.*

CASUS TERTIUS.

CAjus pauperculus hactenus assueverat circumueundo & cursitando more aliorum mendicabulorum quæritare eleemosynam, sed quia vi novissime constitutionis municipalis hujusmodi quæritus fuit universaliter interdictus, ex communi autem cassa pauperum, quibus & ipse annumeratus fuit hebdomadatim non recepit tantum, quantum sibi sufficeret ad sustentationem vitæ; hinc alia via sibi prospiciendum variis, cepit furari, ubi demum commodam occasionem sibi videbatur natâ: aliquoties etiam in Ecclesiis infregit cippos & gazophilacia, & de altariibus aliisvè imaginibus sacris elepsit anaschemata aurea, atque argentea, de quibus se sustentare studuit. Dubitatur jam, an vel quomodo Cajus deliquerit?

282 R. Si dicta Cajus veritate nitarur, quod scilicet de communi cassa pauperum non perceperit tantum, quantum opus erat ad vitam quomodocunque demum sustentandam, neque aliunde hanc sustentationem vel labore manuum suarum, vel etiam privata seu occulta mendicatione sibi procurare potuit, dicendum foret, quod per hujusmodi furta non peccaverit, modò non excefferit in quantitate. Ratio peti debet ex dictis *num. 268.* quia in extrema necessitate licitum est furari, vel potius contrectare rem alienam; siquidem talis contrectatio non ampliùs dici debet furtum, eo quod Dominus nequeat in his circumstantiis rationabiliter esse invitatus, cùm omnia bona temporalia à Deo sint ordinata ad hominis conservationem, juxta illud S. Augustini: *exteriora fecit Deus propter corpus, corpus propter animam, animam verò propter seipsum*: ereo Cajus ex hac suppositione non peccasset.

283 Dixi tamen notanter: *si dicta Cajus veritate nitatur*; enim verò non videtur verosimile, quod in hisce partibus nostris, ubi erga miseros & egentes charitas singulariter abundat, tantam fuerit passus inopiam, ut revera ad extremam pauperiem & necessitatem sit redactus; quia, sin mind labore manuum, certò tamen certius occulta quæritatione eleemosynæ; & sollicitatione benefactorum (quæ in tali casu necessitatis extremæ nunquam censi debet prohibita) sibi procurare potuisset victum & sustentationem necessariam. Profecto inaudium (ni fallor) est, quempiam in hac civitate Salisburienſi ad extremam necessitatem redactum, non invenisse Patronum, qui misericorditer succurrendo hanc necessitatem non sublevasset. Unde, tametsi Cajus noster fortassis nedum communem, ut alii pauperes, sed & gravem necessitatem fuerit passus, quia tamen in gravi duntaxat necessitate non est licitum furari, secundum dicta *num. 268.* idè nec facile est credendum à Confessario, aut supponendum, hujusmodi furta sine gravi peccato sacrilego fuisse commissa à Cajo.

Dices. Juxta Laymannum, Sporer, la Croix

Croix & alios DD. non est facile condemnandus peccati mortalis, qui à divite (præsertim antea rogato) clam auferit, quantum ad gravem necessitatem suam sublevandam verè necessarium est; necessitas enim multum minuit de malitia furti, & excusat, sin minus in toto, saltem in tanto: ergo nec Cajum condemnare debemus alicujus gravis peccati.

284 R. Id omnino verum esse, quod tradunt DD. allegati: neque ego de facili condemnarem peccati mortalis Cajum nostrum, nisi limites hujus doctrinæ fuisset transgressus. Cum enim fateatur se passim hinc inde elepsisse nedum de profanis, verum etiam de sacris, hinc procul dubio limites necessitatis sublevandæ transgressus fuit, proptereaque à Confessario sin minus condemnandus ad restitutionem propter inopiam & moralem impotentiam, certò tamen seridò omnino dehortandus est, & monendus, quatenus alia via velit quæritare victum necessarium; scilicet vel labore manuum, vel saltem privata & occulta imploratione benefactorum, de quibus procul dubio providet clementissimus Deus, si Cajus in eundem curam suam jactaverit, & fideliter serviverit.

Dices adhuc: at demus, Cajum, vel alium quempiam in extrema necessitate constitutum; usurpassè rem alienam, eritne postea condemnandus ad restitutionem si redierit ad meliorem fortunam?

285 R. breviter cum distinctione. Nam I. si rem illam in casu necessitatis solum usurpavit, & non consumpsit, edquod illius (v. g. equi) usu diutaxat opus habuerit, tenebitur cessante necessitatis casu restituere rem alienam v. g. equum, juxta omnes. Ratio est: quia extrema necessitas non tribuit plus juris in rem alienam, quam sit necessarium ad evadendam illam necessitatem: ergo si non ipsa re, sed usu tantum rei alienæ hanc evasit, tenebitur postea restituere rem alienam. At verò II. si durante & instante necessitate rem alienam omnino consumpsit, multi DD. negant, eum postea teneri ad restitutionem, eò quod illam velut suam consumpsisset, pa-

trocinante sibi casu necessitatis, in quo communiter omnia bona dicuntur communia: alii è contra absolute affirmant, talem postea teneri ad restitutionem; eò quod necessitas satis sublevetur, quando indigens sibi necessaria accipit cum onere postea resarciendi, dum poterit: & hæc posterior sententia speculative loquendo videtur probabilior: quia tamen in praxi valde dura, immò (teste Lugo *disp. 16. sect. 7. nu. 171*) communi censul nedum indoctorum, sed & Doctorum repugnat quippe qui nunquam existimant se obligatos ad refusionem faciendam post casum necessitatis; hinc cenfeo, in praxi à Confessario prudenter dissimulari posse hoc, onus restitutionis poenitenti injungendum tunc præsertim, quando consumens fuit & re & spe pauper. Ratio bona satis est: quia (præscindendo à speciali pacto) juxta probabilem sententiam non tenebatur in se suscipere onus recompensandi postea; vel certè idè etiam, quia Dominus non censetur voluisse obligare tales ad compensationem, qui re, & spe sunt pauperes; quandoquidem de tali spe pauci curent, & hoc ipso exigui sit momenti. Secus tamen dicendum, & resolvendum puto, quando is quis consumpsit, rem alienam non fuit re, & spe pauper, utputa quia alibi habuit, unde posset solvere. Ratio est: quia talis non censetur esse simpliciter in necessitate constitutus accipiendi rem alienam, sed potius emendi vel mutuo accipiendi; qui enim emere potest, vel mutuum accipere, non indiget simpliciter alienis. Et certè illi nemo facile de suis veller gratis subministrare necessaria, si quis habeat alibi, unde solvat. Videatur Lugo *cit. num. 170. & 171. Sporer tract. 5. capit. 5. n. 98. & seqq.*

§. III.

Corollaria ex diâis inferenda.

286 **C**olliges primò, furtum non committi, quotiescunque alienum auferitur in his circumstantiis, in quibus Dominus nequit rationabiliter esse invitus. Unde

Unde sequitur 1. non committere furtum, qui ab amico aliquid aufert joci causa duntaxat, ut non raro fieri amat inter tales. 2. neque illum, qui aliquid aufert in bonum & commodum illius, cui aufert; ut si Uxor Marito (casu non raro contingente) aliquid auferat v. g. pecunias, ne illas dissipet ludendo, debachando &c. vel si easdem rursus impendat in bonum commune, seu necessitates familiæ &c. 3. Nec committit furtum, qui proximo suo aufert rem verè nocivam ac damnosam v. g. librum hæreticum aut lascivum, quo seduceretur, vel gladium, quo alium trucidaret &c. 4. item si famulus aut famula ex nummis domini det moderatam elemosynam valde indigenti, cui dominus ipsemet deberet succurrere in his circumstantiis. Ratio horum est: quia dominus ob has & similes subtractiones sibi clam factas nequit rationabiliter esse invitus; at, ubi Dominus nequit esse invitus, ibi non committitur verum furtum juxta jam dicta. Lessius de just. l. 2. c. 12. dubit. 1. numer. 4. Salmanticenses tom. 3. tr. 13. c. 3. p. 1. numer. 3. quos refert & sequitur Babenstuber tr. 7. disp. 5. a. 5. numer. tertio.

287 Colliges secundò, non peccare graviter contra justitiam, qui alteri aufert rem levem seu modicam, tametsi prævideat eum propterea non leviter offensum iri, dummodo aliud damnum inde non sequatur. Ratio est hæc: quia ob rei levis ablationem Dominus non est rationabiliter invitus tam graviter: unde nièrè per accidens evenit, quòd prævideatur tam ægrè & graviter laturus rei modicæ ablationem, utl præter alios bene advemit Layman l. 3. tr. 3. p. 1. c. 1. numer. 3.

288 Dixi tamen: dummodo aliud damnum inde non sequatur; gnim verò si tale prævideatur secuturum, sine dubio committitur peccatum mortale; omnis quippe, voluntariè inferens proximo grave damnum, graviter lædit justitiam. Unde fit, quòd qui Sartori acum, sutori sabulam; pictori penicillum vel cuius artificis instrumentum necessarium aufert, prævidens eos defectu hujuscemo-

di instrumenti nil lucraturus, & notabile damnum vel lucrum cessans passuros &c. graviter omnino delinquit, non quidem peccato furti; quippe quod de se supponitur leve duntaxat, sed ratione damni inde iniuste illati. Communis DD. apud Laym. Babenstuber, Mezger, Bonacinam, Lessium &c.

Dices. At quid tenendum est de Sartoribus, retinentibus sibi fragmenta, vel potiùs segmenta, etiam holoserica &c. de vestibus noviter confectis?

289 R. si hujusmodi segmenta sint adeò exigui momenti, ut meritò credi possint haberi pro derelictis à Domino, non peccant. Quia immò, tametsi majoris supponatur valoris, nihilominus à Sartoribus retineri posse, arbitrantur Sanchez l. 1. confli. c. 7. dub. 2. n. 4. Lugo disp. 16. sect. 4. n. 84. alique multi: idque hac ratione: quia Sartores etiam timoratæ conscientiæ testantur, à Dominis minùs sibi mercedis solvi, quàm mererentur; unde per hujusmodi retentionem fragmentorum censentur justè compensare id, quod adhuc esset solvendum. Meritò tamen monet Lugo cit. hanc compensationem, utpote valdè periculosam, non esse nimium extendendam. Nec dubitandum, quin graviter peccent, cum onere restitutionis, si scienter plus materiæ exigant, quàm ad vestem vel opus perficiendum sit necessarium, aut si contra rationabilem Domini voluntatem sibi reservent notabilem partem de auro, argento &c. de quo proin à Confessario indagandum, & singulariter attendendum est, ad dignoscendam peccati gravitatem, & onus restituendi inde contractum.

290 Colliges tertio, ad constituendum furtum mortale longè majori quantitate opus esse, quando furtum sunt incessivè in quantitate modica, sive dein ab eodem sive à diversis quàm si multum unica ablatione auferretur: putantque Doctores, requiri ad minimum plus dimidio. Ratio est: quia cùm Domini hujusmodi furta successiva & quasi insensibiliter facta non ita sentiant, hoc ipso non censentur tam graviter inviti, quàm si magnum quid unica ablatione fuisset ablatum. Ob eandem rationem major quan-

quantitas requiritur ad complendum peccatum mortale, dum quis etiam eodem tempore modica surripit a diversis Dominis; quam si eidem surripuisset. Ratio clara est: quia tunc omnes & singuli non patiuntur tam grave damnum; & hoc ipso sunt minus iniuri. Quam ob causam Molina tom. 3. de iust. disp. 689. existimat; in huiusmodi furtis factis à diversis Dominis duplo maiorem quantitatem requiri, quam si fuissent facta ab eodem, qui procul dubio gravius illa sentiret. Vid. Lessius lib. 2. c. 12. de bit. 7. num. 45. Layman ubi supra num. 6. Babenstuber l. cit. art. 6. num. 26.

291 Colliges denique quartò ex hactenus dictis, quo modo practicè in confessionali procedendum sit cum poenitente se se accusante de furtis seu infidelitatibus (uti vocare solent) respectu Parentum, vel Dominorum commissis; etenim si poenitens se ipsum non satis explicet, nec numerum vel quantitatem exprimat, oportebit attendere 1. quis commiserit furtum illa? an scilicet sit Uxor, filius, servus, vel omnino extraneus? & an necessitate compulsus vel non? 2. quid? an scilicet quantitatem absolute, vel saltem respectuè gravem, vel verò levi duntaxat? pro cuius discretionè 3. attendendum erit, à quo? an scilicet à divite vel à paupere? ab uno aut pluribus? & 4. quomodo? an simul, vel successivè. & si successivè, an haberit statim ab initio animum perveniendi ad magnam quantitatem, & Dominum graviter damnificandi, vel non? quia supposita tali intentione in singulis furtis potuisset peccare mortaliter. 5. denique specialiter est attendendum à Confessario, qua fide & conscientia commiserit illa furtum, & an, vel quomodo apprehenderit se peccare: quia ex his potest ac debet colligi gravitas peccati, nec non obligatio restituendi vel non? Nam si extraneus v. g. homini de se pauperi aliquid auferat, unde is damnificetur &c. iam crescit malitia & gravitas furti ex his circumstantiis: sicut è contrario decrescit, si v. g. filius familiaris suo Parenti valde diviti aliquid auferat successivè per furtum minuta &c. Et sicet similia poenitentibus insinuare non

expediat, ne fortè ad huiusmodi furtum reddantur promiores, nihilominus tamen certum esse debet, quod multum deserviant Confessario in ordine addignoscendam gravitatem vel levitatem peccati, nec non ad decernendum, an, nel quando expediat injungere obligationem restituendi vel non, veluti sapienter advertit P. Kresslinger in addit. post num. 40. ad tract. 9. diff. 3. theol. moral. R. P. Reinfestuel.

CONFERENTIA

UNDECIMA.

De Circumstantiis restitutionis.

SUMMARIUM.

- 292 Per se loquendo restituendum est id, quod in individuo debetur.
- 293 Debita certa, simpliciter incerta, & incerta secundum quid, quæ dicantur.
- 294 Debita certa regulariter loquendo restituenda sunt Domino, vel iusto possessori.
- 295 Subinde tamen datur iusta causa ab hoc excusans.
- 296 Debita simpliciter incerta in pauperis, vel alias pias causas sunt expendenda.
- 297 Contra incerta secundum quid duntaxat præstanda sunt iis, quibus probabiliter debentur.
- 298 Quo loco res, sive ex delicto formali, sive materiali, sive etiam ex contractu, debita, restituenda sit.
- 299 Et cuius periculo, aut expensis id fieri debeat.
- 300 Quo modo debita sint compensanda & extinguenda.
- 301 Et quando facienda sit restitutio.
- 302 Resolvitur Casus I. de quodam Iuvene, qui puellam imprægnavit, & postea sparsit, eam ab alio fuisse imprægnatam.

- 303 Unde tenetur etiamnum compensare injurias, & damnatum puella, tum etiam alteri injuste diffamato secuta.
- 304 Idque à fortiori dicendum, si supponatur puella jam gravida suasse, ut alterum nominaret Patrem eorum Judicis;
- 305 Quo supposito in defectum hujus juvenis ipsa puella tanquam Mater teneretur necdum suae proli providere de alimentis necessariis, sed etiam alteri delato resarcire damna illata.
- 306 Nec amplius tuta conscientia ab coposset pretendere vel acceptare alimentis proli.
- 307 Resolvitur Casus II. cujusdam ancillae, quae evertendo cauponam invenerat tres ducatos.
- 308 De his nihil tenetur dare hiro suo, etsi in illius domo eos invenit.
- 309 Solvitur quaedam infantia de inventore thesauri.
- 310 Qui rem inventam, post factam congruam inquisitionem Domini consumpsit bona fide, postea fortè compareat nihil amplius tenetur restituere, nisi inde evasisset ditior.
- 311 Resolvitur Casus III. de iniquo possessore, qui de consilio Confessarii iociflorenos per tertium quendam restituit sed sine effectu, ob illius tertii infidelitatem.
- 312 Unde etiamnum tenetur eos resarcire.
- 313 Etsi nonnulli DD. oppositum probabile teneant.
- 314 Consultius proin faciet, si per se ipsum ea quae prius subtraxerat, etiam successivè sub schemmate donationis restituat.
- 315 Et quid, si praevideat, fore ut sibi vicissim ab illo domino aliquid donetur.
- 316 Possessor mala fidei in restitutione rei alienae non tenetur facere expensas nimias, seu excessivas.
- 317 Ad impetrandam absolutionem ex parte poenitentis non praecurritur necessariò restitutio realis, bene tamen mentalis, id est, propositum efficax restituendi &c.
- 318 Et quid de poenitente, qui perpetuè erit impotens ad restituendum?
- 319 Qui saepius iussus restituere, nunquam

satisfecit, tamen potuisset, non est absolvendus;

- 320 Nisi hic & nunc specialia signa ostenderet, sese emendandi, & satisfaciendi parvi laesa.
- 321 Nec satisfacit suae conscientiae ille, qui cum posset statim totum restituere, non vult restituere, nisi successivè & per partes;
- 322 Sicut nec ille, qui restitutionem vult differre usque ad, vel omnino post mortem.
- 323 Caute specialis circa hujusmodi poenitentes usurpanda insinuat.

S. I.

Praemittuntur & breviter resolvuntur quae scitu necessaria ad debitè resolvendos Casus practicos de Circumstantiis restitutionis.

Quaes primò, quid, & quantum sit restituendum?

292 R. ad primum breviter: per se, loquendo restituendum est id, quod in individuo alteri debetur: nec sufficit tantum restituere aliud æquivalens, v. grat. pecuniam loco equi, &c. veluti jam constare debet ex hæcenus dictis. Ratio est quia finis restitutionis est æqualitas inter jus activum unius, & inter debitum alterius: at, hæc æqualitas nunquam obtinebitur perfectè, nisi res in individuo, quippe ad quam Dominus supponitur habere jus, restituatur: ergo &c. Nihilominus casu quo res ipsa non amplius existit, aut certè ob moralem impossibilitatem restitui non potest, satis erit, restituere aliud æquivalens: cum enim aliter jus Domini recuperari non valeat, nequit is esse rationabiliter invitatus, sed potius contentus esse debet, quandoquidem melius ipsi sit, recipere aliud æquivalens, quam omnino nihil. Ad alteram quaesiti partem responsio jam superius C. 2. n. 28. data fuit: quo proin remitterimus lectorem.

Quaerens secundo, cuinam restituendum sit.

293 Ante resolutionem hujus quaesiti necessariò praemittenda, & bene notanda

da est differentia inter debita, sive ex delicto, sive etiam ex contractu. Etenim alia dicuntur *certa*, alia *incerta simpliciter*, & alia denique *incerta secundum quid*. Certa appellantur illa, quorum Dominus scitur ita, ut ei, restitui possint: incerta simpliciter dicuntur illa, quorum Dominus omnino ignoratur, vel etsi forte sciatur, rationabiliter tamen creditur fore, ut ei nunquam possit restitui id, quod debetur: incerta verò secundum quid nuncupantur, quando Dominus in consuetudine agnoscitur, ut si scias, rem à te possessam esse unius ex duobus, vel aliquorum ex communitate aliqua, nescias autem cuius vel quorum in individuo, & determinatè illa sit h. n.

294 R. ad quæsitum primò. Debita certa ordinariè, & per se loquendo, restituenta sunt Domino immediatè, vel justo possessori, cui res ablata, aut debita est. Ita omnes. Ratio est, quia secundum mox dicta restitutio est tendit, ut fiat æqualitas inter personas: at, nisi Domino suo, justòve possessori, utpote qui supponitur pati inæqualitatem, reddatur, hæc æqualitas nunquam recuperabitur: ergo. Ex quo clarè sequitur, eum qui aliquid abstulit non ipsi Domino directò, & proprietario, sed tantum usufructuario, aut depositario teneri ad restitutionem huic immediatè, & non ipsi Domino proprietario faciendam, ob rationem mox datam. Videatur Sporer *tr. 4. c. 3. n. 80.*

295 Dicitur tamen fuit: *per se loquendo*; ad innuendum, posse non raro occurrere causas rationabiles, ob quas Dominus, etsi bene cognito, non est restituendum. Tales esse possunt 1. si ipse Dominus vel creditor nolit sibi restitui, aut restitutio talis esset cessura in ipsius, vel alterius terti, vel denique in totius Reipublicæ damnum &c. velut amplius constabit ex dicendis in Conferentia proxima *a. num. 329.*

296 R. jam secundò. Debita simpliciter incerta, & quidem ex delicto formali post sufficienter inquisitionem, & non inventum, Dominum in pauperes, vel alios pios usus sunt eroganda 2. Debita verò incerta ex contractu vel re accepta probabiliter possunt retineri à possessore bonæ fidei, præ-

sertim si, & ipse sit pauper vel non abundans. Ratio prioris desumitur tum ex *c. cum tu. de usuris* item *c. Nemo. C. 24. q. 5.* tum denique ex eo: quia cum res illa semper adhuc maneat prioris Domini vel ejus hæredis, ratio naturalis dicere videtur, ut illa dispensetur juxta rationabiliter præsumptam Domini voluntatem: at non est verosimile, Dominum velle, ut iniquus possessor eam sibi reservet, sed potius ut in pias causas eam impendat, quatenus saltem spirituales fructus inde recipiat Dominus, qui temporalem percipere non amplius potest: ergo. Et ita sentiunt D. Thomas, Cajetanus, Molina *disp. 746. Lugo disp. 6. sect. 12.* alique communissimi. Quin etiam ob eandem rationem idem S. Thomas 2. 2. *qu. 62. a. 5. ad 2.* Scotus 4. *diff. 15. q. 3. a. 4.* Vasquez, & alii insignes Doctores censent, etiam possessorem bonæ fidei obligari ad rem alienam in pias causas expendendam: oppositum tamen probabile, & in praxi tutum censent Sotus, Navarrus, Layman Lugo, Reiffensuel, Herincx, Diana, Sporer *tr. 4. cap. 3. num. 111.* Ratio autem hujus est: tum quia non satis constat, quòd Dominus velit possessorem bonæ fidei ad hoc obligare, sed potius ut illam reservet, quamdiu affulget spes invenienti Dominum, aut si nulla amplius affulgeat, eadem res inventor ac possessor in partem suæ fortunæ cedat; tum etiam quia allunde ostendi non valet lex certa sive humana, sive divina aut naturalis, quæ possessorem bonæ fidei ad hoc obliget. Unde hanc sententiam verè tutam censeo; quia tamen opposita est tutior, & ab auctoritate saltem probabilior; hinc oportet, ut Confessarius suo poenitenti consulat, quatenus velit hujusmodi rem erogare, & applicare ad pias causas, nisi, & ipse sit pauper, & multum egens: si tamen eò faciliè persuadendus vel inducendus non videatur, potest ad debet Confessarius eisdem condescendendo permittere, ut post congruam, & commensuram gravitatem rei inquisitionem ipse sibi usurpet illam rem, præsertim si ipsiusmet sit admodum egens, vel non abundans.

297 R. jam teritiò. Debita incerta secundum quid, nec retineri possunt à possessore.

seffore, nec dari debent pauperibus, sed reddenda sunt iis, quibus verosimiliter debentur. Unde qui scit, se aliquid debere uni aut alteri ex communitate, tenetur illud reddere communitati, aut Superiori communitatis illius, quatenus eandem rem vel in natura, vel in æquivalenti applicet ac reddat iis, quibus verosimilius est debita. Ita rursus communis sententia Doctores Molina, Lessius Layman, Lugo cit. *disp. 6. sect. 12. nu. 128.* Tamburinus *l. 8. tr. 4. c. 16. §. 3. nu. 19.* Ratio manet semper eadem, quæ mox supra fuit data: quia res aliena reddenda est Domino meliori modo, quo fieri seu sperari potest æqualitas: atqui hæc æqualitas nunquam obtinebitur, si talis possessor bona secundum quid incerta vel sibi reservaret, vel in pauperes erogaret; bene tamen si illam modo præfato reddat communitati, vel iis, quibus verosimilius est debita: ergo his est reddenda.

Quæres tertio, ubi, seu quo loco restituitio sit facienda?

298 R. 1. Res ex delicto debita est restituenda in loco Domini seu creditoris, & quidem expensis debitoris. 2. Res verò debita ratione rei acceptæ duntaxat; restituenda est in eo loco, ubi habetur, idque expensis Domini, qui propterea monendus est, quia scilicet via velit eam sibi restitui; & siquidem pro custodia interim faciendæ sint expensæ, ac debet Dominus eas refundere. 3. Denique res debita ex contractu restitui debet eo in loco, de quo expressè vel tacite inter pacificantes conventum fuit. Quod si vi contractus eadem numero res sit restituenda, uti contingit in *deposito*, *commodato*, & *locato* &c. facienda erit eo loco, quo fuit accepta, nisi aliter conventum fuit; quemadmodum enim secundum dicta eadem res quoad substantiam, sic & quoad locum reponenda est, & hoc modo perfectissime ponetur æqualitas, quem in finem restitutio principaliter, & ultimato collimat. Videantur dicta superius *C. 6. num. 158. & 159.*

At, inquires, cujus expensis vel periculo res ex contractu debita est transferenda?

299 R. Transferenda est expensis illius, in cuius gratiam & commodum res fuit à loco abducta, & contractus cedit, ut in commodato expensis Commodatarii, in deposito gratuito expensis deponentis. Unde si contractus cedat in commodum utriusque, uti fit in locato, conducto; restitutio fieri debet expensis utriusque; nisi aliter fuerit conventum, aut consuetudine approbata receptum. Ratio est: quia æquitas naturalis hoc suadet, ut qui sentit commodum & onus sentire cogatur, juxta Regulam 55. l. in 6. Periculum verò quod attinet, jam superius *C. 1. num. 4. item C. 6. nu. 153. & 169.* diximus, quod si res pereat culpa, tunc culpabili perit: si verò pereat casu, tunc perit Domino. De quo videri potest Henricus *part. 3. tract. 2. disp. 8. num. 111.* La Croix *l. 3. p. 2. nu. 705.*

Quæres quarto, quo modo debita sint restituenda?

300 R. 1. Res debita ex occulto delicto regulariter restitui potest ac debet occultè, sicut & contrario res publico delicto ablata aut damno data, publicè restituenda est, quatenus de tali restitutione publicè constet ad tollendam aliorum offensam. 2. Res aliena (nisi aliter conventum sit) restituenda est tota simul, & non per partes, nisi iusta causa occurrat in contrarium; quia aliàs Dominus posset novum incurere damnum. 3. Denique perinde quidem est quoad substantiam, siue debitor immediatè pet se ipsum restituat, siue per alium, attamen ubi nullum subest periculum diffamationis vel majoris incommodi semper oportet debitor per se ipsum restituat; quia hoc modo infallibilis obtinebitur finis iustitiæ; prout etiam mox infra *num. 324.* dicemus. Videatur Bonacina *de restitut. disp. 1. q. 7. punct. 11.*

Quæres quinto, quando facienda sit restitutio debitoris?

301 R. 1. Debita ex delicto moraliter, statim sunt solvenda; quamprimum scilicet sine gravi incommodo fieri potest: tum quia præceptum restitutionis jugiter urget: tum etiam quia aliàs novum posset emergere damnum. 2. Debita verò ex contractu solvenda sunt eo tempore, de quo

inter

inter pacificos vel expressè vel tacite conventum fuit, ita, ut si debitor sit in mora culpabili, cogatur omnia damna rescire ex tali dilutione emergentia, idque verum est, tamen alter non moveat. Ratio est: quia dies interpellat pro homine. *L. Magna. ff. de contrahen. stipulat. 3.* Denique quando nullus certus terminus solutionis vel restitutionis fuit præfixus, tunc rursus facienda est restitutio aut solutio, quamprimum moraliter fieri potest: quia *in omnibus obligationibus, in quibus dies non apponitur, præsentis die debetur L. 14. ff. de R. I.* Advertit tamen Herincx noster *disp. 8. nu. 116.* quod si creditor non urget aut petat solutionem, etsi posset, dilatio plenèque non censetur graviter culpabilis, etsi à Confessario semper adhuc sit dissuadenda; tum quia, quicquid dat, bis dat, tum etiam, quia hoc modo evitatur omne periculum injustæ damnificationis. Vide *Tambur. l. 8. tract. 4. c. 1. §. 6. Laym. l. 3. tract. 2. c. 10. n. 2.*

§. II.

Proponuntur & breviter resolvuntur Casus practici de Circumstantiis restitutionis.

CASUS PRIMUS.

Titius Cajam imprægnavit, sed ut infamiam inde sibi imminuentem, aliamque damna evaderet, vulgo sparsit, eam ab alio, Sempronio scilicet, fuisse imprægnatam. Quia tamen verè agnoscat, se nedom Cajam, verum etiam Sempronium graviter diffamasse, & sue obligationi quantum ad alimentacionem prolis hæctenus nondum satisfecisse? hinc sciscitatur, quid? quantum? vel cui debeat restituere? Quid respondendum?

302 R. ad primum. Titius nedom Cajæ, sed etiam Sempronio utpote injustè diffamatis, tenetur restituere famam, & insuper rescire omnia alia damna, si quæ in bonis foris ex injusta diffamacione incurrerant. Ratio facile colligitur ex hæctenus sparsim dictis, præsertim n. 237. Quisquis enim alterum injustè, & quidem scienter

ac voluntariè damnificat, in quocunque demum genere bonorum, naturali æquitate tenetur ad refusionem damnorum: atqui Titius juxta speciem facti injustè damnificavit Cajam & Sempronium in bono famæ, præsertim si reipsa fuerint innocentes: ergo tenetur restituere ipsis famam, revocando apud illos, apud quos detraxit, secundum dicta *C. 9. num. 256.* id ipsum pariter dicendum est de restitutione quantum ad damna in bonis fortunæ illata. Ex quibus, ni fallor, satis liquet, quid sit respondendum ad tertium quæsitum in hoc casu: cui scilicet sit restituendum? liquet insuper, quid ad secundum: quantum sit restituendum? quia secundum communes regulas restitutionis superius *C. 3. num. 67. & C. 4. numer. 94.* traditas: mensura restitutionis incumbens injusto damnificatori est: *quantitas damni scienter illati.* Pro majiori tamen hujus Casus dilucidacione.

303 R. ad secundum quæsitum. Titius tenetur compensare ea, quæ Caja hæctenus in alimenta, vel alias necessitates prolis expendere debuit (id ipsum à fortiori dicendum est, si Sempronius innocenter delatus & diffamatus fuisset coactus facere quasdam expensas) Ratio est: quia nedom naturali jure, sed etiam Canonico *C. cum habere de eo, qui duxit,* juncta glossa *in idem capit. V. secundum facultates,* immò & juxta communem opinionem *DD. apud Laym. l. 5. tr. 10. p. 2. c. 4. nu. 5.* Cura alendi prolem primo triennio ad Matrem spectat, postea verò ad Patrem. Quin etiam primo triennio Mater proli nihil tenetur subministrare præter lac: unde si Caja suæ proli alia necessaria hæctenus administravit sine animo donandi, potest ea repetere à Titio seu vero Patre; idque verum est nedom de Matre respectu prolis legitimæ, uti vult Laym. *loc. cit.* verum etiam respectu prolis illegitimæ; jura enim non distinguunt: ergo nec nos debemus distinguere, inquit *La Croix l. 3. p. 1. num. 697.* referens pro eadem opinione Azorium, Bonacinam, & Gobat. *Quinar. tr. 6. c. 28. nu. 19.* Vide etiam dicta *part. 3. theol. sacrament. de matr. C. 18. nu. 446. & seqq.*

Dices. At quid, si Titius Cajæ jam à

Qq

se

Elbel Theol. P. IV.

se imprægnatæ fuisset, ut alteri cui-
dam ditioni illico faceret potestatem sui
corporis postea verò coram Iudice hunc
ditionem nominaret Patrem suæ prolis,
veluti contigisse novimus, & fortassis
sæpius?

304 R. Titius gravissimè peccasset ne-
dum contra charitatem peccato scandali;
suadendo, & inducendo Cajam ad novam
fornicationem cum alio; verum insuper
contra iustitiam, dum eandem induxit ad
graviter decipiendum alium ditionem, qua-
tenus is haberetur pro Patre prolis, &
ad huius sustentationem cogeretur, utique
non sine gravi detrimento, & fortassis
majoris fortunæ suæ dispendio, ut de se
satis liquet. Quare, tametsi Sempronius
fortè à Iudice compulsus, huic proli ali-
menta necessaria hætenus administrasset,
propterea tamèn Titius noster minimè,
fuit liberatus ab onere sustentandi pro-
lem, aut Sempronio ea, quæ expendit,
refundendi. Ratio de se patet: quia Ti-
tius fuit verè causa iniusta omnium illo-
rum damnorum, quæ Patri putatitio, sci-
licet Sempronio emertere: quemadmodum
ergo per huiusmodi sententiam Iudicis,
utpote erroneam & materialiter saltem in-
iustam, Sempronius non fit verus pa-
rens, ita vicissim Titius seu verus parens non
liberatur ab onere sustentandi suam pro-
lem, & reparandi alia damna Patri pu-
tatitio secuta.

At nunquid in defectum Titii tenebitur
Caja reparare huiusmodi damna?

305 R. Quòd sic, saltem per se lo-
quendo. Ratio est: quia in defectum Pa-
tris mater tenetur providere proli de ne-
cessariis; etenim ratio & instinctus natu-
ralis (vel in ipsis brutis animantibus vi-
dendus) dicitur matri ut nutriat. Id quod
etiam legitur statutum *authent. Si pater C.
de divorzio in fine*. Et quamvis Layman
aliique multi existimant, ante matrem
priùs teneri Avum paternum ad prolem al-
endam, nihilominus P. Gohat *ibidolog-ex-*
periment. iv. 10. n. 782. meritò dicit, usum
præsentium temporum saltem in plerisque
locis esse contrarium. Neque ego dubito,
quid veritate comperta in nostro casu Ca-
ja in omni foro ante avum paternum con-
demnaretur ad alimentandam prolem, nec

non ad damna alteri iniuste delato resar-
cienda, quippe quorum ipsa, & non
avus, extitit immediata causa iniusta;
atqui in defectum principalis (qualis erat
Titius) aliæ causæ iniuste cooperantes ad
damnum, compellendæ sunt ad ea repa-
randa, veluti dictum fuit suprà C. 5. *num.*
128. ergo.

Dices tamen adhuc. Esto Caja suppo-
natur ex instinctu Titii illum alterum di-
torem nominasse parentem, certè tamen
sine evidenti periculo gravius damni in
fama propria huic putatitio parenti nihil
amplius poterit restituere; quamprimum
enim hoc faceret, aut revoca-
ret, procul dubio illico incurreret suspici-
onem iniustæ delatricis, immò Scorti
infamis, utpote quæ debuisset ab alio
concepisse.

306 R. Equidem excusandam fore Ca-
jam ab hoc onere restitutionis, si absque
tali periculo rationabiliter prævisio, ne-
queat restituere; quia secundum dicta in
Conferentia proxima numer. 325. & 329.
impossibilitas moralis, aut aliud notabi-
liter majus damnum à debitore incurren-
dum excusat ab onere restitutionis, sal-
tem quamdiu durat.

Nihilominus certum est, Cajam tene-
ri pro possibili ad impedienda damna Sem-
pronio imminencia aut deinceps emer-
sura, ne scilicet is cogatur ad faciendas ul-
teriores expensas; quod procul dubio
facilius fieri poterit sine periculo infam-
iæ suæ, si eidem dicat, quòd deinceps
nihil amplius ab eo postulet dissimu-
letque ejusmodi exactionem, vel eo ex
capite, quòd cogit de proptiis suis bo-
nis proli suæ prospicere, vel sub præ-
textu, quòd ab alio vel alia benefa-
ctrice alimenta necessaria obtineat &c.
Unde etiam ulterius existimo, Cajam
non posse tuta conscientia protinus ali-
quid acceptare à Sempronio patre puta-
tito, esto is, utpote firmiter credens se
esse patrem prolis, videatur lubens ad-
ministrare proli alimenta necessaria; nam
hoc solum facit ex sinistra hac persuasio-
ne, qui, si veritatem agnosceret, pro-
cul dubio nihil vellet dare, nec unquam
consentiret in talem administrationem;
atqui ignorantis nullus est consensus secun-
dum

dùm omnes. & habetur ex L. 15. ff. de iurisdic. item L. 11. & 41. ff. de contrab. empt. Quapropter etiam Reg. 59. Jur. in 6. dicitur: dolo facit, qui petit, quod restituere oportet eundem: ergo &c. Vide dicta C. 5. num. 135.

CASUS SECUNDUS.

Sempronia famula cuiusdam Oenipolæ, verrendo popinam invenit tres ducatos in quadam papyro involutos, quos, utpote ignorans ejus essent, vel quisnam ex hospitibus tam copiose confuere solitis, eos perdidisset, reservavit per unam & alteram septimanam; & quia hætenus nulla pro sua facta fuit mentio de pecunia perditâ, & nemo inquisivit de ducatis; hinc sciscitatur ex Confessario 1. an sine ulteriori indagine tuta conscientia possit sibi reservare dictos tres ducatos? an hero suo de hac inventione teneatur aliquid dicere, vel ex eo quod in ipsius popina invenierit ultra eosdem, vel medietatem saltem offerre, præsertim si hanc prætentat? Quid respondendum Semproniae?

307 R. ad primum. Sempronia illos tres ducatos non potest sibi illicò reservare, ex eo præcisè, quod hætenus nemo inquisiverit: sed tenetur illos ulterius adhuc conservare ad minus per annum integrum, vel saltem dimidium, & intererea apud alios, præsertim tales hospites, de quibus (attento tempore perditionis & inventionis) rationabiliter, dubitare licet, an non ipsi vel aliquis ipsorum perdidit? saltem generalibus terminis interrogare, an nihil perdidit? Ratio est: quia juxta communissimam DD. inventor rei alienæ tenetur dominum indagare, diligentia morali & humana, scilicet proportionata gravitati rei inventæ; etenim qui tenetur ad finem, pariter obligatus censetur ad media proportionata: atq; inventor rei alienæ tenetur ad restitutionem illius, ad hanc verò exequendam necessum est inquirere dominum; ergo. Hac de causa C. si quis 14. quæst. 5. dicitur: si quis invenisti, & non reddidisti (culpabiliter scilicet) rapuisti. Et quia tres ducati communiter reputantur res notabilis ac magni momen-

ti, hinc operæ pretium est, ut à Sempronia inventricæ diutius conserventur. Falluntur ergo Simplices illi, qui, dum aliquidveniunt, velut donum singulari DEI providentia sibi destinatum, mox sibi retinent & consumunt sine scrupulo, & sine ulteriori indagine; de quibus S. Hieronymus, relatus C. multi 14. quæst. 5. merito scripsisse fertur: multi sine peccato putant esse, si alienum, quod invenerint, teneant: & dicunt, Deus mihi dedit: cui habeo reddere? discant ergo, peccatum hoc esse simile rapinæ, si quis inventa non reddat. Vid. Layman l. 3. tract. 1. cap. 5. num. 22. la Croix l. 3. p. 2. num. 87.

308 R. ad secundum. Sempronia per se loquendo nihil tenetur dicere hero suo de ducatis inventis, nisi probabiliter liceret suspicari, eos fuisse ab illo perditos. Multo minùs tenetur eos dare suo hero eo præcisè, quod in ipsius popina invenierit, sed potest tuta conscientia sibi reservare, si post factam congruam inquisitionem nulla ampliùs spes appareat inveniendi illorum dominum, præsertim cum hujusmodi ancillæ communiter sint pauperulæ. Ratio est: quia bona incerta (ut sunt illa inventa, quorum dominus invincibiliter ignoratur, & nunquam ampliùs compariturus creditur) sunt primò occupantis, juxta l. 1. ff. pro derelicto, & communissimam DD. apud la Croix cit. n. 90. At primò occupans fuit Sempronia inventrix, non autem Dominus tabernæ: ergo huic nihil tenetur dare de ducatis inventis.

Nec refert, quod pecuniam illam invenierit in fundo vel solo heri sui, ideoque videatur saltem medietas reddenda domino fundi, quemadmodum reddenda est, quando invenitur thesaurus in fundo alieno. l. 1. C. de thesaur. & §. thesaurus, institut. de rerum divisione.

309 Contra namque est, quod illi tres ducati, utpote inventi in superficie soli, nullatenus dici possint vel debeant thesaurus: ergo mox allegatæ constitutiones, utpote loquentes duntaxat de thesauris, nullatenus extendi debent ad talem pecuniam. Cumque aliunde constet, rem alienam derelictam (quantum est de ju-

re naturæ & gentium) fieri primò occupantis, in contrarium verò nulla alia dispositio ostendi queat, vi cuius huiusmodi inventor teneatur medietatem rei in superficie fundi alieni inventæ dare domino fundi; hinc dicendum, quòd Sempronia de inventis ducatis nihil prorsus teneatur dare domino popinæ. Videatur Layman l. 3. tract. 1. cap. 5. num. 235. *insuper duo &c.*

At quid, inquires, si post unum vel duos annos primùm compareat dominus, & rem perditam repetat?

310 R. Si Sempronia (id ipsum tenendum est de quocunque inventore) post factam sufficientem inquisitionem rem illam alienam jam consumpsit bona fide, nec inde evasit ditior, an nihil ampliùs potest adstringi. Ratio est: quia nullus potest ostendi titulus, vi cuius teneretur quidpiam restituere: non enim ratione contractus, ut supponitur; nec ratione rei acceptæ, cum de hac nihil ampliùs possideat; neque etiam ratione injustæ acceptionis; quandoquidem talis nullam commiserit culpam, nec inveniendi, neque post congruam & sufficientem domini inquisitionem consummando: ergo &c. Vide dicta superiùs C. 2. n. 32. & seqq. Vel si præplacet La Croix l. 3. p. 2. n. 95. aut Diana p. 11. tr. 8. *Resolut. 21.*

CASUS TERTIUS.

Cajus, quo tempore juvenis adhuc servierat cuidam mercatori, quingentos circa circiter florenos clam & furtivè eidem successu stuporis subtraxit. Tandem verò post 20. circiter annos, ubi ad mellorem rediit fortunam, conscientia stimulis adactus, rem hanc candidissimè aperuit cuidam Confessorio, à quo illico ad compensationem hæredibus faciendam saltem per tertiam quandam personam (nam Dominus principalis diem suum jamjam obierat) condemnatus fuit. Cajus proin, consilium Confessarii executurus centum florenos tertio cuidam, quem fidelissimum crediderat, dedit, hæredibus restituendos: Verùm paulò post percipit, eam pecuniam non fuisse datam dictis hæredibus, sed ab illo tertio dilapidatam. Unde Cajus jam dubitat. 2.

utrum dictos 100. florenos teneatur iteratò compensare hæredibus? an non melius & consultius faceret, residuos 400. florenos immediate per se ipsum successivè, & quidem sub schemmatè donationis restituendo & applicando prolibus dictorum hæredum, quorum ipse paterinus est? Quid iudicii?

311 R. ad primum. Affirmativè. Ratio est: quia debita ex delicto formali restituenda sunt cum periculo, & expensis debitoris & non creditoris, secundùm dicta superiùs num. 299. Deinde non obstante præfata restitutione inefficaci ob infidelitatem tertii, adhuc semper manet verum dicere, quòd culpa & delicto Caji Dominus aut hæredes ipsius patiantur damnum 100. florenorum: ergo semper adhuc incumbit Cajo obligatio compensandi illud damnum, utpote culpabiliter illatum, quemadmodum teneretur, tametsi alius illos centum florenos furto aut rapina eidem, immediate abstulisset; uti rectè tenent Molina tom. 3. disp. 754. num. 2. Lugo tom. 2. de just. disp. 21. sect. 5. à nu. 39. Lessius l. 2. c. 16. dub. 6. num. 65. Tolletus, Rebelus, & alii plures.

Nec dicas: Cajum fecisse, quantum in seest, dum de consilio Confessarii per tertiam personam fidelem existimant conatus fuit reddere 100. idèòque hæredes debeant esse contenti, esto nihil receperint in effectu, propter infidelitatem alterius.

312 Contra enim est, quòd, licet satisfecerit in ordine ad evitandum novum peccatum in tali modo restituendi, utpote facto bona fide, non tamen satisfecit in ordine ad extinguendum debitum, & obligationem restituendi ex primo delicto contractam. Unde hæredes ob talem modum restitutionis non tenentur esse contenti absolute, sed tantùm conditionatè quasi, & salvo jure suo, ita scilicet, ut si ob infidelitatem alterius pecunia illa sibi destinata, periret, non sibi, sed debitor periret, idèòque is adhuc teneretur compensare damnum illatum.

313 Scio equidem, oppositam sententiam, ob rationem mox allatam, quòd scilicet debitor fecerit, quantum in se est, adeòque creditores debeant esse contenti, à multis Doctoribus, nominatim Tamburino l. 8.

tr. 4. c. 1. §. 5. n. 7. fine. Lessio cit. c. 16. dub. 6. nu. 67. censeri probabilem, immò verò à Diana p. 2. tr. 3. sect. 17. *miscellan. resolut.* 2. in praxi tutam nominari, quæ de causa eandem hic insinuandam duxi; arbitror tamen, eam non esse practicandam, & à Confessario non, nisi in iis circumstantiis sectandam, in quibus deprehendit, creditorem valde esse liberalem & habentem, debitorem è contra esse indigentem, ita, ut sine permagna difficultate nunquam persuadendus aut inducendus videatur ad iteratam solutionem; quibus simul concurrentibus fortè dabitur locus prudenter dissimulandi iteratam obligationem imponendi huiusmodi pœnitenti. Etsi adhuc securius procederet, si, sive per se, sive per alium (cum magna tamen cautela & circumspèctione, ad præcludendas omnes sinistras suspiciones) curaret exorari hæredes, quatenus velint gratuito remittere huiusmodi debitum, pro maiori animæ quiete &c. Fortassis enim non erunt difficiles ad condescendendum, si intellexerint bonam mentem & intentionem debitoris, vi cuius is, quantum in se erat, conatus jam fuit satisfacere. Videatur Sporer tr. 4. c. 4. num. 19. La Croix l. 3. p. 2. n. 420. & seqq.

314 R. Jam ad secundum quæsitum huius casus, Cajum procul dubio melius facturum, si per se ipsum immediatè restituat, etsi sub schemmate donationis. Ratio est: quia alio securiori modo vix, aut ne vix quidem poterit restituere reliquos 400. florenos. Tum etiam quia hoc modo facilius declinabitur periculum infamiz, & magis stabiliet amicitiam inter patrinos. Tum denique, quia hæredes hoc modo verè percipient id, quod ipsis debetur: ergostantibus his nequeunt esse rationabiliter inviti.

Dices. Atquid, si Cajus prævideat huiusmodi parentes, utpote valde habentes, nec minùs generosos, sua dona non acceptaturos gratis, sed vicissim, sin minùs tantundem, saltem notabile quid sibi, aut proliis suis redonaturus?

315 R. Cum P. Sporer tr. 4. c. 4. n. 5. Cajum nihilominus liberatum iri ab onere restitutionis. Ratio est: quia redonatio illa

Elbel Theol. P. IV.

non fiet ex iustitia, sed ex mera liberalitate, ad quam Cajus non intendit inducere, esto aliquo modo huic præbeat ansam & occasionem: at periculum infamiz notabilis excusatur à tali actione, quæ aliquam præbet occasionem damno alterius, sicut etiam excusatur non raro vel à differenda, vel ab omnimodis intermittenda restitutione: ergo & Cajum excusat. Fatendum tamen est, non esse tam faciliè permittendum hunc modum restitutionis, quippe qui aliquo saltem modo præbet causam alterius damnificationi. Et certè qui prævidens, dominum tantundem restitutum, sine causa graviori excusante vellet sub schemmate donationis restituere, convinceretur velle potius illudere, quàm restituere, uti bene advertit *Doflor cit.*

§. III.

Corollaria ex dictis inferenda.

316 **C**olliges ex dictis primò, ea, quæ nu. 298. diximus de expensis faciendis à possessore malæ fidei in restitutione rei alienæ, intelligenda esse de expensis non nimium excessivis. Etenim si restituendi causa deberet facere multo majores expensas, utputa si restituendo v. g. rem constantem 10. florenis, deberet facere expensas 20. aut plurium florenorum, probabilissimè potest differre restitutionem usque ad tempus commodius, quo cum minoribus expensis restituet. Ratio est: quia iustitia non adversatur charitati, quæ est finis omnium virtutum; neque rectè rationi, quippe quæ omnem virtutem debet dirigere: atqui charitas & recta ratio sumdet, ut Dominus non urgeat restitutionem cum tanto detrimento, nisi creditor ipsiusmet ex carentia rei suæ deberet subire majus damnum, vel lucrum cessans; ergo &c. Videantur de hoc S. Thomas 2. 2. qu. 62. art. 5. ad 3. Scotus 4. disp. 15. a. 4. Molina disp. 752. Tambur. l. 8. trad. 4. c. 1. §. 8. num. 4.

317 Colliges secundò, ad impertiendam validè, immò & licitè, absolutionem, nequitiam quidem opus esse, ut præcedat restitutio realis, seu, ut penitus effectivè & realiter restituatur; bene tamen restitutione men-

Qq 3

tali

tali, id est, ut habeat firmum & efficacius propositum restituendi, quamprimum moraliter loquendo potuerit. Ratio est: quia ad licitam & validam absolutionem necessarium requiritur propositum efficacius emendandi, esto non actualis emendatio: atqui penitens potest concipere huiusmodi propositum efficacius, prius quam restituat realiter, etsi non sine restitutione mentali, seu voluntate efficacie restituendi: ergo hæc saltem necessarium præcedere debet absolutionem.

318 Dixi: *quamprimum moraliter potuerit*; nam si evidenter prævideatur impotentia moralis restituendi, & quidem perpetua, uti non raro prævideri potest in moribundis pauperulis, minimè opus erit, ut Confessarius talem penitentem urgeat ad concipiendum firmum propositum restituendi; quia restitutio secundum dicta C. 1. num. 9. non est ad salutem necessaria simpliciter, seu necessitate mediæ, sed tantum secundum quid, & necessitate præcepti: at, ab eo, quod est duntaxat necessarium necessitate præcepti, excusat moralis impossibilitas; ergo etiam ab onere restitutionis in his circumstantiis.

319 Colliges tertio, regulariter & ordinariè loquendo non esse absolvendum illum penitentem, qui in aliis confessionibus jam sæpius admonitus de facienda restitutione, eam tamen hæcenus nunquam præstitit, tametsi moraliter loquendo potuisset. Ita cum *commun. DD. Filii. tract. 32. c. 4. n. 117.* & *Babenstuber tr. 7. disp. 4. art. 6. n. 20.* Ratio est: quia de tali penitente merito præsumere licet, quod hæcenus nunquam habuerit, necessestiam habeat firmum sese emendandi propositum. Unde quemadmodum is, qui sæpius iussus domo ejicere concubinam, eam nunquam eiecit, non est absolvendus defectu propositi efficacis, quod de tali non licet præsumere; ita pariter tenendum est de eo, qui sæpius iussus restituere, nunquam tamen restituit.

320 Dixi rursus: *regulariter loquendo*; secus enim dicendum foret, si Confessarius hic & nunc in tali penitente adverteret specialia signa efficacis propositi, ob mutationem circumstantiarum, ut puta

quia defacto jam præparavit pecuniam alienam, vel alteri dedit proximè restituendam, vel quia in mortis periculo versatur &c. Nam quemadmodum juxta dicta in *theol. sacrament. par. 2. C. 2. nu. 108.* absolvi potest Concubinarius in talibus circumstantiis, in quibus specialia signa futuræ emendationis & firmi propositi ostendit; ita ob eandem rationem penitens, qui hæcenus nunquam restituit. Oportet tamen nonnunquam tales prohibere à Communionem sacra tamdiu, quamdiu effectivè non satisfecerint suæ obligationi, veluti sapienter monent Molina *disp. 756. num. 3.* & Lugo *disp. 29. sect. 9. num. 213.*

321 Colliges quarto, Nec satisfacere illum penitentem, qui cum moraliter loquendo posset, illico restituere debitum simul non tamen vult restituere, nisi successivè per partes. Ratio est: quia non licet detinere alienum rationabiliter invito domino: at, ubi debitor moraliter loquendo posset statim restituere totum simul, & tamen non vult restituere, nisi per partes & successivè, Dominus meritò, & rationabiliter potest esse invitatus: ergo talis penitens peccat contra iustitiam, nec vult totaliter cessare à peccato, quandoquidem perseveret in mora culpabili; secus dicendum foret, si vel non posset statim restituere, vel Dominus non exigere statim totum debitum, vel totum debitum non esset magni momenti. *Communis apud Molinam, Layman, Sporer cit. cap. 3. num. 142.*

322 Colliges quinto, à fortiori (saltem per se loquendo) absolvi non posse illum, qui restitutionem vult differre usque ad mortem: immò ne moribundum quidem capacem esse absolutionis, qui restitutionem differre vult, & non restituere per se, sed hoc onus relinquere hæredibus. Ratio est: quia etiam talis est in mora culpabili, & consentire meritò præsumitur in injustam detentionem & damnum proximi, nec vult absolvi, sed potius conditionatè tantum restituere, si scilicet moriatur.

Adde, quòd de se non vacet culpa gravi, velle obligationem propriam transferre

re in alios, hæredes scilicet, qui ordinariè loquendo sunt negligentiores ipso defuncto, ideoque creditor ex hujusmodi dilatione grandi periculo damnorum exponitur, veluti experientia jam sæpiùs, quàm parerat, monstravit. Ita rursus ultra DD. mox allegatos Molina *disp.* 753. Lessius *l.* 2. *c.* 12. *dub.* 3. *n.* 11.

323 Dictum denuo fuit: *saltem per se loquendo* absolvi non posse. Prudenter enim monent Dicastillo *l.* 2. *de restit. tr.* 2. *disp.* 10. *dub.* 1. *à n.* 6. Tamburinus *l.* 8. *tr.* 4. *c.* 4. *n.* 8. subinde à Confessario rem dissimulari, & prudenter condescendi posse pœnitenti, volenti successivè duntaxat, vel etiam post mortem primùm per suos hæredes restituere Creditoribus à se damnicatis, idque in sequentibus præcipuè circumstantiis, 1. si creditor ex tali dilatione non sit incururus magnum damnum, neque periculum omnino perdendi suum debitum; quia tunc is non censetur adeò graviter invitus. 2. Si Confessarius advertat, suum pœnitentem hoc quidem modo faciliè disponendum ad dignam susceptionem Sacramentorum, nunquam verò, si cogeretur vel adigeretur ad faciendam illico restitutionem simultaneam; & præcipuè. 3. Si advertat, pœnitentem esse in bona fide, nec apprehendere suam obligationem gravem, sed potius putare, se suæ obligationi omnimodis satisfacturum hoc modo. Stantibus hisce conditionibus Confessarius prudenter potest dissimulare obligationem illicò restituendi, ne aliquin pœnitens abeat desperatus, & qui hæcenus materialiter tantùm peccavit, deinceps etiam formaliter peccet. Et hoc modo Confessarius nedum ipsius pœnitentis, verùm etiam Creditoris negotium utiliter geret. Ita post Dicastillum, & Tamburinum. Sporer *tr.* 4. *c.* 3. *nu.* 147. mox subjungens: quod si tamen eo casu debitor „ pœnitens dubitet, & doceri petat de „ obligatione sua, jam veritas ei sincerè „ aperienda erit, cum jam dubitet, & „ conscientia læta sit, juxta communem „ doctrinam in materia de conscientia, „ & pœnitentia.

CONFERENTIA

DUODECIMA.

De Causis excusantibus à restitutione differenda, vel omnino in perpetuum omittenda.

SUMMARIUM.

- 324 *Breviter recensentur decem causæ, & quibus aliqua excusant à restitutione differenda duntaxat, aliæ ab omnimodis in perpetuum intermittenda.*
- 325 *Impotentia nedum physica, sed etiam moralis excusat, & quomodo.*
- 326 *Item excusat necessitas nedum extrema, sed etiam gravis.*
- 327 *Satisfactio cuidam instantia in contrarium.*
- 328 & 329 *Ignorantia inculpabilis, & damnum ex restitutione imminens debitori, quando, vel quomodo excusent.*
- 330 & 331 *Quomodo excusent res in specie interitus, & remissio Creditoris.*
- 332 & 333 *Compensatio debiti, & auctoritas Superioris, quando, vel quomodo excusent ab onere restitutionis.*
- 334 & 335 *Cessio bonorum, itemque ingressus in Religionem subinde excusare possunt ab hoc onere restitutionis.*
- 336 *Resolvitur Casus I. Cujusdam Viduæ illustis, quæ post mortem sui Mariti à creditoribus conventa fuit ut solveret.*
- 337 *Quid si debitores æquè, ac vidua ex dilatione vel omissione restitutionis cogentur subire gravem jacturam vel damnum.*
- 338 *Si Maritus nulla bona reliquit, an tunc vidua sit obligata ad satisfaciendum creditoribus ex bonis sibi propriis.*
- 339 *Quid in his circumstantiis specialiter sit advertendum, seu attendendum à Confessario.*

- 340 *Resolvitur Casus II. de quodam juvene minorenni, cui, utpotenlmis prodigo, tutor vel potius curator dene-gavit subsidium pecuniarium.*
- 341 *Utrum talis Curator sit obligandus ad rescarcenda damna dicto juveni inde fortè secuta.*
- 342 *Resolvitur Casus III. de quodam studio, multis debitis onerato, quibus non obstantibus intendit ingredi Religionem.*
- 343 *Cui tamen obflare videntur Constitutiones Sixti P. & Clementis VIII.*
- 344 *A fortiori ab hujusmodi ingressu arcendus est is, qui subspe matrimonii deforavit puellam.*
- 345 *An Religiosus post professionem teneatur laborare, ut satisfacere possit pro debitis in saculo contractis & relictis.*
- 346 *Qui ob restitutionem illico faciendam deberet statu suo iuste acquisito excludere, licetè differt restitutionem.*
- 347 *Limitanda tamen est hac doctrina, & quodammodo restringenda.*
- 348 *Bona inferioris ordinis non debent necessariò restitui cum notabili detrimento in bonis altioris ordinis.*
- 349 *Constitutus in extrema necessitate non teneretur restituere, tametsi creditor supponatur constitutus in pari necessitate.*
- 350 *Etiàm verè gravis necessitas excusat à differenda restitutione, quamdiu talis necessitas durat;*
- 351 *Nisi Creditor propierea deberet subire damnum æquale, vel omnino majus, sive in eodem, sive etiam in diverso ordine.*
- 352 *Satis si cuidam inscientia in contrarium.*
- 353 *Tenetur nihilominus hujusmodi debitor rescarcere damna ex dilatione restitutionis creditori fortassis secuta.*
- 354 *Remissio præsumpta, an, vel quando excuset ab onere restitutionis.*

6. I.

Præmittuntur, & breviter resolvuntur Quæsitæ, scitu necessaria ad debite resolvendos Casus practicos de differenda seu etiam omittenda, vel non omittenda restitutione.

324 **Q**Uæres primò, quot dentur Causæ excusantes ab onere restitutionis?

R. Convenienter assignantur decem (esto alii duodecim recenscant, vel adhuc plures) & sunt sequentes. 1. impotentia. 2. necessitas propria. 3. ignorantia. 4. damnum ex restitutione creditori, vel alteri imminens. 5. Rei in specie (vel potiùs individuo) debitz interitus. 6. Remissio creditoris. 7. Compensatio debiti. 8. Compositio facta auctoritate Juris, vel Judicis &c. 9. cessio bonorum, & 10. ingressus in Religionem. Has causas omnes ac singulas à restitutione quodammodo excusare, communissimè traditur à Doctoribus, etsi non omnes æqualiter & eodem modo excusent; nam priores quatuor plerùmque solum excusant ad tempus, ut scilicet restitutio licetè differri possit; posteriores verò sex excusant in perpetuum, veluti præter alios benè advertit P. Sporer *tr. 4. c. 4. n. 53. & sequentibus*. Verùm pro meliòrè captu & intellectu singularum causarum mox enumeratarum.

Quæres secundo, quænam impotentia & necessitas excusent, & quo modo?

325 R. ad primum. Nedom impotentia physica (qualis censetur, si debitor prorsus nihil habeat, quod posset reddere) verùm etiam moralis (qualis censetur, si id, quod habet, sine permagna difficultate reddere non potest) excusatur à restitutione, quamdiu talis impotentia durat. Omnes. Ratio desumitur ex R. VI. *Juris in sexto*, juxta quam nemo potest ad impossibile obligari. Et certè creditor nequit esse rationabiliter inritus, quòd debitor ob physicam seu etiam moralem impotentiam non restituat: atqui, juxta Regulam à Scoto 4. *dist. 14. qu. 2. art. 4. §. de quinto*. traditam, & à Doctoribus

Communiter receptam, licet detinere rem alienam, quando ille, *cujus est debet rationabiliter velle, eam detineri, seu non restitui*. ergo hæc impotentia merito censetur excusare.

326 R. jam ad secundum. Nedom extrema necessitas, quando scilicet restituens deberet vitam amittere, sed etiam verè gravis necessitas excusat à restitutione, ut puta si debitor ob hujusmodi restitutionem vitam suam (addunt alii apud nostrum Herincx *disp. 8. n. 122. Uxoris & prolium*) admodum difficulter posset aut deberet sustentare, aut si propterea deberet suo statu justè acquisito excidere. Ratio est: quia, ut ait Scotus mox citatus, *quilibet rationabiliter debet magis velle, quod vitetur magnum incommodum proximi restituendis, quam modicum incommodum suum, vel nullum in illa modica dilatione restituendis*.

Dices. Ob gravius duntaxat necessitatem non licet furari, veluti superius numer. 268. dictum fuit: ergo nec licet detinere rem alienam; quia detentio censetur continuata ablatio, seu furtum rei alienæ.

327 R. neg. Conseq. quia multò plures causas occurrunt, ob quas rationabiliter licet præsumere, Dominum esse contentum, quòd sibi hic & nunc non restituatur, quàm quòd sibi aliquid de novo auferatur. Deinde *auferre alienum* repugnat præcepto negativo: *non furtum facies*, e contra non reddere alienum duntaxat præcepto affirmativo: *restitu*, seu *redde quod debet*: atqui præcepta negativa faciliùs observari possunt, & propterea etiam strictiùs obligant, quàm affirmativa; nam vi priorum non jubemur aliquid agere, sed tantùm abstinere ab agendo: faciliùs autem est abstinere ab agendo; quàm aliquid agere, quod posterius jubemur vi præcepti affirmativi: ergo non est mirandum, quòd in verè gravi necessitate licitum sit detinere; non item auferre alienum. Videatur Lugo *disp. 13. Sect. 3. nu. 51. Kreslinger addit. post. n. 104. ad tr. 9. diss. 5. theol. mor. R. P. Reinshienstuel*.

Quæres tertio, quomodo à restitutione excuset ignorantia, vel etiam damnum imminens?

328 R. ad primum. Ignorantia inculpabilis, cum bona scilicet fide conjuncta, excusat à restitutione, quamdiu talis ignorantia & bona fides durat, sive dein sit ignorantia jris, ut si ignores v.g. quòd juris dispositione creditore defuncto restituendum sit hæredibus; sive sit facti, ut si ignores, rem tibi ab altero donatam esse furtivam &c. Ratio est eadem, quæ mox supra fuit data: quia ignorans non agnoscit suam obligationem restituendi: ergo huic satisfacere non potest; quandoquidem ignoti nulla cupido. Dixi etiam: *si ignores & quidem invincibiliter*; secus enim discurrendum est de eo, qui vincibiliter ignorat hanc obligationem. Similiter ille, qui invincibiliter dubitat, an teneatur ad aliquam restitutionem, excusandus erit ab hoc onere; quia in dubio melior est conditio possidentis: nec quispiam propterea tenetur in tali dubio bonis suis privare seipsum. Quid verò agendum illi, qui incipit dubitare, an res à se hæctenus possessa non sit aliena, diximus superius C. 2. nu. 32. item *num. 59. & 60.* quæ revide, si placet.

329 R. jam ad secundum. Damnum imminens ab onere restitutionis excusat tunc, quando ex restitutione longè majus detrimentum immineret vel 1. ipsi debitori, vel 2. Reipublicæ, vel 3. denique alteri cuidam tertio. Ratio est: quia, restitutio ordinatur per se ad bonum proximi & Communitatis: ergo si ex restitutione securum esset damnum vel ipsius Creditoris, vel alterius tertii, vel totius Communitatis, cessat pro tunc obligatio hujus. Adde, quòd hic non agatur de restitutione omnino omittenda, sed potius de differenda: at, rationabilior causa differendi restitutionem vix occurrere nata est, quàm velle expectare illam occasionem, qua hæc in nullius detrimentum, sed potius in emolumentum cedet creditoris: ergo. Sporer *tr. 4. th. ol. decal. c. 3. n. 77.*

Quæres quarto, quomodo à restitutione excuset res in specie interitus, & remissio Creditoris?

330 R. ad primum. Rei in specie, vel potius in individuo interitus excusat tunc, quando illa res perit sine omni culpa debitoris, sive in accipiendo, sive etiam

in detinendo commissa à debitore, sive dein debitum sit ex contractu, sive etiam ex re accepta. Ratio est: quia secundum dicta C. 1. num. 4. omnis res, quæ sine culpa, idèque casu tantum perit, suo Domino perit. Minimè tamen excusat rei in teritus, quando debitor commisit culpam præsertim gravem, vel quando rem non bona, sed mala fide possedit: quia quidquid perit culpa, culpabili perit, excepto duntaxat casu, quo eadem res apud Dominum suum existens, similiter periisset, utputa communi incendio &c. quia ex hac suppositione Domino nullum omnino damnum reale fuisset illatum, ideoque non est, cur eidem aliquid ob hujusmodi interitum deberet compensari, veluti rursus dictum fuit superius C. 3. n. 77. Et ex communi DD. tradit. Mezger tom. 3. tr. 12. disp. 3. a. 5. n. 2.

331 R. Jam ad secundam partem hujus quæstioni. Remissio Creditoris excusat ab onere restitutionis tunc, quando creditor habet potestatem condonandi, & simul liberè condonat. Ratio est: quia donatio non valet, nisi liberè fiat; & quidem ab eo, qui potest donare: atqui remissio debiti est donatio: ergo. Illud tamen hic animadvertendum occurrit, quod scilicet non sit opus, ut semper interveniat remissio expressa & formalis, sed sufficiat etiam tacita & interpretativa, qualis merito censetur fieri, si creditor chyrographum laceret, vel comburat &c. De quo videri possunt Herincx ubi supra disp. 8. numer. 119. La Croix. l. 3. p. 2. a. numer. 456.

Quæres quintò, quomodo à restitutione excuset compensatio debiti, vel etiam compositio auctoritate Judicis aut Superioris facta?

332 R. ad primum Compensatio debiti excusat tunc, quamprimùm Creditor incipit debere suo debitori tantum, quantum sibi ab illo prius erat debitum; ut si Titio debeas 100. pro frumento, desinet hæc tua obligatio, quamprimùm idem tibi debuerit 100. v.g. pro vino. Res de se liquida est: quia talis compensatio in morali hominum existimatione reputatur debiti solutio. L. si debitor ff. qui pot. in pig. Unde etiam hæc compensatio L. 1. ff.

de compensat. describitur, quod sit debiti & crediti inter se contributio. Ut tamen talis compensatio locum habeat, præsertim in foro externo & judiciali, necessum erit 1. ut debitum sit certum, & liquidò probari possit. L. fin. C. de compensat. 2. ut debita sint ejusdem rationis, id est, in rebus ejusdem speciei; quia si res sit alicui in specie debita, tunc illi nequitiam satisfiet per solutionem pretii, vel redditionem alterius rei: consequenter nec per remissionem debiti alterius rei. Videatur Illung tractat. 4. disp. 3. a. numer. 190. Herincx citat. numer. 117. Castropalao de just. commut. disp. 1. punct. 16. §. 2.

333 R. jam ad secundum. Justa Judicis sententia, vel auctoritas Superioris excusat tunc 1. quando Juxta (justè, ut supponitur) alicui adjudicat aliquid velut debitum, v. gr. multam pecuniariam tibi compensandam & solvendam ab eo, cui tantundem ex alio titulo aut capite debuiisti; idque verum est, tamen si ille alter à Juxta condemnatus, non commississet culpam theologicam, sed politicam duntaxat. 2. Quando tu velut possessor bonæ fidei elapsus jam tempore præscriptionis legitimæ acquisivisti rei alienæ dominium, item etiam tertio hæc compensatio locum habet, quando auctoritate Pontificia debitori certa quantitas imponitur illico solvenda ad pias causas, vel ad sumptus belli contra infideles, vel pro redemptione captivorum &c. prout aliquando in certis circumstantiis factum fuisse constat. Ratio horum est; quia habens legitimam potestatem exigente bono communi potest dominium bonorum temporalium ab uno transferre in alium; atqui Respublica, Princeps &c. habent potestatem legitimam: ergo &c. Ad hanc ultimam causam nonnulli referunt casum, quo creditor excommunicatur, putantque tunc debitorem absolvi ab onere restitutionis; verùm, cum excommunicatio non aufert potestatem communicandi cum tali in re necessaria (qualis utique etiam censi debet restitutio) hinc excommunicatio etiam major ab hoc onere restitutionis non videtur excusare. Secus dicendum, si summus Pontifex velut

Præ-

Princeps & legitimus Superior ecclesiasticus in poenam criminis exigente bono publico Ecclesiæ absolveret debitorem expressè ab onere satisfaciendi, seu etiam restituendi huiusmodi excommunicato. Videantur de hoc Lessius l. 2. *debitat.* 7. Lugo *disp.* 17. *sest. ult. Sporer tract.* 4. c. 4. à nu. 89. La Croix ubi *suprà* num. 466. Illung *cit.* n. 282.

Quæres sextò, quomodo ab hoc onere excuset cessio bonorum, & ingressus in Religionem?

334 R. ad primum. Cessio bonorum excusat tunc, quando debitor solvendo impar & impotens, ex dispositione juris civilis omnia sua bona cedit Creditoribus suis, & relinquit inter ipsos secundum proportionem geometricam debitorum dividenda. Esto autem talis favor cedenti bonis suis concessus sit, ita, ut incarcerari, aut in carcere detineri non amplius possit. L. 1. C. *qui bonis cedere possint*, immò etiam de postea acquisitis non conveniri, nisi quantum commodè præstare potest, scilicet reservata sibi ac suis congrua & moderata sustentatione, L. 4. & 6. ff. *de cessione bonorum*; nihilominus huiusmodi cessio in foro conscientiae locum habere non potest, nisi debitor verè sit impotens. Ratio est: quia hic favor ideò duntaxat pro foro externo conceditur, eò quoddà miserabilis debitor supponatur non esse potens solvendo omnibus quantum debet, ita, ut secus Respublica aut Princeps nunquam velint tollere creditoribus suis suum, vel debitorem ab onere liberare: ergo pro foro conscientiae manet obligatus tantum, quantum potest; quam ob rem tam in foro externo, quam interno compelli potest ad laborandum & aquirendum, unde solvat, quantum conditio ac status personæ permittit, veluti habetur L. 4. *de cessione bonorum*. Iniquissima igitur praxis est eorum (ait rectè Sporer *cit.* num. 95.) qui cessuri bonis suis, prius preciosa seponunt, & occultant. Layman *lib.* 3. *tractat.* 2. *cap.* 12. *num.* 5. Henricx l. *cit.* n. 141.

335 R. jam ad secundum. Ingressus in Religionem eatenus solum excusat, quatenus ingressurus supponitur hic & nunc im-

potens ad satisfaciendum suis Creditoribus, nec intra tam exiguum temporis spatium, quale (teste Babenstuber *cit.* art. 6. nu. 32.) hic reputatur biennium, vel ad summum triennium, aquisiturus suis laboribus vel industria &c. unde solvat; cuius ratio redditur hæc: quia debitor non tenetur bona inferioris ordinis, quæ habet in re, restituere cum notabili suo damno in bonis altioris ordinis, secundum communissimam DD. ergo multò minùs tenetur tubire multò majus damnum (cujusmodi est neglectus vocationis, vel retardatio à Religione) propter huiusmodi bona, quæ tantùm habet in spe, & quidem valde remota, uti supponuntur lucra illa aliquando obtinenda: ergo non tenetur (saltem quantum est de jure naturæ) abstinere ab ingressu. Secus per omnem modum dicendum foret, si intra tam breve temporis spatium quocunque demum modo honesto & congruo posset obtinere, unde satisfaciat suis creditoribus, quia tunc procul dubio suadente æquitate naturali ad hoc adstringeretur: Atque hanc ob causam Sixtus V. in sua constitutione edita 1587. venit, eos admitti ad Religionem, qui ultra suas facultates sunt obarati debitis, eorumque professionem annullavit, etsi postea Clemens VIII. hanc constitutionem nonnihil fuerit moderatus, in tantum scilicet, quod, voluerit professionem tallum validam quidem, non tamen licitam. Quin etiam fieri posset, ut talis invalide profiteretur, in casu scilicet, quò Monasterium seu etiam Religio expressè protestaretur, se nolle acceptare, aut ratam habere professionem novitii debitis in sæculo relictis oberari, prout fieri solet in nostra Provincia; quia tunc deficit consensus essentialiter requisitus ad professionem ceu contractum Religionem inter & novitium profitentem initum, ac per consequens corrumpit professio, veluti sapienter advertit P. Herincx *cit.* nu. 136. Videri etiam de hoc possunt Sinchez l. 4. *decalog.* *cap.* 19. à *numer.* 22. Lessius l. 2. *cap.* 16. *debit.* 8. à *num.* 76. Illung. *tr.* 4. *disp.* 3. n. 275.

§. II.

Proponuntur, & breviter resolvuntur Casus practici de Causis excusantibus ab onere restitutionis.

CASUS PRIMUS.

Titius illustri stemmate natus, homo liberalissimus, vel verius loquendo, prodigalissimus, hinc inde plurima contraxerat debita, tum propter luxum extraordinarium, quo sese essentare assueverat, tum etiam propter continua convivia & commensationes à Principe (ut dicere solent) factas, ad quæ Uxor Titii, utpote similitum amatrix magna nimis, haud modice fuit cooperata. Contigit proin, ut Titius maturius quàm credebatur, vita excluderet, quo audito Creditores illi ceteratim convenire Conjugem reliquam, possulantes satisfactionem pro debitis: sed quia hæc à defuncto suo Marito nihil possidet præter copiosam prolem, & respectivè modicam bonorum temporalium substantiam, hinc seiscitur, an ex his teneatur in conscientia satisfacere creditoribus pro debitis à suo Marito defuncto relictis & contractis: quid respondebit Confessarius?

336 R. Equidem per se loquendo obliganda foret ad solvendum Creditoribus de illis bonis à Coniuge defuncto relictis; hoc enim suadet æquitas naturalis, prout de se cuius facile apparebit; nihilominus, cum supponatur habere proles multas, bonorum verò temporalium exiguum substantiam; hinc procul dubio ea indigebit ad suam, suarumque prolium sustentationem, ac per consequens deobligatur ab onere restitutionis saltem in tantum, ut interea, quousque ad pinguiorem fortunam redierit, possit eam tuto conscientia differre, nisi creditores, vel aliquis eorum in pari necessitate versaretur. Ratio est: quia secundum mox dicta numer. 325. impotentia moralis præbet justam causam differendi restitutionem: atqui moraliter loquendo, considerato præsertim statu nobilitatis, in quo Titia esse constituta, multiplicatione prolium, & similibus circum-

stantiis, censetur moraliter impossibile, ut de bonis à Marito relictis aliquid tribuat creditoribus: ergo. Et hac de causa una permittunt Uxori de bonis mariti (postpositis etiam creditoribus) retinere sibi necessaria ad sustentationem; nam alimentatio Uxoris & prolium est privilegiata ante reliquos creditores, & sicuti talis necessitas debitorem excusabat, ita & hæredes excusat à restitutione saltem differenda. Vide la Croix l. 3. par. 2. num. 432.

337 Dixi tamen: nisi creditores, vel aliquis eorum in pari necessitate versentur. Ratio hujus limitationis est: quia tunc creditor possit esse rationabiliter invitus, quandoquidem æquitati minimè consentaneum videatur, ut ex re alteri debita quis suas necessitates sublevet cum pari necessitate (non extrema) alterius; idque vel maxime tenendum tunc, quando debitor per nimium luxum vel prodigalitatem dedit causam suæ necessitati gravi, veluti communiter satis advertunt Doctores, uti Layman, Lessius, Dicastillo disp. 10. nu. 30. Illung. tract. 4. disp. 3. num. 248. la Croix cit. num. 430.

At quid, inquires, si talis vidua nobilis habeat bona sibi propria v. g. paraphernalia &c. tenebiturne ex his satisfacere creditoribus?

338 R. Non tenetur, nisi absolutè se obligasset ad satisfaciendum creditoribus illis. Ratio est: quia si teneretur, tunc vi contractus: at, ubi deficit consensus, ibi corrumpitur contractus: ergo si talis vidua nunquam se obligavit absolutè ad solvendum, & satisfaciendum Creditoribus, debet absolvi ab hoc onere. Et licet Maritus supponatur sese obligasse ad præstandam satisfactionem, non tamen potuit se obligare ad satisfaciendum de bonis alienis (cujusmodi erant illa bona relictæ viduæ nobili propria) sed tantum ad satisfaciendum de bonis sibi propriis; de quibus, cum parum vel respectivè nihil reliquerit, hinc & uxor ad nihil obligari potest. Quin immò si sine uxoris consensu Maritus ne quidem de bonis sibi & uxori communibus pro libitu suo disponere valet, utputa alienando ea, vel donando donatione excessiva;

siva; esto enim jura Marito permittant potestatem administrandi bona communia, eam tamen limitant ita, ut non possit hoc cum gravi præjudicio Uxoris, veluti pluribus allegatis ostendit Sanchez in *Conf. l. lib. 1. c. 6. dubit. 7. nu. 7. & 8.* Idipsum docent Layman *l. 3. tractat. 4. c. 13.* Gobat *Quin. tract. 5. cap. 24. numer. 4. & seqq.* Reiffenstuel *theol. mor. tract. 7. dist. 4. nu. 18.*

Dices tamen adhuc: in hoc casu nostro refertur, Titiam non modicè fuisse cooperatam ad consumptionem, & sine dubio etiam ad illa debita contrahenda: ergo naturali jure videtur obligata ad solvendum & satisfaciendum creditoribus etiam de bonis sibi propriis.

339 R. Ob hanc rationem, utique minime spernendam, attendendum esse à Confessario, an Titia ad hujusmodi consumptionem & debitorum contractionem bona, vel verò mala fide fuerit cooperata vel non? si bona, utputa quia nihil scivit de debitis in tanto numero à Marito contractis, vel tamen sciverit, tamen credidit, fore, ut tempore congruo is possit solvere &c. dicendum, quòd pro foro interno ad nihil teneatur. Ratio est: quia de rebus illis alienis nihil supponitur amplius possidere, nec inde evasit ditior: at, qui bona fide rem alienam consumit, ita ut inde non evadat ditior, propterea nihil tenetur restituere, uti suprà *C. 2. n. 31.* diximus: ergo. Quin immò, tamen Titia prævidisset, fore, ut Maritus de bonis sibi communibus nunquam amplius satisfacere queat; si tamen per illam non stetit, quò minus debita illa contraherentur, potuit adhuc tuta conscientia, & sine onere ea solvendi ex propriis, acceptare alimenta, & alia sibi necessaria, quippe ad quæ sibi ministranda Maritus fuit obligatus: *L. si cum doctem. §. Sin autem ff. soluto matrimonio.* At verò, si mala fide fuisset cooperata, utputa suadens vel etiam inducens maritum suum ad nimium luxum, & ad debita contrahenda, esto præviderit eum fore imparē ad solvendum ex bonis suis, vel etiam communibus sibi & ipsi, proculdubio Titia teneretur solvere creditoribus ex bonis sibi propriis. Ratio est: quia hoc

modo fuisset cooperata ad injustum damnum creditoribus inferendum: atqui omnis injustè cooperans ad damnum alicuius, tenetur illud omni modo moraliter possibili resarcire: juxta dicta superiùs *C. 4. numer. 94.* Idipsum à fortiori dicendum foret, si Titia proprio suo nomine & auctoritate illa debita contraxisset. Videatur de hoc la Croix *l. 3. p. 2. num. 381 & 387.*

CASUS SECUNDUS.

S Emprontus juvenis videbatur sibi nimis coarctatus sub disciplina & servitute Tutoris vel potius Curatoris, unde ab eo petiit & obtinuit licentiam alio proficiscendi, & (ut dicitur) suam fortunam quaerendi: quia verò, ut alter filius prodigus pecuniam omnem, & magnam patrimonii sui substantiam à Curatore sibi identidem sibi submissam malè delapidavit, hinc idem Curator rei tandem gnarus, idem omne substantium pecuniarium denegavit; quo factum est, ut dictus juvenis varias infirmitates, calamitates, & misérias inciderit. Jam quaerit idem Curator, an hæc tuta conscientia potuerit Sempronio negare pecunias eidem vi patrimonii debitas? 2. an non ex suis teneatur compensare damna illa, quæ Sempronius defectu pecuniæ sibi non subministrata incurrit?

340 R. ad primum. Curator tuta conscientia potuit, & deinceps etiam poterit Sempronio negare subsidia saltem non necessaria, seu illa, quæ prævidit malè dissipanda &c. Ratio est: quia quivis Curator & Tutor nedum ex charitate; sed etiam specialiter ex virtute pietatis tenetur gerere curam clientis sibi commissi, ejusdemque negotium utiliter gerere, pro possibilī avertendo damna nedum corporis, sed etiam animæ *l. à tutoribus. ff. de administrat. & periculo tutor.* atqui hoc meliori modo fieri non potuit in nostro casu, quàm Sempronio subtrahendo subsidia pecuniaria non necessaria: ergo. Accedit, quòd secundum dicta *num. 329.* nemo teneatur ad restitutionem rei alienæ, quando dominus illa vult abuti; quia hic in his circumstantiis irrationabiliter prætenderet restitu-

autionem, & hoc ipso non habet jus proximum ad repetendam rem suam: ergo à fortiori curator vel tutor obligatur non subministrare ea, quibus cliens sibi commissus abuteretur ad propriam perniciem. Vide Lugo *disp.* 21. *num.* 26. Illiusung *tr.* 4. *disp.* 3. *n.* 256.

341 R. jam ad secundum. Si miseriæ, calamitates, & damna Sempronius secuta ex subtractione subsidii peccuniarii fuere minora, quàm dissipatio patrimonii, vel etiam pericula animæ ab eo incurrenda fuerint, tutor seu etiam curator ad nullam prorsus restitutionem seu etiam damnum compensationem obligari potest. Ratio est: quia ex hac suppositione non peccavit contra iusticiam, quin potius negotium sui clientis utiliter ac laudabiliter gessit, veluti cuius rem ponderanti facile patebit. Quin, etiamsi damna illa fuissent majora, si tamen à curatore non prævisa, vel ex subtractione subsidii necessarii non per se, sed merè per accidens subsecuta, hic ad nullam prorsus restitutionem à Confessario obligari potest aut debet; quandoquidem nullam intulerit injuriam formalem suo clienti, veluti post Molina rectè tenent Lugo *cli.* *num.* 31. & la Croix *l.* 3. *p.* 2. *n.* 426. & seqq.

CASUS TERTIUS.

Cajus fatetur se tempore studiorum suorum multa contraxisse debita, è quibus principaliter enumerat sequentia 1. à quodam successivè creditò accepit 100. florenos. 2. alteri per furta minuta successivè clepsit circiter 100. 3. diversis in popinis sum pro vino, sum pro aliis etiam victualibus debet circiter 70. florenos. 4. denique ait, se cuidam puellæ promississe matrimonium. Quia tamen his non obstantibus putat se vehementer inclinari ad statum religiosum; hinc dubitando querit, an possit vel debeat sequi hunc instinctum internum, non solutis creditoribus; an verò potius teneatur remanere in sæculo, & sua talenta (quibus à Deo insigniter erat ornatus) eò applicare, ut dilectis creditoribus faciat satis. Quid respondebit Confessorius?

342 R. Spectato præcisè jure naturæ

videtur satis probabile, Cajum tuta conscientia posse amplecti statum religiosum, ad quem se vocatum existimat. Ratio est: quia videtur moraliter impossibile, ut sine detrimento vocationis, & neglectu status religiosi possit satisfacere creditoribus suis; cum enim aliunde supponatur pauper & inops, non appareat verosimile, quòd remanendo in sæculo suis laboribus, industria ac ingenio possit lucrari tantum, quantum sibi præter sustentationem propriam & alia, sufficeret ad expungenda debita: & certè si id aliquando sperare liceret, fieri non poterit, nisi post sat longum temporis tractum, quo Cajus jam evaderet impotens, vel potius ineptus ad statum suæ vocationis exequendum, utique non sine periculo salutis, & magno detrimento in bonis animæ: at, qui sine notabiliter graviore suo detrimento, & præsertim sine periculo animæ nequit solvere debitoribus, ille probabilissimè deobligatur ab hoc onere, ita, ut tuta conscientia possit amplecti statum religiosum; veluti satis communiter tenent Doctores, nominatim S. Thomas 2. 2. *qu.* 89. *art.* 6. *ad* 3. Sanchez in *decalog.* *l.* 4. *c.* 19. *nu.* 7. Illiusung *tr.* 4. *disp.* 3. *nu.* 272. & alii plures ab his relati: ergo spectato jure naturæ Cajus licitè amplecteretur statum religiosum.

343 Dixi tamen: *spectato jure naturæ*; nam jure positivo per constitutiones Sixti V. & Clementis VIII. mox supra *num.* 335. allegatas, sub gravissimis penis ecclesiasticis cavetur, ne illi, qui ingenti ære alieno gravati sunt (inter quos meritò recenseri potest Cajus noster) statum religiosum amplectantur, aut ad hunc accipiantur, si ab ipsis in sæculo remanentibus sperari possit solutio: at, à Cajo, utpote maxime talentato videtur posse sperari, si remaneat in sæculo: ergo vi juris positivi ad hoc probabilius tenetur. Idcirco à Confessario (nisi is prævideat majora damna & animæ pericula certò certius à Cajo subeunda) huic potius dissuadendum, quàm consulendum arbitror statum religiosum, eò potissimum, quòd Religio ipsa non parùm diffamari soleat ex receptione talium, qui ingenti ære gravati, potius animo evadendi hoc onus, quàm

verè

verè poenitendi arguuntur amplecti statum religiosum, non sine scandalo, immò & præjudicio aliorum, scilicet creditorum; præsertim si jam prius in sacculo cuipiam sese obligaverint in ordine ad contrahendum matrimonium: qui propterea vi statutorum nostrorum à nostra Religione Seraphica specialiter arceri & excludi debent, & solent.

Dices. Qui defloravit Virginem sub spe matrimonii, ne quidem de jure naturæ licitè amplecteretur statum religiosum, sed potius tenetur stare promissis suis, ducendo defloratam: ergo similiter is, qui præter promissionem matrimonii puellæ factam tot ac tanta contraxit debita: ergo Cajus nequidem de jure naturæ licitè amplecteretur statum religiosum.

344 R. negando paritatem; nam deflorator saltem implicitè promittit abstinere à statu religioso, quandoquidem sub spe & onere matrimonii tantum usus corporis à puella supponatur concessus & acceptatus à defloratore: è contra Cajus noster non promissit solvere suis creditoribus postposita Religione; quòd, si expressè promississet, etiam ipse teneretur abstinere ab ingressu, usque dum satisfecisset creditoribus, uti rectè tradunt Sanchez de matr. lib. 1. disp. 44. nu. 38. Lugo disp. 21. n. 67. Illung cit. nu. 279. & La Croix l. 3. p. 2. n. 442.

At quid, si talis studiosus jamjam ingressus, & professus Religionem, aliquid lucretur, aut lucrificare possit, tenebitur ne propterea laborare, ut inde possit satisfacere suis creditoribus?

345 R. Probabiliter tenetur, quantum est ex sua parte, labore & opera suo statui præsentì conveniente conari, ut satisfaciatur creditoribus: ita contra S. Antonium, Arriagam & alios nonnullos tenent Navarrus, Medina, Lugo cit. num. 80. & plures. Ratio est: quia ingressus in Religionem non liberat aliter à solutione debitorum, quam quatenus impedit modum & potestatem solvendi: ergo in casu, quo non impedit, non magis liberat, quam status ecclesiasticus: ergo si convenienter possit, tenetur talis Religiosus laborare laborio congruo, ut possit satisfacere

creditoribus suis. Rectè tamen præter alios docet La Croix mor. cit. nu. 449. & 470. talem Religiosum excusari ab hoc onere procurandi suo labore solutionem, si Prælatus ei neget licentiam laborandi; quia cum professus sit, tenetur obedire suo Prælato. Et quia Prælatus nihil debet Creditoribus; hinc etiam ex justitia non tenetur dare licentiam laborandi suo subdito; esto saltem ex charitate videatur esse obligatus ad dandam hanc licentiam, si nihil inconveniens inde sit timendum. Sapienter tamen faceret Confessarius obligando hujuscemodi professum, ut, sin minus temporaliter possit, saltem spiritualiter conetur satisfacere suis Creditoribus, utputa orando, vel etiam Sacrificia Missæ offerendo, quatenus clementissimus DEUS largiori sua benedictione velit ipsis compensare, id, quod Religiosus professus hic & nunc non amplius potest, nam hæc videtur rationabiliter præsumpta voluntas Creditorum, quippe qui sine dubio desiderabunt hoc modo sibi satisfieri à tali Religioso.

§. III.

Corollaria ex dictis inferenda.

346 Colliges ex dictis primò, non peccare debitorem differendo restitutionem in tempus opportunius, vel etiam restituendo successivè per partes, si secus deberet excidere statu suo justè adepto, utputa si persona illustris ad civilem, civilis ad plebejam, ingenua ad servilem conditionem deberet devolvi. Itaque cum communi Herinx, Sporer, Mastrius, Lessius l. 2. cap. 16. dubit. 1. nu. 25. Illung num. 246. Ratio est: quia in his circumstantiis creditor ob neglectam, vel etiam dilatam restitutionem nequit esse rationabiliter invitus, veluti jam dictum fuit suprà nu. 325. & 326.

347 Dictum tamen fuit: si propterea deberet excidere statu suo justè adepto; Etenim si talis supponatur ad hujusmodi statum injustè, utpote furtis, fraudibus, rapinis &c. evectus, neuiquam excusandus est à restitutione illico facienda, esto cum periculo excidendi hoc statu: quia

talis non censetur excidere statu suo, sed potius alieno, sibi prorsus indebito, & redire ad proprium: posset nihilominus juxta Lessium *est. num. 29.* & alios adhuc retinere ea, quæ hominibus suæ conditionis sunt necessaria ad tenuem victum & vestitum. Porro si debitor ob restitutionem solum deberet diminuire statum suum etiam iuste acquisitum, ut puta pauciores famulos alendo & conducendo, parcius visitando, vilius se vestiendo, equorum numerum diminuendo &c. non est excusandus ab onere restitutionis. Ratio est: quia hoc modo non excideret suo statui: ergo creditores rationabiliter postulant sibi satisfieri, esto non sine gravi incommodo debitoris. Videatur P. Mezger *tom. 3. tr. 12. disp. 35. a. 1. nu. 7.*

348 Colliges secundò, neminem adstringi posse in foro conscientie (quidquid sit de foro externo & pœnali, seu vindicativo) ad restituendum bona inferioris ordinis cum notabili detrimento in bonis, altioris ordinis, Communiis apud Layman *l. 3. tr. 2. cap. 12. n. 2.* & Illung *tr. 4. disp. 3. nu. 252.* Ratio est eadem, quæ mox fuit data: quia scilicet Dominus non potest rationabiliter prætere restituendum sibi faciendam cum notabili damno debitoris in bonis altioris ordinis; nam charitas proximi & æquitas naturalis suadent contrarium. Quocirca breviter juvabit animadvertere, à Doctoribus triplex bonorum genus distingui, scilicet 1. infimum, 2. medium, & 3. supremum. De infimo ordine reputantur bona fortunæ, ut puta pecunia, vinum, frumentum, agri, animalia &c. de medio, bonum honoris ac famæ, denique in supremo ordine habentur bonum vitæ, membrorum, sanitas, libertas, virginitas & similia; unde sequitur, bona fortunæ non esse compensanda cum notabili detrimento in bono famæ aut vitæ &c. Babenshuber *tractat. 7. disp. 4. art. 6. numer. 11.*

349 Colliges tertio, constitutum in extrema necessitate non teneri ad restitutionem, tametsi creditor pariter versaretur in extrema necessitate, vel periculo hanc incidendi. Ratio est: quia in extre-

ma necessitate omnia bona reputantur communia, ideoque sunt primò occupantis: at, primò occupans tunc est ille, qui actualiter eadem possidet; cui etiam in tali casu charitas suadet, ut sibi potius, quàm alteri consulat, & Dominus vel potius creditor in hoc casu non amplius esset rationabiliter invitatus. Ita cum aliis tenent Salmanticenses *tom. 3. tract. 13. capit. 1. num. 272.* Sayrus, Bonacina & Mezger apud Babenshuber *mox citat. nu. 5.*

350 Colliges quarto, nedum extremam, sed etiam verè gravem necessitatem exculare ab onere restitutionis, & quidem in perpetuum, si talis necessitas supponatur perpetuè duratura. Ita Illung *ubi supra num. 249.* Lugo *tom. 1. disput. 21. sect. 1. nu. 20.* Ratio hujus est: quia manente causa manet effectus ab ea dependens; atqui justa causa differendi restitutionem est nedum extrema, sed etiam verè gravis necessitas: ergo quemadmodum hæc modicè vel ad tempus durans, excusat ad illud tempus; ita pariter si duret in perpetuum, debet in perpetuum excusare.

351 Excipiendum tamen & limitandum hoc est: nisi creditor pariter ob dilationem vel neglectum restitutionis devoveretur ad similem verè gravem necessitatem. Ratio hujus limitationis est: quia tunc debet esse melior conditio ipsius Domini creditoris, qui proin esset merito invitatus ob negatam sibi restitutionem, idque præsertim dicendum, quando restitutio debita est ex delicto; quia iniquum videtur, ut debitor ex sua injuria reportet commodum contra innocentem pari necessitate gravatum. Lessius Molina, Dicastillo *disput. 10. numer. 30.* & alii plures, quos sequitur la Croix *l. 3. p. 2. numer. 430.*

Dices tamen contra hoc. Debitor constitutus in extrema necessitate non tenetur restituere, tametsi creditor similiter versaretur in necessitate extrema, veluti paulò ante diximus: ergo similiter constitutus in verè gravi necessitate deobligandus est, etsi creditor versetur in pari necessitate.

352 R. negando consequentiam & pariter

catem; nam extrema necessitas facit res communes, & tribuit primò occupanti dominium, ut dictum est n. 349. at hoc non facit necessitas gravis duntaxat. Ex quo consequens est, creditorem in pari necessitate verè gravi constitutum posse esse rationabiliter invitum, non item constitutum in extrema necessitate: & quemadmodum in casu, quo creditor defectu restitutionis deberet excidere suo statu, tenetur debitor restituere, esto is propterea incideret idem damnum; ita profecto si creditor pariter versetur in vere gravi necessitate, cogendus est debitor ad satisfaciendum, non obstante æquali periculo vel necessitate gravi.

353. Colliges quintò, damnum ex dilatione restitutionis quantumvis justè facta, esse compensandum creditori, si is aliquid passus fuerit. Ratio est, quia gratia debitori facta à creditore in hujus præjudicium cedere non debet. Et certè foret conditio iniqua, si debitor obtenta in suum commodum dilatione restitutionis, nollit in se suscipere onus refarciendi damna creditori inde provenientia: profecto nullus etiam creditor facillè consentiret in hujusmodi dilationem cum damno

proprio: ergo eòdem debitor sentiat commodum ex dilatione, congruum omnino videtur, ut portet & onus, scilicet recompensandi damna suo creditori fortè emerfa. Ita Layman l. 3. c. 12. n. 2. Mezger ubi *suprà* n. 8. Babenstuber l. ult. n. 12.

354. Colliges denique sextò, etiam remissionem præsumptam posse excusare ab onere restitutionis, uti ex communi DD. tradunt Lugo tom. 1. disp. 21. scilicet 4. n. 52. & Bonacina de restitutione disput. 1. quest. ult. punct. 2. num. 8. Ratio patet ex hætenus dictis; quotiescunque enim Dominus non est invitus, ut sua res ab alio detineatur, toties debitor ab onere satisfactionis liberatur; quia tunc Dominus quodammodo cedit juri suo: at, ubi adest remissio rationabiliter (ut supponimus) præsumpta, ibi Dominus non est invitus, immo supponitur cessisse juri suo, ut de se liquet: ergo debitor excusatur ab onere restitutionis. Cæterum tunc censetur intervenire remissio præsumpta rationabiliter, quando debitor ex circumstantiis prudenter credere potest, creditorem non esse invitum.

F I N I S.

I N D E X

ALPHABETICUS MATERIARUM

IN HOC OPERE CONTENTARUM.

Littera p. Paginam, n. cum cifra numerum marginalem denotat.

A

Abertus quid? p. 491. n. 462. Abortum factus animati per se & directè procurare, nunquam est licitum. ibid. n. 464. An, vel quando liceat, indirectè procurare? p. 492. n. 465. & seqq. Abortum scienter procurantes, in quas pœnas incidunt? n. 467. Et quinam dispensare valeant in his pœnis? p. 493. n. 471. & seqq.

Absolvendi potestas ordinaria, à casibus reservatis, quibus competat, & quibus delegata. p. 309. n. 363. & 364. Episcopi, an possint absolvere à casibus Summo Pontifici reservatis. p. 310. n. 365. & 366. Et quid Superiores Regulares circa hoc valeant. ibid. n. 369. In mortis articulo quilibet Sacerdos validè absolvit à reservatis. p. 311. n. 370. An taliter absolutus teneatur cessante periculo rursus ab alio petere absolutionem. ibid. n. 371. Confessarius non deputatus pro reservatis, an, vel quando ab illis valeat absolvere indirectè; & quid sit indirectè tantum absolvi? p. 311. n. 372. & p. 312. n. 373. ac seqq. Habens casum in sua Diocesi reservatum, potest ab illo in alia Diocesi, ubi non est reservatus, à quolibet absolvi, modò non exeat in fraudem. p. 313. n. 376. Absolutus invalidè à peccatis, an, vel quando absolvatur à reservatione casuum. p. 314. n. 377. Religiosus percussor Clerici, perquit à suo Confessario ordinatio absolvi ab hac percussione, sine speciali facultate. ibid. n. 380. & seqq. Reservationem semel sublata quivis Confessa-

rius validè absolvit à peccato. p. 316. n. 387. Potestas absolvendi à reservatis est latè interpretanda. p. 316. n. 388. Recensentur festa, in quibus cuivis Confessario Diocesis Salisburgensis, & Passaviensis conceditur potestas absolvendi à reservatis. p. 317. n. 390. Absolutio est, debita poenitenti, ritè confessio. p. 340. n. 461. item pag. 343. num. 468. ac seqq. Non licet differe absolutionem sine multum rationabili causa. pag. 343. num. 474.

Absolutio, quando sit danda, sub conditione. p. 15. n. 31. semper debet cadere super materiam certam, unde à peccatis merè dubiis sine necessitate absolvere non licet. & quomodo? p. 195. n. 20. Absolutionis forma traditur. p. 197. n. 23. Quænam verba sint necessario exprimenda necessitate præcepti. ibid. n. 24. & quænam necessitate Sacramenti. ibid. n. 25. Qualem sensum faciant verba Absolutionis. p. 198. n. 26. Debet forma necessariò proferri voce. ibid. n. 27. & in moraliter præsentem. ibid. n. 28. Quænam censetur præsentia moralis. p. 199. n. 29. item p. 201. n. 37. & 38. Absolutio regulariter loquendo debet dari absolutè. p. 199. n. 30. Subindè tamen conditionatè, duntaxat. ibid. n. 31. item p. 204. n. 46. Sufficit tamen conditionem exprimi in mente. p. 199. n. 32. Absolutio quandonam sit repetenda. ibid. n. 33. & p. 200. n. 34. Verba præcedentia formam absolutionis sicut & subsequenter eandem non sunt de essentia. p. 203. n. 42. Absolutio sub conditione saltem debet dari moribundo, ubi

ubi est probabilis spes alicujus fructus. p. 239. n. 208. Et qui talem non absolvit graviter delinquit. p. 262. n. 215. Vide *Meribundus*.

Acatholici. Acatholicorum Sponsalia cum Catholicis regulariter loquendo non valent. p. 370. n. 15. Quid si promittant amplecti fidem Catholicam? ibid. n. 16. Acatholici probabiliter stringuntur impedimentis matrimonii ab Ecclesia introductis. p. 383. n. 72.

Actus conjugalis an sit licitus, & debitus? p. 467. n. 384. & seqq. An desistere ab eo, sit licitum? pag. 469 num. 389. Actus conjugaliter ex quibus capitibus evadat illicitus? pag. 475 num. 409. & seqq.

Adoptio quid, & quod duplex? p. 403. n. 140. Probabiliter ex sola adoptione perfecta confurgit impedimentum cognationis legalis. ibid. n. 141.

Adulter, an vel qualiter teneatur ad restitutionem. p. 579. n. 213.

Adulterium quid? p. 483. n. 435. Quotuplex? ibid. n. 436. Et quale peccatum? ibid. n. 437. Quas post se trahat penas? ibid. n. 438. Adulterium ut inducat impedimentum criminis debet esse formale, cum promissione seria &c. p. 409. n. 165. & seqq. Item? p. 410. n. 170. Adulterium, an, vel quando præbeat causam Divortii? p. 467. n. 382. Adultera, quando teneatur ad restitutionem? p. 484. n. 439. & quando Adulter? ibid. n. 441. & seqq. Quomodo damna sint compensanda? p. 488. n. 455. Item, an, vel quando adultera teneatur se ipsam manifestare? p. 489. n. 459. & seqq.

Advocatus causam sui clientis non satis deserviens, ad quid teneatur. p. 543. n. 103. & seqq.

Alias qualis requiratur ad contractum matrimonii? p. 435. n. 256.

Affinitas quid? p. 425. n. 225. Ad hanc requiritur copula perfecta. ibid. n. 226. Et quousque se extendat? ibid. n. 228. Quomodo sit practice investigandum, quoto gradu una persona distet ab altera? ibid. n. 228. Item quo jure dirimat? p. 426. n. 230. Affinitas superveniens matrimonio, an, vel quomodo impediat Usum matrimonii. p. 426. n. 231. & seqq. Et quinam in hac pena valeant dispensare? ibid. n. 234. Affinitas semel contracta manet

perpetua. pag. 429. n. 243. Inter quas personas vi copula carnalis oritur? p. 428. n. 240. & p. 429. n. 244.

Altare portatile, an, quo loco, & à quibus erigi valeat. p. 141. n. 251. & seqq. Quid nomine Altaris intelligatur. p. 143. n. 255. quo modo debeat esse instructum. ibid. n. 256. Quot modis suam consecrationem perdat, præsertim fractione sigilli & sepulchri. ibid. n. 259. & seqq. Qui in Altari non consecrato celebrare præsumit, graviter delinquit. p. 148. n. 280.

Amentes, an, vel quando sunt baptizandi. p. 41. n. 67. an, vel quando sint capaces absolutionis. p. 202. n. 39. Et quomodo suspecti de amentia sint examinandi? ibid. n. 40. Quid, si omnibus perpenus maneat dubium, an sufficienti usu rationis potiantur. ibid. n. 41.

Anima, an tamdiu in purgatorio detineatur, quamdiu non fiat restitutio debitorum ab ipsis in hoc sæculo contractorum. p. 517. n. 26. & 27.

Aposata à fide vel Religione solemniter adstrictis, attentando matrimonium invalide agit, & graviter peccat. p. 398. n. 122.

Applicandi intentio necessaria est ex parte Sacerdotis Sacrificantis, & quænam. p. 118. n. 174. & seqq. Religiosus præter, vel etiam contra voluntatem sui Superioris applicans Sacrificium, an valide, vel licite agat. p. 119. n. 178. Vide *Intentio applicandi*.

Approbatio quid. p. 283. n. 278. & quomodo differat à jurisdictione. ibid. n. 279. Alia est tacita, alia expressa. ibid. n. 280. Est petenda ab Episcopo pro secularibus audiendis in ejus Diocesi confessio auditur. p. 284. n. 281. & 285. Pro Religiosis absolvendis sufficit approbationem fuisse obtentam ab ipsorum Superioribus. ibid. n. 282. Non tamen sufficit approbationem fuisse petitam, nisi etiam sit obtenta. ibid. n. 284. Clericus in examine absolute habilis inventus debet approbari. ibid. n. 285. Similiter Regulares absolute habiles inventi ab Episcopo, nequeunt licite reprobari, immo nec limitate duntaxat approbari, nisi subsit multum rationalis causa. p. 285. n. 286. & 287. ac seqq. Religiosus ab uno conventu ad alium missus, an

- ibi possit excipere confessiones sine approbatione, *ibid.* n. 289. Et quid de Privilegio itinerantium desatō sit tenendum. p. 286. n. 290. Approbatio expressa, aut saltem tacita omnibus omnino Confessariis (extra mortis articulum) est necessaria. p. 288. n. 297.
- Approbatus* in una Diocesi, non censetur hoc ipso approbatus in alia. p. 289. n. 298. Ad valorem Sacramenti sufficit approbatio per legitimam consuetudinem, vel per tacitum consensum Ordinariorum obtenta. *ibid.* n. 299. Regularis ab Episcopo approbatus nequit jurisdictionem hanc exercere in alios Religiosos sine consensu Superiorum Regularium, qui hanc potestatem suis subditis limitare valent. *ibid.* n. 300. & 301.
- Aqua* naturalis, seu. elementaris est materia baptismi. p. 25. n. 7. Vide *Baptismi materia*. Aqua naturalis, modica admiscenda est viuo consecrando. p. 68. n. 10. item n. 19. 20. & 21.
- Auctoritas* superioris, an, vel quomodo excuset ab onere restitutionis. p. 603. n. 333.
- Ab *Aurora* incipit tempus ordinatum celebrandi. p. 135. n. 225. Quid nomine auroræ intelligatur, & quomodo hæc sit sumenda. *ibid.* n. 226. & 227.
- Aurifaber* non indicans pretium rei ignorantis, proprietateque viliori emens, an ad restitutionem obligetur. p. 367. n. 179.

B

- Baptismi materia*, remota est aqua elementaris, proxima est ablutio. p. 25. n. 7. Quæ sit materia certò valida, quæ certò invalida, & quænam dubia. *ibid.* n. 8. 9. & 10. Quid agendum, casu quo infans incipit agonizare ante baptismum. p. 26. n. 12. Non licet talem infantem submergere, animo illum baptizandi. *ibid.* n. 13. & p. 27. n. 14. In aqua calida, vel rosacea mixta, an baptizare liceat. *ibid.* n. 15. Quantum aquæ sit asfundendum in baptizare. *ibid.* n. 16. & 17. Infans si puerpera vel ab obsterice baptizatus, an, vel quando sit rebaptizandus. p. 28. n. 18. & 19. Qui relicta aqua naturali utitur alia, peccat graviter, est in hujus defectum adhibendus

fit alius liquor; de quo probabiliter creditur, quod sit aqua naturalis. *ibid.* n. 20. & 21. Subinde baptizandus est infans, etsi nondum integre egressus elaustra ventris. p. 29. n. 22. Aqua debet immediate tangere infantem, & in qua parte. *ibid.* n. 23. ad valorem petinde est, siue baptismus fiat per affusionem, siue per immersionem in aquam. &c. *ibid.* n. 24.

Baptismi forma consistit in his verbis: ego te baptizo in nomine &c. pag. 50. n. 25. quænam verba in hac forma necessario sint exprimenda, *ibid.* n. 26. & p. 31. n. 27. aliqua formulæ controversæ & dubie reſtuntur. p. 32. n. 33. & 34. Quæ variatio formulæ obſtet baptismi, vel non. pag. 35. n. 43. Nemo seipsum baptizare valet. p. 32. n. 32. Quid agendum, casu quo confect. baptismum fuisse nulliter administratum. p. 33. n. 35. & 36. Et quid, si Sacerdos infantes baptizasset in nomine Diaboli. *ibid.* n. 37. & 38.

Baptismi subiectum est omnis homo vivens, nondum baptizatus. p. 37. n. 48. an etiam infans in utero Matris. *ibid.* n. 50. an etiam proles infidelium. *ibid.* n. 52. & 53. an etiam monſtrum. p. 38. n. 54. Et quid, si de tali monſtro dubitetur, sive unus duntaxat homo, vel plures. p. 38. n. 55. Infans in alieno territorio natus, à quo sit baptizandus. p. 39. n. 57. & seqq. An mulier gravida teneatur pati incisionem sui uteri, ut proles perveniat ad gratiam baptismi. *ibid.* n. 60. Et quid agendum, casu quo mulier obit ante fœtum enixum. *ibid.* n. 62. An baptizanda puella, de qua non constat, utrum aliquando fuerit baptizata. p. 40. n. 63. Et quid de infantibus expositis. *ibid.* n. 64. Amentes, an, vel quando sint baptizandi. p. 41. n. 67.

Baptismus quid sit. p. 23. n. 1. quo tempore institutus. p. 24. n. 2. Baptismus datur triplex, scilicet 1. Fluminis (qui solus est Sacramentum) 2. Fluminis, & Sanguinis. *ibid.* n. 3. 4. & 5. Quænam condiciones ad baptismum Sanguinis, id est, ad martyrium requirantur. *ibid.* n. 6.

Baptismus fluminis, quomodo sit necessarius ad salutem. p. 42. n. 68. & 69. baptismus in voto, quid. *ibid.* n. 70. Baptismi effectus sunt duo, scilicet gratia, &

nia, & character. p. 43. n. 71. In baptismo necessarii adhibendæ sunt quædam ceremoniæ, quæ tamen in casu necessitatis licite omittuntur. ibid. n. 72. & 73. Est in Ecclesia censendus. ibid. n. 74. & p. 45. n. 84. Et adhibendus Patrius. p. 43. n. 75. Quinam ab hac munere sint excludendi. p. 44. n. 76. Et quid obser- vandum, casu quoniam aliquis rebaptizatur. ibid. n. 77. & 78. In Ecclesia filiali an baptizare liceat. p. 45. n. 81. An in domo privata. ibid. n. 82. An plures Pa- trini sint admittendi. p. 46. n. 85. Adultus in principis fidei satis instructus, an, vel quamdiu sine peccata possit dis- ferre susceptionem baptismi. ibid. n. 86.

Beneficiarius, an, vel quæties teneatur sa- crificare. p. 125. n. 196. quid, si Sacrum in altari privilegiato legendum, legat in alio non privilegiato. p. 129. n. 209. Et quid, si dubiter de numero Sacrorum, an, vel quæties teneatur applicare ad inten- tionem fundatoris. p. 130. n. 211. & 212. Quid, si infirmitate prædeditus, quanti- dianum Sacrum per aliquot dies celebra- re nequeat. p. 131. n. 224. Et quid, si sponte illud intermitrat, vel in alio al- tari, aut Ecclesia celebret. ibid. 215. & 216. Sacrificium ex iustitia debitum, tenetur legere sub gravi culpa. p. 132. n. 218. Etiam nimia dilatio talium Sa- crorum non vacat culpa gravi, & quæ- nam dilatio reputetur nimia. ibid. n. 219. & 220.

Beneficiarius. Possidens simplex beneficium, an valeat eligi in Confessarium. p. 294. n. 314. & seqq.

Beneficium Ecclesiasticum minus digno con- ferens, an teneatur ad restitutionem. p. 316. n. 23. à beneficio Ecclesiastico ali- quem impediens, ad quid teneatur. p. 345. n. 110. & seqq.

Minare, id est, eadem die duas Missas le- gere, an, vel quando permittatur ab Ecclesia. p. 136. n. 229. item p. 138. n. 241. p. 139. n. 242. & 243.

Mina spiritualia animæ, quæ. p. 368. n. 180. an vel quomodo teneatur ad resti- tutionem, qui alium in his bonis spiri- tualibus damnificavit. ibid. n. 181. ad quid teneatur, qui alium induxit in er- rorem, vel in peccatum. p. 369. n. 182. & seqq. Bonorum triplex genus recen- sur, & an bona inferioris ordinis resti-

tuerenda sint cum detrimento in bonis al- tioris ordinis. p. 614. n. 348.

C

Calix, in quo celebratur, debet esse deauratus & consecratus. p. 144. n. 262. & 263, in non consecrato celebrans, peccat graviter. p. 148. n. 280. noviter deauratus probabiliter non indiget nova consecratione. ibid. n. 281.

Calumnia & contumelia. quid sint. p. 377. n. 234.

Canonicatum, vel Novitium avertens à Re- ligione, quomodo peccet, & an teneatur ad aliquam satisfactionem. p. 570. n. 188. & 189. quomodo delinquit, qui e- dem negat suffragium ad professionem. p. 575. n. 203. & seqq.

Casus reservatus quid. p. 300. n. 330. & quibus competat potestas reservandi casus. ibid. n. 331. & 332. Defectu dantur multi & diversissimi casus reservati. ibid. n. 333. Recensentur nonnulli casus reservati Sum- mo Pontifici: alii, quos Episcopi sibi solent reservare; & demum alii in di- versis Diocesis reservati. ibid. n. 334. & seqq. Ecclesia defacto salum reservat peccata mortalia, &que externa, ipso opere consummata, & certa. p. 302. n. 342. Unde peccata dubia non cadunt sub reservationem. p. 303. n. 343. Pollutio à Religiosa passa, cum complacencia, an sit reservata. p. 304. n. 347. Et quid, si talem procuraret in alieno corpore, vel in propria ab alio permetteret procurari. ibid. n. 348. Novitius non incurrit casus in Religione reservatos. p. 305. n. 349. Procuratio abortus, suppressio infantis in lecto, & veneficium, vel incantatio quan- da sint reservata. ibid. n. 350. Nnnul- li alii casus Episcopis reservati breviter & succincte explicantur. p. 308. n. 352. Vide *Reservatio casuum*. A casibus re- servatis quinam valeant absolvere. p. 309. n. 363. In mortis articulo cessat om- nis reservatio casuum. p. 311. n. 370. Vid. *Absolutio de casibus reservatis*.

Caupo minoris præter quam alii victualia ven- dens, an teneatur ad aliquam restitutio- nem. p. 542. n. 99. & seqq. quid si ce- revisiam præter meliorem, quam alii. ibid. n. 502. Caupo recipiens fures ad hospitium, eos abscondens, ne capian- tur,

- tur, an delinquat, & ad quid teneatur. p. 554. n. 138. Quid si recipiat filiosfamilias dilapidantes bona suorum parentum. p. 555. n. 141.
- Causæ excusantes* à restitutione sæpè sæpius occurrere solent. p. 518. n. 29. Causæ cooperantes ad Injustam damnificationem, recensentur. novem. p. 548. n. 117. Explicantur breviter singulæ ibid. n. 118. & seqq. Causa partialis & totalis, quæ censetur, & quænam inter utramque differentia in ordine ad restitutionem. p. 557. n. 148. Causæ excusantes à restitutione famæ, quæ. p. 578. n. 240. Causæ universam excusantes à restitutione vel differenda, vel omnino intermittenda explicantur breviter. p. 606. n. 324.
- Celebrandi tempus* incipit ab Aurora. p. 135. n. 225. locus competens est Ecclesia. p. 136. n. 231. an, vel quando licitum sit, eadem die sæpius celebrare. p. 136. n. 229. celebrans debet esse jejunus naturaliter. p. 138. n. 241. insuper debet esse instructus debitis paramentis ecclesiasticis. p. 144. n. 260. & seqq. debet observare Rubricas. p. 145. n. 268. quomodo peccet, qui eas negligit. ibid. n. 269. & seqq.
- Ceremoniæ* quæ in baptismo solemniter adhibendæ. p. 43. n. 72. quomodo peccet, qui eas negligit, p. 44. n. 79. & 80. quæ Ceremoniæ sint observandæ in administratione confirmationis. p. 49. n. 9. quibuscum Ceremoniis administranda sit Extrema Unctio. p. 60. n. 45. quomodo peccet, qui eas non observat. ibid. n. 46. quæ Ceremoniæ sint usurpandæ in administratione SS. Eucharistiæ. p. 83. n. 63. & p. 86. n. 75.
- Certitudo* moralis de morte prioris Conjugis an requiratur. p. 418. n. 204. & seqq. Unde hæc desumenda. n. 207. vel quid in simili casu agendum sit. p. 422. n. 218. Item, quid agendum, ubi ex post facto constet, priorem Conjugem adhuc vixisse. p. 423. n. 220.
- Cessio* honorum, an, vel quomodo excuset à restitutione. p. 609. n. 334.
- Ciborum* aliquoties per annum esse renovandum, & quo modo. p. 87. n. 77.
- Circumstantiæ* restitutionis, quot, & quæ? p. 596. n. 292.
- Circumstantiæ speciem* mutantes quænam censentur, & quænam aggravantes duntaxat. p. 249. n. 163. An eas teneamur confiteri. ibid. n. 169. & 170. Inculcandum est poenitentibus ut confiteantur circumstantias notabiliter aggravantes. p. 255. n. 193. Non exprimens circumstantias, quo modo prætere sit examinandum. p. 251. n. 176. & 177. Non licet in confessione negare circumstantias notabiliter aggravantes. p. 252. n. 181.
- Clandestinitas* quid. p. 438. n. 279. Et quid si Sponsi de loco recepti Concilii Tridentini exeat ad alium locum, ubi idem Conciliium non fuit receptum. p. 444. n. 301.
- Clericus* in examine absolute habilis inventus, citra injuriam reprobatur nequit. p. 284. n. 235. Clericus secularis, an possit sibi eligere in Confessarium Beneficium possidentem simplex beneficium. p. 294. n. 315. & 316. Clericus, qui videbatur Conubinarium, an poterit licite absolvi. p. 344. n. 469. Et quid cum tali agendum, si sæpius redeat cum eisdem peccatis. ibid. n. 470.
- Clericus* quid facere debeat, dum in excommunicationem & irregularitatem incidit. p. 497. n. 485. & seqq.
- Cognatio*. Cognationis impedimentum datur triplex. p. 399. n. 123. Cognatio naturalis quid. ibid. n. 124. quo jure dirimat. p. 401. n. 132. Cognatio Spiritualis quid. p. 401. n. 134. & seqq. Cognatio legalis quid. p. 402. n. 39. & seqq. Quousque hæc se extendat. p. 402. n. 142. Et quomodo Cognatio Spiritualis dirimat. p. 403. n. 135. & p. 402. n. 136.
- Communicare* volens debet esse in statu gratiæ. p. 90. n. 86. & 87. tempore Paschali omnes fideles usum rationis adepti, tenentur ad S. Communionem. p. 97. n. 101. Eam tenentur suscipere de manibus proprii Sacerdotis. p. 102. n. 126. Neque hinc satisfaciunt per Communionem Sacriligam. p. 103. n. 128. Quinam præsumantur adepti usum rationis. p. 97. n. 109. & quibus poenis afficiantur ii, qui negligunt Communionem Paschalem. ibid. n. 110. Communio sub utraque specie non est debita Laicis. ibid. n. 111. Nec permittitur, ut quis eadem die sæpius communicet. ibid. n. 112. an expediat, Laicis permittere Communionem quotidianam. ibid. n. 113. an is, qui tempore Paschali non communicavit, teneatur postea

- postea supplere. p. 109. n. 197. & seqq.
- Communicatio penitentie* fieri potest à quocunque Confessario. p. 271. n. 242. Quamvis etiam fieri debet. ibid. Vide *Penitentia Sacramentalis*.
- Compensatio* debiti, an, vel quomodo excuset ab onere restitutionis. p. 608. n. 532.
- Complici* confiteri. an sit licitum, vel expediens. p. 21. n. 74. & 75.
- Concubitus suspectus*, an possit licite absolvi sine ulteriori examine. p. 344. n. 469. Et quid agendum, si talis sæpius redeat cum eisdem peccatis. ib. n. 470.
- Conditio*. Conditionata Sponsalia, an, vel quando valeant. p. 371. n. 24. Et quid, si conditio sit impossibilis. p. 372. n. 25. vel turpis. ibid. n. 26. *Conditio servilis* propriè talis ignorata dirimit matrimonium. p. 519. n. 91. Et quænam talis. ibid. n. 92. *Conditiones*, quæ requirantur ad contrahendam cognitionem spirituales. p. 402. n. 137. Item, quæ & quot requirantur ad incurrendum impedimentum criminis. p. 408. n. 118. & seqq. *Conditiones matrimonii adjectæ*, an, vel quando obstant valori. p. 448. n. 314. & seqq.
- Confessarii scientia*, quanta debeat esse, & quomodo sit exercenda, aut comparanda. p. 323. n. 412. & seqq. Vide *Prudentia Confessarii*. *Confessarii obligatio* triplex, & quænam. p. 339. Vide *Obligationes Confessarii*.
- Confessarius* quomodo debeat procedere cum constitutis in occasione proxima. p. 226. n. 100. & seqq. Vide *Ocasio proxima*. quomodo Confessarius habeat agere cum mutis & surdis. p. 236. n. 133. Confessarii munus exercere valet solus Sacerdos. p. 282. n. 275. In eo necessaria est duplex potestas, ordinis scilicet, & jurisdictionis. ibid. n. 276. Et quomodo hæc inter se differant. ibid. n. 277. Ut Confessarius tunc suo fungatur officio, debet esse præditus 1. probitate 2. scientia, necnon 3. prudentia, & quantà. p. 338. n. 391.
- Quænam Confessarius, ut Judex, quænam ut Medicus, & quænam tandem velut Doctor spiritualis singulariter nosse debeat. p. 319. n. 394. & seqq. Confessarius à beneficio duntaxat suspensus licet absolvi, etsi illicite absolveret constitutus in statu disgratiæ. p. 318. n. 398. Et quid agendum, ubi Confessarius scilicet agnoscat excedisse gratiā. ibid. n. 399. & 400. Ut Confessarius licet absolvat, necessarium minime est, ut agere *Abolutionem* distinguat se reflectat super peccata penitentis. p. 319. n. 401. Etsi Confessarius peccatum mortale sinistre apprehendat pro veniali, aut viceversa, nihilominus valide absolvit. ibid. n. 402. Confessarius semi-italus, an licet excipiat confessionem penitentis italici continentis. p. 320. n. 404. Et quid Confessario agendum, quando penitentem non bene seu perfecte intelligit, vel quia peregrino idiomate, aut aliis barbaris se se explicat. ibid. n. 404. & 405. Confessarius delicturus competente scientia, an vel quo modo peccet, ingerendo se huic officio. ibid. n. 406. & p. 331. n. 407.
- Confessarius* debet nosse opiniones probabiles etiam diversas. p. 329. n. 450. Et quomodo prudenter debeat tractare penitentes energumenos, item alios diabolo mancipatos, aliosque, qui dicunt se animas à purgatorio liberasse. p. 326. n. 421. & seqq. Vide *Prudentia Confessarii*. Confessarius quo modo teneatur servare sigillum; item quo modis illud frangere, aut etiam periculo frangendi illud se possit exponere. p. 346. per totam Conferentiam. Vide *Sigillum Sacramentale*.
- Confessarius* quomodo debeat se gerere, dum advertit, penitentem esse irritum impedimento. p. 454. n. 338. & sequent. p. 457. n. 347. p. 460. n. 357. & seqq.
- Confessarius* quomodo habeat procedere cum possessore malæ fidei. p. 339. n. 91. quomodo cum injusto damnificatore. p. 345. n. 109. Confessarius advertens se male consuluisset, ad quid teneatur. p. 366. n. 176. quomodo Confessario procedendum cum homicida. p. 174. n. 226. quomodo cum injusto diffamatore. p. 381. n. 260. quomodo cum penitente, qui pluries admonitus non restituit, & vult semper differre restitutionem. p. 604. n. 319. & seqq.
- Confessio*, an sit necessariò præmittenda ab eo, qui vult ministrare Sacramenta. p. 15. n. 49. an ab ea excuset sola diffidentia erga Confessarium. p. 20. n. 71. & p. 21. n. 72. cur talis sine prævia Confessione nequeat esse rectè contritus. ibid. n. 73.

n. 71. Conscius peccati mortalis ante communionem tenetur confiteri. p. 89. n. 86. & 87. quid si talis solum haberet peccatum dubium p. 93. n. 97. quid agendum tali, ubi desituitur copia Confessarii. p. 92. n. 93. Et quid, si incidisset casum reservatum. p. 94. n. 102. Preceptum Tridentini de quâ primûm confitendo &c. quomodo sit intelligendum. p. 95. n. 105.

Confessio Sacramentalis quid. p. 231. n. 115. Ea est duplex, scilicet inchoata tantum, & completa. ibid. n. 116. Et hæc rursus potest esse vel formalis, vel virtualis duntaxat. ibid. n. 117. Confessio formalis omnium peccatorum mortalium est necessaria tam jure divino, quàm Ecclesiastico. p. 232. n. 118. & 119. Preceptum Confessionis qua divinum per se obligat in mortis articulo. ibid. n. 120. qua Ecclesiasticum verò semel in anno. p. 233. n. 121. Confessio ut sit fructuosa, diversas exigit condiciones. ibid. n. 123. quæ breviter declarantur. ibid. n. 124. Confessione sacrilega non satisfit præcepto. p. 235. n. 126. Talis tamen non tenetur postea quamprimûm confiteri. n. 127. In confessione sacramentali quænam cavenda & observanda. p. 237. n. 135. & 136. Ad confessionem publicam per se loquendo nullus tenetur. p. 238. n. 138. Confessio regulariter fieri debet verbis seu ore tenus. ibid. n. 140.

Confessionis integritas duplex est, alia scilicet materialis, alia formalis. p. 240. n. 145. Vide integritas Confessionis. Confessio redditur invalida, quoties destituitur aliquo essentialiter requisito. p. 275. n. 250. & 251. Unde postea est necessitudo repetenda. ibid. n. 252. Contra ubi confessio fuit valida, etsi non materialiter integra, illa duntaxat peccata sunt subjicienda clavibus, quæ in priori confessione fuerunt omissa. p. 276. n. 254. Vide Repetitio Confessionis.

Confirmationis Sacramentum, quid sit, & quando institutum. p. 48. n. 1. & 2. Quæ hujus materia & forma. ibid. n. 3. & 4. Minister Ordinarius est Episcopus: Extraordinarius potest esse simplex Sacerdos. p. 49. n. 5. & 6. quæ ad validam & licitam susceptionem hujus Sacramenti sint necessaria. ibid. n. 7. Nullum extat præceptum obligans ad hujus Sacramen-

ti susceptionem. ibid. n. 8. Quibus eum Ceremoniis administranda sit confirmatio. ibid. n. 9. Infantes quondam sint confirmandi. p. 50. n. 10. Confirmatio in maxilla pueri facta, probabiliter nulla est. ibid. n. 11. Dubitans de Confirmatione nunquam accepta, an licet accederet ad Sacros Ordines. p. 51. n. 12. & 13. Non confirmatus agendo paritum, an contrahat cognationem spirituales. ibid. n. 14. Plures simul tenentes, an eam contrahant. p. 52. n. 16. Confirmatio facta oleo simplici, vel solo balsamo, vel christame non benedicto est nulla. ibid. n. 17. Post adpocum usum rationis non est multum differenda, ne quidem in parvulis. p. 52. n. 18. & 19. Qui hoc Sacramentum contemnit peccat mortaliter. ibid. n. 20. Sicut & is, qui pluries illud suscipit. p. 53. n. 21.

Conjux, an toties peccet reddendo debitum, quoties alter illicite petit. p. 476. n. 416. Item, an possit alterius votum, libertate &c. p. 473. n. 400. & seqq.

Consecrationis tum validæ, tum etiam licitæ materia quæ. p. 73. n. 27. & 28. in quibus verbis consistat consecratio. p. 74. n. 31. Reperiens plures hostias, quàm consecrare intendit, quidnam habeat observare. p. 75. n. 35. & 36. Hostia præter intentionem Sacerdotis in altari posita, an consecratur. ibid. n. 35. & p. 79. n. 43. guttulus vini calici ad hærentem item vinum in calice cooperto contentum, vel in tabernaculo clauso repositum, an consecratur. p. 76. n. 39. Item p. 78. n. 46. & 47. consecrans Hostias in ciborio cooperto, illicite agit. p. 79. n. 49. advertens se loco vini aquam consecrassè, quid agere habeat. p. 110. n. 148. & seqq. unam duntaxat speciem consecrare nunquam licet. p. 145. n. 160.

Consensus, qualis sit necessarius ad matrimonium. p. 443. n. 513. Consensus novus, an, vel quando sit necessarius ad revalidationem matrimonii. p. 455. n. 543. & seqq. Et quid, si dubitetur, an consensus novus possit ab altera parte obtineri. p. 459. n. 556.

Conversus ordinarii, præsertim in peccato molitiei & luxuriæ, quomodo sint tractandi. p. 220. n. 95. Et quid, si dicant, se non posse amplius abstinere à tali vitio. ibid. n. 96. Vivens in perpetuis inimicitiiis & rixis,

& rixis, an sit capax absolutionis, præferim si moraliter certò prævideatur relapsurus. p. 221. n. 97. & 98. Et quid taliconsulendum n. 99. Pœnitens de consuetudine interrogatus an teneatur respondere Confessione. p. 235. n. 194.

Consuetudo. Consuetudine legitima introduci, & abrogari possunt impedimenta matrimonii, juris duntaxat humani. p. 384. n. 74.

Consulens injustam damnificationem, an sit obligatus ad restituendum. p. 348. n. 119. p. 353. n. 135. & seqq. Quid sit consilium suum revocavit. p. 356. n. 143. an vel quando volenti committere malum majus, liceat consulere & suadere minus. n. 144. malè consulens, an teneatur ad restituendum, si debuisset vi officii bene consulere. p. 366. n. 175. consulens juxta sententiam probabilem, an propterea teneatur ad aliquam restitutionem. p. 367. n. 178. Consulens puellæ à se imprægnatæ, ut alium nominaret patrem proli, ad quid teneatur. p. 399. n. 303. quid in hoc casu puellæ alium diffidenti incumbat. p. 600. n. 305. an possit rita conscientia ab illo nominato acceptare alimenta. suæ proli. ibidem. n. 306.

Contractus physicus, an sit necessarius ad valorem Ordinis. p. 159. n. 18. qui talem negligit, peccat graviter. p. 162. n. 38.

Contractus. Contrahentes in statu disgratiæ matrimonium graviter peccant. p. 459. n. 328. Vide *Matrimonium*.

Contractus quid sit. p. 358. n. 149. & quid quasi contractus. ib. n. 150. quænam inde oriatur obligatio restituendi. p. 359. n. 151. quid si res ex contractu alteri debita casu vel culpa pereat. ib. n. 152. p. 364. n. 158. & seqq. an quis teneatur in communi periculo rem alteri debitam ex contractu præferre rebus sibi propriis. p. 360. n. 158. quo loco res ex contractu debita sit restituenda. ib. n. 156. vendens equum cæcum pro vidente, an teneatur ad aliquam compensationem. p. 367. n. 160.

Contritio quid sit, & quotuplex. p. 206. n. 48. & 49. Perfecta contritio quid? ibid. n. 50. Talem (deficiente Sacramento penitentiae) tenemur elicere in mortis articulo. ib. n. 51. Immo verò etiam extra mortis articulum probabiliter saltem ali-

quoties per se obligamus præcepto contritionis. p. 207. n. 53. Et quando per accidens obliget? ibid. n. 55. Contritio imperfecta ex quo motivo concipiatur. p. 208. n. 57. & 58. An sufficiat dolor conceptus ex motivo peccatorum temporalium. ibid. n. 59. Attritio ex timore peccatorum concepta, an, & quomodo sit honesta? n. 60. Contritio perfecta essentialiter distinguitur ab attritione. p. 214. n. 76.

Cooperantes ad injustam damnificationem, quo ordine teneantur ad restitutionem. p. 350. n. 128.

Cooperator, an possit alteri delegare potestatem assistendi matrimonio. p. 439. n. 283.

Copula: carnalis perfecta requiritur ad contrahendum impedimentum affinitatis. p. 425. n. 226. Et quid, si dubitetur, an talis intercesserit? ibid. n. 236. & seqq. Copula imperfecta non parit impedimentum. p. 429. n. 246. & seqq.

Crimen. Criminis impedimentum quid, & quotuplex. pag. 407. num. 156. & 157. Quænam conditiones requirantur ad incurrendum hoc impedimentum. pag. 408. num. 158. & seqq. Criminis impedimentum incurritur, sive Maritus Uxori, sive Uxor Marito mortem machinetur. p. 411. n. 171. Non tamen incurritur ab infidelibus. ibid. n. 172. Criminosi non redduntur simpliciter inhabiles ad quodcumque aliud matrimonium. ibid. n. 173.

Culpa: alia dicitur theologica, alia civilis seu etiam politica duntaxat. p. 329. n. 62. Ex qua culpa tum in interno, tum etiam in foro externo oriatur obligatio restitutionis. p. 329. n. 63. & p. 330. n. 64. an culpa venialis sufficiat ad contrahendam gravem obligationem restituendi. p. 330. n. 65. & 66. p. 338. n. 88. & 89. Quid de damnificante cum ignorantia. p. 337. n. 86. Et quid de eo, qui scienter quidem damnificavit, ignoravit tamen omnimodam gravitatem damni. p. 338. n. 90. Quid si operi illicito quidem vacans, studuit tamen pro possibili avertere damnum proximi. ibid. n. 87: qualis culpa debeat præcedere, ut injuste damnificans possit justè condemnari ad satisfactionem. p. 340. n. 95.

Culpa disparitas quid. p. 412. n. 176. & seqq.

D

Damnatus ad tiremes, an possit contrahere matrimonium? p. 392. n. 99.
Damnificatio iniusta quid. p. 540. n. 92. quotuplīciter fieri natā sit. ibid. n. 93. quantum teneatur restituere iniustus damnificator. ibid. n. 94. qualis debeat precedere culpa. ibid. n. 95. quid de damnificante ignoꝛante, vel etiam scienter. p. 537. n. 86. & 87. & p. 538. n. 90. damnum inferens, quod praevidet alteri imputandum, ad quid teneatur. p. 541. n. 98. damnificantes ex communi consilio, an teneantur ad aliquam restitutionem. p. 552. n. 132. & seqq. dubitans an effectivē damnificaverit, ad quid teneatur. p. 556. n. 145. & 146. damnum à debitore incurrendum, an vel quomodo excuset ab onere restitutionis. p. 607. n. 329. p. 612. n. 342. & p. 613. n. 346. damna ex dilacione restitutionis creditori secuta, à quo compensanda sint. p. 610. n. 337. & p. 615. n. 353.
Debitum conjugale quando Conjux teneatur reddere, & quando non. p. 468. n. 385. & p. 469. n. 387. item p. 471. n. 394. & seqq. Debitum petere per se loquendo nullus tenetur. p. 475. n. 403.
Debitor privilegiata, quæ sint, & qualis ordo sit servandus inter debita solvenda. p. 551. n. 130. & 131. debita alia certa, alia dicuntur incerta. p. 596. n. 293. cuinam singula sint restituenda, seu etiam solvenda. p. 597. n. 294. 295. & seqq.
Defessus matrimonio perniciosos tenentur Sponsi sibi manifestare, & quando. p. 378. n. 56.
Defraudans gabellas, an teneatur ad earum refusionem. p. 512. n. 40.
Delegata jurisdictionis quid sit, & quibus competat. p. 291. n. 303. & 304. Delegatio jurisdictionis duobus modis fieri amat, scilicet 1. directē, & 2. indirectē. p. 296. n. 322. Quandam à jure. p. vel ab homine, vel per consuetudinem delegata censeatur. ibid. n. 323. Vide *Jurisdicō*.
Detentio iniusta rei alienæ, quale sit peccatum. p. 517. n. 25. detentor an teneatur alteri de damno inde secuto. p. 610. n. 337. & p. 615. n. 355.
Detrahis quid, & quotuplex. p. 577. n.

235. & 236. detractor, quomodo peccet. p. 579. n. 241. quomodo teneatur ad restitutionem samæ & aliorum damnorum. ibid. quid si dubitet; an detrahendo intulerit alteri damnum. pag. 590. u. 242.
Diabolo subscripti & mancipati, quomodo sint tractandi; præsertim si sapius relabantur. p. 326. n. 422. & seqq.
Diaconus ex commissione Parochi potest solemniter baptizare, nullus tamen alius Minister Diacono inferior. p. 31. n. 29. & p. 36. n. 47. Diaconus potest etiam ex rationabili causa administrare Eucharistiam. p. 81. n. 55. item & Viaticum. p. 86. n. 73. Diaconatus materia, forma, & officia, quæ. p. 158. n. 15. Diaconissæ quæ fuerint in primitiva Ecclesia, & cur sic dicantur. p. 174. n. 64.
Dissamans proximum injuste quomodo peccet, & ad quid obligetur. p. 592. n. 247. & seqq. an vel quando liceat proximum dissamare. p. 583. n. 251. an injustus dissamator teneatur revocare sua dicte præsertim apud audientes mediatores etiam. p. 584. n. 256. & 257. spargens, puellam non à se, sed ab alio fuisse imprægnatam, ad quid teneatur. p. 599. n. 303.
Dissimatio complicitis apud Confessarium præcisè incurrenda, an excuset ab integritate materialis confessionis. p. 245. n. 161.
Dilatio nimia Sacrorum ex iustitia debitorum, non vacat culpa gravi. p. 132. n. 219. Et quando dilatio reputetur nimia. ibid. n. 220.
Dimissorialibus litteris debet esse instructus, qui vult Ordinari ab alieno Episcopo. p. 167. n. 46. cum fictis dimissorialibus accedens, quomodo peccet, & quas penas incurrat. p. 170. n. 50. & seqq.
Dispensare in pœnis propter Abortum procuratum quinam valeant. p. 493. n. 471. & seqq. Dispensare in omnibus impedimentis jure humano duntaxat introductis potest Summus Pontifex; non ramentum solet in omnibus dispensare. pag. 500. n. 491. & 492. Dispensare item postea in iidem Episcopi Germaniæ in casu veræ necessitatis, nedum post, sed etiam ante contractum matrimonium. ibid. n. 493. & 494. Quid in his possint Mendicantes. p. 501. n. 495. & 496. Quomodo pra-

do practicè sit procuranda dispensatio in causa matrimoniali. p. 502. n. 497. & seqq. Dispensatio quomodo vel quando sit practicè exequenda. p. 504. n. 504. p. 507. n. 515. Quibusnam competat facultas exequendi dispensationem. p. 506. n. 512. & 513.

Dispensatio. Dispensare in votis vel in privatione ad petendum debitum, quinam valeant. p. 382. n. 71. Item p. 425. n. 234. Dispensare in Proclamationibus seu Denuntiationibus matrimonialibus, quibusnam competat. p. 386. n. 81.

Dispositiones quales requirantur ex parte Ministri Sacramentorum. p. 9. à n. 24. Et quænam ex parte subiecti, seu suscipientis. p. 17. n. 58. & seqq. Quænam dispositiones ex parte baptizandi sint necessariæ. p. 38. n. 56. Quæ dispositio corporis necessaria sit in eo, qui vult sumere Sacram Sinaxis, & quæ dispositio animæ. p. 90. à n. 48. Quæ dispositio ex parte participantium sit necessaria ad hoc, ut fructus sacrificii ipsis obveniat. p. 177. n. 173.

Distinctio numerica & specifica peccatorum, unde sit desumenda. p. 250. n. 173. p. 256. n. 195. & seqq. An Sacerdos tot numero distincta peccata committat, quot pœnitentes absolvit constitutus in statu disgratiæ. ib. n. 198. Quid agendum in praxi, quando pœnitens non satis exprimit numerum, aut non potest illum per se satis exprimere. p. 252. n. 181. & 182. ac seqq. p. 257. n. 199.

Diversium quid. p. 463. n. 367. Quibus de causis fieri possit aut soleat. ibid. n. 368. p. 467. n. 381. p. 465. n. 376.

Dolor ad Sacramentum pœnitentiæ necessarius debet esse formalis, supernaturalis, universalis & efficax &c. p. 209. n. 61. Debet insuper referri ad Sacramentum, idque ante absolutionem. p. 210. n. 66. & 67. Quo modo Rudiores ad verum dolorem supernaturalem sint disponendi & excitandi. p. 213. n. 72. Dolore, quanto tempore possit præcedere confessionem. ibid. n. 73. & 74. Novus dolor, an, vel quomodo sit necessarius ad novam absolutionem. p. 214. n. 75. Non est necessarius dolor corporis ad valorem huius Sacramenti. p. 215. n. 77. Neque certa temporis mora, aut certa intentio. n. 78. Neque opus est, ut pœnitens

doleat de singulis peccatis in particulari. p. 215. n. 79. Non tamen sufficit dolere idcirco tantum, quod non sentiat dolorem. p. 216. n. 80. Nec satis est dolere de uno duntaxat mortali, quando pœnitens pluribus est obstrictus. ibid. n. 81. Sacramentum Pœnitentiæ defectu doloris probabiliter nequit esse validum simul, & informe. ibid. n. 82. Etsi bona fide confessus cum dolore particulari &c. non amplius teneatur repetere suam confessionem factam, ibid. n. 84.

Dubia peccata, an, vel quando sint materia sufficiens absolutionis. p. 195. n. 20. Quid sit peccatum dubium. p. 247. n. 164. An peccata dubia teneamur confiteri. ibid. n. 165. & p. 248. n. 166. Confessus peccatum ut dubium, an teneatur illud denuo confiteri velut certum, si postea sciat, se certò peccasse. p. 254. n. 190. Qui probabiliter putat se non peccasse, juxta probabilem opinionem DD. non tenetur confiteri. p. 255. n. 191. Et quid, si pœnitens sciat, se peccasse, dubitet autem, an tale peccatum jam fuerit confessus. ibid. n. 192. Dubitans de sua idoneitate ad curam animarum, debet suum iudicium subijcere iudicio suorum superiorum, aut aliorum doctiorum sc. p. 322. n. 210. Mulier dubitans de potentia sui Mariti, & à iudice condemnata ad cohabitandum, an licitè reddat debitum. p. 341. n. 464. Dubitanti, aut consulenti pœnitenti, quid respondendum. p. 341. n. 473.

Dubitans rationabiliter de damno si illo v. g. per suffragium iniustum, an teneatur ad aliquam restitutionem. p. 556. n. 145. & 146.

Dubius de confirmationis suscepta, an licitè suscipiat Ordines. p. 51. n. 12. Dubitans de statu gratiæ, an licitè accedat ad S. Synaxis. p. 93. n. 97. item an licitè accedat dubitans, an sit jejuniis naturaliter. p. 94. n. 101. Dubitans, an, vel quot Sacra teneatur legere ad intentionem fundatoris, quomodo se possit aut debeat resolvere. p. 130. n. 211. & 212. Dubitans de valore sui Ordinis, quomodo se habere debeat. p. 160. n. 23. & seqq. Et quid, si Episcopus, vel Presbyter incipiat dubitare postea quam aliquos actus sui Ordinis jam exercuit. p. 163. n. 32. & 33.

Dubius dubitans de impedimento, quid debeat agere . p. 421. n. 213. & seqq. An tales post contractum jam matrimonium sine separandi . ibid. n. 213. item p. 442. n. 294. Dubitantes de potentia consummandi, an licite utantur matrimonio . p. 436. n. 277. Dubitans, an abortum procuraverit, qui se habere debeat . p. 496. n. 480.

Ad *Duellum* provocatus, an teneatur ad aliquam restitutionem, si occidat provocantem . p. 571. n. 217. & 218. quid, si duellando excessit modum defensionis inculpatae tutelæ . ibid. n. 219.

E

Ecclēsia est ordinarius & competens locus celebrandi . p. 136. n. 231. In Ecclesia polluta celebrare, nefas est . p. 137. n. 236. Ecclesia quinque modis pollui potest . ibid. n. 237. an, vel quomodo polluat per effusionem humani seminis aut sanguinis . ibid. n. 244. & 245. Quid sacerdoti agendum, ubi audit, sub Sacrificio Missæ pollutam esse Ecclesiam . ibid. n. 246. an polluta Ecclesia pariter polluat Cœmiterium . p. 140. n. 247. Quo modo Ecclesia polluta denuo sit reconcilianda . ibid. num. 248.

Edisius nequitiam permissum est, ut partem stipendii sibi reservent, & alteram deni Sacerdoti pro Sacrificio legendo . p. 133. n. 224.

Emere & militibus prædas, an sit licitum tempore belli, an liceat . p. 322. n. 41. & seqq. Emens rem furtivam bona fide, & rursus eam vendens, an postea ad restitutionem sit obligandus . p. 524. n. 47. famula emens rem minori pretio, an residuum sibi possit reservare . p. 536. n. 82. & seqq.

Energumēni, & Epileptici, an sint communicandi . p. 94. n. 98. Pro Energumēnis fidelibus Sacrificium Missæ recte & licite offertur . p. 113. n. 161.

Energumēni, quomodo à Confessario sint tractandi . p. 326. n. 421. Vide *Prudentia Confessarii*.

Episcopi, an possint absolvere à casibus Summo Pontifici reservatis . p. 310. n. 365. & 366. Episcopi, aliive Prælati, scienter exponentes aliquem ineptum ad

curam animarum, graviter peccant . p. 321. n. 409.

Episcopus est Minister Ordinarius confirmationis . p. 49. n. 5. Episcopalis Ordo inadæquate duntaxat distinguitur à Presbyteratu . p. 157. n. 6. Episcopus dubitans de valore sui Ordinis, quid habeat agere . p. 163. n. 32. Solus Episcopus est Minister Ordinarius Sacrorum Ordinum . p. 166. n. 39. Quæ Conditiones ex parte Episcopi requirantur, ad licitam collationem Ordinum . ibid. n. 42. alienum subditum sine dimissorialibus illicite ordinaret . p. 167. n. 46. & p. 170. n. 50. Quot modis aliquis fiat Subditus Episcopi, ut ab eo possit Ordines præterdere . p. 171. n. 53. Episcopus censura innodatus, illicite conferret Ordines . p. 173. n. 61.

Episcopi non possunt statuere impedimenta matrimonium dirimentia, bene verò impedimenta duntaxat . p. 380. n. 62. & 63. Possunt tamen dispensare in impedimenti iure humano introductis . p. 500. n. 493. & 494.

Errans in Sacrificio Missæ, an, vel quando sit corrigendus . p. 147. n. 275. an, vel quo modo teneatur corrigere errorem, qui advertit se in Sacrificio Missæ errasse . p. 148. n. 279. & seqq. Error in actuali ordinatione commissus, an, vel quomodo corrigendus sit . p. 161. n. 27. & seqq.

Error circa substantiam, vel circa qualitatem in substantiam Personæ redundantem irritat Sponsalia . p. 371. n. 20. Erroris nomine quid intelligatur . p. 388. n. 87. Error qualis dirimat matrimonium . ibid. n. 88. Et quo iure . ibid. n. 89. Unde colligendum, quod qualitas redundet in substantiam Personæ . p. 389. n. 90. & p. 392. n. 101. Error circa qualitatem virginitaris, an dirimat . p. 390. n. 95.

Error alius potest esse practicus, alius speculativus duntaxat . pag. 369. n. 182. quomodo peccet, & an teneatur ad restitutionem, qui alium inducit in errorem . ibid. n. 183.

Error communis cum titulo colorato, quid sit . p. 293. n. 312. Ubi talis intervenit, Ecclesia supplet jurisdictionem . ibid. n. 313. & p. 296. n. 120. ac seqq. Error, vi cuius Confessarius peccatum veniale appre-

apprehendit pro mortali, aut vicissim, non obstat valori absolutionis. p. 319. n. 402. Unde subinde potest dari error inculpabilis, aut certe non graviter culpabilis in confessario. p. 321. n. 408. Qui advertit, se trasse in praxi, tenetur ulteriori studio errorem corrigere, vel se magis etiam perficere. p. 322. n. 411. Error alius potest esse accidentalis, alius omnino substantialis circa Sacramentum poenitentiae. p. 332. n. 436. Quid agendum, quando Confessarius erravit substantialiter. ibid. n. 437. Et quid, si accidentaliter duntaxat erravit. p. 333. n. 438. Quid etiam, casu quo erratum fuit cum damno poenitentis aut tertii. ibid. n. 439. & 440. Error commissus circa matrimonii valorem, vel potius circa iudicium de valore illius, quo modo sit corrigendus. p. 335. n. 444. & seqq. Error commissus cum praedictio tertii, injuste diffamati, quomodo corrigendus. p. 336. n. 447. & seqq. Error subinde fit per excessum, subinde vero per defectum examinis, & quomodo. ibid. n. 450. Regulariter loquendo error commissus illico est emendandus. p. 337. n. 455.

Eucharistiae Sacramentum quid. p. 66. n. 1. fuit à Christo institutum in ultima cena. ibid. n. 2. Quo modo sit unum. ibid. n. 3. Quae hujus materia ac forma p. 67. n. 4. & seqq. *Eucharistiae* Sacramentum portandum & administrandum est cum lumine. p. 83. n. 63. an quoad hoc excuset necessitas praesertim Religiosos. ibid. n. 64. *Eucharistiae* Sacramentum digne tractandum est, in loco honesto conservandum, & à Sacerdote custodiendum. p. 86. à n. 74. Quid agendum, casu quo Bestia comedit species consecratas. p. 87. n. 78. *Eucharistiae* Subiectum, quinam sint. p. 88. n. 79. hujus sumptio, quomodo sit necessaria ad salutem. p. 97. n. 106. & 107. Quinam tempore Paschali teneantur ad hujus sumptionem. ibid. n. 108. Laicis non debetur sub utraque specie. p. 98. n. 111. nec saepius eadem die. ibid. n. 112.

Eucharistiam, an liceat negare peccatori, qui ex sola confessione nescitur esse indispositus. p. 354. n. 498.

Eunuchi utroque teste destituti sunt inhabiles ad contrahendum matrimonium. p. 435. n. 271.

Examen conscientiae regulariter praemittendum est confessioni. p. 240. n. 142. Quanta in eodem sit adhibenda diligentia, & unde colligendum, an hæc fuerit sufficiens, vel non. ibid. n. 143. & 144. Confessarius debet subinde examinare poenitentem, & quando. p. 331. n. 432. & 433. Examen hoc debet esse prudens ac discretum. ibid. n. 434. An aliquando Confessarius possit dare locum presumptioni, dissimulato examine. p. 332. n. 435. Juvenes ac Puellae, quae videntur innocentes, quomodo sint examinandi in materia lubrica. p. 334. n. 441. & seqq. Onus examinandi incumbit primario poenitenti. p. 336. n. 449. Circa modum examinandi tradi nequit una Regula universalis. ibid. n. 451. Semper tamen terminis honestis utendum est. p. 337. n. 452. Et quid agendum vel examinandum, casu quo poenitens certo nescitur commississe aliquod peccatum, de quo tamen hic & nunc non se accusavit. ibid. n. 453. & 454.

Excommunicatio. Excommunicationem incurrit scienter procurantes abortum. p. 492. n. 467.

Extrema Unctio quid. p. 34. n. 22. Vid. *Unctio Extrema*.

F

Femine incapaces sunt Sacrorum Ordinum. p. 166. n. 43. immo & ipsius primae Tonsurae. p. 173. n. 63.

Fama & honor, quid, & quomodo inter se differant. p. 376. n. 231. fama quomodo laedi possit & soleat. ibid. n. 232. & seqq. quomodo fama sit restituenda. p. 378. n. 237. diffamans ex inconsideratione duntaxat, an sit obligandus ad restitutionem famae. p. 390. n. 243. diffamans puellam impraegnatam an teneatur revocare sua dicta. p. 384. n. 255. item p. 399. n. 302. famam laedens, an etiam apud audientes mediatos teneatur revocare sua dicta. p. 384. n. 256. fama an mortuis etiam sit restituenda. p. 385. n. 258.

Famam restituere tenetur injustus detractor, idque vel per se, vel per alium. p. 360. n. 312. Hoc onus Confessarius non debet facile in se suscipere loco ipsius poenitentis. ibid. n. 313.

Famam

Famulus an licitè ultra salarium sibi constitutum aliquid subtrahat suo domino. p. 533. n. 71. & seqq. *famula* minori pretio res pro culina necessaria compans, an residuum possit reservare, vel cui illud restituendum. p. 536. n. 82.

Fatus quo tempore presumatur animatus. p. 493. n. 470.

Feripeta jaculando feras, an peccent, & teneantur ad restitutionem. p. 514. n. 14. & 16. an multam sibi impositam à Judice, postea possint compensare. ibid. n. 15. feras jam actu inclusas petendo graviter peccant cum onere restitutionis. ibid. n. 17. Et quid si feripeta dicat, se à tali fera fuisse continuè molestatum & damnificatum. p. 515. n. 18.

Filius familias subdole impediens parentem suum à testamento condendo, ad quid teneatur. p. 544. n. 106. an Parentibus subtrahendo peccent filii aut filiae, & an teneantur ad restitutionem. p. 590. n. 276. & seqq.

Forma Sacramentorum quid. p. 3. h. 5. hujus interruptio aut immutatio, an, vel quando obstat valori. p. 6. n. 13. quando sit repetenda. ibid. n. 14. *Forma Baptismi* in quibus verbis consistat. p. 30. n. 25. Vide *Baptismi forma*. *Forma confirmationis* quæ. p. 48. n. 4. Vide *Confirmationis forma*. *Forma extreme Unionis* in quibus verbis consistat, & quo modo sit proferenda. p. 550. n. 26. & seqq. Vide *Extrema Unio*. *Forma consecrationis* quæ sit, & quæ verba in eadem necessariò sint exprimenda. p. 74. n. 29. & seqq. an fas sit ea repetere. p. 77. n. 41. & 42. alta & clara voce non sunt proferenda. ibid. n. 43. & p. 78. n. 44. *Forma consecrationis*, quandonam censetur substantialiter immutata. p. 79. n. 50. qualem sensum genuinum reddant illa verba. ibid. n. 51. *Forma Ordinis* quid sit, & quænam singulorum Ordinum formæ in specie. p. 157. n. 9. & seqq.

Forma Sacramenti penitentiae quænam sit. p. 197. n. 23. Hæc verba: *de peccatis tuis* debent in hac formula exprimi sub gravi culpa. ibid. n. 24. Estò probabile sit, ad valorem hæc præcisè verba sufficere: *absolve te*. ibid. n. 25. Et qualem sensum faciant. p. 198. n. 26. *Forma abso-*

lutionis necessariò debet proferri vocaliter seu vocibus ore depromptis. ibid. n. 27. Et quidem in penitentem moraliter præsentem. n. 28.

Fornicator ad quid teneatur. p. 579. n. 212. quid si is vera vel etiam ficta promissione matrimonii à puella obtinuit usum corporis. p. 575. n. 230. quid si postea sparsit, puellam ab alio fuisse impregnatam. p. 599. n. 302.

Fraudulenter impediens aliquem à consecutione alicujus boni, an fiat propterea obnoxius restitutioni. p. 541. n. 96. item p. 546. n. 106. fraudulenter inducens alium in errorem vel peccatum, ad quid teneatur. p. 569. n. 182. p. 572. n. 194. & seqq.

Frustrum Sacrificii quid, & quotuplex. p. 115. n. 164. & 165. alius dicitur Meritorius, Satisfactorius, & Imperatorius &c. ibid. n. 166. alius iterum generalis, specialis & specialissimus. p. 116. n. 167. Quæ dispositio, & qualis intentio applicandi sit necessaria, ad hoc, ut frustrum Sacrificii alicui obtingat. p. 117. n. 173. & rursus à p. 122. n. 190.

Frustrum rerum diversi assignantur. p. 519. n. 33. an ex re aliena percepti debeant restitui. p. 520. n. 34. quid si jam sint consumpti, vel etiam præscripti. p. 525. n. 51. 52. & seqq. Possessor malæ fidei, quònam frustrum teneatur restituere. p. 531. n. 67. & 68.

Furtiva res, an licitè reddatur furi ad recuperandum pretium. p. 524. n. 48. & p. 527. n. 58. per furti minuta successivè inferens grave damnum, an sub gravi culpa illud teneatur rescire. p. 530. n. 66. *furdomesticus*, subtrahens aliquid ultra suum salarium, an peccet, & teneatur ad restitutionem. p. 533. n. 71. & sequent. Auferens equum alienum, ad quid teneatur, præsertim si interea perierit. p. 534. n. 77. quid si dubitetur, an non apud dominum remanens, similiter perierit, vel, an dominus illum reservasset &c. p. 534. n. 78. & seqq. fures recipiens ad hospitium suum, an teneatur ad aliquam compensationem. p. 554. n. 138. quid si eos abscondat, ne capiantur à ministris iustitiæ. ibid. n. 139. & seqq.

Furtum quid sit, & quale peccatum. p. 587. n. 262. furti materia quænam gravis, &

vis, & quænam levis reputetur. *ibid.* n. 265. & 266. in necessitate gravi duntaxat, non licet furari. p. 588. n. 268. p. 592. n. 282. & seqq. quanta obligatio restitutionis furi incumbat. p. 589. n. 272. in fure domesticò ad mortaliter peccandum major requiritur quantitas, quàm in extraneo. p. 591. n. 280. p. 594. n. 290. quid si fur rem alienam consummat in extrema necessitate. p. 593. n. 285. quid si ex ablatione rei levis domino emergat grave damnum. p. 594. n. 288. Quid denique de Sartoribus sibi retinentibus fragmenta &c. residua panis &c. *ibid.* n. 289.

G

Gabellas defraudans, vel ad earum defraudationem inducens, an sit condemnandus ad restitutionem. p. 512. n. 10. & p. 513. n. 11. an gabellæ iustè defraudari possint à subdito, cui Princeps aliquod deber. *ib.* n. 12. quid si Princeps eas alteri elocasse supponatur. *ibid.* n. 13.

Generationem possivè impedire nunquam licet. p. 480. n. 428.

Gradus consanguinitatis quid. p. 399. n. 126. Et undò practicè dignoscendum, quòto gradu unaquæque Persona distet ab altera. p. 400. n. 128. item *ibid.* n. 130. & § 131.

H

Habiles ad matrimonium quinam censentur. p. 368. n. 8.

Hæresicis validè quidem ordinarentur, sed non licitè. p. 173. n. 62.

Hæresicis probabilius stringuntur impedimentie matrimonii jure Ecclesiastico introductis. p. 382. n. 72. Hæresicorum matrimonium cum Catholicis contracta valent quidem, si absint alia impedimenta. p. 413. n. 179. & 180. Attamen per se loquendo sunt illicita, nec permittenda. *ibid.* n. 181. Hæresicorum matrimonium coram Prædicantibus contracta, an valeant. p. 440. n. 288. & 289. item p. 443. n. 297. & seqq.

Homicida, an, vel quomodo teneatur ad restitutionem. p. 577. n. 206. & seqq. an pro vita, vel membris. *ibid.* n. 208. an Uxori vel prolihus defuncti. p. 578. n. 210. item an creditoribus, amicis,

vel pauperibus, cui defunctus benefecere alluevit, teneatur compensare damnum. p. 570. n. 216. an vel pro ipsa anima. p. 574. n. 226. quæ pœnitentia homicidæ sit imponenda à Confessario. *ibid.* occidens in duello, an teneatur ad aliquam satisfactionem. p. 571. n. 217.

Honestas publica. Honestatis publicæ impedimentum quid. p. 420. n. 208. Ex quibus Sponsalibus oriatur. *ibid.* n. 209. Et quousque se extendat. *ibid.* n. 210. Manet perpetuè. p. 421. n. 214. Non oritur ex Sponsalibus de *funero* nullis. p. 423. n. 221. Et quando ex Sponsalibus de *presenti*, seu matrimonio rato. p. 424. n. 224.

Honor quid sit? p. 576. n. 231. injustè latus, quomodo reparari, & rescirari debeat. p. 585. n. 259.

Hostiam inaculatam, aa liceat consecrare. p. 6. n. 15. Hostiam minorem loco majoris in casu necessitatis, an fas sit. p. 69. n. 15. an licitum sit consecrare hostias minores primum post Offeritorium Sacerdoti oblatas. p. 76. n. 37. an post consecrationem liceat eas continuè auferre ex altari. *ibid.* n. 38. Hostias in Ciborio cooperto consecrans, illicitè agit. p. 79. n. 49. Quid agendum, casu quo Hostia Sacra decidit in terram, vel in sinum mulieris. p. 84. n. 66. & 67. Quid, si pœnitens faciat, se Hostias consecras alienis abscondisse. p. 85. n. 69. & 70. Hostia principalis in Sacrificio Missæ est ipse Christus, minus principalis sunt Panis, & Vinum. p. 113. n. 138. & 159. Hostiam elevare non potens licitè celebrat, saltem in loco privato. p. 149. n. 286.

I

Ieiunius naturaliter esse debet, qui vult communicare. p. 89. n. 83. in quo jejunium naturale consistat. *ibid.* n. 84. quomodo illud lædatur seu frangatur. p. 91. p. 91. & 92. item p. 94. n. 99. & 100. Dubitans de fractione, an licitè accedat ad S. Synaxin. *ibid.* n. 101. impotentia vel infirmitas, an, vel quænam excuset à jejunio naturali. p. 90. n. 88. & seqq.

Ignorantia, an, vel quænam excuset à reservationis pœna. p. 303. n. 345. & 346. Ignorantia in Confessario, an vel quomodo

modo sit culpabilis . p. 320. n. 406. Ignorantia , quomodo à Confessario sint adjuvandi , & instruendi . . p. 339. n. 459. p. 340. n. 462. ac seqq. Instructio tamen aliquando licite dissimulatur , aut differitur . p. 344. n. 471. & 472. Consulentis aut dubitanti , quomodo sit respondendum à Confessario . p. 345. n. 473.

Ex Ignorantia concomitante damnum inferens , an contrahat obligationem restituendi . . p. 537. n. 86. quid si solum ignoravit omnimodam gravitatem damni . . p. 538. n. 90. Ignorantia , quæ , vel quomodo excuset ab onere restitutionis . . p. 607. n. 328.

Ignorantia probabilius non excusat ab impedimentis matrimonii . . p. 386. n. 84.

Indigne scienter administrare Sacramentum , nefas est . p. 11. n. 36. Quinam indigni censentur . p. 12. n. 37. Indignè communicans peccat mortaliter . . p. 91. n. 103. Communicans in statu disgratiæ , & simul non jejunos , unum duntaxat Sacrilgium committit . . ibid. n. 104.

Impediens alium à consecutione beneficii vel alterius boni , an vel quando teneatur ad compensationem damni . . p. 541. n. 96. & 97. item pag. 544. à n. 106. Quid si sine vi vel fraude ex mero odio alium impediatur . . pag. 545. n. 108. Quid si Episcopum jam resolutum falsis criminationibus avertat , ne conferat beneficium alteri , sed potius sibi . . ibid. n. 110. quid de impediente opifices à lucro competente . . p. 546. n. 112. & seqq. an teneatur ad restitutionem aliquam , qui fraude vel dolo impedit , ne reus à Iudice capiatur aut puniatur . . ibid. n. 116. impediens aliquem ab assequenda arte aut scientia , an peccet , vel teneatur ad restitutionem . . p. 574. n. 199.

Impedimentum matrimonii quid . p. 380. n. 60. Dirimentia statuere potest Concilium generale cum Summo Pontifice . . ibid. n. 61. Non item Episcopi , multò minus Principes seculares . . ibid. n. 62. Impedimenta solum impedientia possunt statuere Episcopi . . p. 381. n. 63. Impedientia de facto quatuor duntaxat videntur , & quæ . . ibid. n. 65. & seqq. Impedimenta autem dirimentia jure antiquo numerabantur duodecim , quibus jure novo accesserunt alia duo . . p. 382. n. 72. Probabilius etiam afficiunt hæreti-

cos . . p. 383. n. 73. Impedimenta jure humano duntaxat dirimentia per legitimam consuetudinem introduci , vel etiam abrogari valent . . p. 384. n. 74. Impedimentum Erroris quid . . p. 388. n. 87. Impedimentum conditionis servilis quid . . p. 389. n. 91. Impedimentum dirimens voti quid . . p. 393. n. 103. dirimit jare solum ecclesiastico . . ibid. n. 105. Impedimentum cognationis triplex numerantur . . p. 399. n. 123. Cognatio naturalis dirimit usque ad quartum gradum inclusivè . . p. 400. n. 129. Et quo jure . . p. 401. n. 132. Impedimentum criminis quid . . p. 407. n. 156. & 157. Vide *Crimen* . Impedimentum cultus disparis quid . . p. 412. n. 176. Impedimentum vis seu metus quid . . p. 413. n. 182. Impedimentum ligaminis quid . . p. 418. n. 203. Vide *Ligamen* . Impedimentum publicæ honestatis quid . . p. 420. n. 208. Vide *Honestas publica* . Impedimentum impotentiz quid . . p. 431. n. 252. Vide *Impotentia* . Impedimentum clandestinitatis quid . . p. 438. n. 279. Impedimentum Raptus quid . . p. 441. n. 290. Impedimenta quænam jure humano tantum . . p. 454. n. 332. & seqq. In quibus impedimentis possit , vel soleat dispensari . . ibid. n. 335. & seqq.

Imperfektionen meræ non sunt materia valida absolutionis . Et quid , si pœnitens subjungat & dicat , se dolere de omnibus aliis suis peccatis . . p. 194. n. 17.

Impossibilitas moralis deferenda occasione proxima , quænam censentur . . p. 227. n. 104. Vide *Occasio proxima* . Impotentia physica & moralis facienti confessionem integram , quando censetur adesse . . p. 241. n. 148. & seqq. Impossibilitas quomodo excuset ab onere corrigendi errores commissos . . p. 338. n. 456. Vide *Error* .

Impotentia quid , & quotuplex . . p. 431. n. 252. & 253. Qualis impotentia dirimat . . ibid. n. 254. Et quid , si dubitetur , an matrimonium præcesserit vel non . . pag. 432. n. 255. item 433. n. 263. & 434. n. 277. Impotentes defectu ætatis , quinam præsumantur . . p. 432. n. 256. & seqq. Quo jure impotentia dirimat . . p. 433. n. 259. & 260.

Impotentia an , vel quæ , & quomodo excuset à restitutione . . p. 606. n. 325.

Inducens alium in errorem vel in peccatum, quomodo peccet, & ad quid teneatur. p. 569. n. 182. & 184. p. 574. n. 200. & p. 575. n. 201. inducens mulierem ad carnalia, & fraudulenter ad connubium, ad quid obligetur. p. 573. n. 197. & p. 574. n. 198. inducens puellam cum fraude ut impregnaretur, an teneatur ad aliquam compensationem damni. p. 572. n. 194. & seqq. Quid si inducat puellam, ut nomen alium patrem patris, qui revera non est talis. p. 600. n. 304.

Infideles. Infidelium matrimonia, an, vel quomodo dissolubilia, p. 463. n. 365. item p. 465. n. 373. Infideles non incurunt impedimenta jure ecclesiastico solum introducta. p. 406. n. 152.

Infirmi, quo modo SS. Sacramenta sint providendi, & visitandi à Parocho. p. 62. n. 53. & p. 63. n. 57. Vide *Extremum unctio*. Infirmi maturè providendi debent. p. 104. n. 130.

Infirmi volentes differre suam confessionem suaviset horrandi sunt & inducendi ad eam quocumque deponendam. p. 242. n. 153. Infamia, an vel qualis excuset ab integritate confessionis. pag. 243. n. 154. & 155.

Ingressus Religionis, an, vel quomodo dei causam dissolvendi Sponsalia. p. 374. n. 32. Et Matrimonium. p. 464. n. 370. & p. 466. n. 380.

Ingressus in Religionem, an, vel quomodo excuset à restitutione. p. 609. n. 335. p. 612. n. 342. & seqq.

Integritas Confessionis alia est materialis, alia formalis. p. 240. n. 145. Regulariter & per se loquendo necessaria est integritas materialis. p. 241. n. 146. Ad essentiam tamen Sacramenti sufficit integritas formalis. ibid. n. 147. Ab integritate materiali tres causae excusare possunt. ibid. n. 148. Non tamen ab ea excusatur quaecumque infamia aut periculum. p. 241. n. 154. & 155. item p. 244. n. 160. Non licet plus reticere in actu confessionis, quàm necessitas exigit. p. 244. n. 159. Ab integritate confessionis probabilius non excusatur dissimulatio complicitatis apud Confessarium. ibid. n. 161. Nec excusatur magnus poenitentium concursus. p. 245. n. 162. Peccata in confessione non integra, quacumque demum de causa o-

Et libel Theol. Index.

missa, debent alia vice exponi & clavis subijci. p. 246. n. 163. Integritas confessionis, qualis vel quanta requiratur in Moribundis. p. 258. n. 200. Vide *Moribundus*.

Intentio quænam sit necessaria ad valorem Sacramenti. p. 7. n. 17. Explicatur triformis intentio, & quænam omnium optima. p. 10. n. 27. & seqq. quomodo intentio debeat esse absoluta, & determinata. p. 11. n. 33. & seqq. Ex parte suscipientis Sacramentum sufficit intentio habitualis. p. 17. n. 58. Qui non vult, sed renuit suscipere extremam unctionem, an nihilominus possit inungi. p. 20. n. 69. & unde colligendum, a talis habeat sufficientem intentionem, vel non. ibid. n. 70. Intentio applicandi fructum Sacrificii necessaria est exparte Sacerdotis. p. 118. n. 174. sufficit tamen habitualis. ibid. n. 175. & rursus p. 123. n. 192. & 193. intentio applicandi fieri debet saltem ante consecrationem. p. 118. n. 177. Religiosus, contra, vel præter intentionem sui Superioris applicans Sacrificium, an valide agat. p. 119. n. 178. an, vel quando licitum sit dividere fructus Sacrificii. p. 221. n. 183. Quid si Sacerdos nullam intentionem applicandi haberet, vel eam primum post consecrationem formatet. ibid. à n. 185. p. 122. n. 188. & 189. an, vel quomodo intentio fieri possit sub conditione. p. 123. n. 191. & 192. Et quandoam expediatur, ut Sacerdos præter intentionem primariam faciat aliam secundariam sub conditione. p. 124. n. 194.

Intervens rei in individuo debitor, an, vel quomodo excuset ab onere restitutionis. p. 607. n. 330.

Interruptio formæ, quando obstat valori consecrationis, vel aliorum Sacramentorum. p. 6. n. 13.

Inventor rei alienæ, ad quid teneatur. p. 597. n. 297. inveniens rem in superficie alieni fundi vel soli, ad quid teneatur. p. 601. à n. 307.

Irregularitas, an, vel quando incurriatur ex procurratione Abortus. p. 492. n. 467. & seqq.

Itinerantium privilegium an defacto adhuc vigeat. p. 286. n. 290. Confessarius iter faciens per aliam Diocesim, an licetè excipiat confessiones. p. 289. n. 299. Et

T t quid

quid nostri Confessarii apud Moniales tertii ordinis divergentes quantum ad absolutionem valeant . p. 218. n. 296. Itinerans Religiosus cum aliis suis amicis, an eisdem possit absolvere in aliena Diocesi . p. 295. n. 317. & 318. Et cuinam talis Religiosus confiteri valeat . p. 296. n. 319.

Judens ante susceptum baptismum nec potest, nec debet absolvi . p. 193. n. 13. An teneatur confiteri, qui post baptismum dubium peccavit, prius, quam sub conditione rebaptizetur . pag. 291. num. 15.

Jurisdiclio quid . p. 291. n. 302. Est duplex, alia ordinaria, alia delegata . ib. n. 303. Quibus ordinaria, & quibus delegata conveniat . ibid. n. 304. & 305. Gaudentes jurisdictione ordinaria, eam possunt aliis delegare . p. 292. n. 306. Quamdiu duret jurisdictione delegata . p. 292. n. 307. & 308. Actualis jurisdictione est necessaria ad validam absolutionem . ib. n. 309. Jurisdictione probabilis quatenus censetur . ibid. n. 310. Quondam liceat absolvere cum jurisdictione probabilis . ibid. n. 311. Ubi error communis cum titulo colorato intervenit, Ecclesia certo supplet jurisdictionem . p. 293. n. 312. item p. 296. n. 320. & 321. Jurisdictione dupliciter delegari potest, scilicet directè, & indirectè . ibid. n. 322. Quondam ab homine, à jure, vel per consuetudinem delegata censetur . ibid. n. 323. Jurisdictione præsumpta primum danda, non sufficit ad valorem absolutionis, bene verò actu jam data . p. 297. n. 324. & 325. Cum jurisdictione dubia extra casum necessitatis nequaquam licet absolvere . ibid. n. 326. In mortis articulo an quilibet Sacerdos, etiam simplex valeat absolvere . p. 298. n. 327. & seqq. Jurisdictione absolventi à casibus reservatis, quibus competat . p. 309. n. 363. Vide *Absolutio à reservatis*.

L

Laiici, an oporteat dare Hostiam majorem, vel partem Hostiæ majoris . p. 82. n. 59. Laiici non debetur communio sub utraque specie . p. 92. n. 111. an expediat iisdem permittere Communionem quotidianam . ibid. n. 113. Lai-

ci, quo modo fungantur Officiis Minoritarum . p. 164. n. 36.

Liber baptismalis diligenter est custodiendus à Parocho, & quid in eo scribendum, Casu quo Parens nominatus negat, se esse Patrem illegitimæ prolis . p. 45. n. 22. & 29.

Libertas quanta requiratur ad valorem Sponsalium . p. 367. n. 2. Liberi sine consensu Parentum valide contrahunt Sponsalia . p. 368. n. 9. Plerumque tamen ita contrahendo peccant saltem venialiter . ibid. n. 10. Et quid, si contrahant Parentibus invitatis? p. 369. n. 11.

Ligamen, Ligaminis impedimentum quid . p. 420. n. 208. Quid agendum, dum dubitatur de ligamine . p. 421. n. 211. Et quàm caute cum hujusmodi Conjugibus, volentibus transire ad secunda vota, Parocho sit procedendum . p. 422. n. 218.

Linea. Lineæ nomine in consanguinitate quid intelligatur . p. 399. n. 127. Quomodo inter lineas & gradus practicè sit discernendum . p. 400. n. 128. item n. 130. & 131.

Locus competens ad offerendum Sacrificium, est Ecclesia, vel alius locus Sacer . p. 136. n. 231. In Casu tamen necessitatis, vel dispensationis obtentæ à Summo Pontifice licitum est celebrare in loco non Sacro super altare portatile . ibid. n. 232. & 233. tale privilegium olim concessum fuit Religiosis, cui tamen hodie videtur derogatum . p. 137. n. 234. & 235. In Ecclesia polluta celebrare, nefas est . ibid. n. 236. Vide *Ecclesia*. Religiosi tempore infirmitatis, an possint celebrare in suis Cellis vel Cameris privatis . p. 141. n. 250. an, & in quibus locis possint erigere oratoria . ibid. n. 251. & seqq.

quo *Loco* res ex contractu, vel etiam ex delicto debita sit restituenda . p. 560. n. 158. & p. 561. n. 159. & p. 598. n. 298.

Lumen, an, vel quo modo adhiberi debeat in Sacrificio Missæ; & quid, si venientium impetu extinguantur . pag. 146. n. 273.

M

Machinatio mortis ut dirimat, quanam conditiones sint necessariz. p. 409. n. 165.

Matefallor condemnatus ad mortem, an teneatur ad confessionem sacramentalem. p. 211. n. 68. Et an, vel quomodo peccet eandem negligendo, vel recusando. ibid. n. 69.

Mandans damnum injustum alteri inferendum, qualem contrahat obligationem. p. 548. n. 118. & p. 558. n. 132. quid, si revocasset suum mandatum. p. 555. n. 142.

Non Manifestans, quis dicatur. p. 550. n. 126.

Martius in casu necessitatis baptizando prolem suam conjugis non privatur jure petendi debitum. p. 405. n. 149. Et quid, si abique necessitate idem faceret. ibid. n. 151.

Martyrium & losio pedum &c. cur non sint Sacramenta. p. 7. n. 12. Quæ conditiones ad verum martyrium requirantur. p. 24. n. 6.

Materia furti, quanam gravis censeatur, & quanam levis. pag. 587. n. 265. & seqq.

Materia Sacramentorum quid sit. p. 3. n. 5. quomodo à Christo Domino fuerit instituta, & determinata. ibid. n. 6. Inter applicationem materiz & formæ est quædam simulras moralis necessaria. p. 4. n. 9.

Materia penitentiz remotæ sunt peccata post baptismum commissa, proxima vero consistit in actibus penitentis, seu in dolorosa confessione. pag. 192. n. 7. Materia penitentiz alia est necessaria, alia sufficiens tantum. ibidem num. 8. peccata jam semel dimissa, an vel quomodo sint materia sufficiens. p. 192. n. 10. & 12. Et quomodo peccata dubia. ibid. n. 12.

Materia Baptismi est aqua naturalis. p. 25. n. 7. Vide *Baptismus*. **Materia Confirmationis** quæ. p. 48. n. 3. Vide *Confirmatio*. **Materia extrema unctionis** quæ. p. 54. n. 24. Vide *Unctio extrema*. **Materia Eucharistiz** est panis usualis, & vinum de vite. p. 67. n. 4. quanam censeatur panis vere usualis. ibid. num. 5.

quidnam de pane siligineo tenendum. ibid. n. 6. panis usualis, quomodo debeat esse confectus. ibid. n. 7. Ad validam consecrationem sufficit quodcunque vinum, etiam misculose productum. p. 67. n. 8. & 9. Vino consecrando admisceri debet aqua modica, quæ mediatè tantum convertitur in sanguinem. p. 68. n. 10. & 11. quid de pane ex diversis granis confecto tenendum. ibid. à n. 12. in casu necessitatis panem fermentatum vel hostiam minorem, an liceat consecrare. p. 69. n. 15. quæ conditiones ad validam & licitam materiz consecrationem desiderentur. pag. 73. n. 27. & 28. utrum materia vel hostia infuso Sacerdote positæ super altare consecrentur. p. 79. n. 48.

Quanam sit materia ordinis in genere, & quæ singulorum ordinum in specie. p. 157. n. 9. 10. & seqq.

Matrimonium quando nullum. p. 326. n. 83. Et quid, si cum ignorantia impediementi contrahatur. ibid. n. 84. Matrimonium in quo consistat. pag. 446. n. 307. Et quoruplex detur. ibid. n. 308. Est Sacramentum N. L. inter fideles. p. 447. n. 309. Et quanam sit hujus materia ac forma. ibid. n. 310. Matrimonium invalidum, quomodo revalidandum. pag. 455. n. 345. item p. 458. n. 349. Quidsi dubitetur, an ab altera parte possit obtineri consensus novus. ib. n. 355. & seqq. Matrimonium fidelium & infidelium, an vel quomodo sit dissolubile. p. 461. n. 360. & seqq.

Melioramenta facta à possessore bonæ fidei, an licitè subtrahantur dum restituuntur res aliena. p. 520. n. 35. an etiam possessori malæ fidei licitum sit ea subtrahere. pag. 521. n. 39. item pag. 532. n. 69.

Mendicantes, an valeant absolvere à Casibus Summo Pontifici reservatis. pag. 310. n. 368. A Casibus Episcopo reservatis sine hujus licentia absolvere non valent. ibid. n. 369. Vide *Absolutio à reservatis*.

Mensura restituenda incumbens possessori bonæ fidei, quæ. p. 519. n. 31. quanta mensura restitutionis incumbat possessori malæ fidei. p. 522. n. 67. p. 589. n. 272.

Mentiens circa materiam necessariam Confessio-

- sessionis graviter delinquit . p. 238. n. 137.
- Metus** gravis irritat Sponsalia , non item levis . pag. 367. n. 3. Metus ut dirimat matrimonium , qualis esse debeat . pag. 413. n. 182. item p. 451. n. 323. Quinam metus reputetur verè gravis . pag. 413. n. 183. Et quinam ab intrinseco injustè incussus . p. 414. n. 184. Ex metu contrahens an peccet . ibid. n. 186. & seqq. item p. 451. n. 324. Metus quo jure dirimar . p. 414. n. 184. & p. 417. n. 199. Metus justè incussus cur non dirimar . ibid. n. 200. Metu contrahens , prius quàm liberè consensit , illicitè utitur matrimonio . ibid. n. 201.
- Miles** . Milites castra sequentes , coram quo Parocho possint , vel debeant contrahere . p. 445. n. 304.
- Minister ordinarius** Sacramentorum est homo viator , extraordinarius esse potest Angelus . p. 9. n. 23. Quæ conditiones in Ministro desiderantur , ut validè & licitè Sacramenta conficiat . ibid. à n. 24. item pag. 15. n. 48. & 49. Qualem debeat habere intentionem . pag. 10. n. 27. an , vel quando peccet administrando Sacramentum indigno . p. 12. n. 37. & seqq. Minister tenetur attendere ad dispositionem subjecti , & sequi sententias tutoris . p. 26. n. 52. 53. & seqq.
- Minister legitimus** Sacramenti penitentiae est solus Sacerdos . p. 282. n. 275. In quo necessaria est duplex potestas , ordinis scilicet , & jurisdictionis . ibid. n. 276. quomodo dictæ potestates inter se differant . ibid. n. 277.
- Minister** . Ministri Matrimonii sunt ipsi-mer contrahentes . p. 447. n. 311. Qua ratione peccent contrahentes in statu disgratiæ . p. 452. n. 328.
- Minister indignus** quisnam reputetur , & ob quas causas à tali liceat postulare Sacramenta . p. 19. n. 66. & seqq.
- Minister ordinarius** Baptismi est Sacerdos . p. 31. n. 28. qui facultatem solemniter baptizandi delegare potest Diacono . ibid. n. 29. Idem Minister potest simul plures validè baptizare & plures Ministri eundem . ibid. n. 30. & pag. 32. n. 31. Nullus se ipsum potest baptizare . ibid. n. 32. Inter ministros Baptismi observandus est quidam Ordo , etiam in casu necessitatis , ubi fieri potest . p. 33. n. 45. An fratres Minores possint administrare baptismum . ibid. n. 46. Nullus Diacono inferior solemniter baptizare potest . p. 36. n. 47.
- Minister ordinarius** Confirmationis est Episcopus . p. 49. n. 5. Extraordinarius potest esse simplex Sacerdos . ibid. n. 6.
- Minister** Extremæ Unctionis potest esse solus Sacerdos . p. 60. n. 42. qui , ut eam licitè administret , debet esse præditus jurisdictione . ibid. n. 43. tenetur eam administrare rationabiliter petentibus . ibid. n. 44. Quibusnam , & quoties hæc sit ministranda . p. 61. n. 49. Vide *Unctio extrema* .
- Minister Eucharistiæ** est solus Sacerdos . p. 80. n. 52. huic soli competit potestas ordinaria eam administrandi , tametsi possit illam Diacono committere . p. 81. n. 54. & 55. ad licitam hujus administrationem necessaria est jurisdictio . p. 81. n. 56. An Religiosi eam administrare possint , & quibus . p. 82. n. 57. item p. 86. n. 72. Utrum Sacerdoti liceat extra Sacrificium fimbri ministrare Eucharistiam , vel partem majores hostiæ dare Laico . p. 82. n. 58. & 59. Ministrans Eucharistiam debet esse in statu gratiæ , eamque ministrare dignis duntaxat . p. 82. n. 60. quibus cum ceremoniis sit administrandum hoc Sacramentum , & quo loco asserendum . p. 86. n. 75. & p. 87. 76. Ciborium aliquoties per annum renovare oportet , & quomodo . p. 89. n. 78.
- Minister ordinarius** & legitimus Sacrorum ordinum est solus Episcopus . p. 166. n. 39. Extraordinarius minorum Ordinum potest esse simplex Sacerdos . ibid. n. 40. Abbates quantum circa hoc valeant . ibid. n. 41. Quænam conditiones requirantur , ut Minister licitè conferat Sacros Ordines . ibid. n. 42.
- Ministrans** Sacerdoti ad altare , debet esse Mas , & callens suum ministerium , atque preces . p. 144. n. 264.
- Minorista** sinitrè credens se esse obstrictum voto solemnī castitatis , an validè contraxerit matrimonium . p. 396. n. 186.
- Missa** quid sit . p. 205. n. 133. est verum & propriè dictum Sacrificium novæ legis . pag. 106. n. 134. Missa qua talis , quomodo differat à Sacramento , & Sacrificio . p. 112. n. 156. Missa ordinari debet

debet correspondere officio dici, p. 144. n. 265. Quandoan Ecclesia permittat, legi Missas votivas, & de requiem. p. 145. n. 266. In Sacrificio Missæ errans, an, vel quando teneatur corrigere errorem. p. 147. n. 279. & seqq.

Monialis invalidè professa, postea validè convolvat ad nuptias. p. 395. n. 111.

Moribundus, renuens suscipere extremam unctionem an possit inungi. pag. 207. n. 69. & unde colligendum, an talis habeat intentionem sufficientem, vel non. ibid. n. 70. Moribundus non habens confidentiam ad ministrum bonum, an propterea possit petere Sacramenta à ministro indigno. p. 22. n. 79.

Moribundus potest, immo debet absolvi, esto non sit integrè confessus. p. 258. n. 200. Immo tamen ob impotentiam physicam vel moralem nullum omnino peccatum explicuerit. ibid. n. 201. Modò Confessarium petierit, vel aliud doloris signum dederit. ibid. n. 202. Cujusmodi signa dantur in triplici differentia, videlicet 1. certa sc. probabilia, & 3. dubia. ibid. n. 203. Moribundus etiam est absolvendus, casu quo postulat Confessarium per alium intertinnuncium, esto is nos sit amplius præsens moribundo. p. 259. n. 206. Quin eriant si non consistat de moribundo, quòd postulat Confessarium, modò rationabiliter credi aut suspicari possit, esse dispositus, debet absolvi, sed conditionatè duntaxat. ibid. n. 208. & p. 260. num. 209. Quod ultetius declaratur pluribus casibus. ibid. n. 210. & seqq. Moribundus Acatholicus, an, vel quando possit absolvi licitè. p. 262. n. 213. & 214. Non absolvens moribundum, quando posset & deberet, graviter peccat. ibid. n. 215. Moribundus, de quo dubitatur rationabiliter, an adhuc vivat, debet sub conditione absolvi. p. 263. n. 216. Et quid, si dubitetur, sitnè Catholicus. ibid. n. 217. Quidsi moribundus ex delirio non velit confiteri nec absolvi. ibid. n. 218. Extra mortis artium non tam faciliè absolvendus est, qui nullum peccatum in specie exprimit. p. 264. n. 220. Moribundus cessante impotentia tenetur peccata nunquam adhuc expressa quoad speciem & numerum explicare, & clavibus subjicere. ibid. n. 221.

Mutatio substantialis formæ vel materiæ obstat valori Sacramentorum. p. 3. n. 7. Quænam censeatur esse talis. p. 4. n. n. 8. item p. 7. n. 16. & 17. Nec Pontifex, neque Ecclesia potest mutare, vel unquam mutavit Sacramenta. p. 8. n. 19. 20. & 21.

Mutatio notabilis superveniens Sponsalibus, præbet justam causam resciliendi. p. 375. n. 39. & seqq. Et quænam reputentur mutationes notabiles. p. 376. n. 44.

Mutilans aliquem membro corporis humani, an teneatur ad satisfactionem. pag. 577. n. 208.

Mutus & surdus à nativitate, an teneatur præcepto confessionis. p. 236. n. 231. An mutus teneatur scribere suam confessionem. p. 237. n. 134.

Mutus, quis censeatur. p. 549. n. 124.

Museum negans, an teneatur resarcire damnum alteri propterea emersum. p. 315. n. 19. & 20.

N

Necessitas alia dicitur extrema, alia gravis, & alia communis. p. 588. n. 271. quænam ex his tribuat justam causam contractandi rem alienam. pag. 588. n. 268. p. 592. n. 282. & seqq. an vel quænam necessitas excuset ab onere restitutionis. p. 607. n. 326. & 327. p. 610. n. 337. & p. 614. n. 349. ac seqq.

Nobilium proles, an licitè baptizentur extra Ecclesiam, & quænam nomine Nobilium hic intelligantur. p. 43. n. 74. item p. 45. n. 82. & 84.

Novitia ex sola confessione comparata, an, vel quomodo liceat uti. p. 558. n. 306. & 507.

Novitium avertens à Religione, an peccet, vel teneatur ad aliquam restitutionem. p. 570. n. 188. quomodo peccet, qui illi negat suffragium ad professionem. p. 575. n. 203. quæ justæ sint causæ negandi suffragium Novitio. p. 576. n. 205.

Numerus peccatorum mortalium necessariò est exprimendus, & unde est desumendus. p. 250. n. 172. & 173. Quid agendum, casu quo penitens non satis exprimit numerum. p. 253. n. 182. Et unde in praxi talis sit colligendus. ib. à n.

à n. 183. Confessus cum solis illis particulis *plus minus* an ex post facto teneatur aliter explicare numerum, & quofensu mox dictæ particulæ sint accipiendæ. p. 254. n. 188. Declaratur pluribus exemplis, unde colligenda sit numerica distinctio peccatorum. p. 256. n. 195. & seqq. Sacerdos in statu disgratiæ plures absolvens, an committat plura numeros distincta peccata. *ibid.* n. 198.

O

Obligatio sacrificandi, quanta incumbat simplici Sacerdoti, quanta Beneficiato, & quanta Parocho. p. 125. n. 195. & seqq. An, vel quoties Parochus obligetur suum sacrificium offerre pro suis Parochianis. p. 126. n. 198. & 199. Quid sit Beneficiatus, vel Parochus dubitet ad quot Sacra vi foundationis obligetur. p. 130. n. 211. Obligatio offerendi sacrificium ex iustitiæ debitum, est gravis, ex genere suo, non item obligatio debita titulo iustitiæ duntaxat. p. 132. n. 217. Obligationes Ordinatorum quæ. p. 169. n. 48. quo jure teneantur ad continentiam perpetuam. *ibid.* n. 49.

Obligatio triplex incumbit Confessario, & quænam illa. p. 339. n. 457. & seqq. An, vel quando obligetur instructe rudet & ignorantes, satis tamen malitiosos. p. 340. n. 462. An obligetur etiam absolvere pueros ac puellas, quorum maturitas redditur suspecta. p. 343. n. 467. & seqq. An obligetur examinare Clericum de concubinato suspectum, & quid agendum, si talis sæpius redeat cum iisdem peccatis. p. 344. n. 469. & 470. Aliquando prudenter omnino dissimulatur instructio pœnitentis, vel deferretur in aliud commodius tempus. *ibid.* n. 471. & 472. Absolutio ne quidem deferenda est sine verè gravi causa. p. 345. n. 474. & 475. Quando Confessarius obligetur excipere confessionem pœnitentis. *ibid.* n. 476.

Oblivio inculcata excusat ab integritate confessionis. p. 241. n. 148. Plurimum peccatorum obliviscens, an validè confiteatur. p. 245. n. 156. Et quomodo vel unde hoc dubium resolvendum. p. 244. n. 157. Oblivione aliquorum peccato-

rum ex dilacione prævidens, non teneatur propterea anticipare confessionem. p. 244. n. 158.

non Obstant, quis dicatur. p. 340. n. 125. **Obstetric**, si infans invalidè baptizasse noscatur, quid agendum. p. 33. n. 35. Et quid si Saga baptizasse plures in nomine Diaboli. *ibid.* n. 37.

Occasio proxima quid. pag. 220. n. 94. Et quid remota. *ibid.* Constitutus in occasione proxima, quomodo sit examinandus. p. 226. n. 101. Et quid, si dicat, se non posse eam vitare. *ibid.* n. 102. quomodo ex occasione proxima facienda sit remota. *ibid.* n. 103. Quandoque censenda sit adesse impossibilitas moralis vitandi occasionem. p. 227. n. 104. Cum huiusmodi cautè procedendum est. *ibid.* n. 105. Et quænam remedia ipsi præscribenda. *ibid.* n. 106. Qui non vult relinquere occasionem proximam, tamen si posset, non est dignus absolutione. p. 228. n. 107. Sicut & qui semel aut sæpius admonitus eam non dereliquit, etsi potuisset. *ibid.* n. 108. Et quid tendendum, vel agendum cum pœnitente, qui vult frequentare senectutem suam Amasiam (ur vocant) tempore nocturno, etsi promittit se de cætero nil mali facturum. *ibid.* n. 109. **Occasio proxima** inevitabilis moraliter, non obstat absolutioni, modò pœnitens certè sit dispositus, habeatque firmum propositum non peccandi amplius. pag. 229. n. 110. Et quid, si talis pœnitens sæpius, vel omnino semper rediret cum iisdem peccatis gravibus. *ibid.* n. 111. Quid sit redeat cum iisdem venialibus tantum. *ibid.* n. 112. Quænam media talibus sint amplectenda, & præscribenda. p. 230. n. 113.

Ordo quid nominis, & quid rei. p. 156. n. 1. 2. & 3. Ordines dantur septem in Ecclesia, alii majores, alii minores appellati. *ibid.* n. 4. & 5. Episcopatus Ordo, quomodo distinguatur à Presbyteratu. p. 157. n. 6. Omnes ordines sunt Sacramenta, & quomodo unum Sacramentum dici valeant. *ibid.* n. 7. & 8. Ordinis materia & forma, quæ. *ibid.* à n. 9. qualis contractus sit necessarius ad validam ordinationem. p. 159. n. 18. Ordo dubius, an sit reiterandus. p. 160. n. 23. & seqq. Ordo cum errore collatus,

rus, an valeat, & quid in tali casu agendum. p. 161. à n. 27. Subdiaconatus susceptus sine intentione vivendi castitatem, valet, & quid tali incumbat. p. 162. n. 30. & p. 163. n. 31. Episcopus vel Presbyter dubitans de valore sui ordinis, quid habeat agere. ibid. n. 32. & 33. Inter ordines datur quædam subordinationis. p. 164. n. 34. ordinem quemcumque in statu disgratiæ suscipere, nefas est. ibid. n. 35. Laici quomodo fungantur Minoritarum servitiis. ibid. n. 36. Ordinatio Presbyteri sine traditione panis, est nulla. ibid. n. 37.

Ordo Sacer seu major, est impedimentum dirimens matrimonii. pag. 394. n. 108. Debet tamen fuisse valide, & non voluntarie sine metu gravi susceptus. ib. n. 109. Vis dirimens non semper oritur immediatè ex voto, bene verò ex præcepto Ecclesiæ. p. 395. n. 110. Ordinatus invalidè, validè ducit Uxorem. p. 396. n. 113. Et quid, si validè quidem ordinatus, non habuisset intentionem sese obligandi ad castitatem servandam. ibid. n. 114. Ordinibus minoribus duntaxat initiatus, an validè contrahat matrimonium, si credat se esse irritum voto. solemn. ibid. n. 116. Constitutus in Ordinibus maioribus, an peccando contra castitatem semper committat peccatum qualificatum. p. 398. n. 122.

Ordinis Minister quis sit. p. 166. n. 39. & 40. quinam sint subiectum capax ordinum. ibid. n. 43. quæ conditiones ad validam & quæ ad licitam ordinationem requirantur ex parte subiecti. pag. 167. n. 45. & 46. Qui sint effectus sacrorum ordinum, & quæ obligationes inde oriuntur. p. 169. n. 47. & 48. Episcopus illicitè ordinaret alienum Subditum, nisi is habeat litteras dimissoriales. p. 170. n. 50. & 51. Quot modis aliquis fiat subditus Episcopo. p. 171. n. 53. Religiosi à quonam Episcopo possint, aut debeant suscipere S. Ordines. ibid. n. 54. & seqq. An plures Ordines eisdem liceat conferre, non servatis interstitiis. p. 172. n. 57. an etiam plures eadem die. p. 173. n. 58. in susceptione & collatione Ordinum sequendæ sunt Sententiæ tutiores. ibid. n. 59. Quænam Sententiæ in hac materia sint mi-

nus tutæ. ibid. n. 60. Ordinatio facta ab Episcopo censura innodato, valida quidem est, sed illicita. ibid. n. 61. Hæretici illicitè ordinentur. ibid. n. 62. Mulieres omninò invalidè. ibid. n. 63.

P

Palis, quis censetur. pag. 349. num. 121.

Panis usualis est materia Eucharistiæ, & quomodo is debeat esse consecutus. pag. 63. à n. 4. unde dignoscendus sit panis usualis. p. 71. n. 22. Recensentur aliqui panes non usuales. ibid. n. 23.

Paramenta quæ sint necessaria ad debite celebrandum. p. 144. n. 260. à quonam debeant esse benedicta. ibid. num. 261. quomodo peccet, qui sine illis, vel aliquo illorum celebrat. p. 146. à n. 271. quomodo paramenta suam consecrationem vel benedictionem deperdant. pag. 149. n. 282.

Patens dum nomine sui infantis levat è sacro fonte alium, non ipse, sed infans cum levato contrahit cognitionem Spiritualem in Diocesi Ratisbonensi. pag. 404. n. 147. Patens etiam proli spuræ debet alimenta. p. 436. n. 446.

Parentis tenentur suas proles offerre proprio Pastori baptizandas. p. 41. n. 66. graviter peccant, nisi prolibus provideant de baptismo. p. 46. n. 87.

Parochus negligendo infirmum, quomodo peccet. p. 13. n. 42. Et quomodo alius non Parochus id faciendo peccaret. ib. n. 43. Parochus in alieno Territorio, an licitè baptizaret. p. 39. n. 39. & p. 41. n. 65. Parochus teneret diligentem curam gerere circa librum baptismalem. p. 47. n. 88. Quid in eodem scribendum, casu quo Patens nominatus ab illegitima matre, negat, se esse Patrem proli. ibid. n. 89. Parochus teneret subditis suis rationabiliter postulantis administrare extremam unctionem. p. 60. n. 44. an teneatur prius properare ad infirmum inungendum, quàm ad infantem baptizandum. p. 62. n. 53. & p. 63. n. 54. an teneatur illam administrare cum periculo proximæ vitæ. ibid. n. 55. an liceat eam dare Seniculis in quibus nondum apparet periculum mortis. ib. n. 56.

Pa-

Parochus an teneatur sapius visitare infirmos . ibid. n. 57. Teneatur suis subditis administrare Eucharistiam . p. 82. n. 61. & 62. teneatur insuper mature providere suis infirmis . p. 104. n. 130. An & quoties Parochus teneatur ad celebrandum . p. 126. n. 197. Et quoties teneatur illud applicare pro suis Parochianis . ibid. n. 198. & 199. Utrum Parochus teneatur dare totum stipendium , si velit Sacra ex fundatione debita committere alteri . p. 128. n. 205. & seqq. Quid , si sacrum legendum in altari privilegiato , legat in alio altari non privilegiato , vel in alia Ecclesia . p. 129. n. 209. & p. 130. n. 210. & 216. Quid , si Parochus dubitet , an , vel quod Sacra vi sui Beneficii teneatur applicare . p. 131. n. 211. Et utrum teneatur supplere , si quæ hactenus omisit . ibid. n. 213. Quid , si infirmitate præpeditus , nequeat celebrare per aliquot dies Sacrum quotidianum . p. 131. n. 214. Quid denique , si spontè illud intermitat , aut negligat . ibid. n. 215. Parochus Sacra debita nimium differendo , potest graviter delinquere , & quæ dilatio reputetur nimia . p. 132. n. 219. & 220.

Parochus per se loquendo illicitè assistit matrimonio illorum , quos novit esse irritatos impedimento . p. 137. n. 83. Et quid agendum in tali casu , ubi Nuptiæ differri non amplius possunt . ibid. n. 86. Parochus proprius debet assistere matrimonio . p. 438. n. 281. Talis censetur Parochus domicilii . p. 439. n. 282. Et quid , si Sponsi pertineant ad diversas Parochias . ibid. n. 285. Parochus hanc potestatem assistendi potest alteri delegare , sed Sacerdoti tantum . ibid. num. 284. Parochus quomodo debeat esse præsent Sponsis contrahentibus . p. 440. n. 287. item p. 445. n. 305. & 306. An sit necessaria nova assistentia seu præsentia Parochi ad revalidandum matrimonium . p. 456. n. 345.

Patrinus in baptismo est , adhibendus . p. 75. n. 75. Et quinam ab hoc munere sint excludendi . ibid. n. 76. Patrinus non confirmatus , an tenendo infantem contrahat cognationem spirituales . p. 51. n. 14. an plures simul tenentes eam contrahant . p. 52. n. 16.

Patrinus ut contrahat cognationem spi-

ritualem , quæ conditiones requirantur . p. 405. n. 137. Ipse patrinus eandem contrahit cognationem ramentis non per se , sed per alium levet infantem . ibid. n. 138. Patrimi plures si simul levent , quinam contrahat impedimentum cognationis . p. 406. n. 155.

Peccata mortalia nunquam confessa sunt materia necessaria confessionis , venialia autem materia sufficiens , & quando . p. 192. n. 9. Peccata dubia re ipsa commissa sunt materia valida absolutionis , & utrum à meritis dubiis liceat absolvere . ibid. n. 12. Peccata , de quibus dubitatur , suntne ante baptismum commissa , an sint materia necessaria . pag. 193. n. 15. Peccatum genericè duntaxat subiectum clavibus , an sit materia necessaria , vel sufficiens . p. 194. n. 16. Peccata venialia , quot modis extra Sacramentum remitti & expiari valeant . p. 195. n. 22. Peccata jam semel remissa , quomodo possint esse materia sufficiens poenitentiae absolutionis . p. 192. n. 10. Peccata in confessione omissa , debent alia vice subijci clavis . p. 246. n. 463. Peccatum dubium quid sit . p. 247. n. 164. An teneamur confiteri peccata dubia . ibid. n. 165. & p. 248. n. 166. Confessus peccatum ut dubium , an postea teneatur illud confiteri velut certum si qua tale agnoscat . p. 249. n. 168. Poenitenti non scrupuloso suadendum est ut confiteatur peccata dubia . ibidem num. 169.

Peccatori publico non licet administrare Sacramentum Eucharistiæ , bene verò occultò , si publicè petat . p. 12. n. 37. & 38. Quisnam censetur esse peccator publicus . p. 14. n. 46. Peccatori indigno dare hostiam , non consecratam loco consecratæ , nequaquam licet . ibid. n. 47.

Pena adulterii quæ ? p. 483. n. 438. Pena privationis petendi debitum incurritur propter incestum scienter commissum . p. 426. n. 232. p. 429. n. 247. & seqq.

Pena negligentium Sacram Communio- nem Paschalem . p. 97. n. 120. an poenam aliquam incurrat , qui dubitans de Valore Ordinis jam suscepti , alium suscipit . p. 102. n. 31. quas penas incurrat , qui cum hisis dissimulaticus accedit ad Subdiaconatum . p. 170. n. 60.

& 51. quas penas incurrit qui cum aliquo impedimento Canonico præsumunt suscipere Sacros Ordines. p. 170. n. 51.

Pæna quas incurrit, qui pœnitentem in confessione ad peccandum sollicitant. p. 357. n. 505. Quas item pœnas incurrit sigillifragi. p. 358. n. 508. Et quænam ad hoc requirantur. ib. n. 509.

Pœnitens negans, aut subiciens peccatum in Confessione, quomodo sit tractandus, & an communicandus. pag. 14. n. 44. & 45.

Pœnitens ita tuidis, ut non possit explicare peccatum in specie, an sit capax absolutionis. p. 193. n. 15. Et quid, si recordetur quidem, se graviter deliquisse, ignoret tamen in qua materia, vel specie peccati. p. 194. n. 16. Pœnitens absolvendus debet necessariò esse moraliter præsens. p. 199. n. 28. Et quænam censetur præsentia moralis. ibid. n. 29. Pœnitens, qui nullam omninò facit mentionem de dolore, quo modo sit tractandus. p. 212. n. 70. & 71.

Pœnitentia generatim sumpta, quid sit. p. 190. n. 1. Et quid sit Sacramentum pœnitentiæ. ib. n. 2. Fuit hoc à Christo Domino institutum post resurrectionem. ibid. n. 3. Quomodo in re, vel saltem in voto sit necessarium ad salutem. ibid. n. 4. & p. 191. n. 5. Pœnitentiæ Sacramentalis partes sunt duæ, scilicet materia & forma. ibid. num. 6. Materia ipsius est duplex, scilicet remota & proxima &c. ibid. n. 7. & 8. Pœnitens obstrictus casu reservato, quidnam debeat agere, quando urgente necessitate suscipiendus à Communionis nequit habere copiam Confessarii pro reservatis approbati. p. 315. n. 384. Vide *Absolutio à reservatis*.

Pœnitentia, seu satisfactio Sacramentalis quid sit. p. 265. n. 222. Pro pœnitentia injungi debent opera bona & honesta. p. 266. n. 225. Quantitas pœnitentiæ universaliter determinari non potest: & unde hæc commensuranda. ibid. n. 226. Pœnitentiam rationabiliter injunctam tenetur pœnitens acceptare, non item irrationabiliter injunctam. ibid. n. 227. & 228. Quo tempore sit adimplenda. ibid. n. 229. In statu disgratiæ eam petens, an, vel quomodo satisfacit. p. 267. n. 230. Pœnitentiam impositam.

Eibei Theol. Index.

ipse pœnitens sibi commutare nequit, bene verò Confessarius, etiam alius à priori. ibid. n. 231. Psalmi Pœnitentiales pro solis venialibus impositi Religioso, non videntur pœnitentia congrua vel proportionata. p. 268. n. 232. Cui injungitur auditio Sacri die Dominico vel festivo, regulariter loquendo non satisfacit præcepto Confessarii audiendo unum duntaxat Sacrum, nisi contrarium alinnde colligatur ex verbis Confessarii. ibid. n. 234. & p. 269. n. 235. Pœnitentia publica non est imponenda pro peccatis occultis. ibid. n. 236. & 238. Negligens pœnitentiam sibi injunctam, an, vel quomodo peccet. p. 270. num. 239. & 240. Pœnitentia incongrua mutanda est à Confessario. p. 271. n. 241. Quivis Confessarius potest commutare pœnitentiam, tametsi supponatur fuisse injuncta pro peccatis reservatis. ibid. n. 242. An in hoc casu opus sit repetere confessionem. ibid. n. 243. Pœnitentiæ injunctæ oblitus, non tenetur confessionem repetere, ut nova, seu alia pœnitentia sibi injungatur. p. 272. n. 244. Opera afflictiva oportet injungere loco pœnitentiæ; quorum nonnulla recensentur. ibid. n. 245. & 246. Quantitas pœnitentiæ, quomodo sit commensuranda gravitati delictorum, & quibus de causis iusto minor imponi possit. p. 273. n. 247. & 248. In pœnitentiis injungendis clementia potius utendum est, quam rigore nimio. ibid. n. 249.

Pœnitentiæ potest Ecclesia quinque modis. p. 237. n. 237. quo modo polluat per humani Sanguinis, aut Seminis effusionem. ibid. n. 244. & seqq.

Pœnitentiæ validè dispensat in voto solemnitate castitatis. p. 397. n. 118. Item potest dispensare in impedimento cognationis. p. 401. n. 133. Immo in omnibus aliis impedimentis jute duntaxat ecclesiastico introductis. p. 500. n. 491. Non tamen consuevit in omnibus dispensare. ibid. n. 492.

Possessor bonæ fidei, quisnam sit censendus. p. 519. n. 30. quando vel quantum teneatur restituere possessor bonæ fidei de re aliena. ibid. n. 32. item quantum de fructibus rei alienæ. p. 520. n. 34. & 35. & pag. 525. n. 50. & seqq. Quid si incipiat dubitare, an res bona

V u fide

fide hæcenus possessa non sit aliena. p. 320. n. 37. & p. 327. n. 59. post agnitionem veritatis tenetur rem alienam illicò restituere. p. 321. n. 40. & p. 326. n. 54. Prædæ tempore belli bavarici emptæ à militibus, an postea fuerint restituendæ dominis compacentibus. pag. 322. n. 41. & 42. quid si vili duntaxat pretio fuissent emptæ, & quidem animo, eas denuò reddendi pristino domino. ibid. n. 43. quid si milites injustè rapuissent illa bona, vel etiam rapta hostibus denuò ademissent. p. 323. n. 44. 45. & seqq. Quid si possessor bonæ fidei rem alienam jam consumpsisset, aut vendidisset alteri. p. 324. n. 47. & 48. & p. 326. n. 56. unde colligendum, an possessor ex aliena re evaserit dior, vel non. p. 324. n. 49. an possessor bonæ fidei possit tuta conscientia subtrahere impendia, vel melioramenta circa rem alienam facta. p. 327. n. 57. item an licitè possit rem furto ablatam reddere furi ad recuperandum suum pretium. p. 321. n. 38. & p. 327. n. 58. Quid si rem alienam modò bona, modò autem mala fide possedisse supponatur. ibid. n. 60.

Possessor malæ fidei quis censetur. pag. 329. n. 61. Ex qua culpa talis pro foro conscientie teneatur ad restitutionem. ibid. n. 62. & seqq. per furta minuta successivè inferens grave damnum, an sub gravi culpa teneatur illud refarcire. p. 330. n. 66. quantum possessor malæ fidei restituere, aut compensare teneatur. p. 331. n. 67. an etiam fructus non perceptos. ibid. n. 68. an etiam huic liceat subtrahere expensas, & melioramenta facta circa rem alienam. ibid. n. 69.

Potestas duplex necessaria est in Confessione, ordinis scilicet, & jurisdictionis. p. 282. n. 276. Et quomodo inter se differant. ibid. n. 277. Potestas absolvendi à casibus reservatis, quibus comperat. p. 309. n. 363. Hæc potestas est latè interpretanda. p. 316. n. 388. Vide *Absolutio à reservatis*.

Præceptum divinum de confessione faciendâ datur. p. 232. n. 112. Sicut & Ecclesiasticum. ibid. n. 119. Quæ divinum per se obligat in moris articulo. ibid. n. 120. Quæ Ecclesiasticum verò semel

tantum in anno, est per accidens scilicet possit obligare. pag. 233. n. 121. & 122.

Præceptum restitutionis, an sit principaliter affirmativum, vel negativum. pag. 312. n. 7. & 8.

Præsumptio jurisdictionis, an, vel qualis sufficiat ad valorem. p. 297. n. 324. Vide *Jurisdictio*. Et utrum Confessarius aliquando possit procedere ex prudenti præsumptione, dissimulato ulteriori examine. p. 332. n. 435.

Prælati conferens beneficium ecclesiasticum minus digno, an reneatur ad restitutionem aliquam. p. 316. n. 23.

Pretium rerum est triplex, scilicet summum, medium, & infimum: & quomodo illud in contractibus sit attendendum, & observandum. p. 363. n. 163. & seqq.

Prima Transfusa quid sit, & quinam hujus effectus. p. 159. n. 19. & 20.

Privilegium in loco non Sacro super altare portatile celebrandi olim Religiosis concessum an defuncto vigeat. p. 137. n. 234. & 235. & p. 140. n. 249. Privilegium *Canonis* quid importet. & quinam eo gaudere possint. p. 159. n. 21. & 22.

Privilegium itinerantium, an hodie dum valeat, vel quid de illo tenendum. p. 286. n. 290. & p. 287. n. 294. & seqq.

Probitas ex parte confessorii requisita duplex est, scilicet legalis, & moralis. p. 319. n. 392. In statu suspensionis à beneficio duntaxat, non peccat confessorius absolvendo, bene verò absolvens in statu disgratiæ constitutus. p. 318. n. 398. Et quid in tali casu agendum, ut licitè absolvat. ibid. n. 399. & 400.

Proclamationes, seu denunciationes ante contractum matrimonii intermitti nullatenus debeat. p. 449. n. 319. Et quinam in his dispensare valeant. p. 386. n. 81.

Procurator nomine sui Principalis valide contrahit matrimonium. p. 452. n. 329. Et quænam ad hoc conditiones sint necessariæ. ibid. n. 330.

Promissa Sponsalium, qualis esse debeat. p. 367. n. 1. & seqq. Promissio facta Sponsalium est nulla. p. 369. n. 12. Promittens fidei cum defloratione Puellæ, tenetur ducere corruptam. ibid. num. 13. Nec satisfacere præcisè cum dotando. ibid. n. 14. Promittens matrimonium alteri vi-

seri vivente adhuc conjuge, an peccet. p. 411. n. 174. Et quid, si hñc solum promittat. ibid. n. 175.

Proposium aliud est formale, aliud virtuale. p. 217. n. 85. Regulariter loquendo necessarium est proposium formale & expressum. ibid. n. 86. Probabiliter ad essentiam Sacramenti sufficit virtuale. ibid. n. 87. At in praxi semper urgendum est proposium formale. n. 88. Quod debet etiam esse absolutum, firmum, & efficax saltem affectivè. pag. 219. n. 89. & 90. Insuper debet proposium esse universale respectu mortalium. ibid. n. 91. Non item respectu venialium. ibid. n. 92. Debet etiam proposium illud se extendere ad deserendas occasiones proximas, non item ad remotas tantum. ibid. n. 93. & p. 220. n. 94.

Prudentia in Confessio maximopere est necessaria. p. 323. n. 412. & 413. Quomodo hæc primo erga se ipsum, 2. quomodo ergo adstantes, & 3. quomodo erga ipsum pœnitentem principaliter sit exercenda; ibid. n. 414. & seqq. Nonnullæ Regulæ prudentialis Confessarii semper quasi ante oculos habendæ traduntur. p. 324. n. 417. Rursus aliæ quædam observandæ circa energumenos. p. 325. n. 418. & seqq. Et quomodo tractandi sint energumeni. p. 326. n. 421. Item alii, qui diabolo subscribere, præsertim quando sæpius sunt relapsi. ibid. n. 422. & seqq. Quid prudentia suadeat observandum cum personis, quæ dicunt se animas è purgatorio liberasse. ibid. n. 426. Afferuntur indicia, & quasi quædam Regulæ, è quibus prudens Confessarius possit discernere inter spiritus probatos, & non probatos. p. 328. n. 426. Non igitur omni spiritui illico credendum est. p. 329. n. 427. Prudentia dicat, vel maxime attendendum esse ad conditionem status, genium, & inclinationem pœnitentis. ibid. n. 428. qui, si sit bonæ voluntatis, secundum sententias tiores, & æquas, saluti magis proficuas est dirigendus. ibid. n. 429. Quibus ex fontibus practica prudentia sit haurienda. p. 330. n. 431.

Pueri ac Puellæ, quomodo in confessionali sint tractandi. p. 204. n. 47.

Quando, seu quo tempore restituendum sit, & cujus expensis. p. 598. n. 299. item n. 301. an restitutio fieri debeat ante absolutionem dandam. pag. 603. n. 317. potens statim restituere, an satisfacias differendo restitutionem. pag. 604. n. 319. Quidsi pœnitens sæpius jam promissit, quod velit statim restituere, & tamen non restituit. ibid. n. 319. quo modo restituendum sit. p. 598. n. 301. an possit etiam fieri sub schemmate donationis. p. 603. n. 315. quidsi res non perveniat ad manus legitimi domini ob infidelitatem alterius tertii. p. 602. n. 311.

Quantum generaliter loquendo sit restituendum. p. 518. n. 28. quantum possessor bonæ fidei teneatur restituere. pag. 519. n. 31. & quantum possessor malæ fidei. p. 521. n. 67. quantitas damni illati, quo modo indaganda sit. p. 535. n. 79. quid sit restituendum. pag. 596. n. 292.

R.

Raptus quid. p. 441. n. 290. Fœmina rapiendo vitum probabiliter non incurrit impedimentum. ibid. n. 292.

Reatus pœnæ non semper dimittitur cum reatu culpæ. p. 195. n. 21.

Recipientis nomine, quid intelligatur. p. 549. n. 122. recipiens latroneulos ad hospitiū, an teneatur ad restitutionem. p. 554. n. 138. Recipiens filiosfamilias dilapidantes bona suorum parentum, an sint obligati ad restituendum. p. 555. n. 141. recipiens ab alio & consumens id, quod putat sibi donatum, an teneatur posse restituere, si alter protestetur, se non habuisse animum gratis dandi. p. 571. n. 190.

Regulares exempti in examine absolute habiles inventi, debent absolute & illimitate approbari &c. p. 285. n. 286. & 287. Regularum superiores seu Prælati possunt pro suis subditis designare Confessarios. p. 284. n. 282. Item possunt suorum subditorum jurisdictionem limitare, præsertim in ordine ad alios Regulares. p. 289. n. 301. Regularium su-

periores, an suos subditos absolvere valeant à casibus Summo Pontifici reservatis. p. 310. n. 367. Vide *Absolutio à reservatis*.

Religio, Religionis ingressus, an, vel quomodo det causam dissolvendi matrimonium. p. 464. n. 370. & pag. 466. numer. 380.

Religiosi quantum valeant circa administrationem Eucharistiæ, præsertim tempore Paschali, & in Articulo mortis. p. 82. n. 57. & p. 86. n. 72. An Religiosis sit licitum deportare Eucharistiam ad infirmos sine lumine, vel alia pompa exteriori. p. 83. n. 64. Religiosus ad Sacros Ordines missus, an non amplius jejunos licite illos suscipere. p. 90. n. 82. Religiosus Subditus qualem intentionem applicandi Sacrificium formare debeat, & an contra voluntatem sui superioris illud valeat applicare. p. 119. n. 178. & 180. Religiosus iussus legere *ad intentionem*, an licite dividat fructus sui Sacrificii. p. 121. n. 183. & seqq. An Religiosis fas sit celebrare in loco non Saceri, vel in Camera privata, aut infirmaria. p. 137. n. 234. & seqq. item p. 141. à n. 250. an, & in quibus locis Religiosi possint erigere Oratoria. ibid. n. 251. & seqq. à quonam Episcopo debeant, aut possint petere Ordines Sacros. p. 167. n. 43. & seqq.

Religiosus, fatendo se peccasse contra castitatem, & negando se esse Religiosum, an satisfaciatur præcepto confessionis. p. 235. n. 128. Et quid, si talis fuisset simul constitutus in sacris. ibid. n. 129. Quid si etiam solis cogitationibus peccasset. p. 236. n. 130. Religiosus ab uno conventu ad alium missus, an ibi valeat absolvere penitentes. p. 235. n. 128. & 229. Quid de privilegio itinerantium. p. 286. n. 290. item p. 287. n. 294. & seqq. Religiosus limitatè dumtaxat approbatus, an valeat aliquid ultra limites sue approbationis. p. 286. numer. 291. & p. 287. n. 292. Religiosus ab Episcopo approbatus, nequit hanc jurisdictionem exercere in aliis Religiosis sine licentia superiorum Regularium. p. 239. numer. 300. Religiosus itinerans cum suis amicis, an illos in alia Diocesi valeat absolvere. pag. 295. numer. 317. & 318. Religiosus aliam Dioc-

sin peragrans, cuiusmodi valeat constitui. p. 296. n. 319. Religiosus pollutionem passus, vel etiam procurans, an, vel quando incidat reservationem. Vide *Casus reservatus*. Religiosus perceptor alterius nequit à suo Confessore ordinario absolvi sine speciali licentia à superiore obtemperata. p. 314. n. 380. Vide *Absolutio à reservatis*.

Religiosus moribundus persuadens, ut suo potius monasterio, quam alteri aliquid leget, an peccet, & ad quid teneatur. pag. 346. n. 114. quomodo Religiosus in hoc passu caute procedendum, & quid observandum. ibid. n. 115. Religiosum seducens & faciens eum apostatari, quomodo delinquant, & ad quid obligentur. p. 370. n. 185. & seqq. an Religiosus teneatur laborare post professionem, ad satisfaciendum pro debitis in saeculo relictis. p. 613. n. 345.

Repetere formam Sacramentalem, an, vel quando sit licitum. pag. 6. numer. 14. Et quando liceat reperere formam consecrationis. p. 77. n. 43. & 44. & p. 78. n. 45.

Remissio Creditoris, quomodo excuset à restitutione. pag. 608. n. 331. Remissio præsumpta, an, vel quomodo excuset. p. 615. n. 354.

Repetitio absolutiois an licite fiat. p. 203. n. 44. Et quando, vel quomodo facienda sit. pag. 204. n. 46. Non est semper repetenda confessio, quando penitens postulat sibi commutari penitentiam. p. 271. n. 243. Multo minus ex eo fine, ut penitenti obliato prioris, nova penitentia injungatur. Vide *Penitentia Sacramentalis*.

Repetitio Confessionis necessarii fieri debet (quantum ad materiam necessariam) quotiescunque aliquid essentialiter ad valorem requisitum fuit omisum in priori confessione. p. 275. n. 252. Utrum in repetitione omnia peccata quoad speciem & numerum denudò sint exprimenda. ibid. numer. 253. Non est necessarii repetenda confessio quando fuit validè peccata & obtenta absolutio, etsi non fuerit materialiter integra. p. 276. n. 254. Et quid, si Confessarius advertatur dormitasse sub actuali confessione. ibid. n. 256. Quid porro repetendum, quando dubitatur, utrum Confessarius omnia peccata sufficiat

cienter intellexerit. *ibid.* n. 257. Utrum sit repetenda confessio, casu, quo Confessarius ante absolutionem non interrogavit ea, quæ putavit esse interroganda. pag. 277. n. 258. & 260. Traditur praxis memoriam juvandi, ne audita tam facile excidant memoria ante absolutionem dandam. *ibid.* n. 259. Confessarius aliquando licitè dissimulat repetitionem, etsi pœnitens per se loquendo ad eam teneretur. p. 278. n. 261. & 262. Qui faretur se hæcenus aliquod peccatum nunquam exposuisse in confessionali, non propterea illuc condemnandus vel urgendus est ad repetitionem. *ibid.* n. 263. & p. 280. n. 270. Quænam cautelæ sint observandæ circa talem pœnitentem. p. 278. n. 264. & seqq. Traditur praxis repetendi confessionem & examinandi pœnitentem à longo tempore invalidè confessum. p. 279. n. 269. Qui mala fide quæsit Confessarium furdastum, vel ita silentiosè sua peccata narravit, ut moraliter intelligi non poruerit quoad materiam necessariam, cogens est ad repetitionem. p. 280. n. 271. Non item is, qui bona fide processit, tametsi sua peccata crassò duntaxat, seu imperfecto modo exposuisset. *ibid.* n. 272. Qui non est moraliter certus de nullitate confessionis petactæ, non tenetur eandem repetere. p. 281. n. 273. Neque tenetur aliquis repetere peccatum, quod prius bona fide velut dubium fuit confessus, tametsi ex postfacto constet, illud fuisse certò commissum. *ibid.* num. 274.

Reservatio casuum quid sit. p. 300. n. 330. Casus reservare quinam valeant. *ibid.* n. 331. & 332. Casus reservati defactò dantur diversissimi. *ibid.* n. 333. ac seqq. Reservatio alia est pœnalis, alia non pœnalis. p. 304. n. 344. Ignorantia excuset à reservatione. *ibid.* n. 345. & 346. Reservationem nullus incurrit, nisi peccet mortaliter, & quidem actione externa graviter peccaminosa. p. 307. n. 359. & 360. Neque incurrit reservationem, qui actu merè interno delinquit quantumvis graviter. *ib.* n. 361. Quando pœnitens adfert casum reservatum, non est illico concludendum, eum incidisse reservationem. p. 315. num. 383. Quid agendum, ubi pœnitens casu re-

servato obstrictus nequit habere copiam Confessarii pro reservatis approbati, præsertim si jam bona fide sit confessus apud ralem, qui non gaudet potestate in reservata. *ibid.* n. 384. & seqq. Reservationem semel legitimè sublata, potest pœnitens à quolibet Confessario absolvi. p. 316. n. 387. Vide *Absolutio à reservatis*.

Resistitio. Resistere, an, vel quando teneatur adultera. p. 484. num. 439. Et quando teneatur Adulter. *ibid.* n. 441. & seqq.

Rubricæ Missalis aliæ sunt directivæ duntaxat, aliæ etiam præceptivæ. p. 145. n. 268. an, vel quomodo peccet, qui Rubricas non observat. *ibid.* n. 269. & seqq. item p. 148. n. 277. Quomodo peccet, qui omittit *Gloria*, vel *Credo* &c. p. 149. n. 283. & seqq. Quid agendum Sacerdori, ubi prævidet, se non posse observare in Missa unam, alteramve Cereemoniam. *ibid.* n. 285. & 286. Rubricæ Missalis de Defectibus corrigendis. p. 150. n. 287.

Rudiores & Rudiores solum genericè sese accusantes, quo modo sint tractandi. p. 193. n. 13. & p. 194. n. 19. Rudiores, quomodo prædictè ad dolorem sint excitandi. p. 212. n. 72. Rudiores peccatorum oblivi & immemores, quo modo in praxi sint juvandi. p. 242. n. 151. & 152. Rudiores & ignorantes quomodo instruendi sint. p. 339. n. 459. & p. 340. n. 462. ac seqq. Coram Rudiores nihil unquam narrandum aut discurrendum est de auditis in confessionali. p. 335. numer. 500.

S

Sacerdos in statu disgratiæ ministrans Sacramentum peccat graviter. p. 9. numer. 25. & p. 10. n. 26. item p. 15. numer. 48. an teneatur præmittere Confessionem. *ibid.* n. 49. Vide *Minister Sacramentorum*. Sacerdos sacrificans, quibus Paramentis debeat esse instructus. p. 144. n. 260. & seqq. Sacerdos dubitans de valore ordinis suscepti, an in co ministrare valeat. p. 160. n. 23. & seqq. Et quid, si jam aliquos actus sui ordinis exercuisset. p. 163. n. 33.

Sacerdos solus potest esse legitimus Minister

- Act Sacramenti poenitentiae*. p. 282. n. 275. Simplex Sacerdos in mortis articulo validè absolvit. p. 298. num. 327. & 328. Quin etiam extra mortis articulum à peccatis venialibus & mortalibus jam semel legitime dimissis saltem validè absolveret. *ibid.* n. 329.
- Sacramentum quid*. p. 2. n. 1. quot sint. *ibid.* n. 2. an in lege veteri fuerit verum Sacramentum. *ibid.* n. 3. quomodo perficiantur, & quomodo ipsorum forma ac materia fuerit à Christo Domino determinata. p. 3. n. 5. & 6. Sacramentorum effectus qui sint, & quot. p. 4. n. 10. & p. 5. n. 11. quomodo sint ad salutem necessaria. *ibid.* n. 12. scienter suscipiens Sacramentum vivorum in statu disgratiæ, peccat mortaliter. p. 8. n. 22. Sacramenta petere à Ministro indigno, an, vel quando sit licitum. p. 18. n. 63. & seqq. Vide *Minister Sacramentorum*.
- Sacramentum Baptismi quid sit*. p. 23. n. 1. Vide *Baptismus*.
- Sacramentum Confirmationis quid*. pag. 48. n. 1. Vide *Confirmatio*.
- Sacramentum Extreme Unctionis quid*. p. 54. n. 22. Vide *Unctio*.
- Sacramentum Eucharistiae quid*. p. 66. n. 1. Vide *Eucharistia*.
- Sacramentum Ordinis quid*. pag. 66. n. 2. Vide *Ordo*.
- Sacramentum Penitentiae*, quomodo lapsus post baptismum sit ad salutem necessarium. p. 190. n. 4. & p. 191. n. 5. Probabilius nequit esse simul validum, & informe. p. 216. n. 82.
- Sacrificandi tempus incipit ab aurore*. p. 135. n. 225. Vide *tempus celebrandi*. Locus ordinarius celebrandi est templum. p. 136. n. 231. Vide *Locus celebrandi*.
- Sacrificium in commune, quid sit*. p. 105. n. 132. an Missa sit verum Sacrificium, & quomodo unum. p. 106. n. 134. & 137. probabilius in sola consecratione essentialiter consistit. p. 107. num. 138. Consecratio utriusque speciei est de essentia Sacrificii completi. *ibid.* n. 139. Quinam sint offerentes, & pro quibus illud offerri valeat. *ibid.* n. 140. & seqq. Quid agendum, casu quo Sacerdos sub Sacrificio infirmatur. p. 109. n. 146. & p. 110. n. 147. Et quid, si advettat, se loco vini consecrassè aquam. *ibid.* num. 148. & seqq. an sit licitum, illud offerre pro hæreticis, pro animalibus, vel aliis necessitatibus fidelium. p. 111. à n. 152. Differentia inter Sacramentum & Sacrificium, quæ. p. 112. n. 155. Et quæ differentia inter Sacrificium, Missam, & Sacramentum. *ibid.* n. 156. Sacrificii hostiæ quæ. p. 113. n. 158. & 159. Illicitum est consecrare unam duntaxat speciem. *ibid.* n. 160. Sacrificium offerri potest pro infantibus infidelibus, itemque pro Ene-gumenis & peccatoribus; non tamen pro damnatis. *ibid.* n. 161. & 163. Neminem fidelium licet excludere à fructu generali sacrificii. *ibid.* n. 162.
- Sacrificii fructus quid sit*, & quoduplex. p. 115. n. 164. & seqq. an, & quomodo sit infinitus. p. 116. n. 168. Sacrificium quomodo sit propitiatorium ex opere operato. *ibid.* n. 169. & p. 117. n. 170. Et quomodo satisfactorium. *ibid.* n. 171. Quomodo impetratorium. *ibid.* n. 172. Quæ dispositio in hunc finem: ex parte participantium sit necessaria. *ibidem* n. 173. Et quænam intentio applicandi fructum ex parte Sacerdotis. p. 118. n. 174. & seqq. item p. 125. n. 192. & 193. Sacrificium qua tale non est immediatè collativum gratiæ sanctificantis. p. 122. n. 187.
- Sagax* ex confessione priori agnitam, an Confessarius deinceps licitè declinet, surgendo ex confessionalis. &c. pag. 362. n. 518.
- Sartores*, an licitè retineant fragmenta relictus de panno &c. p. 594. n. 289.
- Satisfactio Sacramentalis quid sit*. p. 262. n. 222. Per se loquendo semper debet à Confessione aliqua satisfactio seu poenitentia sacramentalis imponi; etsi per accidens aliquando possit dissimulari. *ibid.* n. 223. & 224. Vide *Poenitentia Sacramentalis*.
- Schedula Confessionis*, an, vel quando cadat sub Sigillum. pag. 552. n. 491. & seqq. Et quando sit dandum testimonium de facta confessione. *ibid.* n. 493.
- Scientia* saltem mediocri Confessarius debet esse prædixus. p. 318. n. 591. Quænam in particulari Confessarius qua judex, qua Medicus, & qua Doctor spiritalis scire debeat. p. 319. n. 595. & seqq. Non est necessum, ut omnia illa ad suum officium spectantia sciat memoriter. *ibid.* n. 597. Scientia ex sola confessione Sacramentali comparata, an, vel

vel quando liceat uti. pag. 358. n. 506. & 507.

Scrupsus Sacerdos, dubitans de valore sui ordinis, quomodo se habere possit vel debeat. p. 360. à n. 23.

Senex, Seniculi an validè contrahant. p. 436. n. 273.

Sententias tutiores tenentur sequi Ministri Sacramentorum. p. 16. n. 53. & 54. Idque præsertim in collatione Episcopatus, & Presbyteratus. p. 173. n. 59. Quænam sententiæ circa collationem Ordinum defacto non sint tutæ. ibid. n. 60.

Sigillum Confessionis quid sit. p. 347. n. 477. Hujus obligatio fundatur in triplici jure, ut proin in nullo casu liceat illud traahere. ibid. n. 478. & 479. Oritur ex omni, & sola confessione Sacramentali. p. 348. n. 480. Sub Sigillum cadunt ea omnia, quæ confessionem rationabiliter reddere possent odiosam. ib. n. 481. Utrum, vel quando de consensu penitentis Confessarius liceat loqui cum aliis de actis, vel auditis in confessione ib. n. 482. Sigilli obligatio non oritur, quando penitens non convenit Confessarium animo confitendi, sed consilii aut solatii capiendi duntaxat. p. 349. n. 484. Oritur tamen, quando penitens vero animo confitendi accessit Confessarium, esto ob indispositionem non fuerit absolutus. p. 350. n. 485. Personam inhonestè viventem cum alio, an Confessarius sine fractione sigilli possit mittere ad Superiorem illius sc. ib. n. 487. & seqq. Schedulam confessionis negare, an sit contra obligationem sigilli. pag. 352. n. 491. & seqq. In quæxi semper amplectendæ sunt opiniones magis favorabiles sigillo. p. 353. n. 495.

Sigillum duplici modò, scilicet 1. directè, & 2. indirectè potest violari. ibid. n. 496. Quid multis exemplis & casibus declaratur. ibid. à num. 497. An liceat negare Eucharistiam peccatori, qui ex sola confessione noscitur esse indignus. ibid. n. 498. Quibus modis Confessarius sese exponat periculo violandi Sigillum. pag. 354. numer. 499. Coram hominibus rudioribus & simplicibus nunquam sunt narranda ea, quæ in sola confessione cognita sunt. pag. 355. numer. 500. Et quid respondendum sit casu, quo Confessarius interrogatur, an non

hoc vel illud peccatum audiverit in confessione. ibid. n. 501. Quinam teneantur servare Sigillum confessionis Sacramentalis. p. 356. n. 502. & 503. Penitens, an, vel quo modo teneatur ad sigillum. p. 357. n. 504. Et quid, si in confessione sollicitetur ad peccandum. p. 357. n. 505. An, vel quando licitum sit uti notitia confessionis. ibid. n. 506. & 507. Quas pœnas incurrant violatores Sigilli Sacramentalis. p. 358. n. 508. & 509. Ad averendum injustam infamiam, Confessarius in actu confessionis licetè mandet v. g. famulo aut famulæ penitenti, ut e domo discedat. p. 360. n. 514. Postea tamen si talis penitens non abeat, teneatur Confessarius se gerere, ac si nihil audivisset vel sciret de tali delicto. p. 361. n. 515. An liceat tali Confessario deinceps diligentius custodire domum, aut res suas. ibid. n. 516. & 517. Confessarius ex sola confessione cognoscens legam suo confessionali appropriantem, an sine violatione Sigilli licetè surgat, ne eam audire teneatur. p. 362. n. 518. & 519. Superioribus Regularium non licet uti notitia ex sola confessione suorum subditorum hausta ad illorum gubernationem externam. ibid. n. 520. Præter Confessarium teneatur ad Sigillum, quisquis præter vel contra voluntatem confitentis peccata audit. p. 363. n. 521. Secus dicendum de eo, cui penitens sua peccata propria sponte manifestasset, sine ordine ad confessionem Sacramentalem. ibid. n. 522. Notitia ex confessione hausta sine fractione Sigilli Confessarius licetè utitur ad propriam suam directionem, modò id faciat sine gravamine penitentis. ibid. n. 523. Et quid, si Confessarius ex sola confessione ne sciat, sibi parari insidias vitæ. ibid. n. 524. Concionatores, an, vel quomodo in Cathedra uti possint notitia ex confessione penitentium adepta. p. 364. n. 525.

Signa, quænam requirantur & sufficiant ad valorem Sponsalium. pag. 368. n. 6. & seqq.

Solemnitas, Solemnitates quæ ad matrimonium sint adhibendæ. pag. 449. numer. 319.

Sollicitatio ad peccandum, facta in confessionali, vel intuitu confessionis, gravissime

visibile est peccaminosa. p. 357. n. 505.
 Quid circa denunciationem talium sit
 observandum. ibid. Quid insuper obser-
 vandum Superiori audienti delationem
 sui subditi de hoc crimine quærelati.
 p. 359. n. 511.

Spadones uno duntaxat teste catentes sunt
 habiles ad matrimonium. p. 435. nu-
 mer. 271.

Spiritus Penitentium, quomodo discer-
 nendi. p. 328. n. 426. Vide *Prudentia*
Confessarii.

Sponsalia quid. p. 367. n. 1. Ad eorum va-
 lorem requiritur libertas perfecta. ibid.
 n. 2. gravi metu exorta sunt nulla. ib.
 n. 3. Sponsalium promissio debet esse mu-
 tua. ibid. n. 4. & 5. Et sufficienter ex-
 pressa. p. 368. n. 6. Sponsalia secunda
 contra fidem priorum inita sunt nulla.
 p. 370. n. 17. etsi priora fuissent solum
 conditionata. ibid. n. 18. aut posterior
 Sponsa jam actu imprægnata. p. 371. n.
 19. Nulla etiam sunt Sponsalia inita ex
 errore circa substantiam &c. ibid. n. 20.
 vel cum aliquo impedimento &c. n. 21.
 Sponsalia conditionata, quamdiu pendet
 conditio de futuro, sunt infirma. ibid.
 n. 24. Et quid si conditio sit impossibi-
 lis, aut tarpis. p. 372. numer. 25. & 26.
 Claustrina valent. ibid. n. 27. Spon-
 salia etiam legitima possunt dissolvi. p.
 373. n. 28. A Sponsalibus licitum est
 resilire ob mutationem notabilem super-
 venientem. p. 376. n. 43. Et quænam il-
 læ. ibid. n. 44. & seqq. Quid si dubite-
 tur, an Sponsi prævisa huiusmodi mu-
 tatione consensissent vel non? ib. n. 48.
 Quid si una pars evadat diorior &c. pag.
 378. n. 54. Sponsi vi Sponsalium tenen-
 tur abstinere ab omnibus, quæ executioni
 Sponsalium obesse possunt. pagin.
 379. n. 58. Hac ratione peccando cum
 alio vel alia probabilius committunt pec-
 catum qualificatum. ibid. n. 59. Sponsus
 etiam in casu necessitatis baptizando pro-
 lem suæ Sponsæ contrahit impedimentum
 dirimens cognationis Spiritualis. p. 405.
 n. 150.

Spurius. Spurio debentur à Parentibus ali-
 menta necessaria. p. 486. n. 446. Quæ si
 Parens iniuste denegat, possunt tacite
 compensationis titulo iuste auferri. ib.
 n. 448. Non tamen debetur eidem portio
 hæreditaria cum aliis legitimis prolibus.

p. 487. n. 450. Spurius an teneatur cre-
 dere Matri, se esse illegitimum. p. 489.
 n. 459.

Steriles. Steriles validè contrahunt matri-
 monium. p. 435. n. 270. Et eodem licitè
 utuntur. p. 470. n. 391.

Stipendium an liceat petere pro Sacrificio
 Missæ. p. 127. n. 200. Quantitas stipen-
 dii universaliter determinari nequit, sed
 attendenda est approbata consuetudo cu-
 juslibet loci. ibid. n. 201. & 202. Illi-
 citum est, partem stipendii sibi retine-
 re, & sacrum committere alteri legen-
 dum, nisi alter spontè consentiat. pag.
 128. n. 203. & 204. An Parochus sibi
 licite retineat partem stipendii majoris
 pro sacris ex fundatione debitis. ibid. n.
 205. Pro eodem sacrificio plura stipen-
 dia accipere, nefas est. ibid. numer. 221.
 Nec satisfaceret, qui propterea vellet ap-
 plicare uni fructum ministerialem, & al-
 teri fructum specialissimum. p. 133. nu-
 mer. 222. Neque in hoc excusatur pauper
 tas Sacerdotis. p. 129. n. 207. & 208.
 Multò minus Editus permixtum est, aut
 permittendum, ut sibi retineant partem
 stipendii, & alteram dent Sacerdoti pro
 sacrificio legendo. p. 133. n. 224.

Stipes. Stipitis nomine quid intelligatur.
 p. 399. n. 125.

Studiosus multis debitis gravatus, & sol-
 vendo impar, an licitè ingrediatur Re-
 ligionem. p. 612. n. 342. & seqq.

Sinisi, vel etiam suspecti de amentia, an
 sint absolvendi. pag. 202. numer. 39.
 Et quomodo sint examinandi. ibid. nu-
 mer. 40.

Stuprator, an, vel quando teneatur ad res-
 titutionem damnorum. p. 578. n. 211.
 quid si Stuprum à sola puella divulge-
 tur, & hæc propterea patiat. p. 578.
 n. 221. An consultum sit, ut puella stu-
 pratorem deferat ad Judicem. ibid. nu-
 mer. 222. quid si puella stuprata remit-
 tat injuriam. p. 574. numer. 227. quid si
 sponte consensit in copulam. p. 579. n.
 224. quid si alium falso & iniuste di-
 citet, seu nomen Patrem prolis à se
 conceptæ. p. 574. n. 229.

Subdiaconatus, materia, forma, & offi-
 cia, quæ. p. 159. n. 14. Subdiaconus du-
 bitans de valore sui Ordinis, ad quid te-
 neatur. p. 162. n. 30.

Subditus Episcopi in ordine ad recipiendos
 Ordines.

Ordines, quot modis aliquis efficiatur.
p. 171. n. 55.

Subiectum capax Sacramentorum est solus homo Viator. p. 171. n. 55. qualis intentio ex parte subiecti, seu suscipientis sit necessaria. ibid. n. 56. Vide *Intensio*. Suscipiens Sacramentum vivorum debet esse constitutus in gratia. p. 18. n. 60. & 61. item p. 20. n. 70. & 71.

Subiectum Baptismi est omnis homo Viator nondum Baptizatus, etiam parvulus. p. 37. n. 48. Vide *Baptismi subiectum*.

Subiectum Confirmationis quinam sit. p. 52. n. 18. & 19. Vide *Confirmatio*. Et quinam sit subiectum Extreme Unctionis. p. 61. n. 49. Vide *Unctio Extrema*.

Subiectum capax Eucharistiae est omnis homo baptizatus & rationis compos, non item perpetuo amentes, neque infantes ante usum rationis adepti. p. 88. n. 79. & 80. Semifatis. an, vel quando oporteat administrari Eucharistiam. ibid. n. 81. Emurgenti & Epileptici, an sint communicandi. p. 94. n. 98.

Suffragator iniquus, & dubitans an suo suffragio nocuerit alteri, an teneatur ad restitutionem. p. 556. n. 845. Suffragium negans Novitio, an peccet, vel ad quid teneatur. p. 576. n. 203.

Superior audiens delationem sui subditi de sollicitatione, quomodo debeat procedere. p. 359. n. 341. Superioribus Regularibus nequaquam licet uti notitia ex sola confessione suorum subditorum comparata, ad eosdem dirigendos in foro externo. p. 362. n. 520.

Surdus & mutus à nativitate, an teneatur præcepto confessionis. p. 236. n. 131. Et quomodo cum talibus practice sit procedendum &c. ibid. n. 133. & p. 258. n. 141.

T

Talius impudici, an, vel qualiter liceat Conjugibus. p. 470. num. 592. Item p. 474. n. 406. Rursus n. 429.

Tempus ordinatum celebrandi incipit ab aurora. p. 135. n. 225. Et quid nomine auroræ intelligatur. ibid. n. 226. quo modo hæc sit accipienda. ib. n. 227. Cuilibet Sacerdoti permittitur qualibet die semel celebrare, non tamen sæpius, nisi in Natali Domini. p. 135. n. 228. & p. 136. n. 229. defecto non amplius licet omnes tres Missas in nocte Nativitatis dicere. ibid. n. 230. celebrare ante dictum matutinum & laudes, videtur culpa venialis. p. 137. n. 238.

Capellanus aulicus, an licite celebret hora duodecima, vel prima, vel medio secundæ. p. 138. n. 239. & 240.

Tertiaria quædam habens votum simplex Castitatis, valide contraxit matrimonium, non item licite. p. 384. n. 77. & 78.

Tester, quinam possint, vel debeant assistere Sponsis matrimonium contrahentibus. p. 440. n. 286. Et quomodo debeant esse præsentis. ib. n. 287. item p. 445. n. 306.

Tonsura prima quid sit, & quinam hujus effectus. p. 139. n. 19. & 20.

V

Valor Sacrificii quid sit. p. 125. n. 164. Et quantus. p. 166. n. 168. Vide *Fructus Sacrificii*.

Vendens vicualia, vel alias merces minori pretio, ut sibi plures attrahat emprores cum præjudicio aliorum an his teneatur aliquid compensare. p. 942. n. 99. Vendens mercem vitiatam v.g. equum cæcum pro vidente, ad quid sit obligandus. p. 361. n. 160. & seqq. Vendens vinum aqua delibatum, an peccet, vel incurrat onus restitutionis. p. 562. n. 164. Vendens uni carius, quam reliquis, an peccet, vel ad quid teneatur. p. 553. n. 166. & 167.

Verba Absolutionis quomodo sine proferenda. p. 197. n. 24. Vide *Absolutio*.

Vestes, seu Paramenta sacerdotalia, quot, & quæ. p. 144. n. 260. debent esse benedicta. ib. n. 261. sine stola, aut manipulo celebrare, an, vel quale peccatum sit. p. 147. n. 274. Quid agendum, si Sacerdos talem defectum animadvertat primum in altari. ib. n. 275. & 276. Quomodo Paramenta Ecclesiastica suam benedictionem deperdant. p. 149. n. 232.

Viatum Sacrum sine lumine deportare ad infirmos, an liceat. p. 83. n. 62. & 64. An Diacono liceat administrare Viatum. p. 86. n. 73. & an sit licitum illud deportare equitando. ib. n. 74. Fideles teneantur ad sumendum S. Viatum in mortis articulo, & quinam in mortis articulo censeantur constituti. p. 99. n. 114. & 115. An, vel quando peccet infirmus, illud recusans. ib. n. 116. & seqq. Qui non ad hoc pridem sumpsit Eucharistiam, non teneatur ad S. Viatum. p. 100. n. 119. tametsi omnino laudabiliter agant, qui sæpius illud devotè recipiunt. p. 103. n. 129. An S. Viatum dandum sit plebæ ebrio. p. 101. n. 120. An etiam illis, qui vomitui sunt obnoxii. p. 103. n. 123. & seqq. Et quid agendum, casu quo infirmus

X x

Sa.

Sacras Species revomit. ib. n. 125. Precepto Ecclesiastico de Sumendo Saero Viatico non satisfiit per Communionem Sacrilegam. p. 103. n. 128. Quibusnam Personis sacrum Viaticum debeat. p. 104. n. 131.

Vinum de vite est materia Eucharistix. p. 67. n. 4. & seqq. Vinum aescens, congelatum; vel alio modo alteratum, an, vel quomodo sit materia consecrationis. p. 70. n. 16. p. 71. n. 24. & 25. Vinum nimis lymphatum consecrari non debet: & quid agendum in tali casu. p. 70. n. 19. & seqq. quid tenendum de guttulis vini, caliei adherentibus, & quid cum illis pradicte agendum. p. 76. n. 39. & 40. Vinum in calice cooperto contentum valide consecratur. p. 78. n. 46. non item repositum post parietem, vel in tabernaculo clauso. ib. n. 47.

Unctio extrema est Sacramentum à Christo institutum post resurrectionem. p. 54. n. 22. & 23. Materia remota hujus est oleum olivarum: proxima consistit in unctione, quæ debet fieri in quinque sensibus. ib. n. 24. & 25. Quæ sit forma hujus Sacramenti, & quomodo proferenda. p. 55. n. 26. & seqq. quipiam effectus ejusdem. p. 56. n. 29. & 30. Infirmitas ex delirio recusat unctionem, an sit liniendus. ib. n. 31. quidnam agendum, si oleum sacrum fuerit effusum aut dispersum. p. 57. n. 32. Et quid, si non amplius sufficiat. ib. n. 33. An error corrigendus, & repetendum hoc Sacramentum, si unctio fuit facta oleo Cathecumenorum. ib. n. 34. & 35. Et quid agendum, si Minister alicujus sensus inungendi fuit oblitus &c. p. 58. n. 36. qui voluntarie intermitteret unctionem alicujus sensus, graviter peccaret. ib. n. 37. & 38. Et quid agendum, si infirmus cateat aliquo sensu v. g. visus, vel auditus, ib. n. 39. Quæ mutatio obstat valori hujus Sacramenti. p. 60. n. 40. & p. 59. n. 41. Solus Sacerdos eam valide administrat. p. 60. n. 42. Et quid requiratur, ut etiam licite eam ministret. ib. n. 43. Parochus subditis suis rationabiliter postulantiibus tenetur eam administrare. ib. n. 44. quibusnam Cetero- moris. ib. n. 45. & p. 61. n. 46. Plures Ministri an eam simul unj administrare valeant. ib. n. 47. & 48. Quibus, & quoties administrari debeat. p. 61. n. 49. 50. & p. 64. à num. 60. Per se loquendo nullus tenetur ad hujus susceptionem, bene verò aliquando per accidens. p. 62. n. 51. & 52. An sit prius administranda infirmo, quam Baptismus infanti morituro. ib. n. 53. & p. 63. n. 74. non tene-

tur Parochus eam administrare cum periculo vitæ. ib. n. 55. An licite administraretur senibus, in quibus nondum apparet periculum mortis. ib. n. 56. Infirmitas male agitur, recusando extremam unctionem ex eo, quod credat, sibi propterea moriendum fore. p. 64. n. 58. An talis infirmus in actuali somno valide inungeretur. ib. n. 59. Infirmitas negligens procurare extremam unctionem suo infirmo, an peccet. p. 65. n. 64. *Vir* seu metus quid, & quomodo dirimat. p. 413. n. 182. & seqq.

Vomitum patientes, an sacro Viatico sunt munendi. p. 102. n. 123. Quid, si dubitetur, an infirmus sit revomiturus sacras species. ib. num. 124. Et quid agendum, si actu revomit. ib. n. 125.

Votum baptismi quid, & quomodo debeat esse constitutum, ut sit profectum ad obtinendam gratiam. p. 42. n. 70.


Votum penitentis, seu Sacramentum penitentis quomodo in voto sit necessarium. p. 191. n. 5

Votum simplex est impedimentum impediens matrimonii, & quodplex. p. 381. n. 69. & seqq. Voto simplici adstrictus, an, vel quando possit petere, aut reddere debitum. p. 382. n. 70. Et quoniam in hujusmodi votis valeant dispensare. ib. n. 71. & p. 459. n. 320. & 321. Voto ingrediendi Religionem obstrictus valide quidem, illicite tamen contraxit matrimonium. p. 385. n. 79. Unde graviter delinquit, petendo debitum intra primum bimestre. ib. n. 80. an etiam reddendo. ib. Votum solemne castitatis dirimit matrimonium. p. 393. n. 103. idq. jure duntaxat ecclesiastico. ib. n. 104. Debet votum esse perfectum. p. 393. n. 104. Voto solemni obstrictus invalide attentat matrimonium, & graviter peccat. p. 398. n. 122. Voto autem simplici castitatis ligatus, petendo debitum peccat graviter. p. 481. n. 433.

Ufus matrimonii est licitus veris conjugibus. p. 468. n. 384. Est etiam debitus, & quando. ib. n. 385. & 386. Quandoque jure denegari possit debitum conjugale. p. 469. n. 387. Ufus conjugii est licitus tempore menstrui, lactationis, & prægnationis &c. ib. n. 389. & seqq. Quæ ratione evadat illicitus. p. 475. n. 409. & seqq.

Uxor subrahens aliquod de bonis, sibi & marito suo communibus, an peccet, & ad quid teneatur. p. 589. n. 273. & seqq. Uxor, an teneatur solvere debita à marito suo contracta. p. 610. n. 346. Uxor marito debet alimenta. ibid. n. 388.







003



